


Juziñamui Ñuera
Uai



New Testament in Huitoto, Minica

Juziñamui Ñuera Uai

New Testament in Huitoto, Minica

copyright © 2011 Wycliffe Bible Translators, Inc.

Language: Minica Huitoto (Huitoto, Minica)

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Huitoto, Minica

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 11 Nov 2022 from source files dated 29 Jan 2022
740f11a2-2e26-57f5-a3a7-5deb2d20bd24

Contents

SAN MATEO 1
SAN MARCOS 64
SAN LUCAS 102
SAN JUAN 167
LOS HECHOS 210
ROMANOS 266
1 CORINTIOS 295
2 CORINTIOS 321
GALATAS 339
EFESIOS 349
FILIPENSES 359
COLOSENSES 366
1 TESALONICENSES 373
2 TESALONICENSES 378
1 TIMOTEO 381
2 TIMOTEO 389
TITO 395
FILEMÓN 399
HEBREOS 401
SANTIAGO 426
1 PEDRO 432
2 PEDRO 440
1 JUAN 445
2 JUAN 451
3 JUAN 452
JUDAS 453
APOCALIPSIS 456

JUZÍÑAMUI ÑUEFUE SAN MATEO LLOGAFUE El Santo Evangelio Según San Mateo

*Jesucristo nánoramaci
(Lc 3.23-38)*

¹ Benomo cuega mámeciai Juzíñamui Jító Jesucristo nánoramaci. Jesucristo jaiái illaíma David náiraímona comuídimie. Daje izói afémie David nánoramie Abraham náiraímona comuídimie.

² Afe Abraham Isaac moo, íemo jíái Isaac Jacob moo. Iemo Jacob Judá ie ámatiairi íaioi moo. ³ Iemo Judá Fares Zara diga íaillinoi moo. Afe íaillinoi ei Tamar. Iemo Fares Esrom moo. Iemo Esrom Aram moo. ⁴ Iemo Aram Aminadab moo. Iemo jíái Aminadab Naasón moo. Iemo Naasón Salmón moo. ⁵ Iemo Salmón Booz moo. Afe Booz ei Rahab. Iemo Booz Obed moo. Afe Obed ei Rut. Iemo Obed Isaí moo. ⁶ Iemo Isaí illaíma David moo. Iemo illaíma David, Urías tiilla mei Urías ai ote. Iemo David íaillinoi jító Salomón.

⁷ Iemo Salomón Roboam moo. Iemo Roboam Abías moo. Iemo Abías Asa moo. ⁸ Iemo Asa Josofat moo. Iemo Josofat Joram moo. Iemo Joram Uzías moo. ⁹ Iemo Uzías Jotam moo. Iemo Jotam Acáz moo. Iemo Acáz Ezequías moo. ¹⁰ Iemo Ezequías Manasés moo. Iemo Manasés Amón moo. Iemo Amón Josías moo. ¹¹ Iemo Josías Jeconías naa ie ámatiairi moo. Aféruillaído Israel nairai Babilonia éniemo lláviano uigáiaioi.

¹² Afe mei Jeconías Salatiel moo. Iemo Salatiel Zorobabel moo. ¹³ Iemo Zorobabel Abiud moo. Iemo Abiud Eliaquim moo. Iemo Eliaquim Azor moo. ¹⁴ Iemo Azor Sadoc moo. Iemo Sadoc Aquim moo. Iemo Aquim Eliud moo. ¹⁵ Iemo Eliud Eleazar moo. Iemo Eleazar Matán moo. Iemo Matán Jacob moo. ¹⁶ Iemo Jacob José moo. Afe José, María ini. Aféngomona comuide Jesús. Afémie jíáici Cristo.

¹⁷ Be daíí Abrahámona Davidmo itígima catorce méidigimaiaí. Daje izói David illágimamona Israel nairai lláviano Babilonia éniemo uillágimamo catorce méidigimaiaí. Iemo jíái afénomona catorce jíáigima Cristo comúllanomo.

*Jesucristo comuílafue
(Lc 2.1-7)*

¹⁸ Jesucristo jocoina bie izói joide. Ie ei María ja jícanogango Josemo iníreillena. Nai José diga íñena llezica, María Juzíñamui Ñuera Joreño ríinodo, ja úruereacade. ¹⁹ Ie ini José ñue jaícina ítímie, mei íadi uáfodo comini eróicana Mariana oni dotáacañede. Mei jíáifodo báinino buna onóñeno aféngona oni fiécade. ²⁰ Biemo coméciilla llezica, ie ínia anado ángel dainámie, Juzíñamui abi ímie íemo cíocaide. Iena daide:

—José, David izíe ímie, meáiruñeno o iri. María o aiza o oíri, mei afengo jocolle jító Juzíñamui Ñuera Joréñodo comuídeza. ²¹ Afengo jító jócoite; ie mei Jesuna ie mámei jítaíto. Afémie daíí mámecireite, mei ie comíina íaioi fiénidifuemona jilloiteza, —daide.

²² Nana bie íficaide, jaiái Juzíñamui uai jino llóraíma dainana ñue ícoímo fúitallena. Afe uai llóraíma bie izói daide:

²³ Nai inínide jitaíngo úruereacade; íemona jító cómuite.

Afémie mámeçi Emanuel daiille.
Afeci daiíacade, Juzíñamui cai diga ite.

²⁴ José nicáirillamona cazíllano Juzíñamui abi ímie íemo ocuilla izói finode. Maríana ie ai izói ote. ²⁵ Mei íadi María jító jócuano, afe íaillinoi ua ini izói íñédaillinoi. Jócuano Jesuna ie mámeçi jítade.

2

Magos daiñámaci ucúduaido ráfuenta baitádino Jesuna méiñuaibitiaioi

¹ Jesús Belén jófuego jococa. Afe Belén Judea éniemo ite. Aféruillaído Herodes aféniemo illámmana ite. Iemo dáamaci jítoma billáfene imaci Jerusalemo dúcíaioi. Afémaci ucúduaido ráfuenta baitádino. ² Dúciállano jicánotiaioi:

—¿Ninomo ite jococa Judíuai illaíma? Mei jítoma billáfenemo ie illano onótate ucúduna ciódicaiza. Afémie cáimadollena benomo biticai, —daií daiíaiioi.

³ Bífuenta Herodes fídiamona, afémie comeci lícicide. Daje izói jíai nana Jerusalén comini áfemo comeci lícioidiaioi. ⁴ Iemona Herodes nana letáiraini illaíni, íemo ocuica uaillai llófuetino diga dáanomo járillano jicánote. ¿Mei nie jófuego afe Cristo jécille? ⁵ Jira íena daiíaiioi:

—Afémie Belén jófuego jécille, mei jaiai Juzíñamui uai llóraini bie izói daídeza:

⁶ Belén jofue Judá éniemo ite.

Afe éniemo ite jamánomoide jófueмона afe Belén dinó dúeñeite;

mei afénomo cue nairai Israel úiñoite illaíma cómuíteza, —daií daiíaiioi.

⁷ Afe mei Herodes ucúduaido ráfuenta baitádinona báinino uáídote. Uáiduoano íaioimo jicánote: “¿Níie monado afe ucúduna ciódiomoi?” ⁸ Íaioi llua méífomo, Belemo íaioina orede. Oriano íaioina daide:

—Afénomo omoi jai. Jaillano afézana ñue jaícina omoi jicánori. Afeza omoi báiaði, cuemo lluaíbiri, mei afézana cáimaduaiaicadicue, —daide.

⁹ Afe illaíma daií íaioina daina mei, ucúduaido ráfuenta baitádino jáidiaioi. Ie mei jítoma billa dibénemona íaioi ciona ucudu, meine abido íaioina ífóicaide. Ífóicaállano afe úrue illánomo mózizaide. ¹⁰ Baitádino afe ucudu mózizaállana cióállano, iere cáimacaidiaioi. ¹¹ Iemo afeco eromo jaillano, afézana ie ei María diga cióidiaioi. Iemona afézamo cañici ana dújuállano, íena cáimadotiaioi. Afe mei íaioi atica raa túiñuano, afézamo fecádiaioi. Ua oro, íemo uguci, íemo “mirra” daina ráifide ziórede raa, afézamo fecádiaioi. ¹² Afe méífomo, Juzíñamui nicáirillado íaioimo llote; Herodes illánomo íaioi jáiñeillena íaioina daide. Afemona oni jíaie iodo íaioi éniemo jáidiaioi.

Jesús moo íaillinoi Egíptomoo bótaja

¹³ Ucúduaido baitádino meine jailla méífomo, Juzíñamui abi ímie (ángel daiñámie) nicai anado Josemo cíocaide. Cíocaállano íena daide:

—¡Náidacai! Náidacaállano úrue ie ei diga Egipto éniemo omoi bota. Afénomo cue daiille dinó omoi iri. Mei Herodes bie úrue fállena jénoíteza, —daide.

¹⁴ Mei jira José náidacaállano, úrue naa ie éioiri naio Egíptomoo botádiaioi.

¹⁵ Afénomo ua Herodes túille dinó itíaioi. Bie izói íficaide, Juzíñamui uai llóraíma jaiai daina uai ñue ícoimo fuitállena. Afe uai be níie: “Egíptomona cue Jitó uáidotícue.”

Herodes nana úruiaina fazítate

16 Iemo Herodes ucúduaido baitáдино afémie jifánodoiana fidíillano, afémie jamánomo ríicaide. Iemona nana Belemo ite mena fimona fuitade úruiaina fazítate. Afe jofue áinodo ite úruiaina daje izói fazítate. Naui ucúduaido baitáдино úrue jocóinana Heródesmo llua izói, mena fimona fuitade úruiaina fazítate. 17 Bie izói jaiái Juzíñamui uai llóraíma Jeremías lloga uai fuite. Be níuui:

18 Rama jófuego zúurede uai cácacaite; cáillicaiili eia uai cácacaite.

Nairai uzuma Jacob ai Raquel báifene jica ia cómuitaga úruiairi éhena.

Aféngomona jica ia úruiai cómuitatino eia jaca buna fíranide, mei afengo úruiai fazílliaioiza, daí Jeremías daide.

19 Mei afe Herodes tilla méifodo Juzíñamui abi ímie nícai anado batí Egíptomo Josemo cíocaide. Cíocaillano íena daide:

20 —¡Náidacai! Náidacaillano úrue naa ie éioiri abido Israel éniemo omoi jairi, mei naui baie fáiacadino nana ja tíidiaioi, —daide.

21 Afemona José afe úrue naa ie éioiri abido Israel éniemo jáidiaioi. 22 Mei íadi Arquelao ie moo Herodes ifomo illáimana íllana fidíillano, José afe Judea éniemo jáillana jacíruite. Iemo Juzíñamui nícai anado afémiemo llúamona, afémie afénomo jáiñeno Galilea éniemo jaide. 23 Afe Galiléamo dúcia méifodo, Nazaret jófuego fiébizaide. Bifue bie izói joide, jaiái Juzíñamui uai llóraíma daina uai ñue ícoimo fuitállena. Be níuui: “Jesús Nazaret ímie daífrena.”

3

Juan Bautista táizicimo rafue jino llotte (Mr 1.1-8; Lc 3.1-9, 15-17; Jn 1.19-28)

1 Aféruido Juan Bautista Judea éniemo ite táizicimo lletámaizabite. 2 Daide: —Omoi comeci ífuiái mai méidori, mei monamo ite Juzíñamui illáimana íllirui ja íanori íteza, —daide.

3 Bie Juan jaiái Juzíñamui uai llóraíma Isaias llogámie. Afémie jica ia bie izói Juaado cuete:

Ficire úritimie uai táizicimo cácacaide.

Afémie daide: “Juzíñamui bille io ñue fínua izói, omoi comeci ñue omoi finori.

Afémiemo io jaícina dénuu izói,

Omoi comeci íaífuiaí omoi féitari”, —daide.

4 Aféruillaido Juan jítáogairoi camello itíraiaí nínaroi. Ie ciraigi ife rille igoi finoina. Afémie jaca fíuái rifirede. Daje izói cíiji jírofirede. 5 Jerusalén comini afémie úrillamo cacáreizaíbitiaioi, daje izói nana Judea énie imaci, íemo jíái Jordán imani abi comini ie úrillamo cacáreizaíbitiaioi. 6 Íaioimo ite fiénidífuiaí jino íaioi llua méifomo afe Juan Jordamo íaioina báutizade.

7 Mei íadi fariséuaimona, jíái saducéuaimona aillo comini Juan diné ie báutizajanomo bitiaioi. Afémaci bíllana Juan cóillano, íaioina daide:

—¡Titade jaíóniaimona comuídino izóidíomoi! Ja ánozide duere ze-fuállífuemona omoi botállena ¡bu omoi llua? 8 Omoi comeci ífue méidoiacanana ñúefuedo uáfodo jino ácatari. 9 Dani ómoimona “Abrahámona comuídínodicaí cai íllamona Juzíñamui íena iticaí,” afe izói daíñeno iri, mei táinoza. Mei bie nofíciaimona, Juzíñamui jítáíadi Abraham comínina comúitaredeza, daí ómoína daidicue. 10 Fiénide amena tiéllena jata jicaída jóonia izói, fiénidino

duere finoille jae ñue mameca. Nana figo llizíñede amena tíano iraimo zocana uillano jobaica. (Tiéñrega zena izóidiomoi.) ¹¹ Uáfueña bimaci comeci ifue íaioi méidua jira, jáinoido íaioina báutizadicue. Mei jáífodo cue méifodo bíitimie, comínina Ñuera Joreño úicaitaite. Daje izóí iraimo raa ñue zia izóí afémie comínina íainino ñue fínoite. Afémie iere cue baimo ríinorede, cue bie jamáimedicueza afémiena dama ñue jacíruiredicue. ¹² Afe cue méifodo bíitimie arroz biájidimie izóí ja ie llocofe llícabite. Afémie arroz bíamona ícuai oni eneno ua izóí, ñúemacimona fiénidinona oni eneno óite. Ñúemacina ie illánomo ñue ráiruute, mei jáífodo fiénidicuai izóidinona jaca dúñeite iraimo jóbaite, —dinori Juan úrite.

Jesús báutizaina

(Mr 1.9-11; Lc 3.21-22)

¹³ Jesús Galiléamona imani Jordamo Juan illánomo bite, afe Juan ie báutizallena. ¹⁴ Jesús bítemo Juan íena báutizaacañede. Jira Jesuna daide:

—Cue bie odo báutizaregacue. ¿Ñibái mei cue dinena bitio? —daide.

¹⁵ Jira Jesús íena daide:

—Dama daiñadeza, birui cue daína izóí fino, mei nana Juzíñamui jítaina izóí finóredicocozá. Afe coco finolle cócomo ñue jóbide, —daide.

Iemona Juan ja fairíote. ¹⁶ Afemona Juan Jesús báutizade. Báutiza mei Jesús jáinoimona jino bite. Afe llezica mona raire tújjicaide. Afe dáaruido Jesús Ñuera Joreño fiiciri ana billa izóí billana ciode. Afémiemo ráinazai bite. ¹⁷ Mei íemona monámona daa úrilla uai cácaide. Afe úrilla daide:

—Bie iere cue izíruiga Jitó. Afémiemo jamánomo ióbioidicue, —daide.

4

Taife Jesús facátate

(Mr 1.12-13; Lc 4.1-13)

¹ Afe mei Ñuera Joreño Jesús táizicimo uite, afénomo Taife afémie fiени facátallena.

² Afénomo Jesús cuarenta dígarui güñeno ite. Mona naio diga afénomo güñeno ite. Afe mei afémie iere jamánomo jufñaita. ³ Ie jufñaila llezica, Taife Jesús facátallena áinozide. Iena daide:

—Ua Juzíñamui Jitona o íadi, mai bie noñiciai paana mei fino, —daide.

⁴ Jira Jesús uai ote:

—Jaiai Juzíñamui Cuegáuai daide: “Fia güñlledo come ínide, mei jáífodo nana Juzíñamui lloga uaido írede,” —daide.

⁵ Iemo Taife Jesuna ñuera Jerusalén jófueño uite. Afénomo ite gairíracó emódomo caifo jica Jesuna uite. ⁶ Uillano íena daide:

—Ua Juzíñamui Jitona o íadi, benómona ana batí mai ticai, mei Juzíñamui Cuegáuai bie izóí dáideza: Juzíñamui ie abi imácina ona uíñotaite.

Íaioi ónoido ona moziñoitiaioi, o éiba noñiciaimo íziñeillena, —daide.

⁷ Jira Jesús uai ote:

—Jaiai Juzíñamui Cuegáuai nane daide: “O ocuide Juzíñamui mai facátáñeno,” —daide.

⁸ Nane dáanomo Taife iere caifónedumo Jesuna uite. Afénomona Taife nana éniemo ite náiraina ie ácatate, naa íaioimo ite ebíredifuiari. ⁹ Iemo nane íena daide:

—Cañícido cue anamo dújuano cuemo o caimátaiadi, nana bie omo íitícue, —daide.

¹⁰ Mei jira Jesús daide:

—Taife, mai oni jai, mei Juzíñamui Cuegáuai dáideza: “Dama ocuide Juzíñamui o caimátairena. Dama afémie ocuífíregamiena o iri,” —daide.

¹¹ Afemona Taife Jesús fáicanocaillano oni jaide. Afe mei dáarie Juzíñamui abi ímíai Jesuna cánuaibite.

*Jesús Galilea éniemo como fueñe tájizaide
(Mr 1.14-15; Lc 4.14-15)*

¹² Jesús Juan Bautista llavénana fidíllano, oni Galilea éniemo jaide. ¹³ Mei íadi Nazaremo fiébiñeno, Capernaum jófueño jaide. Afe jofue Galilea jorai fuédamo ite. Iemo afe jofue Zabulón éniemo ite. Daje izói Naftalí énie áinomo ite. ¹⁴ Jaiái Juzíñamui uai llóraima Isaias lloga uai ñue fuitállena, bie izói íficaide. Afe uai daide:

¹⁵ Zabulón énie, Naftalí énie diga áillue jóraimo jóide io áinori ite.

Afénie Jordán ruicáfellemo ite.

Afénie judíoñedinomo dúide Galilea daína énie.

¹⁶ Aféníaiamo ite comíni jítinomo itino izói Juzíñamuina onóñediaíoi.

Mei íadi ja birui afémaci como aillo egáíñotena ciódino izói, Juzíñamuina uáfodo onódiaíoi.

Iemo jíai afe tíide izói Juzíñamuina ónoñedino jae egáíñogaiaíoi, Juzíñamui zíiñoa illífuena íaíoi maiñóllena.

¹⁷ Afe mei Jesús jino comíno ie llófuelle uai fueñe tainede. Daide:

—Omoí comeci ífuaí méidori, mei monamo ite Juzíñamui illáimana illirui áinozideza, —daide.

*Jesús cuatro dígamie facófíredino uáidote
(Mr 1.16-20; Lc 5.1-11)*

¹⁸ Jesús Galilea jorai fuédado macádemo, mena ama íaillinoína baite. Dámie mámece Simón, afémie jíáfodo mameína Pedro. Jíáie baigámie mámece Andrés. Afe íaillinoí facóraini. Afe llezica llóiji jóraimo dotádiaillinoí. ¹⁹ Iemo Jesús íaillinoína daide:

—Mai cuedo bí, comíni llófuellena íaíoi jénoitimiena ómicoína jóneitícue, —daide.

²⁰ Íaillinoí llóiji fiénocaillano afémiedo jáidiaillinoí.

²¹ Nane afe báifenemo Jesús mena jíáie ama íaillinoína cíozaide. Afe íaillinoí Zebedeo jító Santiago Juan diga. Afe íaillinoí áillue nocaemo ie moo diga íaíoi llóiji ñue finódiaíoi. Jesús íaillinoí uáidote. ²² Afe llezica, áillue nocaemo íaillinoí moo fiénocaillano, Jesudo jáidiaillinoí.

*Jesús nágagobiaímo aillo comíni llófuete
(Lc 6.17-19)*

²³ Afe mei Jesús Galilea éniemo nágafenedo jaide. Nana Juzíñamui uai llófuerracuáimo llófuerte. Afémie Juzíñamui illáimana illirui ñúefuedo jino llócaide. Daje llezica nana jíáfodorie irárede comíni jíllotate. ²⁴ Nana Siria éniemo Jesús finoca ñúefuiai jalleide. Iemona Jesumo jíáíforiede dúicuaímo duere zefuédino atídiaíoi. Iemo jíáíforie izi cácadino, íemo fiénide jóriai uícaigamaci, íemo chémemo raamo jíridino, íemo tízitaitino, nana bie izóidino Jesumo atídiaíoi. Iemo nana afémacina Jesús jíllotate. ²⁵ Iemona diga

jiáinuiaimona bitíaiói Jesudo jáillena. Galilea éniemona bitíaiói, íemo Decapólis jófuiaimona bitíaiói, íemo Jerusalén naa Judea éniemona bitíaiói. Daje izóí imani Jordán ruicáfellemona Jesudo bitíaiói.

5

Caifónedumona Jesús lloga are uai

¹ Jesús afe aillo iedo jáidinona cíoilano, caifónedumo ráinazaide. Iemona ie llófuegamaci afémie abido ofídaiói. ² Afe mei Jesús bie izóí como íaióina llófuete:

Caimare ióbidino (Lc 6.20-23)

³ “Comeci dinena dúeredicai” daífiredino ióbidiaíói, mei monamo ite Juzíñamui illáimana illarui afémacimo dúdeza.

⁴ Comécina zúuredino caimare itíaiói, mei Juzíñamui íaiói fíraiteza.

⁵ Comécina mánaidino caimare ióbidiaíói, mei Juzíñamui jica ia íaióiena mameca énie máíñoitiaíóiza.

⁶ Júbiena méinegamie iere güacana izóí, Juzíñamui comece jítaina izóí iere íacadino caimare ióbidiaíói, mei Juzíñamui afe íaiói íacanana izóí íaiói illena afémacina cánoiteza.

⁷ Jáímacimo dúecaifiredino caimare ióbidiaíói, mei Juzíñamui íaióimo dúecaiteza.

⁸ Comécina íainidino caimare ióbidiaíói, mei Juzíñamuina cíoitiaíóiza.

⁹ Icírafuena oni orédino caimare ióbidiaíói, mei Juzíñamui afémacina “Cue jítódiomoi” dáíteza.

¹⁰ Juzíñamui jítaina íaiói fínuari duere zefúidino caimare ióbidiaíói, mei monamo ite Juzíñamui illáimana illarui íaióimo dúdeza.

¹¹ Comini omoi báíñua, omoi duere íaiói fínua caimare ióbidíomoi. Daje izóí cue ícoínia taino uaillai ómoimo íaiói nitáadi caimare ióbidíomoi. ¹² Afena náfueneño ióbicana caimare omoi iri, mei monamo ite áillue ebíredífue jírídóitiomoiza. Mei jaíai nai omoi íñena llezica ite Juzíñamui uai llóraini daíí duere finóllena racácaiaíói.

Sal ñue fínua izóí, afe izóí comini ñue finódinona itíomoi; daje izóí bínie egáíñotínodíomoi

(Mr 9.50; Lc 14.34-35)

¹³ Omoi, sal izóí, bínie comini ñue finódinona itíomoi. Mei íadi sal ie ríino íñenia güillena caimáretañede. Afe ríinonide sal ¿minícado meine ríiretade? Jaca meine ríiretaninamona jaca ráííñede. Comini zaizíllena macáranomo dotárega.

¹⁴ Omoi finoca ñúefuiai fínuaomona, bínie comini ñue íllena egáíñote raa izóídiomoi. Iemona caifónedumo ite uáfori cíocaide jofue jaca retáidonina izóí itíomoi. ¹⁵ Uneca mechera nogo eromo retáidollena unéñediomoi. Mei jáífodo caifo uáfori cíoidinomo uneda ráinafiredíomoi, jofu eromo itínomo ñue egáíñollena. ¹⁶ Afe izóí ómoimo Juzíñamui comuítaga omoi finófirega ñúefuiai jino comini eróicana finócana omoi uiri. Daíí omoi ñue finócafuiaína ñue íaiói cíoillesa. Uáfori íaióimo cíotari, monamo ite omoi Moomo ñúefuiai íaiói jónellena.

Jesús Moisés ocuica uai dibéndo llófuete

17 “Moisés ocuica uai cáitajaibite,” daí cuemo omoi comécíñeno iri. Daje izói jaiái Juzíñamui uai llóraíma llófuia féitajaibiñedicue. Jaca afe uailíai féitajaibiñedicue, mei jiáifodo afe uailíai ñue ícoímo fúitaibiticue. 18 Uáfueña ómoina dáititicue, mona naa énie diga nai fúíñeille dino bie ocuica uáillaimona daa uai oni ónide. Nana áfemo lloga ífcaitífuíai nai zuíñena llezica, afe uailíai jaca líte. 19 Ie jira afe ocuica uáillaimona daa uai iere duere íadí dáamie náfueñenia, monamo ite Juzíñamui illáimana illáruimo afémie jamáimena jáite. Daje izói afémie náfueñena izói jiáímacina “Cai náfueñeilli” daííadi, iere jamáimena jáite. Mei jiáifodo aféuailíai náfuetinona íemo jiáímaci afe uaina náfuetadinona, “Bimaci Juzíñamui illáimana illáruimo jamánomoidinona,” daíille. 20 Mei biruí ómoina dáititicue: Juzíñamui jitáinana ñue ícoímo fuitállena, ocuica uai llófuetino, fariséuai diga iere áfena nícdotiaoi. Mei íadí íaiói nícdoga baimo omoi fínoñenia, monamo ite Juzíñamui illáimana illáruimo dúcíñeitiomoi.

Jesús comini icírilla dibénedo llófuede
(Lc 12.57-59)

21 Omoi jaiáidigimaci dáinana cacádiomoi. Afe dáina be ñue: “Jiáimana titáñeno iri, mei jiáima titádimie jicánuano duere finolle.” 22 Mei íadí afe emódomo nane dáititicue. Ninó dáamie ie aino come diga icírria, afémie áferi jicánuano duere finolle. Daje izói ie ámana íaire daídímie Jamánomo Ríillaini afémie jicánuano duere finolle. Iemo jíai ie ámana “O abina onóñedimiedio,” daííadi afémie áferi jaca ninomo dúíñede iraimo orérede.

23 Iemona Juzíñamuimo o úriacana llezica, daje izói afémie mo fia fecácaga raa o izájiacana llezica, o aino come diga o icírillamo o uibíoicaíadi, 24 afe o izájiacaga raana izáíñeno iri. Fueñe afémie diga ñue o finori, caimare uái ómicoi illena. Afe ñue ómicoi fínua méifomo, o izájiacaga raana fecáredio. Ja Juzíñamuimo úriredio. 25 Iemo jiáífuemo omoi cacai. Íaíue omo mamédimie diga raire o úrizairi, afe íaíue záilleza. Jicánoracomo nai ona uíñena llezica, mai jino io anamo ñue ómicoi záitari, jicánoraimamo o ie úíñeilleza. Daíí o fínoñenia, afe jicánoraima fiénidino llaitáfiredinomo ona izájite. Iemo afémaci ona llavéracomo íbaitiaoi. 26 Uafue ona dáititicue, o llavétatímie jicaca úcube ie jíajaja dieze o íbañenia, afécomona jaca jino bíñeítio, —daidicue.

Jesús comini finoca jiruífue dibénedo llófuede

27 Jaiái daináuai cacádiomoi. Afe be ñue uai. Jiáie ringo diga jiruídoñeno o iri. 28 Mei íadí ómoina daidicue: Omoimona dáamie ringomo eróicana fiéni comeci facáadi, afémie jae afengo diga ie comécido jiruífue finode.

29 Mei o ciona raamo o éroillamona fiénidifuemo ona baítaia afemo eróíñeno o iri. Ua, o uíji nabeji o fitajamona o eróinino o illa izói, afe izói o fiéniruitate raamo eróíñeno o iri. Afe uíji júbene o fítañenia izói, fiénide raamo éroillano o fáicanocaiñenia o abina nana iraimo dotátaite. Ie jira o abímona daa íeizi íñena izói, nana o abi táinocaille baimo iere ñuera. 30 Daje izói o finóacanafuíai fiénidifuemo ona baítaia, aféfuíai finóñeno o iri. O onoi nabezi o jáitajamona aféfuíai o finónino o illa izói, afe o fiéniruitate ráfuaiaina o fáicanocairi. O jáitañenia izói, o fáicanocaiñenia, o abina nana iraimo dotátaite. Ie jira o abímona daa onoi íñenia izói, nana o abi táinocaille baimo iere ñue ite.

*Come ai dótafirena dibénedo Jesús llófuete
(Mt 19.9; Mr 10.11-12; Lc 16.18)*

³¹ Daje izói jiáie jaiái daina uai bie izói joide: “Ninó daa come ie ai dotáadi, afe bie ringona benómona óñeiticue dainabe aféngomo irena.” ³² Mei íadi birui ómoína daidicue: Dáamie ie ai dotáadi, afémie aféngona jiruítetaite. Mei íadi daa ráfuedo dotárede. Afefue be ñie: Afengo inírede ia jiáie ima diga íadi afengo dotárede. Daje izói dotácango aina otímie afe úamona afémie afengo diga jiruífue finode, mei Juziñamui eróicana, afengo nai fueñeidimie ai.

Jesús táinona uafue daiíllena Juziñamui mámeçi llínuado llófuete

³³ Daje izói omoi jaiáidigimamona cacádiomoi. Afe be ñie uai: “Juziñamui eróicana ie mámeçi o llínuano o dáinana ñue ícoimo záitari.” ³⁴ Mei íadi birui ómoína daidicue: Uafue daiíllena jaca mona mámeçi llínonidiomoi. Mona Moo Juziñamui illánoza, áfedo iere uafue daiíñeno iri. ³⁵ Daje izói énie íbogido uafue daiíñeno iri, mei aféniena Juziñamuimo jaináideza; fia ie idai jóonera izóideza. Daje izói o llógana uafue daiíllena Jerusalén mámeçi llínoñeno iri, mei afe jofue Nahíllaímamo, ua Juziñamuimo dúideza. ³⁶ Daje izói dama o ífócido uafue daiíñeno iri, mei o ífótirai úzetiraina méidonidiomoi, daje izói jítitiraina orénidiomoi. ³⁷ Iemona jiáie uaina nabáiñeno “Jíi fñoiticue” daiíri. Mei jiáífodo “Jíi fñoiñeiticue” daiírena. Uafue daiíllena bie izói o daina baimo jiáie uaina o nabáiadi afe uai Taifémoma bite.

*Jiáímamo íba úado Jesús llófuete
(Lc 6.29-30)*

³⁸ Daje izói jiáie jaiái nanómona dáinana cacádiomoi. Afe daina be ñie uai: “Dáamie jiáimie ui fitáadi afe íbana afémie ui fitárega. Daje izói dáamie jiáimie ízido ditáadi afe íbana afémie ízido ditárega.” ³⁹ Mei íadi birui ómoína daidicue: Dáamie fiéni omoi finóadi, íbana afémiemo riire úriñeno o iri. Mei jiáífodo dáamie o uéco putáadi daje llezica enéfene putari íena o daiíri. ⁴⁰ Dáamie taino omoi jítajano, o caifófero bairóadi, afe llezica o jinófenemo jítárai caifófero diga naga afémiemo o fecari. ⁴¹ Daje izói dáamie mei policia izóidimie méere de raana daa kilómetro riífuedo o abítaiadi, afe baimo mena kilómetros ícriñeno o úiri. ⁴² Nane dáamie raa ómoimo jicáadi, afe íemo o fecari. Jiáimie “Nano íanori cuemo fia feca” daiíadi, afémiemona oni jíjicaíñeno o iri.

*Cai ícírillamacina izíruiredicai
(Lc 6.27-28, 32-36)*

⁴³ Daje izói jaiái nanómona daina uaina cacádiomoi. Afe be ñie uai: “Omo caímare úrífrenamiéna izíruiri, íemo o ícírillamiéna éoiri.” ⁴⁴ Mei íadi birui ómoína daidicue: Omoi ícírillamiéna omoi izíruiri. Omoi faidódimiéna caímare íemo omoi finori. Omoína éoidinona ñue omoi finori. Omoi báínotino, íemo jiái ómoína fiéni finóacadino diga afémaci íena Juziñamuimo omoi jicari. ⁴⁵ Daií omoi íllemona monamo ite omoi Moo Juziñamui jítótaiena jáiitio. Mei afémie ñuemaci ie jítómana egáiñotadeza, daje izói jiáie fiénidimaci íena egáiñotadeza. Íemo, comécina jaícina jóidinomo afémie nocina biítate, daje izói comécina jaícina jóiñedino íena nocina biítate. ⁴⁶ Mei dani ómoína izíruitinona omoi izíruíadi, ¿áfemona minica jírídoitio? Jaca jírídoñeitiomoi. Omoi jámairuiga gobierno raiñoca úcube llínofiredino da afémaci izíruitinona izíruitiaioi. Afémaci baimo izíruirediomoi. ⁴⁷ Dama omoi ámatiai caímare

omoi uáidoiadi, ¿niie ñúefue finódiomoi? Juzíñamuina onóñedino bie izói illa. Afémaci baímo nana comini caimare uáidorediomoi. ⁴⁸ Monamo ite omoi Moo Juzíñamui íaifuenide comécina figomiéna illa izói, afe izói omoi iri.

6

Jesús cai finófrega ñúefuiai dibénedo llófuete

¹ Jesús nai úrite; daide: Omoi finófrega ñúefuiai comini eróicana afémaci ómoimo cáimacaillena omoi finóñeno iri. Daí omoi finóadi monamo ite omoi Moo Juzíñamui ómoína minicana jirídotañeite. ² Ie jira dúeredino o cánua llezica nana comini lloñeno, uái daí omoi canori. Jino omoi macáraomo, daje izói Juzíñamui uai llófuériraco eromo diga táinora abi ínotino bífirediaíoi. Afémaci comeci figóñedimaci illa llezica jino finócafuiaimona ñúemacina eróidiaíoi. Íaíoi finua izói finóñeno omoi iri. Afémaci daí finófirediaíoi jíaimaci íaíoido ñue úrillena. Mei uafue ómoína daíticue: Comini íaíoido caimare úrillado, íaíoi jirídoacaga raana jae íaíoi jirídoga. ³ Mei jíáfodo dúeredinomo daa raa o fecalle llezica o izíruga aino cómemo lloñeno uái daí o fecari. ⁴ O finófrega ñúefue báinino o finori. Iemona o Moo Juzíñamui o báinino finoca raana cóiteza. Afemona óiéna mameca raana o jirídotaiteza.

Jesús Juzíñamuimo úrillado llófuete (Lc 11.2-4)

⁵ Juzíñamuimo omoi úrilla llezica, abi dñé ñue cóoidimaci finua izói finóñeno omoi iri. Afémaci Juzíñamui uai lloraco eromo caífo naidáillano ficírede uaido Juzíñamuimo úrilla izói finódiaíoi. Iemo jofue cígimo ite aillo comini ofiranomo daje izói finófirediaíoi, comini íaíoina cóillena. Uáfueña ómoína daíticue, afe bie comini íaíoido ñue úrillado, íaíoi jirídoacaga raana jae jirídotiaíoi. ⁶ Mei jíáfodo Juzíñamuimo o úrilla llezica, o jofo eromo jaillano o naze ibairi; íemo afénomo o diga ite Moo Juzíñamuimo o úriri. Afemona o Moo Juzíñamui o báinino úrilla uaina cacáillano, óiéna mameca raana o jirídotaiteza.

⁷ Juzíñamuimo o úrilla llezica, Juzíñamuina onóñedino finua izói, taino uaillai diga icaiño lloñeno o iri. Afémaci bie izói comécidíai: “Are cue úrillado Juzíñamui nibai cuemo cacáreite,” daidíaíoi. ⁸ Afémaci izói íñeno o iri, mei nai o jítaille raa o jicáñena llezica o Moo Juzíñamui uícodo onódeza. ⁹ Ie jira bie izói afémiemo omoi úrifireiri:

Cai Moo Juzíñamui, monamo itio; o mámeçido ñúefue nitácaza.

¹⁰ O illáimana illirui raire bíiteza.

Dinomo monamo o comeci jítáillafue íaíoi finua izói, afe izói bie éniemo finótaíbiteza.

¹¹ Cai nágarui jitaiga gülleníai, birui caímo fecari.

¹² Cai finoca fiénidífue iba caímo oñeno iri, mei afe izói jíaimaci fiéni caímo finódiaíoi íadi, afémacimo íbana oñédicaí.

¹³ Íaífue mo cai baíñíllena caína uíñori.

Iemo afe llezica nana fiénidífuaímona caína jíllotari.

Mei bínie comini jaca o illáimana illa anamo itíaíoi.

Afémaci illáimaillena ríino jaca omo ite.

Daje izói jamánomo ñue ébífue jaca omo ite.

Ja daíftadeza.

14 Mei uafue, ómoimo fienu finódino finoca fiénidifueña omoi féitaia, afe izói monamo ite o Moo o finoca fiénidifueña féitaite. 15 Mei íadi aféfuiaí omoi féitañenia, omoi Moo omoi fiénidifueña féitañeite.

Jesús comini fimairilla dibénedo llófuete

16 Iemo nane Jesús daide: Dama Juziñamuimo izire omoi comeci facállena güllena güiñeno omoi fimairilla llezica, omoi uiecona zuure finóñeno omoi iri. Jinofene ñue cíoina mei íadi comécina íáiredino daí finódiaioi. Iaiói fimairilla llezica abina iere zuure finódiaioi, comini íaioina cíoilano “Baie fimairitino,” íaioi daíllena. Uafue ona daíticue, afe izoide comini íaioina dánado íaioi jiridoacaga raana jae jiridotiaioi. 17 Mei jíáfodo güiñeno o fimairilla llezica o uieco ñue jocori; o ifo ñue júiri, 18 ona comini “Baie fimairitimie” daíñeillena. Iemona o diga ite báinidena cíófirede Juziñamui, áfena dama cíuille, íemona afémie áfena ona jiridotaite.

*Monamo cai jirídollena ofítaredicai
(Lc 12.33-34)*

19 Iemo nane Jesús daide: Biniemo aillo ráaniaina ofítañeno o iri, mei biniemo diga raa ícuaí güífiregaza, íemo jíáie raana ráataífiredeza, íemo jíái merífiredino merífiredeza. 20 Mei jíáfodo Moo Juziñamui jítainana o finófireiri; caífo monamo ie illánomo ñúefuiaí o ofítari, mei afénomo ite raana ícuaí güíñédeza, íemo jíái afeno raa zabíñede, íemo afénomo merífiredino meríndiaioi. 21 Mei uáfueza, o gaíga raa ofítajanomo dáanomo daje izói o comeci íteza.

*Cai illafue ñue egáñote raa
(Lc 11.34-36)*

22 Ñúefuemo o comécilla omo ñue egáñote raa izoide. Jira bobaie egáioinamona o uído cíonana o íóbitaja izói, afe izói ñúefuiaí o jítaígana o comeci ífueña caimare itátaite. 23 Mei íadi ñúefuemo o comécíñenia, fiénidifuedo mácaja izói itio. Nana o comeci ífue zuure íteza. Mei Juziñamui omo jóonega ñuera comécido dama fiénidifueño o comécíia ñí jamánomo jíitífono o illa izoide. ¡Ñí jamánomo jíitirena!

*Juziñamuimo cai jainaina llezica úcubemo jaináinidicai
(Lc 16.13)*

24 Daje llezica mena ocuídímie anamo buna ínide, mei ménamiede anamo o íadi dáamie éoitio, íemo jíámie izírúitio. Daje izói dáamíemo ñue tájítio, mei íadi jíáimiena jímairúitio. Afe izói Juziñamuina abi o náamataja llezica úcubemo abina náamatanidío.

*Juziñamui ie úruiaina jáidinona ñue úíñote
(Lc 12.22-31)*

25 Jira ómoína daíticue, nágarui omoi jitaiga güille naa jirolle diga áfemo comeci faiñeno omoi iri. Daje izói daa o jíalle inícuíromo comeci faiñeno omoi iri. Cai ñue illafue güille baímo ráífide. Daje izói cai caana abi iníroi baímo ráífide. 26 Mai monamo feede ófocuizaimo omoi comécíiri. Afémaci güílleniaina riñédiaioi. Daje izói llíziena jofo oñédiaioi, íemo jíái güille ñue finóranomo ofítañediaioi. Mei íadi monamo ite omoi Moo afémacina ecáfírede. Omoi bie ófocuizai baímo iere ráífina. 27 Omoimona, comeci iere fáiamona ¿mei bu ie zairilla caífono medio metro zairirena? Buna jaca daí ínide. Dama Juziñamui

ona dinori o zairítaja. Afe izói o güíllena ócuite, jira áfemo comeci faiñeno omoi iri.

²⁸ Iemo jiái çnibái mei inícuirromo iere comeci fáifirediomoí? Jazícimo ite záfiamo omoi coméciiri. Raamo táijjiñediaioí, daje izói iníroina iníñediaioí. Mei íadi iere ebire cóidiaioí. ²⁹ Iemona ómoína dáitícue jaiai illáima Salomón iere ráarede íadi, bie záfia ebírena izói, ebírediroina jítáñede. ³⁰ Mei Juzíñamui ráitíaimo ebire cóitaiadi, afémie ómoimo jeruíñeno iníroina jítaite, mei afe ráitíai íanori ebire eróideza. Iemo afe jíairuido ja jobáicza.

³¹ Iemona nana jiáie raamo comeci faiñeno omoi iri. “Cai güille iníedeza, çminica güíticai?” daiñeno omoi iri. Daje izói jiái “çMinica jíroiticai?” daiñeno omoi iri. Iemo jiái, “Iníroinidicaiza, çminica jítaiticai?” daiñeno omoi iri. ³² Mei uafue, bíniemo ite Juzíñamuimo iníñede comini bífuiaimo iere comécidiaioí; mei íadi omoi Moo monamo ite. Afémie bie izoide raana omoi jítáillana onode. Jira ómoimo iníede raamo comeci fáinidiomoí.

³³ Mei íemona Juzíñamui illáimana illáruimo duide raamo raire uícodo járitáifireiri. Daje izói jiáie ie ocucafue raire uícodo omo fínofireiri. Afe mei nana bie omoi jítaiga raana óitíomoí. ³⁴ Uire jiti cómutifuemo comeci faiñeno omoi iri, mei uire aferui dama ie comeci uille ráfueniai átiite. Nágaruillaído comuide comeci faille ráfuiiai ja figo báiteza, baimo nabáinide.

7

Jiáima jánana fienu úriñeno o iri (Lc 6.37-38, 41-42)

¹ Juzíñamui ómoimo izire jícanoñellena, mai jiáima jánana fienu úriñeno o iri. ² Mei jiáima jánana riire o úrilla izói, afe izói Juzíñamui riire ómoimo jícanoite. Jiáimamo raana fácano omoi feca izói, afe izói afémie ómoimo fácano fécaite. ³ çMei ñie izói o ama uimo ite jéenide ráaruaina códio, mei íadi afe dáaruído dama o uimo jéerie rarúnguai íllana náfueñedio? (Afena dáiacade: Aillo fiénidifue omo illa llezica, çñie izói due jiza oni nibéfodo baíidímie jánana úrinedio? Urinidio.) ⁴ Iemo afe jéerie rarúnguai dama o uimo íadi o ámana çñie izói daiñedio: “O uimo ite jéenide ráaruai cuena otátari”? Daiñidio. ⁵ çAbi ñine ñue cóide comécina íairedimedio! Fueñe dama o uimo ite jéerie rarúnguai óíri. Afe o ua mei, afe o ama uimo ite jéenide ráaruaina jino óredioza.

⁶ Juzíñamui ñue finoca raa, Juzíñamuina íairuitinomo fecáñeno iri; fecádiomoiniadi áfena jámairuillano afémaci ómoína títaitaitiaioí. Daje izói perla izoide ráifidifuiiai meróniai izoide íaifuiairedinomo lloñeno iri; llotíomoiniadi meróniai ríiríifirena izói bimaci ómoína uáitaíbitiaioí. Afe izoide ñúefuiiai fienu íacadinomo llónide.

Juzíñamuimo cai jícalte bie izói jóide (Lc 11.9-13; 6.31)

⁷ Mai omoi jícarí, íemona Juzíñamui ómoimo fécaite. Mai omoi jenori; báitíomoiza. Nazémona camare omoi uáidori; ómoimo tuizábiteza. ⁸ Mei jícadímie llínoteza. Daje izói jenódimie báiteza; íemo jiái nazémona camare uáidotímiemo túigaza.

⁹ Mei ómoimona dáamie ie jító pan jícaja llezica çmeita nóficina írede? çJaca ínide! ¹⁰ Iemo afémie chamu jícaja llezica çmeita jaiona írede? çInide! ¹¹ Mei fiénidinodicai íadi, ñuera raa cai úruiaimo fécajana onódicai. Mei íadi afe baimo

monamo ite omoi Moo, afémiemo jicádinomo jamánomo ñuera raa fécajana onode.

¹² Mei íemona omoi jitailla jáimaci íaioi ómoimo fínua dieze, dájeze afémacimo finórediomoi. Mei Moisés ocuica uai bie izói jóideza. Daje izói jaiai Juziñamui uai lloraini cuega uai afe izói jóideza.

Rillírede monamo duide io rafue
(Lc 13.24)

¹³ Mei afe rillírede monamo duide iodo omoi jai. Niné táinocaitaitinomo jóide io iere áilloo. Daje izói áfeo boilla jamánomo áillue. Afeodo aillo comíni jailla. ¹⁴ Mei jáífodo zíñona cai cáailinomo jóide io jáicina jóide íadi rillírede. Daje izói áfeo boilla rillírede. Afeodo jáidino dúemaci.

Naga amena ie llizíledo onórede
(Lc 6.43-44)

¹⁵ Diga comíni “Juziñamui dibénedo úriticai” daídíaioi, íadi taino llotíaioi. Afe izoide comínimona abí omoi rairuiri. Afe bimaci ebire jiféidino izói ómoimo bitíaioi. Uáfueza, illáinide ovéjaiai izói ómoimo bitíaioi, mei íadi comeci dine illáirede jánallari izóidino. ¹⁶ Afémaci finócafuiaido íaioina uáfodo ónoitiomoi. Mei jíirede ñecínamona jíricue óñegaza. Daje izói jíirede monáigimona jíficolliai óñegaza. ¹⁷ Mei daíi nana ñuera amena ñue llizide. Daje izói nana fiénide amena fiénidíjiaina llizide. ¹⁸ Ñuera aménamo fiénide ráajiai llizínide. Daje izói fiénide aménamo ñuera ráajiai llizínide. ¹⁹ Nana ñuera ráajiaina llizíñede amena tíano iraimo jobaica. ²⁰ Bie izói baie ómoimo bitínona íaioi finócaigafuedo uáfodo ónoitiomoi.

Nana comíni monamo ite Juziñamui illáimana illíruiamo jáiñeitiaioi
(Lc 13.25-27)

²¹ Nana cuena “Ocuíraima” daífiredino monamo ite Juziñamui illáimana illánomo jofo jáiñeite. Dani monamo ite cue Moo comeci jitaillana finódino jofo jáirena. ²² Aféruillaimo dúcia llezica, diga comíni cuena daíitíiaioi, “Ocuíraima, Ocuíraima, o mámedico úrifiredicai. Daje izói o mámedico fiénide joríaina jino orédicai. Daje izói o mámedico ciórainina raana uaido comúaticai.” ²³ Mei íadi afémacina daíitíicue: “Jaca ómoína onóñedicue. Diga íaifuiai comúidiomoiza, cüemona oni ii,” daíitíicue.

Ménade jofo nillino rafue
(Lc 6.47-49; Mr 1.22)

²⁴ Mei afe bie izói joide. Cuena cacádimie íemo cue ocuícana finódimie jofo nillana baitádimie izoide. Afémie mairídinomo ie jofo nite. ²⁵ Riire noci biide, íemo ille riire renaide, íemo riirede jairifo afécomo jáiñode; mei íadi afeco jáiñode, mei mairide éniemo nígaza. ²⁶ Mei jáífodo cuena cacádimie mei íadi cue ocuícana finóñedimie jofo nillana figo baitáñedimie izoide. Afémie ídiaidinomo ie jofo nite. ²⁷ Afe mei riire noci biide, íemo ille riire renaide, íemo riirede jairifo jáiñode. Iemona afécona jáinode. Nana ana baiíllano due fiébiñeno niné táinocaide. Jesús dinori úrite.

²⁸ Jesús úrilla méifomo, nana comíni ie llófuemarillari caimare fáigacaidiaioi, ²⁹ mei riinoredimie izói íaioina llófuezeza. Jaiai ocuica uai llófufiredino riinonide llófuia izói afémie llófueñede.

8

Jesús chíñaitimie jállotate
(Mr 1.40-45; Lc 5.12-16)

¹ Jesús caifónedumona ana billa llezica, diga comini afémiedo jáidiaioi. ² Iemo irárede chíñaitimie Jesumo áinozide. Afémie Jesús anamo dújuillano daide:

—Ocuíraima, o jitáidi bie duícona cúemona oréredio. Cúemona oreri, —daide.

³ Iemona Jesús ie ónoido afémiena jétano daide:

—Jii, ona jállotaiacadicue. Benómona ja íainitioza, —daide.

Daí daina llezica ie iráretade chiie jacáibicaide. ⁴ Iemo Jesús íena daide:

—Cácarei, bifue bumo lloñeno iri. Dama lletáriraimamo o abi o ácatairi. Afe llezica Moisés ocuica o abi ja íainide daítate raa afénomo mai o fecari. Afemona nana comini o chiie ja jacáillana ónoítiaioi, —daide.

Romano illaíma ocuífíregamiena Jesús jállotate
(Lc 7.1-10)

⁵ Capernaum jófúemo Jesús jailla llezica, Romano illaíma Jesumo billano izire jicade:

⁶—Ocuíraima, cue ócuífírega jitócome iere irárede. Batí jofomo bíide. Afémie tízери iere jamánomo izi cácade, —daide.

⁷ Jira Jesús íena daide:

—O jofomo jaillano afémiena jállotaiticue, —daide.

⁸ Jira illaíma Jesús uai ote:

—Ocuíraima, cue jofomo o jáillena, cue iere jamáimiedicue. Jicana o uaido o ocuiri, afémie jilloilleza. ⁹ Mei dama cue jíáillaíma uai anamo iticue. Daje izói cue anamo cue úiñoga fuíriraini ite. Dáamiena “Bi” cue daía, afémie bírede. Jáámiena “Jai” cue daía afémie jaide. Daje izói cue ocuífíregamiena “Bie fino” cue daía, afémie áfena finode, —daide.

¹⁰ Jesús áfena cacáillano, caímare fáigacaillano afémiedo jáidinona daide:

—Uáfúena ómoína daidicue: Nana Israel náiraimo bie izói ínote come jaca baiñédicue. ¹¹ Omoína daidicue, nágafenaiamona aillo oni jicánemaci bíítiaioi. Afémaci monamo ite Juzíñamui illáimana illánomo jofo ráinazaillano, daane Abraham, Isaac, Jacob diga güítiaioi. ¹² Mei íadi fueñe jáiredino, jino jítinomo dotálliaioi. Afénomo afémaci iere éenaicana murímurítiaioi, —daide.

¹³ Iemona afe illáimana daide:

—Mai o jofomo jai. O ínuaze íteza, —daide.

Daí daina llezica afe irárede jitócome jállode.

Jesús Pedro jifaiño jállotate
(Mr 1.29-31; Lc 4.38-39)

¹⁴ Afe mei Jesús Pedro jofomo jaide. Afénomo Pedro jifaiño abi cuaríllari irare bíinana cióizaide. ¹⁵ Iemo Jesús afengo onoi llínua llezica ie abi cuarilla llícaide. Afemona afengo náidacaillano afémaci jitailla bai atide.

Jesús aillo iráredínuaí jállotate
(Mr 1.32-34; Lc 4.40-41)

¹⁶ Aferui jítoma jímaicaidemo diga fiénide jóríai ogano Jesumo atídíaiioi. Iemona daade uaido afe fiénide jóríai jino orede. Daje izói nane nana duícotaidínuaí afémie jállotate. ¹⁷ Nana bie izói zúide, jaiái uai lloiraíma Isaías

lloga uai fuitállena. Be afe uai: “Cai íraníai afémie uite. Daje izói cai dúicuai afémie oni orede.” Daí Isaías llote.

Jesudo jáiacadino bie izói írediaíoi
(Lc 9.57-62)

Afe mei jorai fuédamo illa llezica, ¹⁸ diga comini Jesús abído nágafene gairíllana cóillano, afémie “Mai jorai ruicáfenemo cai jai,” daíde. ¹⁹ Iemo ocuica uai llófueraíma Jesumo billano daíde:

—Llófueraíma, nana o jáiacana diné odo jáiacadicue, —daíde.

²⁰ Jira Jesús ie uai ote:

—Nana jazici rílleniaí uái ífireíllino ite. Daje izói caifodo féedinuiaí uái íaíoi ráíillino ite. Mei íadí Nanoíde íima Jitódicueza, dáanori uái cue illino íñede, —daíde.

²¹ Iemo jáíe ie llófuegamacimona dáamie íena daíde:

—Odo jáiacadicue, mei íadí fueñe cue ore cue moo tílle dinó cue ílleza, íemo íena ráíiacadicue; afe méífomo odo jáíticue, —daíde.

²² Jira Jesús ie uai ote:

—Mai cuedo bí. Juzíñamuimo náfueñedíno tíide izóídímaci; mai mei jadíe ua tíítimie afémaci ráíllezza. O cuedo bí, —daíde.

Jesús jáirifo naa jorai bagua diga llícaitate
(Mr 4.35-41; Lc 8.22-25)

²³ Ie mei Jesús naa ie llófuegamaci diga áíllue nocaedo jáidiaíoi. ²⁴ Afe mei jorai ruicáfenemo jáidiaíoi, daa jamánomo rírede jáirifo náidacaílla. Afe jáirifomona jorai bagua afecae acóníllaina íbáiacade izoide. Mei íadí afe llezica Jesús ínide. ²⁵ Iemona ie llófuegamaci íe cazítatiaíoi. Cazítajano íena daídíaíoi:

—¡Ocuíraíma, cai jíllota! ¡Ja buízaidícaíza! —daídíaíoi.

²⁶ Jira afémie uai ote:

—¿Níbái mei íere jacínaitíomoi? ¡Omoi nai figo íñoñedíomoi! —daíde.

Iemona afémie náidacaíllano jáirifo naa jorai diga lletade. Daí íe dáina llezica jorai bagóñeno uái ite. ²⁷ Iemona afécaemo ítímiíai caímare fáigacaídiaíoi. Fáigacaíllano daídíaíoi:

—Bie mei, ¿ñíe come? ¡Bímie dáina uaina jáirifo naa jorai diga ínote! —daídíaíoi.

Gerasa éniemo ite fiénide jóriai úicaíga íaíllinoí rafue
(Mr 5.1-20; Lc 8.26-39)

²⁸ Afe mei Jesús jorai enéfenemo Gerasa éniemo dúcidemo, mena íima raíáfuaímona Jesús diné bite. Afe íaíllinoí fiénide jóriai úicaíga. Afe íaíllinoí jamánomo jacire ílláírede. Afedo jóide íodo buna jáínide. ²⁹ Jesús afe íaíllinoí lleta llezica caíllíoidiaíllinoí:

—Jesús, Juzíñamui Jitódioza. ¿Níbái mei cócomo jíricaidí? ¿Nai aferui dúcíñedemo benó coco duere íínuaiíbítio? —daídíaíllinoí.

³⁰ Afe llezica afe áínori tóica meróníai güítíaíoi. ³¹ Jira afe fiénide jóriai Jesumo izire jícadíaíoi:

—Bie come íaíllinoímona jíno cai o oréadí, táínomo oréñeno baie meróníaimo cai orerí, —daídíaíoi.

³² Jira Jesús íaíoiína daíde:

—Mai afénomo omoi jai, —daíde.

Afe fiénide jóríai afe íaillinoimona jino billano meróniaimo jaide. Afe mei afe meróniaí jorai arimo ite íconido jabida jóraimo cocídíai. Afénomo coróbaizidíai.

³³ Temona afe meróniaí úínotino jacínaillano botádíai. Jófuego dúcillano nana aféfuíai llotíai. Daje izóí fiénide jóríai uícaiga íaillinoimo finócafue llotíai. ³⁴ Temona nana afe jofue comíni Jesús illánomo jáidíai. Afémiena cíoilano, afe íaií éniemona oni jáillena izire jicádíai.

9

Jesús tizitaitimie jillotate
(Mr 2.1-12; Lc 5.17-26)

¹ Afe mei Jesús áillue nocaemo ana jaillano jorai enéferaimo ruica jaide. Iemo dama ie jófuego dúcide. ² Afénomo tizitaitimie Jesumo atídíai, naa ie bírallu diga. Afémaci ínuana Jesús cíoilano, iráredimiena daide:

—Cue izíruigamie, mai caimare ii, mei omo ite fiénidífuíai jae dógaza, —daide.

³ Jira ocuica uai llófuetinomona dáarie comeci anado daidíai: “Bímie baie jáímie fiénidífuíai dóina dánado Juzíñamuina icíritade.” ⁴ Jesús afémaci comécido dánana onóillano daide:

—¿Níbái mei fiéni omoí comeci facádiomoi? ⁵ Mei daí daina ménade uáimona ¿ñíe uai íere llotáinina? Afe ménade uai be níie: O fiénidífué muiñócaza. Iemo jáíe uai bie izóí daina: Náidacaillano, maca. (Íiraie uai jamánomo llotárede, mei omoí eróicana íficaideza.) ⁶ Ie jira Nanoide íma Jitódicueza, bíníemo cue illa llezica, comínimo ite fiénidífué cue muiñolle ríino jino ómoimo cíotaitícué, —daide.

Afemona afe tizitaitimiena Jesús daide:

—Mai náidacai, náidacaillano o bírallu llínota o jofomo jai, —daide.

⁷ Afemona tizitaitimie náidacaillano, ie jofomo jaide. ⁸ Nana comíni áfena cíoilano íere jacínaitíai. Afemona Juzíñamuimo ñúefuena nitádíai: “Mei Juzíñamui áillue ríino bie cómemo fecádeza,” daidíai.

Jesús Mateo uáidote
(Mr 2.13-17; Lc 5.27-32)

⁹ Jesús afénomona oni jaide. Jaillano Mateo dainámiena cíode. Afémie gobierno íbátaga úcube llínoraima. Ie jira afe úcube oránomo ráide. Jesús íena daide:

—Mai cuedo bi, —daide.

Ie jira afe Mateo náidacaillano iedo jaide.

¹⁰ Afe jáíruido Jesús naa ie llófuegamaciri jofu eromo íaií güilla llezica, aillo jáíe úcube llínofiredino naa jáíe fiénidíno dánonomo güitíai. ¹¹ Mei íadi Fariséuai áfena cíoilano afémie llófueganomo jicánotíai:

—¿Níbái mei omoí llófuetimie úcube llínofiredino diga naa fiénidínori güite? —jicánotíai.

¹² Afena Jesús cacáillano, íaíoina daide:

—Íociredino iránidíno daje izóí manóriraímana jítaiñedíai, mei jáífodo iráredíno manóriraímana jitailla. ¹³ Bie jaiíai Juzíñamui Cuegáuai dánana omoí onóizairi. Afe be níuai: “Conímana omoí duéruillena daje izóí cuena omoí duéruillena jítáidícué. Mei íadi omoí fatá cuemo ía fecaca

ríllenai; jitáñedicue,” daide. Ie jira dani ñüemacina abi mamédinona uáiduaibiñedicue, mei jiáifodo fiénidino íaioi comeci ifue méidollena biticue, — daide Jesús.

Iaioi fimairillena Jesumo jicánotiaioi
(Mr 2.18-22; Lc 5.33-39)

¹⁴ Afe mei Juan Bautístado jáidino Jesumo dúcillano jicánotiaioi:

—Mei cai bie fariséuai diga ¿ñibái fimairitagacai, mei íadi o llófuegamaci fimairiñediaioi? —daidíaioi.

¹⁵ Jira Jesús uai ote:

—¿Airena rafue llezica áfemo uáidogano, meita zúurenari güñidiaioi? Daíñe deza; ringo otímie íaioi cigimo illa llezica caimare güítiaioi. Mei íadi ringo otímie íaioimona báruai;billirui dúciite. Aféruído comeci zúurenari güíñeitiaioi. Ringo otímie izói birui cuedo jáicadino cigiri iticueza, —daide.

¹⁶ Jesús nane jiáie onótatífue llote:

—Jaca ninomo dáamie tífoñegaraimona jaitada jácaie inícuromo nitáñediaioi. Daíñe nitáadi afe cómoroi jácaroina fiene finode; mei nai jócoñega cómoroi jofo jainánuamona jácaroimo ite cúaidinona aillo oni cuatácana jaide. ¹⁷ Daje izói comue vino jácara igorai finoina iciru izoide raamo totánide. Dámie daíñe totáadi afe comue vino afe jácara iciruna eroide raana cúataite. Afemona afe iciru naa vino diga táinomomo fáifite. Iemona comue vino comue igorai finoina iciruna eróidemo jónefirega. Iemona afe naga ñue éenoga. (Afe bie dánado Jesús ie comue llófueinafue, íemo íaioi jaiái llófuegafue dáanomomo íñonide, dáanomomo náfuenide, íaioimomo llófuete.)

Jairo jiza íemo jiáingo Jesús iniroi jétaibitíngo Jesús jíllotate
(Mr 5.21-43; Lc 8.40-56)

¹⁸ Jesús bífuiaido úrilla llezica, judío illaíma Jesumo dúcide. Dúciillano, afémie anamo fueco dine bíjicaillano daide:

—Cue jiza ja tíide, mei íadi o bíllaza, mei aféngomo o onoi bítaibiri afengo jílloilaza, —daide.

¹⁹ Afe jira, Jesús náidacaillano afémie diné jaide naa ie llófuegamaciri.

²⁰ Afémie iodo jailla llezica, jiáie iráredíngo afémiemo bite. Afengo afe irárenamona doce diga fimona dícotaitaite. Jesús comini cigido rillire jailla llezica, afengo Jesús jinófene dinena ie iniroi fueda jétaibite. ²¹ Mei afengo comécido daide: “Daa ie iniroi cue jetáadi jíllotitíue,” daide. ²² Iemona Jesús meine abido gírecaillano aféngona cíoillano daide:

—Ízíruiango, caimare o iri. O íñuamona ja jíllodíozá, —daide.

Daíñe dáina llezica afengo jíllode. Afemona afengo ja íocírede.

²³ Jesús illaíma jofomo dúcia llezica, aillo comini come tíllari cáillicailli; éediaioi. Afe llezica jiáimaci toticai zuure fúudiaioi. ²⁴ Jesús áfena cíoillano daide:

—Benómoma oni omoi jai. Afeza tíñe deza fia inide, —daide.

Afémie dánari comini íemo zadáidiaioi. ²⁵ Mei íadi Jesús afémacina jino orede. Oriano jofo jaide. Jofo jaillano afe tídingo ónoído líñnote. Líñnuva llezica afengo caífo náidacaide. ²⁶ Iemona Jesús finócafue nana afe éniemo itígobiaido jíca jalleide.

Jesús mena úñidímie jíllotate

²⁷ Afénomona Jesús jáidemo, mena uínidimie ie óodana caillícana bite. Daidíaiillinoi:

—Davidmona comuídímie Juzíñamui oreca Mesía ímie, mai cócomo dúecai, —daidíaiillinoi.

²⁸ Afe mei Jesús jofo eromo jáidemo, afe íaillinoi Jesumo dúcide. Iemo Jesús íaillinoína daide:

—Cuemo ómicoi jíacáfuena finóredicueza ¿meita ínotiomicoi? —daide.

Jira afe íaillinoi daide:

—Ocuíraíma, jíi ínoticoco, —daidíaiillinoi.

²⁹ Iemona Jesús íaillinoi ui jetánota daide:

—Ómicoi ínua dieze, ómicoímo cómuiteza, —daide.

³⁰ Dái ie daina llezica, íaillinoi ui ñue cóide. Afe mei Jesús íaillinoína riire daide: “Bie ómicoímo cue finócafue bumo lloñeno ómicoi iri,” daide.

³¹ Afena afémie rairuide íadi, afe íaillinoi jino billano, nana afénomo Jesús ui mánuana llócadaíillinoi.

Jesús uáinidímie jíllotate

³² Afe mei Jesús afénomona jáidemo, fiénide jóríai úcaiga uáinidímie, Jesumo atídíai. ³³ Iemona Jesús afe fiénide jóríai jino orede. Afemona uáinidímie ja úrite. Aferi comíni caímare fáigacaillano daidíai:

—Bie izóidífueña jaca Israel nairai cígímo cióñedícaí, —daidíai.

³⁴ Mei íadi fariséuai daidíai:

—Jesús dama fiénide jóríai illaíma ríinodo afe úcaigamie fiénide jóríaina jino orede, —daidíai.

Jesús comínimo dúecaide

³⁵ Afe mei Jesús nana aféníemo ite jófuiaimo naa onífedo itícuaido llófuiaide. Afénuíaimo ite Juzíñamui uai llófueriracuaido llófuete. Afémie Juzíñamui illáimana illarui ñuera rafue llocana uite. Iemo nana jíáíforiedemo izi cácade iráredínona jíllotate. ³⁶ Meita nana daíi itínona cóillano, afémacimo Jesús dúecaide, mei úñoñegano izóidiaíoi. Ie jira oni ráide ovéjaíai izóidiaíoi. Afémaci duere finócaíai, daje izóí duere zefuide buna ráiruiñegano izóí itíai.

³⁷ Afemona Jesús ie llófuegamacina daide:

—Uáfueza, jacáfaimo ite raa ailla llezica jofo óitino íñena izóí, birui Juzíñamui illáimana illánomo jofo órega comíni aillo ite. Mei íadi afémaci jofo óitino figo íñede. (Afe jofo óitino jíáímacimo ñúefue llóitino.) ³⁸ Ie jira jacafai Naama izóidíniemo jíáie ñúefue llóitímacina omoí jícarí, afémaci afémie oréllena.

10

Jesús doce dígamie ie oni oréllino nízedo (Mr 3.13-19; Lc 6.12-16)

¹ Afe mei Jesús doce dígade ie llófuegamaci uáidote. Uáiduano fiénide jóríai comínimona oni orelle ríino íaíoi mo fecade. Daje izóí nana jíáíforiede duico ogano jíllotalle ríino afémacimo fecade.

² Be afe doce dígadímaci oni oréllino mámeiciai: Nánoramie Simón, dáamiena Pedro daina, íemo ie ama Andrés, íemo Zebedeo jíto íaillinoi Santiago Juan díga, ³ íemo Felipe, íemo Bartolomé, íemo Tomás, íemo gobierno íbátaga úcube llánoraima Mateo, íemo Alfeo jíto Santiago, íemo Lebeo dáamie mámeici Tadeo,

4 Íemo ñere Járidotimacimo jaináidimie Simón, íemo uire Jesús fécaitimie Judas Iscariote.

*Jesús ie llófuegamaci jáígobaiamo llófuellena orede
(Mr 6.7-13; Lc 9.1-6)*

5 Jesús bie doce dígamiena ie oreacana llezica íaioi táijille izóí llote. Daide: —Judíoñedino éniemo omoi jáiñeno iri. Daje izóí Samaria éniemo ite jófuiamo jáiñeno iri. 6 Mei jáífodo Israel náiraímo ovejai férailla izóí féraitinomo omoi jairi. 7 Monamo ite Juzíñamui illáimana illruí ánozillana llocana omoi uiri. 8 Íraredinuai omoi jíllotairi. Tíidinuai meine abido omoi cáatari. Daje izóí íaire chíñaitimíaina ñue omoi finori. Daje izóí comínimo ite fiénide jóriai jino oreri. Bie izóí omoi táijille ríinona raiñóñeno ómoimo fecádicue, íemona áfedo jáíamacina raiñóñeno omoi canori.

9 Jabe omoi jaille llezica úcubena uñeno iri. 10 Omoi cirítico uñeno iri. Jaca daa o abimo jídíroi díga jairi. Daje izóí ídaí icona uñeno iri, íemo jáí macara jigüida uñeno iri. Mei jáíamacina omoi cánua jira, áfemo tájiraima jaca raiñóñeno écafiregaza.

11 Omoi jáillinomo ite comíni jófuemo omoi dúcia llezica, ñue ínofiregamie illano omoi jeno. Afénomo nai oní omoi jáíñeille díno uái omoi iri. 12 Jofo jaillano, afémaci ñue daí uáidori. “Caimare uái omoi iri,” afémacina daíri. 13 Afe jofo comíni caimare omoi llínoiadi, omoi afémaci ie ñue mameca uai afémacimo fiébiteza. Mei íadi omoi daina uaina afémaci nafueñenia, afémacimo omoi mameca ñue uai abido ómoimo bíteza. 14 Mei íadi afémaci ómoína llínoacañenia, daje izóí omoi llógamo cacáreacañenia, afe jofómona, daje izóí afe jófueмона oní omoi jai. Omoi jailla llezica omoi éibamo ite íaie afémacimo teténocairi. Afedo íaioi comécimo ite íaifue nai íaioimo íllana ónoítiaioi. 15 Mei ua ómoína dáitícue, íraicaiño riire jícánolliruimo dúcina llezica, bie ómoína ruifíruite comíni, Sodoma Gomorra díga jofue comíni duere zefuilla baímo, íere duere finólliaioi.

Cristo ícoínia duere cai zefuillíue

16 Omoi cacai. Ovejai illáirede jazici jico cígimo ória izóí ómoína orédicue. Jaio abí rairuilla onona izóí abí omoi onoiri. Mei íadi afe llezica fíiciri illáienina izóí omoi iri. 17 Ñue abí omoi rairuiri, mei comíni jabóidillainimo ómoína fécaítiaioiza. Juzíñamui uai lloraco eromo omoi fáitíiaioiza. 18 Iemo ríillainimo, daje izóí jamáonomo ocuídillainimo cue ícoínia ómoína uitíiaioiza. Iemo afe omoi íaioi úlledo afe ílláinimo cuedo úritiomoi. Daje izóí afe judíoñedíno cuedo úritiomoi. 19 Mei íadi illáicomínimo omoi íaioi uille llezica, “¿Ñíe izóí úriticai?” dáinamo comeci faiñeno iri; daje izóí “¿Ñíe uallai llóiticai?” daíñeno iri. Mei omoi úrille llezica, Juzíñamui ómoína úritaiteza. 20 Afe llezica dani omoi comeci izóí úríñeitiomoi. Moo Juzíñamui Ñuera Joreño ómoido úrilleza.

21 Afe llezica comíni dani íaioi nahí ámana Crístomo ínotimíena illa jira, jáíamacimo íena fállena fécaítiaioi. Daje izóí móotíai dani íaioi Crístomo ínote jíttíai fállena fécaítiaioi. Iemo jáí jíttíai dani íaioi móotíaido éoícana eróttíai, íemo íaioína títtáitíai. 22 Nana comíni cue ícoínia ómoido éoícana eróttíai. Mei íadi fuillíno mo fáicanocaiñeno ñue ínoicaitimie dama jíllote. 23 Daa jofue comíni omoi duere finóadi, jáíe jófuemo omoi jairi. Mei ua ómoína dáitícue,

nana Israel jófuiaido nai omoi jáiñenia úcodo raire dúciiticueza; mei Nanoide ima Jitó Crístodicue.

²⁴ Llófuegamacimona llófuetimie baimo jamánomoidimie iñede. Daje izói ocuífregamie ie ocuídímie baimo ocuínide. ²⁵ Llófuegamie ie llófuetimie illa izói írede. Daje izói ocuífregamie ie ocuídímie illa izói írede. Jofo naama izóidicueza, Beelzebú daina Taife mámece cuemo íaiói jítáadi, jofo ero úruiai mámeceña dájena jítaitiaíoi. Iemo afe úruiaína cue baimo fiene úritiaíoi.

¿Námiena jacíruiredicaí?
(Lc 12.2-7)

²⁶ Te jira comínina jacíruiñeno iri. Mei nana báinino daina uailai jino uáfodo cíozite. Daje izói nana báinino itífuiaina jino uáfodo onuille. ²⁷ Birui jítifomo úrilla izói báinino ómoimo cue llógana, uire uáfodo monari comínimo omoi lloiri. Daje izói ómoína báinino cue daina uai, comíni dáanomo uáidota ficire lloiri. ²⁸ Omoi íeizi títaitinona jacíruiñeno iri; mei omoi joréñona títánidiaíoi. Mei jáifo boode iraimo cai íeizi naa cai joreño duere finótaitimiena omoi jacírui.

²⁹ Onódiomoiza mena duera ófocuzai duera úcubedo íbárega. Mei daí íaiói ráfiñede íadi, afémacimona omoi Moo Juzíñamui daíñenia dácuiño tíide izói ana báíñeite. ³⁰ Mei uafue, omoi ífócimo ífótiraiai illa dígatirai facádoga. ³¹ Mei daífadeza jacíruiñeno omoi iri. Omoi, aillo ófocuíñuai baimo ráfidíomoi.

Comíni eróicana Jesuna jíeruitino
(Lc 12.8-9)

³² Comíni eróicana nana cuena jíeruitinona monamo ite cue Moo eróicana jíeruiticue. ³³ Mei íadi comíni eróicana cuena jáanotinona, afe izói monamo ite cue Moo uíecori afémacina jáanoiticue.

Comíni conímana ruífritatallena biticue
(Lc 12.51-53; 14.26-27)

³⁴ Comíni dájena uái illífue bínemo lluáibiticueza daíñeno iri. Mei jáífodo dájena uái illífue lluáibiñeno, fuírilla izoide lluáibiticue. ³⁵ Cuemo ínua mona dáamie ie moo dínená íena ruífrucaite. Afe daí cue bíllamona dájena uái íñeitiaillinoi. Daje izói ei cuemo ínua jira afengo jiza dínená ruífruibicaite. Afe daí cue bíllamona dájena uái íñeitiaínguai, íemo jáí cuemo ínua mona mio ie jífaíño dínená ruífruibicaite. Afe daí cue bíllamona dájena uái íñeitiaínguai. ³⁶ Iemona illa dígamie dama ie jofo ero comíni dínená éoigamiéna mámeitiaíoi.

³⁷ Ninó daa come ie moo, ie eina cue baimo izíruia, afémie cuemo dúinide. Daje izói ninó daa come ie jítóna, níbai ie jízana cue baimo ie izíruia, afémie cuemo dúinide. ³⁸ Iemo jáí, comíni dama afémie títácanamo náfuiano cuedo jáiacañedimie afémie cuemo dúinide. ³⁹ Te jira ie cáanano rairuacádimie áfena táinomo fáíftaite. Mei jáífodo cue ícoína ie cáanano táinomo fáíftimie afe fáífidena baimo ziiño illínona máíñeite.

Jírídúa izóidífuiai
(Mr 9.41)

⁴⁰ Iemo Jesús nai úrillano daíde: Omoína caimare uáidotino, daje izói cuena caimare uáidote. Iemo cuena caimare uáidotino daje izói cuena orédimiena caimare uáidote. ⁴¹ Juzíñamui uai jino llóraíma Juzíñamui díbénedo bíllado afémiena caimare uáidotimie, dájeze afémie jíridúa izói jíridoite. Daje izói

ñúemiena caimare uáidotimie afe jáimie ñue illado, afémie jirídua izóí jirídoite. ⁴² Daje izóí ninó daa come cue llófuegamacimona jabóidimiemo daa due jiza mánaide jáinoina jirótaadi, afémie cuedo jailla jira, afe jirótatimie uáfueña íeiena mameca raana jirídoite, —dinori Jesús ie oréllimacimo llófuete.

11

Juan Bautista orécano (Lc 7.18-35)

¹ Jesús ie doce dígade llófuegamaci íaioí tájille izóí llófuiana fuilla méifomo, Jesús oni afe éniemo ite jófuaiamo jaide, afénomo ite comini llófuellena.

² Aféruído Juan Bautista llavéracomo illa llezica afémie Jesús finócafuaiaina fidide. Ie jira iedo jáidinomona dáarie Jesumo jicánuaítate. ³ Jesumo dúcillano jicánotiaioí:

—¿Meita o biite Cristo dainámiedio? ¿Ñibai nai jáíe bítimie úiñoredicaí? — daidíaióí.

⁴ Jira Jesús afémacina daide:

—Omoí ciona, omoí cacana izóí Juaamo omoí llujiri. ⁵ Bífuiái afémiemo llujiri: Uínidino ñue ciódiaioí, macáñedino macádiaioí, íáire chíñaitino íaioí chíemona ñue jacáitagaiaioí. Iemo jefona cacáñedino ñue cacádiaioí, íemo dáarie tíidino meine abido cáadinona jáidiaioí. Daje izóí dúredino jíllona uaina llogáiaioí. ⁶ Cuemo íñoñeilli uaina baiñédimie íóbite.

⁷ Juan orécano meine abido jailla méifomo, Jesús Juaado comínimo úrite; daide:

—Mei táizicimo ¿minícana cióizaidiomoí? Ñibai dáamie ie daina uaina méidofiredimiena cióizafirediomoí. ⁸ Afe izóidimiena omoí cióizaiñenia, ¿mei nie izóidena cióizaidiomoí? ¿Meita ñibai ñue cióide ráifide iniroi jítáoidimie cióizaidiomoí? Onódiomoiza ráifide ñúecueroi jítáofiredino jaca illaini jofomo ífirediaioí. ⁹ Mei íraínomo ¿minícana cióizaidiomoí? ¿Ñibai Juziñamui uai jino llórainana cióizaidiomoí? Jii. Uáfueza. Juziñamui uai llórainana baimo jamánomoidimiena cióizaidiomoí. ¹⁰ Juan baie Cuegáuai dainámie. Jaiaí uícodo nai cue biñena llezica, aféuaimo Juziñamui, afémie dibénedo cuena daide:

O bille io ñue finóllena izóí, comini íaioí comécido ñue omo jéruillena, cue llujítimie o uícodo orédicue.

¹¹ Uáfena ómoina dáitícue, nana comínimona ite Juziñamui uai llórainimona Juan Bautista baimo jamánomoidimiena íñede. Mei jáífodo Juziñamui illáimana illánomona jabóidimie Juan baimo jamánomoide.

¹² Mei íadi Juan Bautista bíllamona ua biruimo aillo comini riífuedo raa báirua izóí, monamo ite Juziñamui illáimana illánomo íere izire jofu jáiacadiaioí. Afe riífuedo afénomo jofu jáiacadino bie izóí comécidídiaioí: “Afe illánona anáfenuano jofu jáitícaí,” daíí começi facádiaioí. ¹³ Nana Juan uícodo ite Juziñamui uai llóraini naa Moisés lloga ocuica uai diga Juziñamui illáimana illáruido úritiaioí. Íaioí úrilla méifodo Juan bite. ¹⁴ Iemo jáíífue ómoimo llóitícue. Omoí ínoiacaniadi, bífuena íñorediomoí. Naui lloga bíte Elías be ñimie Juan; mei Juan Elías dainámiena bíteza. ¹⁵ Maí cacáreacadino, omoí cacai.

¹⁶ Iemo Jesús nai úrillano daide: Biruíllaido itínona, ¿ñie izóí íaioina mámeitícue? ¹⁷ Jofue cigi íbirimo jífánote úrue izóidiaioí. Afémaci conímamo ebírede rúado caimátaiacadiaioí, mei íadi áfena fairíoñediaioí. Daje izóí conímama

zúurede rúado fíraacadiaioi, mei íadi daje izói áfemo cacáreacañediaioi. ¹⁸ Afe bie izói ómoimo ite. Mei Juan Bautista billa llezica afémie fímarillano figo güiñede, daje izói ríiji jiróñede. Ie jira “Fiénide jóríai úicaigamedio” íena daidíomoi. ¹⁹ Afe mei cue, afe Nanoide Ima Jitó dainámiedicue biticue. Billano, jíáimaci izói güiticue, íemo jiródicue. Afemona nane bie izói cuena daidíomoi: “Bímie iere güilláredímie, jéerie jírofredímie. Fiénidino nabáidímie. Daje izói gobierno íbátaga úcube líinoraini nabáifredímie.” Daíi cuedo úritíomoi. Comini Juzíñamui orécanona bie izói fieni daidíaioi íadi, Juzíñamui baitácafue dama ie finócafuiaido jino cíozite, —dinori Jesús daide.

*Jófuiaimona dáarie Jesús uaina cacáreacañediaioi
(Lc 10.13-15)*

²⁰ Iemona Jesús jíáie jófuiai comini íaioi íinoñena jira fueñe lletade. Mei afémie uaido daina comuide cíorainina ráamona nabene afémaci cígimo finódeza. Mei íadi afeno comini íaioi comeci ífuena nai méidoñediaioi. Afémie daide:

²¹ —¡Corazín jofue comini ñi dúerena! ¡Daje izói Betsaida jofue comini ñi duere zefuilla! Mei íaioi cígiri cue finoca cíorainina raa, áfena Tiro comini daje izói Sidón comini cígimo nauí finódicuenia, ñibai raire jaiiai uícodo íaioi comeci ífuena méidotiaioi. Uafue íaioi comeci ífuena méiduamona, ja diga fimona jaide. Afe llezica zúunaia jítafírega jítiroi jítaacadiaioi. Daje izói aféruimo íaioi zúunailla jino ácatallena jízefo ífomo jutáacadiaioi. ²² Mei jíáfodo ómoína daíticue, íraicaiño riire jícanolliruimo Tiro Sidón diga duere finóbina baímo Corazín íemo Betsaida comini duere finólliaioi, —daíi daide.

²³ Iemo Capernaum jofue comini Jesús lletade. Afémaci dibénedo daide:

—¿Meita íaioi íinoga jofue monamo úirede? ¿Daíi comeci facádiaioi, ero ua? Mei jíáfodo íaioína daidicue, tíidino illánomo ana dotaca izói ñiné táinocaitalliaioi. Mei íaioi cígimo cue finoca cíorainina raa nauí Sodoma jófuego finódicuenia, afe jofue nai biruimo nia ite. ²⁴ Mei íadi jíáfodo Capernaum comínina daíticue, íraicaiño riire jícanolliruimo Sodoma comini baímo jícanolliaioi, —aquíe izói Jesús íaioína lletade.

*Cuomo billano omoi ocózinairi
(Lc 10.21-22)*

²⁵ Aféruillaído Jesús daide:

—Mona Ocuíraíma Moo Juzíñamui, omo ñúefue jóoneitícue, mei Juzíñamui dibénedo onóigafuiái úruue izoide, comécina ñíífuénide jamai comínimo jino cíotatioza; mei íadi bínie ráfuena baitádinomona aféfuiai o retáidoga. ²⁶ Jíi, Moo, mei o daíi jítaídiöza.

²⁷ Jesús nai úrioidé: Cue Moo, nana uafue onóigafuiái ja cuemo llotio. Moo Juzíñamui, o Jitódicue, mei íadi buna uáfodo cuena ñue onóñena. O cue Móodioza, dama o ñue cuena onódio. Daje izói buna uáfodo ona ñue onóñena. Cue, o Jitódicueza, dama ona ñue onódicue. Iemo jíái daje izói o Jitó onótaacagano ñue ona ónoítiaioi.

²⁸ Iemo comínina daide: Omoi ñúefuiai finóacanamona zefuínaitino cue diné omoi bí; íemo jíái fiénidífue ábiana méeruitino daje izói cue diné omoi bí. Omoína ocózinaitaiticueza. ²⁹ Mai cue diga táijifirena izói ñúefuiaina finóllena omoi onóiri; mei omoi diga táijifiredicueza. Afe dájena táijinana

cúemona omoi onoiri. Mei comécina járidoñedicueza. Daje izói comécina mánaidicueza. Afemona omoi comeci uái ocózinaillinona báitioimoiza. ³⁰Omoi diga cue táijinana féinide. Daje izói ómoimo cue ocuillafue jaca ómoína zéfuitañeite, —dinori úrite Jesús.

12

Jesús llófuegamaci ocózinaillarumo trigo ímoiai dícoiano otá güitíaioi
(Mr 2.23-28; Lc 6.1-5)

¹ Aféruido Jesús naa ie llófuegamaciri ocózinaillaruido trigo ritino jacafai cígido macade. Afe llezica ie llófuegamaci iere juffinaillano, trigo ímoiai otá güitíaioi. ² Afena fariséuai cíoillano Jesuna daidíaioi:

—Ero, o llófuegamaci ocózinaillarumo rairuírede táijinamo táijidiai oi.

³ Mei íadi Jesús íaioina daide:

—¿Omoi ico jaiai illaíma David finócafue cúegana facádoñediomoi? Afémie naa ie nabáíñiairi iere juffinaitiai oi. ⁴ Afe llezica Juzíñamumo gairíracomo jofo jaillano rairuica panes otá güitíai oi. Mei íadi afe pániai afémiemona rairuírede, daje izói ie nabáíñiaimona rairuírede. Afe pan dama lletáriraini güirede. ⁵ ¿Mei nane jíaie Moisés ocuica uai cúegana facádoñediomoi? Aféno mo dáina: Juzíñamui gairíracomo táijide lletáriraini, ocózinaillarumo ocózinaíñediai oi, mei daí íai oi illa fiénidífueñede. ⁶ Mei ómoína dáitícue, bírui benomo afe gairíraco baimo jamánomoidimie ite. ⁷ Bie jíaie Juzíñamui Cuegáuai llógana nai onóñediomoi. Afe be níuui: “Fatá fia fecaca rille baimo cuena izíruillena jítáidicue.” Bíuaina omoi onóadi níufuena finóñedinona “Duere cai finótali” dáíñeitiomoi. ⁸ Mei uáfueza, ocózinaillarui Nanoide fima Jitó Cristo daínámie ocuilla uai anamo ite.

Onoína llirídímie rafue
(Mr 3.1-6; Lc 6.6-11)

⁹ Afe mei Jesús aféno mona jaide. Jaillano Juzíñamui uai llorácomo jofo jaide.

¹⁰ Afeco eromo ónoína llirídímie ite. Afe comíni Jesumo fiénidífue jítállena jéno diai oi. Iemona afémiena jicánodoidiai oi:

—¿Meita iráredímie ocózinaillarumo jíllotarede? —daidíai oi.

¹¹ Jira Jesús afémaci uai ote:

—Omoimona daa cómemo oveja íadi, afe oveja ocózinaillarumo ifomo baíadi ¿meita caífo óñega? ¹² Mei uafue, daa come oveja baimo jamánomo ráifide. Afemona ñúfue finuana ocózinaillarumo rairuíñega.

¹³ Iemona Jesús afe iráredimiena daide:

—O onoi jino zúita, —daide.

Jira ie onoi zúitamona, enéfene izói ñuera. ¹⁴ Iemona fariséuai jino jaillano, Jesús fállena mamérizaidiaí oi.

Jaiai uai llóraíma Jesudo dáina uai como zuilla

¹⁵ Aféfuena Jesús fidíillano, aféno mona oni jaide. Ie jailla llezica aillo comíni afémiedo jaide. Iemo Jesús nana iráredino jíllotate. ¹⁶ Afe llezica afémie íaioína llotáñede: “Cue bie izói íllana bummo lloñeno iri,” íaioína daide. ¹⁷ Bie izói zuide jaiai uai llóraíma Isaías lloga uai ñue ícoimo fuitállena. Afe uai be ñie:

¹⁸ Bímie nizada cue oga ocuífregamie.

Afémiena iere izíruiticue, íemo afémieri iere íobidicue.

Cue Ñuera Joréñona afémie úcaítaiticue.

Afémie cue mameca jaícina jóidifuiaina náiraimo jino llóite.

¹⁹ Afémie ríifuedo llóñeite.

Daje izói cáillicailli úriñeite.

Iemo jiái jofue cigi macáraodo ie uaina cácaiñeille.

²⁰ Comécina náinidinona ruifíruñede. Afémie íaioi comécina náiretaite.

Daje izói dúiacade uillide mechera meine abido omoi boota izói, afe izói jabo ínnote comini afémie fáicanocaiñeite. Fáicanocaiñeno ñue íaioina ínnotaite.

Afe ícoimo nana duéredinona fáicanocaiñeitemo afémie jaícina illáimana illíruimo dúcite.

²¹ Iemona nana náiraiái afémiemo ocúritiaioi.

Taife ríino Jesumo illa afémiemo jitádiaioi
(Mr 3.19-30; Lc 11.14-23; 12.10)

²² Afe mei únidimie Jesús diné atídiaoioi. Afémie fiénide joríaí uícaiga úrinidimie. Afémiena Jesús jillotate. Iemona afémie ja ciode, daje izói ñue úrite.

²³ Ie jira nana comini áferi caimare fáigacaillano daidíaoioi:

—¿Meita afe be ñimie jaiaí illaíma Davidmona comuitagamie? —daidíaoioi.

²⁴ Fariséuai áfena cacáillano daidíaoioi:

—Bímie fiénide joríaí illaíma Belzebú dainámie ríinodo afémacina jino oréfírede, —daidíaoioi.

²⁵ Jesús daií íaioi comécido dáinana onóillano íaioina daide:

—Ninó daje náiraina ite comini conima diga fuiriadi, afe náirai ráidoizillano niné táinocaite. Daje izói daje jofue comini eneno ráidoiziadi, afe jofue are íñeite. Iemo jiái daaco ero comini eneno ráidoiziadi, afémaci are íñeite. ²⁶ Iemo daje izói, mei Satanás dama íemo jaináidino jino oréadi, dani Satanás mairídino oni énenorie jáitiaioi. Mei íemona afémie ocuille ríino íñeite.

²⁷ Omoi cuena: “Belzumbo ite ríinodo fiénide joríaí jino oréadio,” daidíomoi. Afe omoi daina uáfuedenia, jiáifue ómoimo jicánoitícue. ¿Mei bu ómoído jáidino fiénide joríaí jino orelle ríino iga? Ie jira dani afémaci ñue onóñeno taino omoi llua jino cíotatiaioi. ²⁸ Mei jiáifodo Juzíñamui Ñuera Joréñodo afe fiénide joríaina jino orédicue. Iemo bifue bie izói daiíacana: Juzíñamui illáimana illarui ja ómoimo dúcide.

²⁹ Mei uáfueza, ríiredimiena fueñe o máíñenia, ¿ñie izói dáamie ie jofomo jaillano ie jofu ero ráaiena bairóredio? Bairónidio. Nano fueñe afémie máirede. Ie mei ie ráaiena bairórede. (Afe daií Cristo Taífena jaca anáfenorede.)

³⁰ Cue dibénemo íacañedimie cuena uáitate. Cue diga dájena táijiñedimie, cue raana oni jutádimie izoide, mei afémie jiáimaci cuena ínnotañedeza.

³¹ Ie jira ómoína daítícue, naga come ie finoca fiénidífue, Juzíñamuimo jicáadi dórede; daje izói nana ie úrilla fiénidífue dórede. Mei íadi ninó dáamie Juzíñamui Ñuera Joréñona íaire dáíiadi, afe uai jaca dónide. ³² Iemo jiái ninó dáamie Nanoide Íma Jitó Crístona íaire dáíiadi, afe afémiemo ie lloia dórede. Mei íadi Juzíñamui Ñuera Joreño jánana fiéni úritimie afe ie úrilla íaífue birui dónide. Daje izói uire jaca ninomo dónide.

Naga amena ie llizíllajido onórena izói, daje izói naga come ie úrillafuíaído ónorede

(Lc 6.43-45)

³³ Ñuera aménamona ñuera ráajina llizide. Daje izói fiénide amena jaca fieni llizide. Mei uáfueza naga amena ie llizillado ónoredede. ³⁴ Jaio izóidinodiomoi. Ja fiénidinodiomoiiza ¿niie izói ñue úrriediomoi? Mei uáfueza, cai fue cai comécimo jebuide raado úrite. ³⁵ Ñuera come ñúefuedo úrite, mei ie comécimo ñúefue illaza. Daje izói fiénidimie fieni úrite, mei ie comécimo fiénidifue illaza. ³⁶ Iemo nane ómoína dáitícue, íraicaíño Juzíñamui caimo riire jicánolliruiamo, nana ráiruñiega fieni cai úrilla uai, daje izói abi cai ráiruñiena úrilla uai diga, jáanoñeno “ji” daíredicaí. ³⁷ Mei uafue, o úrilla dieze Juzíñamui omo izire jicánoiteza. Jáámiena “O náifuenidimiedio” dáite; ie mei jáámiena “Dama o ícoínia daí itio,” dáite.

Fiénide comini ciórainina raa finóllena Jesumo jicádiaoí
(Mr 8.12; Lc 11.29-32)

³⁸ Afe mei fariséuaimona dáamierie Jesuna daidíaoí, daje izói Ocuica Uai llófuefiredino diga:

—Llófueraima, ciórainina raa o finuana cióacadicaí, —daidíaoí.

³⁹ Jira Jesús afémaci uai ote:

—Bigima fiénidino botade jiruiredingo izoide ja Juzíñamuina zóofetiaíoi. Iemo ciórainina raa cuemo jicádiaoí. Mei íadi nauí Juzíñamui uai llóraíma Jonás onótagafue baimo jáífueña llóñeilliaoí. ⁴⁰ Mei Jonás daaruíamani íemo daámani naio afe áillue chamu eromo illa izói, afe izói Nanoide fima Jitó Cristo énie anamo daaruíamani íite, daje izói daámani naio. ⁴¹ Jaíai Nínive jófue mo íte comini bigima comínimo riire jicánolliruiamo bimácimo fiénidifue jítaitiaoí. Mei Nínivemo íte comini Jonás Juzíñamui uai íaioimo llua llezica íaíoi comeci ífueña méidotiaoíza. Mei íadi birui benomo Jonás baimo jamánomoidimie íte. ⁴² Daje izói sur díbenemo jica íte naíraí illaíngo, bigima comínimo riire jicánolliruiamo, bimácimo fiénidifue jítaite, mei afengo jica énie fuédamona Salomón comeci onóigafue mo cacáreizaíbiteza. Mei íadi birui benomo Salomón baimo jamánomo baitádimie illa.

Jino oreca fiénide joríaí meine dáamiemo bite
(Lc 11.24-26)

⁴³ Jesús nai llícaíñeno úrite: Fiénide joríaí cómemona jino jáíadi, táiziciaído íe uái illino jenócana uíte. Íe uái illino baiñénamona bie izói comeci facade: ⁴⁴ “Meine abído cue billa cómemo jáitícue,” daíde. Afe joríaí meine afe cómemo bítemo, jofo taíco izoide baizáíbite. Daje izói rafode ñue finócaco izói baizáíbite. ⁴⁵ Temona afémie siete diga jamánomo afémie baimo fiénide joríaí uájide. Afémaci nana afe cómemo jofo jáidiaíoi. Afemona afe come nauí íe fiénina baimo biruí jamánomo fiénide. Afémiemo illa izói, afe izói ómoímo ífcaite, mei bigima fiénidígimaza.

Jesús ei naa íe ámatiaíri
(Mr 3.31-35; Lc 8.19-21)

⁴⁶ Jesús nai comínimo úritemo, íe ei naa íe ámatiaíri dúcide. Afémaci jofo jinófecomó itíaoí. Afémie diga úriacadiaíoi. ⁴⁷ Afe llezica dáamie Jesuna daíde:

—O ei, o ámatiaíri jino benomo itíaoí. Afémaci o diga úriacadiaíoi, —daíde.

⁴⁸ Mei íadi Jesús afe lluaíbitimiena daíde:

—¿Mei bu cue eina? Daje izói ¿mei bu cue ámatiaína? —daíde.

⁴⁹ Daí daínamona afémie llófuegamacina fue do uidánote. Uidánuano daíde:

—Bimaci cue eina, daje izói bimaci cue ámatiaina. ⁵⁰ Mei ninó dáamie monamo ite cue Moo comeci jitailla izói finódimie bie come cue ámana, daje izói cue miríngona, daje izói cue eina, —daíí Jesús afémacina daide.

13

Afémaci onótaita ríjifredimie rafue

(Mr 4.1-9; Lc 8.4-8)

¹ Afe monado Jesús jofómona jino jaillano, jorai fuédamo ráinazaide. ² Iemo afémie illánomo aillo comini ofilla jira, afémie bai nocaemo ráizaide. Afe llezica nana comini fuédamo fiébidiaioi. ³ Mei afemona diga ráfuiaina afémaci llófuete. Afémaci onoiga izóidedo afémie íaioi llófuete. Daide:

—Jacáfaimo rífredimie rizájilla. ⁴ Ricana ie uilla llezica, afe júdaica íjiaimona dáarie iomo baiide. Baiilla mei ofocuiñuai güizábitiaioi. ⁵ Ie mei jíaijai énie figo íñena noficiaimo baiide. Aféjiai raire zicode, mei afe énie líaideza. ⁶ Iemo jáinaonideza jitoma egáíñuamona, zafénaillano tíidiaioi. ⁷ Ie mei nane jíaijai éegiai cigiri cocidino. Afe éegiai mónaillamona aféjiai íracotaillano tíidiaioi. ⁸ Mei íadi jíaijai ñuera éniemo baiide. Aféjiai ñue ailla. Dáaride cien diga llizíllajiai comúitate. Jáiri senta diga llizíllajiai comúitate. Iemo jíairimo treinta dígaji comuide. ⁹ Bíemo cacáiacadino mai cacai.

Nibái mei bie comini onoiga izóidedo úrilla, Jesús jino llote

(Mr 4.10-12; Lc 8.9-10)

¹⁰ Iemona ie llófuegamaci billano Jesumo jícanotiaioi:

—¿Nibái mei cominimo íaioi onoiga izóidedo úritio? —daidiaioi.

¹¹ Jira Jesús uai ote:

—Monamo Juzíñamui illáimana illirui uáfodo ónoñega ráfuiaina, afémie ómoína onótate. Mei íadi baie comini áfeniaina ónotanidiaioi. ¹² Mei ua, Juzíñamuina iere onóacadimiemo ie báitaja baimo jíaiena írede. Iemona afémiemo aillo íite. Mei íadi Juzíñamui dibénedo onóacañedimiemona íemo ite due jiza onónana bairórede. ¹³ Ie jira afémacimo íaioi onoiga izóidedo úriticue. Mei afémaci ñúefuena ciódiaioi, mei íadi nai cíoiñedino izói itíaiioza. Daje izói cacádiaioi, mei íadi nai cacáñedino izói itíaiioi. ¹⁴ Mei áfemona Juzíñamui uai llóraima Isaiás afémacina jicana daina uai ñue ícoimo fuilla. Be níuui:

Omoi uáfodo cácaitiomoi mei íadi afe dánana ónoñeitiomoi.

¹⁵ Mei bimaci comeci ríredinona abido jaide.

Daje izói afémaci figo cacáacañediaioi.

Afémaci ui íbaica izói ite. Daíí itíaiioi íaioi uído cíoiñeillena, íemo jíái íaioi jefodo cácaiñeillena; daje izói íaioi comécido ñúefuiaí ónoñeillena.

Iemona íaioi cue jillotallena abido cuemo binidiaioi, daíí Isaiás daide.

¹⁶ Mei íadi dani omoi uído omoi cíonamona, daje izói dani omoi jefodo omoi cacánamona íobidinodiomoi. ¹⁷ Uáfuenta ómoína dáiticue, diga Juzíñamui uai llóraini bie omoi cíónana cióacadiaioi, naa aillo jíaié ñue cominiri. Mei íadi áfena cíóñediaioi. Daje izói bie omoi cacánana cacáacadiaioi, mei íadi cacáñediaioi.

Jesús ríjifredimie rigájiai rafue ñue jino llote

(Mr 4.13-20; Lc 8.11-15)

¹⁸ Jira bíemo omoi cacáreiri. Rífredimie rafue bie izói jino daide. ¹⁹ Monamo ite Juzíñamui illáimana illarui uaina dámie cacáadi, mei íadi afémie áfena íñoñeniadi, afémie comeci afe bie io izoide. Jii, afe rigájiai iomo baídino

izoide. Afe izói comécido jabo ie onoiga ñuera uaina Taife báiruabite. ²⁰ Afe rigájiai nii afe noñciai emódomo cocídino jana, ñúefuiaina raire cacáillano caimare otino coméciai. ²¹ Mei íadi afémaci raire zicode raa riire jaináñena izói, Juzíñamuimo afémaci figo jaináñenamona are iñédiaiói. Mei íadi ñuera uai ícoinia jacire facátufuiai, íemo duere finóllena rácafuiai afémacimo comuíadi, ñúefuena fáicanocaitiaíói. ²² Afe éegiai illano jana Juzíñamui ñúefuena cacádiaiói ia, bínie ráaniaimo comécina fáífiredino. Iere ráanaiacana afémacina jífute. Nana aféfuiai Juzíñamui ñúefuena íracotaila izói ínotañede. Iemona afe uai afémiemo ñue áide izói íñede. ²³ Mei íadi afe rigájiai nii afe ñuera éniemo baíidino jana bie izói ite. Bimaci Juzíñamui ñúefuena cacáillano afe uaina jeire otíaiói, mei áfena ñue onódiaioiza. Uamona iere aite rigájiai izói afémaci aillo ñúefuiai finófirediaíói. Afémacimona dáarie jamánomo aillo ñúefue finódiaíói, Iemo jíaimaci aillo ñúefue finódiaíói. Iemo nane jíaié fia jabo aillo ñúefue finódiaíói.

Riga trigo cígimo fiénide raróciai zícua rafue

²⁴ Iemo nane Jesús bie íaiói onoiga izóidífue llote:

—Monamo ite Juzíñamui illáimana illarui bie izoide. Dáamie ñuera íjaié ie jacáfaimo rite. (Aféruillaido comíni diga ráaniai daane riñeno énenorie ritíaiói.) Bímie ie jacáfaimo jíaiéna jaicuíñeno daa trigo rite. ²⁵ Mei íadi naama ínia mei ie diga ícírítimie trigo cígimo fiénide raróciai rizáibite. Rillano oni jaide. ²⁶ Afe trigo móonaillamona íimoíai comuilla llezica riga fiénide raróciai cíozite. ²⁷ Afemona táijitafiregano jacafai náamamo llujáide: “Ocuíraima, o ritátaga cai ríganíai nibai ñuera. Mei afe cígimo fiénide ráitíai ¿ninómona comuide?” ²⁸ Jira afefai naama daide: “Nibai ninó cue diga ícírítimie bie rizáibiga.” Mei jira afe táijitafiregamaci íena daide: “¿Afe fiénide ráitíai cai áruuilla meita airótatio?” ²⁹ Mei afémie íaióina daide: “Dama íteza, aiñóño onero iri, mei afe fiénide ráitíai aiñódiomoinia naa trigo diga aiñódiomoiiza. ³⁰ Dama trigo diga daane móonaiteza, áíñoñegania ñuera. Afe mei jofu ollíruimo, cue táijitafiregano óreitícue fueñe afe fiénide ráitíai óllena. Afe uano afe ráitíai jobaille eneno ícutuaina maitátaitícue. Afe mei cue trígona éenoracomo éenotaitícue.”

Mostaza daína riga raa íjaié rafue

(Mr 4.30-32; Lc 13.18-19)

³¹ Iemo nane Jesús bie jíaié onótaitífue llote:

—Monamo ite Juzíñamui illáimana illarui mostaza daína riga raa íjaié izoide. Dáamie afe íjaié ie jacáfaimo rite. ³² Uáfueza, afe íjaié nana jíaié rífiregajiai jofomo jénié. Mei íadi móonailla llezica nana juzítíofiai caifomo are zairide. Afe llezica caifo amena dínorí aillo zairide. Afemona áfena ícairuaimo feede ófocuíñuai jillaina nizáibítiaíói, —daide. (Afe izói Juzíñamuimo ínotino dúemaci íadi, jamánomo aíllomacina jébuicoitíaiói.)

Levadura daína pan fáitara rafue

(Lc 13.20-21)

³³ Iemo nane Jesús bie jíaié onoiga izóidífue llote:

—Monamo ite Juzíñamui illáimana illarui pan aillo fáitara levadura izoide. Daa ringo daámáni julleco harínana oruítajano, áfemo due jiza levadúrana tamede. Iemona nana afe íféllana mullétano oni aillo fáitara, —daide. (Afe izói diga jíaimaci Jesumo ínuamona, Juzíñamuimo jaináidino aillo jébuítiaíói.)

*Jaiái daináuai fuitállena Jesús íaiói onoiga izóidifuiaido comínimo úrite
(Mr 4.33-34)*

³⁴ Nana bífuiái Jesús íaiói onoiga izóidifuiaido comínimo llote. Onótaitifue afémie llónhena comínina nñe izóí daiífede. ³⁵ Jaiái Juzíñamui uai llóráima daina uai ñue ícoimo fuitállena, afémie daií llófuete. Afe be níuui: Onótatífuiaido jino úriticue.

Juzíñamui énie fínua llezícamaona figo ónoñegafuiái jino llóiticue.

Trigo cígimo comuide fiénide ráitíai ífue Jesús jino llote

³⁶ Afe mei Jesús nana comíni jino fíano jofo eromo jaide. Afécomo Jesús llófuegamaci afémiemo jicánuai bitíaiói:

—Jacáfaimo comuide fiénide ráitíai rafue caimo jino ñue llóiri, —dai díaiói.

³⁷ Jira Jesús íaioina daide:

—Afe ñuera íjaii ritímie jana Nanoide íima Jitó Cristo. ³⁸ Afe jacafai jana bie énie. Afe ñuera rigájaii jana Juzíñamui illáimana illáruimo jaináidino. Afe fiénide ráitíai jana Taífemo jaináidino. ³⁹ Afe fiénide ráitíai rizáibitímie dama Taife. Afe llizíllajiai jofo otá éenua jana énie fuillírui. Iemo afe llizíllajiai jofo otino jana Juzíñamui abi imaci. ⁴⁰ Te mei afe fiénide ráitíai jobáillena oní eneno jóonia izóí, afe izóí énie fuillírui fiénidinomo zúite. ⁴¹ Aféruimo Nanoide íima Jitó Cristo ie abi imaci óreite, jíáimana fiénidifue finótatino eneno óllena, naa fiénidifue finódinori. ⁴² Afémacina iraimo dótaite. Afénoimo iere éenaitíaiói; iere izi cácaillamaona murímurítíaiói. ⁴³ Te mei Juzíñamui jitailla izóí finóino íaiói Moo illáimana illáruimo jitoma uíeco meáire egáíñua izóí íaiói maiñoca Juzíñamui ebíredifueña jino cíotaitíaiói. Omoí cacáacania, cacai.

Retáidoga ráifide raa jino onótaitifue

⁴⁴ Monamo ite Juzíñamui illáimaitagamacina íacadino bie izóí fínoítíaiói. Enie anamo ónonino retáidoga ráifide raa jénua izóí fínoítíaiói. Nñe monado daa come afe retáidoga ráifide raa baite. Bailla mei, abido dáanomo áfena retáidote. Afe mei jofomo íóbicana jaillano nana íemo ite raa fécajide. Raa fécajano oga úcubedo afe retáidua énie íbajide.

Perla daina iere ráifide zíríji jino onótaitifue

⁴⁵ Nane daje izóí monamo ite Juzíñamui illáimaitagamacina íacadino perla jenoda fécafiredímie izóí fínoítíaiói. Afémie jicado jenode. ⁴⁶ Iere ráifide perla daa ie baía, nana íemo ite ráaniai fécajano, ie ciona ráifidíji íbajide.

Chamu ora llóiji onótaitifue

⁴⁷ Daje izóí nane monamo ite Juzíñamui illáimana illarui, jóraimo dótaífrega chamu ora llóiji izoide. Afe llóiji nana jíáiforiede chámuna ote. ⁴⁸ Afe llóiji oruilla llezica, facóidino oní fuédamo jainácana uite. Afénoimo raináillano, ñuera chamu díga nizédíaiói. Fiénidino oní dótano ñuera chamu íaiói cirígaimo iráidíaiói. ⁴⁹ Afe izóí énie fuillírui comínimo íite. Juzíñamui abi imaci billano ñúemaci fiénidímacimona oní eneno ofitaite. ⁵⁰ Iemo fiénidinona iraimo óreite. Afénoimo iere éenaitíaiói. Izi cácanamaona murímurítíaiói.

Comue ráifide raa naa jácaie díga

⁵¹ Afe mei Jesús íaioina jicánote:

—¿Meita omoí nana bífuiaina onódiomoí? —daide.

Jira afémaci dai díaiói:

—Jii, Ocuíraima onódicai, —daidíaioi.

⁵² Iemona Jesús íaioina daide:

—Cue ocuica uaina ñue llófuefiredimie, monamo ite Juziñamui illáimana illirui dibénedo llófuia llezica bie izói íficaide. Aillue jofo naama ie éenoga ráamona comue raa jino úana onode. Iemo jíairuido jácara raa mei íadi nai ñuera raa, jino úana onode. Afe izói afe ñue llófuefiredimie nana ie onógafuiaimona cue cómfue naa jaiái lloga jácafue diga jino llúana onode, —daide.

Jesús Nazaret jófuego jaide
(Mr 6.1-6; Lc 4.16-30)

⁵³ Jesús nana bie jino ñue onótatífuiaí llua méifomo dama ie éniemo jaide.

⁵⁴ Dúcizaillano afénomo ite Juziñamui uai llorácomo llófuete. Aferi comíni caimare fáigacaidiaíoi. Daidíaioi:

—Bímie çninómona diga ráfuiaína onode? Bie ciórainina raa çñie izói finode? ⁵⁵ Bímie baie rabíciaimo tájifiredimie jító. Ie ei María. Daje izói afémie ámatiaí Santiago, José, Simón, Judas benomo cairi ite. ⁵⁶ Daje izói ie miríngotiaí cai çigimo itiaíoi. ÇMei ninómona nana bífuena onode? —daidíaioi.

⁵⁷ Iemona afémie llógamo náfueacañediaíoi. Mei jira Jesús íaioina daide:

—Nana jíáimaciaí Juziñamui uai llóraimana jíeruítiaíoi, mei íadi dama ie comuállano comíni íena jámairuítiaíoi, daje izói naa ie jofo ero comíniri, —daide.

⁵⁸ Ie jira afénomo ciórainina raana aillo finóñede, mei afémaci afémiemo íinoñediaíoiiza.

14

Juan Bautista tiilla
(Mr 6.14-29; Lc 9.7-9)

¹ Aféruillaído Galilea énie ocuídillaíma Herodes, Jesús jalléinana fidide.

² Fídiano ie diga itínona daide:

—Bímie tíllamona meine abído cáadímie Juan Bautista. Iemona afémiemo ciórainina raa finolle ríino ite, —daide.

³ Mei jaiái nano Herodes Juaana maitá llavéracomo uitátate. Mei nauí Herodes ie ama Felipe ai Herodías daínango aina ote. Ua mei, Juan Heródesna ríire lletádeza. Ie lleta jira íena llavétate. ⁴ Juan daína uai be ñie:

—O bie ringo o ai izói uícainidio, —daide.

⁵ Daií daína jira Herodes Juaana fáiacade. Mei íadi comínina jacíruite, mei “Afe Juan Juziñamui dibénedo úrifiredeza,” daidíaioi. ⁶ Afe méifodo, Herodes ie jocóinamona jíáie fimona fuilláruímo dúcide. Aféruído ie cumpleaños rafue finua llezica, iráizillena llogano eróicana Herodías jiza bai zaizájide. Afengo záillana Herodes iere ebíruite. ⁷ Afena iere gáinamona Herodes ríirede uaido daide:

—Ñinó o jíacácanana rairuíñeno íredicue, —daide.

⁸ Iemona afengo ei uícodo llua izói Heródena daide:

—Juan Bautista ífoci plátomo jóneta cuemo ati, —daide.

⁹ Aferi ocuídillaíma Herodes zúucaide. Mei íadi uícodo ríirede uaido daínana nana iráizillena llogano cacádiaíoi. Jira jíáifodo méidoñeno nano fueñe ie daína izói ocuide. ¹⁰ Iemona llavéracomo llaveca Juan ífócina jaitátate. ¹¹ Afe

mei jáitano plátomo jóoniano aféngomo izájjidiaioi. Afe méifodo afengo afe ifócina ie eimo ite, afengo Juan ua tíllana onóillena.

¹² Afe mei afe Juan diga jáicadino uillano ie abi raíajidiaioi. Afe mei Jesumo llujáidiaioi.

Jesús cinco mil comini ecade
(Mr 6.30-44; Lc 9.10-17; Jn 6.1-14)

¹³ Jesús Juan fáajana fidíillano dama ruica táinomo nocaedo jaide. Mei íadi comini ie jáillana fidíillano naga jófuiaimona ie illánomo arido jáidiaioi. ¹⁴ Iemo Jesús afe nocáemona ari jailla llezica, diga comini ofíllana ciode. Cíoillano íaioimo dúecaide. Afémiemo atica iráredinuiaina jíllotate. ¹⁵ Ja nauzáilla llezica ie llófuegamaci afémiena daízaibitiaioi:

—Ja nauide. Benomo buna íñede. Nana comínina mai jófueмо oreri, afe áinori ite dúegobiaimo íaioi güille íaioi íbajillena, —daidiaioi.

¹⁶ Jira Jesús afémacina daide:

—Afémaci nai jáinidiaioi. Afémaci dani omoi eca, —daide.

¹⁷ Jira afémaci uai otíaioi:

—Cinco diga páaniai, íemo mena chamu afe baimo jáiiena caimo íñede, —daidiaioi.

¹⁸ Jira Jesús íaioina daide:

—Mai áfena cuemo ati, —daide.

¹⁹ Afe mei nana comínina daide: “Ráitíai emódomo ana omoi ráii,” daide. Afe llezica Jesús cinco diga páaniai mena chamu diga líinota, monamo érocailano Juzíñamuina “Figora” daide. Daí daina méifodo Jesús afe pan ditada ie llófuegamacimo ite, afémaci nana comínimo fecállena. ²⁰ Afe güillano nana comini ñue jeírediaioi. Íaioi güilla mei, güiga állana ie llófuegamaci doce cirigai oruítatiaioi. ²¹ Afe güitino cinco mil diga íñiaí. Iemo afe baimo ringóniaí naa úruiairi fácadoñega.

Jesús jainoi emódodo macade
(Mr 6.45-52; Jn 6.16-21)

²² Afe mei Jesús ie llófuegamacina daide: “Mai ifódino ruica enéferaimo nocaedo omoi jairi. Afe llezica bie comini ráinoiticueza,” daide. ²³ Comini ráinua mei Jesús caifónedumo dama Juzíñamuimo úrizaide. Nauzáilla llezica Jesús afénomo dama ite. ²⁴ Afe llezica íaioi jailla nocáe bai dáaferaimo ite. Mei íadi jorai bagua meine íaioina ñuitáñuitade. Afe llezica jairifo meine íaioina fúuoide. ²⁵ Como monáioicaidemo Jesús jainoi emódodo afémaci diné macácana jaide. ²⁶ Afe jainoi emódodo jáillana cíoillano, caillíoidiaioi. “Janaba billa,” dainano iere jacainitiaioi.

²⁷ Mei íadi Jesús íaioina daide:

—Cueza, jacainíñeno omoi iri. Abí omoi mame, —daide.

²⁸ Jira Pedro afémiena daide:

—Ocuíraíma, mei ónia, o illánomo mai jainoi emódodo cue mácata, —daide.

²⁹ Jira Jesús íena daide:

—Mai mei bi, —daide.

Iemona Pedro nocáemona ana jaillano jainoi emódodo Jesús diné macácana jaide. ³⁰ Mei íadi jairifo riire jáíñua cacáillano abi jácidote. Afe llezica afémie ja anábaiacade. Anábaioicailla llezica afémie caillide:

—¡Ocuíraíma, íñédicueza, cue líino! —daide.

31 Daií daina llezica, Jesús ónoído llínnota daide:

—¡Níi o due ínua! ¿Níbaí mei o ínogafuena fáicanocaidio? —daide.

32 Nocaemo caifo íaillinoi jailla llezica, afe jairifo llícaide. 33 Iemona afécaemo itino, Jesús anamo dújuillano íena daide:

—Uáfuenta, Juzíñamui Jitódioza, —daidiaioi.

Jesús Genesaret éniemo ite iráredino jíllotate
(Mr 6.53-56)

34 Jorai ruica jáitajano Genesaret éniemo dúcidiaioi. (Afe énie jíáfodo mameina Galilea.) 35 Iemo afeno comíni ñue afémiena onónamona, nana afénomo itígobaiamo conímána fidítatiaioi. Afemona afénomo ite iráredínuiaina Jesumo atídiaioi. 36 Daa afémie ínucuro fueda jetánollena izire jícadiaioi. Iemona nana ie ínucuro fueda jetádino jíllodiaioi.

15

Cómena íaire finode raa
(Mr 7.1-23)

1 Afe mei dáarie Jerusalémóna bite fariséuai naa ocuica uai llófuefiredinori Jesumo jícanuaibítiaioi:

2—¿Níbaí mei o llófuegamaci cai uzútiai daina uaina oni caitáfirediaioi? Mei afémaci fienídifue múiñua jana, nai güiñena llezica onoi jócuana finóñediaioiza, —daidiaioi.

3 Mei afe íbana Jesús íaioimo jícanote:

—¿Mei níbaí omoi Juzíñamui riire ocuica uai oni caitáfirediomoí dani omoi jaiai daina uaimo náfuellena? 4 Mei Juzíñamui caina daide: “O moo o ei diga caimare omoi uícairi. Dámie ie moona ie ei diga íaire dáia, afémie títeza,” daide. 5 Mei jíáfodo daiífirediomoí. Dámie ie moona ie ei diga bie izói daiírena dáífirediomoí: “Moo, ona canónidicue, mei nana cuemo ite raa Juzíñamuimo fecállena cue mamécaza.” 6 Iemo ninó dáamie daií dáiaíadi, ie moo ie ei diga canolle afémie mo dúíñede, daií daiífirediomoí. Daií omoi dáinamona Juzíñamui ocuica uai jámairuitadiomoí, dani omoi jaiai daina uáillaímo náfuellena. 7 ¡Comeci diné ráatailla mei, abina ñue cíoidinodiomoí! Jaiai Juzíñamui uai llóraíma Isaías ie cuezánicomo omoi díbénedo uáfodo úrite. Be afe uai:

8 Bie comíni fia fuedo cuemo ñúefue mamédaioi, mei íadi íaioi comecei diné íairedeza, cuemo jaináíñede.

9 Diga ebírede ráfuaíado cuemo caimátaidiaioi íadi, afe caimátailla ráííñede, mei afémaci jíámaci llófuia jamai come ocuica uáillaiza.

Isaías Juzíñamui daináuai bie izói cuete.

10 Afe mei comíni uáidota Jesús íaioina daide:

—Cacáillano ñue omoi onoiri. 11 Come fuedo jofo jaide raa afémiena íairetañede. Mei jíáfodo come fuémóna bite uai, afémiena íairetate, —daide.

12 Afe jira ie llófuegamaci Jesuna daiízaibítiaioi:

—¿Meita onódioza, o daina uáillaína cacáillano fariséuai ícírítiaioi? —daidiaioi.

13 Mei íadi Jesús jíáfodo uai ote:

—Naga Juzíñamuimo uáfuenta jaináíñedimie monamo ite cue Moo ríñega raa izóidiaioi. Afémaci come gáíñega riga raa naa jáinaori aiñólle izói táinocaitalliaioi. 14 Afe baie fariséuai dama daiítadiaioiza; áfemo lloñeno. Mei

afémaci uínidino izóidino. Iemo afe llezica jáie uínidino ifódiaioi. Uínidimie jáie uínidimie ifóadi, nágaillinoi dáafomo báitiaillinoi, —daide.

¹⁵ Jira Pedro Jesuna daide:

—Bie uai jino caimo féinino llone, —daide.

¹⁶ Jira Jesús jicánote:

—¿Omoi jái nai onóñediomoi? ¹⁷ ¿Onóñediomoiiza, fuedo jofo jaide raa jébeoimo jaide; afe mei abímona jino faiga? ¹⁸ Mei íadi come fuémona jino bite uaillai ana comécimona comuide. Afe bie uaillai dama afémiena íairuitade. ¹⁹ Mei diga íaifuiái come comécimona comuide. Fieni comeci fácafuiái comuide. Daje izói daje comécimona jáíma fáiacanafuiái comuide. Iemo jáíma ai diga íacanafue come comécimona comuide, naa jáie iere jiruínafuiári. Iemo jái meríillafuiái come comécimona comuide. Daje izói táinona úrilla uaillai, naa jáímana íaire daináuaillai come comécimona comuide. ²⁰ Afe bífuiái cómena iere íairuitanona orede. Mei íadi fiénidifue múiñua jana onoi jócuana finóñeno dáamie güiadi, áfena cómena íaifueredimena oréñede, —daide.

Jicánemaci ringo Jesuna ñnote
(Mr 7.24-30)

²¹ Afénomona Jesús oni jáie éniemo jaide. Afénomo Tiro jofue Sidón jofue diga ite. ²² Afénomo Canaán énie ingo Jesús diné caillícana bite:

—Cai ocuífiredé jaiái illaíma David comuítagamie, cuemo dúceai. Cue jiza fiénide jóriái uícaigaza, iere duere zefuide, —daide.

²³ Mei íadi Jesús aféngona ñie izói daiñede. Mei jira ie llófuegamaci íemo izire jicáibitiaioi:

—Mai ie uai fáirio, mei cai méifodo duere caillícana bíteza, —dai díaioi.

²⁴ Jira Jesús daide:

—Juzíñamui daní Israel náíraimona oni féiraite ovejai izóidino mamedada cuena orede, mei afémaci Juzíñamui lloga uaillai jeire onédiaioiza, —daide.

²⁵ Mei íadi afengo Jesús diné billano afémie anamo dújude. Dújuillano afémiemo jicade:

—¡Ocuíraíma, mai cue cano! —daide.

²⁶ Jira Jesús aféngona daide:

—Uruíai izoide Judíuai ónoimona pan bairoda jicóniaí izoide jicánemacimo illa fiénide, —daide.

²⁷ Mei afengo jaca nai daide:

—Cai Ocuíraíma, jii uáfueza, mei íadi jicóniaí naama güügamona ana baiide íruína güífirediaioi, —daide.

²⁸ Mei jira Jesús aféngona daide:

—O íco iere ínotioza. Cuemo o jícaze, daií íteza, —daide.

Daií daina llezica afengo jiza jíllode.

Jesús aillo iráredinuiái jíllotate

²⁹ Afénomona Jesús oni jaillano Galilea jorai fuédado jaide. Afe mei caifónedu ícoimo ráizaze. ³⁰ Iemo afémie illánomo aillo comini gairilla. Afe jáidino diga jáíforie iráredino uitíaioi. Afémiemo ídainidino atídiaioi, íemo uínidinuiái, íemo uáinidino, íemo ónoinidinuiái, íemo diga jáie iráredino afémiemo atídiaioi. Dieze átiano Jesús anamo jónetiaioi. Iemona afémie nana afémacina jíllotate. ³¹ Afe afémie fínuari comini caimare fáigacaidiaioi,

mei eróidaiioimo uáinidino úritiaioiza. Iemo ónoinidino ñue jíllo diaioiza. Iemo ídainidino ñue macádaiioiza. Iemo uínidino ñue cíodiaioiza. Iemona Israel nairai Juzíñamuimo ñúefue nitádiaioi.

Jesús cuatro mil dígade comini ecade
(Mr 8.1-10)

³² Afe llezica Jesús ie llófuegamaci uáiduano daide:

—Bie comínimo dúecaídícue. Ja daruíamani benó cue díga itíaiioiza. Iemo íaiioi güillena ja iñede. Afémacina íaiioi jofomo ecáñeno oréacañedícue, io anamo íaiioi zafénaiza dáii, —daide.

³³ Iemo ie llófuegamaci íena daidíaiioi:

—Mei benomo comini jofue iñédeza, bie aillo comini ecállena ¿ninómona óitícaí? —daidíaiioi.

³⁴ Jira Jesús afémacimo jicánote:

—¿Omoimo niga páaniai ite? —daide.

Jira afémaci daidíaiioi:

—Siete díga pan ite íemo due chámuna ite, —daidíaiioi.

³⁵ Afe mei nana comínina: “Ana omoi ráii,” daide. ³⁶ Dáií daina méifomo siete dígade panes naa chamu díga líinota, Juzíñamuina “tere figora” daide. Afe mei díxada, ie llófuegamacimo ite, afémaci nana comínido fecállena. ³⁷ Afena nana güitíaiioi. Íaiioi güilla mei nana ñue jeírediaioi. Afe mei íaiioi güiga állana siete díga cirígai oruítatiaioi. ³⁸ Afe güitino cuatro mil dígadímaci. Afe baimo ringóniaí naa úruiaíri fácadoñega. ³⁹ Afe mei Jesús afe gairide comini rainode. Ráinua mei ana nocaemo jaillano oni Magdala éniemo jaide.

16

Fariséuai naa saducéuai díga cíórainina raa finóllena jicádaiioi
(Mr 8.11-13; Lc 12.54-56)

¹ Fariséuai naa saducéuai díga Jesumo eróizaidiaioi. Iemo afémie fiéni facátallena monámona comuide cíórainina raana finótaacadiaioi.

² Mei íadi afe llezica afémie jíáifodo uai ote:

—Nauíacana llezica mona jíairenia uire jiti ñue mónaite daifíredíomoi.

³ Iemo jíitiramo díbénemo mona jíaire nairíadi, bie mona fiénite, daifíredíomoi. ¡Comeci íairena mei, jino abi diné ñue cíoidinodíomoi! Uire jíitiramo ñue mona monaílle lote raana ñue onódiomoi. Mei íadi biruí omoi cígimo cue finoca onótatífuiaina onóñediomoi. ⁴ Biruído ite íinoñede fiénidino cíórainina raana finóllena jicáfírediaioi. Mei íadi nauí Juzíñamui uai llóraíma Jonásmo zúidífue íaiioi onótatífue. Afefue baimo jíáífueña llóñeílliaioi, —daide.

Dáií daina mei, afémacina fáicanocaillano Jesús oni jíáinomo jaide.

Fariséuai taino llófírenafue levadura daina pan aillo fáitate raa izoide
(Mr 8.14-21)

⁵ Jesús llófuegamaci jorai ruícafenemo jailla llezica, pan féideza uíñédiaioi.

⁶ Afe mei Jesús íaioina daide:

—Ero, fariséuai naa saducéuaimo ite levadura daina pan aillo fáitate raa izóidemona abí omoi rairuíri, —daide.

⁷ Mei jira llófuegamaci daní conímana daidíaiioi:

—Nibai pan cai atíñena jira afémie daíí daide, —daidíaiioi.

⁸ Jesús áfena comécido onóíllano daide:

—¿Nibái mei páanidicai daidíomoi? ¡Omoi ico nai figo ¡inoñediomoi! ⁹ ¿Nai cinco páaniai ditada cinco mil comini cue écamo jaca uíbicañediomoi? ¿Nai áfena ñue onóñediomoi? Aféruido fiébidinona ¿niga cirigai oruitatiomoi? ¹⁰ Iemo daje izói siete dígade páaniai cuatro mil cominimo cue feca mei ¿niga cirigai fiébidinona iráidíomoi? ¿Afemo jíái daje izói uíbicañediomoi? ¹¹ ¿Minícamo jizídiomoi levadúrado cue úrillana nai onóñena? Naui fariséuai, naa saducéuaimo ite levadúramona abí omoi rairuiri cue daina uaina jamai paando úriñedicue; jíáifue llotícue.

¹² Afemona ie llófuegamaci ie dainana ñue onódiaioi. Pan aillo fáitate levadúramona abí rairuillana lloñédeza. Mei jíáifodo fariséuai naa saducéuai jino lloga taino llófuamona abí rairuíredeza.

Pedro Jesús Crístona jino jáicina llote
(Mr 8.27-30; Lc 9.18-21)

¹³ Afe mei Filípomo dúide Cesarea éniemo Jesús dúcina llezica, ie llófuegamacimo jicánote:

—Cue Nanoide Hima Jitódicueza. Afe dibénena ¿ñie izói comini daidíaiioi? —daide.

¹⁴ Jira afémaci daidíaiioi:

—Dáamierie “Bie Juan Bautista” daidíaiioi, jíáimaci “Bie Elías” daidíaiioi, íemo nai jíáimaci “Nibai Jeremías, nibai jíáie Juzíñamui uai llóraíma,” —daidíaiioi.

¹⁵ Mei jira Jesús daide:

—Omoi ¿mei ñie izói cuena daidíomoi? —daide.

¹⁶ Jira Simón Pedro uai ote:

—Juzíñamui nizeca Cristo dainámiedio. Daje izói caade Juzíñamui Jitódio, —daide.

¹⁷ Jira Jesús afémie uai ote:

—Jonás jitó Simón, o iere ióbidio. Mei ailli o daina uai cómemona omo llóñegaza. Mei jíáifodo monamo ite cue Moo Juzíñamui omo lloga.

¹⁸ Ona Pédrodio dáitícue. Mei jae cuena o daina uai riírede oni dotánide nofici izóideza. Iemona afe bie riírede nofici izoide uáitanide dainamo cuemo ¡notinona comuítaitícue. Iemona titáfirede riino cuemo ¡notinona anáfenoteite. ¹⁹ Iemo jíái monamo ite Juzíñamui illáimana illano naze zuitáfirena llave izoide raa omo lítícue. Iemona bíniemo o rairuícafueña, daje izói monamo ráiruíteza. Afe izói bíniemo o ráiruínegafueña monamo ráiruíñelle,

—dinori Jesús daide.

²⁰ Afe mei Jesús ie llófuegamacina Crístona ie illana bummo jino llotátañede.

Jesús ie túlle llote
(Mr 8.31–9.1; Lc 9.22-27)

²¹ Aféruimona Jesús Jerusalemo ie jáizaillena ie llófuegamacimo jino uáfodo llote. Iaiñoa daide: “Jerusalemo cue dúcille mei ocuífiredé éicomini, naa lletáriraini illáiniri, íemo jíái ocuica uai llófuefiredinori nana iere cuena duere fñoitaiioi. Omoimo llotícueza cuena titáitaiioi, mei íadi daruíamani íllemona meine abido cáadimiena lítícue,” daide. ²² Afe jira Pedro Jesús bai uillano íena lletade. Daide:

—Ocuíraíma cacai, Juzíñamui afe izói gáíñede. ¡Aféfuíai jaca omo zúíñeíteza! —daide.

²³ Mei jira Jesús oni gírecaillano afémiena daide:

—Satanás uícaigaoza. Cúemona oni jai; cue llótaidotioza. Juzíñamui comeci faca izói o comécina facañedio. Jamai come comeci faca izói o comécina facádio, —daide.

²⁴ Afe jira Jesús ie llófuegamacina daide:

—Ninó dáamie cuedo jáiacania dama ie comeci jitáillana féitaredé. Féitano cuedo jáirede. Afémie cuedo jailla ícoínia tídena, afémie áfena izire ónide.

²⁵ Mei ninó dáamie ie cáananona rairuacadmie áfena táinomo fáifitaite. Mei jáifodo cue ícoínia ie cáananona táinomo fáifitímie afe fáifidena abido máíñoite, jaca ninomo zíñona ie íllena. ²⁶ Mei daa come nana bínie ráaniai aillo náamataadi, íemo afe llezica dama ie comeci afémie táinocaitaiadi, nana ie máíñoa ráaniai afémiena jíllotañeite. Mei daa come ie comécina ¿nieze íbárede? ²⁷ Mei uáfueza, Nanoide fima Jitódicueza. Cue Moomo íte ebredinuiaí naa ie abi imáçiri uire bíticue. Iemona illa dígamie íaiói finócaza fécaiticue.

²⁸ Uáfueña ómoína dáitícue, benó cue diga ítinomona dáarie nai tíñeitiaioimo ílláimana cue bíllana cíotiaíoi, —daide.

17

*Jesús abi jáifo méidoficaide
(Mr 9.2-13; Lc 9.28-36)*

¹ Seis dígarui jailla mei, Jesús Pedro, Santiago, Juan diga uite. Dígamie daní eneno iere caifónedumo uite. ² Afénomo íaiói eróicana ie abi jáifo méidoficaide. Ie uíeco jí toma izói queníficaide. Daje llezica ie íncuiro jamánomo úzereficaide. Luz egáíñua izói úzere. ³ Afe llezica, Moisés, Elías, Jesús diga úrillana cíodiaíoi. ⁴ Jira Pedro Jesuna daide:

—Cai Ocuíraíma, níi cai benó caimare cai illa. O jítaíadi daámami jofóçupi benó cai nillí; daa óochupi, jíáie Moisés ie, íemo jíáie Elías ichupi, —daí daide.

⁵ Daí Pedro úrioína llezica, iere quenírede mona ero uíllie, íaiói ferínocaiide. Afe uílliemona da uai cácaide. Afe uai daide:

—Bie iere cue iziruiga jíto. Afémiemo omoi cacáreiri, —daide.

⁶ Afe uaina cacáillano ie llófuegamaci éniemo fueco diné bíjicaidiaíoi. Afémaci iere jacínaitiaíoi. ⁷ Afe méifomo Jesús íaioína jetánota daide:

—Jacíruiñeno caífo omoi náidacai, —daide.

⁸ Afemona érocadiaioimo, ja buna cíóñena. Dama Jesús cíodiaíoi.

⁹ Afe íduaimona fei íaiói billa llezica, Jesús afémaci ocuide:

—Bie omoi ciona rafue bumó lloñeno iri. Nanoide fima Jitódicueza, tíllamona nai meine abido cue cáañeille dinó lloñeno omoi iri, —daide.

¹⁰ Iemona ie llófuegamaci Jesumo jícanotiaíoi:

—¿Níbái mei ocuilla uai llófueraíni Elías raíre uícodo bírena, daífirediaíoi? —jícanotiaíoi.

¹¹ Jira Jesús uai ote:

—Uáfueña Elías fueñe bille. Billano naga ráaniaína ñue fínoite. ¹² Mei íadi: “Elías ja bite” ómoína daidícue. Mei bimaci afémiena onóñediaíoi. Afémiena onóñenamona afémaci comeci óiacana izói afémiena finódiaíoi. Iemo birui Nanoide fima Jitódicueza, afe izói cuena duere zefuítaitiaíoi, —daide.

¹³ Iemona ie llófuegamaci, Jesús Juan Bautístado íaioimo úrite, comécido daidiaíoi.

*Jesús féñide jóriai uícaiga jíto comena jíllotate
(Mr 9.14-29; Lc 9.37-43)*

14 Idumona ana comini illánomo bitiaioimo, dámie Jesús anamo dújuzaibite. Dújuzaibillano daide:

15 —Cai Ocuiraíma, mai cue jitomo dúecai. Fiénide jóríai íena naillítafirede. Aferi afémie iere duere zefuide. Afémie diga ícaíño iráimo baiífiredé; jíáiruido illemo baiífiredé. 16 Benomo o llófuegamacimo cue atica, mei íadi afémaci afémiena jíllotanidiaioi, —daide.

17 Jira Jesús uai ote:

—¡Aiii! ¡Núiena jamánomo ínofinidiomoi! Núefuena jámairuitiomoi. Omoi ñue cue rairuállena, ¿níie dinó omoi cígimo íredicue? Afe jitócome cuemo ati, —daide.

18 Atia mei, Jesús afémiemo ite fiénide jóríai izire rairuide. Rairuállano jino orede. Afe daíi dáina llezica, afe jitócome jíllobicaide.

19 Afe mei Jesús llófuegamaci bai eneno Jesús diga úrite; jícanotiaioi:

—¿Mei nibái cai afe fiénide jóríai orénidicai? —daidiaioi.

20 Jira Jesús íaioina daide:

—Omoi nai figo ínoñediomoiza, afe fiénide jóríai nai jino orénidiomoiza. Uáfueña ómoína dáitícue, ua due omoi ínoiadi iere Juárezifuena finórediomoi. Omoi ínogafue mostaza íji jamánomo dúena izoide íadi, áfedo iere Juárezifuena finoitomoi. Bie áillue caifóneduna “Oni jai” o daííadi, afedu oni jíáinomo jáite. Uáfueña omoi ínoiadi, jánaideza finónide raa ómoimo íñeite. 21 Mei íadi bie izoide fiénide jóríai dama cai güíllena güíñeno ímairillado íemo jíái Juzíñamuimo cai úrillado jino orérede.

Jesús nane ie tílle dáanomo jino llore
(Mr 9.30-32; Lc 9.43-45)

22 Galilea éniédo íaioi macácailla llezica, Jesús ie llófuegamacimo ie tíllifuena íaioimo llore; daide:

—Nanoidé íma Jitódicueza, nairai duere finóllena uillícue. 23 Afe mei cuena títaítiaioi. Mei íadi daruíámami íllamona meine abido cáadimiéna íitícue, —daide. Aféfuena cacáillano iere zúucaidiaioi.

Juzíñamuimo gairracomo dúide úcube Jesús íbade

24 Jesús naa ie llófuegamaciri Capernaum jófue mo dúcidiaioi. Dúcina llezica, Juzíñamuimo gairracomo dúide úcube jícaífredino Pédro mo jícanuaidiaioi:

—¿Omoi llófueráima afe raiñoica úcubena íbaíñete? —jícanotiaioi.

25 Jira Pedro:

—Jíi, íbaité, —daide. Afe mei Pedro jofo jailla llezica, Jesús fueñe Pédrone daide:

—Simón, ¿ómona níie izói cíoide? Bínie illáini ¿níie comínimo úcube jícaífrediaioi? ¿Meita dani ie comínimo? ¿Mei jíáífodo jícanemacimo? ¿Níie comínimo? —daide.

26 Jira Pedro:

—Jícanemacimo, —daide.

Iemo Jesús íena daide:

—Íe jira dani ie comini íbánidiaioi. Iemona afe ailli omo íaioi jícala raiñoica úcube íbánidicue, ¿ero ua? Jíi, íbánidicue. 27 Mei íadi bu cai ícifeíllena, áfena íbaitícue. Íe jira jóraimo jaillano fácuai. Fueñe riáibite chamu o oíri. Otá íe fue eromo daa úcubetuni báitioza. Afe úcubetuni cócomo jícala úcube záitaitéza. Afétuni uano afémacimo o íbari, —daide.

18

¿Ñie come iere jamánomoina?

(Mr 9.33-37; Lc 9.46-48)

¹ Aféruído ie llófuegamaci dáanomo gairíllano Jesumo jicánotiaioi:
—Monamo ite Juzíñamui illáimana illáruimo ¿ñie come iere jamánomoina?
—daidíaiói.

² Afemona Jesús daa jíiza uáiduano íaiói cígiri naidánete. ³ Daií ñiano daide:
—Uáfueña ómoina daidicue, omoi illafue jamai comécina mánairede úrue
illa izói méidorediomoi. Afe izói omoi íñenia jaca monamo ite Juzíñamui
illáimana illánomo jofo jáiñeitiomoi. ⁴ Mei íadi bie úrue izoide dama
ie abi jacire maméñedimie monamo ite Juzíñamui illáimana illáruimo
jamánomoidimie. Iemo daje izói bie nífuenide úrue illáfueña dama ie illáfueña
méidotimie, afémie jamánomoina. ⁵ Daa come cue mámecido bie izoide dúeza
llínoiadi afémie ja dáaruído cuena llínote.

Fiénidifuemo come baiílla iere jacírede

(Mr 9.42-48; Lc 17.1-2)

⁶ Ñie come daa bie izoide cuemo ínote dúeza fiénidifuemo baiítaiadi, afémie
jamánomo duere finórede. Monáillaji iere afóredinomo ie cimoimo áillue nofici
cuinada dotalle baimo ñuera. ⁷ Jáie comínina fiene finótaoicaidino jñii dúerenal
Oni nibéfodo fiénidifuemo baiítifuiai jaca ífirede; mei íadi afémie afémaci
fiénidifuemo baiíta ícoina afémie jñii dúerenal!

⁸ Temona, o finócafuedo oni nibéfodo fiénidifuemo o baiíadi, dama o onoi
jáitaja izói, afefue fínuana fáicanocairi. Daje izói ninó o jáillado fiénidifuemo
o baiíadi, dama o idai jáitaja izói, afénomo jáillana fáicanocairi. Mei júbene onoi
diga daje izói júbene idai diga izói o íllana ziiñona illínomo o jáiadi iere ñuera,
mei íadi nágafezi diga, comini duere finólliraimo o baiíadi iere figóñede. ⁹ Daje
izói mínícamo o eróillamona fiénidifuemo o baiíadi, dama o ujji cuerónota
oni jica dota izói, áfeniaimo eróillana fáicanocairi. Mei júbene uina fíidimie
ziiñona illínomo o jáiadi jamánomo ñuera. Mei íadi mena ui diga comini duere
finólliraimo o dotábiadi iere figóñede.

Oveja oni féiraila izoide rafue

(Lc 15.3-7)

¹⁰ Bie úruiaimona daaza jámairuíñeno omoi iri. Mei ómoina daidícueza,
afémacimo uíñote Juzíñamui abi imaci, monamo ite cue Moo uíécomo
jaca ífirediaioiza. ¹¹ Mei Nanoide Hima Jitódicueza, oni nibéfodo féiraitino
jílotaibiticue.

¹² Omoimona ¿ñie izói comeci facádiomoi? Daa cómemo cien diga ovéjaiai
ia, íemo afémacimona daa oveja féiraiadi, afémie afe noventa y nueve diga
ovéjaiai ie cirínoracomo fiénocaite, afe féiraita oveja jénuaillena. ¹³ Afe féiraita
oveja bailla llezica, áferi afémie jamánomo íóbide. Ua nana jáie noventa
y nueve diga féiraiñede ovéjaiai baimo, afe baiga féiraitimieri jamánomo
íóbide. ¹⁴ Afe izói monamo ite Moo Juzíñamui bie dúezaiaimona jaca daa
féiraitacañede.

Cai ámatiaimona dámie omo fiene íadi, afémiena caimare uáidorediomoi

(Lc 17.3)

¹⁵ O ama omo fiene úriadi, uái daií jaillano dama afémiemo úrizairi;
afémie fiene illa afémiemo ñue lloiri. Afémie áfena náfueiadi, ja afémiena

ñue cáimacaitadio. Afémie diga ñue nabáiritio. ¹⁶ Mei íadi afémie áfena náfueneñiadi o uai ná baitena mena come jíriri. Afe mei afémiemo úrizairi, mei afémiemo nana nitácafuiái mena come nibái daámani come uai nabáífirenado záitarede. ¹⁷ Mei íadi afémie afémacimo cácareacañenia, Juzíñamuina ínóte aillo dáanomo gairídinomo lloiri. Iemo afémie afémacina nai náfueneña maí afémie Juzíñamuimo ñnoñedimiena omoí mameri. Daje izóí gobierno raiñoa úcube íairede jicáfiredinona omoí jámairuia izóí afémiena omoí jámairuigamiena mameri.

¹⁸ Uáfueña ómoína dáitícue, biniemo nana omoí féitañega jáímaci fiénidifuiái, daje izóí monamo féitañega. Iemo jáífodo biniemo omoí féitaga jáímaci fiénidifuiái, afe izóí monamo féitaga.

¹⁹ Nane dáanomo ómoína dáitícue, ómoimona ménamie bie éniemo dájena mameda Juzíñamuimo jicáadi, monamo ite cue Moo ómicoí jica izóí fínoiteza. ²⁰ Mei mena come, nibái daámani come cue mámeçido dáanomo gairíadi, aféno mo afémaci cígímo itícue, —daide.

²¹ Iemo Pedro Jesumo jicánote:

—Cai Ocuíraíma, cue ama cuemo fiéni ítena ¿nígacaiño caimare íena uáidoredícue? ¿Meita siete dígacaiño caimare íena uáidoredícue? —daide.

²² Jira Jesús uai ote:

—Siete dígacaiño daíñedicue. Mei jáífodo jamánomo aillo dígacaiño íena caimare uáidoredio. Uafue jaca ninomo o ámana caimare uáidoredio, —daide.

Caímare uáidoiacañede táijitafiregamie izoide rafue

²³ Jesús nai úrioicaide; daide:

—Ie jira monamo ite Juzíñamui illáimana illirui biniemo ite illaíma finócafue izoide. Aféllaíma nana íe táijitafiregano íemo íbáacaga raana záitaiacade. ²⁴ Afe záitalle táinia mei daa táijitafiregamie illáímamo atídaiói. Afémiemo jamánomo aillo íballe ite. ²⁵ Mei íadi afémie úcubenide. Ie jira íe ocuídímie daide: “Mai bímie, íe ai naa íe úruíai riíre ocuífrellinona feca, cuemo dúide íe íbárega raa záitalleza,” —daide. ²⁶ Iemona afe táijitafiregamie íe ocuífiredímie anamo dújullano íemo izire jicade: “Cue Ocuídímie, cuemo járitaño. Fíaicana nana omo íbaitícue,” daide. ²⁷ Iemo afe ocuídímie afémiemo dúecaide. Dúecaillano afémie íbárega raa íbátañede. Afe llezica ja afémiena rairuíño macátate. ²⁸ Mei íadi afe táijitafiregamie oni jailla llezica, jáie afémie izóí táijitafiregamie baizájide. Afe táijitafiregamie fuéñedímie omo íbállena due íte. Ie jira íe cimoí llínóta íena títaite izóí finode. Afe llezica daide: “Mai cuemo íbárega raa íba,” daide. ²⁹ Iemona íe llaitádimie anamo dújullano íemo izire jicade: “Cuemo raíre járitaño. Fíaicana nana omo íbaitícue,” daide. ³⁰ Mei íadi afémie áfena náfuéño llavéracomo íena llavéate, íe íbárega íbañelle dino. ³¹ Jáie táijitagano áfena cíoillano, íere zúcaidaiói. Iemona nana afe llezica ífícaíllafueña íaíoi ocuídímieo llujáidaiói. ³² Iemona ocuídímie nanóidímiena jírítade. Jírillano íena daide: “Íere fiéni táijitafiregamiedio. Mei izire cuemo jicáñoza, nana cuemo o íbárega raana díno fíicanocaidícue. ³³ Omo cue dúecailla izóí, daje izóí o nabaimo dúecaíredio,” daide. ³⁴ Afe jira afe ocuídímie íere ríicaide. Ríicaillano íe nabaimo dúecaíñedímiena riíre duere finótate, nana íe íbárega íbañelle dino.

³⁵ Bie izóí dánado Jesús íe úrillana záitate. Daide:

—Hla dígamie comécido ñue ie ámana uáidoñenia monamo ite cue Moo afe izói ómoina duere ñinoite, —daide.

19

Fima ie ai dótajado Jesús lletade (Mr 10.1-12)

¹ Jesús bie uaido úrilla méifomo Galilea éniemona jaide. Jaillano Jordán imani ruícafellemo ite Judea éniemo dúcide. ² Diga comini Jesudo jailla, íemo afénomo aillo iráredinuiaina jíllotate.

³ Afe mei fariséuaimona dámerie Jesús zanóllena facátaibitiaioi. Afémiemo jicánotiaioi:

—¿Meita daa come ie áina fia come comeci dánamona dotárede? Afe izoide ¿meita rairuírede? —daidiaioi.

⁴ Jira Jesús uai ote:

—¿Jaiái Juziñamui Cuegáuaina facádoñediomoi? Afénicomo bie izói llote. Fueñe comini comútatimie ringo iima diga finode. ⁵ Nane dáanommo daide: “Bie izóidemona dáamie ie moo ie ei diga fáicanocaite, afe ie ai diga dájena íaillinoi íllena. Iemona afe íaillinoi daade come izói íite.” ⁶ Afemona ménañedeza, daade come izoide. Ie jira jae Juziñamui daade come finócaza, comini oni eneno dotánide, —daide.

⁷ Mei jira jicánotiaioi:

—¿Iemo nibái mei Moisés lloga uaimo áina dotárede daide? Dótaitimie ie dotaca aimo cuegábena írena. Afébena aféngomo íllano, afémie aféngona dotárede, —daide.

⁸ Jira Jesús íaioina daide:

—Mei afe omoi comeci ínoacañenamona Moisés omoi ai dotállena rairuíñede. Mei íadi nanómoma daíi mámeñega. ⁹ Cue ómoina dáiticue, daa come ai jiruíreiñeniadi dotáadi, jíáie ringo óiadi afémie fiénide jiruifue finode. Daje izói oni dotácango otímie jiruifue finode, —daide.

¹⁰ Iemona ie llófuegamaci íena daidiaioi:

—Mei o lloga ringo iima nabaina jaca íadi, ua ráfueza, ¿meita áireiñeno fia cai jáicaille iere baimo ñuera? —daidiaioi.

¹¹ Jira Jesús íaioina daide:

—Nana comini bífuena ónonidiaioi. Dama Juziñamui onótallino bífuena ónoite. ¹² Íñiaimona dáamierie áina ónidiaioi. Dáarie fieni jocóinamona áina ónidiaioi. Jiáimíai comínimona finócari áina ónidiaioi. Iemo jiáimíai Juziñamui illámmana uai llócaillena jaca áina oñédiaioi. Bie uai jeire óredimie jeire óiteza, —dinori Jesús úrite.

Jesús úruiai ñue íllena finode (Mr 10.13-16; Lc 18.15-17)

¹³ Afe mei úruiai Jesumo atidiaioi, ie onoi afézaímo bítano afémie Juziñamuimo afémacido úrillena. Mei íadi ie llófuegamaci úruiai atídino rairuide.

¹⁴ Mei jiáifodo Jesús daide:

—Dama úruiai cue dine bíteza; afémaci rairuíñeno omoi iri. Mei monamo ite Juziñamui illámmana illáruimo jáitino bie úruiai izóidiaioi, —daide.

¹⁵ Jesús afe úruiaimo onoi bítano íaioina ézicite. Eziciano oni jiáigobemo jaide.

Ráarede jitócome Jesús diga úrilla
(Mr 10.17-31; Lc 18.18-30)

¹⁶ Iemo jiáiruido daa jitócome Jesumo úrizaibite. Dúciillano íemo jicánote:

—Ñuera Llófueraima, zíiñona cue illino cue maiñóllena ¿nie ñúefue fínoiticue? —daide.

¹⁷ Jesús íena daide:

—¿Nibái mei cuena ñúemiedio daidio? Dama Juzíñamui ñuena. Abi diné jiáie ñúemienna íñede. Mei jiáifodo zíiñona illínomo o jáiacania, Juzíñamui cai ocuilla uai jeire o oíri, —daide.

¹⁸ Jira afe jitócome íena daide:

—¿Nee mei aféuai? —daide.

Jira Jesús afémiena daide:

—Jiáimana titáñeno iri. Jiruíreñeno iri. Meríriñeno iri. Jiáie cómemo taino lloñeno iri. ¹⁹ O moo o ei diga caimare jacírui. O abina o izíruiilla izói, o jiáie cómena o izírui, —daide.

²⁰ Jira afe jitócome íena daide:

—Nana bífuaiaina jizananomona jeire oticue. ¿Afe baimo nifue nai cuemo fiébilla? —daide.

²¹ Jira Jesús íena daide:

—Nífuneno comécina jaícina jóidimie o íacania, mai jaillano omo ite ráaniai o fecari. Fécano afe iba úcube dúeredinodo fecari. Afemona monamo ite zíiñona ráifide raa óiena íiteza. Afe nana o fecalle mei, mai cuedo bi, —daide.

²² Mei íadi afe jitócome Jesús daí dainana cacáillano abido zuure jaide, mei afémie iere ráaredeza.

²³ Iemona Jesús ie llófuegamacina daide:

—Uáfueña ómoína dáititue, iere aillo ráaredimie mei íadi ie ráaniaina cue baimo afémie izíruiadi, iere féirede Juzíñamui illáimana illíruimo jáillena.

²⁴ Nane dánomo dáititue, caméllona mameide áillue rille eedo uífodo enéfemo jailla juánide, mei jiáifodo aillo ráaredimie Juzíñamui illáimana illíruimo jaillie iere Juárezde, mei ie ráaniai cue baimo afémie izíruieteza, —daide.

²⁵ Ie llófuegamaci áfena cacáillano iere fáigacaidiaioi. Iemo dani jofu conímaiaimo jicánotiaioi:

—Iemona ¿níimie jíllorede? —daidiaioi.

²⁶ Jesús íaioimo eróicana daide:

—Comínimona bie izóidifue finónide, mei íadi Juzíñamuimona nana finórede.

²⁷ Iemona Pedro íena daide:

—Cai Ocúfraima, caimo ite raana nana fiénocaillano odo ja jáidicai. Iemona mei ¿mínica máínoiticaí? —daide.

²⁸ Jesús íaioina daide:

—Uáfueña dáititue, uire jiáiruido naga ráfuiai cómofuina jáite. Aféruimo Nanoide Hima Jitódicueza ebírede illama ráiranomo ráititue. Afe llezica omoi cue diga jáicana jira, doce dígade illaíma ráiranomo ráititioi. Afenamona doce dígade Israel náiraiai ñue jaícina jicánoitioi. ²⁹ Iemo cue íoia naga jofona fiénocaidimie, daje izói ámatiai naa ie móotairi fiénocaidimie, daje izói naa úruairi fiénocaidimie, íemo jiái ie illano zófenocaidimie, afémaci cien dígacaiño íbálliaioi. Daje llezica afémaci zíiñona illínona máínoitiaioi. ³⁰ Mei íadi birui aillo uícoficaidino aféruimo óodaficaite. Daje izói birui aillo óodaficaidino uícoficaitiaioi.

20

Jiricoremo oreca tájiraini izoide rafue

¹ Monamo ite Juzíñamui illáimana illirui jírícure naama finoca izoide. Afémie jítiramo raire ie tájiramaci jénuaide, ie jírícue óllena. ² Afémie ie tájiramaci íbállena afémacimo jaícina llote: “Daarui tájina iba dieze úcube illa dígamie íbaiticue,” daide. Daí dainano ie jacáfaimo tájillena orede. ³ Afe mei jitoma nuévemo ítemo oni gairíranomo jíáie tájítino jénuaide. Afe gairíranomo dáarie tájijñeno itino baite. ⁴ Iaióina daide: “Mai batí cue jacáfaimo tájizairi. Nauife dibénemo ómoimo ñue íbaiticue,” daide. Iemo afémaci dinomo tájizaidiaioi. ⁵ Afe jacafai naama jitoma jaíciri ítemo meine nane jíáie tájítino jénuaide. Daje izói nane nauife dibénemo jénuaide. ⁶ Iemo nane ja nauízaidemo ocuídímie gairíranomo jíáie tájítino jénuaide. Dinomo jíáie tájijñedino baizájide. Iaióina daide: “¿Níbái mei omoi nágarui tájijñeno benó ífirediomo?” daide. ⁷ Jira afémaci íena daidíaioi: “Mei bu caina tájitañede,” daidíaioi. Iemona afémie íaióina daide: “Omoi daje izói cue jacáfaimo tájizairi. Iemona ómoimo dúide dieze ñue íbaiticue,” daide. ⁸ Ja nauídemo, jacafai naama tájitagano úiñotimiena daide: “Mai tájidino dáanommo uáiduano iba. Írainommo jáidino fueñe ibari, íemo nano fueñe jáidino méifodo ibari,” daide. ⁹ Iemona nauízaiacademo jáidino dúcidiaioi. Afémacimona illa dígamie ñue íaioi tájina iba llínotiaioi. Daa denario daina úcube illa dígamie llínotiaioi. ¹⁰ Afe mei nano fueñe tájizaidino ducina llezica, “Jíáimaci baímo aillo úcubena llínoiticaí,” daí comécido facádiaioi. Mei íadi nana illa dígamie dájerize daarui tájina iba dieze úcube llínotiaioi. ¹¹ Ucube llínua llezica, ocuídímie rícaidiaioi. ¹² Iena daidíaioi: “Bie írainommo dúcidino daa hora tájidiaioi. Mei íadi daa cai o íbaze íaióina íbáidío. Cai náamonaze uzíredemo tájidicaí,” daidíaioi. ¹³ Mei íadi afe ocuídímie íaióina daide: “Omoi cacai. Omoimo fienni íñédicue. Fueñe cai úrilla llezica ¿ómoimo dáaruina tájina iba dieze úcube íbaiticue daíñédicue? Jíi, daidicue. ¿Afe llezica áfena jíéruíñediommo? Uáfueza, jíéruíommo. ¹⁴ O tájina iba llínota, mai jai. Bie írainommo dúcidinona daa o cue íbaze íbáacadicue. ¹⁵ ¿Meita cue úcube cue dotáacana dieze dotánidicue? ¿Meita jíáimie cue dúecaillano aillo cue fécarí úradoidio?” dinori ocuídímie úrite. ¹⁶ Afe izói fueñedino óodafacaitiaioi, íemo jíái óodaidino uícoficaitiaioi. Mei uafue, jíriganommo aillo ite, mei íadi nizécano dúemaci, —dinori Jesús daide.

Jesús nane dáanommo ie tülle llote
(Mr 10.32-34; Lc 18.31-34)

¹⁷ Jerusalén iodo Jesús jailla llezica, doce dígade ie llófuegamaci baí eneno uillano daide:

¹⁸ —Birui omoi ciona izói Jerusalemme jáidicaí. Daje izói Nanoide Hima Jitódicueza onódiommo. Afénommo lletáiraini illaima, naa ocuica uai llófueraini cue titállena mámeitiaioi. ¹⁹ Mámiano onínemacimo cuena fécaitiaioi, cue íaioi jífanodoillena. Daje izói ráziaido cuena fáitiaioi. Afe mei cuena cruzmo córaitiaioi. Mei íadi daruíamani íllemona meine abido cáadimiena jáitícue, — daide.

Santiago Juan díga íaillinoi ei Jesús diné daa rafue jíacánuaibite
(Mr 10.35-45)

²⁰ Afe mei Santiago Juan diga íaillinoi ei Jesuna daiízaibite. “Mai cuemo dúecari,” daide. Bíailinoi moo Zebedeo. Afengo naa afe íaillinoiri Jesús anamo dújuzaibitaiói. ²¹ Jira afémie aféngona jicánote:

—¿Minica óiacadio? —daide.

Jira afengo daide:

—Ílláimana o illíruimo dúcille llezica, cue jitó íaillinoimona dáamie o nabézimo rainari, íemo jíaimie o jarífezimo rainari, —daide.

²² Jira Jesús íaioina daide:

—Omoi cuemo jicaca raana nai figo onóñediomoi. ¿Meita duere cue zefuille izói zefúrediomicoi? Cue duere íaioi finolle izói ¿meita ocúrediomicoi? —daide.

Jira afe íaillinoi: —Jii, —daide.

²³ Temona íaillinoina daide:

—Íere uáfueza. Duere cue zefuilla izói duere zéfuitiomicoi. Daje izói cue duere íaioi finua izói afe izói duere finólliomicoi. Mei íadi cue nabezi, cue jarífezimo ómicoi ráinaille cue daiínidícue. Dama cue Moo uícodo mamécamié ráiirena, —daide.

²⁴ Jáie diez dígade ie llófuegamaci afe jicánuana cacáillano, afe íaillinoimo ríicaidiaíoi. ²⁵ Temona Jesús dánomo nana íaioi uáiduno daide:

—Onódiomoiiza náiraiaí illaini íaioi úíñoganona ocuíoifrediaíoi. Iemo íaioimona íere ocuídillaini afémacimo ite ríinodo íere jacire ocuífirediaíoi.

²⁶ Mei íadi omoi cígiri daií íñeite. Mei jíáfodo ómoimona jamánomoidimiena íacadimie, omoi anamo táijidimie izói írede. ²⁷ Daje izói ómoimona uócífadimie omoi ríire ocuícamié izói írede. ²⁸ Afe izói Nanoide íima Jitó omoi cígimo ite. Mei jii, jíaimaci cuena canóllena biñédícue, mei jíáfodo nana comini cánuabitícue. Uafue aillo comini íaioimo ite fiénidífuiaí oni dóllena tíizaibitícue, —dinori Jesús úrite.

Jesús mena uínidimie jillotate

(Mr 10.46-52; Lc 18.35-43)

²⁹ Jesús naa ie llófuegamaciri Jericó jófuemona jino jailla llezica, diga comini afémiedo jáidiaíoi. ³⁰ Jáidiaíoi mo afe io abimo mena uínidimie ráidiaillinoi. Ja Jesús afe íaillinoi abído jáizaillana cacádiaillinoi; cacáillano ríire daidiaillinoi:

—Ocuíraíma, jaiaí illaíma Davidmona comuítagamie mai cócomo dúecai, —daidiaillinoi.

³¹ Jira comini íaillinoina rairuíaíoi. Afe íaillinoina, “Uriñeno, llícai,” daidiaíoi. Mei íadi afe íaillinoi llícaíñeno jamánomo caillíoidiaillinoi:

—Ocuíraíma, jaiaí illaíma Davidmona comuítagamie, mai cócomo dúecai, —daidiaillinoi.

³² Jira Jesús mózide. Mózillano afe íaillinoi jíirillano jicánote:

—¿Nie izói jitáidíomicoi afe izói ómicoi cue finóllena? —daide.

³³ Jira afe íaillinoi uai ote:

—Ocuíraíma, cióacadicoco, —daidiaillinoi.

³⁴ Jira Jesús afe íaillinoimo dúecaillano, íaillinoi ui jetade. Jeta llezica ñue ciódiaillinoi. Afe mei Jesúoiri jáidiaillinoi.

21

Jesús Jerusalemo jofo jaide

(Mr 11.1-11; Lc 19.28-40; Jn 12.12-19)

¹ Ja Jerusalemo áinozidiaioimo, Betfagé duera jófueмо dúcidiaioi. Afe jofue Olivo daina idu áinori ite. Afénomona Jesús ie llófuegamacimona ménamie orede. ² Oriano íaillinoina daide:

—Baie ómicoi uícomo ite duera jófueмо ómicoi jai. Afénomo cuinaca búrrana cíotiomicoi, naa ie úrue diga. Afe zuitada cuemo atiri. ³ Afénomo comini jáifodo dáiiadi, “Cai Ocuárima jitáillano jicácaza; bie búrrana raire abido omo óreite,” daíiri, —Jesús daide.

⁴ Bifuiái íficaide jaiái Juzíñamui uai llóraini cuega uai ñue ícoimo fuitállena. Afe uai daide:

⁵ Jerusalem mameide jofue comínina daíiri:
“Ero, o illaíma comécina mánaidímie izói billa.

Burra emódomo ráicabite.

Afe méereде raa abífirede burra úrue emódodo bite,” —daide.

⁶ Afe mei ie llófuega íaillinoi jaillano Jesús íaillinoi ocuilla izói finódiaillinoi.

⁷ Afe burra naa ie úrue atídiaillinoi. Atiano íaioi inícuirona afe búrrana jobédiaioi. Afe mei Jesús afe emódomo ráinazaide. ⁸ Afe llezica aillo comini Jesús jáillao inícuirona jobédiaioi. Jáíimaci rafóruai jáitajano íemo jobédiaioi.

⁹ Dáarie Jesús uícodo jáidiaioi; jáíimaci óodana jáidiaioi. Nana daje izói riire úritiaioi:

—Jaiai illaíma Davidmona comuítagamiemo ñúefue mai cai dailli. Juzíñamui mámeциdo bitímie caimare íiteza. Juzíñamuimo ebíredifue cai mamelli, —daidiaioi.

¹⁰ Jesús Jerusalemo jofo jailla llezica afe jofue comini diga rafue júfidotiaioi. Diga comini afémie dibéнеdo jicánotiaioi:

—¿Bie bu? —daizitiaioi.

¹¹ Jira jáíimaci daidiaioi:

—Bímie Galiléamo ite Nazaret jofue ímie. Afémie Jesús, Juzíñamui uai jino llóraíma, —daidiaioi.

*Jesús Juzíñamuimo gairíracо ráfua izói ñue finode
(Mr 11.15-19; Lc 19.45-48; Jn 2.13-22)*

¹² Afe mei Jesús Juzíñamuimo gairíracоmo jofo jaillano, afeco eromo ite ráaniai fecádino naa íbároidinori jino jiude. Afénomo ite úcube méidofiredino tájijnabani Jesús oni cáicoide. Daje izói íicirillai fecádino íaioi ráiiracuai Jesús oni cáicoide. ¹³ Afémacina daide:

—Juzíñamui Cuegáuai daide: “Cue jofo daa cuemo úrifireracona íite.” Mei íadi bicona merírifiredino jofo izói finódiomoi, —daide.

¹⁴ Afe Juzíñamuimo gairíracоmo Jesús illa llezica dáarie uínidímiaí, naa ídainidino Jesumo bitíaioi. Afémie afémacina jíllotate. ¹⁵ Mei íadi lletáiraini illaini, naa ocuica uai llófuetinori Jesús uaido dánamona comuídena cíoillano ráicaidiaioi. Daje izói afe gairíracо eromo ite úruiai Juzíñamuimo caimátailla uai cacáillano bimaci iere ráicaidiaioi. Mei afe úruiai daidiaioi: “Jaiai illaíma Davidmona comuítagamie iere ebíredeza,” daidiaioiza. ¹⁶ Jira bimaci ráicáillano Jesuna daidiaioi:

—¿Baie úruiai úrillana cacáñedio? —daidiaioi.

Jira Jesús íaioi uai ote:

—Cacádicue. ¿Bie rafue úrilla cúeina uaina facádoñediomoi? Afe jaiai David daina uai Juzíñamuina bie izói daide:

Úruiai ebire ñúefuena óiena jae rotátatio, —afe

daií Jesús íaioimo llote.

¹⁷ Afe mei ie jicánotinona fáicanocaillano Jesús oni Jerusalémona Betania jófuemo íniaide.

Jesús llizíñede higuera daina amena faidode
(Mr 11.12-14, 20-26)

¹⁸ Afe jítiramo Jesús meine Jerusalemo bítemo iere jufínaite. ¹⁹ Afe io abíri higuera daina aménana ciode. Jesús afénomo áinozide, afena llizilla riéllena. Mei íadi llizíllajiaina íñédeza, daa ie íbiaina ciode. Mei jira Jesús afe higuérana daide:

—Jaca benómona llizíñeítio, —daide.

Daií daina llezica afe higuera dúide. ²⁰ Ie llófuegamaci áfena cíoilano fáigacaidiaioi. Iemo Jesumo jicánotiaioi:

—¿Nie izói ite bie higuera amena raire dúilla? —daidíaioi.

²¹ Jesús íaioi uai ote:

—Uáfueña ómoína daidícue, ua o íñoiadi daa bie aménamo cue fínua izói finórediomoi, íemo jiái afe baímo aillo finórediomoi. Bie caifóneduna “Caifo áijicaillano oni monáillaimo báizai” o dáíiadi, afe bie caifónedu o uai jeire uano, oni dinomo baízaita. ²² Juzíñamuimo omoi úrilla llezica, ua o íñoia nana omoi jicácana ñue llínoítomoi, —daide.

Illáicomini Jesús ocuífrena ríino jicánotiaioi
(Mr 11.27-33; Lc 20.1-8)

²³ Afe mei Jesús Juzíñamuimo gairíracomo jofo jaide. Jaillano afénomo llófuemarite. Afe llezica lletáriraini illaini naa judíuai eicomíniri Jesumo jicánuaidiaioi:

—¿Nie rínodo o raana finófiredio? ¿Afe ríino bu mei omo fecaca? —daidíaioi.

²⁴ Jira Jesús íaioi uai ote:

—Cuemo omoi jicánua izói, ómoimo daafue jicánotícue. Cue jicánolle uai ñue omoi óiadi, bie raa cue fínua ríino ómoimo llóíticue. ²⁵ Mei Juan ¿bu comini báutizallena ocuica? ¿Meita Juzíñamui ocuica? ¿Mei nibai comini ocuica? —daide.

Mei íadi uai oñeno, áfena dani conímamo júfidotiaioi; daidíaioi:

—Juzíñamui ocuica cai daiíadi, Jesús caína dáite: “¿Níbái mei afémiena íñoñediomoi?” ²⁶ Mei jiáifodo, comini ocuica, cai daiíadi, comínina jacíruitica; mei nana comini “Juan Juzíñamui dibénedo úrifrede” daidíaioiza.

²⁷ Iemona bie izói Jesuna daidíaioi:

—O jicánoga jaca onóñedicaí, —daidíaioi.

Jira Jesús íaioína daide:

—Daje izói bie raa cue fínua ríino ómoimo llóñeíticue, —daide.

Mena jító íaillinoi illa izoide rafue

²⁸ Daií daina mei, Jesús íaioína daide:

—Biena ¿nie izói daidíomoi? Daa íima mena jítórede. Íaillinoi moo dámienna daide: “Cue jító, mai cue jíricore illánomo táijizairi,” daide. ²⁹ Afe jító uai ote: “Jáíacañedícue.” Mei íadi afe mei ie comeci jiáifodo fácano, afénomo táijizaide. ³⁰ Afe mei afe moo jiáie jitomo úrizaide. Daje izói íena daide. Iemo

bie jiáito íena daide: “Jii, táijizaiticue.” Mei íadi afémie táijizaiñede. ³¹ Meita bie ménaillinoimona ¿ñie jító ie moo jitáinana finua? —daide.

Jira íena daidíaiói:

—Nanóidimie, —daidíaiói.

Jira Jesús íaioina daide:

—Uáfueña dáititue, gobierno jicátáfirega úcube llínotino, naa íimamo jiruífírede ringóniairi naa jiáie afe izoide fiéndino Juzíñamui illáimana illánomo raire omoi uícodo jáitíaiói. ³² Mei nauí Juan Bautista ñue omoi íllena llófuiaibite, mei íadi aféna íinoñediomoi. Mei jiáifodo afe úcube llínoraini naa jiruíredingotiáiri ie dáinana ínotíaiói. Mei íadi omoi baimaci comeci ífue méiduana ciódiomoi íadi, afémiemo ínollena omoi comeci ítífuiaína méidoñediomoi, —daide.

*Fiénde táijinamaci izoide rafue
(Mr 12.1-12; Lc 20.9-19)*

³³ Mai bie jiáie ráfueño omoi cácarei. Jacafai naama jírícojai éroide úvaiai rillino finode. Finuano afeno nágafene cirínote. Cirínuano afe úvaiai zaizíllico finode. Afe llezica caifo jica tígicaco nite nana afe rigániaimo ñue rairuállena.

Afe mei afémie afécaie ie úiñotimacimo fecade, ie biñena dino. Afe dígamona íemo íbádíaiói. Daí fécano afémie jiáie éniemo jaide. ³⁴ Afe mei úvaiai llizille llezica, ie ocuífíregano orede, náamamo dúide díbene jicállena.

³⁵ Mei íadi afe táijidino jacafai naama orécáno llaitádiaiói. Llátano dáamiéna rázido fatíaiói. Jiáimiéna titádiaiói, íemo jiáimiéna nófiéna níjidiaiói. ³⁶ Ie mei jacafai naama nane jiáie ocuífíregano orede. Nano fueñe ória baimo orede. Mei íadi afénomo táijidino daje izói nane nana afémacina fiéni finódiaiói.

³⁷ Iirainomo afe jacafai naama ie jító orede. “Afémiéna níbai caimare náfueitíaiói,” daide. ³⁸ Mei íadi naama jító billana cíoillano afe táijidino conímana daidíaiói: “Bímie bie énie uire máíñoitimie. Mai cai falli. Afe mei bie énie dani cáieiteza,” daidíaiói. ³⁹ Afe mei afe jító llaitádiaiói. Llátano jacafai baimo uillano íena titádiaiói.

⁴⁰ Mei jira Jesús jicánote:

—Afe jacafai naama billa llezica, afénomo táijidinona ¿ñie izói níbaite? —daide.

⁴¹ Jira íena daidíaiói:

—Afémie afe táijitatínomo dúecaiñeno íaioina títaite. Afe mei jiáie ñue táijidinomo ie énie nano íanori fécaite, mei náamamo dúina díeze llizíllaji raire afémiemo izájífíreitíaióiza, —daidíaiói.

⁴² Jira Jesús daide:

—¿Cue díbéneo Juzíñamui Cuegáuaina jaca facádoñediomoi? Aféuai bie izói daide:

Jofo níraini jámairuillano oni fádoica jáíllirai ja ñuera jáíllirai izóidena jaide. (Bie daííacade comíni jámairuillano ruíffruigamie ja ñuera jica jalleide illáimana jaide.)

Bie cai Moo Juzíñamui finoca.

Afefue íere caimo ebire cacaide.

⁴³ Mei íadi ómoína dáititue, Juzíñamui illáimana ómoimona oni bairolle. Afe mei Juzíñamuimo dúide díbene ízafíredínomo ie illáimana fécaite. ⁴⁴ Iemo afe nofici daínamiemo éicitaitimie níne tibérotáite. Iemo afe nofici jiáimiemo baiíadi jízeño izói afémiéna fínoite, —daide.

⁴⁵ Lletáriraini illaini naa fariséuairi Jesús afe izoide ráfuiái llúana cacáillano daidíaiói, “Afémie ico caído úrite,” daidíaiói. ⁴⁶ Iemona afe Jesuna llaitáacadaiaíói, mei íadi comínina jacíruiillano llaitáñediaíói. Mei nana comini, “Jesús Juzíñamui dibénedo úrite,” daidíaióiza.

22

Airena llezica finoca ráfue mo mameca uai

¹ Jesús nane dáanomo úrizaide. Afémie jíáífue mo mameca uaido úrizaide. Iaióina daide:

² —Monamo ite Juzíñamui illáimana illírui bie izoide. Illaíma ie jíto áirena llezica rafue finua izoide. ³ Ie ocuífregano orede, nauí uícodo llogano jírrillena. Mei íadi afe uáidogano bíacañediaíói. ⁴ Ie jira afémie jíáie ocuífregano dáanomo orede. Uáidoganona bie izói daíri daide: “Íráiziñi güille ja nana ñue uédeza. Farede juráreto fatícueza. Ja nana ñue finócaza. Airena ráfue mo mai nana omoi biri.” ⁵ Mei íadi áfemo íráizillena llogano náfueñediaíói. Afémacimona dáamie ie jacáfaimo jáizaide. Jíáimie ie ráaie oni fécajide. ⁶ Jíáimaci illaíma oreca jírizaidino llaitádiaíói. Lláitano íaióina duere finoda titádiaíói. ⁷ Jira afe illaíma iere ríicaide. Ríicaillano ie úiñote fúiríraini orede, ie orécano fatino titállena; afe llezica afémaci jofue jobáillena. ⁸ Afe mei nane jíáie ie ocuífreganona daide: “Airenafue nana ñue finoca. Mei íadi fueñe uáidogano fiéni itíaióiza bínidiaíói. ⁹ Iemona jofue cígido macáraomo omoi jai. Afénomo nana o cíoillimacina íráizizaíbiri o daíri,” daide. ¹⁰ Iemona afe ocuífregano jino macáraomo jáidiaíói. Jaillano nana íaiói cíonamacina: “Íráizizaíbiri,” daidíaiói. Fiénidino naa ñuemaciri nana dáanomo íaióina gairítate. Afemona íráizillico ja comínina oruide.

¹¹ Afe mei afe illaíma ie jíiriganona onóillena jofo jaide. Iaióimo eroilla llezica daa áirena ráfue mo jíatáfregaroi jítaíoñedimiena cíode. ¹² Jira íena daide: “O áirena ráfue mo jíatáfregaroina jítañeno ¿o nie izói jofo bitio?” daide. Mei íadi afémie uai ollíuai íñede. ¹³ Ie jira illaíma güirábanimo tájijidinona daide: “Bímie riire omoi maíri; maíano afémie jino jíitífomo dotari. Afénomo afémie duere éheiteza, daje izói izírenari murímuriteza,” daí afe illaíma ocuide. ¹⁴ Iemo Jesús nai úrillano daide: Uáidogamací iere aillo ite, mei íadi eneno nizécano dúemaci, —daide.

Gobierno íbátaga úcube rafue

(Mr 12.13-17; Lc 20.20-26)

¹⁵ Iemona fariséuai Jesús úrilla uai féitaiacadaiaíói. Féitajano fiénidífue afémie mo jóoneacadaiaíói. Afe izói finóllena dáanomo maméritiaíói. ¹⁶ Iemona afémacimo jaináidino, daje izói naa Heródesmo jaináidinori Jesuna daíllena orédiaíói:

—Llófueraíma, onódicaíza ua rafue daíífiredio. Daje izói Juzíñamui diné cai jáillio uáfue na llófuefiredio. Afe llezica comini daínauaimo náfuefínidíoi. Iemo jino cíoidífuiaina comínimo riire jícanoñedio. ¹⁷ Ie jira o comeci daínafue jino caímo lloiri: ¿Romano jamánomoidillaíma íbátaga úcube íbádicainia ñuera? ¿Níbai fiénde? —daidíaiói.

¹⁸ Mei íadi Jesús afémaci facátamarillana onode. Jira íaióina daide:

—Comeci íáirena mei abina ñue cíoidinodíomoi. ¿Níbai mei cuena jíitaiacadiomoi? ¹⁹ Afe íbátafirega úcubetuni cuemo ácata, —daide.

Iemona daa denario daina úcubetuni atídíaiói. ²⁰ Afena cíoilano Jesús íaióimo jicánote:

—Afétunimo ¿bu uíeco jana illa? Iemo afétunimo ¿nie come mámecei cúeina? —daide.

²¹ Ie uai otíaiói;

—Romano jamánomoidillaima mámecei illa, —daidíaiói.

Jira Jesús íaióina daide:

—Jamánomoidillaimamo dúide diga mai íemo fecari. Daje izói Juzíñamuimo dúide diga Juzíñamuimo fecari, —daide.

²² Afena afémacei cacáillano iere fáigacaidíaiói. Iena zóofiano oni jáidíaiói.

Tiide comini meine abido cáailena jicánotíaiói

(Mr 12.18-27; Lc 20.27-40)

²³ Aféruido saducéuaimona dáarie Jesumo úrizaidíaiói. Saducéuai: “Tíidino meine abido cáaiñeite,” daíífredíaiói. Afe daíí Jesumo jicánuaíbitíaiói:

²⁴ —Llófueraíma, Moisés caímo cuetá fiécabemo daide: “Daa come tíia, afémie ama ie fecíngona órede, afémie úruiai ie tiide ama méifomo comuillena.”

²⁵ Mei nauí cai cigímo siete diga ámaredimíaiaina ite. Nanóidimie áireillano nai úruenidemo tiide. Tíillano ie méifoide ama afe fecíngo ote. ²⁶ Iemo daje izói afémieri íficaide. Afe mei nane jáíimie daango ote. Afémie mo daje izói íficaide. Daíí fiébiñeno nana fuitíaiói. ²⁷ Afémacei nana tíilla méifomo afengo nane tiide.

²⁸ Iemona tíidino meine abido cáailiruimo, mei siete dígamie daango óteza, ¿afengo nie íima aina mámeite? —daidíaiói.

²⁹ Jira Jesús íaiói uai ote:

—Juzíñamui Cuegáuai naa afémie mo ite ríinori omoi onóñenamona fieni úritiomoí. ³⁰ Tíidino meine abido cáailano ánitíaiói. Daje izói jáánomo íaiói jízaníai ínreitañeítíaiói. Mei jáíifodo monamo ite Juzíñamui abí imaci ízoítíaiói. ³¹ Mei íadi tíidino meine abido caana díbénedo ¿afe Juzíñamui ómoímo Cuegáuaina facadóñediomoí? Afémie bie izói daide: ³² “Dáaruído Abraham Juzíñamuidícue, naa Isaac, Jacob diga,” mei afémacei Juzíñamui illánomo cáadiaíoi. Mei uáfueza, Juzíñamui tíidino íeñede mei jáíifodo cáadino íe, —daide.

³³ Daíí Jesús dánana cacáillano comini ie llófuemarillari fáigacaidíaiói.

Iere jamánomo ínnoiega caímo ocuina uai

(Mr 12.28-34)

³⁴ Fariséuai Jesús saducéuai llíicaitajana cacáillano, dánomo gairídíaiói.

³⁵ Afémacimona daa ocuica uai llófueraíma Jesús facátaiacade. Jira íemo jicánote:

³⁶ —Llófueraíma, nana ocuica uáillaimona ¿nííuaina jamánomoina? —daide.

³⁷ Jira Jesús daide:

—“O Juzíñamui nana o comécido izírui, naa o joréñori, íemo o ífoci úrillado.”

³⁸ Aquíe uai nana ocuica uáillaimona jamánomoina. Afe uai raíre uícodo ínnorede. ³⁹ Afe méifoide uai daje izoide. Aféuai daide: “Dama o abina o izíruiilla izói, afe izói o jáíie cómena izírui.” ⁴⁰ Bie ménade ocuilla uai nana Moisés ocuilla uallai jillaci. Daje izói Juzíñamui uai jino llóraíni llócaiga uai bíemona comuide, —daide.

¿Mei bu jító Cristo?

(Mr 12.35-37; Lc 20.41-44)

41 Afe fariséuai nai dáanomo itíaióimo, 42 Jesús íaióimo jicánote:

—¿Cristomo nie izóí comécido daidíomoi? Afémie nano ie comuítatimie ¿mei bu? —daide.

Jira íena daidíaiói:

—Afémie Davidmona comuítagamie, —daidíaiói.

43 Iemona Jesús íaióina daide:

—Mei ¿nie izóí David, Juzíñamui Ñuera Joreño llúado afémie jitona “Cue Ocuíraíma” daírede? David daíí daina uai cúeina:

44 Monamo ite cai Moo Juzíñamui cue Ocuíraímana daide:

“Bené cue nabézimo o ráiiri, o éoigamací cue anáfenolle dño.”

45 Mei David afémiena “Cue Ocuíraíma” daíiadi, ¿nie izóí Cristo Davidmona comuídímiena maméirede? —daide.

46 Daíí daina uai buna ónide. Iemo aféruimona jíáie facátalle jicánua uai maméñediaíói.

23

*Jesús fariséuáimo naa ocuica uai llófuetinori íaiói fiénidífue llote
(Mr 12.38-40; Lc 11.37-54; 20.45-47)*

1 Afe jira Jesús nana comínina naa ie llófuegamaciri daide:

2 —Ocuica uai llófuefiredino naa fariséuairi Moisés ocuica uai jino llóllena mamécaiaíói. 3 Afemona afémaci lógana jeire omoi oíri. Daje izóí nana afémaci ómoina dánana náfuerei. Mei íadi afémaci illa izóí iñeno iri. Mei comínimo íaiói úrilla izóí iñediaíoi. 4 Afémaci comínina iere riire ocuide. Afe íaiói ocuica uaina comini finónide. Mei íadi dani afémaci afe ocuica uaina due jiza jetáacañediaíói. 5 Núemaci daíllena nana íaiói finócafuíai comini erócana taino finófirediaíói. Daje izóí ñúemaci daíllena Juzíñamui uai cúeina ozócimo jítajana gáidiaíói. Afe izóí afe uai jíáimaci ie ónoímo maítá úicaillena gáidiaíói. Iemo jíái íaiói jítafirega árerói fuemo ite ebire cíoilena jíámaci baímo finórfirediaíói. 6 Iemo ráfuemo íaiói guízájadi afémaci ñuera ráíillnuai jenófirediaíói. Daje izóí Juzíñamui uai llorácomo íaiói jáiadi illaini ráíiranuai jenódiaíói. 7 Afe izóí jino jofue cígimo ite macáraodo íaiói jáiadi, comini camare íaiói uáiduana gáidiaíói. Daje izóí “Cai Llófueraímadío” daínana gáidiaíói.

8 Mei íadi “Cai Llófueraímadío” daíí daítañeno iri. Mei nana omoi ámatiai; íemo jíái omoi Llófueraíma jaca daade; afémie Cristo. 9 Afe izóí bie éniemo buna cue Móodio daíñeno iri. Mei omoi Moo dáadeza. Afémie monamo ite. 10 Daje izóí jíáimacina “O cai Illáímadío” daítañeno iri. Mei o Ocuídímie dáadeza. Afémie Cristo. 11 Omoimona jamánomoidímiena jíáimana canófiredímie. 12 Mei uáfueza, jamánomo abí jacire mamédímie jamáimiena jáite. Mei jíáfodo abí ínoñeno jiba cómedicue daidímie jamánomoidímiena jáite.

13 Ocuica uai llófuetino naa fariséuairi, comécina íáirena mei abina ñue cíoidíomoi, ¡nií omoi dúerena! Mei comini jofo jáíieillena, monamo ite Juzíñamui illáimana illano nazena íbáífiredíomoi. Mei diga Juzíñamui ñue ocuífauíai lluanu, aféfuaiana abido náfuéñediomoi, dani o illafue ñue jáicina jóíiena jira. O lloga iodo uáfueña jáíñedioza. Afe llezica afénomo jofo omoi jáíacañediomoi. Daje izóí afénomo jofo jáíacadino rairuídíomoi.

14 Ocuica uai llófuetino naa fariséuairi, comécina íáirena mei abina ñue cíoidíomoi, ¡nií omoi dúerena! Fecíngotiai jofóniai bairófiredíomoi. Afe

llezica ñüemaci daiñllena comini eróicana Juziñamuimo are úrifirediomi. Ie jira omoi jáimaci duere zefuille baimo duere finóllomi.

15 Ocuica uai llófuetino naa fariséuairi, comécina iáirena mei abina ñue cíoidiomoiza, jñii omoi dúerena! Nágogobaido jáidiomoi daa come omoi ñnoga uai dibénemo omoi itátallena. Itata mei, afe come omoi baimo fiénidimiena orédiomoi. Iemona omoi afémieoiri, comini duere finolle iraimo ziiñona duere zefuñllena mamécaomoi.

16 Uina cíoiñede io ifódino izóidiomoiza, jñii omoi dúerena! Comínina bie izói daiñfirediomi: “Daa come iere uafue daiñllena, Juziñamui ico mámece llíinoiadi afefue ráañede. Mei íadi afémie afécomo nitaca oro mámece llíinoiadi ie daina uai jeire órede,” daidiomoi. 17 ¡Abina onóñede uínidino izóidiomoi! ¿Ñie mei jamánomoina? ¿Meita afe jamai oro? Ieñedeza. Mei afe oro Juziñamui ico jóniamona ñuera raana jáideza. 18 Nane jáífue daiñfirediomi: “Daa come iere uafue daiñllena, altar daina Juziñamui íena rille fecárabani mámece llíinoiadi afefue ráañede. Mei íadi afémie afénomo fecaca raa mámece llíinoiadi ie daina uai jeire órede,” daidiomoi. 19 ¡Abina onóñede uínidino izóidiomoi! ¿Ñie mei jamánomoina? ¿Meita afe fecaca rille? Ieñede. Afe Juziñamuimo fecárabani afénomo fecaca raana ñue finode. 20 Mei jii, Juziñamui íena rille fecárabani mámece llíinotimie daa afe ibani llíinoñede, mei jáífodo nana afébanimo fecaca raana llíinote. 21 Daje izói Juziñamuimo gairiraco mámece llíinotimie daa afe gairiraco llíinoñede, mei jáífodo afeco ite Juziñamui mámece llíinote. 22 Nane daje izói iere uafue daiñllena mona mámece llíinotimie, Juziñamui illáimana ráirano mámece llíinote. Daií llíinua llezica Juziñamui mámece llíinote, mei afe Juziñamui afénomo ráiideza.

23 Ocuica uai llófuetino naa fariséuairi, comécina nai iáirena mei abina ñue cíoidiomoiza, jñii omoi dúerena! Nana omoi ríganaiamona jamánomo jéenide rábiaina Juziñamui íena oni jónefirediomi. Menta daina jéenide rábiai, naa anis daina dúbai díga, íemo jái comino daina rábiai facádoa oni eneno jónetiomoi. Mei íadi ocuica uáimona jamánomo jitáirediuiamoi. Afe jitáirediui be ñie: come comece jáicina jóinana, íemo jáimaci dúecaifirena, íemo Juziñamuimo ñnofirena. Nai afe jáífuiamoi zóofeñena llezica, afe bífuiamoi raire fueñe jeire órediomoi. 24 Táino omoi llúamona uina cíoiñedino io ifódino izóidiomoi. Ráañede uáillaimo iere izire nícidofirediomi, mei íadi jamánomoide ñuera uaimo náfueñediomoi.

25 Ocuica uai llófuetino naa fariséuairi comécina nai iáirena mei abina ñue cíoidiomoiza, jñii omoi dúerena! Mei jiróraco naa plato díga jinófene ñue jocódiomoi, mei íadi afe ero ñinena iáirede. Daje izói comini cíocana abi ñue finódiomoi, mei íadi omoi comece ñine merírilla, naa jáie comini raa báiruamona ógana oruide. 26 Uina cíoiñede fariseo ímie: Mai jiróraco naa plato díga ero jócua izói omoi illafue ñue méidori. Iemona omoi comece ñuefuiaina oruibaite. Afemona afe jiróraco jinófene íainina izói, afe izói omoi jinófene íainiteza.

27 Ocuica uai llófuetino naa fariséuairi, comécina nai iáirena mei abina ñue cíoidiomoiza, jñii omoi dúerena! Uzeredena biga ñue cíoide tíidino ráillena nigaco izóidiomoi. Jinófene ebire cíoide mei íadi ero ñine tíidino ícuruaina oruide, nana jáífoide iáirediuiamoi díga. 28 Omoi comece ñine afe

izóidiomoi. Comini eróicana jinófenena ñue cíoidinodiomoi. Mei íadi comeci dine jáíamacina fiēni jífuefirenana oruide, íemo jáíae fiēnide uáillaina oruide.

²⁹ Ocuica uai llófuetino naa fariséuairi, comécina nai íáirena mei abina ñue cíoidiomoiza, jñii omoi dúerena! Mei jaiāi Juzíñamui uai jino llóraini raiāfo ebire finófrediomoi. Daje izóí jaiāi ñue itino emódomo jónega nofíbicina ebire finódiomoi. ³⁰ Daií fínuano daiífrediomoi: “Cai jáiaigima illáruillaído itícainia, afe Juzíñamui uai jino llórainina fatátañedicaí,” daiífrediomoi. ³¹ Daií dánado afe Juzíñamui uai jino llóraini fatino erófene igímadicaí daiídiomoi, —daide. Jira Jesús afémaci diga icírillano bie izóí daina:

³² —¡Omoi jáiaigima taineca fiēnidifue ñue ícoimo omoi fuitari! —daide.

³³ Jesús nai afémacimo úrite:

—¡Jaióniai izóidiomoi! ¡Omoi nairai titade jaizai izoide! ¿Mei ñie izóí duere finóbille iráimona jíllaitiomoi? ³⁴ Afe jira Juzíñamui uai llóraini, íemo iere baitáđino naa llófuefiređinori ómoimo óreitícue. Mei íadi afémacimona dāmierie titaitiomoi. Daje izóí jáíamacina córaitiomoi. Iemo jáíamacina Juzíñamui uai lloraco eromo rázido fáitiomoi. Iemo jáíamacina naga jófuiāído rácaitiomoi. ³⁵ Daií omoi illamona nana jaiāi ñúemaci titáfirena ícoiniadi ómoimo daií íficaite. Uáfueza, jaiāi Abel fáinamona benomo Berequíās jító Zacarías omoi faja llezica, nana afémaci ícoinia duere zéfuitiomoi. Juzíñamuimo gairíraco íemo Juzíñamuimo rille fecárabani dáafenedo afe Zacaríana fatíomoi. ³⁶ Uáfueña ómoína dáaitícue, nana bie fagano ícoinia birui itino duere zéfuitiaioi.

Jerusalén jófueri Jesús eede (Lc 13.34-35)

³⁷ Jerusalén comínimo dúecaidícue. Juzíñamui uai llórainina fáfirediaioi. Daje izóí Juzíñamui orécánona nófiena níjidiaioi. Diga icaíño átava ie úruiai íáicona bícua izóí íaioina ríidoiacadícue. Mei íadi íaioi cue ríiduana gáíñediaioi. ³⁸ Cacai, Juzíñamui ómoína zóofeiteza. ³⁹ Mei ómoína daidícue, meine abído cuena cíóñeitiomoi. “Juzíñamui mámedido bitímie ñue finóbilleza,” omoi daiille dño cuena cíóñeitiomoi, —dinó Jesús úrite.

24

Juzíñamuimo gairíraco júdaizille Jesús llote (Mr 13.1-2; Lc 21.5-6)

¹ Daií daina mei Jesús Juzíñamuimo gairíracomona jino jaide. Jino jailla llezica ie llófuegamaci: “Bie ebire finoca gairíracomo éroi,” Jesuna daidíaioi. ² Mei íadi Jesús íaioi uai ote:

—¿Bie nana cíódiomoi? Uáfueña ómoimo llóitícue. Bie niroca nófie daa fiēbiñeno nana niné jújicaite. Afeno jofue nana niné táinocaite, —daide.

Enie fúiacana cai onoille rafue (Mr 13.3-23; Lc 21.7-24; 17.22-24)

³ Iemona Olivo daina ídumo jáidiaioi. Afénomo Jesús ráinana mei ie llófuegamaci báinino íemo jícánotiaioi:

—O daina jofue niné táinocaillifue, ¿ñiuruído daií zúite? Afena cai llone. O meine bíllena cai onótaite raa, ¿nie izóí eroide? Daje izóí énie fúillena ¿nie izóí onóiticaí? —daidíaioi.

⁴ Jira Jesús íaioína daide:

—Comini omoi jífueiza abí rairuiri. ⁵ Mei diga comini cue mámedico billano “Cristodicue” dáititai. Afémaci aillo comínina jífueititai. ⁶ Aillo jobáirillana fidititai. Dáarie áinori cácaitiomoi, íemo jíáiena jica cácaitiomoi. Mei íadi áferi jacínaiñeno omoi iri, mei daí íficairedeza. Mei íadi énie fuillíruñede. ⁷ Mei jíi daa nairai jíáie nairai diga fúirite. Iemo daa énie jíáie énie comini diga jobáirititai. Afe llezica aillo náiraiái júbietaitai, íemo aillo dúicuái íite, íemo ñuizaingo diga ígobaiána ñúite. ⁸ Comini duere zefuúllemona nana bífuiaí como táinéinafue.

⁹ Afe llezica ómoína duere finóllena fécaititai. Duere finoda ómoína titaititai. Cue ícoína nana comini ómoína éoititai. ¹⁰ Aféruillaído aillo comini Juzíñamuimo ínuana féitaitai. Dani conímana éoititai. Daje izóí conímana fállena fécaititai. ¹¹ Afe llezica taino llotino iere íite. Afémaci: “Cai bie Juzíñamui dibénedo úriticai,” dáititai. Afémaci aillo comínina jífuecana uite. ¹² Aféruimo diga fíenidifuiái comuállamona, aillo comini conímana izíruillana féitaitai. ¹³ Mei íadi fuitállinomo ñue nífuenino íitimie jíllote. ¹⁴ Iemo afe bie Juzíñamui illáimana illano ñuera rafue nágagobaiáido llóititai, nana náiraiái áfena onóillena. Afe mei énie fuillíruimo dúcúite.

¹⁵ Jaiái Juzíñamui uai jino llóraima Daniel, íirairuimo biite íaire fínuáibitímiedo úrite. Afe bíitimie diga ráaniána tánocaitaite. Afe fieni fínuáibitímie Juzíñamui gairíraco eromo íte rairuírede ñúenomo jáillana o cíoadi, jica botárediomoi. Bíuai facádotímie afe uaina ñue onoiri. Onóillano abi rairuiri. ¹⁶ Afemona Judea éniemo itino oni caifóneduaimo botárede. ¹⁷ Daje izóí daa come íe jofo caifófebanimo íadi, íe jofo eromo íte raana jofo jaillano bairóñeno afénomona bótaiteza. ¹⁸ Daje izóí jacáfaimo íitimie abido íe jofomo íte íncuiruaina uáibiñeite. ¹⁹ Aféruillaído namócingotaiána, ¡ñii dúerena! Daje izóí monoi jirode úrue lláidingotaiána, ¡ñii dúerena! ²⁰ Nocíruillaído jino o bótañeillena, Juzíñamuimo jícarí. Daje izóí ocózinaillaruiimo o bótañeillena o jícarí. ²¹ Mei aféruimo iere aillo duere zefuúllifuiái íiteza. Enie comuállanomona bené afe izóídena íñede. Iemo jíái afe méífomo afe izóí íñeite. ²² Mei jíi, aféruillai Juzíñamui due mozíñoñedenia buna jíllóñena. Mei íadi íe nízécanona izíruillano, aféruillana afémie nano íanori mozíñoite.

²³ Iemona dáamie ómoína: “Be Cristo,” daííadi, daje izóí: “Cristo batí íte,” daííadi afémiemo íñoñeno omoi iri. ²⁴ Mei Crístona abi mamede jífueridino bíiteza. Daje izóí afémaci: “Cai bie Juzíñamui dibénedo úriticai,” dáititai. Afémaci uaido dánamona áillue comúidena fínoititai, naa fáigacaitade ráaniári. Afedo comínina jífueiacadai. Dama Juzíñamui nízécanona jífuefillena facátaititai, mei íadi jífuetañeítitai. ²⁵ Ja nana bífuiaí uícodo ómoimo llotícueza. ²⁶ Íe jira: “Ero bai batí táizicimo Cristo íte,” afémaci daííadi afénomo jáiñeno omoi iri. Daje izóí: “Ero, bico eromo Cristo íte,” daííadi afémiemo íñoñeno omoi iri. ²⁷ Mei ameo fuirí llairilla llezica jica afáífene ícoimo cíocailla izóí, afe izóí cue billíruí jica cíocaizaíbite; Nanoide íima Jitódicueza. ²⁸ Iemo inóniaí gairízaifrenamona rille rifáíllanona ñue omoi onona izóí, afe izóí abido cue cíocaillemona raíre ómoína duere finóllena uáfueña ónoitiomoi.

*Nanoide íima Jitó Cristo billíruí nie izoite
(Mr 13.24-37; Lc 21.25-33; 17.26-30, 34-36)*

²⁹ Afe duere zefuillirui záailla méifomo, jitoma dúite. Daje izói fiui égaiñoñeite, íemo jíái ucúduai monámona ana cóciitiaioi. Afe llezica nana monamo itínuiái riire mozíoide ráaniai niráiricaite. ³⁰ Afe mei Nanoide íima Jitó Cristo bille jana monamo ciocaité. Afena cióillano nana énie nairai éenaitaioi. Nanoide íima Jitó Cristo ana bíllana cóititiaioi. Afémie mona ero uílliedo bite, naa íemo ite riino naa ebíredino diga. ³¹ Afe mei ie abí imaci óreite, afémaci riire bainada fúullemona nana Juzíñamui eneno nizécano nágafenai mona dáanomo jíirillena. Iemona jica énie fuédaiamoná, íemo énie enéfenai mona búitiaioi.

³² Higuera dáina aménamo mamécafuena omoi onoiri. Ie onócairo como fueñe zícua llezica, ja fimona ánozide, daidíomoi. Daje izói afe amena rábiai jino firuilla llezica, ja fimona ánozide daífirediomoi. ³³ Afe izói jitoma dúilla, íemo afémonado nana jíáie zuide raa omoi cióadi, íirairui ánozillana ónoitíomoi. “Ja dúciacade,” daífirediomoi. ³⁴ Uáfuena ómoimo lloticue, bigíma nai tíñeille llezica nana bie raa jino zúite. ³⁵ Mona énie diga fuite, mei íadi cue uáilla jaca fúíñeite. Cue lloga raa nana zúite.

³⁶ Mei íadi cue billíruí óñoñega. Daje izói cue bille hora buna onóñena. Juzíñamui abí imaci onóñediaioi. Daje izói Juzíñamui Jitó áfena onóñede. Dama Moo Juzíñamui ónoiga.

³⁷ Noé íllágimamo comíni fienu illa izói, afe izói Nanoide íima Jitó billíruimo comíni daí íitiaioi. ³⁸ Aféruíllaido aillo noci nai bíñena uícodo, comíni Noé llogáuaimo náfuéñeno daa güilla llotiaioi. Güillano jírófirediaioi. Afe llezica íaioi fienu íllafue meídoñeno, áireoidiaioi, íemo íaioi jízaníai ínreitaoidiaioi. Jaca daí íitiaioi abina Noé áíllue nocáe eromo jaide. ³⁹ Íaioi duere zefuillimo due jiza comécíñediaioimo áíllue noci íaioimo bíide; áferi coróbaizidiaioi. Nanoide íima Jitó billíruí afe izói íite. ⁴⁰ Aféruimo mena íima jacáfaimo illa llezica, afe íaíllinoimona dáamie Juzíñamuimo ínotímie caífo monamo uille, ie mei jíámie fiébicaite. ⁴¹ Daje izói mena ríngo trigo lláia llezica, daango caífo uiga, jíáíngo fiébicaite.

⁴² Caade izói abí omoi onoiri, mei cai Ocuíraíma billíruí óñoñegaza. ⁴³ Mei íadi bífuena onódiomoiza; jofa naama merízaiabítimie bíllana onóadi, afémie ie jofa rairuillano ínñeno cáaité. Daí afémie merízaiabítimie ie jofona tuíñotañeite ie raa meríllena. ⁴⁴ Ie jira jica ía abí ñue omoi finori. Mei due jiza comeci fácañeítíomimo, Nanoide íima Jitó bííteza.

Ínofírede ocuífregamie naa ínofínidímie diga (Lc 12.41-48)

⁴⁵ Ínofírede ocuífregamíemo omoi comécíri. Afémie ñúefue baitádímie. Ie ocuídímie nana jofa ero comínina uíñotaite. Güille hóramo dúcia llezica afémie afémacina écaite. ⁴⁶ Naga íe naama ocuícana ñue finófiredímie afémie billíruimo caímare íte, mei íe ocuíca ñue fínuana cóizaíbíteza. ⁴⁷ Uáfuena ómoína dáíitícue. Afemona jofa naama nana íe jofa eromo íte ráaniaina afémiena uíñotaite. ⁴⁸ Mei íadi ocuífregamie fiénidímiena jáíadi, íemo afe llezica: “Cue ocuídímie are bíñeite,” comécido dáíadi, afe ocuífregamie jaca ínofínide. ⁴⁹ Daí dáina mei afémie jíáie ocuífregano duere fínoite. Afe llezica afémie jífáidino diga güízájite. ⁵⁰ Íemo íe ocuídímie billíruimo afémie comécíñeítemo, íe naama dúciite. Daje izói ocuífregamie óñoñega hóramo

dúciite. ⁵¹ Dúciillano afémiena jamánomo duere fínoite. Afe mei comeci diné nai íairena mei abina ñue cíodino iere duere zefuilla izói, afe izói afémiena duere zefuitaite. Afemona afémie iere éite. Eiano izírenari murímurite, —dinori Jesús úrite.

25

Diez dígade jitáingomo mamécufue

¹ Jesús nane jíáifue llote:

—Monamo ite Juzíñamui illáimana illirui diez dígade jitaingo izoide. Aféngotiai iníreille ráfuego jáidiaioi. Jailla llezica íaioi mechéraiái uitíaiioi. Ringo otímie íaioi uáidollena afénomo jáidiaioi. ² Afénguaimona cinco dígango finóbiñeno ebena jaide. Iemo jíáie cinco dígango ñue finóbillano jáidiaioi. ³ Afe finóbiñeno ebena jáidingotiai íaioi mechéraiái fuilla mei méidolle íjina uíñédiaioi. ⁴ Mei jíáifodo afe ñue finóbidingotiai íaioi méidolle íjina botéllado uitíaiioi jíái íaioi mechéraiáiri. ⁵ Mei afe ringo otímie are biñenamona, nana jitáingotiai ja iníacadiaioi. Iemona ua iníaidiaioi. ⁶ Afe mei dáaferui llezica riire uáidua uai cácaicade: “Ringo otímie ja bíteza. Raire afémie omoi uáiduairi,” daide. ⁷ Afemona nana afe jitáingotiai náidacaillano íaioi mechéraiái unédiaioi. ⁸ Afe llezica afe cinco díga finóbiñeno ebena bitínguai, jíáie cinco díga ñue finóbidingotiaina daide: “Cai mechéraiái ja bóoñedeza. Omoimo ite eneno atica íjimona cai ine,” daidiaioi. ⁹ Mei íadi afe ñue finóbidingotiai finóbiñedingotiaina daide: “Omoimo fecánidicai. Mei ómoimo fecádicaínia caimo fiébiñede. Afe izói ómoimo fiébiñede. Batí fecáriracomo dani jénuaidiomoinia ñuera.” Jira aféngotiai jáidiaioi. ¹⁰ Mei íadi finóbiñedingotiai oni aceite íbajilla llezica, ringo otímie dúcide. Afe ñue finóbidingotiai afémie díga áirena ráfuego jofo jáidiaioi. Afe mei afémie naze ibaide. ¹¹ Íbailla mei aceite íbajidingotiai dúcidiaioi. Dúciillano daidiaioi: “Ocuíraíma, naze caimo tuiño,” daidiaioi. ¹² Mei íadi afémie jofona uai ote: “Uáfuenta ómoína onóñedicue,” daide.

¹³ Iemo Jesús nai úrillano daide: Nanoide íima Jitó Cristo billirui ónonideza, iníñeno abí omoi rairuiri. Ie bille mona ónonideza. Daje izói ie dúciille hora buna óñoñega, —daide.

Talenta daína ráifide úcubemo mamécufue

¹⁴ Jesús nane jíáifue llote:

—Monamo ite Juzíñamui illáimana illarui bie izoide. Daa ocuífiredimie oni jíaígobemo jáiacana llezica, ie ócuifiregano uáidota íemo ite úcube afémacina úíñotade.

¹⁵ Ocuídímie afémacimona daa cómemo cinco mil úcubetuni fecade. Iemo jíáimíemo mena mil dígatuni fecade. Iemo nane jíáimíemo daa milna fecade. Afémacimona illa dígamie ie ífoci onona dieze fecade. Dái fécajano oni jíáie éniemo jaide. ¹⁶ Cinco mil dígatuni igámie, afe úcubena afémie níciduamona, afe baímo cinco mil áfemo baí nabaide. ¹⁷ Daje izói mena mil dígatuni igámie afe baímo jíáie mena mil áfemo baí nabaide. ¹⁸ Mei íadi daa milna igámie ie ocuídímie úcube oni énie ífomo retáidote.

¹⁹ Afe mei, are íllamona afe ocuídímie ocuífiregamíaii diné meine bite. Billano íaioi úíñoğa úcube onóíllena afémacimo jíacánote. ²⁰ Cinco milna igámie fueñe billa. Billano afe baímo ie nabaica jíáie cinco mil ie ocuídímíemo

izáibite. Izájillano daide: “Cue Ocuídímie, o cuemo iga cinco milna baimo jiáie cinco milna nabáidicueza. Be o diez mil dígatuni,” daide. ²¹ Jira ie ocuídímie íena daide: “Cue ocuícana iere ínofiredio. Cue ñuera ocuícamedio. Due omo cue fecácana ñue ínotio. Afemona afe baimo jiáiena ona úínotaiticue. Cue illáimana illánomo mai caimare coco jai,” daide. ²² Afe mei nane mena milna iga ocuífregamie dúcide. Afémie daide: “Cue Ocuídímie, mena milna cue itio. Afe bai nane jiáie mena milna nabáidicue. Be o cuatro mil dígatuni,” daide. ²³ Jira ie ocuídímie íena daide: “Cue ocuícana iere ínofiredio. Cue ñuera ocuícamedio. Due omo cue fecácana ñue ínotio. Afemona afe baimo jiáiena ona úínotaiticue. Cue illáimana illánomo mai caimare coco jai,” daide. ²⁴ Mei íadi afe mei, daa mil dígatuni iga ocuífregamie dúcillano ie ocuídímiena daide: “Cue Ocuídímie, o iere ríimienana onódicueza. O ríñeganomona jaca ófiredio. Daje izói trigo tuiránomo táijiñeno afénomona trigo ófiredio. ²⁵ Te jira ona jacíruillano o cuemo iga úcube éniemo cue retáidoga. Mei íadi o úcube meine cue atícaza. Be ñie,” daide. ²⁶ Iemona ocuídímie íena daide: “Fíénide ocuífregamiedio. Daje izói ráiraierede ocuífregamiedio. Cue rírenana onódio ia, ¿nibái mei bie izói itio? Cue ríñeganomona cue ófírenana onódio. Daje izói trigo tuiránomo táijiñeno, afénomona cue ófírenana onódio. ²⁷ Afemona cue úcube jóneranomo fecáredio. Iemo meine cue bíllemo afe úcubena naa jiáie baimo nabáicatuni diga llínoredicue,” daide. ²⁸ Iemona ocuídímie afénomono itínona daide: “Bímiemo ite mil dígatuni otá, afe diez mil dígatuni ofitatimie mo ine. ²⁹ Igámie nane baimo írega. Afemona afémie mo baimo aillo íte. Mei íadi íñegamie mo due íemo ite meine bairórega. ³⁰ Iemo bie ráííñede ocuífregamie jino jíitfomo dota. Afénomono éeheiteza. Afe llezica izírenari murímuriteza,” daide. Daí daide Jesús.

Nana náiraiamo izire jicánollirui

³¹ Jesús nai úrioido: Mei Nanoide íma Jitó Crístodicueza, illáimana ana cue bille llezica, nana cue abi imáiciai diga bíiticue. Billano ebire finoca illaíma ráíiranomo ráíizaíbiticue. ³² Nana nairai comíni cue uícomo gairítalliaíoi. Afe íaíoi bille llezica, ovejai úíñoraima chívuaimona ovéjaíaina oni eneno nízia izói, afe izói Nahí Illáimana cue íllemona nana náiraiaina oni enenorie jóneiticue. ³³ Cue nabézimo ovejai izóidino jóneiticue. Iemo chívuaí izóidino cue jarífezimo jóneiticue. ³⁴ Afe mei cue nabézimo itínona dáiticue: “Cue Moo ñue finócamaci, mai omoi bi. Juzíñamui énie comúitaja llezica ómoiena mameca illáimana illánomo jofo jai. ³⁵ Mei cue jufíruilla llezica, cuena ecádio. Daje izói cue jirócana llezica cuena jirótatio. Iemo jíái jífocinino cue mácaja llezica cuena jofo ínitatiomoi. ³⁶ Iemo cue íncuíronina llezica cue itíomoi. Daje izói cue dúicotaila llezica cuena uáidotiomoi. Daje izói llavéracomo cue illa llezica, cuena méíñuaíbitiomoi,” daide. ³⁷ Iemona cue nabézimo ite nífuenidino cuena dáitíaiíoi: “Cai Ocuíraíma, ¿mei ñírui o jufíruillana cíóillano ona ecádicai? Daje izói ¿mei ñíruido o jirócana llezica ona jirótaticai? ³⁸ Iemo jíái, ¿mei ñíruido o jífocinino o mácaja llezica ona ínitaticai? Iemo jíái ¿ñíruido o íncuíronina llezica o itícaí? ³⁹ Iemo jíáie ¿ñíruido o dúicotaila llezica o méíñuaídicaí? Daje izói llavéracomo o illa llezica ¿ñíruido o méíñuaídicaí?” daídaíoi. ⁴⁰ Jira Illaíma cue íllamona uai óiticue: “Uáfúena ona dáitíicue, nana

afe bie comécina mánaide cue ámatiaimo omoi finócafuiai, aféfuiai ja cuemo finódiomoi,” dáititue.

⁴¹ Afe mei cue llámmana cue ráirano ie jarífiezimo itínona dáititue: “Cúemona oni omoi jai. Omoi fiēni faidócanodiomoiza. Comini zíifona duere finolle iraimo omoi jai. Afe irai Taife, nana ie abí imaci diga íēna finoca. ⁴² Mei cue jufíruilla llezica cuena ecáñediomoi. Cue jiróacana llezica cuena jirótañediomoi. ⁴³ Afe izói jífocinino cue jáicana llezica cuena jofó inítañediomoi. Cue inícuiro íñēna llezica cuena íñēdiomoi. Duico cue ua llezica, daje izói llavéracomo cue illa llezica cuena uáiduaibifinidiomoi,” daide. ⁴⁴ Jira afémaci cuena dáititai: “Cai Ocuíraima, mei nírui o jufíruillana ciódicai, daje izói o jiróacana, íēmo jífocinino o macácana, íēmo o inícuiro íñēnana, íēmo o irárenana, íēmo llavéracomo o íllana, ¿mei níruido daí o íllana ciódicai ía, ona canóñedicai?” dáititai. ⁴⁵ Iemona afe llezica íaioina dáititue: “Uáfuenta ómoina dáititue, bie comécina mánaide cuemo jaináidinomona dáamiemo omoi fínoñegafuiai, aféfuiaia ja cuemo finóñediomoi,” dáititue. ⁴⁶ Afe mei afémaci zíifona duere finolle iraimo jáititai. Iēmo Juzíñamui jóonega comécina níifuenidino, caimare zíifona cáallinomo jáititai, —dinori Jesús úrite.

26

Jesús llaitállena mamérititai

(Mr 14.1-2; Lc 22.1-2; Jn 11.45-53)

¹ Jesús nana bífuiai llua méifodo, ie llófuegamacina daide:

² —Onódiomoiza benómona ménarui íllamona pascua rafue íteza. Aféruído Nanoide íima Jító Cristodicueza cruzmo coráillena cuena fécaítitai, —daide.

³ Afe llezica lletáriraini illaini, daje izói ocuica uai llófueraini, naa judíuai eicomíniri dáanomo gairídiatí. Lletáriraini caifóidíllaíma Caifás ñúeco íbírímo gairídiatí. ⁴ Afénomo Jesús jífuiano llaitállena mamérititai. Afe llezica afémie titállena mamérititai. ⁵ Mei íadi afémaci daidíatí:

—Nana comini áferi fáillifaíllíñaíllena, rafue ana íēna lláitañeíticai, —daidíatí.

Ringo zióredijina Jesús ifo jillaide

(Mr 14.3-9; Jn 12.1-8)

⁶ Jesús Betania jófume ite. Afémie, chíinaitimiena maméidímie Simón jofomo ite. ⁷ Afe llezica, afénomo daa ringo alabastro daina nofíci finoina ícítirudo ziórediji uite. Afeji íere ráifide. Jesús gúirábanimo ráina llezica, afengo afe ziórede cáirediji Jesús ifomo totade. ⁸ Ie llófuegamaci áfēna cióíllano ríicaidíatí. Dani conímana daidíatí:

—¿Níbái mei áfeji táinomo fáífitaga? ⁹ Afeji aillo úcube óllena fecárede. Afedo oga úcube, dúeredinomo írede, —daidíatí.

¹⁰ Jesús daí íatí úrillana cacáíllano íaioina daide:

—¿Níbái mei bie ringo jífánodoídiomoi? Bie ringo cuemo finoca raa íere ñuera. ¹¹ Omoi cígimo dúeredino jaca ífrede, mei íadi omoi cígimo are íñeíticue. ¹² Bie ringo cue abimo totaca ziórede cáiredijina, cue raíllinomo dúide. Afedo afengo ñue cuena finode. ¹³ Uáfuenta ómoina dáititue, náganomo bie éniemo bie jíllóille uai jino llóíadi, bie ringo cuemo finócana jino llóítatí, afémaci aféngomo úbicafíreíllena, —daide.

Judas Jesuna ie éoidinomo fecade
(Mr 14.10-11; Lc 22.3-6)

14 Afe mei doce dígade llófuegamacimona Judas Iscariote lletáriraini illáimamo úrizaide. 15 Afémacina daide:

—Jesús ómoimo cue fecálleza, ¿nieze cuemo íbaitiomoi? —daide.

Jira “cuatro fiui tájjina iba dieze, omo íbaiticai” dainano, treinta diga ráifide úcubetunillai afémiemo fecádiaioi. 16 Iemo áfemona afe Judas Jesús íaioimo ñue fecállino jenode.

Jesús páscuamo íraicaiño güillafue
(Mr 14.12-25; Lc 22.7-23; Jn 13.21-30; 1 Co 11.23-26)

17 Afe rafue nanódiruimo fáitañega pan güífirediaioi. Afe llezica Jesús llófuegamaci billano jicánotiaioi:

—¿Pascua rafue llezica güillena, uícodo ninomo cai fínuaillae? —daidiaioi.

18 Afémie íaioina daide:

—Batí jófuemo jaillano, cue dainámie jofomo jai. Afémiena daíri: “Cai Llófueraima ona daide: Cúeiena mamécaruimo ja dúciizaideza. Pascua rafue güífrenana o jofomo cue llófuegamaciri güíticue,” —daide.

19 Iemona ie llófuegamaci ie ocuilla izói pascua ráfue gúillena fínuaidiaioi.

20 Ja nauilla llezica, Jesús ie doce dígade llófuegamaciri afénomo güízajidiaioi. 21 Afénomo íaioi güilla llezica Jesús daide:

—Uáfueña dáitícueza, ómoimona dáamie cuena fécaite, —daide.

22 Iemona afémaci iere zúucaidiaioi. Zúucaillano illa dígamierie Jesumo jicánotiaioi:

—Cai Ocuíraima, ¿meita cue? —daidiaioi.

23 Jesús íaioi uai ote:

—Birui cue diga daje plátomona güítímie, ñi cue fécaitimie. 24 Nanoide Ima Jitó Crístodícue; jaiai Juzíñamui Cuegáuaimo lloga iodo jáitícue. Mei íadi cue fecádimie ñni dúerenal Afémie nanómoma jaca jéiciñegania figura, —daide.

25 Iemona afe fécaitimie Judas Jesuna daide:

—Llófueraima ¿meita cue? —daide.

Jira Jesús uai ote:

—Jii, o. O cue fecalle.

26 Te güilla llezica, Jesús pan llánota, Juzíñamuina “Iere figura” daide. Daina mei ditada, ie llófuegamacimo fecade. Fécajano daide:

—Bie güi. Bie cue abiza, —daide.

27 Afe mei jiróraco llánota, Juzíñamuina “Iere figura” daide. Dainano ie llófuegamacimo fecade. Feca mei íaioina daide:

—Nana bicúrimona omoi jirori. 28 Mei bie cue dieza. Cue die, dájemo Juzíñamui llánoga comue uai uáfueña daítate. Aillo comini íaifue muiñóllena cue die totalle. 29 Mei íadi dáanomo bie uva íjina meine jiroñeiticue. Cue Moo illáimana illirui nai dúciñeille dño aféjina jiroñeiticue. Afe bille llezica cómojina omoi diga jiroitícue, —daide.

Pedro Jesús jáanollena Jesús uícodo llote
(Mr 14.26-31; Lc 22.31-34; Jn 13.36-38)

30 Juzíñamuimo íaioi rua fuilla mei, jino Olivo daina ídumo jáidiaioi.

31 Afénomo Jesús íaioina daide:

—Bie naio cueri méaicaillano nana omoi cuena fíeitiomoi. Mei jaiái Juziñamui Cuegáuaimo omoi dibénedo bie izói daide: “Ovejái úiñoraima cue fáiticue, íemona afe ovéjaiái rainólliaioi,” daide. ³² Jesús nai úrite: Mei íadi meine abido cue cáaille mei omoi uícodo Galiléamo jáitícue, —daide.

³³ Jira Pedro uai ote:

—Nana comini ona fáicanocaitiaioi ía, cue ona fáicanocaiñeiticue, —daide.

³⁴ Jira Jesús afémiena daide:

—Uáfúena ona dáitícueza. Bie naio átava nai úriñenia, daámani dígacaiño cuena jáanoitioza, —daide.

³⁵ Pedro íena daide:

—O díga cue tíllena íere jítáirede ía, ona jáanoñeiticue, —daide.

Afe llezica nana llófuegamaci Pedro daina izói daidíaiói.

Getsemanímo Jesús Juziñamuimo úrite

(Mr 14.32-42; Lc 22.39-46)

³⁶ Afe mei Jesús naa íe llófuegamaciri Getsemaní mámeçiredinomo dúcide. Afénomo íaioina daide:

—Bai batí Juziñamuimo cue úrizailla llezica benomo omoi ráiri, —daide.

³⁷ Daí daina mei Pedro, naa Zebedeo jító íaillinoiri Jesús bai uite. Afe llezica Jesús íere zúucaide. Zúucailla llezica comécimo duere zefuilla izói cácaide.

³⁸ Temona íaioina daide:

—Cue comeci íere zúurede. Afe zuufue cuena titade izói finode. Benó omoi fiébiri. Iníñeno cue omoi úiñori, —daide.

³⁹ Daí daina mei afe baimo íanori jaide. Afénomo éniemo fueco díne bíjicaillano Juziñamuimo úrite; daide:

—Cue Moo, o finórenia bie duere finóllinomona cue jíllotari. Mei íadi cue comeci jítaina izói finóñeno iri. O comeci jítaina izói finori, —daide.

⁴⁰ Afe mei daámani íe llófuegamaci illánomo meine bite. Inídiaioina cíozaibite. Iemo Pédróna daide:

—¿Nano íanori omoi cue díga iníñeno cáadino izói ínidiomoi? ⁴¹ Fiénidífueмо omoi báinílleza, iníñeno abí omoi rairuri. Daje izói Juziñamuimo comécido omoi úriri. Uáfúena omoi joreño jíéredeza, mei íadi omoi abí nánide, —daide.

⁴² Afe mei nane Jesús Juziñamuimo úrizaide. Bie izói daide:

—Cue Moo, bie duere cue íaioi facátallemona cue o jíllotareñenia o comeci jítaina izói fino, —daide.

⁴³ Afe mei nane meine bite. Bítemo íe llófuegamaci ínídena cíozaibite, mei íaioi uimo ínie íere íllaza. ⁴⁴ Temona nane afémacina fiénocaillano bai Juziñamuimo úrizaide. Ja daámani dígacaiño úrizaide. Íe mei nane daje uaido úrite. ⁴⁵ Afe mei nane íe llófuegamaci illánomo jaide. Afémacina daide:

—¿Nai ínidiomoi? ¿Nai ocózinaidiomoi? ¡Cacai! Nanoide íima jítdícueza, ja cuena fiénidinomo fecalle hóramo dúcideza. ⁴⁶ Omoi náidacai; jáiticaiza. Cue fécaitimie ja dúcideza, —daide.

Jesús ja llaitada uitíaiói

(Mr 14.43-50; Lc 22.47-53; Jn 18.2-11)

⁴⁷ Daí Jesús nai úroina llezica Judas dúcide. Afémie doce dígade llófuegamacimona dáamie. Afémie aillo comini díga bite. Lloéfaillai naa bigíniari atídiaioi. Afémaci lletáriraini illaini orécaiaioi. Daje izói judúuai éicomini orécaiaioi. ⁴⁸ Fécaitimie Judas Jesús íaioi onóillena llaitalle uai uícodo íaioimo llote:

—Ñímie cacai ñítaiticueza; afémie llaitada omoi uiri, —daide.

⁴⁹ Afemona Jesumo áinozillano daide:

—Llófueraíma, caimare itio, —daide.

Afe emódomo Jesuna ñítade. ⁵⁰ Jira Jesús ie uai ote:

—Cue nabai, ¿minícamo bitio? —daide.

Daí daina mei, comíni billano Jesús llaitádiaioi. Llaitada llavélleña uitíaiioi.

⁵¹ Afe llezica Jesús nabáñiaimona dáamie ie lloefai otá, lletáriraini illaíma ocuífregamie jefo cotade. ⁵² Jira Jesús íena daide:

—Jadie o lloefai oni joone. Mei nana lloéfaido fuirídino, afe lloéfaido títiaioi.

⁵³ ¿Onóñedioza cue Móomona doce dígazie ríiduaíbitinona jicáredicue? Daí jicádicuena afémie biruimo raire cuemo orérede. ¿Afena onóñedio? ⁵⁴ Mei íadi birui afémaci cue llaitáñediaioinia, ¿nie izói Juzíñamui Cuegáuai daina ñue ícoimo zúite? Aféuai bie ífcaidífuaíai ie zuílle lloete, —daide.

⁵⁵ Afe mei Jesús comínina daide:

—¿Ñibái mei merírifiredimie izói cue llaitaíbitiomoí? Mei lloéfaillairi íemo bigíniáiri cuemo bitiomoi. Nágaruillaido Juzíñamuimo gairíracomo ráicana ómoina llófuefiredicue. Afénomo jaca cuena llaitáñediomoí. ⁵⁶ Mei íadi nana bie ífcaide, jaíai Juzíñamui uai jino llóraini lloga ñue ícoimo fuitállena, —daide.

Afe llezica nana Jesús llófuegamaci afémie fáicanocaillano botádiaioi.

Jesús jamánomoidillaini uícomo uitíaiioi

(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Afe Jesús llaitada oni uitino Caifás uícomo uitíaiioi. Afémie lletáriraini caifóidillaíma. Afénomo ocuica uai llófuefiredino naa eicomíniri dáonomo ofidiaioi. ⁵⁸ Mei íadi afe llezica Pedro Jesús uilla ódana caifóidillaíma jofo íbírimo jaide. Afénomo dúcillano jofo jaide. Jaillano afeco úiñotino diga ráiide. Afémie dinomo ráiide Jesús llaitaja ñue ícoimo fúillana cíoillena.

⁵⁹ Lletáriraini naa eicomíniri, íemo nana jamánomoidillainiri Jesumo fienni jónellifue jenódiaioi. Uafue jónellifue íaioi báñenia “Táinofue nítaiticai,” daidíaioi, “áfedo afémie cai titátalleza.” Afe llezica aillo comíni billano taino uailai afémiemo jónetiaioi. ⁶⁰ Mei íadi afémiemo íaioi jónellena baíñediaioi. Afe mei íirainomo ménamie taino llófiredino íaillinoi dúcide. ⁶¹ Afe íaillinoi daide:

—Baie Jesús bie izói daífiredi: “Juzíñamuimo gairíracona júdairedicue. Afe mei daaruíamani illamona meine caífo níredicue,” —daidíallinoi.

⁶² Jira lletáriraini caifóidillaíma náidacaillano Jesuna daide:

—¿Ñibái mei uai oñedio? Bie omo íaioi jónegafue ¿nie izoide? —daide.

⁶³ Mei íadi afe llezica Jesús jaca uaina oñede. Ie jira lletáriraini illaíma íena daide:

—Caade Juzíñamui mámedido o úritadicueza, uri. Uáfueña daíllena riire o ocuídicue. O, Juzíñamui Jitó Crístono o illa caímo lloiri, —daide.

⁶⁴ Jira Jesús daide:

—Jíi, o daina izói ñímiedicue. Nane ómoina dáitícue, Nanoide Hima Jitó Crístedicueza, ríinorede Juzíñamui nabézimo cue ráiillana cíoitioi. Afe llezica mona uílliedo ana monámona cue bíllana cíoitioi, —daí daide.

⁶⁵ Afena cacáillano lletáriraini caifóidillaíma jamánomo ríicaide. Daí ríicaillana ácatallena ie jitáogaroi cuatade. Afe mei daide:

—Bie iima ie daina uáillaido Juziñamuina iáire úrite. ¿Nibái mei nai jáie uai nábitino jitáidicai? Omoi dani ie fiénide dáinana cacádiomoi. ⁶⁶ ¿Minica afémiemo dúina? —daide.

Jira afémaci daidíaioi:

—Dama ie ícoina tírede, —daidíaioi.

⁶⁷ Afe mei ie uíecona tuadíaioi. Rázido íena fatíaioi. Jáimaci ie uíeco púcoidiaoi. ⁶⁸ Daií ñiano íena daidíaioi:

—Mei Crístodioza, ¿nímie o faja? Jino llone, —daidíaioi.

Pedro Jesús onode íadi jáanote

(Mr 14.66-72; Lc 22.56-62; Jn 18.15-18, 25-27)

⁶⁹ Afe llezica Pedro jinófeco ibírimo ráide. Afénomo ie illa llezica ocuífiegango afémiemo billano daide:

—O daje izói Galilea ímie Jesús diga macáfiredio, —daide.

⁷⁰ Mei íadi Pedro comini erócana afémiena jáanote; daide:

—O dáinana onóñedicue. ¿Minica llotio? —daide.

⁷¹ Afe mei Pedro jofa nazemo jáidemo jáíngo íena cíode. Cíoillano afénomo itónona daide:

—Bímie daje izói Nazaret ímie Jesús diga macáfiredo, —daide.

⁷² Afengo daií daina llezica, Pedro nane íena jáanote. Ráirede uaido daide:

—Afe íimana jaca onóñedicue, —daide.

⁷³ Afe mei íanori íllamona afénomo itino Pédro mo áinozillano daidíaioi:

—Uáfueza, afémaci ímiedio, mei dama o úrillado onódicaiza, —daidíaioi.

⁷⁴ Afe jira Pedro uafue daíllena Juziñamui mámece llínota riire daide:

—Afe báimiena jaca onóñedicue, —daide.

Daií ie daina llezica ítava úrite. ⁷⁵ Afemona Pedro Jesús uícodo íena dánamo úbicaide. Afe be níuai: “Atava nai úriñena llezica, daámani dígacaiño cuena jáanoitioza.” Afemo úbicaillano Pedro jino iere zuure écana jáide.

27

Pilátomo Jesús izájidiaoi

(Mr 15.1; Lc 23.1-2; Jn 18.28-32)

¹ Mona monáizailla llezica, nana lletáriraini illaini, naa judíuai eicomíniri, dáonomo gairíllano Jesús titállena nana daje izói maméritiaoi. ² Afe mei Jesús maíano, afe énie úíñote illaima Poncio Pilátomo izájidiaoi.

Judas tíillafue

³ Judas, Jesús fecádimie, Jesuna íaioi coráiaillana cíoillano comece ifue méidote. Iemona treinta diga úcubetuni meine lletáriraini illáinimo izájide, ocuide eicomínimo diga. ⁴ Izájillano daide:

—Iere fiénidifue finódicue; nífuenedimie titállena fecádicueza, —daide.

Jira afémaci uai otíaioi:

—¿Afe fue caimo mei nibái? Dama ófue, —daidíaioi.

⁵ Ie jira Judas afe úcube gairíracomo ana jutade. Afe mei afémie jaillano dama cimoi cúinajano aménamo ágüicaide. Daií afémie tíide.

⁶ Lletáriraini illaini, afe jutaca úcube iráiano daidíaioi:

—Juziñamuimo fia iga úcube jóneracomo bie úcube jónenidicai, mei come títaja úcubeza, —daidíaioi.

⁷ Afe mei afémaci afe úcubedo énie ibállena dájena comécidíaiói. Iaiói ibaca énie mámecei Nógora Orano. Afébiri ibádiaíói jicánemaci tíadi afénomo ráillena. ⁸ Afe jira nai biruimo afébiri Diébirina daiífirena. ⁹ Daií íaiói fínua mona jaiái uai llóraíma Jeremías lloga uai ñue ícoímo fuite. Be ñíuái: “Israel nairai cue íaiói fécaja úcube abido llánotíaiói. ¹⁰ Llínuaño Nógora Orano ibádiaíói. Daií Juzíñamui cue ocuide.”

Jesús Pilato uíécomo jóonetíaiói
(Mr 15.2-5; Lc 23.3-5; Jn 18.33-38)

¹¹ Afe mei énie úíñotíllaíma uícomo Jesús uitíaiói. Afénomo afémie Jesumo jicánote:

—¿O meita judíuái illaíma? —daíde.

Jira Jesús daíde:

—O daina izói nímiédícue, —daíde.

¹² Iemo lletáriraini illaini naa ocuide eicomíniri Jesumo fiénide uailai jóonia llezica, afémie jaca uai oñede. ¹³ Jira Pilato íena daíde:

—¿Aquíe omo íaiói jóonegafuíai cacáñedio? —daíde.

¹⁴ Mei íadi Jesús jaca afe llezica uai oñede. Iemona uai ie oñénari énie úíñotíllaíma fáigacaíde. Ie daiílle uai onóñede.

Jesús titállena mameca
(Mr 15.6-20; Lc 23.13-25; Jn 18.38-19.16)

¹⁵ Aféruíllaido afe rafue ana, llaveca fiénidínomona dáamie Pilato zuitáfírede. Afémie comíni uaido zuitácamié. ¹⁶ Mei afénomo ite mámeceína jica jalleide fiénide maigámie. Afémie mámecei Barrabás. ¹⁷ Illáicomíni dáanomo gairilla llezica Pilato afémacimo jicánote:

—Bíailínoímona ¿nímie ómoímo jino zúitaitícue? ¿Barrabás, mei ñíbai Cristo daina Jesús? —daíde.

¹⁸ Mei Pilato, comíni úradoílla mona Cristo íaiói fécajana ñue onode.

¹⁹ Pilato, riire jicánofíredímie ráíiranomo ráína llezica, Pilato ai uai orede. Afe be ñíuái: “Afe jadímie nífuenidímieza afémiemo jíricaiñeno iri. Mei ja naí afémiena cue nicáírilla llezica iere duere zefuídícue,” daíde.

²⁰ Mei íadi lletáriraini illaini naa ocuide eicomíniri, nana jíaie comíni Pilátóna daiílluái riire llotíaiói. Barrabás zuitállena Pilátomo jicátatíaiói. Daje llezica Jesús titállena jicátatíaiói. ²¹ Afe énie úíñotíllaíma nane dáanomo jicánote:

—Bíailínoímona ¿nímieña cue zuitátatíomói? —daíde.

Jira: —Barrabás zuita, —daídaíaiói.

²² Iemo Pilato íaióimo jicánote:

—Íemona bie Crístóna mámeceíredímie Jesús ¿nie izói ñíbaitícue? —daíde.

Jira nana uai otíaiói:

—¿Cruzmo corai! —daídaíaiói.

²³ Iemona Pilato íaióina daíde:

—¿Ñíbái mei? ¿Nie fiénidífue afémie finode? —daíde.

Mei íadi comíni dáanomo riire daídaíaiói:

—Cruzmo corai, —daídaíaiói.

²⁴ Pilato ie uaina íaiói íñoñenana cíode. Daje izói nana comíni aféfuíairi jamánomo cáilliana cacade. Ie jíriari “Onói cue jocólleza jainói atí” daíde. Jócua llezica daíde:

—Afe bie nífuenidímie tílle cuemo jííñede. Dani ómoífueza, —daíde.

25 Iemona nana comini uai otíaiioi:

—Afémie tulle caimo jíte, daje izói cai úruiaimo, —daidíaiioi.

26 Afe jira Pilato Barrabás zuitade. Afe mei Pilato Jesús rázido fatátate. Fatata mei Jesuna afémacina coráitate.

27 Afe mei énie úiñotillaíma fuiríraíni áillue gairíracomo Jesús uitíaiioi. Afénomo nana jáie fuiríraíniáí afémie onífenedo gairídíaiioi. 28 Afe mei ie iníroi dúíñuano, illaíma jitáfírega jáicuíro afémiemo jitádíaiioi. 29 Afe llezica ifo icuífoi eegi níinacuifoina afémiemo jitádíaiioi. Iemo jáí illaíma llíifírega bigína éna llíinotadíaiioi. Daí ñiano afémie anamo dújudíaiioi. Dújuillano jifánodoiano éna daidíaiioi:

—Judíuai Illaíma are íitioza, —daidíaiioi.

30 Afe llezica afémaci ie túallaitíaiioi. Afe dáanomo ie llíiiga bigi báiruano, ie ifoci púcoidiaioi. 31 Daí ie íaiioi jifánodoia mei, afémiemo íaiioi jitaca jáicuíro dúíñuano, dama ie iníroina jitádíaiioi. Afe mei afémie coráiaidíaiioi.

Jesús cruzmo coráidíaiioi

(Mr 15.21-32; Lc 23.26-43; Jn 19.17-27)

32 Jofue jinomo íaiioi coráiaílla llezica, Cirene énie ímie baitíaiioi. Baillano Jesús uiga cruzna rocátatíaiioi. 33 Daí Gólgata mámeçiredinomo dúcídíaiioi. Gólgata daína “come ifócorai illano.” 34 Afénomo eríredena jaicuica vínona Jesús jirótatíaiioi. Mei íadi Jesús áfena due fácano, jirócañede.

35 Jesús ja íaiioi coraía méifodo, fuiríraíni Jesús iníroi illa dígamie íaiioi máíñuana onóíllena, onótaraji dotádíaiioi. Daí jáiai uai llóraíni lloga uai ñue ícoimo fuite. Afe be níuai: “Onótaraji dotájano, cue iníroi conímaíaimo fecádíaiioi.” 36 Afe mei afémiedo éroíllena afénomo ráíedíaiioi. 37 Ie ifo acónimo cuezábici netádíaiioi. Afébicimo níifue ícoínia duere finoca daína cúeina. Afébicimo cueda bie izói daíde: “Bie Jesús, Judíuai illaíma.”

38 Afe llezica afénomo mena merírifiredímie coráidíaiioi. Dáamie Jesús nabézimo coráidíaiioi. Jáímie ie jarífezimo coráidíaiioi. 39 Afe llezica áfeodo jaide comini Jesuna íáire úritíaiioi. Uaido iere riire éna táigoídiíaiioi. 40 Daí fieni ie táigoiano éna daidíaiioi:

—Juzíñamuimo gairíraco júdaiano daaruíamani ille mei meine níitícue daíífredioza; mai, o abi jíllota. Daje izói Juzíñamui Jitona o íadi, jadíe cruzmona ana bi, —daidíaiioi.

41 Daje izói lletáríraíni illaíni, íemo ocuica uai llófuetino, íemo fariséuai naa ocuífede eicomíniri éna áífeduano conímána daidíaiioi:

42 —Diga jáíamaciána afémie jíllotáfírede, mei íadi dama ie abina jíllotanide. “Uafue Israel Illaíma o ía, jadíe cruzmona ana bii, áfemona omo cai íinolleza,” éna daidíaiioi. 43 Nai ie áífeduano éna úritíaiioi:

—Mei afémie Juzíñamuimo ínoteza, mai mei birui Juzíñamui ie jíllota, Juzíñamui ie jíllotaíacania. Afémie caina “Juzíñamui Jitódícue” daíde, —daidíaiioi.

44 Daje izói ie díga coraíca merírifírede íaíllinoi éna íáire úritíaiíllinoi.

Jesús tílla

(Mr 15.33-41; Lc 23.44-49; Jn 19.28-30)

45 Afe llezica nániéna jítríficaíde. Jitoma jáíciri íllamona batí ana ítemo jítríficaíde. 46 Ja jitoma arífemona ana ítemo Jesús riire caíllide:

—Elí, Elí, ¿lama sabactani? —daide. Afe uai daiíacana: “Cue Juzíñamui, cue Juzíñamui, ¿nibái mei cue zóofetio?”

⁴⁷ Afénomo itínomona dáarie áfena cacáillano daidíaiói:

—Bimie jaiái Juzíñamui uai llórama Elías jírrite, —daidíaiói.

⁴⁸ Daií daina llezica afémacimona dáamie aizida esponja daina fillicide raa uájide. Erírede vínomo riátano Jesús jiróllena caifo rázido ñuitádiaói. ⁴⁹ Mei íadi jíaimaci daidíaiói:

—Dama íteza. Jetáñeno, Elías ie jílloaibiadi, cai cíoilleza, —daidíaiói.

⁵⁰ Afe mei Jesús dánomo riire caillide. Daií cáillia méifodo ja tíide. ⁵¹ Ie tíilla llezica Juzíñamui gairíaco eromo fetácaroi caifona ana erócana atóroido oni cúajicaide. Afe llezica énie docaide, íemo jíái jéerie nofíciái bócoizite. ⁵² Iemo daje llezica, comini raiáfuaí túicoizite. Afe llezica aillo tíide Juzíñamuimo ínotinuiaí meine abido cáadimacina jáidiaói. ⁵³ Afe bimaci íaiói raiáfuaímona jino bitíaiói. Iemo Jesús abido caana mei, ñuera Jerusalén jófuego jáidiaói. Afénomo aillo comini bie como meine abido cáadimacina cíódiaói.

⁵⁴ Iemona fuirírriái illaíma naa afémie diga Jesús úííotínorí, énie docailla, naa jíái comuífuaíina cíoillano, iere jacínaitíaiói. Jacínailano daidíaiói:

—Uáfueza bie Juzíñamui Jitó, —daidíaiói.

⁵⁵ Afénomo diga ringóniaí jicana eróiediaói. Aféngotíai Galiléamona Jesudo jáidiaói. Aféngotíai Jesuna canóírediaói. ⁵⁶ Aféngotíai cígimo, Magdalena énie ingo María íte. Iemo jíái María, Santiago José íaillinoi ei íte. Iemo jíái Zebedeo ai íte. Afengo mena jííorede.

Jesús raitíaiói

(Mr 15.42-47; Lc 23.50-56; Jn 19.38-42)

⁵⁷ Ja nauilla llezica Arimatea énie ímie José bite. Afémie ráaredímie, íemo jíái afémie Jesudo jáicaífirede. ⁵⁸ Afe jira Pilátomo Jesús abi jícajide. Iemona Pilato Josemo afémiena íte. ⁵⁹ Iemo José Jesús abi ana uano ñuera áilloroina junide. ⁶⁰ Junillano dama íe comue raiáfomo jóonete. Afe raiáfo nofícimo finoca. Raía mei áillue nofícina naze íbáillano jaide. ⁶¹ Afénomo Magdalena énie ingo María naa jíái María diga raiáfo uícori ráidiaínguái.

Jesús raiáfo úííotínona jóonetiaói

⁶² Afe jíáiruido, ocózinaillaruimo jitaica raa finua mei, lletárirriái illaíni, naa fariséuári Pilátomo úrizaidiaói: ⁶³ —Ocuídímie, afe taino llórama Jesús dánamo úbicaídicaí. Afémie caana llezica, “Daruíamani ille mei, tíillanomona meine abido cáaiticue,” daíífirede. ⁶⁴ Ie jira afe raiáfo daruíamani fidí riire o finori, íe llófuegamaci íe abi naio mériaíbiñelleza. Mériano comínina “Ja Cristo tíide meine abido caade,” dáitíaiói. Ie llófuegamaci daií finóadi, íaiói íirainomo lloga táínofue, fueñe lloga táínofuaí baimo fiénite, —daií daidíaiói.

⁶⁵ Jira Pilato daide:

—Batí omoi úííote fuirírriái íte. Afémacido afe raiáfo omoi onona izóí riire omoi finori, —daide.

⁶⁶ Iemona raiáfomo jaillano, afénona riire finódiaói. Afe mei afe raiáfo emodo íbailla nofícimo túíñoñeíllena jana finódiaói. Afe mei jóoneide fuirírriái afénomo fíano oni jáidiaói.

28

Jesús tíllanomona meine abido cáadimiena jaide
(Mr 16.1-8; Lc 24.1-12; Jn 20.1-10)

¹ Ocózinaillarui jiáiruido, semana fueñediruimo mona monáiacana llezica, Magdalena énie ingo María, jiáie María diga raiáfo méiñuaidiainguai. ² Afe llezica énie riire docáiricaide. Juziñamui abi ímie ángel dainámie monámona ana billa énie níraidua. Afémie Jesús raiáfomo dúciillano afe ibaila nofici oni tuiñode. Tuiñuano afébicimo ráiide. ³ Afémie abi mona borilla izói quenire cioide. Iemo afémie iniroi jaiilici izói iere úzerede. ⁴ Afémiena cióillano, jónete fuiriraini iere jacínaitiaioi. Cuidíridiaioi. Afe llezica tíidino izói jáidiaioi. ⁵ Afe mei Juziñamui abi ímie afénomo jaide ringóniaina daide:

—Jacínaiñeno. Onódicueza, coraica Jesús jénuabitomoi. ⁶ Afémie ja benó iñede. Omoína ie daina izói, ja meine abido caade. Ie íaioi raiano erózaibi. ⁷ Afe mei ie llófuegamacimo omoi llujáiri. Bie izói lloiri: “Ja afémie tíide íadi meine abido cáadimiena jáideza. Afémie ja omoi uícomo Galiléamo jaide. Afénomo íena cíoitomoi.” Be ómoimo cue llóiacagafue, —daíí daide.

⁸ Iemona ringóniai afe raiáfomona raire abido jáidiaioi. Aféngotiai iere ióbicaidiaioi íadi, nai jacíruioidimaci.

⁹ Iodo íaioi jailla llezica Jesús íaioimo cíocaide. Cíocaillano íaioina uáidote. Aféngotiai íemo ánozillano íemo cáimadotiaioi. Ie ídai meníñotiaioi. ¹⁰ Jira íaioina daide:

—Omoi jacíruiñeno. Cue ámatiaimo llujáiri, Galiléamo raire íaioi jáilleza. Dinomo cuena cíoitiaioi, —daide.

Raiáfona úiñotaga fuiriraini llogafue

¹¹ Ringóniai jailla llezica, raiáfo jónete fuirirainimona dáarie jófueмо jáidiaioi. Afénomo dúciillano lletáiraini illáinimo nana íaioi cíónana llotiaioi.

¹² Aféllaini ocuide eicomínimo ñue íaioi onóillena llujáidiaioi. Ie jira aillo úcubena afe fuirirainimo itiaioi. ¹³ Illano íaioina daide:

—Bie izói omoi daííri: “Naio cai ínia llezica ie llófuegamaci mériano ie abina uitiaioi.” ¹⁴ Iemo énie úiñotillaima aféfuena fidíadi, omoi ñue illena dani cai afémiemo úrizaiticai. Afemona afémie ómoína duere fínoñeite, —daíí daidiaioi.

¹⁵ Iemona afe fuiriraini úcube llínotiaioi. Llínota íaioina daina izói fínuaidiaioi. Iemona judíuai nai biruimo Jesús meine abido cáanana uáitadiaioi; uáitano bie izói daíífrediaioi.

Jesús ie orécamacimo jóonega uai
(Mr 16.14-18; Lc 24.36-49; Jn 20.19-23)

¹⁶ Afemona Jesús once dígade llófuegamaci Galiléamo jáidiaioi. Uícodo Jesús íaioimo lloga ídumo jáidiaioi. ¹⁷ Afénomo Jesuna íaioi cíocillano, afémiemo cáimadotiaioi. Mei íadi dáamierie nai figo íinoñede. ¹⁸ Jira Jesús afémacimo ánozillano daide:

—Nana monamo ite ocuilla ríino, naa éniemo ite ríino diga ja cuemo fecaca. ¹⁹ Ie jira nana éniemo ite comínimo omoi jairi. Afémacina cue llófuegamacina oreri. Afe mei Moo Juziñamui mámecido, daje izói ie Jitó mámecido, naa ie Ñuera Joreño mámecido íaioina báutizari. ²⁰ Nana omoi cue ocuilla uáillaina afémaci jeire omoi otátari. Afe llezica bíena omoi onoiri, cue

nágarui omoi diga ífíreíticueza. Jaca omoi diga ííticuemo énie fuillíruimo dúciite. Daiítadeza; ja níie.

JUZÍÑAMUI ÑUEFUE SAN MARCOS LLOGAFUE El Santo Evangelio Según San Marcos

Juan Bautista táizicimo llúaibite
(Mt 3.1-12; Lc 3.1-9, 15-17; Jn 1.19-28)

¹ Juzíñamui Jitó Jesucristo lloga ñúefue bie izói tainede.

² Jaiái uícodo Juzíñamui uai jino llóraima Isaías cuete:

Mai cacai, o uicodo cue rafue llotímie orédicue, o jáille io ñue ifóllena.

³ Táizicimo caillídimie uai ñue cacaide; daide:

Mai omoi Ocuíraima jaille io ñue finori; ie macalle io jáicina tuiñori, —daide.

⁴ Afe izói bántizaraíma Juan táizicimo cíocaizaibite. Dinomo comini jítáirede bántizaillena afémie ñue llúaibite. Iaioina daide:

—Omoi comeci ifue ñúefuena méidorediomoí. Ie mei bántizarediomoí. Iemona Juzíñamui omoi comeci fiénidifuiái dóite, —daide. ⁵ Iemona nana Judea énie imaci, Jerusalen comini diga, Juan llógamo cacáreizaidiaíoi. Cacáillano íaioi comécimo ite fiénidifuiái uáfodo jino llotíaíoi. Daí íaioi llua méifomo imani Jordámo Juan bántizagaiaíoi.

⁶ Juan jítaca iniroi camello itíraiaí finoína. Ie ciraigí llaitáinafe igorai finoína. Fíuai rite; jazici ie cíjji jirófirede. ⁷ Comínimo llócaillano daide:

—Fui cue méifodo bíitimie, iere cue baimo riire ocuífireitimie. Iemona ie idai ico igai zuitánidicue, mei jofófene jamáimiedicueza. ⁸ Jae jáinoido ómoína bántizadicue, ñuera iodo omoi jáiacana jino llóllena; mei íadi afe bíitimie Ñuera Joreño do ómoína uicaitaite, ñuera iodo éicitaiñeno ñue omoi jáillena, —daí daide Juan.

Jesús bántizainafue
(Mt 3.13-17; Lc 3.21-22)

⁹ Aféruillaído Jesús Nazarémona bite. Afe Nazaret jofue Galilea éniemo ite. Billano Juan illánomo dúcide. Afénomo Juan íena Jordámo bántizade.

¹⁰ Jáinoimona jino billa llezica Jesús mona tújjicaillana ciode. Daje llezica Ñuera Joreño fiiciri izói Jesumo ana bíllana Jesús ciode. ¹¹ Afe llezica monámona uai cácaide; daide:

—O iere cue izíruga Jitódio. Ori iere caimare iticue, —daide.

Taife Jesús facátate
(Mt 4.1-11; Lc 4.1-13)

¹² Afe méifodo raire Ñuera Joreño Jesuna táizicimo orede. ¹³ Dinomo tóñnega rílleniai cígimo Jesús cuarenta dígarui ite. Afénomo Satanás (Taife jááfodo mámeçredimie) Jesús facátate. Aféruillaído Juzíñamui abi imaci ángeles dainámaci Jesús cánuaibitiaíoi.

Jesús Galiléamo llófuiáfue táiniaide
(Mt 4.12-17; Lc 4.14-15)

¹⁴ Ie mei illaíma Herodes Bántizaraíma Juan llavétate. Juan llavébilla mei, Jesús Galilea éniemo jaide. Jáillano Jesús, Juzíñamui ñuera rafue llujáide.

¹⁵ Jesús bie izói daide:

—Ja aféruimo dúcida. Ianori íllamona Juzíñamui nana íemo jaináidimaci dáaziena caimare íllena gairítaibiteza. Iemona jíllonafue omoi ínnuano, omoi comeci ífuiái méidori afémacimo dájena omoi jaináíllena, —daide.

Jesús cuatro dígamie facóramaci uáidote
(Mt 4.18-22; Lc 5.1-11)

¹⁶ Jesús Galilea jorai fuédado mácajide. Jaillano Simona ciode ie ama Andrés diga. Facóraíma íaíllinoi. Llójji jóraimo dotáfirediaíllinoi. ¹⁷ Jesús íaíllinoína daide:

—Mai cuedo ómicoi bí. Chámuniaí ómicoi jenófirena izói, afe izói comini jenórainina ómicoína jóneíticue, —daide. ¹⁸ Raire íemona íaíllinoi Llójji íílanona, afémiedo jáidiaíllinoi. ¹⁹ Ie mei Jesús bai jabo jaillano Zebedeo jíto, Santiágon ciode, ie ama Juan diga. Iaiói llójji cúaidino, nocáe ero ráicana niródiaíllinoi. ²⁰ Jesús íaíllinoi jírite. Iaíllinoi moo Zebedeo nocaemo fiénocaillano ie canóramaci diga, Jesudo jáidiaíllinoi.

Capernaumo fiénide jóriairedimie Jesús jíllotaga
(Lc 4.31-37)

²¹ Ja Capernaumo dúcidiaíoi. Ie mei ocózinaíllaruimo Jesús Juzíñamui uai llófueracomo jofo llófuiáide. ²² Afémie llogáfueri fáigacaidiaíoi. Ua níbai ríimie izói ñue llófullofuede. Ocuícafue llófueraini afe daí llófueñediaíoi. ²³ Afe llezica Juzíñamui uai llófueracomo fiénidena jóriairedimie ite. ²⁴ Afémie ja Jesumo caillide; daide:

—Nazaret ímie, Jesús, ¿nífue cócomo illa? ¿Cai fatátaibitio? Ona onódicue. Juzíñamui íaífuenidimiedio; afémie rafue ñue lluaíbitimiedio, —daide.

²⁵ Iemo Jesús fiénide jóriaímo riire úrite; daide:

—¡Líicai! Bímie fáicanocaillano oni jai, —daide.

²⁶ Iemo fiénide jóriaí afémiena izire docáitate. Ie mei jamánomo caillídemo afémieмона oni jaide. ²⁷ Ie jira nana nairai jacínaitiaíoi. Jira conímamo jícanotiaíoi:

—¿Bie minica? ¿Minica bie como llófueinafue? Bie Jesumo riire ocuíllafue ite, fiénide jóriaí oréllena. Afe fiénide jóriaí afémiena ínofirediaíoi, —daídiaíoi.

²⁸ Ie jira Jesús mámece nana Galilea énie fuédado raire jica jalleide.

Jesús Simón Pedro jífaiño jíllotate
(Mt 8.14-15; Lc 4.38-39)

²⁹ Juzíñamui uai llófueracomona jino billano, Jesús, Simón ie ama Andrés íaíllinoi icomo jaide, Santiago, Juan diga. ³⁰ Dinomo Simón jífaiño abí cuaríllamona ínranomo bíide. Afengo irárenana Jesumo llotiaíoi. ³¹ Iemona aféngomo ánozillano, Jesús afengo onoi llánota, íena caífo naidánete. Afe llezica afengo abí cuarilla aféngomona llíicaide. Daje llezica jarire íaíoi jítailla güille afengo bai íaíoiimo atide.

Jesús aillo iráredino jíllotate
(Mt 8.16-17; Lc 4.40-41)

³² Aféruído, jíto ana zójicaidemo, ja nauíoicailla llezica, nana afénomo ite iráredino, fiénidena jóriairedino diga, Jesumo atídiaíoi. ³³ Nana dino jofue nairai afeco naze fue íbírimo gairízitiaíoi. ³⁴ Jesús aillo íaíoiimo ite diga ie duico jíllotate. Afe llezica aillo fiénide jóriaíai Jesús jino comínimona

orede, mei íadi Jesús afe jóríai úríñeillena íaioimona rairuide, mei afémiena onódiaioiza.

Jesús Galiléamo llujáide

(Lc 4.42-44)

³⁵ Ja monáioicaidemo, nai jítireoidemo, Jesús cazíllano jino jófueмона oni tí daidínomo jaide, dinomo Juzíñamuimo úrillena. ³⁶ Afe mei Simón ie nabáñiairi Jesús jenuaidiaioi. ³⁷ Baillánona íena daidíaioi:

—Nana o jenódiaioi, —daidíaioi.

³⁸ Iemo Jesús íaioina daide:

—Ainori itícuaimo mai cai jai, dinomo daje izói ñúefue cai llujáillena; mei afe jira jino bitícueza, —daide.

³⁹ Daí Jesús nana Galiléado macade. Naga illánuaimo Juzíñamui uai llófueriracomo llócaide. Afe llezica comínimona fiénide jóríai jino orede.

Chínaite izóidimie Jesús jíllotate

(Mt 8.1-4; Lc 5.12-16)

⁴⁰ Jesumo chínaite izóidimie áinozide. Ana dújuano daide:

—Cue o jíllotaiacaniadi cuena jíllotaredio, —daide.

⁴¹ Ie jira Jesús afémiemo dúecaide. Jira ónoido jétano daide:

—Jíi, ona jíllotaiacadícue. Mai o abí jácaiteza, —daide.

⁴² Daí daínamona afe duico iráredimiemona cíobicaíñena. Jae ñúemie.

⁴³ Iemo Jesús afémie orede. Daje llezica riire ocuállano daide:

⁴⁴ —¡Cacai! Bumo lloñeno iri. Dama lletáriraima sacerdote dainámiemo jaillano, o abí ácatari. Dáaruído Moisés jaiái ocuica abí duafue ráana, mai afémiemo izájiri. Iemona comini o abí jíllotana fidítiaioi, —daide.

⁴⁵ Mei íadi afémie jaillano nana comínimo afe ie jíllonafue llujáide. Iemo aillo comini Jesumo izire gairíodiaioi. Ie jira ja Jesús bu jófueмо uáfodo jáinide; mei íadi jino jofue iñénanamo mácajide. Mei íadi nággobiaimona bizájidiaioi afémiena cíoillena.

2

Jesús tízitaitimie jíllotate

(Mt 9.1-8; Lc 5.17-26)

¹ Ie méifodo nano nígarui íllamona Jesús meine abido Capernaumo jaide. Afémie jofomo íllana ja fidítiaioi. ² Iemo aillo nairai ie jofomo gairídiaioi. Jofo comínina oruállamona iere rillírede; ja naze fuemo íaioi illino iñede. Íaioimo Juzíñamui úrillafue Jesús jino llote. ³ Iemo cuatro dígamie tízitaitimie atídiaioi. ⁴ Iere comini íllaza, Jesús íllánomo dúcinide. Ie jira jofo emódomo caifo jaillano, Jesús illa llezícamo jofo emodo íbáicano cúcoidiaioi. Cúcoianona aféfodo tízitaitimie ana agüínetiaioi, naa afémie bírrallu diga. ⁵ Afémaci comeci íinuana cíoillano, Jesús tízitaitimiena daide:

—Jító, o fiénidífue jae ñue dófide, —daide.

⁶ Dáarie ocuicafue llófueraini, dinomo ráidino, íaioi comeci facáoidiaioi: ⁷ “¿Níbái mei bímie daí úrite? Juzíñamuina fiéni úrite. Dama Juzíñamui fiénidífueña dua. Abi dine bu Juzíñamui izói fiénidífueña doñena.” ⁸ Mei íadi dama Jesús ie comécido afémaci comeci úrillafueña onode. Jira daide:

—¿Níbái mei omoi comeci daí facádiomoi? ⁹ ¿Ñie iere júanina iráredimiena daííllena: “O fiénidífue dófite,” níbai jáífodo daina: “Náidacai, o bírra llínota ui,

mai maca”? ¿Ñiie iere júanina? ¹⁰ Ie jira jiáifuenta ómoimo fidítaiticue. Biniemo comini fiénidifuiaina oni muiñólle ríino cuemo ite. Nanoide fima Jitódicueza, —daide. Iemo tizitaitimiena juare daináfuenta daide:

¹¹ —Ona daidicue: Caifo náidacai. O bíirallu llínota mai o jofomo jairi, —daide.

¹² Ja iráredimie raire náidacaillano ie bíirallu llínote. Llínvano dinómona jino jaide. Ie jáillana nana comini ciódiaioi. Jira áferi fáigacaidiaioi. Daje llezica Juzíñamuina cáimadotiaioi. Daidíaioi:

—Jaca daiítadifuenta ciórainidicai, Juzíñamui o iere jamánomoidimiedio. Mai Juzíñamuimo cai ióbilli, —daidíaioi.

Jesús Leví uáidote

(Mt 9.9-13; Lc 5.27-32)

¹³ Ie mei Jesús meine abido jorai fuédamo jaide. Nana comini iemo áinozidiaioimo, afémie íaioina llófuete. ¹⁴ Jesús mácajilla llezica, Levína ciode. Leví Alfeo jitó. Afémie gobierno ibátaga úcube llínoranomo ráide afe úcube llínollena. Iemo Jesús íena daide:

—Cuedo bi, —daide. Jira Leví náidacaillano afémiedo jaide.

¹⁵ Afe méifomo Jesús Leví jofomo güizájide. Dinomo aillo jiáie gobierno ibátaga úcube llínoramaci Jesús dáanomo güirábanimo ráiediaioi naa fiénidimaciri. Mei iere áillomaci afe izóidino afémiedo jáidino. Afe dáanomo Jesús llófuegamaci ráiidiaioi. ¹⁶ Mei íadi dáarie ocuícáfue llófueraíni fariséuai diga, Jesús nana afe fiénidimaci diga naa íáiruiga ibátaga úcube llínoramaciri dáanomo güillana ciódiaioi. Iemona Jesús llófuegamacina daidíaioi:

—¿Ñibái mei omoi llófueraíma afe íáiruiga ibátaga úcube llínoramaci diga güífiredi, jiróífiredi? Daje izói, ¿ñibái mei jiáie fiénidino diga güífiredi? —daidíaioi.

¹⁷ Aféfuenta Jesús cacáillanona duera ráfuedo íaioina daide, nie ícoínia mei íáiruigamaciri diga ie güífirénana íaioi onóillena. Be ñífue:

—Íránidimaci manóriraimana jítáiñediaioi; dani duícotaidino da manóriraimana jítaina. Mei ñüemacimo cue uáiduaiñidicue. Fiénidino uáiduaiñidicue afémaci jilloillena, —daide.

Daa mona güillena fimairillena Jesumo jicánotiaioi

(Mt 9.14-17; Lc 5.33-39)

¹⁸ Jáíruido Bántizaraima Juaado jáidino fariséuaido jáidino diga nana güiñeno fimairitiaioi. Aféruimo dámierie Jesumo jicánuaibitiaioi:

—¿Ñibái mei Juaado jáidino fariséuaido jáidino diga nana güiñeno fimairitiaioi, mei íadi o llófuegamaci fimairiñediaioi? —daidíaioi.

¹⁹ Jesús uai uano ráfueo mámiano íaioi llófuete, afémiedo jáidino finócana jiáimaci féinino onótallena. Daide:

—Airenafuemo uáidogamaciri ringo otímie íaioimo illa llezica ¿meita fimairiediaioi? ¿Ñibái fimairinidiaioi? Ringo otímie íaioimo illa llezica jaca fimainidiaioi. ²⁰ Mei íadi ringo otímie íaioimona baíróbicailliruimo dúciite; aféruimo uáfuenta fimairitiaioi.

²¹ Iemo daje izói ñue onótallena jiáie ráfueo mámiano íaioi llófuete; daide:

—Buna jaiáicuro inícuero cúaidinomo comue jofo gájijcaíñede iniroi nitácapu dájemo jofo jillíñede, mei comue gájijcaíñede nitácapu afe jaiáicuirona onífenado nane ráataitade. Iemona cúaidino jae iere aillóite. ²² Daje izói comue

vino jácara igorai ie finoína botéllamo jóonenide. Jácara botéllamo comue vino jóoneadi, afétella bójicaide. Iemo nana vino táinomo tójicaide. Daje izói afe igorai finoína botella bójicaillano meine finónide. Ie jira comue vino comue igorai finoína botéllamo jóonerede, —daide.

Jesús llófuegamaci ocózinaillarumo trigo llizíllaticiai tícoidiaioi
(Mt 12.1-8; Lc 6.1-5)

²³ Daa mona ocózinaillarumo Jesús ríganiai cígido mácajide ie llófuegamaci diga. Afénodo jaillano ie llófuegamaci arrozna eroide trigo llizíllaticiai ja tícoidiaioi. ²⁴ Iemo fariséuai íena daidiaioi:

—¡Erocai! ¿Nibái mei o llófuegamaci rairuírede jetádiaioi? Afena ocózinaillarumo rairuírede, —daidiaioi.

²⁵⁻²⁶ Mei íadi afémie íaioina daide:

—¿Jaca nibái David finócana facádoñediomoi? Afémie naa ie nabáiñiari güille íñena llezica, júbietàllano Juziñamui jofomo jaide. Ua Abiatar lletáriraini illáimana illáruído, David jofa jaide. Afe jofa eromo Juziñamuimo eneno mameca rairuírede panes ite. Dani Juziñamui lletáriraini áfena güirena; jáímacimona afe rairuírede. Afe panes David uánona güite; ie mei ie nabáiñiaimo fecade.

²⁷ Iemo nane Jesús íaioina daide:

—Íma ocózinaillarui íena fínoñega, mei íadi ocózinaillarui íma íena mameca.

²⁸ Jira Nanoide Íma Jitona cue íllamona, ocózinaillaruína ocuíredicue. Aferui Náamacicue, —daide.

3

Jesús ónoína llirídímie jíllotate
(Mt 12.9-14; Lc 6.6-11)

¹ Jesús dáanomo Juziñamui uai llófueriracomo jofa jaide. Afénomo ónoína llirídímie ite. ² Afénomo itínomona Jesumo iere eróioidiaioi, ocózinaillarumo Jesús bímiēna jíllotajana onóillena, áfedo Jesumo fiénidífue jítlallena. ³ Ie jira ónoína llirídímiena Jesús daide:

—Náidacai; jofa bené cígimo bi, —daide.

⁴ Dáanomo jáímacimo jícanote:

—¿Mínícana ocózinaillarumo ómoiri finóredicue? ¿Nibái fiénidífue fínoiticue, nibái ñúefue fínoiticue? ¿Nibái omoi jíllotaiticue, nibái omoi títaíticue? —daide Jesús.

Mei íadi afémaci ja uai oñediaioi. ⁵ Jira Jesús íaioiri rícaide. Daje izói zuure íaioimo eroide, mei íaioi onóiacañena jira. Iemo afe íimana daide:

—Maí, o onoi zúitacai, —daide.

Ie jira ie onoi zúitácaide. Iemona ja ie onoi ñuera. ⁶ Afe mei fariséuai, naa Herodes imaci diga jino jaillano, Jesús fallífue raire mamédiaioi.

Aillo nairai jorai fuédamo gairídiaioi

⁷ Jesús ie llófuegamaci diga, jorai fuédamo jaide. Iemo aillo nairai Galilea imaci, íedo jáidiaioi. ⁸ Mei áillue ráfuenta, afémie finócafuiaina, fidíllano aillo Judea énie imaci bite, Jerusalen imaci diga. Daje izói Idumea énie imaci bite; Jordán imani ruicáfelle imaci bite; Tiro, Sidón diga áinori itímaci bite. Nana dáanomo bitíai; Jesús eróizabitíai. ⁹ Ie jira Jesús ie llófuegamaci ocuide nocáe atíllena, aillo nairai iere rillire íemo íñeillena. ¹⁰ Mei iere aillo nairai

jíllotote. Iemona nana jáíe iráredino rillire afémiemo gairídiaioi, ie jetánollena.

¹¹ Iemo afénomo itínomona dáarie fienu jóriairediaioi. Afémiena cíóillanona, afémie uíécomo ana dújudiaioi. Dújuillano caillíoicaidiaioi:

—O Juziñamui Jitódio, —daide.

¹² Mei íadi Jesús fiénide jóriaina izire rairuide; daide:

—Juziñamui Jitona cue íllana daíñeno iri, —daide.

Jesús doce dígamie nizede, oni íaioi óriano afémaci ie ñúfue llujállena
(Mt 10.1-4; Lc 6.12-16)

¹³ Ie mei Jesús ídumo caífo jaide. Dínomo jaillano Jesús comeci óiacagamie dígamie nizede. Afémiemo bitíaioi. ¹⁴ Doce dígamie Jesús níziano ote. Afémaci ie oréllimacina Jesús mamede. Ua íaioina ote ie abímo íllena, ie uai llóitínona jáíllena. ¹⁵ Dáanomo ríinona igáiaioi iráredino jíllotallena, íemo jáí fiénide jóriai jino oréllena.

¹⁶ Afe nizécamací doce dígamie. Afémaci mámeciai: Simón, nímíemo Jesús jáíe mámecina jíta, Pedro; ¹⁷ ie mei Zebedeo jíto íaillíno Santiago ie ama Juan díga. Afe íaillínoimo Jesús jáíe mámece jíta, Boanerges. Afe mámece dáina: Iocímie íaillíno. ¹⁸ Ie emódomo jáíe nizécamací mámeciai: Andrés, Felipe, Bartolomé, Mateo, Tomás, Alfeo jíto Jacobo, Tadeo, íemo íere Járídotímácimo jáinádimie Simón, ¹⁹ ie mei Judas Iscariote. Afémie méifodo Jesús ie éoidínomo fécaítímie.

Fiénide jóriai ríino Jesumo ite táinona daífirediaioi
(Mt 12.22-32; Lc 11.14-23; 12.10)

Afe méifomo Jesús ie llófuegamaci díga jofomo jofo jaide. ²⁰ Nane dáanomo aillo nairai gairízítiaioi. Iemona Cristo ie nizécano díga ja gúinidiaioi. ²¹ Afefue fidíllano ie onoiga nabáíñiai bitíaioi ie oni uíllena, mei afémie uáírítai de daídíaioi.

²² Daje llezica Jerusalémone bite ocuífue llófueraíni, bie izóí íeri úrítiaioi; daídíaioi:

—Bímie Beelzebumo jáinádimie. Afe Beelzebú fiénide jóriai íllaima, (jáíci ie mámece Taife). Afe Beelzebú ríinodo fiénide jóriai afémie jino jíude, —daídíaioi.

²³ Ie jíra Jesús íaioi jírite. Jírilla mei, onoiga ráfuíai íaioimo llote:

—¿Nie izóí afe Taifedo Taife jíurede? jíúnide! ²⁴ Daa nairai énenorie jáíziena oni bójicaillano are íñeítiaioi, mei nágazie conima díga fuírífirediaioiza. ²⁵ Daje izóí eneno dani jofóredino íaioi bójicaíadi, are íñeítiaioi. ²⁶ Mei jíra Taife dama ie díga fuíríadi, íemona dama ie bójicaíadi, afémie are íñeíte. Ua áfedo fúbicaíte.

²⁷ Máírimie jofomo, buna jofo jáínide, ie ráaie baíróllena. Dama afémie máia méifomo jofo jaillano baírórega.

²⁸ Uáfúena ómoimo llotícue. Comíni fiénidífuíai nana dórede, daje izóí nana íaioi fue borefue díga dórede. ²⁹ Mei íadi Juziñamui Ñuera Joréñomo fienu úrítímie ie fiénidífuíai jaca ua oni dónide. Dama ie ícoínia jaca íemo jíite, —daide.

³⁰ Daíí daide, mei afémie fiénidena jóriarede daídíaioi.

Jesús ei ie ámatiai díga Jesuna uáiduaíbitiaioi
(Mt 12.46-50; Lc 8.19-21)

³¹ Iemo Jesús ei ie ámatiai díga dúcídiaioi, mei íadi jino fiébidiaioi. Dínómone jofo gairídnona daídíaioi:

—Mai ie jírízai, —daidíai. ³² Jesús abido ráiiedino íena daidíai:

—O ei, o ámatiai diga jino ite. O jénuabitiaioi, —daidíai.

³³ Mei afémie daide:

—¿Buoí cue eina? ¿Buoí cue ámatiaina? —daide. ³⁴ Afe mei ie abido ráiiedinomo eróillano daide:

—Be mei cue éitiai. Be mei cue ámatiai. ³⁵ Mei Juzíñamui ocuícafuena jeire otínona bie cue ama, bie cue miríngo, bie cue ei, —daide.

4

Ríjiraíma ie ífue

(Mt 13.1-9; Lc 8.4-8)

¹ Meine dáanomo jorai fuédamo Jesús llófuete. Ie illánomo aillo nairai gairídíai. Jamánomo aillo comini illa jira, Jesús jóramo ite nocaemo ráiizaide. Nana comini guamáemo fiébicaidíai. ² Iemo diga ráfuiái íaioimo llófuete. Ua íaioi onóigafuiaido llote. Ie llogáuai daide:

³ —Bíemo cácarei: Ríjiraíma ríjizaide. ⁴ Ricana jailla llezica dáarie rillájiai iodo cocide. Iemo ófocuízai áfena güizáibitiaioi. ⁵ Jiáie rillájiai noficiaímo énie iñénanomo cocide. Afe rigájiai raire zocade, mei afe énie figo iñédeza. ⁶ Mei íadi jítoma billa llezica uzidíai. Jáinao iñénamona dúidiaioi. ⁷ Jiáie rillájiai éegiai cígimo cocide. Afe éegiai zoca anamo itábicaidiaioi. Meita jaca llizíñediaioi. ⁸ Mei íadi jiáie rillájiai ñuera éniemo baíide. Zocádiaioi; ie mei ñue comuídiaioi. Mei ñue llizidíai. Daji rígamona zocano aillo llizide; jiájiai afe baimo llizide; jiájiai ie baimo ua aillo jamánomo llizide.

⁹ Ie mei íaioina daide:

—Omoimona cacáacadino cacai, —daide.

Afémie nibai íaioi onóigafuiái cígido llófuefírede

(Mt 13.10-17; Lc 8.9-10)

¹⁰ Afe mei Jesús dama fiébilla llezica, afémie ánnori itino ie doce llófuegamaci diga íemo jicánotiaioi:

—Bie onóigafue ¿nie izóí daiíacade? —daidíai. ¹¹ Jira íaioina daide:

—Juzíñamui ie uáfodo onóñega illáimana illirui rafue ómoimo llóiacade. Afedo ja lollíomoi. Mei íadi jino ite íemo jaináíñedino jaca íaioi onóigafuiaido llogáiaioi. ¹² Daií cue llófuegaiaioi, íaioi cióillano nai uina cióñedimaci izóí íaioi fiébicaillena. Afe izóí cácaitiaioi íadi ónoñeitiaioi. Daií llófuegaiaioi íaioi comeci ífue méidoñeillena; íemo jiái íaioi comeci fiénidífuai dóficaiñeillena.

Jesús afe ríjiraíma onóigafue ja ua jino llote

(Mt 13.18-23; Lc 8.11-15)

¹³ Dáanomo Jesús jicánote:

—¿Omoi bie onóigafue onóñediomoi? ¿Nie izóí daií mei jiáiena ónoitiomoi?

¹⁴ Afe riraíma Juzíñamui ñuefue lloráima izóidímie. ¹⁵ Dáarie comini afe iodo cocide rigájiai izóidiaioi. Afémaci afe cue llogáfuemo cacáreidiaioi. Mei íadi áfena cacáillanona, Taife íaioi comécimo lloga ráfuena raire báruaíbite.

¹⁶ Jiáie comini afe noficiaímo énie iñénanomo cocide rigájiai izóidiaioi. Afe cue lloga uaina cacáillano raire caimare llínotiaioi. ¹⁷ Mei íadi figo jáinaonide rigájiai izóidiaioiza, dama ínnori íllado ñue itíai. Afe mei lloga uai ícoinia facátafuái bíadi, nibai duere íaioi zefuíadi, íaioi íñoñenamona íaioimo lloga uaina raire meine abido zófetaioi. ¹⁸ Jiáie comini afe éegiai cígiri cocide

rigájiai izóidiaioi. Lloga uaina cacádiaioi, ¹⁹ mei íadi bie éniemo ite raamo comécillano aféfuiaimo iere járitaitaioi. Bínie raa íaioina jífuete. Iemona jamánomo aillo ráaniaina óiacadiaioi. Nana bie jofo comeci óiacaigafue íaioimo lloga uaina niné féitáte. Ja mei féitagaza; ja ie comécimo llizilla izói íñede. ²⁰ Mei íadi dámierie lloga uaina cacáillano áfena ñue jeire otíaioi. Afémaci ñuera éniemo cocide rigájiai izóidiaioi. Afe izói íaioi íllamona, ñúefuiaina ñue aite izói finódiaioi. Afémacimona dáarie afe daji rígamona zocano aillo llizilla izóidiaioi. Íaioimona jíáimaci afe baimo llizilla izóidiaioi. Jíáimaci afe ie baimo aillo jamánomo llizilla izóidiaioi.

Mechera iedo cai onóigafue

(Lc 8.16-18)

²¹ Jesús nai úrite; íaioina daide:

—¿Nogo anamo jónellena mechera meita atica? ¡Atiñega! ¿Daje izói inírabani anamo rainállena mechera atícaza? ¡Atiñega! Naga mechera caifo jica raináfírega, ñue egáíñollena. ²² Mei ja nana báinino ite raa jino uáfodo cíocaitade. Daje izói nana jáanoga rafue ñue onóigafuena jáite. ²³ Omoimona cacácadino cácarei.

²⁴ Afe emódomo íaioina daide:

—Omoi cacánafuena ñue omoi onoiri. Naga raa omoi faca izói, afe izói Juzíñamui íbana ómoimo fácaiteza. Ie mei afe baimo afémie jamánomo aillo ómoimo íite, mei ñue cacádiomoiiza. ²⁵ Mei íeredimiemo jíáiena ille; mei íadi íénidimiemona, íemo due ite raa meine bairolle.

Eniemo rigáji zócajamo mameca rafue

²⁶ Nane dáanomo daide Jesús:

—Juzíñamui ílláimana íllurui bie izoide. Daa íima éniemo rigájiai júdaia izoide. ²⁷ Rillano afémie abina íniaide. Ie mei cazide. Naio mona díga jaide. Afe llezica rigájiai zocade; zócano ñue zairide, mei íadi nie izói comuídeza afémie onóñede. ²⁸ Mei ñuera éniemo rigájiai énie zocataga. Nano fueñe ie ina jino billa, ie mei llizíllachecoí comuíde, ie mei afe llizíllachecoí íjiaina oruide. ²⁹ Ja ie jeia llezica, riraíma afe llizíllajiaina uájide. Mei afe jofo uáruimo ja dúcideza.

Mostaza llizíllaji iedo onoiga rafue

(Mt 13.31-32; Lc 13.18-19)

³⁰ Jesús nane daide:

—Juzíñamui ílláimana íllarui, ¿níé izoide? ¿Ñíe onóigafuedo daje izói fácaíticai? ³¹ Juzíñamui ílláimana íllarui mostaza llizíllajiai rilla izoide. Afe íjiai nana énie llizíllajiaimona da jaca iere jéjinide. ³² Mei íadi rígamona, nana raróciai ie baimo áillo nana jaide. Ie ícairuái áarie. Iemona féedino ófocuízai ie ícairuaimo ráinazaidiaioi. Afe jánamo uái ráíiediaioi, —daí Jesús daide.

Jesús jaca onoiga ráfuiaimo mámano llófuefirede

(Mt 13.34-35)

³³ Daí Jesús ie jino llóiacagafuiai aillo bie izói onóigafuiaido jóonecana uite. Íaioi onóíllinomo daí llócaide. ³⁴ Onóigafue llóñeniadí, afémacina llófueñede. Mei íadi Jesús ie llófuegamaci díga oni eneno daní íaioi illa llezica nana áfena jino íaioimo llote.

Jesús jairifo naa jorai bagua díga llícaítade

(Mt 8.23-27; Lc 8.22-25)

35 Aferui nauídemo Jesús ie llófuegamacina daide:

—Jorai ruícafenemo mai cai jai, —daide.

36 Ie mei comini fiiano, Jesús uitíai. Afémie illácaedo jáidiai. Daje llezica jáicaeiaido afémiedo jáidiai. 37 Iemo iere riírede jairifo náidacaide. Iemona jorai bagua nocáe eromo cocide. Uafue, nocáe jáinoína oruíbicaide. 38 Afe llezica Jesús moífecaemo ifo jobéracadamo búcana iníde. Afémie cazítajano íena daidíai:

—¡Llófueraima! ¿O caina ráiruifedio? ¡Buízaidicai! —daidíai.

39 Iemo Jesús náidacaillano jairifo lletade. Llétajano jóraina daide:

—¡Llícai! ¡Uái ii! —daide. Iemona jairifo llícaide. Nana ñue jáfueraide.

40 Ie mei ie llófuegamacina daide:

—¿Nibái mei iere jacíruiomoi? ¿Nibai nai Juzíñamuimo íñoñediomoi? —daide.

41 Iadi jairifo ie llícaitari iere jacínaitiaí. Dani conímamo úritiaí:

—¿Bie níimie? ¡Jairifo jorai diga, afémie uaina jeire ote! —daidíai.

*Gerasa éniemo fiénidena jóriaredimie Jesús jílloate
(Mt 8.28-34; Lc 8.26-39)*

5

1 Jae jorai ruicáfellemo ite Gadara éniemo dúcidiaí. 2 Jesús nocáemona jino jáidemo, raíáfuai illánomo ífirede fiénidena jóriaredimie Jesumo bite. 3 Afémie raíáfuai illánomo ífirede. Aféruillaído afémie jaca buna llójeodo cuinánide. 4 Diga ícaíño llójeodo idai onoi diga íena cuinádiai, mei íadi afémie afe llójeona titada jaca jéénino titúbite. Jaca buna afémiena anáfenonide. 5 Mona naio diga afémie afénomo macáfírede. Iduaido caillícana jaide naa raíáfuaído. Daje llezica noficiaído ie abi bofécade. 6 Iadi Jesuna jícana ciode; cioillano, aizícana bite. Billano Jesús anamo afémie ie caíñícido ana dújude. 7 Jesumo riire lléjacaide:

—¿Nibái cuemo jíricaidio? O Jesúsio; jamánomo caifoide Juzíñamui Jitódio. Juzíñamui mámecido omo jicádícuie duere cue zéfuiñellena, —daide. 8 Daí lléjacaide, mei nano fueñe Jesús íena dáideza:

—¡Fiénide jóriai, bie ímamona oni jai! —daide. 9 Jesús íemo jicánote:

—¿O mei búdio? —daide. Uai ote:

—Cue mámecei Aillo Dáanomo Iráicano, mei áillomacídicaiza, —daide.

10 Iemo fiénide jóriai Jesumo izire jicade, afe éniemona jica íaioína oni óreiñeillena. 11 Afe íduai áinomo aillo tóica meróniai guífírede. 12 Ie jira fiénide jóriai Jesumo jicade:

—Afe meróniaimo cai oreri, dínomo cai ílleza, —daidíai.

13 Ie mei Jesús fairíote. Iemo fiénide jóriai ímamona jino meróniaimo jáidiai. Mena mil tóinai ite. Nana afe tóinai jorai ígodado aizida cocídíai. Iemona jóraimo coróbaitiaí.

14 Ie jira meróniai úíñoraímaci jacínaillano botádiai. Afe rafue íaioi jófue mo llujídiai naa jinoídmaci diga. Ie jira afe finócafue mo comini eróizaíbitiaí.

15 Jesús illánomo dúcillano nauí fiénidena jóriaredimiéna ciódíai. Mei íadi ja birui afémie ñue uái ráiide. Ja inícuirona jítáide. Ja ñue abina onode. Nana comini jacíruiítiaí. 16 Ie mei ciódino nauí fiénidena jóriaredimiémo finócafue mo llujídiai. Daje izói meróniaimo finócafue mo llotíai. 17 Ie mei Jesumo izire jicajídiai íaioi éniemona afémie oni jáillena.

¹⁸ Jesús meine nocáe eromo jailla llezica, navi fiénidena jóriaina ogámie Jesús diga illena izire jicade. ¹⁹ Mei íadi Jesús fairíoñede. Afémiēna daide:

—Mai o jofomo jai. O comínimo nana omo cue finócafue o lluájiri. O Ocuíraimadicueza. Omo cue dúecaillafue lluájiri, —daide Jesús.

²⁰ Te jira afémie jaillano nana Jesús afémiemo finócafue lluájide. Uafue nana Decápolis éniemo lluájide. Nana comini aféfuēri fáigacaidiaioi.

Jairo jiza jíllofafue
(Mt 9.18-26; Lc 8.40-56)

²¹ Jesús meine jorai ruícafenemo nocaedo jáidemo, aillo comini Jesús illánomo gairizaibitiaioi. Afémie dino jorai fuédamo fiévide. ²² Iemo Juziñamui uai llófueriraco illáinimona dámie dúcide. Afémie mámece Jairo. Jesuna cióillano ie ídaimo bíjicaide. ²³ Daje llezica izire jicade:

—Cue jiza tíiacade. O onoi cue jízamo bítaibi, ie jíllolleza, ie tíiñelleza, —daide.

²⁴ Iemona Jesús afémie diga jaide. Ie llezica aillo comini afémiedo rillire jáidiaioi. ²⁵ Afémaci cígimo daa ringo iráredingo ite. Doce diga fimona dícotaita. ²⁶ Aillo manórirainimona duere zéfuide. Afe manórirainimo afengo úcube nana fuite. Iadi jaca íñoñede, mei íadi jamánomo irárede. Ua iere ana jaide. ²⁷ Navi jiáimaci Jesudo úrillafuena cacáillano, afe ringo ódana comini cígido Jesumo ánozide. Iemo afémie inícuero jetánuaide. ²⁸ Afe uicori afengo comeci anado daide; “Ie inícuero cue jetáadi jíllotitue,” daide. ²⁹ Ie mei inícuero jetaa llezica afengo die tótaja llúicaide. Afe llezica ie irárena jílluamona afengo abi ñue cacaide. ³⁰ Ie mei Jesús onóbicaide. Uafue, ie rínodo da come jíllotaga afémie raire fidide. Ie jira comini cígido jino éroicaillano jicánote:

—¿Mei bu cue inícuero jetaa? —daide. ³¹ Iemo ie llófuegamaci afémiēna daide:

—¿Aillo comini rillire fínuana cióñedio? ¿Nibái mei bu o inícuero jetaa jicánotio? —daidiaioi.

³² Mei íadi Jesús nágafene erórfide afémie inícuero jetádingona cióillena. ³³ Ie mei afengo jágeri cuidírte. Aféngomo finócafue onóillano, Jesús uiécomo ana bíjicaizaibite. Afengo rafue nana afémiemo uáfuena jino llote. ³⁴ Jira Jesús daide:

—Eicango, o comécido ñue ínotio, jira jíllodio. Mai jai. Jaillano uái o iri. O irárenamona ja jíllodioza, —daide.

³⁵ Jesús nai úritemo, dáarie comini illaíma Jairo jofómoma bitíaiioi. Dúengo moomo lluáibitiaioi:

—O jiza ja tíide. ¿Nibái mei are llófueraima ifoci daidódio? —daidiaioi. ³⁶ Mei íadi Jesús íaioi uai jeire oñeno, llófueriraco illaíma Jáirona daide:

—Jacíruiñeno iri. Dama o comécido ínori, —daide.

³⁷ Iemo Jesús nana comini íedo jáiñellena rairuide. Dama Pedro, Santiago, ie ama Juan diga uite. ³⁸ Llófueriraco illaíma jofomo dúciillano, Jesús aillo comini faillíñainana cacade; nana cáillicaiilli énaillana cacade. ³⁹ Jofo jaillano Jesús daide:

—¿Nibái mei iere faillíñaidiomo? ¿Nibái mei iere éediomo? Afeza tíiñedeza; fia inide, —daide.

⁴⁰ Iemona afémieri tadáidiaioi. Ie mei Jesús nana íaioi jino orede. Dama jiza moo, afengo ei, íedo bitímaci díga jofo uite. Jiza illácomo jofo jáidiaioi. ⁴¹ Jiza onoi llínuano daide:

—Talita, cumi—. Aféuai dobáicana llote: “Jiza, ona daidicue, náidacai.”

⁴² Daií dáinamona afengo raire náidacaide. Náidacaillano macade; mei afengo doce díga fimona íteza. Aferi comini iere fágacaidiaioi. ⁴³ Mei íadi Jesús: —Afe fue bumo lloñeno iri, —daide. Daií ocuide. Afe llezica afe ringoza ecállena íaioina ocuide.

6

Jesús Nazaremo jailla (Mt 13.53-58; Lc 4.16-30)

¹ Dinómoma Jesús ie éniemo jaide. Ie llófuegamaci íedo jáidiaioi. ² Ocozinaillarui mo dúcillanona Juziñamui uai llófueriracomo llófuaide. Aillo comini íena cacáreidiaioi. Iemona íena jacíruicana fágacaidiaioi. Daidíaioi:

—¿Ninómoma bímie nana bie ráfuiái onode? ¿Mínica bie onónafue íemo ite? ¿Nie izói afémie bie aillo uaido dáinamona comuitaga raa comuitarede? ³ Mei bímie afe aménado tájiraíma, ¿ero ua? Afémie María jitoza onódicai, ¿ero ua? Daje izói afémie ámatiaí Santiago, José, Judas, Simón dígadeza onódicai. Iemo ie miríngotiaí nai cai cígimo illana onódicai, —daidiaioi.

Iemona afémaci Jesús uaina náfueacañediaioi. ⁴ Iemo Jesús íaioina daide:

—Nana jáíe comini, Juziñamui uai jino llóraímana ñue jíeruítiaioi. Mei íadi afe llóraíma énie imaci, íezie imaci díga, figo íena jíeruífñediaioi. Daje izói ie jofo imaci íena jíeruífñediaioi, —daide.

⁵ Ie jira afénomo jamánomo aillo fia uaido dáinamona comuitaga ráfuiaina comuitanide. Due iráredinomo ie onoi bítanona jíllotate. ⁶ Mei íadi nabémaci íinoñenari afémie fágacaide. Ie mei Jesús ánori ite jófuedo llófuecana uite.

Jesús ie doce dígamie oni jáínomo óriano llotátate (Mt 10.5-15; Lc 9.1-6)

⁷ Jesús ie doce dígade llófuegamaci uáidote. Uáiduano ménamierie íaioi orede. Afe llezica Jesús afe íaioímo ie ríino iga, fiénide jóriaí jino oréllena. ⁸ Ie llófuegamacina ocuide:

—Omoi jaillé iodo ráiñuai jáíe mínícana uiñeno iri. Daa omoi jigüida díga jairi. Tura uiñeno iri. Pan úcube díga uiñeno iri. ⁹ Omoi ídaí ico jíitada jairi. Mena caifófcuero uiñeno iri, dama o jítaíoigacuiro uiri, —daide. ¹⁰ Iemo nane íaioina daide:

—Nícomo o jáiadi, díno o fiébiri; ua afe éniemona jáínomo o jáiacana llezica díno o fiébiri. ¹¹ Jáícomo omoi jáiadi, ómoína íaioi llínoñeniadi, afénomona jairi. Daje izói o uai cacáacañenomona jairi. Jaillano, o ídaí ico mo ite eníchoma jino íaioímo teténori, daií íaioi finócafue mo o jíeruífñenana jino llóitio. Uáfueña omoi lloticue: Uire duere finóbilliruimo dúcia llezica, ómoína llínoñedíno jamánomo duere finóbitiaioi. Mei íadi Sodoma comini Gomorra comini díga figo duere finóbiñeítiaioi, —daide.

¹² Iemo ie llófuegamaci jino jáidiaioi. Jaillano comini llotíaioi:

—Mai omoi comeci ífue meídori, —daidiaioi. ¹³ Daje llezica aillo fiénide jóriaí jino orédiaioi. Iráredinomo cáiredíjina due jóonetiaioi; íemona jíllodiaioi.

*Juan Bautista tállafue
(Mt 14.1-12; Lc 9.7-9)*

¹⁴ Illaíma Herodes aféfuiaína como fidide. Mei nana comini Jesús jalléinana onódiaioíza. Dáarie daidíaoí:

—Juan Bautista tíde íadi meine abído cáadimíena jaide. Iemona bie ríino afémiemo íte, —daidíaoí.

¹⁵ Jíáimaci daidíaoí:

—Bie Juzíñamui uai llóraíma Elías, —daidíaoí.

Nane jíáimaci daidíaoí:

—Jaiái Juzíñamui uai jino llóraini izoide bímie jíáie Juzíñamui uai llóraíma, —daidíaoí.

¹⁶ Herodes áfena cacáillano daide:

—Bímie ifona cue jaitátagamie Juan. Ja birui túllanomona meine abído caade, —daide.

¹⁷ Herodes ama Felipe; ie ofaiño Herodías, mei íadi Herodes afengo ie aína ote. Afe Herodías ícoínia Herodes Juan jae llavétate. Afe llezica íena llavéracomo maitátate. ¹⁸ Mei nauí Juan Heródemo llógaza:

—O ofaiño o aína ónidío; áfena rairuírede, —daide.

¹⁹ Ie jira Herodías Juamo éoícana eroide. Iena fáiacade, íadi íena fánide.

²⁰ Herodes afémie comécina jaícina ñue jóidimienana onode; iere ñúemienana onode. Ñúefuedo íena jacíruite. Ie jira afengo íena fieni finótañede. Herodes Juan llogafue nai figo onóñede, íadi caimare íemo cacáreide.

²¹ Mei íadi Herodías jíáifuemo uíbicaide. Herodes jócínamona jíáie fimona fuilláruimo dúcide. Jira aféruído Herodes cumpleaños rafue finode. Nana ie illaini, jabóllaini, Galilea ocúraini diga afénomo gairídiaioí, mei Herodes uáidogaíaoíza. ²² Dinomo Herodías jiza jofo jaillano zaite. Afengo záillari Herodes íóbide; daje izóí nana ie diga güizáibitino íóbidiaioí. Iemona illaíma Herodes aféngona daide:

—O jíacácaiga raa cuemo jica. Omo ííticue, —daide.

²³ Ríirede uaido nana afengo jícalte raa ie fecállena íaioí uíécomo llote: “Nana cuemo jainaide éniemona júbene o jitailla dieze omo llóíticue,” daide.

²⁴ Afengo jaillano ie eina daide:

—¿Mínica jícaíticue? —daide.

Afengo daide:

—Maí, Juan Bautista ifoci jica, —daide.

²⁵ Afe ríngoza jarire illaíma illánomo jofo jaide; íena daide:

—Raíre plato eromo Juan Bautista ifoci jóoneta cuemo ine, —daide.

²⁶ Iemona illaíma iere zúureficaide. Mei ja ríirede uaido llógaza afengo jíacána afémie jáanoíacañede. Daje llezica nana ie uáidogamací cacádiaioí. Ie jira jáanoíacañede. ²⁷ Ie jira afe llezica ie abí úíñoraíma raíre llavériracomo orede, Juan ifoci atíllena. ²⁸ Afe abí úíñoraíma llavériracomo jaillano, Juan ifoci jáitano plátomo jóoneta atide. Afémie aféngomo izáíbite. Iemo ie eimo afengo izájide.

²⁹ Juuado jáidino, fidíillano, ie abí uájidiaioí, ráíllena.

*Jesús cinco mil dígade íñíai ecade
(Mt 14.13-21; Lc 9.10-17; Jn 6.1-14)*

³⁰ Afe mei Jesús naui oni jino orécamaci meine Jesumo gairíllano, nana íaioi finócafue afémiemo llotíaioi. Afe íaioi llogafue llotíaioi. ³¹ Iemona Jesús íaioina daide:

—Mai bi, oni báinino cai ocózinaili, —daide.

Aillo comíni dúcioidiaioi, jáioidiaioi; ie jira Jesús ie imaci diga, gūnidiaioi. ³² Ie mei Jesús ie imaci diga nocaedo oni eneno tii daidínomo jáidiaioi. ³³ Mei íadi aillo nairai íaioi jáillana ciode. Jesuna onóillano nana jófuemona batínomo aizícana jáidiaioi. Uafue, Jesús ie imaci diga uícomo dúcidiaioi. ³⁴ Jesús dúcia mei nocáemona jino jaillano aillo comínina ciode. Cióillano afémacimo dúceaide. Íaioina izíruite níbai úíñoraimanide ovéjaiai izóí itíaioi. Ie jira diga ráfuiaina íaioimo llote. ³⁵ Ja nauídemo ie llófuegamaci afémiena daízaibitiaioi:

—Ja nauízaide. Afe benomo comíni jofona íñede. ³⁶ Mai comíni oni ore áinori itícuaímo jáie jofue diga, dinomo íaioi güille íbajillena. Mei íaioi güillena benomo íñédeza, —daidiaioi.

³⁷ Jira Jesús uai ote:

—Mai omoi íaioi eca, —daide.

Afémiena daidiaioi:

—¿Cai meita jaillano íbáredicai, doscientos dígabe fidi pan bimaci ecállena? —daidiaioi.

³⁸ Jira Jesús daide:

—¿Níga pan ómoímo ite? Eroizai, —daide.

Afe fidíillano daidiaioi:

—Jubécuro diga panes ite, mena chamu diga, —daidiaioi.

³⁹ Ie jira mócorede raitíremo Jesús comíni énenorie dázierie raizítate. ⁴⁰ Iemona cincuenta íemo jái cien dígamierie raizídaitiaioi. ⁴¹ Iemona Jesús afe jubeba panes mena chamu diga llínote. Llínuno caifo monamo érocaillano:

—Iere figura, —daide. Daíí daínano afe pan ditade. Dítajano ie llófuegamacimo fecade. Llófuegamaci ja comínimo oni fecádiaioi. Daje izóí mena chamu nana comínido fecádiaioi. ⁴² Nana comíni güítiaioi. Ua ñue jeírediaioi. ⁴³ Güilla mei panes chamu diga fiébidinona doce dígagai cirigai orúttatiaioi. ⁴⁴ Afe Jesús fecaca panes güítimaci cinco mil dígamiia.

Jesús jainoi emódodo macade (Mt 14.22-27; Jn 6.16-21)

⁴⁵ Raíre méifodo Jesús ie llófuegamaci nocaedo jorai ruícafenemo orede. Afe llezica íaioina ie uícomo Betsáidamo orede. Dinomo íaioi jailla. Daíí ñeta llezica mei Jesús nana comíni diga rainode. ⁴⁶ Íaioi ráinua méifodo Jesús idu emódodo Juzíñamuimo úrizaide. ⁴⁷ Ja naiomo nocáe jorai cígimo ite. Jesús dama éniemo fiébicaide. ⁴⁸ Jesús íaioi taino jáiana ciode. Taino jaitíaioi, mei jairifo meine íaioi fúuoideza. Iemo ja monáizaidemo Jesús íaioimo ánozide. Jainoi emódodo macade. Ánozide, íadi jicado fíiaide izóí macade. ⁴⁹ Ie jainoi emódodo mácajana íaioi cióillano comecei jacíruioicana facádiaioi: “¡Níbai janaba!” daidiaioi. Jira caillíoidiaioi. ⁵⁰ Nana áfena cióillano iere jacínaitiaioi. Mei íadi Jesús raíre íaioimo úrite; daide:

—¡Abi omoi mame! ¡Cueza! ¡Jacíruíñeno omoi iri! —daide.

⁵¹ Iaiñoimo itácaemo jofo jaide. Jofo jáidemo jairifo llúcaide. Iemo jacíruioicana áferi iere fáigacaidiaioi. ⁵² Ua afe daíí fáigacaidiaioi, mei afe duera pan fia uáimona jamánomo aillo comútatena comécido onóñediaioiza; íaioi comeci nai ríirena jira.

*Genesaret éniemo ite iráredino Jesús jillotate
(Mt 14.34-36)*

⁵³ Jorai ruicáfellemo jáitanona Genesaret éniemo dúcidiaioi. Zíjillano nocáe ari cuinádiaioi. ⁵⁴ Nocáemona jino jailla lezica, afénomo ite comini raire Jesuna onódiaioi. ⁵⁵ Iemona afémaci nana afe éniemo raire aizícana llujáidiaioi. Iemona Jesús illánona fidíillano, afe dinomo iráredimaci duera inírabanido atídiaioi. ⁵⁶ Nágagobiaido ie jáiacana izóí afe jofue cígimo ite ocózinairanomo iráredino jónefirediaioi. Aillue jofue diné ie jáiadi, dúera jofue diné ie jáiadi, fia jofo inénallegoide ie jáiadi, daje izóí iráredino iomo jónetiaioi. Afe llezica Jesús inícuro fueda íaioi jetánollena daa bie dáarie izire íemo jicádiaioi. Nana áfena jetánotino jíllobicaidiaioi.

7

*¿Minica caina íaire finode?
(Mt 15.1-20)*

¹ Iemo fariséuai Jesumo ánozidiaioi, dáarie ocuícáfue llófueraíni diga. Afe llófueraíni Jerusalémoma bitíaioi. ² Nana bimaci Jesús llófuegamacimona dámierie cíodiaioi. Afe llófuegamaci onoi jocóñeno güítiaioi, fariséuai afémacina daíí daide, mei bimaci onoi jócua ocuica níciduafuemo dúcítaiñediaioiza. Afe ícoínia íaioi jánana úritiaioi. ³ Daíí daidíaioi mei fariséuai nana judíuai diga íaioi jáiáigima uai nai uícadiaioiza. Aféfuíai daide, comini nai bie izóí íaioi onoi diga ícaíño jócoñenia güíndiaioi. ⁴ Daje izóí güille fecáracomona meine billano, onoi jócua ocuica níciduafue nai fuitáñenia güíndiaioi. Nai aillo ite afémaci jíáie uícaígaíuai. Uafue, íaioi jiróracuai diga ícaíño jocóñediaioi. Daje izóí íaioi ícíruai, cadéruai, jamánomo diga ícaíño jocódiaioi íaioi inírabanillaí diga. ⁵ Iemona fariséuai, ocuícáfue llófueraíni diga Jesumo jicánotiaioi:

—¿Nibái mei o llófuegamaci cai jáiáigima daináfuíai uícaíñediaioi? Daíí onoi íáirededo güítiaioi, —daídiaioi.

⁶ Jesús uai ote:

—Juzíñamui uai lloraima Isaías ñue llote. Nana omoi abína ñúemaci, íadi comécina íáiredomoi. Ie cuia llezica ómoimo llote:

Bie comini fuedo ñúefue cuemo jítádiaioi.

Mei íadi íaioi comeci cuemo jaináíñede.

⁷ Cue ñúefuedo úrillena cuemo garírfrediaioi, mei íadi íaioi úrillafue ráííñede.

Íaioi llófuega Juzíñamui daináuai, fia jamai comini ocuícáfuaí.

Juzíñamui uáíñede, daíí íaioi daina íadi, daide.

⁸ Mei Juzíñamui ocuícáfue féitatiomoi, fia comini daináfuíai jeire omoi óllena. Aféfuíai daide: ícíruai jocóllena, jiróracuai jocóllena, aillo jíáie afe izóidífuíai omoi finóllena.

⁹ Iemo afe emódomo bie izóí zanoda íaioina daide:

—Juzíñamui ocuícáuai iere ebire oni eneno omoi fáicanocaiga, dani omoi daináfuíai uícaíllena. ¹⁰ Mei Moisés daide: “Ñue jacíruioicana o moo canori, o

ei diga. Ie ei ie moo diga fiénina úritimie uáfueña titáredeza,” daide. ¹¹ Mei íadi jáífodo daidíomoi:

—Dámie ie moo íaillinona bie daírede, “Ona canónidicue, mei nana cuemo ite ráaie jae ‘Corbán’ itíaiioiza”. (Afe uai dobáicana daína Juzíñamui íena mamécaza.) ¹² Dámie daí daííadi, ja mei ie ei ie moo diga canónide náfuetiomoi.

¹³ Afe ícoínia Juzíñamui ocuica uaina jámairuitiomoi. Uafue, comíni llocana jaide llogafue ínota ñúefueña jámairuitiomoi. Aillo afe izóidífuiaí finóíredíomoi.

¹⁴ Nane dáanomo Jesús comíni jírrite; jírillano íaioina daide:

—Nana omoi cácarei, comeci onoiri. ¹⁵ Nana güillemo comécina íáirenafue íñede. Mei íadi comécimona jino bitífue come comeci íáiretate. ¹⁶ Omoimona cacáreiacadino cacai, —daide.

¹⁷ Jesús comíni fiiano jofomo jaide. Dinomo ie llófuegamaci afe onóigafuedo íemo jicánotíaiói. ¹⁸⁻¹⁹ Iemo íaioina daide:

—¿Daíí jaca ónoñeitiomoi? Nana jinona güiga raa comécimo jáíñede. Jébegimo jaide. Ie jira cómena íáiruitañede. Jébegimo jailla mei, abímona oni dotácaza. ¿Aféfueña fidíñediomoi?

Afedo Jesús daííacade nana güille ñuera. ²⁰ Nane daide:

—Íima comécimona jino bitífue dama afémiena íáiruitade. ²¹ Mei afémie erómoma, ua ie comécimona jino fiéni uibíllafue bite; íemo jiruúrenafue bite, naa jáíie jiruúfuiaí diga; íemo jáíima méiniafue bite, ²² merírillafue diga; íemo jáíima raa baíróacanafue bite, jáíie fiénidífuiaí diga; ie mei jáíima jífuaíafue bite, nana íáiredífuiaí diga. Iemo úradoíllafue bite, naa táinona úrillafue diga. Iemo táinona abí ínuafue bite, naa abína onóñenafue diga. ²³ Nana bie figóñedífuiaí come erómoma bite; billano cómena íaire finode.

Jiáizie ingo Jesumo ínote (Mt 15.21-28)

²⁴ Dinómoma Jesús Tiro éniemo jaide, Sidón énie diga. Daa jofomo jaide. Buna ónoñeillena báinino jaide. Mei íadi afémie retáirinide. ²⁵ Iemo fiénidena jóriairedíngo ei, ie íllana raire fidide. Billano Jesús anamo dújude. ²⁶ Afengo judío ingóñede; jáíizie ingo. Afengo énie mámecei Sirofenicia. Afengo jízamo íte fiénide jóriai óllena Jesumo jicade. ²⁷ Mei íadi Jesús daide:

—Juzíñamui úruiaí raire nano fueñe güíllez. Juzíñamui úruiaí güille baíroda tóica jico izoide comínimo ígadenia figóñede.

²⁸ Afengo uai ote:

—Uafue Ocuíraima; mei íadi úruiaí güíllamona, ana cocídíjiaí, güirábani anamo íte jicótíruiaí güífiredíaiói, —daide.

²⁹ Ie mei Jesús daide:

—Ua llotio. Iemona ja jáiredío, o jízamo íte fiénide jóriai jae oni jáideza, —daide.

³⁰ Afengo jofomo dúcina llezica, iníramo bíide jízana ciode. Fiénide jóriai ja ua aféngomona ñue oni jaide.

Jefona cacáíñede gogódímie Jesús jíllotate

³¹ Nano íanori íllano Jesús ja Tiro éniemona billano, Sidón énie dibénedo jaide. Afe mei Decápolis éniemo íte jófuiaí dinedo jaide. Aféniedo jaillano, meine abido Galilea jóraimo dúcide. ³² Afénomo jefona cacáíñede uaina jino figo baííñedímie Jesumo atídíaiói. Iemo izire jicádíaiói Jesús afémie mo onoi

bitállena. ³³ Ie jira Jesús náiraimona oni báinino íena uite. Dinomo Jesús dama ie onocai jefona cacáíñedimie jefomo dutade. Ie mei Jesús dama ie onócaimo tuánvano afe úriñedimie iife jetánote. ³⁴ Afe mei Jesús monamo érocailanona comeci zúurenaimona zegóricai. Zegóricailano íena daide:

—¡Efata! —daide. Afe uai jino dobáíñvano daina: tújijcai.

³⁵ Afe llezica jefona cacáíñedimie jefo tújijcaide; ie iife ñue jállode. Iemona afémie ja ñue úrite. ³⁶ Iemona Jesús íaioina rairuide:

—Jiáimacimo lloñeno iri, —daide. Jesús afe daii dígacaiño íaioina rairuide. Mei íadi Jesús iere rairuide íadi, áfena náfueñeno aféfuena baímo jino llócaidiaioi. ³⁷ Iemo nana comini iere jamánomo fáigacaidiaioi. Daidíaiioi:

—Nana ñue finode. Afémie jefona cacáíñedimie cacáitate; uaina jino figo baíñedimiena ñue úritade, —daidíaiioi.

8

Jesús cuatro mil diga comini ecade (Mt 15.32-39)

¹ Aféruillaido aillo comini meine dáanomo gairídiaioi. Iaiioi güille iñede. Ie jira Jesús ie llófuegamaci jírrita, íaioina daide:

² —Bie náirairi dúcaidicue. Ja daruíamani benó cue diga itíaiioi. Iaiioi güille jae iñede. ³ Güiñeno íaioi jofomo orédicuenia, iodo báicana jáitiaioi. Dáarie jicana bitíaiioiza, —daide Jesús.

⁴ Ie llófuegamaci uai otíaiioi:

—Benó bu iñénanoza ¿minícana íaioi ecáredicai?

⁵ Jesús íaioimo jicánote:

—¿Niga panes ómoimo ite? —daide.

Jira afémaci daidíaiioi:

—Siete panes caimo ite, —daidíaiioi.

⁶ Ie jira nana comini ana éniemo ráitate. Iemo Jesús afe siete panes llínvano, Juzíñamuina “Figora” daide. Daina mei, afe panes ditade. Daii ñeta, ie llófuegamacimo ite. Afe mei llófuegamaci comínido oni fecádiaioi.

⁷ Afémacimo due jiza chamu ite. Jesús Juzíñamuina “Figora” daívano afe chamu fecátate. ⁸ Nana güitíaiioi. Iemona ñue jeirediaioi. Ie mei güillamona fiebidino siete diga cirigai iráidiaioi. ⁹ Afe güitino cuatro milmo ánoziacade. Afe mei Jesús nana íaioi raínode. ¹⁰ Raínua mei afémie raire ie llófuegamaci diga nocaemo jofo jaide. Iemo Dalmanuta éniemo jaide.

Fariséuai uai dáinamona comuide onótate raa jicádiaioi (Mt 16.1-4; Lc 12.54-56)

¹¹ Iemona fariséuai Jesumo júfiduaíbitiaioi. Ie facátaiacaidiaioi. Iemona: “Monámona uaido comuide onótate raa caimo ácatari,” daidíaiioi. ¹² Iemo Jesús comeci zúurenaimona izire zegóricailano daide:

—¿Nibái mei bie nairai uáimona comuide onótate raa jicádiaioi? Uáfvena ómoimo lloticue, jaca onótate raana bu ómoimo fínoñeite, —daide.

¹³ Jira Jesús íaioi fíiano meine nocaemo jaide. Iemo jorai enéfenemo jaide.

Fariséuaimo ite pan aillo fáitate raa izóidífuedo Jesús llote (Mt 16.5-12)

¹⁴ Jesús ie llófuegamaci diga íaioi jailla llezica, íaioi ráiñuai féitatiaioi. Dinó nocaemo fia daa pan íaioimo ite. ¹⁵ Iemo Jesús íaioi ocuide:

—Omoi cacai. Fariséuaimo ite pan aillo fáitate raa izóidifuemona abí omoi rairuiri. Daje izói Heródesmo ite pan fáitate raa izóidifuemona abí omoi rairuiri, —daide.

¹⁶ Iemo llófuegamaci dani conímamo llotíaioi:

—Nibai cai pan iñena jírari, Jesús caina daií riire daide, —daidíaioi.

¹⁷ Jesús dani íaioi úrillana onóillano daide:

—¿Nibái mei, “caimo pan iñede” dani jofu conímamo daiífirediomoí? ¿Nai fidíñediomoí? ¿Nai omoi comécimo déiñede? ¿Omoi comeci nai iere riirede?

¹⁸ ¿Omoi uído cióñediomoí? ¿Omoi jefodo cacáñediomoí? ¿Nai cue finócafuea onóñediomoí? ¹⁹ Naui cinco mil íññiai dígamiedemo afe cinco panes cue fecácamo, ¿niga cirigai fiébidinona iráidiomoí? —daide.

Iemo daidíaioi:

—Doce dígagai cirigai, —daidíaioi.

²⁰ Jesús nane daide:

—Daje izói cuatro mil íññiai dígamiedemo afe siete panes cue fecácamo, ¿niga oruide cirigai iráidiomoí? —daide.

Iemo daidíaioi:

—Siete dígagai cirigai, —daidíaioi.

²¹ Iemo íaioina daide:

—¿Nai omoi comécimo jaca déiñede? —daide.

Betsaida jófuego ite uina cióñedimie Jesús jílloata

²² Ja Betsaida jófuego dúcidiaioi. Iemo uina cióñedimie Jesumo comini atídíaioi. Iena jetánollena izire jicádíaioi. ²³ Uina cióñedimie ónoido llínnota, jofue jinomo Jesús ie uite. Iemo fue fáicido ie uimo bitade. Afe llezica afémiemo onoi bitade. Afe mei íemo jicánote:

—¿Ja baca o ui cioidé? —daide.

²⁴ Jira uina cióñedimie érocaillano daide:

—Jíi, comini mácana ciódicue, mei íadi uáfodo íaioina cióñedicue. Afémaci aménaiai izói cióidiaioi, —daide.

²⁵ Ie jira Jesús nane dáanomo ie uimo ie onoi jóonete. Afe mei afémie riire eroide. Iemo ie ui ja jíllode; ja afémie naga raana uáfodo ñue ciode. ²⁶ Ie mei Jesús ie jofomo ie orede. Iena daide:

—Jófuego jáiñeno iri. Afénomo ite comínimo, buna lloñeno iri, —daide.

Pedro Jesús Crístona maméinafue jino ñue llote

(Mt 16.13-20; Lc 9.18-21)

²⁷ Afe mei Jesús ie llófuegamaci diga, Cesarea Filipino éniemo jaide. Afénomo ite jévide jófuiái dinedo jáidiaioi. Afe iodo íaioi jáillanomo, Jesús ie llófuegamacimo jicánote:

—Comini cuena ¿nie izói daidíaioi? —daide.

²⁸ Afémaci uai otíaioi:

—Dáamierie Juan Bautístadio daide. Jáímíiai Elíasdio daidíaioi. Ie jáímíiai jáíe uai lloráimadio daidíaioi, —daií uai otíaioi.

²⁹ Iemo íaioina jicánote:

—Omoimona, ¿cuena bu daidíomoí? —daide.

Ie jira Pedro íena daide:

—O Crístodio, —daide.

³⁰ Iemo Jesús íaioina ocuide, aféfuena bumo llóñeillena.

Jesús ie tállifue fíditate
(Mt 16.21-28; Lc 9.22-27)

³¹ Iemo Jesús dama ie duere finóllifue como fueñe íaioimo llote. Lluano daide:

—Nanoide fima Jitódicueza íadi iere duere zefuítallicue. Eicomini cuena ruiffirutiaioi. Daje izói lletáriraini illaini, ocuífafue llófueraini diga cuena ruiffirutiaioi. Omoína daidícue, afémaci cuena méineitiaioi. Mei íadi daruíámami illamona tállanomona meine abido caifo náidacaiticue. ³² Afefue íaioimo ñue jino llote. Ie jira Pedro eneno oni Jesuna uite. Uillano Pedro Jesús íena lletade. ³³ Mei íadi Jesús meine gírecaillano ie llófuegamacimo eroide. Jesús Pedro létano daide:

—¡Mai cúemona oni jai! Satanás izóidimiedioza. O comeci Juzíñamui mamécana ónoñede. Dama bie éniemo dúidino úrilla izói úritio, —daide.

³⁴ Dáanommo nane Jesús ie llófuegamaci jíríte, nana jíáie comini diga. Íaioína daide:

—Cuedo jáiacadimie mai dama ie comeci jítaina féitari. Féitano cuedo biri. Daí cuedo bíllamona níbaí afémie tíadi afemo comeci fánide; cuedo bírede. ³⁵ Jaca ninommo íllena, dama ie abí rairuíaacadimie dinó jaca raire llúcaite. Mei íadi cue ícoínia abí rairuíacañedimie meine jilluano llícaíñeite; daje izói, cue lloga ñúefue ícoínia abí rairuíacañedimie zííñona íite. ³⁶ Mei jíáfodo nana éniemo íte raa caí óiadi, mei íadi afe llezica caí zííñona illifue niné féiadi, ¿nieze canócacai? ¡Canóñegacai! ³⁷ ¿Nieze íbárede da come íe zííñona illafue abido óllena? Íbánide. ³⁸ Mei jíi, dáamie cuena meáiruiadi, abido afémiena meáiruiticue. Daje izói bie minícana ínoñede fénidimaci uíecomo cue lloga uaina meáiruitimie, íena meáiruiticue. Mei Nanoide fima Jitódicueza. Uire cue Moo aillo ñue máiriedo bíiticue. Nana íe ñuera abí imaci diga bíiticue. Aféruimo bie éniemo íte cuena meáiruitinona, daje izói íaioína meáiruiticue.

9

¹ Nane Jesús íaioína daide:

—Uáfueña ómoímo lloticue. Benommo ítímacimona dáarie nai íaioi tííñenia Juzíñamui aillo íe rínodo íe illáimana íllana cioítiaioi, —daide.

Jesús abí jíáfodo méidoficaide
(Mt 17.1-13; Lc 9.28-36)

² Seis dígarui íllamona, Jesús Pedro, Santiago, Juan diga uite. Dani dígamie eneno caifónedumo afémie uite. Ja dinommo íaioi eróicana afémie abí jíáfodo méidoficaide. ³ Ie ínícuro quénicuirona jaide, ua íere úzerede jaíllici izói. Bie éniemo finóidino ímíroina afe izói úzeretanidiaioi. ⁴ Afe llezica Elías, Moisés diga Jesumo úrillana cíodiaioi. ⁵ Jira Pedro Jesuna daide:

—Llófueraíma, níi caí benommo ñue ílla. Daámami jofóchupi ómoíena caí finolli, daa óchupi, jíáie Moisés íchupi, jíáie Elías íchupi, —daide.

⁶ Afe dáanommo íe llófuegamaci íere jacínaficaidiaioi; jacínaillano Pedro nie izói dáinana onóñenapo daí daide. ⁷ Afe llezica íaioímo mona uíllie ana bite. Bíllano afémacina ferínote. Afe mona uílliemona daa uaina cacádiaioi. Llote: —Bie cue ízíruiga Jitó. Aféniemo cácarei, —daide.

⁸ Afe llezica, nágafene eróroidiaioi íadi íaioi diga buna cíóñena, dama Jesús.

⁹ Idumona ana bitíaioímo Jesús afe íaioímo cíónafue jíáimacimmo llúana rairuide. Íaioína daide:

—Nanoide fima Jitódicue. Uire cue tállinomona meine abido cáadimiena cue illíruimo afe omoi ciónafuena llóreitioi, —daide. ¹⁰ Ie jira aféfuemo dani comécidiao. Mei íadi afémie tállinomona abido cáadimiena illífuena jicánofrediao:

—¿Minícana íte? —conímána dani daidiao.

¹¹ Ie mei Jesumo jicánotiao:

—¿Nibái mei ocuicafue llófueraíni daífirediao, caina illáimaite Mesías dainámie uícodo Elías raire biite? —jicánotiao.

¹² Afémie uai ote:

—Iere uafue Elías raire cue uícodo bite. Ua billano nana meine ñue jaícina fínuabite. Iemo, mei Nanoide fima Jitódicueza, cue billáfuedo ¿nie izóí Juzíñamui Cuegáuai daide? Aféuái bie izóí daide: “duere zéfuiticue” daide. Daje izóí “comini cuena jámairuitiao” daide. ¹³ Mei íadi ómoína daidicue, Elías ja bite. Dani afémaci óiacana izóí afémiemo finódiai. Mei Cuegáuai uícodo daina izóí, afe izóí ja afémiemo zuíde, —daide.

Jesús fiénidena jóriarede dúemie jillote
(Mt 17.14-21; Lc 9.37-43)

¹⁴ Ie mei ja jáie llófuegamaci illánomo Jesús daámáni caifónedumo uigámaci diga meine bitiao. Billano aillo comini íaioimo gairillana ciódiao. Ocuica uai llófueraíni dáanomo ite. Afe llezica afémaci Jesús llófuegamacimo júfidotiao.

¹⁵ Ie mei Jesuna cióillano iere fáigacaidiao. Afémiemo aizícana uáiduaidiao.

¹⁶ Ie jira Jesús ie llófuegamacimo jicánote:

—¿Minícana afe ocuica uai llófueraíni júfidotiao? —daide.

¹⁷ Afénomo ítimacimona daa uai ote:

—Llófueraíma, benó omo cue jitó atídicue. Fiénide jóriai afémie uáinino finode. ¹⁸ Náganomo ie jáiadi afe jóriai ie uánona ana dotáfirede. Ja dinomo fuedo mulléfirede; afe llezica ízie mutúricaide. Iemona ie abi iere naillílicaide. O llófuegamacimo fiénide jóriai jino óllena jicádicue, íadi afémaci ónidiao, —daide.

¹⁹ Jira Jesús uai ote:

—¡Aíí, Juzíñamuimo íñoñedimaci! ¿Nie dinó ómoiri íiticue? ¿Nie dinó ómoína mozóitocue? Bené dúemie ati, —daide.

²⁰ Jira atídiao. Afe jóriai Jesuna cióillano, afe dúemie abi meine cuidáite. Cúdiamona afémie éniemo baiide. Dinomo jabíoicaide. Fuedo mulléoiide.

²¹ Jira Jesús ie moomo jicánote:

—¿Ja nie dino daí íte? —daide.

Jira moo daide:

—Jaca ie dúenamona. ²² Diga ícaíño fiénide jóriai afémie iraimo dotáfirede. Daje izóí illemo dotade ie titállena. Minícana caíri o finórenia, mai caíri fino. Caíri dúecairi. Cai cano, —daide.

²³ Jesús íena daide:

—¿Nibái mei “O finóreniadi cai cano” cuena daíio? Daí daíñoeno iri, mei Juzíñamuimo ínotimiemo naga raa finóredeza, —daide.

²⁴ Ie jira afe úrue moo caillíoicaide:

—¡ínoticue! Cue cano jamánomo cue ínolleza, —daide.

²⁵ Jesús aillo comini ofíllana cióillano, fiénide jóriai riire lletade. Daide:

—Uáinitade jóriai, cacáitañede jóriai, o jino jáillena ja ocuídicueza, ¡jai! ¡Bie úrue fáinocal! Meine abido íena oñeno iri, —daide. ²⁶ Iemona jóriai caillide;

caílliano dúemie meine nane riire cuidítate. Cuidítajano oni jaide, íadi afe dúemiena tíide izóí finode. Jira aillo comini:

—Ja tíide, —daidíaiói. ²⁷ Mei íadi Jesús ónoído llínota caifo dúemiena naidánete. Iemona afémie ñue jílloda náidacaide.

²⁸ Te mei Jesús daa jofomo jofo jaide. Afe mei ie llófuegamaci eneno íemo jíacánotiaíoi:

—¿Ñibái mei fiénide jóríaina ónidicai? —daidíaiói.

²⁹ Jira Jesús daide:

—Bie izóí jóríai dama Juzíñamuimo úrillado, íemo fímaírrillado jino orérede, —daide.

Jesús ie túllifue meine fídítate
(Mt 17.22-23; Lc 9.43-45)

³⁰ Afénomona íaiói jaillano Galilea éniédo jáidiaíoi. Jesús báinino jáiacade bu ónoñeillena. ³¹ Mei aféruillado Jesús ie llófuegamacimo llófullofuedeza. Afémiemo zúillifue íaíoiimo llote. Lluano íaíoiina daide:

—Nanóide fíma Jitódicueza íadi uire náiraímo ízájillicueza, cue íaíoi fállena. Mei íadi daruíamani cue túllanomona meine abído cáadimiena íitícue, —daide. ³² Mei íadi afémaci ie dáinana onóñediaíoi. Daje izóí íemo jícánuana jacírúitiaíoi.

¿Bu iere jamánomo áillomiena?
(Mt 18.1-5; Lc 9.46-48)

³³ Iemo afémaci Capernaumo dúcidiaíoi. Jofomo íaíoi illa llezica, Jesús íaíoiimo jícánote:

—¿Minícafue iomo júfidotiómoi? —daide.

³⁴ Mei íadi jaca uaina oñédiaíoi. Mei jae iodo júfidotiaíoi, ¿bu cáimona jamánomo áillomiena illa? ³⁵ Ie jira Jesús ana ráinaillano, ie doce diga llófuegamaci jírite; daide:

—Dámie raire uieédo áillomiena jáiacaniadi, nano fueñe iere jamáimiena írede; daje izóí nana comini canóraimana írede, —daide.

³⁶ Iemona Jesús daa úrue llínuano íaíoi cígímo jónete. Ie mei ie ónoído íena llirínuano comínina daide:

³⁷ —Bie úrue cue mámecido llínotimie dájena cuena llínote. Daje izóí cuena llínotimie dama cue llínoñede, mei íadi cue orédimiena cue abído llínote, —daide.

Caina éoñedimie cai dibénemo ite
(Mt 10.42; Lc 9.49-50)

³⁸ Iemo Juan Jesuna daide:

—Llófueraíma, dámie cíódicai o mámecido fiénide jóríai jino orede. Mei íadi caído jáiñena jira íena rairuídicai.

³⁹ Mei Jesús daide:

—Rairuíñeno iri. Mei daíí cue mámecido cíórainina raa finódimie ñúemie. Daíí finódimie afe finua méifomo raire cuédo fiéní úrinide. ⁴⁰ Mei caina éoñedimie ua cai dibéfodo íitimie. ⁴¹ Jáíe come cue mámecido omoi jírótaadi, mei Crístomo omoi jainaina jira, afe jírótatimie uáfuenta ie jíridolle raa llínoite, —daide.

Fiénidifuomo baíllena iere jacírede
(Mt 18.6-9; Lc 17.1-2)

42 Jiáie come, bie cuena ínote dúemie fiénidifuemo baiítaiadi, afe come fiénide. Baiítatimiemona figora, cimoimo áillue noficina cúinano monáillaimo dotárede. 43 Dama o onoi fiénidifuemo o baiítaiadi, afe o jaitari. Júbezi onoi diga ziiño ñue illafue Juzíñamuimona o maiñóadi, iere ñuera. Mei nágafezi onoi íadi “comini duere finolle iraimo” o dotábicaiaidi, iere figóñede. Afénomo ite irai dúitanide. 44 Afénomo ite aigíroiái tíñediaioi; afe aigíroi, afeno itímacina ziiñona duere fínoitiaioi. Afe irai jaca dúíñede. 45 Daje izói o idai fiénidifuemo o baiítaiadi, áfena jaita. Júbene ídainide o illa llezica ziiño ñue illafue Juzíñamuimona o maiñóadi, jamánomo ñuera. Mei jiáifodo iraimo o dotábicaiaidi ñue mena ídairedimie o íadi, iere figóñede. Afénomo ite irai dúitanide. 46 Afénomo ite aigíroiái tíñediaioi; afe aigíroi, afeno itímacina ziiñona duere fínoitiaioi. Afe irai jaca dúíñeiteza. 47 Daje izói o uiji ona íadaitaiadi, mai afeji cuerónori. Ua júbene fíidimie Juzíñamui illáimana illánomo o jáiadi, jamánomo ñuera. Mei íadi nágaillinoi ujíredimie o illa llezica, iraimo o dotábicaiaidi iere figóñede. 48 Afénomo ite aigíroiái tíñeitiaioi; afe aigíroi afeno itímacina ziiñona duere fínoitiaioi. Afe irai jaca dúíñede.

49 Mei nana fia fecaca Juzíñamui íóbitalle jobaica rílleniammo salna jónefirediaioi, afe fecaca rille ñue illena. Daje izói nana raamo cai jírinafuaíido ñue íredicaí. Aféfuíai irai come uzilla izírena izói caína izi cácataite, Juzíñamui anamo ñue cai illena. 50 Sal ñuera; mei íadi afe sal ie cáimana féiadi, ¿minícado afe sal meine abido cáimacaitarede? Mai dani conímaiaína caimátaillafue dibénemo omoi iri. Afe llezica comeci caimare uái illáfuemo dani conímaiaína ífireiri.

10

*Jesús, naga come ie aina oni dótana rairuide
(Mt 19.1-12; Lc 16.18)*

1 Jesús ja Capernaúmona oni Judea éniemo jaide. Ua Jordán ruicáfellemo ite éniemo jaide. Iemo aillo comini ie illano dinó meine abido gairízaíbitiaioi. Iemona Jesús ie ífírena izói íaioína llófuete. 2 Iemo fariséuaimona dáarie Jesuna fieni facátaiíbitiaioi. Jesumo jicánotiaioi:

—¿Mei nibai dáamie ie aina oni dótajana rairuírede, nibai ráiruíñega? — daidíaiói.

3 Iemona Jesús uai ote:

—¿Niie izói Moisés ómoina ocuide? —daide.

4 Jira íena daidíaiói:

—Moisés llote, dáamie ie aina oni dotácanamona, afémie dinena aféngona “jae ai oni dotaina rabe” cúerede. Ie mei daíí oni dotárede, —daidíaiói.

5 Iemo Jesús íaioína daide:

—Moisés afe uaina ómoimo llote, mei omoi comeci ifue iere riíredeza. 6 Mei íadi nano fueñe, Juzíñamui nana ráaniaína comúitaja llezica, “afémie íima ringo diga íaillinoína comúitate.” 7 “Ie jira naga íima, ie ai úamona, ie moo ei diga fiénocailano, oni dáanommo íitiaillinoi. 8 Daíí ie ai onónamona afe íaillinoi daa come izóidena jáitiaillinoi.” Ja mena cómeñediaillinoi, dama daa cómedeza. 9 Ie jira Juzíñamui dáanommo jónegaiaillinoi, comini oni dotánide, —dínori Jesús daide.

10 Ja jofomo Jesús naa ie llófuegamaciri dúcinamo, ie llófuegamaci aféfuena Jesumo meine abido jicánotiaioi. 11 Jesús íaioína daide:

—Afe ai oni dotádimie jiáie ai óllena, dotaca ringo dibénemo afémie jiruifue finode. ¹² Daje izói ini oni dotádingo jiáimie mo iníreillena, afengo jiruifue finode.

Jesús úruiai ñue íllena finode
(Mt 19.13-15; Lc 18.15-17)

¹³ Ie mei Jesumo úruiai atídiaoí, íaioímo ie onoi bitállena. Mei íadi llófuegamaci atídinona rairuide, íaioí átíñeillena. ¹⁴ Jesús áfena cióillano ríicaide; jira íaioina daide:

—Rairuíñeno iri. Fáinocai úruiai cuemo bílleza. Íaioina llótadoñeno iri. Juzíñamumo jaináidino ua afe bie úruiai izói itíaoíza. ¹⁵ Uáfueña ómoina daidícue, Juzíñamui illáimana íllana jíeruiredícaí. Úruiai áfena jíeruilla izói jíeruiredícaí. Mei íadi nana afe izói jíeruíñedinona Juzíñamui ie caimare illínomo jofo óreñeite.

¹⁶ Iemo úruiaina llirínuano, ie onoi íaioímo bítano íaioina ñue finode.

Ráarede jitócome Jesús diga úrizabite
(Mt 19.16-30; Lc 18.18-30)

¹⁷ Jesús meine abido jáizaidemo, dáamie aizícana Jesús anamo dújuzaibite. Dújuillano jicánote:

—Ñue Llófueraima, ¿nie izói íitícue zíñona cue illino cue óllena? —daide.

¹⁸ Jira Jesús daide:

—¿Níbaí mei cuena fígomie daidío? Hímamona buna fígomiena íñede. Dama Juzíñamui fígomie. ¹⁹ Ocuícafuiaina onódio:

“Jiáima ai diga íñeno iri;

come fañeno iri;

meríríñeno iri;

bumo taino lloñeno iri;

jiáima jífueñeno iri;

o moo, o ei diga ñue cacáreiri,” —Jesús daide.

²⁰ Afémie uai ote:

—Llófueraima, nana aféfuiaina cue jitócomenamona jeire ófiredícue.

²¹ Jesús afémiemo éroicaillano íena izírúite; daide:

—O dafue nai jeire oféidio. Mai nana omo íte raa fécajiri. Fécajano afe iba dúeredímacimo íne. Iemona jamánomo jirídolle izoide raa monamo omo íite. Daí o finolle mei, cuedo bii. Mei cuedo o bíllamona o tíadi, áfena náfueñeno benó biri. Coco jai, —daide.

²² Mei íadi áfena cacáillano, afe íima zúucaide. Ua zuure oni jaide, aillo ie ráaniai illa jira. ²³ Ie mei Jesús abido comínimo éroicaillano, ie llófuegamacina daide:

—¡Níí féirena ráaredímie Juzíñamui illáimana illáruimo jofo jáillena! —daide.

²⁴ Jira llófuegamaci aféuairi iere fáigacaidíaoí. Jesús meine nane daide:

—¡Úruiai, níí féirena úcubena ínotino Juzíñamui illáimana illáruimo jofo jáillena! ²⁵ Camello eedo ufodo jailla jamánomo juánide, mei íadi ráaredímie Juzíñamui illáimana illáruimo jailla iere Juárezde, —daide.

²⁶ Afena cacáillano, jacínaifcaidíaoí. Daní conímamo jicánotíaoí:

—¿Mei bu jíllóille? —daidíaoí.

²⁷ Jesús íaioímo eróillano daide:

—Afena comínimo finónide; mei íadi Juzíñamuimo finórede. Juzíñamuimo finónide raana íñede, —daide.

²⁸ Jira Pedro íena daide:

—Ocuíraima, nana caimo ite raana fiénocaidícaí o diga cai jáillena, —daide.

²⁹⁻³⁰ Jira Jesús uai ote:

—Uáfueña ómoína dáitícué, naga come cue ícoínia íemo cue lloga jíllonafue ícoínia diga, ie jofo, ie ámatíai, ie mirínguái, ie moo, ie ei, ie jítótíai, ie jacáfaíai dieze afémíe fiénocaiadi, uáfueña meine llínoite. Ja bie éniemo cien dígacaiño afe baimo jofue, ámatíai, mirínguái, éitíai, jítótíai, jacáfaíai llínoite. Uafue, dieze llínoite duere zefuúllafue diga íadi. Ie mei monamo zíñona illino llínoite. ³¹ Aillo biruúllaido nánoraimaci uire ódaidímacina jáitíaiói. Daje izóí aillo biruúllaido ódaidímaci uire nánoraimacina jáitíaiói, —daide.

Dáanomo Jesús ie tíillífue lloite

(Mt 20.17-19; Lc 18.31-34)

³² Ja Jerusalén iodo jáizaidíaiói. Jesús ie llófuegamaci uícodo jaide. Comeci íere facábicaidíaiói. Jáíe íedo jáidíno jacíruioicana afémíedo jáidíaiói. Jira Jesús doce diga llófuegamaci eneno uáidote. Ianori íllamona íemo finóllífueña abído íaíoiimo lloite. ³³ Daide:

—Maí omoí cacai. Nanoide íma Jitódícuéza. Jerusalemo jáizaidícaí. Mei íadi dínomo lletáriráini ílláiniaimo izájíllícué. Daje llezica ocuica uai llófueraíniimo izájíllícué. Iemo afémaci cue titállena ócutíaiói. Onínemacimo cuena izájítíaiói.

³⁴ Cueri jífánodoíítíaiói. Cuena tícoítíaiói. Cue túallaitíaiói. Cue títaítíaiói. Mei íadi daruíamáni íllamona tíllanomona meine abído cáadímíena ítícué, —daide.

Santiago Juan diga uire uícoínafue Jesumo jícadíaiillinoí

(Mt 20.20-28)

³⁵ Afe mei Zebedeo jító íaillinoí Santiago Juan diga, Jesumo jícajídíaiillinoí; daidíaiillinoí:

—Llófueraíma, coco jícalíe jítaígaífuena cócomo lloiri, —daidíaiillinoí.

³⁶ Iemona Jesús íaillínoína daide:

—¿Mínica mei ómicoímo cue finóllena jítaídíomícoí? —daide.

³⁷ Iemo íena daidíaiillinoí:

—Uire o ebírede ílláimana íllíruido, cócomona dáamíe o nabézimo, jíáímíe o jarífezimo cócona o ráinatari, —daidíaiillinoí.

³⁸ Iemona Jesús íaillínoína daide:

—Daí jícadíomícoí íadi abina onóñedíomícoí. Cue duere zefuúllífue izóí, ua erírede jírolle jírua izóí, ¿zéfúiredíomícoí? Daje izóí cue izire tízaiillífue izóí, ¿tízairedíomícoí? —daide.

³⁹ Iemo uai otíaiillinoí:

—¡e mei! Afena ocuiredíococo, —daidíaiillinoí.

Jira Jesús íaillínoína daide:

—Uáfueña dáitícué, cue duere zefuúllífue izóí, duere zefuítíomícoí. Cue izire tílle izóí, tíítíomícoí. ⁴⁰ Mei íadi cue nabéfenemo, cue jarífenemo ómícoí ráinallena, cúemona llónide. Afe ráinallino dama Juzíñamui maméinamacímo dúide, —daide.

⁴¹ Jáíe diez diga llófuegamaci afefue cacáíllano, Santiago Juan dígamo ícítíaiói. ⁴² Iemo Jesús íaíoiña jírrillano, íaíoiña daide:

—Onódiomoiza, náiraiaimo illáimaifiredino riire ocuídillaini dani jáidiaioi, comínina náamatallena. Aféllaini cígiri ite ríimaci, íaioi ríinona izire comínimo cácatatiaioi. ⁴³ Mei íadi omoi cígiri afe daií íñeitiomoi. Mei jáíáfodo omoi dibénemo illáimana íacadimie, omoi canófiredimiena jáirede. ⁴⁴ Daje izói ómoimona ocuíacadimiena íacadimie, nana jáíimaci anamo íaioi táijitagamienna írede. ⁴⁵ Mei jii, Juzíñamui oreca Nanoide fima Jitódicueza. Mei íadi jáíimaci cuena canóllena biñédicue. Mei jáíáfodo nana comínina cánuabiticue. Uafue állomaci íaioi fiénidífuemona zuitalle izói, íaioina cue jíllotallena tízaibiticue, —dinori Jesús llote.

Jesús uínidimie Bartimeo jíllotate
(Mt 20.29-34; Lc 18.35-43)

⁴⁶ Jae Jericomo dúcidiaioi. Afe jófuemona Jesús jino jáidemo ie llófuegamaci diga, naa aillo comíniri, uínidimie io fuemo ráuide. Afémie Timeo jitó, Bartimeo. Dino afémie úcube jicáfirede. ⁴⁷ Nazaret ímie Jesús ánozillano fidíllano, uínidimie jíriioicaide:

—¡Jesús, jaiaí illaíma David Jitó, cuemo dúceai! —daide.

⁴⁸ Aillo comíni íena rairuídiaioi ie llícaillena; íadi jaca nai jamánomo jíriioide:

—¡David Jitó, cuemo dúceai! —daide.

⁴⁹ Ie jira Jesús uái náidaillano daide:

—Afémie uaido, —daide.

Jira uínidimie uáiduano íena daidíaioi:

—Abi mame. Náidacai. O uáidoteza, —daidíaioi.

⁵⁰ Jira ie emódoiroi duñuano iere raire náidacaillano Jesumo bite. ⁵¹ Jira Jesús íemo jicánote:

—¿Mínica omo cue finóllena jitáidío? —daide.

Jira uínidimie uai ote:

—Llófueraíma, cue úreacadicue, cue eróillena, —daide.

⁵² Jesús íena daide:

—Mai o jairi. O ínuamona jae jíllodioza, —daide.

Afe llezica uínidimie ciode. Iemona Jesús jáillado afémie jaide.

11

Jesús illáimana Jerusalemo jofo jaide
(Mt 21.1-11; Lc 19.28-40; Jn 12.12-19)

¹ Jerusalemo ánozillamona, Jesús mena llófuega íaillinoi uícomo orede. Jae Betfagé jofue, íemo jáíi Betania jofue diga áinomo itíaioi. Dáanori Olivo daina ídumo itíaioi. Íaillinoi óriano daide:

² —Uícomo ite duera jófuemo ómicoi jai. Omícoi dúcille llezica cuinaca duera búrrona cíotiomícoi. Nai áfedo buna ráiiñena. Zúitajano cuemo ati.

³ Bu ómicoimo jicánoiadi ¿nibái ómicoi zuitaca? íena dáitio: “Ocuíraíma Jesús jitaille jira. Ie mei raire meine omo atille,” —daide.

⁴ Afe íaillinoi jaillano jino naze fue iori cuinaca búrrona baizájidiailinoi. Afe zuitádiaillinoi. ⁵ Dáamie dino itínomona íaillinoína daide:

—¿Mínica ñetiomicí? ¿Níbái burro zuitádiomicí? —daide.

⁶ Jira uai otíaillinoi Jesús íaillinoína daina izói. Ie jira:

—Jii, mai ui, —daidíaioi.

⁷ Iemona búrrona Jesumo izájdiailinoi. Izájillano íaioi inícuirona burro emodo jobédiaioi. Ie mei dinomo Jesús caifo ráinade. ⁸ Aillo comini íaioi iniroi iomo jobédiaioi. Jiáimaci íbiairede amena ráballai otá iomo jónetiaioi. ⁹ Uícoídímaci ódaídímaci diga júriocaidiaioi:

—¡Ebírede! ¡Juziñamui mámedido bitímie caimáreficairi! ¹⁰ ¡Como íacade illáimana illino caimare comuiri! ¡Ua cai jaiáigima comuidímie David illáimana illino ñue móonairi! ¡Juziñamui ebírede rafue daíri! —daídíaioi.

¹¹ Ja daíí Jesús Jerusalemo jofo jaide. Jaillano Juziñamuimo gairíracomo jaide. Nágarfenemo eróirioicallano jino Betániamo jaide, naa ie doce diga llófuegamaciri, mei ja nauídeza.

Jesús llizíñede higuera daina amena faidode
(Mt 21.18-19)

¹² Afe jiáiruido Betániamona jino abido billano, Jesús jufíruite. ¹³ Macádiaioimo ñue íbiairede higuera aménana Jesús jicana ciode. Iemona dinomo jaide afénamona níbaí ie llizíllajiaína óllena. Mei íadi Jesús dúciillano, hígojiaína baiñede. Afe amena táinona fia íbiairede, mei aféruimo hígonino nai dúciñedeza. ¹⁴ Iemo Jesús afe aménana fáiduano daide:

—Jaca benómona buna bie amena llizíñenamona ie llizíllajiaína ríeñeíteza, —daide.

Daíí ie daínana ie llófuegamaci cacádiaioi.

Juziñamui gairíraco Jesús duano ñue finode
(Mt 21.12-17; Lc 19.45-48; Jn 2.13-22)

¹⁵ Ie mei Jerusalemo meine dúcidiaioi. Juziñamui gairíracomo Jesús jofo jaillánona, dinomo ráaie fecáдино íbárioidino diga jino júuaide. Ucube méidoraini ibani Jesús caitade, fíicirillai fecáдино ráiraniai diga. ¹⁶ Afe gairíracomo buna minícana úiñellena afémie rairuide. ¹⁷ Íaioi llófuete:

—Juziñamui Cuegáuai daide: “Cue jofo ua nana náiraimo Juziñamuimo úrille illácona mameide,” mei íadi meríritino illano jae afénona finódiomoi, —daide.

¹⁸ Lletáriraini illaini, ocuícáfue llófueraini diga afe ie finócafua fidídiaioi. Iemona afémie fállena jenódiaioi. Iena jacíruitaioi, afémie llófueinafuerei nana nairai iere fáigacaideza. ¹⁹ Ja nauízaidemo Jesús afe jófueмона jino jaide, naa ie llófuegamaciri.

Nauí ciona higuera amena jae zaférede duíraína jaide
(Mt 21.20-22)

²⁰ Afe jiáiruido, jítiramo meine abido Jerusalemo íaioi billano, nauí ciona híguerana abido ciódiaioi, mei íadi birui afe amena nana ie jáinauairi zaférede duíraína ja jaide. ²¹ Iemo Pedro comeci uíbicaillano, Jesuna daide:

—¡Llófueraíma, eróí! O faidoca híguerana ja duíraína zaféreficaide, —daide.

²² Jesús íaioimo uai ote:

—Juziñamuimo mai omoi íinofireiri. ²³ Uáfua ómoína dáitícué, dáamie jizíñeno nana ie comécido ínuamona, bie caifóneduna ocuícana daííadi, “Benómona oni íi; jóraimo dotábicaíri,” afe ie daínana ua zúite; afémie jeire ua llezica, afefue daíí afémiemo íficaite. ²⁴ Ie jira ómoína dáitícué, Juziñamuimo omoi úrillano jicaca raa, ja níbaí o llíñoga, áfena mai o íinofireiri. Iemona afe jicaca raa óitíomoi. ²⁵ Nágaruido Juziñamuimo o úriadi, jiáimiena o éoiadi, mai íemo o comécimo íte íaífue féitari. Daíí o finori, monamo íte omoi Moo

Juziñamui ómoimo ite íaifuiái dóllena. ²⁶ Iadi o abi ímie iba omoi óiadi, monamo ite omoi Moo Juziñamui, ómoimo ite íaifuiaina dónheite.

Jesumo ocuille uai ite
(Mt 21.23-27; Lc 20.1-8)

²⁷ Iemo Jerusalemo abido bitíaiói. Jesús gairíracomo maca llezica, lletáriraini illaini íemo áinozidiaiói. Afe llezica ocuica uai llófuetino afémiemo gairídiaiói, éicomini diga. ²⁸ Nana íemo jicánotiaíói:

—¿Bífuiai finuana, bu o ocuilla? ¿Bu ríinodo bie raa finódio? —daí daidiaíói.

²⁹ Jesús íaiói uai ote:

—Omoimo daa rafue jicánoiticue. Cuemo uafue omoi llóíadi, bífuiai cue finca ríino ómoimo llóiticue. ³⁰ ¿Bu mei ocuica báutizallena Juan? ¿Juziñamui nibai ocuica, nibai comini? Mai fáirio, —daide Jesús. ³¹ Ie mei afémaci dani júfidotiaíói; daidiaíói:

—Juziñamui ocuica cai daíadi, Jesús caina fairíoite: “Iemona ¿nibái mei íemo ínoñediómo?” ³² Mei íadi comini ocuica, daínidicai, —daidiaíói.

Comínina jacíruillano daí úritiaíói. Ja onódiaíoiiza, nana comini Juamo ñue comécidiaíói: “Ua Juziñamui uaido Juan úrite,” daidiaíói.

³³ Iemona Jesuna daidiaíói:

—Onóñedicai, —daidiaíói.

Ie mei Jesús íaíoina daide:

—Nie ríinodo bie raa finódicue, daje izói ómoimo llóñeiticue, —daide.

12

Comini fáfirede tájidino jíaifuena caina onótate
(Mt 21.33-46; Lc 20.9-19)

¹ Iemona Jesús íaiói onóigafuiaido íaíoimo úrizaide; íaíoina daide:

—Nauí dáamie jíricónai izoide raa rizájide. (Afe jíricue izoide raa ríinano viñédona mameina.) Afémie afe rillano ie abi cirínora finode. Ie mei afe jíricóna eroide úvaiái zaizíraco finode, afe llizilla íji íaiói óllena. Nane are caifo jacafai cigi úiñoraco afémie nite, afe rigano ñue úiñollena.

Ie mei afe énie naama dáarie tájítaganomo ie rigano fecade, áfena íaiói úiñollena. Afémie daí fécano oni jica jíaie éniemo jaide. ² Jíriconino llezica, ritímie ie ocuicámie afe tájítagamacimo orede, íeiena mameide llizillajiai dieze óllena. ³ Mei íadi afe uáibitimiéna llaitádiaiói; lláitano íaiói faga. Daí ñeta ria íemo fecáñeno oni íena orédiaiói. ⁴ Ie jira afe naama nane jíaie ocuicámie orede. Mei íadi afe orécamiéna nóñedo níjidiaiói. Níjiano ie ifona íaiói bofeca. Iemo fieni íena úritiaíói. ⁵ Daje izói nane jíáimie orede. Afémie íaiói titaca tíide. Afe mei diga icaíño aillo jíaie ocuicámíai dínomo oréoide. Afe orécamacimona dámerie fia faga; jíáimaci tícoizitiaíói.

⁶ Nai dáamie naama dibénemo ite. Daa afe naama jítóna fiébite; iere ie izíruigamie. Iiraicaiño ie jító orede. Comeci facade: “Afémaci ñue íemo comécíllano íena ñue ínoítiaíói; ie dáina uaina jeire óitiaíói,” daide. ⁷ Mei íadi tájítaganomo dáni afémaci úritiaíói: “Bímie nibai ie moo feci raa máíñoítimie. Mai ie cai faa, ie mei cai náamatallena.” ⁸ Ie jira íaiói llaitaca; íaiói titaca tíide. Ie mei ie abi raiñeno afénomona oni dotaca.

⁹ Ie mei Jesús jicánote:

—¿Nie izóí bie énie naama afe fiénidinona fínoite? Billano afe táijitaganona títáite. Ie mei afe jíricore izóidino jíáie úñoraímacimo fécaite.

¹⁰ ‘¿Jaiai Cuegáuaina nai facádoñediomoi? Afe uai bie izóí daide:

Jofo níraíni oni fádoica nófie, ja ñuera jíailliraina jaide.

¹¹ Bie cai Ocuíraíma finoca.

Iere jamánomo ebire caimo cíoide.

Dinori Jesús úrite.

¹² Iemona Jesuna llaitáacadaíoi, llavéllena. Mei ja onódiaioiza, Jesús bie onógafuedo íaioina uátate. Mei íadi comínina jacíruillano, Jesús jetáñeno íena fiédiaíoi. Fíiano oni jíáinomo jáidiaíoi.

Gobierno íbátaga úcube cai íbállena Jesús llote

(Mt 22.15-22; Lc 20.20-26)

¹³ Afe mei fariseo illáicomíni afémacimona dáarie Jesumo orédiaíoi. Daje izóí Heródemo jaináidinomona orédiaíoi, Jesuna úritallena, afe ie uaido taino íeri nitállena. ¹⁴ Bimaci billano íena daidíaíoi:

—Llófueraima, onódicaiza jíáimaci ie lloga uai íñoñeno, o jaca uáfuenta úrifiredio. Comíni jínofene ciona izóí riire jícanoñedio. Mei jíáfodo Juzíñamui lloga cai ñue illafue jífueñeno jino llófuetio. ¿Mei iere riiredillaíma ocuica úcube íemo fecáredicaí, níbai fecánidicaí? ¿Afe cai fecállifue figura, níbai figóñede? —daidíaíoi.

¹⁵ Mei íadi Jesús íaioí uáfodo úriñenafuenta onode. Ie jira íaioina daide:

—¿Níbaí mei cue jánari táinona úritiomoi, cue llaitállena? Daa úcubetuni cuemo ati, cue eróillena, —daide.

¹⁶ Afétuni atídíaíoi. Afe eróillano Jesús íaioímo jícanote:

—Bie uíeco jana, ¿bu ie? Benomo cuega mámecei ¿bu ie? —daide.

Afémaci fairíotiaíoi:

—Ríiredillaíma íe, —daidíaíoi.

¹⁷ Iemo Jesús íaioina daide:

—Ríillaíma íe raa íemo abido ine. Daje izóí Juzíñamui íe raa íemo abido ine, —daide.

Afémacina íe dánari íere comeci jíáíoficaídiaíoi.

Tíidino meine abido cáadena íllena jícanotiaíoi

(Mt 22.23-33; Lc 20.27-40)

¹⁸ Ie mei saduceo imaci dáarie Jesumo úrizaidiaíoi. Bimaci tíidino meine abido cáaíllena lloñédiaíoi. Ie jira bie taino lloga rafue Jesumo jícanotiaíoi. Nai jícanoñenia fueñe daidíaíoi:

¹⁹ —Llófueraima, Moisés jáiáimona caimo cuegáuai daide: Daa íima áiredimie íe úru nai íñena llezica tíadi, íe ama afe ofaíño óite. Aféngomona daa jíto comuírede íe ama tídimie íena. Daií daina mei jícanotiaíoi:

²⁰ ‘Mei nauí siete dígade ámatiaí cai cígimo íte. Nanóidimie áirede. Afémie jítonino tíide. ²¹ Nanóidimie emodo ímie íe ama fecingo ote. Daje izóí jítonino tíide. Daje izóí nanóidaíllinoí emodo ímie afe fecingo uano jítonino tíide.

²² Nana afe siete dígamiaí nanóidimie fecingo otíaíoi. Afémacimona daa jítona comuíñede. Afe ícoímo afe fecingo tíide. ²³ Ie jira meine abido cáaílliruimo ¿bumo afengo dúide? Mei siete dígamie daango otíaioiza, —daidíaíoi.

²⁴ Mei jira Jesús fairíote:

—Omoi onóñeno fieni comeci facádotiomoi, mei Juzíñamui Cuegáuaína onóñediomoiza. Daje izói ie ríinona onóñediomoiza. ²⁵ Mei tíidino meine abído cáaille llezica aina óñeitiaoí. Afe izói íaíoi jízanaiána iníretatañeitiaoí, mei monamo ite Juzíñamui abí imáciaí izóitiaoí. ²⁶ Mei íadí tíidino meine abído cáaillifue dibénedo llogáfuena ¿nai facádoñediomoi? Afefue Moisés cuegánicomoi ite. Aféruimo Juzíñamui Moísemo boode raroci cígido úrite. Bie izói íena daíde: “Dáanomoi Abraham íinoga Juzíñamuidícue, Isaac, Jacob díga, mei birui afémaci cue íllánomoi cue díga cáadiaíoi,” daí Juzíñamui daíde. ²⁷ Iemo Jesús nai daífoide: Mei ua íñédino Juzíñamuiñedeza; mei íadí jíáfodo cáadimaci ie Juzíñamui. Daí bífuena omoi baitáñenia iere féiraitiomoi, —Jesús ja dínomoi daíde.

Iere jamánomoi ínoredi caímo ocuica uai
(Mt 22.34-40)

²⁸ Afe dáaruído ocuica uai llófueraínimona dáamie Jesumoi dúcide. Jesumoi gairídino nana Jesús díga úrilla uaina afémie cacade. Daje izói Jesús ñue íaíoi uaina fairíuana afémie cacade. Afe uai fairíuana fidíillano Jesumoi jícanote:

—Nana ocuica uáimona, ¿nie iere jamánomoi ínoredi? —daíde.

²⁹ Jesús ie uai ote:

—Nana ocuica uáimona bie iere ínoredi nánora uai: “Israel, mai omoi cácareí. Caí Ocuíraíma Juzíñamui jaca daade. ³⁰ Mei jira nana o comécido o Ocuíraíma Juzíñamuína izírui. Daje izói o comécimoi ite joreño díga izírui. Daje izói nana o ífo úrilla uaido íena izírui. Daje izói nana omoi ite ríinodo íena izírui.” Be ñie nánora ocuica uai. ³¹ Afe méifoide ocuica uai daje izói jóide. Afe uai daíde: “Dama o abí o izírui íaíoi, afe izói o aino ímiena mai izírui.” Jíáie ocuica uai izoide bie baímo íñede, —daíde.

³² Iemona Ocuica uai llófueraíma daíde:

—¡Ie mei! Llófueraíma, ñue daídio. O daína uafue. Uáfue Juzíñamui daade. Afémie baímo jíáimiena íñede. ³³ Daje izói afémiena nana caí comécido izírui ñue. Ie llezica nana caí ífoci úrilla uaido íena izírui ñue. Ie llezica nana caí comécimoi itífuíaido íena izírui ñue. Ie llezica nana caímo ite ríinodo íena izírui ñue. Daje izói caí abí ímiena dani caí abí izírui íaíoi, afe izói íena izírui jíáirede. Bie izói caí izírui, aillo ráifide. Ua, nana fatá Juzíñamui fia fecaca rílleniaí baímo ráifide, nana Juzíñamui íóbitallena jobaíca rílleniaí díga, —daíde.

³⁴ Iemona baitádímie izói afémie ie fairíuana uaina cacáillano, Jesús íena daíde:

—Juzíñamui dúllena ímiena íanori itio, —daíde.

Afe mei jacírui llano buna jíáfue Jesumoi jícanoñediáoí.

¿Bu jíto Cristo? Jesús dama jícanote
(Mt 22.41-46; Lc 20.41-44)

³⁵ Jesús gairíracomoi llófullofuena llezica, comínimoi jícanote:

—Onódiomoiza ocuica uai llófueraíni “Cristo David jíto” daífirediaíoi. ¿Nie izói daírede? ³⁶ Mei dama Juzíñamui Joréñodo úrite; daíde:

—Monamo ite caí Moo Juzíñamui cue Ocuíraíma daíde: “Cue nabézimoi rainai, o éoígamacina cue anáfenollíruimoi,” daí David daíde. ³⁷ David Crístona “cue Ocuíraíma” daíadí, ¿nie izói afe llezica Cristo ie jítona írede? —daíde Jesús. (David emodo imácimona Cristo cómuide.)

Aféruído aillo comíni, caímare Jesús úrilla cacáreizaíbitiaoí.

Ocuica uai llófueraini fienu illafue Jesús jino comínimo llote

(Mt 23.1-36; Lc 11.37-54; 20.45-47)

³⁸ Jesús llófullofuena llezica íaioina daide:

—Ocuica uai llófueraimona abí omoi rairuiri. Afémaci áreña ñuera inícuiro jítano comini uiecomo mácafrenana gáidiaioi. Afe llezica íaioi anamo comini fecáracuaimo ñue jacíruioicana íaioi uáiduana gáidiaioi. (Daje izói comini íaioi daináuai jiéruillena gáidiaioi.) ³⁹ Afémaci Juzíñamui uai llófuera como ite ñuera ráiiranona raire jiáimaci uiecomo jenófirediaioi. Afe izói comini iráiziracomo iráiziadi, afémaci iere ñuera ráiirano uiecomo maiñófirediaioi. ⁴⁰ Afémaci fecínguai jofue naa íaioi raari bairófirediaioi; mei íadi comínimo jiáifodo afémiai cíoilena, are Juzíñamuimo úrioidiaioi, comini éroilla llezica. Afémaci iere jamánomo duere finócamacina jáitiaioi, —daide Jesús.

Dúerede fecingo fecaca úcube jamánomo ñuera

(Lc 21.1-4)

⁴¹ Iemo Jesús Juzíñamuimo gairíracomo ráicana eroide. Ucube dotáranu uícomo ráiide. Comini afénomo úcube dotájillamo eroide. Iere ráaredino aillo úcubena dotádiaioi. ⁴² Bie llezica fecingo dúeredingo mena úcubetuni dótaibite. Bituni íainguai ‘cobre’ ie; iere due ráifide centavo izoide. ⁴³ Ie mei Jesús ie llófuegamaci jíirillano íaioina daide:

—Uáfuena ómoimo lloticue. Bie dúerede fecingo úcube jóoneracojimo dotaca úcube, iere jamánomo jiáimaci afénomo dotaca úcube baimo jaide. ⁴⁴ Nana jiáimaci úcube fiévide államona dotádiaioi, mei íadi afengo duéredingo íadi, nana aféngomo ite úcube ie iga. Afengo güille óllena úcubena nana afengo ja dotaca, —Jesús daide.

13

Gairíraco uire júdaillena Jesús ie llófuegamacimo llote

(Mt 24.1-2; Lc 21.5-6)

¹ Jesús gairíracomona jino billa llezica, ie llófuegamacimona dáamie íena daide:

—Llófueraima, ¡bie iere ñuera nóñemo eroi! ¡Daje izói bie jofo áilluemo eroi! —daide.

² Iemo Jesús uai ote:

—Mai bie áillue jófuemo ñue omoi eroi. Benomo daje emódomo nóñena fiébiñeite. Nana oni júdaille, —daide.

Iraírui uícodo útifuiái

(Mt 24.3-28; Lc 21.7-24; 17.22-24)

³ Afe mei Olívona mameide ídumo jáidiaioi. Gairíraco uieco dibénemo ite. Afénomo Jesús ráiidemo, Pedro, Jacobo, Juan, íemo Andrés báinino íena daidiaioi:

⁴ —Nana bífuiái o daina júdaille zuíllaruina onóiacadicaí. Mai caímo llone. Nana bífuiái fúiacana ¿nie izói caína onótaite? —daidiaioi.

⁵ Jesús uai ote:

—Bu omoi jífueñeillena, ñue abí omoi rairuiri. ⁶ Aillo cue mámedido imaci abí jítano bíitiaioi. “Cristodicue” dainano bíitiaioi. Afémaci aillo comínina jífueitiaioi.

⁷ Mei íadi aillo áinori ite fuiríllafuena, íemo jica ite fuiríllafue diga omoi fidíadi, omoi jacínaiñeno iri, mei afe daí íredeza. Mei íadi nai íirairuíñedeza.

⁸ Mei aféruimo daa nairai jái náiraímo fuirízaite. Afe llezica dáazie jáiziemo jobáirizaite. Aféruillaído diga illánomo énie riire dócaite. Dáaruído aillo júbie diga éniiaído iite. Be aféfuiaí comini duere zefuille táinia raa.

⁹ ‘Mei jira abí ñue omoi rairuiri, mei riire ocuidimaci gairíllanomo omoi uítaiioiza; Juzíñamui uai llófuériracomo ómoína fáziitiaioi. Cue ícoinia riíllaini uícomo ómoína óreitaiioi, jamánomo riiredillaini diga. Afe daií cue dibénedo íaiioimo úritiomoí. ¹⁰ Mei íraírui nai dúciñena llezica, cai jíllonafue uai nana náiraímo jino llóredeza. ¹¹ Riiredillainimo omoi oreille llezica, omoi úrillífue mo raire uícomo comécido facáñeno omoi iri. Daje izóí omoi comécillífue mo raire uícomo uibíñoño iri. Aféruimo Juzíñamui omoi ífomo úrilla izóí, mai omoi daiíri, mei dani omoi úriñeitiomoí; omoi comécimona Juzíñamui ie Ñuera Joreño úrite. ¹² Afe llezica dáamie nahí ie ámamo fiénidífue nítano jáimiena ie fatátáite. Daje izóí móotiai nahí ie jítótiaína fiénidífueo izájitaitaiioi, íaiioi titállena. Afe íbana íaiioi jítótiai, nahí ie móotiaímo fiénidífue nítano íaiioi fáite titállena. ¹³ Cue ícoinia, nana comini ómoína éoillano iere íáiruítaiioi. Mei íadi íraíruimo jaícina Juzíñamuimo iere féitañeno ínotimie jíllobicaite.

¹⁴ ‘Jaiaí Juzíñamui uai jino llóraíma Daniel daa iere íáiruiga raa dibénedo cuete. Afe íáiruítáite raa nabene jofue júdaítáite. Afe fiénidífue na oruide raa Juzíñamuimo gairíracomo ite jeruícacomo jóonia llezica, Judea éniemo itino, árrera íduái mo botárediaioi. (Bibe facádimie mai ñue onoiri.) ¹⁵ Aféruimo o jofó jinófene idamo omoi íadi, jofó eromo ite ráaniaína omoi uájíñeno iri; raire botari. ¹⁶ Jacáfáimo táijidímie abído jofomo biñeno iri, ie ínícuiruai óllena. ¹⁷ Aféruimo ite ringóniaí namóci redino iere duere zéfuitiaioi, aizínidiaioiza. Daje izóí monoi jirode duera úrue lláidíngotiai duere zéfuitiaioi. ¹⁸ Ie jira Juzíñamuimo omoi jicari, “Nóci illáruillaído caina botátañeno iri.” ¹⁹ Bie izóí duere zefuúlluína jaca jaiaí ífníde. Ua, Juzíñamui bínie fínuamona benomo afe izóidena íñede. Aféruillaí méifomo afe izóí íñeite. ²⁰ Juzíñamui afe zúuredíruí are jóoneadi buna jíllóñeille. Mei íadi afémie nízécanona izíruillano íanori afe zúuredíruína afémie jóoneite. Are íñeite.

²¹ ‘Iemona aféruimo dámie ómoína daiíadi: “¡Erocai, benomo ite Cristo!” áemo íñoñoeno iri. Daje izóí jáimie daiíadi: “Eroi, batínomo ite Cristo,” áfena íñoñoeno iri. ²² Mei uafue, aféruído aillo jífuéritino bíitiaioi. “Cristódícue” dáítiaioi. Daje izóí “Juzíñamui dibénedo úriticai” daínano comínina jífuéitiaioi. Afémaci cíórainina ráaniaí fínoítiaioi, jáie jacíredífuiaí diga, comini jífuellena. Uafue, daje izóí dama Juzíñamui nízécanona jífueacadiaioi, afémaci daií jífuetareniadi. ²³ Mei íadi mai ñue omoi comeci facáoiri; mei nana bífuiaína jae uícodo ómoimo llotícueza.

*Monámona bite Nanoide íma Jitó, Cristo meine bíllena Jesús llote
(Mt 24.29-35, 42-44; Lc 21.25-36)*

²⁴ ‘Ie mei aféruillaído, zúuredíruillaí méifomo, jítoma duíbicaite. Fíui égaiñoñeite. ²⁵ Monamo ite úcuai cócítiaioi. Afe llezica mona eromo ite riíno mozídino, mairíñeno jaillano dócaítiaioi. ²⁶ Iemo nauí monámona bite Nanoide íma Jitó Cristo meine abído cíocaite. Uíllie cígído bíite; aillo riíno diga. Jamánomo ebírenafueo bíite. ²⁷ Afe mei ie abí ímácina óreite, nana ie nízécamaci nana mona fuédamona gairítallena. Ua jamánomo jica ite ígobíai

imácimona nizécano nana dáanomo atille. Daje izói énie fueda imácimona nizécano nana dáanomo atílliaioi.

Nai ie llófuegamacimo llófuiano, íaioina daide: ²⁸ ‘Mai bie higuera amena rafue omoi onoiri. Afe higuera íbiai firuilla llezica fimona áinozillana onódiomoiza. ²⁹ Daje izói nana bie zúurediruillai zuíllana omoi cíoiadi, íirairui áinozillana onótiomoí. Jae iere íanori ite. ³⁰ Uáfuea ómoína daíitícue, afe illáruido itino comíni nai tíñenia, nana bifue zúite. ³¹ Nana mona énie diga fúite, mei íadi cue daina uai jaca nínomo méidonide. Cue llua izói zúite.

³² ‘Mei íadi afe illíruina buna onóñena. Daje izói Juzíñamui abí imaci onóñediaioi. Ua afe izói Juzíñamui Jító aféruina onóñede. Dama cai Moo Juzíñamui onoiğa.

³³ ‘Te jira, aferui dúcinana onóñediomoiza, mai ñue figo abina omoi onoiri. Afe llezica mai ñue omoi uíñori. Daje izói Juzíñamuimo úrífireri. ³⁴ Cue meine billifue dámie jica jailla izoide. Afémie nai jáiñenia íemo táijidinona ie jofo úiñotade. Illa dígamie dáarie táijillena igáiaioi. Iemo naze uíñoraima jóoniano, íena riire ocuide, jofo uíñollena. ³⁵ Afe izói mai omoi abí onócana uíñori, mei jofo naama billíruí ónoñegaza. Níbai nauíoilla llezica biite, níbai dáaferuimo, ónoñega. Níbai atava úrilla llezica, níbai jítiramo afémie biite; ónoñega. ³⁶ Mai abí omoi onoiri, afémie riire bíadi, omoi iníllena ie cíoiñeillena. ³⁷ Omoína cue daina izói nana comínina daidícue:

—Cue bíllemo abí omoi onoiri, —daide Jesús.

14

Comini Jesús llaitállena maméritiaioi (Mt 26.1-5; Lc 22.1-2; Jn 11.45-53)

¹ Nai ménarui ite pascua ráfue. Afe rafue llezica afénomo ite comíni íaioi pan fáitara jóneñeno güífrediaioi, mei aféruillai fáitañega pan güífrenafue. Lletáriraini illaini ocuícáfue llóraini diga Jesús jífuiado llaitállena jenódiaioi, ie titállena. ² Iadi daidíaioi:

—Íráizie ana íena llaitánide; áfemo comíni ficire júfidoñeilleza, —daidíaioi.

Ringo zióredijido Jesús ifona jillaide (Mt 26.6-13; Jn 12.1-8)

³ Jesús Betániamo ite. Simón jofomo ite. Afe Simón chíñaitimiena mameide. Güírácomo íaioi ráiina llezica, daa ringo jamánomo ráifide ziórediji Jesumo jilláizaibite. Afe ziórediji duera alabastro daina nofici finoina ícítirumo ite. Afe ziórediji mámece nardo. Afeji jíáiena fáíñega. Afengo afe ícítiru llaillano, Jesús ifomo áfeji totade. ⁴ Afénomo itínomona dámierie áferi ríicaidiaioi. Dani conímána riire daidíaioi:

—¿Níbai mei bie ziórediji táinomo dotade? ⁵ Afeji trescientos romano úcubetuni baimo fecárede, duéredimacina canóllena, —daidíaioi. Aféngomo ríicailano íáiruítiaioi.

⁶ Mei íemo Jesús daide:

—Mai aféngona fáicanocai. ¿Níbai mei aféngona áifedodiomoí? Bie cuemo afengo finócafue ñuera. ⁷ Mei jíi, duéredino jaca omoi cígimo íitiaioi. Omoi jítaiadi afémacina canórediomoi. Mei íadi cue omoi cígimo are íñeítícue.

⁸ Afengo ñue cuemo finórede raa cuemo finuaibite. Jíaimaci cue raíájíñenia cue abímo zióredijina afengo cuemo jóniaibite. ⁹ Uáfuea ómoína daíitícue,

náganomo bie éniemo comini jilloille uai jino llóyadi, bie ringo cuemo finócafue jino llóitiaoiza, áfemona aféngomo uíbicaifireillena.

Judas Jesús íena éoidimacimo izájide

(Mt 26.14-16; Lc 22.3-6)

¹⁰ Ie mei Judas Iscariote lletáriraini illaini dine úrizaide, Jesús afémacimo izájillena. Afe Judas, doce dígamie Jesús llófuega ímie. ¹¹ Afe illaini Judas dáinana cacáillano, íobidiaioi. Afe jira íena daidíaioi: “Jesús caimo o atíadi, úcubena omo íbaiticai.” Iemona Judas nie izói Jesús íaioimo fecállena jenode.

Jesús íraifuena güillafue

(Mt 26.17-29; Lc 22.7-23; Jn 13.21-30; 1 Co 11.23-26)

¹² Fáitañega pan rafue nanódiruimo oveja jiza fáfirediaioi, pascua ráfue mo ríllena. Aféruimo jae dúcide. Aféruído Jesús llófuegamaci íemo jicánotiaoioi:

—¿Ninomo pascua rafue uícodo cai fínuaillena óiacadio, aféno mo pascua ráfue mo mameide güille cai güillena? —daidíaioi.

¹³ Ie jira ie llófuegamacimona ménailinoi óriano daide:

—Jófuemo jai. Dinomo jainoi ícírudo uítimiena báitiomicoi. Iedo jairi.

¹⁴ Afémie jofo jáillanomo, afeco náamana daíri: “Llófueraima daide, ¿Ninomo ite cue güillino cue llófuegamaci díga? Dinomo pascua rafue llezica güíticai daide.” ¹⁵ Jira afécona ómicoimo ácatajite, áiloco. Caifóidicomo iite. Ja fuífide. Dinomo cáiena finori, —daide.

¹⁶ Jira llófuega íaillinoi oni jaillano jófuemo dúcidiaillinoi. Dúciillano uícodo Jesús íaillinoína daína izói baizájidiaillinoi. Pascua rafue ja finódiaillinoi.

¹⁷ Nauízaiilla llezica, Jesús doce díga ie llófuegamaciri dúcidiaioi. ¹⁸ Güírabanimo güítiaioimo Jesús íaioína daide:

—Uáfueña ómoína daíiticue, daa ómoimona, cue díga güítinomona cuena fécaite, —daide.

¹⁹ Jira afémaci zúucaidiaioi. Afe llezica dáamierie Jesumo jicánotiaoioi:

—¿Nibai cue? —daide.

Jíaimie daje izói daide:

—¿Nibai cue? —daide.

²⁰ Jira Jesús uai ote:

—Íemíe daa ómoimona, bie doce dígamiedemona; ua cue birui díga dáajemona güítimacimona. ²¹ Nanoide íma Jitódicueza Cuegáuai lloga iodo jáidicue; ua cue túillinomo jáidicue. Mei íadi cue fecádimie, jñi íere dúerenal Afe íma jócoñegana baímo ñue jaide, íadi jae comuide, —daide.

²² Güítiaioimo, Jesús pan llínota daide:

—Íere figura, —daide. Daína mei dídade. Dítda íaioimo fécajano daide:

—Mai omoi güi. Bie cue abi, —daide.

²³ Iemo Jesús jiróracuri llínote. Afécuri vínona oruítaga. Ie mei:

—Íere figura, —dainano íaioimo ite. Nana afécurimona áfeji jiródiaioi.

²⁴ Iemo daide:

—Bie cue die; áfedo comue dájemo llínoga uai uáfueña daíillena. Aillo nairai jíllollena cue die tóite. ²⁵ Uáfueña ómoína daidicue, ja biruímona afe uva rao llizilla íji jíroñeiticue. Ua nágaruillaído Juzíñamui ílláimana íllirui nai bíñena llezica jíroñeiticue. Aféruimo comóicana áfeji nane meine dáanomo jíroiticue, —daide.

Pedro Jesuna jáanuana Jesús úicodo llote
(Mt 26.30-35; Lc 22.31-34; Jn 13.36-38)

²⁶ Juziñamui rua íaioi rua mei, jino Olivo dainádumo jáidiaioi. ²⁷ Iemo Jesús daide:

—Bie naio, iomo come éicitaila izói, méaicaillamona nana omoi cuena zóofeiomoi. Cuegáuai daide: “Ovejai úñoraïmana fáiticue; fállemona ovejai oni ráijicaitiaioi.” ²⁸ Mei íadi cáadimïena meine abïdo cue ille méifodo, omoi uíecomoo Galiléamo jáiticue, —daide.

²⁹ Jira Pedro daide:

—Nana ona fáicanocaitiaioïmo, jaca o fáicanocaiñeiticue, —daide.

³⁰ Iemo Jesús uai ote:

—Uáfuenta dáititcue, bie naio atava ménacaiño nai úriñeniadi dacaiñoámani cuena jáanoitio, —daide.

³¹ Mei íadi afémïe iere afe íeñede úricana daide:

—O diga cue tíllena jitáïadi, nai ona jáanoñeiticue, —daide.

Nana daje izói daidiaioi.

Jesús Getsemanimo Juziñamuïmo úrizaide
(Mt 26.36-46; Lc 22.39-46)

³² Iemo güíracomona jino billano Getsemaní ibírïmo dúcidiaioi. Dinomo Jesús ie llófuegamacina daide:

—Bai bené Juziñamuïmo cue úrizaila llezica, benó omoi ráiiri, —daide.

³³ Iemo Pedro, Santiago, Juan diga uite. Jesús ja zuure cácacade; afémïe aillo jaci cácade. ³⁴ Jira daide:

—Cue joreño iere zúureficaide; afe zuufue tíilla izói cue orede. Benó omoi fiebi. Abí omoi onoiri, —daide.

³⁵ Iemo Jesús jabo baiife jaide. Dinomo éniemo bíjicaillano Juziñamuïmo jicade:

—Nana bie cuemo jíiriacade raa cúemona oni o oréreadi, mai oni oreri, —daide. ³⁶ Nai Juziñamuïmo úrioicana daide:

—Cue Moo, ómona nana finórede. Bie iere zuure facállinomona cue zuitari. Mei íadi cue oíacana izói finóñeno iri, mei jíáfodo o oíacana izói finori, —daide.

³⁷ Iemo daámani llófuegamaci diné jaide. Inídiaioïmo dúcïde. Pédrona daide:

—Simón, ¿ja o inídiio? ¿Jaca due jiza abí onóoicana uññonidïo? ³⁸ Abí omoi uññori. Juziñamuïmo úriri, fiénidïfuemo omoi báiiñellena. Uáfuenta o joreño iere jíerede, mei íadi o abi náinide, —daide.

³⁹ Iemona dáanomo nane, Juziñamuïmo úrizaide. Daje uáillaina daide. ⁴⁰ Ie mei nane bítemo, ie llófuegamaci meine dáanomo inídiaioi. Daií afémïe inïamo, Jesús íaioïna cóizaibite, mei íaioi uññi inïe íbáicaza. Iaioi uai ollino íñede. ⁴¹ Ja dacaiñoámani Juziñamuïmo úrillano bite. Billano íaioïna daide:

—¿Mei nai birui inídiomoi? ¿Nai ocózinaidïomoi? Jae mai. Nanoide ñima Jitódicueza, mei íadi fiénidïmacïmo cue itábicaillaruïmo ja dúcïde. ⁴² Náidacai. Mai cai jai. Cue fecádimïe ja bite.

Jesús llaitádiaioi
(Mt 26.47-56; Lc 22.47-53; Jn 18.2-11)

⁴³ Ie llezica Jesús nai úritemo Judas dúcizaibite. Afémïe doce dígadïmacïmona. Afémïeoiri aillo comïni bitíiaioi. Lloefai bigínïai diga bitíiaioi. Lletáriraini illáinïmona bitíiaioi. Dáarie bie comïni ocuícáfue llófuerainïmona éicomïni diga bitíiaioi. ⁴⁴ Fecádimïe Judas bimácïmo ónoitara nauï lloga. Daide:

—Cue ñitállimie ñáimieite. Ie llaitari. Ñue maiano, ui, —daide.

⁴⁵ Iemo Judas billano, Jesumo áinozillano uáidote:

—¡Llófueraíma! ¡Llófueraíma!

Daíi ñaímano ñítade. ⁴⁶ Iemo Jesús llaitada, maiano, bitino íena uitíaiói.

⁴⁷ Afe llezica ñinomo itínomona dáamie lloefai otá daa bitímie jefo ñetade. Afe jefona ñetácámie lletáriraini illaíma jaíénici. ⁴⁸ Iemo Jesús comínina daide:

—¿Meita meríriraimadícue izói lloéfailláiri bigíniaí digá cuena lláitáibitíomói maiano cue uállena? ⁴⁹ Nágáruí ómoíri Juzíñamuimo gairíracomo llófuecana iticue; íadi jaca cuena llaitáñediomói. Meí íadi bifue íficaide Cuegáuaillai fuitállena, —daide. ⁵⁰ Iemona nana llófuegamaci íena fáicanocaillano botádiaíói.

Da Jesudo jáicaide jítócome botade

⁵¹ Meí íadi ñaí jítócome dama áillue íniroi jitada nai Jesús óodana jáicaide. Ie meí bitino íena llaitádiaíói. ⁵² Meí íadi afémie jarire ñuíñuano aferói íaíoi mo fainóicaide. Daíi ñeta emuíroma jarire botade.

Jesús jicánodoillinomo uiga

(Mt 26.57-68; Lc 22.54-55, 63-71; Jn 18.12-14, 19-24)

⁵³ Iemo judíuai lletáriraini caifóidíllaímamo Jesús uitíaiói. Afe llezica nana lletáriraini illaini, íemo íecomíni, íemo ocuica uai llófueraíni digá, dáanomo gairírdiaíói. ⁵⁴ Pedro, afe jamánomoidíllaíma jefo abí íbírimo, óodana jicado jaide. Dinomo llazíriraini digá ráiide; irai fuemo agaide abí uzírellena. ⁵⁵ Nana lletáriraini illaini jamánomo ocuídímaci digá Jesumo fiéni íaíói facátallena uai nabáídino jenódiaíói, áfedo íena titállena. Meí íadi áfena baiñédiaíói. ⁵⁶ Aillo íemo taino llotíaiói. Íadi íaíói táinofuíaí jaícina jóbiñede. ⁵⁷ Iemo dáarie caífo náidacaillano, afémiemo taino fiénidífue nitádiaíói. Daidíaiói:

⁵⁸ —Afémie dáinana cacádicai: “Bie comíni finoca gairíraco júdaiticue, íemo daruíámáni illemona jíái gairíraco comíni finóñegaco abído níitícue,” daide, —daidíaiói.

⁵⁹ Meí íadi nane íaíói lloga uai nabáíllafuíaí jaícina jóbiñede. ⁶⁰ Iemo lletáriraini illaíma íaíói cígimona jino náidacaillano Jesumo jicánote:

—¿O uai óñeítio? ¿Mínica bie omo nitádiaíói? —daide.

⁶¹ Meí íadi daa uai oñede. Iemona lletáriraini illaíma nane dáanomo jicánote:

—¿O Crístodio? ¿Afe cai ñúefuena nitaca Juzíñamui Jitódioza? —daide.

⁶² Jira Jesús daide:

—Jíi, íe meí. Nanoide íima Jitódicue. Uire uáfuena cuena cíoitíomói. Ua ríírede Juzíñamui nabézimo ñinomo cue ráinaillana cíoitíomói. Aféruillaído mona ero úilliedo cue bíllana cíoitíomói, —daide.

⁶³ Lletáriraini illaíma jamánomo ríicaillano ícírillamona íe íniroi cúatajano daide:

—¿Ñibái meí jíáie uai nabáiraíma jíitaiticai? ⁶⁴ Ja Jesús íe uáíllaído Juzíñamui díbéneto fiéni úrillana cacádiomói. ¿Omoi, nie izói íena daidíomói? —daide.

Iemona nana íena titállena daidíaiói. ⁶⁵ Iemo dámierie afémiemo túallaítiaíói. Afe llezica íe uíéco íníroina íbáíllano, íena fatíaiói. Fájano daidíaiói:

—¡Maí bai! ¿Bu o faja? —daidíaiói.

Iemo llaitáídino íe uíéco túcoídiaíói.

Pedro Jesús jáanote

(Mt 26.69-75; Lc 22.56-62; Jn 18.15-18, 25-29)

⁶⁶ Pedro ana jofu ibírimo ite. Iemo daa lletáriraini illaíma canóraingo afénomo dúcide. ⁶⁷ Pedro irai fue agáillana cíóillano, afengo afémiemo riire eroide. Iemona daide:

—O daje izói Nazarena ímie Jesús diga macáfiredio, —daide.

⁶⁸ Mei íadi Pedro jáanuano daide:

—Aféfuena fidíñedicue. Minícado úritio onóñedicue, —daide. Daina mei afémie naze fuemo jino jaide. Iemo ítava úrite.

⁶⁹ Iemona canóraingo íena nane cíóillano afénomo itínona daide:

—Afe iima Jesudo jáidimacimona, —daide.

⁷⁰ Mei íadi Pedro meine jáanote. Ja baído afénomo itino Pédróna nane daidíaiói:

—Uáfuena. O Jesús imaci iédio. Galilea ímiedio. O úrilla afémaci úrilla izói jóoide, —daidíaiói.

⁷¹ Ie jira Pedro: “Uáfuena cue llóñenia Juzíñamui cue fáidoiteza,” daide. Dáanomo Pedro ie daína uai nabáillena Juzíñamui mámedido riire mámano daide:

—Afe omoi úrillamiéna onóñedicue, —daide.

⁷² Daí daína llezica atava dáanomo nane úrite. Iemona Jesús íena daínafuemo Pedro ubicaide. Nano uícomo íena daide Jesús: “Atava ménacaíño nai úriñenia dacacíñoámami cuena jáanoitio.” Afemo comeci fácajano éeiaide.

15

Jesús onínellaima Pilátomo uitíaiói

(Mt 27.1-2, 11-14; Lc 23.1-5; Jn 18.28-38)

¹ Afe jítiramo lletáriraini illaini íemo eicomíniri gairízaidiaíói, ocuica uai llófueraini diga; ie emódomo naa jíáie jamánomoidillainiri. Gairíllano Jesumo íaiói finóllifueri dani úritiaíói. Maíga Jesús Pilátomo izájidiaíói. ² Jira Pilato jicánote:

—¿O meita judío illáimadio? —daide.

Iemo Jesús uai ote:

—¡Ie mei! Daí jaca o daina izói, —daide.

³ Iemo lletáriraini illaini aillo fiénidífuiaí afémiemo nitade. ⁴ Jira Pilato dáanomo jicánuano daide:

—¿O uai oñédio? ¡Cacai! Diga fiénidíuiai omo nitádiaíói, —daide.

⁵ Mei íadi Jesús uaina oñede. Afémie uai oñenamona Pilato fáigacaide.

Jesús íe tíllena uáfodo maméritiaíói

(Mt 27.15-31; Lc 23.13-25; Jn 18.38-19.16)

⁶ Afe rafue ana naga fimónado comínimona llogámie llaítacamiéna Pilato zuitáfiredo. ⁷ Come fatímie Barrabás jae llavéracomo ite, jíáie come fatímaci diga. Nano jáíruido illaíma dotátaruimo comíni fatíaíói. ⁸ Ja birui comíni Pilátomo jícaíbitiaíói. Billano Pilato íaíoimo finófirena izói íe finóllena jicádiaíói. ⁹ Pilato uai ote:

—¿Judíuiai illaíma ómoimo cue zuitállena jítáidíomoi? —daide.

¹⁰ Pilato ja lletáriraini illaini Jesús úradoillafuedo fécajana fidide. ¹¹ Mei íadi lletáriraini illaini nana comíni jeire otímaci. Iaiói úamona iere caillídímaci. Iaióna llófuetiaíói:

—Jesús ifomo mai Barrabás caimo zuitállena izire omoi jicari, —daidíaioi.

¹² Jira Pilato jicánote:

—¿Nie izói oíacadiomoi omoi mamécamié Judío Illaíma cue finóllena? —daide.

¹³ Iemo caillíocana uai otíaioi:

—¡Cruzmo íena corai! —daidíaioi.

¹⁴ Jira Pilato daide:

—¿Nibái mei? ¿Afémie nie fiénidifue finode? —daide.

Nane dáanomo baímo caillíocana daidíaioi:

—¡Cruzmo íena corai! —daidíaioi.

¹⁵ Iemona Pilato nairai uíecomó ñue íacanamona, Barrabás zuitada orede. Iemo Jesús zechétajano llaizíritinomo izájide íena coráíllena.

¹⁶ Ie mei afe onínellaima áiloco jofo íbírímo íena uitíaioi. Afénomo nana fuíríraíni gairítatíaioi. ¹⁷ Iemo ñue jáirede ínícuro, illaíma íena, afémiemo jítadíaioi. Aferoi uállaima jítáfiregaroi. Afe llezica ifo icuífoi eegi nínacuifoina íemo jítadíaioi. ¹⁸ Jítajano janónaíocana riire íena uáidotíaioi; daidíaioi:

—¡Figo o iri, Judíuai Illaíma! —daidíaioi.

¹⁹ Iemo rázido diga icaiño ie ifo butíaioi. Ie túallaitíaioi. Afémiemo caiñici ana dújullano jifánodoícana íena ebírúitíaioi. ²⁰ Daií ie íaioi áfédúa méífodo, afe illaíma jítácaroi íemona duiñódíaioi. Dúíñuano dama íecuirona ie jítadíaioi. Ie mei afénomona jino íaioi uiga íena coráíallena.

Jesús coráíina

(Mt 27.32-44; Lc 23.26-43; Jn 19.17-27)

²¹ Jesuna coráíaidíaioiemo Cirene ímie Simón jinona jófuemo bite. Afémie Alejandro Rufo íaillínoí moo. Bítemo Jesús coráíllibicina rocátatíaioi.

²² Iemo Jesús Gólgota maméidinomo uitíaioi. Afe Gólgota jáímaci uaido ífócorai Illánona mameide. ²³ Afénomo vino eríredíji diga jóonegana Jesús jirótatíaioi. Mei íadi áfena afémie jiróñede. ²⁴ Afe mei ja Jesuna coráídiíaioi. Iemo fuíríraíni onótaraji dotadíaioi, Jesús ínícuro íaioi máíñuana onóíllena. Iemona dájerize illa dígamie ie ínícuro uite.

²⁵ Jae jítoma caífo illa llezica Jesús coráídiíaioi. ²⁶ Jesús coráígabicimo jáíe uai llotíbicina netadíaioi. Afébicimo nie íaífue ie finua jira coraíca, daií íaioi cueda. Bibícimo cuetíaioi: “Bímie Judíuai Illaíma.” ²⁷ Afémie diga mena meríríraíma íaillínoí coráídiíaioi, dámie ie nabénemo, jáímie ie jarífenemo. ²⁸ Jaiái Cuedáuai daií fúbicaide. Aféuai daide: “Afémie fiénidímacimo jáínáitaga.”

²⁹ Afe iodo jáídino Jesumo fiéní úritíaioi. Fuena íere riire íena zanódíaioi. Daidíaioi:

—Mai, cacai. O Juzíñamui gairíraco ana júdaítímedíoza. Daje izói daruíámani íllado abido afeco nítímedíoza. ³⁰ ¡Mai dama o abí jíllota! ¡Crúzmona ana bí! —daidíaioi.

³¹ Daií daje izói lletáríraíni illaíni, ocuica uai llófueraíni diga, Jesuna janónaitíaioi. Dani conímatana daidíaioi:

—Afémie jáímaci jíllotade, íadi afémie dama ie abina jíllotanide. ³² Mei birui Cristo, Israel Illaíma ana crúzmona bíadi, áfena cai ciónamona afémie uaina ja uáfuenta ínoíticai, —daidíaioi.

Daje izói afémie diga coráícaíallínoí fiéní Jesumo úritíaioi.

*Jesús tílla**(Mt 27.45-56; Lc 23.44-49; Jn 19.28-30)*

³³ Jaíciri illa llezica nana énie jítireficaide. Dahoraámami fidi monáñede.

³⁴ Afe llezica Jesús riire cáilliano daide:

—Eloí, Eloí, ¿lama sabachtani? —afe uai dobáñuana daide: ¡Cue Moo Juziñamui, Cue Moo Juziñamui! ¿Ñibái cue zóofetio? —daide.

³⁵ Dámierie afénomo itínomona áfena cacáillano daide:

—Cacarei, afémie Juziñamui uai jino llóraima Elías jírrite, —daídaíoi.

³⁶ Iemona afémacimona dámie aizida fillicide raa uájide. Erírede vínona riáitano, áfena ragüizi ícoimo jónete, áfedo Jesús jirótallena. Daí ñeta, íemo ñuitade. Afe llezica jáímaci íena daide:

—Ína jabe. Mai cai éroi, neca afémie Elías ana óleza, —daide.

³⁷ Ie mei Jesús riire caillida tíide. ³⁸ Afe llezica Juziñamui gairíracomo zebica jedaciede iniroi, dáfenedo caifófenemona ana cuáijicaide.

³⁹ Jesús anamo romano jabóidillaíma uíéco dibénemo naidaide. Ie cáilliana cacade. Ie tílla izóidena ciode. Cíuano daide:

—Uafue, bie íima Juziñamui Jitó, —daide.

⁴⁰ Dáanomo dáarie ringóniai jicana eróiediaíoi. Iaiói cígimo ite Magdalena jofue ingo María, íemo Salomé, íemo jáíe María. Afengo Santiago José ei. Afe Santiago jofófene ímiena mameide. ⁴¹ Bie ringóniai Jesudo jáicadino. Naui Galiléamo ie illa llezica, afémaci íena canódiaíoi. Mei íadi bimaci baímo aillo jáíngotiaína, Galilea íngóniai afémiedo Jerusalem bitíaiói.

*Jesús abi raiáfomo jóoniaidiaíoi**(Mt 27.57-61; Lc 23.50-56; Jn 19.38-42)*

⁴² Ja nauizaide. Mei aferui ocózinaillarui uícodirui íllaza, comíni íaiói jitaílle raa finófirediaíoi. ⁴³ Jira José Pilátomo Jesús abi jáicajide. Afe bie José Arimatea jofue ímie. Afémie caifóidillaímaíaimo íere jaináideza, ie mámece jica jalleide. Afémie Juziñamui illáimana illíruina ñue uíñote. Afémie abi mámano jáicaiñeno Pilato illánomo jaide. Dínomo Pilátomona Jesús abi jáicade.

⁴⁴ Pilato ja ie raire tíllari fáigacade. Jira jabóidillaíma uáidote íemo jácánollena meita uafue daíllena. ⁴⁵ Jabóidillaíma “JH” dánamona Pilato fairíote Jesús abi José uíllena. ⁴⁶ Jira José íere ñuera iniroi íbade. Iemo Jesús abi ana uáno, aféroido junide. Iemona idu ana nofíci ero raigácomo ite raiáfomo íena jóoniaide. Jóoniano raigaco áíllue nofícina íbade. ⁴⁷ Magdalena ingo María, José ei María díga, afe raiánona cíódianguai.

16*Jesús tídemona meíne abido cáadimiena jaide**(Mt 28.1-10; Lc 24.1-12; Jn 20.1-10)*

¹ Ocózinaillarui méifomo Magdalena énie ingo María, Santiago ei María, Salomé díga zíoji íbádiaíoi, Jesús abi recuíllena. ² Jira semana nanóidirui jítiramo raiáfomo jáidiaíoi. Afe llezica jítoma ja ciode. ³ Iemo ringóniai dúcillano conímana daídiaíoi:

—¿Bu mei raiáfo uíéco íbaina nofíci caíri oni ñuitalle? mei afeci íere áíllueza, —daídiaíoi.

⁴ Mei íadi érocaillano raiáfo uíeco íbaina áillue nofici oni jóoniana cíódiaioi. ⁵ Iemo raiáfo ico eromo íaioi jáillanomo jítócome nabézimo ráinana cíódiaioi. Afémie áreuiro úzerói jítáoi. Ieri iere jacínaitiaioi. ⁶ Jira ringóniaina daide: —Omoi jacínaiñeno iri. Omoi Jesús, Nazaret ímie nauí coráicamie jenódiomoi. Mei íadi ja tíidemona meine abído cáadimiena jaide. Benomo íñede. Afémie íaioi jóoniano omoi eroi. ⁷ Ie mei Pédro mo naa jíáie llófuegamaciri llujiri. Afe bifue daíri: “Omoi uícomo Galiléamo jaide. Dínomo ie dáina izói íena cíoitomoi,” —daide.

⁸ Jira ringóniai raiáfomona botádiaioi. Fáigacaillano cuidíritiaioi. Iere íaioi jacíruillamona bumo lloñediaioi.

Magdalena énie ingo Maríamo Jesús cíocailla
(Jn 20.11-18)

⁹ Semana nanódirui monáiacana llezica, Jesús meine abído cáadimiena jaide. Afe mei fueñe Magdalena énie ingo Maríamo afémie cíocade. Nauí afémie aféngomona siete díga fiénide jóriai oni orede. ¹⁰ Iena ciona mei, afengo Jesús díga nauí jáicadínomo llujíde; afémaci nai zuure éenaitiaioi. ¹¹ Afe Jesús meine caade íllana María íaioimo llote, mei íadi aféfuena cacáillano, áfena nai íñoñediaioi. Daje izói afengo “Iena cíódicue” dáina uaina íñoñediaioi.

Jesús llófuegamacimona ménailinoimo afémie cíocailla
(Lc 24.13-35)

¹² Bie mei, Jesús llófuegamacimona ménailinoi jofue onimo mácajidiaillinoi. Mácajilla llezica Jesús jíáfodo íaillinomo cíocade. ¹³ Afe íaillinói jíáie llófuegamacimono abído llujídiaillinoi, mei íadi daje izói íaillinoina íñoñediaioi.

Jesús ie uai oni llólleña orécamacimono ie uai jóonenocade
(Mt 28.16-20; Lc 24.36-49; Jn 20.19-23)

¹⁴ Afe jíáiruudo once díga llófuegamaci íaioi güíránomo ráidídiaioimo Jesús cíocade. Íaioi comeci ríirena jira, íaioina lletade. Dáanomo íaioi íñoñena jira, íaioina lletade, mei afe íena cíódino íaioimo llógana íñoñediaioiza. ¹⁵ Ie mei íaioina daide:

—Mai nágaboiáido bie jílluille uai nana comínimo jino omoi llujiri. ¹⁶ Afe uaina íñoitímie íemo báutizagamie jíllobicaite. Mei íadi afe uaina íñoñeitímie jíllóñeno duere finócamiena jáite. ¹⁷ Cuemo íñoitino bie onótarafuiai fínóitíaoi, afe lloga uai uafue daíllena. Cue mámedido fiénide jóriairedímie ite fiénide jóriai oni óreitíaoi. Uícodo óñoñega jíáie uáilláido úritíaoi. ¹⁸ Daje izói tídade jao íaioi llaitada íaioina ainíadi, tíñeitíaoi. Jucúredíji íaioi jíróadi, iránitañeite. Afe emódomo, iráredímacimono íaioi onoi bitáadi, afe iráredino jíllóitíaoi.

Jesús monamo jailla
(Lc 24.50-53)

¹⁹ Afémacimono úrilla mei, cai Ocuíraima Jesús fíaicana caífo monamo uiga. Iemo Juzíñamui nabézimo ráinazaide. ²⁰ Ie mei ie llófuegamaci nágaboiáimo comini jíllona uai llocana uítíaoi. Afe dáamie, cai Ocuíraima, íaioina canode. Afe llezica afémie íaioi lloga uaina cíofínina íaioi fínócafuiáido uáfueña daítate; daje izói díga onótatífuiaido uáfueña daítate. Jae níie.

JUZÍÑAMUI ÑUEFUE SAN LUCAS LLOGAFUE El Santo Evangelio Según San Lucas

Rafue uiécodo llogáuai

¹ Cue ama izóidimie Teófilomo cueticue. Diga comini caimo comuide ráfuiyai ñue jaícina cúellena facádaiyai. ² Afe comuidifuiyai táiniamona, áfena ciódino caimo llua izói, cuetiaíoi. Afeniaina ciódino ñuefuiyai jino llóllena canódaiyai. ³ Afe izói nana bífuiaina ñue jicánofiredicue. Uáfueza, bífuiyai táiniana iere jicánofiredicue. Ie jira omo cueticue. Iemona bífuiyai jaícina omo cue cúellena cuedo ñue jaide, mei ñuefuiairedimie Teófilodíozá. ⁴ Bífuiyai omo cúeiacadicue, afémaci omo llogafue uáfueza o onóillena.

Juzíñamui abi ímie Juan Bautista jocoille lloste

⁵ Herodes Judea éniemo illáimana illa llezica, afénomo Zacaríasna mámeciredimie ite. Afémie Juzíñamuimo comini dibénédo úriraima. Afe Zacarías jaiyai ímie Aarón jító, Abías iziemo dúidimie. Ie ai mámecei Elisabet. Afengo daje izói Aarón iziemona comuídingo. Afe Aarón nánora Juzíñamuimo úriraima. ⁶ Afe íaillinoi Juzíñamui eróicana ñue jaícina itiaillinoi. Juzíñamui ocuica uai jeire ófirediaillinoi. Ie jira afe íaillinoimo buna fiénidena jítánidiaíoi. ⁷ Mei íadi úruenidiaillinoi, mei Elisabet úruenide. Iemo jíai jae iere jónaitiaillinoi.

⁸ Iemo daarui Abías izíe táijinaruillaímo dúcina llezica, Zacarías Juzíñamuimo úriraimana íllena aféniemo dúcide. ⁹ Iemo afémaci fínofirena izói, íaiyai níziamona, uguci uillítallena Zacaríasmo baite. Ie jira afémie Juzíñamuimo gairíracó rairuiredinomo jofo jaide, afénomo uguci uillítallena. ¹⁰ Afémie uillítáa llezica, nana comini jinófenemo Juzíñamuimo úritiaíoi. ¹¹ Iemo Juzíñamui abi ímie, ángel dainámie Zacaríasmo cíocaide. Afémie uillítarano nabéfenemo cíocaide. ¹² Juzíñamui abi ímie cíoilano Zacarías iere jacinaillano ie finóacaigana onóñede. ¹³ Iemo Juzíñamui abi ímie íena daide:

—Zacarías, jacíruíñeno iri, mei Juzíñamuimo o jícafírenana afémie cacádeza. O ai Elisabet jítóreite. Afémie mámecei Juaana o jítalle. ¹⁴ O íóbitio, daje izói aillo comini o úrue jocoleri íóbitimaciza, ¹⁵ mei o jító Juzíñamui uiécómo iere uai ínotimiena mámeiteza. O jító comini jífáitaraji vino diga jaca jíroñeite. Afémie nai jócoñenia Juzíñamui Ñuera Joreño úcaite. ¹⁶ Afémie Israel náraimona diga comini comeci ífuiyai méidotaité, afémaci ócuífrede Juzíñamui uaimo meine ñue íaiyai jíeruillena. ¹⁷ Bie Juan Ocuíraima Cristo uiécodo biite. Afémie jaiyai Juzíñamui uai lloraima Elías comécífrena izói comécíte. Daje izói Elías riire ocuilla izói riire ócuite, ie uaido móotiai íaiyai úruiai diga caimare íaiyai itátallena. Daje izói uaina náfueñedino afémie afe uaina jeire otátaite. Bie izói afémie comini ñuemacina íaiyai fínoite, Ocuíraima Jesús ñue lláinollena.

¹⁸ Juzíñamui abi ímie úrilla llícailla mei Zacarías jicánote:

—¿Nie izói bífuena uáfueza onóredicue? mei ja iere jónaiticue, cue ai diga.

¹⁹ Juzíñamui abi ímie uai ote:

—Gabriéldicue. Juzíñamui ócuifiregamiedicue. Ie orécamedicue omo úrillena, bie ñúefuiai omo llóllena. ²⁰ Mei íadi birui omo cue dáinana o ñnoñenamona uáinitio. Benómona úriñeítio o jító jocóllinomo. Bie Juzíñamui mamécaruimo zúite.

²¹ Afe llezica comíni jino itíaiói; Zacarías úiñotíaiói. Afémie are jino gairíracomona biñena jira jacínaioidiaíoi. ²² Iemo Zacarías jino bítemo ja úrinide. Afemona afémie gairíraco eromo rairuícanomo nicáirilla izóí ñibái cíode daidiaíoi. Afémie onoi níraidua izóí afémacimo úrite, mei afémie úrinideza.

²³ Juzíñamui gairíracomo Zacarías tájinaruillai fúillamona, ie jofomo jaide. ²⁴ Bie mei ie aí Elisabet ja úruereacade. Afengo jofómona cinco díga fiui uáfori jino cíóñede. Afengo comécido daide: ²⁵ “Juzíñamui ja bie izóí cuena úrueretade, íemona comíni cuena jámairuíñeítiaíoi,” daide.

Juzíñamui abi ímie Jesús jocoille llote

²⁶ Ja seis díga fiui Juan comuillamona, Juzíñamui ie abi ímie Gabriel, Galilea éniemo ite Nazaret mámecirede jófuego orede, daa ringo méiñollena. ²⁷ Afengo nai íninide jitaingo. Ie mámece María. Afengo ja jicánogango Josemo ínirellena. Afe José illaíma David izíemona comúdímie. ²⁸ Juzíñamui abi ímie afengo illánomo jofo jaillano daide:

—¡Ona uáidotícue, Juzíñamui ñue finócangodio! Ocuifirede Juzíñamui o díga ite. Nana ringóniai baimo Juzíñamui caimare omo eroide, —daide.

²⁹ Mei íadi afengo Juzíñamui abi ímie cíóillano, afe ie uáimona iere fáigacaide. Iemo afengo comeci anado jicánote, “¿Ñibái cuena daí uáidote?” ³⁰ Ie jira Juzíñamui abi ímie íena daide:

—María, jacíruiñeno, mei Juzíñamui caimare omo eroide. ³¹ Benómona úruereítio, íemona o jító jócoítio. Afémie mámece Jesuna jítaitio. ³² Afémie ñúefuena iere jálleite. Afémie caífo monamo ite Juzíñamui Jitóite. Naui Juzíñamui bínie jaiáídígima David illáimana ória izóí, bie Jesuna Juzíñamui illáimana óreite, ³³ jaca ninomo Israel náiraímo illáimana íllena. Ie illáimana íllana jaca ninomo fúíñeite, —daide.

³⁴ Ie jira María Juzíñamui abi ímiemo jicánote:

—¿Ñie izóí bie mei ite, mei cue iima díga íñédicueza? —daide.

³⁵ Juzíñamui abi ímie uai ote:

—Juzíñamui Ñuera Joreño omo itábicaite. Iemo caífo monamo ite Juzíñamui ie ríinodo ona ráiruite. Ie jira o jocolle jító jaca Juzíñamui mamécamiéna ite. Iemona comíni íena Juzíñamui Jitó dáuitaíoi.

³⁶ ‘Iemo jáí o onógango Elisabet úruereite, jamánomo ei ringo íadi. Ie jira úruenitíngo íaíoi daínango íadi, seis díga fiui íllamona ja úruereacade. ³⁷ Juzíñamuimona jaca finónide raana íñede, —daide.

³⁸ Ie jira María daide:

—Juzíñamui ócuifiregangodicue. Mai mei Juzíñamui cuena ie dáina izóí cuemo fínoiteza, —daide.

Afemona Juzíñamui abi ímie oni jaide.

María ie onógango Elisabet uáiduaide

³⁹ Aféruillaído María Judea íduai cígiri ite jófuego raire jaide. ⁴⁰ Dúciillano Zacarías jofomo jaide. Daí ñeta Elisabet uáidote. ⁴¹ Elisabet daí uáidua

cacáillano eromo ite úrue niráiricaide. Afe llezica afengo Juzíñamui Ñuera Joréñodo úicaitaga. ⁴² Ie jira iere ficírede uaido úrite:

—Nana jáíngotiai baimo Juzíñamui iere caimare omo eroide, ñúefue omo finóllena. Daje izói o jitomo iere caimare eroide. ⁴³ Iere jamáingodicue, mei íadi cue Ocuíraima ei cue eróizaibite. ⁴⁴ Mei ua, o cue uáidua cacáillano cue eromo ite jító iere ióbillano niráiricaide. ⁴⁵ Juzíñamui ona daina o ñnuado iere ióbinangodio, mei Juzíñamui ona daina ñue zúíteza.

⁴⁶ Ie jira María daide:

—Cue joréñodo cai Ocuíraimamo ñúefue lloticue.

⁴⁷ Cue Jíllotaraima Juzíñamuimo cue comeci ióbicaide.

⁴⁸ Mei Juzíñamui ie dúerede ocuicaingona uibíoicaideza.

Biruímona nana uire íte comini “Iere Juzíñamui ióbitangodio” cuena dáititiaoí.

⁴⁹ Mei jamáonomo ríinorede Juzíñamui iere ñúefuiai cuemo finódeza.

Afémie mámece ñúefuiai do jacíruieregaci.

⁵⁰ Nana íena ñue jacíruitinona afémie jaca dúecaite.

⁵¹ Finónide ráfuiiai afémie finode.

Fiénidena abi ñnotinona afémie jae anáfenode.

⁵² Ríillainina jamáimacina Juzíñamui finode.

Mei jáíifodo comécina mánaidino illáinina orede.

⁵³ Jufíruitinona afémie ñúefuiai do imaci jeíritade.

Mei jáíifodo ráaredinona fia duere imácina orede.

⁵⁴ Ie ócuífiregamaci Israel nairai afémie canode.

Iaioina duéruillena féitañede.

⁵⁵ Naui cai móotiaina daina izói jaca duéruifireite.

Ua, Abrahana ie daina izói, iemo ie náiraina daina izói afémie jaca caina duéruite.

Bie izói María úrilla fuite.

⁵⁶ María daámani diga fiui Elisabet diga ite. Afe mei meine ie jofomo jaide.

Juan Bautista jocóinafue

⁵⁷ Afe mei Elisabet úrue jocóllirui mo dúcinamo, jító jocode. ⁵⁸ Juzíñamui ñue aféngomo érocaillano fidíllano, afengo abi imaci naa onógamaciri afengo uáiduaidiaoí. ⁵⁹ Ocho dígarui illamona, judíuiai finofirena izói, gairíracomo jáidiaioí úrue bacano icoi quetállena. Afe llezica ie moo mámece Zacaríasna jítácadiaoí. ⁶⁰ Mei íadi ie ei daide:

—Ieñeite. Afémie mámece Juaana jítalle, —daide.

⁶¹ Aféngona daidíiaoí:

—¿Nibái mei? O comínimo afe bie mámece íñede, —daidíiaoí.

⁶² Ie jira onoi níraíduado úrue moomo jicánotiaoí, nie izói mámece jóoneacade. ⁶³ Ie jira afémie daa cuerábici jicade afemo cúellena. Llínuano cuete: “Ie mámece Juan.” Aferi nana comini jacínaitiaoí. ⁶⁴ Afe cuia llezica Zacarías meine nane úrerede. Jira raíre Juzíñamuimo ñúefuiai llote. ⁶⁵ Bíeri nana abi imaci jacínaoidiaoí. Iemo nana Judea íduai éniemo bifue llócadiaoí.

⁶⁶ Nana afena fidídino afemo iere comécidiaoí. Dani íaioi nabáitiai jicánotiaoí.

—¿Bie úrue minícamiena jáite? Mei uafue, Juzíñamui afémiemo iere caimare eróideza, —daidíiaoí.

Zacarías ñue llocana daínafue

⁶⁷ Iemo ie moo Zacarías Juzíñamui Ñuera Joreño úicaillamona úrite; Juzíñamui íemo lloga uaido afémie daide:

⁶⁸ Israel nairai cai ócuifrede Juzíñamuimo ñúefue nitárede, mei afémie caimo érojzaibiteza.

Ja ie cominidicai, íemo afémie ja cai jíllotaibiteza.

⁶⁹ Jaiai ie ocuifregamie David izíemona, daa riinorede cai Jíllotaraima caimo orede.

⁷⁰ Jaiai ñúefuiairede ie uai llórainido uícodo ie daína izói afémie cai Jíllotaraimana orede.

⁷¹ Afémie cai fairíconimona caina jíllotaite. Daje izói cai éoidimacimona cai jíllotaite.

⁷² Cai nánoramacina duéruite, afe izói ie íaioina ñúefuiairede daína uai féitañede.

⁷³ Jaiai cai uzuma Abrahana uícodo daína uai Juzíñamui uáfuenta daína.

Afe uai bie izói daide:

⁷⁴ Juzíñamui cai fairíconimona caina báiroite, jacíruiñeno ie ócuifregamacina cai maméillena,

⁷⁵ Iemo jái ñúefuiaido ie jáicinaidimacina cai íllena, íemo daje izói nana cai illáruillaido afémiemo ñue cai jaináillena.

⁷⁶ Ie mei cue duera jító, caifo monamo ite Juzíñamui uai llórainana o mámeitiaoi, mei Ocuiraíma uícodo jáitioza, ñuera uai llocana uillena, comini íemo íinollena.

⁷⁷ Daje izói afémie bíllado ie comini íaifuiái féitallena fidítaitio.

Afémaci fiénidifuiái féitalledo afémaci jíllotiaoi.

⁷⁸ Mei ua, cai Juzíñamui caina izíruillano caimo dúecaide.

Dúecaillano cáimaci jáimaci íemo íinollirui caimo ite.

⁷⁹ Afedo tíacade jítinodo macádino Juzíñamuina onóitiaoi.

Daje izói comeci uái illáfuiaimo joide io afémie cai ífoite.

Benomo Zacarías úrilla fuite.

⁸⁰ Iemo afe úrue móonaicana jaide. Afe llezica joreño dibénedo onóicana jaide. Comini íñénanamo ífrede. Israel náiraímo abí ie onónanomo afémie dinomo fiévide.

2

Jesús jocóinafue (Mt 1.18-25)

¹ Aféruillaido énie jamánomoidillaíma Agosto nana comini mámeciai cuiájillena ocuide. ² Siria éniemo Cirenio illáimana illa llezica, bie nánora mámeciai cuiájillena ocuica. ³ Naga come ie móotiai illánomo ie mámecei cuiájirediaoi. ⁴ Ie jira José Galilea éniemo ite Nazaret jófuemona jaide Judea éniemo. Afémie David izíemona comuúdeza, David jocóinanomo Belemo jaide.

⁵ Móotiai illánomo José María diga mámecina cuiájidiaillinoi. Afengo jae jicánogango Josemo iníreillena, íemo ja úruereacade. ⁶ Iemo Belemo íaillinoi illa llezica afengo úrue jocólliruimo dúcide. ⁷ Dinomo afengo nánora jító llíide. Jócua mei iníroido ferínote. Iemo juráreto ecáranomo rallai jóbiano ie bitade, mei afe íaillinoimo comini dúciranomo illino íñédeza.

Juzíñamui abi imaci ovejai úñoraimacimo cíocaide

⁸ Belén jofue onimo dáarie ovéjaiaí úiñoraini naiona íaioí ovéjaiaí úiñofrediaioí. ⁹ Uái daí itíaióimo raire Juziñamui abí ímie ángel dainámie íaioímo cíocaide. Afe llezica Juziñamui quenírie íaioí ábiedo egáñozide. Aferi iere jacínaitiaioí. ¹⁰ Mei íadi Juziñamui abí ímie íaioina daide:

—Jacíruiñeno iri, mei ñuera rafue ómoímo lluaíbiticueza. Bie ráfueri nana comini iere íóbitiaioí. ¹¹ Birui jaiái illaíma David jófue moí Jíllotaraima jae jococa. Afémie cai Ocuíraíma Cristo. ¹² Afémiena omóí onóillena afe úrue íníroido ferínoga, íemo juráreto ecáranomo bitaca báitiomoi, —daide.

¹³ Afe llezica Juziñamui abí ímiemo aillo jíáie mona imaci offoide. Afémaci Juziñamuimo aillo ñúefuiaí llotíaioí:

¹⁴ —Caifoide Juziñamuimo ite ebírenafuiaí omóí lloiri.

Afe dáaruido afémie caimare eróinamacimo comécina uái illafue íiteza, —daidiaioí.

¹⁵ Iemona, Juziñamui abí imaci abido monamo jailla mei, ovéjaiaí úiñoraini dani conímana daíízitíaióí:

—Mai mei Belemo cai jai; bie Juziñamui caimo lloga ie jocóinafue mai cai méiñuai, —daidiaioí.

¹⁶ Jira jarire jáidiaioí. María José díga cíódiaioí. Iemo jíái juráreto ecáranomo bitaca úruena cíódiaioí. ¹⁷ Afena cíóillano, Juziñamui abí imaci afe úrue ífuena íaioímo llúana jino llotíaioí. ¹⁸ Nana afefue cacádino afe dáinari iere caimare fágacaidiaioí. ¹⁹ Mei íadi María nana aféfuiaí comécimo jóoniano áfemo uibíocaide. ²⁰ Iemo ovéjaiaí úiñoraini dinena meine abido jaide. Jailla llezica nana íaioí cacana, íemo íaioí cíónado Juziñamuimo ñúefue llotíaioí. Iemo daje izóí ebírenafue Juziñamuimo nitádiaioí. Mei nana íaioímo daina izóí íteza.

Dúemie Jesús Juziñamui gairíracomo ácataga

²¹ Jócuamona ocho dígarui íllamona, dúemie bacano icoí quetátatiaioí. Afe llezica Jesuna ie mámece jítdiaíllinoí, mei afeci nano María nai úruenina llezica Juziñamui abí ímie aféngomo llóteza.

²² Iemo díga irui íllamona, Moisés ocuica uai llua izóí, María abí íainina daíllena níciudafue fúillamo, úruena Jerusalemo uitíaiillinoí. Afénomo ite Juziñamui gairíracomo úruena Juziñamui íena íllena acátajidiaíllinoí. ²³ Daíí finódiaíllinoí Juziñamui ocuica uaimo daíí cúdeina jira. Afe uai daide: “Nana nánora jococa íiza Juziñamui íena mamérede.” ²⁴ Jira jáidiaíllinoí Juziñamui daina fecalle raa fecállena. “Mena úcugi, nibai mena fíiciri fatá Juziñamuimo omóí fecari,” aféuai daíí daide.

²⁵ Aféruillaído Jerusalemo Simeóna mámece redimie illa. Afémie iere ñúemie; Juziñamuimo ínofirede. Israel nairai fairíconimona bairolle úiñote. Simeón Juziñamui Ñuera Joréñodo úcaigamie. ²⁶ Afe Ñuera Joreño, Simeón nai tíñenia Juziñamui orelle Crístona cíote, daíí ie fidátate. ²⁷ Ie jira Jesús móotiai íaíllinoí, gairíracomo Jesuna uilla uícodo, Juziñamui Ñuera Joreño afe Simeón gairíracomo jáillena ífode. Iemona José María díga, jaiái ocuica fínofirena izóí Jesuna íaíllinoí fínuaíbilla llezica, Simeón Jesús ie ónoímo llíñote. ²⁸ Simeón íena llíñua llezica Juziñamuimo ñúefue llocana daide:

²⁹ —Juziñamui, mai birui caimare tíredicue, mei o ocuífíregamedicue, o cuena daina izóí nana ñue fuitádio.

³⁰ Dama cue uído cai Jíllotaraimana cíódicue.

³¹ Afémie jae nana comini eróicana o jóonegamie.

³² Afémie judíuafñedino ñúefuiaina onótaitimie.

Iemo jíái afémie o comini Israelmo ñúefuiaina nítaite,
—daí daide Simeón.

³³ Jira José María diga Simeón úruena daí ie dainari fáigacaidiaillinoi. ³⁴ Ie jira Simeón uáillaido íaioina cáimacaitade. Iemo Mariana, Jesús eina daide:

—Eroi, bie úrue Juzíñamui mamécámie. Diga Israel comini íena ruifruillamona táinoficaitiaioi. Iemo jíái aillo comini íemo inuamona ñuemacina jáitiaioi. Afémie onótate raa ízoite, íemo aillo comini íena íairuitiaioi.

³⁵ Afedo illa dígamie ie comeci ífue onoille. Mei íadi ómona bie nana, jáirede lloefai izoide, dango o comeci izire fñoite, —daí Simeón daide.

³⁶ Afénori daa ringo illa. Afengo Juzíñamuimona ie oga uai llófuefírede. Afengo mámece Ana; Fanuel jiza. Iemo jíái Aser náiraimona comuídingo. Afengo iere éirogi. Afengo jitáingona illa llezica inírede. Afengo siete diga fimona afémie diga ite. Afe mei afengo fecíngona jaide. ³⁷ Iemo birui aféngomo ochenta y cuatro diga fimona fecíngona ite. Afengo Juzíñamui gairácomo jaca ífírede, mei afénomo mona naio diga Juzíñamui ocuífíregangona ite. Afengo iere Juzíñamuimo úrifírede, íemo jíái iere fímairite Juzíñamui íóbitallena. ³⁸ Simeón Jesudo úrilla llezica afengo afénomo bite. Iemo úrue díbéfodo Juzíñamuina “Figora” daina mei, afengo nana Jerusalem ite jállollena uíñotínomo úrite. Dúemie Jesús ñúefuiaina afengo íaioimo llote.

Nazaremo meine jáillafue

³⁹ Iemona, nana Juzíñamui ocuica uaila íaioi fuita mei meine Galilea éniemo jáidiaioi. Afénomo dani íaioi jofue Nazaremo fiébizaide. ⁴⁰ Afénomo afe úrue iere íocire móonaite, íemo jíái ráfuena baitádimiena móonaite. Afe llezica Juzíñamui afézamo caimare eroide.

Juzíñamui gairácomo úrue Jesús fínócafue

⁴¹ Jesús moo íaillinoi naga fimónaiaido Jerusalem pascua ráfue mo jáifírede. ⁴² Jesús doce diga fimona fuita mei, íaioi fínófírena izói afe ráfue mo nana jáidiaioi. ⁴³ Afe rafue záillamona, jofomo meine íaioi jailla llezica, afe úrue Jesús Jerusalem fiébicaide. Afeza fiébicaillana ie ei, José diga onóñediaillinoi. ⁴⁴ Nibai cai onóigamaci diga bite, daidiaillinoi. Daa mona daí íodo comécídiaillinoi. Mei íadi íaillinoi onóigamaci cígido jenódiaillinoimo ⁴⁵ afézana cíóñediaillinoi. Jira meine Jerusalem íemo jenuaidiaillinoi.

⁴⁶ Afe mei daruíamani íllamona Juzíñamui gairácomo eromo afézana baitiaillinoi. Ocuica uai llófuetino cígimo ráidena baizájidiaillinoi. Afeza afémaci úrillamo cacáreide. Afe llezica afeza afémacimo jicánofírede. ⁴⁷ Nana afeza íaioi uailai úana cacáidino fáigacaidiaioi; daje izói ie ráfuena baitari. ⁴⁸ Ie moo íaillinoi íena cíozaila llezica íaillinoina jacínaitade. Ie ei íena daide:
—Cue jító ¿nibái cócori bifue fínódio? Cue o moo diga iere coco comécina lícítatio, ona iere zuure jenódicocozá, —daide.

⁴⁹ Mei jira Jesús íaillinoi uai ote:

—¿Mei nibái cue jenódiomícoi? Cue Moo llogáfue mo cue járitaiticue; ¿áfena onóñediomícoi? —daide.

⁵⁰ Mei íadi afe íaillinoina afeza dainana onóñediaillinoi.

⁵¹ Afe mei afeza ie moo íaillinoi diga abido Nazaremo jaide. Iemo íaillinoi ocuállana jeire ófírede. Ie ei nana bífuiaí comécimo jónete. ⁵² Afe llezica Jesús

ñue zairíoicaide, íemo onócana jaca jaide. Afe llezica Juzíñamui naa comíniri afémiemo jíeruitaioi.

3

Juan Bautista táizicimo rafue jino llote
(Mt 3.1-12; Mr 1.1-8; Jn 1.19-28)

¹ Romano jamánomoidillaíma Tiberio illáimana illa llezica, Poncio Pilato Judea énie illaíma. Iemo Herodes Galilea énie illaíma. Iemo ie ama Felipe mena énie illáimana ite. Be ñie: Iturea, íemo Traconite. Afe llezica Lisánias Abilinia énie illaíma. ² Afe llezica Jerusalemó jamánomoide lletáiraima íaillinoi Anás Caifás diga. Aféruillaído Juzíñamui Zacarías jító Juaamo táizicimo úrite. ³ Iemona Jordán abi comíni illágobiaído Juan llócaide. Afémacina bie izóí daíicade: Omoí comeci ífuiaí méidori; áfemona omoí fiénidífuiaí dólleza. Iemona omoí báutizitari. ⁴ Jaiái uai lloráíma Isaías úicodo cuega uai izóí bífuiaí íficaide. Be afe uai:

Fíciere úritimie uai táizicimo cácaide. Afémie daide:

“Juzíñamui bille io ñue fínua izóí omoí comeci ñue fino.

Afémiemo io jaícina dénuu izóí, omoí comeci íaífuiaí féitari.

⁵ Nana ana jica ite ítaicoiaí ñue jaícina oruíziite.

Nana caifóneduai ana dájena jaícina jóbite.

Jullícana joide io, jaícina tuiñolle.

Daje llezica íñede io, daje llezica jóbite.

⁶ Iemona nana nairai Juzíñamui caimo orelle jíllóillífuemo coméciidiaioi.”

⁷ Comíni Juan díne íaioí báutizailla llezica, afémie íaioína daide:

—¡Titade jaióniaímona comuídino izóidiomoi! Ja ánozide duere zefuillífuemona omoí botállena, ¿bu omoí lua? ⁸ Omoí comeci ífue méidoiacanana ñúefuedo uáfodo jino ácatari. Dani ómoímona táinona “Abrahámona comuídnodicaí” daíñeno iri. Mei bie nofíciaímona Juzíñamui jítaiadi, Abraham comínina comúitaredeza, daí ómoína daídícue. ⁹ Fiénide amena tiélleña jata jicaída jóonia izóí fiénidíno duere finoille jae ñue mameca. Nana figo llizíñede amena iraimo zocana uillano jobaica. (Tiéfirega izóidiomoi.)

¹⁰ Jira comíni afémiemo jicánotiaioi:

—¿Mei bie ñie izóí íredicaí? —daídíaioi.

¹¹ Jira Juan uai ote:

—Mena caifóferoiredimie, caifófenidímiemo daa írede. Iemo gülleredimie güllenedímiemo güllena fecárede, —daide.

¹² Afénomo dáarie gobierno íbátaga úcube llínoraini báutizaillena Juaamo jícaíbitiaioi. Afémiemo jicánotiaioi:

—Llófueraíma, ¿mei bie cai ñie izóí íiticaí? —daídíaioi.

¹³ Jira Juan íaioína daide:

—Ocuica uai dáina baímo dama raiñóñeno iri, —daide.

¹⁴ Iemo dáarie “soldado” dáina nairai úíñotino Juaamo jícanuaíbitiaioi:

—¿Mei bie cai ñie izóí íiticaí? —daídíaioi.

Jira Juan íaioí uai ote:

—Jácídotá, jíáimamona minícana baíróneno iri. Daje izóí jácídoñeno jíáimamo ie finoñegafue táinona íaioímo jítañeno iri. Nano omoí táijina íba díeze uái omoí iri, —daide.

15 Nana comini Juaamo coméci idiaioi. “Nibai bímie Crístona,” comécido daidiaioi. 16 Mei íadi Juan nana afémacina daide: Mei uáfueza, cue jáinoina omoi báutizadicue.

—Mei jíaiímie ja bite. Afémie Juzíñamui Ñuera Joréñodo ómoína úicaite. Daje izói iraimo raa ñue zia izói, afémie ómoína íainino ñue fínoite. Afémie cue baímo rínorede. Cue bie jamáimiedicueza, afémiena dama jacíruiredicue. 17 Jabe bíitímie arroz bíaidímie izói ja ie llocofe líicabite. Afémie arroz bíamona ícuai oni eneno ua izói, ñüemacimona fiénidinona oni eneno óite. Núemacina ie illánomo ñue éenoite. Mei jíáifodo fiénidicuai izóidino zíñona dúíñeite iraimo jóbaite, —daide Juan.

18 Afe bíemona naa aillo jíáie llófuiado Juan ñüefuiai jino comínimo llote. 19 Afe emódomo Juan illaíma Heródesna riire lletade, mei ie ama Felipe ai Herodías ie ana ua jira. Daje llezica ie finoca fiénidífuiairi Juan íena lletade. 20 Mei íadi Juan llétajana íñoño afe baímo jíáie íaífuena nabaide: Herodes Juan llavéracomó ibaide.

Jesús báutizaga

(Mt 3.13-17; Mr 1.9-11)

21 Afe uícodo, Juan nana comini báutizaja llezica, Jesús jíái báutizaga. Afe Jesús báutizaja llezica afémie Juzíñamuimo úrite. Urilla llezica mona tújicaide.

22 Afemona Ñuera Joreño fíiciri baizáibilla izói, afémiemo comini cíocana baizáibite. Afe llezica monámoma daa úrilla cácaicaide. Afe úrilla daide:

—Cue izíruga Jitódio. Ori iere íóbioidicue, —daide.

Jesucristo uzútiai

(Mr 1.1-17)

23 Ja Jesús treinta fimona íllamona Jesús comínina canóllena ie táijina como tainede. Comini coméciilla izói Jesús José jító.

Iemo afe José Elí jító.

24 Iemo daje izói Elí Matat jító.

Iemo afe Matat Leví jító.

Iemo afe Leví Melqui jító.

Iemo afe Melqui Jana jító.

Iemo afe Jana José jító.

25 Iemo afe José Matatías jító.

Iemo afe Matatías Amos jító.

Iemo afe Amos Nahum jító.

Iemo afe Nahum Esli jító.

Iemo afe Esli Nagai jító.

26 Iemo afe Nagai Maat jító.

Iemo afe Maat Matatías jító.

Iemo afe Matatías Semei jító.

Iemo afe Semei Josec jító.

Iemo afe Josec Judá jító.

27 Iemo afe Judá Joanán jító.

Iemo afe Joanán Resa jító.

Iemo afe Resa Zorobabel jító.

Iemo afe Zorobabel Salatiel jító.

Iemo afe Salatiel Neri jító.

28 Iemo afe Neri Melqui jító.
Iemo afe Melqui Adi jító.
Iemo afe Adi Cosam jító.
Iemo afe Cosam Elmadam jító.
Iemo afe Elmadam Er jító.
29 Iemo afe Er Josué jító.
Iemo afe Josué Eliezer jító.
Iemo afe Eliezer Jorim jító.
Iemo afe Jorim Matat jító.
30 Iemo afe Matat Levi jító.
Iemo afe Levi Simeón jító.
Iemo afe Simeón Judá jító.
Iemo afe Judá José jító.
Iemo afe José Jonam jító.
Iemo afe Jonam Eliaquim jító.
31 Iemo afe Eliaquim Melea jító.
Iemo afe Melea Mena jító.
Iemo afe Mena Matata jító.
Iemo afe Matata Natán jító.
32 Iemo afe Natán David jító.
Iemo afe David Isai jító.
Iemo afe Isai Obed jító.
Iemo afe Obed Booz jító.
Iemo afe Booz Sala jító.
Iemo afe Sala Naasón jító.
33 Iemo afe Naasón Aminadab jító.
Iemo afe Aminadab Admin jító.
Iemo afe Admin Arni jító.
Iemo afe Arni Esrom jító.
Iemo afe Esrom Fares jító.
Iemo afe Fares Judá jító.
34 Iemo afe Judá Jacob jító.
Iemo afe Jacob Isaac jító.
Iemo afe Isaac Abraham jító.
Iemo afe Abraham Taré jító.
Iemo afe Taré Nacor jító.
35 Iemo afe Nacor Serug jító.
Iemo afe Serug Ragau jító.
Iemo afe Ragau Peleg jító.
Iemo afe Peleg Heber jító.
Iemo afe Heber Sala jító.
36 Iemo afe Sala Cainán jító.
Iemo afe Cainán Arfaxad jító.
Iemo afe Arfaxad Sem jító.
Iemo afe Sem Noé jító.
Iemo afe Noé Lamec jító.
37 Iemo afe Lamec Matusalén jító.
Iemo afe Matusalén Enoc jító.
Iemo afe Enoc Jared jító.

Iemo afe Jared Mahalaleel jító.
 Iemo afe Mahalaleel Cainán jító.
³⁸ Iemo afe Cainán Enós jító.
 Iemo afe Enós Set jító.
 Iemo afe Set Adán jító.
 Iemo afe Adán Juzíñamui jító;
 ua, Juzíñamui nano finócamie.

4

Taife Jesús facátate (Mt 4.1-11; Mr 1.12-13)

¹ Jesús diga Ñuera Joreño uaido illamona imani Jordámona oni jaide. Afe llezica Ñuera Joreño táizicimo ie uite. ² Afénomo afémie cuarenta dígarui ite. Afe dinomo Taife íena fieni facátate. Aféruillaído Jesús jaca due jiza güñede. Afe mei iere jamánomo jufínaite. ³ Mei jira Taife íena daide:

—Ua Juzíñamui Jitona o íadi, bie nofíciai güllena fino, —daide.

⁴ Jira Jesús uai ote:

—Juzíñamui Cuegáuai daide: “Fia gülledo come ínide, mei jíáfodo nana Juzíñamui lloga uaido írede,” —daide.

⁵ Afe mei Taife caifónedumo ie uite. Dinómona nana éniemo ite náiraiaí dáruido íena ácatate. ⁶ Iemo Taife íena daide:

—Nana bie náiraiaí riino naa ie ebíredinuaíri omo íitícue. Mei nana bie cúeieza. Iemona cue fecácana dieze jíámamo íredicueza. ⁷ Cue anamo o dújuillano cuemo o caimátaia nana bie óieiteza.

⁸ Mei jira Jesús uai ote:

—Taife, mai cúemona oni jai, mei Juzíñamui Cuegáuai dáideza: “Dama Ocuide Juzíñamuimo caimátairena. Dama afémie ocuífregamiena o iri,” —daide.

⁹ Nane afe mei Taife Jerusalén jófueмо Jesús uite. Afénomo ite gairíracо emódomo caifo jica uite. Uillano íena daide:

—Ua Juzíñamui Jitona o íadi, mai benómona ana batí ticaí, ¹⁰ mei Juzíñamui Cuegáuai bie izóí dáideza: Juzíñamui ie abi imácina ona uíñotaite.

¹¹ Iaiói ónoido ona mozíñoitiaíoi, o eíba nofíciaímo íziñeíllena.

¹² Jira Jesús uai ote:

—Juzíñamui Cuegáuai nane daide: “O ocuide Juzíñamui mai facátañeno,” —daide.

¹³ Ja Taife Jesuna jíáie facátaja raana baiñénamona nano íanori afémiemona fáicanocaillano oni jaide.

Jesús Galilea éniemo fueñe tájizaide (Mr 4.12-17; Mt 1.14-15)

¹⁴ Jesús Galilea éniemo abido bite. Juzíñamui Ñuera Joreño afémiena ñue úicade. Nana afe énie fuédado afémiedo úritiaíoi. ¹⁵ Nágagobiaímo ite Juzíñamui uai llorácuaido Jesús llófuecaide. Iemona nana comíni ñúefuiaí afémiemo mamédiaíoi.

Jesús Nazaremo mácjide (Mt 13.53-58; Mr 6.1-6)

16 Mei íemo Jesús ie móonaila Nazaret jófue mo abido mácajide. Iemo ocózinaillarui mo Juziñamui uai llorácomo ie finofirena izói, jofu jaide. Jaillano Juziñamui Cuegáuai facádollena caifo naidaide. 17 Iemona jaiái uai llóraima Isaías Cuegáuai illabe Jesumo itíaiói. Afémie afénico túíñuano afe bie uai illano baite. Afe be níuui:

18 “Cai ocuide Juziñamui Ñuera Joreño cue diga jáicade. Mei dúeredinomo ñúefue cue llóllena cuena ñue mamédeza. Comécina dúeredinona cue jllotallena ocuicacue. Daje izói llavécanona zuitalle uai llóllena orécacue.

Iemo jíái uina cíoiñedino uina cíoitallena orécacue. Iemo duere finócanona zuitállena orécacue.

19 Daje izói Juziñamui caimo jamánomo caimare érocaillirui llóllena orécacue.”

20 Iemona Jesús afénico ibáillano, Juziñamui uai lloraco ero canófredimíemo abido ite. Afe mei Jesús ana ráinade. Iemo nana afe llorácomo itino Jesumo riire eróidíaiói. 21 Iemona Jesús íaióina daide:

—Ja birui omói eróicana bie Cuegáuai ñue ícoimo fuite, —daide.

22 Nana Jesudo ñue úritíaiói. Afémie íaióimo lloga ebírede uáillairi caimare fáigacaidíaiói. Mei jira jícanotíaiói:

—¿Mei bie afe José jítoíñede? —daidíaiói.

23 Jira Jesús íaióina daide:

—Uáfueza bie omói daíífirena uai cuemo mámeitiomoi: “¡Írédinona manóricadímie, fueñe dama o abina jllotal!” (Comini Jesús Juziñamui oreca ua Crístona íaiói daííñenamona, Jesús bie izói daide. Mei afémie fia José jíto íadi, jíáimana jllotanideza.) Daje izói níbai cuena dáíitiomoi: “Nauí cai cacana Capernaumo ebire o finócafue mai birui dama bie o jófue mo finori.”

24 Iemo Jesús ie úrillana mozíñoñoeno nai jíái uai llote:

—Mei uáfueña ómoína daidícue, naga uai jino llóraima dama ie comini cígiri jaca figo íñoñega. 25 Omóimo jino uáfodo llóitícue, nauí Elías illáruillaído Israel nairai cígimo diga fecíngotíai ite. Aféruillaído daámami fimona átuemo noci bíñede. Afemona afeno nairai jamánomo júbietaidíaiói. 26 Mei íadi Elías Israelmo ite aillo fecíngotíaimona daingo mamedada óreñega. Mei jíáifodo jica Sarepta jófue mo ite fecíngo mamedada Elías oreca daingo canóllena. Afe Sarepta jofue Sidón jofue áinori ite. 27 Daje izói uai llóraima Eliseo illáruillaído Israel náiraímo aillo chíñaitíñuiai ite. Mei íadi afémacimona dáamie jaca jllotañega. Mei jíáifodo jica Siria énie ímie Naamán jllotaina, —daide.

28 Afe uaina cacáillano nana llorácomo itino afe Jesumo iere ríicaidíaiói.

29 Náidacaillano afe jófue mo jino ie jíúdiáiói. Afe mei afe jofue idu ícoimo íena uitíaiói, aféno mo ana ie dotállena. 30 Mei íadi Jesús afedu ícoimona gírecaillano íaiói cígido abido jaide.

Fiénide jóriai úicaigamie Jesús jllotite

(Mr 1.21-28)

31 Afe mei Jesús Galilea éniemo ite Capernaum jófue mo jaide. Aféno mo ocózinaillarui mo nane como comini llófuiaide. 32 Riire ocuilla uaido ie íaiói llófuiari caimare fáigacaidíaiói.

33 Afe Juziñamui uai llófueraco eromo fiénide jóriai úicaigamie ite. Afémie Jesuna cíóillanona riire caillide:

³⁴ —Cai fáicanocai. Nazaret ímie Jesús, ¿nibái mei caimo jíricaidio? ¿Caina niné táinocaitaibitio? Ona ónodicue Juzíñamui ñúefuiaido jacíruiregamiedio, —daide.

³⁵ Jira Jesús fiénide jóríai uai ote:

—¡Uriñeno! ¡Bímie fáicanocai! —daide.

Mei áfemona afe íimana fiénide jóríai comini eróicana ana éniemo dotade. Daí fínuano afe jóríai afe íimana ízitañeno oni jáidiaioi. ³⁶ Aferi nana jacínaillano jofo conímaiaina daidiaioi:

—¡Bímie uaillaí nái mei ríinorena! Afe bímie riírede uaido fiénide jóríaina orede. Iemo afémaci áfemona jáidiaioi, —daidiaioi.

³⁷ Afe énie comini náragobiaido Jesudo úritiaioi.

Jesús Simón Pedro jifaiño jílloate

(Mt 8.14-15; Mr 1.29-31)

³⁸ Afe mei Jesús Juzíñamui uai llófueracomona jino billano, Simón jofomo jaide. Afénomo Simón jifaiño ie abi cuarillari iere irárede. Jira afengo jíllotalena Jesumo izire jicádiaioi. ³⁹ Iemo Jesús aféngomo ana áinozillano ie onoi llíinote. Afe llezica ie abi cuarilla llíicaide. Iemona afengo jíllobicaide. Daí daina llezica afengo náidacaillano afémaci jitaica raa bai atide.

Jesús diga iráredino jílloate

(Mt 8.16-17; Mr 1.32-34)

⁴⁰ Ja jítoma jímaicaidemo, diga jíáiforiede duico ogánuiaina Jesumo atídiaioi. Afémacimona illa dígamíemo Jesús ie onoi bitade. Bitajamona afémaci jíllozitiaioi. ⁴¹ Íaioi atica iráredinuiaimona diga fiénide jóríai jino jaide. Jaillano afémaci riire caillíoidiaioi:

—O Juzíñamui Jitódio, —daidiaioi. Mei íadi, como úrizaidiaioimo Jesús íaioina úritañede. Mei afémaci afémie Crístona illana onódiaioiza.

Jesús Galilea éniemo uai jino llote

(Mr 1.35-39)

⁴² Afe jítiramo Jesús jofue baimo buna íñénanomo jaide. Mei íadi comini íena jenódiaioi; ie illánona baizájidiaioi. Afémaci afémiena iere jeruídiaioi oni jíáinomo afémie jáiñeillena. ⁴³ Jira Jesús íaioina daide:

—Jíáie jófuaímo Juzíñamui illáimana illíruimo ja áinozideza áfena llúájiredicue, mei afe jira orécacueza, —daide.

⁴⁴ Afemona daí Jesús Galilea éniemo ite Juzíñamui uai llorácomo llófuecana uite.

5

Jesús uaido dáinamona jamánomo aillo chamuníai oga

(Mt 4.18-22; Mr 1.16-20)

¹ Afe mei jíáiruido Jesús Genesaret jorai fuédamo ite. (Afe jorai jíáfodo mameina Galilea.) Afénomo ie illa llezica diga comíníai afénomo dúcina. Afémiena jamánomo rillíretadiaioi, mei afémaci Juzíñamui uáillaímo iere cacáacadiaioiza. ² Afe jorai fueda áinori mena nocáe táicaena Jesús ciode. Mei afécaemona facóraini oni jaillano íaioi chamu ora llóiji jocódiaioiza. ³ Iemona Jesús Simón ícaemo jaide. Afécaemo jáillano íena daide:

—Bícae fuédamona bai batí due ñuita, —daide. Afe mei Jesús afécaemo ráinaillano nane como bai afénomona comini llófuete. ⁴ Ie llófuaí fúillamo, Simona daide:

—Bie nocáe bai batí afóredinomo ui. Afénomo chamu ólleza omoí llóji dota, —daide.

⁵ Jira Simón uai ote:

—Llófueraima, jae naio náamonana facódicaiza, íadi jaca daa oñédicai. Mei íadi o daina izóí mei o ocuícaza llóji dótaiticue, —daide.

⁶ Daí dotádemo, jamánomo aillo chámuniái jíideza, llójjina cuatáacade. ⁷ Afe jira oni jáicaemo ite íaiói nabáitíai ónoído jíritíaiói, ie íaiói cánuaiBILLENA. Jira afémaci cánuaiBITIAIOI. Afe íaiói jíitaga chámuniái íaiói ménacae áillocaemo oruítaiái. Jamánomo oruállamona afe ménacae buíacade. ⁸ Afena Simón cíoillano Jesús ana dújullano daide:

—Cue Ocuíraima, cúemona oni ii. Cue bie fiénidífue finódimiedicueza, —daide.

⁹ Mei ua, afe aillo chamu jíllari Simón naa ie nabáíñiáiri jacínaitíaiói. ¹⁰ Iemo jíái Zebedeo jíto íaillinoí Santiago Juan diga, Simón nabai daje izóí jacínaitíaiói. Mei íadi Jesús nane Simona daide:

—Jacíruiño. Benómona chamu fácuá izóí comínina jénoitioza, cuemo íaiói íinollena, —daide.

¹¹ Iemona afe ménacae oni fuédamo zítajano, dinomo nana fíiano Jesudo jáidiaíoi.

Jesús chíñaitímie jíllotate
(Mt 8.1-4; Mr 1.40-45)

¹² Iemo jíáiruido, Jesús jófuemo illa llezica chíñaitímie Jesumo dúcide. Jesuna cíoillano ana dújullano uíeco dinena ana éniemo bíjicaide. Daí ñiano Jesumo izire jícade:

—Cue Ocuíraima o jítaíadi bie duícona cúemona oréredio. Cúemona oreri, —daide.

¹³ Iemona Jesús ie ónoído jétano daide:

—Jíi, ona jíllotaiacadicue. Benómona ja íainitioza, —daide.

Daí daina llezica ie irárena chiie jacáibicaide. ¹⁴ Afemona Jesús afémiena “Bie bumó lloñoeno iri” daide. Afe emódomo nane daide:

—Mai lletáriraimamo o abi ácatari. Afe llezica Moisés ocuica o abi ja íainide daítaitae raa, mai fecari. Afemona nana comíni o chiie ja jacáillana ónoitíaiói, —daide.

¹⁵ Jesús izire íena rairuide íadi Jesús mámecei jamánomo bai jica jalléicaide. Iemona aillo comíni ie uaimo cacáreizaíbitíaiói. Daje izóí íaióimo ite duícomona ie jíllotallena aillo bitíaiói. ¹⁶ Mei íadi Jesús bai comíni íñéñanomo jaide, afénomo ie Moo Juzíñamuimo úrillena.

Jesús tízitaitímie jíllotate
(Mt 9.1-8; Mr 2.1-12)

¹⁷ Nane afe jíáiruido Jesús llófuemaritemo, fariséuaimona dáarie afénomo ráiede. Afe llezica oni jícana bite ocuica uai llófueraíni dáanomo ite. Dáarie Galilea ígobíaimona bitíaiói. Daje izóí jíáimaci Judea éniemona, íemo Jerusalén dinena jíái bitíaiói. Aféruimo Juzíñamui ríino aillo iráredino jílluamona jino ácataga. ¹⁸ Afe dáaruído diga ímie tízitaitímie naa ie bíralludo atídiaíoi. Jofo Jesús uícomo ie uíacadiaíoi. ¹⁹ Mei íadi iere comínina oruídeza jofo íaiói jáillino íñede. Ie jira caífo jofo emódomo uitíaiói. Uillano afeno tuiñódiaíoi. Afeno

túifnuano afe iráredimie naa ie bírallu diga ana comini cígimo Jesús uícomo agüinetiaioi. ²⁰ Jesús ñue íaioi ínuana cíoillano, iráredimiena daide:

—Mii, nana o fiénidifuiái ja muiñócaza, —daide.

²¹ Iemona ocuica uai llófueraini naa fariséuairi, como comeci anado daidíaiói:

—¿Mei bie bu? baie jiáimie fiénidifuiái dóficailla dáinado Juziñamuina icíritaja. Jaca bu comini fiénidifue muiñóña; dama Juziñamui fiénidifueña múiñua, —daidíaiói.

²² Mei íadi Jesús comeci íaioi fácajana onóillano daide:

—¿Ñibái mei bie izói comeci facádiomoi? ²³ Mei daí daina ménade uáimona ¿nie uai iere llotáinina? Afe ménade uai be ñie: O fiénidifue muiñócaza. Iemo jiáie uai bie izói joide: Mai náidacaillano maca. Iiraie uai jamánomo llotáirede, mei omoi eróicana íteza.

²⁴ Mei jira, Nanoide fima Jitódicueza bíniemo cue illa llezica comínimo ite fiénidifue cue muiñolle ríino jino ómoimo cíotaiticue, —daide.

Mei jira Jesús tízitaitimiena daide:

—Ona dáitícue náidacai; náidacaillano o bírallu llínota o jofomo jai, —daide.

²⁵ Daí daina llezica, afe tízitaitimie comini eróicana caifo náidacaide. Náidacaillano, ie bírallu llínota, Juziñamuimo caimátaicana ie jofomo jaide.

²⁶ Aferi nana comini caimare fáigacaidiaioi, íemo Juziñamuimo caimátaidiaioi. Afe mei jacíruioicana daide:

—Ñii biruí cai iere ebíredifuiaina ciona, —daidíaiói.

Jesús Leví járite (Mt 9.9-13; Mr 2.13-17)

²⁷ Nane bie méifomo Jesús jofue cígido mácaja llezica, gobierno íbátaga úcube llínoraimamo riire éroicaide. Afémie mámecei Leví. Afe úcube íbafirenanomo afémie ráiide. Jesús íena daide:

—Mai cuedo bi, —daide.

²⁸ Iemona Leví náidacaillano nana ie táijina fáicanocaillano Jesudo jaide.

²⁹ Afe mei Leví áillue rafue ie jofomo Jesús íena finode. Afe Leví izoide aillo úcube llínoraini naa jiáimaciri güirábanimo ráiizaibitiaioi. ³⁰ Mei íadi fariséuairi naa ocuica uai llófuetinori Jesús llófuegamacimo como meine fieni úritiaioi. Iaióina daide:

—¿Ñibái mei baie úcube llínofirede fiénidinori güitíomoi? —daidíaiói.

³¹ Jira Jesús íaioi uai ote:

—Íocíredimie mánuamo dúiñede. Iráredino manórena. ³² Dani ñúemacina abi mamédinona uáiduaíbiñedicue, mei jiáífodo fiénidifuiáiredino comeci ífue méiduaibiticue, —daide.

Iaioi fimairillena Jesumo jicánotiaioi (Mt 9.14-17; Mr 2.18-22)

³³ Iemona afémaci Jesumo jicánotiaioi:

—¿Ñibái mei Juan dibéno jáidino, íemo jiái fariséodo jáidino, diga ícaíño riire fimáifrediaioi? Iaiói fimairilla llezica Juziñamuimo jamánomo jícaífrediaioi. Mei jiáífodo o llófuegamaci jaca güífrediaioi, jiróífrediaioi. ¿Ñibái mei daí ítiaioi?

³⁴ Jira Jesús íaioi uai ote:

—Mai cuena omoi daií: ¿Airena rafue llezica áfemo uáidogano meita zúurenari güinidiaioi? Daiítañede; ringo otímie íaioi cígimo illa llezica caimare güitíaoi. ³⁵ Mei íadi ringo otímie íaioimona báiruai; billiruimo dúciite. Aféruído começi zúurenari güíñeitíaoi. Ringo otímie izói birui cuedo jáicaidino cígiri itícueza.

³⁶ Ie emódomo jáíie onótate rafue llote:

—Jaca nino dáamie comue iníroimona jáitano, jácaroimo nitáñede. Daií nitáadi cómoroina fiēni cíoitate. Iemo jáíi jácaroimo nitaca cómoroi figo cíoiñede. ³⁷ Iemo nane jáífue llote. Daje izói comue vino jácara igorai finoína icíru zoide raamo totánide. Dáamie daií totáadi afe comue vino afe jácara icíruna eroide raana cuatade. Afemona afe icíru naa vino diga táinomo fáifite. ³⁸ Iemona comue vino comue igorai finoína icíruna eróidemo jónerede. Iemona afe naga ñue éenoga. ³⁹ Daje izói jácara vino jiródinomona, buna cómojina jicáñena. Mei afémie “Jácaji jamánomo caimárena,” dáideza. (Afe bie dánado Jesús ie comue llófueinafue íemo íaioi jáiai llófuegafue dáanomo íinonide íaioimo llote.)

6

Jesús llófuegamaci ocózinai llaruimo trigo ímoiaí dícoiano otá güitíaoi
(Mt 12.1-8; Mr 2.23-28)

¹ Daa ocózinai llaruído Jesús naa ie llófuegamaci jacáfaiaí cígido íaioi maca llezica, ie llófuegamaci trigo ímoiaí dícoiano otíaoi. Uano íaioi ónoído lléguano aféjaína güitíaoi. ² Mei jira fariséuaímona dáamierie jicánotíaoi:

—¿Nibái mei ocózinai llaruimo rairuícamo táijidiomoi? —daiíaoi.

³ Jira Jesús íaioi uai ote:

—¿Omoi jáiai illaíma David finócafue cúeinana facádoñediomoi? Afémie naa ie nabáiñiaíri jufínaitíaoi. ⁴ Afe llezica Juzíñamui jofomo jofo jaillano rairuica pániaí ote. Uano güite. Afe mei afémiedo jáidinomo fecade. Mei íadi afe pan dani lletáriraini güiga. Abi dine jamai comini güínide.

⁵ Nane dáanomo íaioína daide:

—Nanoide fima Jitódicueza, ocózinai llaruí, cue ocuille riino ite, —daide.

Onoína jofo naiíldímie rafue
(Mt 12.9-14; Mr 3.1-6)

⁶ Nane jáíie ocózinai llaruimo Jesús Juzíñamui uai llorácomo jofo jaide. Jailano llófuete. Afécomo onoi nabézina jofo naiíldímie ite. ⁷ Afe llezica ocuica uai llófuétino naa fariséuaíri Jesumo báinino éroiediaíoi, ocózinai llaruído afe ónoína jofo naiíldímie jíllotajana cíoilena. Afémie jíllotaía áfedo fiénidífue íemo jítaíticai, começi anado daiíaoi. ⁸ Mei íadi Jesús íaioi começi fácajana onode; jira ónoína jofo naiíldímiena daide:

—Náidacaillano bai cai cígimo bi, —daide.

Iemona afémie náidacaillano bai náidazaide. ⁹ Afe mei Jesús jáíimacina daide:

—Omoimo dafue jicánoitícue. ¿Ocózinai llaruimo ñie táijina rairuínina? ¿Cai finoca fiénidífue, mei nibai cai finoca ñúefue? ¿Cómena jíllotaiticai, mei nibai méineíticai? —daide.

¹⁰ Iemona Jesús nana ie onífenedo gairide comínimo eroide. Afemaci ie uai oñena jira, ónoína jofo naiíldímiena daide:

—O onoi jino zuita, —daide.

Jira afémie zuitade. Zuitádemo ñue jílode. ¹¹ Mei íadi áfemona afe jáímaci jamánomo ríicaidiaioi. Dani jofo conímamo jicánotiaioi, ¿Mei ñie izóí baie Jesús uáitaredicai?

Jesús doce diga oni oréllimacina nizede

(Mt 10.1-4; Mr 3.13-19)

¹² Aféruillaído Jesús caifónedumo Moo Juzíñamui mo úrizaide. Afénomo afémie Juzíñamui úritemo monaide. ¹³ Ja monáidemo nana ie llófuegamaci jírrite. Jírillano afémacimona doce dígamie nizede. “Oni oréllino” íaioina mamede. ¹⁴ Afe be nímaci: Simón, afémie jáie mámei jítaina Pedro, íemo Simón ama Andrés, íemo Santiago, íemo Juan, íemo Felipe, íemo Bartolomé, ¹⁵ íemo Mateo, íemo Tomás, íemo Alfeo jító Santiago, íemo Iere Járidotimacimo jaináidimie Simón, ¹⁶ íemo Santiago ama Judas, íemo uire Jesús fécaitimie Judas Iscariote.

Jesús aillo nairai llófuete

(Mt 4.23-25)

¹⁷ Jesús caifónedumona naa afémaciri ana bitíaioi. Billano ñúenomo nano íanori naidáiediaioi. Afénomo aillo jicánemaci Judea éniemona bitino gairídiaioi. Daje llezica Jerusalémona, íemo jáí Tiro, Sidón diga jica itíniemona bitíaioi. Bimaci nana Jesús úrillamo cacáreizaibitiaioi. Daje izóí afémaci íaioimo ite dúicomona Jesús jílloallena bitíaioi. ¹⁸ Daje izóí fiénide jóriaí uícaigano jíllotagaiaioi. ¹⁹ Afe llezica nana comini Jesuna jetáacadiaioi, mei afémie íemo ite ríinodo nana íaioina jílloateza.

Cáimafue zuufue diga

(Mt 5.1-12)

²⁰ Iemona Jesús ie llófuegamacimo érocaillano íaioina daide:
—“Comeci dinena dúeredicai,” dáíifiredino omoi íadi, dúerede íadi íóbidiomoi; mei ómoimo Juzíñamui illáimana illano dúideza.

²¹ Júbiena méinegamie iere güicana izóí, Juzíñamui comei jítaina izóí iere íacadino omoi íadi, caimare íóbidiomoi, mei Juzíñamui afe omoi íacana izóí omoi illena ómoina cánoiteza.

Birui duere éediomoi íadi caimare itíomoi, mei uire zádaítomoi.

²² Nanoide Hima Jitódicueza cue ícoina comini ómoina éoina llezica caimare itíomoi.

Daje izóí cue ícoina ómoina jino íaioi jiúadi íóbítomoi. Iemo jáí cue ícoina ómoina íaire íaioi daííadi, daje izóí o mámeicina íairede raa izóí íaioi jámairua, íóbítomoi. ²³ Aféruído iere omoi íobiocairi. Jamánomo caimare omoi íri, monamo áillue omoi jírídolle raa íteza. Mei afe izóí bimaci nánoidígima Juzíñamui uai llórainina iere duere finódiaioi.

²⁴ Mei jáífodo omoi ráanaitino ñí dúerena, mei omoi caimátailla raana jae otíomoiiza.

²⁵ Daje izóí omoi jeírede izóí itino ñí dúerena, mei uire iere juffruítomoiiza.

Afe izóí birui ómoimona zadáidino ñí dúerena, mei uire dúerenari éeítomoiiza.

²⁶ Daje izóí nana comini ómoído ñue íaioi úrilla llezica, ñí omoi dúerena. Mei afe izóí afémaci jáíígima taino uai llórainimo caimare úritiaioiza.

Caina éoidinona izíruiredicai

(Mt 5.38-48; 7.12)

²⁷ Mei íadi cue úrillamo cacáreídiomoi dáííticue: Omoi bacáuai imaci izóí dino, ñí omoi diga íciritinona mai omoi izíruiri. Daje izóí omoi éoidinona mai

ñue omoi finori. ²⁸ Omoi faidódinona mai omoi cáimadori. Daje izói ómoina fienu finócadino, ñue íaioi illeza, mai Juzíñamui omoi jicari. ²⁹ Daa come o uieco putáadi, daje llezica enéfenena ie fállena mai o fecari. Daje izói dáamie táinona omo jítajano, o emódoiroi bairóadi, daje llezica o caifóferoina mai o uitátari. ³⁰ Ninó dáamie raana omo jicáadi mai afémiemo jeruíño o fecari. Omona bairoca raana abido jicánoño o iri. ³¹ Jira jíamaimo uicodo bie izói finórediomoi. Jáima omo finóllena o óiacana dieze, áfeze afémiemo mai o finori.

³² Daa ómoina izíruitinona omoi izírui, ¿Mei ñue ñúefue finódiomoi? Mei fiénidino afe izói finuaza. ³³ Daje izói daa omoi ñue finódino ñue omoi finóadi, ¿néemei omoi finoca ñúefue? Mei fiénide comini afe izói finuaza. ³⁴ Afe izói daa “meine abido cue méidolle cue comécillamie” o fecáadi, ¿néemei o finoca ñúefue? Mei afe izói, fiénidino jíaie fiénidinomo méidollena fecádiaoiza. ³⁵ Mei íadi ómoina éoidinona izírui rediomoi. Abido méidolle comécíño, fia fecárediomoi, afémacimo ñue finóllena. Afe izói omoi illemona áillue ñúefuiai máiñoitiomoi. Afe llezica caifoide Juzíñamui jítótiana jáitiomoi. Mei afémie daje izói jeruíñidimie. Figora daífinidinomo, daje izói fiénidinomo afémie jeruíño dájerize fecade. ³⁶ Omoi Moo comínimo dúcaifiredeza, afe dieze jíamaimo mai omoi dúcaifireiri.

Jáima jánana fienu úriño o iri (Mt 7.1-5)

³⁷ Jáima jánana mai fienu úriño omoi iri, áfemona Juzíñamui riire ómoimo jicánoiza. Mai jíaimana duere finótaño omoi iri, afe izói Juzíñamui duere omoi fínoiza. Jáima ómoimo finoca fiénidifue mai omoi féitari, afe izói Juzíñamui omoi fiénidifue féitaiteza. ³⁸ Jáimamo mai omoi ífireiri, íemona Juzíñamui ómoimo ífireiteza. Afémie raa omoi ofítara cirígaimo iere ñue fácajano afégaimo jóoneite. Afémie afégaina ñue riire jíllóiciteza. Iemo jíai afégaina caifo jica ebena óruitaita. Afémie afégai jamánomo oruítajamona ana abido cóciite. Jáimamo cai facáfirena izói Juzíñamui caimo fácaite.

³⁹ Jesús bie onótatífue afémacimo llote:

¿Meita uínidimie jíaie uínidimie iodo ífórede? Nibai afe íaillinoi jáidiaillinoina ¿meita dáafomo báitíiaillinoi? ⁴⁰ Llófuegamacimona dáamie ie llófuetimie baimo onóñede. Mei íadi ie llófueina fuilla mei ie llófuetimie illa izói iite.

⁴¹ ¿Mei ñue izói o ama uimo ite jéneide ráaruaina eróredio, mei íadi dama o uimo ite jéerie rarúnguaina náfueñedio? (Afena daííacade: Aillo fiénidifue omo illa llezica; ¿ñue izói due jiza oni nibéfodo baíidimie jánana úriredio? Urinidio.)

⁴² Mei o uimo ite jéerie rarúnguaina o náfueñenia, ¿ñue izói o ámana “o uimo ite jéneide ráaruaina cue otata,” daíitio? Daíinidio. ¿Comeci dine íáirena mei jínofene ñue cíoidimedio! Fueño o uimo ite áillue rarúnguai mai o oíri; afe mei o ama uimo ite jéneide ráaruai óllena ñue cíoitioza.

Nana amena ie llíziedo ónorede (Mt 7.17-20; 12.34-35)

⁴³ Ñuera amena fiénide ráajiaina llízínide. Daje izói fiénide amena ñuera ráajiaina llízínide. ⁴⁴ Mei naga amena ie llízillajido onoiga. Jaca jíirede monáigimona jífcollina jofo óñenaza. Daje izói “zarza” daína íanoride rarócimona jírcue jofo óñega. ⁴⁵ Ñuera come ñúefuedo úrite, mei ie comécimo

ñúefue illaza. Daje izói fiénidimie fieni úrite, mei ie comécimo fiénidifue illaza. Mei uáfueza o comécimo aillo jebuide raa o fuedo úrillaza.

Mena jofu nillano rafue
(Mt 7.24-27)

⁴⁶ Cue dainana inoñediomoi ia çnibái mei, “caí Ocuíraima, caí Ocuíraima” daidíomoi? ⁴⁷ Cuemo cacáreizabitimie, íemo cue daina finófredimie illa izói ómoimo llóiticue. ⁴⁸ Afémie jofu nillana baitádimie izoide. Afe ñue nífredimie fueñe ana jica jáilliraina raite; ana mairídinomo jóonete. Afe mei ille renailla llezica afécomo jainoi riire dúcide. Mei íadi afe jofona jainóñede, mei afeco mozóidillirai mairídinomo jóideza. ⁴⁹ Mei jáífodo, cuemo cacáreizabitimie mei íadi cue dainana finóñedimie, bie jáífo jofu nitímie izoide. Bímie riire llíiñede éniemo jofu nite. Afe mei ille renailla llezica afécomo jainoi riire dúcide. Afemona afeco jainode. Iemona afeco due fiébiñeno nine táinocaide.

7

Romano illaíma ocuífregamie Jesús jíllotate
(Mt 8.5-13)

¹ Jesús comínimo úrilla fuilla mei Capernaumo jaide. ² Afénomo daa romano illaíma ite. Afémie ie ocuífregamiena iere izíruite, mei íadi afe ocuífregamie iere irárede, túllanomo dúcide. ³ Afe illaíma comíni Jesudo úrillana cacáillano, judíuaimona ocuífrede éicomíni orede, Jesumo izire jicállena, ie ocuífregamie jíllotabiillena. ⁴ Afémaci Jesumo dúciillano iere izire jicádiaioi:

—Baie illaíma iere canórede, ⁵ mei afémie caí náiraímo caimare comécífrede. Daa afémie caí Juzíñamui uai lloraco nitátate,—daídíaioi.

⁶ Iemona Jesús afémaciri jaide. Mei íadi ja afe jofomo ánozilla llezica afe illaíma dáarie ónoigamíai Jesumo orede. Illaíma daina izói Jesuna daídíaioi:

—Ocuíraíma, ona áfedeocañedícue. Cue jofomo o bíllena dúiñede, mei jamáimiedícue. ⁷ Ie jira dama omo úrizabiñedícue. Jicana o uaido o daíri, áfemona cue ocuífregamie jílloteza. ⁸ Mei cue jáíie illaíma uai anamo itícue. Afe izói cue úiñoga fuíríraíni cue uai anamo ite. Afémacimona dáamiena “Mai jai” cue daííadi, afémie jaide. Iemo jáíamiena “Bi” cue daííadi, afémie bite. Cue ocuífregamiena “Bíemo o tájijiri” cue daííadi, afémie áfena finode,—daide.

⁹ Jesús áfena cacáillano, afémie dainari caimare fáigacaide. Iemo Jesús afémiedo jáidinomo érocaillano daide:

—Uáfuena ómoína daítícue: Nana Israel náiraímo bie izói ínóte come jaca baiñedícue,—daide.

¹⁰ Afe órécano meine jofomo jáidiaioimo, afe irárede ocuífregamie ja jíllodena cíozaidíaioi.

Jesús daa fecingo jíto túilla abido cáadimiena jaitate

¹¹ Bie méifomo Jesús Naína daina jófuemo jaide. Ie llófuegamaci naa aillo jáíamaciri iedo jáidiaioi. ¹² Afe jófuemo ja ánozidiaioimo, Jesús tíidimie íaioi raíájillana ciode. Afe tíidimie ie éimona daade jíto. Afe llezica afengo jae fecingo. Aféruido afe jofue comínimona aillo aféngona nabáidiaioi.

¹³ Ocuíraíma Jesús aféngona cíoilano íemo dúecaide. Dúecaillano daide:

—Mai éeñeno,—daide.

14 Afe llezica Jesús “ataúd” daina tíidimie illácojimo áinozillano afécoji jetade. Jira afécoji uitino moziñotiaioi. Iemona Jesús tíidimiena daide:

—Jitócome, mai náidacai ona daidicue, —daide.

15 Mei daí daina llezica, afe tíidimie raináicaillano úrite. Afe mei Jesús ie eina daide, “Be, o jitó; mai ómicoi jai; uái ómicoi iri,” daide. 16 Nana comini áfena cíoillano jacínaitiaioi. Juziñamuimo aillo ñúefue jóoniano daidíaioi:

—Birui cai cigiri jamánomoide uai llóraima cíocailla, —daidíaioi.

Nane jiáifodo daidíaioi:

—Juziñamui ie nairai cánuaibilla, —daidíaioi.

17 Iemona afe bie Jesús finócafue jica jalleide; ua nana Judea éniemo naa afe onífenemo itígobiaido jalleide.

Juan Bautista orécano (Mt 11.2-19)

18 Juan nana afe Jesús finócana fidide, mei íedo jáidino afémiemo llógaza.

19 Mei íemona afémacimona ménamie uáidota Jesús dine orede. Oriano, bie meita ua bite Cristo dainana ónoillena jicánotade. Daje izói, meita níbai nai jiáie bíitimie uíñoiticaí, afémie daí jicánotade. 20 Afemona Juan orécano Jesumo dúcillano íena daidíaioi:

—O meita ua bite Cristo dainámiedio áfena ñue onóillena Juan cai jicánotade. Daje izói meita níbai nai jiáie bíitimie uíñoiticaí dainana ónoillena cai jicánotade, —daidíaillinoi.

21 Afe íaillinoi dúcina llezica, Jesús diga comini íaioi íranaimona jillotade; daje izói dáaruido íaioi ote duícuaímona jillotade. Daje izói fiénide jóriai úcaigamacina jillotade. Iemo jiái diga únidinuaí uina cíoitade. 22 Afe llezica Jesús íaillinoína daide:

—Ómicoi cíonafue, naa ómicoi cacánafue diga mai Juaamo lluájiri. Bie izói afémiemo lluájiri: Uínidino ui ja cíoide, íemo macáñedino ja macádeza, íemo chíñaitino ja ñúemacina jaide, íemo jefona cacáñedino ja ñue cacádiaioi, íemo dáarie tíidino meine abido cáadiaioi, íemo dúeredinomo jillona uai llógaza. Nana bífuaí mai afémiemo lluájiri. 23 Cuemo íñoñeilluaina baiñédimie íóbite.

24 Juan orécano meine abido jailla mei, Jesús Juaado comínimo úrite; daide:

—¿Mei táizicimo minícana cíozaidiomoí? Níbai dáamie ie daina uaina méidofredimiena cíozaidiomoí. 25 Afe izóidena omoí cíozaiñenia, ¿mei minícana cíozaidiomoí? ¿Meita níbai ñue cíoide ráifide iniroi jitáoidimiena cíozaidiomoí? Onódiomoíza, ñúecuiri jitáoífredino illaini jofomo ífirediaioi naa daní íaioí comeci jitaina izói itínori. 26 Mei íraíno, ¿minícana cíozaidiomoí? ¿Níbai Juziñamui uai jino llóraimana cíozaidiomoí? Jií, ua, Juziñamui uai llóraima baimo jamánomoidimiena cíozaidiomoí. 27 Juan baie Cuegáuai dainámie. Jaiaí úcodo nai cue biñena llezica, afe uaimo Juziñamui afémie dibenedo cuena daide:

O bille io ñue finóllena izói, comini íaioí comécido ñue omo jiéruillena cue lluájitimie o úcodo óreiticue.

28 Nana comínimona ite Juziñamui uai llórainimona Juan Bautista baimo jamánomoidimiena íñede. Mei jiáifodo, Juziñamui illáimana illánomona jabóidimie Juan baimo jamánomoide.

²⁹ Afena cacáillano, Juan báutizaga gobierno ibátaga úcube llíinoraini, naa jiáie báutizaiganori, “Juzíñamui níifuenidena finódimie,” daidíai. ³⁰ Mei jiáifodo Juan báutizañega fariséuai naa báutizañega ocuica uai llófuetinori Juzíñamui íai. ³¹ Iemo Ocuíraíma Jesús daide:

—Bie monado itinona ¿ñie izóí íai. ³² Jofue cigi ibírímo jífanote úrue izóidíai. Afémaci conímamo ebírede rúado caimátaiacadiaí, mei íadi áfena fairíoñediaí. Daje izóí conímama zúrede rúado firaacadiaí, mei íadi daje izóí áfemo cacáreacañediaí. Afémaci jaca caimátaitandiaí. ³³ Afe bie izóí ómoimo ite. Mei Juan Bautista billa llezica afémie fimairillano güllenai figo güñede, daje izóí vónona jiróñede. Iemona “fiénide jóríai úcaigamedio” íena daidíomoi. ³⁴ Afe mei cue, afe Nanoide íima Jitó dainámiedicue biticue. Billano, jíamaci izóí güiticue, íemo jiródicue. Afemona bie izóí nane cuena daidíomoi: “Bímie iere güilláredimie; jéerie jirófredimie. Fiénidífuiairedino nabáidimie; daje izóí gobierno ibátaga úcube llíinoraini nabáifredimie,” cuena daíifrediomoi. ³⁵ Comini Juzíñamui orécanona fiéni daidíai. ³⁶ Comini Juzíñamui orécanona fiéni daidíai. ³⁷ Comini Juzíñamui orécanona fiéni daidíai. ³⁸ Comini Juzíñamui orécanona fiéni daidíai. ³⁹ Comini Juzíñamui orécanona fiéni daidíai. ⁴⁰ Comini Juzíñamui orécanona fiéni daidíai. ⁴¹ Comini Juzíñamui orécanona fiéni daidíai. ⁴² Comini Juzíñamui orécanona fiéni daidíai. ⁴³ Comini Juzíñamui orécanona fiéni daidíai. ⁴⁴ Comini Juzíñamui orécanona fiéni daidíai. ⁴⁵ Comini Juzíñamui orécanona fiéni daidíai. ⁴⁶ Comini Juzíñamui orécanona fiéni daidíai. ⁴⁷ Comini Juzíñamui orécanona fiéni daidíai. ⁴⁸ Comini Juzíñamui orécanona fiéni daidíai. ⁴⁹ Comini Juzíñamui orécanona fiéni daidíai. ⁵⁰ Comini Juzíñamui orécanona fiéni daidíai. ⁵¹ Comini Juzíñamui orécanona fiéni daidíai. ⁵² Comini Juzíñamui orécanona fiéni daidíai. ⁵³ Comini Juzíñamui orécanona fiéni daidíai. ⁵⁴ Comini Juzíñamui orécanona fiéni daidíai. ⁵⁵ Comini Juzíñamui orécanona fiéni daidíai. ⁵⁶ Comini Juzíñamui orécanona fiéni daidíai. ⁵⁷ Comini Juzíñamui orécanona fiéni daidíai. ⁵⁸ Comini Juzíñamui orécanona fiéni daidíai. ⁵⁹ Comini Juzíñamui orécanona fiéni daidíai. ⁶⁰ Comini Juzíñamui orécanona fiéni daidíai. ⁶¹ Comini Juzíñamui orécanona fiéni daidíai. ⁶² Comini Juzíñamui orécanona fiéni daidíai. ⁶³ Comini Juzíñamui orécanona fiéni daidíai. ⁶⁴ Comini Juzíñamui orécanona fiéni daidíai. ⁶⁵ Comini Juzíñamui orécanona fiéni daidíai. ⁶⁶ Comini Juzíñamui orécanona fiéni daidíai. ⁶⁷ Comini Juzíñamui orécanona fiéni daidíai. ⁶⁸ Comini Juzíñamui orécanona fiéni daidíai. ⁶⁹ Comini Juzíñamui orécanona fiéni daidíai. ⁷⁰ Comini Juzíñamui orécanona fiéni daidíai. ⁷¹ Comini Juzíñamui orécanona fiéni daidíai. ⁷² Comini Juzíñamui orécanona fiéni daidíai. ⁷³ Comini Juzíñamui orécanona fiéni daidíai. ⁷⁴ Comini Juzíñamui orécanona fiéni daidíai. ⁷⁵ Comini Juzíñamui orécanona fiéni daidíai. ⁷⁶ Comini Juzíñamui orécanona fiéni daidíai. ⁷⁷ Comini Juzíñamui orécanona fiéni daidíai. ⁷⁸ Comini Juzíñamui orécanona fiéni daidíai. ⁷⁹ Comini Juzíñamui orécanona fiéni daidíai. ⁸⁰ Comini Juzíñamui orécanona fiéni daidíai. ⁸¹ Comini Juzíñamui orécanona fiéni daidíai. ⁸² Comini Juzíñamui orécanona fiéni daidíai. ⁸³ Comini Juzíñamui orécanona fiéni daidíai. ⁸⁴ Comini Juzíñamui orécanona fiéni daidíai. ⁸⁵ Comini Juzíñamui orécanona fiéni daidíai. ⁸⁶ Comini Juzíñamui orécanona fiéni daidíai. ⁸⁷ Comini Juzíñamui orécanona fiéni daidíai. ⁸⁸ Comini Juzíñamui orécanona fiéni daidíai. ⁸⁹ Comini Juzíñamui orécanona fiéni daidíai. ⁹⁰ Comini Juzíñamui orécanona fiéni daidíai. ⁹¹ Comini Juzíñamui orécanona fiéni daidíai. ⁹² Comini Juzíñamui orécanona fiéni daidíai. ⁹³ Comini Juzíñamui orécanona fiéni daidíai. ⁹⁴ Comini Juzíñamui orécanona fiéni daidíai. ⁹⁵ Comini Juzíñamui orécanona fiéni daidíai. ⁹⁶ Comini Juzíñamui orécanona fiéni daidíai. ⁹⁷ Comini Juzíñamui orécanona fiéni daidíai. ⁹⁸ Comini Juzíñamui orécanona fiéni daidíai. ⁹⁹ Comini Juzíñamui orécanona fiéni daidíai. ¹⁰⁰ Comini Juzíñamui orécanona fiéni daidíai.

Fariseo Simón jofomo Jesús güizájide

³⁶ Fariséuaimona dáamie Jesús güizájillena lloste. Iemona Jesús afécomo güizájide. Jaillano afeco eromo güirábanimo ráinazaide. ³⁷ Afe llezica, afe jófuemo ite fiénide ringo, fariseo Simón Jesús güizaibillana fidíillano afécomo bite. Afengo “alabastro” daina nofici finoína duera iciru atide. Aferu ziore cáiredijina oruide. ³⁸ Eebicaillano Jesús idai abimo ráinazaide. Afe llezica ie ui jémedo Jesús idai jocode. Afe mei ie ifótiido dote. Duano ñitade; ñítajano ie uiga ziore cáiredijina afémie ídaimo totade. ³⁹ Afe Jesús güillena uáidote fariseo, afengo finócafuena cíoilano, comécido daide: “Bímie ua uai llóraímania, bie ringo fiéninana ónoite. Afémie abina nibai aféngona jétatañeite. Mei afengo fiénidíngio íllaza afémie aféngomona abí ráiruite,” daí comeci facade. ⁴⁰ Afe jira Jesús fariséona daide:

—Simón, cue daa uai omo llóiacadicue, —daide.

Mei jira fariseo uai ote:

—Llófueraíma, mei daini, —daide.

⁴¹ Jira Jesús daide:

—Mena come uícomo íaillinoímo iga úcube daje izóí meine fecádimiemo írediaillinoí. Dáamie quinientos dieze meine írede, íemo jíámie cincuenta dieze meine írede. ⁴² Mei íadi nágaillinoí afe úcube fecádimiemo íaillinoí méidolle íñena jira, afe fecádimie afe íaillinoí abido írede úcubena féitate. Mei birui cuena daini, mei bíaillinoímona ¿ñímie fecádimiema jamánomo izíruirena? —daide.

⁴³ Jira Simón uai ote:

—Cúemona, jamánomo aillo illano féitagamie aillo izíruilla, —daide.

Jira Jesús íena daide:

—Ñue onódio, —daide.

⁴⁴ Afe mei, Jesús ringomo érocaillano Simona daide:

—¿Bingona ciódio? O jofomo cue billa llezica, cue ídaina jocóñedio, mei jiáifodo bie ringo ie ui jémedo cue ídaina jocode. Jócuano ie ifótiido zafénaitade. ⁴⁵ Iemo o jofomo biticue íadi cuena ñitáñedio, mei íadi afengo jofu cue billa llezica cue ídai ñitajana jaca fáicanocaiñede. ⁴⁶ Daje izói o jofomo cue dúcina mei cue ifomo cáiredijina totáñedio, mei jiáifodo afengo ziore cáiredijina cue ídaimo totade. ⁴⁷ Te jira ona daidicue, bie ringo aillo cuena izíruillamona, afengo finoca aillo fiénidifue dóinana ácatate. Mei jiáifodo jabo cuena izíruitimie íemo ite íaifue jabo dogu.

⁴⁸ Mei afe mei Jesús aféngona daide:

—O finoca fiénidifue jae dófideza, —daide.

⁴⁹ Afénomo afémie diga ráiide daane güíllena uáidogano dani comímana daidíaioi:

—Mei bie ¿ñie come; comínimo ite fiénidifuiaina dóteza? —daidíaioi.

⁵⁰ Afe mei Jesús afe ringona daide:

—Mei daingo o ínuado jae jíllodio; mai uái daí o jairi, —daide.

8

Jesús canófredingoniai

¹ Bie méifodo, Jesús diga jófuiáido macácaide, naa due illánuiari. Afénuiáido Juziñamui illáimana illa rafue jino llocana uite. Afe llezica ie nizeca doce dígade oréllino afémiedo jáidiaioi. ² Afe dáaruido dáarie duícuaimona ie jíllotaga ringóniai afémiedo jáidiaioi. Iemo jiái dáarie íaioi uícaide fiénide jóriaimona jíllotaga ringóniai iedo jáidiaioi. Afémacimona Magdalena énie ingo Mariana mámeciredingo ite. Aféngomona siete dígade fiénide jóriai naui jino oreca. ³ Iemo jiáie canódingo Cuza ai Juana. Afe Cuza illaima Herodes jabóidillaima. Iemo jiáingo Susana. Iemo jiái aillo jiáie ringóniai, íaioimo ite ráaniaina Jesús canódingotiai.

Ríjifredimie rafue

(Mt 13.1-9; Mr 4.1-9)

⁴ Afe jófuiaimona aillo comini Jesuna cióillena bitíaioi. Aillo comini dáanomo ofilla llezica, íaioi onóigafuedo Jesús jiáifue íaioimo llófuete. Íaioina daide:

⁵ —Ríjifredimie ie rilliji rizájide. Rizájilla llezica, ie rigájiaimona dáarie iomo baiide. Afe iomo baídijiai zaizíbide; jiáijiai ófocuzai güiga. ⁶ Jiáie rigájiai nofciaí emódomo baiide. Aféjiai zícua llezica jainoi íñénari dúizite. ⁷ Te mei jiáijiai éegiai cigimo baiide. Afe éegiai jéerie zícua mona aféjiaina írataitano titade. ⁸ Mei íadi jiáie rigájiai ñuera éniemo baiide. Ñue zícua mei, jamánomo aite. Dáajidemonu cien dígaji llizide.

Bie izói úrillano, Jesús ficire daide:

—Cacácadimie cacai, —daide.

Cacácañedino jánaillena Jesús comini onóigado úrite

(Mt 13.10-17; Mr 4.10-12)

⁹ Iemona ie llófuegamaci afémiemo jicánotiaiioi:

—Afe llogafue ¿ñie izói daífacade? —daidíaioi.

¹⁰ Jira afémie íaioina daide:

—Juziñamui ie illáimana illa rafue ónonidifuiái ómoína onótate. Mei íadi jiáimacimo afémaci jánaillena comini onóigado úriticue. Iemona uina

cióñedino izói íitiaioi. Daje izói afe uai afémaci cacana llezica, onóñedino izói íitiaioi.

Ríjifredimie rafue Jesús jino uáfodo lloste
(Mt 13.18-23; Mr 4.13-20)

¹¹ Ríjifredimiedo lloga rafue bie izói daiíacade: Afe rigájiai daina Juzíñamui lloga ñuera uai. ¹² Afe iomo baiídijiai daina ñuera uaina cacádino. Mei íadi cacana mei, Taife billano afe ñuera uaina comini íaioi comécimona féitate. Afémaci jílloneillena, Taife afémaci afe uaina ínotañede. ¹³ Afe nofíciaino baiídijiai daina jíáfodo jóide ñuera uaina cacádino. Afe uaina cacáillano caimare otíaioi. Mei íadi afémaci raire zicode raa riire jaináñena izói, Juzíñamuimo afémaci figo jaináñenamona are íñédiaioi. Nano íanori ínotiaioi. Mei íadi izire íaioi facátalliruimo dúcina llezica ñúefuena fáicanocaitaioi. ¹⁴ Iemo afe éegiai cigimo baiídijiai daina, jáie ñuera uai cacádino. Mei íadi cacana llezica dani íaioi comeci jitaina diné jáiacadiaioi. Iemona afémaci comeci oni jíainomo uilláfuiáido, nocáe builla izói féiraitaioi. Daje izói iere íaioi ráareiacanado, íemo jíai bíniemo ite caimare cai itátafuiáido anáfenogaiáioi izóidiaioi. Iemona figo lílízíñede itíaioi. ¹⁵ Mei jíáfodo afe ñuera éniemo baiídijiai daina ñuera uaina cacáreacadino. Afémaci ñuera comécido cacáillano afe uaina ñue náfuetiaioi. Iemona áfena fáicanocaiñeno ñue aite izói jáidiaioi.

Boode mechera jánaide izóidífue
(Mr 4.21-25)

¹⁶ Buna boode mechera retáidoñede. Daje izói buna boode mechera bíra anamo raináñede. Mei íadi jíáfodo boode mechera caifo uáfori cíoidinomo raináfírega, jofo jáidino ñue cíoullena. ¹⁷ Mei uáfueza, nana retáidoga ráaniai uáfori jino cíotaibile. Daje izói nana báinide ráfuiái jino uáfori llócailleza.

¹⁸ Aquie izóideza ñue omoi cacáreiri: Iere Juzíñamuina onócadimiemo ie báitaja báimo jamánomo írede, mei íadi Juzíñamui díbenedo figo onócañedimie, due ie onógafue féitale.

Jesús ei naa ie ámatiairi
(Mt 12.46-50; Mr 3.31-35)

¹⁹ Iemona Jesús ei naa ie ámatiairi ie illánomo dúcidiaioi. Afénomo aillo comini íllaza, aféniemo ánozinidiaioi. ²⁰ Jira dáamie Jesumo llujáide:

—O ei, naa o ámatiairi jino benó itíaioi. O diga úriacadiaioi, —daide.

²¹ Jira Jesús comínina daide:

—Juzíñamui lloga uaina cacáillano afe uai jeire otino cue eina, cue ámatiaina, —daide.

Jesús jorai bagua naa jairifo diga llúcaitate
(Mt 8.23-27; Mr 4.35-41)

²² Afe mei jíairuido, Jesús ie llófuegamaciri áillocaemo ana jaillano Jesús daide:

—Mai jorai ruícaferaimo cai jai, —daide.

Iemona jáidiaioi. ²³ Ruica íaioi jáitaja llezica, Jesús inide. Afe llezica riirede jairifo jóraimo ónonino raire bite. Riire jáiñuamona afe nocáe buíacade. Afécaena jacire anábaitacade. ²⁴ Mei jira Jesús cazítatiaioi. Cazítajano íena daidíaioi:

—Llófueraima, Llófueraima, ¡ja buízaidicaí! —daidíaioi.

Iemona Jesús náidacaillano jairifo naa jorai bagua diga llúcaitate. Afemona nana llúcaide; núifuenino jorai uái ite.

²⁵ Afe mei Jesús ie llófuegamacina daide:

—¿Ico nai Juzíñamui mo ñnoñediomoi? —daide.

Mei íadi afémaci jacínaitiaioi. Afémiemo caimare fáigacaillano conímamo jicánotiaioi:

—¿Mei bie núie cómeita? Afémie jairífona ocuide, daje izói jáinoina ocuide. Iemo afémie uaina ñnotiaioi, —daidiaioi.

*Gerasa éniemo ite fiénide jóriaí uícaigamie
(Mt 8.28-34; Mr 5.1-20)*

²⁶ Jailla ícoimo Gerasa éniemo dúcidiaioi. Afénie Galilea énie ruícaferaimo ite. ²⁷ Como ari aféniemo jáidiaioimo, afe jófueмона dáamie Jesús diné bite. Ja diga fimónaiaí afémie fiénide jóriaí uícaiga. Afémie inícuro jaca jitáñede. Daje jofomo uái ññede, mei jiáifodo raiáfuaina jofórede. ²⁸ Jesuna cíoillano afémie anamo dújuzaibite. Dújuzaibillano ficire daide:

—Caifoide Juzíñamui Jitó Jesús, ¿ñibái mei cuemo jíricaidio? Duere cue o fínoñeillena izire jicádícue, —daide.

²⁹ Afémie bie izói daide, mei Jesús afémiemo ite fiénide jóriaí jino oréllena ocuícaza. Diga ícaño afémiena fiénide jóriaí riire uícade. Afe llezica comíni afémie onoi ídaí diga llojéodo máifírediaioi. Jiáimaci fiéni fínoñeillena izire íena rairuídíaoi. Mei íadi afémie afe maia llójeina titáfírede, ie mei afe ie uícaide fiénide jóriaí afémiena táizicimo botátafírede. ³⁰ Jira Jesús afémiemo jicánote:

—¿O mámei bu? —daide.

Jira afémie uai ote:

—Legiona mámeçiredícue, —daide. Afe “Legiona” daína uai, aillo comíni, daífacana.

Afémie bie izói daide mei aillo fiénide jóriaiaí íena uícaideza. ³¹ Afe bie fiénide jóriaiaí Jesumo izire jicádíaoi duere finótalle íbárafomo afémaci óreiñellena.

³² Mei afe llezica afénomo ite íconido aillo meróniaí güícaidiaioiza, fiénide jóriaí afe meróniaimo jáillena Jesumo izire jicádíaoi. Iemona Jesús áfena fairíote. ³³ Iemona afe fiénide jóriaiaí ímamona jino billano meróniaimo jáidiaioi. Afe mei afe meróniaí árera íconido jabícana jóraimo cocízitiaioi. Dinomo coróbaítiaioi.

³⁴ Meróniaí úínotino áfena cíoillano jacínaitiaioi. Aferi jacínailano botádíaoi. Iemona jófueмо lluájidiaioi; daje izói oni fuédamo itícuaimo llotíaioi. ³⁵ Iemona jofue comíni afe comuídifueмо acárizaidiaioi. Jesús illánomo íaoi dúcina llezica fiénide jóriaína jino orécámie Jesús anari uái ráiinana cíozaidiaioi. Afe íima ja ñiroi jitáoide; daje izói ie abína ñue onode. Afena cíoillano íere jacírúitíaoi. ³⁶ Afena cíódino nauí fiénide jóriaí uícaigamie jíllotaja oni jiáinomo lluájidiaioi. ³⁷ Mei bíemona nana afe Gerasa énie comíni, afénomona Jesús oni jiáinomo jáillena izire jicádíaoi, mei áfena íere jacírúitíaoiza. Iemona Jesús ana áillocaemo jáizaide, ruica abído jáillena. ³⁸ Afe llezica afe fiénide jóriaína jino orécámie Jesús diga jáillena izire jicade. Mei íadi Jesús áfena fairíñede; afémiena afénomo fiébitade. Iena daide:

³⁹—Mai meine o jofomo jai. Jáillano nana Juzíñamui omo fínócafuaiína jino loiri, —daide.

Iemona afémie jaillano, nana jofue comínimo Juzíñamui íemo finócafuiai jino llujáide.

Jairo jiza íemo jíáingo Jesús inícuero jétaibitingo Jesús jillotate
(Mt 9.18-26; Mr 5.21-43)

⁴⁰ Jesús meine jorai ruicáfenemona dúcina llezica, comíni afémiena iere caimare llínotiaioi. Mei nana afémie mo ocuírídíaioiza. ⁴¹ Afe llezica Jáirona mámeciredimie dúcide. Afémie Juzíñamui uai lloraco illaíma. Afémie Jesús anamo fueco dine ana bíjicaide. Bíjicaillamo izire daide, ⁴² “Cue jofomo biri; mei daade cue jiza tízaideza,” daide. Afengo ja doce fimona ite. Iemona Jesús afémiedo jaide. Jailla llezica diga comíni íedo jaide; iere rillire jáidiaioi.

⁴³ Afémaci cígimo iráredingo ite. Afengo doce fimona die dícotailari irárede. Nana aféngomo ite úcube manófiredinomo fuite; mei íadi afémaci aféngona jillotanidiaioi. ⁴⁴ Afe ringo jinófene dinena Jesumo billano ie inícuero fueda jetánote. Ie jetánua llezica afengo die llúcaide.

⁴⁵ Iemona Jesús jícanote:

—¿Mei bu cue inícuero jetánoga? —daide.

Iemo nana comíni jáanuano “Ona bu jetáñena,” daidíaioi. Jira Pedro naa ie nabáñiairi daide:

—Llófueraíma, nana comíni rillirenari o ñuitádiaioi. ¿Ñibái mei, “Bu cue jeta,” daidio?

⁴⁶ Mei íadi Jesús daide:

—Ja onódicueza daa come cuena jetade. Mei cue ríino afe come jillotajana onódicue, —daide.

⁴⁷ Afe jétaibitingo ja ie báillana onóillano cuidíricana Jesús anamo dújuzáibite. Iemona afengo jino nana comíni eróicana jáanoñeno ie inícuero jetáacana rafue llote. Iemo jíái afémie inícuero jeta llezica ie jillona llote. ⁴⁸ Mei jira Jesús aféngona daide:

—Cue jiza, cuemo o ínuamona ja jíllodioza. Jaillano caimare uái o iri, —daide.

⁴⁹ Jesús nai úroidemo, daa come Jairo jofómona Jesús diné bite. Afe Jairo Juzíñamui uai lloraco illaíma. Afe llujáibitímie Jáirona daide:

—O jiza ja tíideza. Mai Llófueraímana úridoñeno iri, —daide.

⁵⁰ Mei Jesús áfena cacáillano daide:

—O jacíruiñeno iri. Dama Juzíñamuimo ínofireiri. Afemona o jiza jílloteza, —daide.

⁵¹ Afe jofomo íaioi dúcina llezica, nana comíni afe jofo eromo afémie oréñede. Afe jiza moo, ei diga, íemo jíái: Pedro, Santiago, Juan diga jofo uite.

⁵² Nana comíni afengo tíllari fícererie éenaitiaioi. Mei íadi Jesús íaioina daide:

—Omoi éeñeno. Afengo tíñedeza, ía inide, —daide.

⁵³ Daíí afémie dáinari zadáidiaioi, mei afengo tíllana onódiaioiza. ⁵⁴ Iemona Jesús afengo onoi llínota fícere daide:

—Jítaingo, mai náidacai, —daide.

⁵⁵ Afemona afengo meine abido caade. Iemo afe dáina llezica caifo náidacade. Afe mei Jesús, “Mai afengo ecarí” daide. ⁵⁶ Afe llezica ie moo íaillinoi iere caimare fáigacaidiaillinoi. Mei íadi Jesús íaillinoina afe ie finócafue bummo llotáñede.

9

Jesús doce dígade ie llófuegamacina oni orede
(Mt 10.5-15; Mr 6.7-13)

¹ Jesús doce dígade ie llófuegamacina dáanomo gairítate. Gairítanona afémiemo ite ríino íaioimo fecade, nana jíáiforiede fiénide jóríai jino oréllena. Daje izóí nana iráredino jíllotallena ríino afémacimo fecade. ² Iemo Juzíñamui illáimana illarui rafue íaioina oni llúájitade. Daje izóí iráredinona jíllotate.

³ Íaioina daide:

—Omoi jaille llezica minícana uiñeno, fia omoi jairi. Macara jigüida uiñeno iri, daje izóí ciríticoi, íemo güíllena, íemo úcube uiñeno iri. Mena caifóferoi uiñeno, daa uiri. ⁴ Ninó daa jofomo omoi dúcia, afécomo uái iri, afénomona oni omoi jáiñeille dino. ⁵ Niie jofue comini ómoina llínoocañenia afénomona oni omoi jairi. Omoi jaille llezica, omoi eiba íaie afémacimo teténocairi. Afedo íaioi comécimo ite íaifue nai íaioimo íllana onótaitiomoí.

⁶ Afemona ja oni nana dúegobiaido jáidiaioi. Jaillano ñuera jíllona uai llocana uitíai. Daje izóí iráredinona jíllotacana uitíai.

Juan Bautista tiilla rafue
(Mt 14.1-12; Mr 6.14-29)

⁷ Ocuídillaíma Herodes nana Jesús finócafuiaina fidide. Iemona Herodes comeci uibíllíuái íñede, mei dáarie “Juan tíide meine abido cáadimiena jaide,” daidíai. ⁸ Jáíimaci, “Juzíñamui uai llóraíma Elías meine cíocaizaibilla,” daidíai. Iemo jíáimaci, “Jaiái ninomo tíide jáie Juzíñamui uai llóraíma meine abido cáadimiena jailla,” —daíí llotíai. ⁹ Mei jira Herodes daide:

—Nauí cue Juan ífoci jaitátaticue. Iemona ¿mei bie náimie? Afémiedo diga ráfuiái cacáfiredicue, —daide.

Afe llezica Herodes iere Jesuna cíacade.

Jesús cinco mil comini ecade
(Mt 14.13-21; Mr 6.30-44; Jn 6.1-14)

¹⁰ Ie orécano abido dúcina mei, nana íaioi finócafuiaí Jesumo llotíai. Afe mei Jesús afémacina oni eneno Betsaida jofue áinomo uite. ¹¹ Mei íadi áfena fidíillano comini afénomo jáidiaioi. Afénomo Jesús caimare afémaci llínote. Juzíñamui illáimana illirui rafue íaioimo llote. Daje izóí afénomo iráredinona jíllotate.

¹² Iemo ja nauízailla llezica, doce dígamie orécano Jesumo billano daidíai. —Mai, comini íaioi ocózinaillena oni ore, ánorí ite jófuiaido güille íaioi jenólleza. Mei benomo cai íllánomo güille íñédeza, —daidíai.

¹³ Mei jíáfodo Jesús íaioina daide:

—Afémaci omoi eca, —daide.

Jira ie uai otíai:

—Benomo caímo cinco pániaí íemo mena chamu ite. Afe baimo íñédeza.

¿Meita nana bie comini ecállena íbajiredicái? —daidíai.

¹⁴ Mei afénomo cinco mil comini gairídíai. Mei íadi Jesús llófuegamacina daide:

—Nana bie comini cincuenta dígamierie ana raiziri, —daide.

¹⁵ Daíí finua méifodo nana ana raizídaitíai. ¹⁶ Afe llezica Jesús cinco dígade pániaí, íemo mena chamu llínote. Llínuano monamo eróillanona Juzíñamuina afe güílleri “íere figura,” daide. Daíí daina méifodo, afe ditada, ie

llófuegamacimo fecade, afémaci comínimo fecállena. ¹⁷ Iemona nana áferi ñue jeírediaioi. Afe mei llófuegamaci güügamona fiébidino doce cirigai oruíttatiaioi.

Pedro Jesús Crístona uáfodo jino llote
(Mt 16.13-19; Mr 8.27-29)

¹⁸ Afe mei jáíruido Jesús oni eneno Juziñamuimo úrizaide. Afénomo ie llófuegamaciri ite. Afémacimo afémie jicánote:

—¿Comini ñíe izói cuena daidíaiói?

¹⁹ Jira uai otíaiói:

—Dáamierie “Bie Juan Bautista,” daidíaiói, jáímaci “Bie Elías” daidíaiói, íemo nai jáímaci “Jaiái Juziñamui uai lloraima meine abido cáailla” daidíaiói.

²⁰ Jira Jesús jicánote:

¿Omoi ñíe izói cuena daidíomói?

Jira Pedro daide:

—Juziñamui nizeca Cristo daínámiedio, —daide.

Jesús ie tülle rafue jino llote
(Mt 16.20-28; Mr 8.30-9.1)

²¹ Iemo afe Pedro llógana afémie jáíe comínimo iere rairuüllano ie llófuegamacina áfena bumo llotáañede. ²² Iaioina daide:

—Nanoide Híma Jitó Crístodicueza, iere duere finóllícue. Ocuide éinamací cuena ruifruítiaioi. Daje izói lletáriraini illáini cuena ruifruítiaioi, íemo jáíi ocuica uai llófuefiredino cuena jáíruítiaioi. Cuena títaitiaioi, mei íadi daaruíámáni illemona meine abido cáaiticue, —daide.

²³ Afe méifodo nana afémacina daide:

—Ninó dáamie cuedo jáiacania dama ie comeci jitáillana féitarede. Féitano cuedo jáirede. Afémie cuedo jailla ícoinia tíidena afémie áfena izire ónide.

²⁴ Mei ie caana rairuúcadámie áfena táinomo fáifitaitaite. Mei jáífodo cue ícoinia ie caana táinomo fáifitimie afe fáifidena baímo ziño illínona máíñoite. ²⁵ Mei daa come nana bíníe ráaniai aillo náamataadi, mei íadi afe llezica dama ie comeci afémie táinocaitaiadi, nana ie mañoca ráaniai afémiena jíllotañeite. ²⁶ Ninó daa come cuena meáiruía, daje izói cue uaina meáiruía, afe íbana uire illáimana ana cue billíruimo afémiena meáiruiticue. Nanoide híma Jitódicueza, aféruimo Moo Juziñamui ebírededo bíitícue naa ñífuenide Juziñamui abí ímáciri. ²⁷ Uáfueña ómoína dáitícue: Birui benó itínomona, dáarie nai íaiói tíñena llezica Juziñamui illáimana illarui cíoitiaioi, —daide.

Jesús abí jáífodo méidoficailla
(Mt 17.1-8; Mr 9.2-8)

²⁸ Daí dáina mei ocho dígarui jailla mei, Jesús Juziñamuimo úrillena caifónedumo jaide. Afémie Pedro, Santiago, Juan dígamie uite. ²⁹ Nai Juziñamuimo Jesús úrioína llezica, afémie uéico jáífodo méidoficaide. Daje llezica ie ínícuiro jamánomo úzere quenire jaide. ³⁰ Afe llezica mena come ie abímo cíocaide. Afe íaillinoi afémie díga úrite. Afe bíaillinoi Moisés Elías díga. ³¹ Daje llezica ñue ebire quenire cíoide raa afe íaillinoína onífenedo féricaide. Afe íaillinoi Jesús Jerusalemo duere zefuüllano tíillífuedo úrtiaioi. ³² Afe llezica Pedro naa ie nabáñiairi iere ínie méinegaiaioi ía, ocuíaioi. Afémaci Jesumo ite ebire cíoidena cíodiaioi; daje izói afémie díga itíaillinoína cíodiaioi. ³³ Afe íaillinoi Jesúmona oni jáioicailla llezica, Pedro daide:

—Llófueraima, ¡nii benomo caimare cai illa! Mai daámani jofóchupina cai nii. Daaco óie, ¡iaíco Moisés ie, íemo ¡iaíco Elías ie, —daide.

Mei íadi Pedro ie daíacana ónoñede. Jira comeci facañeno ebena daí daide. ³⁴ Nai ie úrioina llezica, mona ero uíllie íaioina ferínocaiide. Mona ero uíllie eromo íaioi íficailla llezica iere jacínaitiaioi. ³⁵ Afe llezica afe uílliemona daa uaina cacádiaioi:

—Bie iere cue ízíruiга Jitoza, afémiemo omoi cacáreiri, —daide.

³⁶ Daí daina méifodo Jesumo érocaidiaioimo, ja dama ite. Afe mei afémaci afe íaioi ciónana bumo lloñediaioi.

Jesús fiénide jóriaí uícaiga jítócome jíllotate

(Mt 17.14-21; Mr 9.14-29)

³⁷ Afe ¡iaíruido afe ídumona ana íaioi billa llezica, aillo comini io anamo Jesús úíñotiaioi. ³⁸ Iemona comínimona dáamie ficire lléjecaide:

—Llófueraima, dúecaillano daade cue jitomo érocai. ³⁹ Fiénide jóriaí riire íena uícade. Afe jóriaí íena caillítacaide, afémiena nano íanori titáfiredede. Afe llezica ie fuémona múllecíai bífiredede. Iena duere finode; afémiena fáicanocaiñede. ⁴⁰ O llófuegamacimo afe jóriaí jino oréllena izire ¡icádícue, mei íadi orénidiaioi, —daide.

⁴¹ Jira Jesús uai ote:

—¡Nii jamánomo íinofinidiomoi! Iemo daje izói ñúefuena iere uáitáfirediomoi. ¿Ñie dinó omoi cígimo íredícue omoi cue riídollena? O jító benomo ati, —daide.

⁴² Mei íadi afe jítócome Jesumo áinozilla llezica, fiénide jóriaí afémie ana éniemo dotade. Afe llezica afe jítócome íanori titade. Mei íadi Jesús afe fiénide jóriaína riire dainano oni orede. Afemona Jesús afe jítócome jíllotate. Iemona jíllotano ie moomo abído ite. ⁴³ Iemona nana comini Juziñamuimo ite áíllue riínori caimare fáigacaidiaioi.

Jesús ie tíille rafue meine nane llote

(Mt 17.22-23; Mr 9.30-32)

Nana comini Jesús finócari caimare fáigacailla llezica, afémie ie llófuegamacina daide:

⁴⁴ Bíemo ñue omoi cácarei. Afena omoi féítañeno iri. Nanoide íima Jítódicueza, duere cue íaioi finóllena cominimo fécajillícue, —daide.

⁴⁵ Mei íadi ie llófuegamaci afe ie dáinana ñue onóñediaioi. Mei afefue afémacimona rairuica. Iemo afe llezica afefue afémiemo ¡icánuana jacíruiúiaioi.

¿Mei ñue come jamánomoina?

(Mt 18.1-5; Mr 9.33-37)

⁴⁶ Afe méifomo ie llofúegamací dani jofó eróicana conímána “cáimona ñíimie iere jamánomoina” daina ¡úfidotiaioi. ⁴⁷ Mei íadi Jesús íaioi comeci úrillana onode. Iemona daa úrue uáídota ie abímo naidánete. ⁴⁸ Daí naidániano afémacina daide:

—Bie úrue cue mámeçido llíinotimie cuena llíinote. Iemo cuena llíinotimie, ana cue orédimiena llíinote. Mei uafue, omoi cígiri jabóidimie Juziñamui eróicana iere jamánomoidimie, —daide Jesús.

Caina uáitañedimie cai dibénemo ite

(Mr 9.38-40)

49 Ie jira Juan Jesuna daide:

—Llófueraima naui o mámedido fiénide jóriai orédimiena ciódicai. Afémie cai diga macañena jira afémiena rairuídicaí, —daide.

50 Mei jira Jesús íena daide:

—Afe izóí finódimie rairuífeno iri. Mei caina uáitañedimie cai dibénemo íteza, —daide.

Jesús Sanatiago Juan diga lletade

51 Jesús monamo jáiacanarui áinozilla llezica, afémie Jerusalemó jáillena riire mamérite. 52 Daií mamérillano uícodo raire uai llóitino orede. Afémaci Samaria éniemo ite duera jófuemo jáidiaioí íaioí dúcillico raire báillena. 53 Mei íadi afeno ítímaci Jesús naa uícodo orécanori Jerusalén diné íaioí jáiacana jira, íaioína llínoacañediaioí. 54 Ie llofúegamacimona Santiago, Juan diga áfena cióillano Jesuna daide:

—Ocuíraíma, jaíai uai llóraíma Elías fínua izóí, bimaci fúilleza monámona iraina cai jíiriredicai ¿meita jítaídio? —daide.

55 Iemona Jesús íaillinoimo éroillano llétajano daide:

—Omícoi jaínaina joréñona onóñediomícoi. 56 Mei uafue, Nanoide íima Jitódicueza comíni niné táinocaitallena biñédicue, mei jáífodo comínina jíllotaíbiticue, —daide.

Iemona oni jáígobiamo jáidiaioí.

Jesudo jáiacadino bie izóí írediaioí

(Mt 8.19-22)

57 Iodo íaioí jailla llezica dáamie Jesuna daide:

—Ocuíraíma, o jáiacana diné o diga jáiacadicue, —daide.

58 Jira Jesús afémiena daide:

—Nana jazici ríllenai uái ífireillino ite. Daje izóí caifodo féedinuiai uái íaioí ráíillino ite. Mei íadi Nanoide íima Jitódicueza dánori uái cue illíno íñede, —daide.

59 Jesús jíáimiena daide:

—Mai cuedo bi, —daide.

Mei íadi afémie daide:

—Fueñe cue moo táilla ráiaiticueza cue ore, —daide.

60 Jira Jesús íe uai ote:

—Juzíñamuina jíeruñedíno tíide izóídíno; mai mei afémaci jádie ua títimiena ráilleza, mei o cuedo bi, billano Juzíñamui illáimana illirui llujjiri, —daide.

61 Afe mei jíáimie Jesuna daide:

—Ocuíraíma, odo bíacadicue, mei íadi fueñe cue jofe ero comíni jáillena facáduaiticueza cue ore, —daide.

62 Jira Jesús íena daide:

—Daa come íe táijina ja táinia mei, jíainomo comeci fácaja fiénide. Ie jira bie izóidimie Juzíñamui illáimana illíruimo táijillena ráííñede, —daide.

10

Jesús setenta dígamie ñúefue llujjillena orede

1 Bie méifodo, Ocuíraíma Jesús nane setenta dígamie nizede. Níziano ménamierie íe uícodo orede. Nana íe jáiacanagobiaimo íaioína orede. 2 Íaioína daide:

—Uáfueza, jacáfaimo ite raa ailla llezica jofo óitino iñena izói, birui Juzíñamui illáimana illáruimo jofo órede comini aillo ite. Mei íadi afémaci jofo óitino figo iñede. (Afe jofo óitino jáímacimo ñúefue llóitino.) Ie jira cai Ocuíraimamo, jacafai Naama izóidimie mo jáie ñúefue llóitimacina omoi jicari, afémacina afémie oréllena. ³ Jira omoi jai. Jaillano bie uaimo omoi coméciiri: illáirede jazici jicóniai cígimo ovejai jiza ória izói, ómoína orédicue. ⁴ Omoi jailla llezica cirítico uiñeno iri, daje izói úcubena uiñeno iri. O eiba icona uiñeno iri. Io anamo jáímaci diga are naidáicana úhuriñeno iri. ⁵ Ninó daa jofomo jofo o jáiadi afeco cominina fueñe bie izói omoi daiíri: “Caimare uái illifue bie jofomo íteza.” ⁶ Afécomo comécina caimare uái itino ia, afe uai afémaci íaioíeite. Mei íadi afe izoide comini afénomo iñenia, omoi daií uáidua uai abido ómoimo bíteza. ⁷ Oni omoi jáíñeille dinó dáacomo uái iri. Omoi íaioí ecálleze gütiomoiza. Omoi jirótalleze jirori. Mei jáímacina omoi cánua jira, nana afemo táijiraima ie táijinado íbaredeza. Ie jira naga jófuedo güicaiñeno iri. ⁸ Ninó jófumo omoi dúcia caimare omoi íaioí lláinoia, güllena omoi íaioí ecaa afe omoi güiri. ⁹ Daje izói afénomo íraredinuiaina omoi jíllotari. Afe llezica afémacina daiíri, “Juzíñamui illáimana illarui ómoimo ja ánozideza,” daiíri. ¹⁰ Mei íadi jáie jófumo omoi dúcia afeno comini ómoína lláinoiacañeniadi, jino jofue cígimo ite macáraodo jairi. Jaillano daiíri: ¹¹ “Cai eíbamo aífide omoi jofue íaie ómoimo teténoiticaí. Daií finódicaí, fiени caimo omoi fínuana uáitallena. Mei íadi bíena omoi onoiri: Juzíñamui illáimana illarui ja ómoimo ánozideza.” ¹² Omoína daúiticue, íraicaíño izire jicánollirui mo bie jofue comini Sodoma comini duere finóbina baímo duere finólliaioí.

*Náfueñide jófuaí comini
(Mt 11.20-24)*

¹³ ¡Corazín jofue comini, nii dúerenal! ¡Daje izói Betsaida jofue comini nii dúerenal! Mei íaioí cígiri cue finoca ciórainina raa, afena Tiro jofue comini naa Sidón jofue comini cígimo nauí finódicuenia nibai jaiai uícodo íaioí comeci ífuenta méidotiaioí. Uafue íaioí comeci ífuenta méiduamona ja diga fimona jailla. Afe llezica zúunaia jítáfirega jítiroí jítáacadiaioí. Daje izói aféruimo íaioí zúunailla jino ácatallena jízefo ífomo jutáacadiaioí. ¹⁴ Mei íadi íraicaíño izire jicánollirui mo Tiro Sidón diga duere finóbina baímo Corazín íemo Betsaida comini duere finólliaioí. ¹⁵ Daje izói Jesús Capernaum jofue comini lletade; íaioí dibénedo daide: ¿Meita íaioí ínoga jofue monamo uírede? ¿Daií comeci facádiaioí, ero ua? Mei jáífodo íaioína daúiticue, tíidino illánomo ana dotaca izói niné táinocaitalliaioí.

¹⁶ Iemo ie setenta nízecamacina daide:

—Omoína cacáreidimie cuena cacáreide. Iemo jáí ómoína ruifruitimie cuena ruifruite. Daje izói cuena ruifruitimie cue ana orédimienra ruifruite, —daide.

Oreca setenta dígado abido dáanomo dúcina

¹⁷ Nauí oreca setenta dígado meine abido caimare dúcidiaioí. Jesuna daidíaioí:

—Ocuíraima, nana cai llógamo cacáreidiaioí, ua daje izói fiénide joríaí o mámedido daína uaimo cacáreidiaioí, —daidíaioí.

¹⁸ Jira Jesús daide:

—Jii, Satanás monamona ameo izói baiállana ciódicue. ¹⁹ Daje izói jaióniai naa acáduai ómoina izi cácatañelle ríino naui ómoimo cue iga. Daií nana cai bacáuai izóidimie Taife ríinona izi cácañeno anáfenodiomi. ²⁰ Mei íadi fiénide jóriai jino ória ríino ómoimo íllado figo comécíñeno iri. Mei jiáifodo omoi mámečiai monamo cúeinari omoi ióbiri, —daide.

Dama Jesús cáimacaila
(Mt 11.25-27; 13.16-17)

²¹ Afe llezica, Ñuera Joreño Jesuna ióbitade. Ióbicaillano Jesús daide:

—Cue Moo, mona énie diga Ocuíraimadio, omo ñuefue mámeiticue, mei ráfuenta baitádinomona o dibénedo retáidoga onóigafuiai onótañedio. Mei jiáifodo comécina níufenide úrue izoide jamai comínimo aféfuaiina jino ciótatio. Jii, Moo, mei o daií jítaidioza, —daide.

²² Jesús nai úrioide: “Cue Moo, nana ráaniai cuemo fecádio. Moo Juzíñamui, o Jitódicue, mei íadi buna uáfodo cuena ñue óñoñena. O cue Móodioza, dama o ñue cuena onona. Daje izói buna uáfodo ona ñue óñoñena. Cue, o Jitódicueza, dama cue ñue ona onona. Iemo jiái daje izói o Jitó onótaacagano ñue ona ónoitíaiOi, —daide.

²³ Iemona ie llófuegamacimo érocaillano, dani íaioina daide:

—Omoi ciona raana ciónamona jñii ióbirediomi! ²⁴ Mei ómoina daidicue, diga Juzíñamui uai llóraiñi naa illáimaiairi omoi ciona raana ciócadaiioi mei íadi jaca cióñediaioi. Daje izói omoi cacana uai cacácadaiioi, mei íadi jaca cacáñediaioi, —daide.

Samaria ímie rafue

²⁵ Afe mei ocuica uai llófuefiredimie Jesumo úrizaide, afémie facátallena. Afémiemo jicánote:

—Llófueraima; zíñona cue íllena ¿ñie izói íredicue? —daide.

²⁶ Jira Jesús uai ote:

—Ocuica uaimo ¿mei ñie uai cúeina? Afena ¿ñie izói facádoto? —daide.

²⁷ Jira ocuica uai llófuefiredimie uai ote:

—Afe uai bie izói daide: Nana o comécido o Ocuide Juzíñamuina izírui. Daje izói nana o joréñodo, íemo nana o máiriedo, íemo nana o ifoci úrillado íena izírui. Afe llezica dama o abina o izíruilla izói afe izói o aino cómena izírui, —daide.

²⁸ Mei jira Jesús daide:

—Ñue fairíotio. Bie izói o finóadi ñia are cáaitio, —daide.

²⁹ Mei íadi Ocuica Uai llófuefiredimie ie facátalle uai baiñenamona, ñue jicánotimie daiíllena jiáie uai Jesumo jicánote:

—¿Ñie come cue abi ímiena jóneiticue? —daide.

³⁰ Jira Jesús uai ote:

—Dáamie Jerusalémona oni Jericomo jaide. Ie jailla llezica merírifiredino afémie fatíai. Fájano ie ráaniai bairórdiaioi naa ínícuiruaimo. Afémiena iere ízitatiaioi; jabo ie títano íena fiénocaidiaioi. ³¹ Afe méifodo lletáriraima ónonino daje llezica afe iodo jaide. Mei íadi fagámiena cióillano onido jaide. ³² Afe mei Leví nairai ímie afenoma dúcide. Daje izói afémiemo fia érocaillano onido jaide. ³³ Afe méifodo Samaria ímie daje iodo jaide. Fagámiena cióillano afémiemo zúucaillano iere dúcecaide. ³⁴ Mei íemona fagámie billano, cáirediji naa vino diga ie boáfiai manode. Afe mei afe boáfiai maite. Maia méifomo dama ie búrromo caifo rainada dúciracomo uite. Uillano afécomo afémiena uíñote.

³⁵ Afe jááruído, afe Samaria ímie ja jáizaila llezica, mena úcube uano afeco naama ibade. Hbajano daide: “Bie iráredímie ñue o uññori. Bímiemo omo cue iga úcube baimo o dotáadi, uire meine cue bia omoi cue ibálleza,” daide.

³⁶ Mei íemona birui cuemo llone: Bie daámanidemona çníímie ñue finoca bie merírifiredino fagámie aino come finófírena izói? —daide Jesús.

³⁷ Jira ocuica uai llófuefiredímie daide:

—Mei afémiemo dúceaidímie fagámie aino cómena, —daide.

Iemona Jesús íena daide:

—Jaillano bímie fínua izói o finori, —daide.

Jesús Marta María íainguai jofomo dúcide

³⁸ Jesús iodo jaillano duera jófuego dúcide. Afénoimo ite Marta dainango ie jofomo Jesuna caimare llínote. ³⁹ Marta ebuño María Jesús anamo ráiizaibite ie dáinana ñue cáailleña. ⁴⁰ Mei íadi Marta diga jetáacaganiaimo comeci llícbite. Iemona Jesumo billano daide:

—Ocuíraima, cue ebuño nana táijina cuemo fiénocai, ¿aferi coméciñedio? Cue dine ore, afengo cue cánuabilleza, —daide.

⁴¹ Mei jáífodo Jesús afengo uai ote:

—Marta, iere o jetáacaga raamo o comeci llícitaitio. Afe táijnamo iere duere zefuío. ⁴² Mei íadi daa jítaírede raana nai omo íñede. Ie mei María afe baimo ñuera raa jae nizede. Afengo nizeda oga raa bu báiroñeite, —daide.

11

Juzíñamuimo cai úrifireillena Jesús llote

(Mt 6.9-15; 7.7-11)

¹ Afe mei jááruído Jesús bai táinomo Juzíñamuimo úrite. Juzíñamuimo ie úrilla llícaillamona ie llófuegamacimona dáamie daide:

—Nauí Juan ie llófuegamacimo ie llua izói, Juzíñamuimo cai úrilla cai llofue, —daide.

² Jira Jesús íaioina daide:

—Juzíñamuimo omoi úria bie izói daíri:

Cai Moo Juzíñamui, monamo itio; o mámecido ñúefue nitácaza.

O illáimana illirui raíre bíteza.

Dinomo monamo o comeci jítaíllafue íaioi fínua izói, afe izói bie éniemo finótaibiteza.

³ Cai nágarui jitailla güllenai, birui caimo fecari.

⁴ Cai finoca fiénidífue iba caimo oñeno iri, mei afe izói jáímaci fiéni caimo finódiaioi íadi, afémacimo íbana oñédica.

Íaífueimo cai báííñellena caina úññori.

Iemo afe llezica nana fiénidífuaímona caina jíllotari.

⁵ Iemo nane Jesús daide:

—Bie fia cue daílle ráfueimo omoi coméciiri. Omoímona dáamie ie onógamie ite. Afe o onógamie dáaferui o jofomo jaillano ona daide: “Daámani páaniai fia cuemo feca, ⁶ mei cue onógamie ailli cue jofomo dúcidez. Mei íadi afémie cue ecállena íñede,” daide. ⁷ Ie jira níbai jofona bie izói uai óredio. “Cue úrue diga ínidicueza, cuena áfedeñoeno iri. Naze íbáicaza, o jícaza raa omo fecállena jino bínidicue.” ⁸ Mei íadi ómoína dáitícue, afe jícaibitímie o nabaina jira fécaíñeítio, mei íadi afémie are ona áfedeñoellena nana ie jitaica ráaniaina jeruíñeno fécaítio. ⁹ Afe jira ómoína dáitícue: Juzíñamuimo jícarí, afémie

fécaiteza. Jenori, báitioza. Nazémona jíiriri, íemona afémie tuizáibiteza. ¹⁰ Mei uáfueza, jicádimie jaca llínote; jenódimie jaca baite; nazémona uáidotimie mo naze tuiñoa.

¹¹ Omoimona úrueredimie ie jító güllena jicáadi ¿meita nofícina iga? Jaca íniga. Daje izói chamu jicáadi, ¿meita jaiona iga? Iniga. ¹² Iemo jiái jigi jicáadi ¿meita acáidona iga? Iniga. ¹³ Mei fiénidimioi íadi, ñuera ráaniaina omoi úruiaimo fécajana onódiomoi. Mei íadi afe baimo monamo ite omoi Moo afémie Ñuera Joréñoa jicaitinomo fécaite, —daide.

Fiénide jóriai ríino Jesumo illa afémiemo jitádiaioi

(Mt 12.22-30; Mr 3.20-27)

¹⁴ Afe mei Jesús uáinidimie mo ite fiénide jóriai jino orede. Afe jaíllamona afe uáinidimie ja ñue úrite. Aferi comini camare fáigacaidiaioi. ¹⁵ Mei íadi dáarie daidíaioi:

—Bímie Beelzebú daína fiénide jóriai illaima ríinodo, afe fiénide jóriaina jino orede, —daidíaioi.

¹⁶ Jiáimaci ie facátallena, “Monámoma uai dáinamona comuide ciórainina raa fino,” daidíaioi. ¹⁷ Mei íadi Jesús afémaci comeci úrillana onóillano daide:

—Ninó daje náiraina ite comini bozíetaillano conima diga fuiríadi, afe nairai niné táinocaite. Daje izói daaco ero comini bozíetaia, afémaci daje izói are iñeno niné táinocaitiaioi. ¹⁸ Afe izói, mei Satanás dama íemo jaináidinona, dani abina uáitaiadi, ¿mei ñie izói ie ócuifrena ríino are ite? Bie ómoimo llóiticue, mei cuena “Fiénide jóriaina Beelzebú ríinodo jino orédio,” daidíomoi. ¹⁹ Mei íadi daítadena, jiáiuaina ómoimo jicánoticue, Omoido jáidinomo ite fiénide jóriai orelle ríino, ¿bu mei fecaca? Ie jira dani afémaci ñue onóñeno taino omoi llua jino ciótatíaioi. ²⁰ Mei jiáifodo uáfueza, Juzíñamui ríinodo fiénide jóriaina jino oréfiredicue. Iemo bifue bie izói ómoina dáiacade: Juzíñamui illáimana illirui ja ómoimo dúcide.

²¹ Mei daa mairide cómemo ie ñue fuirira raa ia, ie jofona ñue úiñoifrede. Afedo ie uíñuamona buna ie raana baírópide. ²² Mei afémie baimo ríuredimie bíadi, ñibai íena anáfenote. Anáfenuano ie ínoga abi ríidua raana báiroite. Afe mei afe baíruiabitimie nana íemo ite ráaniaina úite.

²³ Cuena ruiffuitimie cuena uáitate. Daje izói cue diga dájena táijíñedimie, cue ráaie oni jutádimie izoide, mei afémie jiáimaci cuemo ínotañe deza, —daide Jesús.

Jino oreca fiénide jóriai meine dáamiemo bite

(Mt 12.43-45)

²⁴ Jesús nai llíicaiñeno úrite:

—Fiénide jóriai cómemona jino jáiadi, táiziciaido ie uái illino jenócana uite. Ie uái illino baíñenamona bie izói comeci facade. “Meine abido cue billa cómemo jáiticue,” daide. ²⁵ Afe jóriai meine afe cómemo bítemo, ñue rafoda finócaco izói baizáibite. ²⁶ Iemona afémie baimo siete diga jamánomo fiénide jóriai uájide. Afémaci nana afe cómemo jofa jaíllano itíaioi. Afemona afe come nauí ie fiénina baimo birui jamánomo fiénide, —daide.

Uáfueña ióbidino

²⁷ Mei Jesús nai bifuiaido úrioina llezica, comínimona daa ringo ficire Jesudo úrite:

—O jocódingo ñi caimare érocaillangona. Daje izói o comúatango ñi caimare ióbillangona, —daide.

²⁸ Mei jira Jesús jiáifodo daide:

—Juziñamui llógamo cacáfiredino, daje izói áfena ñue ñnotino o ñainango baimo jamánomo caimare itíaioi, —daide.

Fiénde comini ciórainina raa finóllena Jesumo jicádiaioi

(Mt 12.38-42; Mr 8.12)

²⁹ Comini Jesús onífenedo ofídiaioi. Jesús íaiioina daide:

—Birumo ite comini iere fiénidino. Afémaci ciórainina raana finóllena jicáfirediaioi, mei íadi naui Juziñamui uai llóraima Jonás onótagafue baimo jiáifuena llóñeilliaioi. ³⁰ Mei Nínive jófuego ite comínimo Jonás Juziñamui orécamierna áioi onóillena afémie jóonega raa izóidimie. Afémie illa izói, biruúllaido ite comínimo Nanoide íima Jitó Cristo afe bie comini onóillena jóonellimiena íite. ³¹ Íirairuimo bigímaiaí izire jicánolle llezica sur dibénemo jica ite nairai illaingo bigímaiaimo fiénidífuiaí nítaita. Mei afengo jica énie fuédamona Salomón comeci onóigafuego cacáreizabiteza. Mei íadi birui benomo Salomón baimo baitádimie illa. ³² Daje izói bigímaiaimo íirairuimo izire jicánolle llezica, Nínivemo ite comini bimácimo fiénidífuiaí nítaita. Mei Nínivemo ite comini Jonás Juziñamui uai íaiioimo llua llezica, íaiioi comeci itífuena méidotiaioi. Mei íadi birui benomo Jonás baimo jamánomoidimie ite.

Cai illafue ñue egáíñote raa

(Mt 5.15; 6.22-23)

³³ Uneca mechera bu báinino jóoneñede. Daje izói cajón anamo buna mechera retáidoñena. Mei jiáifodo uneda caifo jica rainaca, jofo eromo jáitino ñue cíollena. ³⁴ Ñúefuego o comécilla omo ñue egáíñote raa izoide. Jira mechera egáioinamona o uído cíonana o ióbitaja izói, afe izói ñúefuiaí o jítaigana o comeci ífuena caimare itátaite. Iemona ñúefuego o comécillado nana o illafue jáicina ñue joide. Mei íadi ñúefuego o comécíñeniadi, jítifodo mácaja izói itio; nana o comeci ífue zuure íteza. ³⁵ Mei jira omo ite mechera egáioina izoide raa, dúide izói méidoñellena ñue rairuiri. ³⁶ Mei nágarui ñúefuiaimo féitañeno o comécia, mechera egáíñuamo uáfori cíoina izói, nana o illáfueña ñue uáfodo cíoitio, —dinori Jesús úrite.

Fariséuai daje izói ocuica uai llófuetinori imaci fiénidífué Jesús jino llote

(Mt 23.1-36; Mr 12.38-40; Lc 20.45-47)

³⁷ Jesús ie úrilla llícaillamona daa fariseo ímie ie diga güizájillena Jesumo llote. Jesús jofo jaillano güiránomo ránazaide. ³⁸ Afémie afémaci finofirena izói finóñede, mei afémie íaifue múiñua joreño onoi jócua, finóñeno güíteza. Aferi afe Jesús uítimie fáigacaide. ³⁹ Mei íadi Ocuíraima Jesús íena daide:

—Omoi fariséuai jiróraco naa plato diga jócua izói jinófene ñue jocódiomoi, mei íadi jofo erófenena jocóñediomoi. Afe izói nana omoi jinófenena ñue rairuídíomoi, mei íadi jofo comeci dinena, merírillado omoi oga raa ite; daje izói fiendi omoi illado omoi oga raa ite. ⁴⁰ ¡Comécina úriñedinodiomoi! ¿Onóñediomoiza comini jinófene finódimie, íemo íaioi ero diné comeci finódimie dáamie? ⁴¹ Ñúefuiaí comécido omoi onónamona ómoimo ite raana jeruíñeno dúeredinomo íia fecari. Afemona nana ráaniai ja ómoimo íainino íítiaioi.

⁴² Fariséuai, ¡nii omoi dúerena! Omoi riga ráamona diez dígademona daa Juziñamuimo dúide raana afémiemo ñue fecáfirediomoí. Omoímo ite “menta” daina rarócimona afémiemo fecáfirediomoí. Daje izói “ruda” daina rarócimona daa fecáfirediomoí. Iemo jiái omoi poróto coduaimona due Juziñamui íena máme-firediomoí. Mei íadi comécina jaícina jóidifue mo naa Juziñamuina iziruillana náfuñediomoí. Aquíe izói írediomoí. Afe llezica omoi ¡íáie finóacaigafuena féitañeno finori.

⁴³ Fariséuai, ¡nii omoi dúerena! Juziñamui uai lloraco eromo jamánomo ñue ráíraniaina jicáfirediomoí. Daje izói jofue cígido macáraodo omoi jáia, comini jacírede illaíma uáidua izói omoi íaioi uáidollena iere gáidiomoí.

⁴⁴ Ocuica uai llófue-firedino naa fariséuairi, ¡nii omoi dúerena! Jínofene dine ñue cíoina mei jofona comeci dine ráataitioí. Ciónena énie anamo tíidino ráigano izóidíomoí. Comini afe acónido ónonino macádiaioí.

⁴⁵ Iemona ocuica uai llófue-firedinomona dáamie afe uai ote:

—Llófueraíma, jadíe izói o daina nane caina ríicaitade, —daide.

⁴⁶ Jira Jesús daide:

—Ocuica uai llófuetino, daje izói ¡nii jamánomo omoi dúerena! Mei ocuínide méere de raa izoide jiáimamo jaca llonódacaifirediomoíza. Aféfuiaína buna ocuínide. Afe omoi riire ocuicanona canófinidíomoí.

⁴⁷ ¡Nii omoi dúerena! Mei jaiái omoi nánoragima faga Juziñamui uai llóraini raiafo izoide tíidímie jóoniacona ébirerie finódiomoíza. ⁴⁸ Daí omoi fínuado jaiái afémaci finócafuena jíeruítioí. Mei afémaci afe uai llóraini titádiaioí, íemo biruí afémaci raiafo izoide jóoniacona meine abido nitátatíomoí.

⁴⁹ Ie jira Juziñamui nana ráfuiaí onóillano, bie izói daide: “Afémacimo cue uai llórainina óreitícue. Daje izói jiáie cue nizécano íaioímo óreitícue. Afémacimona dáarie titaitiaioí. Jiáimacina duere finóllena rácaitiaioí,” daide.

⁵⁰ Mei uáfueza, biruí itínomo, nana jaiái faga uai llóraini íbana óite. Uafue, énie fínuamona biruímo nana tíidíno íbana óite. ⁵¹ Faga Abel ígímamona Zacarías túllaruímo íbana óite. Afe Zacaríasna Juziñamui gairíraco eromo ite altar áinori fatiaioí. Jira ómoína dáítícue, biruímo itínomo Juziñamui afe titácano íbana óite.

⁵² Ocuica uai llófuetino, ¡nii omoi dúerena! Mei nauí Juziñamui ómoímo fecaca íe ñue báitaja uai íe illáimana illánomo jofo omoi jáillena, áfena ñue náfuñediomoíza. Iemo afe llezica onóiacadinomona áfena rairuídiomoíza, —dínori Jesús úrite.

⁵³ Jesús bie izói íaioína daina llezica, ocuica uai llófuetino naa fariséuairi afémiemo jamánomo ríicaidiaioí. Iemona díga jicánoiacaga uáillaído afémiena áfedodiaioí. ⁵⁴ Irebaí izóidena afémie óllena jífánodoídiaioí. Daí finódiaioí, íe daina uáillaído fiénidífuiaí afémiemo nitállena.

12

Comécina íáirena mei jinófenena ñue cíoidíno Jesús lletade

¹ Afe dáaruído díga náiraiaí dáanomo iere gairídiaioí. Gairíllamona conímaiaína zaizídiaioí. Iemo Jesús íe llófuegamacina nano fueñe daide:

—Fariséuaimona díga comini comécina íáirena mei abína ñue cíoidíno ite. Afémaci daí íllamona abí omoi rairuíri, mei afe íaioímo ite íaí fue pan fáitara “levadura” izóideza. Due jiza jóonega ía, nana afe erona maíñode. ² Nana

báinino daina uai jino uáfodo cíozite. Daje izói nana báinino retáidoga raa uáfomo báifite. ³ Mei íemona, nana jítifomo omoi báinino úrilla uaillai jino úzefomo cacaille. Daje izói jofu eromo báinino omoi daina uai comini dáanomo uáidota afémaci cacáicana ficire llole.

*¿Ñie cómena jacíruiredicai?
(Mt 10.28-31)*

⁴ Omoi cue nabáñiaidiomoi, jira bie izói ómoína dáititue. Fia abí íeizi titáfiredo comíina jacíruíñeno iri. Afe mei afémaci ómoimo íaioi finolle jíáifueña íñede. ⁵ Mei jíáifodo omoi jacíruillimie llóititue. Abí íeizi titaja méifomo boode jóraimo comeci dotáfiredimiena omoi jacíruiri.

⁶ Onódiomoiza, cinco diga ófocuíño mena úcubetunido íbárede. Mei íadi afémacimona Juzíñamui dáamiena féitañede. ⁷ Iemo jíái ómoimo ite ífótirai illa dígatirai facádoga. Dáitadeza jacíruíñeno iri. Mei omoi, aillo ófocuízai baimo ráifidiomoiza.

*Comini eróicana Jesuna jíeruitino
(Mt 10.32-33; 12.32; 10.19-20)*

⁸ Omoína dáititue: Nanoide íima Jitódicueza, comini eróicana nana cuena jíeruitinona afe izói Juzíñamui abí imaci eróicana jíeruititue. ⁹ Iemo daje izói comini eróicana cuena jáanoititona, afe izói Juzíñamui abí imaci eróicana jáanoititue.

¹⁰ Iemo nane jíáifue, ninó daa come Nanoide íima Jitona íaire dáia, afémie daina íaifue dórede. Mei íadi ninó dáamie Ñuera Joreñoña íaire dáia, afe jaca dónide.

¹¹ Iemo ninó jíáiruido Juzíñamui uai llorácomo afémaci omoi uíadi áfemo comeci llícitaiñeno iri. Daje izói izire jícanofiredinomo, naa ocuídillaini diga, afémacimo omoi íaioi uia, omoi daííacana uaimo comeci llícitaiñeno iri. ¹² Mei omoi úriacanamo dúcille llezica, Juzíñamui Ñuera Joreño omoi daííillifueña ómoimo llóiteza, —daide.

Comini ráarena jacírede

¹³ Comínimona dáamie Jesuna daide:

—Llófueraíma, cócomo fiévide feci ráamona, cuemo dúina dieze cue ama cuemo ílleza, o lloiri, —daide.

¹⁴ Jira Jesús afémiena daide:

—Ebe, omoi cígimo izire jícanofireitimiena, daje izói fécafireitimiena ¿bu cue jóonia? Jóoneñegacue, —daide.

¹⁵ Jesús nane dáanomo daide:

—Nana úradoíllafuíaimona caade come izói, abí omoi rairuiri. Mei come ñue íllafue, aillo ráarenamona óñega.

¹⁶ Afe mei bie jino onótate raafue llote:

—Nauí iere ráaredimie ite. Afémie jacáfaiaí iere áillamona jofu olle llízíe iere ite. ¹⁷ Afemona iere ráaredimie comeci facade: “¿Mei ñie izói lítitue? Afe áillue llízíe éenollino íñede.”

¹⁸ Nane dáanomo comeci facade: “Cue finóllemo ja úbicaiditue. Cuemo ite éenoracuí júdaiano jamánomo áillocuaina nitátatitue. Afécuaímo nana jofu cue olle llízíena éenoititue. Daje izói nana cuemo ite raana afécuaímo jóoneititue. ¹⁹ Afe mei dama cue abina dáititue, ‘Ja aillo raa jofu ofítatitue; áfedo diga íimona cáaititue. Nágarui táijíñeno ía güítitue. Íemona ía uái

ítitue. Aillo vino júruano, áferi caimare ífireitue,’” daide. ²⁰ Mei íadi Juzíñamui íena daide: “Comécina onóñedimedio. Fui naio títio. Afe mei o ofitaga ráaniai ¿bu náamatalle?” daide. ²¹ Mei dama ie abi íena aillo raana ofitaitimie daíí íteza, mei daíí afémie ofitaja llezica, Juzíñamui jítainamo comécíñede. Comécíñeno, afémie Juzíñamui eróicana iere dúredimiena jaide, —Jesús daide.

Juzíñamui ie úruaiña ñue rairuide

(Mt 6.25-34)

²² Afe méifomo Jesús ie llófuegamacina daide:

—Jira ómoína dáititue, omoi güíacaga güíllemo comeci omoi llícitaiñeno iri. Daje izói omoi jítáacaga inícuíromo comeci llícitaiñeno iri. ²³ Cai ñue illafue cai güille baimo ráifide. Iemo jíai cai abi cai inícuíro baimo ráifide. ²⁴ Mai “cuervo” daína cháafona eróidemo comécíiri. Afémaci jaca riñédiaioi; daje izói llizíllaniai jofo onédiaioi. Daje izói afémaci güille éenoraco íñede, naa íaioi ofitaranori. Mei íadi Juzíñamui afémacina ecade. Ie mei omoi afe ofocuizai baimo jamánomo ráifidiomoi. ²⁵ Omoimona, comeci iere llíciamona, ¿mei bu ie zairilla dñori baimo mediio metro zairírena? ²⁶ Mei duera raana finónidiomoi ia, ¿nibái mei jíaiie raa finuamo iere comécidiomoi?

²⁷ Raroci záfia zeríllamo omoi comécíiri. Afémaci táijiñediaioi; daje izói raana niñédiaioi. Mei íadi jíáfodo ómoína dáititue, jaiái illaíma Salomón ñue cíoiide raana jamánomo ráarede íadi, bie záfia ebírena izói, ebírediroina jítáñede. ²⁸ Mei Juzíñamui daíí raroci ebire cíotaiadi, afémie jeruíñeno ómoína iníroina jítaite, jabo ínotinodiomoi íadi. ²⁹ Afe jira benómona o güíacaga raa, o jirolle diga zuure jenóñeno iri; daa afemo comeci llícitaiñeno iri. ³⁰ Mei bínie comini daa afe izóidemo jártaidiaioi. Mei íadi omoi Móorediomoi. Afe omoi Moo Juzíñamui nana afe ráaniaína omoi jítáillana onódeza. ³¹ Iemona Juzíñamui illáimana illáruimo dúide raamo raire afemo omoi comécioiri. Iemo afémie nana bie raana ómoimo fécaiteza.

Monamo cai jirídollena ofítaredicai

(Mt 6.19-21)

³² Cue izíruiga ovejai izóidiomoiza, jacíruiñeno iri. Dúemacidiomoi íadi, o Moo ie illaímana illano ómoiena maméacade. ³³ Omoimo ite raa fecari. Fécajano raana jítáidinomo ine. Daíí omoi finóadi, Moo Juzíñamui comeci jítainana fñoitiomoi. Iemona monamo ie illánomo ñúefuiai ofitaitiomoi. Daje izói jaca ninomo fúíñeite ñúefuiai ómoiena monamo ómoimo íite. Afénomo merírifiredimie jaca jáinide. Daje izói afénomo ícuai güíñeite. ³⁴ Mei uáfueza, omoi ofitaga raa illánomo, afénomo jíai o comeci íite.

Nágarui ñue finóbiredicai

³⁵ Benómona jaca nágarui ñue omoi finóbifireiri. Nauíllamona comini mechera unéfirena izói, abí omoi rairuri. ³⁶ Jofo naama ocuífregano, áirena ráfueмона meine ie dúciacana uícomo íaioi afémiemo ocuírina izói, afe izói cue billíruimo omoi ocuíriri. Afémaci ñue ocuíridiaioi, afe jofo naama nazémona uáidoia raire íemo túiñuaíbillena. ³⁷ Afe izoide ocuífregano jaca iníñeno íaioi naama bíllemo ñue ocuíridiaioi. Daíí íaioi illa afémie cíozaiBILLA llezica, afémaci ja ñue íaioi finóbillari íóbicaidiaioi. Uáfueña ómoína dáititue: Afe íaioi naama afémacina güiránomo ráinaite. Raina mei dama afémie íaioi güíllena bai ráiziite. ³⁸ Mei nibai dáaferui llezica afémie dúciadi, nibai

monáiacademo afémie dúcia, afémaci uícomo iníñeno ocúridiaíoi. Iemona afémaci íobicaitiaíoi. ³⁹ Iemo jíáfue dibénedo bie izóí omoi onoiri: jofu naama merírizaíbitimie bille monana onóia, afémie iníñeno ocúrite. Iemona jofu naama merírizaíbitinona ie jofona tuíñotañeite, ie raa íaíoi mériñeillena. ⁴⁰ Afe izóí ñue omoi mamériri, mei Nanoide ñima Jitó comíni comécíñeilliruimo ónonino déizaíbite, —daide Jesús.

Raire ínofirede ocuífregamie, íemo jíái ínofinide ocuífregamie (Mt 24.45-51)

⁴¹ Mei jira Pedro Jesumo jíacánote:

—Ocuíraima, bífuena, ¿ñiie comínimo llotio? ¿Dani caimo, nibai nana comíni íena llotio? —daide.

⁴² Jira Ocuíraima daide:

—Mei daa jofu naama ie ocuífrega jabóidillaíma eneno mamede. Jofu naama jica jáiacana uícomo, ie jofu ero raana afe jabóidillaímamo llonódacaide. Afe llezica nana jofu ero táijidino ecállena afémiemo jóonenocaide. Daí jónega jabóidillaíma jaca nágarui ñue ínofiregamiéna írede. Daje izóí afémie ñue onódiména írede. ⁴³ Afe izóidimie nana íemo llonódacaiga raa nágarui ñue finófirede. Ie jira jofu naama meine bille llezica, daí ie íllana cíozizaíbite. Iemona afe jabóidillaíma íere cáimacaite, mei nana ie ocuica raana ñue ícoímo fuitádeza. ⁴⁴ Uáfueña ómoína daidícue, jofu naama afe ínofirega ocuífregamiemo nana íemo ite raa, llonódacaite. ⁴⁵ Mei jíáfodo, afe jabóidillaíma jofu naama are bíñeite daínano, jíáie jofu eromo táijidinona duere finóadi, afe jabóidillaíma íere cacáfinidiména jaide. Mei afe llezica afémie jofu ero táijitátíngo fiéni finódeza. Iemo aillo gúíteza, aillo jiródeza. Jírua mei jíáitateza. ⁴⁶ Daí ie illa llezica, afémie due jiza comécíñeitemo jofu naama dénuaiíbite. Onóñeilliruimo dúciite. Dúciillano afe jabóidillaíma jofu naama jamánomo duere fínoite. Nana jíáie ínofinidino duere zefuilla izóí, afémie íena duere finótaite.

⁴⁷ Ninó daa ocuífregamie ie naama comeci jítailla táijinana onode íadi, áfemo jaca ñue finóbiñede, daje izóí áfemo cacáreacañede, afe ocuífregamie duere finoda íere izi cácatalle.

⁴⁸ Mei jíáie ocuífregamie ie naama jítaillana onóñede íadi, dama fiéni ía, afémie jabo izi cácatalle. Bie jíáie uaimo omoi cácarei. Aillo ígámiemona aillo jícaítiaíoi. Daje izóí ñue ínogamiemo díga ñúfue jónefirediaíoi. Ie jira afe aillo jónefirediamona aillo ócúitiaíoi.

Comíni énenorie ráinuaiíbítícue (Mt 10.34-36)

⁴⁹ Cue bie éniemo írai izóí bónuaiíbítícue. Aferai raire bóollena íere óíacadícue. ⁵⁰ Ja bautismo izoide, izi cácanafuedo facátallicue. Afénomo nai dúcíñedemo raire uícomo aferui dúcíñenari duere zefuífredícue. ⁵¹ ¿Níbai bíñiméno cáimare dájena uái illíufue atídío, cuena daidíomoi? Omoína daítícue, afe izóí bíñédícueza; comíni énenorie ráinuaiíbítícue. ⁵² Mei benómona dáacomó ite cinco dígadimie cue ícoínia eneno ráidoizítiaíoi. Afémacimona daámami cuemo ínoítiaíoi; íemo jadíe enéfenemo ménade ínoñedímáci ráidoizíllanona coníma díga fúírítiaíoi. ⁵³ Cuemo ínuamona da jíto íe moo dínená ruíffruille. Daje izóí jíto íe moo cuemo ínuá jira dájena uái íñeno íena ruíffruillano éoite. Iemo jíái, ei jiza cuemo ínuamona ei dínená ruíffruille.

Dájena uái ñheitiainguai. Daje izói jifaiño cuemo ñnua jira mio dinena ruifruille. Afe ibana mio ie jifaiño diga dájena uái ñheitiainguai, —daide Jesús.

Irairuillai dúciacana onótate raa
(Mt 16.1-4; Mr 8.11-13)

⁵⁴ Afe mei nane comínina Jesús daide:

—Fuirina nairíadi “noci búite” daidiómoi. Afe mei ua bíide. ⁵⁵ Daje izói ñue mona monáillado “fimona baizájilla” daidiómoi. Iemona jaca fimónana jaide. ⁵⁶ ¡Omoi comécina íairena mei abina ñue cíodinodiómoi! Noci biállana onódiómoi, Iemo fimona baizájillana onódiómoi, mei íadi birui omoi cígimo cue finoca onótaitifuaiaina onóñediómoi.

O diga icíritimie raire manánaitari
(Mt 5.25-26)

⁵⁷ ¿Ñibái mei comeci jaícina jóina izói, dani conímamo jicánoñediómoi?

⁵⁸ Daa come o lógidoiacania, riimacimo ómicoi úrizaila llezica, nai ómicoi dúciñena llezica io anamo afefue ñue o záitari, riire jicánoraímamo o ie izájíñeillena. Izire jicánoraímamo o ie izájíadi, afe izire jicánoraíma fiénidino llaitáfiredinomo o izájite. Iemo afémaci ona llavéramo íbaitiaíoi. ⁵⁹ Uafue ona dáitícue o llavétatimie jicaca úcube ie jícaja dieze o íbaiñenia afécomona jaca jino bíñeítio, —Jesús dinori daide.

13

Cai comeci ifue iere raire méidoredicai

¹ Aféruillaido comínimona dáarie Jesumo Pilato jíaimaci fiени faja lluaíbitiaíoi. Naui Galilea imácimona dáarie Juzíñamui íóbillena faga rille fécajilla llezica, Pilato afémacina fate. Fáajano íaíoi die íaíoi fecaca rille die diga Pilato tamede. Daíi ie finuana ¡ññ íaire cíoina! ² Jira Jesús daide:

—Omoi bie Galilea comínimo ¿ññe izói coméciidiómoi? ¿Meita afémaci jíáie Galilea comini baimo fiénidino, jira afémaci raamo jíridiaíoi? ³ Afe izóiñede, ómoína dáitícue. Mei jira omoi comeci ifue omoi méidoñenia, nana daje izói ññé táinocaitiomi. ⁴ Iemo jíáifuemo omoi coméciiri. Naui Jerusalemo iere caífo jica caifóidico ite. Afe iere caifóidico, Siloéna mámeçirede. Afeco díállamona dieciocho diga comini jíitafidiaíoi. ¿Meita afémaci Jerusalemo ite jíáimaci baimo fiénidino? ¿Meita jira daíi zefuídiaíoi? ⁵ Omoína daidícueza, afe izóiñede. Mei jira omoi comeci ifue omoi méidoñenia nana omoi ññé táinocaitiomi, —daide.

Higuera daina llizíñede amena rafue

⁶ Afe mei Jesús bie jíáie íaíoi onóigafue afémacimo llote:

—Da come higuera daina amena ie jacáfaimo rite. Afe mei afena llizíadi daíi eróizade. Eróizaidemo jaca llizíñede. ⁷ Ie jira afémie jacafai uíñotimiena daide: “Ero, daámani fimona bie amena llizíadi daíi eróizai bífiredicuemo jaca llizíñede. Llizíñedeza, mai o tieri. Fia cue jacafai llótaidoteza.” ⁸ Jira afe jacafai uíñotimie uai ote: “Naama, bie fimónamo mai nai cai tieñeilli. Afe amena moi ñue finuano júnaitícue. ⁹ Nibai afemona llizíteza. Mei íadi afemona llizíñenia tielle,” —daide.

Jesús ocózinairuimo abina ana jíicaidingona jíllotate

¹⁰ Jáie ocózinai llaruimo Jesús Juzíñamui uai llorácomo llófuete. ¹¹ Afe llezica afénomo dieciocho fimónamo abina ana jícaillari iráredingo illa. Naui fiénide jóriaí aféngona daíí finoca. Afengo caifo jaícina jaca náidacainide. ¹² Jesús aféngona cíoi llano ie jírite. Daide:

—Ringo, o irárenamona ja jíllotio, —daide.

¹³ Daíí dainano Jesús ie onoi aféngomo bitade. Bitade llezica afengo ñue jaícina náidacaide. Afe dáaruido afengo ñuefue Juzíñamuimo lloste. ¹⁴ Mei íadi áferi Juzíñamui uai lloraco illaíma rícaide, ocózinai llaruimo Jesús afengo jíllotaja jira. Afémie comínina daide:

—Seis diga mona táijiredicai, aféruillaído omoi jílloilena bíredi omoi. Mei íadi ocózinai llaruimo omoi abina jíllotai bíñeno iri, —daide.

¹⁵ Jira Jesús ie uai ote:

—Comécina íairena mei abina ñue cíoidinodi omoi. Omoi cuinaca burro, íemo juráreto ocózinai llaruído ¿meita jainoi ie jíruaillena zuitáñedi omoi? ¿Zuitáfiredi omoi! ¹⁶ Afe izói bie Abrahámona comuídingo ie irárenamona ¿meita ocózinai llaruimo zuitánidicue? Mei aféngona Taife dieciocho diga fimona ja cuinaca izói duere finódeza, —daide.

¹⁷ Jesús daíí daina cacáillano, ie éoidino méaicaidiaíoi. Mei íadi nana comini afe Jesús finoca áillue ñuefuaíri íóbidiaíoi.

Mostaza daina raroci jéenide íji rafue
(Mt 13.31-32; Mr 4.30-32)

¹⁸ Iemona Jesús daide:

—Juzíñamui illáimana illáruina omoi ónoillena ¿mei ñie izói jino cíotaiticue? ¿Ñie izói afénona mámeiticue? ¹⁹ Afe illarui mostaza daina raroci jéenide íjiaí izoide. Daa come aféjiaína ie jacáfaimo rite. Afe jéenide íjiaí ríllamona afe jéejinide zícua caifo amena dínnori aillo zairide. Afe ícairuaimo feede ófocuzai jíllana nitíaioi.

Levadura rafue
(Mt 13.33)

²⁰ Nane Jesús daide:

—¿Ñie izói Juzíñamui illáimana illáruina mámeiticue? ²¹ Afe illáruina “levadura” daina pan aillo fáitate raa izoide. Daa ringo daámami julleco harínana oruítajano afemo due jiza fáitarana tamede. Iemona nana afe íféllana mullada oni aillo móonaitade, —daide.

Ríllrede naze izoide rafue
(Mt 7.13-14, 21-23)

²² Jesús Jerusalemo jailla llezica, áfemo ite jofue comínina llófuete, naa jéenidigobiaimo. ²³ Afénomo dáamie Jesumo jícanote:

—Ocuíraíma, ¿meita jíllotino dúemaci, ero ua? —daide.

Jira Jesús afémie uai ote:

²⁴ —Juzíñamui illáimana illánomo jofo jáirao ríllrede naze izoide. Afe ríllrede naze izóidedo jofo omoi jáillena riire omoi mamériri. Mei ómoína dáiticeza, aillo comini afénomo jofo jáiacaitiaíoi, mei íadi jáinitiaíoi. ²⁵ Mei jofo naama náidacaillano naze íbaille mei, omoi ja jínofenemo fiébiti omoi. Afe llezica nazémona jíjíriti omoi: “Ocuíraíma, naze caímo tuiño” dáiti omoi. Afe llezica afémie jofona uai óite: “Omoi ninó comínidi omoi, ómoína onóñedicue,” dáite. ²⁶ Iemona omoi bie izói dáiti omoi: “Cai, o diga güitícaí,

daje izói o diga jiródicai. Cai jofue cigi iomo caina llófuefiredio,” daíitiomoi. ²⁷ Mei íadi nane afémie uai óite: “Jae ómoína daidicue, ninó comínidiomoiza ómoína onóñedicue. Omoi nana fiénidifue finóñirediomoiza cúemona oni jai,” daíte. ²⁸ Iemona afénomo jino éenaitiomoi. Daje izói zúurenamona murímuritiomoi. Mei Juzíñamui illáimana illánomo Abraham, íemo Isaac, íemo Jacob jofo jáillana cóitiomoiza, naa Juzíñamui uai jino llórainiri. Mei íadi afe llezica omoi ja jino dotállioimoiza. ²⁹ Mei uáfueza, nágafeniaimona billano, diga ínotino Juzíñamui illáimana illánomo jofo jáillano güizáibitiaíoi. ³⁰ Mei afe llezica dámierie óodaficaidino uícoficaitiaíoi. Daje izói dáarie uícoficaidino óodaficaítiaíoi, —daíde Jesús

*Jesús Jerusalén comíniri eede
(Mt 23.37-39)*

³¹ Aféruído fariséuaimona dámierie dúcillano Jesuna daidíaíoi:

—Herodes o fáiacadeza, benómona oni jairi, —daidíaíoi.

³² Jira Jesús uai ote:

—Mai afe iere abi ráiruide egai izoide Herodes omoi llujiri: “Cacai. Bímonado íemo daje izói uire jiti, fiénide jóriaiaina jino óreiticue. Daje izói iráredinona jillotaiticue. Iemo bai ie uire áfemo cue táijina fúitaiticueza,” daíí omoi llujiri. ³³ Mei íadi birui bie cue bíllado nai jáiredicue. Daje izói uire jiti nai jáiredicue, íemo bai ie uire nai jáiredicue. Mei Juzíñamui uai llórainmadicueza, Jerusalén jinomo oni jica tíinidicueza, —daíde.

³⁴ Iemo Jesús éecana daíde: “¡Jerusalén comíni! ¡Níi íaíoi dúerena! Juzíñamui uai llórainina fáfirediaíoi. Daje izói Juzíñamui íaíoi mo orea uai llujitino nófena níjifirediaíoi. ¡Diga icaíño íaíoi na átava ie átavachingo iaico anamo bícua izói, íaíoi na cue anamo bícóacadicue! Mei íadi áfena jíeruiñediaíoi. ³⁵ Ie jira omoi cacai, uire jáíruido omoi jofue zóofegacona mámeite. Omoína daidicue, afénomona are cuena cóñeitiomoi. Mei cuena “Juzíñamui mámeido bítímie caimare íobidímie” omoi daíñelle dinó cuena cóñeitiomoi, —dinori Jesús daíde.

14

Abi fáillari duere zefuídímie Jesús jillotate

¹ Ie mei jíaie ocózinaiillaruimo Jesús fariséuai illaima dine güizájide. Afe llezica jíaie fariséuai Jesumo janónaioicana eróidiaíoi. ² Afénomo Jesús uíecori daa abina fáillari duere zefuídímie illa. ³ Mei jira Jesús ocuica uai llófuefiredinomo jícanote naa fariséuairi.

—Ocózinaiillaruído ¿meita iráredímie jillotarede? ¿Níbai jillotanide? —daíde.

⁴ Mei íadi afémaci uai oñeno tí daí itíaíoi. Iemona afe iráredímie bai uáidota jillotate. Jillotajano, “Mai o jairi,” daíde. ⁵ Afe mei Jesús fariséuaina daíde:

—Omoimona bu ocózinaiillaruimo íemo ite burro, níbai juráreto, ífomo baía ¿meita raire naado óñega? ¡Ocózinaiillaruí íadi jaca raire caífo óñerediomoí! —daíde.

⁶ Afemona afe uaina jaca ónidiaíoi.

Airena ráfue mo uáidoga comíni

⁷ Afe güilláfue mo bite lloga comíni illáicomíni ráirra izóidino ráillena izire jenódiaíoi. Nana uícoficaiacadiaíoi. Jesús áfena cóillano bie izói íaíoi na llófue:

8 —Ninó dáamie áirenafuemo omoi uáidoia, illaima ráiiranomo ráiifheno iri. Mei o baímo jamánomoidimie nibai dúciíteza. ⁹ Iemona omoi uáidote rafue naama omo lluáibite. “O ráiirano mai bimíemo feca,” ona dáite. Afemona íraie ráiiranomo meáire ráiizaitio. ¹⁰ Mei jíáfodo ninó dáamie iráizillena o jíria, bai ícoimo ite ráiiranomo o ráiri. Afe mei o uáidote rafue naama billa llezica, afémie ona dáite: “Cue onógamie, bai benó ñuera ráiiranomo bi,” dáite. Afe daí nana güiránomo o diga ráiiedino eróicana afe rafue naama ñúefue omo jóoneíteza. ¹¹ Mei jira naga come dama ie abina jamánomoidena finoitimie, jamáimiena óreite. Daje izói “Jiba cómedicue” daidímie, jamánomoidimiena jáitaite, —daide.

¹² Afe dáaruido, Jesús ie uáidotimiena daide:

—Güilla rafue o finoa o onógamací uáidoñeno iri, naa o ámatiairi. Daje izói o comíni uáidoñeno iri, naa o ánorí ite ráanaitimaciri. Mei afe íbana ona uáidoitiaíoi. Afe daí íbaja izói máíñoitio. ¹³ Mei jíáfodo güilla rafue o finoa dúeredino uáidori naa aidáimaciri. Daje izói júbene ídainidino uáidori naa uina cíoñedinori. ¹⁴ Afemona iere caimare ítítoza. Mei afémaci afe íbana omo finónidiaíoi. Mei íadi tíide comécina jáicina jóidino ñifuenidino meine abido cáailiruimo o íbaja ízoide raa máíñoitioza.

Aillue güilla ráfuedo jíáfúena ñue cai onótaite

¹⁵ Afe güilla ráfuedo Jesús diga ráiiedinomona bífúena cacáillano dáamie Jesuna daide:

—Juzíñamui illáimana illíruimo nabáiritimie caimare ite, —daide.

¹⁶ Mei jira Jesús íena daide:

—Daa come áillue güilla rafue finode. Afe ráfuedo gairíllena aillo comíni jíritade. ¹⁷ Ja rafue mámiaruímo táijina ñue fuilla llezica, ie ocuífregamie ie uáidoganomo lluájitate, bie izói daíllena: “Ja nana raa ñue finócaza, mai omoi biri.” ¹⁸ Mei íadi afe llezica illa dígamie: “Iere cue jétalle illaza, bínidicue,” daide. Nanóidimie daide: “Como cue íbaca cue jacafai méiñuacadicueza; bínidicueza. Cuena ícíñeno iri,” daide. ¹⁹ Iemo jáimie daide: “Ja cinco diga juráreto naa íaíoi nabai diga íbádicueza. Aféretuai fueñe fácajiacadicueza. Bínidicueza, cuena ícíñeno iri,” daide. ²⁰ Iemo nane jáimie daide: “Como fueñe ringo otícueza, bínidicue. Eróíheno iri.” ²¹ Iemona afe ocuífregamie meine jofomo jaillano ie orédímíemo bie izói íaíoi daízia lluájide. Aferi rafue naama iere ríicaide. Afe jira ie ocuífregamiena daide: “Jofue cígimo ite áillue macáraodo naa duera iodo mai raire jai. Aféuaímona dúeredino naa aidáimaci diga bené atiri. Daje llezica júbene ídainidino naa úmidinori benomo atiri,” daide. ²² Afe méifodo íanori íllamona afe ocuífregamie billano daide: “Cue naama, o ocuilla izói ja finódicueza. Mei íadi nai ñue oruíñede. Nai ráiíllinona ite,” daide. ²³ Iemona afe naama ocuífregamiena daide: “Mai jofue jinómoma joide íuaido, áillue iodo naa dúeodo o jairi. Aféuaímona cue jofu íaíoi oruítabilleza riire oreri. ²⁴ Mei uáfúena ómoína dáitícue: Cue diga güizábillena fueñe cue uáidogamona buna cue finoca güíllena güíñeitiaíoi,” daide.

Crístodo cai jaille Juárezde

²⁵ Aféruillaido diga comíni Jesudo jáidiaíoi. Afe llezica afémie meine gírecaillano íedo jáidinona daide:

26 —Dáamie cuedo jáiacana llezica, ie móotiaina cue baimo izíruiadi cue llófuegamiena ínide. Daje izói dáamie ie aina, ie úruiaina, ie ámatiaina, daje izói dama ie abina cue baimo izírui, afémie cuedo bínide. 27 Daje izói dáamie cuedo jailla ícoinia ie tilla izire oía afémie cue llófuegamiena ínide. 28 Bífueмо comeci facari: ómoimona dáamie jofo níacana úicodo, fueñe comeci facade. Daií comeci facárede ie ofítaga raa ñue nállana fuite dánana onóillena. 29 Dáamie daií comeci fácañenia, jofo jáillirai ie naidánia mei, figo ofíñena jira ñue fuitáñeno zoofeite. Iemona afe mei áfena cíoitino afémiena zánoitiaioi. 30 “Bímie jofo níacade íadi fuitánide,” daítiaioi. 31 Daje izói daa illaíma jóbairiacana úicodo fueñe comeci ñue facárede. “¿Meita cuemo ite diez mil fuíríraini, baie cai diga fuírízaibite veinte mil fuírírainina, nibai anáfenoredicai? ¿Nibai nai anáfenonidicai?” daií comeci raire úicodo facárede. 32 Afémie ñue comeci fácano: “Baie bitino anáfenonidicai” daiíadi, afémie afe fuírízaibitino nai dúciñena llezica, manánaillena llujájitinona óreite, icíríñeno dájena illifue jíacánollena. 33 Afe izói ómoimona ninó dáamie nana íemo ite raana zóofeacañenia, cue llófuegamiena jáinide.

*Sal ie ríino íñenia jaca ráifíñede
(Mt 5.13; Mr 9.50)*

34 Sal jaca ñuera, mei íadi ie ríino íñenia jaca jáíe raamo jóonenide. 35 Jacafai éniemo jóonegana canóñede. Daje izói riga raa junáillena fiénide. Jaca éenoñeno oni dotárede. Aquie izóideza cacácadino mai omoi cacai, —daide.

15

*Oveja oni féiraila rafue
(Mt 18.10-14)*

1 Afe mei nana gobierno íbátaga úcube llínoraímaci naa fiénidifuiáiredinori Jesús úrillamo cacárezaibitiaioi. 2 Iemona fariséuai naa ocuica uai llófuefiredino Jesús zanódiaioi; daidíaioi:

—Bímie fiénidifuiáiredinona caimare uáidota afémaciri güite, —daidíaioi.

3 Afemona Jesús bie onótatífue llotte:

4 —Ómoimona dáamie cien diga ovéjaiai ia, afe ovéjaiaimona daa féiraia, áfena riire jénoite. Mei uáfueza, afémiemo fiébide noventa y nueve ovéjaiai fíano afe daa féiraitena afémie baille dinó riire jénoite. 5 Afe mei afe féiraitimie baillano caimare ie fecábemo bítano jofomo uite. 6 Jofomo dúcillano ie onóigamacina naa ie aino comíniri dáanomo gairitajano íaioina daíte: “Ja féiraite oveja cue báigaza. Mai cue diga caimare omoi iri.” 7 Mei jira ómoina daidicue: “Afe daje izói daa fiénidifuiáiredimie ie comeci ífue méiduari monamo itino jamánomo íóbidiaioi. Mei íadi noventa y nueve diga comeci ífue méidonide Juzíñamui mona oni nibéfedo jáíñedinori jofófemo íóbidiaioi.

Úcubetuni niné baílla rafue

8 Bie jáíe ñúefueмо omoi cacarei. Daa ringomo diez diga úcubetuni ite. Afemona dáatuni baiide. Afe jenóllena mechera unede. Afe llezica jofo ero rafode. Afe bie izóidedo afe úcubetuni jenócana uite ie baille dinó. 9 Afétuni ie baíllamona ie onóingangotiai naa ie aino imáciri dáanomo íaioi gairítano íaioina daide: “Jae niné baíde úcubetuni ja cue báigaza, mai cue diga caimare omoi iri.” 10 Nane ómoina daíticue: “Afe izói fiénidifuiáiredimie ie comeci ífue méiduari Juzíñamui abi imaci iere íóbidiaioi,” —daidicue.

Moo anámona oni botade jító rafue

¹¹ Jesús nane jiáifue llote:

—Daa come mena jítórede. ¹² Afe íaillinoimona íraímie ie moona daide: “O fecalle ráamona cuemo duide dibene cuemo ine,” daide. Iemona afe íaillinoi moo íemo ite ráaniai íaillinoimo fecade. ¹³ Afe méifodo íanori íllámona íraímie íemo duide ráaniai jiáimamo fecade. Fécajano afe íba úcube llínota jica jiáie éniemo jaide. Afénomo afémie iere fiéni ílláfuemo jaillano, nana ie llínoga úcube táinomo dótajide. ¹⁴ Iemo ie uiga úcube fuite. Afe llezica afe éniemo aillo júbietaidimaci. Aféruillaído afémie iere jufíruite. ¹⁵ Iemona afeno ítímiemo táijina jénuaide. Iemona afe énie ímie ie tóica meróniai uíñollena orede. ¹⁶ Afémie iere júbie méiniamona meróniai ecáinamona güiacade, íadi ninó buna ie ecáñena. ¹⁷ Afemona afénomo dama comecei facade: “Cue moo jofomo ñue ecaca táijitagano ¡ñi aillo illa! Íaíoi jeírillamona fiébfifrede. ¡Cue nibai benomo júbieri tíitícue! ¹⁸ Meine cue moo illánomo jáitícue. Dúciillano íena dáitícue: Moo, omo fiénidifue finódicue. Daje izói Juzíñamuimo fiénidifue finódicue. ¹⁹ Cuen a cue jító dáíñeítoza. Fia o táijitagamiéna mai cue mameri, dáitícue,” afémie comecei facade. ²⁰ Daí íe comecei faca mei, iodo ie moo diné jaide.

Afémie nai jica ítemo ie moo íena ciode. Cíoillano afémieri iere dúecaide. Iemona moo ie jító dine aizícana jaide. Dúciillano ie jítóna iere caimare llínote. Llínuano íena ñítade. ²¹ Afe mei jító ie moona daide: “Moo, Juzíñamuimo fiénidifue finódicue, daje izói omo finódicue. Cuen a nibai cue jító dáíñeítoza,” daide. ²² Mei jiáifodo afémie moo ie ocuífíregamacina daide: “Mai raire jamánomo ñúecuero jenoda atiri, afémie jítálleza. Daje izói ebírede onocai icuífoi jítari. Daje llezica ie eiba íco jítari. ²³ Afe dáaruido farede juráreto jiza fatá atiri. Afe ritá cai íráizilleza. ²⁴ Mei bie cue jító tíilla izóidinomona meine cáadeza. Daje izói ja niné féiraité baitícaíza,” daide. Afemona caimare íráizítiaíoi.

²⁵ Bie féiraitímie dúcina llezica, ie ama nánoramie jino jacáfaimo ite. Afénomona bítemo, jofó áinomo dúcidemo íaíoi íráizilla naa íaíoi rúaniai caina. ²⁶ Ie jira jofómona daa táijítáfíregamie jítócome uáidota jicánote: ¿Mínica rafue finódiaíoi? ²⁷ Afe jítócome íena daide: “O ama dúcina. Afe jira o moo farede juráreto jiza fatátate, mei ie jító ñue íránimo meine dúcina jira,” daide. ²⁸ Mei áfena fidíillano ie ama nánoramie iere ríicaide. Ríicaillano jofó afénomo jáiacañede. Afe jira ie moo afémie diné lluájide. Jofó bíllena caimare íena bífúiaide. ²⁹ Afe llezica ie moona daide: “Onódioza diga fimona o diga ñue táijífredicue. Jaca o uaina oni caitáfínidicue. Mei íadi jaca ninó daa duera cabrito cuemo fecáñedio, cue nabáíñiaíri cue íráizillena. ³⁰ Mei íadi birui bie o úcube jiruífíredingotiaímo dotádímie bíllamo afémie íena farede juráreto fatátatio,” daide. ³¹ Jira íe moo afémiena daide: “Cue jító, o jaca cue diga ífíredio. Cuemo ite raana nana omo dúideza. ³² Mei íadi bie ráfuena cai fínuaana ñue jaícina joide, caimare cai íllena, mei o ama tíilla izóidinomona meine bíteza. Daje izói ja niné féiraité baitícaíza,” daide.

16

Aillue jofó jabódíllaíma izoide rafue

¹ Jesús nane ie llófuegamacina daide:

—Daa aillo ráaredimie ite. Afémiemo ie táijirainina ócuifirede jabóidillaíma ite. Jiáimaci afe ráaredimiena lluaíbitiaíoi: “O jabóidillaíma omo ite ñuera ráaniaina táinomo dotádeza. Afémie figo ocuífede,” daidiaíoi. ² Ie jira ráaredimie jabóidillaíma uáiduano daide: “O finócafuena cue cacana çñie izóí joide? Omo cue iga cue jofo rafue rábiai cuemo izáibiri, mei cue jabóidillaímana íñeitioza. Nana omo cue jónegafue o záitalleza. ³ Iemona afe jabóidillaíma comeci facade: “Cue ocuidimie ja oni cue dotádeza çñie izóí fñoitícue? Mairíñedicueza, jacafai tiédimiena índicue. Comínimo úcube fia jícana meáruitícue. ⁴ Cue táijina fuille mei jiáie comini cue íaíoi llínollena, cue finóllifue ja onódicue.” ⁵ Ie jira nana ie ocuidimie ibáredena ítímiaí dámierie dáanomo jírillano daide: “O ibáredena cue ocuidimie çnieze ite?” fuéñeidimie jicánote. ⁶ Afémie uai ote: “Cien diga látaniaí cáirediji afémiemo cue íballe ite,” daide. Iemo jabóidillaíma daide: “Benó o íbállibe ite. Mai benó raire ráíllano, cincuéntana llotíbena cúeiri,” daide. ⁷ Afe mei jiáíma uáiduano jicánote: “O íbállena çnieze ite?” daide. Jira afémie íena daide: “Cien diga costales trigo afémiemo cue ibáredena íte,” daide. Jira jabóidillaíma íena daide: “Benó o íbállibe ite. Cómobemo ochenta diga costales cúeiri,” daide. ⁸ Ocuídímie áfena fidíllano, afe íbállibe táinona méidotimie iere báitafue nitade. Iemona ja onóigaza, bínie comini dani íaíoi nícidogafuaína Juzíñamui ínotino baímo iere baitádiaíoi.

⁹ Bie izóí omoi íllena llóitícue. Bie fiénide énie ráaniaído, mai omoi nabáíñiaína maíñori, ráaniaí fuilla méifodo ómoína jofo íaíoi llínolleza. Mei ómoímo ite ráaniaí ñue omoi uíñuado omoi ñue ínofirenana jino comínimo ácataitímoíza. Afe izóí Juzíñamui omoi ñue ínofirenamona Juzíñamui íe zíñona íllánomo ómoína llínoíteza.

¹⁰ Due jiza ite raana ñue uíñotímie daje izóí aillo raa íemo íadi áfena afémie ñue uíñoite. Mei jiáfodo due jiza ite raana figo uíñoñedimie daje izóí aillo raa íemo íadi afémie áfeniaí figo uíñoñeite. ¹¹ Ie jira bie fiénide éniemo ite ráaniaí figo omoi uíñoñenia, çbu mei zíñona ráífide ráaniaí ómoímo fecalle? ¹² Daje izóí jiáímacímo jainaíde raana figo omoi uíñoñenia, çbu mei ómoímo dúide raa ómoímo fecalle?

¹³ Dáaruido buna mena ocuidimie jaináinide. Iaillinoímo o jaináiaí dáamiena éoitio, jiáímana ízírúitio. Daje izóí dáamie ñue ínoítio, jiáímana jámairúitio. Mei jira onóigaza: Juzíñamui o náamataja llezica úcube abímo náamatandio, —dínó Jesús úrite. Daí Jesús úrilla llezica fariséuaí ímiaí cacáreidiaíoi.

¹⁴ Afe fariséuaí úcube gáidino Jesús úrilla cacáillano uáitano íeri zadáidiaíoi. ¹⁵ Mei jira Jesús daide:

—Comini eróicana ñúemacina abí maméíomoi, mei íadi omoi comeci ífuena Juzíñamui ñue onode. Mei jii, comini mameca jamánomoidímiaína Juzíñamui éoide.

Juzíñamui ílláímana íllaruí llua uai naa jiaíai Moisés ocuica uai diga

¹⁶ Jiaíímona Juan Bautista íllágimamo, comini Moisés ocuica uaimo dúidiaíoi. Daje izóí Juzíñamui uai jino llóraíni llógamo dúidiaíoi. Iemo aféruimona bené Juzíñamui ílláímana íllaruí ñuera uai llócaíga. Iemo afénomo jofo íaíoi jáíllena ízire nícidotiaíoi.

¹⁷ Mei bínie naa mona diga niné táinocaiadi, illa diga ocuica uallai táinomo faiñeno ñue ícoimo fuitárede.

*Jesús ima ie ai dotajado úrite
(Mt 19.1-12; Mr 10.1-12)*

¹⁸ Daa come ie ai dotáadi, íemo dótano jáiie ringo óiadi, afémie ja jiruifue finode. Daje izói afe dotácango aina otímie ja jiruifuemo baíide.

Aillo ráaredímie íemo Lázaroná mámeciredímie diga

¹⁹ Daa iere ráaredímie ite. Afémie iere ñúecuiruai jirófírede; illaíma jítáoiaróillai jítáfírede. Afémie nágarui ñue finóbilla rafue finófírede. ²⁰ Daje llezica afénomo dúeredímie Lázaroná mámeciredímie ite. Afémie abí mallízaina oruide. Ráaredímie naze fuemo ráiizafírede. ²¹ Bie dúeredímie ráaredímie güirábanimona dótáfírega güille alla güífírede. Ie ráina llezica, jicóniai ie mállie miáibífirede.

²² Afe mei diga irui íllamona dúeredímie tíide. Afémie Juziñamui abí imaci monamo ite paraiso dáina ñúenomo uíga. Afeno afémie Abraham abímo ite. Afe mei jáí, ráaredímie tílla raitíaiói. ²³ Ráaredímie comíni duere finólliraimo duere zefuilla llezica, caífo érocaide. Erocaide íadi Lázaro Abraham diga ráiinana jícana cíode. ²⁴ Iemona afe ráaredímie caillide: “Cai jáiai Moo Abraham, cuemo dúecaí. Lázaro bené ore, iere due jiza jáinoina cue jirótaíbilleza, cue íife manánaitallena. Mei bie iraimo iere duere zefuídícueza,” daíde. ²⁵ Mei íadi Abraham íena daíde: “Nauí o illáfúemo comeci faca. Aféruillaído iere ñue ítio. Mei íadi aféruído bie Lázaro iere duere ite. Mei jáíifodo birui afémie benó iere caímare ite. Afe llezica o duere zefuídío. ²⁶ Bie baímo, coco cígiri jáiie iere afóredino ite, jira benó ítino jáiacade ía, jáínide. Daje izói o illánomo ítino caífo benó bíacadaíoi ía, bíndiaíoi.”

²⁷ Mei jira ráaredímie íena daíde: “Cai jáiai Moo Abraham, Lázaro batí cue moo jofomo o oréllena izire jicádícue. ²⁸ Cue cinco dígade ama benomo bie duere zefuíllanomo íaiói bíñeíllena llotátari,” daíde. ²⁹ Mei íadi Abraham íena daíde: “Afémacimo Moisés naa Juziñamui uai llóraini diga cúegana ite. Afe uáíllaímo náfueítiaíoi,” daíde. ³⁰ Jira afe ráaredímie uai ote: “Cai jáiai Moo Abraham, jii, mei íadi tíidinomona dáamie íaióimo llujáíadi, íaiói comeci ífúena méidoítiaíoi,” daíde. ³¹ Mei íadi Abraham íena daíde, “Afémaci Moisés naa Juziñamui uai llóraini uaina náfueñenia, daje izói tíidinomona jáídino uaina íinoñeítiaíoi,” daíde.

17

*Fiénidífuemo come baíilla iere jacírede
(Mt 18.6-7, 21-22; Mr 9.42)*

¹ Jesús íe llófuegamacina daíde:

—Jaca nágarui comíni fiénidífuemo baíítafue íteza. Jáíimana fiénidífuemo baíítatímie jnií dúerenai ² Trigo llaiéra áíllue nóficina afémie cimóimo ícoínota monáíllaimo dotácana baímo ñuera; úrue izói como ínotinomona dáamie fiénidífuemo baíítañelleza. ³ Afe izóidemona abí omoi rairuiri.

O ama omo fiénidífué finóadi, afémiena lletari. Afemona afémie illafue íe méidoía, caímare íena uáídori. ⁴ Mei dáaruido afémie siete dígacaiño o fiéni finóadi, íemo siete dígacaiño ona “Ja daí omo íñeítícue” afémie daízaíbiadi, jaca ninomo íena caímare uáídoítio, —daíde.

Juziñamuimo cai ñnua riñorede

⁵ Jesús orécano íaioi Ocuíraimana daide:

—Jamánomo cai ñnotari, —daide.

⁶ Mei jira afe Ocuíraima íaioina daide:

—Due uáfueña o ñnoiadi riñrede raana finóredio. O ñnogafue diójina eroide mostaza íjai íeenina izoide íadi, bie sicómoro daína aménana bie izói daiñredio: “Caifo áijicaillano monáillajimo zójojai,” daiñdionia afe amena o uaina ñnoite.

Tájitafiregamiemo dúidifue

⁷ Omoimona daa cómemo ie tájitagamie íadi, afe tájitagamie jacáfaimona tájiano meine bíadi ¿Meita “Mai ráiizaibi, o écaiticue” daíitio? ⁸ Daiñide. Mei jiáfodo afémiena ñue daíitio: “Mai cue güille finori. Güillano cue jirolle llezica nana cue jitailla raa diga bai atíllena, mamériri. Afe méifomo güillano jiroitioza.” ⁹ ¿Meita nana afémiemo ocuállana finuana ocuídime íena “Figora” daiñrede? Daiñede. ¹⁰ Afe daje izói, nana Juziñamui ómoimo ocuica omoi finua fuilla mei, bie izói daiñrediomoi: “Ñue tájiraímaciñedicaí. ‘Tere figomaci’ caína daiñide. Mei dani caimo duide raa finódicaiza. Baímo jiáie finóñedicaí.”

Jesús diez diga chíñaitino jíllotate

¹¹ Jesús Jerusalemo jailla llezica, Galilea énie fuédamo ite duera jófuego dúdice. Afe jofue daje izói Samaria énie fuédamo ite. ¹² Afe jófuego dúciacana llezica, diez diga chíñaitino jino bai Jesús diné bitíaioi. Mei íadi afémaci Jesúmona bai jica fiébidiaíoi. ¹³ Afénomona riñre íena daiñdiao:

—Llófueraíma Jesús, caimo dúceai, —daiñdiao.

¹⁴ Jesús afémacina cíoilano daide:

—Batí lletárirainimo omoi abi ácataji, —daide.

Afénomo íaioi jailla llezica íaióimo ite dúcuai jacáibicaide. ¹⁵ Iemo afémacimona dáamie ie abimo ite dúico jacáillana cíoilano, Jesús diné abido bite. Billa llezica Juziñamuimo riñre cáimadote. ¹⁶ Jesumo dúciillano afémie ana éniemo fueco diné bijicaide, Jesuna figora daiñllena. Afe bie izói daiñdime Samaria ímie. ¹⁷ Jira Jesús daide:

—¿Afe dúicomona jíllotaga diez dígamieñede? ¿Néemei jiáie nueve dígamie?

¹⁸ ¿Meita dama bie jicánemiena Juziñamuina abido cáimaduabilla? —daide.

¹⁹ Iemona Jesús afe ífmana daide:

—Náidacaillano mai jai. O ñnuamona o dúicomona ja jíllodioza, —daide.

Juziñamui illáimana illirui billana nie izói ónoiticaí
(Mt 24.23-28, 36-41)

²⁰ Fariséuai Jesumo jicánotiaíoi, “¿Ñirui Juziñamui illáimana illirui biite?” Afémie uai ote:

—Juziñamui illáimana billirui jaca cíoñena. ²¹ Afena “Ba ñie” daiñide. Daje izói “Bai batí ite” daiñide. Mei Juziñamui illáimana illino omoi cígimo ite, —daide.

²² Afe mei ie llófuegamacina daide:

—Uire jiáiruido daa birui cue illa izóidiruina cíocaitiomoi, mei íadi cíoñetiomoi. ²³ Jiáimaci ómoína daítiaíoi, “Be ñie,” íemo nibai “Batí ite” daítiaíoi. Mei íadi afénomo jáiñeno iri. Daje izói afémacido jáiñeno iri. ²⁴ Mei ameo llairilla mona enéfemona jica jiáinomo cíoina izói, Nanoide íima Jitó

billirui afe izói cíocaizaibite. ²⁵ Mei íadi aferui nai dúciñeille llezica, afémie fueñe jamánomo duere zéfuite. Daje izói bigímaiai íena ruifíruitiaioi. ²⁶ Noé illágimamo comini iere fieni illa izói, afe izói cue billíruimo comini fieni íitiaioi. ²⁷ Noé ie finoca áillue nocaemo jáiñena llezica, nana comini ie lloga uaina náfueño fia güïoidiaioi. Güillano jirófirediaioi. Afe llezica íaioi fieni illafue méidoño áireoidiaioi; íemo íaioi jízanai iníreitaoidiaioi. Jaca daí ítiaioi abina Noé jofo áillue nocaemo jaide. Iemo aillo noci bíide. Jamánomo billamona nana afémaci coróbaitiaioi.

²⁸ Iemo Lot illágimamo afe izói ite. Juzíñamuimo coméciño güïoidiaioi. Güillano jirófirediaioi; íbajano fécafirediaioi. Jacáfaiaina ritiaioi, íemo jofóniaina nioicaidiaioi. ²⁹ Mei íadi afe Lot Sodoma jófueмона jino bítemo, monámona réiciai noci bílla izói cocide. Afe llezica iere uzire boode ‘azufre’ daina raa cócia. Afemona nana tímádimaci. ³⁰ Cue Nanoide íima Jitódicueza, cue cíocaizaibillirui afe izoite.

³¹ Aféruimo daa come ie jofo caifófecomo íadi, ie jofo eromo ite ráaniaina jofo jaillano báruainide, afénomona botádeza. Daje izói dáamie jino jacáfaimo íadi, abido ie jofomo bínde. ³² Lot aimo omoi uíbicaí. ³³ Ie caana rairuíacadímie áfena afémiemona féite. Mei íadi ie cáanana lloñédímieмона afe féiraiño, áfena baimo ziiño íllinona máíñoite.

³⁴ Iemo nane ómoína dáitícue, cue dúcille naio, mena come dájena ínia llezica, íaillinoimona dáamie oni uille. Jáímie fiébicaite. ³⁵ Daje izói mena ringo daane trigo lláia llezica, íainguaimona dango oni uille, jíáingo fiébicaite. ³⁶ Daje izói mena íima jino jacáfaimo tájina llezica, íaillinoimona dáamie oni uille jíámie fiébicaite, —daide.

³⁷ Daí ie dánana cacáillano, ie llófuegamaci íemo jícanotiaioi:

—Cai Ocuíraima, ¿mei ninomo?

Jira afémie uai ote:

—Ínóniai dáanomo gairízaífirenamona, rille rifáillanona ñue onódiomoi. Afe izói fieni finódino oni íaioi úillemona dani íaioi duere finóllinona uáfueña onóigaza.

18

Daa fecingo comínimo riire jícanoraímamo jícajifrede

¹ Afe mei Jesús ie llófuegamacimo daa rafue mamede, nágaruillai fáicanocaiño Juzíñamuimo íaioi jícafireillena. ² Íaioina daide:

—Jófueмо daa Juzíñamuina náfuefinide comínimo riire jícanoraíma ite. Daje izói jíáimacina lloñede. ³ Afe daje jófueмо daa fecingo ite. Afengo afe jícanoraímamo úrizaibite. “Cue diga ícíríacadímiena mai ñue jaícina jícanori,” daide. ⁴ Diga ícaíño afengo afémiemo jáidemo, afémie afengo uai jeire oñede. Mei íadi méifomo afémie comeci facade: “Juzíñamuina jacíruiñedicuena, daje izói comini uaina náfueñedicuena, ⁵ mei íadi bie fecingo diga ícaíño cuemo zefuire bíbideza, aféngona ríidoitícue. Afemona afengo cue dine bíñeilleza. Daí afengo are cue zéfuínaitañeilleza,” daí comeci facade.

⁶ Jira Ocuíraima daide:

—Daí bie fiénide comínimo riire jícanoraíma daide. ⁷ ¿Meita Juzíñamui ie nízécanona, afe ie mona naio diga íemo izire jícadínona ríidoñeite? ¡Raíre íaioina ríidoiteza! ¿Meita “Fui ómoímo llóitícue” íaioina dáite? Dáiñeite.

8 Omoína daidicue, afémie juare dibáñeno raire íaioina ríidoite. Mei íadi Nanoide fima Jitódicueza meine cue bíadi, ¿meita cuemo ínotino íite? ¿Meita íñeite?

Fariseo, íemo gobierno íbátaga úcube llínoraíma izoide rafue

9 Jesús nane jíáfue llote, abí ínuana jíáimaci jámairuitinona ñue llófuellena. Daíde:

10 —Mena íima íaillínoí Juzíñamui jofomo Juzíñamuimo úrizaide. Dáamie fariseo ímie; jíáima gobierno íbátaga úcube llínoraíma. 11 Fariseo ímie naídáicana bie izóí Juzíñamuimo úrite. “Moo Juzíñamui, ona figura daidicue, mei cue bie jíáie fiénidino izóíñedicueza. Jaca meríríñidicue, jíáimaci jífuefíñidicue, daje izóí jiruínidicue. Afe baimo bie gobierno íbátaga úcube llínoraíma izóíñedicue. 12 Naga semánamo ménacaiño güíñeno ífiredicue Juzíñamui íóbitallena. Nágari cue oga úcubemona, Juzíñamuimo dúide raamo afémiemo fecáñedicue,” daíde.

13 “Mei íadi afe gobierno íbátaga úcube llínoraíma monamo érocáñeno oni jica fiébite. Dinó ie illa llezica, iere dúeredicue, daínano ie abí iere zuure fínode. Fínuano daíde: “Aí, Juzíñamui mai cuemo dúecai. ¿tere fiénidífuiaíredímíedicueza!” daíde. 14 Omoína dáíticue, afe úcube llínoraíma Juzíñamui anamo ñue llófomo jaiide, mei íadi afe fariseo ímie ñue fínoñega jailla. Mei uáfueza, abí ínota jamánomoiacadímie anáfecaíde. Mei íadi abí ínoñeno comécina mánaídímie daídímie jamánomoidímiena jailla, —daíde.

*Jesús úruiaí ñue íllena fínode
(Mt 19.13-15; Mr 10.13-16)*

15 Afe llezica comíni íaioí jézaínidino Jesumo atídíaióí, afémacimo onoi bíallena. Mei íadi áfena ie llófuegamaci cioillano afe atídinona rairuídíaióí.

16 Mei jíáfodo Jesús ie llófuegamaci uáiduano daíde:

—Afe úruiaí dama cue díné bitíaióiza. Afémacina rairuíñeno iri. Mei Juzíñamui illáimana illíruimo jáitino bie úruiaí izóídíaióí. 17 Uáfueña omoína dáíticue, ía comécina mánaide úrue izóíñedímie Juzíñamui illáimana illíruimo jaca jofó jáíñeite, —daíde.

*Ráarede jíto come Jesús díga úrilla
(Mt 19.16-30; Mr 10.17-31)*

18 Illáicomínimona dáamie Jesumo jícanote:

—Ñuera llófueráima, zííñona cue íllena ¿nie izóí íredicue? —daíde.

19 Jesús íena daíde:

—¿Nibái mei cuena “Fígomíedio” daídío? Abí díné jíáie ñúemiena íñede. Dama Juzíñamui ñuena. 20 Cai ocuína uáíllaina cacádíoza: “Jiruífueña fínoñeno iri, jíáimana fañeno iri, meríríñeno iri, jíáimamo taino lloñeno iri, o moo o ei díga ñue jacíruri,” —daíde.

21 Jira afémie Jesuna daíde:

—Bíuáíllaina cue dúemíeniadi jaca nai biruido jeire ófiredicue, —daíde.

22 Afena cacáíllano Jesús daíde:

—Mei íadi omo nai daafue fiébite. Nana omo íte ráaniaí fécano, afe íba dúeredínomo íne. Afemona monamo íte zííñona ráífide raa óiena íteza. Afe o ráaniaí fecalle mei, mai cuedo bí, —daíde.

23 Mei íadi áfena cacáíllano iere zúucaíde, mei afémie iere ráaredeza.

²⁴ Jesús ie zúucaillana cíoullano daide:

—Iere ráaredimie mei íadi ie ráaniaina cue baimo afémie izíruiadi, Juzíñamui illáimana illíruimo jofo jáillena ¡nii juárena! ²⁵ Camello mámecirede áillue rille eedo uífodo enéfenemo jailla juánide, mei jiáfodo iere ráaredimie Juzíñamui illáimana illíruimo jaille iere juárede, —daide.

²⁶ Aféfuena cacáдино íena daidíaioi:

—Iemona ¿níimie jilloille? —daidíaioi.

²⁷ Jira Jesús íaióina daide:

—Comínimona finónide raa Juzíñamui finórede, —daide.

²⁸ Afe mei Pedro íena daide:

—Ocuíraima, odo bíllena caimo ite raana fiénocaidicai, —daide.

²⁹ Jira afémie uai ote:

—Uáfuenta ómoina dáitícue, Juzíñamui illáimana illano ícoinia jofo fiénocaitimie, daje izói ie móotiai naa ie ámatiairi fiénocaitimie, daje izói ie ai naa úruiairi fiénocaitimie ³⁰ nai biniemo ie illa llezica aillo baimo lláinoite. Afe mei monamo zíñona illino máifioite, —daide.

Jesús nane daánono ie tíillifue lloste

(Mt 20.17-19; Mr 10.32-34)

³¹ Jesús oni eneno doce dígade ie llófuegamaci uillano daide:

—Ja birui Jerusalemo jáiticaiza. Afénomo nana jaiari Juzíñamui uai llóraini Nanoide íma Jitó cuela uai jino zúilleza. Nanoide íma Jitódicueza.

³² Afeno jicánemacimo cue fécaitiaioi, íemo cuena jifánodoiítiaioi, íemo cuena báifioitiaioi, íemo cuena túallaitiaioi. ³³ Iemo cuena rázido fáitiaioi. Afe mei cuena títaitiaioi. Mei íadi daaruíamani íllemona tíidinomona meine abido cáadimiéna íitícue.

³⁴ Afe bífuiaina afémaci jaca onóñediaioi. Daje izói nímedio úriteza onóñediaioi, mei aféfuiaí afémaci baitánide.

Jesús Jericó ímie uínidimie jíllotote

(Mt 20.29-34; Mr 10.46-52)

³⁵ Jesús Jericó jófueмо áinozilla llezica daa uínidimie io fueмо ráiide. Afémie fia úcube jicáfírede. ³⁶ Aillo comíniai jáillana cacáillano afémie, “¿Níifue comuilla?” daide. ³⁷ Jira afémiemo llotíaioi, “Nazaret ímie bíedo jailla,” daidíaioi. ³⁸ Jira afémie jíríoicaide:

—Davidmona comuídimie Jesús, Mesía dainámie mai cuemo dúecai, —daide.

³⁹ Uícodo jáidino afémiena “Uriñeno llíicai,” daidíaioi. Mei íadi afémie nai riire caillide:

—Davidmona comuídimie, Mesía ímie mai cuemo dúecai, —daide.

⁴⁰ Iemona Jesús náidade. “Afémie cue diné omoi uaji,” daide. Afémie dúcizaibilla llezica Jesús jicánote:

⁴¹ ¿Minícana jítaidio, omo cue finólleza?

Jira uínidimie uai ote:

—Ocuíraima, meine uído cíóacadicue, —daide.

⁴² Jira Jesús íena daide:

—Mai érocai. O ínua ícoinia ja jíllodio, —daide.

⁴³ Daií daina llezica, uínidimie ñue ciodo. Afe mei afémie Juzíñamuimo caimátaicana Jesudo jaide. Daje izói nana afe uínidimie jíllonana cíódino Juzíñamuimo caimátaoidiaioi.

19

Jesús Zaqueo uáiduaide

1 Afe mei Jesús Jericó jófueмо dúcillano, afe jofue cígido jaide. 2 Afénomo daa ráaredimie ite. Afémie mámeци Zaqueo. Afémie gobierno ibátaga úcube llínoraímaci illaíma. 3 Bie Zaqueo Jesuna cíoiacade ie ónoillena. Ua Jesuna cíoiacade mei íadi íena cíónide, aillo comini illaza, íemo jíai afémie iere íámieza. 4 Ie jira Jesús uícomo aizícaillano, sicómoro daina aménamo caifo llóde Jesuna cíoillena. Afe amena Jesús jáillino áinori ite. 5 Jesús áfedo jailla llezica, caifo íemo érocaide. Iena daide:

—Zaqueo, raire ana bi. Birui o jofomo fiébiticueza, —daide.

6 Ie mei Zaqueo raire ana billano Jesuna caimare llínote. Ua Zaqueo jofomo jáidiaillinoi. 7 Comini áfena cíoillano, nana áferi úrizidiaíoi. Daidíaioi:

—Jesús fiénidimie jofomo fiébizaide.

8 Iemo Zaqueo náidacaillano Jesuna daide:

—¡Ocuíraíma, ero! Cuemo ite ráaniaímona dúeredímacimo átuedo fécaíticue.

Daa come jífuiano nauí merídícuenia áfena afémiemo meine abído izájiticue. Nane afe emódomo dacaiñoámani afémiemo ííticue, —daide.

9 Jira Jesús íena daide:

—Daií o fínuamona Juzíñamui lloga jíllonafue birui jeire o úana ja onódicai. Nauí féiraitio, mei íadi birui ja jíllotagao. Ja Abraham comuítagamiedio. 10 Mei jíi, o izoide ja oni baízaidino jenoda jíllotaíbiticue. Nanoide íima jítódicueza, —daide.

Diez dígade úcubetunimo mameca rafue

11 Jesús bífuiaido úrillana comini cacana llezica, afémie daa rafue íaíoimo llote. Mei Jerusalemo afémie áinozioicaidemo, afémaci comécido “Juzíñamui illáimana illírui ja raire dúciacade,” daidíaioi. 12 Jira Jesús íaíoina daide:

—Daa íima núemacimona comuídimie. Afémie oni jica jíáiniemo jaide, afémaci illáimana afémie íaíoi jóoneacadiaíoi. Afe mei afémie nane abído bíite. 13 Nai ie jíáíena llezica, ie tájítaganomona diez dígamie uáidote.

Uáiduano illa dígamieмо daa iere ráífide úcubetuni fecade. Feca llezica íaíoina daide: “Bie úcubetunido nai cue bíñeille díno ráaniai oíri. Ua mei, afe fécamo aillo úcubena oni jóoneri,” daide. 14 Mei íadi dama ie illano comini afémiena éoidiaíoi. Eoillano afémie óodana llóitino orédiaíoi. Llotíaíoi: “Cai illáimana o íllena jítaíñedicai,” daidíaioi. 15 Mei íadi afémie illáimana jóonega. Jóonia mei dama ie éniemo jaide. Dúcillano úcubetunillaina ígámiaí bai uáidote. Uáiduano illa dígamieмо jícanote: “¿Ja nieze úcubena ofítatio?” daide. 16 Nano jíirigamie íena daide: “Ocuíraíma, o úcubemona diez díga baímo óiena nabáidícue,” daide. 17 Ie jira aféllaíma uai ote: “Íere figura. Nüera ocuífíregamiedio. Omo due cue ígari nüe íínotioza, diez dígade comini jofue illáimana o jóoneíticue,” daide. 18 Afe mei nane jíámie jíirite. Afémie billano daide: “Ocuíraíma, o úcubemona cinco díga baímo óiena nabáidícue,” daide. 19 Nane daje izóí bímiemo uai ote: “O cinco dígade comini jofue lláimana o jóoneíticue,” daide. 20 Afe mei nane jíámie jíirite. Afémie daide: “Ocuíraíma, be o úcubetuni. Nüe jacíruiocana cue éenogaza. 21 Mei iere ráimiedioza, ona jacíruiticue. O jóoneñegamona jaca ófiredio. Daje izóí o ríñeganomona jaca ófiredio,” daide. 22 Afe jira aféllaíma íena daide: “Fiénde cue ocuífíregamiedio. Dama o daina

uaido riire omo jicánoitucue. Cue riirenana onódio íadi, ¿nibái mei cue úcube baimo nabáñedio? Daje izói cue jóoneñegamona cue ófírenana onódio íadi, íemo jiái cue ríñeganomona jaca cue ófírenana onódio íadi, ²³ ¿nibái mei cue úcube jiáie úcube iránomo jóoneñedio, abido cue jofomo cue billa llezica afe úcube íemo afe baimo jiáie úcube diga cue llínollena?” ²⁴ Iemona afénomo itínona daide: “Bímiemo ite dáatuni uano, diez dígatuni otímiemo feca,” daide. ²⁵ Mei íadi afémaci aféllaímana daide: “Íllaíma ero, bímiemo ja diez dígatuni ite. ¿Níbái mei jiáie úcubena iga?” daide. ²⁶ Jira afe illaíma uai ote: “Mei uáfueza ómoíno jicánoia “Níbái mei uiga” daííadi, “Cai Ocuíraíma íñegamiemo due ite bairórede. ²⁷ Iemo afe baie cue illaíma íllana óiacañedino, maí bai bené ati. Atiano cue eróicana afémaci tita,” daide.

Jesús Jerusalén jófuego jofo jaide
(Mt 21.1-11; Mr 11.1-11; Jn 12.12-19)

²⁸ Bie izói daina méifodo Jesús nai Jerusalén diné jaide. ²⁹ Ja Betfagé jófuego, íemo Betania jofue diga, afénomo Jesús dúciacade. Afe jofue Olivo idu ánnori ite. Afénomo illa llezica ie llófuegamacimona ménamie orede. Íaillínoína daide:

³⁰ —Batí ánnori ite duera jófuego ómicoi jai. Dúciillano afénomo cuinaca búrrona cíoitíomicoi. Afe búrromo nai buna ráíñena. Zúitano cuemo atíri. ³¹ Daa come ómicoímo jicánoia “Níbái mei uiga” daííadi, “Cai Ocuíraíma jítáillano jicaca” ómicoi daííri, —daide.

³² Afe llófuegamaci íaillínoi jaillano nana Jesús íaillínoína daina izói cíozaidiaillínoi. ³³ Afe burro íaillínoi zúitaja llezica burro naama jicánote:

—¿Níbái mei búrrona zúitadíomicoi? —daide.

³⁴ Jira afe íaillínoi uai ote:

—Cai Ocuíraíma jitailla, —daide.

³⁵ Afe mei ja Jesumo uitíallínoi. Dúciillano afe burro emodo íaíoi ínóroina jobédiaíoi. Jóbiano afe emódomo Jesús rainádiaíoi. ³⁶ Afe búrrodo Jesús jailla llezica, ie jáillao comíni íaíoi ínóroillaina jobédiaíoi. ³⁷ Olivo daina ídumona ana íaíoi jailla llezica, nana afémiedo jaide Juzíñamuimo ínotino íóbillano caillíoidiaíoi. Daje llezica Juzíñamuimo iere caimátaidiaíoi, mei diga Jesús uaido daina comúdena nauí uícodo cíódiaíoi. ³⁸ Daidíaíoi:

—Ocuíraíma mámedido bite illaíma caimare íri. Caimare uái illafue monamo íteza. Daje izói Juzíñamuimo ebire núefuíaína nitáfíreiri, —daidiaíoi.

³⁹ Iemo afénomo ite comíni cígimo fariseo ímíiaína ite. Afémaci Jesuna daidiaíoi:

—Llófueráíma, odo jáidínona “Uríñeno” o daííri, —daidiaíoi.

⁴⁰ Mei íadi Jesús uai ote:

—Ómoína dáitíucue, bimaci úríñenia nofíciái riire úrille, —daide.

⁴¹ Afe mei afe Jerusalemo ánozilla llezica, afe jófueña cíóillano Jesús eede.

⁴² Eiano cómemo úrilla izói afe jófueña daide:

—Nífuenino uái o íllífuena iere o onótaacadíucue. Birui ñue o illarui. Mei birui afefue ómoímona bánnino íteza, aféfuena onónidíomoi. ⁴³ Mei uáfueza fiénidíruillai ómoíno bíite. Aféruimo omoi éoidimaci omoi illa onido nágafenai nofíbanillaina izói ómoína círínoítiaíoi. Afe mei ómoiri riire fúritiaíoi. ⁴⁴ Iemo ana éniemo ona dótaítiaíoi. Dótano afe jófuego ite comínina fáítiaíoi. Afe llezica nana afe jofue finoina nofíciái ana dócoítiaíoi; mei Juzíñamui ómoína caimare uáiduaíbillarui onóñedioímoíza, —daide.

Jesús Juziñamuimo gairíracó ráfua izói ñue finode
(Mt 21.12-17; Mr 11.15-19; Jn 2.13-22)

⁴⁵ Jerusalemo ie jofó jailla méifomo, Jesús Juziñamuimo gairíracomo jofó jaillano afeco eromo ite ráaniai fecádino naa íbároidinori jino jiude. ⁴⁶ Íaioina daide:

—Íaiaí Cuegáuaimo daide: “Cue jofó cuemo úrifireillico.” Mei íadi afécona merírifiredino jofó izói finódiomoi, —daide.

⁴⁷ Nágaruillai Jesús afécomo llófuefirede. Mei íadi afe llezica lletáriraini illaini, daje izói ocuica uai llófuetino, naa jofue illáiniri ie íaioi fallino jenódiaioi. ⁴⁸ Mei íadi afémie fállena baiñédiaioi, mei nana comini afémie uai iere cacáreidiaioiza.

20

Illáicomini Jesús ócuifirena ríino jicánotiaioi
(Mt 21.23-27; Mr 11.27-33)

¹ Afe mei jíáiruido Jesús Juziñamuimo gairíracomo comini llófuete. Afe llezica ñuera jillona uai afémacimo llote. Dai llua llezica lletáriraini illaini, íemo ocuica uai llófuetino, naa ocuide eicomíniri, afénomo dúcidiaioi. ² Dúciillano Jesuna daidíaioi:

—Ñie ríinodo bie ráaniaina finódio áfena cai lloiri. Afe omo ite ríino ¿bu mei omo fecaca? —daidíaioi.

³ Jira Jesús íaioina daide:

—Cuemo omoi jicánua izói ómoimo daafue jicánoiticue. Nee mei cue uai omoi ólleza. ⁴ Mei Juan ¿bu comini báutizallena ocuica? ¿Meita Juziñamui ocuica? ¿Mei ñibai comini ocuica? —daide.

⁵ Mei íadi uai oñeno, áfena dani conímamo júfidotiaioi; daidíaioi:

—¿Ñie izói mei dáiticaí? “Juziñamui ocuica” cai daiíadi, Jesús cai uai óite, “¿Ñibái mei afémiemo ínoñediomoi?” ⁶ Mei jíáfodo “Comínimona ocuica” cai daiíadi, nana comini nófena cai níjitiaioi. Mei afémaci “Juan Juziñamui dibénedo úrifirede” jaca daiífrediaioi.

⁷ Iemona afe illáicomini Jesuna daidíaioi:

—Juan báutizai billena ocuídimiéna onóñedicaí, —daidíaioi. ⁸ Afe jira Jesús íaioina daide:

—Daje izói bie ráaniai cue fínofirena ríino ómoimo llóñeiticue, —daide.

Fiénide táijidino rafue
(Mt 21.33-44; Mr 12.1-11)

⁹ Afe mei Jesús comínimo úrilla llezica bifue íaioimo llote:

—Daa come jíricuena eroide úvaiaí rillino finode. Afe mei áfemo táijitínomo nano íanori íba llínollena fecade. Fécano oni jíáinomo are íllena jaide. ¹⁰ Afe úvaiaí llizilla llezica, ie ocuífregamie orede, náamamo dúide dibene afénomo táijidinomona jicállena. Mei íadi afémiemo íñeno fájano ie orédiaioi. ¹¹ Ie jira jacafai naama nane jíáie ocuífregamie orede. Mei íadi nane afémiena icida fatiaioi. Fájano íñeno fia meine orédiaioi. ¹² Nane afe mei jacafai naama jíáimie orede, mei íadi afe táijidino afémiena bófiano jino orédiaioi.

¹³ Íirainomo jacafai naama daide: “¿Ñie izói fínoiticue? Cue izíruiga jító óreiticue. Afémaci afémiena cíoiillano, ñibai afémiena caimare jacíruitiaioi,” daide. ¹⁴ Mei íadi táijidino afémiena cíoiillano, jofó conímaíaina daidíaioi:

“Bímie uire bie énie máifnoitimie. Mai cai falli. Afe mei bínie cáiena jáiteza,” daidíaiói. ¹⁵ Afe mei jacafai jinomo uillano íena titádiaíói.

Jira Jesús jicánote:

—Afe jacafai naama bimácina ¿níie izói fínoite? ¹⁶ Afémie billano afémacimo dúecaiféno títaite. Afe mei afénie jáíamacimo fécaite, —daide.

Afena cacáillano daidíaiói:

—¡Afe izói cai ílleza Juzíñamui rairuirí! —daidíaiói.

¹⁷ Mei íadi Jesús íaíoi mo érocaillano daide:

—Íemona, afe Juzíñamui Cuegáuaina ¿níie izói llóiacade? Afe uai bie izói daide:

Jofo níraini jámairuillano oni fádoica jáillirai ja nahí jáilliraina jaide. Bie daina daíacade, comini jámairuillano ruifruigamie ja ñuera jica jalleide illáimana jaide.

¹⁸ Afe jámairuiga nofici maméidimiemo éicitaitimie niné tibérotaitie. Iemo jáí afe nofici anamo jítafitino jízefo izói jáitiaíói, —daí Jesús daide.

Gobierno íbátaga úcube rafue

(Mt 21.45-46; 22.15-22; Mr 12.12-17)

¹⁹ Afe llezica lletáiraini illaini naa ocuica uai llófuerainiri Jesuna llaitáacadiaíói, mei afémacido bie rafue afémie llúana onódiaíoi. Mei íadi afémaci comínina jacíruitiaíói. ²⁰ Ie jira ñúemaci izói macádino Jesumo báinino orédiaíói. Jesuna comeci féillamona fieni úritallena orécaiaíói. Afe fieni ie úrillana cacáillano afémie romano caifóidillaimamo fécaite. ²¹ Jira afémaci Jesumo bie izói jicánotiaíói:

—Llófueraima, onódicaiza jaca ñue illifue llófuefiredio. Daje izói jaícina ñue úrifiredio. Iemo jino cóidifuaído izire jicánoñedio. Mei jáífodo Juzíñamuimo cai jáillido uáfuena úrifiredio. ²² Caimo llone: ¿Romano jamánomoidillaima íbátaga úcube íbádicainia ñuera? ¿Níbai fiénide? —daidíaiói.

²³ Mei íadi íaíoi ie facátaacanana Jesús onode. Jira íaíoina daide:

—¿Níbai mei jíitaja izói cue finódiomo? ²⁴ Daa úcubetuni cuemo ácataíbi. Afétunimo ite uíeco jana ¿bu ie? Iemo afétunimo ¿nie come mámece cúeina? —daide.

Jira ie uai otíaíói:

—Romano jamánomoidillaima uíeco illa, naa ie mámece diga, —daidíaiói.

²⁵ Jira Jesús íaíoina daide:

—Mei íemona romano jamánomoidillaimamo dúide afémiemo fecari. Iemo daje izói Juzíñamuimo dúide Juzíñamuimo fecari, —daide.

²⁶ Nana afémaci comini cacáicana daina uáillaido ja Jesuna jaca jíitanidiaíói. Mei jáífodo ie uai úana cacáillano fáigacaidiaíói. Afe mei íaíoi uai ollifue íñeđeza úríñediaíói.

Tíide comini meine abído cáaille jicánotiaíói

(Mt 22.23-33; Mr 12.18-27)

²⁷ Afe mei saduceo ímíai Jesús diné jaide. Afe saduceuai tíidino meine abído cááñeite daífirediaíói. Jira bimaci Jesuna bie izói daidíaiói:

²⁸ —Llófueraima, Moisés caimo cuetá fiécabemo daide: Daa come ie ai nai úruenide abina tíia, afémie ama ie fecíngona órede, afémie úruiai ie tíide ama méifomo comuillena. ²⁹ Mei nauí cai cígimo siete diga ámaredimíaina ite. Nanóidimie áireillano nai úruenino tíide. ³⁰ Afe méifoidimie afe fecíngo ote.

Ie mei afémie daje izói úruenino tíide. ³¹ Afe mei nane jáímie daango ote. Uano nai úruenino tíide. Daje izói nana afémie ámatiai daango uano úruenino tíidiaioi. ³² Iirainomo ja afengo tíilla. ³³ Iemona comini tíillano meine abido cáaillruimo, mei siete dígamie afengo óteza, afengo çnie ima aina mámeite? —daidiaioi.

³⁴ Ie jira Jesús uai ote:

—Bie éniemo iíñiai áirediaioi. Daje izói ringóniai inírediaioi. ³⁵ Mei íadi uire monamo jáitena mamécano, daje izói tíidinomona meine abido cáaitena mamécano jaca áinitiaioi. Daje izói afénomo íaioi jízatiaiana jáímamo iníreitañeitiaioi. ³⁶ Mei afénomo buna tíinideza. Iemona afémaci Juzíñamui abi imáciai izóidiaioi. Tíillanomona meine abido cáaillado Juzíñamui jítótiaiana ja mamécaiaioi. ³⁷ Jai ai Moisés illafue cuezgánicomo Juzíñamui tíidino meine abido cáaillana caina onótate. Moisés boode rarócina ciona llezica afe bóodemona Juzíñamui daide: “Dáaruído Abraham Juzíñamuidicue naa Isaac Jacob diga,” mei afémaci Juzíñamui illánomo cáadiaioiza. ³⁸ Mei uáfueza, Juzíñamui tíidino íeñede, mei jáífodo cáadino ie. Mei uáfueza, Juzíñamui erócana nana cáadiaioiza, —daide.

³⁹ Iemona ocuica uai llófuerañimona dáarie daidiaioi:

—Llófueraima, ¡ñue daidio! —daidiaioi.

⁴⁰ Afe baímo Jesús facátalle uaina baiñediaioi.

Cristo ie nano comuídimie çbu?

(Mt 22.41-46; Mr 12.35-37)

⁴¹ Afe mei Jesús íaioina daide:

—¿Nibái mei Crístona David jító dáíifirena? ⁴² Mei afe David Salmos rabénicomo dáideza:

Monamo ite cai Moo Juzíñamui cue Ocúiraimana daide:

“Bené cue nabézimo ráii;

⁴³ ona éoidino cue anáfenolle dino.”

⁴⁴ ¿Mei nie izói Cristo David jító? Mei afe David afémiena ie Ocúífredimiena mamédeza, —daide.

Jesús ocuica uai llófuefiredinomo fénidifue nitade

(Mt 23.1-36; Mr 12.38-40; Lc 11.37-54)

⁴⁵ Nana comini cacáicana Jesús ie llófuegamacina daide:

⁴⁶ —Ocuica uai llófuefiredinomona abí omoí rairuri. Afémaci “jácimacídicaí” daíillena árerói jítañediaioi. Afémaci gairiranomo jáiadi, iere camare uáiduana gáidiaioi. Afe izói Juzíñamuimo llófueraicomo ñuera ráíiranuai jénofirediaioi. Daje izói iráizillafue finua llezica jénofirediaioi.

⁴⁷ Daje llezica fecíngotiai jofona báirofirediaioi. Afémaci comini cíocana ñúemacina daíillena, are Juzíñamuimo úrifirediaioi. Afémaci jáímaci duere finolle baímo duere finólliaioi, —daide.

21

Dúerede fecíngo Juzíñamuimo úcube fecade

(Mr 12.41-44)

¹ Jesús Juzíñamuimo gairiracomo illa llezica, aillo ráaredino Juzíñamuimo dúide úcube jóoneranomo úcube dótana ciodo. ² Afe llezica dúerede fecíngo cobre finoina mena úcubetuni dótajana Jesús ciodo. ³ Cíoillano daide:

—Uáfuenta ómoína dáititue, bie dúerede fecingo nana jiáimaci baimo dotade. ⁴ Mei nana afémaci íaioimo fiébide úcubemona dotádiaioi. Mei íadi bie fecingo dúerede íadi nana aféngomo ite güille iballe úcube dotade, —daide.

Jesús Juziñamuimo gairiraco niné táinocaite, daide
(Mt 24.1-2; Mr 13.1-2)

⁵ Comínimona dáarie Juziñamuimo gairiraco ero ebire cíoina llotíaioi. Daje izói afécomo ite noficiai finoína ebire cíoina llotíaioi. Afe izói afécomo fia fecaca ebírede ráaniai llotíaioi. Afe jira Jesús daide:

⁶ —Nana bie omoí ciona ebire eróidinuiai uire dáaruido niné táinoficaite. Bico ero ñuera nofítofiaí illa dígatofiaí oni eneno júdaizite, —daide.

Enie fúiacana cai onóillena lloga uai
(Mt 24.3-28; Mr 13.3-23)

⁷ Jira Jesumo jicánotiaioi:

—Llófueraíma, o lloga bífuiaí ¿niñruído íite? Bífue zúille uícodo cai onóille raa, ¿nie izói íite? —daidíaioi.

⁸ Jira Jesús daide:

—Omoí jífuefiza abí omoí rairuiri. Mei afe llezica díga “Cue bie Crístodícue” dáititino búitíaoíza. Afe izói “Ja birui aferuí” dáitítiaioi. Mei íadi afémaci llógamo íinoñeno iri. ⁹ Comíni jóbairillana omoí cacáiaí aferi jacínaiñeno iri. Daje izói jiáie comíni íaioi illaíma uáitano jiáimíena méidoíacanári jacínaiñeno iri. Mei uícodo daí íredeza, mei íadi íirairuí nai dúcifíedeza.

¹⁰ Iemo Jesús nai úrioicaide:

—Daa nairai jiáie nairai díga fúiritiaioi. Daje izói daa zie jiáizie díga jóbairítiaioi. ¹¹ Afe llezica díga ígobíaido énie iere riire docáirite. Daje izói aillo nairai júbietaitiaioi, íemo jiáí aillo comíni dáagoberiedo dúícotaitiaioi. Aféruído monamo aillo cai jacínaitaite raa cíocaite, naa énie fuille joréñuairi.

¹² Mei íadi nana bífuiaí jino déiacana uícodo, fiéni finóllena ómoína lláitaitiaioi. Daje izói ómoína rácaítiaioi. Iemo Juziñamui uai llorácomo ómoína uillano riire jicánodoítiaioi. Iemo ómoína llavéracomo íbaitiaioi. Afe llezica cuemo omoí jainaina jira, jamánomoidíllaini naa jabóidíllaini uícómo ómoína úitíaoi. ¹³ Daí omoí íaioi uilla llezica cuedo afémacimo ñue úritíomoi. ¹⁴ Abí omoí riídolle uaimo uícodo omoí comécíllena riire mamériñeno iri; ¹⁵ mei aféruimo afémaci uailíai omoí olle uaina ómoímo llóitícuéza. Afe llezica ómoína ráfuena ñue baitátaitícué. Afemona omoí éoidino ómoína jaca uáitanidiaioi.

¹⁶ Mei íadi aféruimo omoí onóigamací Crístomo omoí íinua jira ómoína duere finóllena jiáimacimo izájítiaioi. Daje izói omoí ámatiaí Crístomo omoí íinua jira ómoína fécaítiaioi, íemo omoí móotíai dáafuedo ómoína fécaítiaioi, daje izói jiáí omoí nabáíñiaí dáafuedo ómoína fécaítiaioi. Omoímona dáarie títaítiaioi. ¹⁷ Aféruído nana nairai cue ícoíniadi ómoína éoitiaioi. ¹⁸ Mei íadi omoí ífótíraíaimona, daa táinomo báííñeite. ¹⁹ Iemo fáicanocaiñeno omoí ínoiadi, zííñona cáallínona máíñoítíomoi.

²⁰ Jerusalén jófue fuíríraíni nágafene afeno cirínoía, áfena cíoillano, áfedo raire táinocaíllena ónoítíomoi. ²¹ Afe jira afe llezica Judea éniemo itínuiai caifóneduaimo botárediaioi. Daje llezica Jerusalemo itínuiai afénomona oni jica jáirediaioi. Iemo jacáfáimo itino meine abído afe jófueimo jáinidiaioi. ²² Mei afe comíni duere finóllíruimo ja dúcidedeza. Aféruíllaido nana jaiái Juziñamui Cuegáuai ícoímo ñue fuitárede. ²³ Afe llezica namócíredíngotíaina

¡Ñii dúerena! Daje izói monoi jirode úruena llíidíngotiaina ¡Ñii dúerena! Mei aféruillaído afénomo aillo izi cácaitiaioi. Afe énie comíni jamánomo duere finólliaioi. ²⁴ Afémacimona jíaimaci jóbairillanomo tíitiaioi. Iemo jíaimaci nana nairai illánomo íaioina llavétaitaioi. Juzíñamui mamécaruillai dieze, jicánemaci Jerusalén anáfenuano júdaitaioi. Afe mamécaruillai fuille dino afe jófuena fienui fínoitiaioi.

Nanoide Hima Jitó Cristo billirui ñie izoite
(Mt 24.29-35, 42-44; Mr 13.24-37)

²⁵ Afe mei jitómamo, fiuimo, naa úcuairi jacírede raa jánaniai cíocaite. Afe llezica náraiaí comeci faca mamérilla uallai niné féite. Iemo monáillaji ficire báguari jacínaitaioi. ²⁶ Bínemo comuízaide raamo comécíillano iere jacínaitaioi. Ie jacínaillamona tíidino izói ífícaitiaioi. Mei afe llezica nana monamo itínuiaí riire mozíoide ráaniaí níráírícaiteza. ²⁷ Afe mei Nanoide Hima Jitó Crístona cíoitiaioi. Afémie iemo ite riino naa dama íemo ite ebíredífuiaíri uilliedo ana bite. ²⁸ Bífuaí jino zuílle llezica, ñue omoi mamériri; íocire omoi érocaíri. Mei íanori íllamona omoi jíllotallíomoi, —daíde.

²⁹ Daje izói nane bie aménamo mamécáfue Jesús íaíoimo llote:

—Higuera daina aménamo comeci omoi facari. Daje izói nana jíáie aménamo omoi comécíiri. ³⁰ Íaíoí íbiaí fíruíllana omoi cíónia, “Ja fímona áinozide” daííredíomoi. ³¹ Afe izói bífuaí zuíllana omoi cíónamona, “Juzíñamui ílláimana billirui ja áinozide,” daíredíomoi.

³² Uáfúena ómoína daíítícue, bigímaiaí nai tííñeille llezica nana bie raa jino zúite. ³³ Mona énie díga fúite, mei íadi cue uallai jaca fúíñeite. Cue lloga raa nana zúite.

³⁴ Omoi comeci riírelleza abí omoi rairuiri. Mei iere aillo güíacanamona come comeci riire jáite, daje izói jífáíírenamona. Daje izói daní omoi abí ífue níciduamona come comeci riire jáite. Jira cue billíruimo omoi jacínaiñelleza áfena abí omoi rairuiri. ³⁵ Mei rille jíitafirena raa ónonino jíitaja izói, afe izói aferui nana énie comínina jíítaiteza. ³⁶ Jíca ía mai ñue omoi finóbiri. Jaca fáicanocaiñeno Juzíñamuimo omoi úrifíreiri, afe nana bie zúítífuiaímona omoi jíllóillena. Daje izói Nanoide Hima Jitó uícomo meáíruíñeno omoi náidáillena, jaca Juzíñamuimo úrifíreillano, jíca ía ñue omoi finóbiri, —daíde.

³⁷ Jesús monari Juzíñamuimo gairíracomo llófuefírede. Afe mei naío, Olivos dáina ídumo íniaífírede. ³⁸ Nana comíni afémie llófúiana cacáreillena nágarui raíre jíitaramo bífírediaioi.

22

Jesús llaitállena maméritiaioi
(Mt 26.1-5, 14-16; Mr 14.1-2, 10-11; Jn 11.45-53)

¹ Fáitañeno pan güííreña rafue ja áinozide. Afe rafue jíáífodo mameína pascua rafue. ² Iemo lletáiriraini ílláini naa ocuica uai llófuetínori Jesús fállena jénodíaoi, mei afe llezica comínina jacírúitíaoíza.

³ Iemo aféruído Taife Judas Iscaríotemo jofo jaide. Afe Judas doce dígade Jesús orécamacimona dáamie. ⁴ Afe bímie lletáiriraini ílláinimo naa gairíraco ocuídínomo Jesús íaíoimo fecállena llúájide. ⁵ Afena cacáillano íobidiaioi. Iemona, “Ucubena o íbaitícaí” daídíaoi. ⁶ Iemona íe íaíoí íbaja úcúbe llíínote. Iemo Judas aféruimona comíni figo íñena llezica Jesús íaíoimo ízájillena jénode.

*Cai Ocuíraima tíraicaiño güillafue
(Mt 26.17-29; Mr 14.12-25; Jn 13.21-30; 1 Co 11.23-26)*

⁷Ja fáitañega pan güilláruimo dúcide. Afe llezica aféruimo pascua íena ovejai fáfirega. ⁸Jira Jesús Pedro, Juan íaillinoína ocuide; daide:

—Mai pascuamo güífirena izói uícomo ómicoi finori, —daide.

⁹Jira afémiemo jícanotiiaillinoi:

—Afena ¿ninomo fínuaíticoco? ¿Ninomo áfena güíacadio? —daide.

¹⁰Jesús íaillinoína daide:

—Batí jófuemo ómicoi jaille llezica, icírudo jainoi uitímie cíotiomiicoi. Afémiedo jairi. Afe mei afémie jofo jáillicomo jofo ómicoi jai. ¹¹Afénomo afe jofo náamana ómicoi daiíri, “Cai Ocuíraima ona daide: Cue güillico ¿ninomo ite? Afécomo cue llófuegamaciri páscuamo güífirena izói güíticue.” ¹²Afe mei afémie caifóidibanimo ite áillocona ácatate. Afeco ero ja ñue finóbide, afécomo cai güille finori, —daide.

¹³Iemona afe íaillinoi jaillano, nana Jesús íaillinoína daina cíozaidiaillinoi. Iemona afénomo pascua rafue ana güífirena izói, güille finódiaillinoi.

¹⁴Ja nauízaidemo güízájilla llezica Jesús naa ie oréllinori dáanommo ráizitiaioi.

¹⁵Afe llezica Jesús íaioína daide:

—Nai cue tíñena llezica bie pascua ana güífirena izói omoi diga iere güíacadicue. ¹⁶Mei ómoína daíticue, bie ie rafue dáanommo meine güíñeíticue. Bie rafue Juzíñamui illáimana illíruimo bíñeille dino güíñeíticue, —daide.

¹⁷Daií daina mei jiróraco llínota Juzíñamuina “Iere figura” daide. Afe mei íaioína daide:

—Bie llínota, conímamo omoi fecari, ¹⁸mei ómoína daíticue, Juzíñamui illáimana illíruí nai dúciñena dino, nane dáanommo uva íjina jaca jíroñeíticue, —daide.

¹⁹Afe mei pan llínota, Juzíñamuina “Iere figura” daide. Daií dainano afe pan ditade. Pan dítano afémacido fecade. Afe llezica daide:

—Bie cue abiza. Tíllinomo fecálicue omoi ñue íllena. Cuemo omoi úbicaífíreíllena bie izói omoi finófireírí.

²⁰Daje izói güilla fuilla mei jiróraco llínota, íaioímo fécajano daide:

—Bie jiróraco eromo ite iji Juzíñamui ómoína mameca cómue uai ómoína onótate. Afe ie mameca cómue uai, uafue daiíllena cue die totálleza, mei cue die omoi ñue íllena totálleza.

²¹Mei íadi cue fécaítimie birui benó cue diga güite. ²²Mei jii, Nanoide íima Jitó Crístodicueza, jaiái uícodo cuemo mameca iodo jáíticue. Mei íadi cue fécaítimie, ¡nii dúerena! —daide.

²³Afe jira conímama daídíaioi:

—¿Cáimona bu mei ie fecalle? —daídíaioi.

Conímamo jamánomoidímie júfidotiaioi

²⁴Afe mei dani afémaci cígimona nímie jamánomoidímiena daina júfidotiaioi. ²⁵Mei íadi Jesús íaioína daide:

—Nairai íllaini íaioi anamo itínona riire ocuífirediaioi. Daje izói íaioi ocuídina, jáímaci “Omoi ñue finódino” daiífirediaioi. ²⁶Mei íadi omoi afe izói íñeno iri. Mei jáífodo omoi cígimo ite jamánomoidímie, afémie jáímaci baímo jamáimiena írede. Daje izói ómoimona ocuífiredímie jáímacina canófredimiena írede. ²⁷Bífuemo omoi coméciri. Dámie güírabanimo güíllena ráina llezica, jáímie güille bai atífredede. Afe íaillinoimona ¿bu mei iere

jamánomoina? Mei uáfueza, güirábanimo ráiidimie jamánomoina. Mei íadi cue omoi cigiri ocuífíregá táijifiredimie izói iticue.

²⁸ Comini fienu cue facátáfirena llezica jaca cue diga ífirediomoi. ²⁹ Ie jira cue Moo illáimana illánona cuemo illa izói, afe izói ómoimo íticue. ³⁰ Afena ómoimo íticue, cue illáimana illánomo cue diga omoi güíllena. Daje izói afe llezica afénomo illaíma ráiiranomo ómoína ráinaiticue, doce dígade Israel náiraímo izire omoi jicánollena, —daide.

Jesús Pedro ie jáanollena uícodo llote
(Mt 26.31-35; Mr 14.27-31; Jn 13.36-38)

³¹ Ocuíraíma Jesús nane daide:

—Simón cácarei. Taife ona facátaiacade. Comini magái izilla izói ona izíacade.

³² Mei íadi Juzíñamuimo ja jicádícue Juzíñamuimo o ínnua féitañeíllena. Iemo afe facátainamona abído o bille méifodo, o ámatíai canori, íaiói íinogafuena íaiói fáicanocaiñeíllena, —daide.

³³ Iemona Simón Jesuna daide:

—Cue Ocuíraíma, llavéracomo o diga cue jáíllena ja finóbídicue. Daje izói afénomo o diga cue túíllena ja mamériticue, —daide.

³⁴ Jira Jesús íena daide:

—Pedro, birui ona dáííticue, átava nai úriñena llezica daacaiñoámani, cuena jáanoítio, —daide.

Jesús facátalle hora ja ánozide

³⁵ Afe mei Jesús ie llófuegamacimo jicánote:

—Nauí ómoína cue ória llezica, ipécona uíñeno, daje izói úcubena uíñeno, íemo jíái eiba icona uíñeno, fia omoi jairi, daidícue. Aféruimo ¿minica ómoimo nai íñena? —daide.

Jira afémaci daidíaiói:

—Aféruimo ja nana ñue ite, —daidíaiói.

³⁶ Iemona Jesús íaioína daide:

—Mei birui jíáífodo daidícue. Ipécoredimie mai áfena ui. Daje izói úcuberedimie úcubena ui. Iemo jíái llóéfainidimie íemo ite íniroi fécajano afe íbado lloefai oíri. ³⁷ Mei Juzíñamui Cuegáuaimo lloga cuemo ñue ícoimo fuitáredeza. Be níuui: “Fíénidimaci cigimo cuena mamédiaíoi.” Mei uáfueza, nana cue dibénedo cúegana ñue ícoimo fuitárede, —daide.

³⁸ Iemona afémaci daidíaiói:

—Cai Ocuíraíma, caimo mena lloefai ite, —daidíaiói.

Afémie uai ote:

—Jadie ja figo baite, —daide.

Jesús Getsemanímo Juzíñamuimo úrite
(Mt 26.36-46; Mr 14.32-42)

³⁹ Afe mei Jesús oni jaide. Ie jáífirena izói Olivos ídumo jaide. Afe llezica ie llófuegamaci afémie diga jáidiaíoi. ⁴⁰ Ie jáíllanomo dúciillano daide:

—Fíénidífue mo omoi báííñeílleza Juzíñamuimo úrifreíri, —daide.

⁴¹ Afe mei Jesús comini nofici bai nitáfírena díno afémacimona oni jaide. Afénomo Juzíñamuimo jicállena ana dújude. ⁴² Daide:

—Moo, o comeci jítaíadi, bie duere cue zefuílífue mona cue jíllotari. Mei íadi cue comeci jítaina izói finóñeno iri, mei jíáífodo o comeci dáina izói finori, —daide.

⁴³ Afe llezica Juziñamui abi ímie monámona Jesumo cíocaide; afémie Jesuna mairítaibite. ⁴⁴ Iemo Jesús ie comeci jamánomo zúurena llezica, afémie Juziñamuimo iere riire jicade. Afemona iere uzinailla izói ie abi úllie iere jino bite. Afe jino bite úllie ie die izoide. Afeji ana éniemo llocode.

⁴⁵ Juziñamuimo ie jícaja fuilla mei, afémie ie llófuegamaci diné jaide. Inídiaioina cíozaibite, mei zuufue inítagaiaioi. ⁴⁶ Jira íaioina daide:

—¿Níbái mei inídiomoi? Fiénidifuemo omoi báiiñelleza cazillano Juziñamuimo úrifireiri, —daide.

Jesús llaitada uitíaioi

(Mt 26.47-56; Mr 14.43-50; Jn 18.2-11)

⁴⁷ Jesús nai úrioidemo aillo comini dúcidiaioi. Afe doce dígadínomona Júdasna mámeceiredimie bitino ifode. Ainozillano afémie Jesús ñitade. ⁴⁸ Jira Jesús afémiena daide:

—Judas, ¿Nanoide Ima Jitó o ñítafuedo fécaibitio? —daide.

⁴⁹ Jesús abímo itino áfena cíóillano jicánotiaioi:

—Cai Ocuíraíma, ¿bimaci díga lloéfaido fúiriticai? —daide.

⁵⁰ Afe llezica afémacimona dáamie lletáriraini caifóidillaíma ocuífirégamie bofede. Ie jefo nabefo ñitade. ⁵¹ Jira Jesús daide:

—Dama íteza. Mai fáicanocai, —daide.

Iemona Jesús afe jefona ñetácamie jefo jetánote. Afena afémie jacáitate.

⁵² Afe mei Jesús lletáriraini illaini naa gairiraco ocuídino, naa ie lláitaibite éinamacina daide:

—¿Mei níbai merírifiredimiedicue izói lloéfaillairi, naa bigíniari cuena lláitai bitiomoi? ⁵³ Nauri nágaruillaído Juziñamuimo gairiracom omoi cue llófuefírena llezica, jaca cuena jetáñediomoi. Mei íadi birui omoi jitaica raa finóllirui. Nairo comini íbailla izói, ja birui Taife bínie náamatade, —daide.

Pedro Jesuna jáanote

(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ Iemona Jesús llaitada, lletáriraini caifóidillaíma jofomo uitíaioi. Afe llezica Pedro bai jicado jaide. ⁵⁵ Afénomo afeco cigi íbirimo irai bonódiaioi. Aféramo agáidiaioi. Iemo Pedro afémaci cígimo agáizaide. ⁵⁶ Iemo afénomo ite ocuífiréngango irai fuemo Pedro ráinana ciode. Afe mei afengo daide:

—Bímie jaca Jesús díga ífírede, —daide.

⁵⁷ Mei íadi Pedro jáanuano daide:

—Afémiena onóñedicue, —daide.

⁵⁸ Afe mei íanori íllamona jíáimie íena cíóillano daide:

—O bie afémaci íedio, —daide.

Mei íadi Pedro daide:

—Íeñede; cue bie afémaci ímieñedicue, —daide.

⁵⁹ Afe mei jabo are íllamona da hora fidi jíáimie riire daide:

—Uáfueza. Bímie afémie díga ífírede mei afémie daje izói Galilea ímieza, —daide.

⁶⁰ Jira Pedro daide:

—O úrillana onóñedicue. ¿Minica llotio? —daide.

Ja Pedro úrioidemo átava úrite. ⁶¹ Iemona Jesús Pédro mo érocaide. Afe llezica Pedro afémiena daináfue mo uíbicaide. Be níuai: “Atava nai úriñena llezica dacaíñoámami cuena jáanoitio.” ⁶² Afemona Pedro jino jaillano zuure eede.

Jesús jifánodoidiaioi
(Mt 26.67-68; Mr 14.65)

⁶³ Jesús llaitada úiñotino afémiena jifánodoiano razido íena fatíaioi. ⁶⁴ Daje llezica ie ui ibáillano, ie uieco fátano daidiaioi:

—¿Bu o faaja? ¡Onóillano jino llone! —daidiaioi.

⁶⁵ Afe llezica diga jiáifuiaido íena báñotiaioi.

Dáanomo gairide illáicomini uícomo Jesús uitíaioi
(Mt 26.59-66; Mr 14.55-64; Jn 18.19-24)

⁶⁶ Ja mona monáidemo judíuai éicomini, naa lletáriraini illaini, naa ocuica uai llófuetinori dáanomo gairídiaioi. Afe gairitaga illáicomini “Junta Suprema” dainámaci. Afénomo Jesús uillano, jicánotiaioi:

⁶⁷ —Caimo llone, ¿o meita Crístodio? —daidiaioi.

Jira afémie uai ote:

—Afena jii daidícuenia, cuemo íinoñeitiomoi. ⁶⁸ Daje izói jiáifue ómoimo cue jicánoia, ibana uai óñeitiomoi. Afe izói cuena zúitañeitiomoi. ⁶⁹ Mei íadi benómoma Nanoide íima Jitó Cristo jamánomo ríinorede Juzíñamui nabézimo ráinaite, —daide.

⁷⁰ Afe mei nane afémiemo jicánotiaioi:

—¿Meita o Juzíñamui Jitódio? —daidiaioi.

Jira Jesús íaioi uai ote:

—Jii, dani omoi daina izói níimiedicue, —daide.

⁷¹ Iemona afémaci daidiaioi:

—Ja jiáie uai nábaitinona jitáñedicai. Cai bie dama ie fuémoma ie fieni úrillana cacádicaí, —daidiaioi.

23

Pilato uícomo Jesús uitíaioi
(Mt 27.1-2, 11-14; Mr 15.1-5; Jn 18.28-38)

¹ Iemona nana náidacaillano Jesús Pilátomo uitíaioi. ² Afénomo diga fiénidífuiaí íemo jónetiaioi. Daidíaioi:

—Bímie cai comínimo icírafue comuitajana ciódicaí. Iemona comini áferi faillíñaicaidiaioi. Afémie “Romano jamánomoidillaíma íbátaga úcube íbánidicaí,” daide. Afe llezica afémie “Íllaima Crístodicue” daíifirede, —daidiaioi.

³ Jira Pilato afémiemo jicánote:

—¿Meita o judíuai Ílláimana? —daide.

Jira Jesús uai ote:

—O daina izói, jii níimiedicue, —daide.

⁴ Iemona Pilato lletáriraini illáinina, naa comíniri daide:

—Bie cómemo fiénidífueña baiñédicue, —daide.

⁵ Mei íadi dáanomo ríjre daidiaioi:

—Nana Judea comínimo ie llófueinafuiaido icírafue íaioimo comúate. Fueñe Galílea éniemo daí finode, íemo birui cai éniemo nágagobiaido daje izói finode, —daidiaioi.

Herodes uícomo Jesús uitíaioi

⁶ Jesús nauí Galiléamo llófueoinafuena Pilato cacáillano, jicánote:

—¿Bie íima Galílea ímie? —daide.

⁷ Comini daí daidiaioimo, Heródesmo íena orede, mei afémie Galílea illáimana. Aféruillaído Herodes Jerusalemo ite. ⁸ Herodes Jesuna cióillano

iere ióbicaide. Jaiai ninomo íena cióiacade. Comini Jesudo dáiñana Herodes cacáfirede. Iemona Jesús daa ciórainina raa fínuana Herodes cióacade. ⁹ Iemo Herodes diga icaiño diga ráfuiái íemo jicájicanode. Mei íadi Jesús jaca uaina oñede. ¹⁰ Dáanommo lletáriraini illaini ocúicafue llófueraíniri itiaioi. Bimaci Jesumo fiénidifuiái riire jónetiaioi. ¹¹ Iemona Herodes ie fuiríraini diga Jesuna ja jámairutiaioi; iere íena áifedotiaioi. Afe mei ebírede illaíma iníroina íemo jítádiaioi; jítamona daíí afémie jifánodoídiaioi. Afe meífomo Herodes dáanommo Jesuna Pilátomo orede. ¹² Aféruido Pilato Herodes diga daje nabaina mameide. Jaiai uícodo are conímána éoidiaillinoi.

Jesús titállena mamé diaioi
(Mt 27.15-26; Mr 15.6-15; Jn 18.39–19.16)

¹³ Afe jira Pilato lletáriraini illaini, íemo ríimaci naa comini dáanommo gairítano daide:

¹⁴—Bie omoi lloga comínimo icírafue comuítatimie. Mei íadi omoi cacáicana izire íena jicánoticue. Jicánuamona ie fiéni finócafueña baiñédicue. Afena cacádiomoi. Daje izói afémie omoi nitaca fiénidifuiái cióñedicue. ¹⁵ Daje izói Herodes nífueña cióñenano afémie abido cuemo orede. Ja ciódiomoi, bímie titállena íñede. ¹⁶ Afémiena zechétaiticue. Afe mei afémiena zuitada jino óreiticue, —daide.

¹⁷ Afe rafue ana comini cáimacaitallena, Pilato daa llavécamiéna zuitáfirede. ¹⁸ Mei íadi nana comini dájena riire daidíaioi:

—Bie Cristo oni jica titálleza. Barrabás caimo zuitari, —daidíaioi.

¹⁹ Naui afe Barrabás llavéramo llavé diaioi, mei afémie jofue comini uáitajano jáie illaíma jóneacade. Afe llezica afémie jáímana ie tita ícoínia llavé diaioi. ²⁰ Pilato Jesuna zuitáacade. Iemona dane dáanommo íaioímo úrite. ²¹ Mei íadi afémaci riire daidíaioi:

—¡Cruzmo ie coraí! ¡Cruzmo ie coraí! —daidíaioi.

²² Ja dacaiñoámani Pilato íaioína daide:

—¿Nibái mei ie titaiticue? ¿Afémie níé fiénidifue finode? Ie cue titalle fiénidifueña íemo baiñédicue. Afémiena zechétaiticue. Afe mei afémiena zuitada jino óreiticue, —daide.

²³ Mei íadi afémaci Jesús coráíllena ríirerie jicá diaioi. Jamánomo ríirerie íaioi jicajamona, íaioi jitaica otíaioi. ²⁴ Íaioi jicajana are illa ícoínia Pilato fairíote. ²⁵ Afe jira nana llavécanuaimona afe nizeca Barrabás Pilato zuitade. Afe Barrabás illaíma uáitano jáíllaíma jóneacana ícoínia íena llavé diaioi. Afe izói jáíma ie tita ícoínia, llavé diaioi. Mei íadi Pilato afe comini jitailla izói Jesuna fecade.

Jesús cruzmo coráí diaioi
(Mt 27.32-44; Mr 15.21-32; Jn 19.17-27)

²⁶ Jesús íaioi coráílla llezica Cirene énie ímie Simona llaitá diaioi; Jesús uiga cruz íena uítátatiaioi. Afémie jino jacáfaimona jófue bite. Jira Jesús rocaca cruz Jesús óodana uítátatiaioi.

²⁷ Afe llezica diga comini afémie óodana jáí diaioi. Daje izói diga ringóniai afémieri zúcaillano éecana jáí diaioi. ²⁸ Mei íadi Jesús aféngotaiño érocaillano daide:

—Jerusalén ringóniai, mai cueri éeñeno iri. Mei jáífodo dani omoi abiri eeri. Daje izói dani omoi úruiaímo eeri. ²⁹ Mei jamánomo zúuredirullaímo

dúciitiaioiza. Aféruimo bie izói dáiiitiaioi: “Uruena comuítáñedingotiai, ¡nii caimare illa! Daje izói úruenidingotiai, ¡nii caimare illa! Afe izói úrué mónoina jirótañedingotiai, nii caimare itíaiói.” ³⁰ Aféruimo comini caifóneduaina dáiiitiaioi: “Cai emódomo jaírí,” dáiiitiaioi. Afe izói duera íduaina dáiiitiaioi: “Cai retáidori” dáiiitiaioi. ³¹ Mei birui nífuenidimiedicue ia bie izói duere cuena finódiaioi. Iemona jaíruido fiénidino cue duere zefuilla baimo duere finólliaioi, —daide.

³² Afe llezica mena come, comini fáfireidino Jesús diga daane coráillena uitíaiói. ³³ Calavera maméidinomo dúciillano Jesús coráidiaioi. Daje llezica afe mena fiénidimie íaillinoi, dáamie Jesús nabézimo, jáimie ie jarífezimo coráidiaioi. ³⁴ Ie íaiói coraina llezica Jesús daide:

—Moo, íaiói fieni finócafue iba oñeno iri; abina onóñediaioi daíí ñíaza, —daide.

Afe mei fuiríraini onótaraji dotádiaioi Jesús iniroi áfedo dani íaiói maiñóllena. ³⁵ Afénoimo ite comini acáritiaioi. Afémaci naa nairai imaci illáicomíniri afémie áfeduano daidíaiói:

—Jiáimana jíllotafiredioza, ua o Cristo o íadi, daje izói Juzíñamui nizécamiéna o íadi, daje izói Juzíñamui mai o abi jíllota, —daidíaiói.

³⁶ Daje izói fuiríraini íena áfedodiaioi. Ainozillano rochíredijina, figóñede vino íena jirótataioi. ³⁷ Jirótano daidíaiói:

—Judíuai Illaíma o íadi o abi jíllota, —daidíaiói.

³⁸ Ie ifo acónimo ciegábici jae jóonega. Afébici dazieámani uai cúeina: griego, íemo latín, íemo hebreo diga. Afébicimo daide:

“Bímie Judíuai Illaíma.”

³⁹ Coraica fiénide íaillinoimona dáamie Jesús uáitano daide:

—Crístona o íadi, mai o abi jíllota coco diga, —daide.

⁴⁰ Mei íadi jáimie ie nabáimie llétajano daide:

—¿Ñibái mei Juzíñamuina o jacíruiñedio? Daje duere finóinafue anamo itíioza. ⁴¹ Coco aillo finócafue ite. Jira dúere finóbicococo. Coco finoca fiénidifue iba ua otíaiói. Mei íadi bie íima fiénidifueña finóñede. ⁴² Jira uáitañedimie Jesuna daide:

—Jesús, o illáimana illíruimo o dúciadi cuemo uíbicaíri, —daide.

⁴³ Jira Jesús uai ote:

—Uáfueña ona dáiiiticue, ja birui cue diga ñue ebíredinomo íitio, —daide.

Jesús tíilla

(Mt 27.45-56; Mr 15.33-41; Jn 19.28-30)

⁴⁴ Ja jítoma jaíciri illa llezica nániéna nauíbicaide. Afe nauilla are ite. Ua jítoma arífemona ana ítemo llúicaide. ⁴⁵ Afe llezica jítoma ui duide. Jítireficaide. Daje llezica gairácomo fetácaroi caifona ana eróicana dáafenedo daingo cúajicaide. ⁴⁶ Afe mei Jesús ficire caillide:

—Moo, cue joreño omo cue ígaza, —daide.

Daíí dainano tíide.

⁴⁷ Romano illaíma afe íficaidifue cióillanona Juzíñamuimo caimátaide. Daide:

—Uáfueza. Bímie jaca nífuenidimie, —daide.

⁴⁸ Daje izói nana afénoimo ite comini bie íficaidifueña cióillano afénoimona íaiói jófueimo jamánomo zuure jáidiaioi. ⁴⁹ Mei íadi nana Jesús onóigamaci aféfuiaimo jicana acáritiaioi. Daje izói Galiléamona Jesudo jaide ringóniai jicana acáritiaioi.

*Jesús raitlái**(Mt 27.57-61; Mr 15.42-47; Jn 19.38-42)*

⁵⁰ Judea éniemo ite Arimatea jofue imie José afénomo ite. Afémie ñue comeci jaícina jóidimie. Afe José judíuai ocuide illáicomínimo jainaide. ⁵¹ Afe bie José Juzíñamui illáimana illíruiimo ocuífírede. Afe jira afémie jáie judíuai ocuide illáicomíni finócana jíeruíñede. ⁵² Ie jira afémie Jesús abi Pilátomo jícajide. ⁵³ Afémie Jesús abi crúzmona ana uano áillue iníroina junide. Junilla mei, idu anamo nofícimo finócacojimo afémie Jesús raite. Aféfomo nai buna ráiñena. ⁵⁴ Nana bífuiai viernes nauife dibénedo zuide. Jaca uícodo víernemo ocózinaillaruimo jitaica raana finofírediaíoi.

⁵⁵ Afe Galiléamona Jesudo bite ringóniai Jesús ráinano éroizaidiaíoi. Afe llezica ie abi tíide bíunana ciódiaíoi. ⁵⁶ Aféngotiai meine jofomo jaillano, ziórediji, naa abi bíraniairi finódiaíoi. Afe mei ocózinaillaruimo ocuica uai daina izói ocózinaidiaíoi.

24*Jesús tállanomona meine cáadimiena jaide**(Mt 28.1-10; Mr 16.1-8; Jn 20.1-10)*

¹ Semana nanódiruido afe ringóniai raire jítiramo Jesús raiafo éroizaidiaíoi. Iaioi finoca zióredjillai uitíaioi. Iemo jáie ringóniai íaioina nabáidiaíoi. ² Afe ringóniai afénomo dúcidiaíoimo, raiafo ibailla nofici nano illa izói íñede. Oni eneno jóonega. ³ Aféfomo jofo jáidiaíoi, mei íadi jofo jáidiaíoimo cai Ocuíraima Jesús abi cióñediaíoi. ⁴ Afemona iere jacínaitiaíoi. “¿Ñie izói íitícai?” daidíaíoi. Daií íaíoi daina llezica mena iima aféngotiai ánorí naidáinana ciódiaíoi. Afe íaillinoi quenírede iniroi jítdiaillinoi. ⁵ Afe íaillinoína cióillano, iere jacínaitiaíoi. Jacínaillamona ana éniemo bíjicaidiaíoi. Iaioi bíjicailla llezica afe íaillinoi aféngotiaína daide:

—¿Níbái mei cáadimie tíidino cígido jenódiomoi? ⁶ Afémie ja benó íñede. Ja meine cáadimiena jáideza. Nauí Galiléamo ie illa llezica, ómoína ie daina uaimo uíbicaíri. ⁷ Afénomo afémie bie izói ómoína daide: “Nanoide íima Jitó Cristo fíenide comínimo fecalle. Afémiena cruzmo córaitiaíoi. Iemo daruíamani íllemona meine abido cáadimiena jáite,” —daidíaillinoi.

⁸ Afemona aféngotiai Jesús íaioína daiífírena uaimo uíbicaidiaíoi. ⁹ Afe mei raiafomona meine bitíaioi. Billano nana bífuiai once dígade llófuegamacimo llotíaíoi. Daje izói jíaimacimo llotíaíoi. ¹⁰ Bífuiai llocana uitíngotiai mámeciai be ñie: Magdalena énie ingo María, íemo Juana, íemo Santiago ei María, naa jáie ringóniaíri. ¹¹ Mei íadi aféngotiai íaioína dáinana uáiritadino úrilla izói cacaide. Jira aféngotiai llógana íñoñediaíoi.

¹² Iemo Pedro íñoñede íadi, Jesús raiafomo aizícana jaide. Jofo eromo érocaidemo dama ie juníllaroi dínomo jóidena cíoizaide. Afe mei Pedro afénomo íficaidemo fáigacaillano meine jofomo jaide.

*Emaús jofue iomo Jesús cíocaide**(Mr 16.12-13)*

¹³ Aféruído afémacimona ménamie Emaús jofue iodo jaide. Afe jofue Jerusalémona once kilómetros díno jino ite. ¹⁴ Afeodo jailla llezica, nana aféruillaído itífuiai júfídocana jáidiaillinoi. ¹⁵ Íaillinoi úrilla llezica Jesús

íallinoimo áinozide. Dúciillano afe íallinoi diga jaide. ¹⁶ Afémiena ciódiailinoi mei íadi afémiena onóñediailinoi. ¹⁷ Jira Jesús afe íallinoimo jicánote:

—Íodo ómicoi jailla llezica, ¿ñifue júfidotiomoicoi? ¿Ñibái mei iere zuure itíomicoi? —daide.

¹⁸ Afe íallinoimona, Cleofas mámeçiredimie uai ote:

—Nana comini biruillaido Jerusalemo finócafuaiaina fidídiaioi.

Afeno ímiedio íadi ¿meita aféfuaiaina jaca nai fidíñedio? —daide.

¹⁹ Iemona afémie íallinoina daide:

—¿Ñifue finódiaioi?

Jira iena daidíailinoi:

—Nazaret ímie, Jesús ñue riire uai llórama aillo ebírede raana uaido finode. Afena Juzíñamui eróicana finode, daje izói nana comini ui cíoicana finode. ²⁰ Mei íadi lletáriraini illaini naa cai ocuídillaini diga afémiena coráiano titállena fecádiaioi. ²¹ Afe llezica iemo ocurídicaí, ua Israel Nairai anáfenodinomona cai jíllotallena. Ja afefue záillamona ja daruíamani íteza.

²² Ie emódomo cáimona ringóniaí ja caína jacínaitade. Aféngotiaí raiáfomo nai jítiredemo jaillano íaioi ciónana meine caimo lluaíbitiaioi. ²³ Ie abina cióñediaioi. Mei íadi Juzíñamui abi imaci ángeles dainámacina jae ciódiaioi, daidíiaioi. Afe ángeles ringóniaína daide: “Jesús caade.” ²⁴ Iemona cáimona raiáfomo jáidiaioi. Dinomo ringóniaí lua izói baitíaioi. Mei íadi Jesuna cióñediaioi.

²⁵ Jira Jesús daide:

—¡Iere féitafiredimoi! Nana uai llóraini daináuaina iere rairuíoicana ínotiomoi. ²⁶ ¿Uáfueñede Cristo ie ebíredinomo nai jáiñena llezica, afémiemo bie duere finóbillafue jítárede?

²⁷ Ie mei nana Cuegáuaimo afémiedo dainana ñue jino llote. Moisés cuegánicuaímo ite afémiedo úrilla uai ñue jino llote. Daje izói nana jáie uai jino llóraini llogánicomo itino jino ñue llote.

²⁸ Jófuemo dúcidiaioimo, Jesús iodo nai jáiacadena éroide. ²⁹ Mei íadi afémiena jeruídiaillinoi. Daidíailinoi:

—Jae nauízaiZeza, mai benó coco diga fiebi, mei ua jítireoicaideza, —daide.

Jira Jesús jofo jaide íaillinoi diga íllena. ³⁰ Jae íaioiri jofo güirábanimo ráíillano pan llíinote. Llínuano Juzíñamuina:

—Iere figura, —daide.

Daíí dainano dítajano íaillinoimo ite. ³¹ Afe llezica íaillinoi ui tújicaillamona íena onódiailinoi. Afe mei afémie cióbicaíñena. ³² Conímána daidíailinoi:

—¿Uáfueñede iodo cai úricana jailla llezica, afémie caimo Cuegáuai jino llua llezica coco começi náicaitade? ¡Afe uáfueza!

³³ Iemo afénomo are íñeno meine Jerusalemo abido jáizaidiaillinoi. Dinomo once orécamaci naa íaioi nabáíñiaíri dábanomo gairide baizájidiaillinoi.

³⁴ Afénomo itino íaillinoina daide:

—Uáfueza cai Ocuíraíma ja meine abido caade, Simón Pedro ja íena ciode. ³⁵ Iemo afe íaillinoi afémacimo nana iomo íaioi úrillafuena llotíiaillinoi. Afemona Jesús pan díxada íllamona afémiena íaillinoi onónana gairídinomo llotíiaillinoi.

*Jesús ie llófuegamacimo cíozite
(Mt 28.16-20; Mr 16.14-18; Jn 20.19-23)*

36 Afe íaillinoi dái namo úritiaioimo, Jesús íaioi cígimo náidazaide. Náidacaillano íaioi uáidote; daide:

—Jacíruiño, uái omoi iri, —daide.

37 Afémiena cíollano, “¡Come joreño caimo billa!” dainano iere jacínaitiaioi; cuidíridiaioi. 38 Mei íadi Jesús íaioina daide:

—¿Nibái mei jacínaitioimo? ¿Nibái jízreicana cue ínotioimo? 39 Bené cue ónoimo érocái. Daje izóí cue ídaimo eroi. Níimedicue. Cue abí jeta. Cómedicueza ónoi. Ja cue abina cíódiomoiza. ¡Mínica joreño ícurunideza; íeizínide! —daide.

40 Daíí daina llezica ie onoi ie idai diga afémacimo ácatate. 41 Mei íadi afémaci íóbidiaioi ía, iere uáinificaidiaioi. Ie jira afémie uáfueña íllana nai figo íñoñediaioi. Jira Jesús íaioina daide:

—¿Benó ómoimo due güíllena ite? —daide.

42 Ie jira ruica chamu íemo itíaioi, naa due caífo íji diga. 43 Afe llínota íaioi eróicana güite. 44 Afe mei íaioina daide:

—Nana nauí cuemo ífcáidífuiaí, nauí omoi cígimo cue illa llezica, ómoína cue daina be ñie. Nana cue dibéneo uícodo cuegáuai daina ñue ícoimo fuitárede: Moisés cuegánicomo cue dibéneo úrite; daje izóí jaiái uai jino llóraini cue dibéneo úrite; íemo jíái Salmos cuetímie cue dibéneo úrite. Nana afémaci cue dibéneo úrilla uai ñue ícoimo fuitárede, —daide.

45 Iemona Juzíñamui Cuegáuaimo dái nana Jesús afémacina ñue onótate. 46 Íaioina daide:

—Cuegáuaimo daina izóí Cristo jaca tíirede. Daje izóí daruíamani íllamona afémie tííllanomona meine cáadimiena jáirede. 47 Daje izóí Jerusalémona oni nana jíáie náraiaimo comini comeci ífuiaí íaioi méidollena cue mámedido llórede. Daje izóí comeci íaioi méiduamona íaioimo ite fiénidífuie múiña cue mámedido llórede. 48 Nana bie cuemo comúidífuiaí uai nabáirainidíomoi. 49 Ie jira cácarei, cue Moo uícodo lloga fecácaga Ñuera Joreño ómoimo óreitícue. Afe caifona bille ríino omoi nai llíñoñeille díno, benó Jerusalén jófuemo omoi iri, —daide.

Jesús ja caífo monamo jaide

(Mr 16.19-20)

50 Afe mei Jesús afémacina jofue jinomo uite. Betania áinomo jáidiaioi. Afénoimo Jesús onoi caífo ñúitajano íaioi ñue íllena llote. 51 Daíí ie daina llezica afémacimona oni jírecaillano afémie ja caífo monamo uiga. 52 Afémiemo íaioi caimátailla mei, abído Jerusalemo iere íóbicana jáidiaioi. 53 Afemona afémaci Juzíñamuimo gairíracomo ífirediaioi. Afe llezica aillo ñúefuiaí Juzíñamuimo nitáfirediaioi. Daíífadeza. Jae ñie.

JUZÍÑAMUI ÑUEFUE SAN JUAN LLOGAFUE El Santo Evangelio Según San Juan

Juzíñamui Uaina maméidimie ímana íficaide

¹ Naga raa táinia uícomo afe Uai dainámie Cristo jaca ite. Afe Uai jaca Juzíñamuimo ite. Afémie Juzíñamui. ² Ua nanóidiruimo afémie Juzíñamuimo ite. ³ Afémiedo Juzíñamui bínie naa ráaniairi finode. Minícana íñede afémie finóñegana. ⁴ Afémiemo cáallino ite. Afe cáallino nana comini egáíñote. ⁵ Afe egáíñotino jaca jítiredinomo egáíñote; íadi afe jítiredino afe egáíñotinona jaca dúitanide.

⁶ Daa Juzíñamui orécámie biniemo bite. Afémie mámecei Juan. ⁷ Afémie uai nabáiraímana bite egáíñotinodo ñue úrillena. Daíí úrizaibite, afémie daináfuedo nana comini íñollena. ⁸ Juan dama egáíñotimieñede. Fia afémie orécámie egáíñotimie uai nabáiraímana úrizaibite. ⁹ Afe egáíñotimie uáfuenta ñue egáíñotimie. Bie egáíñotimie nana caimo egáíñote. Afe egáíñotimie biniemo dúcizaibite.

¹⁰ Afe Uai dainámie biniemo ite; Juzíñamui afe Uai dainámiedo bínie finode, íadi biniemo itino afémiena onóñediaioi. ¹¹ Afémie ie éniemo bite, íadi ie comini afémiena llínoñediaioi. ¹² Mei íadi dáarie mei afémiena llínotiaioi; afémiena íñotiaioi. Afe íñotino ríñoredíuaina igáiaioi, Juzíñamui úruiaina íaioi jáillena. ¹³ Afe úruiai come móotiai úruiai izói cómutañega. Come móotiai bie énie comuilla izói, comuítatiaioi. Afémaci íaioi comeci jítainafuedo comuítatiaioi, íadi Juzíñamui úruiai dama Juzíñamuimona comuide.

¹⁴ Afe Uaina maméidimie cai come abi izói dama íficaide. Ie mei cai cígiri nano nié dino ite. Afémie comécimo ñúefuiai illa, ua nana izíruillafue uafue diga. Ie jira afémiemo ite ñue ebírenafue caimo cíocaide; afe ebíredíufue dama Moo Juzíñamui daade Jitó ie. ¹⁵ Juan afémieri jéerie ñúefuedo úrite. Daide:

—Baie cue úrillamie, ómoimo cue llogámie, cue óodana bitímie. Afémie jae cue uíeco dibénemo jaide, cue íñeniadi íteza, —daide Juan.

¹⁶ Afémie aillo ñuera ráfuiaímona caimo ñue ézicigafuiaina llínoticai. Ua nana fáicanocaiñeno llínoticai. ¹⁷ Juzíñamui caimo ocucafue Moisedo oreca, íadi izíruinafue uáfuaia diga Jesucristodo bite. ¹⁸ Buna jaca Juzíñamuina cióñena; mei íadi dama daade ie Jitó, ua Moo comeci áinomo ítimie, baie Juzíñamui ífuenta cai onótatimie.

Báutzaraíma Juan Jesucristodo ñue úrite

(Mt 3.11-12; Mr 1.7-8; Lc 3.15-17)

¹⁹ Jerusalemo ite judíuiai, dárie lletáraini Levítaniai diga Juaamo orédiaioi. Daíí íaioina orede báimiemo jicánollena, “Búdio” daíillena. ²⁰ Afémie jáanoñeno llote. Daide:

—Cue Crístoñedicue, —daide.

²¹ Nane dáanomo íemo jicánotiaioi:

—¿Búdio mei? ¿O Juzíñamui uai llóraíma, Elíadio? —daidíaioi.

Juan: —Íéñedicue, —daide.

Iemo nane jicánotiaioi:

—¿Ñí Juzíñamui uai llóraíma bille dainámiedo? —daidíaioi.

Jira uai ote: —Iéñedicue, —daide.

²² Ie jira íena daidíaioi:

—¿Mei búdio? cai orédinomo fairíogafuena cai uíllena. ¿Mei nie izóí caina o abi ífuena dáitio? —daidíaioi.

²³ Juan íaioi uai ote:

—Cue dama jofue íñenanomo caillide uáidimiedicue. Bai Juzíñamui io jáicina zitari, jaiai Juzíñamui uai llóraima Isaías daina izóí, —daide. ²⁴ Juan diga úrizabitino jae Fariséuaimona orécaiaioi.

²⁵ Ie mei Juaamo jicánote:

—Mei Cristoñedio, Elíañedio, Juzíñamui uai jino llóraimañedio, ¿nibái mei báutizabifiredio? —daidíaioi.

²⁶ Juan íaioina daide:

—Fia jáinoido báutizadicue. Mei íadi omoi cígimo daa omoi onóñegamie ite. ²⁷ Cue ódana afémie bite, íadi cue jinomo baitade. Afémie eiba ico igai zuitánidicue, mei jamáimiedicueza, —daide.

²⁸ Nana afe Juaamo jicánollena Betábaramo úritiaioi. Betábara énie Jordán imani ruicáfellemo ite. Ja dinomo nauí Juan comini báutizafiredo.

Jesús, Juzíñamui Cordero

²⁹ Afe meifo iruido Juan ja Jesúna ciode. Jesús Juaamo ánozide. Ánozidemo Juan daide:

—¡Eroi! Juzíñamui Cordero daina ie Ovéjana mamécamie. Ua, afémie nana comini fiénidífue oni dóraima. ³⁰ Nauí afémie cue llogámie “Cue ódana daa íima bite. Ua ódana bitímie cue baímo baitade, mei afémie cue jinófenemo íteza; daje izóí cue íñenia afémie jae nano ítmieza.” Daií nauí afémiedo úriticue. ³¹ Dama afémiena onóñedicueza, búdimieza. Íadi jáinoido comini báutizabiticue, Israel nairai afémiena ñue onóíllena, —daide.

³² Ie emódomo daide Juan:

—Ja Juzíñamui Ñuera Joreño, Espíritu Santo, bímiemo monámona ana bíllana ciódicue. Fíicirina eroide. Iemo afémiemo fiévide. ³³ Jaca nanómona onóñedicue nibai bu. Mei íadi jáinoido comini báutizallena daií cuena ocuídímie cuena daide: “Ñuera Joreño daa íímamo ana bíllana íemo afémiemo fiébíllana o cióadi, afémiena ónoitio. Afémie Ñuera Joreño itátatímie.” Daií cuena daide. ³⁴ Ja íena ciódicue. Ie jira ñue llóraimadicue. Uáfuenta lloticue. Afémie Juzíñamui Jitó, —daide Juan.

Jesús nano fueñe ie llófuegamaci

³⁵ Afe meifo iruido Juan mena ie llófuegamie íaillinoi diga, meine batí dáanomo ite. ³⁶ Jesús mácajana cióíllano, Juan daide:

—Eroi bímie Juzíñamui Cordero daina ie Ovéjana mamécamie, —daide.

³⁷ Iemo Juan llófuegamie íaillinoi ie daináfuenta cacáíllanona oni Jesumo jáizaidiaillinoi. ³⁸ Ie mei Jesús jino érocaidemo, afémiemo íaillinoi jáizaiíllana ciode. Íaillinoína daide:

—¿Bu mei jenódiomícoi? —daide. Afe íaillinoi afémiena daide:

—Llófueraíma, ¿ninomo itio? —daide.

³⁹ Jira Jesús fairíote:

—Eróizaíbi, —daide.

Iemona iedo jáidiaillinoi. Afémie illánona cíozaidiaillinoi. Ie mei, nibai jítoma ana ítemo, afémieoiri iruido fiébidiaillinoi. ⁴⁰ Daa afe íaillinoímona ua

Juan llogáfueña cacádinomona, Jesús diné jáidimie Andrés. ⁴¹ Afémie Simón Pedro ama. Afe Andrés, nano fueñe abido ie ama Simón baizaide. Baizájillano iena daide:

—Mesiana, Juziñamui mámecigamiëna jae baiticai. Cristo jáífodo mamécamië, —daide. ⁴² Ie mei Andrés Jesús illánomo Simona uite. Dúcidemo Jesús iena cióillano daide:

—O Simona, Jonás jitódio. Iadi biruímona Céfana mámeitio. Pedro jáífodo mameina.

Jesús Felipe uáidote Natanael diga

⁴³ Afe meifo iruido Jesús Galilea éniemo jáiacade. Jaillano Felipe baizájide. Afémiena daide:

—Cuedo bi, —daide Jesús.

⁴⁴ Afe Felipe Betsaida jofue ímie. Andrés Pedro diga daano imaci. ⁴⁵ Ie mei Felipe dinena Natanael baizájide. Baizájillano daide:

—Moisés ocuica uai cuegánicomo llogámie ja ciódicai. Ua Juziñamui uai jino llóraini llua izói, afe íaiói llogámiena ciódicai. Afémie Jesús, José jitó, Nazaret jofue ímie, —daide Felipe.

⁴⁶ Natanael dinena daide:

—¿Niga ñúefue jadí Nazarémoma fídiitio? —daide.

Felipe uai ote:

—Erózaibi, —daide.

⁴⁷ Jesús Natanael áinozillana cióillano daide:

—Benomo bite nahí israelita ímie; jífuiafue afémiemo iñede, —daide.

⁴⁸ Ie jira Natanael Jesumo jicánote:

—¿Nie izói cuena onódio? —daide.

Iemo Jesús iena daide:

—Felipe nai ona uáidoñenia, ona ciódicue. Ua higuera anamo o íllana ciódicue, —daí Jesús daide.

⁴⁹ Iemo Natanael daide:

—Llófueraíma, O Juziñamui Jitódio. Israel Illáimadio, —daide. ⁵⁰ Jesús ie uai ote:

—¿Dama cue dánana higuera anamo ona ciódicue iedo daí cuena ínotio? —jicánote Jesús. Afe emódomo Jesús iena daide:

—Bie rafue jinomo jáíie áillue ráfuena cióitio, —daide. ⁵¹ Iemo afe emódomo Jesús afémacina daide:

—Uáfueña ómoímo llóiticue. Mona túiñuana cióitioímoí. Iemona Juziñamui abi imaci, ángeles dainámaci, cuemo ana biítiaíoi, caífo cüemona jáítiaíoi. Mei Nanoide íma Jitódicueza. Afena cióitioímoí, —daide.

2

Galilea éniemo Caná jófueño áirenafue

¹ Daruíamani íllamona, jadí Caná jófueño, Galilea éniemo, áirenamona iráizillafue finódino. Jesús ei afénomo ite. ² Jesús naa ie llófuegamaciri ja afe áireina ráfueño uáidogamací. ³ Afe iráizillafueño jirórai, vinoí fuilla. Ie ei Jesuna daide:

—Ja vino iñede.

⁴ Jesús uai ote:

—Ei, ¿níbái cuena daí daidío? Cue jíeruillarumo nai dúciñede, —daide.

⁵ Mei íadi afengo afénomo ite jirolle atírainina daide:

—Mai, nana afémie daina diga fino, —daide.

⁶ Dinomo seis diga icíruai, nofiruai ráiide. Judíuai afe icíruai oruítajano jáimaci ñue oréllena nícidofirediaioi, íaioi abi fiénidifue dóllena. Naga icírumo ochenta o cien litros oruízite. ⁷ Iemo Jesús atírainina daide:

—Jadie icíruai jáinoina oruítari, —daide.

Iemona fuemo jibíezidiaioi. ⁸ Iemo Jesús íaioina daide:

—Due uano rafue náamamo uiri, —daide. Dai finódiaioi.

⁹ Iemo afe rafue naama jáinoi facádemo, jáinoiñede. Jae vino. Rafue naama onóñedemo icíruai jáinoina oruízite. Dani atídino afena onona. Afe vino nimánuanona, rafue naama ringo óiacadimie uáidote. ¹⁰ Iena daide:

—Nágamiíai ñúejí nano fueñe atífirediaioi. Ie mei nana uáidogamaci aillo jirole mei, jamai vino atífirediaioi. Mei íadi nai biruido ñúejí ja o éenoga, —daide.

¹¹ Afe vino méiduafue ua Jesús nanoide uaido daingo comútaga raa; afefue Galilea éniemo, Caná jófuemo finoca. Bie uaido comútaga raado afémie ie ebírede ríino jino cíotate. Iemona ie llófuegamaci ñue íena ínotiaioi.

¹² Ie meífodo Capernaúmo, Jesús jaide ie ei diga, ie ámatiaí diga, ie llófuegamaciri. Dinomo ja bai niga mona itíaiioi.

*Jesús Juzíñamui gairíraco ñue duafue
(Mt 21.12-13; Mr 11.15-18; Lc 19.45-46)*

¹³ Aféruillaído Judíuai pascua rafue ánozide. Iemona Jesús Jerusalemo jaide. ¹⁴ Afe dinomo gairíraco eromo juráriaí, ovejai, íemo fíicirillai dieze fecáriraimacina Jesús cíode. Dáanomo úcube méidoraini ráiidiaioi. ¹⁵ Afena cíoillano Jesús ñécigai móillano jiura finode. Afedo gairíraco erómoma nana fecáriraini íaioi juráriaí ovejai diga jino jiude. Daje llezica úcube méidoraini úcubetunillai Jesús ana jutade. Íaioi úcube facádorabani Jesús oni caitade.

¹⁶ Fíiciri fecárainina daide:

—Bie raa benómoma oni ui. ¡Cue Moo jofo fecáriracona mamériñeno iri! —daide.

¹⁷ Ie mei afémie llófuegamaci jaijai cuegáuai úbicaidiaioi. Afe uai llote: “O jofo cue ríiduamona cue abi íñeite izoide,” daide.

¹⁸ Iemona Judíuai afémiemo jicánote:

—¿Minícado o ríinona cai ácatatio? ¿Bie raa o fínuana bu o ocuilla? —daidíaiioi.

¹⁹ Jesús íaioi uai ote:

—Cue ríino ómoímo bie izóí ácataiticue. Bie gairíraco omoí júdai, ie mei daruíamani íllemona meine nane caífo cue raíñolle, —daide.

²⁰ Jae judíuai Jesuna daidíaiioi:

—Cuarenta y seis fimona niga gairíracoca; ¿íeca daruíamani íllamona meine abido caífo o raíñoiti? —daidíaiioi.

²¹ Iadi afémie daina uai gairíraco, dama ie abi llote. ²² Iemona Jesús tíidinomona meine abido cáaillano ie llófuegamaci bie daina uaimo uibíoidiaioi. Daje llezica Cuegáuaina ínotiaioi nana Jesús íaioina daina uai diga.

Jesús nana comini comécina onode

²³ Jesús Jerusalemo illano, pascua rafue llezica, aillo comini afémiena ñue ínotiaioi. Ua íaioi cíófnina afémie uaido fínuana cíódiaioi. Afena cíoillano afémiena ínotiaioi. ²⁴ Mei íadi Jesús afe comínimo ie abina nai rairuide. Mei

nana imaci comécina onódeza. ²⁵ Jiái come afémiemo comini ífuena llónide. Dama afémie dinena íaioi comeci ífuena onode.

3

Nicodemo Jesumo úrillafue

¹ Daa Judíuái illaíma mámeçi Nicodemo. Afémie fariseo. ² Afe bie Nicodemo naio Jesumo úrizabite. Jesuna daide:

—Llófueraíma, Juzíñamui orécao cai llófuellena onódicai. Juzíñamui cómemo íñeniadi bu bie riirede ciófinina fínuana ácatanide. Ua o fínua izói buna finónide, —daide. ³ Ie jira Jesús íena daide:

—Uáfueña dáititue: meine nane jéiciñegamie jaca Juzíñamui illáimana illánona cióñeite, —daide. ⁴ Jira Nicodemo jicánote:

—¡Jae éicomedica! ¿Nie izói meine jocóllicai? ¿Meine nane ei eromo come jáirede, dáanomo abido jéicillena? —daide. ⁵ Ie jira Jesús uai ote:

—Uáfueña dáititue: meine nane jáinoína jéiciñegamie, Moo Joréñomona jéiciñegamie diga, ua Juzíñamui illáimana illánomo jofo jáinide. ⁶ Come móomona jéicigamie jaca come. Iadi Juzíñamui Joréñomona jéicigamie jaca joreño. ⁷ Cue ona daináfueri jacinaiñeno iri. Uáfueña nágamie comue jéiciafue, ua caifona jéiciafue jaca jitáirede. ⁸ Jairifo náganomo ebena jaiñóñirede. Ie jáiñuana cacádio, mei íadi ninena bite, niné jaide, onóñedio. Daje izói nana Juzíñamui Joréñomona jéicigano, afe jairifo izói itíaioi, —daide.

⁹ Jira meine nane Nicodemo jicánote:

—¿Nie izói bie iite? —daide.

¹⁰ Jesús uai ote:

—¿Nibái mei jicánotio? O iere aillo Israel llófueraímana o íadi ¿bie ráfueña onóñedio? ¹¹ Uáfueña dáititue: cai onóigafuedo úriticai. Cai ciónafueña féinino lloticai. Mei íadi cai ómoimo llogáfueña íñoñediomoí. ¹² Bie énie raado ómoimo cue úriadi nai íñoñeniadi, ¿nie izói cuena íñoitio mona ero ráfuedo cue úriadi? ¹³ Buna mona eromo jáíñede. Dama monámona ana bitímie, Nanoide íma Jitó, monamo jáireña; mei nauí monamo itímieza. Dáamiedicue. ¹⁴ Nauí jaiái Moisés jofue íñénazicimo jaio caifo ráíñua izói ua afe izói caifo ráiñobicaíticue. Nanoide íma Jitódicueza. ¹⁵ Ua afe cue ráíñua jitáirede nana cuemo ínotino fiénidífueño báíñeillena. Mei íadi ínotino zííñona ítiaioi.

Juzíñamui nana comínina izíruillafue

¹⁶ Jesús nai úrillano daide: Juzíñamui nana comínina iere izíruite. Afe iere izíruillamona Juzíñamui ie daade Jitó caimo ite. Ua, afémie ie caimo ite, nana afémiemo ínotino jaca ninomo féiraiñeillena; mei jáíñfodo ñue zííñona íaioi íllena. ¹⁷ Comini fiénidífue iba otátaraimana Juzíñamui ie Jitona oréñede, mei íadi ie Jitona orede afémiedo comini jíllobicaillena.

¹⁸ Juzíñamui Jitomo ñue ínotimie duere finóbíñede. Íñoñedimie jae duere finóbide, Juzíñamui daade Jitomo íñoñena jira. ¹⁹ Íñoñedino jae duere finóbidaíoi. Mei ua ñue egáíñotimie ana bie éniemo bítemo, jítinona jamánomo gáidiaíoi, fiénidífue finódinona íaioi illa jira. ²⁰ Nana fiénidífue finóraini úzefona eoidiaíoi. Jaca úzefomo áinoziñede. Ua íemo áinoziñediaíoi íaioi fiéni finócafueña óñoñellena. ²¹ Uáfueño comeci facáдино úzefomo áinozifrediaíoi. Íaioi finócafue jaca Juzíñamuimo cacádinona íaioi illa izói finódiaíoi. Uzefo íaioi finócafue jaca daíí ñue cióitate, —daide Jesús.

Báutizaraima Juan Jesudo meine úrizabite

²² Ie meífomo Jesús Judea éniemo jaide, ie llófuegamaci diga. Dinó diga irui itíaiói. Dinomo comini báutizadiaíói. ²³ Daje llezica Juan, Enón éniemo báutizade. Enón Salim áinomo ite. Dinomo báutizade, aillo jainoi illa jira. Iemona comini báutizabitiaíói. ²⁴ Bifue finódiaíói Juan nai llavéracomo úifenia.

²⁵ Juan llófuegamacimona dáarie judúuaimo úrizaide. Comini íaifue oni dollínodo úritiaíói. ²⁶ Juaana daízaibitiaíói:

—Llófueraima, nauí o diga itímie, Jordán ruicáfellemo itímie, caimo o llogámie, ja comini báutizade. Nana comini afémie diné jáidiaíói, —daídiaíói.

²⁷ Iemo Juan afémacina daide:

—Juzíñamui cómemo ifue fécañenia, bumo ráfuena ífneite. ²⁸ Cue nauí uáfuedo dainafue dani cacádiomoi. “Cristoñedicue” daídícue. Afémie uícodo orécamiedicue. ²⁹ Airenafuemo ringo otímie ua ringo óite. Otímie nabai afe dinó itímie ie úrillana cacade. Cacáillanona íeri iere íóbite. Daje izóí biruido cue íóbídicue. ³⁰ Nágari afémie jamánomo illáimana jáizaide. Ie llezica cue jabómieiticue. Daí jítáirede, —daide.

Caifona ana bitímie

³¹ Juan nai úrite; daide:

—Caifona bitímie nana cai jaináinamie. Bie énie ímie ja bíniemo jainaide. Enie ífuena úrite. Mei íadi monámona bitímie nana cai baimo jamánomoidímie.

³² Afémie cacánafuedo úrite ie ciónafue diga. Iadi afémie dáinana buna íinoñena.

³³ Da come ie dáinana ínoiadi daí Juzíñamuimo fairíote. Ua daí Juzíñamui uáfueña dainafue uáfuetaita. ³⁴ Juzíñamui orécamié Juzíñamui uáillaído úrite, mei Juzíñamui ie Joreño afe orécamiemo facáñeno nana íteza. ³⁵ Moo ie Jitona izíruite. Naga itínuiaina afémiemo fecade. ³⁶ Iemo ie Jitona ínotimíemo fúíñeite illánona íemo ite. Mei íadi Jitona ínoiacañedimíemo afe fúíñédinona ífneite. Juzíñamui afémiena iere duere fínoite.

4

Jesús Samaria ingomo úrite

¹ Fariséuai Jesús Juan baimo aillo comini jáillana fidídiaíói. Daje izóí Jesús Juan baimo báutizafirenana fidídiaíói. ² Mei íadi Jesús báutizañede; dama ie llófuegamaci báutizaja. ³ Afena Jesús fidíllanona Judéamona meine abído Galilea éniemo jaide.

⁴ Jesús jailla llezica Samaria énie cígído jáirede. ⁵ Ie mei Samaria jófuemo dúcide. Afe jofue mámecei Sicar. Sicar áinori Jacob feci énie ite. Afe éniema ie jító Josemo maíñótate.

⁶ Dáanori Jacob jainoi orano ite. Jesús iodo mácajamona zegónaite. Ie jira jainoi orano abimo ráinade ocózinaillena. Jae jaíciri íacademo. ⁷⁻⁸ Ie llófuegamaci jófuemo güille jae íbajidiaíói. Iemo Samaria ringo dúcide. Jainoi uáibite. Iena Jesús daide:

—Jáinoína cue jírota, —daide. ⁹ Ie jira Samaria ringo Jesuna daide:

—¿Níbái mei jainoi cuemo jícadío? Odi judíodio. Cue Samaria ingódicue, —daide. (Ua jaiai dinómona judúuai samarítánuaímo nabáiriraínide.)

¹⁰ Ie jira Jesús uai ote:

—Juzíñamui fia fecalli raa o onóadi, ua áfena raire cuemo jícaítio. Daje izói omo jainoi jícadimiena, o onóadi ua raire cuemo jícaítio; íemona ua cáadijina o íitucue, —daide.

¹¹ Afengo afémiena daide:

—Íima, o jainoi olle raa íñede. Jainoi orano afórede. ¿Ninómona cáadijina cue íitio? ¹² Cai jáiáigimie Jacob bie jainoi orano caimo iga. Benómona afémie jíruaide ie úruiai diga. Ua dájemona afémie tóiníai jíruaide. ¿O iere afémie báimoidio? —daide.

¹³ Jesús uai ote:

—Nana bie jáinoimona jíródimaci nane meine abido jírocacaitiaioi. ¹⁴ Mei íadi cue jírotagano jaca meine abido jíroacañeítiaioi. Omo cue ille jainoi ua ziiñona íitiji. Nágari caimare o itátaite. Illánona fúíñeítinona omo íficaitaite, —daide.

¹⁵ Ie mei ringo afémiena daide:

—Íima, jadíe jáinoina cue ine; ja cue jíroacañeilleza, ua nane meine bie jainoi oránomo cue bíñeilleza, —daide.

¹⁶ Jesús aféngona daide:

—O ini jírizairi ie mei bené bi, —daide.

¹⁷ Ringo uai ote:

—Ínínidicue, —daide.

Ie jira Jesús aféngona daide:

—Uáfueña daidíio. Ínínidíio. ¹⁸ Jae cinco dígacaiño íniréidíio; birui o illámie o iníñede, —daide.

¹⁹ Afena cacáillano ringo afémiena daide:

—Íima, Juzíñamui uai llóramiedio ja onódicueza. ²⁰ Cai jáiáimaci Samarítánuai bie ídumo Juzíñamuina íóbitadiaioi; ñúfuedo íemo úrizabítiaioi. Mei íadi o íemo naa judíuairi jáífodo daidíomoi. Jerusalemo cai gairillano Juzíñamuina cai íóbitallena daidíomoi, —daíí afengo daide.

²¹ Jesús uai ote:

—Ringo, cuena ñno. Jáíruimo ja dúciizaide. Aféruimo bídumo bíñeno, Juzíñamuina íóbitaitiomoi. Daje izói Jerusalemo jáíñeno, Juzíñamuina íóbitaitiomoi. ²² Omoi íóbitagamiena onóñediomoi. Íadi cai íóbitagamiena onódicai, nibai jíllonafue judíuaimona bíteza. ²³ Jae como cue llogáruimo dúcide. Jae birui aferui. Naga Moo Juzíñamuina uáfueña íóbitaacadimie afe o joréñodo uáfueña afémiena íóbitaite. Daíí Moo Juzíñamui cai íena íóbitallena jítaide; ua nana afémiena íóbitaacadino daíí bíllana Moo jítaide. ²⁴ Juzíñamui ua Joreño. Afémiena íóbitadino íaioi joréñodo uáfueña íóbitaitiaioi, —daide.

²⁵ Iemona afengo íena daide:

—Cue onódicueza Mesías bíite. Afe Mesías daína Cristo. Afémie bia nana ñue rafue caimo jino llóite, —daide.

²⁶ Jesús daide:

—Níimiedicue, ori úrilla, —daide.

²⁷ Iemo ie llófuegamaci dúcide. Dúciillano Jesús ringomo úrillari fáigacaidiaioi. Mei íadi buna jícanoñena áfena. Ua afémiemo afengo jítaíllana jícanoñediaioi; “¿Mínícafuedo úritiomicoi?” íena daííñediaioi.

²⁸ Ie mei afengo íciru fiénocaillano, jófueño jaide. Dinomo comínimo llúajide:

²⁹ —Nana cue finócafue jino llotímiemo omoi éroizaibi. ¿Bie afe Cristoñede? —daide. ³⁰ Ie jira jófueña Jesús illánomo jáidiaioi.

31 Afémaci bitáioimo ie llófuegamaci afémiena jicade:

—Llófueraima, due güi, —daidíaoi.

32 Ie jira afémie daide:

—Cuemo ite güüllena omoi onóñediomoi, —daide.

33 Ie jira ie llófuegamaci como fueñe conímamo jicánotiaioi:

—¿Jíáie come afémie écaibite? —daidíaoi.

34 Ie jira Jesús afémacina daide:

—Cue orédimie comeci jítaina izói cue finóadi bie cue güüllena. Daje izói ie táijina cue fuitáadi, güíticue izoide. 35 Omoi llua: “Nai riga raa ollíruimo cuatro diga fiui ite” daidíomoi. Mei íadi dáitícue: Erocai. Ja rigánuemo eroi. Ja jéiaruimo áinozide. 36 Ollemo táijidimie iba llínote. Afe oga llízieniai jaca ninomo fiébite; ua fúñeite illánomo fiébite. Ua ríjiraíma óraíma diga dáanomo camátailena daí ite. 37 Omoi jaiái daina uáfueña llote: “Ríjiraímie dáamie íadi otímie jíáimie.” 38 Jae omoi ríñeganomo ómoina orédicue. Jíáimaci táijidiaioi íemo íaoi táijina caimare ínotiomoi, —daide.

39 Aillo Samaria jofue imaci Jesumo ínotiaioi. Ua uafue ringo llogáuaido Jesuna ínotiaioi. Afengo daináuai, be ñue: “Nana cue finócafueña cuemo llote.” 40 Ie jira Samarítanuai Jesumo billano jicádíaoi:

—Cai diga iri, —daidíaoi. Ie jira Jesús ménarui íaoi diga ite. 41 Afémie dánana cacáillano aillo jíáimaci ínotiaioi. 42 Ie jira aféngona daidíaoi:

—Nauí dama o dainado jabo ínoticai, mei íadi biruí ja cai dani afémiena cacáillano áfeda como ñue ínoticai. Ja onódica bie ua Cristo, nana nairai jíllotaraímaza, —daidíaoi.

Jesús gobiernomo táijiraíma jító jíllote

43 Ménarui íllamona Jesús Samáriamona jáizaide Galilea énie iodo jáillena.

44 Jae dama Jesús llote:

—Juzíñamui uai jino lloraíma dama ie éniemo jaca jámairuíga, —daide.

45 Galiléamo dúcidemo afénomo itino íena ñue llínotiaioi. Ua caimare íena llínotiaioi, níbai pascua ráfueño Jerusalemo nauí Jesús illa llezica jáidiaioi. Iemo aféfuemo nana ie finócafuiaina cíodiaioiza.

46 Ie mei Jesús meine Caná jófueño, Galilea éniemo jaide. Ua jainoi vínona meíduanomo jaide. Afe llezica Capernaum jófueño gobierno illaíma táijiraíma jító iere irárede. 47 Afe táijiraíma Jesús Judéamona Galiléamo dúciana fídiano, afémiemo éroizaide. Ua ie jító jíllotaíbillena jícajide; mei ja ie jító tízaide.

48 Iemo Jesús íena daide:

—Onótate ráaniai íemo cíofinina finócafuiái diga omoi cíóñeniadi ínoñediomoi, —daide.

49 Íadi gobierno táijiraíma Jesuna daide:

—Ocuíraíma, raire bi cue jító nai tíñena llezica, —daide.

50 Ie mei Jesús íena daide:

—Meine o jofomo jai. O jító jílloteza, —daide. Afémie Jesús íena daina uaina ínote, jira jaide. 51 Ie jofomo dúcizaídemo ie jaiénizai jino íemo bitáioi. Dúciillano daidíaoi:

—O jító jae jíllode, —daidíaoi.

52 Iemo, —¿Ñie hóramo jíllode? —íaoímo jicánote. Jira daidíaoi:

—Nauri jáiciri illa mei ie abi bóua llícaide, —daidíaoi.

⁵³ Iedo moo bie daje hora Jesús íena daina hora uíbicaide. Ua “O jító jílloite” daina hóramo afeza jíllode. Iemona afémie Jesumo íinote, naa ie comini diga.

⁵⁴ Daií Jesús Judéamona Galiléamo billano mena onótate raa finode. Bie jíllotafue ua ie meífodo finoca cíofininfue.

5

Jesús Betzátamo ite tízitaitimie jíllotate

¹ Ie meífomo judíuai rafue ite; jira Jesús meine Jerusalemo jaide. ² Afe jófuemo, ovejai naze ánnori jainoi ofíllano ite. Afeno hebreo ímaci uaido mameca Betzata. Nane dínomo cinco diga gairirano ite. ³ Bie gairira macáranuaimo aillo iráredímaci bíiede: uínidímíai, aídámíai, tízitaitímíai diga. Bimaci jainoi bagua úíñotíai. ⁴ Daií úíñotíai mei dáruiaríe Juzíñamui abí ímie ana billano jainoi bagótafiredeza. Bagota mei nanoide come jáinoimo ana jáidímie, ie irárenamona ja jíllobicaifirede. ⁵ Dínomo iráredímie ite. Ua treinta y ocho diga fimona irárede. ⁶ Jesús billano ie bíinana cíode. Afémie are jaiaí nínómona daií dínomo íllana onóíllano, Jesús íena daide:

—¿Jíllobicaicadio? —daide.

⁷ Iráredímie uai ote:

—Ocuíraíma, cue jánoítimie íñede, jainoi bagua meífomo jáinoimo cuena ñuitállena. Nágari cue jáiacana llezica jáíímie nano fueñe jáinoimo dúcide, —daide.

⁸ Jesús íena daide:

—Caífo náídacai. O bírallu llíno. Mai maca, —daide. ⁹ Afe llezica afémie jíllobicaide. Iemo ie bírallu llínuano macáicoaide. Aferui ocózinaillarui.

¹⁰ Jira judíuai jíllotagamiena daide:

—Birui jae ocózinaillarui. O bírallu rocánollena omo rairuírede, —daídaíoi.

¹¹ Afémie uai ote:

—Cue jíllotatímie cuena daide: “O bírallu llíno; mai maca,” —daide.

¹² Iemo íena jícánotíaioi:

—¿Bu ona “o bírallu llíno, mai maca” daina? —daídaíoi.

¹³ Mei íadi afémie ie jíllotatímiena onóñede, aillo comini dínomo íllaza. Ua Jesús jae jáideza.

¹⁴ Afe mei Jesús gairíraco eromo íena baizájillano daide:

—Mai eroi. Birui jae jíllodio. Meine fiénidífuena finóñeno iri, jamánomo fígóñede raa omo jíriñellena, —daide.

¹⁵ Iemo afémie judíuaimo Jesús íena jíllotatímie llujáide. ¹⁶ Ie jira judíuai Jesuna duere finóllena racádaíoi; íena fáiacadaíoi, ocózinaillarui aféíuiái fínua jíri.

¹⁷ Mei Jesús íaioina daide:

—Cue Moo Juzíñamui jaca nanómona biruimo táijide, jira cue nane táijidícue, —daide.

¹⁸ Temona judíuai jamánomo íena fáiacadaíoi; níbai ocózinaillarui ocuícáfue afémie jáanote. Ie emódomo afémie Juzíñamui izóidímiena dama finótate, “Juzíñamui cue Moo” ie daina jira.

Juzíñamui Jító ríno

¹⁹ Ie mei Jesús íaioina daide:

—Uáfueña ómoína dáititue, mei Juzíñamui Jitódicueza, dama cue jítaina izói minícana finónidicue. Dama cue Moo Juzíñamui finócafue cue ciona izói birui finódicue. Nana cue Moo finócafue afe izói nana finofiredicue; ie Jitódicueza. ²⁰ Ua Moo Juzíñamui nana ie finuafue ie Jitomo ácatate, Moo ie Jitó izíruilla jira. Ie emódomo jamánomo áillue finóllifue íemo ácataite, omoi fáigacaillena. ²¹ Mei Moo Juzíñamui tíidino cáadinona itátateza, ua cáallinona íaioimo ite; daje izói ie Jitó nana afémie oíacaiganomo cáallinona ite. ²² Moo Juzíñamui buna jicánoñede íena duere finótallena, mei íadi nana afe jicánolle ríino ie Jitomo iga. ²³ Daií nana comini Moo ñue jacíruilla izói, afe izói ie Jitona ñue jacíruitiaoi.

²⁴ Uáfueña ómoína dáititue: cue uaina cacádimiemo, dáanomo cuena orédimiena ínotimiemo ja ziiño cáatatinona ite. Afémie duere finóbifeite, tíllanomona ja bai finona jira; jae cáananomo dúcide. ²⁵ Uáfueña ómoína dáititue: tíidino meine cáallirui áinoziocaide. Aferui birui. Ua tíidino Juzíñamui Jitó úrillana cáaitiaoi; íemona nana áfena náfuefiredino cáaitiaoi. ²⁶ Mei Moo Juzíñamui cáatalle ríino íteza, daje izói afe cáatalle ríino ie Jitomo afémie itátate. ²⁷ Dáanomo comini duere finóllena jicánua ríino íemo iga, afémie Nanoide íima Jitona jira. Afe Jitódicue. ²⁸ Afemo fáigacaiñeno iri. Nana tíidino cue úrillana cacáillirui dúciiteza. ²⁹ Aféruído raíáfuaímona jino bíitiaoí. Ñúfue finódimaci meine cáadinona íitiaoi zííñona íaioí íllena; mei íadi fíenidífue finódimaci meine cáadinona íitiaoi, duere íaioí finóbillaena.

Jesús ríino uáfueña dáititufui

³⁰ Dama cue comeci izói minícana finónidicue. Moo cue ocuilla izói comini finuafuaí riire jicánoticue. Cue jicánuafe jaícina ñue joide; cue jítaina izói jicánoñedicueza, mei íadi cue orédimie, cue Moo jítaina izói jicánoticue, afe izói finóllena. ³¹ Dama cueri uai cue nabáiadi, cue dánana figo uáfueña dáíñede. ³² Mei íadi jíimie cueri uai nabáirama ite. Afémie cueri dainafue ñue uáfueña facátate. Afena onódicue. ³³ Juaamo jicánuaídiomoi. Afémie ie uai úana jaca uafue. ³⁴ Mei íadi íimamona cueri uai nabáíllana jicáñedicue. Daa bíena dáititue omoi jíllobicaillena.

³⁵ Juan egáíñora izóidimie. Afe egáíñora bóocabillamona egáíñofirede. Ie egáíñuanomo nano íanori íllamona íóbicaídiomoi. ³⁶ Mei íadi jíaie cueri uáfueña facátate ite. Afefue Juan cueri dainafue baímo ite. Afe uáfueña facátate cue finócafuaí. Aféfuíai cue Moo cue finóllena ocuífuaí daje izói jóoideza. Afe jira afe cue finócafuaí Moo orécacue uáfueña facátate. ³⁷ Ie dáanomo Moo, cue orédimie cueri uai nabaide, mei íadi omoi ie uaina jaca cacáñediomoi; ie abi cíocaillana jaca cíóñediomoi. ³⁸ Ie uaíllai omoi ífócimo déíñede, afe Moo orécamiéna omoi íñoñena jira. ³⁹ Juzíñamui Cuegáuíllai izire jenoda facádotiomoi; dinomo “Zííñona íllino báititai” comécimo facáoidiomoi. Uafue, Cuegáuíllai cueri ñue úritiaoí, ⁴⁰ mei íadi cuemo bíacañediomoi afe ómoimo zííñona íllena.

⁴¹ Comini cuemo nitáacaga jalléinafuaí náfueñedicue. ⁴² Mei íadi ómoína onódicue. Juzíñamuina izíruíñediomoi onódicueza. ⁴³ Cue Moo cue ória jira biticue, íadi cuena íllánoñediomoi. Jíimie dama ie ória izói bíadi afe ímana ñue íllánoitiomoi. ⁴⁴ ¿Omoi nie izói ínotiomoi? Dani ómoimona cáimadua uaíllai íllanofirediomoi; mei íadi daade Juzíñamuimona bitíuai, ie cáimadua uai

jenóñediomoi. Jira ínonidiomoi. ⁴⁵ Cue Moo uíecori ómoimo fiénidifue cue nitalle comécido facáoñeno iri. Uáfueña Moisés ómoimo fiénidifue nítaite, nii omoi úiñogamie. ⁴⁶ Moisés daináuai omoi ínoiadi daje izói cuemo ínoitiomoi, mei Moisés cueri ñue cúeteza. ⁴⁷ Mei íadi afémie cuegáuai omoi ínoñeniadi ¿nie izói ómoína cue daináfueña ínoitiomoi? ¡ínoñeitiomoi! —daide.

6

Jesús cinco mil íñiaí ecade

(Mt 14.13-21; Mr 6.30-44; Lc 9.10-17)

¹ Afe meífodo Galilea jorai ruícaferaimo jaide. Afe jorai jiáífodo mameina: Tiberias. ² Aillo comini íedo jáidiaíoi, cíofinina ráaniaí ie fínuaña íaíoi cíonamona. Ua iráredino jllotana cíodiaíoi. ³ Ie mei Jesús ídumo ráiizaide ie llófuegamaci diga. ⁴ Ja judíuai rafue páscuafue áinozide. ⁵ Jesús érocaillano aillo afémie óodana bitinona ciode. Jira Felípna daide:

—¿Ninómona nana bimaci ecállena íbaiticaí? —daide.

⁶ Afe daí jicánote, Felipe uai úana onóillena. Jesús dama ie finóllifue ñue onode. ⁷ Iemo Felipe uai ote:

—Doscientos dígabe fidi pan dúciñeite naga come jéenino óllena, —daide.

⁸ Ie jira jiáie llófuegamie Andrés, Simón Pedro ama, Jesuna daide:

⁹ —Benó daa dúemiemo cinco diga panes ite mena chamu diga. (Bie pan cebada finoína.) Mei íadi iere duera; aillo comini illaza, —daide.

¹⁰ Ie mei Jesús daide:

—Nana íaíoi ráiilleza afémacina omoi daiíri, —daide.

Afénomo aillo raitire ite. Iemo cinco mil íñiaí raizídiaíoi.

¹¹ Ie mei Jesús pan llínota Juzíñamuina “íere figura” daide.

Dáinamona llófuegamacimo fecade. Afemona llófuegamaci nana ráiiedinodo fecade. Jesús daje izói finode mena chámuna, ua nana ráiacadinodo fecade. ¹² Jae íaíoi jeírilla mei ie llófuegamacina daide:

—Fiébidinuaí nana iráíri, daa báíñelleza, —daide.

¹³ Fiébidinuaí doce diga cirigai iráica. Ua cinco diga panes fiébidinomona diga cirigai oruítaga. ¹⁴ Ie mei comini bie cíofinina raa Jesús fínua cíonamona daidiaíoi:

—Uafue bímie afe jaiái nanómona lloga ana éniemo bíacade uai lloráima, —daidiaíoi.

¹⁵ Mei íadi comini íena riire lláitano illáimana jóoneacana Jesús fidíbicaide. Fidíllanona Jesús dama meine idu caifónedumo jaide.

Jesús jainoi emódodo macade

(Mt 14.22-27; Mr 6.45-52)

¹⁶ Ja nauídemo Jesús llófuegamaci ana jóraimo jáidiaíoi. ¹⁷ Dúciillano nocaemo jaillano, jorai ruícaferaimo Capernaúmo jaitáidiaíoi. Jae jítiredemo, mei íadi nai Jesús meine abído biñede. ¹⁸ Iemo aillo jairifo daingo náidacaide. Iemona bagua mónaíoaicaide. ¹⁹ Due bai jáidiaíoi Jesús nocaemo áinozillana cíodiaíoi. Jainoi emódodo macade. Iemo jacíruitiaíoi. ²⁰ Mei jira íaíoina daide:

—Cueza, omoi jacíruíñeno, —daide.

²¹ Iemona caimare nocaemo íena llínotiaíoi. Iemona íaíoi jáíillinomo nitaca izói jarire dúcidiaíoi.

Comini Jesús jénua

22 Jáirui meifodo jorai enéferaimo fiébidimaci, llófuegamaci daa ite nocaedo jáillana fidídiaioi. Iadi Jesús afémaciri jáiñede. 23 Mei íadi biruícana jáie nocáiai Tiberias jófueмона дúcizaide. Ua pan gülla áinori Ocuíraima Jesús “fere figura” dáinamona, ua afénomo dúcizaidiaioi. 24 Daí Jesús dinomo iñénana cióillano ie llófuegamaci diga, afécaiaimo jofo jáidiaioi. Iemona Capernaúmo íena jénuaidiaioi.

Jesús, ziiñona cáaille paana maméidimie

25 Jorai ruícaferaimo dúcillano, Jesús baitíaioi. Baillano íena jicánotiaioi:

—Llófueraima ¿niruido benomo dúcido? —daidiaioi.

26 Jira Jesús daide:

—Uáfuenta ómoína dáitucue, güllena omoi jeírillamona cuena jénuabitioi. Cue finoca cíofinina raa omoi onónamona cuena jenóñediomoi. 27 Fúifirede gülleno táijiñeno iri. Mei íadi fúíñeite gülleno táijiri. Afe güille ómoína ziiñona itátaite. Afe bie güille ómoimo íitucue mei Nanoide hima Jitódicueza. Mei ua, omoi uáfuenta íinogamiéna jae Moo Juziñamui jónegacueza.

28 Jira jicánotiaioi:

—¿Minícana fínoiticaí Juziñamui jitaille raa caí fuitállena? —daidiaioi.

29 Jesús uai ote:

—Juziñamui orécamiéna omoi íinollena jitáirede, —daide.

30 Iemo jicánotiaioi:

—¿Minica onótate raa caimo ácataredio, afe cióillano ona caí íinollena? ¿Minícafue fínoitio? 31 Caí jaiáidigima zaféredizicimo maná güitíaioi; Juziñamui Cuegáuai daina izói: “Juziñamui monámona ana baiítaga gülleniái áfena íaioi güitátate,” —daide.

32 Jesús uai ote:

—Uáfuenta dáitucue: monámona baiide gülleniái fecáraima Moiséñede. Mei íadi uáfuenta monámona baiide gülleniái fecáraima cue Moo. 33 Juziñamui fecaca gülleniái, monámona ana bitímie. Afémie cáaille paana maméidimie. Afémie énie íimacimo ziiñona cáallinona itátaite, —daide.

34 Iemo íena daidiaioi:

—Ocuíraima, bie gülleniái nágarui caí ine, —daidiaioi.

35 Jira Jesús daide:

—Cue cáatate güllédicue. Cuemo bitímie jaca júfiruiñeite. Cuemo íinotímie jaca ninomo jíroacañeite.

36 Mei íadi ómoína cue daina izói, cuemo íinóñediomoi nai cuena ciódiomoi íadi. 37 Nana Juziñamui cuemo fecácamaci cuemo bífireitiaioi. Cuemo bífireitinona jino dótañeítucue. 38 Uafue, cue comeci jitaina izói finóllena, monámona ana biñédicue, mei íadi cue orédimie comeci jitaina izói ana fínuabiticue.

39 Cue Moo, ua cue orédimie, nana cuemo igánomona buna oni ninó báiiñellena jitaide. Ua nana afémaci íiraíruido cáadinona itátaitucue. 40 Cue orédimie nana Juziñamui Jitona ciódimaci íena íinollena jitaide. Daí íaioi íinuamona ziiñona cáallinona íaioimo íllana cue orédimie daje izói jitaide; ie mei íiraíruido cáadinona íaioina itátaitucue, —daide.

41 Iemona judíuai Jesuri gugúritiaioi. Ua ie daináfuerei: “Monámona ana baiide gülleniáiina maméidimiedicue” íeri gugúritiaioi. 42 Daidiaioi:

—¿Bímie José jító Jesúñede? Ie moona onódicai ie ei diga. ¿Ñie izóí “Monámona ana bitímiedicue” daiñrede? —daiǵiaioi.

⁴³ Jira Jesús íaioina daide:

—Gugúriñeno. ⁴⁴ Buna cuemo bínide, cue Moo, cue orédímie nai átiñenia. Ie mei írairuido afémiena cáadimiena itátaiticue. ⁴⁵ Uai lloraini cugánicuai llote: “Nana afémaci Juzíñamui llófuegamaciza íitíaioi.” Daií nana Moomo cacáдино, afémieмона fibítagamaci cuemo bitíaioi.

⁴⁶ Bie izóí cue daina dáarie Moo Juzíñamuina ciona daiñacañede. Dama Juzíñamuimona bitímie Moona ciona. ⁴⁷ Uáfueña ómoína dáitícue: cuemo ínotimiemo zíñona cáaillinona ite. ⁴⁸ Cue cáatate gülledicue. ⁴⁹ Omoi jáiairagima zaféredizicimo manana güítíaioi, mei íadi jae tíidimaci. ⁵⁰ Iadi cue daina monámona ana bite gülledicue güítino tíiñeítíaioi. ⁵¹ Cue dama afe bie monámona ana bite cáatate gülledicue. Bie güille güítímie zíñona iite. Bie cue ille güille dama cue íeizi. Afena íitícue nana énie imaci cáallena, —daide.

⁵² Iemona judíuai dani íaioiri júfidotíaioi. Daiǵiaioi:

—¿Ñie izóí bímie dama ie íeizina caina écaite? —daiǵiaioi.

⁵³ Jesús íaioina daide:

—Uáfueña ómoína dáitícue: Nanoide Hima Jitódicueza; cue íeizi omoi ríñeniadi, daje izóí cue die omoi jíroñeniadi nai omoi cáaillinona íñede, dájena cuemo jaináñena jira. ⁵⁴ Cue íeizi ritímie, daje izóí cue die jiródimiemo comeci zíñona cáaillinona ite; ie mei írairuido afémiena cáadimiena itátaiticue. ⁵⁵ Cue abi uafue güille. Cue die uafue jirólli. ⁵⁶ Cue íeizi ritímie, jái cue die jiródímie ja cuemo dájena ite. Daje izóí afémie mo dájena iticue. ⁵⁷ Cue caade Moo orécacue, jira afémiedo cáadicue; daje izóí cue rítímie cuedo cáate. ⁵⁸ Monámona ana bite gülleri úritícue. Bie güille omoi jáiaídígima güiga maná izóíñede. Nana afémaci tíidimaci; mei íadi bie güille güítímie zíñona iite, —daide.

⁵⁹ Jesús Capernaúmo ite Juzíñamui uai llófueriracomo nana bífuiái íaioimo llófue.

Zíñona cáatate uailai

⁶⁰ Bie llófuiána cacáillamona, aillo Jesudo jáidimaci daiǵiaioi:

—Bie afémie daina afe jeire ollíuai iere féirede. ¿Bu áfena jeire órena? —daiǵiaioi.

⁶¹ Iemona Jesús íaioi gugúrillana onóbicaide. Onóillano jicánote:

—¿Aféfuíai ómoína íaíruificaitade? ⁶² Ie mei Nanoide Hima Jitó nano ie illánomo caífo ie jáillana omoi cióadi, ¿ñie izóí íitíomoi? ⁶³ Cai joreño cai cáatate. Íeizi cáatañede. Ómoína cue daináuailai joreño izoide uafue uailai. Cáataítíaioi. ⁶⁴ Mei íadi ómoimona dámerie nai íñoñediaioi, —daide.

Jesús afe íñoñedimaci nanómona onode. Afe llezica íena éoidimacimo fécaítimiena onode. ⁶⁵ Ie mei daide:

—Iemona ómoína dáitícue, Moo átiñenia buna cuedo bínide, —daide.

⁶⁶ Aféruimona aillo Jesudo jáidino íena fíenocaidíaioi. Ja íedo macáñediaioi.

⁶⁷ Ie jira ie doce diga llófuegamacimo jicánote:

—¿Omoi daje izóí jáiacadiomoi? —daide.

⁶⁸ Mei íadi Simón Pedro uai ote:

—Ocuíraima, ¿bumo jáiredicai? Zíñona cáatate uaillai omo ite. ⁶⁹ Ja cai ñnoticaiza. Onódicai caade Juzíñamui Jitódioza. Crístodio, —daide.

⁷⁰ Jesús íaioina daide:

—Jae doce dígamie nizédicue; mei íadi omoi cígimona dámie Taife izoide, —daide.

⁷¹ Afe dáinado Jesús Júdari úrite. Judas Iscariote Simón jitó. Afémie Jesuna éoidimacimo fécaitimie, mei íadi afémie doce dígademonia.

7

Jesús ámatiai éna ñnoñediaioi

¹ Afe méifodo, Jesús Galilea éniedo macade. Judéamo íacañede, dinomo judíuai ie íaioi fáiacana jira. ² Ja bizáinillaimo irázillafue ánozide. Afefue judíuai rafue. ³ Ainozillamona ie ámatiai éna daide:

—Benó fiébiñeno. Judéamo o jairi, dinomo ite odo jáidino o finócafueña cíoilena. ⁴ Dámie nana comini éna íaioi onóillena jitáidi, ie raana báinino finóñede. Afe áillofuiui o finóadi nana comini uíccomo finori, —dai díaioi.

⁵ Bie izóí dai díaioi, mei nai ie ámatiai éna ñnoñediaioza. ⁶ Jira Jesús daide:

—Cue ñue illíruimo nai dúciñede. Mei íadi ómoimona nana nígarui ñuera. ⁷ Enie imaci ómoína éoinide, mei íadi cuena éoidiaioi, ñbái íaioi fiendi finócafuiui uai nabáiraímadicueza. ⁸ Mai ráfuemo omoi jái. Nai jáíñeiticue, cue ñue illíruimo nai dúciñede.

⁹ Dai dáina mei Galiléamo fiébide.

Jesús bizáinillai irázillafuemo jaide

¹⁰ Ie ámatiai jailla mei, Jesús daje izóí ráfuemo jaide, mei íadi uáfodo jáíñede. Jabo báinino jaide. ¹¹ Judíuai afe rafue ana éna jenódiaioi. Dai díaioi:

—¿Ninomo mei afe íima ite? —dai díaioi.

¹² Comini cígiedo aillo afémieri úritiaioi. Dáarie, “Ñúemie,” dai díaioi. Jáimaci, “Fiénidimie; mei cominina jífuezeza,” dai díaioi.

¹³ Mei íadi judíuaina jacíruillano buna afémieri uáfodo úriñede.

¹⁴ Ja rafue cigi iruido Jesús Juzíñamui gairíracomo jofo jaide. Jaillano dinomo llófuellena tainede. ¹⁵ Iemona judíuai fáigacaillano dai díaioi:

—¿Nie izóí bie íima diga ráfuiaina onode, afémie nai llófueñegamo? —dai díaioi.

¹⁶ Jira Jesús uai ote:

—Cue llófuegauai cúeieñede; mei íadi cue orédimie ie. ¹⁷ Dámie Juzíñamui jitailla izóí finóacania, afémie cue llófuegauai Juzíñamuimona bitíuaina ónoite. Afe llezica dama cue jitailla izóí llófueñedícuena ónoite. ¹⁸ Dama ie comeci jitailla izóí úritimie, comini íemo ñúefuena nitállena úrite. Mei íadi éna orédimie mo ñuera ráfuena nitácadimie uáfueña dáite. Afémie mo jífuiafuena íñede.

¹⁹ ¿Omoimo ocuica uaillai Moisedo ómoimo iga? ¿Ero ua? Mei íadi buna ómoimona aféuai jeire oñena. Aféuai jeire oñédimiedicue izóí, ¿ñibái mei cue fáiacadiomo? —daide.

²⁰ Jira comini uai ote:

—Omo fiénide jóriai illa. ¿Bu o fáiacana? —dai díaioi.

²¹ Jira Jesús daide:

—Daa raa ocózinai llaruimo cue finuari nana fáigacadiomo. ²² Mei íadi úrué bacano icoi quétajana facátafue Moisés ómoimo iga. Jira íiza bacano

icoi quetádiomoi ocózinaillaruido íadi. (Moisés afefue táineñegaza; jáiairagimaci taineca.) ²³ Mei jira Moisés ocuica uailai nana ñue fuizáillena, íiza bacano icoi omoi quetáadi ocózinaillarui íadi, ¿ñibái ríicaidiomoi iima abi námiena cue jílloatai ocózinaillarui? ²⁴ Mai jinófene éroillano comini ifue nitáañeno. Omoi nitáadi jaícina uáfueña nitari.

Jesús ie comuillanodo úrite

²⁵ Te mei Jerusalemo dáarie itínomona jicánuaidiaioi:

—¿Bímie íaioi fáiacagamieñede? ²⁶ Mei íadi batínomo comini cígimo úrite íadi buna nie izói daiñena. ¿Uáfueña caifóidimaci bímie Crístoza ínotiaioi? ²⁷ Mei íadi cai, afémie ninómona ie bíllana onódicai. Íadi ibana Cristo bíadi, buna ninómona ie bíllana óñoñeite, —daidiaioi.

²⁸ Afena cacáillano Jesús nai gairíracomo llófuia llezica riire daide:

—¿Cuena onódiomoiza? ¿Ninómona bitícueza onódiomoi? Mei íadi dama cue comeci izói biñédicue, íadi caade cue orédimíemona biticue. Afémie jaca itímie. Afémiena onóñediomoi. ²⁹ Afémiena onódicue, afémíemona bitícueza, ie orécacueza, —daide.

³⁰ Iemona íena lláviano úiacadiaioi. Mei íadi nai buna íena llaitáñede, nai ie llaitáillirui ducíñedeza. ³¹ Mei íadi aillo comini íemo ínotiaioi; daidiaioi:

—Cristo bíadi ¿bímie finoca cíofinina onótafuiaí baimo fínoite? —daidiaioi.

Fariséuai llazíriraini orede, Jesús lláviano úillena

³² Fariséuai comini Jesuna dainana cacádiaioi. Jira lletáriraini illaini, gairíraco jabóidillaímaíai orede Jesús llaitada úillena. ³³ Jira Jesús uai ote:

—Omoi cígiri dama íanori nie dino íiticue. Ie méfodo cue orédimie diné jáiticue. ³⁴ Cuena jénoitiomoi mei íadi cuena báíñeitiomoi, cue illínomo jáinidiomoiza, —daide.

³⁵ Te mei judíuai dani íaioimo jicánuaidiaioi:

—¿Bímie ninomo jáite, íena cai báíñeillena? ¿Judíuai júdaicamací griego éniemo afémie jáite, griego imaci llófuellena? ³⁶ Te dainana, “Cuena jénoitiomoi mei íadi cuena báíñeitiomoi, cue illínomo jáinidiomoiza,” ¿nie izói daide? —daidiaioi.

Jesús, jáinoi izói cómena cáatate

³⁷ Rafue íraírui jamánomoidirui. Aféruido Jesús naidáillanona como aillo uaido úrite:

—Nana jirócadimie cuemo bi; júruabi. ³⁸ Cuegáuai daina izói, cuena ínotimie ie comécimona áillue imani tua izói aillo ñue cáataitífuiaí biite, —daide.

³⁹ Aféfuedo nana afémiena ínotino Ñuera Joreño llínoitiaioi daide. Ua mei, Ñuera Joreño nai biñede, Jesús ie cáimafue ebíredifue diga nai llíñoñena jira.

Comini Jesuna daináfuaí jáífodorie jóide

⁴⁰ Dáarie comini cígimona aféfueña cacáillano daide:

—Uáfueña bímie uai llóraíma, jáiaí ninomo bíacadimie, —daide.

⁴¹ Jáíimaci daidiaioi:

—Bie ua Cristo.

Mei íadi jáíimaci daidiaioi:

—¿Nie izói Cristo dino Galilea ímieite? ⁴² Cuegáuai llote: “Jáiaidillaima David, ie izíe ímieina Cristo iite. Ua Belén ímieina iite, afe jófuego nauí David íteza,” —daidíaiói.

⁴³ Daií nana comini Jesús ícoínia dázierie bózietaidíaiói. ⁴⁴ Dámierie Jesús maiáno úiacadíaiói, mei íadi buna daií ñeñena.

Caífoide ríredino Jesuna ínoñediaíói

⁴⁵ Gairíracó jabóllaini abido fariséuai illánomo, daje izói lletáriraini illaini illánomo bitíaiói. Afémaci íaióimo jicánote:

—¿Nibái mei íena atíñediómoi? —daide.

⁴⁶ Jira jabóllaini (jáíifodo mameina llavérraini) uai otíaiói:

—Jaca ninomo buna afémie úrilla izói úríñede, —daidíaiói.

⁴⁷ Jira fariséuai daidíaiói:

—¿Omoi daje izói ja jífuegamaciómoi? ⁴⁸ ¿Cai illáicomini dáarie íena ja ínotíaiói fariséuai diga? ¡Jaca ínoñediaíói! ⁴⁹ Mei íadi bie comini ocuífaiuíai onóñediaíói, ja faidócaíaióiza, —daidíaiói.

⁵⁰ Nicodemo, naió Jesumo eróizaíbitímie daa fariseo imácimona. Íaióina daide:

⁵¹ —Cai ocuífafue daína izói buna duere finónidicai, nano fueñe íena cai cácañeniadi, ie finócafueña cai ónoillena, —daide.

⁵² Mei jira uai otíaiói:

—¿O jáíi daje izói Galilea ímiedioza? Cuegáuai fácado. Dinomo cóitio buna uai llóraíma Galiléamona biñede, —daidíaiói.

Jirúredingo Jesumo atídiaíói

⁵³ Mei íemona naga come íaiói jofomo jaide.

8

¹ Mei íadi Jesús Olivo daína ídumo jaide. ² Ie jítiramo monáillamona, abido gairíracomo bite. Nana comini íemo ánozidiaíói. Afémie ráinaillano íaióina llófuiaide. ³ Ie mei ocuífafue llófueraini fariséuai diga jirúredingo Jesumo atídiaíói. Daií ñécade afengó baitíaiói. Afe gairíracomo itímaci cígimo aféngona jóonetiaíói.

⁴ Jóniano Jesuna daidíaiói:

—Llófueraima, bie ringo afe jirúrenafue finócade baiticai. ⁵ Afe izoide ringona Moisés ocuífafue cai ocuide nofíciáido fállena. ¿O nie izói daidío? —daidíaiói.

⁶ Daií daidíaiói Jesús facátallena. Bie facátamona fiénidífue íemo nitáacadiaíói. Iemona Jesús jíjicaillano éniemo onócaido cuete.

⁷ Mei íadi diga icaiño jicánotíaióimo Jesús meine jaícina rainade. Ráinaillanona daide:

—Omoimona dáamie fiénidífueña íñédímie, mai nanoide nofici aféngomo nitari, —daide.

⁸ Dáanomona nane jíjicaillano éniemo cuete. ⁹ Mei íadi aféfuena cacáillano, nana íaiói comeci úrilla uaido méaicaidíaiói. Méaicailano oni nana dáarie jáioidiaíói. Ua íere éicomédímie uícodo oni jailla. Nana ja íaiói jailla mei, Jesús dama dinó fiévide afe atícango diga. ¹⁰ Iemo Jesús jaícina meine rainade. Afe ringo baimo buna cióñenano aféngona daide:

—Ringo, ¿ninomo omo fiénidifue jítádino ite? ¿Buna omo nofícina nitáñena? —daide.

¹¹ Jira afengo daide:

—Ocuíraima, ua buna nitáñede, —daide.

Mei jira Jesús daide:

—Cue ona daíí nítaiñeiticue. Mai o jairi. Fieni meine abido daíí ñeño iri, —daide.

Jesús, bie énie comini egáñoraima

¹² Jesús dáanomo nane comínimo úrite; daide:

—Cue binie comini egáñoraimadicue; cuedo jáitimiemo cáataite egáñua iite. Jaca nino jítifodo mácañeite, —daide.

¹³ Ie jira fariséuai éna daidíaioi:

—Dama o uai nabáidío. Afe uai ráifiñede, —daide.

¹⁴ Jira Jesús uai ote:

—Cue daina uáfuena ráifide, afe dama cuemo uai nabáidicue íadi. Cue ninómona biticue, daje izói cue jáillinona onódicueza. Mei íadi ninómona bitícueza onóñediomoi, cue jáillinona diga. ¹⁵ Bie énie facárado jenócana facádiomoi; cue buna jenócana facáñedicue. ¹⁶ Mei íadi cue facáadi, cue facállifue jaícina ñue jóide. Dama facáñedicueza. Moo, cue orédimie diga dáanomo jenoda facádícoco. ¹⁷ Omoi ocuica cuegúuai daide: “Mena uai nabáiraima dáanomo daííadi, aféfuena ínoitiomoi.” ¹⁸ Cue dama cueri uai nabáiraimadicue. Cue Moo, cue orédimie jíaiie cueri uai nabáiraima, —daide.

¹⁹ Jira jicánotiaiioi:

—¿Ninomo mei o Moo ite? —daidíaioi.

Jira Jesús uai ote:

—Omoi cuena onóñediomoi. Daje izói cue Moona onóñediomoi. Cuena onódiomoi nia, daje izói cue Moona onódiomoiiza, —daide.

²⁰ Gairácomo llófuia llezica, afe bíuai daide; ua fia fecaca úcube jóoneraco illánomo dinomo llófuete. Mei íadi buna éna lláviano uiñede, ie llaitáilliruimo nai dúciñena jira.

Cue jáillinomo jáinidiomoi

²¹ Jesús nane dáanomo íaioiina daide:

—Cue jáiticue. Cuena jénoitiomoi, íadi omoi fiénidifue nai doñégamo tíitiomoi. Mei jii cue jáillinomo omoi jáinidiomoiiza, —daide.

²² Jira judíuai dani conímána daidíaioi:

—¿Mei níbai afémie dama abi títaite, mei “Cue jáillinomo jáinidiomoi” afémie caina dáideza? —daidíaioi.

²³ Jira Jesús íaioiina daide:

—Omoi ana bebeco iédiomoi, mei íadi cue caifófeco ímiedicue. Omoi bie énie iédiomoi, mei íadi cue bie énie ímieñedicue. ²⁴ Ie jira omoi fiénidifue nai doñégamo tíitiomoi daidicue. Cue daina izói itímiedicuena omoi íinoñeniadi, omoi fiénidifue nai doñégamo tíitiomoi, —daide.

²⁵ Jira jicánotiaiioi:

—Mei ¿o búdio? —daidíaioi.

Jira Jesús uai ote:

—Jaiái nanómona ómoimo lloticue. ²⁶ Cuemo aillo ómoína cue daiíllifuiái ite. Daje izói aillo ómoína cue jenoda facállifuiái ite. Cue orédimie uáfuena daide. Afémiemona cue cacana izói bie énie comínina áfedo daidicue, —daide.

27 Mei íadi Moodo íaioimo Jesús úrillana figo cacáñediaioi. 28 Jira Jesús íaioina daide:

—Enie acónimo cuena caifo omoi raiñóadi cue daina izói itímiena ónoitiomoi, mei Nanoide íima Jitódicueza. Afe llezica dama cue comeci izói finófnidicueza ónoitiomoi. Dama cue Moo cuemo llogáfuiái daidicue.

29 Cue orédimie jaca cue diga ite. Cue Moo dama cuena fiéñede, afémie ióbitadifuiaina finófredicueza, —daide.

30 Jesús daí dánamona, aillo íena ínotiaioi.

Juzíñamui jitóniaí fiénidifuedo jeruícamací baímo ñue itíaioi

31 Afemona judíuaimona íena ínotinona Jesús daide:

—Cue ómoína dainana omoi jaícina jeire oíadi, cue llófuegamacina uáfueña jaitiomoi. 32 Ie mei uáfueña ónoitiomoi. Afe uáfuedo jéruiñegamacina íitiomoi, —daide.

33 Afémaci ie uai otíaioi:

—Abraham iziedicai. Jaca ninomo buna jéruiñegamacidicai. ¿Nie izói, jéruiñegamacina íiticaí, daidio? —daidíaioi.

34 Jira Jesús daide:

—Uáfueña ómoína dáitícue, nana fiénidifue finódimaci fiénidifuedo jeruícamací. 35 Jeruícamié ie naama izíe diga jaca ínide. Mei íadi naama jító aféziemo jaca jainaide. 36 Daí mei Juzíñamui Jító jeruñenafue ómoimo fecáadi, uáfueña jéruiñelliomoi. 37 Abraham izíe iédiomoi za ja onódicue; mei íadi cuena fáiacadiomoi, ómoína cue daináfueña omoi llíñoñena jira. 38 Cue Moo cuemo ácataga raado úritícue. Omoi moo daina izói finófrediomoi, —daide.

39 Jira uai otíaioi:

—Cai moo Abraham, —daidíaioi.

Mei íadi Jesús daide:

—Uáfueña Abraham jitóniaína omoi íadi, afémie finua izói finoitomoi. 40 Mei íadi Moo Juzíñamui cuemo lloga uáfueña ómoína cue daina íadi, nai cuena fáiacadiomoi. Abraham jaca daí finóñede. 41 Omoi moo finua izói finódiomoi, —daide.

Jira afémaci daidíaioi:

—Jaca jiruñenamona jócoñegacai. Caimo daade moo illa, Juzíñamui, —daidíaioi.

42 Jira mei Jesús daide:

—Juzíñamui uáfueña omoi móodena, cuena izíruitiomoi, mei Juzíñamuimona cue billa jira. Ua ie jira benó itícue. Dama cue comeci izói biñédicue, mei íadi Juzíñamui orécacue. 43 ¿Níbái mei cue dainana cacánidiomoi? Cue úrilla uaina cacáacañediomoi, jira onóñediomoi. 44 Omoi moo Taife. Ie jira afémie iédiomoi. Afémie jítaina izói finócadomoi. Taife jaca nanómoma fáfredimie. Jaca uáfueño jainíñede. Jaca uafue daíñede. Táinofuiái afémie lloadi, ie illa izói úrite. Afémie táinofuiáirede, ua táinofuiái moo. 45 Mei íadi uafue daidícue mo cuena íñoñediomoi. 46 ¿Omoimona bu cue fiénidifue jino due cíotarede? Uáfueña cue daííadi ¿níbái mei cuena íñoñediomoi? 47 Juzíñamui iédimie Juzíñamui uáillaina cácafiredede. Mei íadi Juzíñamui íeñediomoi, ie jira íena cacáacañediomoi, —daide.

Cristo Abraham nano jae itímie

48 Jira judíuái íena daidíaioi:

—Omo fiénide joreño íllana onódicaiza; íemo Samaria ímiena o íllana, onódicaiza, —daidíaioi.

⁴⁹ Jesús uai ote:

—Cuemo fiénide joreño jaca íñede. Cue finócafue cue Moomo ñúefuena nitade. Omoi cuemo ñúefuena nitáñediomoi. ⁵⁰ Cuemo ñúefuena nitállena jenónedicue, íadi jíáimie íte cuemo ñúefuena nitállena. Afémie jenoda facade.

⁵¹ Uáfueña ómoína dáititue, cue daináfueña jeire otímie jaca ninomo tíñeite, —daide.

⁵² Jira judíuai uai otíaioi:

—Fiénide jóriai omo íllana ja uáfueña onódicai. Abraham jaiái tíide naa uai llóraini diga, niadi jíáfodo daidío: “Cue dáinana jeire otímie jaca ninomo tíñeite.” ⁵³ ¿Uáfueña cai moo Abraham baimo jáidío? Afémie tíide. Ua uai llóraini daje izói tíidiaioi. ¿O comécimo bu o íllana facadeío? —daidíaioi.

⁵⁴ Jesús dinena íaiomoi uai ote:

—Dama cuemo ñúefuena cue nitáadi, cue ñúefuena minícana ráifíñede. Mei íadi ñúefuena cuemo nitádimie cue Moo. Dáamiéna omoi Juzíñamui daidíomoi. ⁵⁵ Mei íadi íena onóñediomoi. Cue íena ua onódicue. Afémiena onóñedicue cue daííadi, omoi izói táinofuíairedimiéna íititue. Mei íadi íena uáfueña onódicue. Íe dáinana jeire otitue. ⁵⁶ O jaiáidigima Abraham cue illíruina cíocade áfemona íóbillena; áfena cíóillano afémie íere íóbicaide, —daide.

⁵⁷ Jira judíuai Jesuna daidíaioi:

—Nai cincuenta fimona íñedio, ¿Nie izói “Abraham cuéna cíode” daidío? —daidíaioi.

⁵⁸ Jesús uai ote:

—Uáfueña ómoína dáititue: Abraham nai íñeniadi cue ítitue, —daide.

⁵⁹ Iemona nofíciái llínota Jesumo nitáacadiaioi. Mei íadi afémie retáirillano gairíracomona jino jaide. Afémaci cígido jaillano finocai.

9

Jesús uina cíoiñede jocócamie jillotate

¹ Afénodo jaillano, Jesús uina cíoiñede jocócamiena cíode. ² Íe llófuegamaci íemo jícanote:

—Llófueraíma, ¿nibái mei bie íima uina cíoiñede jococa? Nibai íe moo fiénidífuíai ícoínia daí jococa. Nibai dama íe fiénidífue finua ícoínia daí jococa. ¿Bífuíaimona nífue uáfueña? —daidíaioi.

³ Jira Jesús daide:

—Dama íe ícoíniañedeza, jíái íe moo ícoíniañedeza. Mei íadi afémiemo Juzíñamui finóllifue ñue jino ácatallena, daí íficaide. ⁴ Nai monana llezica cue orédímie táijinafue cue finua jíáiredeza. Ja nauilla llezica buna táijinide. ⁵ Nai bie éniemo cue illa llezica, énie comíni egáíñotimiedicueza, —daide.

⁶ Afe dáina méifodo, Jesús éniemo tuánote. Tuánogamona ja énie ídiaide. Afe tuána ídiaidemona ota, uina cíoiñedímie uimo bídade. ⁷ Íe mei íena daide:

—Siloé jainoi ofíllanomo jócuai, —daide. Afe Siloé mámece jino dobáifua dibéñedo “Orécañona” mameide.

Iemona uina cíoiñedímie ui jócuai. Meine bítemo ja cíoiide. ⁸ Íemo íe abi comíni, daje izói nauí uina íe cíoiñenana cíódino diga daidíaioi:

—¿Bímieñede, níí ráíicana úcube jícafiredímíñede?

⁹ Dáarie daidíaioi:

—Jii, níimie.

Jiáimaci dinena daide:

—Ieñede, mei íadi afémiena eroide, —daidíaioi.

Mei íadi afémie dinena dama daí daide:

—Jii, níimiedicue, —daide.

¹⁰ Jira íemo jicánotiaiioi:

—¿Nie izói ja ciódio? —daidíaioi.

¹¹ Jira afémie uai ote:

—Afe iima, Jesuna mámeciredimie, ídiaidino fínuano cue uimo bitade.

Bitanona daide: “Siloé jainoi ofíllanomo o ui jócuai.” Jócuaidicue. Iemona cue jócuailamona ciódicue, —daide.

¹² Jira íemo jicánotiaiioi:

—¿Ninomo afe iima ite? —daidíaioi.

Iaioina daide:

—Íco mei, —daide.

Fariséuai jíllotaga uina cíoiñedimie mo jicánodoidiaioi

¹³ Iemo fariséuaimo nauí uina cíoiñedimiena uitíaioi. ¹⁴ Jesús ídiaidino fínaruí, afe ocózinaillarui. Aféruimo Jesús uina cíoiñedimie jíllotate.

¹⁵ Fariséuai afe iimana nie izói afémie ui cíoinafue meine abido jicánotiaiioi. Iemo afémie íaioina daide:

—Cue ui ídiaidínona bitade. Jira jócuaidicue. Iemona ja ciódicue, —daide.

¹⁶ Jira fariséuaimona dáarie íena daidíaioi:

—Afefue finódimie, Juzíñamui ímieñede, ocózinaillaruína íinoñena jira.

Mei íadi jiáimíai daide:

—Afémie fiénidífue finóraíma íadi, ¿nie izói bie cíofínina finócafue fínoite? —daidíaioi.

Comíni bózietaillamona ¹⁷ meine nauí uina cíoiñedimie mo jicánuaidiaioi:

—¿O afémiena nie izói daidío, o ui cíotatimiena? —daidíaioi.

Jira afémie daide:

—Afémiena uai llóraíma daidicue, —daide.

¹⁸ Mei íadi judíuai afe uina cíoiñedimie mo finócafúena ínoiacañediaioi. Ie ja cíonafúena ínoiacañediaioi. Ie jira jíllotagámie móotíaina uáidotíaioi. ¹⁹ Iemo jicánotiaiioi:

—¿Afe níi be o jíto uina cíoiñede jocócamie ómico daína? ¿Nie izói mei biruí ciode? —daidíaioi.

²⁰ Ie móotíai uai ote:

—Onódicaíza bie caí jíto; uina cíoiñede jococa. ²¹ Mei íadi nie izói afémie como cíonana onóñedicaí. Daje izói bu ie ui jíllotana onóñedicaí. Afémiemo jícano. Jae eicómeza. Aféfuena onódeza. Afemona uai óite, —daidíaiillinoi.

²² Ie móotíai daí úritíaiillinoi judíuai jacínaiillamona. Judíuai jae nana comíni onótaiioi. Daidíaioi:

—Nágamíai Jesús ua Cristo daínámiena mámeitimie Juzíñamui uai llófueriracomona jino jíuiticaí, —daidíaioi. ²³ Iemona móotíai daidíaioi, “Afémiemo jícano. Jae eicómeza.”

²⁴ Ie mei judíuai meine nauí uina cíoiñedimiena uáiduano daidíaioi:

—Juzíñamui uíécomo uáfueña caina daiíri. Onódicaiza, bímie fiénidifuiairedimie, —dai díai oi.

²⁵ Afémie uai ote:

—Afémie nibai figura, nibai fiénidifuiairedimie onóñedicueza. Daa cue onóigafue. Nano fueñe uina cíoiñedimiedicue, mei íadi birui cíodícue, —daide.

²⁶ Nane dáanomo íemo jicánuaidiaíoi:

—¿Nie izóí ona ñete? ¿Nie izóí o finode o ui cíoillena? —dai díai oi.

²⁷ Jira uai ote:

—Jae omoi lloticue, íadi cuena íñoñediomoi. ¿Níbái mei dáanomo omoi llóiticue? ¿Omoi jíái daje izóí iedo jáiacadiomoi? —daide.

²⁸ Báñuano íena daide:

—O bímiedo jáidío, mei íadi Moisedo jáidicai. ²⁹ Juzíñamui Moiseso úrillana onódicai, mei íadi bie Jesús ninómona bite onóñedicai, —dai díai oi.

³⁰ Jira afe íima uai ote:

—¡Bífue ñí cácafinina raa! Ie billánona onóñediomoi, íadi cuena ñue cíoitae.

³¹ Fiénidifue finóñedimacimo Juzíñamui cacáñede ñue onódicaiza. Iemo afémiemo íobicaitadinomo cacáñede, ie jítaínafue finóñedimaci díga. ³² Jaca nanómona uina cíoiñede jocócamie jíllotatimie dáinana cacáñena. ³³ Bímie Juzíñamuimona biñédeniadi, minícana ñéñide, —daide.

³⁴ Jira dai díai oi:

—O fiénidifuiamona jocócamiedio. ¿O caina llófueacadio? —dai díai oi. Ie jira íena jíno jíúnotiaíoi.

Joreño dibéfuiaina onóñedimaci

³⁵ Jesús uina cíoiñedimie jíno íai oi jíúnuana fidide. Ie baillano íena daide:

—¿Juzíñamui Jítomo ínotio?

³⁶ Jira afémie daide:

—Ocuíraíma, cuemo llone bu afémiena íemo cue ínnolleza, —daide.

³⁷ Jira Jesús uai ote:

—Ja cíodíoza. Níimiedicue, o díga úrilla, —daide.

³⁸ Iemona afémie Jesús anari ana dújuillanona daide:

—Ocuíraíma, ínoticue, —daide.

³⁹ Ie méifomo Jesús daide:

—Bie éniemo biticue, jáicina jenoda facállena. Ua biticue uina cíoiñedimie eróillena. Dáanomo biticue eróidino uina cíoiñellena.

⁴⁰ Ie mei fariséuamona, Jesús díga ítnomona, dáamierie afefue cacáillano íena jícánotiaíoi:

—¿Meita cai uina cíoiñedinodicaí? —dai díai oi.

⁴¹ Jira Jesús uai ote:

—Omoi uina cíoiñeniadi, omoi fiénidifuiái ícoi ííñeite. Mei íadi “Cíodicaí” dai díomoi jíra omoi fiénidifuiái ícoi íte, mei joreño dibéfuiaina onóñediomoi za, —daide.

10

Ovejai cirínoraco cai onótate

¹ Uáfueña ómoína dáititue, ovejai cirínoraco nazedo jáíñedimie ua meríriraíma. Enéfenemo táifodo tcaillano jofo jáidimie ua meríríredimie.

² Mei íadi nazedo jofu jaídímie ua úiñoraima. Níimie ie ovéjaina ñue uíñote.

³ Naze tuiñóraima naze tuiñode afémie jofu jáillena. Ie uaina ovejai onódiaioi. Ie ovéjaiai íaioi mámedido jíirite. Daí cirínoracomona jino ófíregaiáioi.

⁴ Nana ie ovejai jino óinana méifodo, íaioi uícodo ifóicaide. Ovéjaiai ie óodana jáioicaidiaioi mei ie uaina onódiaioiza. ⁵ Mei íadi onóñegamiemo jáioicaíñediaioi. Mei jíáifodo afémiemona niné botádiaioi, ónoñegamací uaina onóñena jira.

⁶ Bie daje izoide ráfuedo Jesús íaioimo llófuete. Mei íadi daí daíacana uáina onóñediaioi.

Jesús ñue ovéjaiai úiñoraima

⁷ Iemona Jesús meine daánomo daízaide:

—Uáfuenta ómoína daíticue: Cue bie ovéjaiai jofu jaira nazédicue. ⁸ Nana cue uícumo bitímaci meríriraini daje izói bairóriraini. Mei íadi ovéjaiai afémacina náfueñediaioi. ⁹ Cue nazénaza. Cuedo jofu jaídímie jíllobicaite. Afémie cirínoracomo jofu jaide, meine jino bite. Afe jofu jáitimie oveja izóidímiena iite. Ie güille raana báifrede.

¹⁰ Meríriraíma fia merírizaibite; fájaibite, táinocaitajaibite. Mei íadi cue bitícue íaioi cáatallena, ua jamánomo íocire íaioi íllena bitícue. ¹¹ Ñue ovéjaiai úiñoraimadicue. Afe ñue ovéjaiai úiñoraima ovéjaiaimo ie cáallinona itátaite. ¹² Mei íadi fia íbaca úiñoraima dama úcube llíinollena táijide. Jico izoide bíllana afémie cíóillano, ovéjaiai fíianona botade. Afémie botade uáfuenta úiñoraimañena jira; daje izói ovéjaiai íeieñena jira. Iemona jico izoide ovéjaiaína llaitade. Iemona nana jíáie ovéjaiai júdaizitiaioi. ¹³ Bie íma botáifrede, daa fia íballena táijideza. Ovéjaiaína nai lloñede. Íaioína duéruiñede.

¹⁴⁻¹⁵ Cue bie ñue úiñoraimadicue. Cue Moo cuena onona izói daje izói cue Moona onódicue. Afe izói cue ovéjaiaína onódicue, ie izói afémaci cuena onódiaioi. Cue cáallino ovéjaiaimo íitícue. ¹⁶ Jíáie ovéjaiai cuemo ite. Bie cirínoraco íeñede. Cue uaina cacáillanona jeire óitiaioi. Iemona daa cirínoraco íite, daje izói daa úiñoraima íite.

¹⁷ Cue Moo cuena izíruite, cue abí fécaillano meine cue llínua jira. ¹⁸ Buna cue abí báiroñeite, mei íadi dama cue comecí izói fécaíticue. Cue áfena fecáredicue, ie mei meine áfena llíinoredicue. Afe bie cue Moo cue ocuilla dieze, —daide.

¹⁹ Judíuai afe uaina cacáillano bócoizitiaioi. ²⁰ Afémacimona aillo daidíaioi:

—¿Níbái mei uai jeire otíomo? Afémiemo fiénide jóriai íllaza, íemo uáiritaide, —daidíaioi.

²¹ Mei íadi jíáimaci daidíaioi:

—Fiénidena jóriairedímie jaca afe izói úrinide, —daidíaioi. Fiénide joreño uina cíoiñedímie uina cíoitánide.

Judíuai Jesús llíinoacañeno íena ruífruitiaioi

²² Jae rozíruillarullai. Afe llezica Jerusalemo irázíllafue finódiaioi, gairíracu juzíramuimo oni íficaillurí uibíñoicaillena. ²³ Jesús Salomón macáranodo gairíracomo macade. ²⁴ Judíuai Jesumo ífoina gairíllano daidíaioi:

—¿Nie dinó caina figo onótañeítio? O Crístodio raire uáfodo caimo llone, —daidíaioi.

²⁵ Jira Jesús uai ote:

—Jae lloticue íadi cuena íinoñediomoi. Cue finócafuiái cue Moo ríinodo finódicue. Afedo ñue jino ácatagacue. ²⁶ Mei íadi cuena íinoñediomoi, cue ovéjaiaíñediomoiza. Afena nauí ómoína daidicue. ²⁷ Cue ovéjaiaí cue uaina onode. Iaiolina onódicue, jira cuedo bitíaiói. ²⁸ Zíiñona cáaillino íaiómo fecádicue. Jaca afémacimona dáamie niné báizaiñeite. Buna cüemona íaióimona daa báiroñeite. ²⁹ Afémaci cue Moo cuemo iga. Afémie jamánomoidimie. Nana baimo jáidimie. Buna cue Moo Juzíñamuimona afémacina bairónide. ³⁰ Cue, cue Moo diga dáamiedicoco, —daide.

³¹ Iemona judíuai meine íena nofíciaina nitáacadiaíói. ³² Jira Jesús daide:

—Omoi eróicana diga ñúefuiaina cue Moo ríinodo finódicue. ¿Nífue ícoina nofíciáido cue njiitiomoi? —daide.

³³ Jira judíuai uai otíaiói:

—Ñúefuiái o finuamona ona njiñeiticái; mei íadi o uáilláido Juzíñamuina báíñotio. Fia ímadio, mei íadi Juzíñamuina o abí mamécadio, —daidíaiói.

³⁴ Jira Jesús daide:

—Omoi ocuínafuiáimo Juzíñamui daína jae cuela. Be níuai: “Omoi juzíñamuillaídiomoi.” ³⁵ Cuegáuái dáinana jaca jáanonide, onódicaiza. Juzíñamui, ie uaillaí llínotimíaiaina juzíñamuillaína mameide. ³⁶ Juzíñamui jae cuena oni ífcaitajano bie éniemo cuena orede. Ua ie orécamedicue. Jira ¿nie izói dáitio “Juzíñamuina báíñotio” cue daíadi “Juzíñamui Jitódicue”? ³⁷ Cue Moo finoca izói cue finóñenia, mai cuena omoi ínoñeno. ³⁸ Mei íadi ie finócafue izói cue finóadi, mai aféfuaiaina íno, omoi nai cuena ínoñenia. Afemona cue Moo cuemo íllana, jabe ónoitiomoi. Daje izói cue, cue Moomo itícuera, ónoitiomoi, —daide.

³⁹ Meine maíáno íena uíacadiaíói, mei íadi Jesús oni finocáide.

⁴⁰ Te mei Jesús Jordán ruicáfellemo meine jaide. Dinomo fiévide. Ua nauí Juan báutizanomo ite. ⁴¹ Aillo comíni íena eróizaidiaíói. Daidíaiói:

—Uáfueña, Juan cíofinina onótalle raa finóñede, mei íadi nana Juan bímierí daínafuiái uáfuiái, —daidíaiói.

⁴² Dinomo aillo comíni Jesuna ínotiaíói.

11

Lázaro tíide meine cáadimíena jaide

¹ Daa íima Lázaro iere irárena. Betania ímie. María ie ebuño Marta diga daje jófueño itíaiói. ² Afe María iráredimie Lázaro miringo. Afe María nauí Jesús ídaimo ziórede cárediji totade. Tótanona ie ífótáido zafénaitade. ³ Ja biruí afe miringo íanguaí uai Jesumo orede, Lázaro iere tíiacana jira: llote:

—Ocuíraíma, o nabái Lázaro irárede, —daide.

⁴ Jesús cacáillano daide:

—Afe duico títañeite, mei íadi jamánomo ñue Juzíñamui ebírenafue ácataite. Ie llélica afe duico Juzíñamui Jitó ebírenafue ácataite.

⁵ Marta ie ebuño ie íio Lázaro diga Jesús íaioina iere izíruite; ⁶ mei íadi Lázaro irárenafueña fidíllanona, Jesús raíre jáíñede; nai ménaruí ie illánomo ite. ⁷ Ie mei ie llófuegamacina daide:

—Meine Judéamo caí jai, —daide.

⁸ Jira llófuegamaci daidíaiói:

—Llófueraima, nano cómoicana Judíuai dino noñciaido o fáiacadaiaioi. ¿Nane meine afe diné jáiacadio? —daídíaioi.

⁹Jira Jesús ie tíllirui nai áinoziñenana onóillano, íaioina onótatiuaido daide:

—¿Uáfueñede, naga mona doce horas ite? Come monari macáadi éicitaiñede. Bie éniemo ite egáíñuana ciode. ¹⁰Iadi come naio macáadi éicitaide; afémiemo egáíñotinona iñédeza.

¹¹Ie mei Jesús nai úrite; íaioina daide:

—Cai nabai Lázaro inídeza, mei íadi cazítaiticue, —daide.

¹²Jira llófuegamaci daídíaioi:

—Ocuíraima, afémie iníadi ja jíllocaite, —daídíaioi.

¹³Mei íadi Jesús jíáfodo daiíacade, Lázaro tíide. Llófuegamaci comeci facade Jesús dáinana fia ínia lloste. ¹⁴Jira Jesús jino uáfodo íaioina daide:

—Lázaro ja tíide. ¹⁵Ióbidiacue afémie tíllanomo iñédicueza. Daií ómoimona ñuera, omoi ínollena. Mei íadi cai éroizailli, —daide.

¹⁶Iemo Tomás, Guarámie maméidimie, jíáie llófuegamacina daide:

—Mai cai jai, afémie diga dáanomo cai tíilleza, —daide.

¹⁷Jesús dúcillano como fidide Lázaro ja cuatro dígarui énie anamo ite.

¹⁸Betania iere Jerusalén áinori ite, mena kilómetro átuedo izói. ¹⁹Aillo judíuai jáidimaci Marta María diga uáiduaidiaioi, íainguai íio tíllari. Iainguaimo fíraibítiaioi. ²⁰Marta Jesús dúciana fidíllano afémiena jino cióizaide. Mei íadi María jofomo fiévide. ²¹Marta Jesúna daide:

—Ocuíraima, o nibai benó itóniadi cue íio tíñede. ²²Mei íadi onódicue naga raa Juzíñamuimona o jíacadi afémie omo iite, —daide.

²³Jira Jesús daide:

—O íio meine cáate.

²⁴Iemo Marta daide:

—Jii, cue onódicueza tíidino cáadinona illíruimo, énie fírairuimo afémie meine cáate, —daide.

²⁵Jira Jesús daide:

—Cue tíidino meine abido náidataraimadicue; cáadinona abido itátaraimadicue. Cuena ínotimie ie tíiadi meine cáate. ²⁶Nana nai cáadino cuena ínoiadi jaca ninomo tíñeítiaioi. ¿O afefue ínotio? —daide.

²⁷Jira afengo daide:

—Jii, Ocuíraima, o Crístitodio ínoticue. Juzíñamui Jitó ana éniemo bitímedioza. Afena ínoticue, —daide.

²⁸Daií dáina méifodo, Marta ie ebuño María uáiduaide. Báinino aféngona daide:

—Llófueraima benó ite. O jíiritade, —daide.

²⁹Afena cacáillano María raire náidacaillano Jesumo eróizaide. ³⁰Nai Jesús afe jófuego jofo jáíñede. Marta ie baizájillanomo nai ite. ³¹Jofo ite judíuai afengo fíraidiaioi. Afengo náidacaillano, raire jino jáillana judíuai cóoillano, aféngodo jáidiaioi. Afémaci comeci facádiaioi, afengo raiafo dinomo éeiaide.

³²Ie mei María Jesús illánomo dúcide. Dúciano afémie eiba abimo caiñícido dújuillano daide:

—Ocuíraima, o nibai benó itónia cue íio tíñede, —daide.

³³Jesús María éeiana, naa aféngodo bitino judíuari éeiana ciode. Cíuano afémie iere zúureficaide. Ie comeci docaide. ³⁴Jira jícanote:

—¿Ninomo omoi raiga?

Jira daidíaioi:

—Ocuíraima, eróizaibi, —daidíaioi.

³⁵ Jesús eede. ³⁶ Jira mei judíuai daidíaioi:

—¡Ero, nñ afémiena ízíruilla! —daidíaioi.

³⁷ ¡adi afémacimona dámie daide:

—Bímie uina cíoiñedimiena meine cíoitaraíma. ¿Nai afémiemo iñede ríino Lázaro tíitañeilla? —daide.

Lázaro tíillamona meine abido cáadimiena jaide

³⁸ Jesús comeci meine iere docaide. Raiáfomo ánozide. Raiáfo idu ana ifo. Ie jofu jáirano daa nofícina ibaica. ³⁹ Jira Jesús daide:

—Nofíci oni ono, —daide.

Tíidimie miringo, Marta daide:

—Ocuíraima, jae íaire jallede. Ráiamona cuatro dígarui íteza, —daide.

⁴⁰ Jira Jesús daide:

—¿Nai ona daíñedicue, o ínoiadi Juzíñamui ebírenafuena cíoitio? —daide.

⁴¹ Iemona nofíci oni otíaioi. Ie mei Jesús monamo érocaillano daide:

—Moo Juzíñamui, iere figura cuemo cacáreífiredio. ⁴² Onódicueza cuemo jaca cacáreidio. Mei ¡adi daí daidícué benó ite comíni ñúeilla, daje izóí bimaci o cue óriana íinollena, —daide. ⁴³ Daí daina méifodo jíríte:

—¡Lázaro, dinómona jino bi! —daide.

⁴⁴ Tíidimie jino bite; ua onoi ¡dai diga ferínoraroido maíano jino bite. Uíéco ínórina ibaica diga bite. Jira Jesús íaioina daide:

—Zuita, zúitanona ie ore, —daide.

Jesús llaitállena jáicina maméritiaoi
(Mt 26.1-5; Mr 14.1-2; Lc 22.1-2)

⁴⁵ Afedo aillo judíuaimona Jesuna ínotiaioi. Afémaci, María ícoínia bitino, Jesús finócafueña cíódimaci. ⁴⁶ Mei ¡adi afémacimona dáamierie fariséuaimo úrizaide. Ua Jesús finócafuiái íaioimo llujáide. ⁴⁷ Iemona fariséuai, lletáriraini illaini diga gairídíaioi naa caifóidíllainiri. Daidíaioi:

—¿Nie izóí ñéiticaí? Bie íma aillo cíofinina onótalle raana finode. ⁴⁸ Fia daí íena cai fáicanocaiadi nana íena ínotiaioi. Iemona romano ríimaci cai gairíraco táinocaitaitiaioi naa cai náirairi, —daidíaioi.

⁴⁹ Dáamie íaioimona Caifás mámeciredimie. Afémie afe fimónamo lletáriraini illaima. Afémie íaioina daide:

—Omoi minícana onóñediomoi. ⁵⁰ Daa íma comíniri tíia baímo jamánomo ñuera, nana nairai tííneilla. Afefue nai figo fidíñediomoi, —daide.

⁵¹ Mei ¡adi Caifás afefue dama ie comécido lloñede; mei jíáfodo afe fimónamo afémie lletáriraini illáimona íllamona, Juzíñamui Joreño daináfuedo afemie daide: “Jesús judío náirairi tíizaite.” ⁵² Ua dani afe náirairi tííneite, mei ¡adi nana júdaizite Juzíñamui jítóniaí daánomo meine gairíllena tíizaite. ⁵³ Daí aféruimona judíuai ríimaci Jesús fállena maméritiaoi.

⁵⁴ Jira Jesús ja judíuai cígido uáfodo macáñede. Judea éniemona oni jaillano, táizici áinori ite jófuemo jáizaide. Afe jofue mámece Efraín. Dinomo ie llófuegamaci diga fiévide.

⁵⁵ Judíuai pascua rafue ánozidemo aillo jofue comini Jerusalemo jáidiaioi, pascua uícomo comeci duáfuiái finóllena. ⁵⁶ Jaillano Jesús jénuaidiaioi. Gairíracomo íaioi illano conímamo jicánoidiaioi:

—¿O nie izói daidio? ¿Afémie ráfue mo biite? ¿Nibái bíñeite? —daidiaioi.

⁵⁷ Fariséuai lletáriraini illaini diga jae ocuáidiaioi: “Daa come Jesús illánona onóadi lloíri,” ie cai llaitálleza, —daidiaioi.

12

Ringo Jesús jillaide (Mt 26.6-13; Mr 14.3-9)

¹ Pascua uícomo seis dígarui ítemo, Jesús Betániamo jaide, Lázaro illánomo. Lázaro ua tídimacimona Jesús abido cáatagamie.

² Dinomo nauife güillafue finódiaioi Jesumo ñufueiaina nitállena. Marta güille raizífiredo. Güirábanimo ráicana Jesús diga güitino, Lázaro afémacimona dáamie. ³ Iemo María litro átuedo zíoji cáiredena fáñegaji atide. Afeji jamánomo ráifide. (Afeji mámece nardo.) Atiano Jesús eiba emodo jillaide. Daí ñiano ifótiido zafénaitade. Nana afeco ero zúena oruúbicaide. ⁴ Dinomo Judas Iscariote ráiide. (Judas Simón jitó Jesús llófuegamacimona. Afémie Jesús éoidimacimo fécaitimie.) Afémie daide:

⁵ —¿Nibái mei trescientos dígabe fidi bie cáirediji fécañega, duéredino cai canoi daí? —daide.

⁶ Mei íadi duéredimaci izíruillamona daí daíñede. Mei íadi afémie meríriraima. Nane íaioi úcubellu uícaífiredo. Aféllumo jónega raana merífredo. ⁷ Ie jira Jesús íena daide:

—Aféngona fáicanocai. Raiáfomo cue raillíruimo aféjina afengo éenote.

⁸ Duéredimaci jaca omoi diga ífiredo, mei íadi cue jaca omoi diga are íñeiticue, —daide.

Lázaro fállena maméritiaioi

⁹ Aillo judíuai Jesús Betániamo íllana fidídiaioi. Jira dinomo jáidiaioi dama Jesumo éroiñellena, mei íadi daje izói Lázaron a cíoilena, tídimacimona Jesús abido cáatagamiena jira. ¹⁰ Iemona lletáriraini illaini Lázaro fállena mamédiaioi. ¹¹ Ua Lázaro ícoiniadi aillo judíuai illáicominiimona jirecaillano Jesuna ínotiaioi.

Jesús Jerusalemo ebire jofo jáillafue (Mt 21.1-11; Mr 11.1-11; Lc 19.28-40)

¹² Pascua ráfue mo aillo comini Jerusalemo jáidiaioi. Ie méidiruido Jesús jófue mo dúcizaillana fidídiaioi. ¹³ Amena rafóruai jaitada jino Jesús uáiduaidiaioi. Caillícana daidiaioi:

—¡Juzíñamuina ebífuena daíri! ¡Juzíñamui mámeceido bitímie caimare comuiri! ¡Israel Illaima caimare comuiri! —daidiaioi.

¹⁴ Iemo Jesús burro baillano afe emódomo ráinade, jaiái Cuegáuái daína izói; be níuái:

¹⁵ “Sión comini omoi jacíruíñeno.

Erocái, o Illaima búrrodo ráicabite.”

¹⁶ Nanómona ie llófuegamaci aféfuiaina cacáñediaioi. Ie méifodo ebírenafue Moo íemo nitaca mei, ie tíllanomona meine abido cáatalliruimo, nana afémieri Cuegáuaimo ubicaidiaioi. Daje izói íemo daí finócafue mo ubicaidiaioi.

¹⁷ Lázaro jino raiáfomona uáiduaruido aillo comini Jesúoiri ite. Ua Lázaro tídimacimona abido cáanana ciódino afe íaioi cionafuena llujidiaioi. ¹⁸ Ie jira comini Jesuna caimare baizájidiaioi, afe cíofinina ie finócafue íaioi fidina jira. ¹⁹ Jira fariséuai dani daidíaioi:

—Ja ciódiomoi, jaca nie izóí ñénide. Erocai, nana comini íedo jáidiaioi, —daidíaioi.

Dáarie griego imaci Jesús jenódiaioi

²⁰ Rafue illa dino acádoillena Jerusalemo bitímaci cígimo dáarie griego ímiai ite. ²¹ Afémaci Felípemo áinozidiaioi. (Felipe Galilea ímie; Betsaida jofue ímie.) Ainozillano íemo izire jicánotiaioi:

—O onógamie Jesuna cióiacadicaí, —daide.

²² Jira Felipe Andrena daízaide. Iemo afe íaillinoi Jesumo llujide. ²³ Ie jira Jesús ie abina úrillano daide:

—Nanoide Iima Jitomo ebírenafuena nitálliruimo ja dúcide. ²⁴ Uáfueña ómoína dáíticue, daa güiga raa ido éniemo riñenia, tíñenia, jaca nai dáajina jóoide; mei íadi afeji ríllamona tídena eroide zícuaмона aillo aite. ²⁵ Daje izóí dáamie ie cáaillinona dama íeiena rairuíadi, áfena féitaita, mei íadi dáamie ie cáaillinona bie éniemo jámairuíadi, áfena zíiñona cáaillinomo énoite. ²⁶ Dáamie cuemo jaináiacadimie cuedo járede. Cue illínomo dáanomo cuena jaináidimie ite. Dáamie cuemo jaináia, cue Moo afémiemo ñúefuena nítaite, —daide.

Jesús ie tíllifuena jino lote

²⁷ Jesús nai úrillano daide: Birui cue comeci iere lícitaide. ¿Nie izóí cue daíri? ¿Ñibai bie izóí dáíticue: “Moo birui cuemo zuídifuemona cue jílota”? Mei íadi cue afe jira biticue. ²⁸ Moo, o mámecimo ebírenafuena jóoneri, —daide.

Iemona monámona daa uai cácaicaide. Daide:

—Afena jae ebire ífcaitadicue. Iemo meine dáanomo ebire ífcaitaiticue, —daide.

²⁹ Afénoño ite comini áfena cacáillano daidíaioi:

—Mona gíría, —daidíaioi.

Iemo jáimaci:

—Juzíñamui abi ímie íemo úrite, —daidíaioi.

³⁰ Mei jira Jesús daide:

—Afe uai cuemo cácacaiñede. Omoimo cácaicaide. ³¹ Ja biruimo bie énie comini jenoda facátalliaioi. Jabe bie énie ocuidimie jino dotácana iite. ³² Enie acónimo titállena cue íaioi raiñolle llezica, nana dama cuemo cue atille, —daide.

³³ Afe dáinamona, ie tílla izóí onótate. ³⁴ Jira comini uai otíaioi:

—Cai ocuilla uai cuegánicodo caimo llófuega: “Cristo zíiñona iite.” ¿Nie izóí daidío: Nanoide Iima Jitó titállena caifo raiñóbicaite? ¿Bu mei bie Nanoide Iima Jitona? —daidíaioi.

³⁵ Jira Jesús daide:

—Nai omoi cígiri egáíñotimiéna izóí nano íanori iticue. Bie cue egáíñuana ómoimo illa dino, mai cue llua izóí omoi macari, jíñiredino raire omoi éidafñeillena. Jítinodo macádimie ie jáillana onóñede. ³⁶ Uzefomo ñno, nai ómoimo illa dino, egáíñogamacina daíí omoi jáillena, —daide.

Afefue daína méifodo, Jesús afémacimona retáirizaide.

Judíuai Jesuna ñnoñediaioi

37 Jesús íaioimo eróicana diga cíofininafuiaina finode. Mei íadi éna íñoñediaioi. 38 Ua íñoñediaioi, jaiai uai llórama Isaías Cuegáuai fuitállena. Isaías daide:

Ocuíraima, ¿bu cai úrillafue ínua?

¿Bumo Ocuíraima ie ríinona ácatate? daide.

39 Daiítana jira ínonidiaioi. Ie emódomo jíáfodo Isaías cuete:

40 Juzíñamui uina cíoiñedimacina íaioina finode.

Íaioi ífoci jáiaitate.

Daií finode uído cíoiñeillena,

daje izói ífócido ónoñeillena.

Jira cuemo bínidimaci, íaioi cue jíllotallena.

41 Isaías aféfuiai llote, mei afémie Jesús ebírenafuena cíodeza. Jira afémiedo úrite.

42 Mei íadi aillo judíuaimona Jesuna ínotiaioi, illáicomínimona jíai dáarie.

Mei íadi uáfodo lloñediaioi, fariséuaina jacíruillano gairíracomona jino íaioi óreñeillena. 43 Comini ñúefuena íaioimo nítajana jamánomo gáidiaioi. Mei íadi Juzíñamui ñúefuena íaioimo nítajana jámairuitaioi.

Jesús uailai comínimo riire jicánoite

44 Jesús aillo uaido daide:

—Cuenta ínotímie, dama cuenta ínoñede, mei íadi daje izói cue orédimiena ínote. Ua cue Moona ínote. 45 Cuenta cíodímie daje izói cue orédimiena ciode.

46 Cue egáínotímiedicue. Ana bie éniemo biticue, cuenta ínotino jíitredífomo íbíñeillena.

47 Dáamierie cue uaina cacáadi íadi jeire ie óñeniadi, ie jicánoraimana íñeiticue. Cue bie énie comínina duere finuaibíñedicue, mei íadi afémacina jíllotaibíticue. 48 Cuenta jámairuitímie, cue uaina jeire óñedímie ja ie duere fínoitímie ite. Cue daina uailai írairuillaído duere éna finótaite. 49 Dama cue comei izói úrñedicue. Moo Juzíñamui, cue orédímie cue dainana llófuellena jae ocuide. 50 Moo cuemo ocuícáfue zíñona itátate. Afena onódicue. Jira mei, cue daina, jaca cue Moo cue ocuilla izói.

13

Jesús ie llófuegamaci idai jocode

1 Jae pascua rafue uícodírui. Jesús bie éniena ie fiénocaillana, ie Moo dine jáillirui ánozillana fidide. Ieiéna éniemo itínona izíruite. Ua jaca fáicanocaiñeno íaioina izíruite.

2-4 Taife jae Judas Iscariote comécimo Jesús fecállena llote. Judas Simón jító. Afe llezica Jesús Juzíñamuimona bitímiena fidide. Daje izói Juzíñamuimo méine jáillana fidide. Juzíñamui nana ríinona íemo fécajana Jesús onode. Ie mei güillano, güírábanimona náidacaillano jinóidicuiro duiñode. Dúñuano daa abi doraroi círáigimo maitade. 5 Ie mei jainoi icáífemo tótajano, ie llófuegamaci idai jócuaide. Daií ñiano, afe círaigi maitaca abi dorároido íaioi idai zafénaitade.

6 Simón Pedro idai ie jócuaila llezica afémie Jesuna daide:

—Ocuíraima, ¿cue ídaina jócoitio?

7 Jira Jesús uai ote:

—Birui cue finócafueña onóñedio, mei íadi fui ónoitio, —daide.

8 Mei ie jira Pedro daide:

—Jaca ninomo cue ídaina jócoñeítio, —daide.

Jira Jesús íena daide:

—Ona cue jocóñeniadi, cuemo jáinaiñeítio, —daide.

⁹Jira Simón Pedro íena daide:

—Mai mei, Ocuíraíma, daa cue idai jocóñeno, mei cue onoi, cue ifo diga jocori, —daide.

¹⁰Jira Jesús daide:

—Como nóidimie daa ie idai jócuana dúide, abi nana dóina jira. Ja dogáomoi, mei íadi nánañede, —daide.

¹¹Iena fécaítimiena onona jira, Jesús jae daide “Nana dóñegaomoi.”

¹²Iaíoi idai jócua méifodo, Jesús ie jinóidicuiro meine jitade. Güirábani abimo ráinaillanona daide:

—¿Omoímo cue finócafua onódiomoi? ¹³Omoi jae Llófueraímana, Ocuíraímana cue mamédiomoi. Daií ñue daiídiomoi, nímiedicueza. ¹⁴Jae omoi Llófueraímadicue; jae omoi Ocuíraímadicue mei íadi omoi idai jocódicue. Afe izói dani conima idai omoi jocolle jitáirede. ¹⁵Jae ómoína finócafua onótaticue, cue finua izói omoi finóllena. ¹⁶Uáfua daíitícu: Táñitátimie baímo jaide jaíénicína íñede. Daje izói orédimie baímo jaide orécamiéna íñede. ¹⁷Aféfuaí omoi onóadi, íemona afe izói ñiano, ióbificaitiomoi.

¹⁸Omoíri nana úríñedicue. Cue nizécamacina onódicue. Mei íadi Cuegáuai daína ñue fuitállena jitáirede. Cuegáuai daide: “Cue diga güitímie jae cue ícidote.” ¹⁹Afefue uícomo ómoímo llotícu afe ificailliruímo Crístodícu cuemo omoi íinollena. ²⁰Uáfua ómoína daíitícu, cue orécamiéna llínotímie afe izói cuena llínote. Cuena llínotímie afe izói cue orédimie llínote, —daide.

Jesús Judas ie fecálfue jino llote
(Mt 26.20-25; Mr 14.17-21; Lc 22.21-23)

²¹Daií daína méifodo, Jesús jamánomo comeci zúucaide. Uáfodo jino llote:

—Uáfua ómoína daíitícu, ómoímona dáamie cue fécaite, —daide.

²²Ie jira llófuegamaci jáímamo eróricaidiaíoi, onóñegaza budo úrite.

²³Llófuegamaci ómoína dáamie Jesús iere izruigamie. Afe güilláruído Jesús abímo ráíide. ²⁴Simón Pedro íemo onócaído llote:

—Mai Jesumo jícano, ¿budo úrite? —daide.

²⁵Jira jofu ánozillano Jesumo jícanote:

—Ocuíraíma, ¿bu llotio? —daide.

²⁶Jira Jesús uai ote:

—Daa pánllícina cue riáítano afémiemo íitícu. Afe nímié, —daide.

Iemona pánllícina riáítano Judas Iscariote, Simón jitomo fecade. ²⁷Afe pan Judas llínuamona, Taife ie comécimo jofu jaide. Mei jira Jesús daide:

—O finóllífuena raire fino, —daide.

²⁸Júdasna daií daínáfua güirábanimo güitínomona buna aféfuena onóñena.

²⁹Ucubellu Judas uícaiga jira dáamierie comeci facádiaíoi: Jesús daiícadé ráfuemo jitaila raana íbajitade. Jáímaci comeci facádiaíoi, nibai duéredino úcube afémie íllena. ³⁰Afe pan güilla méifomo Judas jino jaide. Ja naíona.

Comue ocullafue

³¹Judas jino jailla méifomo, Jesús daide:

—Jabe Nanoide íima Jitó ebírenafue ácatalle. Afe daínámiedícu. Iemo jíái jabe Juzíñamui ebírenafue iedo ácatalle. ³²Nanoide íima Jitó Juzíñamui

ebírenafue ácataiadi, ibana ie Jitó ebírenafue Juzíñamui ácataite. Afena raire finoite.

³³ Cue izíruigamací, omoi diga ja are íñeiticue. Cuena jénoitiomoi. Mei íadi nauí judíuaina cue daína izóí biruí ómoína dáitícue: cue jáillinomo jáinidiomoi. ³⁴ Bie comue ocuícáfue ómoímo llotícue: conímána omoi izírui. Cue omoi izíruilla izóí afe izóí conímána omoi izíruillana jitáirede. ³⁵ Nana conímána omoi izírui, nana comíni cue llófuegamacidiomoi fidíitai, —daide.

Pedro Jesuna jáanollífue Jesús uícomo llote
(Mt 26.31-35; Mr 14.27-31; Lc 22.31-34)

³⁶ Ie mei Simón Pedro Jesuna jicánote:

—Ocuíraima, ¿niné jáidí? —daide.

Jira Jesús uai ote:

—Cue jáillinomo biruí bínidí; mei íadi méifoidiruido cuedo bítio, —daide.

³⁷ Mei ie jira Pedro daide:

—Ocuíraima, ¿nibái mei biruí odo bínidí? Ja finóbídí? o diga cue tíllena, —daide.

³⁸ Jira Jesús uai ote:

—¿Uáfueña meita finóbídí? Uáfueña ona dáitícue: nai átava úriñeniadi, dacaiñoámani cuena jáanoitio, —daide.

14

Jesús, Moo Juzíñamuimo jaira io

¹ Omoi comeci zúucaíñeno. Juzíñamuimo ñno; daje izóí cuemo ñno. ² Cue Moo jofomo aillo illánuiái ite. Bífue tánofue íadi, raire ómoímo llóitícue; íadi jaca uafue. Mei jira omoi illno finuaidí. ³ Omoi illno cue finuaila mei, abido ómoína uáibitícue, cue illínomo dáanomo omoi illena. ⁴ Cue jáillinona onódiomoi afe io diga, —daide.

⁵ Jira Tomás daide:

—Ocuíraima, o jáillinona onóñedí. ¿Ñie izóí afe iona ónoití? —daide.

⁶ Jira Jesús uai ote:

—Cue íodí. Cue uáfuedí. Daje izóí cue cáatatinodí. Ie jira daa cuedo Moo illánomo dúciredíomoi. ⁷ Cuena omoi onóíadi, daje izóí cue Moona ónoitiomoi. Ja biruimo íena onódiomoi. Ja íena cíodiomoiza, —daide.

⁸ Jira Felipe daide:

—Ocuíraima, Moo Juzíñamui caimo cíota. Afedo figo baite, —daide.

⁹ Jira Jesús uai ote:

—Felipe, ja are omoi diga itícue, ¿nai cuena onóñedio? Cuena cíodímie daje izóí cue Moona ja cíode. ¿Níbái mei Moona cíotalle cuemo jicádí? ¹⁰ ¿Moomo cue illana nai ñnoñedio? ¿Daje izóí cue Moo cuemo illana ñnoñedio? Nana cue daínáfuiái dama cue comeci izóí daíñedí. Cuemo ite Moo dama ie tájina finode. ¹¹ Cue Moomo cue illana ñno; afe izóí Moo cuemo illana ñno. Ménailínoí dáanomo itícozoa. Daíí omoi ñnoiacañenia cue finócafueña ñno. ¹² Uáfueña dáitícue; cuena ñnotímie cue finócafue izóí finoite. Nane afe baimo aillo jáífue finoite, cue Moo illánomo cue jailla jira. ¹³ Nana omoi cue mámedido jicaca raa finoitícue, Moo ebírenafue ie Jitó ácatallena. ¹⁴ Naga cue mámedido jicalle raana finoitícue, —daide.

Jesús Ñuera Joreño oréllena uafue llote

¹⁵ Cuená omoi izírúia, mai cue ocuífauiaí cacáfireiri. ¹⁶ Iemo omoi canóraíma, omoi firaraima jícaíticue. Moo ómoímo íena oréllena íemo izire jícaíticue. Bíitímie uafue Joreño. Afe Ñuera Joreñoña jícaíticue omoi diga ninomo íllena. ¹⁷ Enie imaci íena llínnonidiaíoi, afémiena ciónidimaci jira; daje izóí afémiemona ónoñedimaci jira. Mei íadi íena ja onódiomoi, omoi diga illa jira. Ua uire jaca ómoíri dájéna íite. ¹⁸ Omoína zóofeñeíticue. Abido bíitícue omoi diga íllena. ¹⁹ Nano nígarui íanori íllamona comíni ja cuena cíofñeítiaíoi, mei íadi cuena cíoitíomoi. Afe jira omoi cáaitíomoi, cue caana jira. ²⁰ Aféruido cue Moomo cue íllana ónoítíomoi. Daje izóí cuemo omoi íllana ónoítíomoi; daje izóí ómoímo cue íllana ónoítíomoi. ²¹ Cue uaina onódimie, íemo jíái afe uaina jeire otímie uáfúena cuena izírúillana cíotate. Jira cuena izírúitímie cue Moo daje izóí izírúite. Cue daje izóí íena izírúitícue; ie mei afémiemo cuena cíotaitícue, —daide.

²² Temo Judas (íadi Iscarióteñedímie) íena daide:

—Ocuíraíma, zñíbái énie comínimo ácatañeno, daní caímo o abina ácataítí? —daide.

²³ Jira Jesús uai ote:

—Cuená izírúitímie cue dáinafue jeire ote, ie jira cue Moo íena izírúite. Afe llezica cue Moo cue diga bíitícoco afémie diga íllena. ²⁴ Cuená izírúíñedímie cue dáinafue jeire oñede. Omoi cacana úrillafue dama cúeieñede. Afefue Moo Juzíñamui, cue orédímie ífue. ²⁵ Omoíri cue illa dino aféfúiaíana ómoímo llotícue. ²⁶ Mei íadi Moo cue mámecido Ñuera Joreño óreite, ómoína canóllena, ómoína firallena. Nágaíuaína omoi llófueite. Nana ómoína cue dáinana úbicaitaite.

²⁷ Comeci caímare uái illífue ómoímo fiédícue cue jailla jira. Cue comeci caímare uái illífue ómoímo itícue, mei íadi énie comíni comeci illífue izóíñede. Omoi comeci zúucaíñeno. Jacírúíñeno. ²⁸ Jáitícue, cue dáinana cacádiomoi za. Daje izóí meine bíitícue ómoíri cue íllena. Uáfúena omoi cuena izírúia, cue Moomo cue jáillífue omoi fidínamona cáimacaitíomoi, mei afémie cue baímo illa jira. ²⁹ Jira áfena uícodo ómoímo llotícue, afefue fínuaruimo omoi ínollena.

³⁰ Omoíri ja aillo úríñeíticue, bie éniemo ocuídímie ja billa jira. ³¹ Mei íadi afémie cuena ocuínide. Daíí írede, énie comíni Moona cue izírúillana íaíoi onóíllena. Daje izóí Moo cue ocuilla raana cue fínuaína ónoítiaíoi. Mai náidacai. Benómona caí jáilleza, —daide.

15

'Vid' dáina jíricóna izoide rao ícaíruai rafue

¹ Afe mei nane Jesús úrite; daide:

—Uafue 'vid' dáina jíricue llizítate rao izóidícue. Cue Moo afe rao úíñotímie.

² Llizíacañede rao ícaíro jaitade. Nana llizíacade ícaíro ie ícoí jáicoide, áfemona jamánomo llizíllena. ³ Omoi cue llófúiaíuedo jae ñue dófícaídiomoi. ⁴ Mai cuemo dáanomo omoi jainairi ómoímo cue jainaina izóí. Daa ícaíro fia daingo llizínide. Daje izóí cuemo dáanomo omoi jaináíñenia, ñúefúiaí omoi comécimona comúitanídiomoi. ⁵ 'Vid' dáina jíricue llizítate rao izóidícue; afe rao zítaca ícaíruai izóidíomoi. Cuemo dáanomo jaináidímie, íemo dáanomo cue jainaila llezica, ua jamánomo aite. Mei íadi cue íñédícúenia mínícana finónídiomoi. ⁶ Cuemo

jaináñfedimie jino faille. Fáiamona zafénaite, rao rábiai izói. Afémacina iraida iraimo jobaica.

⁷ Cueno ñue omoi jaináadi, daje izói cue llogáfuena omoi féitañenia, o jitaiga raana jicari. Iemona áfena ómoimo íiticeuza. ⁸ Aillo llizilla izoide ñúefue omoi finóadi, cue Moomo ñúefuena nitaitio. Afedo cue uáfuena llófuegamacina omoi íllana ácataitio. ⁹ Cue Moo cuena izíruilla izói, afe izói ómoina izíruiitícue. Ómoína cue izíruiitícueza; áfedo ñinomo omoi jairi. ¹⁰ Cue ocuífuaiaina jeire omoi óiadi, daí cuedo izíruillio. Daje izói cue Moo ocuífuaiaina jeire oticue. Iemona afémiedo izíruigacue.

¹¹ Cue daí úriticue cue dibénedo caimare omoi íllena. Daí íóbillafuena orubicaítio. ¹² Bie cue ocuífue: Ómoína cue izíruilla izói naga come ie conímána izíruri. ¹³ Dáamie jamánomo izíruillafuedo ie abi ie nabáñiaimo fecárede. Afe baimo iere izíruillafue íñede. ¹⁴ Cue ocuífue omoi finóadi cue nabáñiaidíomoi. ¹⁵ Ja jaiénicina ómoína mámeñeiticue, jaiénici ie ocuídímie finuafuena óñoñena jira. Cue nabáñiaina ómoína mamédicue, nana cue Moo cuena ñaináfuaia omoi cue onota jira. ¹⁶ Ómoi cuena nizéñedíomoi, mei íadi cue nizécamacidíomoi. Iemona ómoína ocuídícue, aillo llízie izoide ñúefuaiaina omoi finóllena. Afe llízie are íllana ocuídícue. Ie jira daí nana cue mámedido omoi jicaca raana cue Moo ómoimo fécaite. ¹⁷ Jira bifue ómoína cue ocuífue: Naga come ie conímána izíruri, —daide.

Enie comini Jesuna éoide ie comini diga

Jesús nai úrillano daide:

¹⁸ —Enie comini ómoína éoiadi, nano fueñe cuena íaioi éoillamo omoi úbicairi. ¹⁹ Enie comínina omoi íadi, afémaci íaioi comínina izíruilla izói ómoína izíruiitíomoi. Mei íadi énie imácimona ómoína nizédicue. Ie jira énie imaci ómoína éoidiaioi, éniemo íaioi jainaina jira. ²⁰ Ómoína cue ñaináfue omoi úbicairi: “Nie jaiénici ocuídímie baimo íñede.” Cue duere finóllena íaioi racáoiaidi, daje izói ómoína rácaítiaioi. Cue llófueinafuena jeire íaioi óiadi, ómoína jeire óítiaioi. ²¹ Nana aféfuiaia cue ícoínia ómoimo finoitiaioi, cue orédímiena onóñena jira.

²² Íaioimo úrizaibñedícuena íaioi ícoínia íñede. Mei íadi birui íaioi fiénidífué ícoínia jae ite. ²³ Cuena éoidímie daje izói cue Moona éoide. ²⁴ Jaca bu jíámie íaioi cígiri cue finua izói finóñede; mei íadi afe jíámie finóñide raana ja íaioi cígiri finódícue. Ie jira íaioi ícoínia íteza. Mei uáfuena aféfuiaina ja cíodiaioi. Mei íadi afe émodomo cuena éoidiaioi. Afe izói cue Moona éoidiaioi. ²⁵ Afefue daí jaide, íaioi cuega ocuífuaiaia uai fuitállena. Afe Cuegáuai daide: “Ñifueninanomona cuena éoidiaioi.”

²⁶ Mei íadi Móomona cue oréllímie, afe Ñuera Joreño bíadi, cueri úrite. Afe llezica ómoína cánuano ñairecaítaite. ²⁷ Ómoi daje izói cueri úritíomoi, nanómoma cue diga omoi illa jira.

16

¹ Aféfuiaia ómoimo lloticue, fiénidífuemo omoi báíñellena. ² Juzíñamui uai llófueriracomona ómoína jino dótaitiaioi. Ua uire jamánomo fiéni íllíruimo dúciite. Aféruillaido ómoína fáitimaci, “Ómoína fallífuedo Juzíñamui tájina finoiticaí” daí ñaina ínoítiaioi. ³ Aféfuiaina finoitiaioi Moona jaca ñinomo onóñena jira, daje izói cuena onóñena jira. ⁴ Afena ómoína dáíticue, aféruillai dúcillemo, cue ñaináfue omoi úbicaillena, —daide Jesús.

Ñuera Joreño finóllifuiái

Jesús nai úrillano daide:

— Aféfuena nanómona ómoimo lloñédicue, omoi diga cue illa jira. ⁵ Mei íadi biruímona cue orédimie dinomo jáiticue. Omoimona buna cue jáillinona jicáñoñediomoi. ⁶ Mei íadi bie cue ómoína daináfuerei iere zúucaidiomoi. ⁷ Iadi uáfueña dáiticue: cue jailla ómoimona iere ñuera. Cue jáiñenia, ómoína canoda fíraraima bíñeite omoi diga illena. Mei íadi cue jaía íena óreiticue. ⁸ Ie billíruído éniemo itino íaioi fiénidifuiaina uáfueña onótaite. Daje izói Juzíñamui íaioína duere finóllena onótaite. ⁹ Afémaci fiénidifuiairedimaci, cuena ññoñena jira. ¹⁰ Afe jaícina jáillinona ónoitiaioi, Moo illánomo cue jailla jira. Afe cue jailla mei cuena cíoiñetiomoi. ¹¹ Juzíñamui facátallifueña ónoitiaioi, bie éniemo ocuidimie jae duere finóbilla jira.

¹² Cue ómoimo lollifuiái nai aillo ite; mei íadi nai onónidiomoi, nánidiomoi. ¹³ Uafue Joreño bille llezica ómoimo nana uáfuiaina afémie llóite. Dama ie comeci jítaina izói úriñeite, mei íadi ie cacana izói dáite. Uire íitífuiaína ómoína onótaite. ¹⁴ Cúeiemona llínuano ómoína onótaite; onótamona ñúefueña cuemo nítaita. ¹⁵ Nana Moomo ite raa daje izói cueie. Ie jira dáiticue: Ñuera Joreño cúeiemona llínoite, áfedo aféfuena ómoína onótaite.

Zúurenafue cáimafuena méidolle

¹⁶ Nano íanori íllemona cuena cíoiñetiomoi. Mei íadi jabo bai diga iruillai íllamona, nane meine cuena cíoiñetiomoi, mei cue Moo illa ñine cue jáillaza, — daide.

¹⁷ Iemona ie llófuegamacimona dáarie jofo conímamo jicánote:

— ¿Afe ñie izói daináuai? Caina daide nano ñie dino íllamona íena cíoiñetici. Ie mei nane caina daide, báifenemo diga iruí íllemona meine íena cíoiñetici, mei ie Moo illánomo ie jáillaza. ¹⁸ ¿Ñie izói aféuai daide: “Ñie dino íllamona?” Afémie ñífuedo úriteza onóñedicai, — daidíai.

¹⁹ Jesús íaioi íemo jicánoiácagafuena onóillano daide:

— Cue daidicue ñie dínó íllemona cuena cíoiñetiomoi. Nane ie baimo diga iruí íllemona meine cuena cíoiñetiomoi. ¿Afeue conímamo jicánotiomoi? ²⁰ Uáfueña dáiticue: omoi éeitiomoi. Zuure íitiomoi; mei afe llezica énie comini cáimare íitiaioi. Mei íadi omoi zúunaillafue cáimafuena méidoficaite. ²¹ Ringo úrue jocóacania izíñailari zúucaite, afengo izíñailaruimo dúcidez. Mei íadi úrue jócua méifodo afe izírenamo úbicaiñede, úrue éniemo jocóinari ie íóbilla jira. ²² Daí biruí omoi izire zúucaitiomoi. Mei íadi ómoimo cíoiñetici. Iemona omoi coméciai cáimafuena óruite. Afe cáimafuái bu ómoimona báiroñeite.

²³ Aféruído minícana cuemo jicáñoñetiomoi. Uáfueña ómoína dáiticue, nana cue mámeçido omoi jicaca raa, cue Moo ómoimo fécaite. ²⁴ Biruimo cue mámeçido minícana nai jicáñediomoi. Mai jica omoi llíñollena, áferi comeci cáimafuena oruicaillena.

Jesucristo, Juzíñamuina éoidinona anáfenodimie

²⁵ Bífuiái aillo daje izóidifuiaido ómoimo lloticue, mei íadi daruina daje izóidifuiaido ómoimo úriñeiticue. Aféruimo ja ánozide. Aféruído uáfodo Moodo ómoimo úriticue. ²⁶ Aféruillaido omoi cue mámeçido jicaitiomoi. Moomo ómoiri izire cue jicállena daíñedicue, ²⁷ mei dama Moo ómoína izíruilla

jira. Iemo jiái cuena omoi izíruiilla jira, ómoína izíruiite. Moo dinena cue bíllana omoi ínua jira, afémie ómoína izíruiite. ²⁸ Moo illánomona billano bie éniemo biticue. Birui énie fiénocaillano meine Moo diné abido jáiticue, —daide.

²⁹ Jira ie llófuegamaci daide:

—Ja birui daje izóiduiuido daiñeno, jino uáfodo úritio. ³⁰ Birui naga rafue o onóigana onódicai. Ja jiáimie omo llúana jitáñede. Mei jira Juziñamuimona o bíllana ínnoticai, —daidíaioi.

³¹ Jira Jesús uai ote:

—¿Birui cuemo ja daií ínnotiomoi? ³² Omoi enénorie júdaizilliruimo ánozide. Ja birui aferui. Omoimona nágamie oni eneno júdaizite. Dama cuena fiénocaitiomoi. Mei íadi damáñedicue, cue Moo cue diga illa jira. ³³ Nana bífuiái ómoimo llóiticue, cuemo ínnuano omoi comeci uái illena. Afe bie éniemo duere zéfuitiomoi. Mei íadi, ¡abí omoi mameri! Ja Juziñamuina éoidinona anáfenodimiedicueza, —daide.

17

Jesús ie llófuegamaciri Juziñamuimo jicade

¹ Aféfuiai daina méifomo, Jesús caifo monamo érocaillano daide:

—Moo, cue írairuimo ja dúcide. O Jitomo ñúefuena nitari, afe izói o Jitó omo ñúefuena nítaiteza. ² Aillo ríino o Jitomo jae o iga, nana comini náamatallena; daje izói nana cuemo igámacimo zíñona cáaillinona íaioimo cue íllena. ³ Zíñona cáaillino comini ona íaioi onónamona llínotiaioi. O dama uafue Juziñamuidio. Daje izói zíñona cáaillino, o orécamie Jesucristo íena onónamona llínotiaioi.

⁴ Bie éniemo cue illa llezica ebírenafue jae omo nitádicue. Cuemo o ocuícufue jae fuitádicue. ⁵ Moo, nauí o diga cue illáruimo cue ebírenafue dájena birui o uícori meine cuemo ine. Afe ebírenafue nai énie íñena llezica nauí cuemo ite.

⁶ Enie imácimona doce dígamie otio cuemo íllena. Afémacina búdioza jae onótaticue. Afémaci óie. Cuemo o igano. O úrilla uaina ínnotiaioi. ⁷ O nana cuemo igáfuiai ómona bitífuiaína onódiaioi. ⁸ Jira o cuemo iga úrilla uai bimácimo lloticue. Aféfuena jeire otíaioi. Uáfueña ómona cue bíllana onódiaioi. Daje izói o cue óriana ínnotiaioi.

⁹ Afe cuemo o igámaciri izire jicádicue. Enie imáciri izire jicáñedicue. Dama cuemo o igámaciri izire jicádicue, ómacina jira. ¹⁰ Nana cueie óie diga. Afe íbana nana óie cueie. Afémacimona cue ebírenano ácatafcaide.

¹¹ Cue ja éniemo fiébiñeiticue; mei íadi afémaci afe éniemo fiébitiaioi. Cue o diga íllena jáiticue. Jamánomo ñuera Moo, cuemo o igano o ríinodo uíñori, nana dájena cuemo ñue jaináíllena, omo cue jainaina izói. ¹² Bie éniemo afémaciri cue illa llezica, o ríinodo íaioina úiñoidicue. Íaioi abi ríidoticue. Íaioimona buna féirañede. Mei íadi dáamie jaca féiraitimie, Cuegáuai fuitállena. Afémie nanómona féiraitimie.

¹³ Jabe o illánomo jáiticue. Mei íadi nai éniemo cue illa dino aféfuiaína llóllodicue, cuemo ite íóbillafue afe izói afémaci ñue íóbicaillena. ¹⁴ O úrilla uai íaioimo iticue, mei íadi énie imaci íaioina éoidiaioi, énie imaciñena jira. Daje izói cue jiái énie ímieñedicue. ¹⁵ Eniemona íaioi o óllena jicáñedicue, mei íadi Taifémona íaioi ríidollena jicádicue. ¹⁶ Enie ímieñedicue; afe izói énie ímaciñediaioi. ¹⁷ Íaioina uáfuedo dama óiena rairujiri. O úrilla uai uafue. ¹⁸ Enie imaci cigimo cue o ória izói, daje izói énie imaci cigimo íaioina orédicue.

¹⁹ Afémaci ícoinia cue dama abi rairuídícue. Daií finódícue, uafue uaido afémaci daje izóí íaioi rairuíllena.

²⁰ Daa afémacimo omo izire jicáñedicueza, mei íadi bimaci úrilla uaina cacáillano cuemo ínotinomo izire jicádícue. ²¹ Nana afémaci dájena jaináillena omo jicádícue. Ua Moo, afémaci dájena cócomo jaináillena jicádícue. Uáfueña o cuemo itio, nane uáfueña cue omo itícue. Afe izóí íaioi cócomo íllena jicádícue. Afémaci dájena jainaille jítáirede, énie comini cue o óriana ínollena. ²² Cuemo o iga ebíredífue izóí, afémacimo jae cue iga, dájena íaioi íllena, o díga dájena cue illa izóí. ²³ Afémacimo cue íllena jicádícue, nane o cuemo íllena jicádícue, nana afémaci dájena íficaillena. Daií íaioi íllena jítáirede, énie comini cue o óriana fidíillena. Nane áfedo énie comini cuena o izíruilla izóí, bimácina o izíruillana ónoítiaioi.

²⁴ Moo, bimaci cuemo itio. Cue illínomo cúeoiri íaioi íllena jítáidícue, cuemo o iga ebíredífueña íaioi cíoiillena. Nai énie fínoñenia uícomo cuena izíruitio.

²⁵ Moo, jaícina ñue jónetímiedio. Enie comini ona onóñediaioi, mei íadi cue ona onódícue. Bimaci cue o óriana onódiaioi. ²⁶ Búdio, jae íaioina onótaticue; íemo nai onótaoicaitícue, o cuena izíruilla íaioi comécimo fiébilla; daje izóí cue dama afémacimo fiébilla, —daide.

18

Jesús maiáno úinafue

(Mt 26.47-56; Mr 14.43-50; Lc 22.47-53)

¹ Aféfuiai daina méifodo, Jesús ie llófuegamaci díga jino jaillano Cedrón illétue ruica jáidiaioi. Dinomo ite ocózinairabirimo jofo jáidiaioi. ² Judas afébirina onode, Jesús ie llófuegamaciri, díga ícaño afénomo gáirífirina jira. ³ Jira dinomo Judas fuiríraini díga dúcide. Afe llezica dáarie gairíraco llazíraini Judas jicácamaci bitíaioi. Afémaci fariséuaimona lletáriraini illáinimona orea. Lloéfaillai díga jacire abi mamédiaioi. Unéruarai bitíaioi, daje izóí lámparaíari. ⁴ Mei íadi Jesús afémiemo fínuaiífueña onóillano, jino billano íaioimo jicánote:

—¿Bu jenódiomo? —daide.

⁵ Jira afémaci uai ote:

—Jesús, Nazaret ímie jenódicai, —daidiaioi.

Jesús uai ote:

—Nímiedicue, —daide.

Afe llezica éoidimacimo fecádimie, Judas dinomo afémaciri ite. ⁶ Jesús “Nímiedicue” daina llezica, jinófecaíñoña éniemo baíidiaioi. ⁷ Ie mei Jesús dáanomo nane jicánote:

—¿Bu jenódiomo? —daide.

Jira afémaci:

—Nazaret ímie, Jesús, —daidiaioi.

⁸ Mei jira Jesús daide:

—Jae nímiedicue daidícue. Cue omoi jenóadi, bie jíaimaci fáicanocai íaioi jáilleza, —daide.

⁹ Afe daií daide Jesús dama ie dainafue fuitállena. Afe dainafue llote: “Cue Moo cuemo igámacimona buna dáamie féiraíñede.” ¹⁰ Iemo Simón Pédro mo daa lloefai ite. Otá Malco dainámie jefo nabefo ñetade. Malco lletáriraini illaíma jaíénici. ¹¹ Jira Jesús Pédrone daide:

—O lloefai ie icomo abido meine joone. ¿Cue Moo cue duere zefuítajana llínoñeiticueza, daí o comeci facádio? —daide.

Lletáriraini illaíma uícomo Jesús uitíaoi
(Mt 26.57-58; Mr 14.53-54; Lc 22.54)

¹² Ie mei fuíríraini íaoi ocuíríma diga Jesuna llaitádiaoi. Nana bimaci judíuai llazíríaini diga Jesús maiáno oni uitíaoi. ¹³ Ie meífomo Anás jofomo íena uitíaoi. Anás Caifás jífai. Afe fimona llezica Caifás lletáriraini caifóidillaíma. ¹⁴ Bie Caifás nauí judíuaina bie izóí daidímie: “Daa come nana cai nairai ícoínia tíllena cai baímo ñue jaide.”

Pedro Jesuna jáanote
(Mt 26.69-70; Mr 14.66-68; Lc 22.55-57)

¹⁵ Simón Pedro jíáie llófuegamie diga nai Jesudo jaide. Jíáie llófuegamie lletáriraini caifóidillaíma onóigamie. Jira caifóidillaíma jofu íbírímo afémie jofu jaide Jesús diga. ¹⁶ Mei íadi Pedro jino naze fuemo fiébicaide. Ie jira lletáriraini caifóidillaíma onoiga llófuegamie jino jaillano, naze úíñoraimamo jícanuaide Pedro jofu oréllena. ¹⁷ Iemo naze úíñoráima Pédro mo jícanote:

—¿O báimie llófuegamieñedio? —daide.

Pedro uai ote:

—Jíi, cúeñede, —daide.

¹⁸ Aféruido rozírena jira, jaiénizai llazíríaini diga irai bonódiaoi. Díno mo naidáillano irai fuemo agáidiaoi.

Lletáriraini caifóidillaíma Jesumo izire jícanote
(Mt 26.59-66; Mr 14.55-64; Lc 22.66-71)

¹⁹ Lletáriraini caifóidillaíma Jesumo jícanuaillano daide:

—¿Nimaci o llófuegamacina? ¿Nífuiaína llófuetio?

²⁰ Jira Jesús daide:

—Cue nana comíni uícomo uáfodo úritícue. Juzíñamui uai llófueriracuaimo jaca llófuefiredicue. Daje izóí Juzíñamuimo gairíracomo llófuefiredicue. Jaca afénomo judíuai gáirifirediaoi. Daí báníno nífuena lloñédicue. ²¹ ¿Níbái mei cuemo jícanotiomoí? Cue uaimo cacádnomo jícano. Afémacimo cue dáinana jícano. Cue íaioina dáinana onódiaoi, —daide.

²² Jesús daí daina llezica, daa díno ite gairíracu llazíríraíma Jesús uíeco pútanona daide:

—¿Níbái daí lletáriraini caifóidillaíma uai otio? —daide.

²³ Jira Jesús uai ote:

—Fiénidífue cue lloía, áfena cuemo llone; mei íadi cue daina uai ñuera íadi, ¿níbái mei cuena putádio? —daide.

²⁴ Iemona Anás Caifamo íena maitá orede. Caifás lletáriraini caifóidillaíma.

Pedro nane dáanomo Jesús jáanote
(Mt 26.71-75; Mr 14.69-72; Lc 22.58-62)

²⁵ Due jíza baí jáidemo, Pedro nai náidaillano irai fuemo agaide. Afénomo itino íena daidíaoi:

—¿O báimie llófuegamaci iéñedio? —daide.

Pedro jáanuano daide:

—Jíi, iéñedicue, —daide.

²⁶ Díno mo Pedro jefona jaitacámie come ite. Afémie jíáie lletáriraini illaíma jaiénici. Afe íima Pédro mo jícanote:

—¿Báimie diga dinomo ocózinairabirimo ona ciónēdicue? —daide.

²⁷ Pedro dáanomo nane jáanote. Afe llezica átava úrite.

Jesús Pilato uícomo uiga

(Mt 27.1-2, 11-14; Mr 15.1-5; Lc 23.1-5)

²⁸ Iemona Caifás jofómone oni romano jabóidillaime áillocomo Jesuna uítaiói. Ja monáicademo. Judíuai jofo afécomo jáiñediaíói, íaiói íaicaiñellena. Mei íaicaigamací páscuamo güilláfuenta güínidiaíói. ²⁹ Ie jira Pilato jino íaióimo úrizailano daide:

—¿Mínica ícoínia bímiemo nitádiomoi? —daide.

³⁰ Jira afémaci uai otíaíói:

—Afémie fiénidimieñedena omo izájiñedicaí, —daidíaíói.

³¹ Jira Pilato daide:

—Íena omoi úi. Omoi ocuífafue izói afémie omoi riire jicánori, —daide.

Judíuai ie uai otíaíói:

—Caí judíuaidicaí, daní buna titánidicaí, —daidíaíói.

³² Daí Jesús ie tízailinona daína izóidíuai fuitade. ³³ Pilato áillocomo jofo meine jaide. Jaillano Jesús jírrillano jicánote:

—¿O nái judíuai illáimana? —daide.

³⁴ Jira Jesús daide:

—¿Afe fue dama o comeci jítaina izói jicánotio? ¿Nibai jáíamaci cueri ona daína jicánotio? —daide.

³⁵ Jira Pilato úrite:

—¿Cuena judío daidío? O náiraímona lletáriraini illaini cuemo ona fecádiaíói. ¿Mínica ñetio? —daide.

³⁶ Jira Jesús uai ote:

—Cue illáimana illano bie énie íeñede. Daí ítenia cuedo jáicadino nia fuiridiaíói, cuena judíuaimo fécañellena. Mei íadi cue illáimana illano benó íeñede, —daide.

³⁷ Jira Pilato daide:

—¿Jí, o daí illáimadío? —daide.

Jira Jesús uai ote:

—Ílláimadicue, o daína izói. Cue, bie éniemo jéiciaíbigacue uafue uai llóllena. Nana uáfueo cacáfiredino, cue daínana cacádiaíói, —daide.

³⁸ Jira Pilato jicánote:

—¿Mínica uafue uaina? —daide.

Jesús tíllinomo maméritiaíói

(Mt 27.15-31; Mr 15.6-20; Lc 23.13-25)

Afe jicánua meífodo, Pilato meine jino judíuaimo jaillano úrizaide. Íaíoina daide:

—Jaca nífuena bie ímamo baiñédicue. ³⁹ Mei íadi ómoimo cue finófiregafue ite. Naga pascua ráfueo ómoiri daa maigámie zúitafiredicue; mei jira ¿judíuai illáimana ómoiri cue zuitállena jítáidiomoi? —daide.

⁴⁰ Iemona nana meine caillíoidiaíói:

—¡Afémiena zuitáñeno iri! ¡Barrabás zuitari! —daidíaíói. Afe Barrabás meríriraima.

19

1 Ie mei Pilato Jesús lláinuano zechétatade. 2 Iemo fuiríraini ifo icuifoi eegi nínacuifoi Jesumo jitádiaioi. Afe llezica ráifide illaíma iníroina íemo jitádiaioi.

3 Daií ñiano íemo ánozillano, báíñuano daidíaiói:

—¡Judíuai illaíma, are ii! —daidíaiói.

Iemona ie uíeco fácoidiaioi.

4 Pilato meine jino billano daide:

—¡Bímiemo eroi! Afémiemo nífuena baiñédicue. Ie jira jino bené cue ógaza, aféfuena omoi onóllena, —daide.

5 Jesús eegi icuifoi ifomo jíinari jino bite. Ráifide illaíma iníroina jitaca naari jino bite. Jira Pilato daide:

—¡Benó afe íima ite! —daide.

6 Afémie cióillano, lletáriraini illaini, llaizíraini diga caillíoidiaioi:

—¡Ie corai! ¡Ie corai! —daidíaiói.

Iemo Pilato daide:

—Mai íena uillánona omoi corai, mei íadi afémiemo fiénidifuena baiñédicueza, —daide.

7 Mei ie jira judíuai uai otíaioi:

—Cáimo ite daa ocuica uai. Afedo afémie tíllena jitáirede, dama “Juzíñamui Jitódicue” ie daina jira, —daidíaiói.

8 Afena cacáillano Pilato jamánomo jacínaficaide. 9 Aillocomo nane jofa jaillano Jesumo jicánote:

—¿O ninó ímiedio? —daide.

Mei íadi Jesús jaca uaina ofede.

10 Jira Pilato daide:

—¿Cue uaina fairíoñedio? ¿Cuemo ite o tílle ríino onóñedio? ¿Cuemo ite o zuitalle ríino onóñedio? —daide.

11 Jira Jesús uai ote:

—Juzíñamui omo íñenia, o cue ocuille ríino íñede. Ie jira omo cue fecádino o jinomo afémaci íaífueredino, —daide.

12 Afe llezicamona Pilato, “Níe izói Jesús cue zuitalle” dainano, áfena jenode; mei íadi judíuai caillíoidiaioi:

—Afémie o zuitáadi, romano jamánomoidillaímamo nábairíñeitio. Naga illáimana íacadímie caifóidillaíma dibénedo éoidimiena jáite, —daidíaiói.

13 Mei jira áfena cacáillano, Pilato Jesuna otátate. Ie mei comini riire jicánoranomo Pilato ráinazaide. Afeno hebreo ímaci uaido Gabátana mameide. Jáímaci daina Empedrado, mei nófiái ie finoina macáranona íllaza.

14 Jae pascua uícodirui jaíciri ítemo. Jira Pilato judíuaina daide:

—¡Benomo o illaíma ite! —daide.

15 Mei íadi afémaci caillíoidiaioi:

—¡Dama tíudeza, oni ui! ¡Iena corai! —daidíaiói.

Jira Pilato íaioina daide:

—¿Omoi illáimana córaíticue? —daide.

Jira lletáriraini illáicomini uai otíaioi:

—Jíáie illáimana caimo íñede; dama romano jamánomoidillaíma, —daidíaiói.

16 Afemona Pilato íena íaioimo ite, afémiena coráillena. Mei jira íena uitíaioi.

Coráinafue

(Mt 27.32-44; Mr 15.21-32; Lc 23.26-43)

17 Iemo Jesús jino jaide. Ie coráilibici rocáicaide Calavéramo; afe daiíacade come ifócorai. Hebreo imaci uaido daina Gólgota. 18 Afénomo iena coráidiaioi. Afe llezica nágafene jiáimie íaillinoi coráidiaioi; Jesuna cígiide. 19 Pilato afémie mámece íbícimo cuetá ie coráinabícimo jóonetade. Afébcimo cuega daide: “Jesús Nazaret Imie, Judíuai Illaíma.” 20 Aillo judíuai afe cuegábici facádotiaioi, Jesús coráinano jofue áinori illa jira. Afébcí daámani comíni uáillaido cuega, hebreo, griego, latín diga. 21 Ie jira judíuai lletáiriraini illaíni Pilátona daide:

—Judíuai illaíma daí cueñeno. Mei íadi “Judíuai illáimadicue daidímie” daí cúeri, —daidiaioi.

22 Jira Pilato uai ote:

—Jae cue cuegáuai, dama daí ite, —daide.

23 Fuiríraini Jesús coraía mei, ie inícuero llínuano cuatro fidi tizáruano fecádiaioi. Afe izói ie caifóferoi llínuano “Iere ñúeraroí,” daidiaioi. Ua aferoi dájena tifoca, zotáinanona íñede. Caifona aná fuizájide. 24 Jira fuiríraini conímana daidiaioi:

—Dama ite, cúatañeíticai. Bai ñue onótaraji cai dotalle bumó jíteza, —daidiaioi.

Daí Cuegáuai daina fuitátatiaioi. Aféuai daide: “Cue inícuero dani fecádiaioi. Afemo onótaraji dotádiaioi.” Jira mei fuiríraini daí finódiaioi.

25 Jesús coráinabici áinomo ie ei ite afengo ebuño diga. Dáanomo Cleofas ai, María ite, María Magdalena ingo diga. 26 Jesús ie eina cióillano, iere izíruiga llófuegamie diga, ie eina daide:

—Ei, batí o jítone como maméidímie ite.

27 Iemo afe llófuegamiena ibana daide:

—Afénomo o eina como maméidíngo ite, —daide.

Mei aféruillaido afe llófuegamie afengo ie jofomo ñue llínote.

Jesús tíllafue

(Mt 27.45-56; Mr 15.33-41; Lc 23.44-49)

28 Afe mei Jesús naga rafue fuitáinana fidide. Fídiano Cuegáuai fuitállena daide:

—Jiróacadicue.

29 Afe dinomo íciru rochírede vínona orúitaga rainaca. Ie jira jainoi fiillicide raa afe rochíredijina riátatiaioi. Iemo razi ícoimo jóoniano ie fuemo dutádiaioi.

30 Jesús afe rochíredí jirode. Jíruano daide:

—Nana ja fuite, —daide.

Daina mei, ifo ana jíjicailla llezica tíide.

Fuiríraimie ie ducírado Jesús ciraigí faitade

31 Ja pascua uícodiruí. Judíuai ocózinallaruímo coráicano íaioi abí coráinabícimo fiébillana jítaíñediaioi. Bie ocózinallaruí iere áillue. Ie jira Pilátomo jicádiaioi coráicano idai ditátallena. Iemona íaioi abí dinómona oní óllena jicádiaioi. 32 Jira fuiríraini jaillano nánoramie idai ditádiaioi. Jiáimie, Jesús diga coráicamie daje izói iena finódiaioi. 33 Ie mei Jesumo ánozillano jae tíidena ciódiaioi. Ie jira ie ídaina ditáñediaioi. 34 Mei íadi fuirírainimona dáamie ducírado ie ciraigí faitade. Iemona jainoi die diga tóide. 35 Bifue llotímie áfena ciódimie. Uáfueña daide. Afe uáfueño uai nabaide, omoi daje izói íñollena. 36 Aféfuíai daí íficaide Cuegáuai daina ñue fuitállena. Afe

uai daide: “Bu ie ícuruna dítañeitiaioi.” ³⁷ Jiáinomo Cuegáuai daide: “Iaioi bofécamiemo éroitiaioi.”

Jesús raiáfomo jóonetiaioi

(Mt 27.57-61; Mr 15.42-47; Lc 23.50-56)

³⁸ Afe meífodo José, Arimatea jofue ímie, Jesús abi uíllena Pilátomo jicade. Afe José Jesudo jáicadimacimona, mei íadi judíuaina jacíruillano báinino jaide. Iemo Pilato fairíote; íemona José jaillano Jesús abi uite. ³⁹ Daje llezica nauí Jesumo naióna úrzaibitimie, Nicodemo dúcide. Afémie treinta kilos díeze mérede zíochoa atide. Aféchoa mena zióredena ímuica. ⁴⁰ Daií José Nicodemo diga Jesús abi uillano, áreroi iníroido ie abi junide. Aferoi ziórena, mei diga zióredena fáigaza. Daií tíidino judíuai ráifírediaioi. ⁴¹ Jesús coraia áinori ocózínairabirí ite. Dinomo daa comue raiáfo, come nai ráiíñenafo ite. ⁴² Aféfomo Jesuna jóoneaidiaillinoi, áinori illa jira. Ua dínomo íena jóonetiaillinoi, judíuai ocózinaillarui tainéacana jira.

20

Jesús meine abido cáadimiéna jaide

(Mt 28.1-10; Mr 16.1-8; Lc 24.1-12)

¹ Semana nanóidiruido Magdalena ingo María jítiramoicana raiáfomo jaide, ua nai jítireoidemo. Dúciillano raiáfo íbaina nofici íñénana ciode. ² Ie jira aizícana jaide Simón Pedro illánomo. Dinomo jiáie llófuegamie Juan ite. Afémie iere Jesús izíruiagamie. Iaillinoína daide:

—Jae raiáfomona cai Ocuíraima comini baíródiaioi. Ie íaioi jóoniano onóñedicai.

³ Iemona Pedro jiáie llófuegamie diga jino jaillano raiáfo díne jáidiaillinoi. ⁴ Dájena aizídiaillinoi, íadi jiáimie Pedro baímo iere raírede; jira uícomo raiáfomo dúcide. ⁵ Ie abi ana jíjiillano raiáfo eromo eroide. Eróillano juníllaroina ciode, mei íadi jofo jáíñede. ⁶ Iemo Simón Pedro afémie ódana dúcide. Dúciillano raiáfomo jofo jaide. Abi juníllaroi díno jóoinana nane ciode. ⁷ Iadi Jesús ífo íbáinaroi íe juníllaroi dáanomo jóoiñede. Afe ífo íbáinaroi jabínota oni eneno jóonega. ⁸ Iemo jiáie llófuegamie, raiáfomo uícodo dúcidimie, jofo jaide. Afe finócafuena ciode. Cíóillanona áfemona ínote. ⁹ Mei Cuegáuai dáinana nai figo onóñediaioi. Aféuai daide: “Jesús tíillanomona meine abido cáadimiéna jáite.” ¹⁰ Iemona afe llófuega íaillinoi jofomo jaide.

Jesús Magdalena ingo Maríamo cíocaide

(Mr 16.9-11)

¹¹ Mei íadi María jino raiáfo áinomo éecana ráiide. Eeia llezica abi jíjide raiáfo eromo éroillena. ¹² Dinomo mena Juzíñamui abi ímie íaillinoi ángeles daínamací úzeroi jítádena ciode. Ua nauí Jesús abi illánori ráiidiaillinoi; dáamie ífo illánori, jiáimie ídai illánori. ¹³ Iemo Juzíñamui abi ímie íaillinoi jicánote:

—Ringo, ¿nibái éedio? —daide.

Jira afengo daide:

—Cue Ocuíraima oni ninomo íaioi uilla jira. Iaioi jóonianona onóñedicueza, —daide.

¹⁴ Afe dáina llezica afengo gírecaillano Jesuna ciode; íadi íena onóñede. ¹⁵ Jira Jesús jicánote:

—Ringo, ¿nibái éacadio? ¿Bu jenódio? —daide.

Afengo comeci facade, afémie afébiri úiñoraíma; jira íena daide:

—Íima, afémie oni jáínomo jae o úiadi cuemo llone, meine cue uájilleza, —daide.

¹⁶ Jira Jesús aféngona daide:

—¡María! —daide.

Afengo ñue gírecaillano hebreo uaido daide:

—¡Raboni! —daide. Afe uai dobáicana daide, Llófueráima.

¹⁷ Iemo Jesús daide:

—Cue abi jetáñeno iri. Cue Moo illánomo nai caifo jáiñedicueza. Mei íadi cue ámatiaímo llujáiri: “Cue Moo illánomo, daje izói omoi Moo illánomo caifo jáitícue. Ua cue Juzíñamui, omoi Juzíñamui dine jáitícue.” Daí íaíoi mo lloiri, —daide.

¹⁸ Ie jira Magdalena ingo María llófuegamacimo llujáide. Afengo Ocuíraimana cíoilana llote, nana bie afémie aféngona daináuai diga.

Jesús ie llófuegamacimo cíocai

(Mt 28.16-20; Mr 16.14-18; Lc 24.36-49)

¹⁹ Aféruido, semana nanóidruído afe naio llófuegamaci gairídiaíoi. Naze íbáillano judíuaina jacíruillamona itíaíoi. Iemo Jesús jofo eromo cíocai. Iaiói cígimo náidazaide. Iaiói uáiduano daide:

—Omoímo comeci caímare uái iri, —daide.

²⁰ Daí dainano, ie onói, ie círaigi diga íaíoi mo ácatate. Llófuegamaci íaíoi Ocuíraimana cíoilano íóbicaídiaíoi. ²¹ Iemo Jesús dánomo íaíoi na daide:

—Omoímo comeci caímare uái iri. Moo cue ória izói daje izói ómoína óreitícue, —daide.

²² Afe mei íaíoi mo jágiilli fúunuano daide:

—Ñuera Joréñona mai omoi ono. ²³ Naga come ie fiénidino omoi fáicanocaiadi fáicanocai; mei íadi omoi fáicanocaiñeniadi dóñega izói fiébite, —daide.

Tomás meine abido caade Ocuíraimana cíode

²⁴ Iadi Tomás, guarámiena maméidímie, doce dígamiedemona, Jesús cíocai llaruído íñede. ²⁵ Ie mei jáíe llófuegamaci íena daide:

—Ocuíraimana ja cíódicai, —daí íaíoi.

Mei íadi Tomás íaíoi na daide:

—Íe ónoímo ite boafe, puntilla meífo, cue cíóñenia, cue onocai aféfodo ñuitáñenia, cue onói ie círaigi méífo ñuitáñenia, ínoñeítícue, —daide.

²⁶ Ocho dígamona íllamona llófuegamaci meine gairídiaíoi. Afe llezica Tomás afémaciri ite. Iemo jaca naze íbaica íadi, Jesús jofo eromo cíocai. Iaiói cígimo náidajano uáiduano íaíoi na daide:

—Omoímo comeci caímare uái iri, —daide.

²⁷ Iemo Tomás na daide:

—Benomo o onocai ñúitaíbi. Cue ónoímo éroi. O onói cue círaígimo ñúitaíbi. Jáanocaiñeno iri. Ínori, —daide.

²⁸ Jira Tomás uai ote:

—¡Cue Ocuíraíma! ¡Cue Juzíñamui! —daide.

²⁹ Jira Jesús daide:

—Tomás, ja cuena cíónamona ínotio. Jamánomo íóbidino cuena cíóñedino íadi ínotiaíoi, —daide.

Bibénico nibái mei cuega

³⁰ Bífuiái baimo Jesús aillo jiáie cíofinina raa ie llófuegamaci uícori finode. Aféfuiai bibénicomo cüeñega. ³¹ Mei íadi ja bie llogáuai cuega, Jesús Crístonana omoi ñnollena; daje izóí afémie Juzíñamui Jitona omoi ñnollena. Ua jae cuega, omoi ñnuamona cáaillino ómoimo ie mámecido illena.

21

Jesús siete diga ie llófuegamacimo cíocaide

¹ Afe mei Tiberias jorai fuédamo Jesús ie llófuegamacimo meine cíobicaide. Bie izóí cíocaide. ² Ie llófuegamaci dáanomo itíaiói. Dinó ite Simón Pedro, Tomás níimie jiáifodo mameina Guarámie, Galilea jofue Caná ímie Natanael, Zebedeo jitó íaillinoi, jiái mena llófuegamie diga. ³ Simón Pedro íaioina daide:

—Fácuaidicue, —daide.

Jira daidíaiói:

—Mai nana cai fácuaili, —daidíaiói.

Iemo nocáe eromo caífo jáidíaiói. Afe naio chámuniaina oñédíaiói. ⁴ Jítiramo monáiacademo, Jesús ja jorai fuédamo náidaide. Mei íadi “Jesús” daiñédíaiói, llófuegamaci íena íaioi onóñena jira. ⁵ Iemo Jesús daide:

—Omoi, ¿chamuna oñédíomoi? —daide.

Uai otíaiói:

—Jii, oñédícai, —daidíaiói.

⁶ Jira Jesús afémacina daide:

—Nocáe nabézimo llóiji omoi dota, afe llóijimo jíiteza, —daide.

Jira daií finódíaiói. Ie fínuamona llóijina jáinoimona caífo zonónidíaiói, iere aillo chámuniaí illaza. ⁷ Iemo Jesús izíruiga llófuegamie Pédrona daide:

—¡Baie cai Ocuíraima! —daide.

Simón Pedro, Jesús ite dainana cacáillano, ie jínofecuiro jítade, nauí duiñoca jira. Jítanona jóraimo tícacaide Jesumo jaillena. ⁸ Jiái llófuegamaci chámuna oruítaga llóijina oni zocana nocaedo uitíaiói. Afe mei afémaci jorai fuédamo dúcidíaiói, nai are íaioi íñena jira. Afémaci cien metros dinó bai itíaiói. ⁹ Eniemo dúciillano, chamu pan diga iraimo ruícana cíodíaiói. ¹⁰ Jesús íaioina daide:

—Jae omoi oga chámuniaimona atiri, —daide.

¹¹ Simón Pedro nocaemo jaillano, afe llóijina ari guamáemo zote. Ja ciento cincuenta y tres jéerie chámuniaina oruítaga, mei íadi afe llóiji cuáiñede, ñi aillo chámuniaí illa íadi. ¹² Iemo Jesús íaioina daide:

—Mai omoi güizábiri, —daide.

Llófuegamacimona buna ¿Búdio? daiñide. Afémie Ocuíraimana onódíaióiza.

¹³ Ie mei Jesús áinozillano afe pan llínota íaioimo fecade. Daje izóí chámuna fecade.

¹⁴ Daií Jesús tíillanomona meine abido cáadimiena jáillamona dacaiñoámani ie llófuegamacimo cíocaide.

Jesús Simón Pédro mo úrite

¹⁵ Güilla méifodo, Jesús Pédro mo jicánote:

—Jonás jitó, Simón, ¿baimaci baimo cuena izíruitio? —daide.

Pedro uai ote:

—Jii, Ocuíraima, ona cue gáinana onódio, —daide.

Jesús íena daide:

—Mei jira cue ovéjatiruai o ecari, —daide.

¹⁶ Jesús meine dáanomo íemo jicánote:

—Jonás jitó Simón, ¿cuena izíruitio? —daide.

Pedro uai ote:

—Jii, Ocuíraima, ona cue gáinana onódio, —daide.

Jesús daide:

—Mei jira cue ovéjaiai uñori, —daide.

¹⁷ Ja dacaiñoamani Jesús meine abido íemo jicánote:

—Jonás jitó Simón, ¿cuena gáidío? —daide.

Pedro jae zúucaide, Jesús bie íraicaiño íena gáinana jicánua jira. Jira íena daide:

—Ocuíraima, o nana onódioza. Ona cue gáinana onódio, —daide.

Jesús íena daide:

—Mei jira cue ovéjaiai o ecari. ¹⁸ Uáfuenta ona dáitiecue, iere o jitócomena llezica, jaca o comeci jítaina izói iníroina jítafiredio. Daje izói nana o jáiacananomo jáifiredio. Mei íadi o eímaille llezica o onoi oni zítaitio, jáímie o inícuero jítátallena, daje izói jáímie o uíllena o jáiacañenanomo, —daide.

¹⁹ Afe dainado Pedro nie izói tíitena Jesús daí onótate. Afe ie túlledo Juziñamuimo ñue ebírenafue nítaite. Ie méifodo íena daide:

—Cuedo biri, —daide.

Izíruiğa llófuegamie

²⁰ Pedro gírecaillano Jesús iere izíruiğa llófuegamie Juaana ciode. Afémie óodana bíllana ciode. Afémie nauí íraicaiño güílláruído Jesús abimo ráiidímie. Afémie, “Ocuíraima, ¿bu o fecalle?” daidímie. ²¹ Pedro Juaana ciona llezica Jesumo jicánote:

—Ocuíraima, ¿báímie nie izói iite? —daide.

²² Jira Jesús uai ote:

—Afémie cue billíruimo caadi cue óiacaia ¿ómona mei ñibai? O cuedo bi, —daide.

²³ Jira Jesús jaináidinori taino daináfuenta fidíbicaidiaioi. Afefue daide, “Bie llófuegamie tíñeite.” Mei íadi Jesús afémie tíñeiteza daíñede. Fia dáideza, “Afémie cue billíruimo caadi cue óiacaia ¿ómona mei ñibai?”

²⁴ Bímie llófuegamacimona aféfuiai uáfuenta llotímie. Aféfuiai cuetímie. Afémie daina uai uáfuenta onódicaiza.

²⁵ Jesús jáie finócafuii nai aillo ite. Nana aféfuiai dámierie cúeiadi jamánomo aillo rabénicuaina zúite. Ua ñibai afe rabénicuai jónellino nániena báñeite. Jae ñie.

JESÚS ORÉCAMACI FINÓCAFUIAI

Los Hechos de los Apóstoles

Ñuera Joreño billifue úcodo llogáuai

¹ Cue izíruiga Teófilomo nane omo cueticue. Cue nánoidibemo nana Jesús bie éniemo illa llezica nanómona ie llogáfuiyai ie finócafuiyai diga omo cueticue.

² Ua ie monamo jáillarumo finócafuiyai cueticue. Nai monamo ie jáiñena llezica ie orécamacina nizede. Níziano Ñuera Joréñodo íaioina llote nie izóí finóllena.

³ Ie tíilla meífodo, Jesús dáamie cómena íaioimo cíocaide. Cuarenta dígarui uáfóri cíocaifirede. Afe cionanuedo ie cáanano ñue uáfueña daítate. Afe llezica Juzíñamui illáimana illíruido íaioimo úrite. ⁴ Orécamaciri illa llezica, Jesús íaioina rairuide Jerusalémona oni jáiñeillena. Íaioina daide:

—Cue Moo uafue uai llote: “Ie Ñuera Joreño ómoimo fecáacade.” Afe fecállirui omoi úñori, nauí ómoimo cue llua izóí. ⁵ Uáfueña Juan fia jáinoido báutizade. Mei íadi íanori íllamona Ñuera Joreño ótiomoi, —daide.

Jesús caifo monamo jáillafue

⁶ Jesumo gairíllano jicánotiaioi:

—Ocuíraima, çua birui Israel nairai illáimaillena meine caimo itátaitoi?

⁷ Jira Jesús uai ote:

—Moo afefue finóllirui ómoimo ónonide. Dama afémiemo ríno afefue finóllena íte. ⁸ Mei íadi Ñuera Joreño bíadi, ríno ótiomoi. Iemona cuedo úrizaitiomoi, ua Jerusalem, nana Judea éniemo Samaria énie diga. Ua jamánomo jica íte itínuaiaimo llujítiomoi, —daide.

⁹ Daí daina meífodo, nana íaioi éroillamo, afémie caifo ráiñuano monamo uiga. Iemo mona ero úllie íena ferínote. Iemona jaca íena cíóñediaioi.

¹⁰ Jesús caifo jáidemo monamo eróioidiaioi. Afe llezica mena come úzecuiro jitada íaioi abímo cíocaide. Juzíñamui abi íaillinoi.

¹¹ Daídaillinoi:

—Galilea íñiaí, çnibái mei monamo eróioidiomoi? Dámie Jesús, afe ómoimona caifo úlliedo jáidímie, afémie ie jáillana omoi ciona izóí daje izóí meine ana bíite, —daide.

Judas meifo méidollena Matías nizédiaioi

¹² Ie mei Olivo ídumona oni jáillano abído Jerusalem bitíai. Jerusalén ánori afe ídu íte. Ua ocózinaiillaruido macácana jailla daa kilómetro díeze izóí íte. ¹³ Afe jófueмо dúcillano caifófecomо íaioi íñrenenomo jáidiaioi. Bie íaioi mámeciaí: Pedro, Santiago, Juan, Andrés, Felipe, Tomás, Bartolomé, Mateo, Alfeo jíto Santiago, Íere Járidotímacimo dúidímie Simón, Santiago ama Judas.

¹⁴ Nana afémaci dáanomo gairífrediaioi Juzíñamuimo úrilla. Afénomo Jesús ámatiaí gairífrediaioi, íe ei María diga naa jíaie ringóniairi.

¹⁵ Aféruillaido Pedro afe ámatiaí daínámaci cígiri caifo náidaillano úrite. Afe ámatiaí ciento veinte dígamiede. Afémacina daide:

¹⁶ —Amatiaí, Ñuera Joreño Cuegáuaimo Davido llote: “Judas meifo cai cígiri méidolle jítaírede,” daide. David cuegáuai úcodo llote: “Judas Jesús lláitaitimaci ífoite.” ¹⁷⁻¹⁸ Mei jí, afe Judas daní cáimona. Bie cai táijina

afémie dibénemo ite. Mei íadi afe meífodo cimoi cúinano ágüicaillano caifona ifo dinena éniemo baiíde. Baiíllamona ie jebe bójicaide. Afemona nana ie eromo itínuiái jino cocide. Afe mei ie fiénidifue iba úcubedo ja ie raillíbiri ibádiaioi. ¹⁹Jerusalén itímaci áfena íaioi fídiano, afébirina “Acéldama” jitádiaioi. Afe mámecei íaioi uaido dibénedo “Die illábiri” dáiiacade.

²⁰Mei jírari Salmos ibénicomo daíi daíde:

Daíi o jofo zóofefiteza

Buna afécomo íñeilleza.

Jiáífuedo daíde:

Afémie táijina jiáíma ólleza,

—daíde.

²¹Cai Ocuíraima Jesús nana cai diga illáruillaido cairi macádino birui cai cígimo itíaiioi. ²²Jesús báutizaruimona, ie monamo jáillaruiimo cairi jáicadiaioi. Mei jira afémacimona dáamie cai dájellena jitárede, Jesús meine abido cáaillafuemo uai nabáillena.

²³Jira dainámacimona mena come oni naidánetaioi. Dáamie daámani mámeceirede: José Barsabás Justo. Jiáímie Matías. ²⁴Ie mei Juzíñamuimo úritiaioi; daídíaioi:

—Cai Ocuíraima Juzíñamui, nana comini comeci onódimedioza. Bíailinoimona o nizécamie caimo onótari orécamie táijina finóllena. ²⁵Afe táijinamona Judas ie fiénidifue ícoinia oni baiíde. Baiíllano dama ie zefuñainlinomo jaide.

²⁶Iemo onótaraji dotádiaioi. Jae Matíasmo níjide. Afe llezícamona afémie once orécamiiaimo dájena jaináicaide.

2

Ñuera Joreño billafue

¹Pentecostés irui ráfuemo jae dúcide. (Afefue güille jofo óinarui rafue.) Afe rafue dúcidemo jae nana dáanomo gairídiaioi. ²Ie mei rairéfeicana minica izói ficire monámona cácaicaide. Jairifo riire jáiñua izói cácaicaide. Nana íaioi ráinaco eromo cácaizaibite. ³Iemona ífíai izói iráiciai íaioimo cíocaide. Nana illa dígamierie íaioimo níjizaibitiaioi. ⁴Afe llezica nana Ñuera Joreño úcaigaiaioi. Iemona jiáie náiraiaí uáillaido como úritiaioi; mei afe Ñuera Joreño íaioi úritade.

⁵Aféruillaido Jerusalemo aillo judíuai náganuiamona bitíaiioi. Ua íaioi Juzíñamuimo jitárede finóllifuaí finuaibitiaioi. ⁶Afe riire ficirenana cacáillano comini dáanomo ofidiaioi. Niie izói comeci fácana onóñediaioi nágazie dani íaioi uáillaido íaioi cacana jira. ⁷Abi fáigacaidiaioi; daídíaioi:

—¿Nana bie úriraini Galiléamona bitímaci; uáfueñede? ⁸Nágamierie dani cai uaido íaioi úrillana ¿niie izói cacáfiredicai? ⁹Benomo nágaziai ite: Partía imaci, Media imaci, Elam imaci, Mesopotamia imaci, Judea imaci, Capadocia imaci, Ponto imaci, Asia énie imaci, ¹⁰Frigia imaci, Pamfilia imaci, Egipto imaci, Africa illánie Cirene batífenemona bitímaci diga. Afe dáanomo áinori ite romano imaci gairídiaioi. Bie románomana dáarie judíona jococa. Jiái romano imaci judíuai Juzíñamuimo ínuafuena jeire otíaiioi. ¹¹Afe llezica Creta imaci bitíaiioi Arabia imaci diga. “Mei íadi Juzíñamui caimare llogáfuaíai ñue finócafuíai diga, nágamierie dani cai uáillaido cacádicai,” daídíaioi.

¹²Nana fáigacaidiaioi. Íaioi comeci fácana onóñediaioi; jira jicánotiaioi:

—Nana bie caimo comuídifue, ¿ñie izói caina daiíacade? —daiíaiói.

¹³ Mei íadi jíámaci íaiói uai áifeduardo daiíaiói:

—Bimaci jíáíaiói, —daiíaiói.

Comínina Pedro daínafue

¹⁴ Ie mei Pedro once diga orécamaciri náidaillano comínimo riire úrite; daide:

—Judea comíni naa Jerusalemo itínuaíri cácarei. Bie ráfueña omoi onoiri. Daiíticueza ñue omoi cacáreiri. ¹⁵ Bie íñíai jífáíñedimaci omoi comeci faca ízoi. Jitoma nai fuiri dáidemo. Jítiramo dibénemo comíni jaca jífáíñidíaiói. ¹⁶ Bífue jíáfodo ite. Afe bifue uai lloiraíma Joel jaíai úcodo llogáuai. Afémie daide:

¹⁷ Juzíñamui ómoina daide:

“Íirairuillaido cue Joreño nana náíraíaina, jaínoi tua izói fáicanocaiñeno íaióina úcaítaiticue.

Omoi jíótíai jízatíai diga cuedo úritíaiói.

Jítocomíni nícaído ciónafuíai izói cíotíaiói.

Einamací ñuera nícaído nícaíritíaiói.

¹⁸ Aféruillaido cue Joreño cue tájítagamíaina naa cue tájítaga ringóníari ñue úcaítaiticue.

Iemona cuedo úritíaiói.

¹⁹ Caífo monamo jacínaitadínona cíotaiticue;

Aféruimo ana éniemo onótajafueña fínoíticue.

Afe onótajafue díena cíotaite; iraina cíotaite, jamánomo irai úílliena cíotaite.

²⁰ Afe monado jitoma jííreficaite, fuí die izói jáite.

Daí íite cai Ocuíraíma Jesucristo billíruimo nai dúcíñenia.

Afémie billíruí íere ebíreitíruí.

²¹ Nana Juzíñamui íaiói canóllena íemo jícadíno jíllóbicaítíaiói.”

Aquíe izói Juzíñamui Joeldo daide.

Iemo Pedro nai úrillano daide:

²² ‘Mei jíi, Israel naírai cue daiíllífuemo cácarei. Nazaret ímie Jesús omoi uícori Juzíñamui ñue facácamie. Uafue aillo fáígatate ráaniaído ñue facátaga. Daíi Juzíñamui omoi cígiri afémiedo finode. Aféfuíaina ñue fidídiomoi.

²³ Mei íadi afémie omoi fecállíruimo maíano uítá fatíomoi, Juzíñamui jaíai úcodo comécíitífuíai onótafuíai diga daína izói. Uafue fíénídimacido íena corátatiomoi.

²⁴ Mei íadi Juzíñamui afe tílla cuinaca raa zuita izói, zúitano íena meine cáatate. Mei tíllafue jaca íena anáfenonide. ²⁵ Mei illaíma David Jesudo úrillano daide:

Ocuíraimana cue uíecori cíófrédicue.

Afémie cue nabézimo izói ite, mínícana cue jícaítaiticue.

²⁶ Ie jira cue comeci cáimafueña íere ite, afe llezica cue fuemo ite cáimafuíaido úriticue.

Afe jira daje izói cue íeizi ñue ocózínaitaiticue, mei tíllamona meine cue abína cáataítio.

²⁷ Mei jíi cue joréñona tíidínomo fíénocaiñeítio.

Afe izói o izíruiga tájítagamie abi rífaíllana ráíruítio.

²⁸ Cáatatinomo jóoide io cue llófuetio.

Cue diga o illado, cáimafueña cue orúítaitio, —daíi daide David.

²⁹ ‘Amatiai, cácarei. Cai jáiairagima David tíide raiga uáfodo onórede. Afe raiáfo nai cai diga íteza. ³⁰ Mei afe David uai llóraima. Jaiái Juziñamui uícodo uafue llóllena riífuedo íena daide:

—O emódoiziemona dáamie Cristoite. Afémie o illáimana illánomo ráinaite, —daide. ³¹ Jira daí David, uícodo ciona izóí Cristo meine abído cáillafuedo úrite. Afe izóí daide:

—Cristo joreño tídinomo fiébiñeite. Ie íeizi rifáillana rairuícaza, —daide.

³² Mei jii Juziñamui afe Jesuna meine abído cáatate. Aféfuemo nana cai uai nabáiraimacídicaí.

³³ Daí Juziñamui nabézimo Jesús naidánega; naidánia meífodo Móomona uícodo lloga Ñuera Joreño fecállifue llíinote. Llínuana nana bie omoi ciona, omoi cacana raa finode. Nana aféfuíai afémiemona bite. ³⁴⁻³⁵ Mei David monamo jáifedimie, mei íadí dama David daí daina:

“Caifoide Ocuíraima cue Ocuíraimana daide:

—Cue nabézimo rainai, o éoidino cue anáfenolliruimo, —daide.”

³⁶ “Nana Israel nairai, maí comeci jizíñeno omoi onoiri: bie omoi coraica Jesús Juziñamui Ocuíraimana itátate: Crístona itátate, —aci dinó Pedro daide.

³⁷ Aféfuena cacáillano, iere comeci lícítagaiaíoi. Afemona Pédro mo jicánotiaíoi jáíie orécamací diga:

—Amatiai, ¿níie izóí ñéiticaí?

—daídíaíoi.

³⁸ Ie jira Pedro uai ote:

—Omoi illafue Juziñamui uíecomo meídori. Omoi nágamierie Jesucristo mámeçido báutizitari. Omoi íaífuíai oni dófilleza. Daí Juziñamui ie Ñuera Joreño ómoína úcaíteza. ³⁹ Afe bie uícodo llogáuái ómoie. Daje izóí o jítotíai ie. Daje izóí nana jácarie itino ie; ua aféuai nana cai Ocuíraima Juziñamui uáidogamací íena, —daide.

⁴⁰ Aféuailaido dáanomo jáíie uáillaido Pedro íaíoi llvano daide:

—Bie duere finóbitimacimona omoi jíllori, —daide.

⁴¹ Mei daí afémie úrilla uaina jeire otino diga báutizagaiaíoi. Aféruído Jesumo ínotimacimo tres mil dígamiaí dáazierna jáinacaidiaíoi. ⁴² Nana bimaci orécamací llófuíafuemo jáícina jáidiaíoi. Afe daí conímamo ñue coméçidiaíoi. Afe llezica Juziñamuimo úrifrediaíoi, ie mei gairíllano Jesús jae íraicaiño güilla izóí finódiaíoi.

Nano fueñe ínotino illafue

⁴³ Aféruíllaido nana jáçicaidiaíoi; mei aillo cíóraininafuíai naa onótate raa diga orécamací finódiaíoiiza. ⁴⁴ Jae nana ínotino ñue dájena itíaiíoi, íemona íaíoi ráaniaí conímamo jeruñeno ífirediaíoi. ⁴⁵ Mei jii íaíoi illábiri jáíie ráífide raa diga fecádiaíoi. Fécanona afe úcube nágamiaí imaci jitailla izóí jofo conímamo fecáfirediaíoi. ⁴⁶ Nágaruillaido gairiracomo gairídiaíoi. Íaíoi jófuemo pan fécano dáanomo cáimafuedo, comeci mánainafuedo güítiaíoi. ⁴⁷ Juziñamui íóbitaídiaíoi. Afe llezica nana comini afémacimo ñue coméçidiaíoi. Afe daí cai Ocuíraima nágaruído afe ínotimacimo jáíie jíllorizabitimaci dáamacina itátate.

1 Jiáiruido jítoma ana ítemo Pedro Juan diga gairíracomo jáidiaillinoi. Afe Juziñamuimo comécido úrioina llezica. 2 Nágaruillaido jocóinamona aidaima dinomo ífirede. Ie comini gairíracomo íena úfirediaioi. Uillano afémiena nazemo ie ráinaifirediaioi, jofo jáioidinomona dúecaillano fecaca úcube jicállena. Afe naze mámece Ebíredize. 3 Aidaima Pedro Juan diga gairíracomo jofo jáillana cíoillano dúecaillano fecaca úcube íaillinoimona jicade. 4 Mei jira Pedro Juan diga íemo érocaidiaillinoi. Pedro íena daide:

—¡Caimo érocaí!

5 Iemona afémie náicaide. Comece anado daide: “Ñibai minícana cue iite.”

6 Iemo Pedro íena daide:

—Cue úcubenidicue; óronidicue; mei íadi cuemo ítena o íitícue. Nazaret ímie Jesucristo mámeceido náidacai. Maca, —daide.

7 Iemo Pedro onoi nabézido íena naidánete. Afe daíí finua llezica ie idai mairíbicaide, ie idácoiñuai diga. 8 Iemona aidaima caífo tícacai. Caífo náidaillano macade. Afémie íaillinoído ja jofo gairíracomo jaide. Tícatíacana jaide. Juziñamuimo íóbitaíde. 9 Nana comini ie mácana cíodiaioi. 10 Aferi íere jacínaifcaidiaioi naa abi fáigacaíllafue diga, afémie daíí náidacaíllari. Afémiena onódiaíoiza. Afémie Ebíredize mámeceíredizemo ráíifredímie, gairíracomo úcube jicáfiredímie.

Pedro comínimo Salomón jinófenemo macáranomo llófuete

11 Jíllotaga aidaima Pedro Juan diga íaillinoído níjinijicaide. Aféfuerei fáigacaíllano nana comini gairíracó díbénemo jáidiaioi. Salomón jinófenemo macáranomo Pedro, Juan, aidaima diga illánomo afe comini aizícana jáidiaioi. 12 Pedro áfena cíoillano comínina daide:

—Israel nairai, cácarei. ¿Omoi minícari fáigacaidíomoi? ¿Ñibái mei cócomo eróizaíbítomoi? Bie íima dama coco ríinodo jíllotano macátaticoco, ñibai daíí comécido daidíomoi. Daje izóí coco Juziñamuimo ñue comécinafuedo afefue finódicoco, daíí ñibai cócona comécido daidíomoi. Iadi aféfuíaido finóñedicoco. 13 Mei íadi jíáífodo joide. Cai jáíairagima Abraham, Isaac, Jacob diga, íaíoi Moo Juziñamui ie Jitó Jesumo baímo ñúefuena nitade. Afe Jesús ríimacimo omoi fecácamie. Pilato ie zuitáacana llezica áfena ráiruitíomoi. 14 Aféruído jaícina nífuenidímie zuitátajana jicáñediomoi, mei íadi jíáífodo jicádíomoi. Come fatímie zuitátíomoi. 15 Afe daíí cáatátino fecádímie titádíomoi. Mei íadi Juziñamui afémiena tíllanomona meine abído cáatate. Aféfuemo uai nabáiraímadicoco. 16 Bie dáamie Jesús mámeceido, ie mámeceímo ínuafuedo omoi ciona, omoi onoiaga aidaima jae mairíbicaide. Afe Jesumo ínuafue íena ñue jaícina jíllotate, omoi uíécomo cíocaidímie illa izóí.

17 ‘Amatíai, onódicueza, mei omoi naa omoi illáiniri Jesuna fáíacana llezica omoi finócafueña onóñeno íena fatíomoi. Uáfueña omoi finócafueña onóñenano finódiomoi. 18 Mei íadi Juziñamui ie uai lloráímado uícode daína uai bie izóí fuitade. Aféuai daide: “Íe Cristo duere zefuillífue jítaírede.” 19 Mei ie jira omoi mácafuaí méidori. Omoi íllafue Juziñamuimo ñue jaícina jóoneri. Omoi íaífuíai oní muiñólleza. Iemona cai Ocuíraíma Jesús caina cánuafuaíai mánaínaruillaí izóí caímo orérede. 20 Aféruímo nano uíecodo ómoíena mamécamie Jesucristo Juziñamui óreite. 21 Mei íadi birui Jesucristo monamo fiébirede, Juziñamui naga rafue jaícina nai jóoneíñeílleza. Afe daíí jaiáídiruillaímo íte ñuera uai lloráíni daidíaoi. 22 Mei daíí Moisés cai jáíairagimana daide: “Cai Ocuíraíma Juziñamui

omoi ámatiaimona nahí uai lloráimana ómoimo óreite, Juzíñamui cue ória izói. Afémie ómoína nana daináfuiái jeire omoi oíri. ²³ Mei afe uai lloraima dainana jeire onédino Israel náiraimona oni táinocaite. Uáfuenta íficaite.” Daií daide Moisés.

²⁴ Mei daií nana uai lloraini, Samuélmona batine ite lloraini diga bie íraírullaído úrite. ²⁵ Juzíñamui ie uai lloráinido uícodo daináuailai ja birui ómoíri jino llotátaga. Juzíñamui cai jaiáiragimacimo íbana ñuera raa finóllifue llote ñue omoi íllena. Afefue Abrahamo llote. Daide, “Nana énie nairai o emódomo comuínodo ñue caimare ífcaítiaíoi,” daide. ²⁶ Mei Juzíñamui ie Jitó caata meífodo nano fueñe ie Jitó ómoimo orede caimare omoi íllena, ómoimona nágamíiai ie íaífue fáicanocaillena, —daide.

4

Pedro Juan diga ríredino uíecomo uiga

¹ Pedro Juan diga nai comínimo úrioidemo, lletáriraini gairíraco úíñotino illaíma diga bitíaíoi. Daje llezica saduceo comíni bitíaíoi. ² Pedro Juan diga comíni llófuetaillinoi. Iaióina daide: “Comíni tíllanomona cáatafue Jesudo ácataga.” Daií llófuiari como bitímaci rícaidiaíoi. ³ Iemona íaillinoína llaítadiaíoi. Lláitano íaillinoína llavéracomo jítiramoidruimo íbáidiaíoi, ja nauzáilla jira. ⁴ Mei íadi aillo afe úrillauai cacáidino íñotiaíoi. Afena íñotimaci dani íñiaí facádua cinco mil áinomo dúcide.

⁵ Afe jáíruiamo Jerusalemo judíuai illaini, éinamaci, naa ocuífue llófuerainiri gairídiaíoi. ⁶ Afe llezica afénomo lletáriraini illaíma Anás ite. Afe dáanomo ite Caifás, Juan, Alejandro naa lletáriraini illaini comíniri. ⁷ Iemo Pedro Juan diga atítatiaíoi. Atiano íaíoi cígimo naidáneta jícanotiaíoi:

—¿Nie ríinodo bífuiái finódiomícoi? ¿Bu mámedido bífuiái finódiomícoi?

⁸ Mei jira Pedro, Ñuera Joreño úicaigamienaza daide:

—Nairai illaini, Israel éicomíni, omoi cácarei. ⁹ Mei afe baie íraredimíemo como finoca ñúefuena jícanotíomoi. Mei ñue izói afémie jíllotaga daií daidíomoi. ¹⁰ Mei jira omoi uíecomo jino uáfodo llóiticoco, nana Israel nairai fidíillena. Afémie omoi uíecori Nazaret ímie Jesucristo mámedido, omoi coráicamie mámedido íocire ite. Afe coráicamie (Jesucristo) tíllanomona Juzíñamui meine abido cáatate. ¹¹ Bie Jesús omoi jofó níraini oni dotaca jofocai izóidimie. Mei íadi afecai uálliraina jáizaide. ¹² Nie jíáimíemo jíllonafue íñede. Jesucristo jíaie daiítade jíllotaraimana caímo íñede, afémiedo cai jílloillena. Ua nana éniemo daiítade jíllotaraimana íñede, —jaca dinori Pedro daide.

¹³ Iemona ríimaci Pedro Juan diga méaicaiñeno úrillafue cacáíllano, íaillinoi llófueñegaiaillinoi íllana fídia llezica, iere fáigacaidiaíoi, jamáimíeillinoi illa jira. Iemona ríimaci bíaillinoi Jesudo macáidino daií íaillinoímo úbicaidiaíoi. ¹⁴ Afe emódomo jíllotaga aidaima dinomo íaillinoi abiri nadaide. Ie jira aféfuena jáanoicana daiínide. ¹⁵ Mei jira gairídinomona íaillinoína oni orédiaíoi, dani jofó conímamo íaíoi úriacana jira. ¹⁶ Daidíaíoi:

—¿Bie íima íaillinoína nie izói ñéiticaí? Mei jii, nana Jerusalemo bitino bie cíórainina onótate raa íaillinoi fínuafuena onódiaíoi; mei aféfuena jáanonidicaí.

¹⁷ Mei íadi mai íaillinoi cai jácidolle, afefue comínido jamánomo jalléíñellena.

Afedo ñaillinoina ráiruiticai, Jesús mámeçido ja benómona batine úriñeilla, —daiðíaioi.

¹⁸ Mei jira ñaillinoina jírítiaioi. Ñaillinoi dúcidemo ocuðiaioi:

—Jesús mámeçido jii mai due jiza úriñeno iri. Afe daií llófueñeno iri, —daiðíaioi. ¹⁹ Mei ñadi Pedro Juan ñiga uai ote:

—Juziñamui uécomo ñífue baímo ñuena comeci omoí faca: omoína ñue cai cacáreilla, ñibaí jiaífo Juziñamuina ñue cai cacárellena. ²⁰ Mei jii cai cónafue cai cacánafue ñiga aféuemo úrillana fáicanidicai, —daide.

²¹ Mei jira riimaci ñaillinoina jácidotiaioi. Ie mei ñaillinoina zuitádiaioi. Ñaillinoi duere finóllifue baiñéðiaioi; nana comini afe finua jira Juziñamuimo ióbioidiaioiza. ²² Afe cíoraininafuedo jillotaga aidaíma, afémiemo cuarenta fimona baímo ite.

Ñinotino méaicaiñenafue comeci riino ñiga jicáðiaioi

²³ Pedro Juan ñiga ñaillinoi zuitaina mei ñaillinoi nabáiñiaí illánomo jáðiaillinoi. Dinomo afémacimo nana lletáriraini illaini éinamací ñiga ñaillinoina dánnana llotiaillinoi. ²⁴ Aféuena cacáillano nana dánomo Juziñamuimo úritiaioi. Daiðíaioi:

—Cai Ocuíraíma, O Juziñamuina; mona, énie, monaillai naga ráaniairi finóðimiedio. ²⁵ O Ñuera Joréñodo, o táijitagamie Davido daiðio:

¿Ñibaí mei náiraiaí caillíoidiaioi?

¿Ñibaí mei comini táinofuiaimo comeci facáðiaioi?

²⁶ Enie illaini Juziñamuina ie Cristo ñiga anáfenuaibítiaioi.

Daje izóí jofue illaini Juziñamuimo ofíðiaioi ie Cristo ñiga áfedo afémiemo fuiríllena, —daide.

²⁷ Uafue bie jófueemo Herodes, Ponico Pilato ñiga o ñifuenide Jitomo fiene gairíðiaioi. Afénomo jicánemaci Israel comíniri fiene gairíðiaioi, mei ñadi omo jaináidimie Jitó illáimana ja jáitatio. ²⁸ Afe fiene íaioi gairíllafuedo nana o uícomo uaido finócafuaímo dánnana finóðiaioi. Afe daií íficaillena jítáretadio. ²⁹ Cai Ocuíraíma Juziñamui, mai birui cai íaioi jáciduamo eroi. Jae o táijitagamacidicai. Afemona ñue méaicaiñenafue caímo fecari, o úrillauai jino jácicaíñeno cai llóllena. ³⁰ Afe llezica omo ite riinodo comini íaioi dúicomona ñue jillotari. Afe izóí o ñifuenide Jitó mámeçido cíorainina onótate raa finori, —dinori daiðiaioi.

³¹ Juziñamuimo íaioi úrilla fúillamona afe íaioi gairíllano docáiricaide. Afe llezica nana Ñuera Joreño úcaigaiaioi. Iemona Juziñamui úrillauai méaicaiñeno jino llotiaioi.

Ñinotimaci íaioi ráaniaína jeruíñeno “Nana caie” daiðiaioi

³² Afe aillo iráica ñinotimaci dáaziema nana ñue jaináidiaioi. Ua daje izóí dájemo comeci facáoidiaioi; daje comeci jitailla uai íaioímo ite. Buna afémie ráaniaína “Dama cueie” daiññede, mei ñadi nana comini íaioi ráaniaína “Nana caie” daiðiaioi. ³³ Orécamací Ocuíraíma Jesús cáanafueemo aillo riinodo uai nabáioidiaioi. Juziñamui nana comínina iere caimátaitade. ³⁴ Íaioi cígiri jítáredena ráanidimie iñede. Nana íbácana énieredino jofóredino ñiga áfeniaí fécano afe oga úcube atíðiaioi. ³⁵ Atiano orécamacimo izájidiaioi. Iemona orécamací nágamieriemo íaioi jítaina ñeze fecáðiaioi. ³⁶ Afe izóí íaioi cígiri Leví ízie ímie finode. Afémie mámeçí José. Monáillai zafedu Chípremo jocócamie.

Orécamací íena jíaié mámecina jítádiaioi. Afe mámecei Bernabé daina Fíradimie.
 37 Afémie ie illánie fecade, fécano afe iba úcube orécamacimo izáibite.

5

Ananías Safira diga finoca íaifue

1 Mei jíaimie Ananías, ie ai Safira diga, daa illánie fecádiaillinoi. 2 Bímie nano baa nieze úcubena jeruide. Jíaié dájeze úcubena nana ñue ite ízoi orécamacimo izájide. Aféfuena ie ai nana ñue onode. 3 Jira Pedro íena daide:

—Ananías, ¿níbái mei Taife o comécina féitate, Ñuera Joréñomo taino o llóllena? ¿Níbái mei o illánie nano nieze feca iba úcubena abimo maiñódio, daí jífueridio? 4 ¿Nano fueñe afe énie óieñede? Jii, óie. ¿Afe o fécaja mei afe úcube óieñede? Jii, óie. ¿Níbái mei daí afe finóllena comeci facádio? Comínimo taino lloñédio, mei íadi Juzíñamuimo taino llotio, —daide.

5 Ie jira áfena cacáillano, Ananías éniemo baíllano tíbicaide. Nana afefue fídiaibitino iere jacínaitiaioi. 6 Mei jira nano ba niga jítocomini bite. Ie abi jabínota ie raíájidiaioi.

7 Afe mei tres horas íllamona Ananías ai jofu bite. Nai ie ini tíllana fidíñede.
 8 Jira Pedro jicánote:

—Cuemo llone, ¿afe ómicoi daina dieze afe énie fecádiomico?

Jira afengo daide:

—Jii, áfeze.

9 Jira Pedro daide:

—¿Níbái mei dáafueritiomico, Juzíñamui Ñuera Joreño o íco facátallena? Jino batí o ini raíájidino bitíaioi. Jabe daje izói ona úitiaioi.

10 Afe llezica afengo Pedro anamo baíllano tíbicaide. Jítocomini jofu billano afengo tíllana cíozaiabitiaioi. Mei jira jino uillano ie ini abimo íena raíájidiaioi. 11 Nana Juzíñamuimo ínotino nana aféfuaiaina fidídimaciri iere jacínaitiaioi.

Aillo cíórainina raaniai onótate raa diga

12 Aféruillaído comini cígiri orécamací aillo onótate raa, cíórainina ráaniai diga finódiaioi. Nana Salomón jinófenemo macáranomo gairídiaioi. 13 Buna jíaimacimona íaioi diga daane gairíllana jacíruiitiaioi; mei íadi comini íaioimo ñue izire comécidiaioi. 14 Aillo comini íñiaí ringóniaí dájeze Ocuíraima Jesucrístomo ínuaiabitiaioi. 15 Uafue jamánomo ínotiaioi. Mei jira iráredino jofu abi íuemo, naa íaioi bíralluairi jino bíródiaioi. Afénomo Pedro áfedo jaille llezica afémacimona nano dámerie, Pedro jana anamo itábicaítiaioi. Afedo jíllozitiaioi. 16 Afe llezica aillo áinomo ite jofue comini Jerusalemo bitíaioi. Íaioi iráredinuiaí atídiaioi fiénide jóriaído áifedogamací diga. Nana jíllotagaiaioi.

Ríimaci illaini Pedro Juan diga duere finóllena llaitátiaioi

17 Iemona lletáriraini illaíma, afémieoiri ite saduceo imaci iere úradozaidiaioi. 18 Ie jira orécamacina llaitada afe jófueimo ite llavéracomo íbáizaidiaioi. 19 Mei íadi Juzíñamui abi ímie naio llavéraco naze tuizáibite. Jino íaioi uánona daide:

20 —Gairíracomo omoi jai. Dinomo naidáillano comínimo nana bie comeci cáataite uáillaido úrizairi, —daide.

21 Aféfuena cacáillano, afe jiáirui monáidacademo jofu gairíracomo jáidiaioi. Jáillano llófuiaide.

Afe llezica lletáriraini illaíma afémiemo itínori, Nahíllaini gairíranomo gairídiaioi. Afe Nahíllaini Israel nairai éicomini. Gairíllano llaveca orécamaci atítatiaioi. 22 Mei íadi llavériraini llavéracomo dúcillano orécamacina baiñédiaioi. Daa fia afefue abído lluáibitiaioi. Daidíáioi:

23 —Llavéraco ñue riire ibaide naa naze jinófene úiñotinori eróiediaioi baizájidicai. Mei íadi cai zuitádicaimo afeco eromo buna íñena, —daidíáioi.

24 Aféfuena cacáillano lletáriraini illaíma, gairíracu úiñoraini illaíma, íemo nanoide lletárirainiri ifo júdaizite; jicánotiaioi:

—¿Bífuiai ninomo jica jálleite?

25 Afe llezica daa íma daiízaibite; íaioina daide:

—Llavéracomo omoi íbaicogamíai jae gairíracomo comíni llófuetiaioi, —daide.

26 Iemona úiñoraini illaíma naa llavérirainiri íaillinoi uájidiaioi. Mei íadi duere finóñeno íaillinoína atídiaioi, “Comínina nóñena cai níjiite” daínano jacíruitiaioi. 27 Iaillinoi átianona, Nahíllaini uícomo íaillinoína naidánetiaioi. Iemo lletáriraini illaíma íaillinoína daide:

28 —Afe mámedido ómicoi llófueñellena jamánomo riire rairuídicaí. ¿Ja mìnica finódiomícoi? Nana Jerusalén comínimo ómicoi llófuiafuiai jica jalleide. Afe llezica afe íma tílla ícoínia caimo nitáacadiomícoi, —daide.

29 Mei jira Pedro jíaie orécamaci díga uai ote:

—Juzíñamui uai jeire cai olle comíni llogáuai baímo ñuera. 30 Cai jáiairagima Juzíñamui Jesuna tíllamona cáatate. Bie Jesús coráirabicímo agúineta omoi fagámie. 31 Juzíñamui caífo monamo uano nabézimo íena rainade. Afe llezica afénomo lláímana jóonete. Dáanomo jíllotaraimana jóonete. Daí Juzíñamui Israel náiraimo íaioi illafue méidollirui jóonete, íaioi íaífuiai dóllena. 32 Aféfuemo uai nabáiraimadicaí. Daje izóí Ñuera Joreño aféfuemo uai nabaide. Nana ñue cacáredimacimo afe Ñuera Joreño Juzíñamui íga, —daide.

33 Aféfuena cacana llezica, rícaidiaioi. Iaillinoína fáiacadiaioi. 34 Mei íadi ríimaci cígiri fariseo ímie ite. Afémie mámedí Gamaliel. Afémie ocuífufue llófueraima. Nana comíni íemo ñue comécidiaioi. Afémie náidaillano ocuide:

—Nano dáallegoi bímaci oni jíáinomo uí, —daide. 35 Afe ífodo ríimacina daide:

—Israel comíni, cacai. Baimácimo omoi finóllifue abí omoi rairuirí.

36 Jáífuemo omoi úibicairi. Naui nígarui íllamona Teudas dúcizaibite. Dúcillano daide: “Jamánomoidímiedicue. Illáimaiticue,” daide. Iemona cuatrocientos dígamie afémiedo jáidiaioi. Mei íadi íena fatíaioi. Nana afémiedo jáidino ráidozinaidiaioi. Iemona afefue niné táinocaide. 37 Afe mei comíni mámedí cuiájillaruímo, Galilea ímie Judas dúcizaibite. Aillo comíni íedo jáidiaioi. Daje izóí íena fatíaioi. Afe izóí nana íedo jáidino ráidozinaidiaioi. 38 Ie jira bímacina omoi fáicanocai; afémacina áifedofíeno. Mei bífue íñíai íeza, fuizájite. 39 Mei íadi Juzíñamui ífue, táinocaitanídíomoí. Abí omoi rairuirí, Juzíñamui díga omoi fuirízaiñelleza, —daide.

40 Nana jae jíeruificaidiaioi. Mei jira orécamaci jíiritiaioi. Iaioi dúcinamona íaioina zechénotiaioi. Afe meífodo Jesús mámedido úrillana íaioina rairuídiaioi.

Afe mei íaioina fáicanocaidiaioi. ⁴¹ Orécamaci ríimaci uícomona jino jáidiaioi. Ióbioicaidiaioi, mei Juziñamui íaioimo ñue comeci facáoillaza. Jesudo jaináinamona méaífuedo duere zefudiaioi. ⁴² Ie mei nágaruido Jesudo úritiaioi. Afe izói llófuoidiaioi. Gairíracomo, comini jófuedo daje izói llófuaidiaioi.

6

Juziñamui uai llotino canórainina siete dígamie mámeciga

¹ Aféruillaído ínotino aillo jebuoidiaioi. Griego imaci judío imácina zúucaillafuedo jitádiaioi:

—Nágarui güille fécanomo cai fecínguai figo iñégaiaioi, —daidiaioi.

² Mei íemo doce díga orécamaci nana ínotinori dáanomo iráidiaioi. Íaioina daide:

—Juziñamui úrilla uai jino llófueredicai. Afena cai fáicanocaillena daní omoi güille cai fecállena figóñede. ³ Mei jira, ámatiaí, omoi cígimona siete dígamie nize. Nana comínimona ñue comécíidimie izóidena jitaide. Ñue onódimiena jitaide. Ñuera Joreño úcaigamiena daje izói jitaide. Ie mei daífadimíai güille fecárainina mai jóneri. ⁴ Mei cai daní Juziñamuimo comeci facáoiticaí. Afe llezica Juziñamui úrilla uaido llófueiticaí.

⁵ Nana aféuemo ñue comécíidiaioi. Iemona Ñuera Joreño úcaigamie Esteban nizédiaioi. Afémie Juziñamui uaina iere ínofiredimie. Daje llezica jáímíiaí nizédiaioi: Felipe, Prócoro, Nicanor, Timón, Parmenas, Antioquía ímie Nicolás, nauí nano afémie judíuai íaioi íinoga uaimo dáafuericadimie. ⁶ Ie mei orécamaci illánomo afémacina atídiaioi. Atia mei orécamaci íaioimo onoi bitano Juziñamuimo úritiaioi. Afedo güille fecárainina mamécaiaioi.

⁷ Iemo Ocuíraíma Jesucristo úrilla uai comínido oni móonaioicaide. Jerusalemo ínotino aillo jebuidiaioi. Afe llezica aillo judíuai lletáraini aféuemo ínotiaioi.

Esteban llaitádiaioi

⁸ Esteban Juziñamui izói ríinoredimie Juziñamui ézicigamie. Ie jira comini cígimo aillo ciórainina raa onótate raa díga finode. ⁹ Ie jira Rairuíñegamaci llófuerraco ímíiaimona dáarie Estébamo como fueñe ie finócafue júfiduaidiaioi. Afe llezica Cirénemona dáamierie, daje izói Alejandríamona, daje izói Asia éniemo ite Cilíciamona: nana afémaci Estébamo afefue júfiduaidiaioi. ¹⁰ Mei íadi íena anáfenonidiaioi. Ñuera Joreño íemo iga úrilla fibíllafuedo úriteza. ¹¹ Ie jira taino lloraini íbajidiaioi. Afémacina llotiaioi:

—Mai omoi daíri: “Esteban Moísená Juziñamui díga fiénidíuaina dáinana cacádicai,” —daí daítatiaioi. ¹² Aféfuédo comínina éinamaci díga fáíllifaíllíñeitadiaioi, daje izói ocuúcafue llófuerraini. Iemona cirínuano íena llaitádiaioi. Llátano Caifóidíllaini uíécomo íena uítiaioi. ¹³ Afe izói taino uailaí nabáraini jenódiaioi. Afémaci daide:

—Bímie cai ñue rairuírede gairíracomo báíñuano fáicanocaitañede. Jaca báíñofirede, daje izói ocuúcafue. ¹⁴ Afémie dáinana cacádicai. Afe dáina daide: “Baie Nazaret ímie Jesús afe gairíraco júdaítaite. Moisés caimo iga finóllífuiaí meídotaité,” —daí daidiaioi.

¹⁵ Iemona ríimaci naa dinó ráíiedinori, Estébamo eróillano, ie uíeco Juziñamui abí ímie uíecona eróidena cióidiaioi.

7

Esteban abi ie ríiduafue llote

¹ Mei jira lletáriraini illaíma Estébamo jicánote:

—¿Meita nana bífuiái uáfuiái?

² Jira afémie uai ote:

—Ñue coméciide ámatiai, móotiai diga, cue úrillamo cácarei. Cai ebíredinoredímie Juzíñamui cai jaiai nanóidímie Abrahamo cíocaide. Ua Abraham Mesopotamia éniemo illa llezica, afémie nai Haramo jaíaníñena llezica, ³ Juzíñamui éna daide: “O illánie fiénocai naa o comíniri. Afemona omo cue llole éniemo o jairi.” ⁴ Mei jira Abraham Caldea éniemona oni jaide; jaíllano, Harán jófuego nano nie dino ite. Dinomo ie moo tílla. Iemona Juzíñamui Abraham afe bie omoi illíniemo atide. Ja birui aféniemo itíomoi. ⁵ Mei íadi níie feci raana nai afémie Juzíñamui éna íñede. Afe izói due jiza ie macállíniena íemo fecáñede. Mei íadi Juzíñamui uícomo uáfueña daide: “Bie énie óieite. O tílla meífomo o jítótiai íeite.” Mei íadi aféruillaído Abraham nai jítónide. ⁶ Nane dáanomo Juzíñamui éna daide: “O uícoídígima jaímaci éniemo onínemaci izói íítiaioi. Dinomo afémaci rairuicamacaci izói íítiaioi. Dinomo cuatrocientos fimona duere finólliaioi,” daide. ⁷ Mei íadi nane dáanomo Juzíñamui daide: “Omoi rairuicamacina finódizie íaioi fiénidífuíai cue jicánolle mei, afémacina duere zefuítaiticue. Ie meífomo o comíni afénomona oni jaítiaioi. Oni jaíllano, bíniemo cuemo ñue caimare táijizaíbitiaioi,” daide. ⁸ Juzíñamui Abrahamo daínauai íbana finóllífue llote. Afe llezica ie jítótiai bacano ícoi quetállena ocuillado afe finóllífue uáfueña onótate. Ie jira ie jító Isaac jóca mei ocho dígarui íllamona, Abraham ie jító bacano ícoi quetade. Daje izói Isaac ie jító Jacóbona finode. Afe izói Jacob nana ie jítótiaína finode. Afe jítótiai Israel doce diga nairai moona jaídiaioi.

⁹ ‘Bie Jacob jítótiai cai nánoragimaciai. Afémaci ie ama Josemo úradoidiaioi. Afemona afémiena fecádiaioi, Egipto éniemo úllena. Mei íadi Juzíñamui Joseri íte ie canóllena. ¹⁰ Nana ie zefuínailamona zuitade. Ñue úrillana fibíllafue íemo íte. Faraón uícomo ñue comécidímiena Juzíñamui Josena ítátate. Afe Faraón Egipto nahíllaíma. Afe Faraón Josena Egipto jabóllaimana mamede. Afe llezica daje izói dama Faraón jofó illáimana mameca.

¹¹ ‘Iemona júbietailafue nana Egipto éniemo baite aillo zefuínailafue diga. Daje izói Canaán éniemo íte. Ie jira cai móotiai güílleniaíaoi. ¹² Mei íadi Jacob Egíptomo trigo íllana fídiano afénomo ie jítótiai orede. Afémaci cai jaíairagíma. Bífue íaioi fueñe güille uájíllafue. ¹³ Ie mei dáanomo nane jaídiaoímo, José ie ámatiai ie abina onótate. Afe llezica José ie ámatiai Faraómo cíotate afémie íaioina onóllena. ¹⁴ Temona José ie moo Jacob naa ie comíniri atítate. Afémaci setenta y cinco dígamíede. ¹⁵ Afe daí íaíoímo íficaide Jacob Egíptomo jaíaníllena. Dinomo afémie tíide; daje izói afénomo cai jaíairagíamona dárie tíide. ¹⁶ Afe meífodo íaioi ícuruai Siquém illánomo uitá raíjídiaoí. Afe dínomo Hamor jítótiaimona Abraham íe comíni ícuruai raíllínuaí íbade. Jira afénomo raíjídiaoí.

¹⁷ ‘Jaiai nínomo Juzíñamui Abrahamo uire ñue íaioi íllena rírede uaido uáfueña llote. Afe uícodo daínauai fuizáíllrui ánoziacademo, Israel nairai Egíptomo ñue jebuídiaoí; ua íere áíllue náiraina jaídiaoí. ¹⁸ Afe llezica Egíptomo jaíe Faraón illáimaizaide. Afémie Josena onóñede. ¹⁹ Aféllaíma cai náiraina

jífuate; cai jáiairagimacina duere finode. Cai como jococa úruiaina zóofetade íaioi tíillena. ²⁰ Aféruillaido Moisés jococa. Afémie ie dúeza illáruimona Juzíñamuina íóbitade. Afe izói ie moona ie ei diga íóbitade. Afe íaillinoi daámani fíui jofomo íena mónaitadiailinoi. ²¹ Mei íena zóofetarui dúcinamona Egipto illaima nahí jiza íena abímo ote. Afengo jító izói afézana comúitate. ²² Ie jira afe Moisés Egipto comini nana onóigafuena llófuegamie. Iemona ie daínauaillai rírede. Afe izói afémie finócafuiaí jamánomoide. ²³ Ja afe mei cuarenta fimona illa llezica, Moisés ie nairai israelita comini méiñuaicade. ²⁴ Afénomo Egipto ímie Israel náiraímona dámie duere finóinana Moisés cíoizaide. Ie jira Moisés ie nairai ímie ríiduaibillano Egipto ímie fate afe iba óllena. ²⁵ Moisés comécido daide: “Cue ámatiai israelita comini Egíptomona fáicanocaillifue onódiaioi. Ua Juzíñamui íaioi cuedo fáicanocaitafuena fidídiaioi,” daide. Mei íadi áfena fidíñediaioi. ²⁶ Afe jítiramoidiruido Moisés Israel ímiaillinoi fúrienailana cíode. Iaillinoi fuiríllafuena llúicaitaacanano íaillinoina daide: “Omicoi daje ámadíomicoi. ¿Níbái conímana duere finódiomicoi?” daide. ²⁷ Ie jira nabai duere finódimie Moisés oni ñuitade. Oni ñuita mei íaillinoimona dámie Moisenadaide: “¿Bu o cai cígimo illáimana jóonegao? ¿Bu cai fiéndífue jicánoraímana jóonegao? ²⁸ ¿Nauiri Egipto ímie o faaja izói birui cuena fáiacadio?” daide. ²⁹ Daí dánana cacáillano, Moisés botade. Bótano Madián éniemo jaide. Dinomo jicánemie izói ite. Afénomo mena jítórede.

³⁰ ‘Cuarenta fimona méifomo, Moisés amena figo íñénazicimo mácajide. Sinái idu áinomo ite. Afénomo Juzíñamui abí ímie boode íázaifedinamo cíocaide. Afe irai bóoidinomo cíocaide. ³¹ Afena cíónamona Moisés jabo fáigacaide. Afena ñue cíoillena áfemo jofó ánozide. Ainozillano Ocuíraíma Juzíñamui úrillana cacade. Afe uai daide: ³² “O nánoidimaci Juzíñamuidicue. Ua Abraham, Isaac, Jacob dieze Juzíñamuidicue,” daide. Jira Moisés jágieri cuidíricade. Iemona dánomo áfemo eróillana jacíruite. ³³ Iemona Ocuíraíma Juzíñamui íena daide: “O eiba ico duiño, benó o naidáillano cue íllaza jamánomo ñúenoza. ³⁴ Cue comini Egíptomo duere zefuillana cíódicue. Íaioi eehe cáilliana cacádíicue. Jira ana íaioina zúitaibiticue. Jira cue dánana cacai. Egíptomo ona éreiticueza,” daide.

³⁵ ‘Ja nano fueñe nana comini Moisenadaímaíraíiaioi. Iena jaiái daízaidiaioi: “¿Bu illáimana mamécao, caimo jicánoraímana o íllena?” Mei íadi bóodínamo cíode Juzíñamui abí ímiedo Juzíñamui Moisenadaímaíraíiaioina orede, íaioi illáimana. ³⁶ Jira Moisés cai jáiairagimaci Egíptomona jino bairódimie. Afémie bie éniemo cíórainina raa onótate raa diga finódimie. Afe izói Jáírede Monáillaimo cíórainina dánamona comuide raa finode. Afe izói cuarenta fimona íllamona zaféredizicimo íaioi illa llezica cíórainina raa finóírede. ³⁷ Afe dáamie Moisés Israel cominina daidímie: “Juzíñamui dani omoi ámatiaimona uai llóraímana ómoímo óreite, cue ie ória izói. Afémiemo jeire omoi óri.” ³⁸ Afe Moisés zaféredizicimo comíniri ítímie. Afe Moisés Sinái ídumo ítímie. Dinomo Juzíñamui abí ímie íemo úrizabite. Afemona Moisés cai jáiairagimamo aféuai jino llotímie. Afe Moisés cáatatiuailai llínote, afe uáillana caimo fiénocaillena.

³⁹ ‘Mei cai jáiairagimaci íemo cacáreacañediaioi. Iena ruifíruillano, meine Egíptomo jáiacadiaioi. ⁴⁰ Jira Aarona daidíiaioi: “Cai úcodo ífoite juzíñamuillana caimo finóllena jítáidicai. Baie Moisés Egipto éniemona cai otímie, íemo ítífueña onóñedicai,” daidíiaioi. ⁴¹ Ie jira juráreto jiza jana finódiaioi; jáíe

ríllenai fatíai ai afe jízato jánaraina finócamo fia fecállena íena íóbitallena. Mei íai ai ónoído finoca raamo caimátaioidiai ai. ⁴² Ie jira Juzíñamui íai ai mona oni jaide. Afemona Juzíñamui íai ai ina fiénocai de mona úcuai mo íai ai comeci facáoil lena. Mei dai í uai llóraini rabénico como cuegáu ai daide:

¡Israel comini, omoi cacai!

¿Cuarenta diga fimona íllamona zaféredizicimo ríllenai fatíomoi cuemo fia fecállena?

⁴³ Ieñede. Jiáifodo finódiomoi.

Taino juzíñamui Moloc ráiicaillacoji abimo máiñuano úioicaidiomoi.

Afe llezica jiáie taino juzíñamui Renfán ucúduna eroide jánaraimo jeire otíomoi.

Afe jánarai dani omoi finoca íóbitalle jánarai.

Ie jira omoi éniemona omoi otá Babilonia batífenemo ómoina óreiticue, daide.

⁴⁴ ‘Cai jái airagimamo Juzíñamui gairíraco ite. Afénomo noficomo cuega ocuica uailai énotiaí ai. Afe gairíraco Juzíñamui Moise mo ocuilla izói niga. Nano fueñe Juzíñamui íena daide: “O ciónaco omo cue ácata izói o nitátari,” daide. ⁴⁵ Cai jái airagimaci afe gairíraco feci raa izói llínotiaí ai. Ie mei Josué diga bitino jiáie nairai énie báirua llezica afeco atídiaí ai. Afe éniemo itínuiaí Juzíñamui oni jiude, íai ai meífomo ie comini illino finóllena. Afeco dai díno mo ite David illáruillaí do. ⁴⁶ Illaí ma David Juzíñamuina íóbitade. Iemona Juzíñamui afe Davidna canófirede. Aféruillaí do ie jái airagima Jacob ínoga Juzíñamui illico nitátaiacade. ⁴⁷ Mei íadi ie jító Salomón Juzíñamui jofu ua nitátatimie.

⁴⁸ Mei íadi jamánomo caifoide Juzíñamui, comini ónoído niga gairíracuaimo ífinide. Afe izói uai lloraima daide:

⁴⁹ Caífo bie mona ua cue ílláimana ráirano izoide. Ie mei bie énie cue ídai bitáoinanie izoide.

¿Ñie izóidico cúei ena nitátaitio?

¿Nee cue ocózinairano?

⁵⁰ ¿Ua meita nana bie ráaniaina cue ónoído finódicue?

Jiáí finódicue, —dai í Ocuíraí ma Juzíñamui daide.

⁵¹ Nai Esteban afémacimo úrioicaide. Daide:

—Mei íadi omoi comeci jaca Juzíñamuina rairuífirede. Juzíñamuina onóñedimaci izói jefónidiomoi. Juzíñamuimo comeciñedimacidiomoi. Ñuera Joreño llétafue jaca jeire oñédiomoi. Omoi jái airagima izóidimacidiomoi. ⁵² ¿Ua meita omoi jái airagima ñi uai llórainina duere finódiaí ai? Nana íai ai ina duere finódiaí ai. Ñi figomie bíllana uícodo llotínona titádiaí ai. Afe figomie jae dúcide. Iena fécano fatíomoi. ⁵³ Omoi Juzíñamui abi ímiiaí do llogámacidiomoi, mei íadi ñue cacáreñediomoi, —dai dí nori Esteban daide.

Esteban tíllafue

⁵⁴ Aféfuíaina cacáillamona, ríicaí diaí ai. Estébamo fue do gugúricaidiaí ai.

⁵⁵ Mei íadi Esteban Ñuera Joreño úicaigamie. Afe llezica monamo érocaide. Díno mo Juzíñamui ébírenafuena ciode. Afe llezica Jesús Juzíñamui nabézimo naidáimana ciode. ⁵⁶ Ie jira daide:

—¡Ero! Mona túinana ciódicue. Nanoide íma Jító Jesús Juzíñamui nabézimo naidaide, —daide.

⁵⁷ Mei íadi afémaci jefo íbáidiaí ai. Rírierie caillíoicana illíñana íemo caizaidiaí ai. ⁵⁸ Jófue mona oni uitá nófi ena ie níjidiaí ai. Níjídino íai ai

emódodiroillai jitócome Sáulona maméidimiéna úíñotadiaioi. ⁵⁹ Nai ie íaiói nǐjia llezica, Esteban Juzíñamuimo úrillano daide:

—Ocuíraíma Jesús, cue joreño oni lláino, —daide.

⁶⁰ Ie mei ana dújullano, riire caillide. Daide:

—¡Ocuíraíma! Bie fiénidífue ícoínia bimácimo jitáñeno iri, —daide.

Daíí daína meífodo tíibicaide.

8

Saulo Jesudo gairírani racade

¹ Fatímaci izói Saulo afémacimo comécioide.

Aféruimona Jerusalemo ite Jesudo gairírani duere finóllena como fueñe judíuai jénuaidiaioi. Ie jira nana ínotímaci Judea énie fuédado ráidoizítiaioi; daje izói Samaria éniédo. Dani doce dígamie orécamací Jerusalemo fiébitiaioi.

² Iemona Juzíñamui raana duéruitímaci Esteban raíájidiaioi. Ieri aillo éediaioi. ³ Afe llezica, Saulo gairíramacina nai racáuide. Nágacuaído jenode. Afécuaimona íñíai ringóniai díga jino zónuano íaióina llavétate.

Jesucristo ñuera uai Samáriamo llujíidiaioi

⁴ Ja birui Jerusalémoma oni jáiredino, Cristo jíllonafue íaiói jáillanuaímo llujíidiaioi. ⁵ Afémacimona dámie Felipe Samaria jófue mo jaide. Dínomo Cristo ráfuedo íaióimo úrizaide. ⁶ Afe comini gairíllano Felipe dáinamo ñue cacáreidiaioi. Felipe finoca cíorainina onótate ráaniai cíodiaioi. ⁷ Mei jira aillo fiénide joríaímona jíllotagaiaioi. Afémacimona fiénide joríaí caillícana oni jaide. Afe llezica aillo tízitaitimíai aídáimaíai díga jíllotagaiaioi. ⁸ Aferi afe jofue comini iere caimátaioidiaioi.

⁹ Mei íadi dáamie Simona mámeciredimie afénomo ite. Afémie uícoidiruillaído aimana jaide. Afe jofue comini jífue. “Jamánomoidimiedicue” daífiredimie. ¹⁰ Nana comini jabóidinomona ua nahíllaimamo díeze íemo iere cacáreidiaioi. Daídíaioi:

—Bímie caífoide Juzíñamui riinona igámie, —daídíaioi.

¹¹ Iere are ie aimánafuedo afémacina jífue; ie jira íemo jeire otíaioi. ¹² Mei íadi Felipe Juzíñamui illáimana illírui uai Jesucristo mámece díga, íaióimo llote. Aféuaillaina cacáillano afemo ñue ínotiaioi. Híñiai ringóniairi dájerize ínotiaioi. Ínuano báutizagaiaioi. ¹³ Afe dama Simón ínuano báutizaga. Iemona afémie Felipe nabaina jaide. Afémie Felipe finoca áillue cíorainina raa onótate raa díga, áferi fáigacaide.

¹⁴ Jae Samaria comini Juzíñamui úrillauai jeire otíaioi. Afe íaiói jeire uáfueña Jerusalemo ite orécamací fidíidiaioi. Fídiano afénomo Pedro Juan díga orédiaioi. ¹⁵ Dúciillano Samáriamo ite ínotinori Juzíñamuimo jícadíaioi, Ñuera Joreño íaiói llínollena. ¹⁶ Mei afémacimona nímiemo Ñuera Joreño nai bíñede. Dama Ocuíraíma Jesús mámeceído báutizaga. ¹⁷ Afemona Pedro Juan díga íaióimo onoi bitade. Iemona daíí Ñuera Joreño úicaigaiaioi.

¹⁸ Orécamací bimácimo onoi bítamona Ñuera Joreño bíllana Simón cíode. Cíonamona úcube orécamie íaillínóimo íoicana

¹⁹ daide:

—Jadíe riino cuemo ine. Afe izói nie cómemo cue onoi cue jóoneadi Ñuera Joreño íemo bílleza, —daide.

²⁰ Jira Pedro íena daide:

—¡Naa o úcube diga o táinocairi! Juzíñamui fecaca raa úcubedo ibárede daidio; daíi comeci facádio. ²¹ Bífueo o dúiñedio. Bie coco táijnafueo jaináñedio, o comeci jaícina Juzíñamuimo jóoiñena jira. ²² Bie o fiénidifue o fáicanocai. Juzíñamuimo izire o jicari o fieni comécido dainafue iba omo óñeilleza. ²³ Ja onódicueza o comeci filliru izói eríredeza. Afe íaifuiaido cuinácamié izói itíoza.

²⁴ Jira Simón uai ote:

—Ocuíraimamo cuedo jicari, nana o cuena daináfuiaimona dafue cuemo níjñeillena, —daide.

²⁵ Afénoo Crístomo ñúefue nitádiaioi. Daje izói Juzíñamui uáillaído úritiaioi. Ie meífodo, orécamié íaillinoi Juzíñamui jállolluauai aillo Samaria duera jófuiaimo llófuiaidiaillinoi. Ie mei Jerusalemo meine bitíiaillinoi.

Felipe Etiopía ímiemo úrite

²⁶ Afefue meífodo Juzíñamui abi ímie Felípena daízaibite:

—Náidacaillano, fuiri batí Jerusalémona Gaza jófueo jóidiodo o jairi, —daide.

Afeo zaféredizicido jóidio. ²⁷ Iemona Felipe náidacaillano áfeodo jaide. Dínomo uieécodo jaide Etiopía ímie éidajide. Afémie illaingo abi ríimie. Afémie Etiopía illaingo Candace úcube úiñoraíma. Afe llezica afémie ónima. Nauti uícodo afémie Jerusalemo Juzíñamuimo cáimaduaide. ²⁸ Afémie abido ie éniemo jáizaide. Ie caballo zonóicaiga ráirralloicimo ráicana Juzíñamui uai lloraíma Isaías cuegáuai facádote. ²⁹ Afe llezica Ñuera Joreño Felípena daide:

—Jadilloicimo ánozillano afénomo nabairi, —daide.

³⁰ Ainozillano, Felipe afémie Isaías cuegáuailai facáduana cacade. Iemona íemo jicánote:

—¿O facádoga uaina meita onódio? —daide.

³¹ Jira afémie uai ote:

—Cuemo jino llóitimie iñédeza, ¿niie izói ónoiticue? —daide.

Iemona Felípeno caífo ie diga dáanomo ráiillena jicade.

³² Juzíñamui Cuegáuaimona afémie facádoga uai áfena daide:

Oveja izói tíizaillinomo uiga.

Oveja jiza abi cuidódino uieécodo úriñedimie izói táide,

afe izói afémie jaca níífuedo úriñede.

³³ Afémie iere jámairuigamié; jaícinaidifuena íemo rairuíaiaioi.

¿Ie ñue illáfuedo mei bu úrille?

Mei ie cáajano bie éniemona niné táinocai, —daide.

³⁴ Jira illaingo abi ríimie Felípemo jicánote:

—Cuemo llone, ¿bumo úrite uai lloraíma? ¿Ñibai dama íemo úrite? ¿Ñibai jáimíemo úrite? —daide.

³⁵ Jira Felipe afémie facádoga Cuegáuaimona Jesús úrilluauai íemo jino llote.

³⁶ Jainoi illánodo jailla llezica ríimie daide:

—Benomo ite jainoi. ¿Birui áfejido cue báutizanidicue? —daide.

³⁷ Jira Felipe daide:

—Nana o comécido o íñoiadi báutizarellio, —daide.

Jira afémie uai ote:

—Jesucristo Juzíñamui Jitoza áfemo íñoticue, —daide.

³⁸ Iemona jáiralloici moziñota ille diné jáidiaillinoi. Dinomo Felipe ie báutizade. ³⁹ Illémona ari abido jáidiaillinoimo, Juzíñamui Ñuera Joreño Felípena oni uite. Iemona ríimie íena jaca nane cíõñede. Mei dama ie éniemo caimare jaide. ⁴⁰ Felipe nane Azoto jófuemo cíocaizaide. Dinómona naga jófuedo jíllonauai llócade. Ua ba Cesarea jófuemo fuizájide.

9

*Saulo comeci jíáifodo méiduafue
(Hch 22.6-16; 26.12-18)*

¹ Afe llezica Saulo Jesumo ínotinona fáiacanafuedo úrioidé. Ie jira lletáriraini illáimamo jícanuaidé. ² Daide:

—Llavéallibiaína cue ine, Damasco jofue gairíracomo cue jáilleza, Jesús uaimo ínotino cue jénuailleza. Afemona íñíai naa ringóniari maitá Jerusalemo cue atélleza, —daide.

³ Mei nai iodo jailla llezica, Damasco jófuemo ánozidemo, monámona bite úzefo nágafene ie abímo úzere egáíñocaide. ⁴ Iemona Saulo éniemo baíde; baílla llezica Jesús íena dánana cacade:

—Saulo, Saulo, ¿nibái mei cue racáido? —daide.

⁵ Mei jira Saulo uai otá jícanote:

—Ocuíraíma, mei o ¿búido? —daide.

Jira aféuai ote:

—Cue Jesúsicue. Dama o racácamiedicue. Aillue juráreto zaitácademo jáiredizimo jíide. Afe izóí ízitagamiedio. ⁶ Mei íemona Saulo jágieri cuidide; daide:

—Ocuíraíma, ¿ona nie izóí finóredicue? —daide.

Jira Ocuíraíma uai ote:

—Náidacaillano baie jófuemo mai jofo jai. Dinomo o finóllifuená omo llóitíaióiza, —daide.

⁷ Sáulodo jaide comini aféuaina cacádiaioi íadi mei buna cíõñediaioi. Aferi iere jacínaitiaioi. ⁸ Ie meífodo Saulo éniemona caífo ráinacaillano, érocaide. Mei ui botáicaide íadi éroinide. Mei jira daí ónoído jainátacana Damasco jófuemo íena uitíai. ⁹ Dinomo daruíamani uina cíõñede. Afénomo minícana güñede, jiróñede.

¹⁰ Afe Damasco jófuemo ínotimie Ananías illa, nímiemo Ocuíraíma nicáirilla izóidedo cíocaide. Iena daide:

—¡Ananías! —daide.

Afémie uai ote:

—Ocuíraíma, benó iticue, —daide.

¹¹ Jira Ocuíraíma íena daide:

—Náidacaillano, Deréchana mámecirede iodo jairi. Dinomo Judas jofomo jícanori: “¿Ninomo ite Sáulona mámeciredimie, Tarso jofue ímie?” O dúcina llezica afémie Juzíñamuimo úrite ¹² Ie úrioina llezica nicáirilla izóidedo ie uimo onoí bítaíbitimie, Ananías mámeciredimiena cíode; áfemona nane ie ui ñue cíote, —daide.

¹³ Afe uaina cacáillano Ananías daide:

—Aillo comini baie ímana cuemo llotíai. Afe llezica omo ínotinuíaimo nana Jerusalemo ie fieni finócafuiái cuemo llotíai. ¹⁴ Ja birui afémie benomo

bite. Lletáriraini illaini llavétallibiai diga bite nana o mámeçido jicáfiredino maitá úillena, —daide.

¹⁵ Jira Ocuíraima daide:

—¡Mai jai! Afe ímana jae cue nizeca jiáie náiraímo cuedo úrillena naa íaioi illáiniri. ¹⁶ Afémie aillo cue náiraímo llóite. Afémie aillo cue ícoinia duere zefuállana íemo ácataitcúe, —daide.

¹⁷ Iemona Ananías Saulo illácomo jaide. Jofu jáillano íemo onoi bítajano daide:

—Ama Saulo, Ocuíraima Jesús o billa iomo omo cíocaidimie cue o ui meine abido cíoilena ocuide. Afe dáanomo afémie Ñuera Joreño ona cue úcailallena cuena daide, —daide.

¹⁸ Afe daií dáinamona, chamu icogi izoide ie uímona cúcoizite. Iemona nane ie ui meine cíoide. Afemona Saulo náidacaillano báutizatata. ¹⁹ Afe meífodo güillano, ie ríino meine comúate. Afe mei nano nígarui Damáscomo íte ínotinori fiévide.

Saulo Damasco jófuego jino llófuerite

²⁰ Ie meífodo Saulo garíracomo jino llófuerizaide. Afénomo daide: “Jesús Juziñamui Jitó.” ²¹ Nana afémiemo cacáçino fáigacaillano daidíaioi:

—¿Ua meita bie nímiède, nauí Jerusalemo Jesús mámeçido jicáfiredino racáçimie? ¿Ñíie nauí benomo bitímie lletáriraini illáinimo cai maitá úillena? —daidíaioi.

²² Mei íadi Saulo jamánomo riire jino llófuerite. Jesús Crístonana jino uafodo cíotate. Mei jira Damáscomo íte judíuai Saulo ifona íritagaiaioi.

Saulo judíuaimona jillode

²³ Diga iruillai jailla meífomo, judíuai dáanomo começi fáçana Saulo fállena maméritiaioi. ²⁴ Mei íadi aféfuena afémie fidide. Naa mona naio diga jofue jino jáirazemo úiñoidiaioi íe fállena. ²⁵ Mei íadi ínotimaci áillue cirígaímo íena jóonetiaioi. Jóoniano afe jofue jinófene cirínuaila jinomo naio íena agüinetiaioi. Afe daií afémie botade.

Saulo Jerusalemo illafue

²⁶ Saulo Jerusalemo dúçillano, Juziñamuimo ínotinori gairíçade, mei íadi nana afémiena jacíruiiaioi. Afémie ínogafuena nai jeire oñédiaioi. ²⁷ Mei íadi Bernabé íena uáidote. Iemona oréçamiáimo íena ácatajide. Afemona Saulo iomo Ocuíraimana cíonafue íaioímo llote. Ie mei Saulo Damasco comínimo méaçaiñeno Jesús mámeçido úrillafue íaioímo llote. ²⁸ Jira Saulo Jerusalemo diga irui íte. Dinomo ínotimaci diga macáçaide. ²⁹ Ocuíraima mámeçido méaçaiñeno úrite. Griego uaido úritino judíuaimo úrite. Conímamo jicánua uai ua daií úrite. Iemona íe fállena mamédiaioi. ³⁰ Jiáie ámatiai afefue fidiano, Saulo Cesaréamo uitíaioi. Dinómona Társomo íena orédiaioi.

³¹ Ie meífomo nana Judea éniemo íte Jesús mámeçido gairídino firazitiaioi. Ja íaioi ínogafuemo çaimare náreioicaidiaioi. Afe izói Galilea éniemo Samaria énie diga íte ínotino firazillamona riire náreioicaidiaioi. Ocuíraima Jesús ñúfueri jáçicaidiaioi. Ñuera Joreño íaioi cánuamona jebuíoicaidiaioi.

Eneas jae jillotaga

³² Pedro jiáie ámatiaí uáiduauilla llezica, daje izói Lida jófue mo ite ínotino éroizaide. ³³ Dinomo Enéasna maméidimiena cíoizaide. Afémie ocho diga fimona bíiramo bíide ie tízitauilla jira. ³⁴ Iena Pedro daiízaide:

—Eneas, Jesucristo ona jílloitaizeza. Náidacaillano o bíira ñue fino, —daide.

Afemona Eneas raire jíllobicaide. ³⁵ Lida jofue nairaí aféfuena nana cíodiaioí naa Sarón náirairi. Iemona jaiái nano íaioí ínogafuiaí fáicanocaillano Ocuíraíma llogáfuemo ínotiaioí.

Dorcás tíide meine abido cáanafue

³⁶ Aféruillaido Jope jófue mo ite ínotingo. Afengo mámece Tabita. Afe mámece griego uaido Dorcas. Afe ringo ñuefuemo jáicade. Jitáidinona canófrede.

³⁷ Aféruillaido afe Dorcas iráreizaide. Iemona tíide. Ie abi jócuá meífodo oni caifóidicomo jóonetiaioí. ³⁸ Lida áinori ite Jope. Aféruimo Pedro afénomo nai ite. Ínotino afénomo íllana fídiamona, ménamie orédiaioí íena daiíllena:

—Jópemo jizíñeno raire biri, —daide.

³⁹ Iemona Pedro afémie íaillinoído jaide. Pedro dúcinamona, Tabita abi jóoinanomo íena uitíaioí. Nana fecíngotiaí abido ífoína naidározillano éediaioí. Afe llezica nana Dorcas nauí ie caana llezica tífócacuiruai íemo ácatatiaioí. Emodo íroillai naa jiáie íñroillairi íemo ácatatiaioí. ⁴⁰ Afécomona Pedro nana jino íaioí orede. Ie mei caíñici ífodo dújuillano Juzíñamuimo úrite. Tídingomo eróillano daide:

—Tabita, maí caífo náidacai, —daide.

Iemona afengo ui botáicaide. Pédromo érocaillanona caífo ráinade. ⁴¹ Onoído llínota ie caífo naidánete. Afe mei ailli jino oreca fecíngotiaí íemo ámatiaí daínámace diga abido jíríte. Iemona afengo caade íaioímo izájide. ⁴² Afefue nana Jope jófue mo jállecaide. Iemona aillo comini Ocuíraímano ínotiaioí.

⁴³ Afe mei Pedro diga irui afe jófue mo fíévide. Igoraí ídiaí jinítaraíma Simón jofomo ífírede.

10

Pedro Cornelio uáiduafue

¹ Afe Cesarea jófue mo Cornéliona maméidimie ite. Afémie fuíríraíni áillogüelli illaima. Afe áillogüelli mámece Italiano. ² Afémie naa dama ie comíniri Juzíñamuimo comeci fácajano caimare úrite. Afe llezica Juzíñamuimo ñue jacíruioide. Daje izói aillo úcubena judíuaimo fecáfírede íaioí canóllena. Iemo Juzíñamuimo nágarui úrífírede. ³ Ie mei daarui jítoma ana ítemo nicáírilla izói cíode. Afe nicai anado Juzíñamui abi ímie uáfodo cíode. Afe abi ímie jofu Cornelio íllánomo jaide; jáillano íena daide:

—¡Cornelio! —daide.

⁴ Cornelio afe Juzíñamui abi ímie mo jacíruioicana érocaillano jícanote:

—Ocuíraíma, ¿bie minica?

Iemona abi ímie íena daide:

—O jícanúa Juzíñamui jae jeire ote. Daje izói jítáidino o cánuafuiaína jeire ote.

⁵ Mei jira Jope jófue mo íñiaí ore, Simón jírizaillena. Afémie jíáfodo mameína Pedro. ⁶ Afe Pedro jíái Simón igoraí ídiaí jinítaraíma. Afémie jofu monáillai fuédamo ite. Afe Simón Pedro o fínóllifue omo llóite, —daií daide.

⁷ Afe íemo úrite Juzíñamui abi ímie jáidemo, Cornelio mena táijitagamie járíte. Ie mei ie abi ímíai:mona daa ñúefuemo ínofirede fuiríraima járíte. ⁸ Nana Juzíñamui abi ímie íemo llogafue llua meífomo Jópemo íaioina orede.

⁹ Afe jítiramoidiruimo, nai afémaci iodo jailla llezica, Jópemo ánozidiaioimo, Pedro jáiciri illa llezica jofe emodo ibánimo Juzíñamuimo úrizaide. ¹⁰ Aillo juffinaillamona güíacade. Mei íadi nai güille íaioi fñua llezica, nicáirilla izoide ciode. ¹¹ Afe nicai anado mona tújicaillana ciode. Afénomona áillue iniroi izóidena nágafene zicai ícoinoga ana éniemo agüínana ciode. ¹² Afe agüínega ínroimo naga táide ríllenai ite, jáiónai féedinuiai diga. ¹³ Iemona daa uai dánana cacade:

—Pedro, náidacaillano fatá rii, —daide.

¹⁴ Jira Pedro uai ote:

—Jii, Ocuíraima, ríñeiticue. Bácaca ríllena jaca ríñédicue. Daje izóí íairede ríllena ríñédicue naa rairuica rille diga, —daide.

¹⁵ Afe uai nane dánomo íena daide:

—Naga Juzíñamui doge izóí finoca rílleza íaire maméñeno iri, —daide.

¹⁶ Afefue dacaiñoámani íemo íficaide. Ie meífomo afe iniroi meine abido monamo jaide. ¹⁷ Nai Pedro afe nicáirillafuemo comeci facáoide. “Afe cue cónafue nie izóí daiíacade,” dáidemo, Cornéliomona orécamiiai nazemo náidazábitiaioi. Simón jofe jicánotiaioi. ¹⁸ Dúciillano aillo uaido jicánotiaioi:

—¿Simóndímie bicomo ite? Afémie jáífodo mameina Pedro, —daiíaiioi.

¹⁹ Nai Pedro nicáirillamo comeci facáoidemo, Ñuera Joreño íena daide:

—Cacai, damieámani o jenódiaioi. ²⁰ Náidacaillano ana billano jizire úríñeno íaioido jai, mei cue omo orécamiiaiza, —daide.

²¹ Mei jira Pedro jofe emódobanimona ana billano Cornelio orécamací, nazemo náidaidinona daide:

—Cue omoí jenócamiedicue. ¿Ñibái mei bitíomoi? —daide.

²² Jira afémaci uai otíaioi:

—Hllaiima Cornelio cai ória jira bitícai. Afémie ñúefuena nitácamié. Afémie Juzíñamuimo ñue jacíruioide. Nana judíuai íena ñue llínotiaioi. Iena iere izíruiíaiioi. Juzíñamui abi ímie íena daide: “Jópemo comini oreri Pedro uáidollena, afe mei o jofomo Pedro bílleza.” Jira o uáibitícai. Dínomo Cornelio íena o daiíacallífueña cácaite, —daiíaiioi.

²³ Ie jira Pedro jofe íaioina ote. Afe naio ie diga fiébidiaioi. Afe jáíruido Pedro afémaci diga jaide. Afe llezica Jópemo ite ámatiaimona íena nabáioicaidiaioi.

²⁴ Afe jáíruido Cesaréamo dúcidiaioi. Dínomo Cornelio íaioina úíñote. Afénomo bíllena ie llogámaci ie comínimona, ie gaiga nabáñiaimona dáanomo gairídiaioi. ²⁵ Afécomo Pedro dúcia llezica, Cornelio jino íena llínuaibite. Jino billano Pedro anamo dújude, ie cáimadollena. ²⁶ Mei íadi Pedro íena náidacaitano íena daide:

—Náidacai. Cue o izóí énie ímiedicue, —daide.

²⁷ Nai afémie diga úrioína llezica, jofe jaide. Jáillano aillo gairídínona cóizaide. ²⁸ Jira Pedro daide:

—Jae onódiomoi, judío ímie ie ínuafuíaído jáízíe ímie diga nabáirinide. Daje izóí ie jofomo jaille rairuírede. Mei íadi Juzíñamui jae cuena llófuete. Buna jáímana comécina íáredímie daiínide. Daje izóí rofócredímie jáímana

daíñide. ²⁹ Ie jira orécamiái cue jírilla llezica nie izói daíñeno jarire bitícueza. Mei jira nibái mei cue uáidotioza onóacadícue, —daide.

³⁰ Ie jira Cornelio uai ote:

—Jae nagaámarui jáidemo, afe bie daje hóramo, benó cue jofomo güiñeno itícue. Aféruimo jítoma ja ana ítemo Juziñamui comecei faitícue. Comecei faiano quenírede inícuro jítáoidimie cuemo cíocaide. ³¹ Afémie cuena daide: “Cornelio, o jicánogafuáiina Juziñamui cacade. Afe llezica jítáiredinomo o cánuafuáiimo Juziñamui comécide. ³² Jope jófuemo ore Simón uájillena. Afémie jiáfodo mameina Pedro. Afémie jiáie Simón jofomo biruido ite. Jiáie Simón igorai ídái jínitaraima. Ie jofo monailai fuédamo ite. Pedro dúcia o diga úrizaité,” daide. ³³ Daí raire ona jenótaticue. Jira o bille ñuera. Birui nana benomo Juziñamui uíecomo iticái. Nana Juziñamui omo llotátagauai caimo o daíllena cacáacadícai, —daide.

Pedro Cornelio jofomo llófujeteza

³⁴ Jira Pedro ja úrillano daide:

—Ja birui Juziñamui jiáimana daa úradotatañedeza onódicue. ³⁵ Mei íadi níziemo itino íeri jácicaillano ñúefuedo úritinona Juziñamui íaioina llínofirede. ³⁶ Israel cómogimacimo Juziñamui úrite. Jesucristodo comecei caimare uái illafue íaioimo llote. Afémie nana nairai Ocuíraima. ³⁷ Nana judío éniemo comuidífuena ñue onódiomoi. Juan Bautista jino llujilla mei, comini báutizailla meífodo afefue Galiléamo como fueñe taineca. ³⁸ Nazaret ímie Jesumo Ñuera Joreño ríino Juziñamui ígaza onódiomoi. Afe Jesús ñúefue finócana jáillana onódiomoi. Afe izói nana Taife ríino anamo duere zefuídínona ie jíllotafuáiina onódiomoi. Aféfuáiina daí finode Juziñamui ie diga jáicana jira. ³⁹ Nana Jesús judío éniemo finócafuiái uai nabáiraimacídícai. Daje izói Jerusalén jófuemo ie finócafuiái uai nabáiraimacídícai. Ie méifomo cruzmo íena coráiano íena titádiaioi. ⁴⁰ Mei íadi Juziñamui daruíamani íllamona abido íena cáatate. Ie mei afémiena caimo cíocaitade. ⁴¹ Nana comínido cíocaitañede mei íadi dani caimo cíocaitade, Juziñamui uícomo nízeza uai nabáiraimacídícaiza. Afe mei afémie tíllanomona meine abido cáanamona ie meífomo, afémie diga güitícai; ie diga jiródícai. ⁴² Afémie Jesucristo rafue jino comínimo caina llotátate. Afe izói jiáfue caina ua nabáiritade. Afefue daide: “Juziñamui afe Jesús tíidino cáadino diga íaioi fiénidífuái jicánoitímiena ocuide. Cai aféfuemo uaina nabáitagamacídícai.” ⁴³ Daje izói jaiai ninómona nana uai lloraini Jesudo úritíai. Daídíai: “Nana afémiemo ínotino íaioi íáiredífuemona ie mámeçido ñue dóficaitíai,” daídíai, —daide.

Judíuainédino Ñuera Joreño como fueñe úicaigaiaioi

⁴⁴ Nai Pedro úrioina llezica, ie úrillauaímo cacáreidímacimo Ñuera Joreño nana íaioimo ana bite. ⁴⁵ Jira Pédrodo bite ínote judíuái fáigacaidíai. Ñuera Joreño judíuainédinomo daje izói úicaigafueri fáigacaidíai. ⁴⁶ Jae jiáizie uáillaído íaioi úrillana cacádiaioi. Afe llezica Juziñamui íaioi íóbioinana cacádiaioi. ⁴⁷ Mei jira Pedro daide:

—¿Birui bu mei ráiruille bimaci báutizallena; mei daa cai izói Ñuera Joreño úicaigaiaioi? —daide.

48 Iemona Jesucristo mámeçido íaioi báutizazigaiaioi. Ie meífodo Pédro me izire jicádiaioi: “Nano nígarui cai diga iri,” daidíiaioi. Daií íena jerudíiaioi, nano nígarui íaioi diga íllena.

11

Pedro Jerusalemo ite ínotínomo llogafue

1 Judéamo ite orécamaci ámatiaí diga, cómoicana jíáífueña fidídiaioi. Afe fue daide: Judíoñedimaci Juzíñamui úrillauaina jae jeire otíaioi. 2 Pedro meine Jerusalemo jáidemo, judíuaimona dámerie ínotino Pédróna zanódiaioi. 3 Zánvano daidíiaioi:

—¿Níbái judíoñedino uáiduaideo? ¿Níbái íaioi diga güitio? —daide.

4 Ie jira Pedro afefue nanómona nana íe finócafuiaí llote; daide:

5 —Jope jófue mo cue íadi, Juzíñamuimo úrifiredicue. Afe llezica nicai anado ciódicue. Afe nicai anado áillue iniroi izóidena monámona ana bíllana ciódicue. Aferoi nágafene zicáimo ícoínoga. Daií cue illánomo dúcide. 6 Afemo ñue eródicue íe eromo itínuiaina onóíllena. Iemona afe eromo ite táicaide rílleniaína ciódicue. Afe dáanomo jacírede rílleniaína ciódicue. Daje izóí afémo jázai, íemo féedínuiaí diga íllana ciódicue. Nana afe ciona rílleniaí bácaziga. 7 Iemo daa uai cuena dáinana cacádicue. Daide: “Pedro, náidacaillano afe ríllemona fatá ríi.” 8 Mei jira daidicue, “Ocuíraima, dama íte. Jaca nanómona cue fúedo íáiredena ríñédicue bácaie diga.” 9 Ie mei afe monámona cacaide uai dáanomo cuena daide: “Juzíñamui dogá rílleza íáirede daiíñeno o iri.” 10 Afefue dacaiñoámani meine íficaide. Afe meífomo dáanomo nana monamo meine jaide. 11 Afe llezica daamieámani cue illánomo dúcide. Afémaci Cesaréamona cue jenóllena orécamaci. 12 Ñuera Joreño afémacido cuena orede: “Due jiza jízíñeno afémacido jairi,” cuena daide. Daje izóí baie seis ámatiaí cuedo jáidiaioi. Nana cai daaco jofomo jáidicai. 13 Afémie Juzíñamui abi ímiena íe jofu eromo íe cíónafue caimo llote. Afe Juzíñamui abi ímie náidacillano íena daide: “Jope jófue mo nano nígamie ore, Simón jírizaillena. Dámie jíáífodo mameina Pedro. 14 Afémie ona dáíiteza, nie izóí o nana o comíni diga jíllotioza,” daide. 15 Cue fueñe íaioimo úrizaiilla llezica, Ñuera Joreño imaci acónimo bite, nano fueñe cai acónimo bílla izóí. 16 Mei íemona Ocuíraima daínáfue mo úibicaidicue. Afefue daide: “Uáfueña Juan ía jáinoido báutizade, mei íadi Ñuera Joreño úicaigamacina íítimoi.” 17 Mei jíi Ocuíraima Jesucrístomo cai ínuano Juzíñamui caimo iga Joreño, bimácimo Juzíñamui íacade. Afena fidíillano Juzíñamuido jarífeicana úriacañedicue. Jamai cómedicueza, —Pedro daií daide.

18 Mei íe jira Jerusalemo ite ámatiaí aféfuiaína fídía llezica, llícaidiaioi. Llícaillano Juzíñamuimo caimátaidiaioi. Daidíiaioi:

—Ua afe izóí judíoñedimacimo íaioimo íieni íití fue méidollena jae Juzíñamui íaioimo fecade. Afemona daií jaca zíñona cáaillinona íaioimo íte.

Antioquíamo ite Juzíñamuimo ínote gairídino

19 Esteban íaioi ía llezica, jíaie ínotímacimo duere finótataioi. Dáarie Fencia éniemo botádiaioi; jíaimaci Chípreno Antioquía diga botádiaioi. Díno mo afe ñúefue dani judíuai namácimo llotíaioi. Jáímacimo llóñega. 20 Mei íadi dáarie Chípreno imaci, Cirene imaci diga ínotino Antioquía jófue mo dúcidiaioi.

Dúciillano judíoñedinomo úritiaioi. Afemona Ocuíraima Jesús úrillauai íaioimo llote íaioi jíllloillena. ²¹ Afe llezica Ocuíraima ríino íaioimo ite. Mei daí aillo comíni nano íaioi jaiái íinogafuiaí fáicanocaillano Ocuíraima Jesumo ínotiaioi.

²² Afefue Jerusalemo ite ínotinomo jállecaide. Iemona afémaci Bernabé Antioquíamo orédiaioi. ²³ Bernabé dúciillano, Juzíñamui cáimadogamací izóciode. Aferi afémie iere íóbicaide. Nana íaioi llófuete; daide:

—Nana cai Ocuíraimana fáicanocaiñeno ie llogáfue mo jaícina omoi comécíiri, —daide. ²⁴ Afe Bernabé comécina fígomie, Ñuera Joreño úicaigamie. Afémie Jesucrístomo izire íinofredímie. Daí aillo comíni Ocuíraima Jesucristo íena náamatade.

²⁵ Afe meífodo Bernabé Társomo Saulo jénuaide. Baillano Antioquíamo íena úite. ²⁶ Dinomo daa fimona namónaze ínotino cígimo ñue fuitáiaillinoi. Afénomo aillo comíni llófuete. Afe Antioquíamo ínotino como fueñe Crístomo jaináidinona ja mamécaiaioi.

²⁷ Aféruillaído dámierie Juzíñamuimona llínoga uailai lloráimaci Jerusalémoma Antioquíamo jáizaide. ²⁸ Afémacimona dámie Agáboma námeciredímie. Nana ínotino cígiri náidaillano daide:

—Nana bie éniemo aillo jamánomo júbie biite, —daide.

Ñuera Joreño ie comécimo llúamona afefue jino llote. Afe júbie daí bite Claudio illáimana illáruillaído. ²⁹ Ie jira Antioquíamo ite ínotino comeci facádiaioi Judéamo ite ámatiaí canóllena. Naga como íaioimo ite úcube díerize bai jónetiaioi. ³⁰ Afe daí ñeta, Bernabé Saulo íaillinoído afe íraica úcube Judéamo ite ínotino illáicomínimo orédiaioi.

12

Santiago túllafue Pedro llavéinafue diga

¹ Aféruillaído Juzíñamuimo jaináidino duere finóllena illaíma Herodes nane jénuaide. ² Iemo Herodes Juan ama Santiago lloéfaido titátate. ³ Afémie titátari judíuai iere íóbidaioi. Aféfuena Herodes fidínamona nane Pedro lláitajide. Ja birui irázillarullai. Afe irázillarullaído fáitañega pan güítiaioi. ⁴ Pedro llaitada mei Herodes llavéracomo íena íbaicuaide. Dinomo cuatro dígagüelli íena úínotiaioi. Naga afe güéllimona cuatro dígamírie llazíriraini ite. Herodes comeci facade pascua rafue meífodo Pédrona jino comínimo cíotallena. ⁵ Ie jira Pedro llavéracomo llaveda ñue úíñoga. Mei íadi Juzíñamuimo garíidino íemo izire Juzíñamuimo jicáoidiaioi.

Juzíñamui Pédrona llavéracomona jino oreca

⁶ Herodes Pedro jino comíni uíécomo óiacanarui uícodo, afe naio Pedro llavéracomo inide ñue úíñoga. Nágafene onoi llóejina maíga úíñoraima íaillinoi jaináoigari inide. Afe llezica jíáie úíñoraima íaillinoi jino llavéraco naze úíñoide. ⁷ Iemo Juzíñamui abi ímie raire cíocaizaibite. Afe llezica llavéraco ero úzerecaide. Juzíñamui abi ímie Pedro ciraígi teténote íena cazítate. Cazítano íena daide:

—Mai raire náidacai, —daide.

Iemona llóejillai Pedro ónoimona ana cocide. ⁸ Afe Juzíñamui abi ímie íena daide:

—Mai o ciraigi tirínorafe jofu riire tirino.
O éiba ico jita, —daide.

Pedro daií abi finua llezica Juzíñamui abi ímie íena daide:

—O emodo jitaca áretoi jitada, cuedo bi, —daide.

⁹Iemona Juzíñamui abi ímie óodana Pedro jaide. Afe abi ímie finócafue Pedro onóñedeza; nibai uafue nibai táinofue. Comeci facáide: “Nícaí anado ciona izóidifuenta ciódicue.” ¹⁰Mei íadi fueñeide jóonetimiemona bai jújicaillano báifeicana jóonetimiemo dúcidiailinoi. Ie mei afémiemona jújicaillano bai nazemo dúcizaidiaillinoi. Afe naze ibaira lloébani. Dúcidiailinoimo afe naze ibaira daingo tújicaide. Jino jáillano bai iodo daallu macádiaillinoi. Ie mei Juzíñamui abi ímie ie fiénocaiide. ¹¹Iemona Pedro ñue onócaillano daide:

—Ico iere uáfueza. Juzíñamui abi ímie cuemo orede Herodes cue llavéinamona cue zuitállena. Afe izóí nana judíuai cue duere finócanafuemona cuena zúitabite, —daide.

¹²Aféfuego comécillano Juan ei María jofomo jaide. Afe Juan jáífodo mameide Marcos. Afécomo aillo comini Juzíñamuimo iere úrillena gairídiaioi. ¹³Pedro afeco abi ibiri llaveca nazemo náidazaide. Náidaillano jofu ero imaci járite. Iemona Ródena mámeçirede ringoza bu billa daiíllena eróizaide. ¹⁴Mei íadi Pédróna uáimona onóillano, nazena tuiñoñoeno, ióbicaillano meine jofu aizida llujide:

—Pedro nazemo dúcina, —daiízaide.

¹⁵Jira íena daidíaioi:

—¡Uáiritaidio!

Mei íadi afengo daide:

—Uáfuenta ñue lloticue; uáfuenta Pedro dinomo ite, —afengo daiífoide. Mei íadi afémaci íinoñoeno daidíaioi:

—Pédroñedeza; fia ie joreño, —daidíaioi.

¹⁶Mei íaioi úrioina llezica, Pedro nazemo nai júrioides. Afe meífomo naze tuiñoda íemo érocaidiaioi. Erocaillano jacínaitiaioi:

—Ua meita Pédrodio, —daidíaioi. ¹⁷Mei íadi ónoído:

—Mai omoi úriñoeno, llícaí, —daide. Iemona Juzíñamui llavéracomona ie zúitafue lloite. Iemo íaioina daide:

—Bífue Santiágomo llujiri nana jáie ámatiairi, —daide.

Ie meífodo jino jaillano oni jáínomo jaide.

¹⁸Jae monáizaidemo, llavécano úñorainimo aillo riire júfidotiaioi, mei onóñediaioiza; daidíaioi:

—Benó cai úñoga Pedro ¿niné jaide? —daidíaioi.

¹⁹Herodes Pédróna íaioina jenótate. Iena íaioi baiñenamona, nana úñorainimo jicáñicanode. Ie mei Herodes afeúñoraini fatátate, Pedro íaioi botata jira. Afe mei Herodes Judéamona jae oni Cesaréamo jaiánite.

Herodes túllafue

²⁰Jae Herodes Tiro comini Sidón comini diga íaioiri icírioides. Mei íadi afémaci daní começi facádiaioi ie uíecomo cíozaibillena. Illaíma Herodes jabóidillaíma Blastó. Afémiena fairíotarediaioi íaioiri ñue nabáirillena. Afémiedo ñue caimare illífue Heródemo jicádiaioi. Ua izire jicádiaioi, íaioi güilleniai, illaíma Herodes éniemona íaioi ófirena jira. ²¹Ie jira Herodes íaioimo úrizaiillrui íaioimo lloite. Aféruimo ebírede illaíma iniroi jítano illaíma

ráirranomo ráinade. Daií ñiano are íaioimo úrite. ²² Mei íemona comini caillíoicana íena daidíaiói:

—Bie úritimie fia cómeñedeza, afémie juzíñamui, —daidíaiói.

²³ Afe llezica Juzíñamui abi ímie Heródena iráretade Juzíñamuimo ñúefuena nitátañena jírari. Iemona afe Herodes aiáide túlla.

²⁴ Iadi Juzíñamui lloga uai oni jalléicaide. Afe jalléinamona náganerie fidídiaíói.

²⁵ Bernabé Saulo diga íaillinoi afe úcube fíaiillano meine abido Jerusalémona bitíaiillinoi. Aféillinoído bite dáamie, Juan dainámie. Dáamie mámece Márcona.

13

Bernabé Saulo diga como fueñe nágagobai llócaidiaillinoi

¹ Antioquíamo ite gairíracomo nano niga uai jino llóraini ite naa llófueraniri. Afémaci mámeceai: Bernabé, Simón, Cirene ímie Lucio, Manaén, Saulo dígamiediaíói. Simón jiáífo mameina Negro. Galilea illaíma Herodes Manaén diga, dáanomo comuídiaillinoi. ² Aféruillaído afémaci güíñeno Juzíñamuimo caimátaidiaíói. Iemo Juzíñamui Ñuera Joreño íaíoína daide:

—Bernabé Saulo diga oni eneno nizeri, cue ocuica raa íaillinoi jetállena.

³ Güíñeno Juzíñamuimo úrilla meífoto éinamaci íaillinoína ónoído ézícita, daidíaiói:

—Mai, ómicoi jairi, —daidíaiói.

Orécamaci Chipre éniemo llófuiaidiaíói

⁴ Ie mei daií Ñuera Joreño íaillinoimo llujállamona oni Antioquíamona Selúciamo jáidiaillinoi. Dinómona áillocaedo monaillai cigi záfedu Chipremo jáidiaillinoi. ⁵ Salamina ígobemo dúczaidiaillinoimo judío llófueriracomo Juzíñamui uaillai jino llotíaiillinoi. Afe llezica Juan íaillinoi canócana nabázaide.

⁶ Nana Chipre éniemo llócadiaíói. Íirainomo Pafo jófuego dúcidiaíói. Dinomo judío aima Barjesuna mámece redimie baizájidiaíói. Afe aima táinona llófuefiredimie. Afémie daiífiredi:

—Juzíñamui dibénedo úriticue, —daide.

⁷ Afe aima ocuídillaíma Sergio Paulo dígamie dáanomo itíaiillinoi. Afe Sergio ráfuena ñue onódimie. Aféllaíma Bernabé Saulo diga jírítade Juzíñamui uaillai cacállena. ⁸ Mei íadi afe aima Bernabé Saulo diga llogáuai uáitano zanode. Ocuídillaíma ínuana aima rairuíacade. Afe aima jiáífoto mameina, Elimas. ⁹ Saulo jiáífoto mameina Pablo. Afe Pablo Ñuera Joreño úcaigamie. Aima dainana cacállano íemo riire érocaillano ¹⁰ daide:

—Jiáíma jífuetimiedio! Íaíba Taífe jítódio. Nana ñúefuíaína uáitaraimadio. ¿Ñibái mei ñuera Juzíñamui lloga uai oni cáitano féitaacadío? ¿Ñibái mei o táinofuíaína fáicanocaiñeno jino llóllodio? ¹¹ Mei jabe Ocuíraíma Jesucristo riire ona duere fñoite. O ui nírite. Nano nígarui jítoma egáíñuana cióñeíto, —daide.

Daií dainamona ie ui niríbicaide. Jae jítídine taino mellécade. Dáamie íena ónoído jainátacana úite, ie ui cióñena jira. ¹² Ocuídillaíma Sergio Paulo áfena cióllano, llogáuaina ñue ínote, mei Juzíñamui llófueinamo jacíruioicana aféuaimo ñue eroide.

Pablo Bernabé diga Pisidia éniemo ite Antioquía jófuego jáidiaillinoi

¹³ Pablo ie nabáñiaí digá nocaedo Pafó jófue mona jáidiaioí. Dinómona Panfilia éniemo ite Perge jófue mo jáidiaioí. Afénomo Juan íaioina fiénocaillano abido Jerusalemo jaide. ¹⁴ Pablo ie nabáñiaí digá afe Pérgemo dúcaillano, Pisidia éniemo ite Antioquia jófue mo arido jáicína jáidiaioí. Dinomo ocózinairuimo llófuerraco eromo raínazaidiaioí. ¹⁵ Ocuícafuiaí illánicomona fueñe facádotiaioí. Ie mei Juziñamui uai jino lloránicuaimona facádotiaioí. Afe facádua fuíllamona llófuerraco illaini íaillinoína daídíaioí:

—Amatiaí, ómicoí cacai. Omícoí llóicaigafuiaí íadi comíni cacáilleza jino omícoí llóoiri, —daide.

¹⁶ Mei íemona Pablo náidacaillano, ónoído comínina llícaitate. Afe mei íaioína daide:

—Israel nairai, omoi cácarei. Daje izóí Juziñamuina jacíruioidino, omoi cácarei. ¹⁷ Israel nairai Juziñamui cai jáiairagima nana íaioína nize de. Iemona Egipto éniemo ónoñegamacina íaioí illa llezica, aillo náiraína afémie jebuíate. Afe mei aféniemona dama íemo ite ie rínodo íaioína oni ote. ¹⁸ Ua mei Juziñamui comeci jitáinafue nai figo fuitáñediaioí, mei íadi afe táizicimo cuarenta digá fimona Juziñamui íaioína zófeño uíñote. ¹⁹ Afe mei Canaán éniemo ite siete nairai Juziñamui niné táinocaitaga, afe énie cai jáiairagima maiñóllena. ²⁰ Afe meífodo digá riire jicánoraini cuatrocientos cincuenta fimona ocuícájaioí. Ua ocuícájaioí uai llóraíma Samuel illáruimo. ²¹ Ie mei íaioína ócuite riíllaima jicádiaioí. Jira Juziñamui Saúl cuarenta fimona afémaci illáimana jóonete. Afe Saúl Cis jitó, Benjamín nairai ímie. ²² Afe mei Juziñamui Saúlna oni orede. Oni óriano David illáimana ie meífomo jóonete. David ífuedo Juziñamui úrite; daide: “Cuená íóbitadímie David baiticue. Afémie Isái jitó. Nana cue jitaiga raana jetáfirede,” daide. ²³ Afe David cómogimamona Jesús jococa. Afe Jesús Juziñamui uícomo daínáuai izóí Israel nairai jíllotaitimiena íaioí cigíconi Juziñamui comuíate. ²⁴ Jesús comínimo nai abi báifitañenia Juan nana Israel náiraímo jino llote; daide: “Nana omoi báutizaredíomoi. Omoi comeci ífuiaí mai ñúefuena méidoziri.” ²⁵ Juan uícodo llófuiaillafue fúiacademo, daide: “Omoi comeci fácamiñedicue. Jamáimedicue. Mei íadi cue meífodo bitámie cue baímo baitadímie. Afémie ídaí ico igaina zuitánidicue, (jiba baímiedicueza),” daí Juan daide.

²⁶ Cáimaci, omoi cácarei. Abraham nairai urúcidíomoi; mai cácarei. Omoimona Juziñamuina jacíruioidino, omoi cácarei. Bie ñue jíllotaitiuai ómoie.

²⁷ Mei Jerusalemo itino íaioí illáiniri Jesús nahí ífuena fidíñediaioí. Daje izóí naga ocózinairuimo facádoga uai llóraíni llogáuallaina cacádiaioí, mei íadi aféuai daínáfueña onóñediaioí. Aféuaillaina íaioí onóñenado Jesús duere finótatíaioí. Daí jaiái ninomo mamécáfuaí aféniemo fuitádiaioí. ²⁸ Afe Jesús fatátallifueña due jiza jaca baíñediaioí; mei íadi Pilátomo ie fatátallena jicádiaioí. ²⁹ Afe mei nana afémiedo Cuegáuallaimo jaiái ninomo lloga uailai fuitádiaioí, crúzmona íena ana otá íena raíájdíaioí. ³⁰ Mei íadi Juziñamui tíillanomona íena meine cáatate. ³¹ Afe mei digá irui illamona Galiléamona Jerusalemo ie digá jáicadinomo Jesús íaioímo cíocaide. Afe iedo jáicadino ja birui comínimo afémie llócaigafue llotíaioí.

³² Juziñamui cai jáiairagimamo uícomo llogáuaido úrite. Ñúefuedo úrite. Ja birui afe ñúefue ómoimo lloticaí. ³³ Ja cai bie afémaci cómogimadicaí. Ie jira afémie uícodo llogáuai ja caímo fuilla. Afe uai daide: “Jesucristo tíidena meine abido cáataiticue.” Daí rúanicomo cuega; segundo ruamo cuega; llote: “Cue

jitódio. Birui ona cáataticue.” ³⁴ Diga ícaíño Juzíñamui ie cáailifueña lloste. Ua tíllanomona íena cáataite, ie íeizi jaca ninomo rífaíñeillena. Juzíñamui aféfuena jaiái ninomo Cuegáuauillaido daide. Afe uai ie jitó Jesuna daide: “Davidmo uícode cue uafue lloga ñue cáimafuiai nahí omo jainaide.” ³⁵ Ie jira rüanicomo jááruado daide: “O ízíruiga ñue canódimie íeizi ráiruitio ie rífaíñeillena,” daide. ³⁶ Afe David ie llezica ígímana ñue canode, Juzíñamui ie ocuilla izói. Afe meífomo David tíllano ie uzútiai cígimo íena raiájidiaioi. Iemo ie íeizi rifaide. ³⁷ Mei íadi Juzíñamui cáatagamie íeizi rífaíñede. ³⁸ Cáimaci, omoi cacai. Afe bie rífaítañeno cáatagamie Jesudo omoi fiénidífuiai iba óñeillifue ja ómoimo jino lloga. ³⁹ Afémiedo nana íena ínotino nana íaioi fiénidífuiaimona dóficaitiaioi. Mei íadi Moisés ocuífauiai cai fiénidífuiaimona caina zuitáñede, mei cuinaca izói jaináidicai. ⁴⁰ Ñue abi omoi rairuiri uai jino llóraini cuega mamécáfuaiai ómoimo báíñeillena. Afe mamécáfue daide: ⁴¹ Ínoñeno uáitaidino, omoi cácarei; cacáillano áferi omoi jacínaificairi. Iemona niné táinocaitiomoiza, aféruillaido jamánomo ñue jácifue cue fínua jírari.

Aféfuena dámie ómoimo lloía, íadi áfena ínoñeitiomoiza, —daide.

⁴² Pablo ie nabáíñaiari judío garíracomona jino jáidiaioi. Jáidiaioimo judíoñedino jocócaiaioi íaioimo aféfuena meine abido íaioimo lluaíbillena jicádiaioi. Afe úreite ocózinaiaruimo meine lluaíbillena jicádiaioi. ⁴³ Afe llófueriracomó íaioi gairilla záillamona aillo judíuai Pablo llogafue jíeruitiaioi. Iemona Pablo Bernabé diga íaillinoído jáidiaioi. Daje izói aillo judío onógafuena jeire otino íaillinoído jáidiaioi. Pablo, Bernabé diga íaioimo lloste:

—Mai Juzíñamui caina ízíruillafuemo nágarui aféfuemo ñue omoi coméciri, —daide.

⁴⁴ Siete dígarui íllamona ocózinaiaruimo, nana jofue comini dánomo gairídiaioi, Juzíñamui uaillai cacáreillena. ⁴⁵ Mei afénomo aillo comini gairíllana judíuai cióillano, úriona izói itíai. Afénomo Pablo uaillai uáitano íena báíntiaioi. ⁴⁶ Ie mei Pablo Bernabé diga abi mámano íaioina daide:

—Judíuai, bie Juzíñamui uai fueñe ómoimo llole iere jitárede; mei íadi ja aféfuena óiacañediomoi; afe ícoinia zíñona cáallinona llínoñeitiomoi. Ie jira ja birui judíoñedinomo jáiticaí. ⁴⁷ Mei jira Juzíñamui daí caina llotátate; Juzíñamui daide:

Cuedo náiraina fidítaraimana o mamécícue.

Nana énie íiraino imaci ñuera jíllonafue llórainmana íitio.

⁴⁸ Aféfuena cacáillano judíoñedino íóbicaidiaioi. Íaioi úrilla fueñe táinia llezica:

—Juzíñamui uáillaina jamánomo ñuera, —daidiaioi.

Afémacimona aféfuena ínotino aillo ite. Zíñona cáatatinona llínoitínona mamécáiaioi. ⁴⁹ Iemona Juzíñamui uaillai nana afe énie náiraido jae ñue jalleide. ⁵⁰ Afe jófuemo Moo Juzíñamuimo izire jaináiacade ringóniaimona dángorie ite. Afe ringóniai illaingo izódingotiai. Judíuai afe ringóniaimo úrite, Pablo afe jófuemona oni oréllena. Daje llezica judíuai afe jofue illáinimo daje izói úrizaidiaioi. Íaioi comeci fieni fínua jira, jáie Páblona duere finócanafue comuízailla, Bernabé diga. Afe jófuemona oni íaillinoi orédiaioi. ⁵¹ Afe ória meífodo afe íaillinoi eiba ico íaie íaioimo teténote; afe teténufue baimaci comeci íaífuiaimo íteza, daíacade.

Daí ñiano Iconio jófuego jáidiaillinoi. ⁵² Mei íadi Jesús llogáfuego ñnotino iere ióbioidiaioi. Afe llezica Ñuera Joreño úcaigaiaioi.

14

Pablo Bernabé diga Icóniomo itáiaillinoi

¹ Icóniomo dúcillano judío llófuerracomo daane jofu jáidiaillinoi. Dinomo jamánomo ñue úritiaillinoi. Afemona aillo judúai Jesumo ñnotiaioi; judíoñedinomona daje izói aillo afefue ñnotiaioi. ² Mei íadi ñnoacañede judúai jáie judíoñedino comeci íaire finódiaioi. Daí Páblona Bernabé diga éoicana eródiaioi. ³ Ie jira dinomo diga irui ñue jaícina jacíruiñeno Ocuíraima Jesús mámedido llófuetaiaillinoi. Afe llezica Juzíñamui dama ie ñue ríino íaillinoimo fecade. Afemona onótate ráaniai cíorainina ráaniai diga finódiaillinoi. Aféniaido íaillinoi lloga Juzíñamui caina izíruillafue Juzíñamui ñue comínimo fidítate. ⁴ Mei íadi jofue comini bózietaidiaioi. Dáarie judúai dibénemo jaináiacadiaioi. ⁵ Afe meífodo ñnoacañede judúai jáie judíoñedino diga naa íaioi illáiniri noficiaina íaillinoi níjiacadiaioi. Daí íaillinoina duere finóacadiaioi. ⁶ Mei íadi aféfuena orécamaci úcodo fidídiaioi. Fídiano Pablo Bernabé diga Licaónia éniemo botádiaillinoi. Dinomo ménagobemo macáoidiaillinoi, Lистра Derbe diga naa afe áinori itíniaido. ⁷ Dinomo ñue jíllonafue llotíiaillinoi.

Lístramo Pablo nofícina níjdiaioi

⁸ Iemo Lístramo macáñede aidaima ite. Ie jocóinanomona tízitaite izói macáñede. Jaca ie macánina jira dinomo ráiide. ⁹ Afémie Pablo daináfuego ñue cacáreide. Iemona Pablo íemo érocaillamona, tízitaitimie ñue ínuana Pablo comécido fidíde. Ie ínuamona afémie jíllorede. ¹⁰ Iemona Pablo íena riire daide:

—O ídaido caifo jaícina naidai, —daide.

Afénomona afémie tícacaillano náidacaide; náidacaillano como fueñe mácajide.

¹¹ Daí Pablo finócafueña cíoillano, nana comini Licaónia uáillaído caillíoicana daidíaioi:

—¡Juzíñamuillai jamai comini izói ana cai cígimo billa! —daidíaioi.

¹² Bernabena Júpiter juzíñamui daidíaioi; Páblona Mercurio juzíñamui daidíaioi, jamánomo ráfuiái llotímiena jira. ¹³ Júpiter gairíracu naze fueri ite. Afeco úñotimie juráretuai atide naa amena záfiaiai diga. Afémie naa comini íaillinoimo cámodoacadiaioi. Juráreto fáillemona íaillinoina ióbitaacadiaioi.

¹⁴ Mei íadi orécamaci Pablo Bernabé diga fidídiaillinoi. Aféfuena fidínamona, inícuero cúatacaillano, comini cígimo jáidiaillinoi. (Afe iníroi cuata daíacade íaillinoi comeci jamánomo ríucaide.) Jaillano caillíoicana daidíiaillinoi:

¹⁵ —¡Nana omoi, cácarei! ¿Níbái bie izói finódiomo? Coco omoi izói jiba cómedicoco. Ñúefue ómoimo atídicoco. Afe bie táinofuiái omoi fáicanocaillena lluaíbíticoco. Fáicanocaillano, ua caade Juzíñamui dine omoi jáillena daí lluaíbíticoco. Afémie mona, bie énie, monáillai dieze finode naa íaioimo itínuiairi. ¹⁶ Jáiairagima illa llezica nana nairai íaioi comeci jítáillafodo macáoidiaioi. Aféruillaído Juzíñamui íaioina lletáñede. ¹⁷ Mei íadi Juzíñamui ñúemie ífuena ñue ómoimo finócafuaído ómoina fidítafirede. Ua ñue nocina

ómoimo bítafirede. Nana aménaiáí llizíllajáina ómoiri llizítate. Afedo omoi güille ñue ite, omoi comeci íóbillena, —daíí úrite Pablo.

18 Mei nana afe daínáuaillai dáina íadi, nana comíni íaillinoiri juráretuai nai fáiacadaíoi. Iadi ícoimo afétuai íaiói faana féitadiaillinoi.

19 Afe mei Antioquíamona Icóniomona dáarie judíuai dúcizaide. Listra comínimo júfiduano Pablo fállena mamédiaíoi. Iemona Páblona nofíciaina níjdiaíoi. Níjiano jofue jinófenemo íena zonóicaíoi. Comécido daídíaíoi: “Níbai tíde,” daide. 20 Mei íadi ínotino íemo gairídiaíoi Pablo náidacaillano meine jófuego jaide. Afe jítiramoidíruído afémie Bernabé díga Dérbemo jáidiaillinoi.

21 Dinomo jíllona uaillai jino llotíaillinoi. Afe jófuego aillo comíni Jesumo ínotiaíoi. Afe mei meine abido Lístramo, Icóniomo íemo Antioquíamo dieze jáidiaillinoi. 22 Nana afénuaí jofue ínotinuiaí ñue caímare íociretadiaillinoi. Ñue jaícina ínuafuedo íaiói jáillena llófuetiaillinoi. Iemo íaíoína daídíaillinoi:

—Juzíñamui illáimana illíruimo caí jáillena, aillo afe facátafuaí íere caimo jítaírede, —daide.

23 Afe llezica naga gairíracuaimo ócuite illáinina mamédiaillinoi. Afe mei güíñeno Juzíñamuimo íere úrilla meífomo nana como ocuídilláinina mamécamiáí Juzíñamui úíñuamo jóonetaillinoi, Juzíñamuimo ñue íaiói íñua jira.

Pablo Bernabé díga íaillinoi nana bíllánomo abido jáidiaillinoi

24 Afe meífodo Pisidia éniemona jaillano Panfilia éniemo dúcidiaillinoi. 25 Perge jófuego jíllonafue llotíaillinoi. Afe llua meífomo Atalia jófuego jáidiaillinoi. 26 Dinómona Siria éniemo ite Antioquía jófuego nocaedo ruica jáidiaillinoi.

Nauí afe jófuego ite ínotino íaillinoína Juzíñamuimo jóonetaíoi. Daíí finódiaíoi jíáie nairai ñúefuena llófuaillena. Ja birui afe tájina fuilla. 27 Antioquíamo dúcidiaillinoímo, nana ínotino Juzíñamui garíracomo gairídiaíoi. Gairídiaíoi Pablo nana Juzíñamui íaillinoído finócaíuaí jino íaíoímo llote. Afe llezica judíoñedinomo Juzíñamui ñue jíllóille ío como túíñua llotíaillinoi. Afe izói áfemo afémaci íñorediaíoi. 28 Afe meífomo Pablo Bernabé díga ínotino cígimo are díga irui ítaillinoi.

15

Ínotino illáini Jerusalemo gairídiaíoi orécamací díga

1 Aféruillaído dáarie íñíai Judea éniemona Antioquíamo ite ínotino llófuaíbite. Íaíoína daídíaíoi:

—Moisés ocuica íiza bacano ícoi quétafueña omoi finóñenia, jíllóñeítomoi, —daídíaíoi.

2 Ie jira Pablo Bernabé díga íaíoímo ríírede uáillaído úritiaillinoi aillo júfiduafuaí díga. Iemona Antioquíamo ite ínotino Pablo, Bernabé, jíáímací díga nízediaíoi, Jerusalemo ite orécamacímo aféfuena jícánuaillena; daje izói Jerusalemo ite Juzíñamuimo gairídino illáinimo jícánuaítiaíoi.

3 Mei daíí nízia mei Antioquía ínotino afe nízécanona orédiaíoi. Afe oréinamona, Fenicia éniédo Samaria énie díga jáidiaíoi. Jaillano judíoñedino íaíoi jaíai llóinauaillai féitano Juzíñamui díbénedo jáillafue llotíaíoi. Nana ámatiaí aféfuena cacáillano íere íóbidiaíoi.

4 Pablo Bernabé diga Jerusalemo dúcidiailinoimo, Juziñamuimo gairídino do caimare uáidogaiaillinoi. Daje izói orécamaci naa gairídino illáiniri íaillinoina caimare uáidotiaioi. Dinomo Juziñamui íaioiri finócafuiái íaioimo jino llotíailinoi. 5 Mei íadi fariséuaimona dáarie ínotino caifo naidáillano íaioina daide:

—Ínote judíoñedinomo afe cai izói quetáinafue jitáirede. Afe emódomo Moisés ocuácafue ñue ínollena jitáirede, —daidíaiói.

6 Iemona orécamaci naa ínotino illáiniri aféfuena ñue onóillena gairídíaiói.

7 Aféfuiai are íaioi júfdua meífomo, Pedro caifo náidaillano daide:

—Amatíai, omoi cácarei. Naui Juziñamui cuemo finócafueña onódiomoi. Juziñamui omoi cigimona cue nizeda judíoñedino cigimo orede. Ua cuena nizede afémacimo ñue jíllonafue uaillai cue llujállena; áfemona afémaci aféfuiaína ínotiaioi. 8 Cai comécina onode Juziñamui cuemo llote: “Afe judíoñedinona ñue llínoiticue,” daide. Afemona Ñuera Joreño íaioimo fecade caimo ie feca ízoi. 9 Juziñamui cáimona afémacimo jíáfodo finóñede. Íaioi ínuado íaioi comeci íafue Juziñamui oni dote caie ie dua ízoi. 10 Mei birui çnibái mei Juziñamui finócafue jeire oñédíomoi? ÇNíbái mei baie ínotino jamánomo ríire ocuácadío? Afe ocuáñafueña cai, cai jáiairagima diga finónidícai. 11 Mei íadi jíáfodo ínotícai, cai jíllloillena. Ocuáraima Jesús caimo dúcecaide. Afemo cai ínuamona íbáñeno jílllobicaídícai. Afe izói judíoñedino Jesumo ínuamona íbáñeno jílllobicaídíaiói, —daide.

12 Mei jira afémaci llícaídíaiói, Bernabé Pablo diga llogáfueño cacáreillena. Nana judíoñedino cigimo Juziñamui finócafuiái llotíailinoi. Dinomo íaillinoído uaido finoca onótate raa cíórainina raa diga Juziñamui finode. Aféfuiai jino llotíailinoi. 13 Íaillinoi llogafue fúillamona, Santiago daide:

—Amatíai, cue dáinamo cácarei. 14 Simón Pedro jae Juziñamui judíoñedinona como fueñe íaioina izire canóinafue caimo jino llote. Juziñamui jae judíoñedimacimona dáazie como níziaíbite dama ie náiraina. 15 Afefue ua Juziñamui jaiai uai llóraini cuegáfuaímo jáicina dájena jóobide. Afe Cuegáuai daide:

16 Bífue mei, meine bíitícue.

Ua David jaiai náirai, júdaízitaga íadi, meine dáaziena jofo gairítaitícue.

Aféziemona due fiébidino jaiai íaioi ízaina izói meine jebuítaítícue.

Ríinidimaci jofo dáanomo otátaitícue, ñue ríirediziena íaioi íllena.

17 Afe daíí fínuai bitícue nana jíáimacíaí Juziñamuimo comeci fácajano íaioi ínollena.

Daíí fínoítícue nana cuena náamarede judíoñede náiraíai cuemo comeci fa-cada ínollena.

18 Ua jaiai ninómona aféfuiai onótate Juziñamui daíí daide.

19 Te jira bífue llotícue. Afe como Juziñamuido jáiacade judíoñedino mai, cai íaioina áfedefoñetícai. Jae íaioi jaiai ínoga táinofuiai fáicanocaidíaiói Juziñamui llogáuaina íaioi ínollena. 20 Due llétafue íaioimo cai cúellena ja dieze figo baite. Afe bífuiai íaioimo llóitícai. Mai jánaraimo fia fecaca güíllena omoi jetáñeno iri. Mai jiruífueña abí omoi rairuiri. Dama áiredimie ie aí diga illa ñuena. Mai cimoina ciginoga rílleniaí ríñeno iri. Afe izói coróbaítaga rílleniaí ríñeno iri. Daje izói díena omoi jíroñeno iri.

²¹ Daií judíoñede como ñnotimacimo lletádicaiza, nibai nanómona nana jófuego Moisés ocuífue llófueraíne ite. Naga ocózinallaruido llófueraíne como afe Cuegáuai jino facádotiaíoi. Aci dino Santiago llote.

²² Temo orécamací gairídimaci, nana íaíoi illaíni diga, “Jii,” daídíaíoi. Iemona íaíoi cígimona dámerie nizéllena mamértiaíoi, Antioquíamo oréllena Pablo Bernabé diga íaillinoí nabáíllena. Judas daínámie nizédaíoi; afémie jíáfodo mameina Barsabás. Daje llezica Silasna nizédaíoi. Afe íaillinoí ámatiaíi cígiri illaíma izódiaillinoí. ²³ Íaillinoído cuegabe orédaíoi. Afébemo daide:

“Cai Antioquíamo ite judíoñede ámatiaímo uai orédicai. Afe izóí Siria éniemo ite ámatiaímo, Cilicia éniemo ite ámatiaí dieze nana ómoímo uai orédicai. Nana orécamací, Juzíñamuímo gairídino illaíni, benó ite ámatiaí diga, ómoímo uai orédicai. ²⁴ Cáimona ómoímo nauí bitino finócafue jae fidídicaí. Caimo lloñeno oní jáidiaíoi. Cai óreñegaiaíoi. Dani imaci uáíllaido jae omoi ífoci írinuaidiaíoi. Daií ómoína áifeduaidiaíoi. Omoi bacano ícoí quetállífuiaí lluájidiaíoi; jíáie Moisés llogáuailaí ómoímo ocuízaidiaíoi. ²⁵ Ie jira cai comécido ñue jaide cai cígimona mena come mameda ómoímo oréllena. Aféfuena nana jíeruíticaí. Bie nizécaillinoí Pablo Bernabé diga omoi éroizaíbitiaíoi. Pablo Bernabé diga cai iere izíruiga ámaillinoí. ²⁶ Cai Ocuíraíma Jesucristo ñúefue íaillinoí llua ícoína, jaci cácatagaillinoí. ²⁷ Daií Judas Silas diga ómoímo orédicai. Aféillinoí ómoímo jofo úritiaillinoí nana bífuiaí jino ñue llóllena. ²⁸ Mei cáimona ñue cioide; afe izóí Ñuera Joréñomona ñue cioide riírede rafue ómoímo cai mámeñeíllena. Dama jítaíredifue mámeíticaí. ²⁹ Jánaraimo fia fecaca ríllenaína omoi riñeno iri. Daje izóí díena jíroñeno iri; cimoina cígínoga ríllena omoi riñeno iri. Nana jíruífuemona abí omoi rairuiri. Dama áiredimie íe aí diga illa ñuena. Bífuiaímona abí omoi rairuíaí, ñue lítiomoi. Jae ñíe.”

³⁰ Daií Jerusalemó ite ñnotino íaíoína Antioquíamo orédaíoi. Antioquíamo dúcíaíomó, dínomo ite ñnotino dánomo gairítiaíoi afe rabe fecállena. ³¹ Afebe ámatiaíi facáduamona iere íóbidiaíoi. Ua afe caimare llétafueri íóbidiaíoi. ³² Judas Silas diga Juzíñamuímona oga rafue jino llórediaillinoí. Ie jira íaillinoí uáíllaido afe ámatiaíi ñue náirecaítadiaillinoí. Afe llezica íaíoína ñue comeci fírazítadiaillinoí íaíoi caimare íllena. ³³ Dínomo diga iruí íllamona, Antioquíamo ite ámatiaíi comeci jacínaiñenafuedo íaíoína jáítatiaíoi. Daií íaíoína uáidonocaidiaíoi meine íaíoi orécamací díné jáíllena. ³⁴ Mei íadi Silas Antioquíamo fíébicaíllena mamérite. ³⁵ Afe izóí Pablo Bernabé diga Antioquíamo fíébidaillinoí. Afe meífodo, aillo jíáie llóraíni diga, llófuertiaíoi. Cai Ocuíraíma Jesucristo uailaí jino llotíaíoi.

Pablo dánomo nane jáizaide ñúefue lluájíllena

³⁶ Diga iruí illa meífomo Pablo Bernabena daide:

—Mai dánomo meine coco jai, nauí coco llófuegano coco uáíduailaí. Nana íaíoi jófuedo Jesucristo uailaí llófueticoco, íe jira afémaci nie izóí ítiaíoíza coco eróizai, —daide.

³⁷ Bernabé Marcos úiacade íaillinoí jaille díne. (Marcos jíáfodo mameina Juan.) ³⁸ Mei íadi Pablo íena úiacañede, nauí Panfília éniemo íaíoína fíenocaílla jira. Iemo íaillinoí tájícanado jáíñede. ³⁹ Afefue jamánomo íaillinoí riire júfidua meífodo, dárie enénorie oní jáidiaillinoí. Ie mei Bernabé Marcos uite. Daií ñiano, nocaedo Chípremo jáidiaillinoí. ⁴⁰ Afe llezica Pablo dama íeíena Silas nizeda ote. Nízía mei, afénomo ite ámatiaíi Juzíñamuí íaillinoí

izíruillena caimare jicádiaioi, daje izói Juzíñamui íaillinoina nabáirillena. Daií jica meífomo, oni jíainomo jáidiaillinoi. ⁴¹ Siria énie, Cilicia éniedo jáidiaillinoi. Afénoimo Juzíñamuimo gairide ámatiai náicaitaidiaillinoi.

16

Timoteo Pablo Silas diga nabázai

¹ Derbe, Lystra jofue diga dinomo Pablo, Silas diga dúcidiaillinoi. Afénoimo daa Juzíñamuimo ínotimie baizájidiaillinoi. Ie ei judíuaimona Juzíñamuimo ínotingo. Mei íadi ie moo griego ímie. ² Lystramo ite ámatiai afémiedo ñue úritiaioi naa Icóniomo ite ámatiairi. ³ Pablo Timotéona ie nabaina úiacade. Ie jira ie bacano icoi quetátate, íaioi jáillinomo ite judíuái afémiedo comeci fienu fácañeillena. Mei afémaci ie moo griego ímienana ñue onódiaioiza. ⁴ Nana íaioi jáillado ite jófuedo lletáinafue llotíaioi. Afe lletáinafue Jerusalemo ite orécamacu ocuide éinamacu diga llotátataioi. ⁵ Daií Juzíñamuimo garídimacu íaioi ínuafue ñue oni móonaioicaide. Afemona nágarui aillo jebuíoicaidiaioi.

Pablo Macedonia ímiena nicai anado ciona izói ciode

⁶ Asia éniemo Ñuera Joreño ñúefue íaioi llujáillana ráiruide. Ie jira Frigia énie, Galacia énie diga afe éniemo oni llujáidiaioi. ⁷ Ie mei Misia énie fuédamo dúcidiaioi. Dinómona Bitinia éniemo jáillana comeci facádiaioi, mei íadi Jesús Joreño dinomo íaioi jáillana rairuide. ⁸ Ie jira jica Misia énie fuédado jáidiaioi. Dinómona Troas ígobemo jáidiaioi. ⁹ Dinomo afe naio Pablo nicáirilla izói ciode. Afe nicáirilla izói Macedonia énie ímiena ciode. Afémie náidaicana Páblona izire jicade; daide: “Bené Macedóniomo cai cánuaiibi,” —daide. ¹⁰ Daií Pablo nicai anado izói cionamona Macedóniomo cai jáillena mamériticai. Jae Juzíñamui cai jíirillaza ua onódicai dinomo ñúefue cai llujáillena.

Pablo Silas diga Filipos jófue mo illafue

¹¹ Iemona Tróasmona nocaedo monaillai cigi idu Samotráciamo jáicina jáidicai. Ie jíitiramo Neápolisimo dúcidicai. ¹² Dinómona Filipos jófue mo jáidicai. Afe Macedonia fueda Filipos jamánomo jalléidigobe. Romano comini afe jofue nauí nitátatino. Dinomo nano nígarui iticai. ¹³ Afe ocózinaillaruimo afe jofue jinomo jáidicai. Ua imani fue mo íaioi Juzíñamuimo iere úrizafirenanomo jáidicai. Dinomo ráinaillano ñúefuedo gairídingotiaimo úriticai. ¹⁴ Aféngotiamona daango Lidia mámeçiredingo. Afengo Tiatira jofue ingo. Afengo jíaire jíitrede ñuera inroi fecáraingo. Afe ringo Juzíñamuimo áinozioidingo Juzíñamuimo caimare úrillena. Iemona afengo afe ñúefuena cáçareacade. Jae Juzíñamui afengo comécina tuiñode, Pablo llogáuailai jeire óllena. ¹⁵ Afengo naa ie comíniri báutizagaiaioi. Báutiza mei izire jicada caína daide:

—Comeci anado omoi daiíadi, Juzíñamuimo ua ínotingodicue, mai cue jofomo omoi bi, —daide.

Iemona aféngodo jáidicai.

¹⁶ Afe Juzíñamuimo úrizairanomo cai jailla llezica, fiénidena jóriarede ringoza baizájidicai. Afe fiénide jóriaido come óñoñega éicina raire onófirede. Afengo izire jerucango. Afe eici báillado aillo úcubena ie náamatiai íena ófirediaioi.

¹⁷ Afe ringoza Pablo diga caido jáizaide. Caillícana jaide; daide:

—Bimacu caifoide Juzíñamuimo dúidiaioi. Omoi jíilloille io ómoimo llotíaioi, —daide.

¹⁸ Diga iruillai daí afengo caillide. Are ie caillícana ícoimo, Pablo zefuínate. Meine gírecaillano aféngomo ite fiénide jóriaina daide:

—Jesucristo mámeçido aféngomona ona oni orédicue, —daide.

Daí daina llezícamona afe fiénide jóriai aféngona fáicanocaillano jaide.

¹⁹ Afe ringoza náamatiai daí ie finóinana ciódiaioi. Iemona:

—Jae aféngodo úcubena óñeiticai, —daidíaioi.

Daí dainano Pablo Silas diga llaitada ríimaci uícómo aillo gairírabirímo uitíaioi. ²⁰ Riire jicánorainímo íaillinoína izájidiaioi. Daidíaioi:

—Baillinoi, judío ímilai cai jófúemo comínina ríicaitaíbite. ²¹ Caímo llúaíbigafuina jeire ónidicai. Afe izói cai ínidicai, cai bie románodicaiza, —daidíaioi.

²² Temona afeno comini íaillinoímo ríicaidiaioi. Riire jicánorainí íaillinoi ínícuirona duíñoda rázido íaillinoína fatátate. ²³ Íaillinoi aillo fáina meífomo, llavéraco íaillinoína lláviaidiaioi. Afe llavéraco úíñoraíma riire ocudíaioi íaillinoína ñue rairuúllena. ²⁴ Afe riire ocuínafuena cacánamona llavéraco úíñotímie llavéraco jamánomo jofóidícómo íaillinoína orede. Dinomo come idai jíitara íredamo íaillinoína jíitade.

²⁵ Afe naio dáaferuimo Pablo Silas diga Juzíñamuímo úrillano Juzíñamuí ruai rotíiaillinoi. Afécomo jíaie llavécamiiai afe rúana cacádíaioi. ²⁶ Íaillinoi rua llezica afe énie raire iere riire docáricaide. Nana afe llavéraco jíaillirai izói riire mozide nofíicai jaidínocaiga izói íficaide. Afe llezícamona llavéraco náziai túicoizite. Afemona nana llavécamiiai llójeuai tícoizite. ²⁷ Iemona llavéraco úíñoraíma cazide. Cazídemo jae nana náziai túienana ciode. Começi anado daide: “Nana llavécamací jae níbai botádíaioi.” Ie jira lloefai ota ie abi faitáacade. ²⁸ Mei íadi Pablo íemo caillide:

—¡Dama o abina fiení finóñeno iri; nana benó itícaiza! —daide.

²⁹ Mei jira llavéraco úíñoraíma bobaie jicade. Iemona Pablo díne aizícana bite. Dinomo afe jágieri abi cuidírioicana, Pablo Silas diga íaillinoi anamo dújude. ³⁰ Ie meífomo íaillinoína jino jíáínomo uillano, jicánote:

—Pablo, ¿cuemo ite fiénidífuemona cue jíllloillena nie izói ííticue? —daide.

³¹ Jira aféillinoi uai ote:

—O jíllloillena cai Ocuíraíma Jesucrístomo íño. Iemona o dama jílllobicaitio. Daje izói o ai nana o úruiai diga ínuamona jílllobicaitiaioi, —daide.

³² Temona Juzíñamuí uaillai íemo llotíiaillinoi naa ie jofo ero itínuáiri. ³³ Mei íadi daje naio llavériraíma íaillinoi fáina boáfiai jocode. Afemona afémie naa íaillinoi úruiaíri báutizaigaiaioi. ³⁴ Afe mei aféillinoína ie jofomo uillano ecade. Afémie naa ie comini diga Juzíñamuímo ínuari caímare íóbídiaioi.

³⁵ Afe jíitaramo riire jicánorainí jíaie llavérirainí llavéracomona orede, Pablo íaillinoi zuitállena. ³⁶ Iemona llavéraco úíñoraíma Páblona daide:

—Riire jicánorainí ómicoína cuena zuitátate. Mei ja biruí ómicoi nífuenino uái íllena jino jáiredíomicoi, —daide.

³⁷ Mei íadi Pablo llavérirainína daide:

—Romano ímedicoco, mei íadi cócomo jicánoñeno razido cócona fatíomoi. Faano cócona llavétatiomoi. ¿Mei íadi ja biruí báinino cócona zuitátatiomoi? Mei íeñedeza. Coco llavétatino mai coco zúitaíbiri, —daidíiaillinoi.

³⁸ Afefue llavérirainí jicánorainímo llúaíjide. Lluájillamona jicánorainí jacínaitiaioi, aféillinoi romano ímienari. ³⁹ Ie jira Pablo Silas diga íaillinoímo jíicajidiaioi:

—Caimo ómicoi dúceai, —daiřzaidiaioi.

Iemona íaillinoi jino uano, íaioi jófueмона oní jáillana izire jicádiaioi. ⁴⁰ Afe llavéracomo jino billano, Lidia jofomo jáidiaillinoi. Amatiana cíoillano íaioina ñue náicaitadiaillinoi. Daiř ñiano jiáinomo oní jáidiaillinoi.

17

Tesalónicamo comuide alio úrioínafue

¹ Pablo Silas diga íaillinoi jaillano Anfípolis jófuedo jáidiaillinoi. Ie mei Apolonia jófuedo jáidiaillinoi. Afe mei Tesalónica jófueмо dúcidiaillinoi. Afénomo ite judíuai llófueriraco. ² Pablo ie fibilla izóí, afe llófueriracomo jofo llófuerizaide. Daámami ocózinaillaruido íaioimo úrite. ³ Juzíñamui jaiái Cuegáuai jino íaioimo llóollode. Aféuaimona Cristo duere finóínafue jitáirede, daiř íaioimo jino llote. Daje izóí Cristo tíida meine cáallena jitáirede daiř jino íaioimo llote. Íaioina daide:

—Be ómoimo cue llogámie Jesús dámie Crístona, —daide.

⁴ Mei íemona judíuaimona dámierie aféuemo ínotiaioi. Afemona Pablo Silas íaillinoi dibénemo itábicaidiaioi. Afe izóí aillo Juzíñamuimo jaináiacade griego ímiái iere ñue ínotiaioi. Afe izóí aillo illaingo izóidingotiaí aféuaina ínotiaioi. ⁵ Mei íadi ínoñede judíuai aféfuerei úradoilla izóí itíaioi. Iemona cállemo ite fiénide ráiraiedinomo gairídiaioi. Ie mei judíuai cállemo ite itíñori aillo úrioínafue finódiaioi. Daiř jofue comíni comeci fieni icíritadiaioi. Jasón jofomo ite Pablo Silas diga llaitállena, afeco cirínotiaioi, aféillinoi llaitada afeno comínimo izájillena. ⁶ Mei íadi íaillinoina baiñédiaioi. Ie jira Jasón zocana uitíaioi, jíáie ámatiaí diga. Jofue illaini uíecomo íaioina uitíaioi. Daiř caillídiaioi:

—Bíaillinoi nágagobiaido fieni faillíñeínafuaí finódino ja benomo dúcia. ⁷ Ie mei Jasón ie jofomo íaioina llíñote. Nana afe bie bitino cai caifoide romano illaíma ocucafuaí uáitaocana daide: “Jíáie ua cai illaíma ite, Jesús,” —daiřiaioi.

⁸ Aféfuena cacáillano ríimaci naa comíniri faillíñeídiaioi. ⁹ Jasonmo daiřiaioi:

—Cai o jífueñellena uícomo o úcube caimo ine. Uire aféillinoi o oréadi o úcube meine omo íiticaí, —daiřiaioi. Ie jira afe úcube íaioimo fécamona ja Jasón jíái ámatiaí diga zuitádiaioi.

Pablo Silas diga Berea jófueмо dúcide

¹⁰ Afemona afe naio ámatiaí Pablo Silas diga Beréamo raire orédiaioi. Dinomo dúcillano judíuai llófueriracomo jáidiaillinoi. ¹¹ Bie judíuai Tesalónicamo ite judíuai baimo figomaci. Caimare afe úrillauaina jeire otíaioi. Nágarui Juzíñamui Cuegáuailaímo jénofirediaioi, íaioimo llogáuailaína uafue daiřllena. ¹² Afemona aillo afémacimona ínotiaioi. Daje izóí griéguaímona ínotiaioi. Dájerize íñiaí íemo jíái ñue caimare jacíruigangotiaí ínotiaioi. ¹³ Mei íadi Tesalónicamo ite judíuai Pablo Beréamo Juzíñamui llogáuai llófueillana fidíllano, dinomo nane comíni fieni faillíñaitaitaioi. ¹⁴ Mei íadi ámatiaí dama Páblona raire aféruído monáillai fuédamo orédiaioi. Ie mei Silas Timoteo diga Beréamo fiébicaide. ¹⁵ Pablo nabaina jáidino Atenas jófueмо íena izájídiaioi. Íaioi meine jáidinodo Silas Timoteo diga Pablo íaillinoimo uai orede. Daide: “Cue diné iere raire ómicoi birí, dánomo cai gairílleza,” daide.

Pablo Aténasmo illafue

¹⁶ Nai Pablo Aténasmo Silas, Timoteo diga úiñua llezica, afe jófuedo macade. Macádemo aillo íaioi jánaraiái cióizaide. Aferui Pablo comeci iere zúucaide. ¹⁷ Mei jira llófuerriracomo judíuaríi úrite; daje izóí jíáie Juzíñamuimo jaináiacadinori. Nágarui jofue gairírabirimo itínuiaimo llote. ¹⁸ Dárie “epicuro” daína llófueinafue facádotoño como Pablo diga úrizaidiaioi. Daje izóí, dárie “estoicos” daína llogáfuaíi facádotoño Pablo diga úrizaidiaioi. Dámierie daidíaioi:

—Bie aillo úrifiredimie, ¿ñifue caimo llóite? —daidíaioi.

Mei íadi jíáimaci daidíaioi:

—Ñibai jíáie juzíñamuillai llotímie, —daidíaioi.

Daíí úritiaioi, Pablo Jesús úrillauai, ie meine cáanafue diga íaioimo llóiacana jira. ¹⁹ Ie mei Areópago daína illánomo íena uitíaioi. Dinomo gairífrediaioi llófueinafueña cacáillena. Dinomo íena jicánotiaioi:

—O atica cómue llófueinafueña cai onócadicai. ²⁰ Mei ónoñegafuaíi caimo llotio. Afe bífuiaíi daínana onócadicai, —daidíaioi.

²¹ Nana Atenas imaci naa afénomo ite onínemacirí, cómue ráfuiaína cacáillena járitaitiaioi. Afe izóí cómfuaíi llóllena járitaitiaioi. Jíáie tájijnamo járitañediaioi.

²² Ie jira Pablo Areópago cominí cígimo náidaillano daide:

—Atenas imaci, omoi cácarei. Aillo juzíñamuillaido iere jaináidínodíomoi. Daíí omoi íllana ciódicue. ²³ Omoi juzíñamuillai ánozillena finócafuaíi íllánuaíido éroicaídicue. Dinomo daa omoi juzíñamuillaimo comeci facáranó ciódicue. Afénomo cuega uailai daide: “Bie cai ónoñega juzíñamui ie.” Bie omoi onóñeno jaináiacana Juzíñamui, ua birui ómoimo cue llúaíbigamie.

²⁴ Afe énie finode Juzíñamui naa éniemo itínuiaíri, afémie bie énie Naama, mona diga. Afémie cominí nigácomo íñede. ²⁵ Aféniemo cai nífuena finónidicai. Nífuena llónidicai. Mei jira dama afémie nana comínimo cáatatinona fecáfirede; daje izóí afémie jáfaicina cai ite. Ie emódomo nana ite ráaniaína afémie caimo íga.

²⁶ Naga náiraiái fueñe dáziemona Juzíñamui comuítaga, naga illa dígano íaioi éniemo íllena. Iemona dájena diédicai. Nana íaioi íllínuiaíi mamede. Daje izóí nano nié dino íaioi íllíruillai mamede. ²⁷ Daíí afémie finoca afe Juzíñamui íaioi jenóllena, ñibai are illa ícoínia ie íaioi báillena. Mei íadi uáfueña Juzíñamui cai illa dígamíemona jica íñede. ²⁸ Mei Juzíñamuido cáadicai. Afémiedo cai jetáacaga raana jetádicai. Afe izóí afémiedo iticai. Afe daje izóí ómoímona dárie rua finua izoide llote: “Juzíñamui comuítagamacídicaí; ie izíedicai.” ²⁹ Iemona afe Juzíñamuina fia oro finoina jánarai daíí comeci omoi facáñeno íri, mei Juzíñamui comuítagamacídicaíza. Afe izóí afémíena plata finoina jánarai, ebírede nofici finoina jánarai, daíí comécido omoi daííñeno íri. Nana bie jánaraiána daní cominí comeci faca izóí finódiaioi. ³⁰ Naui jaiáidíruillaido cominí abina onóñediaioi; daíí íllaza Juzíñamui íaioímo nai íbana oñede. Mei íadi birui náganomo itímíiaína Juzíñamui ocuícana daide: “Omoimo fiéni itífuiaína méidori,” —daide.

³¹ Nana comínimo itífuiaíi izire jicánollíruí Juzíñamui jae mamede. Aféruillaido afémie nizécamiédo jáicina caimo izire jicánoite. Juzíñamui afe nizécamiéna nana comínimo ñue jino uáfueña onótate; tíllanomona íena meine abído cáatanado nana comínina uáfodo jino fidátate, —daíí Pablo llote.

³² Afe tídimaci meine cáanafuena cacáillano, dárie itínomona Pablo jifánodoidiaioi. Jiáimaci iena daidiaioi:

—Ico jiáiruido aféfuena meine nane dánomo ómona cácaitaicai, —daidiaioi.

³³ Iemo Pablo íaioi cígimona oni jaide. ³⁴ Mei íadi dáarie iedo jáidiaioi. Jaillano ínotiaioi. Afe ínotimacimona dámie Dionísio. Afémie Areópago nimáiranimo jaináidimie. Afe ínotimacimona Dámaris mámeciredingo ite, nai bai jiáimaciri.

18

Pablo Coríntomo illafue

¹ Afe meífodo Pablo Aténasmona oni Corinto jófuego jáizaide. ² Dinomo dúcia meífomo Aquila mámecirede judío ímie baizájide. Afémie Ponto énie ímie. Afe Aquila ai Priscila. Afe íaillinoi cómoicana Itálimona botádiaillinoi; romano caifóidillaíma Claudio nana judíuai Roma jófueomona oni íaioi oréina jira. Dinomo Pablo Aquila uáiduaide. ³ Aquila ie ai diga jédaciede iniroi tífuano bizáinicaife nitíaiioi. Afe íaioi nillado úcube otíaioi. Pablo afe táijinana fibídímie. Ie jira Pablo afe íaillinoiri fiébicaide, dájena íaioi tájillena. ⁴ Naga ocózinaiillaruimo llófueriracomo Pablo llófuiaifiredé. Afemona judíuaimona dáarie ínotiaioi. Afe dájerize judíoñedimacimona ja ínotiaioi.

⁵ Jae Macedonia éniemona Silas Timoteo diga dúcidiailinoimo, Pablo ie bizáinillai nilla fáicanocailano, dama Juziñamui ñúefue jino llóllena iere izire llocana uite. Judíuaina uáfodo daide:

—Jesús omoi úiñogamie Cristo, —daide.

⁶ Mei íadi judíuai iena uáitaoidiaioi. Iemo fiénide uaillai nitádiaioi. Ie jira Pablo ie inícuro íaioimo faiánote. Afe faiánua daide: íaioi íaire finócafue ícoinia afémie ícoiniañedeza, daní íaioi ícoinia.

Pablo íaioina daide:

—Daní omoi ícoinia timáritiomoi. Jae ómoiri nífuenidimiedicue. Biruímona judíoñedimacimo llúajiticue, —daide.

⁷ Llófueriracomona jino jaillano, Justo maméidímie jofomo jaide. Justo Juziñamuimo ánozillano caimare úritímie. Afémie jofu llófueriraco abimo ite. ⁸ Afe llófueriraco illaima Crispo. Afémie naa ie comíniri Ocuíraima Jesucrístomo ínotiaioi. Afe lezica aillo Corinto jófuego itino, Pablo lloga ñúefuaina cacáillano áfemo ínotiaioi. Inuamona bautizagaiaioi. ⁹ Afe mei Juziñamui Páblona nicai anado daide:

—Jacíruíñeno iri. Mai ñúefue llícaíñeno lloíri, mei o diga itícueza.

¹⁰ Fiéndifuenta bu omo jíritanide. Nai bie jófuego aillo cuemo ínoitinona ite, —daide.

¹¹ Iemona Pablo Coríntomo nai daa fimona átuedo Juziñamui uaillai comínimo llófullofuede.

¹² Mei íadi Galióna mámeciredimie, Acaya éniemo illáimana illáruído nana judíuai Páblona uáitaocana gairidiaioi. Iemona iena lláitano, ríimaci uíecomo uitíaiioi. ¹³ Illáimana daidiaioi:

—Bímie comini cigido llófuericaide. Jiáifodo Juziñamuimo ánozilli uaillai llófucaide. Iemona afe uáillaimo cacáreidiaioi. Mei íadi afefue caimo ocuica uaillai uáitaocai, —daidiaioi.

¹⁴ Pablo como úrizaidemo, illaima Galión judíuaina daide:

—Judíuái, cue omoi áifedoñeno iri! Bíniemo aillo fiénidífue ícoinia íadi, cómena fájafue izói, come merírinafue izói, ua afémie daí íadi ómoimo cacáreiticue. ¹⁵ Mei íadi fia omoi uáillaido, omoi mámeциаido júfidotiomoí, ómoimo judíuái ocuífafuiai diga. ¡Mai dani jáicina omoi finori! Aféfuiaimo izire jícanoraimana íacañedicue, —daide.

¹⁶ Ie mei afémie nana íaioina jino jícanoracomona orede. ¹⁷ Iemona nana griéguaí Sóstenes maméidímie llaitádiaioí. Sóstenes llófueriraco illaíma. Iena lláitano, ríillaíma Galión uíecomó íena fáfadiaioí. Mei íadi Galión afe finócafuaína raa daíñíede.

Pablo Antioquámo meine jaide dínomona ja dacaiñoámami nane llujáide

¹⁸ Díno Coríntomo Pablo diga iruillai ite. Ie jáicanaruimo, ámatiaí íraicaíño íena facádonocaidiaioí. Afe mei Pablo nocaedo Siria éniemo ruica jáizaide. Aquila íe ai Priscila diga Pábloiri jáizaidiaioí. Nai Cencrea ígobemona nai jáíñediaioimo, Pablo íe ífo cuidode. Daí finode, jae íe nauí Juzíñamuimo llogáuái fuilla jira. ¹⁹ Ruica jáillano jae Efeso jófuemo dúcidiaioí. Dínomo Pablo, Aquila Priscila diga fiénocaillano, llófueriracomó jaide. Afénomo gairide judíuáimo Pablo úrizaide. ²⁰ Afémaci íe íaioí diga are íllena izire jícadiaioí, mei íadi Pablo fairíoñede. ²¹ Íraicaíño íaioina uáidonocaillano íaioina daide:

—Ja Jerusalemó íacade íraízillafuemo raíre jáiacadicue, mei íadi Juzíñamui óiacania dáanomo abido ómoína érozaíbiticue, —daide.

Iemona nocaedo Efésomona oni monáillaido jaide. ²² Cesarea jófuemo dúciillano, Pablo arido Jerusalemó jaide, dínomo íte Juzíñamuimo gairídino uáidollena. Afe mei oni Antioquámo jaide. ²³ Diga iruillai dínomo illa meífomo, meine nane nana Galacia jófuemo Pablo oni jáizaide, Frigia jofue diga. Naga jófuemo dágoberie llófuecade. Daí Pablo nana Juzíñamuimo ínotimaci comécina ñue náirecaítade.

Apolos Efésomo ñúefue jino llote

²⁴ Aféruillaido judío ímie, Apólona maméidímie Efésomo dúcizaide. Afémie Alejandria jofue ímie. Afe íima uai jino llúana ñue fibídímie. Afémie Juzíñamui Cuegáuaina ñue onode. ²⁵ Ocuíraíma Jesucristo llogáuállaina afémie llófuegamie. Aféfuiai jino llúana íere méaicaiñeno caimare llote. Jino uáfodo Jesús ífuiaido llófuerite. Mei íadi dama Juan íaioí báutizafuena onode. Afe izói Juan Jesudo llogáfueña Apolos onode. ²⁶ Apolos llófueriracomó comeci jáicaiñenado úrizaide. Mei jira Priscila Aquila diga Apolos llófueíllana cacáillano, íe eneno uitíallinoí, Juzíñamui uaillai baímo ñue jino jáicina llóllena. ²⁷ Afe mei Apolos Acaya éniemo jáiacade. Iemona ámatiaí íe abina jafue oñeno, ñue íena náicaitadiaioí. Daje llezica uícomo rabe afénomo íte ínotinomo cuetiaioí, íaioí afémiena ñue llínollena. Afémie Acáyamo dúciillano, afénomo íte ínotinona ñue canode. Juzíñamui jae íaioimo dúceallano íaioina ínotade. ²⁸ Nana comini eróicana judíuái lloga taíno uai Apolos íaioimo cíotate. Afémaci Apolos jamánomo ñue jáicina jóidiuaina jáanonidiaioí. Afémie Juzíñamui Cuegáuállaido ní íaioí úíñoga Cristo dámie Jesuna jino íaioimo uáfodo llóteza.

¹ Apolos nai Coríntomo illa llezica, Pablo Galacia éniemo jaillano, íduai íllado jaide. Jáillano Efeso jófue mo dúcide. Dinomo ite Juzíñamuimo ínotimacina cíoi zaide. ² Íaioimo jicánote:

—¿Meita omoi ínuamona Ñuera Joreño úcaigaomoi? —daide.

Jira afémaci uai otíaioi:

—Afe Ñuera Joreño íllana, jaca due cacáñedicaí, —daidíaioi.

³ Mei jira Pablo nane jicánote:

—¿Mei bu mámeçido báutizagaomoi? —daide.

Jira afémaci uai otíaioi:

—Juan mámeçido báutizagacai, —daidíaioi.

⁴ Jira Pablo íaioina daide:

—Juan lloga báutizainafue comini comécimo ite fiénidífuiaí méiduana jino náiraímo cíotote. Mei íadi Juan meífodo bitímie mo íñoredi omoi ómoína daidícue. Afe bitímie Jesús; afe Jesús Juzíñamui Nizécami Cristo, —daide.

⁵ Aféfuena cacáillano cai Ocuídímie Jesús mámeçido báutizagaíaoi. ⁶ Pablo íaioimo onoi bitamona, Ñuera Joreño íaioimo bite. Iemona afémaci jíaimaci uáíllaido úritiaioi. Juzíñamuimona oga úrilla uáíllai jino llotíaioi. ⁷ Afémaci níbai doce dígamiediaioi.

⁸ Pablo afe llófuera como daámani fiui jáicade. Dinomo comeci jáicaiñeno jino íaioimo llófuerte. Juzíñamui illáimana illáfuedo izire íaioimo jino llote íaioi íñollena. ⁹ Mei íadi dámerie comeci rairuúllano aféfuena íñoacañede, Comini eróicana Juzíñamui ñúefuaido fiéni úritiaioi. Iemona Pablo íaioi cígimona onoi jíaí como jaide. Jaillano Pablo afe Juzíñamuimo ínotinona jíaie comini llófuera como uite. Afe llófuera como naama Tiranno. Dinomo Pablo nágaruáíllaido llófuiaide. ¹⁰ Daí dinomo mena fimona llófuerte. Iemona nana Asia énie náirai Ocuíraíma Jesús llogáfuaímo cacárediaioi. Judúuaimona nano díga ímíai ínotiaioi. Afe dájerize judíoñedinomona ínotiaioi. ¹¹ Juzíñamui díga áíllue cíórainina ráaniai Páblodo finode. ¹² Uiéco dóraroíllai Páblomo atídíaioi jinófene jítararoíllai díga. Aféroíllai Pablo jétanona iráredimacimo uitíaioi. Afe jetácaroi íaioi líinuamona jíllobicaídiaioi. Daje izói jíaimacimo ite fiénide joríaí onoi jáizitiaioi.

¹³ Afe mei macáraini judúuai dárie dúcíaioi. Afémaci:

—Fiénide joríaiaí cominimona oréredicaí, —daidíaioi. Ja Ocuíraíma Jesús mámeçido afe fiénide joríaiaí jino oréacadiaioi. Jíaimacimo ite joríaiaína daidíaioi:

—Pablo lloga Jesús mámeçido ja birui ómoína jino orédicaí, —daidíaioi.

¹⁴ Afe izói judío ímie Esceva siete díga jítotíaí daidíaioi. Afe Esceva lletáiraini illaíma. ¹⁵ Afémie jítotíaí daí dáinamona afe fiénide joríaí íaioi uai ote:

—Cue Jesuna onódicue. Daje izói Páblona onódicue; mei íadi omoi mei ¿búdiomoi? —daide.

¹⁶ Daí dáina mei, fiénidena joríaíredímie riire íaioína láitade. Nana íaioína anáfenuano iere duere íaioína finode. Ja iere jamánomo duere íaioi finóinamona, afécomona émuíromaíai naa boáfiaíri jino botádiaioi. ¹⁷ Nana Efésomo ite comini, judúuai naa judíoñedinori aféfuena fidííllano iere jacíruitiaioi. Iemona Ocuíraíma Jesús mámeçina jamánomoídeza daidíaioi. Afemona aillo ñúefue Jesumo nitádiaioi.

18 Aillo áfemo ñnotimacimona jaiái íaioí finoca fiénidifuiái uáfodo jino llotíaioí. 19 Daje llezica aillo nauí aiñíníai uaimo fibídino, íaioímo ite fiénino úrilla rabénicuai átiano nairái eróicana jobáidiaioí. Afe jobáicanicuai comécido facádiaioímo, jamánomo ráifide izoide, daidiaioí. “Cincuenta mil úcubetunillai dieze ráifide,” daidiaioí. 20 Daí Juzíñamui lloga uaillai jamánomo oni móonaioicaide. Afedo Juzíñamui ríno jino cíotaioicaide.

21 Afe meifodo Macedonia éniemo Acaya énie diga dino comini uáiduaillena Pablo mamérite. Afeno comini uáidua meifomo, abido Jerusalemá jáizaillena Pablo comécido daide. Afe emódomo daide:

—Jerusalemó cue jaille mei, dinómona Rómamo jáiacadicue, —daide. 22 Mei jira Macedóniamó mena ie canóramá Timoteo Erasto diga uícodo orede. Mei íadi Pablo nai Asiamó nano nígarui fiévide.

Efésomo fiénidifuedo failíñeidiaioí

23 Aféruillaido Jesús lloga ñúefuairi aillo fiéni failíñeidiaioí. 24 Afe failíñeinafue Demetrio como fueñe taineca. Afémie aillo ebírede ráaniai plátamona finóramá. Juzíñamuina íaioí mamécango Artemisa, nofici finoina jánarai. Aféngomo gairíracó izóí, plátamona ráiracójina finoda, Demetrio fecáfirede. Afedo afémie ie diga táijiraimaci íena aillo úcube otíaioí. 25 Iemo Demetrio naa jáie daje izóí táijinana fibídinori dánomo gairídiaioí. Dinomo íaioina daide:

—Cáimaci, omóí cácarei. Bie caí táijnado ñue ráaredicai, onódiomóí. 26 Mei íadi baie Pablo llócaigafuena cacádiomóiza. Afémie daide: “Comini finoca juzíñamuillaina íeñede,” daide. Ie llogáfueмо Pablo aillo comínina ñnotade. Daa benó Efésomóñede daí ñnotade, mei íadi nana Asia éniédo ñnotaacade. 27 Afefue iere jacire cacaide. Afedo caí fecácaiganíana táinocaitaíbite. Daje izóí caí áillue juzíñamui caí dainango Artemisa gairíracó jalléinafuenta féitaite. Afe izóí bie juzíñamui dainango jamánomo ebírenafuena jámairuitaíbite. Nana Asia énie naa jáie éniiairi aféngomo ánozifirediaioí, —daí Demetrio daide.

28 Aféfuena cacáillano, iere comécido ríicadiaioí. Iemona caillíoicana daidiaioí:

—¡Cai Efeso imaci juzíñamui caí dainango Diana, jaca ninomó záíñeno iri! —daidiaioí.

29 Iemona nana afeno jófuedo aféfuai iere riire júfidotiaioí. Aillo afeno comini ifo írínote. Afe llezica mena Pablo nabaide íaillinoí llaitádiaioí. Afe íaillinoí mámecei Gayo Aristarco diga; Macedonia ímie íaillinoí. Íaioí llaita mei afémaci nairái uícómo íaioí gairíracómo íaillinoína zocana uitíaioí.

30 Pablo afeco jofomó comínimo úrizaiacade, mei íadi ñúefuena ñnotino afe jofó jáillena rairuidiaioí. 31 Afe llezica Asia ríimaci Pablo diga caimare úriraini, Pablo afeco jofó jáíñeillena uai íemo orédiaioí. 32 Íaioí gairilla llezica, dárie jáífodo llotíaioí; jáímíai jáífodo júrioicana llotíaioí. Mei aféfuairi jamánomo fiéni failíñeidiaioí. Ja nabénairái aféfuena onóñediaioí, nífuerei gairídiaioíza.

33 Mei íadi gairídino cígimona dámierie jino Alejándromo aféfuai llotíaioí. Afe Alejándrona judíuai, afeno comini uícómo judíuai abí ríiduafuedo úrillaena, bai íena naidánetaioí. Bai náidaillano ie ónoído íaioína, “Maí omóí líicai,” daide.

34 Mei íadi afémie judío ímienana íaioí comécido onónamona, mena hora nana caillíoicana daidiaioí:

—¡Cai Efeso nairái naango Artemisa, jaca ninomó záíñeno iri! —daidiaioí.

³⁵ Iemona afeno jofue jabóllaima ícoinia comini llícaitate. Llícaitano íaioina daide:

—Efeso nairai, omoi cácarei. Naga énie náirai ai cai iere jalleide juzíñamui dainango Artemísamo gairíracona úíñotagamacidicai, afe cai úíñuafuena onódiaioi. Afe daje izói aféngona mameca monámona ana baíide jánaraina úíñotagamacidicaiza onódiaioi. ³⁶ Mei bifue buna jaca jáanonideza, mai omoi llícai. Comeci facáñeno náifuena lloñeno iri. ³⁷ Mei bie omoi atica íaillinoi, omoi juzíñamui dainango Artemísari fiénidifuena úriñediaillinoi. Aféngona rícaitañediaillinoi. ³⁸ Demetrio zúucaillafue níñmiemo íadi, mai jicánoraimamo llujiri. Daje izói afémieri tájiraini zúucaillafue íadi llujiri. Jaca ríimaci uícomo meíne abido óllena afémaci llórediaioi. ³⁹ Mei jáifodo omoi jicánoiacaniadi, mai ríimaci daina izói omoi gairiri. ⁴⁰ Ja birui jácifue mo baízaidicaiza. Birui omoi finócafue ícoinia, illaima anáfenuafuena caimo nítaítiaioi. Bie omoi faillíñeinafue caimo íaioi jicánoiadi, íaioi uai cai ollifue jaca due íñede, —daide.

⁴¹ Daí daina meifodo, aféno mo gairidino oni rainode.

20

Pablo Macedóniamo Grecia diga dñe jáillafue

¹ Afe íaioi faillíñeinafue llícailla meífomo, Pablo Juzíñamuimo íñotino ñue llófuellena jírítade. Daí íaioi llófuia meífomo íaioi llínuano íraicaíño uáidonocaide. Uáidonocaillano Macedóniamo jáizaide. ² Nana aféno mo itígobiai comini uáiduaide. Ie uáillaído aféno mo ite ámatiai náicaitade. Afe mei Pablo ja Grecia éniemo dúcide. ³ Dinomo daámari fiui llófuete. Dinómona nocaedo Síriamo jáizaidemo, judíuai íena llaitácanafuena fidide. Ie jira ari éniedo Macedóniamo abido jáillena comei facade. ⁴ Dinómona ie nabáidino: Berea ímie Sópater; Tesalónica ímie íaillinoi Aristarco Segundo diga; Derbe ímie íaillinoi Gayo Timoteo diga; jáíe Asia énie íaillinoi Tíquico Trófimo diga. ⁵ Afe bie ámatiai uícomo Troas jófue mo caina uíñuaidiaioi. ⁶ Fáitara jóneñega pan güilla iráizilla meífomo, Filipomona nocaedo ruica jáidicai. Ja cinco dígarui íllamona Tróasmo dúcidicai. Dinomo daa semana iticai.

Pablo Troas comini uáiduafe

⁷ Semana nanódiruido gairídicaí pan ditada fecállena. (Afe pan ditada güillamona Jesucristo íraicaíño güillamo úbicaidicai.) Güilla mei Pablo Jesumo íñotino llófuete. Afe jítiramo afémie ja jáiacade. Ie jira úrioidemo ja dáaferui ite. ⁸ Caifo jica ite caifóneco ero icomo gairídicaí. Afe dinomo aillo unérachecoí bóotatiaioi. ⁹ Dinomo ite daa jítócome, Eutícona maméidimie. Afémie jino eróirafomo ráide. Pablo iere are úrillamona, afe jítócome jamánomo íñietaide. Ícoinia izire íñiamona, caifona ana baíide. Afécomo dabaniámani ite. Dinómona ana éniemo baíide. Tíide caifo llínotiaioi. ¹⁰ Mei jira Pablo ana afémiemo jáillano, ie acónimo dújuillano íena meníñote. Afe mei ámatiaína daide:

—Cáadeza, omoi jacínaiñeno, —daide.

¹¹ Daí daina mei Pablo meíne caifo jaide. Caifo meíne dúcillano, pan ditada güillano nai íaioimo nane úrite. Da úritemo monaide. Monáillamo oni jaide. ¹² Afe baíidimiena ñue caade uitíaoi. Iemona nana comini ñue caimare íficaidiaioi.

Pablo Tróasmona Milétomo jáillafue

¹³ Ie meífomo Pablo Asonmo iodo jáiacade. Ie jira cai jáíamaci nocaedo uícomo Asonmo jáídicaí dinomo Pablo otá cai úillena. ¹⁴ Afémiena Asonmo cai báillamona, dinómona cai nocaedo nana Mitilénemo jáídicaí. ¹⁵ Dinómona jáillano jítiramoidiruido Quío jofue áinodo jáídicaí. Afe jáíruido Samos ígobemo zíjídicaí. Dinómona Trogliomo ocózinaidicaí. Afe jáíruido Milétomo dúcidicaí. ¹⁶ Pablo Asia éniemo are íacañede. Ie jira Efésomo meine jáiacañede. Mei íadi Pablo raire Jerusalemo dúciacade, afénomo íacade Pentecostés ráfuena cíoillena, íadi nibai cíoiñeite.

Pablo Efeso éinamacimo úrillafue

¹⁷ Nai Mileto jófuemo cai illa llezica, Efésomo Juzíñamuimo gairíraini éinamací jírítate. ¹⁸ Iaiói dúcinamona Pablo íaióina daide:

—Nano fueñe Asiamo cue dúcinamona cue ífirenana ñue onódiomoi. ¹⁹ Nágaruillaido comeci mánainafuedo éeiafuedo omoi cígiri íticue. Daí cai Ocuíraíma Jesumo táijífiredicue. Afe llezica judíuái iere aillo duere cuena finócadiaíoi. Afedo aillo facátafuíai cuemo nitádiaíoi. ²⁰ Mei íadi fáicanocaiñeno nana ómoímo ñue illífuena llófuefiredicue. Daí uáfodo omoi gairíracomo ómoímo llófueríticue. Daje izói naga omoi jofomo llófuefiredicue. ²¹ Judíuáimo lloticue; daje izói judíoñedinomo lloticue. Nana íaióina daidicue: “Omoi fiénidífuíai ñúefuíaina Juzíñamui comeci jitailla izói omoi meídori. Iemona cai Ocuíraíma Jesucrístomo omoi íinori,” daí íaióina daidicue. ²² Mei birui benómona Jerusalemo jáíticue; afénomo cue jaille Juzíñamui Ñuera Joreño cue ocuilla izói. Dinomo cuemo cómuitífuena ónoñedicue. ²³ Dama dafue cue comécido onóigafue: nana cue jailla jófuedo Ñuera Joreño cue llavébillífué aillo duere cue finóbillífué díga cuena fidítate. ²⁴ Mei íadi aféfuena due lloñédicue. Ocuíraíma Jesús cuemo jónega táijnafuena ñue ícoímo cue fuitáadi cue cáanano cúemona ráifiñede. Afe táijnafue Juzíñamui ñue caína izíruillafue comínimo llócadicue. Ua comini áizía izóidinomona cue táijina ícoímo caimare ñue dúcítaiacadicue.

²⁵ ‘Omoi cígido Juzíñamui illáimana illafue llócaidicue; mei birui ua onódicueza, ómoímacimona buna cuena meine cíoiñeite. ²⁶ Ie jira biruido daííacadicue, ja ómoímona nífuenidímedicue. ²⁷ Mei jira nana Juzíñamui caímo llófuegafuíai ómoímo uáfodo lloticue. Nífuena báníno lloñédicue. ²⁸ Ie jira afe izói dani abí omo rairuiri. (Jae einamácidiomoi.) Daje izói nana Juzíñamuimo gairídinona úiñori, mei jira Ñuera Joreño íaióina úiñotade. Ua Ocuíraíma Jesumo gairídino úiñotagaomoi. Afe gairídinona Jesús dama ie tíllado, ie die tóillamona dama ie comínina meine maiñode. ²⁹ Cue jailla mei jáíamaci Juzíñamuimo gairídinona jífuerídino bíítiaíoi. Ua rírede jícóniaí ovéjaina fázia izói Juzíñamuimo omoi íinogafuena féitataíbitiaíoi. ³⁰ Daje izói omoi cígiri táínofuíai llóítinona iite. Afémaci uáfueña féitajano táínofuíai ómoímo llóítiaíoi, ínotino afe uai jeire otátallena. ³¹ Mei jira abí omoi rairuiri. Naui omoi díga cue illáfuemo omoi uibíoiri. Dafimonaámami, mona naio díga éebicaillano izire ómoímona nágamíaimo fáicanocaiñeno ómoímo jino lloticue.

³² ‘Mei cue ámatiaí, ja birui Juzíñamuimo ómoína jóneíticue, omoi úiñollena. Daje izói Juzíñamui caína izíruilla uaimo omoi comeci uibíoillena jítaídicue. Afe uai ómoína náirecáitaite. Afe daje llezica, aféuaido Juzíñamui díbénemo ñue rairuícamacina ja ítíomoi naa jáíe ie rairuícamaciri. Mei afe rairuícamaci

Juziñamuido ñue finócamacidiomoi. ³³ Jiáimie mo ite úcubiariri íaioimo ite iníroillairi dama cúeiena jaca úradoiñedicue. ³⁴ Mei íadi jiáifodo, dama cue jitailla raa óllena dama cue ónoido táijidicue. Daje izói cue diga itino íena oticue. ³⁵ Daí omoi táijillena lloticue. Afe izói raana jitáidino omoi canóllena ómoína llófueticue, Ocuíraima Jesús daina uaimo comeci omoi facáoicaillena. Afémie daina uai daí daide: “Fia iga raa llínotimie baimo, fecáfiredimie jamánomo ióbide,” —daide.

³⁶ Daí íaioina daina meifodo, Pablo cañici ana dújuillano Moo Juziñamuimo nana afémaciri úritiaíoi. ³⁷ Iemona nana éenaitiaíoi. Afe llezica Páblona meníñuano ñitada cámadotiaíoi. ³⁸ Afe llezica Pablo “Ja meine abido cuena cíõñeitiomoi” dánari iere zúucaidiaíoi. Afe mei fei nocaemo íraicaíño íena nabáidiaíoi.

21

Pablo Jerusalemó jáillafue

¹ Amatiai fuénocaillano, Cos jófuemo nocaedo jaícina jáidicai. Afe jítiramo Rodas jófuemo jáidicai. Dinómona Pátara jófuemo jáidicai. ² Afe Pátaramo Feníciamo jáiacade nocáe baiticai. Dinómona afécaedo jáidicai. ³ Jaillano, monaillai cigi idu Chíprena jicana ciódicai. Afe éniena jarifezi dibénemo fíanona Siria éniemo jáidicai. Afe cai jáillacaemo Tíromo fielle ráaniai illa jira afégobemo zíjidicai. ⁴ Afégobemo ite Juziñamuimo ínotinona cíóizaidicai. Dinomo siete dígarui íaioi diga iticai. Dinomo Ñuera Joreño llogáiaíoi. Ie jira Páblona daidiaíoi:

—Benómona Jerusalemó jáiñeno iri, —daidiaíoi.

⁵ Mei íadi afe siete dígarui illa meifodo jáidicai. Cai jáizailla llezica nana Juziñamuimo ínotino, íaioi ringóniai naa úruiairi jofue féimo caina nabáidiaíoi. Dinomo ite guamáximo ana dújuillano Juziñamuimo iere úriticai. ⁶ Ie mei meníñota íraicaíño íaioi facádonocaidicai. Daí ñiano nocaemo caifo jáidicai. Afémaci íaioi jófuemo meine jáidiaíoi.

⁷ Tíromona biticai Tolemáidamo dúcina. Dinomo ite amatiai uáidollena darui nabáidicai. ⁸ Afe jítiramo Pablo naa íedo jáidinori dinómona Cesarea jófuemo dúcidicai. Dinomo ite ñúfue llóraima Felipe jofomo jáidicai. Afémie siete dígamiede güille fecárainimona Juziñamuimo gairíraco táijiraíma. Dinomo afémie jofomo iticai. ⁹ Afe Felipe jiza nagaámazade. Nai iníndiaíoi. Aféngotiai Juziñamuimona cacana uaillai jino llotiaíoi. ¹⁰ Afénomo diga irui iticaimo, uai jino llóraima Agabo Judéamona cai uáiduaibite. ¹¹ Afémie Pablo ciraiçi ífe zuitáicaillano dama íe ídai onoi diga maíáno daide:

—Ñuera Joreño daide: “Jerusalemó judíuai bie ciraiçi ífe náamana bie izói maíte. Maíano íena jicánemacimo fécaitiaíoi,” daide, —daí Agabo lluaíbite.

¹² Aféfuena cacáillano, Cesarea imaci naa cairi, Pablo Jerusalemó jáiñeillena íemo izire jicádicai. ¹³ Mei jira Pablo uai ote:

—¿Nibái cuena zúucaitatiomoi? ¿Minícari éedimoi? Cue íaioi maille baimo comécido mamériticue. Juziñamui jitáiaidi Jerusalemó cai Ocuíraima ícoinia tíitiecueza, —daide.

¹⁴ Afémie mámiafuena jáanonidicai. Ie jira afefue fáicanocaillano daidicai:

—Juziñamui comeci jitailla izói omo íficaiteza, —daidicai.

15 Afe meífodo, Jerusalemo jáillana finóbídicaí. 16 Cesaréamona dárie Juzíñamuimo ínotino caina nabaide. Afémaci cígimona daa Chipre ímie Mnasón ite. Afémie jae diga fimona Juzíñamuimo ínote. Afémiemo ite Jerusalemo dúciracomo jáídicaí.

Pablo Sanatiago uáiduafe

17 Jerusalemo dúcidicaímo dinomo ite ámatiaí caimare caina llínotiaíoi. 18 Afe jítiramo Pablo naa cairi Santiago uáiduaídicaí. Daje izóí nana illáicomini afénomo itiaíoi. 19 Pablo íaíoi uáídote. Uáiduaño Pablo nana iedo judíoñedinomo Juzíñamui finócafuaíai jino illa dígafuaíai íaíoimo llote. 20 Iemona aféfuiaína cacáillano Juzíñamuimo caimátaíoidiaíoi. Jira Páblona daídíaíoi:

—Mii, o llogáfuaíai iere ñuera, mei íadi judíuaímona diga mil comini afe ñúefuemo ínotiaíoi cíodioza. Nana afémaci Moisés ocuica uai izóí cai íllena iere jítáirede daídíaíoi. 21 Mei íadi dáarie o nana jica jáínomo ite judíuaímo llogáfuaína lluaíbitiaíoi. Afe íaíoi cacánafue daide: “Moisés ocuica uaina jeire omoi oñeno iri.” Afe izóí íaíoi jítótiaí bacano icoi quetátañedio, daídíaíoi. Ie emódomo cai fibillafuaína finótañedio, daídíaíoi. 22 Iemo bífuiaína cai dibénedo ¿nie izóí llóitio? ¿nie izóí ñéiticaí? O billáfuaína comini fidíllano ua dáanomo gairítiaíoi, —daide. Iemo Santiago nai úrillano lena daide:

23 —Cai daínuaíai jeire o úamona aféuaí izóí o finolle jítáirede. Cairi benomo ite nagaámamie. Afémiaíai uícomo Juzíñamuimo nauí íaíoi llogáuai fuitáacadiaíoi.

24 Bimaci o uíri. Uillano nana omoi comécimo íaífue múíñuafe mai omoi fínuairi. O úcubemona omoi ífue cuidótalle ibari. Iemona dani cuidótaitiaíoi. Afe daíí o fínuamona, benó ite ínote judíuaí, o ñue ífrena izóí ónoítiaíoi. Moisés ocuicafue jeire o úana fidítiaíoi. Daje izóí ja ónoítiaíoi nana o rafue benó comínimo jáímaci lluaíbígá táínofuaíai. 25 Mei íadi ínote judíoñedinomo jáífodo jae cueticai. Aillo judíuaí finócafuaímo íaíoi jéruíñeíllena lloticaí. Daa bifue íaíoimo lloticaí: “Jánarai izóidemo fecaca llíciaína omoi riñeno iri. Díena jiróñeno iri, daje izóí cimoina cigínoga rílleniaina riñeno iri. Mai nana jéruífuiaímona abí omoi rairuiri; dama áiredímie ie ai diga illa ñuena,” —dinóride Santiago llogafue fuilla.

Pablo gairíracomo llaitáinafue

26 Ie mei Pablo afe nagaámamie uite; uillano afe jítiramo, íaíoi comécimo ite íaífuaíai múíñuafe finódiaíoi. Afe meífodo jofo Juzíñamuimo gairíracomo jáídíaíoi. Dinomo íaíoi comécimo ite íaífuaíai múíñóilliruillaí fuillírui lludáidiaíoi. Afe daíí íaíoi llúamona illa dígamierie íaíoi raa fia íaíoi fecállirui llotiaíoi.

27 Afe siete dígarui ja fúiacademo Asia éniemona bite judíuaí Páblona Juzíñamuimo gairíracomo cíozai:bitiaíoi. Iena cíozai:billano nana afeno comínina fieni faillíñaitadiaíoi. Iemona Pablo llaitádiaíoi. 28 Lláitano caillíoidiaíoi:

—¡Israel nairai, cai cano! Bímie nágagobaiido nana comíniammo cai nairai uáitaicana llófuecaide. Daje izóí Moisés ocuicafuena uáitaide. Bie cai Juzíñamuimo gairíracona uáitaide. Ie emódomo jae mena griego ímie íaillinoí jofo uite. Daíí bie Juzíñamuído ñue finócaco ero bácajai:bite, —daídíaíoi.

29 Nauí Pablo afe jófuedo judíoñedinome Trófimo diga nabáííllana íaíoi cíonamona daíí daídíaíoi. Afe Trófimo Efeso ímie. Afémaci comeci facádiaíoi, níbai Pablo Trófimona gairíraco eromo jofo uite, daídíaíoi.

³⁰ Iemona nana afeno comini aféfuiai júfidotiaioi; aféfuerei fiendi faillíñaidiaioi. Afe llezica nana comini áiziaizi bitíaioi. Billano Pablo llaitádiaioi. Llátano gairiraco jinomo zocana íena uitíaioi. Daií ñiano afe llezica gairiraco náziai íbáidiaioi. ³¹ Ja íena titáacadiaioimo, soldados igüelli illaíma ja afe aillo comini fiendi faillíñainana fidide. Daje izói Pablo ja íaioi titáacanafuena fidide. ³² Mei jira afe illaíma íe jabóidillaímaíai naa íe llazírainiri júrite. Júrillano afe comini illánomo aizícana jáidiaioi. Iemona nana comini llazíraini illaíma naa íe llazírainiri bíllana cióillano, Pablo fáajana fáicanocaidiaioi. ³³ Afe mei afe illaíma Páblomo áinozide. Ainozillano Pablo llaitádiaioi. Llátano mena llóejina íena maitátate. Afe mei illaíma íena daide:

—O mei ¿búdio? ¿Ñíifue finódio? —daide. ³⁴ Mei íadi comini jamánomo jáífodo caillíoidiaioi. Jáímíiai jáífodo daidíaioi. Illaíma ifona jamánomo írinote. Jaca jefomo uibíñede, jamánomo íaioi úrioinaza. Jira illaíma llazíraini gairiracomó íena uitátate. ³⁵ Afeco caífo jáirabicimo íaioi dúcina llezica, llazíraini Páblona caífodo rocádiaioi, comini íena llaitada íaioi fáiacana jira.

³⁶ Afémie uilla óođana caillícana daidíaioi:

—¡Pablo dama tíideza! —daidíaioi.

Pablo íe abí ríidollífue comini uíecomó llote

³⁷ Afécomo íena uizájidiaioimo, Pablo afe llazíraini illáímamo griego uáillaído jicánote:

—¿Meita comínimo úriredicue? —daide.

Jira aféllaíma uai ote:

—¿O griego uai úrillana ónodio? ³⁸ ¿Mei o egipcio ímieñedio? Afémie nauí jáíe illáímama benó jóoneacade. Táizícimo cuatro mil come fáraini uite, —daide.

³⁹ Jira Pablo íena daide:

—Tarso jófuemo jococa judíodicue. Cilicia éniemo ite ñue onórede jofue ímedicue. Comínimo cue úrilleza cuemo izire cácarei, —daide.

⁴⁰ Iemona afe illaíma Páblona fairíote. Iemo Pablo afe caífo jáirabicimo náidaillano comínina ónoído lláicaitade. Íaioi úrioina lláicaillamona Pablo afémaci uáillaído íaioimo úrite. (Afémaci úrilla uai ‘hebreo’ daína.) Íaioina daide:

22

¹ —Cai comini naa illáicomini diga, omoi cácarei. Cue abí ríiduafue jino llóiticueza, —daide.

² Hebreo uaido íaioina dáinana cacáillano, íere tíi daidíaioi. Iemona Pablo íaioina daide:

³ —Cue judíodicue. Cilicia éniemo ite Tarso jófuemo jocócacue. Mei íadi benó Jerusalemó comútagacue. Afe mei Gamaliel llófuegacue. Cai jáiáidígima ocuífauíai llúana íere áfemo júruiticue. Jaca Juzíñamuimo táíjinafuemo comeci cue facai izói naa cue ríinodo íere járitaífredicue. Ua ja biruí Juzíñamuí ocuífauemo omoi járitailla izói jáiai daií járitaífredicue. ⁴ Jáiai Jesumo ínotinona daje izói fállena racádicue. Afe dáruido íñíiai ringóniaíri llavéracomó lláviaidicue. ⁵ Lletáiraini illaini nauí comini cue lláviafuemo uai nabáiraini itíaioi. Daje izói nana illáicomini rábiai cue fécamo uai nabáiraini. Afe rábiaído Damáscomo ite cai ámatiai júduai jénuaidicue. Dinomo ite Jesumo ínotino jénuaidicue, atida Jerusalemó íaioina duere cue finóallena.

*Pablo íemo ite fñénidifue méidua jino llote
(Hch 9.1-19; 26.12-18)*

⁶ ‘Mei íadi Damasco iodo jáidicuemo, ja jáiciri ítemo afe jófueмо dúciacadicue. Afe llezica monámoma jamánomo riire cuemo egáñiocaide. ⁷ Iemona éniemo baídícue. Afe llezica monámoma cuena daína uai cacádicue; aféuai cuena daide: “Saulo, Saulo ¿nibái mei cue racádio?” ⁸ Mei jira jícanoticue: “¿O mei búdio?” Jira afémie cuena daide: “Nazaret ímie Jesúsicue. Daa o racácamiedicue,” daide. ⁹ Cuedo jáidino afe egáñiuana cióillano jacínaitiaioi; mei íadi cuemo úrite uaina cacáñediaioi. ¹⁰ Jira íena daídícue: “Ocuíraima, ¿mei ñie izói íiticue?” Jira afémie cuena daide: “Náidacaillano o jailla Damasco jófueмо jai. Dínomo o finóllifuiaina omo llóitiaioi,” daide. ¹¹ Afe riire egáñua cue ui dúitaga. Ie jira cue nabáñiaí Damáscomo ónoido jainátaoicagacue.

¹² ‘Afénomo ite Ananíasna mámece redimie. Afémie iere Moisés ocuífueмо ñinofirede. Nana Damáscomo ite judíuai ññefuena íemo nitáfirediaioi. ¹³ Iemo afe Ananías cue uáiduaibite. Billano cuena daide: “Cue ama Saulo, o ui meine nane cíoteza,” daide. Daí daina llezica meine cue ui ñue cíoide. Afémiena ciódicue. ¹⁴ Mei jira afémie cuena daide: “Cai jáiairagima Moo Juzíñamui nizécamedio. Afémie jáiai ninómoma ona nizede íemo o táijillifuiái jino omo llóllena. Ua dama Jesús fuémoma ie úrilla uáillaina cácaítio. Afe llezica jáicina ñue finófredimiena Jesuna cíoitio. ¹⁵ Mei o cacánafuiái o ciónafuiái diga nana comini uícomo jino llóitio. ¹⁶ Mei birui ¿mñicari jizídio? Náidacaillano o báutizatari. Ocuíraima Jesús mámeceмо ñue ñinori. Afedo o fñénidifue jae muiñócaza,” dinori Ananías daide.

Pablo Judíoñedinomo ie orécafue jino llote

¹⁷ Pablo nai úrite. Iaioiña daide:

—Jerusalemo meine cue billa llezica, Juzíñamui mo gairíracomo úrizaidicue. Dínomo ñicai anado ciódicue. ¹⁸ Cai Ocuíraima Jesuna ciódicue. Afémie cuena daide:

—Jerusalémoma mai raire oni jai. Afémaci cuedo o úrilla jéruíñeítiaioi, —daide.

¹⁹ Jira Ocuíraimana daidicue:

—Nana afémaci omo ñnotinona llófueriracomо cue lláitainafuena onódiaioi. Llavéracomo íaioina fácana cue uilláfuemo uibíoidiaioi. ²⁰ Esteban o mámeceмо úrite tájitagamie. Afémie tíde die tota llezica afénomo íiticue. Aféfuemo “Jii” daidímiedicue. Ie emódomo Esteban fatímie inícuirona oni llídícue, —daidicue. ²¹ Mei íadi Ocuíraima cuena daide:

—Mai jai. Judíoñedino cigimo jica ona óreíticue, —daide.

Pablo llazíraini illaíma anamo illafue

²² Afe dínó afeno comini íanori tíi daidíaioi. Mei íadi dánomo nane caillíoicana daidíaioi:

—¡Bie íima dama tíideza! ¡Afémie cáaillinona íñeite! —daidíaioi.

²³ Nai are caillíoidiaioi. Iere icírrillano dani íaioi inícuiruai cúaçoidiaioi. Afe llezica eníhomaiái caifo táinomo júcoidiaioi. ²⁴ Ie jira llazíraini illaíma Páblona íaioi gairíracomo orede. Oriano dínomo zechénotade ie finócafue jino llóllena, comini riire íemo fieni caillíoinafuena onóllena. ²⁵ Ja maitá fállena naidánega, íemo Pablo dínomo ite jabóllaimana daide:

—¿Jicánoñeno romano ímiena fárediomoi? —daide.

²⁶ Afena cacáillano jabóllaima llaizírairi illáimamo lluájide; lluájillano daide: —Bímiemo o duere finóacanafue o jírcaiñeno iri; afémie romano ímieza, — daide.

²⁷ Jira afe llaizírairi illaima Páblomo jicánuaibite; daide:

—¿Ua romano ímiedio?

Jira Pablo:

—Ie mei, —daide.

²⁸ Jira afe illaima daide:

—Aillo cue úcube baiílla baimo romano ímiena jáidicue, —daide.

Iemo Pablo daide:

—Cue jaca romano ímiena jocócacue, —daide.

²⁹ Afe daí ie dáinamona, ie zechénotino afémiemona oni raíidiaioi. Nana afémaci naa aféllaimaori jacínaitaioi ie íaioi llaitari; afémie romano ímienana íaioi fidínamona.

Pablo judíuai Nahí Ríillaini uícomo naidánetaioi

³⁰ Afe jáiruido afe llaizírairi illaima Páblomo íaioi jítacafuaina ñue jaícina onóiacade. Ie jira lletárirairi illaini naa íaioi ríillainiri dánomo gairítate. Afe mei Pablo llaveina llójei zúitano íaioi uícomo bai naidánete.

23

¹ Dinomo Pablo Nahí Ríillainimo éroicaillano daide:

—Cue ámatiai, cácarei. Jaca birui comeci mánaínafuedo Juzíñamui uícori caimare iticue, —daide.

² Ie jira lletárirairi illaima Ananías Pablo abimo itino fúena putátate. ³ Jira Pablo íena daide:

—¡Afe izóí Juzíñamui ona fátaite! Jae jinóidiuaido ñue úritio, o comeci fiénide íadi. ¿Jadí ráiidio ocuica uai daína izóí cuemo jicánollena? Iemona ¿nibái mei ocuicafue uáitano cue fúena putátatio? —daide.

⁴ Iemona afénori itino íena daidíiaioi:

—¿Nibái daí Juzíñamui caifoide lletáriraimana báínotio? —daidíiaioi.

⁵ Jira Pablo daide:

—Amatai, afémie caifoide lletáriraima ie íllana onóñedicue. Onódicueza Cuegáuailai daide: “O jofue ríimacina báíñoñeno iri,” —daide.

⁶ Iemona Pablo Nahí Ríillaini cigimo itínona fidide. Afémacimona dárie fariséuaimo jaináidiaioi. Jáímaci saducéuaimo jaináidiaioi. Ie jira íaioina riire daide:

—Amatai, cue fariséodicue. Afe emódomo fariseo ímie jítódicue. Ja birui cuemo jicánotiaioi, mei tídimaci meine abido cáailiruimo cue úíñua jira, —daide.

⁷ Daí daína meífomo, fariséuai saducéuai diga conímamo jofu afefue riire júfidotiaioi. Iemona afénomo gairídino dázierie bozíetaidiaioi. ⁸ Afe saducéuai tídinona meine cáañeite daidíiaioi. Afe emódomo Juzíñamui abi imácina íñede, daje izóí joríaiaina íñede daidíiaioi. Mei íadi fariséuai nana aféfuaimo ínotiaioi.

⁹ Nana caillídiaioi. Ie mei dárie ocuicauai llófueraíni naidáidiaioi. Afémaci fariséuai dibénemo jaináidiaioi. Caífo naidáillano daide:

—Bímie fiénidifuaina caido llócaíñede. Nibai joreño íemo úrilla; nibai Juzíñamui dibénedo úaitañeíticai, —daidíiaioi.

10 Afe júfiduafue riire anado jaide. Iemo llazíraini illaíma Pablo íaiói tibéruari jacínaite. Ie jira aféllaíma íaiói cigimona Páblona llazírainina oni uitátate. Uillano meine íaiói gairíracomo íena orétate.

11 Afe jíáie naío Ocuíraíma Jesús Páblomo cíocaillano daide:

—Pablo, jacíruiñoeno, abí mame. Benó Jerusalem o cuedo o úrilla izói, daje izói Rómamo úrizaitio, —daide.

Pablo fállena mámiafue

12 Afe jíáiruido judíuaimona dáarie Pablo fállena maméritiaíói. Dani íaiói abí faidódiaíói. Jira fiénide uáillaído daidíaíói:

—Páblona nai cai fáñeille dino güñeíticai, jíroñeíticai, —daidíaíói.

13 Afe daíí úritimíai cuarenta baimo jaide. 14 Iemona afémaci lletáiraini illáinimo naa judíuai éinamaciri jáidiaíói. Dinomo daifzaidiaíói:

—Dani cai abí fiéni daínáfuedo faidódicai. Pablo cai fáñeille dino güñeíticai, jíroñeíticai. 15 Mai omoi naa jíáie Nahí Ríillainiri llazíraini illáimamo Pablo uire jiti atíllifue jica. Fia daí íemo lloíri, meine nane íemo itífue izire omoi jícanollena. Afémie nai dúciñeite, afe atica llaitada íena títaiticai, —daidíaíói.

16 Mei íadi Pablo comoma afe Páblona íaiói fáiacanafuena fidízaibite. Iemona afémie llazíraini gairíracomo Páblona llujáide. 17 Mei jira Pablo jabóllaíma jírrillano daide:

—Bie jítócome llazíraini illáimamo úi. Afémiemo lloífufuena íteza, —daide.

18 Afe jabóllaíma íena uillano, llazíraini illáimana daide:

—Afe llaveca Pablo cue jírrillano bie jítócome benó cue atíllena jicade, afémiemo da lloífufuena íteza, —daide.

19 Afe llazíraini illaíma afémie ónoído oni eneno jícanollena uite; daide:

—¿Níifue cuemo lloíacadio? —daide.

20 Jira afémie daide:

—Judíuai jae nana dáfuerrillano meine comeci facádiaíói. Uire jiti Pablo Nahí Ríillaini uícomo meine o atítallifue jícaítiaíói, meine íemo izire íaiói jícanollena. 21 Mei íadi íaiói jícállifue mo ínoñoeno iri. Afémacimona cuarenta baimo dígamie báinino Pablo fállena jónetiaíói. Afe fáiacadino dani íaiói abí faidódiaíói. “Pablo nai cai fáñeille dino, güñeíticai; daje izói jíroñeíticai,” daidíaíói. Ja birui afémie fállena ñue finóbidiaíói. Mei íadi o uai ollífuemo nai úiñoidiaíói, —daide.

22 Iemona afe llazíraini illaíma afe jítócomena:

—Mai o jairi, —daide. Afe íemo ie lluaíbigafuena jíáimacimo “Lloñoeno iri,” daide.

Caifóidillaíma Félixmo Páblona orédiaíói

23 Mei jira afe llazíraini illaíma mena jabóidillaíma uáidote. Uáiduan o íaillinoína daide:

—Mai doscientos díga llazíraini mácaítinona finóbitari. Afe llezica setenta dígamie cabállodo jáitínona finóbitari. Afe emódomo doscientos dígamie zídaíairi jáitínona finóbitari. Nana afémaci nauilla baido Cesaréamo jáitiaíói, —daide.

24 Afe llezica Pablo jaille cabállona finóbitade. Daje llezica Pablo ñue fañoeno cáanori caifóidillaíma Félixmo uitátate. 25 Afémacido cuegabe orede. Afe cuegabe daide:

26 “Cue Claudio Lisias mamécacue. Jamánomo cáimafuerede caifóidillaíma Félix, o uáidotícue. 27 Judíuai bímie lláitano duere finótaacadiaíoi. Iena fáiacadiaíoi. Mei ie romano ímie íllana cue fidínamona cue llazírainido íena ríiduaidícue. 28 Iemo íaíoi jítácafuea onóacadícue. Ie jira judío Ríillaini uícomo íena uitátaticue. 29 Ie mei aillo íemo júfidogafue záilla meífomo íemo nífuena baiñédícue. Dani íaíoi mo ocuica uai ie jeire ie oñena íemo nitádiaíoi. Mei íadi ie cue fallífuena íñede. Daje izóí ie cue llavéllífuena íñede. 30 Dani afémie íaíoi nane fáiacanafuea cue fidínamona, íena omo orédicue. Afe llezica nana íemo fiénidífuai nitádinona daidícue: Mai Páblomo nífue o nitáadi caifóidillaíma Félix uícomo o daíízairi. Mai, jae níie.”

31 Mei jira nana llazíraini íaíoi illaíma ocuilla izóí Pablo uitíaíoi. Afe naíoi Antípatris jófuemo íena uitíaíoi. 32 Afe jítiramo eíbado jaide llazíraini meine íaíoi iníracomo bitíaíoi. Ie mei cabállodo jáidino Páblooiri nai Cesaréamo jáidiaíoi. 33 Dínomo afe Cesaréamo dúcillano, afémaci uiga cuegabe caifóidillaímamo izájidiaíoi. Daje izóí Pablo íemo fecádiaíoi. 34 Afebe facádua meífodo, caifóidillaíma jicánote:

—¿O nino ímiedío?

Pablo uai ote:

—Cilicia énie ímiedícue, —daide.

35 Ie jira íena daide:

—Omo fiénidífuena nitáдино bíadi ona cácaíticue, —daide.

Afe mei Félix Páblona Herodes illaíma illaco áillocomo rairuítatinona uitátate, afécomo íena íaíoi ñue rairuillena.

24

Félix uícomo Pablo abi ríiduafue

1 Jubécuiro dígarui illa meífodo lletáriraini illaíma Ananías Cesaréamo bite. Afémiedo dárie éinamaci bitíaíoi. Dáruído, caifóidillaíma uícomo raire úritímie bite. Afémie mámece Tértulo. Nana afémaci caifóidillaíma Félix uícomo Páblomo jítácafuaí nitaíbitiaíoi. 2 Pablo íaíoi átia llezica, Tértulo íemo jidífue riire nitade. Félixna daide:

—Cai izíruiga caifóidillaíma, ori íóbiacadicaí. Ñue záillafue caímo ite; íemo caímare llíicaíllafueo iticaí. O fibíllafuedo nana ñue ocuicacai. 3 Nana bífuiaíri náragobiaído íóbioídicaí. Félix o iere jamánomo figomiedío. 4 Mei íadi are o cue áfedoñeilleza cai úrillano o cacáreíllena omo izire jicádicue. 5 Bímie fiénide duico billa izóí bíllana cíodicaí. Naga éniáído llócaide judíuai oni énenorie bozétaiíllena. Afémie Nazaret ímie Jesumo ínotino ífódimie. 6 Ícoímo cai Juzíñamuímo gairíraco ero bácajide. Ie llaitádicai ñue afémiemo cai ocuina uai daína izóí jicánollena. 7 Mei íadi llazíraini illaíma Lisias aféfuemona caína rairuide. Iemona cai anámona íena ríífuedo oni baírode. 8 Afe emódomo caína daide: “Bie cómemo bífue jítáдино odo bírediaíoi.” Dama o afémiemo jicánorena, nana íemo cai jítácafue uáfueíteza. Daíí áfena uáfuea onóitio, —daide.

9 Aféno mo jaide judíuai nana aféfuiaína uáfuaí daídíaíoi. 10 Jira Pablo úrillena caifóidillaíma ónoído llote. Jira Pablo daide:

—O uícori cue abi ríiduafue jino caímare llóíticue. Jaíai díga fimona bie nairai o jicánoraímana o íllana onódicueza. 11 Ja doce dígarui íllamona Jerusalemo Juzíñamuímo ánozillano íemo caímare úrillena dúcidicue.

Aféfuenta dama o jicánorena, ñue o ónoillena. ¹² Bumo riire cue úrillana cacáñediaioi. Daje izói Juziñamui gairíracomo comínina fienu faillíñaitañedicue. Iemo jiái Juziñamui llófueriracomo daje izói júfidogafuiai finótañedicue. Daje izói nairai jófuedo nífuena lloñedicue. ¹³ Nana bimaci cuena nitácafuiaina bu áfena uafue daiínina. ¹⁴ Mei íadi dafue jino llóiticue. Judíuai fienu mameca fiénidiodo jáidicue. Afe como Jesús lloga iodo cue jáillamona cai uzútai Moo Juziñamuimo táijidicue. Mei nana cuega ocuica uáillaina ínoticueza. Afe daje izói nana uai jino lloraini Cuegánicuaiimo ite uáillaina ínoticue. ¹⁵ Iaiói Juziñamuimo úiñoínafue daide: “Tíidino ñúemaci fiénidimaci diga meine abído cáaitiaioi.” ¹⁶ Ie jira Juziñamui uíecomo nífuenidimiena cue íllena jaca nágarui cue comeci ñue finófredicue. Afe izói comini uíecomo nífuenidimiena íadadicue.

¹⁷ ‘Ja diga fimona jáínuiamio cue maca meífomo, meine cue éniemo Juziñamuimo fia fecaca úcube izáibiticue. Afe izói dúeredimacimo dúecaillano úcubena fécaibiticue. ¹⁸ Afe daí cue feca llezica, cue comécimo ite íaifuiái cue múiñuafuemo nícidoticue. Daí cue comeci nícidua meífodo afe úcube cue fecalle llezica, dárie Asia énie judíuai Juziñamuimo gairíracomo cuena baitiaioi. Afénomo nai comínina figo íñena llezica iticue. Afénomo ite comínina jaca buna faillíñaitañedicue. ¹⁹ Afénomo cuena ciódino benomo cuemo jítaibirediaioi, cuemo nífue íaioi nitáadi. ²⁰ Mei jáífodo nauí judíuai Nahí Ríillaini uíecomo cue illa llezica fiénidifue cuemo nauí íaioi báidi, benomo ite aféfuena cacáidino mai jino lloiri. ²¹ Aféruillaído íaioi cígiri cue illa llezica dafue riire íaioimo lloticue. Daidicue: “Ja birui cuemo jicánotiomoí tíidimaci meine abído cáaillifuemo cue ínua jira.” Dino Pablo úrite.

²² Félix Pablo daí dánana cacáillano, aféfuena dinó fiénocaide. Afe Jesucristomo dibénemo itino finócafuiaina Félix ñue fibidimie. Ie jira aféfuena dinó fiénocaide. Fiénocaillano daide:

—Fui llazíraini illaima Lisias dúciadi bie ómoimo itifue afémie cuemo ñue jino llóite, —daide.

²³ Iemona Félix, jabóidillaimana ocuíde Páblona nai zuitátañellena. Mei íadi ie comini ie uáiduaibillena rairuñede. Afe izói ie íaioi cánuaibillena jeruñede. Afe daí Félix Pablo figo riire llavétañede.

²⁴ Afemona afe mei dígarui íllamona, Félix meine dúcide ie ai Drusila diga. Afengo judío ingo. Félix Pablo jírítade Jesucristomo ínuafuedo úrillena. ²⁵ Afe ínuafuedo úrilla llezica Pablo ñue jaícina jáillifuedo úrite. Afe daje izói ñue comini íllena abi rairuínafuiai llote. Ie émodomo írairuimo comini jicánollifue jino llote. Aféfuaina cacáillano, Félix jacínaite. Jacínaillano daide:

—Mai birui jai, uire cue jitáilliruido nane ona jíríticueza, —daide.

²⁶ Afe jááfue Félix, Pablo ie zuitalle úcube fecalle úiñote. Ie jira diga ícaíño Félix íena jíjíríde ie diga úrillena. ²⁷ Mena fimona daí íhídiaioi. Afe mei Félix ie ílláimana íllano fáicanocaide. Ie meífomo Porcio Festo ílláimana jónetiaioi. Félix judíuai uícori ñue íacanamona llavécamié Páblona zuitáñeno oni jaide.

¹ Ie meífomo Festo ja illáimana bite. Afe mei daruíamani illamona Cesaréamona Jerusalemo jaide. ² Dinomo lletáriraini illaini naa judíuai ríimaciri Páblomo íaioi nitácafuiai nane Féstomo llotíai. ³ Jerusalemo abido Pablo oréllena izire jicádai. Pablo io anamo íaioi fallífuea maméritiaioi. ⁴ Mei íadi Festo íaioi uaimo daide: Pablo nai Cesaréamo llaveca. Nano íanori illamona afénomo nane jáitícue.” ⁵ Jira íaioina daide:

—Ie jira omoi cígiri ite ríimaci mai cuedo Cesaréamo jairi. Afémiemo nífue íadi dinomo íemo nitajirediomoi, —daide.

⁶ Festo afe Jerusalemo nano ocho níbai diez dígarui illa meífodo meine Cesaréamo bite. Afe jáíruido ie ríire jicánoranomo ráinazaide. Páblona atítate. ⁷ Pablo afénomo jofo jáidemo, Jerusalémona como dúcide judíuai íemo áinozidiaioi. Ainozillano aillo fiénide ráfuiai íemo nitádai. Mei íadi aféfuiaimo inollífuea íñede. ⁸ Mei jira Pablo ie abi ríiduafuea daide:

—Cue nie fiénidífuea finóñedicue. Judíuai ocuífufuiai uáitaoíñedicue. Íaioi gairiraco ero bácañedicue. Daje izói romano caifóidillaíma uáillaína uáitaoíñedicue, —daide.

⁹ Mei íadi Festo judíuai cígiri ñue íacade. Jira Páblomo jicánote:

—¿Jerusalemo abido jáiacadio omoi nitácafuiai dinomo cue jicánolleza? —daide.

¹⁰ Jira Pablo uai ote:

—Ja birui romano illaíma uícomo náidadicue. Ja benomo cuemo nitácafuiai jicánorede. Mei judíuaimo nífuenidimiedicueza ñue onódio. ¹¹ Cue títaite fiénidífue cuemo íadi, áfemona abi jáanoñeiticue, mei íadi nana cuemo íaioi nitácafuiai táínofue íadi, buna íaioímo cuena ríifuedo izájínide. Dama romano jamánomo ocuídillaíma cuemo jícáno daidícue, —daide.

¹² Iemo ie fidítatimíaimo úrilla meífomo, Festo daide:

—Mei “Jamánomo ocuídillaíma cuemo jícáno” daidíoza, ie jira afe jamánomo ocuídillaímamo ona óreitícue, —daide.

Pablo illaíma Agripa uícomo illafue

¹³ Diga irui illa meífomo illaíma Agripa ie ai Berenice diga Cesaréamo Festo uáiduaide. ¹⁴ Afénomo diga irui itiaíllinoímona, Festo Pablo rafue Agrípamo llote. Iena daide:

—Félix fiénocaiga llavécamié nai benomo ite. ¹⁵ Naui Jerusalemo cue jailla llezica, lletáriraini illaini, naa judíuai éicomíniri íemo íaioi nitácafuiai cuemo llotíai. Ie duere cue finóllena cuemo jicádai. ¹⁶ Jira íaioi uai otícue. Íaioina daidícue: Romano ríimaci íaioi fibilla izói, afefue nitádimie íemo nitácamie uícomo conímamo jofo eróicana nai úríñenia, nitácamiena fañédai. Afe daí táínofue nitácamie ie abi ríiduafuea finórede. ¹⁷ Ie jira afémaci benomo billa llezica, raire afe jáíruido cue jicánoranomo ráinazaidícue. Ráinazaillano afe cómena atítaticue. ¹⁸ Mei íadi afémiemo nitádimie cue comeci dáina izói nitáñediaioi. ¹⁹ Daa íemo íaioi nitácafue fia íaioi inogafuiaimo jaináidífue. Daje izói da Jesudo úrtiaioi. Afémiena tíide daidíai; mei íadi Pablo “Caade” daide. ²⁰ Mei aféfuena onóñedicueza. Nie izói aféfuena níbaítícue, daidícue. Jira Páblomo jicánoticue: ¿Jerusalemo meine jáiacadio dinomo omo nitácafuiai ñue jicánollena? ²¹ Mei íadi afémie jamánomo ocuídillaíma Augusto íemo jicánollena jicade. Ie jira nai íena zuitáñedicue. Iena rairuidícue jáíruido afe caifóidillaímamo ie cue oréllena, —daide.

²² Jira Agripa Féstona daide:

—Cue jiái daje izói afe iima uaimo cacáreacaducue, —daide.

Jira Festo uai ote:

—Uire jiti cácaitio, —daide.

²³ Afe jítiramo, Agripa Berenice diga dúcillano, áillue gairíraco nana jofu jáidiaioi, naa llaziraini illáiniri, naa jofue rímaciri. Ua aillo ebire finóbillano jofu jáidiaioi. Dinomo Festo Pablo jírítade. ²⁴ Afe mei Festo illaíma Agrípana daide:

—Illaíma Agripa, nana cairi benó gairídinori, omoi cácarei. Bímíemo omoi eroi. Aillo judíuai afémiedo cuemo úritiaioi. Benó Cesaréamo cuemo úritiaioi; daje izói Jerusalem izire cuemo jicádiaioi. Jaca fáinocaiñeno ie titácanafuena cuemo llotíaioi. ²⁵ Mei íadi afémíemo comeci facádicue, íadi ie cue titállifuena íñede. Mei caifóidillaíma Augusto íemo jicánollena dama jicade. Jira afémíemo íena oréllena mamédicue. ²⁶ Mei caifóidillaímamo afémie rafue cue cuellífuena íñede, ¿níífue mei cúeiticue? Ie jira, Agripa, bímie o uíecomo atídícué íemo omoi jicánollena. Afedo caifóidillaímamo cue cuellífuena ónoíticue. ²⁷ Mei cue comeci daide: Da llavécamié cue oréadi, íemo íaioi nitácafueña óñoñenia, níbai afefue tánofue, —daide.

26

Illaíma Agripa úcori Pablo abi ríiduaufue llote

¹ Jira afe Agripa Páblona daide:

—O dama o abi ríiduaufuena llórena, —daide.

Iemona Pablo como fueñe íaioímo úrite; daide:

² —Illaíma Agripa, cue abi ríidollífue o uícomo cue llóleri íóbidicue.

Nana judíuai cuemo nitaca tánofuíai jino jaícina llóíticue. ³ Nana judíuai bíbillafuíaina ñue onódioza. Daje izói conímamo cai úrillafuena onódio. Aferi iere íóbidicue. Ie jira fáicana cue úrillamo o cacáreíllena jicádicue.

Pablo íemo ítifue méiduaufue uícomo finócafuai

⁴ ‘Nai cue úruenamona dama cue éniemo, daje izói Jerusalem íaioi cígiri nana judíuai cue illáfuena onódiaioi. ⁵ Daje izói cue jítócomenanomona fariseo ímíena cue íllana onódiaioi. Afémaci jitaía aféfuena jino llóredicue. Cai ínogafuíaimo afe fariséuai jamánomo ríire jaináidino. ⁶ Íaioi ínogafue izói Juzíñamui tíidino meine abido cáatallífueмо ínotícue. Juzíñamui daje afe cáallífue cai jáíairagímamo llote. Afefue ícoínia birui bie jicánollífueмо cuena atídíaioi. ⁷ Cai Israel doce nairai afe uícomo llogáuai fuizájillínomo úíñoídiaioi. Ie jira mona naio diga Juzíñamui mo ánozillano caimare úritiaioi. Afe izói íemo táíjidiaioi. Illaíma Agripa, afe bie daje úínogafue ícoínia, judíuai fíénidífuíai birui cuemo nitádiaioi. ⁸ ¿Níbaí mei daí comeci facádiómoí? ¿Níbaí mei afe Juzíñamui tíidino meine abido cáatallífueмо buna ínonide, daidíómoí?

Pablo nauí Jesucrístomo ínotino rácafue

⁹ ‘Nazaret ímie Jesús mámecimo jaináidino duere cue finótallena, nauí aféfuemo comeci facáoidicue. ¹⁰ Iemona Jerusalem ímácina duere finótaticue. Lletáriraini íllaini ríibiaido aillo Jesumo ínotinona llavéracomo íbaicotadicue. Comini afe llavécamací titácana llezica aféfuena fairióticue. ¹¹ Diga ícaíño íaioina duere finódicue, íaioi ínogafue féitallena. Afe duere finótafue naga

llófueriracuaido daií finódicue. Afe ínnotinona jamánomo fiéniruidicue. Ie jira afémacina onínemaci jófueo racádicue.

Pablo íemo itífue méidoinafue nane llote
(Hch 9.1-19; 22.6-16)

¹² ‘Bie daií comeci mamérrillafuedo Damasco jófueo jáidicue. Lletáriraini illaini ríibiaído comini llaitállena orécacue. ¹³ Mei íadi jáiciri ia iodo jáidicueo, jamánomo monámona riire cuemo egáñocaide. Afe egáñua jítoma egáñua baimo meáirede. Cue abimo egáñocaide naa cuedo jáidinori. ¹⁴ Iemona nana éniemo baídicaí. Hebreo uáillaído monámona cuena daínana cacádicue; cuena daide: “Saulo, Saulo, ¿nibái mei cue racáido? O dama o abi fieni finódio. Aillue juráreto jiúrainomo ite jáirede razi. Afe rázimo juráreto záitacailla jilla izói, afe izói dama abi daií finódio” daide. ¹⁵ Jira uai oticue: “Ocuíraíma, ¿mei o búdio?” Jira afémie cuena daide: “O racácamié Jesúdicue. ¹⁶ Mai náidacaillano macácana jai. Jae cuedo o táijillena omo cíocaidicue. Afemona birui o cíónafueo uai nabáiraímana íitio. Ie meífomo jáíruido jáífuiaí omo ácataiticue. Aféfuiaímo nane uai nabáiraímana íitio. ¹⁷ Ja judúuáímona jáíe jicáneziemo ona orédicue. Dinomo ona lláitaitiaioí íadi ona jllotaiticue. ¹⁸ Dinó afeno imácimo ona orédicue, íaioí comeci o zuitállena. Afemona, jítifodo íaioí macáñeno úzefodo íaioí macállena o orédicue. Daje izói nana íaioímo ona orédicue Taiíe íaioí náamatañellena, mei íadi Juzíñamui dibéfomo íaioí jaináillena. Afe izói íaioímo ona orédicue cuemo íaioí ínollena. Iemona íaioímo ite fiénidífuiaí dóficaite. Afe fiénidífuiaína dóficaidino íaioí feci raa máíñoitiaioí naa jáíe Juzíñamui ñue finócamaciri,” daií Jesús cue ocuide.

Nícaí anado Jesús íemo ocuícuaí Pablo jeire ote

¹⁹ ‘Mei jira, illaíma Agripa, monámona cue cacánafuena jámairuíñedicue; mei íadi áfena jeire uano fueñe Damasco imácimo afe úrilla uai jino lloticue. ²⁰ Afe meífomo Jerusalén comínimo daje izói nana judea éniedo llócadicue. Afe izói jáíi judíoñedinomo llócadicue. Nana íaioímo itífuiaí íaioí meídollena riire lloticue. Iemona Juzíñamui dibénemo íaioí íficaillena íaioí llófueticue. Ñúefuiaído íaioí macállena lloticue íaioímo ite meídogafue jino ácatallena. ²¹ Afe bífuiaí cue llua ícoínia, judúuáí Juzíñamuimo gairíracomo cuena llaitada fáiacadiaioí. ²² Mei íadi Juzíñamui cue cánuado nai biruimo ñue jáicadicue. Naga cómemo, illáicomini naa jamai comíniri Juzíñamuido úricaidicue. Moisés llua izói lloticue. Jaiái uai jino llóraini llua izói llófueticue. Nana íaioí lloga caímo ífícaítífuiaí jino lloticue. ²³ Jaiái ninomo úcomo llotíaioí: “Cristo duere finólleza,” daidíaioí. “Afe meífomo tíite; tíillano meine abido cáate. Afe daií fueñe tíidímiemona meine abido cáaitímiéna maméllímiéite.” Daií aféfuena daidíaioí. Afe omódomo jáíífué daide: “Cristo cáaillemona, comini jílloíllífué jino llóite. Ua cai náiraímo llóite. Daje izói jáíe náiraína fidítaite,” —dinó Pablo úrite.

Pablo Agripa Jesucristo dibénemo jaináillena llote

²⁴ Daií Pablo afe abi ríiduafue llua llezica, Festo caillíoicana daide:

—¡Pablo, o uáiritaidio! Aillo rábiaí o facáduamona o ífoci uáiritaide, —daide.

²⁵ Jira Pablo uai ote:

—Fígomié Festo, cue uáiricoíñedicue. Mei jáíífodo cue daínauai ñue comécido facádorede. Aféfuiaí uafue. ²⁶ Benori illaíma Agripa ite, bífuiaína

ñue onódime. Ie jira comeci mánainafuedo afémie uíecori úriticue. Afémie nana bífuiaina ie onónana ñue onódicue. Afémie nana bífuiai báinino izúgumo lloñégaza onode. ²⁷ Illaíma Agripa, ¿uái jino llóraini llogáuaimo ínotio? O ínuana onódicue, —daide Pablo.

²⁸ Jira Agripa daide:

—¿Jesucrístomo afe dibénemo cue jaináillena raire cuena ífcaitaacadio? —daide.

²⁹ Jira Pablo íena daide:

—Raire Crístomo jaináidimiena o ífciaidi, o are íllamona Crístomo jaináidimiena o ífciaidi, nai birui Juzíñamui uaillai ñue jeire o ollíue jicádicue. Afe izói dama óieñeza mei íadi cue Jesucrístomo ínuua izói nana cue úrillamo cacáeidino Crístomo ñue ínotinona jítádicue. Mei íadi llójeina cue máina izói ómoína maitátaacañedicue, —daide.

³⁰ Pablo aféfuiai llua meífomo, illaíma Agripa caifo náidacaide, afe caifóidillaíma Festo díga. Afe llezica ie ai Berenice nana dinó ráiedino díga caifo náidacaidiaíoi. ³¹ Náidacaillano bai eneno jáidiaíoi aféfuiaido úrillena. Dinomo jofo conímana daidiaíoi:

—Baie cómemo ie titálfuena íñede. Daje izói llavéracomo ie llavéillinona íñede, —daidiaíoi.

³² Jira Agripa Féstona daide:

—Bímie nauí jamánomo ocuídillaíma íemo jicánollena jicáñeniadi ja birui zuitárede, mei íadi báillaimamo jicádeza zuitánide, —daide.

27

Pablo Rómamo oréinafue

¹ Pablo Itáliamo oréillífuemo maméritiaíoi. Iemona Pablo naa jáie llavécamiári jabóidillaíma Júliomo izájidiaíoi. Afémie Augusto llazíraini iguéllimo jainaide. ² Iemona Adramitio ígobemona áillue nocaedo jáizaidicai. Afecae nana Asia énie ígobiaido zíjicana ja jáizaide. Daje llezica Tesalónica ímie Aristarco caido jaide. Tesalónica Macedonia énie jofue. ³ Afe jítiramoidiruido Sidón ígobemo dúcidicai. Afégobemo Julio iere caimare Páblomo úrite. Iemona Páblona rairuíñeno ie onóigamiaina uáiduajitade. Afe daíí ie onóigamiaina Pablo jitaica raana fecárediaíoi. ⁴ Sidón ígobemona jáidicai. Jaillano monáillai cigi idu Chipre jarífezimo féicaidicai, mei jairifo jáífodo cai ñuitáocaillamona. ⁵ Dinómoma Cilicia énie áinodo Panfilia énie díga baido monaillai cigído jaitádicai. Afe mei Licia éniemo ite Mira ígobemo zíjidicai.

⁶ Dinomo llazíraini illaíma Alejandríamona bite, Itáliamo jáizaide áillue no-caena cóizaide. Afécaemo afémie caina nana jofo orede, afénomona afécaedo cai jáillena. ⁷ Dinómoma díga irui fíaicana juare jáidicai. Icoímo Gnido jofue féifenemo dúcidicai. Mei jairifo nai jáífodo oni cai ñuitáocaillamona monaillai cigi idu Salmón féifenedo jáidicai. Ie jira monaillai cigi idu Creta onido nefícana jáidicai. ⁸ Afe monaillai fue áinodo fíaicana juare jáidicai. Icoímo Buenos Puertos mámeciredinomo dúcidicai. Afégobe Lases jofue áinori ite.

⁹ Jae díga iruillai fia fíaicana jáidicai. Iemo ja uáicimo ánozidicai. Iemona monaillai cigído cai jaitalle jamánomo jacírede. Ie jira Pablo íaíoina izire llote;

¹⁰ daide:

—Cuemo úrillamo omoi cácarei. Bie cai ruica cai jaille onódicueza iere jacíreite. Cai uiga ráaniai niné táinocaite. Cai jaille nocáe daje izói táinocaite. Daje izói cai nibai coróbaizaiticai, —daide.

¹¹ Mei íadi llaiziraini illaima nocáe naama jáiacanafue Pablo dainafue baimo jeire ote. Daje izói afecae illaima daina uai llaiziraini illaima jeire ote.

¹² Afégobe uáiciai úñíollena figo jínioñede. Ie jira nana comécido daidíaiói: “Nibai Fenice ígobemo jáidicaina figura izoide,” daidíaiói. Afégobe Creta énie mona icoi dibénemo ite. “Afe dinomo uáici záillena úñíoiticai,” daidíaiói.

Monáillaimo jamánomo riñrede jairifo noci diga jáiñuafue

¹³ Afe jáiruido mona átue dinena jairifo fíaicana fúuoide. Jira áfemo íñotiaíói ruica íaiói jáitallena. Afemona jáizaidicai. Afe Creta énie áinodo jáidicai. ¹⁴ Mei íadi due afe meífodo riñrede jairifo cai jailla nocáe riñre ñúitaibite. Ua afecae riñre aifóicaide. ¹⁵ Mei cai jáiacananomo jáinina jira, “Dama jairifo niné uigacai,” daidíaiói. ¹⁶ Iemona duera monaillai cigi idu Clauda jinófenedo jáidicai. Dinomo jairifo caina riñre fúuoñede. Ie jira cai abido uiga dúecae, fíaicana juare caifo bitádicai. ¹⁷ Dúecae bita meífomo, áillocae jéerie ñécigaido riñre jofo mozidicai. Afe mei guamáeaimo íaiói bíjizai dáii jacíruitiaíói. Afe guamáeai mámece Sirte. Afe jágiedo íaiói ñuite vela daina áillue iniroi ana zúicoidiaíói, cai nocáe fia jairifo fíaicana úillena. ¹⁸ Afe jáiruido afe jairifo riñre jaiñode. Ie jira íaiói uiga ráaie como fueñe afécaemona monáillaimo dócoidiaíói. ¹⁹ Ja daruíámani íllamo nocáe ero táijina ráaniai dani cai ónoido monáillaimo fíadoidicai. ²⁰ Aféruillaídoi diga irui jítoma naa úcuai diga cióñena. Dinomo afe riñrede jairifo llavécamiíai izói duere cai finode. Iemona nana jílloillena cai comécinafuaíai niné táinocaide.

²¹ Ja diga iruillaí gúññeno iticai. Ie jira Pablo íaiói cigímo naidáillano daide:

—Nana omoi cácarei. Naui Crétamona jáiñeíticai cue daina uaina jeire onéídomoi. Afe cue daina uaina ñue íñotíomoinia bie izói duere zefuññedicai. Daje izói nana cai atica ráaniai niné táinocañede. ²² Mei íadi, birui omoi jacíruíñeno iri. Bie nocaena niné táinocaite mei íadi ómoimona buna tíñeite.

²³ Mei ja naío Juziñamui oreca ie abi ímie cuemo daíizaibite. Afe Juziñamuimo jaináidímedicue. Afe izói íemo táijidímedicue. ²⁴ Afe oreca abi ímie cuena daide: “Pablo, jacináñeno iri. Romano jamánomo ocuidíllaima uícómo náidazaitioza. Ie jira o illa ícoínia nana nocaedo odo jáidínona Juziñamui tíllinomona jílloitaite.” Dinó Juziñamui oreca ie abi ímie cuena daide. ²⁵ Ie jira abí omoi mameri. Juziñamui uaimo íñotícueza. Ie oreca ie abi ímie cuena daina izói bie cai duere zefuññafuemona ñue jino jáíticaíza. Afe bífuena ñue onódicue. ²⁶ Mei íadi benómona daa monaillai cigi ídumo jairifo caina nétaite, —daide Pablo.

²⁷ Mena semana cai jailla meífodo daa naío Adria monaillai cai illa llezica, riñrede jairifo meine abido caina úioicaide. Iemo dáaferui illa llezica, marinéruai éñemo cai ánozillana comécido onódiaíói. ²⁸ Jira néé dinó afórede dainano facádiaíói. Facádiaíoiimo treinta y seis metros afórede. Nane afe baimo dáanomo facádiaíói. Ja veintisiete metros afórede. ²⁹ Noñiciaímo íaiói ñáijizaillana jacíruillano moi dibécaemona cuatro diga nocáe cuinara lloéllóici monaillai anamo dotádiaíói. Afe mei comeci jacíruioicana mona monaílle úíñotiaíói. ³⁰ Afe llezica afecae marinéruai “Bie áillocaemona mai cai botalli”

dani conímama daidíai. Afe daí íai botácanamona emódomo bitaca dúeca ana jáinoimo agüinetiaí. Afe llezica jáímacina jífueacana daidíai: “Bie dúecaedo áillocae ifo dibécaemo jáíe cuinara lloéloici dótaíticai,” daidíai. Daí afe nocáe ana agüniado jífuercadiaí. ³¹ Mei jira Pablo llaizíraini illámamo naa ie llaizírainiri lluno daide:

—Baimaci bie nocaemo fiébiñeno botáadi ómoimona buna jílloneilleza, — daide.

³² Te jira llaizíraini dúeca agüina ñécigai jaitádiaí, afecae illemo baiíllena.

³³ Afe monáidemo Pablo íaióina daide:

—Mai omoi güiri. Ja mena semana güíñediomoiza; iníñediomoi. ³⁴ Izire ómoína güitátaticue. Afe omoi güille jítaírede ñue omoi jíllollena. Uafue ómoimona buna córobaiñeite. Daje izói omoi abimona minícana due jiza báiiñeite.

³⁵ Daí daínano, Pablo daa pan llínuano nana comíni eróicana Juzíñamuina “fere figura” daide. Daí ñiano afe pan ditade güite. ³⁶ Afemona nana náirefcaidiaí. Afe daje llezica jáíno güitáiaí. ³⁷ Afe áillocamo doscientos setenta y seis dígamiedicai. ³⁸ Ja íai güiacaga güille güilla meífodo, fiébidu trigo illemo dotádiaí, afecae féecocaillena.

Afecae buíllafue

³⁹ Jae monáidemo, afe éniena onóñediaí, mei íadi guamai díga ñue itízuguaina cíodiaí. Onóñegaza afénomo íai jíjizaillena maméritiaí.

⁴⁰ Iemona afecae cuinaina lloéloici igai jaitádiaí. Afe lloéloici monáillai anamo fiébicaide. Afecae datara jairábai zuitádiaí. Afe mei afecae uite iniroi ífófeceamo caífo jairífono jóonetiaí. Iemona afecae oni guamáemo áinozioicaide. ⁴¹ Mei íadi mena meine ábiedo totínuaímo dúcidiaí. Iemona afecae afénori ite guamáemo bíjide. Ífófece afe guamáemo jamánomo riire bíjide. Mei íadi móifecae nai ñue fairídemo, monaillai bagua niné llaizéraga. ⁴² Jira afécaemo ite llaizíraini llavécamiái fáiacadiaí, “Íhí bótaítiaí” daínano. ⁴³ Mei íadi afe llaizíraini illaíma Julio Páblona jíllotaacade. Mei jira íaióina fatátañede. Jáífodo ocuide nana íiana onódino illedo ícana raire uícomo dúcillena. ⁴⁴ Jáímaci íiana onóñedino afe nocáe lláicoizillabici emódodo jáitate. Daí nana oni fuédamo dúcidiaí. Afe daí ñue jíllodiaí.

28

Pablo monaillai cigi idu Máltamo dúcinafue

¹ Nana ari éniemo ñue jíllobicaidicaimo, afe monaillai cigi idu, comíni caí llúamona Máltana mámecirenana onódicai. ² Afedu nairai ñue caína llínotiaí. Aillue irai bonódiaí noci jáíñua rozírena jira. Aferai bónuana nana caína: “Mai omoi agáizaíbi” daide. ³ Afe llezica Pablo záfegai llínota aférimo jóoniaide. Aferai uzire cácanamona titade jaió jino billano Pablo onoi anide. ⁴ Afedu nairai afe jaió ie ónoímo agüínana cíóillano, conímamo llotiaí:

—Nibai baie íima come fáíredimie. Meiti monáillaimona ñue jíllode íadi, Juzíñamui jáícina jódífue nana comínimo onótaicanamona íena raamo jíritate ie jílloneilleza, —daí daidíai.

⁵ Mei íadi Pablo afe jaió iraimo jaidínota dotade; íena ñue izói nibáiñede.

⁶ Nirui íena fáítaite daínano afemo nana ocuírídiaí. Jáífodo nino llezica íena ana dotada títaite daidíai. Mei íadi íena ja are úíñodiaímo nie izói íena

nibáiñede. Ie jira nano comécido íaioi daináuai jiáifodo meídotiaioi. Iemona bie Pablo Juzíñamui izóidimie daidíaiioi.

⁷Afe áinori afedu illaíma Publio illánuiaí ite. Dinomo daruiámami afe Publio caina ñue llínote. Cai jitaica raana ñue caimo fecade. ⁸Aferuillado afe Publio moo irárede. Biirallumo diga irui bíifrede, ie abi cuaríllari. Iemo jamánomo lluide. Afénomo Pablo íena uáiduaide. Dinomo Juzíñamui íena jicade. Daí ie jica mei Pablo onoi íemo bitade. Iemona afémie jíllobicaide. ⁹Afena íaioi fidínamona nana afédumo ite iráredinuaí Páblomo atídíaiioi. Iemona nana jíllotíaiioi. ¹⁰Aferi íóbillano aillo ñúfuiaí caimo nitádíaiioi. Afe mei nane dánomo cai jáiacanarumo, nana cai jitaica ráaniaí caimo atídíaiioi.

Pablo Rómamo dúcinafue

¹¹Afe monaillai cigi ídumo dauíamami iticai. Afe meífodo, jíaie nocaena cíóizaidicai. Afecae nauí bie ídumo uáici zaille dino úiñote. Dinómona afecae jáillado ruica jáidicai. Afecae Alejandría jófueмона bite. Afecae ífomo mena taino juzíñamui uíecona cuega. Afe íaillinoi mámece Castór Pólux. Afecae aféillinoína náamaredena mameide. ¹²Dinómona Siracusa ígobemo dúcidicai. Afégobemo daruiámami iticai. ¹³Dinómona fueda áinodo Regio ígobemo jáidicai. Afe jáíruido jairifo mona átué dinena bíllamona Régiomona jáidicai. Ja ménarui íllamona Puteoli ígobemo dúcidicai. ¹⁴Afénomo ite ámatiaí cíóizaidicai. Íaioi diga da semana cai íllena jícadíaiioi. Afe mei ja Rómamo jáidicai. ¹⁵Jae Rómamo ite ámatiaí cai bílláfueña uícodo fidídíaiioi. Ie jira io anamo conímamo caimo dúcillena uícómo bitíaiioi. Conímamo íaioi dúcinano “Foro de Apiona” mameide. Jiáifodo daina, Apio iomo ite fecárraco. Jiáino mámece “Tres Tabernas.” (Afe mámece dobáiñuano daina Daámami Dúcirachupi.) Afénuiaímo Pablo éroicaillano Juzíñamuimo “Iere figura” daide. Iemona Pablo comeci camare íficaide.

¹⁶Ie mei Rómamo dúcidicaímo llazíraíni illaíma Julio ie uiga llavécano rairuídino illáimamo izájide. Mei íadi Pablo oni eneno dama íecomo uiga. Afénomo daa llazíraíma íena rairuide.

Pablo Rómamo Juzíñamui uai jino llote

¹⁷Rómamo íaioi dúcinamona daruiámami íllamona Pablo Roma judíuai íllaini jíritade. Íaioi gairilla llezica Pablo íaioína daide:

—Amatiaí, judíuaimo fiénidífue lloñédicue. Afe izói cai jaiáidígima fibíllafueña uáitaoíñédicue. Mei íadi Jerusalemo romano comínimo lláitano izájigacue. ¹⁸Dinomo cuemo íaioi jícanua mei, cuena zuitáacadiaíoi cue íaioi titállifue íñena jira. ¹⁹Mei íadi judíuai jíáifodo cuena zuitáañediaíoi. Ie jira romano jamánomo ocuídillaíma cuemo jícanorena daídíicue. Mei íadi afe llezica cue náiraímo cue jítállifueña íñede. ²⁰Mei jira omoi diga cue úrillena jíiriticue. Mei cai bie daje Israel náiraídíicai. Daje cai Mesías bíllífueño comécíidíicai; daje izói meine abído cai cáaíllífueño úiñoidíicai. Afe cai úiñoigafue ícoíniadi birui benó llavécámie cue llavéinana ja cíóidíomoi.

²¹Jira íena daidíaiioi:

—Jaca daabe o finócafuaí lluaibe caimo dúciñede. Daje izói afénomona bite ámatiaí judíuai o mámece fiénidífueña nítaíbiñediaíoi. ²²O comeci fácafuaímo cacáreacadíicai. Mei náganíaimo afe bie comue Jesumo jaináidínona onódícaíza uáitaoídiaíoi, —daí íena daidíaiioi.

²³ Ie jira meine íaioi cacáillirui mamédiaioi. Afe maméinaruimo aillo nairai Pablo illácomo nane gairízaibitiaioi. Jítiramoná ua nauízaidemo Pablo Juzíñamui illáimana illafue íaioimo llote. Moisés ocuica uáillaído Pablo Jesús dibénemo íaioina íinotaacade. Afe llezica Juzíñamui uai jino llóraini cuega uáillaído Jesumo íaioina íinotade. ²⁴ Dárie Pablo llogáfuemo ínuaidiaioi, ie mei jíáimaci íinoiacañediaioi. ²⁵ Mei íadi nana dáafuemo comécíñenamona raízítiaioi. Como raííacadiaioimo Pablo íaioina daide:

—Ñuera Joreño cai jaíáidigimacimo uai jino lloraíma Isaíado ñue úrite. Afémie daide:

²⁶ Baimácimo bifue llujáiri, daide:

Omoi uafue aféfuena cácaítioimoí íadi áfena ónoñeítioimoí.

Omoi uáfuena cíoitioimoí íadi ñue fidiñeítioimoí.

²⁷ Mei bie comini comeci meine fienni riirenamoná bie ñúefuena óiacañediaioi. Íaioi ífoci jáíainamoná fienni cacádiaioi.

Íaioi uíjiaí nitáoidiaioi dani íaioi uído áfena íaioi cíoi dáíi.

Daje izóí íaioi jefodo cácañeíllena jefo íbáidiaioi.

Afe izóí comécido cacáacañediaioi.

Daje izóí meine cuemo bíacañediaioi, íaioi cue jíllotallena, —daíí Isaías daide.

²⁸ Bifue omoi onoiri: biruímoná bie Juzíñamui lloga jíllóillífue judíoñedimacimo llujáiga. Aféfuemo afémaci ñue cacáreítiaioi, —daide.

²⁹ Pablo daíí dánamoná, judíuái aillo conímamo úricana jáidiaioi.

³⁰ Afénomo Pablo ie íbaca jofomo mená fimona fuitade. Nana íemo ráfuiái jícánuaíbífiredinona ñue caimare llíinofirede. ³¹ Aféruíllaído Pablo Juzíñamui illáimana illafue jino uáfodo comínimo llote. Afefue ie jino llole rairuide cómena íñede. Daje izóí Ocuíraíma Jesucrístodo díga irui llófuerite. Aféruíllaído ie llófuerilla buna llótaidoñede. Maí. Jae ñue.

ROMA COMINIMO SAN PABLO ORECABE La Carta del Apóstol San Pablo a los Romanos

Pablo Rómamo ite Jesumo ñnotinomo cuete

¹ Cue Páblodicue; Jesucristo ocuífíregamiedicue. Juzíñamui cuena uáiduano eneno cuena nizede ie jílloña uai jino llóllena. Ua afémie orécacue; Juzíñamui mamécamiedicue.

² Afe bie jíllonafue Juzíñamui jaiái ñinomo uícodo ñuera Cuegáuaimo, ie uai llórainido jino llotátate. ³ Afe jíllonafue cai Ocuíraima Jesucristodo úrite. Afémie Juzíñamui Jító. Iemo jáí afémie cai come izóidimie. Afe Jesucristo jaiái illaíma David méifoidigimamona jocócamie. ⁴ Mei íadi Ñuera Joreño dibénemo afe Cristo uáfodo ríinorede Juzíñamui Jitona cíotaga, mei dama túllanomona afémie meine cáatateza. ⁵ Juzíñamui Jesucristodo, ñúefuena cuemo itátate. Aferi iere ióbidicue. Afefue cuemo illano, iere cuena canode, ie mámeçido oni jáínomo ie orécamiéna cue íllena. Bie cue ióbillafue ie mámeçido oni jáínomo cue oréllena. Afe cue oréinamona naga náiraiaido aillo Jesumo ñnotinona iite. Daje izóí ie uaina jíeruitinona iite. ⁶ Afémacimona Crísumo ñnotinona ítímoiza. Ie jira Jesucristo íeíena omoi íllena, Juzíñamui eneno omoi nizede.

⁷ Mei jira nana ómoímo cuetícue Roma jófueo ítínodiomoí. Juzíñamui izíruiagamaciómoí. Afémiemo omoi ñue jaináíllena eneno uáídogamaciómoí. Iemo ite caimátaillafue, naa comeci caimare uái illafue diga ómoímo fécaiteza. Nana bífuiaí cai Moo Juzíñamui cai Ocuíraima Jesucristo diga, ómoímo mámeiteza.

Pablo Rómamo macáacade

⁸ Nana ómoíri fueñe Jesucristodo “Iere figura,” cai Juzíñamuina daiífíredicue. Ua daií daidicue mei nágagobiaido ómoímo ite ñuera ñnogafuedo úritiaíoi. ⁹ Jaca nana cue comécido Juzíñamuimo táijidicue, ie Jító ñuera uai jino comínimo llóllena. Nane daje izóí Juzíñamuimo comécido cue úriadi, ómoímo uibíoiífíredicue. Aferi Juzíñamui cue uai nabáidimie. ¹⁰ Bie icoi iruimo ómoímo cue jáíllena Juzíñamuimo jicáfíredicue. Ua Juzíñamui comeci jitaia, ñibai ñibéfodo ñue cuena óreite, ómoímo cue mácajillena. ¹¹ Mei ómoína cíóacadiue, Crísumo omoi ñnogafuíaí cue cánuamona, ñue riire jaícina omoi íllena. ¹² Ua bie ñnogafue cuemo íteza ja ómoímo ite. Afe Juzíñamuimo cai ñnogafuedo conímamo cai úrillamona, conímaiaína comécina caimare náiretaítaícaí.

¹³ Juzíñamuimo ñnote ámatiaí, diga icaiño omoi diné cue jáiacanafue ómoína cue cíóíllena, ómoímo fidítaacadiue; mei íadi nai jaca jáinidicue. Omoi diné jáiacadiue ómoímona jáíimacina Jesumo jaináitallena. Ua jeede ria llízie jofu ua izóí, afe izóí Jesús uaimo ñnotinona itátaacadiue. Oni jáíagobiaimona dáarie cue itata izóí, daje izóí, ómoímona itátaacadiue. ¹⁴ Mei cue naga cómemo ñúefuena cue llóllena iere jítaírede. Ua iere baitádinomo llóredicue; daje izóí abina onóñedinomo daa fiéñeno llóredicue. ¹⁵ Iemona afe izóí cue dibénedo nana afe jíllóilluíaí ómoímo jino ñue lluáíbiacadiue, jica Rómamo ítímoí íadi.

Ñúefue rítrede

16 Bie ñúefue uai jino cue llólleri méairuñeiticue, mei aféuaimo ite Juzíñamui ríino nana áfemo ñnotino jilloillena. Nano fueñe judúuaina jillotaite, ie mei daje izói judúuainñedinona jillotaite. 17 Bie jillonauai Juzíñamui anamo ñue jaícina cai illena caina fidítate. Dama Jesumo cai ñnogafuiaiido Juzíñamui anamo ñue jaícina íiticaí. (Abi diné jiáena iñede.) Jaiái Cuegáuai daí daide: “Ínogafuedo Juzíñamui anamo ñue jaícina ítímie, zíñona cáate.”

Nana énie nairai íaioi fiénidífuiai ícoínia ite

18 Mei monámona bite Juzíñamui iere izire duere fínuafue nana fiénidinomo, naa comécina jaícinaíñedinomo jaiái zúillana, ja birui fidídicaí. Dani íaioimo ite íaifuedo ua ráfuena ónuana rairuícaciaioi. Daje izói afémaci jiáimacina ua ráfuena onóillena jeruúdiaioi. 19 Cai onoíga Juzíñamui dibénemo ítífucena daje izói ñue onódiaioi; mei dama afémie íemo ítífucena nana caimo cíotateza. 20 Juzíñamuimo ite ie cíóñena raa, ie finócafuiaido caimo ónorede. Jaca énie fínuaruimona afémie nahí Juzíñamui nana uáfodo ónorede. Daje izói afémie jaca rínoredeza uáfodo ónorede. Bífuiaina comíni náfueñediaioi; íemona dani íaioi ícoínia daí ite. 21 Mei Juzíñamuina onódiaioi íadi, íemo nitárede ñúefuíaína íemo nitáñediaioi. Daje izói íena “Figora” daíñfinidiaioi. Mei jiáfodo ráíññede raamo comécidiaioi. Íaioi abina onótatañede comeci jíñifomo fiébicaide. 22 “Nimárainídicaí” daíñfrediaioi íadi, abina onóñedinona jáidiaioi. 23 Ziiño Juzíñamuimo ite ebíredífuena ziiñoñede come jánaraina méidotiaioi. Afe baimo figóñede jánaraina finódiaioi. Féedinuiai jánaraina finódiaioi. Jaizai jánaraina finódiaioi. Táicaide rille jánaraina finoda jeire otiaioi.

24 Ie jira Juzíñamui íaioimo ite fiení comeci óiacanafuemo íaioína zóofete. Daí afémaci dani jofo conímamo méaífuiai finódiaioi. 25 Juzíñamuimo ite ua ráfuena ñnoñeno táínofuiai jeire otiaioi. Afe emódomo ie finoca raamo ñúefue nitádiaioi, mei íadi fueñe afe finode Juzíñamuimo ñúefue nitáñediaioi. Daje izói ie finoca raamo caimare ánozioidiaioi, mei íadi nahí Juzíñamuimo cáimadoñediaioi. Bie Juzíñamuina jaca ninomo cáimadoaredicaí. Daí íteza.

26 Mei jira Juzíñamui jiáie meáire comeci óiacanafuemo íaioína zóofete. Ringóniai daa íaioi ini diga íllana féitatiaioi; féitano aillo méaífuiai jiáinori otímaci. Juzíñamui ringóniai jóonia izói íacañeno afe jóoniafuena uáitatiaioi. 27 Daje izói íññiai daa ringo diga ñue íllana féitatiaioi. Féitano fiení illáfuedo íaioi abi bóobicaide, conímaiaimo fiení finóllena. Afe íññiai conímamo méaífuiai finódiaioi, íemona dani afémaci abímona comuídífuerei duere zefuúdiaioi. Bie izói Juzíñamui íaioína duere finótate, dani íaioi comeci ífue jaícina jóíñena ícoínia.

28 Ja mei Juzíñamuina onóacañediaioi, jira íaioi comeci jaícina jóíñenafuemo Juzíñamui zóofegaiaioi, Juzíñamui rairuícáfuiái finódimaci íaioi íllena. 29 Afémaci naga íaífuiaimo ítiaioi; comeci jaícinaíñenafuemo ítiaioi. Daje izói jiruírenafuemo ítiaioi; fiení jítainafuiaimo ítiaioi; naga ráaniaína óiacanafuemo naa fiénidífuiai diga ítiaioi. Daje izói afémaci úradoríñredino; come titáñredino. Fuiríllafuedo úritiaioi. Jífuemaríñrediaioi; ñúeodo jáíñedino. Táinona conímamo fiení úrifiredino. 30 Afémaci jiáima jánana fiení úritiaioi. Juzíñamuina éoidiaioi. Daje izói ríimacimo náfueñediaioi. Táínofuiaimo comécidino. Daje izói fiení abi ñnotino. Fiénidífuiaimo comeci facada

finófrediaioi. Iaioi úruiai móotiai ocuífafuena jeire ofnédiaioi. ³¹ Afémaci abina onócañediaioi. Iaioi daina izói finóñindiaioi. Buna duéruñediaioi. Caimare uáiduano iba ofhellenana onóñediaioi. Daje izói afémaci jiáimamo dúecañediaioi. ³² Juzíñamui ocuállana ñue onódiaioi, íadi óiacañediaioi. Afe nana bie fiénidifuiamo itino jaca zíñona duere finólliaioiza, áfena jiái onódiaioi. Onódiaioi íadi aféfuaiana féitañeno nai úcadiáioi. Nane bie omódo jiáimaci afe fiénidifuiái fínua llezica, íaioina: “Caimare bie izói cai illi,” daidíaioi.

2

Juzíñamui nahí uafue daina izói comínimo riire jicánote

¹ Jiáima fieni illafue riire o jicánollena íñede. Naga come “Cue nífuenidicue” daíñidiaioi. Nana omoi dáafuemo itíomoi. Mei jiáimamo ite fieni illafue riire o jicánua llezica, dama o abi duere finótaitio. Aféfuena riire jicánotio íadi, o jiái dáafuaimo itio. ² Mei jii, bífuaiamo itino Juzíñamui duere finótaja llezica, afémie nahí uafue daina izói riire jicánoteza, áfena onódicai. ³ Mei o, jiáima fieni illafue riire o jicánua llezica, o jiái daje izói dáafuaimo itio. Daí o illa llezica “Juzíñamui ie duere finóllifuemona níbai cuena jíllote,” ¿daidío? jílloteitio! ⁴ Juzíñamui omo zíñona fúñede dúecaillafuena jámairuitio, naa omo ie járitañenafue diga? Afe bie Juzíñamui omo dúecaillafuedo, afémie o comeci ífuena ñúefue dibénemo méidotaacadeza, ¿afe jaca o comécimo úbicaiñedeza, ero ua? ⁵ Mei o, comécina iere riiredioza. O comeci ífuena méidoacañedio. Iemona o duere finóllifuiaina aillo ofítaoicaidio. Ua Juzíñamui ciocaizaibilliruiamo o jaícina jóoide duere fínuaufue jino omo llóite. ⁶ Aféruído naga come dani íaioi finócafuiái izói, íaioimo íbátaite. ⁷ Aféruído ebíredifue jenóðinomo, zíñona cáataitino íaioimo iite. Daje llezica, nana Juzíñamui íaioimo ñúefue nitállena jenóðinomo, naa zíñona illa raa jenóðino diga, Juzíñamui zíñona cáataitino íaioimo fécaite. Aféfuaiaina jenódiaioi, mei nágarui féitañeno ñúefue dibénemo ífrediaioi. ⁸ Mei íadi aféruillaido nana fieni abi ínotinona, Juzíñamui duere fínoite. Daje izói nana ua ráfuena jeire óiacañedinona Juzíñamui ie ríífuedo duere fínoite, fiénidifuiái jeire íaioi ua jira. ⁹ Nana fieni mácafíredinomo aillo duere zefuállifue iite, naa jamánomo íaioi comeci zúunaillifue diga. Nano fueñe daí judíuaimo iite; ie mei jiái daje izói judíuaiñedinomo cómuite. ¹⁰ Mei jiáifodo ñúefuái finóðinomo, Juzíñamui íemo ite ebírenafue íaioimo iite, naa comeci caimare uái illafue diga. Daje llezica Juzíñamui íaioimo ñúefue nítaite. Nano fueñe daí judíuaimo iite, ie mei jiái daje izói judíuaiñedinomo cómuite.

¹¹ Comínimona dámie jiáie come baimo Juzíñamui gáigamie íñede. ¹² Nana fieni itino Moisés ocuífafuena nai onóñena llezica, íco nina tánocaitiaioi, aféfuena nai onóñenano. Daje izói nana jiáie fieni itino Moisés ocuífafuena onódiaioi íadi, afe daje bie ocuífafuedo riire jicánolliaioi. ¹³ Mei ocuífafuena táinona cacáðino Juzíñamui anamo ñue jaícina íñediaioi, mei íadi ocuífafuena jeire otino Juzíñamui anamo ñue jaícina itíaioi. ¹⁴ Dáarie ocuífafuena onóñede judíuaiñedinono afe ocuilla daina izói dani íaioi comécido jeire otíaioi. Iemona afémaci dani abi lletáðinona itíaioi. ¹⁵ Mei jii, íaioi ñue mácafuedo íaioi comécimo ocuica uai cúeinana ácatafrediaioi. Afe llezica íaioi comeci úrilla uai ñue íaioi uaina nabaide. Daje llezica íaioi ífoci úrillafue fiénidifue íaioi finóadi, áfena íaioimo llóite. Fiénidifue nai íaioi finóñenia, ¹⁶ Juzíñamui comínimo riire jicánolliruiamo íaioi ífoci úrillafue íaioina ráiruite. Aféruillaido naga comini

báinino finoca raana Jesucristodo Juzíñamui riire jicánoite, cue lloga jílloilluiai daina izói.

Judúuai Moisés ocuífafuemo figo náfuēñediaioi

17 Mei ja birui, “Judío ímiedicue” daidio. O jílloillena, Moisés ocuífafuemo ínotio; o Juzíñamui dibénemo fienu abina ínotio. 18 Juzíñamui comeci jítáinafue onódio; afe ocuífafue omo llote: “Nana o nícidogafuemo ñuera diga o nizeri”. 19 “Uínidino izóidino ífóllena, ñue uáfueña onódicue,” daidio. “Daje izói jítifodo macádinona ñue egáíñollena onódicue,” daidio. 20 “Abina onóñedinona llófueredicue,” daidio. Daje izói, “Urue izóidinona jaícina llófueredicue,” daidio. “Ua nahí ráfuena onótate uai afe cai ocuífafuemo ite,” daífiredio. Afe izói, “Nana ífócido onógafue caimo ite,” daidio. 21 Mei jáímána llófuetio íadi, ¿ñibái mei dama o abina lletáñedio? Omoi meríríñeno iri daíicadio íadi, ¿ñibái mei merírífiredio? 22 Omoi jiruíreñeno iri, dama daíicadio íadi, ¿ñibái mei jiruiredio? Jánaraiaina éoidio íadi, ¿ñibái mei íaioi illácomo ite ráifide ráaniai o mériano ráaredimiena jáidio? 23 Ocuilla uai dibéfodo iere abi ínotio; mei íadi Juzíñamuina jámairuitio, afe daje ocuífafuena jeire o ofeña ícoinia. 24 Meita Cuegáuai ñue daide: “Judúuaiñedino omoi ícoinia Juzíñamuina fienu úritiaioi.”

25 Moisés ocuífafue jeire o oíadi omoi finófirena bacano ícoi quétafue uáfueña omo ráifite. Mei íadi afe uai figo o íñoñeniadi, jaca quétañegamie izói ítío. 26 Mei jáífodo, daa bacano ícoi quétañegamie ocuífafue daina izói jeire oíadi, afémie bacano ícoi quetácamié izói facádoga, quétañega íadi. 27 Afe bacano ícoi quétañegamie, mei íadi ocuífafue jeire otímie, ona riire jicánoite, bacano ícoi quetácamiéna o íadi, daje izói cuega ocuífafue omo ite íadi, mei áfena jeire oñedioza. 28 Judióna jáillena dama jinófenemo cíoide ráaiñede. Daje izói bacano ícoi quetácamiéna jáillena fia abimo cíoide ráaiñede. 29 Mei íadi nahí ráfuiai jáífodo jóide. Nahí jáidimie ie comécimo áfena jaide. Daje izói nahí bacano ícoi quétafue comécimo dúide. Cuega ocuilla uaimo jáináñede; mei íadi come joréñodo ie comécimo ite. Bie izói ítimie comínimona jíeruñegaza, mei íadi Juzíñamui jíeruiga.

3

1 Judío ímiena cue íllemona ¿mínica mei baimo óiticue? ¿Bacan quétafue mei nibénemo ráifide? 2 Judío ímiena cue íllamona áillofuiai ícoinia ñue íticue. Daje izói quétafuemo aillo ráifinafue ite. Nano fueñe Juzíñamui ie comeci úrilla uai Judúuaimo orede. 3 Íaioimona dáarie íaioi ínogafuena féitatiaioi. Féitatiaioi íadi, Juzíñamui lloga uai jáanonide, mei afe Juzíñamui jaca féitafinidimie. 4 Ie íaioi féitaja íena nie izói nibáiñede. Mei jáífodo íteza: nana comini taino llófiredino ílle llezica, Juzíñamui nana íe jetácaigafuena nai uáfueña jaícina finode. Daí Cuegáuai úrite:

O daina uáillaimona jaícinaidimiena o íllana ónoitiaioi.
Riire o jicánua mei, comini ñue ínogamiéna ítío.

5 Mei caimo ite fiénidífuedo Juzíñamui jaícinaidimie ílláfueña jino uáfomo cíotaiadi ¿nie izói dáítica? ¿Mei Juzíñamui cai duere finóllena jaícinaíñedimie? (Jamai come úrilla izói úriticue.) 6 Mei íeñedeza. Mei Juzíñamui comécina jaícina íñeniadi, ¿nie izói nana énie comini riire jicánoite? Afémie jaca ninomo comécina jaícina jóidimienamona, nana náiraina riire jicánorede.

7 Mei cue táinofuiaido Juzíñamui uafue nai jamánomo cue ebíruyadi, ¿nibái mei fiénidimiedicue izói Juzíñamui riire cuemo jicánote? 8 Bie uáfueña, ñúefue bíllena nibái mei fiénidifueña finóñedicaí. Afe bie izóidifue llófuiana dáarie caimo jitádiaioi. Bifue caimo jitáдино comeci fiení jitainafuedo úritiaioi. Bie izói itino duere finólliaioi.

Nana caimo ite fiénidifue ícoínia

9 ¿Mei ñúfue? ¿Cai bie judíuai jíáie comíni baímo ñuera? Mei ua íeñede. Ja como fidítaticai judíuai naa jíáie comíni díga riírede fiénidifue anamo itíaiioi. 10 Jaiiai Cuegáuai daíi daide:

Buna jaca íaifuenidimiena íñede.

Jaca ñinó daa ñúemiena íñede.

11 Daje izói jaca ñinó ñúefueña onóacadimiena íñede.

Daje izói Juzíñamui daa jenódimiena íñede, ie díga íllena.

12 Nana Juzíñamuimona onido jáidiaioi.

Afémaci daní fiénidimacina jáidiaioi. Buna ñinó ñúefue finóñena.

Jaca ñinó daa íñede.

13 Iaiioi úriragoi íbaiñega raírafo izoide, mei iere íáire úritiaioiza.

Iaiioi fuedo jífuemarífirediaioi.

Iaiioi fuemo ite úrilla jaio aífoi izoide, mei jíáima jánana iere fiení úritiaioiza.

14 Afémaci daa faidórafuiaido úritiaioi, naa íáirede uáillaído.

15 Come titállena jarire áizicaidiaioi.

16 Iaiioi fiení illáfuedo aillo jíáimaci táinocaitadiaioi.

Daje izói comínina zúnaitadiaioi.

17 Afémaci comeci caimare uái illáfuena onóñediaioi.

18 Daje izói afémaci Juzíñamui ñue jacírenafuemo due jiza comeci facáñediaioi, —daíi jaiiai Cuegáuai daide.

19 Nana jaiiai ocuícáfue dáina uaina, afe ocuícáfue anamo itínomo dúide. Bífuena ñue onódicaiza. Daíi Juzíñamui mamérite, nana comíni úrillana llícaitallena; daje izói naga nairai Juzíñamui riire jicánollifue anamo íaiioi itábicaillena. 20 Ocuica uai jeire cai úado, buna Juzíñamui anamo ñue jaícina íñeite. Ocuícáfue caina jíllotañeite; daa caimo ite fiénidifuiaina caina onótate.

Jíllollifue cai ínogafuedo comuide

21 Mei birui, jácara ocuícáfue oni eneno fíano, Juzíñamui anamo ñue jaícina cai íllena afémie cómofuena caimo onótate. Bie cómofuena uai lloraini cuegánico facádoiaíi ónorede. Daje izói ocuilla uai cúeinanicomona jíái ónorede.

22 Juzíñamui anamo ñue jaícina cai illifue bífuedo ite. Dama Jesucrístomo cai ínuado bie izói íiticaí. Nana ie uaimo ínotínona afémie daje izói fínoite; dáamie jíáimie baímo gáíñeno nana dájerize jaícina jóoneite. 23 Mei naga come fiénidifuiarede; jíllotaite Juzíñamuimona nana jica itíaiioi. 24 Mei íadi Juzíñamui caimo dúecaíllanona, fia íbatañeno ie anamo ñue jaícina caina itátate. Mei dama ie jíto Jesucrístodo caina jíllotate. 25 Cai finoca fiénidifue íbana Juzíñamui Jesucristo tíllamo dane ote. Iemona íaífuena dogá izói iticaí. Bie múíñuafue cai ínogafuedo caimo dúciite. Bifue daíi íficaide Juzíñamuina jaícinaidímie daííllena. Mei jaiiai finoca fiénidifuiái íbana raire otátañede; afémie comécina járidoñedímie. 26 Daje izói daíi íficaide birui Juzíñamui jaícinaidímie daííllena.

Nana Jesumo ñnotinona Juzíñamui nai birui afémie anamo ñue jaícina itátate. Iemona Juzíñamui nai jaícinaidimiena íoicaite.

²⁷ Ie mei ¿come abí ñnuafue mei nie izóí ite? Afe abí ñnuafue oni eneno fiébicaite. Ocuícafuiai jeire íaioi úado nai fienu abí ñnuafuemo itíaioi. Mei íadi Jesucrístomo ñnogafuemo fienu abí ñnollífueña íñede. ²⁸ Nana cai llogáfuiamona bifue jino llúana ñue baite. Dama Jesumo ñnotimie Juzíñamui anamo ñue jaícina írena. Ocuica uailai afémie jeire ua oni jíáfodo joide. Afena Juzíñamui náfuene, dama íemo ñnuana náfuete.

²⁹ ¿Meita Juzíñamui dama judíuái íena? Ieñede. Daje izóí afe Juzíñamui judíuáiñedino ie. ³⁰ Mei jíi Juzíñamui damade. Afémie baímo jíáíena íñede. Afémie nana íemo ñnotinona ie anamo ñue jaícina itátate. Afémaci bacano ícoi íaioi quétajana náfuene. Daje izóí quetáñenana náfuene. ³¹ Ie mei ñibai dámie jícanoite. ¿Meita cai ñnogafuedo ocuilla uaina uáitaiticai? Ieñedeza; uaitañeiticai. Mei jíáfodo Jesuna cai ñnuado afe ocuilla uaina uáfueña jíeruiticai.

4

Abraham Juzíñamuimo ñnuua izóí cai ñnollena cai onótate

¹ Mei áfemona cai jaíáidigima Abraham dibénemo jíáfue jícanoiticaí. ¿Afe Abraham mei nie ñúefue ote? Daina uai jeire ie ófírenamona abí dne nífuena oñede. ² Mei Abraham ie finócafuiado Juzíñamui anamo ñue jaícina ie itábicaíadi, afémie abí ñnorede. Mei íadi Juzíñamui úcori afémie abí ñnonide. Ie finócafuiado Juzíñamui anamo ñue jaícina itátañega. ³ Mei jíáfodo Cuegáuai daina izóí, “Abraham Juzíñamuimo ñnote.” Iemona Juzíñamuimo ie ñnuado Juzíñamui íena “Íaífuenuidimiedio” daíde. ⁴ Da come táijjadi, afe táijjina íba ía íemo dúecaillano íñega; afe táijjitatimie íena íbarede. Mei íadi cai jíilloíllífue cai táijjicanado íba llíñua izóí llíñonide. ⁵ Mei jíáfodo, dámie jíllona táijjina finóñeno, ie jíilloíllena dama Juzíñamuimo ñnorede; mei Juzíñamui íemo ñnote íaífuiaíredimiena llíñofíredeza. Mei íemo Juzíñamuimo ie ñnuado, Juzíñamui íena: “Íaífuenuidimiedio,” daíite.

⁶ Dama David come cáimafuiado úrite. Dámie ie uíçodo finócafuiaina Juzíñamui náfuene. Ua náfuene, mei íadi íemo ie ñnuado Juzíñamui íaífuiaínide dainámiena afe ñnotimie jaide. Afe daíitadimie íere caimare ite.

⁷ David daináuai daide:

Íaioímo ite fiénidífuíaina Juzíñamui dogánona íere íóbidaíoi.

Daje izóí íaífuíaina oni féitagamíai íere íóbidaíoi.

⁸ Daje izóí íaioímo ite fiénidífueña náfuñegano íere caimare itíaioi.

⁹ ¿Meita bie cáimafuiai dama bacano ícoi quetaca judíuáimo duide? Ieñedeza; nana comíni íena mameide. Jira bacano ícoi quétañega judíuáiñedimacímo daje izóí afe cáimafue íaioímo duide. Jae llotíçueza Abraham Juzíñamuimo ñnuado Juzíñamui íena: “Íaífuiaínidimiedio,” daíde.

¹⁰ Mei íadi ¿ññruído daí íena daina? ¿Bacano ícoi quetaa mei daí daina? ¿Ñibai quétañena daí daina? Jíi, uáfueza, nai quétañena llezica daí íena daina. ¹¹ Afe: “Íaífuenuidimiedio,” daina méífodo, Abraham bacano ícoi quétafuena Juzíñamui ocuide. Bie quétaíafue onóíllena jónega raa izoide,

Juziñamui ja bímie ie ínuafuedo íaifuenidímie daiñllena. Daií Abraham nai quetáñena llezica Juziñamuimo ie ínuamona, nana judíuáiñede ínotino moona jaide. Iemona Juziñamui daje izói nana afémacina: “Íaifuenidiomoi,” daide. ¹² Uáfueza. Abraham nana afémie dama ie ínua izói ínote quetácano moo. Mei nanoide cai moo Abraham ie bacano ícoi nai quetañega ia, ñue Juziñamuimo ínoteza.

Juziñamui jica ia raire llogáuai comini ínuamona ñue ícoimo fuitaca

¹³ Mei jii, Juziñamui Abrahamana ñuera jica ia raire fidítawai daide. Aféuai llote: “O nana o erófene ígímaiaíri nana éniena máíñoitiomoi.” Abraham Juziñamuimo jaiái uícodo ínua jira, Juziñamui bíuai íemo llote. Fia ocuilla uai ie jeire úado Juziñamui daií íena daiññede. Ua, dama Juziñamuimo ie ínuado Juziñamui íena: “Íaifuenidímiedio,” daide. ¹⁴ Mei dani ocuilla uai jeire otino ñúefuena íaiói maiñóadi, íemona ínogafue comínimo figo jinoñede. Daje llezica Juziñamui jica ia raire llogáuai ráifinano niné feide. Mei íadi daiítañedeza jíáfodo joide. Juziñamuimo cai ínuafuedo ie caímo lloga ñúefuena maiñóredicai. ¹⁵ Ocuilla uai llóina meífodo aféuai jeire oñédino duere finótalliaíoi. Mei íadi ocuilla uai nai lloñena llezica, aféuai náfuenide.

¹⁶ Afe Juziñamui Abrahamo jica ia raire llogáuai, Juziñamui ñue riire mamede, nana ie erófene ígímaiaí afe ñúefue jeire íaiói óllena. Mei jira, afe Juziñamui lloga ñúefue, fia fecaca raa izói comini Juziñamuimo ínuado íaioimo írede, mei áfena íaiói ñéfiña cígimona ónidiaíoi. Bifue daiñacade, Juziñamui uícodo raire llogáuai daa ocuilla uai jeire otino íeñedeza, mei íadi nana Abraham ínua izói ínotino ie. ¹⁷ Iemona Abraham Juziñamui eróicana nana cai moona jaide. Abraham afe Juziñamuimo ñue ínote. Jaiái Cuegáuaido Juziñamui Abrahamana daií daide: “Aillo náiraiaí moona ona jóneticue.” Afémie daií daiírede, mei Juziñamui tídinona meine abído caátaitaredeza. Daje izói íñede ráaniaína Juziñamui itátarede.

¹⁸ Aféuiáimo Abraham fáicanocaiñeno ínoide. Ua comini daina izói Abraham jamánomo jónaiteza, ja úruenide. Abraham daií úruereillinona úíñonina llezica nai Juziñamuimo ínuano úíñoide. Afe daií Juziñamui íena daina izói, Abraham “aillo náiraiaí moona” jaide. Juziñamui bie izói íena daide: “O uícoide erófene ígímaiaí aillo jébutiaíoi,” daide. ¹⁹ Abraham cien fimónamo ánozide íadi, ie ínogafue jaca féíñede. Afémie jónailla izói ie ai jónaillana onode. Ua afengo iere jónaillamona tíacade. Jae úruena comuítanide. ²⁰ Mei íadi afe llezica Abraham jizíñeno Juziñamuimo ínofirede. Juziñamui jica ia raire llogáuaina ruifruíñeno nai íemo ínoicaide. Mei jíáfodo Abraham áfena féitañeno iere izire ínote. Jaca comeci rairuíñeno Juziñamuimo úrioicaide. Juziñamuimo íobioicana úrite. ²¹ Afémie daide:

—Nana jaiái Juziñamui jica ia raire cuemo lloga rafue Juziñamui uáfueña cuemo zúitaite, —d-aide. ²² Iemona, íemo ie ínuado Juziñamui íena daide: “Íaifuenidímiedio,” daide.

²³ Bie Juziñamui Abrahamana daina “Cuemo o ínuado jae íaifuenidímiedio” daa Abrahamo cúeñegaza, ²⁴ mei íadi nana caímo cuega cai ínollena. Mei jira tillanomona cai Ocuíraíma Jesús caátate Juziñamuimo birui ínoticai. Iemo cai

ínuado caina: “Íaifuenidínodíomoi,” dáite. ²⁵ Afe Jesús caimo ite fiénidífue ícoinia duere finótagamiena jaide. Afe mei Juzíñamui anamo ñue jaícina nífuenino cai íllena afémie cáataga.

5

Juzíñamui “Nífuenidímiedio” daína méifomo ñue cai illífue

¹ Mei afe jira, dácaiño Juzíñamui anamo ñue jaícina nífuenino cai illa mei, meine abído Juzíñamuina jáciruíñeiticai. Afe comeci caimare uái illafue cai Ocuíraíma Jesucristo ie tíllado cáiena ote. ² Mei jíi, cai ínuaado bie afémie cai cánuafue dibénemo jónegacai. Aferi izire jaináidicai. Iemona íóbífredicai, mei Juzíñamuimo ite ebíredemona cáiena oni máíñoíticaíza. Afemo ocuíríticai. ³ Daa bie cai ocuírillamo íobiñeiticai, mei daje izói duere cai zefuúllífue mo íóbíticai. Mei onódicaíza duere cai zefuúllífue cai comeci járitañenafue caimo comuide. ⁴ Iemo afe comeci fígomie dáinana caina jáitate. Iemo fígomie dáinana mei Juzíñamui cáimafue mo úiñoífireíticai. ⁵ Iemo bie úiñoínafue caina zúucaitañeite, mei Juzíñamui caina ie izíruillafue ñue caimo llóteza. Bie caina ie izíruillafuena ie orecá Ñuera Joréñodo onódicai.

⁶ Dani cai ñéfiná cígimona jíllonidicai. Dáií cai illa llezica, Juzíñamui jica ía mamécaruimo, Jesucristo nana fiénidíno ífomo tíizabíte. ⁷ Bíníemo comécina jaícina jóidímie tílla ífomo tíitimiena íñede. Mei níbai jamánomo fígomie ífomo, daa tírede. ⁸ Mei jíáfodo cai fiéni illa llezica, Cristo cai ífomo cai jíllóíllena tíizabíte. Afedo Juzíñamui caina ie izíruillafue caimo cíotate. ⁹ Iemona ja birui Cristo tíllamona Juzíñamui anamo ñue jaícina íticaíza, íe jira íirairuimo ite duere fínuaífuemona, Cristo cai rairuúllado, jamánomo oni eneno íredicai. ¹⁰ Nai afémie bacáuai ímácina cai illa llezica, íe Jító cai ícoínia tíide. Dái íe tíllamona, Moo Juzíñamui comécina jácíruítañegacai. Ja birui cai comeci íena jacírúíñenamona, birui íe cáanado jamánomo ñue jíllóredicai. (Ua caade Cristo Juzíñamui uícomo caído úrite. Afe dáií íe úríoinado, íco bite duere cai finóllífuemona jíllóíticai). ¹¹ Daa bífueñedeza, nane bie emódomo cai Ocuíraíma Jesucristodo Juzíñamuimo íóbíoiticai, mei afe Crístodo Juzíñamuina cai jacírúíñenafuena otícaíza.

Nanoide Adán caimo comútagafuemona Juzíñamui caina éoicaide; mei jíáfodo Cristo caimo comútagafuedo Juzíñamui caimare caído eróicaide

¹² Mei onóigaza, dáamiemona fiénidífue nana comínido jaide. Íe mei afe fiénidífue mona tíllafue daje izói naga cómemo comuide, mei naga come fiénidífue íreídeza. ¹³ Moisés ocuilla uai nai íñena llezica, fiénidífue jaca comínido íte. Mei íadi ocuilla uai nai íñena llezica, afe fiénidífue comínimo nítañega. ¹⁴ Mei íadi jaíai Adán íllágimamona Moisés íllágímamo fiénidífue í finódíno tícoízífíredíaiíoi, mei títade ríno anamo ítíaiíoiíza. Juzíñamui jónega íaiíoi comeci ñue úrilla uaimo náfueñedíaiíoi. Dáií náfueñenamona íaiíoi fiénidífue comuide. Mei jíáfodo Adán fiénidífue Juzíñamui uáfodo lloga rairuica uai jeire íe onénamona comuide. Mei íadi bie Moisés uícodo ítino fiénidífue jíánodo comuide. Adán finoca fiénidífue izói comuíñede. Afe Adán uire bíite Cristo jana.

15 Adán náfueñegafue Juziñamui caimo fia iga cáimafue izóiñede. Mei dama Adán náfueñegafuedo nana comini timáritiaioi. Mei íadi Juziñamui raiñóñeno caimo fecaca jllonafue jamánomo baimo ñuera. Dama Jesucristodo aillo comini canócaiaioi. 16 Dáamiede finoca fiénidifue jaca Juziñamui caimo fecaca jllonafue izóiñede. Mei afe daade Adán náfueñegafuemona cai duere finóbillifue zúide, mei jáífodo Juziñamuimona caimo lloga jllonafuedo, Juziñamui raiñóñeno aillo comínina ie dibénemo ñue jaícina itábicaitate, aillo íaioi náfueñegafuiaí íaioimo ite íadi. 17 Mei jii, daa come náfueñenamona titáfirede ríino anamo nana comini are ninomo itíaiioi. Mei jáífodo dáamiede Jesucristodo nana Juziñamui anamo raiñóñeno ñue jaícina jónegano, jamánomo baimo ñuera zlíñona íaioi ille ríino óitaiioi.

18 Mei dáii Adana náfueñegafuemona duere finóbillafue nana comínimo comuide. Daje izói Jesucristo nífuenide comécimona tízaibillafuemona, duere finóbiñenafue nana comínimo zuide. Daje llezica zlíñona cai illifue caimo comuide. 19 Bie daide: dáamiede jeire óñegafuemona nana comini fiénidifuiairedinona jáidiaioi. Mei íadi dáamiede Jesucristo jeire ogáfuemona aillo comini Juziñamui anamo nífuenidinona ñue jónegaiiaioi. 20 Mei jaii Juziñamui cai ocuilla uai caimo lloga, caimo ite fiénidifue jino uáfodo cai onóillena. Ua, ocuilla uai llua mei caimo ite fiénidifuiái aillo jebuide. Mei íadi daje llezica Juziñamui caimo dúecaillafuiaí daje izói afe fiénidifuiái baimo aillo jamánomo jebuide. 21 Iemona, fiénidifue caimo íllamona afe ríirede fiénidifue caina titárede. Daje izói Juziñamui caimo izire dúecaillano, Juziñamui anamo nífuenino ñue jaícina cai illa llezica, cai Ocuíraima Jesucristodo, afémie caina zlíñona cáatarede.

6

Comini fiénidifuiaimo íllamona tíidino izóidiaioi, mei íadi daje llezica afémaci Cristomo ínuamona cáadiaioi

1 Nana bie caimo llogamona ¿nie izói dáiticaí? ¿Mei níbai fiénidifue finócana uiticaí, Juziñamui jamánomo caimo ie dúecaillafue caimo ácatallena? 2 ¡Mei íeñedeza! Cai bie ja fiénidifue dibénemo tíidinodicaíza ¿mei nie izói, fiénidifue mo nai íoicaiticaí? 3 ¿Nai bífuena onóñediomoi? Nana cai ie báutizaillaruiomona Jesucristomo uáfueña jainaina llezica, dáaruido afe Cristo tíilla dibénemo jaináitagacaí. 4 Mei jii, cai báutizaillaruiomona Cristo diga dáafomo raigacaí izóidicaí. Iemona aféruimo tíidinona maméidicaí. Ua tíidinona mamécacaí, afemona Cristo ie tíillanomona meine abido cáadimiena jailla izói, birui cáadena cai jáillena. Daíí cai jaillano cómfuemo íocairedicaí. Mei jii, Cristo ie Moomo ite jamánomo ñuera ríinodo meine cáadimiena jáitaga, íemo daje izói afe daje ríinodo cómfuemo íocairedicaí.

5 Uáfueña dáiticaí, Cristo tíilla izói tíidinona jae mamécacaí. Iemona daje izói ie meine abido cáadimiena jailla izói, dani cai tíillanomona meine cáataga izói cómfuaimo íredicaí. 6 Cristo cruzmo coraica llezica nauí fueñe cai íllafue dáanomo titácaza onódicaí. Uafue, afefue titaca, nanómoma cai comécimo ite fiéni gáinanoma caina anáfenoñeillena. Iemona fiénidifue dibénemo rairuicanona íñeiticaí. Daje izói riire táijitatimimemo jainaina izói, fiénidifue mo jáinaiñeiticaí. 7 Mei jii, Cristo diga tíidimie ja íaifuemona oni

jírecaide. ⁸ Iemona dácaifño Cristo tílla izóí dáanomo afémie diga, cai comeci fiēni óiacanafue tíide izóí féitaga. Naui daif ie diga cai tíllamona, daje izóí biruillaido afémie diga cai íllana ua onódicai. ⁹ Mei onódicaiza, Cristo dácaifño tíllanomona meine abido cáadimiena jaide. Daif meine jaillano ja meine abido dánomo tíñeite. Afémie ja ménacaiño tíinide. ¹⁰ Mei Cristo ie tíllaruimo, fiēnidifue dibénedo dácaifño tíide, jaca ninomo nane tíñeillena. Mei íadi afémie meine cáadena jaillano ie cáanano Juzíñamuimo duide. ¹¹ Daje izóí, mai fiēnidifue dibénemo tíidino izóí omoi iri. Mei jíáfodo Juzíñamui íena cáadinona mai omoi iri. Afemo izire comécimo mai omoi facáoiri, mei cai Ocuíraima Jesucrístomo dájena jaináidomoi.

¹² Ie jira fiēnidifueña omoi abina náamatatañeno iri; afefue omoi zíñona íñena abí ana úillemona abí omoi rairuiri. Mei Taife comúitaga caimo ite íaifue cai abí fiēni jítainafue jino déillena ocuíoideza. Afemona izire abí omoi rairuiri. ¹³ Dani omoi abina fiēnidifueña finótañeno iri. Mei jíáfodo dani omoi abina Juzíñamuimo omoi jainátari; ua, tíllanomona meine cáadena jaide izóidino afémiemo omoi abí jainátari. Ie jira nana omoi abina Juzíñamui ñúefue finóllena, omoi jainátari. ¹⁴ Ja benómona fiēnidifue ómoína ana úíñeite. Mei ocuilla uai anamo ja íñedicaiza; mei jíáfodo Juzíñamui cairi dúecaillafuemo iticaiza.

Comini jacire riire rairuillaruimona daa ráfueña caina onótate

¹⁵ Ie mei ¿nie izóí íiticaí? Mei ocuilla uai anamo íñedicaiza mei jíáfodo Juzíñamui cairi dúecaillafuemo iticaiza; íemona ¿meita fiēnidifue finóredicaí? Ieñedeza, finónidicai. ¹⁶ Ñue onóidomoi, ómoimona nágamíai riire ocuídillaímamo fecaca llezica, aféllaíma ocuillana ñue jeire órediomoi. Daje llezica aféllaímamo izire jaináidomoi. Bie izóí caimo ite fiēnidifuiái, jacire ocuídillaíma ana uilla izóí, nana caina ana uite. Afemona tíllafue naga cómemo comuide. Mei íadi Jesumo cai íñua llezica jíaie cai ocuídillaíma Juzíñamuimo dúidicai, comécina jaícina ñue jóidimacina nágarui cai íllena. ¹⁷ Mei íadi ómoiri Juzíñamuina: “Íere figura,” daidicue. Mei naui fiēnidifueño izire rairuicanona omoi illa llezica, ómoimo lloga llófueinafueña ja ñue jeire otíomoi. ¹⁸ Afe fiēnidifueña oni omoi jírecailla mei, jíaie ocuíraima Juzíñamui rairuicanona jáidomoi. Iemona comécina jaícina ñue jóidinona nágarui írediomoi. ¹⁹ (Ua omoi onoíga comini ráfuiaido úriticue, mei omoi ifoci déíñenamona bífuiaina ñue cacánidi omoi.) Naui fiēni illáfuiamo omoi abina jainátafrediomoi. Nane afe baímo jíaie jamánomo fiēni abí finuamo abina finótadomoi. Naui daif abina omoi finota izóí, mai birui comeci jaícinaíafueño abí omoi jainátari, dama Juzíñamui íena oni eneno ñue mamécana omoi íllena.

²⁰ Nai fiēnidifuiáimo riire rairuicanona omo illa llezica, comeci jaícina jóinafueño jaináíñediomoi. ²¹ Naui omoi illáfuiaina birui meáruitomoi. Mei aféfuiaímona ¿nie cánuaíai otíomoi? Onéidomoi; tíllafue diné jaca ómoína uite. ²² Mei íadi fiēnidifueña oni eneno omoi jírecaillamona, ja birui Juzíñamui rairuicanodomoi. Iemona birui afémiemo ñue jaináidomoi. Bie izóí omoi íllamona, Juzíñamui íbana ñue caímare ómoína cánoite. Ua afémie íeíena ómoína oni eneno ñue finoite. Iemona afe ícoimo zíñona illáfueña óitíomoi. ²³ Fiēni cai íllamona daa tíllafue óiticaí. Mei íadi Juzíñamui raíñóñeno

fia caimo iga raa, cai ziiñona illifue. Bie ziiñona cai illifue dama cai Ocuíraima Jesucrístomo dájena cai jaináinamona caimo iga.

7

Iima áireinamona ringo iníreinamona daa ráfuena cai onótate

¹ Amatiai, onódiomoiza, da come dama nai ie tiiñeniadi, ocuilla uai nai íemo dúide. ² Ja omoi onóigafue jino llóiticue, áfedo jiáifuena omoi onóillena. Da inírede ringo, ie ini caana llezica, ocuilla uaido ie inimo cuinaca izói jainaide. Mei ie ini tilla mei, afe íemo jainátate ocuilla uáimona afengo jae oni jirecaide. ³ Afe llezica afengo jiáie ímamo inírena ñuera. Afengo dai iníreilla jiruífede. Mei íadi ie ini nai ítemo afengo jiáie iima diga illa afengo iere jiruífede.

⁴ Cue ámatiai, birui Jesucristo abimo dájena jaináidicai; ua iníredingo inimo jainaina izói jaináidiomoi. Afe Crístomo omoi jaináinamona, ie tíllado tíidinona mamécaomoi. Ie jira ocuilla uai dibénemo tíidino izói iticai. Fueñe bie ocuilla uaimo, ringo inimo jainailla izói, jaináidicai. Mei íadi ja birui tíidino izói cai íllamona afe ocuilla uaimo jaináifedicaí. Dama tíllanomona meine abido cáadimiéna jaide Crístomo jaináicaiza. Afe bie Crístomo cai jaináinana Juziñamui caimo comúitate. Ua comúitate caido ie comeci jítáinafue ñue ícoimo cai fuitállena. ⁵ Mei nanómona comini comécimo itífue dibénemo cai ífirena llezica, afe ocuilla uai cai abimo ite fieni óiacanafuiaina cazitate. Aféfuiai caina ana tíllinomo uite. ⁶ Mei íadi ja birui afe ocuilla uai dibénemo tíidino izóidicai. Fueñ afe ocuilla uai anamo riire iticai, mei íadi ja birui afe uáimona ñue oni jirecaidicai, Ñuera Joreño cómuena méidoga caimo itífuedo Juziñamui ocuícamacina cai íllena. Jaii cuela ocuilla uaido Juziñamui ocuícamacina ínidicai.

Cuomo ite íaifue cue caimare illafue llóitaidote

⁷ Iemona ¿mei nie izói dáiticaí? ¿Ocuilla uaina fiénidifue daíredicaí? ¡Daíínidicai! Mei íadi afe ocuilla uaido fiénidifue na onótacue. Afe uai nai jino lloñena llezica fiénidifue na onóñedicue. Ja omoi onóigafue jino llóiticue, áfedo jiáifuena omoi onóillena. Ocuilla uai nai cuena dáiiñeniadi, aino come raana óiacanana onóñedicue. Mei íadi afe dai llua mei fieni óiacanana onódicue. ⁸ Afena cue onónamona, bie ocuilla uai llúado, cue comécimo ite naga fieni jítainana uáfodo cazítaga. Mei ocuilla uai nai cuemo lloñena llezica, fiénidifue tíide izói uái íllano figo onóñedicue. ⁹ Nauídíruiamo, ocuilla uai cuemona nai oni eneno illa llezica, cue comeci úrilla caimare ite. Mei íadi ocuilla uai ja lluaíbillado fiénidifue meine abido comuide. Afefue meine comuillamona fállena cue orede. ¹⁰ Dinómona bie izói cuemo zúide. Daje cuena ñue ziiñona illífuemo úirede uaillai, ñue illífuemo cuena uíñede. Mei jiáifodo cue dibénemo, cuena ana tíllanomo uite. ¹¹ Mei jii, fueñe fiénidifue cuemo íñede daidicue. Mei íadi ocuilla uaina cue fídiamona, cuemo ite fiénidifuiaina onódicue. Afe ícoínia Juziñamui fáiacagamiéna iticue.

¹² Afemona onoiqa, afe ocuilla uai iere ñuera. Daje izói lletara uai jamánomo ñuera. Afe uai ñue jaícina jóidiuai. ¹³ ¿Meita bie ñuera ocuilla uai cuena ana tíllinomo úirede? Ñue onóigaza, únide. Mei jiáifodo cuemo ite fiénidifuedo ana tíllinomo uigacue. Afemona uáfue na cíotagaza, bie fiénidifue ua nahí

fiénideza. Afe cuena ana uillafue ñúefuedo finoca. Daií Juziñamui ocuilla uai, nana fiénidifuiái jamánomo íaire nana caina onótate.

¹⁴ Afe ocuilla uai Juziñamui Ñuera Joreño dúi difue. Afena onódicaiza. Mei jiáifodo nanómona cue comécimo itífue Ñuera Joreño dúi ñede. Mei izire rairuícamié izói íaifue finuanamo fecácamié izóidicue. ¹⁵ Birui cuemo íficaidifueña onóñedicue. Ñue cue comeci jítainafueña finóñedicue, mei íadi cue comeci éoillafueña áfena finóñedicue. ¹⁶ Mei cue comeci jítaiñenafue cue finóadi, afe cue finócafue fiéninana onódicue, mei Juziñamui Ocuilla uai cuena áfemona rairuúdeza. Iemona afe bie ocuilla uaina nahí ñuera daidicue. ¹⁷ Mei daií áfena dama finóñedicue, mei jiáifodo cuemo ite íaifue aféfuemona comuide. ¹⁸ Mei onódicueza, dama cuemo ñúefueña iñede. Bíedo daiícadicue, nanómona cuemo itífue ñúeñede. Mei jii, cue comeci ñúefue finóacade, mei íadi áfena jaca finónidicue. ¹⁹ Cue jitaiga ñúefueña finóñedicue; mei íadi cue jítaiñega fiénidifuiaina finócadicue. ²⁰ Iemona cue finóacañega fiénidifue cue finóadi, dama cúeñedeza, cuemo ite fiénidifueña comuide.

²¹ Daií jaca bie izói cuemo íoicaide: mei ñúefue cue finóacania, áfena baiñeno dama cuemo ite íaifuiái báifredicue. ²² Mei jiáifodo cue comécido Juziñamui ocuilla uaina gáidicue. ²³ Mei íadi afe llezica cue comécimo ite jiáie niné cue úiade uaina comécido onódicue. Afe uai cue ífoci úrilla ñúefueña niné féitaoidé. Afe bie fiéni cue rairuíoide uai cue abímo ite. Afe uai cuena llavéoidé.

²⁴ ¡Nai iere íóbiñedimiedicue! Bie ana tállamo cue uite abímona, ¿bu oni cue jirecaitalle? ²⁵ Dama Juziñamui ie Jitó cai Ocuíraima Jesucristodo bífuemona cuena oni jirecaitarede. Iemona, ja birui Juziñamuina “fere figura” daidicue. Iemo cue illafue bie izói ite: Juziñamui ocuilla uai anamo cue itábicaillena dama Juziñamui jónega cue comeci ñue úrillado finóredicue. Mei íadi dama cue abí dibénedo nanomo cuemo itífuedo llavécaigacue. Dinómona fiénidifue cuemo íoicaide. Íoicaillamona fiénidifuiaina jaca finócaidicue.

8

Juziñamui Ñuera Joreño úicaigamié illafue bie izoide

¹ Mei ja benómona, nana Jesucristomo dájena jaináidinomo duere finótaituái jaca iñede. Afémaci Juziñamui Ñuera Joreño ríinodo afe Joreño illa izói ífrediaíoi. Dáanomo afémaci nanómona comécimo itífuiái izói comécíñediaíoi. Daje izói nánorafuiaina náfueñediaíoi. ² Juziñamui Ñuera Joreño cai rairuilla uai, dájena Jesucristomo cai jaináinamona, caina ñue cáataite. Afe llezica caina rairuide Ñuera Joreño uai, afe nanómona cue rairuilla fiénide uáimona cuena oni jirecaitade. Afemona fiénidifue ana tállinomo cuena úíneite. ³ Moisés ocuica uáimona finónidifueña, Juziñamui daade ie Jitó ana óriano áfena finode. Afe caímo ite fiénidifueña oni cai jirecaillafue Moisés ocuilla uáimona finónide, mei nanómona cai comécimo fiénidifuiái íllado, afe uai ríinonideza. Iemona afe uai figo jinoñede. Ie jira Juziñamui cai oni jirecaitallena, daade ie Jitó jamai cómena bie éniemo jéicitade. Afe mei, cai fiénidifuiái ícoínia cai ífomo Juziñamui ie Jitó fatátate. Bie izói daina daiíacade, bíniemo ite fiénidifuiairedino comínina íaíoi illa izói, afe izói Juziñamui ie Jitó ana bíniemo orede. Afe bie izoide ória mei, afémie abí, cáie izói eroide, mei íadi afémie íaifuenide. Afe izói ie íllamona afémie bíniemo ua nífuenidimiena jáicaillado nana caímo ite fiénidifuiaina anáfenode.

4 Mei ocuica uai jeire cai óllena, afémie nana bie izói finódeza, mei ja nano cai comécimo comuífuiiamo comécíñedicaiza. Afena ja náfuñedícaí. Mei jáífodo Juzíñamui Ñuera Joreño ífuiiamo comécíioidícaí; aféfuíaina ñue náfueticai.

5 Nano comécimo fiñi comuífuiiamo comécídino, daa bie cai abi ífuiiamo izire comécido lílcíoidiaíoi. Mei jáífodo Ñuera Joreño ífuiiamo comécídino afe Ñuera Joreño daináuaimo izire comeci fáíoidiaíoi. 6 Da bie cai abi ífuiiamo comeci izire cai lílcíoi, ana túllinomo caina uite. Mei jáífodo Ñuera Joreño daináuaimo izire comeci cai fáioia, zíñona illífuemo caina uite. Iemo daje izói caina caimare uái illínomo uite. 7 Daje bie cai abi ífuiiamo izire comeci lílcíoidino, Juzíñamui uáitatimacina jáidiaíoi, mei afémaci, nana comíni Juzíñamui ocuilla uaina gáíñediaíoi. Afémaci áfena gáíñenamona afe uai anamo índiaíoi. 8 Ie jira nano cai comécimo comuífuiiamo jaináidino Juzíñamuina íóbitandiaíoi.

9 Mei íadi Juzíñamui Ñuera Joreño ja ómoimo íllamona, comécimo fiñi itífuiiamo, cuinaca izói, izire jaináñediomoi. Mei jáífodo Ñuera Joreñomo dájena iere jaináidiomoi. Cristo Ñuera Joreñoña íñédímie Cristo íeñede. 10 Cristo ómoimo íllamona ómoimo ite joreño caade. Ua, Juzíñamui anamo ñue jáícina itábicaillamona omoi joreño cazítaga izoide. Mei íadi afe llezica caimo ite fiénidífue cai abina ana túllinomo uite. 11 Mei jáífodo Jesucristo túllanomona Juzíñamui Ñuera Joreñodo meine abido cáadimiena jáitaga. Iemo afe Cristo cáadena jáitate Juzíñamui omoi túífirena abina nane meine cáadena jáitaite. Ua ómoimo ite Juzíñamui Ñuera Joreñodo Juzíñamui cáadena jáitagamacina ómoína fínoite.

12 Amatiaí, mei daí cai comécimo fiñi ífiredífuiiamo comécíñellena, izire ocuicanodícaí. 13 Da bie omoi abi ífuiiamo omoi comécíoiadi, túllinomo ana ómoína uite. Bie cai comécimo itífue jaca fiénidífueña caina finótate. Mei íadi afe ómoína finótate fiénidífue Ñuera Joreñodo omoi anáfenoíadi jaca ninomo cáaitiomoi.

14 Nana Juzíñamui Ñuera Joreño ífócamaci, Juzíñamui úruíai. 15 Mei jíi, ómoimo iga Ñuera Joreño, jacire ráiruíte joreñoñede. Daje izói ómoimo ite Ñuera Joreño ómoína meine jacíruiñañede. Mei íadi afe ómoimo iga Ñuera Joreño Juzíñamui jítótiaína ómoína mamede. Afe Joreño Juzíñamuina “Cue Móodio” caina daíitate. 16 Da bie Ñuera Joreño caimo ite joreño diga, dájena nabáizaibite “Juzíñamui jítódícaí” caina daíllena. 17 Afe daí ie jítótiaína cai íllamona, Juzíñamui raíre úcodo caimo lloga feci raa izoide cáimafue maiñóredícaí. Afe cáimafue dama Cristo ie, mei afémie Juzíñamui nahí Jitoza. Mei íadi ja biruí áfena daane afémieoiri maiñóredícaí. Afe Cristo duere zefuilla izói, daane biruí duere cai zefuíadi, Juzíñamui caina cóíte. Iemona Juzíñamui ebíredífueña íemo nítalle izói, afe izói caimo nítaite.

18 Iemona ja biruíllaido duere cai zefuilla figo ráañenamomececi facádícué. Afefue ráañenari íóbidícué. Ua afe aillónedeza áfena lloñedícué: mei afe uíre caimo cómuíte ñue ebíredífue jamánomoideza. Afe ebíredífue duere zefuillafue baímo jamánomoideza, afe duere zefuillafueña úbíñoñeítícaí. 19 Nana Juzíñamui finoca cómena maméíñedinuíai, Juzíñamui jítótiaí meine cáadino jaillano jino cótallíruimo iere izire úíñoídiaíoi. 20 Ua comínimo ite fiénidífue

ícoinia, nana afe Juziñamui comuítaganuiaí zuure fiállifueмо мамécaiaioi. Dani íaioi jítainamona aféfuemo mámeñegaiaioi. Mei íadi Juziñamui daí íaioina mamede; afe ie comeci jítaina izoi мамécaiaioi. ²¹ Mei afémie nana ie finócanona riire ocuícafuemonona oni jirénoiacade. Daje izói ie finócanona niné táinocaitifuemonona oni jirénoiacade. Afe íaioi jirénollifueмо Juziñamui ñue comécide. Daí íaioi oni jirecaitate, Juziñamui jítótiaioiri ebire jaícina joidé cámafueña íaioi maiñórilla. ²² Onódicaiza, jaiái fiénidifue bíniemo tainéinanomona, nana Juziñamui finoca cáadinuiaí abi izírenari murífrediaioi. Ua jaiáimona nai biruimo, ringo úrue jocóacana llezica izínaila izói, nana ie comínina mámeñega comuítaganuiaí izi cácadiaioi. ²³ Daa afémaci izi cácañenaza; daje izói cai izi cácaillano, afe caina jaícina ñúeitalliruido izire ocuíticai, Juziñamui Ñuera Joreño caimo ite íadi. Juziñamui icoi aillo caimo fecalle caimátailifuiamona, bie Ñuera Joreño fueñe raire uícodo caimo iga. Mei íadi nai bíniemo iere zuure murífredicai; mei Juziñamui jítótiaí maméidicai íadi, móonidiza jíaie come íena náamataja izói, cai ie náamataliruido ocuíticai. Aféruimo nana fiénidifuiamona, naa jíaie cai rairuíoide íaifuiári, Juziñamui cai abina oni jirecaitate. ²⁴ Afe bie cai jíllollifueмо úiñoídicaí. Jesucristo daí caimo llogáuaimo afe jeire cai úamona, áfemo úiñoídicaí. Afemo daí izire cai úiñoínado jíllotagacai. Cai úiñoга raana cai ciónamona, jae áfemo úiñoñeíticai, mei jae íteza. ²⁵ Mei jíáfodo cai ciónena raamo cai úiñoiadi, ja áfemo raire járitañeno úiñoiredicai. Iemona Juziñamui Ñuera Joreño, Juziñamui jítótiaina cai maméinamo uaina nabaide.

²⁶ Daje izói Juziñamui Ñuera Joreño mei ní fue Juziñamuimona cai jícállena ñue caina cánuabite. Juziñamuimona jaícina ie jitailla izói cai jícajana onóñedicai. Mei daí cai illa llezica, Ñuera Joreño come uaido jino llónide murilla uaido Juziñamuimo caído izire jícade. ²⁷ Juziñamui naga come comeci ífuena ñue onóillena izire jícanofiredimie. Afemona Ñuera Joreño caido daíacanana Juziñamui ñue onode, mei Ñuera Joreño, Juziñamuimo jaináidinodo Juziñamui comeci jitailla izói izire íaioimo jícadeza.

Nana zuure íaifuiamona caifófeficairedicai

²⁸ Onódicaiza, Juziñamui nana cómemo íficaitifuiaina ñue jaícina mamede, nana íena izíruitino ñue íllena. Ua Juziñamui comeci jítaina izói, ie jíirigano ñue íaioi íllena, Juziñamui illa dígamieмо cómutifuiaina ñue jaícina zúitafrede. ²⁹ Mei Juziñamui nana ie uícodo onóigano nanómona mamede, ie Jitó illa izói íaioi íllena. Bie izói íaioi íllamona Juziñamui Jitó ámatiaina itíaioi. Afemona aillo ite ámatiaí cígimona Jesucristo dama námiena jaide, Juziñamui jaiái uícodo mámia izói. ³⁰ Nana daí ie mamécanona, daje izói íaioina jírite. Nana ie jíiriganona, daje izói ie anamo ñue jaícina itábicaítate. Daje izói, nana daí ie anamo ñue jaícina itábicaítaganomo Crísto mo nitaca ebíredifueña afe izói íaioimo nitade.

³¹ ¿Bífuena nie izói dáiticaí? Juziñamui cai dibénemo íadi, ¿mei bu caina anáfenolle? ¿Cai anáfenoitena íñede! ³² Juziñamui dama ie daade nahí Jitona cáimona rairuíñede. Mei jíáfodo nana ñue cai jíllóillena, ie daade Jitó titállena jeruíñeno fecade. Iemona onódicaiza, nana jíaie cai jitailla ríiduana naa ie Jitóoiri nágarui caimo fecáfireite. ³³ Juziñamui nízcamacimo, ¿bu

fiénidifuena nitárena? Afe izói nítaitimie iñede, mei afémaci nífuenidimona Juzíñamui jae jino uáfodo llógaza. ³⁴ Afe Juzíñamui nizécanona, ¿mei bu duere finótarena? Iaioina duere finótaitimie jae iñede, mei Jesucristo íaiói ícoinia tízaibiteza. Afe baimo Jesucristo tíllanomona meine abido cáadimiena jaillano, Juzíñamui nabézimo ráinazaide, dinómona Juzíñamuimona cai ie canóllifuena izire jicállena. ³⁵ Cristo cai ie izíruillana, ¿bu mei féitarena? ¿Meita duere cai zefuádi, Cristo caina izíruillana féitaite? Féitanide. ¿Meita llotáiredifuiai caina ie izíruillana féitaite? Féitanide. ¿Meita fiени caina finóacadino caina ie izíruillana féitaite? Féitanide. ¿Meita júbietaillafue caina ie izíruillana féitaite? Féitanide. ¿Meita inícuironinafue caina ie izíruillana féitaite? Féitanide. ¿Meita jácifuiái caina ie izíruillana féitaite? Féitanide. ¿Meita tízaiillafue caina ie izíruillana féitaite? Féitanide. ³⁶ Juzíñamui Cueva Uai bie izói dáideza:

Nágaruillai o ícoinia tíllanomo áinozigagacai, mei íadi tíñhedicai.

Daje llezica caina titalle ovéjaiái izói mamédaíoi.

³⁷ Mei íadi nana bie zúuredifuiaimona, caina izíruitimie Jesucristodo, caifófeicaidino baimo ñue jino jáidicai. ³⁸ Iemona ñue onódicueza, Juzíñamui cai ie izíruillana ráiruitena iñede. Naga raamo cai jíriadi Juzíñamui féitañeno caina izíruioide. Cai tíllifue Juzíñamui caina izíruillana cáimona feitañeite. Daje izói bíniemo cai cáanafue caina ie izíruillana cáimona rairuínide. Daje izói Juzíñamui abi imaci caina ie izíruillana cáimona rairuínide. Daje izói fiени ríinorede joría caina ie izíruillana cáimona rairuínide. Daje izói biruido comuídfuiai caina ie izíruillana cáimona rairuínide. Daje izói uire cómutifuiai caina ie izíruillana cáimona rairuínide. ³⁹ Daje izói Juzíñamui abi imácimona ríillaini caina ie izíruillana cáimona rairuínide. Daje izói Taifemo jaináidino ríillaini caina ie izíruillana cáimona rairuínide. Ua nana Juzíñamui finócanuiaimona buna Crístodo caimo jino ciótaga izíruillana cáimona rairuínide.

9

Juzíñamui jaiái úcodo Israel nairái nizede

¹ Ja birui jáifue ómoimo llóiticue. Crístomo cue jaináinamona táinona llóñeiticue. Daje izói Juzíñamui Ñuera Joreño nabáioicaigacueza cue comeci urilla uai ñue jino deide. Afedo bie cue lollifue nahí ua ráfueza, onódicue. ² Be ñue: nana cue nairai comíniri iere zúuruiticue. Afémaci Crístomo íñoñenamona zúufueri comécina cuidíridicue. ³ Iemo mei cue dáinamona nibai afémacina jllotareníadi, Juzíñamuina, “Mai fiени cue faido,” nibai raíre dáitícue. Mei íadi cue dáina izói Juzíñamui cue faidódena, cue nairái imácina cánofeite. ⁴ Afémaci jaiái Juzíñamui nizécamie Israel, méifomo comuícana jáidino. Daje izói afémacina Juzíñamui daide:

—Bimaci cue nairai, —daide. Afe mei íaiói cígimo ie íllado íemo ite áillue ebírede ríino Juzíñamui íaióimo jino ciótate. Daje izói íaioina ie ñuera finóllifuiai Juzíñamui íaióimo lloite. Iemo Juzíñamui Moisédo ocuica uaina llogáíai. Daje izói Juzíñamuina nahí caimáitaitajana onótagaíai. Daje izói Juzíñamui lloga caimare íaiói íllúai íaióimo íteza. ⁵ Bimaci mámecina jica jalleide judúuai jáiáidigimamona comuítagano. Iirainomo íaiói náiraimona Cristo cómena jócuai biga. Bífuiamona Juzíñamui naga ráfuiái jamánomo ocuillana

onódicai. Iemona nana náiraiamona illa dígamiai Juzíñamuina jaca ninomo fáicanocaiñeno ióbitarediaioi. Mai daí íteza.

⁶ Diga ñúefuaii cue náiraimo duide; mei íadi Crístona náfueñediaioi. ¿Mei níbai? ¿Nibai Juzíñamui uícodo lloga Israelna ñuera daináuai figo déizabiñede? Daí daíñedicueza. Jiáfodo jóide. Nana Israel náiraina maméidinomona dáarie Juzíñamui nízeñegano. ⁷ Daje izói Abraham méifomo comuídino dáarie ie nahí úruiañediaioi. Jaiái uícodo Juzíñamui Abraham daide:

—Dama Isáacimona cómutino o uáfueña méifomo comuídinona jaille, — daide. ⁸ Bie uai jiáfueña cai onótateza: Dámie ñuera náiraimo jócuado, dama áfedo “Juzíñamui jítódicue” daíñide. Mei jiáfodo Juzíñamui uícodo daina uai fúitamona jocócana, dama afémaci ie uáfueña méifomo comuídinona mameina. ⁹ Juzíñamui Abrahamana uícodo daina uai be ñie: “Uire afe nauí cue mamécaruimo meine bíiticue; íemo o ai Sara jító jócoite,” daide.

¹⁰ Iemo nai jiáfueña ite. Rebeca jító íaillinoi dáamiena móorediaillinoi. Íaillinoi moo cai jaiáidigima Isaac. Afe jító íaillinoi guarázailinoi. ¹¹⁻¹² Mei íadi íaillinoi nai jocóñeniadi, afe ménaillinoi nai náfuenina illa llezica, Juzíñamui Rebécana daide: “O jító nánoramie ie méifoide ama anamo jabóidimiena íte.” Juzíñamui daí daide, bífueña cai onóillena: Afe íaillinoimona dáamiena Juzíñamui nizéllena dama Juzíñamui comeci jítaina izói mamede. Afe Juzíñamui íaillinoimona dáamie níziafue íaillinoi finócafueña comuñede. Dama Juzíñamui mámiamona íaillinoimona dáamie nizécamienda jaide. ¹³ Juzíñamui Cuegáuai bie izói daide: “Jacob cue nizécamié, íemona cue izíruigamié, mei íadi Esaú cue ruifruigamié.”

¹⁴ Iemona dáarie nibai daítiaioi: “Juzíñamui daí dáamiena fia ruifruillano jiáimie nizeda máíñua jaícina jóíñede.” Mei íadi bie comini daináuai uáfueñede; jaícina jóíñedifueña Juzíñamuimo jaca íñede. ¹⁵ Mei Juzíñamui Moisená ja dáideza: “Daa cómemo cue dúecaicanadi, afémiemo dúecaiticue. Daje izói daa cómena duéruillano riire íbana cue óiacañeniadi, íemo íbana óñeiticue.” ¹⁶ Bie Juzíñamui daina uáimona onódicaiza: Juzíñamui dáamie eneno nízia afe come óiacanamona daingo comuñede. Daje izói afe come riire finuamona Juzíñamui níziafue comuñede. Juzíñamui afémie nízia dama cómemo Juzíñamui dúecaicanamona comuide. Daje izói afe ímana ie canóacanamona comuide. ¹⁷ Mei jii, Juzíñamui ie Cuegáuaido, Egipto illáimana daide: “Ja illáimana o jóneticue, cuemo ite áillue riino jiáimacimo odo jino cíotallena. Afe llezica iere duere o cue finólledo cue mámece naga náiraiáido jica jalléitaitio,” daide. ¹⁸ Ie jira onódicaiza: Juzíñamui dama ie óiacana izói, daa cómemo dúecaitie; íemo Juzíñamui dama ie óiacana izói jiáie come comécina riireitaitie.

¹⁹ Bífuiamona daa come nibai cuena jicánoite: “Mei Juzíñamui afe ie óiacana izói finófiredeza, jiáfodo índicai. Iemona ¿nibái mei fénidifue ícoina caimo nitáfrega? ¿Bu mei Juzíñamui óiacanafueña uáitarena?” ²⁰ ¡Ací! ¡Daí dainámie cacai! ¿O iere ua ímiedicue daidío, Juzíñamuimo riire júfidollena? Mei nana Juzíñamui comuitagacaiza bie jiáfueño coméciri. ¿Mei nibai nogo, afe nogo niraíngona daíte: “¿Nibái mei cuena bie izói nítio? ¡Dáiñeite! ²¹ Nogo niraíngona daingo ie comeci óiacana izói afe nogórainá nírede. Afe daje nógorafella átuedo daa ebire eroide íciruna nírede, íemo daje nógorafella enéfenemona jamai nogócirina nírede.

22 Iemona daje izóí Juzíñamui finócafuiai ñúeraza, onódicai. Afémiemo ñinoñedinona Juzíñamui duere finótaacade, íemo ite fiénidifuena gáñenana jino ácatallena. Afe llezica íemo ite aillo ñuera ríino jino comínimo onótaiacade. Mei íadi afémaci fiени illafue íbana raire otátañede. Ie icírafue anamo itínomo, Juzíñamui raire comeci jaritañede. Íaioimo dúide niné táinocaitallifuena nai are ocuñede. 23-24 Daje izóí Juzíñamuimo ite jamánomo ñuera ebíredinona comínimo jino onótaiacade. Iemona Juzíñamui dáarie judíuai, daje izóí dáarie judíoñedinona nizada íaioimo dúecaide. Dúecaillano íaioi fiени illafue íbana oñeno íaioi jíllotate. Afe íe dúecaillado nizécanodicai. Afémie jaiái uícodo, íemo ite ebíredifuemona afe cáiena oni cai maiñóllena caína mamede. Daíí finuamona, íemo ite jamánomo ñuera ebíredifuíai Juzíñamui caimo jino fidítate.

25 Jaiái Juzíñamui uai jino llóraima Oseas cuegánicomo Juzíñamui bie izóí daide: Cuemo jaináñede comínina “Cúeiena” náamataíticue.

Daje izóí nauí cue izíruiñega náiraina “Cue izíruiгамacina” mámeíticue.

26 Daje izóí batí jíaie éniemo itínona Juzíñamui daina “Cue comíñediomoi,” afénomo itínona “Cáataite Juzíñamui jíótiaína mamélliaioi,” —daíí Oseas daide.

27-28 Mei íadi Israel nairai dibénemo Isaías daide: “Israel comíni iere aillo jebuídiaioi, ua monáillai fuédamo ite facádonide guamájai izóí, jamánomo áillomaci. Mei aillo jebuídiaioi íadi, afe náiraimo Juzíñamui raire duere finótalle mei, daa dúemacina fiébitiaioi. Dani afe dúemaci jíllotiaioi. Mei jíi, Juzíñamui íe daina uai izóí náiraina duere zefuúllifue jino zuítaite.” 29 Dáamie Isaías afe duere zefuúllifue uícodo llote:

Mei jamánomo ríinorede Juzíñamui, caína due méífomo cómuitinona níriñeniadi, Sodoma íemo Gomorra diga jofue nairai niné táinocailla izóí niné táinocaiticai, —daide.

Jesucristo cai jíllotalle ñúefue daje izóí Israel comínimo dúide

30 Cai lloga uallai bie izóí daííacade. Be ñie: Judíoñedino Juzíñamui anamo ñue jaícina íaioi illínona figo jenóñediaioi, mei íadi Juzíñamuimo íaioi ñinuamona, Juzíñamui anamo ñue jaícina itátagaiaioi. 31 Mei jíaífodo afe Israel nairai, (judíuaina maméidino) Juzíñamui anamo ñue jaícina íaioi itátaite ocuilla uáillaina jenódiaioi, mei íadi afe uáillaina ñue ícoimo figo dúcitañediaioi.

32 ¿Ñibái mei afeno baiñédiaioi? Mei Juzíñamuimo ñinuado íaioi comeci ñue jaícina jóillifuena jenóñediaioiza. Dani íaioi nícidogafuíaimo comécidiaioi. “Ñibái aféfuiaido Juzíñamui anamo ñue jaícina íiticaí,” daídiaioi. Ie jira Juzíñamui oreca jíllotaitimíemo, ñie Jesumo, uíeco raire finódiaioi; finuano Juzíñamui anamo ñue jaícina íñediaioi. Come iodo jáiadi éicitaila izóí, Jesumo éicitaidiaioi. Afémie iomo éicitaitate nofíci izóidimie mei afémie ñúemie, mei íadi ruífruigamie. 33 Juzíñamui Cuegáuai afémie dibéno jébie izóí úrite: Omoi cácarei, judíuai iomo éicitaitate nofíci izóidimiena jóneticue.

Afemo comíni éicitailano oni níbéfodo báitíiaioi.

Mei íadi nana íemo ñnotino íena méairuíñeítiaioi.

10

1 Cue ámatiaí, nane ómoína dáitíicue: Cue nairai israelitas imaci jílloillena, nana cue comécido izire óiacadicue; íemo áfena Juzíñamuimo jíacífredicue.

2 Bie ñúefue afémacimo nitáredicue: Juzíñamui comeci jítainafuemo nágarui

iere járidofrediaioi. Mei íadi áfena ñue jaícina íaioi fidíñenamona daí táinomo járidotiaioi. ³ Comini Juziñamui anamo ñue jaícina ie itátallifuena, íaioi ifócimo ñue denóñede. Mei jáífodo Juziñamui anamo itábicañeno dani íaioi mameca comeci ñue jaícina jóitaitifuelo járidotiaioi. Ie jira Juziñamui lloga ñue jaícina itátaitifueña maíñóñediaioi. ⁴ Mei jii, Cristo billano nana íemo ñnotino Juziñamui anamo ñue jaícina itátagaiaioi. Ie jira comini Juziñamui eróicana ñue íaioi illena, Moisés ocuica uaimo dani íaioi niciduafueña Cristo jae féitate.

⁵ Ocuica uai jeire úado Juziñamui anamo ñue jaícina cai illifue dibénemo Moisés bíena daide: “Nana ocuica uailai dáamie ñue ícoimo fuitáadi, áfede afémie are iite.” Mei íadi afe uállaina ñue jeire otímiena íñede. ⁶ Mei jáífodo, Jesumo cai ñnogafuedo Juziñamui anamo ñue jaícina cai illífuena Juziñamui Cuegáuai bie izói daide: “O comeci anado bífuena daí jicánoñoño iri: ¿Bu mei caifo monamo jaille, Cristo ana cai jíllotataibillena? ⁷ Daje izói bie jáífue daíñeno iri: ¿Bu mei ana tíidino illánomo jaille, afénomona Cristo caina caifo jíllotataibillena?” ⁸ Juziñamui Cuegáuai bie izói daide. Be ñie: “Aci, Juziñamui jíllotaja uaina ja cacádiomoi. Ie llógamo ja comécidiomoi.” Bie uailai ómoimo cai lloga omoi ñnollifue. Be ñie: ⁹ O fúedo jino comínimo “Jesús cue nahí Ocuárima,” o daíadi, nane daje llezica afémie túllanomona meine abido cáadimiéna Juziñamui jáitagamiemo o comécido o ñnoiadi, ua jíllotio. ¹⁰ Mei Juziñamui anamo ñue jaícina cai itábicaillena, afémiemo comécido ñnoredicai; ie mei Jesucristomo nahí cai jaináinafuena, cai fúedo jino comínimo llóredicai, áfede ñue cai jíllotillena.

¹¹ Juziñamui Cuegáuai daide: “Nana íemo ñnotino íena meáiruiñeite.” ¹² Jesucristo nana náiraímo daje uaido úrite. Judíoñedinona énenoruiñeno daje uaido íaioimo úrite, naa judíuai diga. Nana nairai Ocuárima daade Jesucristo; nana afémiemo jicáninomo afémie jaca dúecaífirede. Ja ie jira íemo íte jamánomo ñúefuíaímona íaioimo fecáfirede. ¹³ Mei Juziñamui Cuegáuai daí dáideza: “Nana cai Ocuárima Jesucristomo jicaitino jíllotiaioi.” ¹⁴ Mei íadi Crístomo nai íaioi ñnoñeniadi, ua afémiemo jicánidiaioi. Daje izói afe jíllolle uai nai íaioi ñue cácañeniadi áfemona nai ñnonidiaioi. Iemo afe uai jino llóraíma nai íñeniadi, afe uaina ua cacánidiaioi. ¹⁵ Afe izói, uai jino llóraímana nai íaioi ocuíñeniadi, afe ñúefue uaina ua jino llónide. Jira Juziñamui Cuegáuai bie izói llote: “Núefue lluaíbitimie billa iere ñuera.”

¹⁶ Mei íadi nana cue nairai imaci, Cristo daina ñúefuena jeire oñediaioi. Jaiái uai llóraíma Isaías dama bie izói daide: “Ocuárima, cai lluaíbigafuena ¡jaca buna ññoñena!” daide. ¹⁷ Aféfuíaímona bie izói onódicai: ñúefue fidínamona comini ñnotinona jáidiaioi. Iemo dáamie Cristo daina uai jino lluaíbillamona, comini afe ñúefuena fidídiaioi.

¹⁸ Mei íadi jicánoticue: ¿Mei nibai nana judíuai afe ñúefuena fidíñediaioi? ¡Iñede! Ja fidídiaioi. Juziñamui Cuegáuai daje izói llote:

Afue llóraíni úrilla uai nana énie náiraíaido cácaicaide.

Íaioi daináuailai nana énie fuédamo jica itinuíaimo ñue jalleide, daide.

¹⁹ Dánomo nane jáífueña jicánoticue: ¿Mei nibai afe cacánafue Israel comini ifócimo nai figo déíñede? Dáamie Moisés, Juziñamui dibénedo fueñe uai ote. Moisedo Juziñamui daide:

Ua comíñedimacimona ómoína úradoitaiticue.

Daje izói abina onóñede nairai ícoinia ómoína icíritaiticue, daide.

²⁰ Afe mei Isaías jacíruiñeno Juzíñamui dainafue llote. Be ñie:

Cuena jenóñedino ja cuena baitíaioi.

Cuena jicánoñedinomo dama cue abina ja onótaticue, daide.

²¹ Israel nairai dibénemo Juzíñamui daináuai Isaías llote. Be ñie: “Nágaruillaído cue uaina náfuecañedinona uáidotícue. Mei íadi fairíoñediaioi. Daje izói cuena uáitaoidinona uáidotícue, mei íadi náfueñediaioi,” daide.

11

Israel náiraimona dáarie jílloitiaioi

¹ Iemona nane jicánoticue: ¿Ja ñibai Juzíñamui ie ñizeca Israel náiraina ruifruiga? ¿Jaca íeñede! Mei cue dama Israel nairai ímiedicue. Daje izói Abraham izíedicue. Iemo Benjamín comínimona comuídícue. ² Jaiái ñinomo uícomo íeiena onoiga Israel comínina birui ruifruíñeite. Uáfueza, uai llóraima Elías daina uaina onódiomoí. Aféuai Juzíñamui Cuegánicomo ite. Juzíñamuimo Elías jícaja llezica, Israel nairai fiendi finócafuiái íaioimo riire jitade. Daide: ³ “Cue Ocuúraima, o uai jino llórainina fatíaioi. Daje llezica o íóbitalle illánuiaina ñiné táinocaitatiaioi. Afemona dama cue fiébilla. Iemo daje izói nane cuena titáacadiaioi,” daide. ⁴ Mei íadi Juzíñamui ie uai fairíote: “Siete mil dígamaci eneno cúeiena ja ñíritícue. Afémaci afe taino juzíñamui Baal jánarai anamo caiñici ifodo dújuñediaioi, ie íóbitallena,” daide. ⁵ Ie jira daje izói birui judíuaimona ínote dúemacina eneno mamécaiaioi. Juzíñamui nana comínimo dúecaillano daa bimácina oni eneno ñizeca. ⁶ Bie níziafue Juzíñamui caimo dúecaillamona comuide. Iemona come finóacanamona comuífede. Mei íadi cai níziafue come finóacanamona comuídeniadi, Juzíñamui caimo dúecaillafue nahí caimare dúecaillafueñede.

⁷ Bie daináfue ¿mei ñifuena cai llote? Be ñie: Israel comini íaioi jenoca Juzíñamui anamo ñue jaícifuena baiñediaioi. Mei íadi Juzíñamui ñizeca dúemaci afe íaioi jenócana otíaioi. Ie mei baiñédimaci Juzíñamui íaioi comécina ríretade. ⁸ Juzíñamui Cuegáuai daí daide: “Bimácina Juzíñamui comécina tíidino izói finode. Uina cóiñedino izói íaioina finode. Daje izói jefona cacáiñedino izói íaioina Juzíñamui finode. Nai afémaci jaca biruúllaímo bie izói itíaioi.” ⁹ Iemo jíái David Juzíñamuimo jícajano daide: Juzíñamui íóbitallena íaioi finoca güilláfuiái táinona finódiaioi. Afe jira Juzíñamuina daidícue: Mai duere íaioi finoiri. Iemona aféfuai tácofo izói íaioimo jáiteza; daje izói llójeji izói jáiteza. Afe táinona finócafuiáimo écítaillano izói duere finólliaioiza.

¹⁰ Daje izói uina ñirídino izói mai mei íaioi jáilleza, Juzíñamui ñúefuiái íaioi óñoñeilleza.

Iemo nágarui iere baizídaitaganona íitiaioiza, daide.

Judíoñedino jíllotafue

¹¹ Ja birui nane jicánoticue: ¿Ja ñibai judíuái íaioi écítaillamona ñiné nana táinocaitalliaioi? ¿Jaca íñédeza! Mei jíáifodo judíuái Juzíñamui lloga uaina cacáacañena llezica, judíoñedino aféuai cacáillano íaioi jíllloillífue maiñódiaioi. Afe íaioi máíñua Israel comínina úradoitate, afe jíllonafue otino illa izói íaioi íllena. ¹² Iemona judíuái íñoñenafue írainomo nana náiraiaina canode. Afe judíuái ícoímo fuitáñeno zóofenocallafue, judíoñedinona ñue canode. Mei íadi

judúuai meine abido Jesumo ínuuilla llezica, nana náiraiai jamánomo ñue ézicilliaioi.

13 Ja birui judíoñedinomo úriticue. Mai omoi cácarei. Mei judíoñedinomo ñúefue lluájillena Juzíñamui orécacueza, afe bie cue llócaillifue mo iere jarítaifiredicue. 14 Nibai áfemo riire cue tájinamona, cue nairai comíni, omoi illa izói íacaitiaioi; afe izói íaioi íllena jítáidicue. Afemona afémacimona dáarie ñue jílobicaitiaioi. 15 Mei Juzíñamui judúuai ruifruillamona nana jáíe nairai Juzíñamuimo comeci caimare uái illáfueña llogáiaioi. Iemo uire judúuaina íaioina Juzíñamui caimare dáanomo uáidua llezica, iere jamánomo caimare nana íiticaí. Ua aféruimo tíide meine abido cáadena caimare illa izói caimare íiticaí. 16 Mei jíi, Abraham Juzíñamuimo dúinamona, nana ie anamo comúoicaidino Juzíñamuimo dúidiaioi. Daje izói da amena jáina Juzíñamui íeina maméadi, daje izói nana afe amena ícairuai Juzíñamuimo dúide.

17 Mei íadi dáarie Abraham anamo comúidino íaioi ínoñenamona Juzíñamui comínina íñeillena ruifruigaiaioi; íemo ie uai jeire omoi úamona Juzíñamui comínina itátagaomoi. Afe ruifruigamaci ífomo jae jónegaomoi; jóneficailano Juzíñamui Abraham imácimo lloga ñúefuiai daje izói llínoñediomoi. Ie jira judúuai ñuera olivo amena naa íe ícairuai díga izóidiaioi. Iemo omoi nano fueñe jazici amena ícairuai izóidiomoi, mei judíoñediomoiza. Jae judúuaimona dáarie íaioi ínoñenamona amena ícairo jaitaina izói jaitácaiaioi. Afe mei omoi ínuamona afe jaitácairuai méifomo jónegaomoi. Ua, jaiaí jaitaca ícairuai jíáie aménamona méifomo zicóllena jónegano izóidiomoi. Birui daje moi ícoraimo jáináidiomoi. Afe ñuera olivo íjido cáadiomoi. 18 Ie jira abina ínoñeno iri. “Olívomona jaitaca ícairuai izóidimaci baímo ñúeracue” daíñeno iri. Afe izói daíñidiomoi, mei ñuera olivo moi ícoraiaina cáatañediomoiza; dani jáínamona zicóllena jónega ícairuai izóidiomoi. Mei uáfueza, dani Juzíñamui nízeza comínimo birui omoi jáináinamona íe lloga ñúefuiai llínoñediomoi.

19 Nibai dáamie daíite: “Dáarie afe ñuera olivo ícairuai jaitácaiaioi, afe méifomo cue jónellena”. 20 Jáínamona ñuera olívomo zicódiomoinia ñuera, mei íadi jaitaca izóidimaci jáífo joide: Juzíñamuimo íaioi ínoñenamona jaitácaiaioi. Dani omoi ínogafuemona jónegaomoi. Iemona áfedo dani abina ínonidiomoi. Mei jáífodo omoi jaitábiza abina ñue omoi rairuiri. 21 Mei Juzíñamui nano nízécanona figo íaioi ínoñenamona jizíñeno íaioina ruifruite, afémie daje izói omoi figo ínoñeniadi, amena ícairo jaitaina izói, jizíñeno raire ómoína ruifruiteza. 22 Mai bífue mo omoi coméciri. Juzíñamui daí omoi jóoniano iere ñuera. Afedo afémie ómoimo dúecaifrenana fidídiomoi. Mei íadi nane afémie iere riire jácina ocuídime, mei íe uaimo náfueñedimacina afémie iere duere finode. Mei jáífodo afémie ómoiri dúecaifrede. Iemo fáicanocaiñeno íe uaina jeire omoi óadi, íe dúecailla dibéno íifreitiomoi. Afefue jeire omoi óñenia, jáí ómoína afémie jáitaite. 23 Mei jáífodo judúuai nane abido ínoia, afémaci abido dáanomo jofo jónelliaioi. Mei Juzíñamuimo meine íaioi jónelle riño íte. 24 Mei omo judíoñediomoiza, jica íte onínemaci izóidiomoi; Juzíñamui comínimo due jiza dúíñediomoi. Daí omoi illa llezica Juzíñamuimo omoi ínuado, afémie íe comínina ómoína itátate. Ie jira nano fueñe íe nízécamacimona oni nibéfodo baídino íaioi ínoiadi, abido daje íe comínina itátallena, Juzíñamui dibéno jamánomo juánide.

Tirairuillaído Israel nairai jilloitiaioi

²⁵ Amatiai, omoi cacai. Afe olivo amena ráfuenta ja ómoimo lloticue, uáfodo ónoñega Juziñamui mamécáfuenta comécido omoi onóillena. Juziñamui nanómona comécido mamériffafuenta ómoína fidítaiacadicue. Aféfuenta ónoillano Juziñamui comínina omoi itátagafuede abina íñoñetiomoí. Juziñamui mamériffafue bie izóí joide: Juziñamui Israel nabémacina comécina riire finode, mei íadi nano íanori íaioí comécina ríretade. Íaioí comeci ríreeta mei, Juziñamui nana jíáie náiraina caimare uáidote, íaioímona nana Jesumo ínotino nizéllena. ²⁶ Nana Juziñamui óiacana dieze íemo ínotimaci ofille mei, nana Israel nairai jilloizítiaioí. Mei Juziñamui Cuegáuai daíí daide: Cai Jíllotaraima dani cáimona cómuite.

Afémie Jerusalén jófuemona bíite. (Afe jofue jíáfodo Sióna mameide.)

Jacob meifo ígímaiaí íaífuaiaina afémie múíñoite.

²⁷ Íaioí fiénidífuiaí oni cue dolle mei nana uícodo cue lloga níuefuiaí ñue fuite, daide.

²⁸ Nana comini jilloille uai dibénedo judíuai fairíoñediaioí. Iemona judíuai Juziñamui ruifíruigaza, ie bacáuai imácina jáidiaioí. Ie bacáuai imácina íaioí íllamona Juziñamuimo cai nabáirillino comuide. Mei íadi Juziñamui nai íaioína izíruite, íaioí jáiáidígímaiaí ie nízia jira. ²⁹ Mei uáfueza. Juziñamui ja ie fecaca raana abido bairíoñede. Daje izóí cai ie uáiduafuenta jaca jíáfodo méidoñede. ³⁰ Naui Juziñamui uaina íñoñediomoí; mei íadi jíái birui judíuai daje izóí íaioí íñoñenamona Juziñamui ómoíri dúecaizaide. ³¹ Ja birui nano áinori judíuai Juziñamui uaina íñoñediaioí, Juziñamui ómoimo dúecailla izóí íaioimo dúecaillena. ³² Bie uáillaímona bífuenta onódicaí: Nana jíáie comini ie uaina dájerize íñoñediaioí. Ie uaina cai íñoñenamona fiénidífuiaí finófredicaí. Iemona Juziñamui nana caina dájerize cai gaíga fiénidífuiaimo llaveca izóidinona jóonete. Afémie bie izóí caina daide, afe méífomo afémie nana caimo dájerize dúecaillena.

³³ ¡Díga Juziñamui ebírede comeci ífuiaí caimo ie dúecaillena, naa ie onóigafuiaí díga! ¡Afémie iere ráfuenta baitádimie! Uícodo ie mamériffafuiaína cai jino llónidicaí. Daje izóí eneno dáarie comínina ie níziafuaiaina, onóñedicaí.

³⁴ Cai Ocuíraíma comeci úrillafuiaína buna onóñede. Daje izóí afémiena bu llófuetimie íñede. ³⁵ Iemo jíái cai Ocuíraímamo raana izájitimie íñede, afe raa íba llíinollena. ³⁶ Mei nana ráaniaí Juziñamui comuítaga. Nana afémie finoca; daje izóí íeiena nana finode. Jaca zííñoña Juziñamuína íóbioitaredicaí. Aquíe izóí íteza.

12

Juziñamuimo ñue jáicina cai dúina uai

¹ Cue ámatiai, birui Juziñamui caina dúecaillamona, ómoimo izire jícadicue. Dani omoi maí Juziñamui anamo itábicaíri. (Dani omoi comeci gáinafue finóñeno, maí Juziñamui comeci jítainafue omoi finori, cai ie ocuilla izóí.) Juziñamui íóbitalle rille jaiái íemo jaiái feca izóí, nai omoi caana llezica, Juziñamui anamo dani omoi maí ñue itábicaíri, íena íe ñue facátagamacina omoi íllena. Afe llezica dama íeiena eneno ñue finócamaci omoi íllamona, omoi ie ocuilla uai, maí jeire omoi oíri. Nana bífuiaí ñue cai fínuamona, cai joréñodo Juziñamuína caímátaitadicaí. ² Biniemo ite comini comeci táinomo facáoidiaioí.

Mai, afe izói omoi iñeno iri. Mei jáífodo, omoi comeci ífuiai, mai jáífodo méidori. Daií omoi comeci ífuiai omoi méidumona afe izói Juzíñamui nana o illafue cómfuena méidoite. Afemona Juzíñamui comeci ñue jítáinafue ónoiticaí. Daje izói ie jítaina ñúefue ónoiticaí, naa ie cai íóbitallífuiaíri. Daje izói ie ciona jáícina jóidífuiaína ónoiticaí.

³ Juzíñamui cuena dúecaillano cuemo jóonegafuedo, nana ómoína dáiticae. Juzíñamui cai fibítajafuemo da comécina facáredicaí. Afedo abí cai ínnolle ñuera. Mei íadi afefue baímo táinodo ínonidicaí. Iemona nana ómoímona dámie, afefue baímo dama ie abina íñoñeno iri. Mei jáífodo illa dígamie comécina ñue jáícina facárede, Juzíñamui íemo lloga ie comécimo Juzíñamui comuítaga ínuafue daina izói. ⁴ Da come abímo aillo táijide ráaniaí ite. (Onoí jáífodo táijide. Daje izói ídai táijina jáífoide. Daje izói fue táijina jáífodo joide. Daje izói jefo táijina eneno jáífodo joide.) Mei íadi daade cai abí íadi. Naga cai abímo ite raa eneno jáíadofodo caina canode. Daje táijinamo íñédiaíoi. ⁵ Daje izói, áilloziena Jesumo ínoticaí. Aillo cíóidicaí íadi, daade abí izóidicaí. Ua, Crístomo dájena cai jáináinamona, dáamiende abina iticaí. Dáamacídicaí. Afe llezica dáamiedicaí abímo ite táijide raa izói, dani conímamo dájena jáináidicaí.

⁶ Naga cómemo Juzíñamui jónega táijinana fibíllafue jáífoodo joide. Juzíñamui comeci óiacana izói, afémie naga cómemo fecade. Bie táijinana fibíllafue ñue jeire óredicaí. Dáamiemo Juzíñamuimona onoíga uaillá jino llóllena fibítaga. Afemona áfena afémie rairuíñeno jíeruirede. Nano ie ínogafue íllaze jino llófuerede. ⁷ Jáímací cai canófireille fibíllafue Juzíñamui caímo jóoneíadi, áfede rairuíñeno canóredicaí. Daje izói llófuiana fibítagamie, afe ie llófuefirenamo ñue járitairede. ⁸ Afe izói jáíma comécina náiretallena fibítagamie, áfemo afémie ñue járitairede. Daje izói comíni canolle raa fécafiredímie, afe íbana ie maiíóllemo comécíndie. Fia íaíoímo dúecaillano fecádenia ñuera. Afe izói comíni jetállífuena ocuídímie caímare abí rairuíoícana ocuiredé. Duéredino canófredímie, caímare íaíoína canórede.

Jesumo ínotino finórede uai

⁹ Táinona lloñeno conímama izírui. Íaífue baí oñeno iri, mei íadi ñúefue jeire omoi óíri. ¹⁰ Jáímana caímare nahí ama izói izírui. Afémiemona raíre uícoficaiñeno iri, mei jáífodo méífomo fiéñeno raíre íena o uícodo o otátari.

¹¹ Ráiraíeñeno jíere omoi iri. Ñue naire cai Ocuíraímamo omoi tájíjiri.

¹² Cai ocuírínafuemona caímare omoi ífíreiri. Duere omoi zefuíadi, áfemo raíre járitáiñeno, fáicana caímare úriri. Juzíñamuimo úrillana jaca féítañeno iri.

¹³ Jesumo ínotino jítailla raana, íaíoí canóllena jeruíñeno fecari. Nana omoi jofomo uáiduaíbitinona caímare uáidori.

¹⁴ Omoi fiéni finódinona ñue caímátaitari. Íaíoí íbana fiéni faidóñeno, íaíoí cáimafuiai Juzíñamuimona jícarí.

¹⁵ Caímátáidino díga caímare omoi iri. Daje izói raamo jíridínomo omoi dúecairi. Eedino díga omo eeri, íaíoí fírallena.

¹⁶ Conímama úradóiñeno iri, dájena illa dígamíemo ñue comécíiri. Daje izói fiéni abina íñoñeno iri, mei jáífodo comécina mánaídino izói omoi iri. “Íere baítádímiedíue” comécido daíñeno iri.

¹⁷ Da come fiéni omoi finóadi, afe íbana afémiena fiéni finóñeno iri. Mei jáífodo, nana comíni eróicana íba oñeno ñue o finori. ¹⁸ Omoi illa díno, nana comíni comeci jacíruiñenafuedo caímare uái omoi iri. ¹⁹ Cue izíruiiga ámatiai,

fiénidifue comuáidi, ibana omoi oñeno iri. Mei íadi aféfuena fáicanocairi. Afémie Juzíñamui duere finólleza. Mei jii, Juzíñamui Cuegáuai daide: “Duere finóllifue cuemo dúideza. Daje izói cue iba ólleza. Daií cai Ocuídímie daide.”

²⁰ Nane dánomo daide: “O bacáuai ímie jufírui, icíñeno íena ecari. Iemo afémie jiróacaniadi, ie o jirótari. Bie izói ie o fínuamona, izire íena méaicaitaitio,” Juzíñamui Cuegáuai daií daide. ²¹ Fiénidifue omoi anáfenuamona abí omoi rairuiri. Mei jiáifodo ñúefue jeire omoi úado, fiénidifueña mai omoi anáfenori.

13

¹ Nana comíni omoi jamánomo ocuídillaima ocuica úiñotillaini anamo ñue omoi itábicaire, mei nana ocuídillaini Juzíñamui jóonegaza. Afémie jóoneñega ocuídímiena iñédeza. ² Iemona afe úiñotillaimana uáitaoidímie Juzíñamui jóonegamiena uáitate. Nana daií uáitatino, afe ie uáitaja ícoinia afémacina Juzíñamui duere finótaite. ³ Mei jii, ñúefuena jeire ófiredino ocuídillainina jacíruiñeítiaioi; mei jiáifodo fiéni finódino jacírullena jóonegaiaioi. ¿Meita ocuídillaimana jacíruiñedímiena íacadio? Mai ñúefuena jeire o oíri. Iemona aféllaima “Facátagamiedo” ona dáite; ⁴ mei afémie Juzíñamui táijitagamieza, ñúefue dibénemo o jaináillena canóllena. Mei fiénidifue o finóadi, aféllaimana jacíruiredo, mei afémie duere finótalle ríino táinomona íñegaza. Uafue, afémie Juzíñamui táijitagamie nana fiéni itino duere finótallena. Nana íaioi fiéni finócafue íllaze ñue jaícina íaioina duere finótaite. ⁵ Ie jira ocuídillaini anamo itábicairediomoi, daa duere omoi fínobiñeíllena, mei íadi daje izói Juzíñamui jóonega omoi comeci úrilla uai jeire omoi óllena. ⁶ Afe bie izói ñue omoi íllena, ocuídillaini lloga gobiérmomo íbarede úcubena íbáfirediomoi. Mei jii, aféllaini Juzíñamui táijitagano. Afe íaioi táijinamo izire járitaoidiaioi.

⁷ Iemona naga cómemo dúide raana, mai jeruñeno ñue íemo ine. Gobiérmomo cai jaináinamona, íaioi ocuica úcube llánoraima lloga gobiérmomo dúide úcubena mai omoi fecari. Daje izói gobierno caimo jicana oga raa, emódomo raíñócana áfena mai omoi ibari. Naga ocuídillaimamo dúide ñúefuedo jacíruiainafue, áfedo ñue íena omoi jacírui. Daje izói naga jamánomoidillaimamo dúide ñúefuena, mai áfena íemo omoi nitari. ⁸ Omoi zaitaiñega íbállifueña bumo itáteñeno iri; jiáifodo daa ñue íbállifue ite. Afefue jiáimana cai izíruiífue. Afemona dani conímaiaina izíruiredicai. Mei naga conímana izíruiímie, áfedo Juzíñamui ocuica uaina ñue jaícina fuitádeza. ⁹ Jaiái Juzíñamui ocuica lletara uaillai daide: “Jiruífueña finóñeno iri, cómena titáñeno iri, meríríñeno iri, jiáimamo táinona lloñeno iri, jiáimie mo ite ráaniairi úradoiñeno iri.” Mei íadi bie ocuica uaillai naa jiáie lletara uaillairi daa bie dánamo dájena itiaioi: “Dama o abina o izíruiilla izói, afe izói o abí cómena izíruiiri.” ¹⁰ Izíruiímie ie abí cómemo fiénidifueña finóñede; íemona izíruiillafuedo Juzíñamui ocuilla uaillai ñue jaícina jino zuitárede.

¹¹ Nana bífuiaimo jeire omoi ua llezica, birui cai illáruillaimo ñue mai cai uibíoilli. Ja iere abí cai rairuillruimo ja dúcidicai. Afemo ñue omoi comécioiri. Mei Jesucristo caina jíllotajano uire jiáiruido caina uáibiteza. Afe ie cai uáibillruimo ja ánozide. Fueñe Jesús uaina cai ínuua llezica, afe cai ie uáibillruirui bai jica ite, mei íadi birui ja aféruimo itícaiza. ¹² Bie énie fiénidifue árera naio izoide. Afe bie árera naio ja monáiacade. Jítinomo finoca fiénidifuiái ínuana ja fáicanocairedicai. Fuiríraima ie abí ríidua llojeco jítaja

izói, afe izói íaifue cai fínoñeillaena cai comeci rairuúllafuena jeire óredicai. Ie mei ñúefuedo, úzefomo itino izói macáredicai. ¹³ Ua, úzefomo itino izói, mai ñue jaícina cai macalli. Jifáifrenafuemo mai cai íñeilli, naa fiénide aillo güillárenafuiaiiri. Afe izói nana jiruúfuiaimo mai cai íñeilli, naa jáie comeci meaire óiacanafuiaiiri. Daje izói dájena coméciiñedimaci izói iñeno omoi iri. Iemo jái fiénide júfidogafuedo mai cai úriñeilli, naa úradoillafuiaiiri. ¹⁴ Mei jáifodo Jesucristo ñue illa izói, ie cánuado afe ñue illáfue mai omoi iri. Omoi comécimo ite fieni óiacanafuemo, áfemo mai omoi coméciiñeno iri. Daje izói, afefue omoi finóllemo mamériñeno omoi iri.

14

O ama jánana fieni úriñeno iri

¹ Juziñamui uai como fueñe jabo ínotimiena, ñue jofu omoi cígimo llánori. Afémie ínogafuena féitaiacaniadi iena caimare uáidori. Ua, ie ínoga onóñega uáillaimo aillo omoi úridoñeno caimare iena omoi uáidori. ² Mei jíi, “Naga raana íáiruiñeno güüredicai,” daiífiredinona ite. Daje izói dáarie Juziñamuimo jabo ínotino “Rillena riñeno da ria llizillana güüredicai,” daiífrediaioi. ³ Ie jira naga raana güítimie mai afe rillena fimairitimiena jámairuiñeno iri. Afe izói, fimairitimie, mai naga raana güítimie comeci fieni facáñeno iri. Mei Juziñamui afe íaillinoi, íemo ínuamona, ie comínina caimare íaillinoina uáidoteza. ⁴ Afémaci Juziñamui ocuícamaciza, íaioina fiénidifuedo jicánonidio, mei afémaci óieñedeza. Dani íaioi ocuídimiemo uai orédiaioi. Íaioi illafue riire jicánollena dama íaioi ocuídimiemo dúide. Ocuícamié illafue ñúenia, ie ocuide Juziñamui uícomo méairuiñeno náidaite. Ie illafue fiénia, ie ocuide Juziñamui duere iena fínoite. Mei íadi afémie ñúefue dibénemo féitañeno íite, mei cai Ocuíraima Jesucristo riñoredeza, afémiena ñúefuemo jaícina jáinátallena.

⁵ Daje izói, dáamié nágaruillai baímo daa illíruí eneno rairuide, Juziñamuina caimátallena aferui judíuai ráfuena jira. Jáimaci naga mona daje izói ñúeruillai, daidíaioi. Illa dígamie dama ie comeci úrillafuena ñue onótaredeza. ⁶ Daruina eneno ráiruitimie, cai Ocuíraima íóbitallena íeina íllamona, aferuina eneno rairuide. Daje izói nana raana güítimie cai Ocuíraima íóbitallena íáiruiñeno güífiredi, mei afémie afe güílleri Juziñamuina “Íere figura” dáideza. Daje izói cai Ocuíraima íóbitallena fimairitimie fimairillano Juziñamuina “Íere figura” daide.

⁷ Nana cáimona buna dama ie comeci íóbioillena ínide; daje ízoi buna dama ie comeci íóbillena tíñede. ⁸ Cai caana llezica cai Ocuídimiemo jáináidicai. Daje izói cai tíñadi, nai íemo jáináidicai. Iemona cai caana llezica, mei níbai cai tílla llezica, jaca cai Ocuíraima íedíca. ⁹ Mei jira Cristo tízaíbillano, meine abído cáadimiena jaide, cáadino náamata izói, daje izói tíidinona náamatallena.

¹⁰ Mei íadi comínina náamañedio. Iemona ¿níbái mei o ama jánana fieni úrillano iena riire jicánotio? ¿Níbái mei iena ízíruíñeno jámairuitio? Mei jíi, nana cai Cristo uíecomo ácatallaci. Afénomo afémie caímo itífuena riire jicánoite.

¹¹ Juziñamui Cuegúai lloite:

Uáfueña jaca ninomo cáadimiena cue íllana onódiomoiza; afe izói uáfueña nana comíni cuemo eróicana íaioi cañici ífodo dújuzaíbitiaioi.

Daje izói nana comíni jino uáfodo ñúefueña Juziñamuimo nítaítiaioi, daide.

¹² Iemona jae onódicaiza, cáimona illa dígamie dama ie illáfueña afe Juziñamuimo jáanoñeno jino íemo llórede.

O ámana ñúefuemona oni nibéfodo baiñtañeno iri

¹³ Ie jira benómona mai conímaiaina comécido fieni úriñeno iri. Mei jiáifodo, nágarui omoi finócafuiuido conímana fiénidifuemo omoi baiñtañeno iri áfemo mai ñue omoi mamériri. Daje izói omoi illáfuedo afémiena fieni facátañeno iri. Afemona abí omoi rairuiri.

¹⁴ Jae onódicueza, nana güille naa rílleniairi, dama íainideza. Ua, cai Ocuíraima Jesumo cue ínuamona, ie daña izói, cómena íáiruitaite güille íñédeza, ñue onódicue. Daa “Bíena cue güiadi cuena íáiruitaite” comécido daidímiemo, afe raana afémie güiadi íena íáiruitarede. ¹⁵ Mei jiáifodo, o ama comécilla rairuica güille o güillamona o ama o ríitaiadi, íena ja figo izíruiñedio. Mai daade o güíacaga güilledo, Jesumo o ínote ama íaifueño féiraitañeno iri; mei afémie jíllloilena Cristo tízaibiteza. ¹⁶ Omo ite ñue finócafuiuido jiáimacina fieni úritañeno iri. ¹⁷ Mei jii, daa cai güiga raado Juziñamui comínimo jaináíñedicaí; daje izói daa cai jiroca raado afémacimo jaináíñedicaí. Mei jiáifodo Juziñamui anamo ñue jaícina cai íllamona Juziñamui comínimo jaináitagacai. Daje izói Ñuera Joreño caimo comúitaga caimare comeci uái illáfuedo, afe dibénemo jaináitagacai. Daje izói íeri cai íóbioillafuedo, dájena ie comínimo jaináitagacai. ¹⁸ Cristo lloga iodo jailla llezica, nana bífuiaina jeire otímie Juziñamuina íóbitade. Afe llezica afe izói finófredino comini ñue facátagamaci.

¹⁹ Iemona, naga come conímana caimare uái itátatífuiaina nágarui mai cai jenófireilli. Daje izói conímana Juziñamuimo baímo izire jaináitaja raa, mai cai jenófireilli. ²⁰ Daa o óiacaiga güilledo, dani omoi cigiri Juziñamui comúitaga caimare dájena omoi jaináinana, mai fia táinomo fáifitañeno iri. Uafue, nana Juziñamui finoca güille güirede, mei ja ñúeraza. Mei íadi daa o güiga güilledo jiáimana ñuera íomona oni nibéfodo o baiñtaiadi, afe fiénide. ²¹ Daje izói rille o ríamona jiáimana fiénidifuemo o baiñtaiadi, ríllena o ríñeille, afe baímo ñuera. Afe izói vino o jíruamona íena ie ínogafue o uáitaiadi, vínona o jíróñena afe baímo ñuera. Daje izói nana o fínuafuiamona jiáima ínogafue jabo o féitaiadi, afe o finócafue fiénide. Mei íemona afefue o finóñedionia jamánomo ñuera, o ama ínogafue o féitañeillena. ²² Iemona bie güillafue, nibai güíñenafue dibénedo o ñuera ínogafue fáicanocaiñeno, Juziñamui eróicana dama óiena ñue o mameri. O comécido maméillamona finócacagafuiái dibénedo ñuera o daíreniadi, áfedo caimare itio. ²³ Mei íadi dámie Juziñamuimo figo ínoñenamona ie güille jízíreocana güiadi, afémie fiénidifuemo baíide. Mei Juziñamuimo ínuamona cai onóiga íena íóbitallifue cai finoca ñuera, mei íadi nana aféfuiai jíinomo cai finócafuiái fiénideza.

15

Dama o abina íóbitañeno o ínote ámana ñue íóbitari

¹ Nane Jesumo ínotinuiamona dámierie ñue ríñorede. Jiáimaci figo comécina náinidiaíoi. Cai ja comécina ríñoredinodicaí, íemona nai comécina ríinidionna canóredicaí. Afefue caimo llonódacagafue. Afedo dani cai abina

ióbitanidicai. ² Cáimona illa dígamie ie ínote ámama ióbitarede, afémie ñue illena. Daje izói íena Juzíñamuimo aillo ínotaredicai. ³ Mei Cristo dama ie abíri ióbillena jenóñede. Mei jíáfodo Juzíñamui Cuegáuai íemo zúilla. Afe uai daide: “Afe báñoridino Juzíñamui jíáima báñioia cuemo baite.” ⁴ Nana jaiai uícodo Juzíñamui Cuegáuailai cai llófuellena cuega. Aféuaimo cai comeci firaja uai baiticai. Afe izói búuai cai facáduamona comeci járitañenafue caimo comuide. Iemona Juzíñamuimo ico cai nabáirizailliriuimo ocuírídicaí. ⁵ Juzíñamui afe comeci járidoñenafue llotímie. Daje izói afémie, cai comeci firajano caina náiretade. Iemona omoi ie canóllena afémiemo jicádícue, illa dígamie jíáimaiairi dájena caimare omoi íllena. Mei Cristo Jesús daí caina dáideza. ⁶ Afe llezica, dájena omoi comécíllena íemo jicádícue, cai Ocuíraima Jesucristo Moo Juzíñamuina dáuaido omoi caimátaitallena.

Judíoñedinomo Juzíñamui ñúefue jae llujáiga

⁷ Mei daí Cristo caimare cai uáidua izói, afe izói conímama caimare omoi uáidori, Juzíñamuimo ebíredífue nitállena. ⁸ Mei bie cue dáina uai: Cristo judíuai ñue ínuai bite. Nana Cristo tájina fueñe judíuaimo dúide, cai nanóidígimama dáina uai ñue fuitállena. Afedo Juzíñamui ie méidoñega llogáuaina caimo jino ácatate; mei Juzíñamui afe ie dáina uai jaca jíáfodo méidoñideza. ⁹ Daje izói judíoñedino Juzíñamuimo ióbillena Cristo ana bíniemo bite. Iemona Juzíñamui íaioimo dúecaillari ióbidiaioi. Juzíñamui Cuegáuai jaiai uícodo daí daide:

Íe jira afe izói judíoñede náiraiai cígiri omo caimátaiticue.

Omo ñúefue cue nitalle rua afémaci cígimo róiticue.

¹⁰ Íe mei jíáinomo Cuegáuai daje izói daide:

Judíoñede náiraiai mai omoi cáimacairi, naa Juzíñamui imáciairi.

¹¹ Nane jíáinomo Cuegáuai daje izói daide:

Naga judíoñede náiraiai, cai Ocuíraima ióbiri.

Mei afe Juzíñamui jamánomoidímieza, íemo omoi ióbiri.

¹² Mei daje izói Isaías cuete:

Isaí (illaíma David moo) íe méifomo comuídígimamona jamánomoidillaíma cómuite.

Afémie nana judíoñedino cígiri illáimaite.

Afe comini afémiemo ocuírítiaioi, daide.

¹³ Juzíñamui caina íemo ocuírítaita. Íe jira íemo omoi ínuamona ñue cáimafue jeire omoi óllena, afémiemo jicádícue, daje izói omoi comeci caimare uái illafue jicádícue. Afe llezica Juzíñamuimo omoi nabáirizaillena birui jabo ocuírídíomoi. Afemona Ñuera Joreño rínodo ñue izire omoi ocuírillena Juzíñamuimo jicádícue. Mai mei daí Juzíñamui ómoína ñue ézicíteza.

¹⁴ Cue ámatiai, ñue onódicueza, ñúefuaina jeire otíomoi naa omoi fibítainafuairi. Daje llezica illa dígamie jíáimacina caimare llófuiana onódiomoi. ¹⁵ Mei íadi bie cue cuegábedo, búuailai ómoimo iere jino uáfodo cueticue, afe uáillaina omoi féitañeillena. Juzíñamui cuemo dúecaillano cuemo jónonocaigafue jino lloticue. ¹⁶ Bie cue tájinafue: Juzíñamui lloga cai jíllóillífue ómoimo cue llujáillena. Afefue ómoimo lloticue, Juzíñamui íena omoi maméillena, mei judío imáciñediomoiza. Íe mei, Juzíñamui ómoína caimare uáidoite, mei omoi ja Ñuera Joreño ñue finócaomoiza.

17 Mei daií dama Jesús cue ínuuamona, Juzíñamuimo cue tájinafuerei íobillano caimare iticue. 18 Dama Cristo cuedo finócafuiari llócaiticue, mei áfedo judíoñedino Juzíñamui uaina jeire otátaticueza. Jiáimie tájinafuena jaca jino llócaíñeticue. Afe íaioi Juzíñamui uaillai jeire ua, cue daina uáillaido jino ñue ícoimo fuitádicue. Daje izói cue ñue tájinado íaioina ñue jaícina ínotadicue. 19 Afe izói jino cue cíotaga uaido comuítaga cíorainina ráamona íemo jiáie onóillena finócafuiari, íaioina ñue jaícina ínotadicue. Daje izói Ñuera Joreño mo ite ríinodo íaioina ñue jaícina ínotadicue. Bie izói cue ínuuamona Jesucristodo cai jílloillifue llujállena ja ñue ícoimo fuitádicue. Ua Jerusalemona oni jica nágaboiado aféfuena llócaidicue. Ua ícoimo lírico éniemo záitajidicue. 20 Afe daií, nai jaca Cristo mámecina cacáñedinuaimo, afe ñuera cai jíllonafue llócaidicue. Daií oni jicado llócaidicue, jiáima jae llógamo dáanommo nane cue llóñeillena. 21 Mei íadi Juzíñamui jaiái Cuegáuái daina izói: Juzíñamui ífuena nai lloñéganuiaí afémiena ñue ónoítiaioi. Daje izói jaca íena cacáñedino nane aféfuena como fíditiaioi, daide.

Pablo Rómamo jáillena comeci facade

22 Diga icaiño omoi uáiduaillena comeci facáfiredicue, íadi jaca jáinidicue. Mei como ómoimo cue lloga oni nágaboiado cue llócaigafuemo záitacadicueza; bínidicue. 23 Mei ja birui bígoboiado cue tájicana ja fuitádicueza. Jaiái diga fimónaiái omoi diga íacadicue. 24 Ja birui Españamo cue jáizailla llezica ómoína méíñuabiadicue. Omoi cígiri cue illa llezica, iere caimare íiticue. Afe mei Españamo cue jáiacana llezica, omoi cue canóllena jítaticue. 25 Mei íadi birui fueñe Jerusalemo ite amatiaí canolle raa úiticue. 26 Macedonia énie imaci, naa Acaya énie comíniri, Jerusalemo ite dúeredino canolle úcube ofítallena maméritiaioi. Afe íaioi ofítaga úcube cuedo Jerusalemo óreitiaioi. 27 Afe bie úcube oréllemo ñue comécidíiaioi. Mei jii, afefue ñue jaícina joide. Uafue benó ítimaci afémacimona aillo comeci cáimafuiaí íbáñeno ítiaioi. Iemona birui Jerusalemo ite ínotinomo raire íballe ite. Ua judíuaimo ite Jesumo ínotino, íaioimo ite comeci cáimafuiaí, jae judíuainédinomo dájeze fecádiaioi. Iemona benó Macedóniammo ite ínotino naa Acaya ínotinori, judíuaimo ite ínotinona, afe íbana íaioimo ite úcubedo canócadiaioi. 28 Bie íaioi afémaci cánua mei, afe izói íaioi jóonega úcube cue izájille mei, Españamo jáiticue. Ua omoi uáidocana afénomo jáiticue. 29 Ñue onódicueza, omoi cígiri cue dúcille llezica, nana Cristo uáimona comuide cáimafuiaí ómoimo llófueredicue.

30 Amataí, cai Ocuíraíma Jesucristo mámecido izire ómoimo jicádicue. Daje izói Ñuera Joreño caimo comuítaga izíruillafuedo izire ómoimo jicádicue. Mai, cue diga dájena omoi iri, Juzíñamuimo dájena cai úrillena. Juzíñamui cue canólleza, mai izire omoi jicari. 31 Dinó Judea éniemo ite ínoñedino cue íaioi llaitáacanamona cue íe zuitálleza izire Juzíñamuimo jicari. Afe llezica bie cue uiga Jesumo ínotino canolle úcube caimare íaioi llíinolleza, daje izói Juzíñamuimo omoi jicari. 32 Bie Juzíñamuimo omoi jicáfíreillifuaí ómoimo jóonenocaidicue, Juzíñamui comeci jítaina izói omoi illánomo caimare cue dúcillena. Afe mei omoi cígiri nano áinori cue illedo cue comeci ñue náireite.

³³ Mai, comeci caimare uái illáfuena fecade Juzíñamui omoi ñue nábaiteza. Daiítadeza.

16

Pablo ie onóigamací uáidote

¹ Birui cai Jesumo ínote miríngo Fébena, ómoína caimare uáidotadicue. Afengo Cencrea jófuego ite Juzíñamuimo gairídimaci canófiredingo. ² Cai Ocuíraíma mámecido aféngona caimare omoi llínori. Mei nana Jesumo ínotino illa dígamie jíáimana daí caimare llínofiredeza. Daje izói nana afengo jitailla raana aféngomo omoi fecari. Afedo aféngona canórediomoiiza, mei afengo jaiái aillo comínina canófiredeza. Iemo jíái daje izói cuena canódeza.

³ Iemo Aquílamo ie ai Priscila díga, uai orédicue; mei afe íaillinoi Cristo Jesús uaimo cue táijicana llezica cuena nabáidiaillinoi. ⁴ Jácinomona cue íaillinoi jíllotado íaillinoi illafue jacire fiébide. Aferi afe íaillinoína “fere figora” daidicue. Dama cue daí daiíñenaza, nana judíuaiñedinomona gairífirede ámatiai daje izói “fere figora” daidíai. ⁵ Daje izói Aquila Priscila jofomo gairífirede cai ámatiai uáidori. Daje izói cue izíruiga nabai Epeneto uáidori. Afémie fueñe Acaya éniemona Crísto ínotimie. ⁶ Afe izói ómoído iere táijifiredingo María omoi uáidori. ⁷ Iemo llavéramo cue llaveina llezica, cue díga llaveca cue nabai Andrónico, Junias díga, daje izói afe íaillinoi omoi uáidori. Cáizie ímie íaillinoi. Jesús orécamacimona mámecina jica jalleide íaillinoi. Afe íaillinoi nai Crísto mo cue ínoñenia, raire uícdico Crísto ínotiaillinoi.

⁸ Afe izói cue izíruiga nabai Amplias uáidori, mei cue izói cai Ocuíraímamo jaináideza. ⁹ Iemo Cristo Jesumo cue táijina llezica, cue nabai Urbano uáidori. Daje izói cue izíruiga Estaquísimo uai orédicue. ¹⁰ Afe izói Apeles uáidori, mei díga ícaíño Crísto íe ínogafuena afémie jino comínimo cíotateza. Daje izói nana Aristóbulo comíni uáidori. ¹¹ Cue nairai ímie Herodiómo daje izói uai orédicue, naa cai Ocuíraímamo ínote Narciso comíniri. ¹² Daje izói Trifena íe ai Trifosa díga uáidori. Afe íaillinoi cai Ocuíraíma táijinamo táijifirediaillinoi. Daje izói cai izíruiga miríngo Pérsida uáidori, mei afengo cai Ocuíraíma táijinamo táijifiredeza. ¹³ Iemo mámecina jica jalleide Ocuíraímamo ínotimie Rufo uáidori, naa íe ei díga. Afengo aillo cuena íe izíruillado cue ei izoide. ¹⁴ Daje izói Asíncritomo uai orédicue. Iemo Flegonte, íemo Hermas, íemo Patrobas, íemo Hermes, daje izói íaioiri íte ámatiai uáidotícue. ¹⁵ Daje izói Filólogo, Julia, Olimpás, Nereo, naa íe miríngooiri uáidori. Iemo nana íaioiri ínote ámatiai uáidori.

¹⁶ Mai, illa dígamie Crísto izíruillamona conímána caimare uáidori. Daje izói benó Juzíñamuimo gairíracuai ímaci ómoímo uaillai orédíai.

¹⁷ Amatiai, bifue jeire omoi óllena izire jicádicue. Conímaíaina éoitadinomona abí omoi rairuiri. Afémaci jíáimana fiení éicitáilla izói finódiaioi, omoi ñue ínogafue féitallena. Baimáci jíáimana énenoruitaitaioi. Bie íaioi lloga uai, nauí omoi cue llófuíafuena uáitaacadeza. Afémacimona oní jicado omoi iri. ¹⁸ Afe izóidino cai Ocuíraímo comeci jítaina izói íñédiaioi. Daní íaioi comeci gáinanomo táijidiaioi. Afe llezica íaioímo íte caimare ebírerie urilla uaido, comécina nífuenidinona jífuetiaioi. ¹⁹ Nana jíáie comíni Juzíñamui uai jeire omoi úana fidídiaioi. Iemona áferi íóbídicue. Iemo ñúefue

dibénedo iere baitádimacina omoi íllena jitáidicue. Mei jíáifodo fiénidifue fínua dibénedo nífuenide onóñedimacina omoi íllena jitáidicue. ²⁰ Mei onódicaiza, comeci caimare uái illafue llote Juzíñamui Taiife uaina anáfenoi-teza, omoi ie áifedoñellena. Mei cai Ocuíraíma Jesucristo ómoína ñue éziciíteza.

²¹ Cue diga táijiacade nabai Timoteo ómoímo uai orede. Daje izói cai nairai ímíai Lucio, íemo Jasón, íemo Sosípater diga ómoímo uailai orédiaíoi.

²² Pablo ocuica rabe cúeraímadicue; cue mámecei Tercio. Daje izói Jesumo cue jaináinamona uai ómoímo orédicue.

²³ Benó ite Gayo ómoína uáidote. Birui afémie jofomo iticue. Daje izói nana Juzíñamuimo gairíacadinomo íaíoi dúcillena, afécona nano íanori íaíoiimo fiède. Daje izói cai jófuemo ite úcubemo táijidímie Erasto, uai ómoímo orede. Iemo cai ama Cúartona mámeceiredímie uai ómoímo orede.

²⁴ Mei cai Ocuíraíma nana ómoína ñue íllena éziciíteza. Daiítadeza.

Iraícaíño Juzíñamuimo caimátaillafue Pablo úrite

²⁵ Juzíñamuimo mai cai caimátailli, mei afémie omoi íinogafuena iere izire íinotaredeza. Cue ómoímo jino lloga cai jíllolle uai daíí dáideza. Daje izói Jesucristodo omoi cue llófuíafue daíí dáideza. Juzíñamui jaiái ie comécido mamérilla izói, ja birui judíoñedíno comécina ñue náiretade. Ua, bínie nai cómuiñenia, bífuena jica ía daíí comécido mamede. Ja diga fimona jaide íadi, aféfuena báinino íteza, nai jino comínimo uáfodo llóñega. ²⁶ Mei íadi ja birui Juzíñamui uai llócaidíno cáiena fieca Cuegáuaido, afefue jae jino denoca. Bifue ziiño Juzíñamui ocuilla izói caímo íficaide. Bie fueñe báinino Juzíñamui comécido mamérrillafue, ja birui nana náiraíaimo jino cíotaga, aféfuena íaíoi onóíllena. Daje izói afefue jae jino íaíoiimo cíotaga, comécido ínota afe uaimo ñue jeire íaíoi óllena.

²⁷ ¡Daade jamánomo baitade Juzíñamuimo ebírede ñúefuíaí nítaiticaíza! ¡Daíí afémíemo Jesucristodo ziiñona jaca nínomo llóiticaíza! Mei daíítadeza; jae ñíie.

NANOIDE SAN PABLO CORINTO IMÁCIMO ORÉCABE

Primera Carta del Apóstol San Pablo a los Corintios

Coríntomo ite Jesucristomo ñnotinomo Pablo cuete

¹ Cue Páblodícue. Ñúefue llujállena Juziñamui comeci jitaina izói Jesucristo jónegamiedícue. Bie izói daina Jesucristo orécamedícue. ² Cue, cai ama Sóstenes diga, Corinto jófuego ite Juziñamuimo gairífredino uáidotícoco. Afe llezica bibe ómoimo cuetícue. Ómoimo Jesucristomo dájena jaináinamona Juziñamui iédiomoi. Juziñamui íena omoi jáillena afémieoiri ómoína jürite. Nágagobiaimo ite cai Ocuíraima Jesucristo mámedido jicáfiredino, daje izói Juziñamui íeíena uáidogaiaíoi. Afe Ocuíraima Jesucristo afémaci íe, daje izói cáíie. ³ Cai Moo Juziñamui, cai Ocuíraima Jesucristo diga, íaíllinoína ñue uái illífue dibénemo ómoína jóoneiteza. Daje izói afe íaíllinoi ómoína ñue éziciíteza.

Jesucristomona comuide caimare illafue

⁴ Nágarui ómoiri Juziñamuina iere figura daiífredícue, mei Juziñamui Jesucristodo ñue caimare ómoína itátate. ⁵ Mei jii, Jesucristomo dájena omoi jaináinamona, Juziñamui nana íe cámafuaíai ómoimo orede. Nana íe caimare úrillafue Juziñamui ómoimo llote. Daje izói íe onóigafuaína ómoína onótate. ⁶ Mei daií Juziñamui Crístodo daina uai ja ómoimo bie nahífueña íte. ⁷ Bíemona cai Ocuíraima Jesucristo cíocaizaíbillíruimo nai dúcíñena llezica, nana Juziñamui lloga uaina ómoimo íteza; abí díne jíáie uaina jítaíñeítoimoíza. ⁸ Afémie íco íirairuimo ómoína náiretaíte. Iemona cai Ocuíraima billíruimo dúcílle díno buna ninó fiénidífueña ómoimo nitáñede. ⁹ Juziñamui uícodo íe dáinana jaca ñue ícoímo fuitáírede. Afe ñnofirega Juziñamui íe jíto Jesucristomo cai nabáírilla caina uáidote. Afe Jesucristo cai Ocuídímie.

Crístomo gairífredino dájena íñeno oni eneno comécidiaíoi

¹⁰ Amatíai, omoi cacai. Cai Ocuíraima Jesucristo mámedido izire ómoimo jicádícue. Dájena omoi jainairi. Daje izói eneno omoi bozíetaíñeno íri. Mei jíáífoto jíáimana énenaruíñeno ñue dájena omoi íri. Daje izói dáafuego comeci fácaítoimoíza, íemo daje izói dáafuego omoi maméritítoimoíza. ¹¹ Cue amatíai, bifue ómoína daidícue, mei Cloé comínimona dáarie cuemo llotíai, omoi cígiri jíáimana ruífruillano oni enénorie ítíai, daií daidíai. ¹² Bie izói cue cacánafuedo ómoína daiíacade. Ómoímona illa dígamíai jíáífoto úritíomoi. Dáarie cue Pablo íedícue daide, jíáímací cue Apolos íedícue daide, jíáímací cue Pedro íedícue daide, jíáímací cue Cristo íedícue daide. ¹³ Mei íadi nana omoi Cristo abí izóidinodiomoi. ¿Meita afe Cristo abí énenorie fecaca? Daiíañede. ¿Meita Pablo omoi méífomo cruzmo coraíca? Córaíñega. ¿Meita Pablo mámedido omoi báutizagaomoi? Daiíañede. ¹⁴ Cue mena come Crípo Gayo diga báutizadícue. Ómoímona abí díne jíáímacina báutizañedícue. Aferi Juziñamuina “Figora,” daidícue. ¹⁵ Iemona ómoímona buna “Cue bie Pablo mámedido báutizagacue,” daiíñide. ¹⁶ Iemo jíái daa Estéfnas comíni báutizadícue, mei íadi cuemo úbicaiñedeza, abí díne jíáímacina báutizañedícue. ¹⁷ Mei Cristo cuena “Comíni o báutizari,” daiíñede. Cuena “Cue ñuera jíllona uai

o llócairi,” daide. Mei íadi cue abí ñnotade comíni bacácido cuena llotátañede, Cristo cruzmo tíllana cue ráifitañellena.

Cristo llogáfuemo Juzíñamui ríino ite naa ie baitácafuiari

18 Afe bie Cristo cruzmo tíllafue, nana nine táinomo báitino dibénemo ráifñede taino uailai izoide. Mei íadi ñue jílloitino dibénemo, Cristo cruzmo tíllado cai comeci illafue méidorede, mei afe uaimo Juzíñamui ríino íteza.

19 Jaiari Juzíñamui Cuegáuaido afémie bie izói daide:

—Iere baitádino onóigafuiaina niné táinocaitaiticue.

Daje izói fibídino fibíllafuena ráifitañeiticue, —daide.

20 Ja bíníemo fibídímie ¿mei ñífuemo cánoite? Comíni comeci ífuena ñue méidoñede. Daje izói fia fibíllafue llófueraima canóñede. Afe izói bíníe ráfuiari júfidotímie canóñede. Mei nana bíníemo fibíllafuiari Juzíñamui ja jíáfodo méidoga. Ráifñede taino uáillaina méidoga. 21 Juzíñamui nana ie finóllifuiaina onóñírede. Iemona “Fia bíníe comíni báitajafuedo cuena ónoñeitiomoi,” afémie daiñócaide. Mei jíáfodo Juzíñamui íaioimo lloga uailai íaioi ñnuado afémacina jillotaacade, afe bie lloga uai jíáimacimo ráifñede taino uai izoide íaioimo cíocaide íadi.

22 Iemo Judíuari fia dáinamona comuide cíorainina ráaniaina cíocadiaioi. Iemo judíoñedíno iere báitajafue jenódiaioi. 23 Mei cai, cruzmo coraica Cristo rafue jino llóñíredicai. Ie mei judíuari afefue llófuiaina meáiruitiaioi. Iemo judíoñedíno aféfuena “Ráifñede taino uailai,” daidíai. 24 Mei jíáfodo Juzíñamui jílloillena maíñócano dibénemo afe Cristo cairi tílla llogáfuemo Juzíñamui ríino ite. Daje izói afémaci íena afe llogáfuemo Juzíñamui baitaca uai ite. Daa Juzíñamui jíirigamie judío ímie íadi, bifue afémíemo ráifide. Daje izói Juzíñamui uáidogamie judíoñedímie íadi, bifue dájerize íaillinoimo ráifide. 25 Mei jíi Juzíñamui lloga uai, ráifñede taino uai izói comínimo cíoide, mei íadi afe uai énie comíni baitácafue baimo iere baitade. Daje izói Juzíñamui finócafue ríinonina izói comínimo cíoide, mei íadi comíni maíríe baimo jamánomo ríírede. 26 Amatíai, mai Juzíñamui omoi jíirillafuemo uibíoicairi. Omoimona baitádinona figo íñede, mei íadi nai ie comínidiomoi. Daje izói ómoimona ríillainina figo íñedeza. Iemo ómoimona jica jalleide comínina figo íñede, mei íadi nai Juzíñamui izíruiagamaciomoi. 27 Mei jíáfodo, bíníe comíni daina abina onóñedíno Juzíñamui jae nizeca, ráfuiaina baitádino méaicaillena. Daje izói bíníe comíni daina ríinidímaci Juzíñamui jae nizeca, nana “Maírídícue” daidíno meáicaillena. 28 Iemo bíníemo ite jica jalléíñedíno naa jámairuigamaci diga Juzíñamui jae nizede. Nana bie Juzíñamui nizécano jamai comíni. Juzíñamui bie izói jamai comíni nizede, abí ñnota “Aillomíedicue” daidíno ríinitallena. 29 Iemona buna Juzíñamui uícomo abina ñnonide. 30 Mei dama Juzíñamui ómoina Cristo Jesumo dájena jaináitate. Daje izói Juzíñamui, Jesucristo cai ífoci déitatímiena jóonete. Iemo Crístodo, Juzíñamui anamo ñue jáicina cai íllena, afémie caimo jóonete. Afe llezica Juzíñamui íeiena Crístodo caina ñue finode. Afe bie Crístodo daí jíllocicai. 31 Afémie daí finode, Juzíñamui Cuegáuari daina izói jáicina jino fuitállena. Afe uai daide: “Dámie abí ñnoiacania, cai Ocuíraimado abí ñnori,” daide.

2

Dama coraica Cristo rafue Pablo comínimo lloste

¹ Birui ómoimo cue llua izói, afe izói naui Juziñamui ua rafue ómoimo cue lluaíbillaruido, cue baitaca féirede uaido ómoimo úriñedicue, “Tere ráfuiaina baitádimedio” cuena omoi dáiiñeilla. ² Mei naui omoi cigiri cue illa llezica daa Jesucristo ráfue naa ie coráiafue diga, abi diné jíáifuea ómoina onótaacañedicue. ³ Aféruillaído ómoiri ríinidimie izói iticue. Ie jira benena cue jácieri cuidíridicue. ⁴ Omoimo jino cue llua llezica fia énie come baitaca uaido ómoina jíeruitañedicue. Mei jíáifodo Juziñamui Ñuera Joréñodo jíeruitadicue. Daje izói Juziñamuimo ite rínodo: “Bífuena omoi jíeruiri,” daidicue. ⁵ Daií ómoina daidicue omoi ínogafue, Juziñamui ríino dibénemo illena; daje izói omoi ínogafue bínie comini onóigafuemo jáinaíñeilla.

Juziñamui da ie Ñuera Joréñodo onoiiga

⁶ Mei íadi ómoimona Juziñamuimo ínogafuemo ñue móonaitinomo cue baitaca uaido úriticue. Bie cue baitaca uai bínie comini íefede. Daje izói bínie uíñote ríillaini uáíñede. Afémaci naa íaiói uáillairi niné cíocaiñeítaiói. ⁷ Jaiái uáfodo ónoñega Juziñamui fibillafuiaido úriticai. Afémie jaiái énie comuíacana uícodo báinino mamérrillafuedo úriticai. Aféruillaído caimo zíiñona fuíñeite jíllollifue caimo mamede. ⁸ Nana bínie uíñote ríillainimona bífuena buna onóñede. Bífuena onódiaioina cai ñuera Ocuíraima Jesucrístona coráíñediaíói. (Aféfuena íaiói onóñenado íena coráidiaíói.) ⁹ Mei íadi Juziñamui cáiena mamécáfue ie Cuegáuai daina izói ite. Afe uai daide:

Bínie comínimona jaca buna cíóñena ñuera raa Juziñamui íena izíruitino íaioiena jóonete.

Afe izóidena comini jaca cacáñediaíói.

Daje izói áfemo jaca buna comeci facáñena.

¹⁰ Afe bífuiaina Juziñamui ie Ñuera Joréñodo caimo llotátate, mei afe Ñuera Joreño nana Juziñamuimo ite uáfodo ónoñega ráfuiaina onóilla izire jícanofiredeza. Iemona afémie cai fidítate.

¹¹ Bíníemo ite comínimona, ¿mei níimie jíáima comeci ífue onona? Dama afémíemo ite joreño ie comeci ífuena onona. Afe izói dama Juziñamui Ñuera Joreño Juziñamui comeci ífuena onona. ¹² Bínie comini fieni comécíllafuiái úicaiñegacai, mei íadi Juziñamui caimo oreca Ñuera Joreño úicaigacai. Juziñamui ie Ñuera Joreño caimo orede, aillo jeruíñeno caimo ie fecaca ráfuiaina cai onóilla. ¹³ Juziñamui Ñuera Joreño caimo llófuega uáillaído afe bífuiaido ómoimo úriticai. Dani cai fibillafuemonona cai onoiiga uáillaído ómoimo úriñedicai. Afe daií Ñuera Joreño úicaiganomo Ñuera Joreño lloga ua ráfuiái jino ñue lloticai.

¹⁴ Mei jíi, Juziñamui Ñuera Joréñona úicaiñegamie afe Ñuera Joreño lloga ráfuiaina jeire oñede. Mei afémíemona bífuiái ráifíñede taino uaillai izóideza. Aféfuíai afémíemo jánaide, mei bífuiái cómemo dama Juziñamui Ñuera Joréñodo llófuegaza. ¹⁵ Mei íadi Juziñamui Ñuera Joréñona igámie naga ráfuiaimona nífue ñuena, nífue fiénina daiírede. Mei jíáifodo Ñuera Joréñona íñegamie afe izói daiínide. Iemona Ñuera Joréñona íñegamie Joréñona igámíemo jaca nífuena jícanonide. ¹⁶ Mei Juziñamui Cuegáuai daide: “¿Bu mei cai Ocuíraima comeci

fácafuena onona? ¿Mei nímie Juzíñamuina llófuerena?” Mei íadi ie Ñuera Joreño do Cristo ifoci úrillafue caimo ite.

3

Dájemo táijidino izói Juzíñamui ocuica uai llujállena canódica

¹ Amatai, bie lloga Cristo comeci fácafue nai ómoimo figo jóobiñede. Iemona Ñuera Joreño úicaigano izói nai ómoimo úrinidicue. Mei jáífodo Ñuera Joreño mo nai figo jaináñedino izóidiomoi. Crísto mo jaináidino dibénemo nai figo onóñede úruiai izóidiomoi. ² Iemona nauí ómoimo féinino llófueticue. Nai monoi jirode úruiai izóidiomoi; jáiaide güille nai ómoimo dúñede. Iemo afe izói ñue baitácafue nai ómoimo jaca dúñede. Nai aféfuena jeire ónidiomoi. ³ Mei nai Ñuera Joreño mo jaináñena llezica jamai come izóidiomoiza. Nai biruí jáimana úradoidiomoi, íemo icírafuena jenófirediomoi, íemo nai jáimana énenoruidiomoi. Iemona bíniemo ite Juzíñamui Joreño na íñegano izóidiomoi. Nana íaioi eneno bozíetaillafuina nai jeire otíomoi. ⁴ Omoimona dáarie “Pablo iédicue,” daide. Jáimaci “Apolos iédicue,” daide. Bie izói omoi illa, nai bíniemo ite Juzíñamui Ñuera Joreño úicaiñega comini izóidiomoi.

⁵ ¿Mei nímie Páblona? ¿Mei jái nímie Apólona? Coco bie daa Juzíñamui ocuicamedicoco. Daa cócodo cai Ocuíraimamo ínotiomoi. Cai Ocuíraima cuemo jóonega táijinamo táijidicue. Daje izói Apolos dama íemo jóonegamo táijide. ⁶ Cue bie fueñe ritímie izóidicue. Ie mei Apolos afe rigaji jáinoina riáitatimie izoide. Mei íadi afe rigaji zicótatimie daade Juzíñamui. ⁷ Iemona cue bie fia ritímiedicue. Iemo Apolos fia riáitatimie. Bie coco jabóidimedicoco. Mei íadi Juzíñamui jamánomoidimie, mei afémie afe rigaji zairitaiteza. ⁸ Nana ido ritímie, afeji jáinoina riáitatimie nágaillinoi daje Juzíñamui ocuicame íaillinoi. Mei íadi illa dígamie nano ie táijina dieze Juzíñamui íbaite. ⁹ Coco bie dama Juzíñamui jetácamo dájemo táijidicoco. Ie mei omoi Juzíñamui riga jacafai izóidiomoi.

Nane jáie raa izóidiomoi. Juzíñamui como nicana uiga jofo izóidiomoi. ¹⁰ Cue bie jofo níraini ocuídimedicue. Juzíñamui cue ocuilla izói, bico jáillirai riire naidánetimie izóidicue. Iemo jáimie afe jáillirai acónimo ticáidimie izoide. Ie jira naga ticáitimie rairuídicue, fiendi ie ticáñeno ñue ie ticáilleza. ¹¹ Mei jái, abi diné jáimie riire naidaide jáilliraina naidánenide. Afe jae riire naidánega jáillirai izóidimie Jesucristo. ¹² Mei naga come bie jáillirai caifófemo ie illínona nírede. Afe bíena daírede mei naga come illafue bie nillico izóideza. Dámie afe jáilliraina mameide Jesucristo caifófemo oro izóidedo ie illínona nírede, jáimie quenírede llojefe izóidedo ie illínona nírede, jáimie ráifide notícaizóidedo ie illínona nírede, jáimie amena iedo ie illínona nírede, jáimie fia uiffzaido ie illínona nírede, jáimie zicicai izóidedo ie illínona nírede. ¹³ Iemo ico jáíruido Cristo comínimo itifue riire jicánuaibilliruimo naga come ie nigano uáfori cóite. Aféruído Juzíñamui cai táijina fácaite. Irai izóidedo naga come nigánuaizóidedo Juzíñamui fácaite. ¹⁴ Irai cúaritañega raado nitímie Juzíñamui ie táijina íbaja raana jirídoite. ¹⁵ Mei jáífodo cúarirede raado nitímie minícana jiridoñeite. Nana ie táijina niné táinocaiteza; dama táinori llégitte. Mei íadi dama afémie jilloite. Ua, jofo bóoamona nana raaie uzilla mei, dama come jillona izói, afémie jilloite.

16 ¿Omoi bie Juzíñamui jofo izóidiomoi nai onóñediomoi? ¿Daje izóí Juzíñamui Ñuera Joreño ómoimo íllana onóñediomoi? 17 Afe bie Juzíñamui ico íaifuenidico. Iemona ómoimona dámie bie Juzíñamui jofo eneno botáadi, afe cómena Juzíñamui jíái niné táinocaitaite. Omoi bie íaifuenidico izóidiomoi.

18 Nane daa come dama abí jífueiza áfemona abí omoi rairuiri. Omoimona dámie “Bínie ráfuenta iere baitádimiedicue,” daiíadi, afémie meine abido ínoñedino daina izóí ráfuenta baitáñedimiena jáirede, Juzíñamuimo ite nahí rafue baitállena. 19 Mei bínie comini baitácafuiái Juzíñamuimona ráifíñede taino uailla. Ie Cuegáuai daide: “Tere baitádinona Juzíñamui dani íaioi bífueinamo írebaimo jiilla izóí jíítate.” 20 Nane dánomo daide: “Baitáдино começi fácafuiái ráifíñenana cai Ocuíraima onode.” 21 Ie jira jíáimamo jaináillado jaca buna abina ínonide. Afe omoi dáamiemo jaináilla uai jíáifodo jóide. Nana omoi canódino ómoimo jainaide. 22 Daa cómemo jáinaiñeno nana bimaci ómoimo jainaide: Pedro, Apolos diga ómoimo jainaide, cue jíái Páblodicue ómoimo jaináidicue. Daje izóí nana bíniemo ite ráaniai Crístodo ómoiena Juzíñamui mamede. Daje izóí Crístodo Juzíñamui ómoína cáatate. Iemo omoi tíadi, Crístodo afe tíllana jáciruiñeitiomoi. Iemo biruillaído Crístodo caimare írediomoi. Iemo uire jíáiruido ómoimo ífcaitífuemo Crístodo jáciruiñeitiomoi. Nana bie ñúefuiái ómoie. 23 Iemo Cristo iédiomoi, ie mei Cristo Juzíñamui ie.

4

Jesucristo orécano táijnafue

1 Iemona Cristo canódino omoi caina daiírediomoi. Daje izóí uáfodo ónoñega Juzíñamui lloga uaillaí jino comínimo llófuetino omoi caina daiírediomoi. 2 Mei jíi, táijnana jónegamie ie ocuidimie ínofirenana afémieimo jino cíotarede; ie ocuállana ñue ícoimo fuitárede. 3 Mei íadi cúemona, omoi cuemo itifue jicánodoiari járitañedicue. Daje izóí dáarie cuemo itifue jicánodoídino cuena dánana figo náfueñedicue. Afe izóí cue itifue dama cue jicánoiadi áferi járitañeiticue. 4 Mei cue começi úrilla níifuenta cuemo nitáñede. Mei íadi afe izóí cue começi úria, nai ua Juzíñamui eróicana ua nífuenidimiedio cuena daiíñede. Mei cuemo itifue jicánotimie dama Jesucrístoza. 5 Mei jira, Cristo nai biñena llezica jíáima táijnafuena riire omoi jicánodoiño ire. Daa cai Ocuíraima jicánuaibillirui omoi ocuiriri. Aféruído afémie jíitfomo báinino itínona bai úzefomo uáfori cíotaita. Daje izóí aféruído cai Ocuíraima naga come começi mamérillafuiái uáfodo onótaite. Iemona Juzíñamui naga come nano ba íemo dúide dieze ñúefuiái íemo fécaite.

6 Amataí, mei ñue omoi íllena bífuiáido omoi o úriticue. Omoi canódimie Apolos ífue dama cuefue diga jae ómoimo lloticue, omoi ñue dájena comécíillífue uáfodo omoi onóíllena. Bífue ómoimo lloticue ómoimo coco cíotagafuiáido Juzíñamui Cuegáuai baímo omoi comécííñeíllena. Afe uai caina daide: Dámie dibénemo gáifíñeno omoi ire. Daje izóí jíáimiena jámairuíño dájeye nana íaioimo omoi íñori. 7 ¿Mei nie come jíáimaci baímo ómoína ñue íñua? Nana omoi onoiga ñúefuiái Juzíñamui fecácaza. Jaca Juzíñamui fecáñegana íñede. Iemona çníbái mei dáamiedo abina ínofirediomoi? Abina ínofiredimie: “Cue começi jíitaina izóí cuemo fecácaza,” daiífirede. Mei íeñedeza. Omoi dani fécañegaza. Mei jira áfedo abina ínonidiomoi. Nana

caimo ite ráaniaimona dani cai ocuilla izói iñede. Nana Juzíñamui caimo fecaca.

8 Birui ja “Nana Juzíñamui caimo fecáacagafuai ja cai ógaza,” dai coméidiomoi. Nana omoi jitaica ráaniai nibai ja omoi oga. Nana omoi onóacaga ifuaina nibai ja ñue baitádiomoi. Nibai ómoína cai canóñenado ja illáicomínina jáidiomoi. Mei íadi táinodo abi ñnotiomoi. Iemo afe llezica cai bie jalléñedicaí. Mei íadi ómoína: “Ua illáicomínina omoi il,” daidícue. Afe dai cai bie omoi diga dájena illáimaiticaí. 9 Cai bie Cristo orécamiiai jino íirainomo Juzíñamui fiécacai. Cai bie lláviano títino izóidicaí. Jira cai bie nana énie nairai acárilla raa izóidinona jáidicaí. Iemona nana comíni naa Juzíñamui abi imácri caimo éroitiaíoi, mei afémaci abi fáiacaitadinodicaíza. 10 Cristo rafue cai llócaillamona caina jáímaci “Abina onóñediomoi,” daidíaiíoi; mei afe llezica “Cristodo ráfuaiaina baitádinodicaí,” daidíomoi. Omoi ríredínona illa llezica, cai bie ríindinodicaí. Caina comíni jámairuilla llezica ómoína ñue jacíruiíaiíoi. 11 Mei jaiai nai biruimo júbieri duere zefuídicaí. Daje izói cai jirole jainoi iñénari jái duere zefuídicaí. Daje izói figo incuironidicaí. Daje izói comíni caina fiéni finódiaíoi. Uái cai illino iñede. 12 Aillo cai táijinamona iere llégidicaí. Iemo comíni cairi jainónaitimaci; mei íadi íaíoiina Juzíñamui canolle uaido fairíoticaí. Caina fiéni finóllena racádiaíoi; mei íadi ocuídicaí. 13 Cairi fiénidífuedo úritiaíoi; mei íadi afe comínina comeci mánaínafuedo fáicana llófuéticaí. Afe llezica oní dotaca íáirede raa dota izói, afe izói caina ráifínedinona caina máimiano náfueñediaíoi. Nai biruimo cuidoda oní faiga íáirede raana caina mamédiaíoi.

14 Bífuiaina omoi meáidaillena cueñédícue, mei jáífodo omoi ñue íllena rairuillano, llotícue, mei cúemona izíruiiga jítótiai izóidíomoiíza. 15 Mei cómemona facádonide Cristo ráfuena llófuetino ómoimo ite íadi, nai omoi ñnogafue tainédímie daade. Cristo Jesumo omoi ñnollena, omoi moo izói omoi comuítatímiedícue, mei cai jíllona uaina ómoimo llotícueíza. 16 Ie jira ómoimo cue cótaga cai ñue illífuedo omoi jáíllena, izire jicádícue. Daje izói cue llogáfuedo omoi jairi daidícue.

17 Afedo omoi jáíllena, Crísto mo cue ñnotaga Timoteo ómoimo orédícue. Afémie cue izíruiiga jító izóidímie. Afémie, Crísto mo cue ñnuamona cue lloga ñue cai illáfueña ómoimo úbicaitaite. Afe bie afémie ómoimo lluaíjillífue izói, afe izói nágobiaímo ite Juzíñamuimo ñnotimacimo, cue jái llófueñíredícue.

18 Omoimona dáarie abina ñnuano, daidíaiíoi: “Pablo caina éroizaíbiñeite,” daidíaiíoi. (Afe izói dánado cue uaina uáitaacadiaíoi.) 19 Mei íadi cai Ocuíraíma Jesucristo comeci jítaiadi raíre omoi cue méíñuaillena ocuírídícue. Iemo cue billíruimo afe abina ñnotimaci nie ññuefue jáímacimo finódiaíoiíza, afefue cue onóíllena fácaítícue. Afedo íaíoi ñuera ríino ite, nibai iñédeza, ónoítícue. Aillo íaíoi úrilla uaina náfueñeítícue. 20 Mei jii, fia cai úrilla uaido, Juzíñamui illáimana illáruimo jaináitañegacai. Mei jáífodo Juzíñamui Ñuera Joreño ríinodo cai comeci itífue méíduano ie illáimana illáruimo jaináitagacai. 21 ¿Mei nie izói óiacadiomoi? ¿Mei nibai ómoína duere cue fínuabillana óiacadiomoi? ¿Nibai izíruiillafuedo comeci mánaínafuedo ómoimo cue éroizaíbillana óiacadiomoi?

Pablo fiénide meáifue finódimie duere finóllena lloite

¹ Ja birui omoi cígimo ite iere fiénide jiruífueña comini cue fidítataioi. Omoimona dáamie ja ie moo ogango dama ie aina ote. Afefue iere jamánomo meáirede. Afe izoide fiénidifueña Juzíñamuina ónoñedimaci jaca rairuídaiioi.

² Mei íadi bie izói ómoimo illa llezica jñai omoi iere abina ñnofirediomo! (Afe izói omoi illa iere figóñede.) Mei jiáifodo áferi iere zuure írediomo. Daje izói áferi meáidarediomo. Bie izói jiruúredimie omoi cígimona mai oni ore. ³ Náamiena omoi diga dama cue íñédicue, mei íadi afefue dibénemo cue comeci facáoinana ñue onódiomoiza. Ie jira afe bie jiruúredimie ie duere finóllena jae cai Ocuíraíma Jesucristo mámeçido ocuídícueza. ⁴ Iemona Jesucristo mámeçido dáanomo omoi gairízailla llezica, íemo cue comeci facáoinamo ñue omoi uibíoicailla llezica, íemo jiái cai Ocuíraíma Jesucristo omoi cígiri ríinoreña llezica, ⁵ mai afe ímana ómoimona jino dótano Taifena náamataga comínimo íena omoi zóoferi, ie abi fiéni jítainafuiai niné táinocaitallena. Afemona cai Ocuíraíma Jesús billíruimo afémie joreño jíllobicaiteza.

⁶ Afe íaifue nai ómoimo illa llezica omoi ñue íáinínana illa izói abí ñnotiomo. Afe abí ñnuana figóñede. “Mei daa cómemo ite íaifue aillo ie abimo ítímacina íáiretaiteza.” ¿Comini daña uaina onóñediomo? Afe uai daide: “Pan finóadi afe aillo fáitate raa tamédaioi. Due jiza fáitatena jóonega íadi, nana afe magáfecina aillo fáitate.” Afe izói daa come finoca íaifue aillo ie abimo ítímacina íaire finode. ⁷ Iemona ómoína fiéni finode come ómoimona oni jica oreri, mei afémie jácaie pan fáitara izóidimieza. Ie jira afe fiénide meáifue ómoimona ñue muiñori, ñue jácina íaifuenidímacina omoi íllena. Iemona fáitatena jóonefega comue pan izóidinona ítiomo. Ja onódicueza, afe bie izóidino ua ítiomo, mei Cristo nana cai ícoínia fagámiena jáideza. Afémie cai ífomo fatá Juzíñamuimo fecaca oveja jiza izóidimie, caimo ite íaifue oni dóllena. Afémie pascua rafue illa llezica cai uibíoigamie. Ie jira bie íaifue oni omoi fáinocai; mei íaifuemona muiñócanona cai íllena, Cristo táideza. ⁸ Iemona nágarui cai ílláfueño táinona úriñede comécido mai cai illi. Daje izói ñúefuiairede comécido mai cai illi. Afe izoide comeci fáitate raa jóonefega comue pan izoide. Mei jiáifodo íáirede comécido cai íadi, daje izói éoicaide comécido cai íadi, afe izoide comeci jácaie pan fáitate raa izoide. Afe izói mai cai íñeilli. ⁹ Naui ómoimo cue cuegábemo ómoína daidicue: “Bie izói jiruúrede comínimo nabáiríñeno iri.” ¹⁰ Biniemo jaca jiruúredino ite, daje izói iere ráanaiacadino ite, íemo merírífredino ite, íemo jánarai íóbitadino ite. Bimaci diga omoi nabáiríñeillena lloñédicue. Afefueña rairuídícueña biniemo oni jáirediomo. Mei íadi afe izói ocuúñedicue. Mei íadi onódiomoiza, afémaci illa izói índiomo. ¹¹ Mei ómoína cue daífacanafue jiáifo jóide. “Crístomo ínote omoi ámadicue” daidímie íadi afémie jiruúreniadi, afémie diga nabáiríñeno iri. Daje izói afémie iere ráanaiacania afémie diga nabáiríñeno iri. Iemo dáamie jánarai íóbitaadi, íemo afémie jiáimana fiéni úrifireia, ie jífaireia, íemo ie merírífireia, afe izoide “Crístomo ínote omoi ámadicue” daidímie diga nabáiríñeno iri. Iemo jiái bie izoide come diga omoi güíñeno iri. ¹²⁻¹³ Biniemo ite ñnoñede fiénidinomo ítifue riire cue jicánolle cuemo dúíñede. Mei íaioimo fiéni ítifuijai dama Juzíñamui riire jicánoteza. Mei jiáifodo omoi dani ómoimo jáináidinona riire jicánorediomo. Ie jira afe bie fiénidífuiairedimie omoi cígimona oni

oreri.

6

Juziñamuimo ñnotino júfidogafuai oni ñnoñedinomo llujjinide

¹ Dani ómoimona dámie jiámamo júfidogafue comuádi, ¿nibái mei oni jiáimacimo afefue záitallena jáidiomoi? mei afémaci cai ñnogafuemo jaináiñedimaci. Dani omoi cigiri ite Juziñamuimo dúidinomo jicárediomoi, o júfidogana jaícina záitallena. ² ¿Nai onóñediomoi Juziñamui iédino nana bínie comini itífueña riire jicánoitiaoí? Mei uire bínie comini riire jicánoitimoiza, ¿nibái mei omoi cigiri ite dúefuiaina raire záitanidiomoi? ³ Iemo jiái, ¿nai onóñedimoiza Juziñamui abi imaci, ángeles dainámaci, itífuiaina riire jicánoiticoi? Mei uafue Juziñamui abi imaci itífuiaina riire jicánoitimoiza, ómoimo ite bínie ífuiái raire záitallena ómoimona juánide. ⁴ Bie cai illáfueмона comuide júfidogafuai ómoimo comuádi, ¿mei nibái mei Juziñamuimo gairídino dibénemo iñédinomo llujjifirediomoi, afefue jaícina ómoimo finóllena? ⁵ Bie izói ómoína daidicue omoi méaicaillena. ¿Mei nibái omoi cigiri ámatiaimo comuidífueña jaícina finuana baitádimie iñede? ⁶ Ja birui da ama jiámamo júfidogafue comuádi, Juziñamuimo ñnoñede jaícina finóraima uícomo llujjifirediomoi. ¿Meita bie izói írede? ¡Inide!

⁷ Uáfodo onóigaza, nanómona daa júfidollifue omoi cigiri comuádi, jiáie o ñue illáfueña táinomo fáifitaite. (Daje izói o júfidogafue Juziñamui ífueña jámairitade.) Daa cáimona dámie fiéni o finóadi, afe iba o óñeille baímo ñuera. Daje izói daa come cue raa jífuiano bairóadi afe meine cue óñeille iere baímo ñuera. ⁸ Mei jiáifodo fiénidífue fáicanocaiñeno, dani omoi ámatiaimo fiéni finódiomoi, íemo jiái omoi ámatiaína jífuiano raana bairófirediomoi.

⁹⁻¹⁰ ¿Nai onóñedimoiza? nana jiáimana fiéni finódino Juziñamui illáimana illíruimo dúciñeitiaioi. Omoi jífueñeno iri, mei naga fiénidino Juziñamui illáimana illíruimo jáinañeitiaioiza. Daje izói áireiñeno jiáie ringo jetádino dúciñeitiaioi, íemo jánaraina íóbitadino, íemo jiruífueredino, íemo jiáie íma diga fiéni itímiaí, íemo merírifiredino, íemo iere ráanaiacadino, íemo jífáifiredino, íemo jiámamo fiéni úritino, íemo jífueta bairófiredino; nana éniemo ite bie izoide comini Juziñamui illáimana illíruimo dúciñeitiaioi. ¹¹ Naui ómoimona dáarie bie izoide. Mei íadi ja birui Jesucristo ñue íainino finócaomoi. Daje izói Juziñamui íeiena ñue mamécaomoi. Afe izói Moo Juziñamui Ñuera Joréñodo, íemo jiái cai Ocuíraima Jesumo omoi ñnuado Juziñamui anamo ñue jaícina itábicaidiomoi.

Cai abi Juziñamui eróicana iere ñúeraza áfena íaidonidicai

¹² Comini daífirediaioi, “Cue bie cue comeci jitailla izói íredicue.” Afe uafue, mei íadi naga íaioi comeci gáinafue íaioína ñue finóñede. Uáfueza daa come dama ie comeci jitailla izói írede, mei íadi afe comeci jitaillafue íena anáfenotanide. ¹³ Mei uáfueza: cai güille, cai jébegoi ie; daje izói cai jébegoi güille íena finoca. Mei íadi jiáiruído Juziñamui nágaillino güille naa jébegoi diga jíáfodo méidoite. Mei íadi “Bie cai abina jruífue íena mameca.” daiñide, dáarie daíí daífirediaioi íadi ¡mei afe uáfueñede! Bie cai abi cai Ocuíraima ie. Afe íbana cai Ocuíraima cai abímo dúide, cai ñue rairuíoicaillena. ¹⁴ Iemo Juziñamui

cai Ocuíraima Jesús cáadimiēna jáitate. Afe daií ie fínua izói, afémie dama ie ríinodo cáadimacina caina mámeite.

¹⁵ ¿Onóñediomoiza ómoimona illa dígamie ie abi dama Cristo abímo dúide? ¿Meita Cristo abímo dúidimie jiruiredingomo dájena jóoneredicue? ¡Jaca jóonenide! ¹⁶ ¿Mei níbai jíáfue onóñediomoiza, dáamie jiruiredingo díga íadi afémie abi daa afengo abi izóicaide? Mei jíi Juzíñamui Cuegáuai áirenafue dibénemo bie izói daide: “Íima ie ai díga afe íaillinoi dámiēna ja mameide.” ¹⁷ Afe izói dáamie cai Ocuíraimamo dájena jáináiadi, afémie dájena joréñoredimiēna jaide.

¹⁸ Iemona mei jiruífueмона oni omoi iri. Nana jíaie cai finoca fiénidifue cai abina figo íaíñede, mei íadi áireñeno jíaie ringo díga jiruífue cai finóadi, cai abina bácadicai. ¹⁹ ¿Mei onóñediomoiza, omoi abi Juzíñamui caimo iga ie Ñuera Joreño illano? Iemona afe Ñuera Joreño jaca omoi díga íteza. Omoi abi daní ómoieñedeza, Juzíñamui ie. ²⁰ Mei omoi abi Juzíñamui jamánomo ráifidena íbácaza. Mei jira cai abido Juzíñamuina íóbitaredicai, íemo jíai daje izói caimo ite joréñodo íēna íóbitaredicai, mei afe bie cai abi naa cai joreño díga Juzíñamui íēza.

7

Pablo come áirenafue llófuete

¹ Ja omoi cuemo jícanoga uaillai afe íbáduai llóiticue. Uáfueza dámie áireicañēna dama illa figura. ² Mei íadi aillo jiruífue íteza, naga íima árede. Daje izói naga ringo ínrede. ³ Áiredimie dama ie ai afémie díga íacana díeze, afémie írena. Iemo daje izói ínredingō ie ini afengo díga íacana díeze, afengo írena. ⁴ Ínredingō “Cue abi daingo cuemo dúide,” daiñide. Afengo abi ie ini íēza. Daje izói áiredimie “Cue abi bie dama cuemo dúide,” daiñide. Ie aimo jáináideza. ⁵ Íima ie ai díga íacania ráiruiñeno jíéruiri. Daje izói ringo ini díga íacania ini ráiruiñeno jíéruiri. Mei íadi níbai jíáiruido da come ie ai díga nano nígarui íere Juzíñamui mo íaillinoi comeci facáacana llezica, aféruillaído dájena íñēdiaillinoína ñuera. Afe mei nane raire meine dájena írediaillinoi. Mei are dájena íaillinoi jáicañēna, abi jítaínafuena ocuíninamona fiēni íllēna Taife íaillinona facátaiteza.

⁶ Bífuiái caimare ómoie íllēna llotícue. Ríire lletara uai daina izói lloñédicue. ⁷ Cúemona nana comini cue áinino cue illa izói itaíoína, ñuera. Mei íadi Juzíñamui illa dígamiaimo jíáfoide ocuilla ríino fecade. Dámie áinino dama illa ocuired. Jáimie áinino dama illa ocuínide.

⁸ Ja birui áinidinomo naa fecinguai díga úriticue. Damádimie dama cue illa izói itaíoína ñuera. ⁹ Mei íadi dámie ie abi jítaínafuena ocuífēna afémie raire árede. Daa come ie abi jítaínafue íēna anáfēnoa fiēnide, íemona raire áirena ñuera.

¹⁰ Mei íadi áiredino ínredino díga afémacina bie izói ocuídícue. Ínredingō ie inina jaca dotánide. Bie ocuilla uai dama cúeieñedeza, cai Ocuíraima Cristo ie. ¹¹ Mei íadi ínredingō ie ini dotáadi afengo daingo írede; mei jíáfodo afengo afe daií íacañēna, afengo meine ie ínimo abido bírede. Daje izói áiredimie ie aina jaca fáicanocainide.

¹² Iemo jíáfue dibéfodo cai Ocuíraima úriñedeza, dama cue ñue fibíllafuēmona úriticue. Daa Jesumo ínotimiēmo nai íñoñede ai íadi, íemo afengo nai afémie díga íacana llezica, afémie afengo díga írede. Afémie afe ie aina dotánide.

13 Daje izói daa Jesumo ñnotingo ie ini nai Jesumo ñnoñede íadi afémie afengo diga íacana llezica afengo afémie diga írede. Afengo afe ie inina dotánide. 14 Mei jii, Jesumo ñnoñede áiredimie Jesumo ñnote aimo jaináillamona Juzíñamui ñue finócamiena jaide. Daje izói Jesumo ñnoñede iníredingo ie Jesumo ñnotimie mo jaináillamona, Juzíñamui ñue finócanzona jaide. Afe izói inñeniadi, omoi jítótiai ñnoñedino úruiai izói itíai. Mei íadi afe izói jóoiñede. Afémaci Juzíñamui ñue finócaiaioi. 15 Mei íadi Jesumo ñnoñedimie izire ie aina oni oréacania, dama daítadeza; orérede. Daje izói Jesumo ñnoñedingo izire ie ini fáicanocaiacania, dama daítadeza; fáicanocairede. Aféfuena júfidoñeno iri, mei Juzíñamui “Nágarui uái omoi ífíreiri,” caina dáideza. Bie izói ífícaiai Jesumo ñnote ama naa ñnote miringo diga rairuínino afe ñnoñedimie mo jaináitanide. 16 Mei íadi Jesumo ñnote iníredingo cácarei. Nai ónoñegaza nibai odo o ini jilloite. Daje izói Jesumo ñnotimie cácarei. Nai ónoñegaza nibai odo o ai jilloite.

17 Iemona illa dígamie dama Juzíñamui íemo jóonia izói, afe izói nágaruillai írede. Iemo, fueñe Juzíñamuimo cai ñnua llezica aféruimo cai táijina izói, afe izói nai birui táijiredicai. Bie izói nana Jesumo gairídinona ocuídícue. 18 Dámie Juzíñamuimo ñnua llezica ie bacano ícoi quetátañenia, dama daítadeza; quetátañeno iri. Daje izói jáímie Jesumo ñnua llezica jaiái quetácaza dama daítadeza; jáífodo júfidoñeno iri. 19 Dámie ie bacano ícoi quetaca nibai quetañega áfena náfueñeno iri. Mei jáífodo Juzíñamui comeci jítainafue jeire cai olle iere ráifina. 20 Illa dígamie fueñe Juzíñamuimo ie ñnua llezica aféruimo ie illa izói, afe izói nai birui írede. 21 Aféruimo jáíma jeruícamiéna o ia, áfemo járitañeno iri. Mei íadi afe ímamona oni o jáillino o báia, áfena maíñori. 22 Mei jii, dámie como fueñe Juzíñamuimo ie ñnua llezica, aféruido afémie jáíma ocuífregamie. Ja ie ñnua mei Juzíñamui dibéfomo afémie bu ráiruiñegamiéna jaide, cai Ocuíraíma táijinafue ie finóllena. Mei daje izói jáímie como fueñe Juzíñamuimo ie ñnua llezica, aféruido afémie bu ráiruiñegamie. Ja ie ñnua mei Cristo izire ocuífregamiéna jaide. 23 Juzíñamui iere ráifidena íbácaomíza. Iemona jáíma riire ocuífregamiéna omoi íñeno iri. 24 Amatai, omoi cácarei, ómoimona illa dígamie como fueñe Juzíñamuimo ie ñnua llezica, nanómoma ie táijina izói, Juzíñamui eróicana áfemo táijifreiri.

25 Mei birui nahí ánidino naa iníndingotiai diga afémaci ífue llóitícue. Afémaci cue lletalle uaina cai Ocuíraíma cuemo lloñede, mei íadi cue fibíllamona cue onoiga uai llóitícue. Mei Juzíñamui cue cánuado cue lloga uaina ñnoredeza. 26 Mei birui iere jacírediruillaíza, cúemona bifue ñue cioide: daa come birui ie illa izói jáífodo méidoñeno írede. 27 Mei birui ja áredío, afe mei ánidimie na abina maméñeno iri. Mei daje izói, birui nai ánidioza, maí ringona oñeno iri. 28 Mei íadi o áirenia, afefue fiénidífueñedeza. Daje izói daa jitaingo inírenia, fiénidífueñedeza. Mei íadi biruillaído naga áiredimie naa iníredingotiai diga íaiói illafue ánidímaci baímo iere juárede. Afe bie júaredífuiaimona ómoína rairuíacadicue.

29 Amatai, ómoína cue daílacanafue bie izói jóide. Biniemo Juzíñamuina cai íóbitallirui aréíñede. Ja benómoma cai illífuena jáífodo maméredicai. Birui áiredimie, ánidimie izói írede, raire jáímaci jacíredífuemona cánuallena. 30 Daje izói come tíllamo zúnaitino birui zúnaiñedino izói íredíomoi. Daje

izói caimare iráizizaidino ja birui caimátaiñedino izói írediomoi. Daje izói nana ráaniai íbáritino ja birui íaioi íbaca raana “Cáieíñede” daífirediomoi. ³¹ Iemo bínie ráaniai fecáfiredino, daje izói afe ráaniairi caimátaidino ja birui afe ráaniaimo figo járitainidiomoi. Mei bie cai ciona énie naa ie ráaniairi ja fúioicaideza.

³² Omoi gágudifuiaimona oni ómoína óiacadicue. Dáamie nai ánina llezica, cai Ocuíraima ífuiaimo járitairede, cai Ocuíraima íóbitallena. ³³ Mei jáífodo áiredimie ie ai íóbitallena, bínie ráaniairi járitairede. Iemona afémie mena ocuídime anamo ite izóidemona, ie finóacagafuiaina finónide. ³⁴ Ringóniaimo jái daje izóidifue ite. Nai inínidingo cai Ocuíraima ífuiaimo járitaité. Afengo joreño naa ie abi diga Juzíñamui éna iere íacade. Mei íadi iníredingo ie ini íóbitallena bie énie ráaniairi járitaide.

³⁵ Ñue omoi íllena bífuiái ómoimo llóiticue. Omoi áreiacanafuena rairuíacañedicue. Mei jáífodo comíni eróicana ñue jáicina omoi íllífuena jítaidicue. Iemo jái cai Ocuíraima Jesús ocuífufue jíziñeno jeire omoi óllena, bífuiái ómoimo llóiticue.

³⁶ Mei ómoimona daa come comécido daíia: “Cue jícanogango díbénedo ñue jáicina finóñedicue,” íemo afe llezica afengo are díno jítaíngoñeiteza, afémie comeci ñue faca izói, izire ie áreiacana izói árede. Ie jícanogango ie olle fiénidífuenezeza, afe íaillinoi áirena rairuínide. ³⁷ Mei íadi jíaimie jíáfodo comeci facáadi, mei afe ñuera. Ie jícanogangona ie aina ie óiacañenia daje izói afefue jíai ñuera; mei afémie ie jícanogango raire óñeíllena ie comeci ñue daína izói, jica ia ñue mamédeza. Afe izóidífué íaífueñede. ³⁸ Nana bíuailaímona bie izói onódicai. Jícanogango otímie ñúefue finode, íemo jícanogangona onédimie afe baimo ñúefue finode.

³⁹ Iníredingo, ie ini nai caana llezica, ie inimo cuinaca izói jáinaide. Mei íadi ja ie ini tílla mei, afengo bumó jáinaíñede. Jesumo ínote afengo gáigamiemo iníreirede. ⁴⁰ Mei íadi cue comeci faca izói, afengo meine nane iníreíedena baímo caimare íite. Bie uai ómoimo cue llua llezica, Juzíñamui Ñuera Joreño cuemo ite izoide daidicue.

8

Jánarai éna mameca rílleniai ífue San Pablo llote

¹ Ja birui omoi jícanoga jíáfue llóiticue. Jánarai íóbitallena ía íecaca rille ífue llóiticue. Iere uáfueza, bífuiaimo bíbídicaíza. Mei íadi cai onóigafuemoná cai abi fiéní ínuana aillo comúitate. Mei jáífodo jíaimana cai izíruíllafue nana comínina náirecaítade. ² “Baitádimíedicue” daidímie Juzíñamui ie onótaacanaze nai onóñede. Nai abina onóñede. ³ Mei dáamie Juzíñamui izíruia, afe íbana Juzíñamui ñue afémiemo éroite.

⁴ Mei ja birui jánarai íóbitallena ía íecaca rille ífue llóiticue. Omoimona dáarie bie izói daidíaiói: “Afe rílleniaína ríri” daidíaiói. Jáímaci “Ríñeno iri” daidíaiói. Fueñe bífuiaimo omoi cácarei. Mei ñue onóigaza bie jánarai nahí ráañede, ráífiñede ía raaza. Daje izói ñue onóigaza jíaie Juzíñamui jaca íñede. Juzíñamui jaca daade. ⁵ Mei comíni, monamo aillo íte Juzíñamuíllai daííadi, daje izói bímiemo jíai aillo Juzíñamuíllai íte íaiói daííadi, íeñede. ⁶ Mei íadi cáimona cai Moo Juzíñamui jaca daade. Afémie baímo jíai Juzíñamui íñede. Uáfueza comíni Juzíñamuína mameca táino Juzíñamuíllai aillo íte. Daje izói íaiói mameca Juzíñamui jabóidíllaini aillo íte. Mei íadi cai onoíga daade Moo

Juziñamui naga ráaniai finódimie. Iemo bie cai afémie íena iticai. Iemo jiái cai Ocuídimie daade; afémie Jesucrístona. Afémiedo naga raa comuítaga. Cai jiái daje izói afémiedo comuítagacai.

⁷ Mei íadi nana comini nai bífuaiaina onóñediaioi. Dáamierie nai jánaraina ióbitajana fibídiaioi. Afémacimona taino juziñamuimo fecaca güllena, “Bie güille cai juziñamuillai ie” comeci anado daidíai. Daií íaioi comécilla mei áfena ritíai. Iemona afe taino juziñamuillai gülledo íaioi ifoci úrillana bácadiaioi, mei íaioi ínogafuena nai figo baitáñediaioiza. ⁸ Mei uáfueza, fia cai güigado Juziñamui caimare caina uáidoñede. Cai güia, nibai cai güíñeniadi áfena Juziñamui lloñede. Cai güíadi, afémie íena caina caimare finoñeite. Daje izói güíñeiticai íadi, caina fieni finoñeite. ⁹ Iemona ja onódicaiza rairuíñeno güiredicai. Mei íadi áfemona abí omoi rairuíoicairi, mei dáarie íaioi ínogafuena nai figo baitáñediaioiza. Jánaraimo fecaca rille o ríana íaioi fidíadi, afémacina fiénidifuemo baiítatio. Afemona abí omoi rairuiri. ¹⁰ Afe bie güille ráiruíñegaza onódio. Iemona jánaraimo dúide güirácomo güizájidio. Afe llezica ínogafuena nai figo baitáñedimie o güllana cióadi, afémie dáite: “Cue jiái cue güizájiticue,” dáite. Mei íadi afémie dibénemo, taino juziñamuillaina jacíruillano afémacimo fecaca güille güite. Daií ie íllamona dama ie comeci úrilla bácade. ¹¹ Iemona o ñue onóigafuedo, figo baitáñede o ama fiénidífue diné féiraitadio. Mei íadi Cristo jiái afémie jilloillena tiide. Jira o afémie féiraitalle fiénide. ¹² Afe jira, ínogafuena nai figo baitáñedimie fiénidifuemo afémie o ifóadi, áfede Cristo fieni finódio. ¹³ Ie jira rille cue ría ícoinia cue ama fiénidifuemo cue baiítaiza, ja benómona jaca ríllena ríñeiticue. Daií cue illa jamánomo ñuera, afémie fiénidifuemo cue baítañeillena.

9

Jesucristo orécamié buna ráiruíñega

¹ Ñue onóigaza, nana jiáie Jesús jáinomo orécamiái izói, rairuínidicue. Mei cai Ocuíraima Jesuna afémaci íena ciona izói, íena jiái ciódicue. Iemo jiái omoi dani Jesumo ínogano cai Ocuíraimamo cue táijinamona comuide. ² Jiáimaci, “Bie Pablo Jesús oreñegamié” nibai cuena daítiaioi. Mei íadi afe izói cuena daiíndi omoi, ómoína cai Ocuíraimamo ja ínotadicueza. Iemona omoi dani Jesumo ínuamona, cuena bie uáfueza Jesús orécamié daiítaite.

³ Omoimona cue uáitatino uaina bie izói óiticue. ⁴ Juziñamuimo gairídino cuemo fecaca güille naa jirolle diga áfena cue llínolle bu cúemona rairuíñede.

⁵ Daje izói jítaidicuenta jiáie Jesús orécamié fínua izói, Jesumo ínotingona cue aina óredicue, cue diga jáicaillena. Iemo afengo jítaille güille daje izói ómoimona llínoredicue. ¿Ero ua? Ua, cai Ocuíraima Jesús ámatiai naa Pedro diga, ringo ua izói, cue jiái afe izói ringona óredicue. Iemona afengo ómoimona ecárede. ⁶ ¿Mei omoi nie izói comeci facádi omoi? ¿Nibai coco dáaillinoi cue nabai Bernabé diga, nanómona coco ónoido táijinafuena fáincainidicoco, ñuefue coco llujáillena? Mei íeñedeza. ⁷ Mei daje izói ¿nie fuiráima dama ie güille diga jáirena? Jáinide. Jaca aféno mo ecácaza. ¿Nie come jíricona ríadi áfemona afe llizíllajina afémie riéñede? Jaca afe izóidimie íñede; jaca afémie aféjiaina riéfirede. ¿Mei nie ovéjaiai úñotimie ie úñoga oveja monoi omida afémie jiróñede? Jaca afémie áfeji jirófirede. ⁸ Fia come

daina izói bífuiái cue llua daí omoi comécíñeno iri, mei jaíai Moisés cai ocuilla uai daje izói dáideza. ⁹ Afe ocuilla uai cuiánicomo daide: Arroz izoide trigo, juráreto gájirillena záizia llezica, áfemona íaiói güllenza fue maiñeno iri. Ñue onóigaza, bífuenta Juzíñamui dama juráreto jícana daíñedeza, ¹⁰ mei jíáfodo biedo Juzíñamui cai llote. Bie ocuilla uai cai ñue íllena cuega. Mei jíi, jacafai tiéraitama afénomona llizide raana otá güirede. Daje izói trigo gájirillena juráreto zaizitatimie áfemona otá güirede. Afemona afe íaillinoi güllena camare occuiriðiaillinoi. ¹¹ Iemo ritímie rífirega izoide Juzíñamui uailai ómoimo fueñe llotucue. Ie mei birui ómoimo ite bínie ráaniai abido cue maiñolle figura. ¿Mei ñibai ómoimona bie áillue izói cóide? ¹² Mei jíáie llófueraíni ómoimona íaiói güllena ófirediaioiza, ie mei bie cai afémaci baímo fia ecáregacai.

Mei íadi bie daina izói cai güllena ocuñedicai. Mei jíáfodo ómoimo ñúefue lluaíbíticue. Nana cue jitaiga ráaniai dama cue íbaca. Ómoimona mínícana fia onédicue, cue lloga Cristo daina uaina omoi ruífriuíza daí. ¹³ Mei jíi, jíáfue ñue onóðimoiza, nana Juzíñamuimo gairíracomo táijifiredino afeco ie güllodo írediaioi. Bífue bie izói daíacade; nana Juzíñamui íóbitallena fecaca rille jobáiranomo táijifiredino, afénomo fecaca rillemona come jítaíllaze otá rírediaioi. ¹⁴ Mei birui cai Ocuíraitama daje izói ocuide. Nana jíllona uai llócaidino, íaiói llófuega comínimona güllena otá güirediaioi. ¹⁵ Mei íadi cue bie daina izói jaca finóñedicue. Daje izói bie cue cuegábedo ómoimona mínícana fia jicáñedicue. Güille ómoimona cue jicáñenamona júbieri tídicuena, afe figo cuemo ráifñede. Raiñóñeno bie ñúefue cue lluaíjiri iere íóbidicue. Afe bie cue íóbillafue cue tilla baímo jamánomo ráifide.

¹⁶ Jíllona uai cue llócaillado abina ínonidicue, mei afe llócaillena jónegacueza. Bífue llócaíñedicuena ññi duere cue zefuilla! ¹⁷ Ie jira, dama cue comeci jítailla izói bífuenta cue llócaíadi, Juzíñamuimona jíridoredicue. Mei íadi afe izóiñedeza. Juzíñamui cue nízano bie ñúefue cue llócaillena cue jónete. Afena cue jaca jamairuínidicue. ¹⁸ Iemona daí cue llócailla jíridua jíáfodo jóide. Ñie afe cue jíridoga daíítana fia cue íóbillafue; mei raiñóñeno bie ñúefue cue lluaíjillari iere íóbidicueza. Nana cuemo dúide tájijnana íbatañedicue. Uai llóraitama izói cue tájijnamona, cuemo dúide ráaniai ómoimona raiñóñeno fia onédicue. Aferi iere íóbidicue.

¹⁹ Mei comínimona buna ráiruiñegacue, mei íadi nana comíni ocuillimíena abí mamédicue, baímo aillo comínina Crísto cue jaináitallena. ²⁰ Judíuái cígimo cue illa llezica, judío ímíena abido jáidicue, afémaci Crísto cue jaináitallena. Bie izói daina, Moisés ocuica uai anamo ítónona Crísto cue jaináitallena, afe Moisés lloga uai anamo abí jóneticue. Mei íadi uáfuenta afe ocuica uaimo dúíñedicue. ²¹ Iemo jíánomo, afe Moisés ocuica uai anamo íñédinona Crísto cue jaináitallena, íaiói izóidimíena jáidicue. Mei íadi uáfuenta Cristo uai anamo cue íllamona Juzíñamui uai anamo íticue. ²² Juzíñamuimo ínogafuena nai figo baitáñedino cígimo cue illa llezica, afémaci izói abí mamédicue, afémaci Crísto íaiói ínogafue cue móonaitallena. Bie izói daina, nana comínimona illa dígamie íaiói illa izói íacadicue, mei ñibai jíáfodo íaioimona dáarie cue jíllotallena. ²³ Nana bífuiaina finófiredicue cai jíllona uai jica jalléillena. Daje izói bífuiái finódicue, ñuera cai jíllotate uai caímo onótaga núefuiaina cue maiñólleza.

24 Ja onódiomoiza, jiáimacimona aillo comini áizia, illa dígamie fia jirídogaraana oñede. Dáamie jirírote. Mai riire omoi aizi, jirírolle raa omoi jirírolleza. 25 Nana jifánuafuemo maméritino, jifánoiacana úicodo abina náinitade raana fimaidiaioi. Afémaci iere abina fimaidiaioi, raire zábifrede raa íaioi jirídollena. (Mei aféruillaído íaioi jirídogaraábai finoína ifo icuifoí are íñeno raire etúdeza.) Mei íadi jiáimaciri fuírienailla izóí, riire nícidotícaí, jaca ninomo zábínide raa caí maiñóllena. 26 Cue díbénemona únidímie izóí ebena aizíñedicue. Iere níciduano, come jana fatímie izóí táinona fañédicue, mei íadi comini ñue ínotallena riire nícidotícaí. 27 Mei jiáífodo abí fímailla izóí cue abina duere finódicue. Daíí abí cue rairuállamona dama cue abina ñue jíruítadicue. Bie izóí finóicaidicue, jiáimaci cue llócailla mei, ruífíruillano Juzíñamui jino cue dótañellena.

10

Jánaraimo caimátáifredino lleta uai

1 Cue ámatiaí, bífuena ómoína fidítaacadícaí. Nana caí jaiáidígima Juzíñamui jóonega mona uílliena eroide raa anado jáioicaidiaioi. Daje izóí nana afémaci Jíairede Monáíllaina ruica jaitádiaioi. 2 Daíí íaioi jáíllamona afe mona uílliedo, daje izóí monáíllaido dájena Moiséoiri jaináitagaiaioi. 3 Daje izóí nana afémaci Juzíñamui monámona cocítaga güille güífirediaioi. 4 Iemo nana afémaci afe Juzíñamui nofícimona totátaga jainoi jirófirediaioi. Mei íaioi jáioicailla llezica afe íaioi nabáioicaide jamánomo rírede nofici llócuca jiródiaioiza. Afe nofici daína Cristo. 5 Mei íadi afémaci nabézie Juzíñamuina íóbítañede. Iemona zaféredizícimo tícoízitiaioi.

6 Nana bífuiaí caí onóíllena daíí íficaide, afémaci gaiga fíénidífuiaína caí gáíñellena. 7 Afémacimona dámerie jánaraimo caimátáilla izóí omoi caimátáíñeno iri. Juzíñamui Cuegáuai íaioi finócafueña bie izóí daide: “Afe comini fia ráinaíllano güífirediaioi, jirófirediaioi. Afe mei náidacaíllano rafue finoda záífrediaioi.” (Daíí íaioi jánaraimo caimátáitiaioi.) 8 Afémacimona dáarie jíruíreña izóí, maí caí íñeílli. Daíí íaioi jíruírenamona afémacimona daje monado veintitrés mil dígamie titácaiaioi. 9 Afémacimona dáarie Juzíñamui afémacimo raire jírítañefuena náfueñeno, fieni íena facátatiaioi. Afemona díga comini Juzíñamui oreca jaio aínica íaioi tílla. Mei jíra, afémaci Juzíñamui fieni facátaja izóí maí íena caí fácatañeílli. 10 Daje izóí Juzíñamuimo omoi ríríñíñeno iri. Mei afémacimona dáarie Juzíñamuimo ríríñíllano úrioidino titade Juzíñamui abí ímie titácaiaioi.

11 Nana bífuiaí caí jaiáidígimamo íficaide, áfena cíoiíllano comini bífuiaimona ñue abí caí rairuállena. Afe mei, caí onóíllena Juzíñamui afe bífuiaí íe Cuegánícomo cuetátate, afe izóidífuiaimona caí bigímaiaí ñue abí caí rairuállena. Mei ja bíruí ííruíruíllaímo itácaiza. 12 Mei áfemona, “Ñue ínotícaí” daidímie daíítadífuemona ñue abí rairuiri, afémaci izóí caí báíñíllena. 13 Omoímo comuide facátaina duere zefuállafuiaí, daje izóí nana jiáimacimo comuide, daní ómoíñedeza. Mei íadi Juzíñamui jaca ínotíregamie. Mei onódicáiza, Juzíñamui caimo íte máirie baímo, jírede facátafuede caina fácatañeíte. Mei jiáífodo facátafue comuilla llezica Juzíñamui áfemona omoi jíllóille íona ómoína onótáite. Afemona afe facátafueña ja ñue ocuédíomoi.

¹⁴ Ie jira, cue izíruga ámatiai, jánaraimo caimátaillamona oni omoi jírecairi. ¹⁵ Ráfuena baitádinomo úrilla izói ómoimo úriticue, íemo ómoína cue daiíllifuemo dani ñue comeci omoi facari. ¹⁶ ¡Cácarei! Cai Ocuíraima tíllamo cai úbicaiyllena, ñue finoca comunión illácurimona cai jiróadi, Cristo díena dájena caimare mamécacai. Daje izói afe illa dígamíemo fecaca comuniómo jainaide pan, cai güíadi, Cristo abina dájena caimare mamécacai. ¹⁷ Aillomaci cai íadi, daje pan cai güíllamona daade come abina iticai.

¹⁸ Mai Israel nairai finoca ráfuiaimo comeci omoi facari. Juzíñamuimo fecaca rílleniai ritino, afe fecaca ríllemo dájena mamécaiaioi. ¹⁹ Bie cue dáinamona jánarai ua raaza dáiiacañedicue. Daje izói, afe jánaraimo caimátaillena fecaca rille, jíaie rille baimo ráifideza dáiiacañedicue. ²⁰ Cue daína bie izoide: Juzíñamuina onóñedino fia iga raa afe jánaraimo íaioi fecca llezica, afémaci Juzíñamuimo fecáñediaioi; mei fiénide jóríaimo fecádiaioiza. Afe fiénide jóríai anamo dájena caimare omoi itábicaíri, daiíñedicue. (Daiítademoná ómoína rairuácadicue.) ²¹ Fiénide jóríai ichécoimona omoi jírúa llezica cai Ocuíraima ichécoimona jirónidiomoi. Daje izói fiénide jóríaimo mameca rílleniai omoi ríia llezica, cai Ocuíraima mameca comunióna güinidiomoi. ²² ¿Meita cai Ocuíraimana rícaitaacadiomoi? Jaca daií íacañedicaí. ¿Meita cai Ocuíraima baimo ríirediomoi, afémie duere omoi fínoñellena? Jaca daií ríinidicaí.

Crístomona comuide conímana cai izírullafue cai rairuíninafue baimo ñuera

²³ Uáfueña daína. Dámie ie comeci jítaina izói fínuana rairuínide. Mei íadi afe izói illa cómena canóñede. Mei uafue, dámie ie comeci jítaina izói írede, mei íadi afe ie comécina mánaítallena ñue canóñede. ²⁴ Dani omoi ñue illifue jenóñeno, jíáimaci ñue illifue jenóñediomoi.

²⁵ Fecáriracomo nana fecaca güílleniai jíáifodo o ifoci úrillado jícanoñeno uái daií omoi güíri. ²⁶ Mei nana bínie Juzíñamuimo dúideza naa áfemo ite rílleniaíri.

²⁷ Mei jíáíruido Juzíñamuimo íñoñedimie ona: “Güizaíbi” daiíadi, jaillano jíáifodo ifoci úrillado jícanoñeno nana o ie écajana uái daií güíri. ²⁸ Mei íadi dáamie: “Bie líliciai jae jánaraimo fecácaza,” ona daiíadi, áfena ríñeno iri; daií daídímie comeci fiéni o fínoiza. Daje izói afémie ifoci úrilla o úaitañelleza. ²⁹ O ifoci úrillana lloñedicueza, afémie ifoci úrilla o zánoñeillena, daií daidícue.

Mei níbai dáamie jícanoite: “¿Níbai mei jíaie come ifoci úrillado rairuácaue?” ³⁰ Nana cue güígari Juzíñamuina: Figura cue daíia, níbai mei jíaíma cue güíllari fiéni úrite,” daií afémie dáíite. ³¹ Iemona bizóidifue ñuera: Omoi güílla llezica, omoi jírúa llezica, nana omoi jetáacaigafue jeta llezica, mai nana afe omoi fínóacaigafuíaína Juzíñamui íóbillena finori. Afe daií aillo ñúefue íemo nítaítiomoi. ³² Nínó jíáimana oni níbéfodo fiénidifuemo o illáfuedo baítañeno iri. Ua, judíuaina baítañeno iri, daje izói judíoñedinona baítañeno iri. Iemo Juzíñamuimo ínotinona baítañeno iri. ³³ Cue díbéñemona, nana comínina nana cue fínócafuíaído íóbitaacadicue. Dama cue ñue illifue jenóñedicue, mei jíáifodo nana jíáimaci ñue illifue jenódicue, ñue íaioi jíllóillena.

11

¹ Cristo ciótaga ñúefuedo cue jailla izói, ómoimo cue ciótaga ñue illáfuedo omoi jairi.

Juziñamuimo cai caimátaifirena llezica, ringóniai jaca jiáimacina lletánidiaioi

² Cue ámatiai, ómoimo ñúefue nítaiticue mei cuemo uibíoifirediomoiza. Daje izói omoi cue llófuiana jeire uano áfedo jáifirediomoí. ³ Mei íadi ja birui jáifuena omoi onótaacadicue. Bifue bie izoide. Cristo nana íññiai ifoci izói Ocuídímie. Iemo nana ringo ie ini ocuica; afémie afengo ifódimie. Afe izói Juziñamui Cristo ifode. ⁴ Iemona dáamie Juziñamuimo úrilla llezica, ie ifoci íbaia, afe ie ifócina meaire finode, mei ifoci íbailla jiáie come ocuilla anamo íllana llóteza. Daje izói Juziñamuimona onoiga uai afémie llua llezica, ifoci íbailla ie ifócina meaire finode. ⁵ Mei jiáifodo, daa ringo Juziñamuimo úrilla llezica, íemo Juziñamuimona onoiga uai llua llezica, afengo ie ifoci íbáiñenia, afe afengo ifócina meaire finode. Afe íbáiñena afengo ifo ítirai nana cuidoca izoide. ⁶ Daa ringo ifoci íbaiacañeniadi mei dáaruido nácina cuidórede. Mei nácina cúdocana, ifoci íbáiñena daje izói meáirede. Mei íadi ringo ie ifoci naado cúduana meáiruadi, afengo ifoci íbáirede. ⁷ Íññiai íaioi ifócina íbáinidiaioi, mei íima Juziñamui jánana eróideza. Daje izói íima Juziñamui ñue ocuilla ríinona jino cíotatímieza. Mei íadi ringo íima ñue ocuilla ríinona jino cíotaite. Uáfueza, Juziñamui íññiai anamo íñena izói, afe izói íññiai ringóniai anamo íñede. ⁸ Mei íima Juziñamui fínua llezica, ringómona finóñedeza. Mei jiáifodo ringo ímamona finócaza. ⁹ Íima jitailla jira ringo fnoca; mei íadi ringo jitailla jira íima finóñega. ¹⁰ Afe jira ringóniai ifócina íbáirede, afengo ie ini ñue ocuicana anamo illa daíllena. Daí írediaioi mei Juziñamui abí imaci eróicana ítíaioiza. ¹¹ Mei íadi Crísto cai jáinaina dino íima ringónino ínide. Daje izói ringo ímanino ínide. ¹² Mei uáfueza ringo ímamona fínoca, daje izói uáfueza naga íññiai ringo jéciga. Iemo nana Juziñamui comuítagacai.

¹³ Bie mona ¿nie izói comécidiomoí? conímamo omoi daini. Ringo ifoci íbáiñeno Juziñamuimo úriadi, meita figura, nibai figóñede. Mai daini. ¹⁴ Nanómona omoi izóidino griego imaci onóigaza: íima ífótiirena baíñede; meaire cíoideza. ¹⁵ Daje izói afe abina cai onónafue jáifuena dáanomo cai llote. Ringo ífótiirena ñue baite, mei áfedo aféngomo ñúefue nítaitiaioi. Jaca afe ringo ifoci íbáillena, ie ífótií áretiina comuítaga. ¹⁶ Mei dáamie bizóidífue júfidoacaniadi, bie cue llógamo mai cacai, mei Cristo orécamací cue diga jáífoídífueña náfueñedicai. Daje izói Juziñamuimo ínotino bifue baimo jiáifo maméñediaioi.

Cai Ocuíraimamo cai uibíñoga güilla rafue jiáimaci bácaza

¹⁷ Bie izói cue dánado ómoimo ñúefueña nítañeíticue, mei omoi gairíllafuíaímo ñue íñeno, conímama fieni finódiomoíza. ¹⁸ Fueñe bifue llóitícue. Dámierie omoi illáfueña cue fídítatiaioi. Juziñamui cáimacaillena omoi gairilla llezica, jáímana énenoruidiomoí, daídíaioi. Afémaci cuemo llógana jabo ínotícue. ¹⁹ Afe eneno bozíetaillafue comuífiredeza, nibézie Crísto naha ínotinona, nibézie ínoñedinona jino uáfodo daíllena. ²⁰ Conímama omoi énenoruillamona, bie izói zúide. Gairíllano omoi güillafue omoi bácaza, ja birui áfena cai Ocuíraíma íeñede. ²¹ Mei güizájillamo dúcina llezica, illa dígamie dama ie atica güille güizájillena járitáifrede. Iemo dáarie juífuílla llezica, jáímaci jífáizabítiaioi. ²² ¿Meita birui omoi jofónidiomoí, aféno mo güitá omoi jíróllena? Bie izói omoi íllado Juziñamuimo naha ínotinona jámairuítioi. Afe dáaruido güíllenidinona meáruitadiomoí. ¿Mei nie izói ómoína dáitícue? ¿Mei ómoimo ñúefueña nítáredicue? ¡Aferi ómoimo ñúefueña nítánidicue!

*Cai Ocuíraima tiraicaiño güillamo cai uíbicaillafue
(Mt 26.26-29; Mr 14.22-25; Lc 22.14-20)*

²³ Uáfueza, cai Ocuíraimamo cai uibiñoga güillafue fieni omoi finuamona, ómoimo ñúefue nitánidicue. Mei nauti ómoína cue daína izói, bie omoi cue llófuiafuenta dama cai Ocuíraima llotátacagueza. Afebie be ñie: Cai Ocuíraima Jesús afe ie Judas fécaja nai, pan líinote. ²⁴ Líinuano Juzíñamuina: “Iere figura” daide. Daina méifodo fécano daide: “Mai omoi güi. Bie cue abi; omoi ñue íllena ditaca izói ómoimo cue fecácaza. Bífuedo cuemo omoi uíbicaifreiri,” daide. ²⁵ Daje izói íaiói güilla méifomo, jiróracuri líinota daide: “Afe bie jiróracuri eromo ite íji, ómoimo cue comuítalle cómofuena ómoína onótate. Afe bie Juzíñamuimo dájena omoi jaináitalle cómofuena cue die uáfuenta ífcaitate. Diga ícaíño bie íjmona omoi jiróadi áfejido cuemo omoi uíbicaifreiri,” daide. ²⁶ Nana bífuiái jira, Jesucristo nai meine ana biñena llezica, nágaruillai bie pan omoi güiadi, íemo bie jiróracuri ero íji omoi jiróadi, áfedo Jesús cai ícoínia tíllana jino uáfodo llóitiomoi.

Afe bie cai Ocuíraimamo cai uíbicaillafue jaca ñue comécíillamona finórede

²⁷ Mei jira, nie come bie paana Juzíñamuimo ñúefuena nitáñeno güiadi, daje izói afe jirócaji afémie fieni jiróadi, afémie cai Ocuíraima abi naa ie die diga fieni finode. ²⁸ Ie jira, illa dígamie nai afe pan güiñena llezica ie ífoci úrillana ñue onórede; daje izói áfeji ie jiróacana llezica áfena onórede. ²⁹ Mei onóigaza afe pan Cristo abina caina onótate. Dáamie aféfuena ñue náfueñeno ebena güiadi, afe daí ie güíllamona dama Juzíñamui íena duere fínoite. Daje izói dama Juzíñamui ie duere finóllíji jírúa izoide. ³⁰ Daí omoi íllamona ómoimona aillo irárediaíoi. Jáíe comíni náinidiaíoi. Iemo daje izói dáarie tídiaíoi. ³¹ Mei jáífodo dani cai ífoci úrillana ñue cai náfueia Juzíñamui caimo riire jícanoñeite. ³² Mei íadi cai Ocuíraima riire caimo jicánoiadi, afe jicánuado afémie izire caina lletade bíniemo ite Juzíñamuimo íñoñedíno diga cai duere finobiñeilla.

³³ Mei cue ámatiai, bie izóideza: Comunión güitállena omoi gairíadi, dámie riire güiñeno dájena omoi güitálleza conima omoi úííori. ³⁴ Dámie ie jufriuiadi dama ie jofomo güizájirede, fieni omoi gairíllado Juzíñamui duere omoi fínoiza daí. Íco omoi cue eróizaille llezica, omoi jicaca jáífuiái jáícina jóneiticue.

12

Juzíñamui Ñuera Joreño illa dígamie Juzíñamuimo cai táijinana fibíllena caimo fecade

¹ Amatiai, Juzíñamui Ñuera Joreño illa dígamie fecaca Juzíñamuimo táijinana fibíllena ómoína fidítaacadíe.

² Ñue onódiomoiiza, nai Juzíñamuina omoi onóñena llezica, úrinide jánaraí anamo íllena cuinada zonóicaigamoi. ³ Iemona: “Bífuenta omoi onoiri,” daidíe. Jesuna faidódímie jaca Juzíñamui Ñuera Joréñodo úrinide. Daje izói Juzíñamui Ñuera Joréñodo úriñedímie jaca uáfuenta, “Cue Ocuíraima Jesús” daínde.

⁴ Illa dígamie afe fecaca jáííforie Juzíñamuimo táijinana fibíllena ite. Mei íadi aféfuái daade Juzíñamui Ñuera Joreño fecácaza. ⁵ Illa dígamie jáííforie conímána canóredicai, Juzíñamui ocuícamacina cai íllena. Mei íadi daade cai Ocuíraima anamo iticai, ie cai íóbitallena. ⁶ Illa dígamie cai íllafue

ñue jaícina jóoillena, Juziñamui diga jiáiforie caina ocuíoide. Mei íadi daade Juziñamui nana comínina ocuíoide. ⁷ Juziñamui Ñuera Joreño caído jaícanana cai ónoillena facáfírena raana illa dígamíemo Juziñamui fecade, nana jiáimaci cai canóllena. ⁸ Ie jira Juziñamui Ñuera Joreño dáamie iere baitádimíena jáillena íena fibítate, jiáimaci llófuellena. Iemo jiáimíena daje Ñuera Joreño nimáiraima úrifírena izói úrillena íena fibítate. ⁹ Iemo jiáimaci afe daade Ñuera Joreñodo jamánomo Juziñamuimo ínnotagaiaioi, áfede jiáie Juziñamuimo ínnotino ñue canóllena. Ie mei jiáimaci iráredino jillotaraimana fibítagaiaioi. ¹⁰ Iemo dáarie uaido dáinamona comuide raa finuana fibítagaiaioi. Iemo jiáinona Juziñamui daina uai uáfodo jino llóllena fibítagaiaioi. Iemo jiáimacina nie ua Ñuera Joreñodo úrillana daje izói nie taino jóriaido úrillana onóillena Juziñamui fibítate. Iemo jiáimacina nai llófueñega jiáiforiede uáillaido úrillana onóillena fibítagaiaioi. Iemo nai jiáimaci afe daina uaillai ñue jino dobáiñuana onóillena fibítagaiaioi. ¹¹ Mei íadi nana bífuiai daade Juziñamui Ñuera Joreño fecaca. Ua dama ie óiacana izói, illa dígamíemo jiáiforiede fibíllafuiaiina fecade.

Nana cai bie dáamie abímo dúidica:

¹² Bífuiai nana bie izói jóide, mei Cristo íemo ínnotino diga, daade abí izóideza. Afe daade abímo jaináidinuiaina aillo ite. Mei aillo ite íadi, nai afe abí daade. ¹³ Afe izói aillo jiáifoidinona cai íllamona, nibai judíodicai, nibai griégodicai afe jaca mámeñega. Mei daade Ñuera Joreñodo nana cai daade abina jaináitagacaiza. Daje izói nibai rairuícanodicai, nibai ráiruíñeganodicai daje abina iticai. Ua daade Juziñamui Ñuera Joreño daade abina finócacai. Afe daade Juziñamui Ñuera Joreño úicaitagacai.

¹⁴ Cai abí daje izóíñede, mei diga ráaniai daade abímo jaináimaza. ¹⁵ Mei jii, come eiba: “Cue bie ónoñedicueza daje abí íñédicue,” daííadi, daíí dáinado daje abímo ie jaináinana uáitanide. ¹⁶ Daje izói come jefo: “Cue bie uíjñedicueza daje abí íñédicue” daííadi, daíí dáinado daje abímo ie jaináinana uáitanide. ¹⁷ Mei cai abí nabáinino daa uíji íadi ¿nie izói cácaiticai? Daje izói cai abí nabáinino daa jefo íadi ¿nie izói jálliana cácaiticai? ¹⁸ Mei íadi nana cai abímo jaináidinuiaina, afe abímo ñue baitínuiaimo, Juziñamui ie comeci jítaina izói jóonetete. ¹⁹ Nana cai abí dáadeniadi afe nabáiñiai íllino íñede. Ua abí íñede. ²⁰ Mei íadi ja onódiomoiza, dáamiemo jaináidinuiaina aillo ite, íadi jaca ie abí daade.

²¹ Daje izói nane jiáífue, cai ui ónoina: “Ona jítáiñedicue” daíñide. Daje izói ífoci eíbana: “Ona jítáiñedicue” daíñide. ²² Mei jiáífodo cai abímo ite mairíñedino iere jamánomo jítáirede. ²³ Daje izói cai abímo ite figo comécíñegano áfena iere ñue uíñotícaí. Iemo cai abímo jino uáfodo cíotanidínona, áfena ínóroido ebire finode. ²⁴ Mei íadi cai abímona uáfodo cíoidino cíotanidino izói ebire finónidiaioi. Bie izói Juziñamui cai abímo itínuiaina dájemo jofu ñue zorode, cai figo comécíñegano ñúefuena jamánomo cai nitállena. ²⁵ Juziñamui daíí zorode, cai abímo itínuiaí conímána énenoruíñeíllena. Mei íadi jiáífodo illa dígano conímamo comeci úirede. ²⁶ Come abímo itínuiaimona daano izi cácana llezica, nana jiáinuiái daje izói duere zéfuitiaioi. Daje izói dáanomo ñúefue nítano caimare íadi, nana jiáinuiái dájena caimare itíaiioi.

²⁷ Mei jira bie izóí nana omoi Cristo abídiomoi. Omoimona illa dígamíai daa ie abímo itínuiái izóidiomoi. ²⁸ Afe jira Juzíñamui jáífodo táijinana dáarie íemo ínotinomo jóonete. Nano fueñe Cristo orécamací jóonete. (Afémaci jáíifo mameina ie apóstoles.) Afe mei jáínona Juzíñamuimona ogáfuiái uáfodo jino llotino jóonete. Afe mei nane jáínona ie uai llófuerainí jóonete. Iemo uaido dáinamona raana comuítatino jóonete. Iemo iráredino jílloitatino jóonete. Iemo jáíamacina canófredino jóonete. Iemo jáíamacina ocuífiretino jóonete. Iemo nai llófueñega jáízíe uáillaido úritino jóonete. ²⁹ ¿Meita cai nana Cristo orécánodicai? Ieñedicai. ¿Meita nana cai bie Juzíñamuimona ogáfuiái uáfodo jino llotínodicai? Ieñede. ¿Meita nana cai ie uaina llófuetinodicai? Ieñede. ¿Meita nana cai bie uaido raana finódinodicai? Ieñede. ³⁰ ¿Meita cai bie iráredínona jílloredicai? Jíllotanidicai. ¿Meita cai bie nana nai llófueñega jáízíe uáillaido úritinodicai? Ieñedicai. ¿Meita cai bie nana aféuai dobáñuano jino uáfodo llóredicai? Jaca nana llónidicai. Dámíerie dobáñorediaíoi. ³¹ Mei ie jira, nana bie fibíllafuaimona baímo ñuera fibíllafuaina Juzíñamuimona omoi óllena afe omoi nícidori. Mei íadi afe fibíllafuái baímo, jáíie ñúefuena ómoímo llófueitíe.

13

Jáímana cai izíruillafue

¹ Mei uáfueza, nai llófueñega jáízíe uáillaido úrillana cue fibíadi, íemo afe baímo Juzíñamui abi imaci úrilla izóí úrillana daje izóí fibídíeue ia, mei íadi jáímana cue íziruíñeniadi, fia taino ficírede juai izóidíeue. Iemo jáíe taia ficírede lloéturu izóidíeue. ² Daje izóí Juzíñamuimona ogáfuiái jino llúana cue fibíadi, íemo nana nai uáfodo onóñegafuái llúana cue fibíadi, íemo jamánomo nimáiraimana cue jáiadi, íemo idu jáínua Juzíñamuímo ínogafue cuemo íadi, mei íadi jáímana cue íziruíñenia, táinomo fáíftíeue. ³ Daje izóí, nana cuemo ite ráaniaí jáímací canóllena fia cue fecáadi, íemo Juzíñamui íóbitallena dama cue abi cue jobáitaiadi, mei íadi afe llezica jáímana cue íziruíñenia, nana cue finócafuiái cuemo ráííñede.

⁴ Mei jáíifodo, jáímana izíruitímíe jaca járitaiñede. Afémíe dúecaífrede. Daje izóí úradoífnide, íemo afémíe uícofíñede, íemo fiení abí ínoñede. ⁵ Daje afe jáímana izíruífredímíe meáiredífuena jaca lloñede, íemo afémíe ie abína jacire maméñede, íemo afémíe jaca ríicafínide. Jáíma fiénidífué íemo finóadi, fiení comécíñeno raire féítate. ⁶ Afe jáímana izíruitímíe jáímací fiénidífuíai fínuari zúureite, mei jáíifodo ua ñúefuerí íóbífirede. ⁷ Nana íemo comuídfuíaíri caímare ocuide. Raire járitaiñeno aféfuíaímo ñue uíñooidé. Juzíñamuímo izire ínuano aféfuíaíri jacinaíñeno ñue ocuífíde.

⁸ Izíruillafue zííñona jaca záíñeite. Mei íadi Juzíñamuimona uícodo onóiga ráfuíai záite. Daje izóí jáímací uáillaido úrilla llícaíte; íemo daje izóí ífócído onógafuíaí záite. ⁹ Mei biruíllaido cai ífócído onógafuíaí ñue ícoímo baítáñedicaíza, jabo onódicai. Daje izóí Juzíñamui uícodo onóiga ráfuíaímona due jino lloticai, mei due onódicaíza. ¹⁰ Mei íadi uire Juzíñamui nana ráfuíai caímo baítállíruímo afe ícoímo ñue báitañegafuíaí fáicanocaille.

¹¹ Nai cue úruena llezica úruíaímo itífuíaído úritíeue. Urue comeci fácaja izóí, comeci facádíeue, íemo úrue ífocí úrilla izóí itíeue. Mei íadi ja cue móonaila llezica, úrue illa izóí cue illáfúiaína fáicanocaidíeue. ¹² Daje izóí

birui Juzíñamui dibénemo cai onógafuiai jaicufbicaide. Dámie jáiaira acáranimo figo cíoiñena izói afe izói Juzíñamui ífuiaina birui figo baitañedicai. Mei íadi íco jáíruido nana ñue báitaiticai. Birui cue ifoci úrilla figo déiñedeza, jabo onódicue, mei íadi aféruido nana ñue ónoiticue. Jíi, Juzíñamui cuena onona izoi ñue jaícina ónoiticue. ¹³ Mei daí Juzíñamuimo íinogafue, íemo jíái ocuírinafue, íemo jíái izíruillafue jaca zíiñona féiñeite. Bie daámanidemona izíruillafue iere jamánomoide.

14

¹ Mei ie jira, afe izíruillafue iere jeire omoi oiri. Afe ua llezica Juzíñamui Ñuera Joreño fecaca jáíforie táijinana fibíllena izire omoi jenori. Omoi jenolle llezica, Juzíñamuimona onoiga uai jino llua baimo izire jicari. ² Mei íadi dámie nai llófueñega jáízíe uaido úriadi, dama Juzíñamuimo úrite. Comínimo úriñede; mei afémie úrillana buna canóñenaza. Afe ónoñega uaido úritimie Ñuera Joréñodo úrite, mei íadi afémie daína uai uáfodo onóñena báinino jóoide. ³ Mei jáífodo afe Juzíñamuimona onoiga uai llotímie, comínimo úrite íaioi joreño dibéfuemo íaioi ñue móonaitallena; daje izói ñue íaioi náireillena, íemo jíái íaioi caimare fírallena. ⁴ Afe jáízíe uaido úritimie dama ie joreño dibéfuemo móonaite; mei íadi afe Juzíñamuimona onoiga uai llotímie, Juzíñamuimo jáináidinona ñue móonaitaite.

⁵ Afe nai llófueñega jáízíe uaido úrillana nana ómoiena jitáidicue. Mei íadi Juzíñamuimona onoiga uai jino omoi llóllena iere baimo jitáidicue, mei afe onoiga uai jino llua, jáízíe uaido úrilla baimo ráifide, Jesucrístomo ínotino aillo móonaitallena. Mei íadi afe jáíifoide uaido úritimie úrilla dobáñoraima íadi, afefue ñuera; mei áfedo nana Juzíñamuimo jáináidino daní íaioi joreño dibéfuemo daje izói ñue móonaitaioiza. ⁶ Ie jira ámatiai cácarei. Uire omoi cue uáiduaibia omoi cígiri Ñuera Joreño úritate jáízíe uaido cue úriadi, cue úrilla ómoimo due jiza ráiñíede. Mei jáífodo Juzíñamui caimo onógafuiaido cue úriadi afefue ómoimo ráifide. Daje izói omoi ifoci ua uaina cue déitaiadi afefue ráifide. Iemo daje izói Juzíñamuimona onoiga uai ómoimo jino cue lloia afefue jíái ráifide. Daje izói omoi cue llófuia ráifide.

⁷ Mai nana omoi rúado taiga raamo ñue coméciri, áfemona ñue onóillena. Afe raa jaca comécinideza. Be totíbacui, íemo arpa, íemo juai diga caimare ficire úrite, mei íadi jáíama fienu taia, áfena cacádino afe úrilla uaina ónoñeitiaioi. ⁸ Daje izói comíni jobáiriacana llezica, uáidua juai táíñeniadi comíni figo áfemo mámeríñeitiaioi. ⁹ Afe izói ómoimo íficaide: dáamie jáíifoide ónonide uaido omoi llófueia ie dánana bu onóñena. Afémie táinomo úrite. ¹⁰ Uáfodo onógaza; bie éniemo diga jíáie nairai uaillai ite. Afe uáillaina onódnomo nana aféuaillai ñue baite. ¹¹ Mei íadi cuemo úritimie uaina cue ónoñenia, afémiemona jicánemiedicue. Daje izói afémie cúemona jicánemie. ¹² Ie jira, afe Ñuera Joréñomona fecaca táijinana fibíllena omoi iere gaina llezica, mai Juzíñamuimo jáináidinona ñue móonaitallífuiaina iere izire omoi jicari.

¹³ Afe jira nai llófueñega jáízíe uaido úritimie afe ie daína uaina ñue jino llúana fibíllena Juzíñamuimo jicárede. ¹⁴ Mei jáízíe uaido Juzíñamuimo cue úriadi, ua cue joréñodo úriticue, mei íadi cue ifoci úrilla, táijíñeno oni eneno ite izoide. ¹⁵ Mei íemona ¿ñifue fínoiticue? Cue joréñodo naa cue ifoci úrillado Juzíñamuimo úriredicue. Daje izói cue joréñodo naa cue ifoci úrillado afémiemo

róredicue. ¹⁶ Mei jii, dama o joréñodo Juziñamuimo o úriadi o áinori ite, áfemo fibitañega cacáreidimie, Juziñamuina figura o daiñfirenafue dibénemo ínide. Mei o dainana onóñedeza. ¹⁷ Mei nibai Juziñamuina figura o daiñfirena Juziñamuimo ñue cacaide, íadi jiámána dama ie joreño dibénedo ñue mónonaitañede. ¹⁸ Nana omoi baimo jiáizie uaido úriredicue. Aferi iere Juziñamuina figura daidicue. ¹⁹ Mei íadi Juziñamuimo jaináidino gairífirena llezica, óñoñega jiáifodo jóide uaillai baimo, jubeba diga ñue onoga uai cue dainana gáidicue, jiáimaci cue llófuellena. Mei íadi diez mil féirede jiáizie uai afémaci cígimo cue úrillana gáñedicue.

²⁰ Amatiai, úruiai comeci faca izói, afe izói comeci omoi facáñeno iri. Mei jiáifodo éicomini izói comeci omoi facari. Mei íadi fiénidifue dibénemo jézanidino izói omoi iri. ²¹ Jaijai cai ouculla uai cuegánicomo Juziñamui íemo cacácañede Israel náiraina bie izói daide: —Bie náiraina jiáie uáillaido úritinodo duere fñoiticue; onínemacido íaioi llétaiticue.

Mei íadi afe bie uaido nai cuena náfueñeitaioi. Daií cai Ocuíraima daide, —aquíe izói ie uai llote.

²² Mei daií afe jiáizie uaido úrillana fibíllafue Juziñamuimo íñoñedinomo dúide, jiáie onótate raa izói íaioi na onótallena. Ínotinomo dúíñede. Mei íadi Juziñamuimona onoga uai jino llúana fibíllena Juziñamuimo ínotinomo dúide, jiáie onótate raa izói íaioi na onótallena. ²³ Mei jira nana Juziñamuimo jaináidino dáanomo gairilla llezica, íemo nana omoi jiáizie uaido omoi úriadi ie mei áfemo fibitañega íñoñedinomo cígimo bíadi, nibai “Uáiritaidino izóidiomoi,” daiítiai. ²⁴ Mei jiáifodo Juziñamuimona onoga uai jino omoi llua llezica, íemo fibitañega íñoñedimie omoi cígimo bíadi, ie comécimo ite fiénidifue na uáfodo ónoite. Nana omoi dainana cacáillano afémie dama ie comécina méñotaita. ²⁵ Afe daií dama ie comeci onóigafuiai jino cíocaillamona, cañícido ana dújullano Juziñamuina cáimadoite. Iemona: “Uáfueña, Juziñamui omoi cígiri íteza” daíte.

Omoi gairilla llezica nana omo llólfufuiai jaiçuíñeno jaiçina lloiri

²⁶ Mei jira, amatiai, omoi gairíllufuiai bie izói írede: Omoi gairilla llezica ómoimona dáarie Juziñamuimo rollírúa jino llóiacade. Iemo jiámie llófuecade, íemo jiámie Juziñamui íena onóttagafue jino llóiacade, íemo jiámie jiáifoide uaido úriacade, íemo jiámie afe jiáizie uaido úrilla jino dobáñoiacade. Nana bífuiai ñuera. Mai bífuiai daií íteza, Juziñamuimo jaináidino ñue mónonaillena, daje izói íemo nai íñoñedinomo ínotallena. ²⁷ Jiáizie uaido omoi úriadi mena come dáaruido úrinide. Jiámie úrilla llícailla méfomo úriri. Daámani come daií úrerede. Naga come jiáifoide uaido úrilla fuillamo ie lloga uai dobáñoirede. ²⁸ Mei íadi uai dobáñoitímie íñeniadi, mai nie izói jiáifoide uaido daiñeno iri. Dámie úriacania dama ie comécido Juziñamuimo úriri. ²⁹ Daje izói afe Juziñamuimona onoga uai llotínomona damiéamani úrerede, íadi daje llezica úrinidiaoi. Llotímie fuilla méfomo íemo cacáreidino fairíorediaoi, ie dainana ja Ñuera Joréñomona comuide, nibai íeñede daiíllena. ³⁰ Mei íadi dámie uai jino llua llezica, Juziñamui jiáie ana ráidimie mo jiáifue íena onóitadi afémie raire fueñe úritarede. Nano fueñe úritímie ie úrillana fáicanocairede. ³¹ Afe daií nana omoi Juziñamuimona onoga uai llotino llórediaoi. Uafue dámierie jino llórediaoi, áfedo nana omoi onóicaillena; daje izói áfedo nana omoi

comeci náirecaillena. ³² Nana afe Juzíñamuimona onoiga uai llotino dani íaioi joréñona rairuírediaioi, nai jíáimie úrilla fuiñena dino. ³³ Mei Juzíñamui camare uái illifue comuítatimie; íemo, úrillana féitate gáguana afémie comuítañede.

Nana jíáinomo ite Juzíñamuimo jainaide gairídino fínua izói birui ómoína finótaiticue. ³⁴ Juzíñamui íóbillena omoi gairilla llezica, cígimo ite ringóniai úrilla rairuírede, ííñiaina ie llófuellena. Juzíñamui ocuilla uai daina izói, aféngotiai iima anamo camare írediaioi. ³⁵ Aféngotiai daa rafue onóacania, jino jofomo íaioi inimo jicánorede. Daa ringo comini gairilla cígiri úria meaire cioide.

³⁶ Mai cácarei, ¿Meita Juzíñamui uai dani ómoimona comuide, daíí comecei facádiomoi? ¡Daiñede! Daje izói aféuaina dani ómoimo llógaza coméciñeno iri; mei diga jíáimaci íena, daje uaina jae llogáiaioiza. ³⁷ Daa come Juzíñamuimona onoiga uai jino llotimiedicue daiíadi, bie ómoimo cue cuegáfuiái caí Ocuíraima Jesucristo caí ocuilla uai afémie daiírede. Daje izói daa come Ñuera Joréñodo úritimiedicue daiíadi, afémie cue cuega dibénemo Jesucristodo caí ocuilla uai daiírede. ³⁸ Iemo afe cúegana ailli cue daina bie izói daiíacañedimie moí náfueñeno iri.

³⁹ Cue ámatiai, bíemona Juzíñamuimona onoiga uai jino llua jeire omoi oiri. Iemo da come jíáizie uaido úria, rairuíñeno iri. ⁴⁰ Mei íadi afe llezica, omoi lllóluaina jaicuíñeno daje fuémona jíáimamo meaire cíotañeno lloiri. Daje izói nana omoi jetaca raana jaicuíñeno ñue jaícina maméfireiri.

15

Jesucristo tilla meine abido cáadimie illafue

¹ Cue ámatiai, ómoimo cue lloga jíllona uai ómoína uibíñotaacadícue. Afe uaina jae jeire otíomoi. Iemo bie uaido ñue itíomoi. ² Daje izói cue lloga uai omoi náfueia bie Juzíñamui uai omoi úado jíllotagaomoi. Mei íadi nauí ñibai táinona omoi íinoia jae jíllloñediomoi.

³ Cue onoiga jamánomoidifue nauí ómoimo lloticue. Juzíñamui Cuegáuai daina izói, Cristo caí fiénidifuiái muiñóllena tilla fuena jae omoi llófueticue. ⁴ Iemo nane afe Cuegáuai daina izói, Cristo raiga daruíámani íllamona meine abido cáadimiena jáillana ómoína llófueticue. ⁵ Iemo afe Cristo Pédro mo cíocaide; afe mei nana jíáie ie orécamacimo cíocaide. ⁶ Nane afe mei dáaruído quínientes baimo íemo ínotinomo cíocaide. Afémacimona aillo nai itíaiói, íadi dáarie jae tídiaioi. ⁷ Nane afe mei Santiagomo cíocaide, íemo nane nana ie orécamacimo cíocaide.

⁸ Nana jíáimacimo cíocailla mei, íiraínomo afémie cuemo cíocaide. Iemona úrue jíáifodo jocoína izóidimiedicue, mei Crísto mo cue dóbaicaillafue jarire cuemo íficaideza. ⁹ Mei Jesús orécamacimona jofófenemo ráifidimiedicue. Juzíñamuimo jaináidino fállena cue racáfirenamona, nauí ie orécamie cuena daiíñide. ¹⁰ Mei íadi Juzíñamui ñue cuemo íllado, bie izói íticue. Afémie cuemo dúecaillano afémie cue cánuana táinomo fáifitañedicue. Mei jíáifodo jíáie ie orécamaci baimo, iere riire táijidicue. Mei íadi afe izói dama táijinidicue. Juzíñamui cuemo dúecaillano cue diga jáicaillado daíí táijiredicue. ¹¹ Mei birui, afe ñúfue ñibai cue lloga, ñibai afémaci lloga, afe lluaífuena náfueñedicue. Mei íadi bie ñúfue ja ómoimo caí llogafue, daje izói afefue omoi ínogafue.

12 Mei bie ómoimo cai llogafue Cristo tíllamona meine abido cáadimiena jailla. Afe llogafue bie izói ítena, ¿mei nie izói ómoimona dáarie: “Tíidinomona buna meine abido cáadinona íñeite,” daidíaiói? 13 Meita íaiói daina izói tíidinomona buna cáañenaza, daje izói meita dama Cristo cáañeite. 14 Iemo meita Cristo cáañedeza cai llócaiga uai ráifíñede. Daje izói omoi ñnogafue ráifíñede. 15 Iemo afe baímo, cai bie Juzíñamui dibénemo taino llotínodicai, mei Juzíñamui Cristo meine abido cáatate daidícaiza. Meita tíidino meine cáañenaza, daje izói Juzíñamui Cristo meine cáatañeite. 16 Mei tíidino meine abido cáañeniadi, meita afe Cristo cáañeite. 17 Iemo meita Cristo cáañedeza, omoi ñnogafue ómoína ñue finóñede. Nai ómoimo ite fiénidifuiaimo nai jaináicaidiomoi. 18 Meita íaiói daina izói Cristo cáañedeza, Crísto mo ínote tíidino táinomo fáifidíaiói. 19 Meita Crísto mo cai ocúrinafue daa biruillaido bíniemo cai illa llezica caímo dúideza, nana comini baímo cai duere finócanodicai.

20 Mei íadi afe izóiñede. Cristo tíllanomona meine abido cáadimiena jailla ñue onógaza. Amena llizillajimona jotáiritiji fueñe ualla izói, Cristo nana tíidinomona meine abido caadino ífódime. 21 Mei bie izói daa cómemona, Adán dainámie mona tíillafue fueñe bíniemo comuídeza; daje izói tíidino meine abido cáailífue daa cómemona comuide. Afémie Jesucristo. 22 Afemona nana comini Adamo jaináideza, tíítiaíoi; íemo daje izói nana Crísto mo jaináidino meine abido cáaitiaíoi. 23 Mei íadi nana nairai daje llezica meine abido cáañeitiaíoi. Nágamiíai íaióimo dúide dieze, íaiói cáatalliruido cáaitiaíoi: raíre uícodo oga llizillaji óina izói, Cristo fueñe meine abido cáadimiena jaide; afe mei Cristo billíruimo dama Cristo íédino cáaitiaíoi. 24 Iemo íraírui mo dúcite. Aféruimo Cristo nana bíniemo ite rírede illaini naa monamo ite rínoledinuíari niné táinocaitaite. Afe mei nana ie illáimana illa ríino naa ie anamo itínuiaíri ie Moo Juzíñamui mo fécaite. 25 Mei jii, Cristo nai illáimana írede, Juzíñamui nana íena éoidino Cristo anamo itábicaítalle dino. 26 Come tíillafue caína anáfenocade caína éoidimie izoide. Mei íadi afe cai titade ríinona Cristo íraínomo niné táinocaitaite. Afe mei jíaie táinocaitallimiena íñeite. 27 Mei Juzíñamui nágafuiaina Cristo anamo jónete. Cristo ñue afémaci ocúllena. Juzíñamui Cuegáuai bie izói daííadi, Juzíñamui Cristo anamo íñenana uáfodo onógaza, mei Juzíñamui naga raa Cristo anamo jónetimeza. 28 Iemo nágafuiái Cristo anamo itábicaíllirui mo, dama afe Cristo Juzíñamui Jitoza ie Moo anamo itábicaíteza. Juzíñamui nágafuiái Cristo anamo itábicaítaitimie. Aféruimo bífuiáido naga ráaniai dibénemo Juzíñamui jamánomoidimiena íite. Naga ráfuiái naa ie comuitaga ráaniaíri ñue jaícina afémiemo dúite.

29 Nane jíaífue “Tíidinona meine cáañeite” daíífredinona dáíticue. Dáarie tíidino dibénedo báutizatatio ite. Meita tíidino meine cáañeitiaíoi, ¿níbái mei daíí báutizatatioí? Iemo tíidino dibénedo báutizafue ¿minícamo ráífide?

30 Iemo cue, cue nabáñiaíi diga, Juzíñamui ññuefe ícoína, nágaruillaido iere caína titáacade jácifue mo ífredicai. Meita tíidino meine abido cáañeíteza, daíí cai íadi ¿minica caímo ráifilla? 31 Nágarui cue titállena mamédaíoi za jácinomo iticue. Uáfue na daíí iticue. Cue ámatiaíi, cai Ocúraíma Jesucrístomo omoi ínuari uáfue na iere íobidicue. Afe uáfue na cue íobilla izói, daje izói uáfue na nágarui titáacagacue. Iemona tíidino meine abido caalle uáfodo onógaza.

³² Iemo meita tíidino meine cáañeiteza, jamai cómena cue illa, Efésomo ite illáirede rille izóidimaci diga navi cue fuirillamona ¿mínica cuemo ráifilla? Mei afe izói cue illa cuemo ráifiñede. Meita uáfueña tíidino meine cáañeiteza, afe taino llotino ñue jaícina daidíai. Afémaci daina bie izói jóide: “Mai raire cai güillí, güillano cai jirolli; mei úreitirumo raire táiticaiza afe mei ñine ññeiticai,” daidíai.

³³ Jiámamo omoi jífuefiñeno iri. Abina ñue onona uai uáfodo jóideza: “Fiénide nabáñiaí ñue illáfuiaina ñiné táinocaitate.” ³⁴ Mei jiáfodo, ñue abina omoi onoiri. Omoi illafue ñue jaícina jóoneri. Fiénidífueña finóñeno iri. Mei ómoimona dáarie Juziñamui nai figo onóñedeza. Omoi méaicaillena bie izói ómoina daidicue.

Tíidino meine abido cáadinona íllena abi Pablo llotte

³⁵ Nibai birui ja dáarie jicánoite: ¿Mei nie izói tíidino cáaitiaí? ¿Mei afémaci abi nie izói éroite? ³⁶ Afe izói jicánua abina onóñedimie urilla izoide. Mei daa ríifregaji cai ríadi, afeji tíide izói énie anamo fiébirede, áfemona ie iroci zicóllena.

³⁷ Eniemo riga raa, afénomona zicódirociñede, mei jiáfodo dama ie iji ríina. Iemo diga jiáiforiède íjiaí ríina: bellaji ríina, íemo mazácaji ríina, íemo arroz iji daje izói ríina. ³⁸ Afe rínaji zícua llezica ie ciona izói Juziñamui comúitate. Dani aféjiaí dúina izói zicótate. (Bellájimona bellari zócaja, íemo mazácajimona mazácarí zócaja.) ³⁹ Mei afe izói naga cáadinuiaí abi jiáiforie eroide. Come abi jiáifoide, íemo rille abi jiáifoide. Daje izói féedino abi jiáifoide, íemo chámuniaí abi jiáifoide. Nana daje izói eróíñede. ⁴⁰ Iemo jiái monamo ille abi ite, íemo jiái éniemo illa abi ite. Bíníemo illa abi ebírede, mei íadi monamo ille abi ebire eroína jiáifoide. ⁴¹ Jitoma egáíñua fiui egáíñuana eróíñede; jiáifodo egáíñote. Daje izói ucudu egáíñua izóíñeno, jitoma jiáifodo egáíñote. Iemo jiái daa ucudu jiáie ucudumona egáíñua jiáifodo cóide. ⁴² Tíidino meine cáailfue bie izói jóide. Rífaite íeizi éniemo raíga, íemo tííñeitinona meine abido cáaité.

⁴³ Jámaruiga abi éniemo raíga, ie mei ebire cóitaga abi meine cáaité. Daje izói nane ríinide abi éniemo raíga ie mei ñue íocirede abi cáaité. ⁴⁴ Bíníemo cai jocoína abi éniemo raíga, ie mei mona dibénemo dúide abi cáaité.

⁴⁵ Mei daí Juziñamui Cuegáuai llotte: “Nanódimie Adana cáadimíena íficaide. Iraie Adán daina Cristo zíiñona cáatata joréñoredimie,” daide. ⁴⁶ Juziñamui dibénemo cai comúitatimie nano fueñe cómuítañega, mei jiáfodo bíníemo cai nanódimie Adán fueñe comúitaina. Afe méifomo Juziñamui dibénemo cai comúitatimie cócaide. ⁴⁷ Nanódimie énie ie finóinaza éniemo dúide. Méifoide Adán daina Cristo mona ie. Afémie cai Ocuíraíma. ⁴⁸ Afe énie finóinamie izói, nana bíníe comíni ie abi izóidiaí. Daje izói Jesumo ínuamona monamo dúidino afe monámoma bitímie izóidiaí. ⁴⁹ Iemona énie ie finócamíena cai eroína izói, afe izói mona ímíena éroiticaí.

⁵⁰ Amatíai, omoi cacai, ómoina dáitícue, nana bíníe dúide cai abi die diga jaca Juziñamui illáimana illánomo jofo jáinide. Daje izói raire táinocaitaífue zíiñona illánomo dúíñede. ⁵¹ Mei íadi nanómoma uáfodo onóñega ráfueña ómoina onótaacadíicue: nana tííñeiticaí; mei íadi nana jiáifodo méidoficaíticaí.

⁵² Uáfueña, Juziñamui íraie vudugoi fúunua llezica, jarire ui bótacailla izói raire jiáifodo méidoficaíticaí. Afe vudugoi ficire cáacaillamona tíidino meine abido jaca tííñeíllena cáatalliaí. Afe llezica cáimona cáadimaci jiáifodo

méidoficaicai abido tíñeillaena. ⁵³ Mei caimo ite raire féitífue zíñona féñeítífueña méidoficairede. Daje izói cai tíite abi zíñona tíñede abina méidoficairede. ⁵⁴ Iemo afe bie caimo ite raire féitífue zíñona féñeítífueña méidoficailla llezica Juzíñamui Cuegáuai daina ñue jaícina zúite. Daje izói cai tíite abi zíñona tíñede abina méidoficailla llezica afe Cuegáuai ñue jaícina zúite. Afe Cuegáuai daina bie izói jóide:

Caímo ite tíllífue,
caína éoidímie anáfenoina izói, anáfenoga; ja táinocaide.

⁵⁵ Cai tíitaitífue caína izi cácatáfirena ríino jae íñede.

Caina nie izói níbaiñeite,
mei ie molleroi izoide raa ja birui íñedeza.

⁵⁶ Nana comínimo fiénidífuiái íllamona, tíitaitífue caína jacíruidade. Iemo jaiái Juzíñamui cai ocuilla uai llúamona cai fiení finócafuái duere finórede. Iemona tíllífue cai anáfuenuana jaca jacíruidicai. ⁵⁷ Mei Juzíñamui cai Ocuíraíma Jesucrístodo áfemo caína anáfenotañenamona íena iere figura daíífiredicai.

⁵⁸ Ie jira, cue izíruiga ámatíai o ínogafuena jááfodo méidoñeno ñue jeire omoi oiri. Juzíñamui ocuica tájínafuemo nágaruillái iere omoi náfuefireiri. Mei ñue onódiomoiza, cai Ocuíraímamo dájena cai tájínafue, jaca táinomo fáíñeíteza.

16

Dúerede cai ámatíai canóllena úcube eneno ofítafue

¹ Crísto mo ínote ámatíai canóllena úcube omoi jicánoga eneno ofítallífue llóitícue. Galacia éniemo ite Juzíñamuimo jaináidino cue llófuía izói, afe izói omoi ofítari. ² Naga semana táiniaruimo, ómoimona illa dígamie omoi oga úcubemona due jiza Juzíñamui íena oní eneno jóneri. Nano omoi llínuua dieze oní eneno jóneri. Daí uícodo omoi ñue eneno éenofireiri, cue billíruimo afe úcube ómoído cue íraíñeillaena. ³ Uire cue bille llezica omoi nizeda dani baíllímiedo afe úcubena Jerusalémo óreitícue. Afe llezica omoi cuelle uítimíai mámece íllábedo íaioína óreitícue. Afe bie izói omoi ofítaga úcubena Jerusalémo ite ámatíaimo óreitícue. ⁴ Onoñegaza, cue jíeruía afémaci díga dane jáitícai.

Pablo jáínomo jáillena mamérite

⁵ Cue jáiadi Macedonia éniédo jáiacadicue. Afe méifodo daí Coríntomo dúciitícue. ⁶ Mei níbai nano nie díno omoi cígiri ítícue. Níbai ónoñegaza bie rozírediruillaina omoi cígiri záitaitícue. Afe mei oní jáínomo cue jaille llezica cuena canóredíomoi. ⁷ Mei ómoímo fia jarire érocaillano jáiacañedicueza, cai Ocuíraíma comece jítaia, omoi cígiri are íacadicue. ⁸ Mei íadi Pentecostés rafue dúcille díno, benó Efeso jófuemo ítícue. ⁹ Mei iere ñue Juzíñamui uaimo cue tájillíruimo ítícueza. Aillo comíni birui aféuaimo jíeruicadiaioi. Mei íadi afe llezica aillo afe uaina uáitatino ite.

¹⁰ Timoteo ómoímo bíadi, mai omoi cígiri caímare íena omoi itátari. Afémiena omoi áfedeñoeno íri. Mei afémie daa cai Ocuíraíma ocuícamo cue izói tájideza. ¹¹ Ie jira ómoímona buna afémiena jámairuíñoeno íri. Mei jááfodo cue ie éroizáibilleza caímare afémiena omoi canori. Mei naa jáíae ínote ámatíaióri íena ocuírídícue.

¹² Cai ama Apolos dibénemo llóiticue. Naui íemo izire jicádicue, jáie ámatiaioiri omoi érozaillena. Mei íadi afémie birui jáiacañede. Uire ie jáiacallirumo jáite.

Jiraiçaiño uáidonocaila uai

¹³ Mai abina ñue omoi onoiri. Crísto mo omoi ñnogafue jáífodo méidoñeno jeire omoi oiri. Jacíruiñeno ñue íociredimie izói omoi iri. ¹⁴ Nana omoi jetáacagafuiai, conímana izíruillafuedo finori.

¹⁵ Amatai, birui onódiomoiza, Estéfnas mámearedimie comini, nano fueñe Acaya éniemo ñúefuemo dóbaicaidino. Dóbaicailano jáie Crísto mo ñnote ámatiai canóllena ja maméritiaioi. ¹⁶ Jira afémaci, naa jáie afémaci izóidinori anamo omoi caimare itábicaillena iere jitáidicue. Daje izói jáínona canófredino, naa jabo ocúidinori anamo mai caimare omoi itábicairi. ¹⁷ Ja Estéfnas, Fortunato, Acaico diga bíllari iere íóbidicue, mei cúemona jica itíomoiza cuena canónidiomoiza. Mei íadi afémaci ómoimona féiredifue cuemo finódiaioi. ¹⁸ Afémaci cue comécina iere náiretadiaioi; daje izói ómoína náiretadiaioi. Afe izoide comínimo ñue omoi jíeruiri.

¹⁹ Benó Asia éniemo ite Juzíñamuimo jáináidino ómoimo uaillai orédiaioi. Daje izói Aquila ie ai Priscila diga naa íaillinoimo gairíidinori, cai Ocuíraima mámeçido uai ómoimo orédiaioi. ²⁰ Nana benomo ite ámatiai oreca uaillai, mai omoi llíinori. Daje izói conímana caimare uáidori.

²¹ Cue Páblodicue. Dama bie cue ónoido cuela uai ómoimo orédicue.

²² Ninó dámie cai Ocuíraima Jesucrísto na izíruiacañedimie Juzíñamui faidólleza. ¡Cai Ocuíraima, mai raire biri!

²³ Cai Ocuíraima Jesucrísto ómoína ñúefuena ézicíteza. ²⁴ Nana omoi Jesucrísto mo jáináinado, ómoína cue izíruilla uai orédicue. Daíñtadeza. Jae ñie.

MÉIFODO SAN PABLO CORINTO IMACIMO ORÉCABE

Segunda Carta del Apóstol San Pablo a los Corintios

Coríntomo ite Juzíñamuimo jaínáidinomo Pablo cuete

¹ Páblodicue. Juzíñamui comeci jítaina izói Jesucristo orécamiedicue. Timoteo cue diga illa llezica, Coríntomo ite Juzíñamuimo jainaide ámatiaimo bibe cueticue. Daje izói Acaya éniemo ite nana Juzíñamuimo dúidinomo bibe cueticue. ² Cai Moo Juzíñamui, cai Ocuíraima Jesucristo diga ómoína ñue ézicíteza. Afe llezica ñue uái illano dibénemo Juzíñamui Jesucristo diga ómoína jóoneiteza.

Pablo duere zefuállafue

³ Cai Moo Juzíñamuina ióbitaredicai, mei afémie caina dúeruite Mooza. Daje izói afe Juzíñamui iere caimo dúecaifrede. Afémie cai Ocuíraima Jesucristo Moo. ⁴ Nana duere cai zefuilla llezica, afémie caimo dúecaifrede. Afémie caimo dúecaide, afe izói jiáie duere zefuáidinomo cai dúecaillena. Afemona Juzíñamui caimo lloga dúecaillafue jiáimacimo llóredicai. ⁵ Mei Cristo duere zefuállafue dibénemo cai nabaia izói, afe izói Crísto do caimo iere ie dúecaillafue jeire óiticaí. ⁶ Ie jira, nibai dama duere cue zefuía, bie ómoína cue canóllena. Iemo nibai Juzíñamui cuemo dúecaiaí, áfedo daje izói dúecaillafue, naa jíllonafue diga óitiomoi. Iemona daje cuemo comuide duere zefuállafue ómoímo comuíadi, raire járitaiñeno áfemo fia ocuírrediomoi. ⁷ Omoi dibénemo uáfodo onóigafuemo ñue ínoticue, mei ñue onódicueza daje zefuállafue dibénemo omoi illa diezé, afe izói Juzíñamui fecaca dúecaillafue óitiomoíza.

⁸ Amataí, Asia éniemo cuemo comuide féiredifuiaina ómoímo fidítaicadicue. Afénomo cuemo comuide riírede facátafue iere jamánomoideza, áfena ocuínidicue. “Níbai bífuemona jíllóñeno benó tíiticueza,” daíífredicue. ⁹ Aféruimo méinellena llavécamié abi izói cue abi cacaide. Mei íadi tíidino meine abído cáatate Juzíñamuimo cue ínuana cue onóillena, afe zuufue cuemo comuide. Dama cue abí íñoñeillena cue llófuete. ¹⁰ Aféruimo Juzíñamui afe iere jacírede tíillafuemona cuena jíllotate. Afémie nai birui jaca cuena jíllotaicaide. Daje izói úreitiruillaído afémie aféfuemona cue jíllotallemo ocuírcaidicue. ¹¹ Uáfuenta, cuedo Juzíñamuimo omoi jicáíreiaí afémie cuena jíllotaite. Aillo comini cuedo Juzíñamuimo úriadi, aillo íena ióbitaitaíoi. Juzíñamui cue ézicia ñúefuíaíri íena ióbitaitaíoi.

Pablo Coríntomo jaíñenafue llote

¹² Daa cue comécido onóigafuere iere ióbidicue. Afefue bie izói jóide: cue comeci úrilla uai nífuenino bíniédo cue mácajana llote. Daje izói Juzíñamui eróicana jaíamana jífueñeno cue mácaja llote. Omoi cígiri bie izói riire iticue. Juzíñamui caimare cue cánuado daíí iticue. Dama cue fibíllafuedo daíí íñédicue. ¹³ Omoímo cue cuezábiaimo báinino lloga uaina íñede. Omoi facádoia onóille raa ja uáfodo cuega.

Nane jiáifuena ñue omoi onóillemo ocuúridicue. ¹⁴ Aféfuena jabo onódiomoi. Afefue bie izói dáiiacade: Cai Ocuúraima Jesús billíruimo ómoiri caimare abi cue ínnua izói, afe izói cueri caimare abi ínnoiomoi.

¹⁵ Nana bífuiai iere cue jiéruillamona, omoi eróizaillena fueñe mamériticue. Daií ménacaño omoi cue érozailleri íóbitiomoi. ¹⁶ Macedonia éniemo cue jaille llezica omoi jarire cue méiñonocaillena comeci facádícue. Afe mei Macedóniamona abido cue bille llezica nane dáonomo omoi cue érozaillena mamériticue. Afe daií afe méifomo judéamo cue jaille llezica cuena cánoitiomoiza. ¹⁷ Bie cue mamériffufuai comeci cue faca llezica, ¿cuena ñibai jiáifodo raire méidofredimie izoide daidiomoi? Bie éniemo ite fiénidino mamérilla izói ñibai cuena mamérite daidiomoi. Afémaci “Jii” daidiaioi; íemo méifodo daje llezica “Dama ite” daífirediaioi.

¹⁸ Mei íadi Juziñamui uáfuena daífiredimie illa izói, afe izói táinona “Jii,” íemo “Dama ite” dáaruído ómoína daíifinidicue. ¹⁹ Mei Juziñamui Jitó Cristo Jesús jaca táinona “Jil,” íemo “Dama ite” dáaruído daíifinideza. Íemo Silvano, Timoteo, íemo cue, Cristo daina uaillai omoi cígiri lloticai. Nana Cristo lloga uai táinoñe deza, ua uai. Ie dánana méidofinide. ²⁰ Mei afémiedo nana Juziñamui uícodo llogáuai ñue jaícina zúideza. Ie jira Juziñamuina cai íóbitaja llezica, Cristo Jesudo “Daiítadeza” daíifredicai. ²¹ Íemo jiái Juziñamui ómoína naa cairi Crísto riire jaináitate, nana cai ínogafuemona oni jiáifodo cai báiiñeillena. Daje izói afémie ie táijnafuemo ñue caina jóonete. ²² Juziñamui ie Ñuera Joreño caimo íllado caina dama íeiena mamede. Afe ie Ñuera Joreño caimo íllamona íco jiáiruído Juziñamui caimo fecállifuena cai íllínollena uáfodo onódicai.

²³ Mei jiáifuemo omoi coméciiri. Ómoína duéruiticueza, ómoína duere cue fínoñeillena, uícodo cue mamérilla izói nai ómoimo biñédicue. Juziñamui afe bie cue uaina nabáillena jicádícue, aféuai uafue daíillena. Cue daina uai uáfueñenia, Juziñamuina abí fatátaiticue. ²⁴ Omoi ínogafuena riire ocuúacañedicue, mei omoi ínogafuedo Jesucrístomo ñue riire jaináidiomoiza. Mei jiáifodo conímamo táijina izói, omoi iere aillo íóbillena ómoína canóacadicue.

2

¹ Ie jira omoi cue zúucaitabiñellena mamériticue. ² Mei omoi zúucaitadicuena ¿mei bu cuena íóbitalle? Cue zúucaitadino daní cuena íóbitalle, mei íadi cue dinena ómoína zúucaitacañedicue. ³ Ie jira nauí ómoimo cue cuezábemo cue daina izói cueticue. Ómoína zúucaitabiacañedicue. Mei jiáifodo cuena íóbitarediomoi. Mei nauí aféruimo uáfuena onódicueza, cue caimare illarui omoi caimare ítiomoiza. ⁴ Ómoimo nauí cue orécabe cue cuia llezica, iere cue comeci zúurenari éedicue. Mei íadi omoi zúucaillena afébena cueñédicue. Mei jiáifodo ómoína iere cue izíruillana omoi onóillena cueticue.

Fieni fínófredimie ie íllafue múiñua mei, meine caimare uáidua

⁵ Mei íadi ómoimo riire úriacañedicueza bie izói dáiiiticue. Dámie fieni illa dama cuena zúunaitañe deza, mei jiáifodo cue baímo nana ómoína zúunaitade. Daií daidicue iere rífuena jáiñeilleza. ⁶ Omoi gairilla llezica afe cómemo omoi mameca duere fínóllifue ja figo báiteza. ⁷ Mei benómona afémie omoi jiáifodo úrirediomoi. Nauí ie finoca fiénidifue omoi féitano caimare íena omoi uáidori. Daje izói íena dúcairediomoi, aillo ie zúunaillamona afémie jamánomo anado

fieni jáiñeilleza. ⁸ Ie jira ómoimo izire jicádícue, afémie omoi izíruilla meine abído íemo omoi onótallena. ⁹ Naui uícodo bifue dibénedo ómoimo cueticue. Naui omoi cue llófuiana nibai jeire ótiomoi, nibai jeire óñeitiomoi; áfena cue onóillena ómoimo cueticue. Daje izói, omoi comeci ifue onóillena afébedo ómoína facátaticue. ¹⁰ Mei ja benómona, ómoína fieni finódimie omoi caimare uáidoia, cue daje izói caimare íena uáidotícue. Meita afémie fieni finuado cúemona nino fétalle fiénidino íadi, aféfuena fétaticue. Uáfueza ñue ómoína canóllena Cristo eróicana aféfuena fétaticue. ¹¹ Mei afe zúunaitagamie raire abído íena caimare uáidoredicaiza, afe zúufuedo Taife raire íena ana úiñeilleza. Mei Taife comínina bífuefírena uaillaí ñue onódicaiza.

Pablo Tróasmo uái iñénafue

¹² Jesucristo lloga uai Troas jófue mo jino cue lluaíbillá llezica, cai Ocuíraima áillomaci cuena jieruitajamona Juziñamui cue ocuilla tájinafuena uáfodo caimare fuitáredícue. ¹³ Mei íadi Coríntomona bíacade cue ama Tito afémie cue cióñenamona cue comeci uái iñede. Mei jira Troas imácina facádonocaillano, oni Macedonia éniemo íena jénuaidícue.

Jesucristo mo cai jáinánamona buna anáfenoñegacai

¹⁴ Juziñamuina iere figura daiñíredicai; mei Cristo nana éoidinona anáfenua izói, Juziñamui dáfeodo, Cristo diga, nágaruillaído caina úicaiteza. Afe llezica ziórede raa caimare jállia izói, afe izói Juziñamui Cristona onóillífuena caído nágagobaiído jica jálléitate. ¹⁵ Cristo Juziñamuimo fecaca ziórede uguci izóidínodicai. Nana jilloitínomo jálléicai, daje izói niné féiraitínomo jálléicai. ¹⁶ Afe niné féiraitínomo titade jucui izói íaire jállecaide. Mei íadi jilloitínomo caimare íocire cáatate jállia izói jállecaide. Bie Juziñamui ebire mamérrillafue, ¿bífuena bu mei ñue llíñorena? Juziñamui cuena cánua izói canóñenia jaca buna figo llíñonide. ¹⁷ Juziñamui uaillaí jáímacimo fécano úcubena llíñoñedícue. Afena jaca raiñoñoño llócaidícue. Jáímaci úcubé óllena afe uai jáífodo méidua izói méidoñedícue. Mei jáífodo Juziñamui orécamié izói, afémie eróicana jáíma jífueñoeno uáfodo úritícue.

3

Juziñamui comue ñue finóllífué bie izói daide

¹ Bie izói cue úrilla, ¿ómoimona nie izói cacaide? Nibai ¿dama cue abi ñnollena meine dáanom ñue úritícue? Mei íadi daiñañede. ¿Nibai cue ñue illánona onótatibíai ómoimo izájirede? Mei nibai jáímaci finua izói, ¿ómoimona cue ñue illánona onótatibíai jicárede? ² Mei daiñañedeza. Dani omoi cue ñue illánona onótatíbe izóidíomoi. Omoi baímo jáíe onótatíbena jítañedícue. Cue comécimo joide come ñue illánona onótatíbe izóidíomoi. Aféuaina nana comíni cúemona onórediaíoi. ³ Dama Cristo cuega onótatíbe izóidíomoi. Cuedo cuegábíai izóidíomoi, mei cuedo ñuefuena llotátagaomoi. Jamai tintado cuegabe izóíñedíomoi; mei jáífodo caade Juziñamui Ñuera Joréñodo úicaiganodíomoi. Daje izói Moisés noficomo cuegáuai fia comíni eróicana jeire onéidíomoi, mei íadi omoi comeci úrillado Juziñamuina íóbítaacadiomoi.

⁴ Nana afe bie ñuera cue dánana jacíruíñoeno daiñedícue, mei Crístodo Juziñamuimo daa uai fiéñoeno ñnofíredícueza. Uáfueza, nana cue dánana afémie ómoimo zúitaiteza. ⁵ Mei íadi nana cue jetáacagafuiai finolle ríino

dama cúemona comuñedeza; mei jiáfodo nana cue finócafuiai Juziñamui mona comuide. ⁶ Ie lloga comue finóllifue mo cue táijillena, afémie ñue cuena rínoetade. Afe Juziñamui comue finóllifue, jai ai cuega ocuícáfue jeire cai úado caimo zuitánide. Mei jiáfodo Ñuera Joreño comuítaga cai comeci ziiñona cáatino caimo íllado. Juziñamui comue finóllifue caimo zuitárede. Afe cuega cai ocuilla uai cai titállena llote, mei íadi Ñuera Joreño cai comécina cáataite.

⁷ Afe Moisés lloga ocuilla uai nofici finóinabícimo cuega. Aféuai lluaíbilla llezica, iere riire ebíredifuiáido lloga. Aféruído Israel nairai, mei Moisés uiéco jiáfodo iere quenire eróideza, afémiemo eróindiaioi. Mei íadi afe riire ebíredifue fíaicana dúioicaide. Iemona afe ícoimo cai titalle ocuilla uai lluaíbilla llezica iere ebíreia, ⁸ Ñuera Joreño caimo lluaíbica uai, ua afe titade uai baimo jamánomo ebírede. ⁹ Bífue bie izói dáiiacade: mei cai fiénidifuiamona cai titállena llote ocuilla uai iere ebíreia, birui aféuai baimo nífuenino cai íllena Juziñamui llogáfue jamánomo ebírede. ¹⁰ Afe ocuilla uai nau iere ebírede, mei íadi Juziñamui como finoca jamánomo ebíredifue comuillamona, afe nanoide ocuilla uai jae figo ebínide; ja birui ráañede. ¹¹ Iemona nau lloga are íñeno raire záitífue ebíredenia, afe ziiñona záíñeitífue nau llogáuai baimo jamánomo ebírede.

¹² Ie jira afe bífue mo ocuírillano, jacíruiñeno caimare úriticue. ¹³ Mei íadi cue bie Moisés fínua izói finóñedicue. Afémie uiéco quenire cioina are íñedeza féibicaide. Ie jira afe quenire cioide dúillana Israel nairai cioiñeillena, Moisés ie uiéco íñeroina ibaide. ¹⁴ Mei íadi dama Moisés uiéco íbaina llezica afe nairai, uina cioñedino izói, íaioi ífoci úrilla figo déíñede. Birui afe jai ai llogáfue íaioi facádua llezica, afe íbaille íñeroi izóidifue íaioi onóillifue na jánaide; mei afe íbaille íñeroi izóidifue nai oni óñegaza. Afe jizítatífue dama Cristo oni órede. ¹⁵ Nai biruimo Moisés cuegánicuai íaioi facádoia, afe íbáiraroi íaioi ífoci úrillana féitaoicaide. ¹⁶ Mei íadi dáamie cai Ocuíraimamo íñoia, afe íbáiraroi oni oga. ¹⁷ Cai Ocuíraima afe íaioina ziiñona cáatate Ñuera Joreño. Afe ie Ñuera Joreño mo jieruitimie fiénidena fínua mona ráruíñegamiéna jáite. Daje izói afe Ñuera Joreño do cai Ocuíraimamo ínote come, Moisés ocuica uáimona ráruíñegamiéna jaide. ¹⁸ Mei íemona cai uiéco íbáillaroi izóidifue íñedeza, uáfori cioide acáraní izóidinodicai. Afemona, cai Ocuíraima ebíredifue na acáraní egáíña izói, jiámamo ja ciótaticai. Afe daí cai bie Cristo izóioicaidicai, mei nágaruilláido ie ebíredifue na jamánomo náamatafiredicaiza. Bífue cai Ocuíraima finócafue. Afémie Ñuera Joreño.

4

¹ Afemona cue bie jaca comécina náinidino izóíñedicue, mei Juziñamui cuena dúecaillano bie táijinafue cuemo jóneteza. ² Báinino jiáima jífue firenana ruífruiticue naa jiáie meáiredifuiairi. Daje izói jiáima caimare bífua uaido úriñedicue. Afe llezica Juziñamui uaina méidota jiáfodo lloñedicue. Mei jiáfodo jaca uáfuedo úriticue. Afedo Juziñamui eróicana nana comini comeci ñue úrillado afe cue lloga ua uaina íaioina jieruitadicue. ³ Mei íadi cai llócaiga jíllona uai comínimona nano nígamie mo nai ónonino cacaide. Afefue daí ite, mei afémaci daní ñine íaioi táinocaillifue mo jáideza. ⁴ Mei afémaci Juziñamuimo íñoñenamona bínie naama Taife, ui nírilla izói, íaioi ífoci úrilla uaina féitate, cue lloga comini jíllotate ebírede Cristo ñufue na

íaioi ónoñeilla. Afe ñúefue ñue úzere egáíñote raa izoide. Iemo afe Cristo Juzíñamuina jino uáfodo ñue onótate cáadimie. ⁵ Jino cue llócaína llezica, dama cue abi íena lloñédicue, mei jiáífodo afe Jesucristo cai Ocuíraíma llócaidicue. Iemo cue dibénedo Jesuna cue izíruillamona ñue omoi íllena canódimiedicue daiífredicue. ⁶ Mei Juzíñamui énie comuítaja llezica, afémie “Mai batí jítino egáíñuairi” daide. Afe daií daiídímie, cue comécimo ie ñúefue egáíñua izóí jóonete. Afémie daií cuemo jóonete, Crístodo cuemo ácataga Juzíñamui ebírede cáimafuena ñue cue onóíllena.

Juzíñamuimo ñue cai ínuado cai illafue

⁷ Mei íadi afe Juzíñamui ráifide cáimafue cue zííñona íñeite abido onótacue. Bie cue abi are íñeite énie niina iciru izoide; mei íadi afe ñúefuena méidotarede íino bie cue jamai abímo jóonega, afe ríino dama cúemona comuíñenana omoi onóíllena; íemo jiáífodo afe ríino Juzíñamuimona comuíllana omoi onóíllena. ⁸ Daií cue íllamona diga féirede finónidífuíai cuemo comuíadi, jaca Juzíñamui cánuado aféfuíai ñúeite. Daje izóí aillo ónonidífuíai zuure cuemo comuíadi, jaca nai ocuíríñedímie izóí íñédicue. ⁹ Mei jiáímaci cuena duere finóíllena cuemo racáadi, jaca zóofeñegacue. Fáinamona ana dotaca izóí iticue íadi, jaca níné táinocaiñédicue. ¹⁰ Náganuiáimo cue jailla llezica, Jesús íaiói fáíllena námia izóí maméfiregacue. Nágaruíllaido afe titállena mamécámie izóí cue illa llezica, afémie ñue cuena náiretade, birui ie cáananona jino comínimo cue onótallena. ¹¹ Mei nai cue caana llezica, nágaruíllaido Jesús ícoínia jacire titállena mamécacue, Jesús cáanana, are íñeno tíite cue abido cíotafireíllena. ¹² Daií cue zefuíllamona cue dibénedo títaigamíena jáitícue, mei íadi omoi dibénedo dáaruído omoi cáataganona jáítioí.

¹³ Juzíñamui Cuegáuaimo dáamie duere ie zefuíbicailla llezica daide: “Juzíñamuimo ínoticue ie jira úriticue.” Mei daií cue jiáí afémie ínuua izóí ínoticue, ie jira Juzíñamui ñúefuedo úriticue. ¹⁴ Ñue onódicueza, afe tíide Cristo meíne abido cáatate Juzíñamui, afe cáataga Jesúsóiri nane cuena cáataite; íemo daane cue, naa ómoiri, ie illánomo úite.

¹⁵ Nana bífuíai ñue omoi íllena daií íficaide. Iemona nai aillo jiáíe comínina Juzíñamui ñue éziciíte. Aillo ie ézicia izóí afe dieze aillo comíni jamánomo ñúefue íemo nítaítaiói.

¹⁶ Mei íemona cue jaca comécina náinidino izóí íñédicue. Meita cue abi náinioicaide íadi, cue comeci dinena jaca nágari náireioicaide. ¹⁷ Mei íemona bíniemo cue caana llezica duere cue zefuíllafuíaí figo ráañede. Raire llícaite. Ie méífomo afe zuufue baímo ite aillo nínomo fúíñeite ebírede cáimafuíaí cuemo cómuite. ¹⁸ Ie jira úido cue cíonamo ébicaiñédicue; mei íadi cue cíóñenafuíaímo ébicaiñédicue, mei afe cíona raana are íñeno raire táinocaitéza. Mei íadi afe cíóñena raa jaca zííñona íite.

5

¹ Ja ñue onódicueza, cue caana abí are íñeno zabide jofa izoide. Iemo jiáí onódicueza, bie cue abi táinocaille llezica, Juzíñamui cúeíena monamo zííñona zábiñeítico ja nite; afeco come ónoído níñega. ² Uáfueza, cue caana abido cue illa llezica, monamo itícomo íere cue jáiacana comécido éfiredicue. ³ Afénomo jaiániacadicue, mei afeco íniroi come abí jífuua izóí, cue joréñona ñue jífoíteza. Afemona come abímo íñede joréñona íñeíticue. ⁴ Bie jofona

mameca abimo cue illa llezica iere zúunajllano comue abina izire óiacadicue. Mei, bie cue jácaie abina, iniroi come abimona duñña izói, cue joreñomona duññoacañedicueza; jífoñega joreño izói íacañedicueza. Mei jáífodo iniroi jita ízoi, comue cue abi cue joreño jítacadicue. Daií cómuena méidoacadícue, bie cue táinocaite abi, comue cue cáailinodo nine féitallena. ⁵ Dama Juziñamui bie izói abi cue méidollena cuena mamede. Iemo birui ie Ñuera Joreño afémie cuemo fecade. Afe ie Ñuera Joreño cuemo íllado ñue onódicueza, nana Juziñamui cuemo fecalle ñue llínoitícue.

⁶ Mei áfemona, comue méidoga abi cue llínollena áfena ñue cue onónamona caimare ocuñidícue. Nai bie abido cue illa llezica, onódicueza, monamo cue illícomona jino itícue. Bie izói daína cue Ocuíraíma díga íñédícue. ⁷ Afe llezica birui fia cue ciónafuedo ínidícue, mei jáífodo Juziñamui cue ínogafuedo íredícue. ⁸ Mei jira uáfueña cue llínollena ñue cue onónamona caimare ocuñidícue. Bie cue illa abina fáicanocaíacadicue, monamo jaillano cai Ocuíraíma díga cue íllena. ⁹ Ie jira bie éniemo afémie díga cue íñena llezica, daje izói afémie díga cue illa llezica, jaca íena cue íobitallena jamánomo nácidotícue. ¹⁰ Mei comíni finócafue Cristo riire jicánoranomo nana cai afénomo ácatere dicaíza. Afénomo illa dígamie bíniemo illa abido íaíoi fínua díeze, níbai ñúefue níbai fiénidífue, áfeze jirídoítiaíoi.

Juziñamui meine caina caimare uáiduafue

¹¹ Ie jira afe naga come Juziñamui riire jicánollemo ñue jacíruioicana comeci facádícue. Afemo cue comécíillamona naga cómena Juziñamui llógamo jíruítaacadícue. Mei íadi cue illáfueña Juziñamui onode. Afe izói cue ñue illáfueña omoi onóillemo ocuñidícue. ¹² Dáanomo dama ñue cue illáfuedo úriñédícue. Mei jáífodo cuedo caimare omoi úrillena bie izói ómoína daídícue. Afemona jínoidífuedo abí ínotino uai omoi ollíuai íteza. Afémaci jofo comécímo itífueña náfueñediaíoi. ¹³ Mei níbai comínimona dáarie cuena daína izói, uáiritaidímie izói itícue íadi, Juziñamui íena daií itícue. Mei jáífodo uáiritaiñedicueza ñue omoi íllena canódicue. ¹⁴ Mei ñue onódicaíza dama Cristo daínámie nana comíni meífomo tíide. Afe caina ie izíruillamo comécíillano, nana afémiemo ínotino íaíoi fiénidífuaí íídiena mámano áfena fáicanocaidiaíoi. Afemo cue comécíillado Cristo caina izíruilla ñúefueña cuena izire llócaítate, ñue omoi íllena. (Daje izói bie Cristo caina izíruilla, ñue illáfuedo cue jáillena cuena ocuíoídeza.) ¹⁵ Uáfueza, Cristo nana comíni meífomo tíide, nana cáadino dani íaíoi jitailla izói íñeíllena; mei jáífodo, afémaci díbénedo tíillano meine cáadímie Cristo comeci jitailla izói íaíoi íllena. ¹⁶ Ie jira bínie comíni jínoidífuedo comeci faca izói, nino humo comeci facáñédícue. Mei nauí uícodó Crístomo bínie comíni comeci faca izói, comeci facádícue, mei íadi ja birui daií afémiemo comeci facáñédícue. ¹⁷ Mei daií, Crístomo dájena jaináitagamie comue cómena jaide. Jaiái ie illáfuaí fiénocaíllano nágaíuaí cómfuaína méidoga.

¹⁸ Nana bífuaí Juziñamui mámiamona Juziñamui dama afémiemona Crístodo meine caimare cuena uáídote, íemo jáíi nana comíni afémiemo meine caimare úritallena cuena ocuñícaide. ¹⁹ Bie izói daííacana: Juziñamui ie Jitó Crístodo nana comínina íena meine caimare uáídotade. Aféruimo, comíni finoca fiénidífue féitano caimare íaíoína uáídote. Afe dáruido Juziñamui meine comínina caimare uáiduafue oni lluájíllena cuena jónonocaide. ²⁰ Afemona

Cristo íena uai llotínona ómoimo biticue. Ie jira birui ómoína cue daina uai, dama Juziñamui ómoimo cuedo jicaca uai izoide. Mei jira Cristo dibénedo ómoimo izire jicádicue. Mai, meine abido Juziñamui caimare uáidori. ²¹ Afe Cristo jaca íaífueña finóñede. Mei íadi cai meífomo Juziñamui afémiena fiénidifuiairedimie izói duere finode. Daí íena finode, Juziñamui anamo ñue jaícina illáfueño cai íllena; mei ie ñue illa izói cai íllena Juziñamui jítáideza.

6

¹ Afe daí Juziñamui táijinamo afémiena nabáidicue. Ie jira afémie ómoimo lloga ñuera cáimafuiai táinomo omoi fáifitañeno iri. ² Mei Juziñamui ie Cuegáuaimo daide:

Comínimo caimare cue uáidollena cue mamécaruimo ona cacádicue.

Daje izói jllonaruiimo ona canódicue.

Ja birui Juziñamui caimare o uáiduarui. Daje izói birui o jllonarui.

³ Iemona Juziñamuimo cue táijina llezica, buna llótáidonidicue, cue táijinafuemo fiéni íaioi úriñeillena. ⁴ Mei jíáfodo nana cue jetáacagafuíaído Juziñamuimo táijidimie cue íllana ácataacaducue. Duere zefuídicue íadi comécina raire járidoñeno fia ocuídicue. Afedo Juziñamui íena cue íllana jino ácataticue. Daje izói cue jitaica raa íñena llezica, íemo llotáiredifuiái cuemo comuilla llezica áferi járidoñeno ocuídicue. ⁵ Daje izói cuena zechénuano llavédiaioi. Cue duere finóllena jacire lléjellejedino cigiri iticue; íemo iere ráirede táijinamo iticue. Diga ícaíño raire íniana onóñedicue; daje izói jíái juffruiticue.

⁶ Daje izói íainidimiena cue íllado Juziñamuimo ñue táijidimiena cue íllana ácataticue. Iemo diga jíáfuiái daí cue íllana ácatafiredicue. Uafue uaina cue onónado ñue cue illáfueña cíotaticue. Iemo cue járitañenafuedo naa cue dúecaifirenafuíaído áfena cíotaticue. Iemo jíái Ñuera Joreño cuemo íllado, naa jíáimana jífueño cue izírufirenado Juziñamui íena cue íllana ácatafiredicue.

⁷ Iemo ua uai cue llócaillado, naa Juziñamui ríino cuemo íllado: nana bífuiáido Juziñamuimo ñue táijidimiena cue íllana ácatafiredicue. Afe llezica jaícina joide illáfuedo jáfiredicue, mei áfedo fiénide uáillaina oni caitáredicueza. Daje izói áfedo cue abina ríidoredicueza. ⁸ Daruíríe ñúefuiai cuemo nitádiaioi, mei jíáiruido fiénidifue cuemo jítádiaioi. Daje izói jíáiruido cuedo ñue úritiaioi, íemo jíáiruido cuena íáiruitiaioi. Iemo dáríe cuena comínina bífuetimiena daidíaioi; mei íadi jaca uáfueña úricaidimie itícueza. ⁹ Iemo dáríe cuena “Bu óñoñegamíedio” daidíaioi; íemo jíámaci “Ñuera cai cómedío” daidíaioi. Daruíríe titácamie izói iticue, íadi nai cáaoicaidicue. Íere duere finócacue íadi méineñegacue. ¹⁰ Zuure iticue íadi jíáfodo jaca íóbidicue. Mei ráanidimiedicue íadi, aillo jíámacina ráaredino izói ráanaítadicue. Dúeredino jofófemo dúeredimie izói cue íadi, nai ráaredimie izói nana ráaniairi íóbidicue.

¹¹ Coríntomo ite cue ámatiaí omoi cacai. Omoi diga báinino úriñedicue, jaca uáfodo úrifiredicue. Cue comécimo itífuena uáfodo jino ómoimo lloticue.

¹² Ómoína iere duéruillano ráiruñeno ómoína caimare uáidofiredicue. Mei íadi omoi dinena cuena ñue izíruiillana ráiruitiomoi. ¹³ Urue Moo, ie úruena izire jica izói, afe izói ómoína izire jicádicue. Omoimo uáfodo jino cue lua izói, afe izói omoi comécimo itífuena jino uáfodo cuemo omoi llóllena izire jicádicue.

¹⁴ Juzíñamuimo íñoñedinomo dájena omoi jaináíñeno iri. Omoi jaináíadi, dájena jaícina iñénafue comuúdeza; ómoína jíáifodo itátaite. Mei ¿nie izóí jaícinaidifue fiénidifue diga dáanomo jaináírede? ¡Jaca jaináínide! ¿Mei úzefo naa jíitifo diga dájena nabáírede? ¡Nabáínide! ¹⁵ ¿Taife meita Cristo diga dájena caimare írede? ¡Jaca ínide! Juzíñamuimo ínotino íñoñedino diga ¿níífue dájena íaioimo dúina? Dáanomo dúitífue íñede. ¹⁶ Mei dama Juzíñamui daina izóí caade Juzíñamui illaco izóí ðiomoi. Afémie daide:

Iaioimo íitícue; íaioi cígido macácaíticue.

Cue be íaioi Juzíñamuiticue.

Afe izóí cue comínina íitiaioi, daide.

Iemona Juzíñamui illaco jánarai diga ¿níífue dájena íaioimo dúina? Dáanomo dúitífue íñede. ¹⁷ Ie jira cai Ocuíraíma bie izóí daide:

Juzíñamuimo íñoñedino cígimona oni omoi jai, afénomona oni omoi ii.

Íáiredífuiai díbénemo íñeno iri.

Iemona ómoína caimare uáidoíticueza.

¹⁸ Afe llezica omoi Móoíticue.

Iemo dáaruido omoi cue úruiaína ítiomoi.

Afe bífuena jamánomo ríírede cai Ocuide Juzíñamui daíí daide.

7

¹ Cue izíruiga ámatiai, Juzíñamui jaiái uícodo lloga cáimafuiai bie izóí joide. Afe daíí caimo íllamona nana jíáíforiede cai íaífuiaímona muiñócana izóí oni íredicai. Abi íaífuena daje izóí cai joreño íaífuena fáicanocairedicai. Juzíñamuina ñue jacíruiillano cai comeci íaininafue ie eróicana jaícina jóneredicai.

Corintio imaci comeci méidua

² ¡Mai cuena caimare omoi uáidori! Cue bie jaca buna fiéni finóñedicue. Daje izóí buna íáire finóñedicue. Iemo ómoímona jaca buna jífueñedicue. ³ Bie izóí cue dáínado ómoína íáire finótañedicue. Mei nauí ómoína cue daina izóí, nai cue caana llezica, nágarui ómoímo cue comeci fáioidícueza. Uáfuena dájena cue tíilliruimo ómoímo cue comeci fáioidícueza. ⁴ Ómoína iere caimare ínotícue; daje izóí ómoiri ñue abi ínotícue. Iemona diga duere zefuúllafue cuemo comuilla llezica cue comeci jaca náírede, íemo jíái jamánomo caimare íticue.

⁵ Mei daíí nauí cuemo comuúdeza. Nauí Macedonia éniemo cue jailla llezica afénomoma uái cue illirui jaca íñede. Mei jíáifodo náganuiaído féiredífuiai cuemo comuide. Cuena uáitatino nágafene cue ciríoidiaíoi, íemo diga jíáífuiairi comécido jacínaioicaidícue. ⁶ Mei íadi comécina náínidinona náícaitaífrede Juzíñamui cuemo dúecaide; cuemo dúecaillano Tito dúcinado ñue cuena náícaítade. ⁷ Daa ie dúcinari íóbiñedicueza, mei dáanomo omoi méidoga ñue illáfuedo afémiena omoi náícaítari íóbidícue. Afémie omoi iere cuena cíóacanafue cuemo llote. Iemo jíái nauí omoi cígimo comuúífuerei omoi iere zúuinaillana Tito llote. Daje izóí cueri omoi comeci lícítaillari, naa cuemo omoi jííruiaicanari íóbidícue. Bífuiaína cue fidínamona jamánomo íóbidícue.

⁸ Mei nauí ómoímo cue orécabe ómoína zúucaítate íadi, birui áferi zúucaíñedicue. Mei níbai nauí áferi zúucaidícue, mei íadi birui Tito cuemo llua izóí afebe are ómoína zúucaitañenana fidídícue. ⁹ Iemona birui íóbidícue.

Omoi zúucaillari ióbiñedicue, mei jiáifodo afe omoi zúucaillafuedo omoi comeci ífueña méiduari ióbidicue. Bie zúucaillafue ñue omoi ocuállado Juziñamuina ióbitade. Iemona ómoimo riire cue cuegabe ómoína fiñi finóñede. ¹⁰ Mei uafue, Juziñamui ióvilla ñue cai ocuóiga zúucaillafuiái cai comeci ífue ñúefueña méidotade. Iemo afe ñúefueña méiduado jilloiticaí. Mei íadi bíniemo ite ñinoñedino zúucaillafue íaioína ana tállinomo úite. ¹¹ Omoimo, comuide zúucaillafue ñue omoi ocuállari Juziñamui ióbide. ¡Iemo birui omoi cigimo ñue comuidifuiaimo omoi éroi! Afe zúucaillafue nauí ómoimo ite fiénidifueño riire ómoína ñue comeciñitade. Iemo afe zuufue omoi finoça fiénidifueña jino uáfodo llotátate. Daje izói afe zuufue dani ómoína riicaitade; iemo ómoína jacíruitade. Afe méifomo iere cuena cióacadiomoi. Afe llezica omoi cigiri ite fiñi finódimiña duere finótaiacadiomoi. Nana bífuiaimo omoi nífueninana jino ñue ciótatiomoi. ¹² Mei daí afe orécabe cue cuia llezica afe fiñi finódimiemo figo comeciñedicue. Daje izói duere zefuidimiemo figo comeciñedicue. Mei jiáifodo ñue omoi illífueño comeciñedicue, cuemo omoi comeci ñue fáiana, Juziñamui eróicana, omoi onóillena. Ie jira afebe ómoimo cueticue. ¹³ Iemona bífuiaido cuemo caimare dúecadiomoi.

Mei íadi omoi cuemo dúecailla baimo Tito iere caimare íllari jamánomo ióbidicue. Mei nana omoi afémie ñue uái íllena íena canódiomoiiza. ¹⁴ Nauí omoi dibéno Tito cue úrilla uai meáiruñeno jaca ñue cuemo baite. Omoiri abi cue ínuana afémiemo lloticue. Ja birui, nana ómoína cue daina uai uáfueña jailla izói, afe izói ómoiri Títone cue daina uai uáfueña jaide. Iemona nauí afémiña cue daina uai táinomo omoi fáifitañenari iere ióbidicue. ¹⁵ Ja birui Tito ómoína iere izíruite, mei nana ómoimo ie dáinado cue ocuífuiái jeire omoi úamo afémie caimare uibíoideza. Daje izói jacíruioicana caimare ie omoi llánuamo nai comeciñe. ¹⁶ Iemona ómoína jaícina ñue cue ínuari ióbidicue.

8

Jeruñeno fecáredicaí

¹ Amatiai, birui Macedonia éniemo ite Juziñamuimo jaináidinomo afémie dúecaifrenamona íaioi jeruñeno diga raa fecáfirenafue ómoimo llóiacadicue. ² Mei íaioimo comuide féiredifuiái iere íaioína jacire facátate íadi, caimare itaioi. Daje izói iere duérediaioi íadi, ráaredino izói raana jeruñeno fecáfrediaioi. ³ Mei dani íaioi comeci ñue jítaina izói nana íaioimo ite diezé jeruñeno fecádiaioi, iemo afe íaioi írede úcube baimo nane fecáfrediaioi. Aféfuemo uaina nabáidicue. ⁴ Bie Macedonia imaci Judéamo ite amatiai íaioi canóllena cuemo izire jicádiaioi. ⁵ Íaioimo comeci cue faca baimo fecáfrediaioi; mei fueñe Juziñamui comeci jítaina izói, “Juziñamui ocuilla raire fínoiticaí,” dainano afémiemo ñue ínotiaioi. Afe mei daje izói “O ocuilla raire fínoiticaí,” cuena daidiaioi. ⁶ Afémaci daí daina jira, Títone izire jicádicue, afémie nauí omoi cigiri taineca omoi jeruñeno fecaca úcube iráiafue birui ñue ícoimo fuitállena. ⁷ Mei nágafuiái dibénemo iere ñue finódiomoi: ínogafue dibénemo jamánomoidiomoi. Iemo ñue llófuiana jamánomo baitáidinomoi, naa ífoci úrillafuiári. Daje izói ráiraieñeno íocirenafue dibénemo jamánomoidiomoi, naa cuena omoi izíruillafueri. Daí omoi íllamona, mai bie jeruñeno raana fécafue dibénemo daje izói jamánomoidinona omoi iri.

8 Bie fécafueña ómoína finótañedicue. Daa jiáimaci raire raana fecáfirenafueña omoi onótaacadícue, áfena omoi fidínamona íaiói feca dieze raire omoi fecállena. Afe daíí raire omoi fecácanado omoi izíruillafueña jiái uáfueña dáíitiomoi. 9 Mei cai Ocuíraima Jesucristo caimo dúecallana ñue onódiomoiza. Afémie fueñe monamo illa llezica bínie comíni ráanailla baimo jamánomo ráaredímie. Mei íadi bíníemo bíllamo caina izíruillano dama abina dúeredímiena finode, ie dúerenado Juzíñamui dibénemo caina jamánomo cai ráanaítallena. Mei uáfueña, nauí Cristo monamo illa izóí, afémie caina itátaíacade.

10 Bie jiáimacimo fecáfirenafue dibénemo omoi ñue íllena, cue comécimo ite cue fácaja ñuera uai llóíticue. Nauí jaide fimónamona nai biruímo afe jeruíño fecafueña ñue tainédiomoi. Daa due jiza fécaítino izóí, tainéñediomoi, mei jiáífodo íocire caimare fecáfirediomoi. 11 Jira benómoma mai ñue ícoimo omoi fuitari. Nano fueñe omoi táinia llezica, omoi íocire caimare fecáfirena izóí, afe izóí áfena ñue ícoimo fuitari. Omoimo ite dieze, jeruíño fecáfireiri. 12 Dámie uáfueña Juzíñamuimo fecácania, afémie Juzíñamuimo fecaca raá Juzíñamui caimare llíinoite. Mei uáfueña comínimo ite dieze Juzíñamui caimare llíinofiredeza. Afe baimo cómemo íñédena afémie táinona jícañede.

13 Jiáimaci omoi canófirenado ómoína dúeredínona finóacañedicue. 14 Mei jiáífodo illa dígazie dájerize omoi ráarerí, daídícue. Jiáiziena jamánomo baimo ráarerí, daíñedicue. Biruí íaiói jitailla raana omoi ñue fecáredíomoi. Iemo uire omoi jítaílliruimo omoi jítaílle raana afémaci ómoimo fecáredíaiói. Afe bie izóídemona afémaci naa ómoiri jaícina dájerize ráareítíomoi. 15 Jaíai afe monámoma Juzíñamui oreca maná daina pan izóídena dibéñedo Juzíñamui cuezáuai daje izóí daíí dáideza: “Aillo ofítatímíemo mínícana fiebíñede. Iemo figo ofítañedímíemo ie jítaica raana íñede.” Iemona nana dájerize ráareítíomoiiza.

Tito naa ie nabáñíaiiri

16 Ja jiáínodo Juzíñamuina “Figora” daíífiredicue. Mei omoi ñue íllena ómoimo cue comeci úina izóí, afe izóí Juzíñamui Tito comécina ómoimo jóonetadeza. 17 Afémíemo cue jóonenocaígana afémie ñue jíeruite. Iemo dama íe comeci ómoimo jíraitáfirenamona, ja biruí dama íe comeci jítaínado omoi eróizaide.

18 Tito díga daa ñue mámecina jíca jalléidímiena orédícue. Nana gaírífírede Juzíñamuimo jaináídínodo íe mámecí jíca jalleide. Jíllona uaimo afémie íere ñue táíjinado íe mámecí jíca jalleide. 19 Daa bífueñedeza, mei jiáífodo Juzíñamuimo jaináídino afe bie cai ama nízedíaiói cue díga jíallena. Daje izóí cue canóllena afe ñue ínotímiena nízedíaiói. Afe jiáimacimo omoi dúecaille úcube cue fecállemo afémie cuena cánoite. Cai Ocuíraimamo ñuera uai nitállena bie izóí finódicue. Daje izóí íemo jíái omoi íocire comínina canócanana ácatallena, bie izóí mamédícue. 20 Bie úcube cue íráíamo buna fíeni úríñeíllena bie izóí finódicue. 21 Bie izóí ñue jaícina uáfodo canócadícue, Juzíñamui eróicana ñue cue íllena. Dama Juzíñamui eróicana daíí íñédícueza, daje izóí jíái comíni eróicana daíí íticue.

22 Afe íaíllínodo jíáie cai izóí íñote ámatíaimona dáamie orédícai. Afémie íocire íe maméíllana díga jíáfíuíaído ácatate. Iemo biruí ómoimo íere ñue íe íñuado, íe íocire maméíllana jamánomo jíno ácatate. 23 Daa come “¿Mei bu Títóna?” daííadi, “Jadí omoi cue cánuamo cue nabáííredímie,” omoi daííri.

Iemo afe Títodo jaide íaillinoimo comíni jicánoiadi, “Cristomo jaináidinomona orécaiaillinoi,” omoi daíri. Afe llezica “Bie come íaillinoi ñúefue Cristomo nitáfirediaillinoi,” omoi daíri. ²⁴ Iemona bie oreca íaioimo, uáfueña íaioina omoi izíruifirenana ñue íaioimo ácatari, nana Juzíñamuimo jaináidino onóilleza. Afe izói bie orécamaci ñue omoi llínuado, ómoído abí cue ínuana, uafue daítaitiomoí.

9

Amatiai íena úcube iráica

¹ Juzíñamuimo ínotino, cai ámatiai izóidino íaioiena úcube iráia dibenedo, ómoimo uáfueña cúnidícue, ² mei omoi fecállena raire mamérifirenana ñue onódicueza. Omoi Acaya énie imácidiomoí. Nauide fimónamona omoi fecalle raamo raire mamérifirenana Macedonia énie comínimo jaca caimare llófredícue. Macedonia comínimona nabézie, omoi íocire mamérellana fidíllamona comécido náicaidiaioi. ³ Mei íadi bie úcube iráia dibenedo ómoído cue lloga ñúefue táinomo fáifíñeillena, bie cai ámatiai ómoimo orédícue. Daí íaioina uícodo orédícue, nauí cue daña izói áfemo ñue omoi finóbillena. ⁴ Macedonia imácimona dárie cuedo jaia, nai omoi finóbiñenana baizájillena gáíñedícue. Daí omoi íllana íaioi baizájiadi, afe cuena meáidaitade, mei áfedo nano uícodo omoi ñue cue ínuana táinomo fáifítaitiomoíza. Iemo jíai afémaci daí omoi íllana cíocaizaibiadi daje izói dani ómoína meáidaitaite. ⁵ Afe bíemona nano uícodo ómoimo bie cai ámatiai cue orele iere jitáireza, daí comeci facádícue. Iemo daje izói afémaci nauí uícodo omoi mameca aillo úcube iráiana ñue ícoimo fúitana cánoítiaioi. Bimaci omoi cánuamona afe úcube iráiana fúitano, afe úcube caimare omoi fecállemo ñue finóbítiomoí. Iemona afe omoi fecalle cue riire ocuínidícue. Dani omoi comeci ñue jítainana ácataitiomoí.

⁶ Ja cue lloífífue mo omoi uibíoiri. Due ritímie jaca due jofo ote. Iemo daje izói aillo ritímie aillo jofo ote. ⁷ Ie jira illa dígamie ie comeci caimare mamérilla izói ie úcube írede. Jeruíllano éoinamona fecánide. Daje izói jíáima ocuíoillamona ínide. Mei Juzíñamui caimare fecáfiredimíena izíruiteza. ⁸ Cai Moo Juzíñamuimo nana jíáifoide omoi cámacaitade ráaniai iere aillo íteza, facadóñeno jamánomo ómoimo fecárede. Daí nana dani omoi jitaica ráaniaina ómoimo nágarui ífireite. Mei íadi dani ómoieñedeza, mei jíáifodo ómoimo aillo ite ráamona, nana jíáiforiende raado jíámacina jeruíño canórediomoí. ⁹ Juzíñamui Cuegáuai bie izói daide:

Dúredinomo afémie jeruíño aillo fecade.

Comínimo afémie ñue finócana jaca are iite.

¹⁰ Iemo afe daade Juzíñamui omoi ríllena jíáie ríamo llízítano ómoimo fecáfírede. Daje izói afe riga zícuaamona, Juzíñamui áfemona omoi güille raana comúitano ómoimo fecáfírede. Iemona nana omoi jitailla ríllena afémie ómoimo fécaite; iemo dáanomo omoi rigánuiaina jamánomo aítátaite; áillamona jamánomo aillo óítiomoí. Daí omoi jamánomo óllemona jíáimaci canolle raa díga icaíño ómoimo íteza. ¹¹ Afemona díga jíáiforiédena ráareítiomoí, jíáimacimo jeruíño aillo omoi fecáfíreillena. Iemo cue uire omoi orele úcube cue izájillamona jíáie cai ámatiaina Juzíñamuina “Iere figora” dáítaite. ¹² Mei jira afe bie cánua Jerusalemo ite cai ámatiaimo cai feca llezica, daa íaioi jitaica ráaniai íaioimo fecáñedicaíza, mei íadi afémacina Juzíñamuina “Iere

figora” daiítaticai. ¹³ Iemona dani afémaci Juzíñamuido ñue úritiaioi, mei bie cánuu Cristo ñuera uaina omoi jiéruillana íaioimo jino ácatate. Daje izói afémacimo íemo naa jáíamacimo jeruñíeno aillo omoi fécajana íaioi cíonamona, Juzíñamuimo ñuera uaina jóneitiaioi. ¹⁴ Iemona ómoína iere duéruillano, afémaci afe íbana ómoíena Juzíñamuimo jácaitaioi. Juzíñamui ómoído jino cíotaga aillo dúecaífirenamona afémaci ómoído Juzíñamuimo úrífíreitiaioi. ¹⁵ Ie jira Juzíñamui afe caimo lloga áillo dúecaífirenana jamánomo ñuénamona, ía íga raa izóideza, áfena jino uaido jáícina llónidicaíza. Afe caimo dúecaífirenari Juzíñamuina “Iere figora” mai cai daiilli.

10

Cristo orécamiéna íllamona Pablo ocuilla ríino íte

¹ Cue Páblodíue. Cristo caimo dúecaífiredeza, íemo jáí afémie iere cáimamíeza cue daje izói izire ómoímo jácaitíue. Omoímo riire cue úrizaíbiñeíllena ja birui jácádíue. Dáarie cuena uáítatíno bie izói cue díbénedo daiífírediaioi: “Pablo omoi cígiri ílla llezica afémie iere comécina mánaídímie, mei íadí afémie jica jáínomo ílla llezica afémie abído riire ocuídímíena dóbaícaíde,” daídíaioi. ² Mei jáífodo, omoi cue eróízaíbilla llezica, ríírede uaina ómoímo cue úrizaíbiñeíllena izire jácádíue. Mei ómoímona dáarie cuemo fíénde uai jíítádíno íte. Afe íaioi jíitaca uai bie izói jóide: “Nana íe finócano daa bínie comíni jíítaina izói finoca,” daí daídíaioi. Iemona afémaci cue úritaja, ríírede uáíllaído íaioímo úríredíue. Mei íadí afe izói cuena úritaño íri. ³ Mei uáfueza, ua cómedíue, mei íadí bínie comíni fuírífírena izói fuírífínedíue. ⁴ Fíénídífuíai oní cue caítalle raa, bínie comíni fuírilla raa izóíñede. Mei jáífodo cue fuírilla raa Juzíñamui ríinona ríínorede, abí ríídollena ríire finócacuai izóídena cue táínocaitallena. ⁵ Mei áfedo cuemo fíeni jíítacana oní caítádíue; daje izói cuena íaioi cáítajana oní féítatadíue. Nana uáítaíacadíno íaioi abí ínuano jáíamací Juzíñamuina raíre onóñeíllena jíítáfírediaioi. Ie jira nana íaioi comeci faca uaíllaí Cristo anamo ítátatíue, afe Crístona íaioi comeci jíéruíllena. ⁶ Cue llógana omoi jíéruílla ñue ícoímo dúcílle llezica, nana jáíe uáítafíredínona duere fínoítíue, íaioi jíéruíña ícoínia.

⁷ Daa jínofene cíoíde ráaniaímo eróídiomoi; uáfueza, náínídímíena cue eróínamo eróídiomoi. Nínó dámie “Uáfueza cue bie Cristo íédíue,” daííadí, bífuemo afémie úbícáítarede: Cristo íena íe ílla izói, daje izói cue Cristo íédíue. ⁸ Mei díga ícaíño, cuemo íte ríínodo cue llóíadí naí áferí meídaiñeítíue. Mei cai Ocuíraíma afe ríino cuemo jóonete, áfedo Juzíñamui díbéneímo ñue omoi cue móonaitallena. Omoi níné cue táínocaitallena cuemo íñega. ⁹ Fía rabedo ómoína jácídotímie izói íacañedíue. ¹⁰ Dárie cue cuezábíaído daídíaioi: “Jamánomo ríire ocuífírede; mei íadí afémie comíni eróícana úrilla llezica, afémie ríímíeñede. Afe llezica íe úrilla uaina íere jáímairírede,” daídíaioi. ¹¹ Afe izói úrítímie bie izói onótarede: Jicana rabedo riire cue úrilla izói, afe izói omoi cígiri cue ílle llezica ríire úrítíue. Nane afe dáaruído afémacina ríire ócuítíue.

¹² Afémacimona dáarie dani íaioíena ñue caímare úrítiaioi. Táínomo abí ínuado úrítiaioi. Afémaci ílla izói jaca mamérínedíue. Dani táínomo íaioi comécííllado conímamo comécíídiaioi. Ñuera come daííllena dani conímamo facádíaioi. Daíí fácajamona abina onóñedímacina jáídiaioi. ¹³ Cuemo dúíñede

raado abina ñinoñeiticue, uai cue llócaillena mózizaillinona llotímie, Juzíñamui. Afémie ñuera uaillai cue llócaillena omoi illánomo cuena dúcite. Uáfueza Corinto dinomo cuena jáitate. ¹⁴ Ie jira cuemo dúide tájinafue baimo jáíñedicue. Mei nauí Cristo ñúefue fueñe ómoimo jino dénuabiticueza. Iemona afe omoi cígiri cue tájille cuemo dúide. Nano fueñe lluaíbiñedicuena afe tájille cuemo dúíñede; mei íadi daiñañede. ¹⁵ Jiáimaci tájijnana cúeiena abimo maiñóñedicue. Afedo abina ñinoñedicue. Mei jiáifodo Juzíñamuimo omoi ñnogafue ñue móonaille dinori, omoi cígiri jamánomo cue tájillemo ocuúridicue. Mei íadi cuemo dúide tájinafuedo tájifireiticue. ¹⁶ Iemona afe méifomo omoi illa batífenemo jica itínomo jíllona uai llujiredicue. Mei íadi afe llezica jiáíma taineca tájijnamo tájijñeiticue, ie tájijnado abí cue ñinoñeillena.

¹⁷ Mei jiáifodo daa come abí ñinoiacania, cai Ocuíraimado abí ñinoiteza. ¹⁸ Dama ie abido ñue úritimie, ñuera come daiñírenamiensa jáíñeite; mei jiáifodo daa Juzíñamui ñue úrillamie, ñuera come daiñámiena jaille.

11

Cristo óreñega taino llotino Pablo diga

¹ Abina onóñedimie izóí due jiza úriticueza. Raíre cue uai oñeno fíaicana cue úrillamo ómoína cacáretaacadicue. Mai fíaicana abí cue ñnuamo omoi cácarei. ² Omoina iere uríoifredicue. Afe omoi cue uríoilla Juzíñamuimona comuide. Dámie ie áireiacania jétañega jitaingo óllena jica ia mámano jicánote. Afe jícanogango daa afémie mo iníreirede. Mamécaruimo afengo moo aféngona izájite. Afe izóí Crísto mo ómoína cue izájillena ja Crísto mo mamédicue. Ie jira ómoiri iere uríoídicue. ³ Mei comíni nánoidíngo Evana jaio bífuiano jífuiá izóí, afe izóí jiáimaci ómoína bífuiana jacíruiticue. Afemona figo abí omoi ráiruiñenia jífuefitiomoí. Iemona Crísto mo ñuera comécido omoi comécillana oni jiáifodo féitaitiaioi. Daje izóí Crísto na hí omoi izíruillana féitaitiaioi. Afena jacíruiticue. ⁴ Cue llócaiga Jesús izóíñedimíena ómoimo llotiaioi. Afemo fíaicana caímare ñue cacáreidiomoí. Afemo nibái omoi ñnollena jacíruiticue. Iemo nauí ómoimo cue lloga o maiñoca Ñuera Joreño izóíñedena jiáifoide joreñona abimo maiñódiomoí. Iemo jiáí uícodo cúemona omoi cacana ua jíllona uai izóíñedena jiáifoide uai jeire otíomoí. ⁵ Birui baie omoi cígido jáillamaci “Cai bie Cristo órecamaci baimo ñuemacídicaí,” daidíaioi. Mei íadi afémaci jofófenemo ráifíñedimiedicue, daií comécioídicue. Iemona ¿nibái mei cuemo cacáreñeitiomoí? ⁶ Mei nibái cue úrilla uai figo jinoñeniadi, nai cue onoiga rafue jino llúana dibénedo iere baitádimiedicue. Nana ómoimo cue llócaillado afe bie cue onógafuíaína jaca nágarui jino ómoimo ácatafiredicue.

⁷ Jíllona uai ómoimo raiñóñeno cue llúado, omoi anamo cue abina itátaticue. Daií iticue cue baimo ñúefuedo omoi jalléillena. Daií cue illa ¿nibái fiénide? Daiñañede. ⁸ Jiáie Juzíñamuimo jaináidino omoi cue canolle úcube ibádiaioi. Omoi cígiri cue íllena afe úcube cue llánua afémacimona cue bairoca izoide. ⁹ Omoi cígiri cue illa llezica, cue jitaica raana ite. Mei íadi áfena jaca ómoimona raiñóñedicue. Aféruillaído Macedóniamona bite cai ámatiaí, cuemo íñede raana fecádiaioi. Afe daií cue abina rairuídícue, omoi cígimo nana cue finócafuaí ómoimo juare zúíñeillena. Iemo nauí cue illa izóí, afe izóí omoi cígiri jaca daií ífíreiticue. ¹⁰ Cristo ñúefue ua cue onona izóí, afe izóí

nane jiáifuena ua onódicue. Afefue bie izói daide: Nana Acaya éniado raiñóñeno táijifireitícue. Afe cue táijina cue raiñóñenari cáimacaitícue. Iemo afe cuemo ite cáimafue buna cúemona báiroñeite. Afena uáfodo onódicueza. ¹¹ ¿Nibái mei daií úritícue? ¿Nibái ómoína cue gáñenado daií úritícue? ¡Jeñedel! Ómoína iere cue gáinana Juziñamui ñue onode. ¹² Mei íadi jaca cue fínua izói finóicaitícue, cuena uáitatino abí ñnotañeillena. Jaca ómoimo raiñóñeno táijifireitícue, baie abí ñnotino íaioi abí ñnua raa cue bairóllena. Afémaci úcubena ómoimona izire jicáfirediaioi Cristo ua orécamienna cue illa izói íaioi íllena. Mei úcube íaioi ófrenamo ñnotiaioiza, áfedo “Cristo orécanodicaí” daiíllena. Ie jira afe íaioi ñnoga uai oni caitáacadícue. Iemona jaca raiñóñeno ómoína canófireitícue. ¹³ Baie afémaci Cristo óreñega iere taino llotino. Daje izói afémaci jiáimacina jífuefiredino. Iemo jiái afémaci come jifeia jiáifo eroína izói, Cristo orécamacina comínina íaioimo comécitaacadiaioi. ¹⁴ Afe bie jiáifodo afémaci eróinafue cáimona jánaiñede, mei dama Taife egáñote Juziñamui abí ímiena eróillena méidoficaideza. ¹⁵ Ie jira, Taifemo táijitagano ie méidoficailla izói méidoficaifirediaioi; afe jiáifoide raa izoiñede. Iemona jifeide come eroína izói bimaci ñue ite comínina eróillena abina jiáifodo méidotiaioi. Mei íadi íaioi finóicaiga fiénidífue dúina dieze afémaci táinocaitiaioi.

Cristo orécamienna ie íllamona Pablo duere zefuide

¹⁶ Nane dáanomo ómoína daíitícue: Bie jabo abí cue ñnuamona cue úrillamona bu cuena “Uáiritaidimedio” daiíñeno iri. Mei íadi daa come daií comécido daiíadi, dama uáiritaidimie izói úritícueza fia omoi eroiri, áfedo jabo abí cue ñnollena. ¹⁷ Afe bie abí cue ñnua uaina, cai Ocuíraimamo ite ríinodo cuena daií daiítañede. Mei jiáifodo dama uáiritaidimie izói úritícueza. ¹⁸ Mei dani íaioi daina ñuera uaido abí ñnotinuiaí aillo íteza; afe íaioi taino abí ñnuana izói, afe izói abí ñnoitícue. ¹⁹ Omoi zánvano daíitícue, omoi jamánomo baitádinodimioiza, mai uáiritaidimie izói cue úrillamo caimare fíaicana omoi cácarei. ²⁰ Mei ómoína baie riire táijitatina caimare fíaicana cacáreidiomoi. Iemo jiái ómoimo ite raana báruaibitino uaimo caimare fíaicana cacáreidiomoi. Iemo jiái ómoína náamataibitino uaimo fíaicana caimare cacáreidiomoi. Iemo omoi jámairuitinomo caimare cacáreifirediomoi. Iemo omoi uiecona fatade izóidino, afe ñii ómoína fiéni úritinomo fíaicana caimare cacáreidiomoi. ²¹ Bie izói cue daina cuena meáiruitade, mei íadi dama cue jámairuillado daíitícue, cue bie afémaci fínua izói, cue finóllena figo ríinidícue.

Mei íadi aillo jiáie comini jacíruiñeno daiífiréna izói, cue jiái jacíruiñeno daíitícue, mei íadi áfedo uáiritaidimie izói úritícue. ²² ¿Meita afémaci hebreo imaci? Cue jiái daje izóidícue. ¿Meita afémaci Israel nairai lédiaioi? Cue jiái daje izóidícue. ¿Meita afémaci Abrahámona comuídino? Cue jiái afémaci izóidícue. ²³ ¿Meita afémaci Cristo táijitagano? Cue bie afémaci baimo Cristo ocuicamedicue. (Bie izói cue dáinodo uáiritaidimie izói úritícue.) Cue bie afémaci baimo jamánomo táijidícue. Cue bie afémaci baimo zéchedogacue. Daje izói afémaci baimo llavécacue. Iemo diga ícaíño titáacagacue. ²⁴ Cinco dígcacíño judío nairai duere cue fínua llezica, cuena zechénotadiaioi. Nágari duere cue íaioi fínua dáruido treinta y nueve dígcacíño cuena zechénotiaioi. ²⁵ Iemo dacacíñoamáni cuena ragúizido fatiaioi. Iemo dacacíño noficiaina cuena

níjidiaioi. Iemo dacaiñoámani cue jailla áillue nocáe buide. Iemo dácaiño cai buíllamona daa naio daa mona diga afórede monaillai cígimo iticue. ²⁶ Dáanori uái iñeno iere macáfiredicue. Iemo diga imani jacíredinuiaimo iticue, íemo jacírede merírifiredino cígimo iticue, íemo dama cue comíniri jacíredifuiái cígiri iticue naa jicánemaciri. Iemo áillue jofue cígimo ite jacíredifuiái cígimo iticue. Daje izói áillue nairai jinomo ite jacíredifuiái cígimo iticue, íemo jiái monáillaimo jaci cácadicue. Iemo jiái taino ámatiai cígimo jaci cácadicue. ²⁷ Daje izói juárede táijinamo iticue naa féiredifuiairi. Diga ícaiño mona naio diga iníñeno táijidicue. Daje izói iere jufi cácadicue, íemo jiái jainoi iñénari duere zefuídicue. Diga ícaiño Juziñamuimo comeci fácano güñeno jáicadicue. Daje izói rólliemo duere zefuídicue. Daje izói inícuironino jáicadicue.

²⁸ Nane bífuiái baimo jiáifuiái cuemo comuide. Nágaruillaido náganuiaimo ite Juziñamuimo jaináidinomo cue comeci úicaide. Iaioina abíoidicue izói duere zefuídicue. ²⁹ Iemona daa come figo Juziñamuimo ie íñoñenamona duere zefuíaí, afe cuena duere zefuítate. Daje izói dámie íaifuemmo comeci nñe féiacaniadi, cue comeci niné féizailla izoide. Iemona afe cuena meáidaitade; daje izói cuena rícaitate. ³⁰ Mei afémaci táinodo cuena abí ínotaadi bie izói dáititue: Cue mairíñenana jino ácatate raado ñue cue úrillena baimo gáidicue. ³¹ Cai Moo Juziñamui bie cue daína ua uaina onode. Afémie cai Ocuíraima Jesucristo Moo; íemo jiái afémie jaca ninomo ióbioitaregaza. ³² Naui Damáscomo cue illa llezica afe nairai jabóidíllaima naga nazemo úiñorainina jóonete, llaitada cue llavéllena. Afe nairai nahíllaima Areta mámeciredimie. ³³ Mei íadi jiáie Juziñamuimo íñotino, eróirafomona cirígaido cuena ana agüñetiaioi; mei afe jofue onífene cirínua raa caifo jicado íteza. Daí afémacimona botada jíllodicue.

12

Juziñamui Páblomo nicaí anado ua ráfuedo úrite

¹ Dámie dama abido caimare úria minícana oñede. Ie úrilla jiáie raamo ráifiñede. Afefue ñue onódicue ia, cai Ocuíraima nicaí anado cuemo ácataga raa jino llóredicue. Afe llezica úicodo nai buna onóñegafuiái cuemo llote. ² Afe cuemo ácataruimona ja catorce fimona jaide. Aféruimo Crístomo cue jaináinamona caifo tercera monamo Jesucristo illámonamo uigacue. Onóñegaza níbaí caana abido uigacue, níbaí íeizinino uigacue. Afe dama Juziñamui onoiga. ³ Cue úinaruimo níbaí abí diga uigacue, níbaí daa cue joreño úina, áfena onóñedicueza; dama Juziñamui onoiga. ⁴ Juziñamuimo ínote tíidino jáillinomo uigacue. Afénomo Juziñamuimona dama cuemo duide ebírede uáillaina cacádicue; afe uáillaido Juziñamui rairuúdeza biruí úrinidicue. ⁵ Afe cuemo ácataga raado abina íñoredicue, mei íadi áfedo abina íñoñeiticue. Dama cue abina íñoñeiticue. Mei jiáifodo cue mairíñenado ñue cue úrillena iere gáidicue. ⁶ Mei dama abido cue úriacaniadi, afe abina onóñeno úrilla izóiñede, mei jáicina uáfuenta úriticue. Mei íadi áfedo úriñeiticue, mei cue ciona izói comini cuemo comécillena jítáidicueza. Afe izói cúemona íaioi cacana izói áfeze cuemo íaioi comécillena jítáidicue. Afe baimo aillo jiáiforie cuemo íaioi comécillena jítáidicue.

7 Afe cuemo jino onótaga raa iere jamánomo ebire cioide. Ie jira áfedo jamánomo abina cue íñoñeilla, duere zefuítagacue. Afe duere cue zéfuilla come abimo eedo llúina izoide. Afe eedo, Taife come izi cácatate raa izói, cuena duere fínuaibite. 8 Bie duere cue zefuilla raa cai Ocuíraíma oni oréllena dacaíñoámami íemo jicádicue. 9 Mei íadi cai Ocuíraíma cuena daide: Cuemo ite o cue cáimadofirena nana omo comuide duere zefuilla o ocuilla ñue cánoite. Mei daa come náinina llezica, cuemo ite ñuera ríno afémiedo ñue jino ácatarede,” daide. Ie jira cuena náinitade raari íobidicue, afe daí Crístomo ite ríno cuedo jino ácatallena. 10 Mei jira cue náininari íobidicue, íemo comini cuena báíñuari íobidicue. Daje izói raana cue jitáillari íobidicue. Afe izói cue duere íaíoi fínóacanari íobidicue. Iemo Cristo ícoína féiredifuiái cuemo comuillari íobidicue. Mei jamánomo íaíoi cuena uáitaacana llezica, afe llezica Juzíñamui cue cánuado comécina jamánomo íociredimiena jáidicueza.

Coríntomo ite Juzíñamuimo jáináidinomo Pablo comeci úicaifrede

11 Dama cue abi ífuedo cue úricaillamona uáiritaidimiena jáidicue; mei íadi daí cue úrilla cuena ocuíoide izói itíomoi. Mei dani omoi ja birui cuedo ñue úrrediomoi; mei ráifíñedicue ia, omoi cígido jaide Cristo óreñega jamánomoidino jofófenemo ráifíñedicueza. 12 Naui omoi cígido járitáñeno fáicana táijidicue. Afe cue táijicaillarui mo jáiena onótate raana finódicue naa cíorainina ráaniairi. Afe dáaruido ebire cámacaitate ráaniaina finódicue, nana bífuiaido Cristo ua orécamedicue daíllena. 13 Jáie Jesumo jáináidino cígiri cue illa llezica, cue jitaica raana raíñódicue; mei íadi omoi cígiri afe izói íñédicue. Daa bífuedo jáie ínotino jofófenemo ómoimo comécidicue. Afe ómoimo cue raíñoñena dibénedo ómoimo fieni cacáíadi áfemona meine camare cue uáidori.

14 Ja birui dacaíñoámami omoi cue eróizaibillena finóbidicue. Iemo omoi cígimo cue íllena ómoimo juare fínoñeiticue; mei ómoimo ite úcube cúeiena máíñuaibíñeiticueza. Mei jáífodo dani omoi Juzíñamuimo ñue jáinátallena bííticue. Mei uafue, éicomini úruiaí íena úcubena ofítarena. Uruiaí ie mo íena ofítanide. 15 Omoi comeci ñue íllena dama cuemo ite diga camare fúitaiticue. Daje izói ómoiri cuemo ite máiriena jeruíñeno fúitaiticue. Omoína jamánomo cue izíruiaí ¿afe íbana meita omoi jofófenemo cuena izíruirediomoi? Daíñafede mei íadi birui afe izói ómoimona dáarie cuena daí finódiaíoi.

16 Nana ómoína cue llótaiñuaibíñedicue. Afena ñue fairíotomoi; mei íadi afe méífomo dámerie jáífodo daídíaíoi: “Irebaimo jiíta izói caina bífuiano úcube ote,” daídíaíoi. 17 Naui ómoimo cue orécamacimona, ¿meita cuemo izájillena dáme ómoína bífuiano úcube ote? ¡Oñede! 18 Omoi méíñuaillena Tito izire jicádicue. Afémiedo daa jáie ama orédicue. ¿Meita afe Tito úcube óllena ómoína jífuate? ¡Daíñafede! Tito, ie nabai, íemo cue, cue macáfírena izói, daje izói nana macáícaí, ¿ero ua? Dájena ñue comécillado táijifíredicaíza, ¿ero ua?

19 “Caido abi ríídotio,” nibai caina comécido daídíomoi. Mei íadi afe izói jóíñede. Mei jáífodo Juzíñamui eróicana Crístomo jáinátagamie izói úriticaí. Mei cue izíruiga ámatiaídiomoi, nana bie izói cue dina omoi comeci Juzíñamui dibénedo ñue móonaillena lloticue. 20 Mei omoi diné cue bille llezica cue comeci óiacana izói íñédíomoi cue cíozaiñbillena jacíruíticue. Iemo afe íbana omoi comeci óiacana izói íñédicue cue omoi baizájillena jacíruíticue. Iemo dájena ñue omoi jáináíñenamo jacíruíticue. Daje izói omoi

íradoifirenamo jacíruiticue; íemo jiáimana omoi ícífirenamo jacíruiticue. Iemo afe llezica jiáimana duéruifñeno dani abí omoi úicoficaillari jacíruiticue. Iemo jiáima uaita uai omoi llófírenari jacíruiticue. Iemo jiáimaci jánari omoi úrifírenari jacíruiticue. Daje izóí fiéni abí omoi ínnofírenari jacíruiticue. Iemo ocuícana náfueñedino izóí fiéni ebena omoi ífírenari jacíruiticue. ²¹ Iemo jiái uire omoi cue éroizabille llezica omoi daí íllari cue Juzíñamui ómoído cuena meáidaitalleri jacíruiticue. Iemo afe llezica nibai aillo ómoiri cue éeiarí jacíruiticue, mei jaiaí ninómona diga fiénidífuiái omoi fínuari éedicueza. Mei ómoimona aillo nai íaioimo ite íaífuiái féitañediaioiza. Daje izóí íaioimo ite jirufúena fáicanocañediaioí, íemo íaioí comécina júrioidé fiéni finócafuiái oni nine féitañediaioí.

13

Pablo íracaíño íaioí uáidua uai, íaioimo llonódacaiga uai diga llote

¹ Nauí ménacaíño omoi méiñuaidicue. Ja biruí nane meine omoi méiñuaibiticue. Onódiomoiza, naga júfidoga rafue mena, nibai daámari uai nabáiraini daje izóí úriadi, afe júfidogafue ñue záide. ² Nauí méifodo omoi cue méiñuaibilla llezica, nana nauí úcodo fiéni ítinona duere cue finóllena llonódacaidicue. Biruí benó jica cue illa llezica dáanomo nauí ómoína dama çue dáinana llóiticue: “Uire nane omoi cue méiñuaibia nauí úcodo fiéni ítinona naa ómoiri dúecaíñeno duere finoiticue,” daidicue. ³ Iemona omoi jenoca Cristo cuedo úrilla onótafírena raana ñue ónoitiomoi, mei áfena jenófrediomoiza. Omoiri Cristo nánidimie izóíñedeza, afémie ríinorede, Cristo omoi diga jifánoñedeza, riiredimieza. Omoína ñue rairuíoide. Omoi cígiri íemo ite ríino jino cíotate. ⁴ Uáfueza, Cristo nánidimie izóí cruzmo coraica, mei íadi biruí afémie Juzíñamui ríinodo caade. Afe daí Cristo nánina izóí dájena nánidicue, mei íadi dájena afémiemo cai jaináillado Juzíñamui ríinodo íiticue, omoi ñue cue finófireillena. ⁵ Mai dani ñue abina omoi onoiri. Afemo, mai ñue comeci omoi facari, Juzíñamuimo ñue íinoga uai íere jeire omoi úana omoi onóillena. Omoi comeci ífue facada ñue jónefireiri. Jesucristo ómoiri íllamo çmeita áfemo comécíñediomoi? Mei nibai jiáifodo jóide. ¿Meita táinona ínotiomoi? ¡Afe daí íñeiteza! ⁶ Mei uáfueza, cai bie táinona llotímieñedicue. Afemo ñue omoi comécioicaillemo ocuírídicue. ⁷ Iemo afe llezica fiénidífue omoi fínoñeillena Juzíñamuimo jicáfiredicue. Daa ñúefue dibénemo omoi íllena jicádicue. Mei íadi ñue jaícina llófuefiredimie cuena daíllena jicáñedicue. Dámie “Jaícina lloñedio” dáíiadi áfena llóñeiticue. Ñúefuemo omoi ille comini cueri dáinana baimo ráifide. ⁸ Jaca ua uai jeire omoi oíadi úaitañeiticue; ómoína lletánidicue. Mei jiáifodo afe uaina nabáiredicue. ⁹ Ie jira ómoína cue lletáninamona nánina cue cíoiadi, áferi çaimare íobidicue, mei afe llezica omoi ñue comécina náirediomoiza. Iemo nífuenino ñue jaícina omoi íllena jaca jicáofireiticue. ¹⁰ Nai omoi cue méiñuaibiñena llezica, bibe úcodo ómoimo cueticue, uire ómoimo cue bíadi omoi diga riire cue íñeillena. Uáfueza, omoi riire cue lletalle ríino Juzíñamui cuemo iga. Mei íadi omoi cue táinocaitallena cuemo íñega. Mei jiáifodo Juzíñamui dibénemo omoi comeci ñue cue mónaitallena cuemo iga.

¹¹ Cue ámatiai, ñue ítiomoiza. Dani ñífueningo jaícina omoi illínomo omoi coméiiri. Bie ómoimo cue lloga uai náfuiano, conímana omoi náicaitafireiri. Conímamo dájerize caimare omoi coméiifireiri. Daje izóí jiái dájena ñue uái illífuemo omoi iri. Iemo cai uái illífue comuitate Juzíñamui omoi diga ífireite, íemo ómoína ie izíruifirenana ónoitiomoi. ¹² Caimare conímana omoi uáidori. ¹³ Nana benó ite dájena Juzíñamuimo ñnote cai ámatiai ómoimo uai orédiaioi.

¹⁴ Ja birui cai Ocuíraima ómoína ñue finoiteza. Daje izóí Juzíñamui ómoína izíruifireiteza. Iemo Ñuera Joreño ómoína nabáioicaiteza. Daiítadeza. Jae ñíie.

GALACIA ENIE IMACIMO SAN PABLO ORECABE La Carta del Apóstol San Pablo a los Gálatas

Pablo, Galacia éniemo ite Juzíñamui uaimo ínofredinomo cuete

¹ Cue Páblodicue. Juzíñamui ñúefue llujillena orécamiedicue. Dani comini cuena jóniamaona llujíñedicueza. Daje izói comini cue óriamaona llujítagamieñedicue. Mei íadi dama Jesucristo llujítagamiedicue. Daje izói afe Jesús tídinomona meine abido cáatate Moo Juzíñamui llujítagamiedicue. ² Nana Galacia éniemo ite Juzíñamui gairifredimacimo bibe cueticue. Daje llezica nana cue diga ite ámatiai uai orédiaioi. ³ Moo Juzíñamui fecaca comécina uái illafue dibénemo mai omoi iri. Cai Ocuíraima Jesucristo afe bífuiai daje izói caimo llote. Aféfuiai dibénemo mai omoi iri. ⁴ Mei afémie, cai fiénidífuiai dóllena, titállimiena dama ie abina izájide. Daíi cai Moo Juzíñamui jítaina izói, afémie ie abina izájide, bie fiénidíruillaímona oni cai jírecaitallena. ⁵ Juzíñamui daíi cai jíllotajamaona, afémiena “Jamánomo cáimamedio” mai cai daíilli. ¡Afémie jaca daíi íteza! ¡Mai!

Abí dine cai jílloille uaina jaca íñede

⁶ Juzíñamuina raire omoi zóofiailla uai, cuena fáigacaitade. Zóofiano, ja jíaie táinomona lloga jíáfodo joide fia daina jílloina uaimo íacadíomoi. Aferi fáigacaidicue. Mei Juzíñamui, Cristo caina izíruillado omoi jílloillena, jae caímare ómoina uáidoteza. ⁷ Uáfueña dáitícue: abi diné jíaie jílloina uai jaca íñede. Mei íadi dáarie ómoina áfededotimaci, cai bie Crísumo ínuamaona cai jílloina uaina, jíáfodo feire méidoacadiaioi. ⁸ Mei íadi jíaie come afe cai jílloina uaina uáitajano, jíáfoidí fue ómoimo llóyadi, mei dama Juzíñamui afémiena fáidoiteza. Nibai dama cue daíi jíáfodo llóyadi, Juzíñamui faidóllícuéza. Daje izói monámona biite Juzíñamui abi ímie daíi llóyadi, mei Juzíñamui íena fáidoiteza. ⁹ Nauí ómoimo cue llua izói, birui nane daje izói daidicue: Dinó omoi jíáfodo llófueacadino cáimona omoi cacana jíllonafueña afémaci uáitaiadi, mei afémaci Juzíñamui faidóllíaióiza.

¹⁰ Bie riire cue dáinado ¿mei nibai comini bífuetícue cue íaioi cáimadollena? ¡Mei íeñede! Dama Juzíñamuina íóbitaacaidicue. ¿Mei nibai comini uícori fígomiena íacadicue? ¡Daje izói íeñede! Comini uícori fígomiena nai cue íacaiadi, mei Cristo táíjítagamiena ínidicue.

Pablo Juzíñamui ñúefueña llujítimiena jáillafue

¹¹ Mei ámatiaína ja maméidíomoi, ja bífueña nane omoi uíbitatícue: Cue lloga jílloina uai comínimona comuíñede. ¹² Daje izói aféuaina comínimona cacáñedicue. Ua aféna bu llófueñegacue. Mei jíáfodo aféuaina dama Jesucristo onótacue.

¹³ Nauí judíuai ínogafuíaímo cue jainaina llezica, cue illáfueña jae onódiomoi. Aféruído Juzíñamui gairifredinona iere duere íaioi cue finóllena riire cue rácajana fidídiomoi. Daje izói nana íaioína niné cue táinocaitallinona onódiomoi. ¹⁴ Afe llezica, cue uzútiai daínáuailaímo iere izire cue jaináiacanamona, judíuai ínogafuemo baímo baítadímiena jáidicue. Aféfuemo comécina iere fígomiena jáidicue. Ua aillo cai judíuaiímona, daane

cue comuillagimamona baimo fibídimiena jáidicue. ¹⁵ Mei íadi nai cue jócoñenia, Juzíñamui cuena nizede. Daií níziano, iere cuena ie izíruillamona, cuena uáidote. Cue ie uáidua mei, ie óiacana izói, ie Jitona cue onótate. ¹⁶ Ua, ie Jitona cue onótate, afe Jitó cue onónamona Juzíñamui ñuera jílona uai judíoñedino cígimo cue llujállena. Daií Juzíñamui cue uáidotemo, bumo nífuena “Mai cue llofue” jicánoñeno, dama oni Arabia éniemo raire jáidicue. ¹⁷ Ua, Jerusalemo ite nano cue uícomo uáidoga Jesús ñúefue llujájinomono úrizaiñeno, raire oni Arábiamo jáidicue. Diga irui dínomo cue illa mei, abido Damáscomo biticue.

¹⁸ Afe llezica Jerusalemo are nai jáiñedicue. Dafimonaámani dínomo cue fuita mei, Jerusalemo jáidicue, Pedro diga cue úrillena. (Afémie jáífo mameina Cefas.) Aféruimo dama Pédrona ñue onódicue. Quince dígarui ie diga nabáircadicue. ¹⁹ Aféruillaido jáíe Jesús ñúefue llujájinomomona dámie ciódicue; afémie Santiago, cai Ocuíraima ama. ²⁰ Juzíñamui eróicana úriticue: Bie ómoimo cue cuega nahí uáfueza, daidicue.

²¹ Afe méifodo Siria éniemo naa Cilicia énie diga jáidicue. ²² Judea éniemo ite Crístromo gairífredino nai cue uíecona onóñediaioi. ²³ Dáafuena fidídiaioi. Afefue bie izói daide: “Jaiai cai fállena cai racádimie, ja birui cai ínollifue llocana uite. Jaiai jáíruido aféfuena afémie nine táinocaitacade.” ²⁴ Iemona cuedo Juzíñamuimo ñúefue jónetiaioi.

2

Jáiie Jesús orécamaci ja Pablo caimare uáidotiaioi

¹ Catorce fimona fuilla mei, Bernabé diga meine Jerusalemo jáidicue. Afe dáaruido Tito uiticue. ² Juzíñamui cuena daína izói dínomo jáidicue. Díno Jerusalemo Juzíñamuimo ínnotino ocuífiredede jalléidino dáarie ite. Iaióiri oni eneno fueñe dáanomono gairídicue. Dínomo judíoñedinomono cue llófirega jílona uai íaioimo jino lloticue. Bie izói íaioimo llujájidicue, nana cue llócaigafue táinomono fáifíñeillena; daje izói birui jino cue llogafue táinomono fáifíñeillena. ³ Aféruido cue nabai Títone judíuai lloga uai izói, finóñediaioi; afémie judíoñedino íadi, ie bacano ícoi quetáañediaioi. ⁴ Afe llezica dáarie táinona llote ámatiai, báinino cai cígimo dúcidiaioi. Afémaci Tito bacano ícoi quetáacadiaioi. Afémaci cai cígimo uñodoimaridiaioi, rairuínino cai íllana onóillena. Mei ja birui Jesucrístomo cai jaináinamona, Moisés ocuica uáimona uáfodo jirénogacaiza. Afémaci nane abido afemo caina izire rairucano izói finóacadiaioi. ⁵ Mei íadi íaioi llógana naado jeire onédicai, mei oni íaioi taino llujáfue abina uitáañedicaiza. Daií íaioina jieruíñedicaizai, mei ua jílona uai jaca jeire omoi óllena, iere jitáidicaiza. ⁶ Mei íadi afe Jerusalemo ite ocuífiredede jalléidino comue jáífuena cuemo lloñediaioi. Afémaci jalléinafuena figo náfueñedicue, mei onódicueza: Juzíñamui, fia jinofe ífuena raire jicánoñede. Mei jáífodo afémie naga cómemo dájerize ñue jaícina jicánoite. ⁷ Ua, jáíe cómofuena cuemo lloñeno, dama cue llujáigafue ñue jieruitiaioi. Ñuera jílona uai, judíoñedinomono cue llócaillena Juzíñamui cuemo jóoniana como fidídiaioi. Afe uícomo daje ñuera jílona uai judíuaimo Pedro jino llócaillena fidídiaioi. Afe táijina Juzíñamui Pédro como jónete. ⁸ Mei uáfueza, Pedro ória izói, cue jáí

orécacue. Daje Juzíñamui Pedro judíuiai cígimo oreca. Ie mei daje Juzíñamui judíoñedino cígimo cuena orede.

⁹ Aféruillaido Santiago, Pedro, Juan diga nanoide ocuídino. Bie ñuera táijinafue Juzíñamui cuemo jóoniana íaiói fidínamona, cócona Bernabé diga caimare uáidotiaíói. Daií cócona finódiaíói, ja nana dáamacidicai daíllena. Iemo, afémaci judíuiai cígimo táijizailla llezica, coco jiái oni judíoñedino cígimo táijizairedicoco. Daií cócona daírediaíói. ¹⁰ Daa rafue cócomo jicádiaíói: “Mai jaca féitañeno, duéredinomo comeci ómicoi ubifireiri,” daidíaíói. Afefue cue finóllena jaca jaritaifiredicue.

Antioquía jófuego Pablo Pédrona lletade

¹¹ Mei jiáiruido Pedro Antioquía jófuego dúcia mei, íemo eróicana íena riire lletádicue, mei rairuíredifue ie finua jira. ¹² Fueñe afémie judíoñedino diga güizájifrede. Mei íadi Jerusalemo ite Santiágo jaináidino dúcina llezica, afe Pedro judíoñedino diga dáanomo abido güizáiñede. Iaióimona jirecaillano oni eneno ífrede; mei Jerusalémona bite bacano ícoi quétafue llotínona Pedro jacíruiteza. ¹³ Afénomo Jesumo ínote jiáie judíuiai ite. Pedro oni eneno jáillana íaiói cóillano, afémaci daje izóí judíoñedino cígimona oni jirecaidiaíói. Iiraínomo jiái Bernabé íaiói fiénide oni jirecaillamona daje izóí jirecaide. Afefue jiáimacina jífueoicaide. ¹⁴ Mei íadi, ñuera jíllona uai ua daína izóí íaiói íñénana cue cóillano, nana dáanomo gairídino eróicana Pédrona daidicue:

—O judíodio, mei íadi benomo judíoñedino illa izóí itío. Benomo judío illa izóí íñéδιο. ¿Ñibái mei birui judíoñedinona judíuiai illa izóí jóoneacadio? —dino Pédrona lletádicue.

Nana jiáie comíni izóí, judíuiai Crísto íaiói ínogafuedo jíllorediaíói

¹⁵ Cai bie jaca jocóinanomona judíuaidicai. Juzíñamuimo coméíifiredicai. Judíoñedino Juzíñamuimo comécina facáñediaíói. Iemona fiénidifuiáredinona itíaíói. Cai afémaci izóíñedicai. ¹⁶ Mei íadi onódicaíza: Moisés ocuica uai iere ñéfinamona, buna Juzíñamui anamo ñue jaícina ínide. Mei dama Jesucrístomo dánirre íaiói ínuado illa dígamie daí jaícina írede. Iemona judíoñedino izóí, cai daje izóí, Jesucrístomo ínoticai, afe íemo cai ínogafuedo Juzíñamui anamo ñue jaícina cai íllena. Uafue, Moisés ocuilla uai iere ñéfinamona buna ñue jaícina ínide.

¹⁷ Birui cai judíuiai cígimona dámie Crísto íe ínogafuedo Juzíñamui anamo ñue jaícina íacaniadi, bie izóí daírede: “Judíoñedino izóí fiénidimiena iticue” daírede. ¿Meita bífueomona “Cristo fiénidimacina caina itátate” daírede? ¡Daiínide! Mei Cristo jaca buna fiénidimiena itátañedeza. ¹⁸ Mei jiáifodo, navi niné cue tánocaitaga Moisés ocuicafue, meine abido jeire cue óiacaiadi, ua cue fiénidena uáfori jino cótaíticue. (Mei afefue iere cue ñéfinamona Juzíñamui anamo ñue jaícina índicueza.)

¹⁹ Afe Moisés ocuicafue ja cuemo dúíñede. Da afe uai jeire cue oñénamona cuena titade izóí finode. Afe Moisés uaimo cue dúíñenamona, ja Juzíñamui dibénemo, tíllanomona meine cáadimie izóí iticue. ²⁰ Cristo navi cruzmo coraica tílla izóí, ja birui tíide izóí finócamedicue. Iemona ja birui cue cáanano dama cúeieñede; Cristo cuemo íllado cáadicue. Afe bie éniemo ite bie cue cáanano, dama Juzíñamui Jitomo cue ínuado ófiredicue, mei afémie cuena izíruillano, dama íe abína cue meífomo cruzmo tízaideza. ²¹ Juzíñamui

cue jílloillena caimare cue cánuafuena jaca ruiffiruiacañedicue. Mei dámie Moisés ocuica uai jeire úamona Juzíñamui anamo ñue jaícina ítenia, Cristo túlla ráifiñede.

3

Moisés ocuica uai comini ñnogafue abido joide

¹ Aii, Galacia comini, iere abina onóñedinona itíomoi. ¿Bu aima izói omoi bífuia, ua uaina omoi jieruiñeillena? Naui ómoimo cue lluaruido, coraica Jesucristo jino uáfodo ómoimo fidítaticue. ² Mai bifue cuemo omoi lloiri: ¿Ñifuedo afe Ñuera Joreño ómoimo ite? ¿Meita Moisés ocuica uai jeire omoi úado ómoimo ite? ¡ñega! Mei jáífodo, ¿omoi cacana uai omoi ñnuado afe Ñuera Joreño nibai ómoimo ite? Jii, áfede ite. ³ ¿Níbái mei iere abina onóñedinona itíomoi? Jesumo omoi ñnua mei, Juzíñamui Ñuera Joreño nanómona ñue omoi canode. Afémie ómoina canode ñue jaícina omoi íllena. ¿Meita ja birui afe cánuana zóofiano dama ómoimo ite ríinodo nibai ñue fúitaitíomoi? ¡Jaca fuitánidiomoi! ⁴ ¿Nana omoi duere zefuillafue jaca ómoimo nibai ráifiñede? ¿Níbái taino abiri aféfuiai ómoimo daí íficaide? Aféfuiai táinona íllamo coméñedicue, mei daítañedeza. ⁵ Naui Juzíñamui ie Ñuera Joreño ómoimo fecade. Iemo Juzíñamui omoi cígiri uaido finoca cíorainina raana comúitate. ¿Mei nibái bífuiaina Juzíñamui ómoimo finode? Ocuica uai jeire omoi úamona, afémie aféfuiaina finóñede. Mei jáífodo dama cúemona omoi cacana uai omoi ñnuamona afémie bie izói finode.

⁶ Abraham Juzíñamuimo ñnote; íemo ie ñnuamona comécina ñue jaícina jóidimiena Juzíñamui íena caimare uáidote. ⁷ Ja bífueмона onóredíomoi: Nahí Abraham erófene igímaiai Juzíñamuimo ñnotino. ⁸ Juzíñamui nana uire ie finóllifuiaina raire úcodo onode. Iemona ie Cuegáuaido aféfuiaina afémie jino llote. Nana íemo uire ñnotino judíoñedinó íadi, Juzíñamui anamo ñue jaícina itátaillifuena Juzíñamui raire úcodo onode. Afena ie onónamona bie ñúefuiai jaiai úcodo Abrahana daide: “Naga náraiaiaí ómona ñúefuemo ézicilliaiaí,” daide. ⁹ Mei daí nana Juzíñamuimo ñnotino dájena Juzíñamuimo ñnote Abrahámoiri ñúefuemo ézicilliaiaí.

¹⁰ Nana íaioi jílloillena Moisés ocuica uaimo ñnotino ja fiени faidócaiaiaí. Mei daí Juzíñamui Cuegáuai dáideza: “Nana Cuegánicomo ite ocuica daínafuena, nágarui ñue fuitáñedinó ua fiени faidócaiaiaí.” ¹¹ Bífueмона ñue onódicaiza: Ocuica uai iere ñfínamona buna Juzíñamui anamo ñue jaícina jóoneñega. Mei jáífodo Juzíñamui Cuegáuai daide: Juzíñamuimo ie ñnogafuedo Juzíñamui anamo ñue jaícina jónegamiena jáidimie, afe daa ie ñnogafuedo are zúñona íite. ¹² Afe Moisés ocuica uai comini ñnogafue abido joide. Bíuailaina ñue ícoimo fuitácadimie, aféuailaido írede.

¹³ Ocuica uai cai faidóllifueмона Cristo caina oni jírecaitade, mei afémie cai ícoinia faidóbideza. Juzíñamui Cuegáuai bie izói daide: “Naga aménamo agüínetá fagámie faidócaza.” ¹⁴ Bifue daí íficaideza, judíoñedinó ñúefuemo ézicillena. Ua Juzíñamui Abrahamo lloga ñuera ézicirafue daí Jesucristodo judíoñedinomo fecaca. Bifue daje izói íficaideza, Juzíñamui úcodo lloga Ñuera Joreño cai ñnogafuedo caimo íllena.

Moisés ocuica uai, Juzíñamui Abrahamana dainana oni caitánide

¹⁵ Cue ámatiai, naga come onóigafuemona dafue ómoimo llóiticue: Dámie contrato llínoiadi, ie mámece afébemo cuega, íemo afe ja cúegana buna oni caitánide. Daje izói afe cuega baimo buna jáíuaina zotánide. ¹⁶ Ja onódicaiza: Afe ñuera uícodo lloga uaillaí Abrahamo Juzíñamui jaiaí llote; daje izói Abraham erófene ímiemo lloga. Aillo ie erófene igímaiaimo Juzíñamui Cuegáuai daiñede, mei jáífodo “O erófene ímiemo llóiticue” daide. Afe dainámie Cristo. ¹⁷ Cue llogafue bie izói joidé: Juzíñamui riírede méidoñega uai Abrahamo llote. Afe llezica afefue féiñeillaena Juzíñamui afe uaina riire jóonete. Afe lloga uai contrato izóidui; jáífodo méidonideza. Ie jira cuatrocientos treinta diga ñmona záilla méifodo Moisés lloga ocuica uai, uícodo Abrahamo lloga uaina oni caitánide. Daje izói méifodo ocuica uai, uícodo Juzíñamui lloga uaina ráifitanide. ¹⁸ Juzíñamui dainamo ie ínuamona Abraham jílode. Afe bie méidonide Abraham jílloilluaina Juzíñamui raiñóñeno íemo fecade. Iemona afe jílona uai, Moisés ocuica uaimo jaináñede. Moisés ocuica uaimo jaináiadi, aféuai ja uícodo lloga jaca raiñóñeno iga raa izóíñede. ¹⁹ Iemona, Moisés ocuica uai ¿niemo ráifide? Afe ocuica uai méifodo bai nabaica, comini íaiói ñnoca ñénidifuiaina onótallena. Afe nabaica uai are íñede. Ñúefuena lloga Abraham erófene ímie Cristo bíllamo, afe nabaica uai záide. Afe ocuica uai monámona Juzíñamui abi ímácido lloga. Iemo íaiói llua mei, Moisés aféuaina jino comínimo llote. ²⁰ Juzíñamui Abrahamo úrilla llezica jáímado Abrahamo llóñede. Dámie daií uáfodo úriadi, jáie llóitimiena jítaiñede. Bie Abrahamo úritimie daade Juzíñamui.

Moisés ocuica uai ¿nié izói comínina canode?

²¹ ¿Mei ñibai bifue daiñacade Moisés ocuica uai, Juzíñamui lloga ñúefuiaina uáitaacade? ¡ñeñedeza! Uáitaacañede. Mei cáataite ocuilla uai ígadenia, aféuai jeire cai úado Juzíñamui anamo ñue jaícina íredicaí. ²² Mei jáífodo Juzíñamui Cuegáuai daina izói, nana ñénidifueмо llavécánodicaí. Daií Juzíñamui uícodo mamede, nana Jesucrístomo íñnotino jíllobicaillena. Uafue, Juzíñamui afe bie izói mamede Crístomo íñnotino íaiói íñnogafuedo Juzíñamui lloga ñuera jílloñafuena íaiói óllena.

²³ Jesumo cai íñnogafuena nai jino déiñena llezica, ocuica uai caina llavécánona ñnode. Aféruillaído Jesumo cai íñnollifue jino déillemo ocuírídicaí. ²⁴ Iemona Juzíñamui afe ocuica uaina caimo mamede, cai ñue rairuillena. Ua úruiai ñue ñibítatimie izói caina rairuide. Daií afe ocuica uai caina úíñnoide; nai Cristo bíñeille dínó. Afe daií Cristo bíllemo afémiemo cai íñnuado, Juzíñamui anamo ñue jaícina íredicaí. ²⁵ Birui ja Jesumo cai íñnollifue déideza, ja afe Moisés lloga ñibítatui díbenemo dúíñedicaí.

²⁶ Mei Jesumo omoi íñnogafuedo, ja omoi nana Juzíñamui úruiaídiomoi, ja Cristo Jesumo dájena jaináídiomoiza. ²⁷ Omoimona bautiza mei Cristo Jesumo dáena jainaide dieze, nana omoi afémie comeci ífuena ja jeire otíomoi. ²⁸ Ja biruímona cai cígiri bie judíona dainámiena íñede, bie Griego dainámiena íñede. Daje izói llavécámiena íñede. Oni eneno jirénoga dainámiena íñede. Afe izói ringo íma diga oni jáífodo mámeñega. Ja Cristo Jesumo cai jaináínamona nana cai dáamacídicaí. ²⁹ Ja Cristo íedímoiza, Abraham erófene

igima izóidinona jáidiomoi. Iemona Juzíñamui Abrahamo uícodo lloga ñuera jilloillifuenta, feci raa máíñua izóí, máíñoitiomoi.

4

¹ Bie izóí cue daiíacanafue: Daa come jitó mónaillano, ie moo tíilla mei, moo raana náamatarede. Mei íadi afémie nai úruena llezica maiñónide. Afémie nai jofo eromo ocuífregamie izoide, afémie nana afeco raana maiñóreite íadi.

² Afémie nai úruena llezica, íena úíñoitino ite, ie moo jáífodo ie úíñoitinomona oni olle dino. Daje izóí ie jetállifue ocuídino ite. ³ Jaca bie izóí caimo comuífiredre. Cai jilloilliuai nai déíñena llezica, nai úrue illa izóídicaí. Aféruillaído aillo bínie comini nícidogafuiaí anamo, izire ocuícano izóí, iticaí. Dáarie cómemona ocuica uáillaído llavécacai. ⁴ Mei íadi nana Juzíñamui mamécafuiaí ñue zuilla mei, jáiai uícodo ie mámiarui dúciamo, Juzíñamui ie Jitó Jesús orede. Afémie ringómona jococa. Moisés ocuica uai anamo judúo izóí comuízaibite. ⁵ Afémie daií bite, nana Moisés ocuica uáillaído llavécano aféuaimona oni jirecaitallena. Daií cai jirecaillamona Juzíñamui dama ie jitótiaína cai jáillena cai mámano, caimare caina uáidoite.

⁶ Iemona, ie jitótiaí omoi íllana omoi onóíllena, Juzíñamui ie Jitó Jesucristo Joreño omoi comécimo orede. Afe caimo orea ie Joreño riire daiífiredre: “¡Cue Moo!” daide. ⁷ Mei daií o ja Juzíñamui jitódio. Ja riire ocuícamieñedio. Ie jitona o íllamona, ie uícodo lloga ñúefuiaína Juzíñamui Crísto omo fécaite.

Pablo Juzíñamuimo ínotimacimo comeci úide

⁸ Nauí Juzíñamuina nai omoi onóñena llezica, taino juzíñamuillaímo izire ocuífreganodiomoi. Afe omoi llaveina juzíñamuillaí ua juzíñamuiñede; fia jífuia juzíñamuillaí. ⁹ Mei birui ja ua nahí Juzíñamuina onódiomoi. Mei jáífodo ñue daina, Nahí Juzíñamui ja ómoína onode. Ja íena omoi onónamona, ¿nie izóí meine abido afe riínide jilloñenafuiaína jeire óiacadiomoi? Dáanoma íaioi llavéinanomo ¿meita abido jáirediomoi? ¹⁰ Diga iruillaí oni jáífodo nai comécíifirediomoi. Daje izóí diga íuillaí eneno jáíífo comécíifirediomoi, naa diga íimónaíairi. ¹¹ Níbai nana omoi cígiri cue táijiacana táinomoi jífanofide izóideza áfena jacíruiticue. (Afe cue comécina líicioide.)

¹² Amatiaí, izire jicádícueza: Cue comeci ífue illa izóí, mai meine afe izóí omoi iri. Mei cue omoi illa izóí jae itícueza. Mei omoi cuemo minícana íénidífuenta íinóñediomoiza. ¹³ Cue omoi cígiri nano illáfuenta onódiomoiza. Aféruillaído, cuemo comuide duícori duere cue zefuillamona afe jíllona uai jino ómoimo llotícue. ¹⁴ Afe cuemo ite duico cue facátaina, mei íadi afe jira cuena jáimairuíñediomoi. Daje izóí cuena ruífruíñediomoi. Mei jáífodo Juzíñamui abi ímie izóí caimare cuena líínotiomoi. Ua Jesucristo omoi líínolle izóí cuena caimare líínotiomoi. ¹⁵ ¿Nee mei afe omoi cacana cámafuaí? Afe cue írärenaruimo cuena íere ízíruillano, dani omoi újina jirénota cuemo fecácadiomoi, íadi fecánide. Afe ñúefue omoi dibénemo nitáredicue. ¹⁶ Ja ua uai ómoimo cue llúamona ¿Meita ja birui omoi bacáuai ímiena jáidícueza? ¡leñedeza!

¹⁷ Afe baie jicana bite comini ómoimo íere caimare comécíidiaioi. Mei íadi comeci ñue jítaillamo comécííñediaioi. Omoi bífuellena caimare úritiaioi. Afémaci cúemona ómoína baíróacadiaioi, uire íaioimo omoi jáináíllena. ¹⁸ Jáíimacimo ñue íllena caimare comécííllana ñuera. Mei íadi cue illa llezica daje izóí cue

iñena llezica come comeci ñue jítaillamo daí comécirede. Daífadeza. Naui omoi cígimo cue illa llezica, afe onínemacido daí jífueññediomoi; mei íadi birui omoi cígimo cue iñena llezica nágarui jaca daí jífuegaomoi. ¹⁹ Cue úruiai, ringo úrue jocóacania duere zefuilla izóí, nane ómoiri duere zefuídícue. Ua Cristo comeci ifue nai omoi ñue óñoñeille dino, nai ómoiri duere zéfuitícue. ²⁰ Birui izire omoi cígiri íacadícue, jíáifodo ómoimo cue úrillena. Onóñedicueza, nié izóí ómoiri comécitícue.

Abraham ai Sara, ie oga jíáingo Agar íainguai ñúefuena caína onótate

²¹ Ja birui Moisés ocuica uai anamo íacadinomo úriticue. Mai bifue cuemo omoi llone: ¿Afe ocuica uai daínana cacáñediomoi? ²² Afe uai daide: Abraham mena jítorede. Daa jíto íe táijitafiregango íe. Jíáie jíto íe nahí ai íe. Afengo buna ócuiñegango. ²³ Ocuífiregango jocócato nana bíníemo íte úruiai jócuai izóí jococa. Mei jíáifodo nahí ai jocócato Juzíñamui uícodo daínauai fuitállena jococa. ²⁴ Bífue cai onoiga ráamona Juzíñamui cai fidítafue. Afe mena ringo mena contrátomo táijina izóidiainguai. Íainguaimona daa Sinaí idu íe contrato izoide. Afe ocuífiregango jítoíai ocuífíreillínona jocócaíai. Afe ocuífiregango mámei Agar. ²⁵ Afe Agar Juzíñamui Sinaí ídumo lloga uai izoide. Afe Sinaí idu Arabia éniemo íte. Afénomo Juzíñamui contrato comínido finode. Biruillai Jerusalén jofue afe jaii Sinaí idu izoide, (mei Moisés dibénemo íacadino afénomo gairífrírediaíoi.) Íe ocuica uai anamo llavécana ítaíoi, naa aféfuemo jaináíacadinori. Ocuífiregango Agar úruiai izóidiaíoi. ²⁶ Mei íadi monamo íte Jerusalén comini lláveñegaíoi. Afe jofue cai íe izoide, mei cai bie afe Jerusalem jaináíadinodicaíza. ²⁷ Juzíñamui Cuegáuai bie izóí daide:

Oiniño, úruenidío íadi, mai caimare o iri;

Urue jócuai izírenafuena onóñedingo, mai caimare o róiri.

Mei úrue jocóñena jira dotácango, ñue ogángo baimo jítoíaireítio, daide

²⁸ Amatiai omoi cácarei, cai bie Sara jíto Isaac izóidinodícaí. Juzíñamui uícodo lloga jítoíaidícaí. ²⁹ Mei jaii aféruillaimo íaillínoí illa izóí, birui afe izóí ítaícaí. Aféruimo come comeci jítainamona jocócamie Ismael, afe Juzíñamui Joréñodo jocócamie Isaacina fiénidífuena racade. Biruillai afe izóí ítaícaí.

³⁰ Mei Juzíñamui Cuegáuai ¿nié izóí daide? Afeuai daide: “Afe jofu ero ocuífiregangona íe jíto díga oni oreri. Mei ocuífiregango jíto, afe ócuiñegango jíto díga dájena jofu naama feci ráaniaina maíñónideza.” ³¹ Amatiai, bífuemona onódícaíza: Cai bie ocuífiregango jíto izóíñedícaí, mei jíáifodo cai bie buna ócuiñegango jíto izóídícaí.

5

Izire ocuññena dibéfuemo omoi ífríreiri

¹ Cristo afe ocuica uáimona oni eneno jírenogacai, lláveñeganona cai illena. Afe dibéfuemo ñue jaícina omoi iri. Meine dáanomo izire ocuilla uai anamo abina maitátaiñeno iri, mei lláveñeganona ítiomoíza.

² Cuemo omoi cacáreiri. Omoi llotímie Páblodícue; jira ómoína dáitícue, bacano ícoí quétáfue jeire omoi óíadi, Cristo ómoimo ráífiñeite. ³ Nane ómoína dáanomo daííacadícue: Omoimona dámie íe bacano ícoí quétátaadi, nana jíáie Moisés ocuica uáillaina ícoímo fuitárede. ⁴ Moisés ocuica uai jeire omoi uáimona Juzíñamui anamo ñue jaícina omoi íacaniadi, jae Cristo dibénemo

dúifnediomi. Daje izói Juziñamui caína izíruillafuemona oni eneno itíomi. ⁵ Mei cai jiáifodo onódicaiza: Juziñamui Ñuera Joreño, daje izói ie uai ñue cai inuado, Juziñamui anamo ñue jaícina cai illífuemo úiñoidicai. ⁶ Iemona daí Jesucristomo ñue jaináidicai. Iemo cai jaináidi, afe quétafue caimo ráifñeite. Cai quetátaidi, nibai cai quetátañeniadi, daje izói ráifñeite. Mei jiáifodo afemiemo cai inogafue ua ñue ráifide. Afe bie cai inogafue jiáie cómena naa Juziñamui diga cai izíruillena canode; áfemona Juziñamuimo cai inogafue iere ráifide.

⁷ Fueñe Juziñamuimo ñue inofirediomi. Mei íadi birui, ¿bu afe ua uaina ómoina fáicanocaitaga? ⁸ Juziñamui áfena ómoina fáicanocaitañede! Afemie ómoina caimare uáidofiredeza. ⁹ Bífueña féitañeno iri: Pan finóadi afe aillo fáitate raa tamédiaoi. Due jiza fáitate raa jónega íadi, nana afe magáfecina aillo fáitate. ¹⁰ Juziñamuimo cue inuano, afemie ómoina ñue rairuilla onódicue. Ja onódicueza, cue daináfueмона oni jiáifodo comeci fácañeitiomoiza. Bífueмона omoi comécina oni nibéfodo féitaitimiena Juziñamui duere finoiteza. Afefue llotimiena Juziñamui raa daíñeite, afemie nibai illaíma, nibai jamáimie.

¹¹ Amatiai, cúemona jiáifue llóiticue. Mei bacano quétafuena nai ocuícicuena judíuai nibai cuena fállena rácañeitiaoi. (Mei íadi cue íaioi fállena rácana onódiomi.) Afe izói cue llóidi, Cristo cruzmo tilla ñuera rafue íaioina rícaitañeite. ¹² Mei íadi afe onina bite omoi gáguabitino dani íaioi jiñjina, comini meróniai ie ñetaina izói ñétaitaioiza. (Afémaci méaicailena Pablo daí daide.)

¹³ Amatiai, mei jiáifodo uáidogamacidiomi, ráiruñeganona omoi illena. Ua ja birui ráiruñeganona itíomoiza, mei íadi afe o rairuñenamona, comécimo fieni itífuiaína finóñeno iri. Mei jiáifodo afe ómoimo ite izíruillafuedo ñuera ocuífreganona omoi iri; daí conímana cánoitiomoiza. ¹⁴ Mei nana jiáie ocuilla uailai daa bie ocuica uaimo dájena itíaioi. Be níuai: Dama o abina o izíruilla izói, afe izói o abí cómena izírui. ¹⁵ Mei íadi ómoimona dani conímana fue erodo omoi éoia, daje izói úradoillano conímamo omoi rícaidi, ómoina niné táinocaitaiteza; afe izóidemona abí omoi rairuiri.

Come comécimo fieni itífuiai Juziñamui Ñuera Joreño mona jiáifodo jóide

¹⁶ Omoina cue dainafue bie izói jóide: Juziñamui Ñuera Joreño dibénemo mai áfemo omoi illafue jónefireiri. Afedo omoi comeci fieni finóacanafuiai finoñeitiomoiza. ¹⁷ Mei dani cai comécimo comuide fieni finóacanafuiai Juziñamui Ñuera Joreño na úitafirede. Nane abido dájena Juziñamui Ñuera Joreño cai comeci fieni finóacanafuiaína uítafirede. Afe ménafue jaca conímana uítaoifirede. Iemona omoi comeci jitaina izói figo finónidiomi. ¹⁸ Mei íadi Juziñamui Ñuera Joreño ifócaomoi íadi, Moisés ocuica uai anamo ñeitiomi.

¹⁹ Comini comécimo fieni itífuiai dibénemo jaináidino íaioi finócaigafuiai jino uáfodo onórede. Be nífue: Afémaci jirufue íemo íaifue finófirediaoi; jiáie fiénidifue rairuilla uaina náfueñediaoi. ²⁰ Afémaci jánaraimo caimátaifrediaoi. Daje izói fue boréfueña finódiaoi; daje izói jiáimana éoifrediaoi. Dájena caimare inédiaoi; úradoifrediaoi; ráañederi raire iere rícaifrediaoi. “Fueñe dama cúeiena finoiticue” daífirediaoi. Comínina bozítaitaiaoi; jiáimana énenoruidiaoi. ²¹ Afémaci jiáima raari

úradoifirediaioi. Daje izói afémaci cómena titáfirediaioi. Jífairediaioi; fieni jéerie íaioi güilla llezica conímamo riire lléjellejediaioi. Bizóidifuiaina afémaci jaca finóicaide. Nauti uícodo omoí cue lloga rairuilla izói, nane birui ómoina ráiruiticue. Bie izóidifuiái finódino jaca Juzíñamui illáimana illáruimo jáinañeitiaioi.

²² Mei jáifodo Juzíñamui Ñuera Joreño cai comécimo bífuiaina cómuite. Aféfuiai bie izói jóide: Izíruillafue, ióbillafue, comeci uái illifue, comeci mánaicana úrillafue, comeci cáimafue; jeruñeno fecáfiredo. Jáíma dáinana raire jeire ófiredo. ²³ Afémie comeci mánaifiredo; comeci daina izói ie abi járitaiñeno ñue fáicana ocuífiredo. Bífuiaina rairuide ocuilla uaina ñede. ²⁴ Nana Crísto ja jáinaidino, íaioi comécimo nanómona itífuiaina, faga izói, féitatiaioi, naa íaioi comeci fieni finóacanafuiari. ²⁵ Iemona Juzíñamui Ñuera Joreñodo íredicai. Daí cai illamona, mei nana cai jetácagafuemo, afe Ñuera Joreño aféfuemo caina ífoiteza.

²⁶ Cai bie abina fieni ínonidicai. Afe izói cai íadi, conímaiai diga íciriticai, mei íadi afe izói mai cai ñeilli. Daje izói jáímari úradoifeno cai illi.

6

Conímama omoí canófireiri

¹ Amatai, ómoimona dámie fiénidifue mo baízáidenia omoí cióadi, ómomonu Ñuera Joreño dibénemo izire jáinaidino afe baíidimiena omoí canori, meine ñúefue dibénemo ie ílleza. Jaca comeci mánaínafuedo íena canori. Naga come afemo báiredeza, ie jira illa dígamie afe baíífirenafuemona abina rairuírede. Taife cai facátafue naga cómemo comuífiredo. ² Illa dígamiai conímama canófireiri, áfede jáímamo zuufue comuíaí ie comeci náirecailleza. Bie izóidedo Crísto ocuilla uaina ñue ícoimo fúitaitio mo.

³ Jamáimie illa llezica dámie abi ínota “Jamánomo ímiedicue” daííadi, afémie dama ie abi jífue. ⁴ Omoimona illa dígamie dama ie abi áadori. Mei aféfuena o jíruiaí, dama o abi ífuedo ióbitaitio; mei o illafue ñuera daíllena jáíma illafue dibénedo abina fácañeitoza. ⁵ Illa dígamierie dani caimo itífuiaimo náfuefireiticaí.

⁶ Juzíñamui uáillaina llófuegamie nana íemo ite ñuera ráaniaína dieze, meine ibana afe ie llófuetimie mo írede.

⁷ Mai jáífuerei omoí jífuefíñeno iri; jaca Juzíñamui buna báíñuano jífueñegaza. Naga come ie ríírega raa ríadi, afe llizíllana dama jofe óite.

⁸ Nanómona cai comécimo itífuiái ióbitaitifue cai finóadi, afe cai comécimo itífuiaimona cai tíllifue óiticaí. Mei jáífodo Juzíñamui Ñuera Joreñona cai ióbitaadi, afe Joreñomona zíñona cai illifue óiticaí. ⁹ Ie jira ñúefue cai fínuana, mai cai zefuíruíñeilli. Mei áfemo fáicanocaiñeno comécina náiredinona cai íadi, uire Juzíñamui mamécaruimo riga ófírena izói, ñúefuena maíñóriticaíza. ¹⁰ Afe jira, ñúefue fínuu llezica nana comínimo, nana cai abi ie máriedo ñúefuena finóredicai. Iemo Juzíñamui mo ínote cai ámatiamo, baímo aillo ñúefuena finóredicai.

Abí rairuillaui, íraicaiño uáiduaíue diga

¹¹ Mai ómoimo bie jéerie cue cúegamo omoí eroiri. Afe bie dama cue ónoído cue cuega. ¹² Afe quétafuena omoí ocuídino ñúefuedo lloñediaioi. Dama

comini uícomo ñue íaiói íllena daií daídíaiói. Daií ómoína ocuídíaiói, Cristo tílla ícoína jíáimaci afémaci rácaiza daií. ¹³ Mei afe quetácano, nana Moisés ocuica uai ñue ícoímo fuitáñediaíói. Mei íadi ómoína quetátaacadíaiói, omói íaiói quetátafuedo abí íaiói íinollena. Afe quétano omói abímo íllado íere abí ínotíaiói. ¹⁴ Mei cúemona dama cai Ocuíraíma Jesucristo tíllado abí ínotíaiói. Abí diné jíáífodo abí cue íinollena íñede. Mei Cristo cruzmo tíllado, nana bíniemo íte íénidífuíai faga izóí cuemo dúíñede. Afe íbana cue aféfuíaimo faga izóí jaináíñedicue. ¹⁵ Mei Crístomo dájena cai jaináínamona, ja afe quétafue ráííñede. Daje izóí íemo cai jaináínamona quetáñenafue jíái ráííñede. Mei jíáífodo cómuena meíne abído jocócamiéna cai ílla, íere jamánomo ráíííde.

¹⁶ Bie izóí daináuai jeire otínomo comeci caímare uái íllafue íteza. Daje izóí Juzíñamui ómoímo dúecaíllafuemo ítíomoiíza. Bie izóí daináuai jeire omói óíadi, Juzíñamui ua comínina jáítíomoi. Mai mei, Juzíñamui íe ua comínina ñúefuemo ézicíteza.

¹⁷ Ja bíruímona buna cuéna áífeduaíbíñeno íri, daídíaiói. Cue abímo íte boáfíai méífuai, cai Ocuíraíma Jesús táíjítagamíéna cue íllana onótate.

¹⁸ Daje Juzíñamuímo ínote cue ámatíai, cai Ocuíraíma Jesucristo nana ómoína ñue ézicíteza. Mai daíítadeza. Jae níe.

EFESO IMACIMO SAN PABLO ORECABE

La Carta del Apóstol San Pablo a los Efesios

Pablo Efésomo ite Juziñamuimo ñnotino rabedo uáidote

¹ Cue Páblodicue. Juziñamui comeci jítaina izóí Jesucristo orécamiedicue. Bie izóí daina ñúefue llujállena, ie ocuúcamiedicue. Efeso jófueimo ite Juziñamuimo jaináidino bie rabedo uáidotícue. Afémaci Jesucristomo ñue ñnotino. ² Cai Moo Juziñamui ñue éziciga dibéfuemo omoí iri. Daje izóí ie camare illáfuemo omoí iri. Cai Ocuúraima Jesucristo daje izóí ómoína bie ñúefuiaimo jóoneiteza.

Crístomo cai jaináinamona cai comécina náretatifuiái Pablo jino llote

³ Cai Ocuúraima Jesucristo Moo Juziñamuina ióbitaiticái, mei Jesucristomo dájena cai jaináinamona, afémie monámona nana cai comécina náretate ñúefuiaina jae caina éziciteza. ⁴ Nai énie comuífñena llezica, Juziñamui Jesucristodo caina nizede, ie eróicana nífuenino ñue finócamona cai illena. ⁵ Jaiái uícodo caina izíruillano ie comeci jítaina izóí, Juziñamui caina náamatade Jesucristodo ie jítótiaina cai jáillena. ⁶ Iemo ie izíruiga jítóoiri dájena cai illamona, afémie caimo dúecaifirede. Afe jira nágarui Juziñamuina ióbitaredicái, caimo ie dúecaillana iere figura cai daiífireillena. ⁷ Caimo iere dúecaillano, Juziñamui ie Jitó tiállado, ie die tóillado caina jállotote, mei áfede Juziñamui cai fiénidifuiaina féitateza. ⁸ Afémie cai ifoci ñue dénuamona, ie caina iere dúecaillafuena, afémie jamánomo ñue caina onótate. ⁹ Juziñamui jaiái uícodo mameca ónoñega ie comeci óiacanafue caina ja fidítate. ¹⁰ Bie Juziñamui uícodo mamécáfue ie fácaruimo dúcia, ñue ícoimo fúitaite. Aféruimo Juziñamui dáanomona nana éniemo ite náraiaína ie Jitó Cristo anamo itábicaítaite, naa bíniemo ite rílleníai, naa jíáie ráaniaíri. Daje llezica monamo ite rínonredino Cristo anamo ítiaíoi naa afénomo ite jíáie ráaniaíri.

¹¹ Jaiái uícodo Juziñamui caina nizede, Jesucristomo dájena cai jaináinado ie comínina cai illena. Nana bífuiái jica ia Juziñamui mamérilla izóí ñue joide. Juziñamui ñue onona dieze, afe izóí afémie ñue finófirede. ¹² Ja cai bie nanómona Crístomo ñnotinodicaiza. Juziñamui daií caina ñue nizede, afémiemo ite áillue ebíredifuiáido ñúefue íemo cai nitállena. ¹³ Daje izóí uáfuenta lloga, omoí jilloille uaina cacádiomoi. Cacáillano afe uaina omoí ñnuamona Jesucristomo jaináitagaomoi. Daje llezica Juziñamui jaiái uícodo llua izóí Ñuera Joréñona igáomoi, dama Juziñamui íeiediomoí daiíllena. ¹⁴ Afe Ñuera Joreño caimo illado, íco jíáiruido Juziñamui dainafue cai maiñóllena, uáfuenta onódicái. Afe ie lloga dainafue cai maiñólliruimo nai dúcífede. Mei íadi nana íemo jaináidinomo, fiénidifue jaca due íaiói jainaiñeillífue afémie llóite. Daií ie llua mei nana afémie cáiena lloga dainafue máínoíticái. Ie jira afe Juziñamuimo ite áillue ebíredifuiáido íena ióbitaredicái.

Pablo Juziñamuimo ñnotino ifoci ñue denóllena Juziñamuimo jicade

¹⁵⁻¹⁶ Iemona cai Ocuúraima Jesumo omoí ñnogafuena cue fidínamona, Juziñamuimo ómoíri “Íere figura” fáicaiñeno daiífiredicue. Daje izóí nana Juziñamuimo jaináidinona omoí izíruillana cue fidínamona, nane figura

daiífiredicue. Afe llezica Juziñamuimo cue jicáfírena dáaruido ómoimo jaca uibóifiredicue. ¹⁷ Juziñamui ómoimo jino llogáuaina ñue comécido omoi baitállena jicáfíredicue. Ua, cai Ocuíraima Jesucristo ebírede Moo Juziñamuimo jicáfíredicue, Juziñamuina ñue omoi onóillena. ¹⁸ Daje izóí Juziñamui omoi ifoci ñue denóllena jicádícue. Afemona Juziñamui uáidogano úiñoga ñue cómuitífuaiaina ñue ónoitiomoi. Daje izóí Juziñamui omoi ifoci denóllemona íemo jaináidinomo, Juziñamui fecalle ñuera ebírede cáimafuíaina ónoitiomoi. ¹⁹ Iemona bie izóí ónoitiomoi: Juziñamui iere ñuefuiaina ríinoredimie. Afe bie íemo ite áillue ríino ja birui nana íemo ínotinona ñue comécido íaioina canode. ²⁰ Naui Juziñamui, daje bie íemo ite áillue ríinona cai onóillena, Cristo tíllanomona meine abido cáatate. Daií íemo ite áillue ríinona comínimo jino iere uáfori ciótate. Afe daje ríinodo Cristo cáatajanona, monamo ie nabézimo Juziñamui íena rainade. ²¹ Dinomo jamánomo ocuídillaimana Juziñamui íena jóonete. Iemona nana jíáie ríinoredínuiái Cristo anamo itíaiói, naa jíáie ocuífiredínuiári. Daje izóí nana illaini Cristo anamo itíaiói naa jabóidillainiári. Daje izóí nana mona eromo ite ríinoredínuiái, Juziñamui ie aillo ríinodo Cristo anamo dájena jóonete. Nana jíáie mameca ríinoredino cai comeci facáacana dieze, daje izóí Cristo anamo itíaiói. Nana biruimo itínuiái ie anamo itíaiói, naa ico jíáiruillaido itínuiári. ²² Afe dáaruido Juziñamui nana ráaniaina Cristo anamo jóonete. Daje llezica nana Juziñamuimo dájena jaináidinomo, Juziñamui Cristo ifócina mameide. Iemona ifoci cai abi ocuilla izóí afémie íaioina ocuífírede. ²³ Mei jíi, Jesucristomo dájena jaináidino ja Cristo abina mamécaiaíoi. Afe jira afémaci nana Cristo comeci ífuiaina iere jeire otíaiói. Mei dama Cristo nana ráfuiaina ñue ícoimo fuitátatimieza.

2

Juziñamui caina izíruillado jíllodicai

¹ Omoi fiénidífuiaimona nai tíidino izóí omoi illa llezica, Juziñamui Cristo tíllamona meine abido cáatajado afe dáaruido ómoína cáatate. ² Naui afe fiénidí fue dibénemo are itíomoi. Biniemo ite fiénide nairai illa izóí are itíomoi. Afe llezica omoi ánodo lláifoide fiénide joreño jítaínafue finófiredíomoi, mei afe joreño nana fiénide jóriái nahí ocuíraimaza. (Afe daje fiénide joreño Taife.) Juziñamuimo jíeruífedínona afémie riire ocuíoide. ³ Naui jíáiruillaido nana cai afe izóí fiéni itícaí. Cai abi fiéni jítaínafuiái jeire ófiredicai. Afe nanómona cai comécimo ite cai óiacaiga fiénidífuena fáicanocaiñeno ícoimo finóoicaífiredicai. Daje izóí cai comeci fia fácafuiaina jeire otícaí. Iemona nana jíáimacina duere finóllemo dúina izóí, Juziñamui iere duere finóllífuemo dúidicai. ⁴⁻⁵ Mei íadi Juziñamui iere caina dúecaillano, nai cai fiénidífuiaimona tíidino izóí cai illa llezica, afémie caina izíruillano Cristo cáatajado dáanomo tíllanomona caina cáatate. Mei jíi, dama Juziñamui ómoiri dúecaillano jíllotagaomoi. ⁶ Uafue, Cristo Jesús cáataja llezica, Juziñamui afémie diga daane caina cáatate. Afe mei Juziñamui Cristo abimo monamo caina rainade. ⁷ Juziñamui daií finode, nana ico ninomo illáruillaido itínuiaimo afémie iere caina izíruillafuena onótallena. Ua, Juziñamui daií finode afémie Cristodo caina dúecaillafuena nana uícomo cómuitinomo fidíllena. ⁸ Mei jíi, Juziñamuimo ite ómoína izíruillafuedo afémie iere ómoína dúecaide. Ie jira, íemo omoi ínuado jíllotagaomoi. Afe jíllonafue

dani ómoimona comuñede, mei jáifodo afefue Juziñamui ómoimo comuítaga. ⁹Ñúefuemo are cai ñéfinamona afe jllonafue caimo fécañega. Ie jira áfedo buna abina ñnonide. ¹⁰Mei jii, Juziñamui nano fueñe comini finua izói, afémie ie joreñodo como jéiciganona ja cai finode. Iemo ja birui, jaiai uícodo ie mámia izói, Crístodo Juziñamui meine caína cáatate, ñúefuiai cai finóllena.

Ñue uái cai illifue Cristo caimo lloga

¹¹Iemona nauí omoi illáfuemo mai omoi comeci uibóiri. Judío nairai íeñediomoi. Ie jira judíuai “Bacano ícoi que táñegamacina” ómoína mamédaíoi. Dani afémacina cai bie “Íeizina quetácanodícai” daidíaiíoi; mei jaiai íaiíoi finófirena izói, íaiíomona nágamíai íaiíoi bacano ícoi quetácaza. ¹²Nauí omoi ínoñena llezica, Crístonona oni eneno itíomoi. Israel náraimo Juziñamui nízečanomo jaináíñediomoi; íemona Juziñamui íaiíomimo lloga íe ñuera finóllífuíai fidíñediomoi, naa uícodo íe lloga cáimaduafuíaí díga. Aféruíllaido Juziñamuina onóñeno, bíniemo zuure itíomoi, mei caimare omoi ocuírillifue íñédeza. ¹³Nauí Juziñamuimona íere oni jica itíomoi; mei íadi ja birui Cristo caíri túllamona, íe díe túllamona, Juziñamuimo ánozítagaomoi. Ja Crístono dájena jaináídiomoi. ¹⁴Cristo jáímána cai ícíríñafue comuítatímie, mei dama afémie judíuai judíoñedíno díga dáaziena finode. Iemona íaiíoi bacáuai ímáciñediomoi. Nauí ómoína oni eneno itátate éoinafuena ja Cristo níne féítate. ¹⁵Dama íe abí ízi cácanado, ua íe túllado, ocuica uai ñue ícoímo fuitade. Fúítajano, áfena záítate. Afe ocuica uai íere rairuíde. Ie mei Cristo mena náraímona, judíuai judíoñedíno díga, dáaziena comue náraína finode. Afe ménade náraíai ja dama Crístono dájena jaináítagaíaiíoi. Afedo afémie cai coníma díga cai ícíríñafue nana caimo comúitate. ¹⁶Afe bie izói, Cristo cruzmo íe túllado, bie mena náraí dáamacína fínuano, nauí íaiíoi fuíríñafuena záítate. Afe llezica, Juziñamui díbéñemo ñue uái íaiíoi illifue Cristo afémacímimo jino denode. Dénuano, íaiíoina jeire otátate. Afemona comínímo Juziñamui caimare eroide.

¹⁷Cristo afe ñue uái cai ille uaina nana comínímo lluíbíte. Oníñemacímimo Cristo afe uaina lluíbíte. Omoi afe oníñemací izóídiomoi. Daje izói áinori íte judíuáímo, afe uaina afémie lluíbíte. ¹⁸Iemo Cristo cai jllotajamona, mei níbai judíuáídícai, mei níbai judíuáíñedícai íadi, nana cai afe daje Ñuera Joreñodo, Moo Juziñamuimo ánozífiredícai. ¹⁹Afe jira, Juziñamui díbéñemo ja oníñemacíñediomoi. Daje izói dani íaiíoi illánomo dúíñedíno izóíñediomoi. Mei jáífodo nana Juziñamuimo jaináídíno jaináilla izói, uafue íemo jaináídiomoi. Dájena Juziñamui náraídiomoi.

²⁰Nana omoi ebírede níga jáíllíraína dallíraide anáneco izóídiomoi. Cristo oréfiregamací llófueinafuena íere baítadínona ja jáídiomoi. Ua jáíllíraí jáícína maírí naídánía izói, aféfuemo ja ríire jóonegaomoi. Afe bie Cristo orécamací Juziñamui uai jino llóraíni. Dama Jesucristo afeco nahíllíraí izóídímie. ²¹Bie Nahíllíraímo izóídímíemo nana afeco Juziñamui nícana úite. Afe izói áfemo nana jófócaíai ñue jáícína jónega. Jófócaíai dallíraídemo dúina izói, daade Jesucrístono jaináídiomoi. Afeco nílla fuílla mei, jae Juziñamui ñuera íraícóna jáídiomoi; ñuera gairíraco izóídiomoi. ²²Daje izói Crístono dájena omoi jaináínamona, nana jáíie Crístono íñnotínomo dájena jaináídiomoi, daaco náraína Juziñamui íena, omoi jáíllena. Iemo Juziñamui Ñuera Joreño ómoímimo íllado Juziñamui ífírenaco izóídiomoi.

3

Jíllona uai judíoñedinomo llujállena Juziñamui Páblomo jóonenocaide

¹ Iemona Juziñamuimo ómoiri iere cue comeci facáfiredicue. Omoína izíruite Páblodicue; Cristo Jesús ñúefue ómoimo cue llujállena jira llavécamedicue. Omoi judíoñediomoi, íemo ómoína ñue íllena cue cánuu jira llavécacue. ² Ja ñibai Juziñamui cuemo jóonega bie táijinana fidídiomoi. Jii, Juziñamui ie cáimaduafuiai ómoimo cuena llotátate. ³ Juziñamui ie ñai jino lloñega nanómona mamérillafue cuena fidítate. Ie mei cuemo lluanu aféfuemo iere baitádimienu Juziñamui cuena jóonete. Afe ie mamérillafuedo ja nano íanori due ómoimo cueticue. ⁴ Aféfuena omoi facáduamona, afe ñai jino llóñega Cristo dibene illáfue iere cue baitajana ónoitiomoi. ⁵ Afe báinino comeci ie fácafue nauí jáiiruillaido bumo Juziñamui jino lloñede. Mei íadi birui Juziñamui ie Ñuera Joréñodo, ie eneno nizeca íainide orécamacimo aféfuena jae onótate. Daje izói jíáie ie uai jino llórainimo fidítate. ⁶ Afe jaiái jino raire llóñegafue bie izói jóide. ¡Cácare! Jíllona uaina ínuamona, judíoñedino naa judíuairi daje Juziñamui cai cáimaduafuiai dájena máíñoitiaíoi, mei dáamiemo jaináidiaíoi. Ua Crístomo, dáaziena jaináidiaíoi. Daje izói Juziñamui lloga Cristo Jesús caina ñue finóllifue judíuaimo dúina izói, birui judíoñedinomo ja dúide.

⁷ Cue jamáimedicue, mei íadi Juziñamui dama ie ríinodo, cue canóllena mamérite. Iemona afe bie ñúefue jíáimacimo llujállena jóonegacue. ⁸ Nana Juziñamuimo jaináidinomona iere erófenemo iticue. Mei íadi Crístomo íte facádonide aillo cáimaduafuiai judíoñedinomo llujáitimiena Juziñamui mamécacue. Afe bie cue llujállene iere cuemo ráifide. ⁹ Juziñamui jaiái ñinómona jino llóñega mamérillafue nana comínimo jino llóitimiena dama Juziñamui jóonegacue. Afe Juziñamui nana ráaniai finóraíma. ¹⁰ Juziñamui nana bífuiaína daí ífcaitade, nana íemo dájena jaináidinodo, nana monamo íte ríinoredino Juziñamui iere jamánomo naga ráfuiaína baitajana onóillena. ¹¹ Juziñamui jaiái ñinomo uícodo comeci mamérilla izói, nana bífuiaína cai Ocuíraíma Jesucristodo ñue ícoimo fuitade. ¹² Iemo Crístomo dájena cai jaináinamona Juziñamuimo ja ánoziredicai, mei cai ínuamona afémiemo meáiruifíedinona íticaíza. ¹³ Ie jira izire ómoimo jícadicueza: Birui omoi abiri duere cue zéfuidicueza, mai náinidimaci izói omoi íñeno iri; mei jíáfodo caímare omoi comécioiri; mei afe ómoiri duere cue zéfuia afe ómoimo ebírede nitaina izóidifueza.

Cristo iere jamánomo caina izíruitimiena íemo ínotino onóillena Pablo Juziñamuimo jícade

¹⁴ Ie jira cai Ocuíraíma Jesucristo Moo anamo caíñícido ana dújullanona nana íe comíni íena íemo izire jícadicue. ¹⁵ Nana éniemo íte íe comíni, naa monamo ítinuiai díga, afémiemona comuídiaíoi. ¹⁶ Cai Moo Juziñamuimo jamánomo ñuera ríino íte. Afe íe ríinomona, íe Ñuera Joréñodo, iere omoi comeci ñue náireíllena izire íemo jícadicue. ¹⁷ Afe llezica omoi ínogafuemona Cristo omoi comécimo nabáirifireíllena Juziñamuimo jícadicue. Daje izói Juziñamuina iere omoi izíruillena jícadicue. Iemo afe izíruillafue iere omoi jaináillena jícadicue. Nane dáanomoi omoi ínogafuiai jeire oga uaina ñue omoi ífócimo denóllena Juziñamuimo jícadicue. ¹⁸ Daje izói Cristo caina izíruilla omoi ónoillena jícadicue, naa jíáie íemo jaináidinori. Mei afe íe izíruillafue monáíllaji

aillona izóideza. Afe monáillaji ruícafene jica illana bu onóñede. Mei íadi afémie caina izíruillafue iere ruica are illa izóinana omoi onóillena jicádícue. Daje izóí áillue imani erai iere fuiri jica illa izóí, afe caimo facádonide Cristo caina ie izíruillafue omoi onóillena jicádícue. Afe izóí Cristo caina izíruilla iere monáillaji ana jica afórena izoide. ¹⁹ Mei jii, afe bie izíruillafue ñue omoi fidíllena jicádícue. Nana cai onórede aillo ráfuiai baímo, bie izíruillafue jamánomo áillue. Afefue omoi fidínamona, nana Juzíñamuimo ite aillo ñúefuiaiña ñue jaícina oruíziítiomoi. Mai, daií íteza.

²⁰ Ja birui ie aillo ñuera ríino, cai comécimo ífírenamona nana cai comeci fácarenafuiai baímo, afémie iere jamánomo ñúefuiai caimo finórede. Daje izóí nana cai jicárenafuiai baímo afémie iere finórede. ²¹ Ie jira aillo ebíredífuiai afe cai Juzíñamuimo mai cai nitalli, mei Cristo Jesumo dájena jaináitagacaíza. Mai mei Jesucrístodo jaca ninomo naga cómuitigimado aillo ñúefuiaiña Juzíñamuimo cai nitalli. Daiítadeza.

4

Juzíñamui Ñuera Joréñodo dáamacina maméidícai

¹ Nana bífuiaimona, omoi jaícina ñúefuedo macállena riire ómoimo llóitícue, mei cai Ocuíraíma Cristo ícoínia llavécamedícueza. Ua Juzíñamui uáidogamací maca izóí, omoi macállena izire ómoimo jicádícue, mei uafue ie uáidogamací ítiímoíza. ² Nana omoi, mai jiba abina íñoñedinona omoi iri; daje izóí comécina mánaidímacina omoi iri. Dani conímana izíruillano illa dígamie jíáímamo comeci járitaño omoi iri. Afe izóí conímana omoi dúceafíreiri. ³ Afe llezica mai Ñuera Joreño ómoimo comútaga dájena jaináinafue ñue rairuífíreiri. Ua, omoi dáaziena dani conímana comécina jacíruiñenafuedo dáamacina jaináifíreiri. ⁴ Daa cómemo da abi illa izóí, daade abi. Afe abi Cristo ie. Afe daade come abi izóidícai. Afe izóí Ñuera Joreño daade. Daje izóí Juzíñamui nana caina daa uire ñue finóllifueмо úiñotagacai. ⁵ Cai Ocuíraíma daade. Daje cai ínogafue jeire otícai. Daje izóí dáafueмо báutizagacai. ⁶ Iemo Juzíñamui daade; afémie nana íemo ínotimaci Moo. Afe izóí afémie nana comíni Naama. Afémie nana íficaidífuiai díbénedo ie comeci jítaínafue finode; nágaífuiaimo jetáfírede.

⁷ Mei íadi Cristo comeci jítaina izóí, cáimona illa dígamíemo jíáíforiede ñúefue finolle ríinona, Cristo caimo fecade. ⁸ Juzíñamui Cuegáuai daií uícodo daíde. Be ñíe:

Caífo monamo jailla llezica aillo nauí llaveca izóidíno afémíeoiri uite.

Iemo fia íga jíáímací cánuafuiaiña comínímo fecade, daíde.

⁹ Afémie caífo jailla daina uai jíáfue caina onótate. Afedo nauí uícodo fueñe afémie monámona ana bíllana fidídícai. Aféruido bie fiénidífuiaírede éniemo afémie monámona iere jica ana bite. ¹⁰ Afe ana bitímie, abído nana caífo ite monániai caífófenemo jáidímie dáamiede. Dínomo jaide, afénomona nana ie finócanuiaiimo illáimaíllena. ¹¹ Iemo afe bie Cristo illa dígamíena ñue ríinoretade jíáíforiede ñúefuiaiña finóllena. Dámíerie ie orécamacina afémie jóonete. Jááímacina Juzíñamuimona oga uaillaí jino llóraímana afémie mamede. Iemo jíáímacina cai jíllonafue uaina llotátate. Nai jíáímacímo ie comínina ñue úiñollena ocuide, íaíoi llófuellena díga. ¹² Afe daií cai Ocuíraíma

nana íeiena ñue fibítate, ie ocuica táijina ñue íaioi jetállena, íemo nana Crísto mo jaináidinona móonaitallena; mei afémaci Cristo abi izóidimaciza. ¹³ Afemona cai íinogafue dibénemo ñue dájena maméidimacina jáiticaí. Daje izói Juzíñamui Jítona cai onona dibénemo ñue dáamacina íiticaí. Afe daíí ñúefuíaína ñue izire jíeruitinona íiticaí. Uafue, nana ñúefuíaína Cristo izire jíeruilla izói, afe izói ñúefuíaína rairuúñeno iere jíeruiticaí. Jíeruillamona ñue móonaiticaí. ¹⁴ Ja úrue izóidinona íñeíticaí. Mei íadi jífueacadino comue llófueinafue llúamona, úrue izoide nai figo baitáñedinona jífueítiaioi. Íaioi comeci ñue fácajana raíre jáífodo méidoítiaioi. Bie jífuetino ebire lloga taino llúáfuedo bie úrue izóidino íinoga ñúefuíaína niné féítatiaioi. ¹⁵ Mei íadi conímama izíruillano, íemo uáfueña cai úrilla llezica, mai Cristo dieze cai móonailí. Crísto mo izire jaináillano nana ie comeci ítífuaí mai jeire cai ófireíllí, mei Cristo afe cai jainaina abi ífoci daínámie. ¹⁶ Afémie, ífócina íllamona, nana caína caímare ocuíoide; ñue daa cómena caína jaináitate, mei illa dígamie jáímiemo ñue dúinaza. Nana afe Cristo dáamiena jaináitagamací caímare dani jáímacirí táijina llezica, caímare ítíaioi. Ua Crísto mo jainaíde, daade abi izóidino naari conímama izíruillafuedo móonaícaíde. Móonailano caímare íte.

Crísto mo dájena cai jaináinamona comue illáfuedo macáredicaí

¹⁷ Iemona bie ómoína cue daííllí fue izói, cai Ocuíraíma mámedído ómoímo jóonenocaidícue. Ja biruímona, Juzíñamui onóñegano illa izói, mai omoí íñeno íri. Íaioi taino comeci úrilla uai daína izói ífrediaioi. ¹⁸ Íaioi comeci úrilla uai onóñeno jíítifomo ífébicaídiaioi. Juzíñamui comuítaga comue illafue afémacímo íñede, mei íaioi comeci rírenamona ja abina onóñedimacina jáidiaioíza. ¹⁹ Ja íaioi comeci meáfueña lloñédiaioi. Iemo nana íaífuíaí illa díno, afemo aillo gáínafuedo iere jeire otíaioi. ²⁰ Mei íadi afe daíí, Cristo llófueñegaomí. ²¹ Mei níbai, uáfueña Cristo illafue omoí cacana mei, íemo íte uafue uai dibénedo afémíedo llófuegaomí. ²² Íe jira nauí omoí fiénide illafue dibénedo izire ómoína daíítícue: Afe nanómona ómoímo ítífuaí, mai zabíde íniroí oni dúííua izói omoí meídorí. Afe nauí ómoímo ítífuaí jaca ómoína fiení fínde; mei omoí fiénide gáínafuaí jífuegaomíza. ²³ Mei jáííodo biruí cómuena méidoredíomí; nana omoí comeci óiacanafuaí méidorede. Nana omoí ífoci úrillafuaína méidoredíomí. ²⁴ Afe llezica comue comeci ítífuaí, comue íniroí jítaja izói, mai jeire omoí oíri. Afe comue ítífue Juzíñamui illa izói Juzíñamui comuíde. Iemo aféfuena jeire omoí úamona, omoí uáfueña íaidonide ñue illafue otíoímoí. Daje izói afe omoí comue comécímo ítífuaí omoí úamona, ñue jáícina jóíde illáfuedo jáítíomí.

²⁵ Iemona táínofuaí lloñeno íri. Mai jáííodo illa dígamie conímamo uáfueña úriri, mei nana cai dáaziena daje abímo jaináídicaíza. Afe abí Cristo íe.

²⁶ Omoí ícíríbicaiadí, afe ícíráfue ana fiénídfuemo ómoína uitátañeno íri. Daje izói daaruí náaruído are ícíríñeno íri. Raíre féítari. ²⁷ Due jiza omoí comécina Taífe illáímaillemo “Jíí” daííñeno omoí íri.

²⁸ Nauí meríriraíma baírodímie díga, mai abído meríríñeno íri. Mei jáííodo zefuírúíñeno táíjizairí. Iemo ñue táíjiferenamona o táíjina íba óítío; áfedo o jítaílle ráaniaí íbaitío. O íba mei, ua dúeredímacímo íaioí jítaílla raa íaíoímo fecáredío.

²⁹ Fiénde uáillaido iáire úriñeno iri. Mei jiáifodo ñuera uáillaido úrifreiri. Cacádinona comeci náiretalle uaido omoi úrifreiri, íaioina ñue ézicitalle uai diga. ³⁰ Daje izói Juziñamui Ñuera Joréñona zúuretañeno iri; mei afémie ómoimo íllado, jae Juziñamui íeiena mamécaomoi. Ua biruímona Juziñamui íllánomo ñue jaícina ómoina jíllotalliruimo, afe Ñuera Joréñodo Juziñamui íena ñue mamécaomoi.

³¹ Nana comécimo ite éoinafuiaina oni mai omoi féitari, nana ríufuiái diga. Daje izói nana icírillamona comuide riire úrillafuiái lloñeno iri, naa jiáie báíñuafuiairi. Nana illa diga fiénidifuiái niné féitari.

³² Iemo jiáifodo, illa dígamie jiáimie mo dúecaillano comeci mánaidimiena iri. Cristo íena omoi íllamona, Juziñamui omoi fiénidifuiái íbana oñede. Afena féitateza. Afémie féitaja izói, afe izói illa dígamie jiáima finoca fiénidifuenta omoi féitafreiri.

5

Juziñamui úruiaí izói cai íllena Pablo caimo lloste

¹ Juziñamui izíruiga úruiaí omoi íllamona, mai afémie illa izói omoi iri. ² Cristo caina izíruilla izói jiáimana omoi izíruifreiri. Mei jí, caina ie izíruillamona Cristo cai jiáinona fecácamié. Afémie Juziñamui íóbitallena titada fia fecaca rille izóidimie. Aferi Juziñamui íóbide. (Afémie díbenemo afefue ñue ziórede uguci izoide.) Mai afe izói conímana omoi izíruillado Juziñamuina omoi íóbitari.

³ Ja bie omoi Juziñamuimo jaináidíomoi, mai ómoimona ninó dáamie áinina llezica jiáie ringona jetáñeno iri. Daje izói nana jiáie íaifuiaina finóñeno iri. Jaca jiáie cómemo ite ráaniaimo úradoíñeno iri. ⁴ Íairede méaifuiaina bumó lloñeno iri. Daje izói táinodo úrillafuiaido úriñeno iri. Iemo jiámamo fiénide llagüeroilla uaina oréñeno iri. Mei bie izóidifuiái Juziñamui úruiaimo íeñedeza. Mei jiáifodo Juziñamuina iere figura omoi daífireri. ⁵ Jae cue lloga íima ringomo finoca fiénidifue bie izói jóide. Daa come nai áinina llezica, ringo jetáadi, fiénide. Daje izói ja ringo ua mei, jiáie ringo jetáadi, figóñede. Iemo íaifue naa úradoillafue diga finóadi, figóñede. (Afe úradoífidímie jamai jánarai íóbitadímie izoide.) Ja onódiomoi bie izoide fiénidifuiái finuana fibídímie, Cristo Juziñamui diga ílláimana íllíruimo jaináinide. ⁶ Jiáimana táino uáillaido omoi jífueñeno iri. Mei afe bie fiénidifuiái finuamona, nana ie uaina cacácañedinona, Juziñamui iere duere fínoiteza. ⁷ Iemona, bie izói ite comíni diga omoi nabáiriñeno iri.

⁸ Naui nai omoi ínoñena llezica, jítifomo itíomoi; mei íadi birui cai Ocuíraimamo dájena omoi jaináinamona, ja úzefomo macádiomoi. Iemona ñue uáfodo macáidino izói mai omoi ífreiri. ⁹ Cai Ocuíraima Jesucristo egáíñote raa izoide. Iemona cai comécina ñúeitae. Iemo ua uaido caina úritade. Daje izói cai jaícina ñue íllifue comúitate. ¹⁰ Cai Ocuíraima ñue íóbitallifuenta, mai iere omoi onóicairi. ¹¹ Báinino macáidino finoca táinofue díbenemo íñeno omoi iri. Mei jiáifodo afe báinino íaioi finócafuenta uáfomo omoi cíotari. ¹² (Mei íadi afémaci báinino finócafuiái izói cai úriadi, caina meáiruitaite. Ie jira benomo rabedo jino ómoimo llóñeíticue.) ¹³ Mei íadi nana íaioi íllafue jino uáfodo cíotamona, afe fiénidifuiái iere íáirenana nana comíni ónoítiaioi, mei Cristo egáíñua úzefo, nana comínimo ua comécimo itífuiaína jino cíotate. ¹⁴ Ie jira bie izói daina:

Ímíðioza, mai cazi.

Tíidinomona mai náidacairi.

Iemona Cristo ie úzefomo ñue mácaitimiena ona jáitaite, daide.

¹⁵ Mei iemona, nágaruí omoí illáfuemo izire comeci omoí facáoiri. Naga fiénidifuiamona abi omoí rairuiri. Abina onóñedino izóí omoí iñeno iri, mei jááfodo ñúefuena baitádinona omoí iri. ¹⁶ Biruido aillo fiénidifue íteza, o illafue táinomo fáifitañeno iri; ñúefuiái omoí finófireiri. ¹⁷ Táinodo úritino izóí iñeno iri. Cai Ocuíraíma comeci jítainafuena ñue omoí baitáoicairi. ¹⁸ Jifáiñeno iri. Mei, afe jifáillafue come comécina aillo íaifueemo ana uitátate. Mei jááfodo Ñuera Joreño abí omoí úcaitari. ¹⁹ Illa dígamie jáímamo Juzíñamui uáillaido caimare omoí úriri, naa Juzíñamui rúairi. Daje izóí Juzíñamui Ñuera Joreño lloga rúaníai omoí roiri. Daí omoí rúado cai Ocuíraimana iere íóbitaitiomoza. ²⁰ Illa dígaruillai cai Ocuíraíma Jesucristo mámecido Moo Juzíñamuina naga ráaniáiri figora omoí daíifreiri.

Crístomo ínotinona cai illamona Pablo cai jofo eromo cai illafue llote

²¹ Illa dígamie jáíama anamo caimare omoí iri, mei Juzíñamui daí cai ocuídeza.

²² Cai Ocuíraíma anamo cai itábicailla izóí, naga ringo ie ini anamo itábicairede. ²³ Mei naga ringo ie ini ocuífrega, íemo jáíi ie ini ñue úiñogaza. Afe izóí nana Crístomo ínotino, Cristo ocuícaiaioi; daje izóí Cristo ñue úiñogaiáioi. Afémie afémaci illaíma. Daje izóí afémie íaioi Jíllotaitimie. Afémiemo ínotino íemo dájena jaináinamona, ja ie izóidiaioi; ja dáamiede abi izóidiaioi. ²⁴ Iemona Crístomo dájena jaináidinona afémie anamo illa izóí, naga inírede ringo ie ini anamo írede.

²⁵ Cristo íemo jaináidinona izíruilla izóí, mai naga íima ie aina izírui. Crístomo jaináidinomo Cristo ie abina fecade. ²⁶ Afémie daí ie abi fecade ñue íeiena íaioi illena. Daje llezica afémie íaioimo ite íaifuiái jáinoimo jococa muilla izóí, ie uaido íaioina muiñode. ²⁷ Cristo daí caina muiñode ñuera nífuenidímona ie uícomo cai cíocaizaillena. Uafue, nana mallizai izóí abímo comuídena duano ebire eroide, lliríñede abi ígoína caina finode. Jaca due jiza fiénidifueña fiéñede. Nana íaioína íeiena iere ñue finode. ²⁸ Afe izóí naga íima dama ie abina izíruilla izóí, ie aina izíruirede. Ie aina izíruitimie dama ie abina izíruite. ²⁹ Bu jaca dama ie abina éoiñede. Mei jááfodo cai abina ñue ecádicai, ñue úiñoticaí. Afe izóí Cristo íemo dájena jaináidinona ñue rairuide. ³⁰ Mei afémaci dama íeieza; ja daa ie abi izóidiaioi. Cai bie afe abímo jaináidicai. ³¹ Bífuiamona Juzíñamui daina izóí, dámie ie moo, ie ei diga, fáicanocaillano, ie ai diga dájemo jaináicaite. Jáinaicaillano, daade come abi izóí itaillinoi. ³² Bie daade come abi izóí íficaillafue, jáíamona áillue báinide rafue. Mei íadi afefue Crístomo dúide; daje izóí íemo dájena jaináidinomo dúite, daidicue. ³³ Mei íadi daje llezica ómoimona illa dígamie omoí abina izíruilla izóí omoí aina izírui, daííacadicue. Iemo naga inírede ringo ie inina ñue jacíruiredeza, daidicue.

6

¹ Uruiaí, omoí cacai. Crístomo ínotinodíomoza, o moo uai jeire omoí olle iere jítáirede, mei afe bifue Juzíñamuimo jáicina jóideza. ² Bie lletara uai llua mei, Juzíñamui dáanomo ñue cai illííue llote. Daí nana ie lletara uáimona dama

búaido Juzíñamui cai ñue illifue llote. Afe llétaja uai bie izói daide: “O moo, o ei diga, ñue jacíruiiri,³ áfedo caimare o íllena, daje izói bie éniemo are o íllena.”

⁴ Ja úruiairedino, mai omoi cácarei. O úruiaina comécina ríicaitañeno iri. Mei jiáifodo riire llétaja uaido ñue íaioina llófuefireiri. Daií íaioina ñue omoi móonaitari, cai Ocuíraima Jesumo ñue íaioi ínnollena.

⁵ Ocuíregano, mai omoi cacai. Biniemo ite omoi ocuídime dainana ñue jeire omoi oiri. Cristo ocuállamo o táijina izói o táijitatimie móonaitari ñue táijiri. Afémie ocuállana ñue jacíruiiri. O táijitatimie uaina nibéfodo oñeno iri.

⁶ O ocuídime eroille llezica ñue táijiri, daje izói afémie íñena llezica náamonaze ñue táijiri. Dama ocuídime eroille llezica, íocire táijidimena íñeno iri. Afe izoide táijide come jamai come íóbtade. Afe izói íñeno jiáifodo omoi iri. Cristo táijitagano izói, Juzíñamui comeci jítainafuena izire omoi finori, afémie omoi íóbtallena. ⁷ Comeci ñue jítaina izói caimare omoi táijiri. Jamai come íena táijifñeno, cai monamo ite Ocuíraima íena ñue omoi táijiri. ⁸ Mei ja onódiomoiza, illa dígamie ie ñue táijifirenado cai monamo ite Ocuíraimamona ñúefuena jiridoite. Rairucámie, ráiruiñegamie diga dájerize nano íaioi táijinaze jiridoite.

⁹ Ocuíredino, mai daje izói omoi táijitaganomo ñue dúcaifireiri. Afémacina fiñi omoi jácidoñeno iri. Daade cai Ocuíraima anamo nana dájena íticaiza, omoi úbicairi. O táijitagano monamo ite Ocuíraima anamo illa izói, o jái daje Ocuíraima anamo ítio. Afémie da cómena eneno maméñedeza. Illa dígamie dájerize mamede. Aféfuemo omoi úbicairi.

Jesumo ínotino comeci náireitalle abi ríidua uai Pablo llote

¹⁰ Mei ámatiai, cai Ocuíraima Crísto ite rínodo benómona mai riire omoi iri. Cai Ocuíraima Jesumo omoi jaináinamona riire abi omoi mameri. Mei, afémie jamánomo ríredeza. ¹¹ Juzíñamui lloga abi ríidua uai, ñue jeire omoi oiri, naa ie ñuera ézicigafuairi. Mei jii, dáarie comini abi ríidollena ñue fuiríllena llojécuroi jítádiaoi. Afe íaioi jita izói, nana Juzíñamui cai ríidua uai, mai jeire omoi oiri. Afe uaido Taife jífua uaina uáitarediomoí. ¹² Jamai abina mairide come diga fuiríñedicaí. Mei jiáifodo fiénide joríaí diga fuirídicaí. Afémaci caifo cai acónimo táifodo macádiaoi. Afe cai diga fuirífrede joríaí nana biniemo ite jítifodo jaide fiénidimacina fiñi ocuíoide. Binié comínina “Cáiediomoí” daííoicaidiaoi, mei “Omoi náamadicaí” daíífrediaoi. ¹³ Ie jira Juzíñamui lloga abi ríidua uáillaído abi omoi rairuiri. Afe bie uaido jobáirillarumo ñue abina ríidoitíomoí. Daií abina ríidoitíomoiza are ñue ríinoredinona ítiomoí. ¹⁴ Ie jira riire omoi iri. Fuiríraima círaigí ífe riire tírnua izói jizíñeno ñue íe fuiríllena, afe izói Juzíñamui lloga ua rafue jeire omoi oiri. Daje izói ñue jaícina omoi íllado nágarui ñue abi omoi ríidofireiri. Afe bie omoi jaícina illafue, fuiríraima jogobe ríidollena jítaca llojeco izoide. ¹⁵ Afe fuiríraima fuirízailla llezica íe idaí ico riire maiga izói, áfedo riire íe naidáillena, afe izói Juzíñamui comécina jacíruiñeno uai jeire omoi oiri. Afedo abina riire mámano, fiénidífua ómoína anáfenóñeíteza. ¹⁶ Iemo illa dígaruillaído Juzíñamuimo omoi ínnogafuena féitañeno iri, mei áfedo Taife caimo mameca fiénidífuaína oni caítarediomoí. Omoi ínnogafue jae fuiríraima abi ríidollena úifrega llojeco finoina escudo izoide. ¹⁷ Iemo

Juziñamui lloga jállona uai jeire omoi oíri, mei aféuai, ifo ríidollena jítáfirega ifo ico llojeco izoide. Iemo nana Juziñamui uáillaina mai jeire omoi oíri, mei afe Juziñamui uai, Ñuera Joreño ómoimo fecaca fuirira llojébici izóideza. ¹⁸ Nana bie cue ocuífauiai, mai Juziñamuimo jícano finori. Jaca Ñuera Joreño izire Juziñamuimo omoi jicáfíreiri. Bie izói omoi íllena, nana bífuaiaina fáicanocaiñeno ñue abí omoi rairuíocairi. Daje llezica nana Juziñamuimo jaináidinomo Juziñamuimo omoi jicáfíreiri. ¹⁹ Daje izói jíái cuemo jicáfíreiri; náiraimo cue úria, Juziñamui cue uai nabáilleza. Iemo jacíruiñeno íocire íaioimo cue úrillena, Juziñamuimo omoi jicari, nauí báinino lloga jállona uai jino comínimo cue fidítallena. ²⁰ Bie ñuera uaido comínimo úrillena Juziñamui orécamedicue. Afe uai ícoinia, ja birui llavécamedicue. Iemo, bífuedo ñuera llúájitimie izói jacíruiñeno naire cue úrillena, mai Juziñamuimo omoi jicari.

Jiraicaiño uáidua uaillai

²¹ Cai izíruiiga ama Tíquico, cai Ocuíraima Jesumo táijnana fáicanocaiñeno canófredimie. Afémie nana cuemo itífuiaina ómoimo jino llóite, naa jíáie cue finócafuiái diga. ²² Jira, bímie ómoimo orédicue, cue illafue ómoimo jino llóllena. Iemo jíái áfedo omoi náireficaillena, íena ómoimo orédicue.

²³ Moo Juziñamui, cai Ocuíraima Jesucristo diga, cai ámatiaimo ñue comeci uái illifue ómoina ñue onótaiteza. Daje izói Juziñamuina ñue omoi izíruiillena jicádícue. Ie jira Juziñamui omoi ínogafuena aillo mónaitaiteza daidícue, afe bífuiai omoi maiñóllena. ²⁴ Nana cai Ocuíraima Jesucristona féitañeno izíruiñona, Juziñamui ñue íaioina ézicíteza. Mai; jae níie. Daí íteza.

FILIPO COMINIMO SAN PABLO ORÉCABE La Carta del Apóstol San Pablo a los Filipenses

Filípomo ite Jesumo ñnotinomo Pablo llavéramona cuete

¹ Cue Páblodicue. Cue nabai Timoteo diga bibe ómoimo cuetícoco. Jesucristo táijitagamedicoco. Nana Filipo jófuego ite Juzíñamuimo jainaide ámatiaimo cuetícoco. Daa bibedo omoi cígiri ite ocuidillañimo, naa eneno mameca canódinomo, cuetícoco. Cristo Jesumo nana dáaziena jaináidíomoi. ² Cai Moo Juzíñamui ñue ézicigafuego omoi iri, naa comeci caimare uái illafue diga. Daje izói cai Ocuíraima Jesucristo ézicigafue dibénemo omoi iri, omoi ie lloga comeci caimare uái illafue diga.

Pablo Jesumo ñnotinori Juzíñamuimo comécido úrite

³ Naga ómoimo cue úbicaifrenaruido, cai Moo Juzíñamuina: “Iere figura” daífiredicue. ⁴ Juzíñamuimo comécido cue úriadi, jaca nana ómoiri caimare jicáfiredicue. ⁵ Mei fueñe tainéinaruimona ua biruimo Juzíñamui ñúfuedo dáafuego naa ómoiri táijifiredicaiza. Afena figura daífiredicue. ⁶ Juzíñamui nauí omoi comécimo ñúfueña déitate. Afe ñúfueña déitalifue tainédimie ua Jesucristo billíruimo fáicanocañeno déitaoicaité. Afefue taino daíñideza onódicue. ⁷ Mei ómoína iere izíruillano nana ómoiri daíí comeci cue fácafue iere jaícina jóide. Afe izói daje cuemo iga ézicigafue, jeire otíomoi. Llavécamedicue íadi, omoi cueoiri jeire oga ézicigafue, ñúfue cue llujállena canode. Iemona cai jílloillifueña comínimo uáfueña ñue fidítaticue. Daje izói bífueña iere nahífueza daítaticue. Afe izói bie ñúfueña uáitaacadino uécomo daa bífuedo cai jílloillifuedo jaícina ñue úriticue. ⁸ Jesucristo ómoimo dúecaillano izíruilla izói, omoi cígiri iere cue íacanana Juzíñamui ñue onode. ⁹ Juzíñamuimo comécido cue úrillado ómoiena jicádicue. Dani conímána aillo jamánomo izíruillana jicádicue. Daje izói nana ñue fibíllafue abína omoi onóillifue diga, jicáfiredicue. Ua daíí ómoína jicádicue, ñúfueíai omoi níziana omoi fibíllena. ¹⁰ Afe bifue jeire omoi óiadi, omoi comeci ifue íainite. Daje izói Cristo billíruimo nífuenidinona lítiomoi. ¹¹ Daíí Jesucristo omoi illáfueña mámeite. Ua ria llizilla jofo úaina izói, ómoína mámeite. Ua aillo ñue finócafuiái omoi illáfueño Jesucristo mámeite. Afedo Juzíñamuimo ñúfue ebíredifue diga nítaitíomoi.

Cristo jítainafue cue fñuamona cue comeci ifue ráifide

¹² Amataí, omoi cácarei, cuemo zúidífuiaina omoi fidítaticue. Aféfuíai Juzíñamui cai jíllotalíuái jino llúana nahí uáfueña canode. ¹³ Benomo cue llavéinamona, nana nahíllaima jofo abí úíñorainí, ñúfuedo cue llavéinana onódiaíoi; ua Cristo ñúfue jeire cue úamona ja llavécamedicueza, áfena nana onódiaíoi. ¹⁴ Llavécacueña íaíoi ciónamona, ja nana ñnote ámatiaimona nabémaci iere náicaídiaíoi, Juzíñamui uai jino llóllena. Ua meáiruñeno uáfori jino llotíaíoi. Daje izói cue llavéinamona cai Ocuíraimona comínimo ñnotiaíoi. ¹⁵ Uáfueña dámerie cuemo úradoillano Crístodo úritiaíoi. Afémaci énenoruillano cue baímo jamánomoidimíena íacadaíoi; mei íadi jíáimíai comeci ñúfuedo jino llotíaíoi. ¹⁶ Dáarie dani íaíoi comeci óíacanafuíaido Crístona jíáifo

úrítaiioi. Cue llavébillafue baimo jamánomo raamo cuena jíritaiacadiaioi.
 17 Mei jiámaci cuena izíruillano Juzíñamui ñúefue jino llotíaiioi, mei nai benó
 llavéracomo cue illana onódiaioi. Ua Juzíñamui jíllloilluiai cue uáitañena jira
 llavécacueza onódiaioiza. 18 Mei íadi ¿cúemona níbai? Dáarie jaícina Crístodo
 úritaiioi; jiámaci Crístodo jízíreoicana úritaiioi. Mei daje ábiedo Crístodo íaiioi
 úriadi, cuena jaca ióbitade.

Afe cue ióbillá baimo jamánomo nai ióbioicaiticue. 19 Mei nana bífuiaimona
 nífuenino záiticueza onódicue. Ua cueri Juzíñamuimo comécido omoi úrillado
 ñue jíllloiticue. Daje izóí Jesucristo Joreño cue cánuado ñue jino jáiticue.
 20 Jesucristodo meáiruñeno cue úrillena cue comeci jítaillafue. Afe daje bífueimo
 iere ocuáridicue. Birui cue illáfuedo jiámaci Crístomo aillo ñúefue nitádiaioi.
 Afe bie nita baimo, nai jamánomo íaiioi nitállena jítaidicue. Níbai cáiticue,
 níbai tíiticue dama mei áfena lloñédicue. Dama Jesucristomo ñúefuiaina nita
 daidicue. 21 Nai tíñeno cue jáicaiadi, Cristo comeci jítainafue cue fínuana
 jamánomo naga raa baimo gáidicue. Iemona nai cue cáanafue ñuera; íemo
 jáíi cue tílle jamánomo baimo ñuera. 22 Mei íadi bie cue abido nai cue caana
 llezica, cai Ocuárima comeci jítainafue bíniemo jino denóllena táijífireitucue.
 Meita bie mena cuemo itífueмона nífue nizada óitícueza onóñedicue. 23 Nai
 feire jánaideza, bie ménafuedemona nífue óitícue. Aféfuena ñue cue onuille
 féirede. Mei jáífodo caífo Cristo diné cue jáillena tíiacadicue; bie izóidífue
 cúemona jamánomo ñuera. 24 Mei íadi jáíie izóí omoi cígido bie caana abido
 cue jáicallena, ómoiena iere jítaírede. 25 Mei daa bífuena jaícina onódicue; omoi
 díga nai cue ícaillena ñue onódicue. Omoi díga cue íllena jítaírede, omoi ñue
 ínogafue nágarui jeire omoi cue otátallena. Ua ómoiiri cue illa jítaírede, jae jeire
 omoi ua izóí afe baimo jeire omoi óllena. Daje izóí omoi ñue ínogafuedo omoi
 ióbioicaillena, omoi cígiri cue ícaillena nai jítaírede. 26 Mei daí nana omoi cígiri
 íticue. Afe uire cue bílledo Jesucristona jamánomo aillo ióbitaitíomoi.

27 Cristo ñúefuiai úbicailano, afe izóí nágarui omoi illafue ñue jaícina
 jóneri. Níbai omoi cue érozaiadi bífue jeire omoi úamona, omoi illa ñúefuena
 fidíacadicue. Daje izóí ómoiimona jica iticue íadi, daje omoi illa ñúefuena
 onóiacadicue. Afe bie izoide ñúefuena fidíacadicue: dáaziena caimare omoi
 jáináillana onóiacadicue. Daje izóí jíllloilluaimona lloga ínogouaimo izire
 omoi níciduana fidíacadicue. 28 Daje izóí omoi bacáuai ímíiaina due omoi
 jáicaiñenana cuemo omoi lloiri, daidicue. Afe omoi jáicaiñenafue, niné íaiioi
 táinocailífueña uáfodo jino llotátate. Mei íadi daje llezica omoi jíllloillífueña
 uáfodo jino llote. Bie omoi onóitainafue Juzíñamui díbénemona bite. 29 Mena
 rafue Juzíñamui ómoiimo mamede. Nánorafue daide:

Cristo uaina iere jeire órediomoiiza.
 Nane jáífue daide:

Cristo ñúefue jeire omoi ua méifomo, afémie ícoiri duere zefuífirediomoi.

30 Cue naa ómoiiri daje fuirilla izóidífueimo iticai. Naui cue fuirídímie izóí illana
 ciódiomoi. Ja birui fuirídímie izóí, nai cue jáicana ráfuena onódiomoiiza.

2

*Cristo jamánomo uáitagamiéna jaide ie méifomo Juzíñamui jamánomo ñue ébífue
 íemo nitade*

¹ Ja birui Cristo ómoína náicaitarede. Afémie ómoína izíruillano, comeci zúurenamona omoi comécina cáimacaitarede. Ie Ñuera Joreño omoi diga ite. Conímana izíruillafue dúecaillafue diga afe dibénemo itíomoi. Nana bífuiaína omoi onónamona, mai cue omoi ióbitari. ²Ua caimare ñue omoi illífuedo cuena ióbitari. Afe izói daje izíruillafuemo omoi jaináinamona cuena ióbitari. Afe mei dájemo comeci jitáinafue jeire omoi úado cuena omoi ióbitari. Afe emódomo dáafuemo omoi comécinado cuena omoi cáimacaitari. ³Dani omoi comeci jitaila izói mamériñoeno iri. Fia abi ñnuafuedo nífueña lloñoeno iri. Mei íadi comeci mánainafuedo omoi mamériri. Omoimona illa dígamierie omoi aino cómena o baimo comécina ñuera, omoi daiífireiri. ⁴Dani omoi ñue illáfueña jenóñoeno iri. Mei íadi nana jáimaci ñue illáfueña omoi jenori.

⁵Cristo Jesús comeci mámia izói, dájemo comeci omoi mameri. ⁶Nano fueñe ie illa llezica afémie daa Juzíñamui izoide. Juzíñamui izói ie illa ríino afémie mo ite. Mei íadi ie fiénocaiga ríinona “Raire meine cue ollí” daiífíede. ⁷Mei íadi afémie Juzíñamui izoína llezica afe íemo ite ríinona oni eneno fiénocaide. Fiénocaillanona jiba iima jéicia izói Cristo jéiciga. Daií ie jéicínamona fia jamai táijitagamie bie éniédo jáicana izói jáicade. ⁸Jamai cómena ie illa llezica jamánomo comécina mánaidimiena abí mamede. Daií cruzamo ie Moo Juzíñamui daináuai jeire uano dama tízaide. Ua aillo meáire cruzamo tízaide. ⁹Ie jira Juzíñamui jamánomo aillo ñúefue íemo nitade. Ua áfemona nana jáiae mámeciai baimo jalléidicina Juzíñamui íemo jitade. ¹⁰Daií bie mámecina Juzíñamui íemo jitade, nana comini ie anamo dújuillena. Ua afe Jesús dainácina íaioi cacánamona nana monamo itínuiái, bie éniemo itínuiái, daje izói énie anamo itínuiái cañícido ie anamo dújuitaioi. ¹¹Daií dújuillano nana comini comécido íena ónuano, Jesucrístona nahí Ocuíraimana dáititiaoí. Daií dánado Moo Juzíñamuimo ñúefue nítaitiaoí.

Crístomo jaináidino bínie egáíñotino izóidiaoí

¹²Mei jira, cue izíruiga ámatiai, nauí omoi cígiri cue illa llezica jaca ómoimo cue llogáuaina jeire otíomoi. Ja birui ómoimona jica itícuemo, nauí omoi úana izói, afe baimo aillo jeire omoi oíri. Dani omoi jíllonafuemo comécina mánaidimie izói jacíruiocana áfemo omoi comécioiri. Aféfueña nana comínimo ñue jino omoi denóocairi. ¹³Mei Juzíñamui afe ñuera comeci óiacanafuai ómoimo fecádimie. Afémie dama ie comeci ñue jítainafuedo ómoína canófirede, omoi comeci ñue óiacanafuai jino denóllena.

¹⁴Bífuiai jino omoi denolle llezica nana omoi jetácafuiái fiéni úríñoeno omoi finori. Daje izói áfena júfidoñoeno omoi finori. ¹⁵Iemona bie izói omoi iri ninena jáimaci ómoimo íaifue jóneñeillena. Daií nífuenino omoi iri, áfemona íaifuenidinona omoi ílleza. Mei daií omoi íllamona, comécina íaifue mo féitate figóñede comini cígiri, Juzíñamui úruiaína mamélliomoiza. Iaioi cígiri, ucudu caifona bie jífirede énie egáíñua izói, ie izói comini comeci jífirenana egáíñoitíomoi. ¹⁶Afe egáíñuado zlíñoña cáataite uai íaioimo jino llóitíomoi. Daií Cristo billíruimo ómoiri meáidaiñoeno caimare abí ñnoitícue. Daje izói omoi ñue illáfuedo nauí ómoiri iere cue táijinafue táinomo jífanofíñenana onódicue. ¹⁷Nauí ñúefueña omoi ñnuaruimo dani omoi illáfueña Juzíñamuimo llotíomoi. Birui nai omoi ñnogafue ñue jáicina cue jóoniamona, níbai benó cue tíadi, áferi

cáimacaiticue. Afe llezica omoi cánuai biga ióbillafueri ióbidicue. ¹⁸ Daje izói caimare omoi iri; cue cáimacailla dibéfuemo jeire omoi oíri.

Timoteo Epafrodito diga Filipos comínimo oréillifue

¹⁹ Cai Ocuíraima Jesús comeci óiacania, Timotéona omoi eróizaitaiticue. Omoi illafue afémie abido cuemo lluaíbiadi, iere áferi cáimacaiticue. ²⁰ Cue comeci faca izói, comeci facade jiáie cómena iñede. Dama Timoteo cue izói comeci úrilla. Dama afémie omoi ñue illífuemo uáfueña comeci facáoifrede. ²¹ Nana jiáimaci dani íaiói comeci jítainafue jenódiaíoi. Cristo Jesús dibéfuena lloñédiaíoi. ²² Afémie cuemo ráifinafuena náganuaiimo jino ciótagaza onódiomoi. Ñúefue jino cue llócaillado afémie cue diga, jító íaicaide. Ua moo ie jító diga táijicana izói cue diga táijicaide. ²³ Cuemo ite itífuiai jino déillana ñue cue onóadi, bie Timotéona omoi méiñOtaacadicue. ²⁴ Cai Ocuíraima ñue ínoticue. Iemona nibai ómoína raire dama eróizaibiticue.

²⁵ Daje izói cúemona uáfodo jóideza, cue ama Epafrodito omoi cígimo jáireña. Afémie cue tájinana nabáifredimie. Daje izói fuirilla izói cue llócaigafue nabáifredimie. Mei íadi nauí cue jitaica raamo táijillena omoi cuemo orécamié, abido ómoimo orédicue. ²⁶ Mei afémie nana ómoína izire cióacade. Ie irárenana omoi fidínamona afémie comeci iere járitaide. ²⁷ Uáfueña iere irárede; tíllanomo figo dúcide. Mei íadi Juziñamui íemo dúecaillano íena jíllotate. Dama afémiemo dúecaíñedeza; mei jiái daje izói cuemo dúecaide. Ua Juziñamui cuemo dúecaide, cuemo ite zúufuiai baimo jiáie aillo comeci zúufuiai cuemo bíñeillena. ²⁸ Iemona íena iere orécadicue, raire afémiemo omoi érocaillano iere omoi íobicaillena, cue zúucaillafue raire niné féilleza. ²⁹ Bie Epafrodítóna mai jamánomo caimare omoi uáidori, Juziñamuimo izire jainaide ámaza. Nana ie illa izóidimíiai caimare jacíruioicana íaioimo mai omoi cacáreiri. ³⁰ Ua afémie Crístomo táijinafuendo tíllanomo figo dúcide. Dama ie cáanafue jacíredífuemo afémie jóonete cuena canóllena. Ua omoi bíninamona afémie cue cánuai billena iere jamánomo nícidote.

3

Uáfueña Juziñamui íobilla cai ñue jaícina illafue

¹ Cue ámatiai, mai cai Ocuíraima omoi íobioicairi. Cue cuezafue meine ómoimo cue lolle cuena áifedua izói íñeite, mei íadi ómoína iere ñue canode. ² Íairuiga jiba jico izói fiénidífuemo itímacimona abí omoi rairuiri. Omoi bacano ícoi quetátáfrediaíoi. ³ Cai bie ua quetácamacínaza. Cai bie cai joréñodo Juziñamui íobillamacidicai. Fia jínofenemo cioide raana íñoñedicai. Cristo Jesús íeíena cai íllari caimátáidinodicai. ⁴ Bífuiamo aillo cue íñoregafuiai ite íadi, áfena lloñédicue. Cue baimo buna aféfuiaimo íñonide. ⁵ Cue jocóinamona ocho dígarui íllamona cue bacano ícoi quetádiaíoi, mei nahí ísraelita nairai ímiedicueza. Cue bie Benjamín izíemo jaináidimiedicue. Cue jocóinanomona hebreo ímiedicue. Ua hebreo ímie jítódicue. Judíuai ocuífafue jino cue dobáíñuamona cue bie fariséodicue. ⁶ Jacire ocuíoídimie izói Crístomo jaináidino fállena íaioína racádicue. Judíuai ocuífafuemo lloga ñue jaícina illafue dibéfuemo, jaca nífuenidimiedicue. Bu úaitañegamiedicue. ⁷ Mei íadi nana bie nauí cúemona aillo ráifidífuiaína, ja birui aféfuiaína Cristo ícoína

náfueñedicue. Ua aféfuaiaina jamai ráifñedifuiai izói áfemo comécíidicue. ⁸ Afe baimo aillo jáífue mo comécíidicue. Cue Ocuíraíma Jesucrístona cue onóillífue, nana cuemo itífuiai baimo aillo ráifide. Iemona cuemo itífuaiaina féitaticue. Cristo ícoínia naga cuemo itífuaiaina cue féitaga. Ua aféfuaiaina oni dotáacaiga raa izói comécíidicue, afe íbana Cristo cue náamatallena. ⁹ Daje izói cue afémiemo jáináiacadicue. Ocuícafuena cue ínuamona ñue illáfue na llínoticue. Mei íadi afe ñue illáfuedo Crístomo jáináíñeiticue. Jesumo ínotinomo Juzíñamui iga nahí ñue illáfuedo Crístomo jáináitícue. ¹⁰ Cue comeci jítainafue Cristo cue onóillena. Daje izói ie tíllanomona meine abído cáatate ríinona, “Cuemo iri,” daidícue. Afémie duere zefuilla izói duere zefuíacadicue. Afe daí ie tíllaruimo ie illa izói íitícue. ¹¹ Afemona tídinuiai meine cáallífue mo ocúridicue.

Cristo fueñe cue ocuilla izói cue jáillena, fuirilla izói izire nícídocana uiticue

¹² Ja nana afe bie mamérillafue oticue daíñedicue. Daje izói comeci jáícina ñue jóidímiedicue daíñedicue. Mei íadi Cristo fueñe cue ocuilla izói íacadicue. Ie jira nágarui aféuaimo nícídocana uiticue, afémie cuena daína izói cue jáillena. ¹³ Cue ámatiai, bífuiaímo ja dúcidicue dama daíñedicue. Mei cue nahí finóacaigafue jáífodo jóide. Nauí cue illáfue na féitaticue. Afe llezica nahí como cuemo déioicaiticue mo ríire comécíidicue. ¹⁴ Aizídino raíre mózizailla izóidíno mo dúciacadicue. Juzíñamuimona fia jírídolle raa izoide cue llínuaíbillena, Juzíñamui monámona cuena uáidote. Crístomo cue jáináinamona afe jírídolle raana máíñoitícue.

¹⁵ Cáimona nana ínogafuedo ñue móonaitino, mai bie izói cai comécioilli. Jáífodo omoi comécíiadi, Juzíñamui áfena ómoína fidítaite. ¹⁶ Mei íadi bifue mai cai náfuelli: cai onóigafue izói mai ñue cai illi. Daje izói ñue jáícina mai cai comécioilli.

¹⁷ Cue ámatiai, nauí omoi cígiri cue íllana cíodiomoíza, afe izói omoi iri. Omoímo cue cíotagafue jeire otínomo izire comeci omoi facáoiri. ¹⁸ Ja aillo Cristo tíllafue na uáitatino íteza. Iemona diga icaiño afémacido ómoímo llotícue. Nane zuure ébicaillano dáanomo ómoímo llóitícue. Afémacimona abí omoi rairuiri. ¹⁹ Bie izói itino írairuimo niné táinocaitiaíoi. Dani íaíoi abí jítáinafuaiaina daídíaíoi:

—Bie cue juzíñamui, —daídíaíoi. Meáírede raana meáíruíñediaíoi. Mei íadi áfedo abí ínotiaíoi. Fia bie énie ífue mo comécíidíaíoi. ²⁰ Mei íadi cai nana caífo mona ímácídicaí. Cai nana, cai jíllotade Ocuíraíma Jesucrísto monámona bíllemo úíñoticaí. ²¹ Cai zíníñede abina afémie méiduaíbite, afémie ie abí ebire cíoina izói cai íllena. Afémiemo ite ríinodo naga raana náamatade. Iemona afe daje íemo ite ríinodo cai abí ífue na méidoite.

4

Jaca cai Ocuíraímamo caimátaíocairi

¹ Cue izíruiga ámatiai, mei ómoína iere cíoiacadicue. Omoi cue íóbioinamacídiomoi. Íemo cue jírídolle raa izóidíomoi. Ua cue izíruigamacídiomoíza; mai cai Ocuíraímamo jáícina ríire omoi comécioiri.

² Evódiana mámecíredíngo íemo Síntique diga, izire jicádicue, dáafue mo ómíngo comécíiri. Mei cai Ocuíraímamo jáináinamona ebúñona

maméidiomíngoza. ³ Daje izói jiáimíemo úriticue. O, cue tájinado jaca ñue cuena nabáidio. Ua cue ñnoga nábaidio. Jira bie cai miríngotiaina o canótaiticue. Mei afe íainguai cúeoiri afe jílona uai cue llócaínado nícidocaidiaínguai. Bíaínguai, Clemente diga naa jiáimíeoiri cúeoiri tájicadiaioi. Nana afémaci mámece ja Juzíñamui zíñfona illino óitino mámece cúeinanicomo cuega.

⁴ Nágaruillaído cai Ocuíraímamo mai omoi caimátaioicairi. Nane dánomo daidicue, mai caimátaioicairi. ⁵ Omoi comeci mánaína naga cómemo, mai cíotaitiomoíza. Cai Ocuíraíma billíruimo ánozideza. Cai áinori íteza.

⁶ Omoi comeci nífuemo járitaitañeno iri, mei jiáfodo naga ómoímo comuídifuíaina Juzíñamuímo úrilla llezica, afémiemo mai omoi lloiri. Daje izói omoi jitailla raana jicari. Afe llezica “Iere figura” mai omoi daíífreri. ⁷ Ie mei Juzíñamui comeci caimare uái illafue ómoímo íteza. Bie comeci uái illafue comíni onoiga táínofue baímo ñuera. Afe caimare uái illafue omoi comécina ñue ráiruite. Daje izói omoi comeci jarire úrillafuena ñue manánaitaite. Mei Cristo Jesumo daane jáinaitiomoíza.

Ñúefuíaimo comeci omoi facáoiri

⁸ Cue ámatiai, íraicaiño omoi llóitícue. Nana nahí uáfuíaimo omoi comécíiri. Daje izói nahí caimare jacíruioigafuíaimo omoi comécíoiri. Daje izói nana jaícina illáfuíaimo omoi comécíiri. Afe izói nana íainidifuíaimo omoi comécíiri. Daje izói nana íóbillafuíaimo omoi comécíiri. Daje izói nana caimare jalléinafuemo omoi comeci uibíoiri. Nana bie ñúefuíaimo omoi comécíoiri. Daje izói nana ñúefuena nitáfíreganomo afémacímo omoi uibíoiri.

⁹ Omoi cue llófuia izói mai omoi iri; ómoímo cue lloga lletárafuíaimo mai omoi áinori. Cue dánana omoi cacana izói, cue finócana omoi ciona izói, afe izói mai omoi iri. Iemona comeci caimare uái illafue fecáfírede Juzíñamui omoi diga ífíreite.

Filipo imaci fia fecaca raa Páblomo orédiaioi

¹⁰ Meine nane cuemo omoi comécíillari cai Ocuíraímado iere íóbidicue. “¿Níbaí mei cuena féitaiomoi?” ómoína daííacañedicue. Cue omoi canóacana raa átiítimie íñédeza, onódicue. ¹¹ Cue ráaninari ómoína fienu íacaiñedicue; cuemo ite raari cue íóbillana ja fibídícue. ¹² Duere cue íllana fibídícue. Daje izói aillo cue jitaica ráaniai íllana fibídícue. Nífuemo cuemo comuíadi, afe izóidífue cue ocuíllana ja fibídícue. Níbai jeíredicue, níbai juffruiticue; afe izói caimare cue íllana fibídícue. Güiga alla cuemo íadi, mei cuemo íñeniadi daje izói ñuera. ¹³ Naga cuemo eróicana comuíde raana ocuíredicue; mei Cristo cuena ráduado ocuíredicue. ¹⁴ Mei íadi cue dúerena llezica cuemo omoi dúecaíllamona, cue omoi cánua ñuera. Diga ícaíño duere cue finóinari omoi zúunaílla cuena nácaítade.

¹⁵ Omoi Filipo ímácídiomoíza, daje izói bífuena onódiomoi. Nano fueñe jílona uai cue llócaína llezica, daade cue canófíredínodíomoi. Ua Macedóniamona oni jiáínomo cue jaílla llezica daade cue canode Jesumo ínotínodíomoi. Fia fecaca ráaniai cuemo oréfíredíomoi. Afemona comínimo cue fecá izói, íemo íaíomona cue llánua izói, afe dájemo naa ómoiri tájídínodícai. ¹⁶ Nai Tesalónícomo cue illa llezica, omoi diga ícaíño, fia fecáfíreiga ráaniaína cue jítaicanaiína cuemo orédíomoi. ¹⁷ Fia ráaniaína cue llínoiacanamo comécííñedicue; mei íadi cue comeci jitaíllafue, Juzíñamui

uíecomó ómoímo aillo ii, daidícue. Iemona daíí aillo omoí ofítaga raana uire maiñóritiomoi. Afemo comécidícue. ¹⁸ Mei nana jae cue llíinoga. Afena cue jitaica ráaniai baimo ja llíinoticue. Epafrodítodo cuemo omoí oreca ráaniai figo baite. Baimo cue jitáillena iñede; ja aillo íteza. Cuemo fia omoí oreca ráaniai iere Juzíñamuina ióbitade. Daíí cuena omoí cánuado, Juzíñamui comeci jítaina finódiomoi. Aferi Juzíñamui ióbicaillano afémie áfena jeire ote. ¹⁹ Cue íinoga Juzíñamui nana omoí jitaica raana ómoímo fécaite, mei nana Cristo Jesús ebire comuítaga ráaniai Juzíñamuimo dúideza. Ie jira íemo aillo ite ráaniai izóí, afe izóí ómoímo fécaite. ²⁰ Mei ñuera ebíredífue cai Moo Juzíñamuimo jaca íoicaideza. Daíítadeza.

Iraicaiño uáidonocaillafue

²¹ Cue dibénedo nana Juzíñamuimo jaináidino Jesucristo mámeçido omoí uáidori. Cue diga ite cai ámatiai ómoímo uai orédiaíoi. ²² Nana benomo ite Juzíñamuimo jaináidino daje izóí uai ómoímo orédiaíoi. Romano nahíllaíma jofomo itino iere ómoína izire uáidoiacadiaíoi.

²³ Cai Ocuíraíma Jesucristo nana ómoína ñue éziciíteza. Mai daíítadeza; jae ñíe.

COLOSAS IMÁCIMO SAN PABLO ORÉCABE La Carta del Apóstol San Pablo a los Colosenses

Pablo Colósamo ite Juziñamuimo ñnotinomo cuete

1 Cue Páblodicue. Iemo cue nabai Timoteo diga ómoína uáidotícoco. Juziñamui comeci jítaina izói Jesucristo orécamedicue. Afe orécamedicue daiñacana uai, Jesucristo ññefuena llujítagamiedicue. Cue ama izóidimie Timoteo diga, 2 Colosas jófuego ite féitañeno ñnofirede ámatiaimo bibe cuetícoco. Omoi daje izói Crísto jaináidíomoi. Cai Moo Juziñamui ómoimo caimare eróicaiteza. Afe llezica Juziñamui dibénemo icíriñeno uái illifue Juziñamui ómoimo fécaiteza.

Pablo Jesumo ñnotinona Juziñamuimo úrite

3 Omoiena Juziñamuimo coco úrilla llezica jaca cai Ocuíraima Jesucristo Moo Juziñamuina “Figora” daiñfredicoco. 4 Mei Cristo Jesumo omoi ñnuana cócomo llotíaiói. 5 Afe bie izói itíomoi, mei monamo ómoimo éenoga maiñolle raamo ñue ocúritíomoi. Afe ómoimo lloga ua uai omoi cacánamona, ñue ocúritagaomoi. Afe lloga ua uai ñuera jillona uai. 6 Afe daje lloga uai náganuiáimo llócaillado oni aillo mónaioicaide. Ua, ríganíai llizilla izói, iere jebuide. Mei daje izói afe uai omoi cacana mei, omoi cígiri aillo jebuideza. Juziñamui caina izíruillana omoi cacana mei, afe izíruillana ua ráfueza ja omoi onónamona, afe ññefue ómoimo aillo oni mónaitagaza.

7 Cai izíruiga ama Epafrás bie ñuera uai ómoimo llófue. Afémie nauí cai méifomo afe uai llúamo táijide. Ie jira afémie ómoiena Cristo ñue ocuicamie, mei afe llezica afémie Crísto féitañeno iere ñnofiredimieza. 8 Afémie Ñuera Joreño ómoimo comútaga cuena omoi izíruillafue cuemo lluaíbite.

9 Jira áfena cai fidínaruimona biruimo jaca fáicanocaiñeno ómoiena Juziñamuimo úrifredicoco. Juziñamui comeci jítainana ñue omoi onóillena afémiemo jicáfredicoco. Daje izói nana jiaíforie ifoci úrillana omoi onótallena jicádícoco, naa Juziñamui dibéno onógafuiai. 10 Afe biemona cai Ocuíraima Jesumo jaináidino illa izói, ñue íredíomoi. Mei afe izói omoi ille jítáiredeza. Daií omoi illamona afémiena nágariú íobitaitíomoi. Afe afémie íobilla raa be ñue: Riga llizíllajai aillo illa izói, omoi finoca ññefuíaína aillo omoi jebuítallena; íemo jái Juziñamuina jamánomo ñue omoi onóillena. 11 Daje izói nana cai ebírede Juziñamuimo ite ñuera rínodo omoi ñue náireillena afémiemo jicáfredicoco. Daií jicáfredicoco nana ómoimo cómutifuiáína járitaiñeno fáicana omoi ocuíoillena. Daje izói caimare aféfuíaína omoi ocuíoillena ómoiena jicádícoco. 12 Nane daií omoi comeci náireillamona caimare cai Moo Juziñamuina “Tere figura” omoi daiñfirellena jicádícue. Mei nana afémiemo dúidíno ie fecalle zíñona illifue ómoiena batí Juziñamui illa úzeredíno omoi maiñóllena, afémie ómoína ñue finódeza. 13 Mei uáfueza, Taife ocuífrega jítifomona Juziñamui caina jillotate. Jílluno ie izíruiga Jitó illáimana illánomo caina jónete. 14 Mei afémie Jitó tállado, caimo ite íaífuíai féitajano, Juziñamui caina jillotateza.

Cristo t'illado Juziñamui diga ic'ir'iñeno dájena uái iticai

¹⁵ Afe bie cai Moo Juziñamui jaca cióñenámie íadi, comini ciónámie izói ie Jitodo ana bite; íemona afe Jitó Juziñamui ñie ua izóidena caina onótate, naa ie comeci ífuiari. Afe Jitó nana comuitaga ráaniai baimo jamánomoidímie.

¹⁶ Juziñamui ie Jitodo nana monamo itínuiaina finótate, naa éniemo itínuiari. Cíoide ráaniai naa cíoñena raa diga, nana afémiedo Juziñamui finoca. Mei uáfueza, daa fiéñeno, nana afe cai cíoñena rínoredinona naa ocuídillainiri, íemo jiái Juziñamui abi imaci diga, dáamiedo finócaiaioi. Nana afe ie Jitodo finoca. Daje izói afémie íena finoca. ¹⁷ Mei afe Cristo nana ráaniai nai íñena afémie jaca íteza. Daje izói dáamiedo nana ie finoca ráaniai oni féiraiñeno ñue jaícina itíai. ¹⁸ Afe baimo Cristo nana afémiemo jaináidino afe ifo dainámie. Íemo nane afémiemo ínotino ie abi dainamáci. Afémie afe bie ie abi daina ínotinona zíñona cáatatímie, mei afémie tídinomona fueñe meine cáadimienaza. Afémie daií fueñe meine cáadimiena jaide, nana itífuiai baimo jamánomoidimiena íllena. ¹⁹ Nana Juziñamui zíñona illa izói, nana afe izói Cristo íllena Juziñamui jitaide. ²⁰ Nane daje izói afe Cristo t'illado, Juziñamui nana afémie comuitaganuaina ic'irafuenino dájena caimare uái illífuemo jóoneacade. Mei uáfueza, nana bíniemo itífuiai naa comini diga, íemo jiái nana monamo itínuiari, Cristo cruzmo t'illado Juziñamui éoiñeno dájena caimare uái itátaacade.

²¹ Naui diga íaifuiai omoi fínuamona Juziñamuimona iere jicánemaci izóidiomoi. Daje llezica omoi comécido Juziñamuina éoidinona itíomoi. Mei íadi ja birui Juziñamui afémie diga ómoína ic'irafuenino dájena uái illífuemo jóonete. ²² Cristo t'izaiilla llezica ie abi izi cácanado, Juziñamui daií ómoína caimare dájena uái illífuemo jóonete. Afémie bie izói finode, íaifuenidínona, daje izói íiifuenidínona afémie uécomo cai ie jóoneíllena. Uáfueza, afémie bie izói finode íeiena cai íllena. ²³ Bie izói uáfuenta omoi íllena, fáicanocaiñeno jaca ínorediomoi. Afe izói amena ana jica jainade riire illa izói, riire írediomoi. Daje llezica ñuera jíllona uaina omoi cacánamona omoi maiñoca caimare ocuírillafuena fáinocainidiomoi. Afe bie ñuera jíllona uai ja náagobiaido llócaiga. Íemo afe izói afe llócaigamo cue jiái canódicue, mei afe uai llócaíllena Juziñamui jóonenocaigacueza.

Pablo Jesumo ínotino cánoitimiena jóonega

²⁴ Birui omoi ícoínia duere cue zefuíllari ióbídícue. Mei áfedo Cristo abi daina afémiemo ínotinori nana uícodo lloga nai duere cue zefuíllana ñue ícoímo fuitáredícue. ²⁵ Mei omoi ñue íllena Juziñamui cuemo jóonenocaigafuedo nana afémiemo ínotino cánoitimiena jáidícue. Mei uáfueza, Juziñamui nana comínina llóicaiga uai, afe uai jino cue llúana ícoímo fuitállena jóonenocaigacue. ²⁶ Afe bie ñuera uai jaiái ninómoma ua biruimo comini figo onóñediaioi; diga ígímaiai záilla méifomo afe uai nai retáiruiga raa izói joide. Mei íadi ja biruimo íeiedínomo ja jino báífitate. ²⁷ Juziñamui ja judíoñedinomo afe bie naui báinino ite uai ñuera áíllue cáimafuena jino ómoímo onótaiacade. Bie báinide uai daina, Cristo ómoímo illa llote. Íemo íco jíáíruido ñue caimare omoi illífuemo omoi ocuírillena afémie jino dénoite.

28 Cai bie Crístona jino uáfodo lloticai. Afe llezica nana comínina ñue rairuídicaí. Daje izói nana ñúefuiai ñue íaiói onóillena afémacina nana llófiredicaí. Afe izói naga come Crístomo dájena jaináillamona afémie dibénedo ñue íaiói móonaillena llófiredicue. 29 Bie cue fuitállena, nana Cristo cuemo iga máiriedo fúirienaila izói nágarui Juzíñamuimo izire jicáfiredicue.

2

1 Mei bífuena ómoína fidítaacadicue. Jaca ómoiena iere fuirilla izói Juzíñamuimo riire jicáfiredicue; daje izói Laodicea jófuego itino íena, íemo jíái nana cue uíecona cióñedino íena riire jicáfiredicue. 2 Afémaci comeci náireillena fuirilla izói Juzíñamuimo riire jicáfiredicue. Iemo afe comeci náireillamona conímána ñue íaiói izíruillena riire níciduano jicáfiredicue. Mei daíí dájena omoi jainaina jira, bie nauí figo báitañega uai Cristo omoi íinua mei, omoi diga íllana ñue jaícina onórediomozta. Afe daíí uáfori jaícina afémiena ñue omoi onóillena, riire níciduano nágarui Juzíñamuimo izire jicáfiredicue. Mei jíi, nana bie riire nícidotícue, figo ónoñega Juzíñamui ñuera uaina ñue omoi onóillena; mei afe báíñega Juzíñamui uai daína dama Crístoza. 3 Mei uáfueza, nana comeci jamánomo úrillafuiai naa onóigafuiai afémie mo ite. 4 Bu ómoína ebírede uáíllaido bifueñeillena, nana bifuíai ómoímo llóitícue. 5 Cue abí omoi cígiri íñede íadi, benómóna jicana izire ómoímo comécídídícue. Iemona daíí cue fídía izói dájena caímare omoi íllari íóbídícue. Daje izói fáicanocaiñeno Crístomo omoi ínuari íóbídícue.

6 Jae cai Ocuífiredé Jesucrístomo ñue omoi ínuamona ie lloga iodo jáirediomoi. 7 Afe bie daííacade, amena riire jáinaja izói, Crístomo riire jáinárediomoi. Iemo jíái daje llezica jáinónide jáíllirai izói omoi íllena, nágarui Cristo uailai jeire omoi ua baimo jamánomo jeire ófireiri. Mei afe izói llófuegaomozta. Iemo afe llezica nágarui Juzíñamuina “fere figura” mai omoi daíífireiri.

Crístomo cai jáinánamona cai comeci cómuena méidoga

8 Mei biruí ñue abí omoi rairuiri, baimaci omoi jífueacadeza. Afémaci táinodo ífoci úrillado, daje izói íaiói lloga taino uáíllaimo jífuebíñeno iri. Mei afémaci Cristo dibénemo íñediaíoi. Mei jíáífodo jáiai nínomo comíni lloga taino uai dibénemo jáináidiaíoi. Daje izói dama bínie raa dibénedo comíni comécíllafuiai mo jáináidiaíoi.

9 Mei íadi nana Juzíñamui zííñona ñue illa dieze, afe izói Crístomo nana ñue jaícina ite. 10 Iemona Crístomo dájena omoi jáinánamona, Juzíñamuina oruide comíni izóidíomoi. Afe Cristo nana monamo ite ocuídíllainina, naa cai cióñena ríñoredínona ocuífiredé. 11 Iemo nane daje izói Crístomo dájena omoi jáinánamona ja bacano ícoi quetácano izóidíomoi. Mei íadi ua quétañegaomoi, mei jíáífodo nanómóna omoi jocoina llezica ómoímo ite íaífuemona ja jíllodíomoi. Mei ua, bacano ícoi quétaja izói, omoi fiénidífuemona quetaca izói jíllodíomoi. Afe bie quetáfírena Crístonona comuíde. 12 Iemo nane jíáífuemo cacáreiri. Mei omoi báutizanamona Cristo éniemo ana raia izói ja raigáomoi. Bie nanómóna omoi fiéní finócafuiai titaca izói, ja fáicanocaitíomozta. Iemo Juzíñamuimo ite áíllue ríñonomo omoi ínuamona Cristo izói cómomíena afémie diga ja cáadímácina itíomoi; mei Juzíñamui dama íemo ite ríñodo Cristo tíide meine cáatateza. 13 Nauí jáíruido ómoímo ite íaífuiaimona comeci díne

tíidino izóidiomoi. Daje izói quetátañena judíuuiñedino omoi illa llezica, omoi fiénide óiacanafue jeire omoi úamona, comeci dine ónonino tíidino izóidiomoi. Mei íadi birui Juziñamui nana omoi fiénidifuiyai féitajano, dájena Cristo diga ómoína abido cáatate. ¹⁴ Caimo ite íaifue íballe raa izoide. Afe cai íbañenia tíiredicai. Mei íadi Cristo tíillado Juziñamui cai íbácana záitate. Afe cai íbácana Juziñamui fiébiñeno ñue íbaja Cristo cruzmo coráiado ácatate. ¹⁵ Mei afe llezica Cristo cruzmo tíillado, monamo ite ocuidillaínina, naa cióñena ríinoredinona afémie ríinitade. Afémie uáfori íaioi illáiena báiruado, nana afémaci baímo ie jamánomoidimie íllana ácatate.

Monamo ite ñúefuiaina omoi jenori

¹⁶ Mei bíemona ninó dáamie omoi güille dibénedo omoi jánana júfidoiadi, áfemo mai náfueño omoi iri. Daje izói omoi jírúa dibénedo ninó dáamie fiéni ómoína úriadi, áfemo náfueño mai omoi iri. Iemo jíái dáarie judíuui lloga ráfuiaimo eneno omoi coméciiñenado, ninó dáamie omoi jánana júfidoiadi, áfemo mai náfueño omoi iri. ¹⁷ Mei nana bífuiyai, uire Cristo billifue dibénedo comini ñue onóillena canódeza. Mei íadi Cristo billamona afe cai onótatífuiai jítaíñega, mei dama Crístomo nana uafue raa báífideza. ¹⁸ Iemona ninó dáamie ómoína fiéniruiadi, mei afémie táinona mánaidimiena íllana ómoímo ácatateza, áfemo náfueño omoi iri. Daje izói afémaci diga Juziñamui abi imaci ómoína íóbitafreíadi, áfemo náfueño omoi iri. Mei afémaci ónoñega nícai anado cióñirena raado úrifirediaíoi. Afémaci jiba come comeci fácafuiaido abi iere ínofirediaíoi. ¹⁹ Afémaci Crístomo dájena jaináíñeno itíaíoi. Mei jíáfodo Cristo nana íemo ínotino ífódimie. Afe ífo izói mamécamie nana ie abi écaja izói comécina náiretajamona afe abina móonaitade. Afe izói nana ie abímo jaináidino conímamo dájena jaináitajamona, ie abina móonaitade. Afémie Juziñamui mamérilla izói nana bífuiyai ocuífiredi.

²⁰ Mei Cristo tíillaruímo afémie diga tíidino izói jáidiomoi; bie daíacade nanómona omoi fiéni finócafuiyai titaca izói omoi fáicanocaigaza. Afe llezica bie énie ocuífiredi cai cióñena ríinoredinomona zuitácacaci izói jáidiomoi. Iemona ¿níbái mei nai bíniemo dúidino izói ífirediomoi? ¿Níbái mei ie ocuícafue mo jeire otíomoi? ²¹ Dáarie bie íaioi ocuica fimairilla uáimona bie izói daide: “Bie riñeno iri,” íemo jíái “Afeniaina güiñeno iri,” íemo nane jíái “Baie jetáñeno iri,” daide. ²² Nana bie rairuíllafuiyai bie éniemo ite jétamona fúioicaité güilleniaímo dúide. Jira aféfuiaímo náfuenidiomoi. Nana afe íaioi ocuica uaillai fia jiba comini daina uaillai. Daje izói fia jiba comini llófuega. ²³ Mei uáfueza, afe bífuiyai báitafuiyai izói cacáreide, mei afe ocuidino, “Bie cai daina izói monamo itínona mai omoi caímataífreiri” daí daidíai. Daje izói fia comini daina comécina mánaidinona ómoína oréacadiaíoi. Iemo jíái comini íaioi abi táinona duere zefuítatíai. Mei íadi nana bie íaioi ocuífuiyai cai comécimo ite fiénide óiacanafuiyai rairuíllena canóñede.

3

¹ Iemona, Cristo diga meine abido cáatagamaci omoi illa jira, mai mei mona dibénemo ite raa omoi jenori. Mei afénomo Jesucristo Juziñamui nabézimona illáimana íteza. ² Daje izói mona dibénemo ite raamo comécillano áfemo omoi jarítaiíreiri. Mei jíáfodo bíniemo ite ráfuiaimo izire comeci uitáñeno omoi iri. ³ Mei Cristo tíillaruímo afémie diga jae tíidinona jáidiomoi. Jae omoi jaiyai fiéni finócafue titaca izói afe omoi fáicanocaiga. Iemo ja birui

Crístomo dájena omoi jaináinamona omoi uáfuenta cáatagano; íemo jiái Juziñamui dínomo rairuícamoí, mei Cristo daje izói Juziñamuimo dájena jaináideza. ⁴ Dama Cristo cai uáfuenta cáatagano. Iemo afémie cíocaille llezica, afémie diga cíocaitiomoí. Afe llezica afémiemo ite jamánomo ebírede ñúefuiaimona ómoiena máifioitiomoí.

Cai jaiai illafue méiduano cómfuedo jáiredica

⁵ Ie jira nauí bie éniemo omoi jainaina jira, ómoimo diga fienu óiacanafuiai ite. Aféfuiai titalle izói mai omoi fáicanocairi. Naga ánidimie ringo diga jaca iñeno o iri. Iemo jiái, áiredimie ie áañedingo diga jaca iñeno o iri. Iemo daje izói jiáie cómemo íaifuaído comécíñeno omoi iri, íemo jiái omoi abímona comuide jiruífuenta omoi finóñeno iri. Daje izói omoi comeci fienu óiacanafuena jeire ofñeno omoi iri. Iemo nane jiáie cómemo úradoíñeno omoi iri, mei úradoíñeredimie diga raa óiacanamona jánaraimo caimátaidimie izóideza; Juziñamui ífuiai baímo jamai bínie raana izíruíteza. ⁶ Ie jira nana bífuiaimona íemo cacáñedinona Juziñamui iere duere finófirede. ⁷ Iemo jaiai Crístomo omoi íinoñena llezica, nana bie izóidífuiai finófirediomoí. ⁸ Mei íadi ja birui nana bie fáicanocairi: Jiáimamo icíríñeno omoi iri, íemo riírede uaillai bumo lloñeno omoi iri. Daje izói jiáie fiénidífuiai finóñeno omoi iri. Iemo jiáima jánana úriñeno omoi iri. Daje izói jiáima zanóllena fiénide uáillaído íaire úriñeno omoi iri. ⁹ Conímamo táinona lloñeno omoi iri, mei omoi jaiai fienu illafue jae méidogaza. Daje izói nano omoi finófirega jae fáicanocaigaza. ¹⁰ Iemo ja birui comue iníroi jita izói ñue illáfuenta ja méidotiomoíza. Iemo afe comue illafue comuítamie Juziñamui. Ie jira ie illa izói afémie caina cómuena finótacana uite. Iemona afémiena ñue ícoímo ónoíticai. ¹¹ Afe jira afe cómomaci judío ímiena ie íllana náfuenidiaíoi. Iemo jiái judíoñedimiena ie íllana daje izói náfuenidiaíoi. Iemo jiái afémaci bacano quetácamienna ie íllana náfuenidiaíoi; daje izói quétañegamienna náfuenidiaíoi. Afe izói afémaci oníñemaci íllana, íemo jiái onóñedino íllana, íemo jiái izire ocuífiregano íllana, íemo jiái ocuífinigano íllana náfuenidiaíoi. Mei jiáífodo afémacimo Cristo iere jamánomo ráifinamona dama afémiemo náfuefirediaíoi. Mei Cristo naga íemo ínotinomo ífiredeza.

¹² Iemona bífuego cácarei: Juziñamui ómoína izíruíte. Izíruillano afémie ómoína nízede ie íaifuenide comínina omoi íllena. Mei ie jira bie ñúefuiai izói omoi ífireiri: Jiáimacimo dúecaífireiri. Jeruíñeno canófiredimiena omoi iri. Comécina mánaidimiena omoi iri, cáimafuaído úrifireiri, járidoñeno omoi iri. ¹³ Conímamo jaca járidoñeno fíaicana omoi canori. Daa come jiáimamo icíríadi afémiemo ñúefuedo omoi jicari, áfedo icírafue záillena. Omoi íaífue ícoínia Cristo oni féitaja izói, afe izói jiáimie omo fienu finóadi afe ícoínia oni o féitafireiri. ¹⁴ Nana bífuiai emódomo iere omoi izíruífireiri. Mei afe izíruíllafue cómena dájena jaináitateza, jiáimaci diga. Afe daií jiáimacina cai izíruíllamona, nana afe ñúefuiai jaícina caina finótate. ¹⁵ Iemona Cristo comuítaga caimare uái illafue omoi ífoci úrillana ífoíteza. Mei dáamací izói íemo cai jaináinamona afe bie izói cai íllena Juziñamui caina uáídoteza. Afe llezica jaca Juziñamuína “Figora” omoi daiífireiri.

¹⁶ Mai mei nana omoi comécido Cristo daináuai jeire óredimoíza. Afe mei aféuai ñue omoi onónamona conímama omoi llófuerei. Iemo daje llezica áfedo conímama ñue onóicana comécina omoi náiretari. Iemo jiái Juziñamui

ióbitalliruai omoi rófireiri, jiáie íena caimátailliruai diga. Daií ruano omoi comécido Juziñamuina “Figora” omoi daiífireiri. ¹⁷ Mei jii, nana omoi jetáacagaraa, íemo jiái ómoimo ocuica caimánidifue diga, naa omoi daiíllifuiari cai Ocuíraima Jesús mámecido omoi finófireiri. Afe llezica Moo Juziñamuina afémiedo “Figora” omoi daiífireiri.

Cristomo ñnotinomo dúide comini diga fnófirega uai

¹⁸ Daje izói bie jiái lollífue mo omoi cácarei. Iníredingotiai, mai omoi inítiai anamo ñue ífireiri, mei Cristomo ñnotinguaina omoi illa jira, afefue ñnoredeza. ¹⁹ Daje izói inítiai omoi áitaiña ñue izíruiri; afénguaina fiéniruiñeno omoi iri. ²⁰ Uruiái, omoi móotaiña nága fuemo omoi cacáreiri, mei afe daií omoi illamona cai Ocuíraima ióbide. ²¹ Móotiai, omoi úruiaña ícidoñeno omoi iri, afémaci jacinaillamona minícana finónide daií íaiói íñeilla. ²² Ocuífiregano, biníemo ite omoi ocuínona nága fuiaimo ñue omoi cacáreiri. Daa afémaci ñue ómoimo comécillaña afémaci fia eroina llezica ñue cacáreíño, mei íadi jiái daje izói afémaci éroiñena llezica ñuera comécido omoi cacáreiri, mei Juziñamuina ñúefuedo jacíruiticaiza. ²³ Daje izói nana omoi finóacaiga raa, ñúefuedo finori. Comini dibéneo izói tájiñeno, Juziñamuimo o tájina izói omoi finori. ²⁴ Mei ja onódiomoiza, Juziñamui ómoimo lloga omoi jirídolle ziiñona illifue afémie ómoimo fécaiteza. Mei uáfueza Cristo ocuícamacina mamédiomoiza. Afémie omoi ua Ocuíraima. ²⁵ Mei íadi fiñi finódiñie afe ibana ie fiñi finua dieze duere finóbite. Mei Juziñamui jaca dáamie oni énenorie maméñede. Nana daje dieze jaícina duere fínoite.

4

¹ Ocuíraini, omoi anamo ite ocuífireganomo ñue jaícina omoi eroiri. Afémaci jitaica raamo uibíoicana omoi ocuífireiri. Mei monamo omoi Ocuíraima ítena onórediomoiza.

² Mai fáicaiñeno Juziñamuimo omoi úrífireiri. Jaca afémiemo cáaoina izói úriri. Afe llezica “Figora” Juziñamuina omoi daiífireiri. ³ Daje izói cáiena Juziñamuimo omoi jicáfíreiri, cai Ocuíraima uaillai ñue cai llócaillena. Juziñamui bie izói caina itátallena omoi jicari. Daje izói nauí comini figo ónoñega Cristo dibéneo uai, uáfori cue llófuellena omoi jicari, mei daií llófueredicueza. Nauí afefue cue llua jira ja birui llavébidicue. ⁴ Mai omoi Juziñamuimo jicari, bie ñúefue cuemo dúina izói, onóreoicana jino cue llóllena.

⁵ Cristomo ñnoñedino cigimo jaca ñue onódiñie izói omoi ífireiri. Nágarui Cristo illafue afémacimo raire omoi ácatafireiri. ⁶ Nágarui cáimafuiaido úriredio. Daje izói jaca ñue oíacanado o úriri, illa dígamie uai ñue o óllena.

Iiraicaiño uáidufue

⁷ Cai izíruiga ama Tíquico, cuemo birui itifue ómoimo llujáite. Afémie fáicanocaiñeno iere cue canófredimie. Daje izói afémie cai Ocuíraima cue diga ocuífiregamiena ite. ⁸ Ie jira afémiena ómoimo óreiticue, birui cai illafue ómoína onótallena; íemo jiái omoi comeci náiretallena. ⁹ Afe llezica jiámie Onésimo mámeciredimie Tíquico diga jáite. Afémie cai izíruiga ama, íemo jiái iere ñnofiregamie. Afémie ómoimaci ie. Afe íaillinoi nana benomo ífredifuiái ómoimo llótiailinoi.

¹⁰ Iemo cue llavébilla llezica cue nabai Aristarco, uaillai ómoimo orede. Daje izói Bernabé enaize Marcos uaillai ómoimo orede. Marcos dibéneo

jiáie lluáfuiái ja onódiomoíza. Afémie omoi méiñuáiadi, caimare íena omoi uáidori. ¹¹ Iemo jiái Jesús ómoína uáidote. Afémie jiái Jústona mámeciredimie. Juzíñamui illaíma illano dibénedo cue táijina llezica, daa afe bimaci judíuaimona Crístomo ínotino cue canódino. Afémaci iere daa cue íóbitadino. ¹² Iemo jiái Epafras uailái ómoímo orede. Afémie ómoímaci ie. Daje izói Cristo ocuífíregamie. Afémie ómoíena jaca izire Juzíñamuimo jicáfírede, fáicanocaiñeno Juzíñamuimo omoi ínnollena. Daje izói Juzíñamui dibénedo ñue omoi móonaillena íemo jiái nana Juzíñamui comeci jítaina izói jaícina ñue omoi finóllena, afémie Juzíñamuimo jicáfírede. ¹³ Afémie iere ómoímo comécíillana uaina nabáífredicue. Daje izói afémie jiái Laodicea jofue comínimo iere comécíífredie, naa Hierápolis jofue comíniri. ¹⁴ Iemo jiái izíruiга manóriraima Lucas uai orede, daje izói Demas.

¹⁵ Iemo jiái Laodicea jófue mo ite ámatiai uáidori. Daje izói Ninfas dainámie omoi uáidori, naa ie jofomo gairífredie ínotino diga. ¹⁶ Bie rabe omoi nana facádua mei, Laodicea Juzíñamuimo gairíracomo facádollena omoi oreri. Daje izói Laodicéamo cue oreca rabe omoi diné dúciadi, nana omoi facádori. ¹⁷ Jiái Arquípomo lloiri: “Mai cacai, Juzíñamui omo jónega ie táijina mai ñue jaícina o fuitari,” daiíri.

¹⁸ Cue Páblodicue. Afena uafue daiíllena, bie uáidua uai dama cue ónoído ómoímo cuetícue. Onóitiomoíza, cue mei llavébidicueza; ie jira Juzíñamuimo cue dibénedo úriri. Juzíñamui ñue ómoído eróíteza. Mai daiítadeza. Jae ñie.

NANOIDE SAN PABLO TESALONICA IMÁCIMO ORÉCABE

Primera Carta del Apóstol San Pablo a los Tesalonicenses

Tesalónicamo ite ñnotimacimo Pablo ie nabáñiairi rabe cuetiaioi

¹ Cue Páblodicue. Bie rabe Tesalónica jófuego ite Juziñamuimo gairide ámatiaimo cueticue. Benó cue diga ite cue nabai ñaillinoi Silvano Timoteo diga dáabemo cai uai cueticue. Moo Juziñamuimo dájena jaináidiomoi. Daje izói cai Ocuíraima Jesucristomo dájena jaináidiomoi. Cai Moo Juziñamui ézicigafuemo caimare omoi iri. Daje izói Juziñamui fecaca comeci ñue uái illáfuemo omoi iri. Afe izói ie jitó cai Ocuíraima Jesucristo comeci ñue uái illáfuemo omoi iri.

Tesalónica imaci ñaioi Jesumo ñnuafue ñue jino ácatatiaioi

² Nana ómoiri Juziñamuina “Figora” daiñifredicai. Daje llezica Juziñamuimo cai úrillamo nana ómoína uibóidicai. ³ Cai Moo Juziñamui uécomo ómoína uibóidicai, jamánomo ñnuafuedo omoi tájina jira. Afe llezica aillo izíruillafuedo comínina canócana tájifirediomoi. Ie emódomo cai Ocuíraimamo omoi úiñuafue jaca fáicanocaiñediomoi. ⁴ Cai ámatiai, Juziñamui ómoína izíruite. Afe Juziñamui nizécamacidiomoiza onódicai. ⁵ Meita naui jíllonafue ómoimo cai lluaíbillaruido aféfuena fia daína uáillaído lloñédicai, mei íadi Ñuera Joreño ríinodo lloticai. Daje izói afefue uáfuena ñue cue onóigamona áfena uai jiziñeno jino ómoimo lloticai. Omoi cigido cai ñue illáfuena, áfedo omoi comeci ñueillena onódiomoi.

⁶ Omoimo cai jino cíotaga illafue izói ja dani ñue macádiomoi. Daje izói cai Ocuíraima Jesucristo maca izói macádiomoi. Afe llezica cai llogáuaina ñue jeire otíomoi. Ua Ñuera Joreño fecaca cámafuedo afe uai jeire otíomoi, afefue ícoína duere finócaomoi íadi. ⁷ Iemona ñuera illafue jino cíotatinona ífcaidiomoi. Ua nana Macedonia éniemo ite ñnotimacina, daje izói Acaya éniemo ite ñnotinona fidítatiomoi. ⁸ Mei jira Ocuíraima Jesucristo llogáuai ómoimona nana Macedóniamó énie Acaya énie diga jica jalleide. Ie mei afe baímo Juziñamuimo omoi ñnogafue jae náganíaimo jica jalleide. Ie jira jae cai jíáfodo daiñífue ññede. ⁹ Mei afeno imaci omoi ñue caina llínuafue llotíai. Ie emódomo jánaraimo omoi ñnuafue fáicanocaillano caade Juziñamuimo omoi ñnollena llotíai. Afe ua caade Juziñamuimo omoi como fueñe tájinafuedo úritiaioi. ¹⁰ Ie baímo tállanomona Juziñamui cáataga Jitó, monámona meine bíllena ie omoi úiñuafue llotíai. Afe meine abido cáataga Jesús, cai jíllotaraíma; ua uire biite cai iere duere finóllifuemona, aféme caina jíllotaite.

2

Pablo Tesalónicamo tájinafue

¹ Amatai, naui ómoído cue illafue fia táinomo baíññede, dani áfena ñue onódiomoiza. ² Afe cue billa uícodo Filipos jofue comini caina báññota duere caina finódiaioi. Mei íadi Juziñamui cai cánuamona afe ñue jíllonafue uáfodo

jacíruiñoeno ómoimo jino lloticue, jiáimaci caina uáitaoidiaioi íadi. Afena onódiomoi. ³ Cai comeci jífueinamona ómoimo cai llogáfuiái lloñédicai. Daje izói fienu ómoína maméñedicai. Daje izói ómoína jífueacañedicai. ⁴ Omoimo cai llogafue jiáifodo joide. Cai figomiellena Juziñamui facátagamacidicai. Nue jíllonafue uai Juziñamui ómoimo caina llotátate. Mei jira daíí ómoimo jino lloticai. Comini baimo Juziñamuina íobitadicai, afémie cai comeci ífuiái eroille jira. ⁵ Ebírede uáillaído ómoína fia bífueñedicai. Afena onódiomoiza. Iemo fia úcube cai óllena táinofuiaina lloñédicai. Juziñamui bífueño uai nabáiraimana afefue uáfuelena. ⁶ Comínina ñúefuiaina caimo nitátañedicai. Mei íadi omoi onódiomoiza; daje izói jiáimaci onode, cai Cristo orécamacidicai. Afemona ocuilla ríino caimo ite, omoi cai ocuillena. Aféfuemo ómoína izire cacáreitaredicai. Mei íadi afe izói ómoína ocuñedicai. ⁷ Jiáifodo ómoína icíño fiaicana omoi cigimo llófueticai. Ua úrue ei úruiaí comuitaja úiñua izói, ómoína dúecaillano izruiticai. ⁸ Omoína jamánomo izíruiticai. Iemona Juziñamui lloga ñúefue ómoimo llóllena ñue ja finóbidicai. Afe baimo nana cai comeci ífuiái ómoimo fecáacadicai, ómoína iere cai izíruillamona. ⁹ Amatíai, nauí cai jitaica raa cai óllena izire cai táijina, uibídiomoi. Ua daíí riire cai níciduana áfemo rabíoidiomoi. Mona naio diga táijifiredicai ómoimona bu abina jafue fínoñellena. Mei afe llezica Juziñamui lloga ñuera uai ómoimo jino lloticai. Afe uaina jai ínotimacidiomoi.

¹⁰ Jaca omoi uíecomo íaifuenino macádicai. Daje izói buna jífueñoeno macádicai. Nana omoi Juziñamui diga áfemo uai nabáifirediomoi. Daíí buna caimo nífuena nitánidiaioi. ¹¹ Mei illa dígamie omoi comécina náiretadicai, onódiomoiza. Daje izói úrue moo ie úruemo dúecaillano fíraja izói ómoína fíradicai. ¹² Juziñamui íeiena omoi maméinamona omoi jaícina nágarui ñue macálfue jítaírede. Afefue nauí ómoimo ocuidicue. Juziñamui ie náamataganona jírite ie illámmana illánomo omoi jáillena, afe llezica Juziñamui ebírenafuena omoi onóllena.

¹³ Bífuerei iere Juziñamuina “Figora” daíífiredicai. Cáimona omoi cacana Juziñamui uai dibéno, “Afe uai jiba come uai” daííñediomoi. Mei íadi aféuai illa izói, dama Juziñamui nahí uai jeire otíomoi. Afe Juziñamui uai ja omoi ínotino comécimo ñúefuiaina déioicaide. ¹⁴ Amatíai, cácarei. Omoi comínimona duere omoi finóbiadi, jae judéamo ite Juziñamuimo gairídino izói íficaidiomoi. Afémaci Jesucrístomo daje izói jaináidiaioi; mei íadi íaioi éniemo ite judíuaimona daje duere finóinafuemo duere zefuídíaoi omoi zefuilla izói. ¹⁵ Afe judíuai duere finódino cai Ocuíraima Jesuna fatíaioi. Jaiái ninomo dani íaioi Juziñamui uai jino llóraini fatíaioi. Afe judíuai dáarie jófueмона caina jino jíúdiaioi. Afémaci Juziñamuina íobitañediaioi. Daje izói nana comínina uáitaoidiaioi. ¹⁶ Mei judíofedinomo bifue cai llóiacaniadi caina rairuíacadiaioi. Daje izói aféfuemona afe judíofedino jíllollena, cai lloi daíí caina rairuíacadiaioi. Afe ícoinia íaioi fiénidífuiaí aillo offioicaide. Mei íadi birui ícoimo aféfuiaí ícoinia Juziñamui íaioina jamánomo duere finode.

Pablo meine Tesalónica comini eróziaicade

¹⁷ Amatíai, ómoimona nano níé dino oni jáidicai. Mei conímána cíóñedicai íadi ómoimo comeci facáoidicai. Afe jira izire ómoína cíozaiíacadicai. ¹⁸ Omoi illánomo cai jáillena mamériticai. Cue dama diga ícaíño iere jáiacadicue.

Mei íadi naga cai jáiacanaruillaido Taife llótaidogacai. ¹⁹ Mei ie jira ¿Minica mei cai úiñoigafuena? ¿Minica cai ióbillafuena? ¿Minícamona cai caimátailafue comuide? ¿Minícamona cai comeci zuitáinafue comuide? Mei cue llófuega Juziñamui uaina ñue ñnotiomoiza. Ie jira cai Ocuíraíma Jesucristo billíruimo daní omoi, daa bie cai comeci ióbillafuena. ²⁰ Uáfueña, omoi cai comeci zuitáinafueña, cai cáimafue ñiga.

3

¹ Mei jira afe baimo are cue úiñonidicue. Ie jira benó Aténasmo dama cue illífuena mamériticue. ² Afe llezica cai ama Timoteo ómoína eróizaitadicue. Afémie Juziñamui ñue táijitagamie. Afémie cai ñiga Jesucristo ñúefue jino llúamo táijide. Omoi ñnogafuemo ómoína ñue riire naire itátaite. ³ Iemona ómoimona buna baie duere omoi finóinamona omoi ñnogafuena féitañede. Mei afe bie zúufuiaiido duere cai finóbille jítáirede. Afena onódiomoiza. ⁴ Afe emódomo nauí ómoiri cai illa llezica afe duere cai zefuillífue ómoimo lloticai. Afe daíí ómoimo ja íficaide. Ja onódiomoiza. ⁵ Ie jira áfena ja iere cue ocuñenamona, omoi ñnogafuedo mácajana jicánotadicue. Mei Taife ómoína fiénidífueño baiítate izóinamona cue comeci jacíruioide. Daíí cai táijina táinomo jifánofide izoide.

⁶ Mei íadi ja birui Timoteo Tesalónicamona meine dúcide. Afémie ñue omoi ñnuafue izíruillafue ñiga cai lluaíbite. Caina izíruillano caimo omoi uibóinafue Timoteo lluaíbite. Ie mei ómoína cai cióacana izóí caina iere cióacadiomoi; daíí Timoteo caimo lluaíbite. ⁷ Iemona aillo duere cai finóinafue illa llezica omoi ñnogafuedo ñue jaícina omoi mácajana fididicue. Aferi cai comeci iere ñue firazite. ⁸ Cai Ocuíraímamo ja birui ñue jaináidiomoi. Afena cai onónamona caimo cómofuena comuide. ⁹ Ua ómoiri iere ióbidicai. Juziñamui uíecomo caina iere ióbitadiomoi. Afe aillo cáimafueri Juziñamuina íbana “Iere figura” fáicanocaiñeno daííredicai. ¹⁰ Mona naio ñiga conima uíecomo eróicana ómoimo cai úrillena Juziñamuimo izire jicádicaí. Afe llezica omoi ñnogafuemona nai fiébide uai jaícina cai fuitállena Juziñamuimo jicádicaí.

¹¹ Omoi cai eróizaillena daa cai Moo Juziñamui naa cai Ocuíraíma Jesucristori cai canóllena jítáidicai. ¹² Omoi ñnogafue oni móonaillena cai Ocuíraímamo jicádicaí. Afe izóí conímama omoi izíruillena jicádicaí; daje izóí naa jáimaciairi. Ómoína cai izíruilla izóí mai nana jáimacina omoi izíruiri. ¹³ Omoi comeci jaícina jónellena jicádicaí. Daje izóí cai Moo Juziñamui uíecomo omoi nífuenillena ñue finócafue jicádicaí. Iemona cai Ocuíraíma Jesús billíruimo méairuñeitiomoi. Aféruimo nana íemo jaináidíno afémie ñiga bené biite.

4

Juziñamui ióbitade illafue

¹ Cue ámatiai, omoi cácarei. Birui cai Ocuíraíma Jesús mámeçido izire ómoimo jicádicaí. Daje izóí izire ómoína llétaiticue; nauí ómoimo cai lloga Juziñamui ióbillafue daíí omoi iri. Aféfuena afe emódomo aillo omoi móonaitaocairi.

² Cai Ocuíraíma Jesús ríífuedo ómoimo lloga llétafuena onódiomoi. ³ Juziñamui dama ie nabaina finócamacina omoi jáillena afémie jítaide. Ie

jira nana omoi jiruífereño o iri. Dama nahí ai diga illa figona. ⁴ Ua Juzíñamui eróicana áireri. Afengo ua mei íena jámairuíño íena o izírui. ⁵ Juzíñamui onóñedino fia íaioi comeci fiení óiacanafuedo áirenaza, mei íadi afe izóí omoi íño o iri. ⁶ Daje izóí izire ómoína dáitícue, o abí come ie áina jífueta bairóño o iri. Daje izóí o abí come ie ínina jífueta meríño o iri. Afe bie izóí itínona cai Ocuíraíma Jesús, afémacina iere duere fínoite, ómoímo cai llua izóí. ⁷ Juzíñamui íaífuenidíno nágari cai íllena caina ocuide. Afe daí íe nabaina fínócamacina cai íllena ocuide. ⁸ Ie jira bie llogafue jámairuímie jiba cómena jámairuíñe; mei íadi Juzíñamuina jámairuite. Daje Juzíñamui íe Ñuera Joreño caimo fecaca. Afe bie Ñuera Joreño Juzíñamui íeiena caina ñue finode. (Afémie íena ñue fínódogacai.)

⁹ Juzíñamui ómoína llófuete conímana omoi izírullena. Ie jira jíaie ámatiaína omoi izírulle cue llóllena jítaínide. ¹⁰ Mei jíi, afe daí nana Macedonia éniemo íte ámatiaína ñue izírui omoi. Mei íadi omoi izírullafue aillo mónaioicaillena izire jícadícue. ¹¹ Caimare ñue illáfuemo mai ríre omoi iri. Daje izóí dani omoi nícídogafuíaí izire omoi llínori. Nauí omoi cai llua izóí mai ñue izire omoi tájíjiri. ¹² Afemona onínemaci omoi uáillaímo ñue cacáritiaíoi. Afe llezica omoi ñue tájinaímona mínicana jítaíñeí omoi.

Cai Ocuíraíma billafue

¹³ Amataí, tíidino íficailafuena omoi onóñenana jítaíñedicue. Aféfuena omoi fidíadi zúucaíñeí omoi. Jíaie cáailfuemo comécíñedino zuure jáítiaíoi. ¹⁴ Afe Jesús tíillano meine abido cáanafuemo cai ínuva izóí, afe daje izóí Juzíñamuímo ínotino tíidiaíoi íadi, Jesucrístodo Juzíñamui íaíoi cáatallífuemo ínoticaí.

¹⁵ Ie jira cai Ocuíraíma cai llófuéinafue ómoímo llóitícue. Afémie billíruímo cáímona cáadímaci tíidímácímona úcoficaiñeíticaí. ¹⁶ Mei dama cai Ocuíraíma ríre ocuille uaido úricana monámona ana bíite. Afe llezica Juzíñamui abí imaci illaíma uai cácaíte. Daje llezica Juzíñamui fícrede vudugoí cácaíte. Iemona Jesucrístomo ínotino tíidímaci nano fueñe cáaitiaíoi. ¹⁷ Afe mei aféruímo caade ínotino afe cáataga tíidino diga daane úille cígímo itábicaíticaí. Ua díno nana dáanomo itábicaíticaí, cai Ocuíraíma Jesucrístodo diga caífo táífomo cai cíozaillena. Afemona cai Ocuíraíma diga jaca ua níno mó zííñona líticaí. ¹⁸ Ie jira búaido conímana caímare omoi fírari.

5

¹ Mei íadi afe íraírullaído cue ómoímo cuelle jítaínide. ² Afe afémie billíruína ñue onóí omoi. Omoi due jiza úíñoíllíruímo cai Ocuíraíma dúciíte onóí omoi. Ua merírizaíbítímie naío billa izóí bíite. ³ “Comeci ñue uái illafue nana caímo íte. Cai jacírullafue íñede,” comíni dáina llezica níne íaíoi táínocailífué ónonino íaíoímo raíre zúíte. Ua ríngo úrue jócócana llezica ero izírena izóí, afe táínocailífué íaíoímo zúíte. Afemona jaca buna oni jíllonide.

⁴ Mei íadi, ámatiaí, omoi cácareí. Jítífo íñeí omoi, cai Ocuíraíma bíllemo jícaíñeí omoi. Ua, meríriraíma jacínaílla izóí jícaíñeí omoi. ⁵ Mei nana omoi úzefomo jáináínoí omoi. Daje izóí monánemacídí omoi. Naío imácíñeícaí; daje izóí jítfífo imácíñeícaí. ⁶ Ie jira jaca ínínidímácídícaí jáímaci ínia izóí. Afe jira cai abína ñue onóñafuedo cáaoíredícaí. ⁷ Índíno jaca

naio inídiaioi. Jífaifiredino jaca naio jífaífirediaioi. ⁸ Mei íadi monánemacina cai íllamona abina ñue cai onónafuedo cai íllana jítaírede. Jesumo cai ínuafuedo abina dani ríidoredicai. Daje izói jíáimana cai izíruillafuedo abina dani ríidoredicai. Ua fuíríraima ie jogóbemo jíaca llojécodo ie abi ríidua izói, afe izói bífuiaido dani cai abina ríidoredicai. Afe jíáfue, cai jílloillemo cai úiñoinafue ua ífomo jíaca ríidua llojeco izoide. Afedo fuíríraima ie ífona ríidote. ⁹ Mei cai duere finóbilla Juzíñamui caina maméñede. Mei íadi cai Ocuíraima Jesucristodo jíllonafuemo cai dúcinana Juzíñamui caina mamede. ¹⁰ Jesucristo cairi tíide daane afémie diga cai íllena; ua daje izói cai caadi cai tíiadi, afémie diga iticai. ¹¹ Ie jira uáillaído conímana omoi náiretari. Afe izói mai dani omoi comeci ríiretari. Ja birui afe bifue omoi fínua izói, baímo omoi fínóicairi.

Pablo ámatiai cáimafuedo lletade

¹² Amatai, omoi cígimo Juzíñamui uáillaído tájídino mai uaimo ñue omoi cacáreiri. Daí izire jíácídue. Mei afémaci cai Ocuíraima Jesucristo uai ómoína jeire otátataioi. Jesucristo mámedido ómoína lletádiaioi. ¹³ Iaiói caimo tájínamona, íaiói dánana ñue cai cacárellena jítaírede. Daje izói íaioína cai izíruillena jítaírede. Conima comécina omoi jacíruiñoeno iri.

¹⁴ Daje izói, ámatiai, ómoimo jíáie uai jóonenocaidídue: Afe uallai daí bie izói ite. Tájiacañedinomo íaiói tájijilleza ríire omoi lloíri. Comécina nánidinona mai omoi náiretari. Juzíñamui uai como jabo ínotinona mai omoi canori iere íaiói ínollena. Naga cómemo o comeci járidoñoeno mai omoi úriri.

¹⁵ Dámie fiení omoi finóadi afe iba úamana abi omoi rairuiri. Mei abido dájeicana jíáfodo ñue omoi finori. Conímamo ñue omoi finori. Afe omoi finóllífue izire omoi jenori. Daje izói nana jíáimíiaído ñue omoi finori.

¹⁶ Jaca caimare omoi iri. ¹⁷ Fáiñocaiñoeno Juzíñamuimo úriri. ¹⁸ Nágarui ómoimo íficaide raana, mai Juzíñamuina “Figora” omoi daíri. Mei Jesucristomo ínotimacina cai íllamona, afe izói cai daífirenana Juzíñamui óiacade.

¹⁹ Juzíñamui Ñuera Joreño cómemo úritallífueña rairuíñoeno omoi iri. ²⁰ Juzíñamui úritagamíia llogáfueña jámairuíñoeno omoi iri. ²¹ Nana daínáfuiái omoi facátari Juzíñamui llogafue ieniadi onóillena. Facátajamona ñúefueña jeire omoi óiri. ²² Nana figóñedífueмона mai oni omoi iri.

²³ Ja birui Juzíñamuimo jíácídue. Juzíñamui cai comeci ñue uái illafue caimo fecáfirede. Daje Juzíñamuimo, nana omoi ñue íeiena maméllena íemo jíácídue. Daje izói benómona cai Ocuíraima Jesucristo bíllemo, Juzíñamui omoi joreño, omoi comeci, omoi abi diga, nana jaca íaidoñoeno ñue úiñollena jíácídue. ²⁴ Omoi Ocuíraima Jesús dánana jaca oni jíáiuaimo únide. Afémie nana bífuiaína dúcitaite.

Íraicaiño uáiduano ézicite

²⁵ Amatai, mai Juzíñamuimo caimo omoi jícáfireiri.

²⁶ Ñue cáimaduano nana ámatiai omoi uáidori.

²⁷ Cai Ocuíraima ríifuedo ómoimo uai jóonenocaidídue bie cuebas nana ámatiaimo jino omoi facádollena.

²⁸ Cai Ocuíraima Jesucristo ómoína ñue éziciteza. Jae ñie. Mai, daítadeza.

MÉIFODO SAN PABLO TESALONICA IMÁCI MO ORÉCABE

Segunda Carta del Apóstol San Pablo a los Tesalonicenses

Tesalónicamo ite Juzíñamuimo ñnotimacimo Pablo ie nabáññiari rabe cuetiaioi

¹ Cue Páblodicue. Bie rabe Tesalónica jófue mo ite Juzíñamuimo gairide amatiaimo cueticue. Benó cue diga ite cue nabai íaillinoi Silvano Timoteo diga dáabemo cai uai cueticue. Cai Moo Juzíñamuimo jaináidiomoi. Daje izói cai Ocuíraima Jesucristomo jaináidiomoi. ² Ñue cai Moo Juzíñamui ézicigafuiaimo omoi iri. Daje izói Juzíñamui fecaca comeci ñue uái illáfuemo omoi iri. Cai Ocuíraima Jesucristo fecaca ézicigafue mo daje izói caimare omoi iri, ie comeci ñue uái illafue diga.

Jesucristo billa llezica, Juzíñamui éniemo ite fiénidinona duere finoite

³ Amatai, ómoiri Juzíñamuina “Iere figura” daiñfiredicai. Daií ómoína cai daiñllifue ñue jaícina jóide, omoi ñnogafue oni aillo móonaioicailla jira. Dani conímaiaína jamánomo ñue izíruioicaidiomoi. Iemona áferi Juzíñamuina “Aillo figura” daiñfiredicai. ⁴ Ua omoi iere ñnogafue jáie Juzíñamuimo gairídnomo aféfuerei ióbioicana úriticai. Jáimaci, Jesumo ñnoñedino, jacire omoi duere finóllena racádiaioi. Mei íadi afe duere omoi zéfuillafue cigiri, ñue comeci jaríreñenafue jino cíotatiomoi naa ñue omoi ñnogafuiai. ⁵ Ja duere finótagamacidiomoi, mei íadi Juzíñamui ómoimo ñue coméide ie illáimana illíruimo ñue ññfuenino omoi dúciillena. Bífue mona Juzíñamui jicánuafue ñue jaícina jóinana jino náiraimo cíotate. Afe Juzíñamui illáimana illíruido duere finócaomoi.

⁶ Mei Juzíñamui ñue jaícina finódime, omoi duere finódino ibana duere íaioina finótallena. ⁷ Ua cai izói duere finócamacidiomoi, mei íadi Juzíñamui cai izói ómoína caimare ocózinaitaite. Ua cai Ocuíraima Jesucristo bíniemo cíocailíruimo, afémie caina caimare ocózinaitaite. Aféruimo afémie ie jamánomo riñrede abi imáçiri monámona cíocaitaite; ua réiciai izoide cigido cíocaitaioi. ⁸ Juzíñamuina onóacañedino Jesucristo íaioína duere finótaibite. Daje izói cai Ocuíraima Jesucristo ññefuena jeire óiacañedino duere finótaibite. ⁹ Nana afe fiénidimacina jaca ñnomo jíllloño duere íaioína finótaitaite. Ua cai Ocuíraima uécomona jica ñnomo dótaite. Afémie ebire illánomona jica ñnomo íitiaioi. Ie riñnona óñoñeitiaioi. ¹⁰ Aféruido Jesucristomo jaináidino íena “Iere figomie” dáitiaioi. Daje izói nana ie uaimo ñnotino íena caimare ióbitaite. Ja ómoimo cai llogáfuena ñue ñnotiomoiza.

¹¹ Bífue jira ómoiri Juzíñamuimo comeci úrifiredicai. Omoi ññfuenino illafue Juzíñamuimo jicáfiredicai, Jesucristo jírígamacina omoi illa jira. Daje izói nana omoi comeci jitaina ñue illifue, ñue ícoimo Juzíñamui riñnodo fuitállena jicádicaite. Afe izói Juzíñamui uai omoi jeire úamona finócafuaí fuitállena Moo Juzíñamuimo jicádicaite. ¹² Bífue mona cai Ocuíraima Jesucristo mámeçi omoi nícidogafuedo ñue caimare úbicaitaite. Afe ibana cai Moo Juzíñamui cai Ocuíraima Jesucristo diga ómoína izíruillamona ññefuiai ómoimo nitaite.

2

Iere fiénidifuiaina oruúdimie billifue

1-2 Amatiai, birui jae cai Ocuíraima Jesucristo billífueña ómoína nauí cue fidítagafue emódomo uai nabáiacadicue. Afe izóí afémiemo dáanomo cai gairíllifue emódomo ja ómoímo llóiacadicue. Dáarie taino llotino cai Ocuíraima billírui ja dúcidez daídíai. Afemona omóí comécinafueña raire jíáfodo meidoñellena izire jíacáicai. Daje izóí jíáie taino llogafue ite. Afe taino llotino dáíifredíai:

—Cai llogafue Juzíñamui Joréñomona oga. Cristo ja bíteza, —daídíai; mei íadí aféfuerei jacínaiñeno omóí iri. Afe izóí omóí cacana fia júfidogafuerei jacínaiñeno omóí iri. Ie emódomo nie rabe omóí llínoia cai úrilla izóidibe, aféberi jacínaiñeno omóí iri. ³ Niémona táinofuemo jífuefiñeno abí omóí rairuiri. Ua Jesucristo billa úcodo, Juzíñamuina comíni uáitallifue uícomo cómute. Aféruillaído iere fiénidifuiaina oruúdimie cíocaite. Afémie dama nine táinocaille. Daí Juzíñamui íena mamede. ⁴ Bímie Juzíñamuina bacáuaredimie. Nana Juzíñamuido mameca ráaniaina bímie uáitano nine táinocaitabite; daje izóí nana Juzíñamuimo caimátaidinona anáfenuaíbite naa jíáie caimátailla ráaniari. Afémie Juzíñamuimo gairíracomo, afeco naama Juzíñamui izóí, ránazabite. Dámie “Cue bie Juzíñamuidíue” daílle.

⁵ ¿Nauí omóí diga cue illa llezica bifue ómoímo llotíue, íadí aféfuemo úibicaiñediomóí? ⁶ Afe fiénidifuiaredimie nai bíñellena jízilla raana onódiomóí. Afémie billírui raire cíocaiñellena Ñuera Joreño nai rairuide. ⁷ Afe jíáinomo lloñega fiéni illa maméinafue bie éniemo ja comuide. Aféfuena rairuúdimie cai cígimona oni ógana fiénidifuiái jamánomo jebuíoicaite. ⁸ Aféfuena rairuúdimie oni ollíruimo afe jamánamo íáíbadímie cíocaite. Iemo cai Ocuíraima Jesús ana billano, ie fuemo ite faidórafuedo afe íáíbadimiena títaite. Ua ie billa meáirenado afémiena nine táinocaitaite. ⁹ Afe jamánomo fiénidímie Taife táijnafuedo bite. Aillo íemo ite ríino ácataite. Afedo aillo cíórainina uaido finoca ráaniáído táinona jífueite naa jíáie taino onótate ráaniái diga. ¹⁰ Iemona afe íáiba naga fiénidifuiáído nine táinocaitallimacina jífueite. Jae nine táinocaitallimací, Juzíñamui ua ñúfueña jeire óiacañedino jaca jíllóñeítiaí. ¹¹ Afe jira Juzíñamui íaíoi fiénidífue ínuamona íaíoína íáíbado jífuetáite. Daje izóí táinofuiaina íaíoína ínotáite. ¹² Mei fiénidifuiái Juzíñamuina ñúéfue baímo íaíoi gáinamona, Juzíñamui íaíoína duere finótaite.

Jíllloillena nízcácano

¹³ Mei cai benómona jaca ómoíri Juzíñamuina “Iere figora” daíífredícai. Jae cai Ocuíraima izíruiga daje ámatiaídícai. Jaca jae nanómona Juzíñamui jíllloillena nízcamacídiomóí. Mei ua ñúéfue omóí jeire úamona Juzíñamui ómoína nízedo. Daje izóí caina ñúeítate Joréñodo Juzíñamui ómoína nízedo. ¹⁴ Afe jira cai ómoímo lloga ñuera jíllona uaido Juzíñamui ómoína jírrite, cai Ocuíraima Jesucristo illa ebíredífue díbenemo omóí íllena.

¹⁵ Amatiai, mai bífuemo jáicína omóí comécíiri. Omóí cígiri dama cue llogáfuiaina, ie emódomo nana rabedo ómoímo cue cuezáuíana féitañeno omóí iri. ¹⁶⁻¹⁷ Mai birui cai Ocuíraima Jesucristo cai Moo Juzíñamui diga omóí comeci caimare náretari. Mei jira cai Moo Juzíñamui ie comeci cámafuedo caina izírúite. Afe llezica afémie cai comeci zúrenafue

cáimafuena méidofirede jaca ninomo caimare cai illena. Daje izói Juzíñamuido ñue cai illifue cai úiñoillena afémie caimo jino llote. Afe izói omoi começi jaícina Juzíñamuimo jóillena jicádicue. Afemona bie nana ñúefuiaí daiírediomoí. Daje llezica afe ñúefuiaí jino comínimo ácatarediomoí.

3

“Cairi Juzíñamuimo omoi jicari”

¹ Amatiai, íraifue ómoimo llotícueza. Cairi Juzíñamuimo omoi jicari, cai Ocuíraima llogáuai náragobiaido raire dúciiteza. Afe emodo aféuai omoi jeire ua izói, afémaci jeire ólleza. ² Juzíñamuimo mai jaíáfodo omoi jicari. Bie íairede fiénidino cígimona cai zúitailleza, mai Juzíñamuimo omoi jicari. Mei nana comínimona nai nana íñoñediaioiza. ³ Mei íadi cai Ocuíraima jaícina uafue llotímie. Afémie jaíino fiénidifue mo omoi báíñeillena ómoína riire jaícina mozíoide. Daje izói íaífuiaimona ómoína rairuíoide. ⁴ Cai Ocuíraima ñue ínogamie ícoínia, nauí ómoimo cai ocuífauiaí jeire omoi úana ñue onódicai. Iemona daje izói aféfuiaína uire nágaruillaído jeire omoi óllena ñue onódicai. ⁵ Mai cai Ocuíraima ómoína cánoiteza, Juzíñamui ómoína izíruillafuena omoi onóillena. Daje izói Cristo começi járidoñenafue ómoimo íllena jicádicue.

Naga come dani íaioí tájijnamo tájirede

⁶ Amatiai, birui cai Ocuíraima Jesucristo mámeçido ómoína ocuídicaí. Naga tájijacañede ámamona oni omoi iri, mei afémie ómoimo cai llogáfuaí afe dibéfuemo íacañedeza. ⁷ Mei nauí omoi cígiri ómoimo cai cíotaga tájijina izói, afe izói omoi íllena onódiomoí. Cai omoi cígiri fia tájijñeno íñédicaí. ⁸ Daje izói omoi güíllena íbáñeno fia güíñédicaí. Mei jaíáfodo mona naio diga ocózinaíño tájijiredicaí, ómoimona daa cómena cai llégitañeillena. ⁹ Ua afe omoi caina canolle daií cai jicalle ríino caimo ite, mei íadi tájijiredicaí ñue illáfuenta ómoimo fidítallena, bie ómoimo cue cíotagafue izói omoi íllena. ¹⁰ Nauí omoi cígiri cai illa llezica, bie lletara uai ómoimo lloticaí: Tájijacañedímie jaca güíñeiteza. ¹¹ Mei jaíamaci caimo llotíaoí ómoimona dáarie tájijñediaioí. Tájijñeno fia illa llezica jaíie comini illáfuaímo afémaci gágutajifrediaioí. ¹² Afe daií ite comínina cai Ocuíraima Jesucristo rínodo ocuídicaí. Afe llezica íaioína riire daídicaí: Mai ñifue lloñeno omoi tájijiri dani omoi jitaica ráaniaí omoi ólleza, daídicaí.

¹³ Amatiai, omoi jetaca ñuera raana zefuíruiño omoi ñedóicairi. ¹⁴ Ninó dámie bie rabedo cai ñaína uaina jeire oñeniadi, bu mei afe uaina íñoñedímienaza mai mei omoi eróiri íena onóillena. Ie mei afe cómemona ífo oni omoi fánocairi, ie meáidailleza. ¹⁵ Mei íadi afémiena uáiogai ímiena maméño omoi iri. Afémie ama izói ñue omoi llófuerei.

Íraícaíño Pablo afémaci caimare uáidonocallafue

¹⁶ Mai cai começi ñue uái illafue llófirede Jesús, nágaruillaído, íemo náganuaído afe começi ñue uái illáfuenta ómoimo llóiteza. Afe izói cai Ocuíraima ómoína nabáfireiteza.

¹⁷ Mai, cue Páblodicue. Bie uáidua uai dama cue ónoído cueticue; bie cueticue cue mámeçi diga. Nana cue cuezgábaimo daií jóonefiredicue. Bie izói cúefiredicue. ¹⁸ Cai Ocuíraima Jesucristo ézicigafuemo ítíomoiiza. Jae ñie. Ja daiítadeza.

NANOIDE SAN PABLO TIMOTÉ OMO ORÉCABE Primera Carta del Apóstol San Pablo a Timoteo

Pablo Timotéomo cuete

¹ Páblodicue. Jesucristo ocuícamedicue. Cai Jíllotaraíma Juzíñamui cai Ocuíraíma Jesucristo diga íaillinoi daína uaido orécacue. Afe Jesucristodo cai ñue illífue abí úiñoticue. ² Juzíñamui uai coco ñnogafuemo nahí cue jitó izóidío. Ie jira bibe omo cueticue. Cai Moo Juzíñamui Iemo ñue cai Ocuíraíma Jesucristo diga o ézicillena iere jitáidicue. Daje izóí afe íaillinoi omo dúecaillena jitáidicue. Iemona afe íaillinoi o comeci ñue uái íllena óiacadicue.

Jíáimaci íaioi taino lluífuiaido o jífueñeillena abí o rairuiri

³ Naui Macedóniamo cue jailla llezica Efeso jófuemo o fiébillena izire jicádicue. Aféruído afénomo o fiénocaidicue, afénomo itínuiaimona dáarie taino llófuiana íaioína o rairuíllena. ⁴ Daje llezica íaioi jaiái ninomo lloga ráfuiái naa jagai diga, áfena íaioína júfidotañeítioza. Íaioi jaiáigima lloga fuiñede ráfuiái llúana ráruitioza. Nana bífuiái taino lluífuiaimo cai comécina uite. Mei íadi nana bífuiái Juzíñamui caimo jónega Iemo cai ñnogafuena ñue ícoimo fuitátañede.

⁵ Juzíñamui caimo jónega lluíjillifue bie izóí joide: Ila dígamie conímana ñue izíruiredicai. Afe bie izíruilla íainide comécimona comuide. Daje izóí afe izíruilla comeci ñue úrillamona comuide; bie izíruilla afe izóí jíáimana jífueñede Juzíñamuimo ñnogafuemo comuide. ⁶ Bie ñue izíruillafue dibénemona dáarie oni táifodo jáidiaioi. Afe taino llua íinota oni jíáifodo féiraitiaioi. ⁷ Afémaci Juzíñamui lletara uai llófuetinona jáiacadiaioi, mei íadi dani íaioi daína uaina onóñediaioi. Iocire llófuetiaioi íadi íaioi llócaiga uaina ñue baitáñediaioi.

⁸ Juzíñamui lloga lletara uai ñúeraza onódicai. Bíuaido Juzíñamui naga come lletállena mamérite. Dámie Juzíñamui mamérilla izóí afe uaimo coméciaidi ñuera. ⁹ Afe lletara uai ja ñúefuiái finófiredinomo llóñega. Afena ñue onódicai. Mei jíáifodo fiénide comínimo mameca. Bie izoide comínimo Juzíñamui lletara uai dúide. Afe comini illaíma lloga uaina uáitafirediaioi. Ocuícana náfueñediaioi. Fiénidifuena finófrediaioi. Daje izóí fiéniruidinona itiaioi. Afe izóí Juzíñamuina jacíruiñediaioi. Daje izóí Juzíñamuimo ñnogafuemo náfueñediaioi. Iemo Juzíñamui lletara uai, moo ei diga fatínomo dúide. Daje izóí comínina titáfiredinomo dúide. ¹⁰ Afémaci naga ringomo fieni comeci fácajano íaire finófrediaioi, afémaci áirediaioi íadi. Daje izóí jíáie ímana íaire finódiaioi. Juzíñamui lletara uai nana bie izoide comínimo dúide. Daje izóí cómena llaitádinomo dúide. Táinona úrifiredinomo dúide. Daje izóí uafue daíllena táinomo Juzíñamui mámecí lláñotinomo dúide. Iemo Juzíñamui lletara uai nana jíáifodo jífueñede llófuiafueña uáitafiredinomo dúide. ¹¹ Afe bie jíáimacina jífueñede llófueinafue Juzíñamui cuemo llogafue daje izóí jóoide. Juzíñamui cuemo lloga uai nana comini ñue jíllona uai. Afe uai oni comínimo cue lluíjillena, iere ñuera Juzíñamui jónegacue.

Juzíñamui cuena dúecaillari iere figora daidicue

¹² Cai Ocuíraima Jesucristona “Figora” daidicue, mei afémie ie uai jino cue lluájille ríinona cuemo ígaza. Juziñamui cuemo comécido facade: O táijinana fáicanocaiñeno ñue fuitáfiredio, daide. Jira bie uai lluájille táijillena Juziñamui cuemo jóonete. ¹³ Jaiái uieécodo Juziñamuina íaire daifiredicue. Daje izói íemo ínotinona duere finóllena racáfiredicue. Afe llezica cue uaido Juziñamuina icídicue. Bífuaído Juziñamuina duere finódicue íadi, ja birui afe Juziñamui nana bie ñúefuiai cuemo jóonete. Jaiái aféruillaído ie uaimo cue ínoñena jira Juziñamui iere cuemo dúecaide. Daje izói cue finuafue cue onóñena jira cuemo dúecaide. ¹⁴ Iemona cai Ocuíraima iere ñue cuena ézicite. Daje llezica Cristo Jesumo dájena cai jaináinado aillo íemo ínogafue naa ie izíruillafue diga caimo comuide.

¹⁵ Bie izóidífue iere uafue. Nana afemo ínoredicai. Bífue bie izói daide: Cristo Jesús fiénidino jíllotallena ana biniemo bite. Afe fiénidinomona cue iere jamánomoina. ¹⁶ Mei daí íticue íadi Juziñamui iere cuemo dúecaide. Are íllamona Juziñamui cuemo dúecaillado náiraímo Jesucristo ie ñue comeci mánaínafue cuedo jino íaioímo cíotate. Iemona comínimo ñúefuiai ja cíotatimiena jáidicue, mei fiénidífuaírede Páblodicuemo Juziñamui iere dúecaideza. Jesumo cue ínuamona cue comeci ífueña méidotícue. Afena onóíllamona nana zíiñona íllífue óiacadino, cue comeci ífue méidua izói, afe izói afémaci afémiemo ínota íaioi comeci ífue ñúefuena méidoitíaoi. ¹⁷ Ie jira jaca tíiñede buna cíóñena Juziñamuina íóbítaacadícaí. Afémie daade Juziñamui, daje izói nana ráfuiaína onódimie. Afe zíiñona Jamánomoidíllaimamo ñue ebírede uai jaca nágarui íemo jóonetícaí. Daí jóoide.

¹⁸ Cue jíto Timoteo, bifue omo jóonetícue. Ríire fuirídímie izói o iri. Naui Juziñamui mámecido odo úritino, ñue o íllífue llotíaoi. Afémaci dáina izói mai birui o ínori. O comeci úrillafue ñue o jóoneri. ¹⁹ Dámíerie íaioi comeci úrillafuena náfueñenamona nocáe buíllamona táinocailla izói, íaioi ínogafuemonona oni táinocaidíaoi. ²⁰ Himenécomo Alejandro diga afe izói comuide. Ie jira afe íaillínoí Taífemo izájídícue, Taífe anamo íaillínoí daí zefuíllena. Dínomo Juziñamui jánana úríñeíllena ónoitíallínoí.

2

Juziñamuimo cai úrilla lluaífue

¹ Fueñe ona dáitícue: Mai nana comíni íena Juziñamuimo o jicáfíreiri. Afena Juziñamuimo ínotinona o lloiri. Iemo jíái, izire comínimo ie dúecaílleza maí jicari. Daí nana comíni íena Juziñamuimo o úrifíreiri. Afe llezica nana comínido afémiena iere figora o daífíreiri. Daí féitañeno nana comínido Juziñamuimo ñue úrifíreiri. ² Gobierno oreca omoi úínotímie íena Juziñamuimo jicáredío, naa jíaíe jaboide ílláini diga. Afémaci íena izire o jicari, áfedo nífuenino caímare cai íllena. Daje izói comeci ñue uái ílláfueimo íredicai. Afe daí cai jícamona nana cai ílláfueña Juziñamuimo ñue mámeíticai. Daje izói conima diga comécina ñúeíticai. ³ Bífue iere ñuera, cai jíllotafírede Juziñamuina ñue íóbítade. ⁴ Mei afémie comeci jítaínafue nana comínina jíllori, daide. Daje izói afémacina ua ráfueña onoiri, daide. ⁵ Cai Juziñamui jaca dáadeza. Daje izói Juziñamui eróicana caina ñue finódimie caído úritímie daade. Afémie Jesucristo. Afémie íaífuenidímie íadi, cai izóidímie. ⁶ Juziñamui

mamécaruimo dúciamona Jesucristo ie abina éeruiñeno nana cai jílloillino ibana izájiga. ⁷ Iemona nana judíoñedinomo afe Juziñamuimo ñinolle ua ñúefue cue llófuiaillena orécacue. Dai jílloa uai llujáfiñredimiena jóonegacue. Crístimomo cue ñnuamona táinofue lloñédicueza, uafue lloticue.

⁸ Ie jira náagobiaido naga cómena: Juziñamuimo omoi úrifireiri, daidicue. Ñue ñifuenide comécido omoi jicari. Jiáimamo riicaiñeno comécido Juziñamuimo omoi úriri. Daje izói dani ómoimo júfidoñeno comécido íemo omoi jicáfireiri. ⁹ Daje izói ringóniai iniroi jitállifue llóiticue. Jabóidingo ringo jita izói, naga ringo jítaiteza. Ima jiruídollena jitaca abina cóitate ñiroina, jitáñeno iri. Daje izói comini códollena ifótirai jamánomo ebire finóñeno iri. Jabo ífo jua figona. Daje izói quenrede raana aillo jiroñeno iri, naa jamánomo ráifide iniroi diga. Jámaicuiro jitáoiarena. ¹⁰ Mei jiáifodo comínimo dúecailla ñuefuiaido naga ringo finóbiri, naa jiáie caimare uáiduafuai diga. Mei nana Juziñamui íeiena ñue finódogango bie izói íteza. ¹¹ Ringóniai llófueinamo uai oñeno cacáreitiaoiza. Comeci mánainafuedo afe uaina onóicaitiaoí. ¹² Nairai cigiri ringo llófuellena rairuídicue. Ringo ímana anáfenotañédicue. Mei jiáifodo, ringo íma anamo úriñeno uái iri, daidicue. ¹³ Mei Juziñamui nano fueñe Adán finódeza, afe méifomo Eva finode. ¹⁴ Adán jífueña, mei íadi ringo Taife jífuega. Iemo jífuefillamona afengo fiénidífumomo baíde. ¹⁵ Mei íadi naga ringo Juziñamuimo ñinogafuemo jeire oíadi, íemo ei ocuáfufuai ñue ícoimo fuitáadi afengo jílloite. Afe llezica afengo naga cómena izíruirede. Iemo comeci ñue ñnuafue dibénemo írede. Daje izói ñue jaícina macállifumomo írede.

3

Ocuídillaímo jitáirede ñue illafue Pablo llote

¹ Ja cue lloífue íere ua rafue. Dámie ocuídillaímana jáiacade ñuera. Afe izói táijiacanafue ñuera. ² Ie jira afe izoide ócuitillaíma mamécamié jaícina ñue írede. Afémie ñifuenino macárede. Afe dai afémie mácafue jiáimie lletánide. Afémie daango ótena figura. Ménango ónide. Afémie comínimo lloga uaido jífanodoinide. Daje izói ráfueña ñue baitádimiena írede. Naga come afémiena caimare jacíruirede. Daje izói nana afémie mócaibitínona afémie jiáifodo comécíñeno ñue caimare uáidorede. Iemo jiáimacina caimare llófuerede. ³ Afémie jaca jífánide. Daje izói afémie fuirínide. Come jífuiamona oga úcubena, afémie llínonide. Mei jiáifodo jeruñeno raana fecáfirede. Iemo comeci ñue uái illafue dibénemo írede. “Aillo úcubena cue olli” daiñide. ⁴ Dama íe jofo ero comini ñue ocuírede. Dama íe úrue ñue raire cacáfireillena lletárede. Daje izói íe úrue jiáie eicomínina ñue jacíruitarede. ⁵ Dámie íe jofona ocuállana ónoñeniadi, ¿mei ñie izói Juziñamuimo gairíracona ócuíte? ¡Ocuíde! ⁶ Ie jira como fueñe Juziñamuimo ñinotimie, Juziñamui íco ocuídillaímana ínide. Como fueñe Juziñamuimo jaináitagamié raire illáimana jóoniamona afémie íere abina ínoite. Iemo fiendi abí ñnuamona, Juziñamui Taife ana duere finóllifumomo dótaja izói, afe izói bímie dai zéfuíte. ⁷ Afe Juziñamui íco ocuídillaíma ñue jacíruigamiéna írede. Afémie dai íllamona, Crístimomo nai ñinoñedinomo ñue íena úritiaoí; íe jánana fiendi úriniiaoí. Afémie afe izói írede, meáfue dibénemo íe íñeillena; daje izói Taife uai íena jíitañeillena.

Jabóidillainimo jitáirede ñue illafue

⁸ Daje izói comini ñinena nana jabóidillaini ñue jacíruiganona írediaioi. Daje izói ie úrilla uai jiáfodo méidonide. Iemo afémie jifáinide. Daje izói come jífuiamona oga úcubena llínonide. ⁹ Afe izói cai ñnollena jino lloga ua ráfuenta afémie fáicanocaiñeno jeire órede. Daje llezica afémie comeci úrilla uai ñfuenino írede. ¹⁰ Afémaci ñuera daiíllena facátagamacina írediaioi. Facata mei íaioi ñfuenia jabóidillainina írediaioi. ¹¹ Daje izói aféllaini finódogango ñue jacíruigangona írediaioi. Daje izói aféngotiai jiáimamo fiénidifuenta íaioimo llónidiaioi. Iemo lloga uaido jiáimamo jifánodoñidiaioi. Aféngotiai nana ocuica raana fáicanocaiñeno fuitárediaioi. ¹² Afe jabóidillaini dáangona áiredena figura. Ménango ónide. Daje izói íaioi úruiaina ñue ocuírede, naa íaioi jofo ero comíniri. ¹³ Naga jabóidillaima íaioi táijiana ñue fuitáдино ñúefuenta otíaioi. Comini iere ñúefue íaioimo jóneitiaioi. Daje llezica íaioi Cristo Jesumo ñnogafuenta jamánomo meáiruñeno llórediaioi.

Cai ñnoga jaiiai báinino llogafue ja jino uáfodo denode

¹⁴ Raíre o éroizaillena coméciidicue. Nai cue biñena llezica, bibe omo cueticue. ¹⁵ Mei nai are cue biñéna llezica, Juziñamuimo jaináidimie jitaiga ñue illífuenta o onóillena llóiticue. Afe Juziñamuimo jaináidino caade Juziñamuimo ñnotino. Afémaci Juziñamui ua ráfuenta ñue riire úíñotiaioi. Jofo riire mozíoide jiaíllirai izóidiaioi. Ie jira afe rafue uaina oni caitánide. ¹⁶ Jaiiai báinino lloga cai ñnogafue iere jamánomo ebírede; nana comini ja uáfodo onoiiga. Be ñuiai: Juziñamui cai cígimo cómena jéiciaibite. Ñuera Joreño afémiedo úrite; daide: Bímie comécina jaicnaidimie, daide. Afémie Juziñamui abi imácimo ácatagamie. Diga náiraiaido ie illafue llócaide. Biniemo aillo comini iemo ñnotiaioi. Afe mei afémie caifo monamo abido uiga.

4

Juziñamuimo ñnogafuenta féitaitino ifue

¹ Ñuera Joreño jino caimo uáfodo llote, íirairuillaido dámerie íaioi ñnogafuenta féitaitiaioi. Féitajano cómena jífuate jóríai jitáinafuijai jeire óitiaioi. Daje izói Taifemo jainaide fiénide jóríaimona onóigafuemo ñnoitiaioi. ² Afe izói, comeci ífuenta jiáifo jóidino llógana cacáreitiaioi, naa táinona úrillafuiai. Afe bie jífuefiredino ja íaioi ífoci úrillafuenta ja niné féideza. Uzírede llojédamo uzide onoi cacáñena izói, bie comini ítiaioi. ³ Bie Juziñamuimo ñnogafuenta féitate comini jiáimaci árenana rairuíaiaioi; daje izói ringona: “ñnreiri,” daiíñediaioi. Daje izói ñuera cai güíllemona dáarie: “Güíñeno,” daiídiaioi. Mei íadi afe bie güílle Juziñamui comuítaga, iemo ñnotino ecállena, naa ñúefuenta onódinori. Afe güílleri íóbillano Juziñamuina “Íere figura” iemo jaináidino daiírediaioi. ⁴ Mei nana Juziñamui finoca güílle ñúeraza, bácanide. Iemona afémie caimo fecaca raana oni fáinidicai. Mei jiáfodo Juziñamuina “Íere figura” ñainano, nana ñue llíñoredicai. ⁵ Juziñamui uai afe güíllena ñue finode. Daje izói íena figura cai daiífirena afe cai güíllena ñue finode.

Jesucristo ñue ocuícamié bie izói írede

⁶ Bífuijai cai ámatiaimo o llófueia Jesucristo ñue Ocuícamiéna íitio. Afe bie llófueinafue jeire o oía bie ñnofirega uai dama ñue ona comécina náiretaite. O

jeire oga uaido ñue riire íitio. ⁷ Mei íadi bie fiénide énie ie ráfuiaina náfueño o iri, naa jiáie taino jagai izóidifuiari. Juziñamui illa izói o íacanamo áfemo nágarui o comeci llícitairi. Afedo riire íitioza. ⁸ Cai abi cai riireta, daa bínie ífue mo caina canode. Mei jiáfodo Juziñamui illa izói íllena cai nícidoia naga ñuefue mo caina canode. Daií cai íllemona biruillaído caina canode, íemo daje izói uire bíitífue mo jaca caina cánoite. ⁹ Bífue iere nahí ua ráfueza, nana áfemo íñorediaioi nana cáioiri. ¹⁰ Afe bífue jira iere comeci fácaíticai. Iemo áfemo zéfuidicai. Ua zegóruoicana ñéfudicai. Mei ñue cai íllena caade Juziñamuimo ocuírídicaiza. Afe caade Juziñamui nana comini jíllotabite. Iemo ínotino ja jíllotaimie.

¹¹ Bífuiaido nana comini o ocuífueiri. Daje izói aféfuiai o llófueiri. ¹² O fia jítócomena jira comini o llófuiáfue jiáimana jámairuitataño iri. Mei jiáfodo ñue Juziñamui izói illáfue Juziñamuimo ínotinomo jino cíotaitimiena ítíoza. Ñue o úrillafuedo afémacina onótaitioza. Daje izói comini eróicana ñue o mácafuedo íaioina onótaitioza. Iemo naga cómena ñue o izíruillado íaioina ñue cánoitioza. Cristo izói o íllamona ñue íaioina llétaitioza. Daje izói Juziñamuimo izire o ínogafuedo llófueitioza, naa o comeci íáinidifuiari. ¹³ Nai cue dúciñena llezica, Juziñamui cuega uailai comínimo o facadófireiri. Daje izói cai ámatiaína o íociretari. Afémacimo ñue o llófuefireiri. ¹⁴ Juziñamui omo íga o fibíllafuiái fáicanocaiño o iri, mei nauí Juziñamuimo gairífredino ocuídillaini Ñuera Joreño daina izói, íaioi onoi omo bitádiaioiza.

¹⁵ Bífuiaina fáicanocaiño o finófueiri, o jamánomo jiáino baimo íaioi onóilleza. ¹⁶ O illáfue ñue abi o rairuiri, naa jiáino o llófuiáfueiri. Fáicanocaiño riire abí o mameri. Ñue ímana o comuilleza. Bie cue daina izói o íadi, o jíllotio, naa o uaimo cacáreidinori.

5

Crístomo ínotino uícomo ñue o illífue

¹ Eicomemo lléjecaiño o iri. Mei jiáfodo o moomo o llófuiái izói fáicana o lloiri. Jiáie jítócominina nahí o ama izói llófueiri. ² Ringóniaína jéngotiaína dama o ei izói llófueiri. Daje izói jítingotiaína nahí o miringo izói o llófueiri. Íaioimo ñue comeci o facáfueiri.

³ Uáfueña raana jitaide fecíngotiaína ñue o canori. ⁴ Mei íadi jiáie jítréde daje izói enáizeñorede fecínguai ite. Afe úruiai íaioi éitiaína uzúngotiaína fueñe ñue íñorediaioi. Daje izói nahí ie enáizeño dani íaioi uzúngona úcairediaioi, mei naga jíto enáizeño díga íaioi móotiaína izíruirediaioiza. Afe bie izói illáfue mo Juziñamui ñue íóbideza. ⁵ Ie mei cómenide ua fecingo, dango Juziñamuimo ñue ie finóllífue ocuíríde. Daje izói Juziñamuimo ie úrillafueña naio mona díga afengo fáicanocaiñede. ⁶ Dango ie comeci gaina izói fecingo ite. Caade íadi Juziñamui díbenemo tíde izoide. ⁷ Bífuiaina íaioi o ocuiri, lletándingotiaína íaioi ílleza. ⁸ Dámie ie nahí come úcaillana ráairuia ie ínogafue táinomo jífanofide. Dama nahí comínimo ite duéredinona úcaicañedimie, Juziñamuimo ínoñedino fiénina baimo, afémie fiénide.

⁹ Fecíngotiai íena mámece íllabe fínoitio. Bie izói ñuera fecíngotiai mámece afébemo cúerena. Sesenta fimona ite fecingo mámece cúerena. Afe bie fecíngotiai, daje izói dámiéna ínredingona írediaioi. Afe izoidingo mámece

cúerena. ¹⁰ Iemo jiái ie illafue ñúeinamona jalléidingo afengo mámeçi cúerena. Iemo jiái úruiai ñue comuítatingo mámeçi cúerena. Jicana jiáima ie jofomo dúcia caimare uáidofiredingo mámeçi cúerena. Iemo jiái Juzíñamuimo ñinotínomo rairuñeno começi mánainado canófredingo mámeçi afébemo jóonerena. Mei afengo naga jiáima cánuana idai jócua izóidena caimare finófiredeza. Iemo jiái duere zefuide comini canófredingo mámeçi cúerena. Daje izói nana jiáie ñúefuiai finódingo mámeçi jóonerena. Bie izóidifuiai nana daje fecingo finórede; íemona afengo mámeçi cúerena.

¹¹ Mei íadi sesenta fimona jofófenemo ite fecingo mámeçi jóoneñoeno iri. Mei aféngotaiamona dáarie dani íaiói começi óiacanamona nibai Crístona zóofejitaióiza. Zóofiano nane meine iníreiacadaíoiiza. ¹² Daií íaiói illa dani íaiói ícoinia daií ite. Mei fueñe íaiói Jesucrístodo jáillena mamérrillafue ja fáicanocadaíoiiza. ¹³ Afe baimo naga comini jofodo jáicadaíoi. Jáicaillamona, “Fia táijíñeno daií cue illi,” daidíaiói. Afe llezica jiáimana úridoícana jáidiaíoi. Íaióimo dúíñede jiáimacimo itífuiaimo gágutajifrediaíoi. Comínimo ñue íñedifuedo úrioifrediaíoi. ¹⁴ Ie jira nai fecínaite jitáingona daidícue: Abido iníreiri. Iníreillano úruereiri. Daje izói jofó náangona ñue o iri, Taífemo jáináidino ómoina úridoíñeilleza, daidícue. ¹⁵ Mei fecíngotaiamona dáarie, Juzíñamuina féitano Taífedo jáidiaíoiiza.

¹⁶ Crístomo ñinotínomona daa cómemo úcaille fecingo íadi, afe fecíngona dama afémie úcairede. Afe fecíngona Juzíñamuimo gairífredinona úcaitañoeno iri. Mei afe gairífredino ua cómenide fecíngotaina úcairediaíoiiza.

¹⁷ Jesúmo gairídino ñue ocuide éicomini, ñue táijidiaíoiiza ménacaiño íbárediaíoi. Daje izói ñue íaiói táijinamona mai caimare íaióina omoí jacíruiiri. Íere comini ñue llófuetino, íere ñue lletádino diga jiáie come íba baimo íbárediaíoi. ¹⁸ Mei Juzíñamui Cuegáuai daide: “Arroz izoide trigo, juráreto gájrillena záizia llezica, afemona íaiói gúilleza fue íbáíñeno omoí iri.” Iemo jáinomo jáífodo daide: “Naga táijitagamie ie táijnado ñue íbárede.”

¹⁹ Fia da come ocuide éicomemo fiénidífue jóoneiadi, áfena náfueñoeno o iri. Mei íadi mena nibai daámami uai nabáidimie afe izói afe cómemo llóíadi, áfemo cacáreiri. ²⁰ Ocuide eicomínimona dáarie fiénidífue finóadi, nana comini eróicana afémiena o áadori, nana jiáie comini ñue abi jacínaifcaillena. ²¹ Juzíñamui eróicana, daje izói cai Ocuíraíma Jesucristo eróicana bifue omo jóoneitícue. Daje izói Juzíñamui nizeca ie abi imaci eróicana omo jóoneitícue. Nana bie omo cue lloga lletara uai ñue o náfuerei. Nana comínimo dájerize jáícina o lloiri. Dámie oni eneno mámeñeítoiza. ²² Dámie ie illafue nai figo onóñena llezica, ocuidillaímana ie o maméllena raire íemo o onoí bitáñeno o iri. Bie izói o íllado jiáimamo ite fiénidífue na raire nábaizaiñeíto. Naga íaífuaíamona oni o iri.

²³ Mei o ero izírefireia daa jáinoi jiróñeno o iri. Iemo due vínona o jirori.

²⁴ Nai íaióimo riire jicánoñena llezica, comínimona dáarie íaióimo ite fiénidífuaí uáfori cíoiide. Iemo jiáimacimo ite fiénidífuaí íaiói duere finoille mámia méífomo onórede. ²⁵ Daje izói jiáie cómemo ite ñúefuiai uáfodo cíocaiide. Iemo jiáimacimo ite ñúefuiai cíóñena íadi, dinó íaiói diga báinino íñeite.

6

1 Tájitafiregano íaiói ocuúdimíaiaina ñue jacíruiordiaíoi, jíaié comini Juzíñamui mámedido fieni úriñeillena. Daje izói cai llófueinafueña fieni íaiói daiñeillena. ² Afe izói Crísto mo ínote ocuúfiredimíaiaina ñue jacíruiordiaíoi. Juzíñamuimo ínogafuemo daje ámana íaiói maméiadi, nai ocuúdimie ocuúcamie diga conímana caimare jacíruiordiaíoi. Mei jíáifodo afe Juzíñamuimo ínote ámamo, jíáimaci baimo, riire tájirediaíoi. Afe riire tájina ínotino, afe ocuúdiño izíruiiga ámatiai. Afémaci dáamací. Dájena Crísto mo ínotino. Bífue o llófueiri. Daje izói áfedo o lletámairi.

Juzíñamuimo cai ínogana, “Figo baite” cai dáinana canode

³ Afe bie cai Ocuúraíma Jesucristo lloga jáicina jóide llófueinafueño comécíñedimie, oni jíáifodo táinofuiái llófueite. Daje izói cai ínoga ñuera uaina afémie figo jeire oñede. ⁴ Daiñtade come nífueña onóñedeza, táinodo abí ínote. Afémaci fia fiénide uáillaímo júfiduana iere gáidiaíoi. Afe júfidogafueño aillo úradoillafue comuide. Iemo dájena caimare íñeñafue comuide, íemo jíáimana éoinafue comuide, íemo jíáimana caimare uáidoñeñafue comuide. ⁵ Dáanomona féitañega fuírillafuiái, jíáifodo oni comécina jóidímacímo comuide. Bie comini ua ráfueña onóñediaíoi. “Fia cai ínogafuedo iere cai ráanaillí,” táinona comécidiaíoi. Bie izoide comínimona oni o iri. ⁶ Ua onóigaza, cai ínogafue jamánomo ráifide. Juzíñamui caimo fecaca raana “Figo baite” daidímiemo, ie ínogafue ñue ráifide. ⁷ Mei jíí, bíniemo fueñe cai jocoína llezica minícana atíñedícai. Afe izói uire cai tíia minícana úiñeíticái. ⁸ Mei biruimo cai caana llezica caimo ite gülleri, daje izói caimo ite iníroiri “Figo baite” daiñredícai.

⁹ Mei jíáifodo aillo ráanaíacadíno fieni comeci fácafue dibénemo jáidiaíoi. Afémaci aillo fieni comeci óíacanafuiái mo raamo jíride izói itíaiói. Bie izoide fieni óíacanafuiái cómena fieni finode. Daje izói íaiói illafue ñiné táinocaitate; jofu zabilla méino izói ñiné táinocaitate. ¹⁰ Mei jíí, úcubena izíruiillafue nana fiénidífuíai comuillano aféfuíai jillaci. Dáarie iere izire úcubena óíacanamona, Juzíñamuimo íaiói ínogafueño oni ñibéfodo jáidiaíoi. Afémaci dani íaiói illáfueña táinona iere duere finódiaíoi.

Juzíñamuimo cai ínogana, fuírilla izói riire Íredícai

¹¹ Mei íadi o Juzíñamui nizécamedioza, bie ailli cue lloga izóidífuíaimona oni o iri. Ñue comécina jáicina illáfueño o mamériri. Juzíñamui illa izói mai o iri. Afémiemo ñue o ínofireiri. Jíaié comínina ñue o izírui. Comeci járidoñeno o iri. Comécina mánaidímiena o iri. ¹² Mai Juzíñamuimo ínogafueño fuírilla izói nágaruillaído riire o iri. Juzíñamui omo iga zíñona illafue ñue jeire o oíri, mei áfemo Juzíñamui uáidogamedioza. Afe Crísto mo ínogafueña comini cóícana jino llotío. Afe bie o llúamo o uai nabáidinona aillo ite. ¹³ Ja birui Juzíñamui eróicana ona ñue ócuticue. Afe Juzíñamui nana bíniemo itínuíaimo íaiói cáananona fecade. Daje izói Jesucristo eróicana ona dáitícutie. Afémie daje izói ñuefue jino uáfodo llote. Poncio Pilato uícomo ie illáfueña jáanoñeno llote. Daií Moo Juzíñamui, Jesucristo diga íaillínoí uícomo ona ócuticue. ¹⁴ Omo cue ocuúcana, jíáifodo méidoñeno, ñue jeire o oíri. Aféfuena ñue jeire o oíri, jíáima ona llétañeíteza. Bífuiái ua Jesucristo billírui mo jeire o ófireiri. ¹⁵ Juzíñamui jáiai uícomo mamécaruimo dúcia, Jesucristo cóicaizaíbíteza. Afémie daade cai

iere ñuera ríinorede Juzíñamui. Daje izói afémie nana illáicomini ie Illáimaza. Daje izói afémie nana ocuífiredino Ocuídillaíma. ¹⁶ Dama afémie jaca zíiñoza, tíñede. Afémie illano jamánomo meáire egáñoteza, buna áinozinide. Afémiena jaca bu cióñede. Caade come jaca íena ciónide. ¡Jaca ninomo ñúefuiai afe Juzíñamuimo nitácaza! ¡Aillue ñuera ríino jaca ninomo afémiemo dúideza! Aquíe izói íteza.

¹⁷ Bie éniemo aillo ráaredino abi íaioi ñnoñeilleza ñue o lloiri. Daje izói íaioimo ite raamo ócuiñeítiaioíza, mei afe ráaniai are íñeítiaioíza. Mei jíáifodo: Dama Juzíñamuimo omoi ocuíriri, o daíri. Mei afe Juzíñamui ua cáadimie. Afémie jeruíñeno nana cai jitailla raana cai cánuano caímo fecade. ¹⁸ Afe ráanaitino ñue íaioi ílleza íaioimo ocuíri. “Omoi ñue fínoítifuiái ráanaitiomoíza,” íaioína o daíri. “Omoimo ite ráaniaimona jeruíñeno jítaídinomo jíáifodo coméciiñeno fecari,” daí íaioína o daííreiri. ¹⁹ Daí íaioi íllamona, íco cómuitifue nahí raana máíñoítiaioi. Afe maiñóllena comécido ñue onódiaioi. Afe dáaruído zííñona illífuena óítiaioi.

Iraicaiño Timotéomo jóonenocaigafue

²⁰ Timoteo, nana bie omo cue lloga ñúefuiai ñue o rairuiri. Bíníemo ite táinona úrioinafuiaímo cacáreiñeno o iri. Daje izói Juzíñamuina uáitafuemo cacáreiñeno o iri. Mei íaioi: “Íere baitádicue,” daína uai taíno uaiza. ²¹ Mei bie izóidifuiái ñnote comini ja baie Juzíñamuimo ñnogafuiaimona oni ñibéfodo jáidiaioíza.

Mai, Juzíñamui ona ñue éziciíteza. Jae ñíe. Mai daítadeza.

MÉIFODO SAN PABLO TIMOTÉOMO ORÉCABE Segunda Carta del Apóstol San Pablo a Timoteo

Pablo Timotéomo cuete

¹ Cue Páblodicue. Jesucristo ñuefue llujájillena orécamedicue. Juzíñamui comeci jítaina izói orécamedicue. Daje izói uícodo lloga ziiñona cai cáailifue llujáitagacue. Cristo Jesumo dájena cai jaináinamona afe cáailifueña óiticaí.

² Cue izíruiga jító Timotéomo bibe cuetícueza, ona Juzíñamui ñue éziciíteza, daiñacadicue. Daje izói: Juzíñamui omo dúecaíteza daidicue. Iemo: Cai Moo Juzíñamuimona oga comeci ñue uái illáfueño íitioza, daidicue. Nana bie ñuefuiái cai Ocuíraíma Jesucristodo óredío.

Pablo Crístomo uai nabáiacade

³ Juzíñamuimo nágarui comécido úrifiredicue. Mona naio díga Juzíñamuimo cue úrilla llezica omo comeci uibífredicue. Omo cue úbicaillano Juzíñamuina: ñere figora, daidicue. Cue uzútiaí Juzíñamui íóbitallena ie ocuífíregana ñue ínua izói, afe izói íáinide comeci úrillafuedo ie ocuífíregana ñue ínófredicue.

⁴ O comeci zúucaífirenamo uibíoidicue; íemona ona ñere jaca cíoiacadicue, áfemona caimare cue íllena. ⁵ Taino lloñeno ñue Juzíñamuimo o ínuaífuemo uibíoidicue. Afe birui Juzíñamuimo o ínogafue nano fueñe o uzungo Loida ínoga. Daje izói o ei Eunice ínoga. Iemo bífuena o jaca ñue ínófredioza, ñue onódicue.

⁶ Ie jira bie izóidena o ócuiticue. Naui omo onoi cue bítajamona Juzíñamui omo lloga llófuelle ríino féitañeno o iri. Niné ona féiza afefue nágarui meine riire o uibíoiacari. Irai dúizaide meine boota izói o uibíoiacari. Afemona jamánomo o llófuelleza. ⁷ Mei Juzíñamui comeci jacíruillafuena caimo fecáñede. Mei jíáifodo comeci meáiruñenafue Juzíñamui caimo fecade; íemo jíáimana cai izíruillafue, íemo abina ñue cai onónafue díga, caimo fecade.

⁸ Ie jira cai Ocuíraíma, Crístomo uai nabáillana meáiruñeno o iri. Daje izói ie uai ícoínia llavécacueza, cuena meáiruñeno o iri. Mei jíáifodo ñuera jíllona uai ícoínia comuide duere zefuillafuena ruifíruñeno o iri. Omo cómuite duere zefuillafuena rairuñeno o llíñori. Mei Juzíñamuimo íte ríinodo cai comécina caimare fíraíteza. ⁹ Juzíñamuimo cai jaináillena afémie ñue caina jíllote, daje izói caina uáidote, ie íaifuenide comínina cai íllena. Dani ñue cai illáfuedo Juzíñamui íena ínidicaí. Mei jíáifodo dama Juzíñamui jaiái uícodo mamérillado íeiena iticaí. Daje izói Jesucristomo cai jaináillado Juzíñamui caina izíruite. Daií caina ie izíruillado íeiena iticaí. Mei jaiái ninomo nai énie comuíñena llezica, Juzíñamui caina izíruite. ¹⁰ Mei bie caina ie izíruillafue, cai Jíllotaraíma Jesucristo ana bíniemo bíllado, afefue caimo jino onótate. Afe Cristo cai tállafuena ja jacínitade. Daje izói jíllona uai llúado, ziiñona cai illafue jino uáfomo cíotate. Ua, íemo ínótino ziiñona itátallena afe Juzíñamui uáfodo caimo onótate. Afe bie ziiñona cai illafue buna jaca niné táinocaitainide.

¹¹ Bie ñuera uai llujájillena Juzíñamui jóonegamiedicue. Judíoñedino llófuellena, Juzíñamui orécamedicue. ¹² Iemo afe bíedo nana bífuái duere zefuídicue. Mei íadi áfena meáiruñenedicue. Cue ínoga Juzíñamui comeci ífuena ñue cue onónamona, jacíruñenedicue. Mei afémie cuemo jóonenocagafue jaca

féiñeiteza. Afe bifue Juziñamui dama Cristo billíruimo ñue úiñoite, mei afémie iere riinoredeza. Afena onódicue.

¹³ Naui jaícina joide llófueinafue o cue llófuia izói, áfena o llófuefireiri. Juziñamuimo cai ñinogafuena jeire o oíri. Daje izói Jesucristomo dájena cai jaináinamona caina ie iziruillafuemo o iri. ¹⁴ Cai diga ite Ñuera Joreño canócaza Juziñamui omo lloga ñuera rafue féitañeno o iri.

¹⁵ Ja onódioza: Nana Asia énie comini ja cuena zóofetiaíoi. Afémacimona bie mena ñima íaillinoi: Figelo, íemo Hermógenes. ¹⁶ Mei íadi bie afe jiáimie Onesíforo dibénedo nana ie comini diga, mei cai Ocuíraima afémacimo caimare dúecaiteza. Mei afémie diga ícaíño cue jitaica raana atífiredede. Llavécacue íadi jaca meáiruñeno cuemo atífiredede. Iemona Juziñamui afémie comécina náicaitaiteza. ¹⁷ Uafue, Rómamo afémie illa llezica cuena are jénua ícoinia baite. ¹⁸ Cai Ocuíraima cai comeci ifue riire jicánolliruimo afe Onesíforomo dúecairi, Juziñamuina daidicue. Ja ñue onódioza, Efésomo cai illa llezica, afe Onesíforo diga ícaíño caina canode.

2

Jesucristo dibénemo itímie ñue fuirídmie izoide

¹ Cue jító Timoteo, Jesucristomo dájena cai jaináinamona Juziñamuimo ite ñúefuiaímo iticai. Afedo ñue o náireiri. ² Cúemona o çacánafuemo cue uai nabáidinona aillo íteza. Iemona afefue mai oni jiáie ñue ñnofiredimíamio o jóoneri. Afémaci daje izói oni jiáimacimo llófuiailleza.

³ Duere zefuillafue omo comuádi, Jesucristo dibénemo ñuera fuiríraima izói abí riire o mameri. ⁴ Naga jiáimiena anáfenocade fuiríraima fuiríllena mamérioide. Iemona uicodo nana jetáacaigafue fáicanocaite; afémie jae náamatagaza. Fáicanocaillano daa ie ocuídillaíma anamo itábicaite, afe ie jírítillaíma íóballena. ⁵ Daje izói naga jifánora raamo jifánotímie ñue jaícina jifánorede. Jifánua ocuide uai daina izói jifánorede. Afémie fienu jifánoia, minícana jíridoñeite. Táinomo jifánoteza. ⁶ Jacafai ríllamo izire táijidímie afe ie riga llizilla jeia llezica, afe ritímie fueñe ótena figura. Dama íeiena fueñe jofó óite. ⁷ Omo cue llógamo ñue comeci o facari, íemona cai Ocuíraima ona nana ñue fibítaiteza.

⁸ Mai tíllanomona meine abido caade Jesucristomo o úbicairi. Daje izói afe Cristo cai jaiai illaíma David úicoidigimamona comuídímie. Afémiemo ñue o coméairi. Cue lloga ñue jíllona uai aci bie izói joide. ⁹ Bie ñúefue ícoinia duere zefuítacue. Ji, fiénidífue finódino izói maíano duere finócaue. Mei íadi Juziñamui lloga ñuera uai jaca buna llavénide. ¹⁰ Ie jira Juziñamui nizécamaci cue cánua ícoinia duere zefuídícue, mei íadi áferi zúucañeno jaca caimare iticue. Afémaci ñue jíllobicaillena duere finócaue. Afe Jesucristomo dájena cai jaináinamona comuide jíllonafue iere ebiredede. Iemo jaca ziiñona fúíñeite.

¹¹ Bifue táinoñedeza, iere uafue:

Afe Cristo tílla izói cai tíadi, afémie meine abido cáadimiena jailla izói, afe izói dani cai meine cáaillano afémieoiri iticai.

¹² Afémie ícoinia duere cai zefuádi ie illáimana illánomo jánaiticai. Afémiena cai jáanoiadi, afémie jiái caina jáanoite.

¹³ Afémiemo cai ñinoñeniadi, afémie jaca ie daina izói nai finófirede; Mei Juziñamui dama ie abina jáanonideza.

Ñuera daiïllena facaca táijiraima

¹⁴ Bífuiaimo jiáimacina ñue o comécitari. Daje izói bífuiái cai Ocuíraima eróicana íaioimo jóoneri. Íaioi ráifíñede júfidofirega uáillaímo mai afémacina júfidotañeno o iri. Afe bie izoide júfidofirenafue ráifíñedeza, buna canóñede. Afemo cacáreidinona jiáifodo oni comécina jóitate. Daje izói íaioi íinoga ua uaina niné féitazeza. ¹⁵ Juzíñamui uícomo figura daiïllena facaca táijiraima izói o iri. Iemo afe llezica jiáifodo lloñeno daje izói o illáfuena ñue jaícina o jóonefireiri. Daií ñue facácamié ie meáicaillafue íñede. Daiítade come Juzíñamui ua ráfuena jaícina comínimo llófuete. ¹⁶ Bíníemo ite táinona úrioinafuemonona oni o iri. Daií táinona úrifiredino jamánomo fiénidifuiaimo baiídiáioiza. Anábaitagano izói íficaidiaioi. ¹⁷ Fieni íaioi llófueina uai raire jica jalleide. Come abímo comuide fiénide ñozagi jarire oni móonaoicailla izói, bimaci llófuega uai oni jalléicaide. Afe bie izói ja Jimeneo Fileto diga, bimaci izói, fieni llófuetinona jáidiaillinoi. ¹⁸ Afe íaillinoi Juzíñamui ua uáimona oni nibéfodo jáidiaillinoi. Juzíñamui tíidino meine abído cáailífue dibénedo llotíiaillinoi: Ja záide, daiíiaillinoi. Daií jiáie comíni Juzíñamuimo íinogafuena uáitacana jáidiaillinoi. ¹⁹ Mei íadi cai íinoga uai oni cáitañeillena, Juzíñamui afemo jiáie riírede uaina nabaide. Iemona féitañeno afe Juzíñamuimo íinoicaídicaí. Afemona cai bie riire mozóiga jáillirai izóidicaí. Juzíñamui nabaica uai Juzíñamui dama íeina caina nameide. Afe uai bie izói jóoide: Cai Ocuíraima nana dama ie nahí comínina ñue onode. Iemo afe Juzíñamui nabaica uai jiáifodo bie izói daide: Nana “Cristomo jaináidicue,” daidino fiénidifuenta féitano, aféfuemona ja oni írediaioi. (Bie ie nabaica uaido, Juzíñamuimo cai íinogafuena afémie riire finode.)

²⁰ Aillue jofo eromo diga raa ite. Ráifide oro ie finoina raa ite. Daje izói ráifide plata ie finoina raa ite. Iemo jiba ráifíñede amena finoina raa ite, naa nogóramona finoca raa diga. Dáarie bie ñuera rairuica jiróracuaido jicana bitínona jirótafiredicai. Jiáie figo jínoñede jiróracuaido jalleide illáimana ecáñedicaí. ²¹ Afe izói naga jiáimaci canóllena Juzíñamui nizécamié, jaca comécina íaífuenino írede. Afémie jaca íaífuemona oni írede. Iemona afe cómena Juzíñamui íeina ñue finóbitade. Ebena ñuera táijinanomo Juzíñamui raire íena órite. Mei afémie íainíde ráifide oro finoina jiróraco izóidímieza.

²² Jitócomena llezica comeci fieni óiacanafuaimona oni o iri. Mei jiáifodo come ñue jaícina illáfuedo o jairi. Daje izói Juzíñamuimo o ínofireiri, íemo jiáimana o izíruifireiri, íemo comeci mánainafuedo naga cómena o uáidofireiri. Iemo, nana comeci íaífuenino Juzíñamuimo úrifiredino diga o nabáiriri. ²³ Daje izói táinomo comécilla uáillaína náfueñeno o iri. Mei ja onódioza, bie izoide úrillafuiái fúirienailafue comuítate. ²⁴ Juzíñamui ocuífregamié jaca jiáima diga ícínide, íemo jiáí fúirínide. Mei jiáifodo afémie nana comíni diga caímare írede. Daje izói jiáimacina caímare llófuere. Iemo afémie jiáimamo jarire úríñeno, íaicana úrirede. ²⁵ Daje izói Juzíñamui ocuífregamié naga ie llófueinana náfueacañedinona comeci manai íinuano, íaioina lletárede. Afémie daií íaioina lletárede, íaioi comeci ífue Juzíñamui méidotalleza. Iemona daje izói ua ráfuena Juzíñamui íaioina onótaizeza. ²⁶ Bie izoide llógana jámairuitino Taife írebaimo jiilla izói ítiaioi. Iemo afe Taife ie comeci óiacana izói afémacina ócuite. Mei íadi ua ráfuena íaioi onónamona jíllorediaioi. Afénomo jíizaidinona

oni bairórede. Afémaci inídimie como cazilla izóí, abina onóitiaoí; íemona Taife anámona jíllorediaoí.

3

Comini íirairuillaido illíue

¹ Ja bífuaiaina o onótaiticeua. Íirairuillaido jacírediruina caímo mónaite. ² Aféruimo comini dani íaioí abina fienu izíruiítiaoí, íemo úcubena iere duéruítiaoí, íemo iere fienu abi ínoítiaoí. Daje izóí “Jamánomoidímíedicue” dainano, cómena canóñede táinofuáiimo comécítiaoí. Iemo Juzíñamuimo fienu úritiaoí, íemo íaioí móotíaiái ocuilla uaina náfueñeítiaoí. Iemo jíáimana “Iere figora” daííñeítiaoí. Daje izóí Juzíñamuimo ínogafuena náfueñeítiaoí. ³ Afémaci jíáimana íziruíñeítiaoí, daje izóí féítañeno íaioímo duere finódimíemo dúecaiñeítiaoí, íemo jíáimacimo fienu úritiaoí. Iemo íaioí comeci fienu óiacanafuena “Dama íte” daííñeítiaoí. Iemo jíáima íaioí ícíadi ñúefuedo finóacañeítiaoí. Daje izóí comínina iere izi cácataitiaoí. Nana ñúefuáiaina bacáuai ífuena mámeítiaoí. ⁴ Afémaci daní íaioí nahí comínina jíáie comínimo fállena fécajífirediaoí. Iemo “Dama cue íacana izóí íredicue,” daííírediaoí; íemo táinomo comécíllano “Iere jamánomoidímíedicue,” daíítiaoí. Daje izóí Juzíñamui jenóñeno dani íaioí comeci gáinafuáiaina jénoítiaoí. ⁵ Diga jínoífene íuaido “Cue bie ñuera Juzíñamui uaina ínotímíedicue,” daíítiaoí. Mei íadi jofona íaioí comeci ráatailla mei, afe ínogafuemo íte méidolle ríinona jíanotiaoí.

Afe bie izoide comini diga nabáiríñeno o iri. ⁶ Mei bimácimona dáarie, jíáimaci jofomo jaillano comécina ríinide ringóniai jífuefirediaoí. Afe ringóniai fiénidífuáiaina oruide. Afe ringóniai nana fienu óiacanafuáiaina anáfenogaíiaoí. ⁷ Diga ráfuai onóiacadiaoí mei íadi Juzíñamui ua ráfuena baitánidiaoí. ⁸ Jaíai Moisés ílláruillaido mena aimo íanes, íambres diga, Moisés daina uai uáítatíallinoí. Afe íallinoí uáítaja izóí, bie comini íirairuillaido ua uaina uáítatíiaoí. Íaioí ífoci úrillafue oni níbéfodo jóoide. Juzíñamuimo ínogafuena fáicanocaidiaoíza; áfemo índiaoí, táinofue ínotiaoí.

⁹ Mei íadi bimaci are jíáimacina jífuecana úíñeítiaoí. Mei íanori íllamona nana comini íaioí jífuefírenafuena fídítiaoí. Jaíai Moisés uáítate íallinoí táinona úrilla uaina comini fídía izóí, nane afe izóí bimaci táinona úrilla uaina nana comini fídítiaoí.

Íiracíaiño Pablo Timotéomo jónenocaíafue

¹⁰ Mei íadi o cue llófuiana ñue jeire otío. Cue maca izóí jaca ñue macádio. Iemo cue mamérilla izóí ñue mamérífredio. Iemo Juzíñamuimo cue ínuua izóí, afe izóí iere ínofíredio. Cue comeci jarire úríñena izóí, afe izóí fáicana úritío. Jíáimana cue duéruilla izóí duéruítío. Diga juáredífuaii cuemo comuide, íadi fáicanocaiñeno Juzíñamui ñúefue llócadicue. Afe cue ocuilla izóí ñue ocuíoídio. ¹¹ Comini duere cue finóllena cuena racádiaoí, mei íadi áferi jacínaiñeno caimare ítuce. Nauí Antíoquía jófue mo duere cue zefuillana onódio; daje izóí Iconio jofue, Lystra diga cuemo íaioí finócafuena onódio. Nana racada duere cue íaioí fínuaífuáiaina onódioza. Mei íadi cai Ocuíraíma nana aféfuáiimona ñue cuena jíllotate. ¹² Uafue onóigaza, nana Jesucrístomo jíaináimona ñue

jaícina illáfue mo íacadino, nai ñnoñedimacido duere zéfuitiaioi. ¹³ Iemo afe llezica fiénide jiáimana jífue fire dino jamánomo fiénidifuiamo ana jáitaiioi. Jiáimacina íaioi jífui a llezica, dani jiáimaci íaioina jífue itiaioi.

¹⁴ Mei jiáifodo omo llófue gafuiamo riire o comécioicairi, mei aféfuiaimo iere ñue ñnotioza. Iemo afe bífuiaina o llófue timi ena onódio. ¹⁵ Daje izói o dúemiediomona Juziñamui ñuera Cuegáuaina fueñe onóicaidio. Aféuaimona llófue gao, jllonafue o maiñóllena. Afe jllonafue Cristo Jesumo o ñnuado o oga. ¹⁶ Nana Juziñamui Cuegáuai, Juziñamui afe cueraini comécimo úrilla izói ñue jaícina cuega. Bie uai iere ráifide comini ifoci déillena. Aféuaido comini llófue rega; íemo afe bíuaido táinomona lloga uaina uáitarede; íemo áfede jiáimacina lletárede; daje izói aféuaido jaícina comini ñue illífue na íaioimo llórede. ¹⁷ Afe daíi Juziñamui Cuegáuaido Juziñamui ocuícami ñue baitádimi ena írede. Iemona afémie ñue finóbide, nana ñúefuiai ie finóllena.

4

¹ Juziñamui eróicana, cai Ocuíraima Jesucristo diga, Juziñamui uailai o llófire illena iere omo llonódacaidicue. Mei Jesucristo biniemo illáimana bille llezica, afémie nana caade comínina, naa tíidino diga íaioimo itífue na riire jicánoiteza. ² Afémie raire bíacana jira, riire ona daíticue: Nágarui Juziñamui uailai jino o llófireiri. Afemo riire o maméioiri. Comini aféfuena cacácana llezica, daje izói aféfuena afémaci cacáacañena llezica, nana afémacina jaca daje izói Juziñamui uai riire o llófireiri. Ñue riire llófireiri Juziñamuimo nai ñnoñedino aféuaina íaioi jíeruillena. Daje izói afémaci illafue figóñedeza, bíuaido íaioina lletari. Iemo ñúeodo íaioi jáillena, mai riire íaioimo lloiri. Nana bífuiaina, nana comeci járitañenafuedo fíaicana o llófue fireiri. ³ Afe daíi llófue fireiri, mei diga irui illamona, comini ua llófue inafue mo cácañe itiaioiza. Mei jiáifodo dani íaioi fi eni gaina izói dani íaioi cacácana izói, íaioi llófue itinona aillo jénoitiaoiza. ⁴ Juziñamui ua ráfuena fáicanocaillano, nana jagai izoide táinomona llogáfuiamo náfue itiaioi. ⁵ Mei jiáifodo o iri. Cáadimie izói ñue abina o onoiri. Zúufue omo comuádi, áferi jacínaiñeno abi riire o mameri. Iemo jllona uai o llóllemo maméioiri. Juziñamui omo jónega táijina ñue ícoimo o fuitari.

⁶ Ja íanori illamona Juziñamui íobitallena fatá fecaca rille izói, fécajigacue. Cue titáillirui ja áinozide. ⁷ Ñuera fuíriraíma izói, fiénidifue anáfenua izói táijinana jae riire ñue ícoimo fuitádicue. Iemo jifánotimacimona riire aizida goal orédimie izói, afe izói cue táijina fuillánomo dúcidicue. Iemo Juziñamuimo cai ñnogafuena fáicanocaiñeno, ja ñue ícoimo ñnoticue. ⁸ Iemona ja birui cai Ocuíraíma cuemo fecalle fia jirídoga raa izóidifue mo ocuúridicue. Afe ie billíruimo, Juziñamui anamo ñue níifuenidimacimo dúide zíñona illáfue na afémie cuemo fécaite; mei afémie comínimo itífue na ñue jaícina jicánoitimieza. Dama cuemo fécañe iteza, mei íadi daje izói nana ie billíruimo camare ocuúridinomo jirídorede zíñona illáfue na afémie fécaite.

Dama Páblomo dúidifuiái Timotéomo lloite

⁹ Timoteo, mai raire cue eróizabiri; riire áfemo o maméiri. ¹⁰ Mei cue nabai Demas, binié ráaniaina jamánomo gáinamona jae cuena zóofeteza. Zóofiana jae Tesalónica jófue mo jaide. Iemo jiáie cue nabai, Crescéntena mámeciredimie,

jae Galacia éniemo jaide. Daje izói jiái Tito oni Dalmacia éniemo jae jaide. ¹¹ Dama Lucas cue diga fiébilla. O billíruimo, mai Marcos júnuailano cue diné ómicoi biri, mei afémie benó cue táijina cuena iere cánoiteza. ¹² Cue nabai Tíquico, Efeso jófuemo jae cue orega. ¹³ O billíruimo cue fieca emódomo jítáraroi o atiri. Naui Troas jófuemo ite Carpona mámeçiredimie jofomo cue fieca. Daje izói cue rabénicuai o atiri. Iemo jiáie cuega rábiai féitañeno o atiri, mei afébiaina iere jitáidicueza.

¹⁴ Naui Alejandro aillo fiénidifuiái cuemo nitade. (Afémie lloéfiái finuamo táijifiredimie.) Nana fiени ie úrillafuiái dieze cai Ocuíraima afémiemo iba óite. ¹⁵ Afe Alejándromona abí o rairuíoicairi, mei afémie cai lloga uaina iere uáitaacadeza.

¹⁶ Nano fueñe cue abi riídollifue, riíllaini uícomo cue llua llezica, bu cuena nabáiñede. Nana cuena zóofetiaíoi. Juziñamui afefue iba íaioimo óñeillena afémiemo jicádícue. ¹⁷ Mei íadi naui abi cue riíduaruimo cai Ocuíraima cuena canode. Afémie cuena ñue riire finode, jíllona uai oni nana judíoñedinomo cue llujillena. Afémie afe llujillafue ñue ícoimo cuena fuitátate. Afe daií cai Ocuíraima iere jacíredífuemona ñue cuena jíllotate. ¹⁸ Daje izói nana jiáie fiénidifuiái mona, afémie cuena jíllotaité, íemo dama íeiena cuena ráiruite, monamo ite ie illáimana illánomo cue dúciillena. Ñuera ebíredífue jaca ninomo íemo íteza. Daiítadeza.

Jiraícaíño uáiduafuiái naa ézicigafuiái diga

¹⁹ Mai, Prisca, Aquila diga caimare uáidori, naa Onesíforo comini diga. ²⁰ Erasto Corinto jófuemo fiébide. Cue nabai Trófimo ie irárenamona, Mileto jófuemo cue fieca. ²¹ Mai raire rozíredíruillai nai dúciñena llezica benó o biri. Benómona jiáimaci omo uai orédiaíoi, be nímaci: Eubulo, íemo Pudente, íemo Lino, íemo Claudia. Daje izói nana Crísumo jainaide ámatiaí o uáidotiaíoi.

²² Cai Ocuíraima Jesucristo nágarui ómoimo nabáirifireillena Juziñamuimo jicádícue. Daje izói Juziñamui nana omoi ézicillena jicádícue. Mai daiítadeza; jae ñie.

SAN PABLO TÍTOMO ORÉCABE

La Carta del Apóstol San Pablo a Tito

Pablo Títomo cuete

¹ Páblodicue. Juziñamui táijitagamiedicue. Jesucristo orécamedicue. Juziñamui nizécanomo ñnotalle uai cue llujillaena ie orécamedicue. Daje izói cai ñnoga ua uai, íaiói onóillena orécacue. ² Afe bie cai ñnoga ua uai, jaca ñinomo ñue cai illinomo cai ocúrinanomo móirede. Nai énie cómuñenia uícodo, Juziñamui afe zíñona cai cáillinona lote. Juziñamui jaca táinona llófinide. ³ Ja birui ie llóiacaga uaina, ie mamécaruimo cuemo jónega llófuecaillado caina onótate. Uafue, cai Jíllotaraima Juziñamui afe daje uai cue llófuecaillena cue ocuide. ⁴ Tito, daje izói Juziñamuimo ñnoticoco, íemona nahí cue jitó izóidío. Jira bibe omo cueticue. Afe llezica, cai Moo Juziñamui cai Ocuífiredede cai Jíllotaraima Jesucristo diga o ñue ézicillena jitáidicue. Daje izói omo dúecaillena jitáidicue. Afe dáaruído caimare uái ñue o íllena jicádicue.

Tito Crétamo llófuete

⁵ Monáillai cigí idu Crétamo o cue fiénocauillaruido, nai figo finóbiñede raa ñue daje ñine jaícina o finózillena ona fiédicue. Aféruido naga diga jofue illánuiamo ite Juziñamuimo jainaide gairídinomo íaiói ócutimíena o jóneri daidicue. Ñue ócuite eicomínina jenoda o jónetadicue. Afe izói nauí uícodo omo llonódacaidicue. ⁶ Naga ñue ocuide éicome ñfuenino írede. Daje izói afémie daa ringo otímie írena. Daje izói ie úruiai Juziñamuimo ñue ñnorediaíoi. Afe úruiai fiénidífueña jóneñegazana írediaíoi. Ocuilla uaina náfueñedino izói ínidiaíoi. ⁷ Iemo naga ócutillaíma Juziñamui díbenemo ocuícuaíoi. Ie jira afémie ñfuenino jaícina ñue írede. Daje izói afémie “Cue bie iere ríimiedicue” daíñide. Daje izói afémie comécina éocainide. Daje izói afémie jífaíñide. Daje izói afémie illáiredimíena ínide. Daje izói afémie ía Juziñamuimo táijinado úcube otímíena ínide. ⁸ Mei jíaífodo, afémie ie jofomo mácaíbitinona jíaífodo comécíeno caimare llínofiredimíena írede. Afémie ñue caimare finófredimíena írena. Afe izói dama ie abina ñue ocuidimíena írena. Afe izói afémie comécina jaícina ítimíena írena. Afe izói afémie Juziñamuimo ñue jaináidimíena írena. Afe izói afémie dama ie abina lletádimíena írena. ⁹ Afémie ñue ñnofirega íemo lloga uaimo iere comécíirede, jíamaci comécina nácaítallena. Iemo jíái afémie daí írede, nana uáitatínona uafue daítallena.

¹⁰ Mei uafue, aillo ocuícana náfueñedino ite. Judíuaimo ite nabene. Afémaci táinodo úritiaíoi. Afe llezica comínina jífuetiaíoi. ¹¹ Afémaci úrilla llícaítarede, mei dáarie afézie nana íaiói ñue ñnogafue dobáñnotadiaíoi. Afe llezica llófueraínina uaido llófuefirediaíoi, meárede fínuado úcube óllena.

¹² Afe Creta énie ímácimona daade uai jino lloraima, ie nabáitiaído úrite. Daide: “Creta ímaci táinofuerediaíoi, íemo jazici ie rílleníai izóidiaíoi, íemo iere güillárediaíoi, íemo jaca iere ráiraiediaíoi,” daide. ¹³ Afémie uafue daide. Ie jira ríire íaíoína lletari, Juziñamuimo íaiói ñnogafueña féitañeno ñue jeire íaíoí óllena. ¹⁴ Iemo daje izói ñue íaíoína lletari, judíuai daní uibica uáillaímo íaíoí

náfueñeillena. Iemo jiái, ua uáimona oni jíicaidino comútaga ocuilla uaimo íaiói cácareiñeillena.

¹⁵ Nana comécina íaifuenidimiemo naga raa íaifuenide. Mei jíaífodo íadi nana Juzíñamuimo ínoñedino íaifuiaredinomo naga raa íaifuiarede. Daje izói íaiói ifoci uibíllafue íairede, nana íaiói comeci úrilla uai diga. ¹⁶ Afémaci “Juzíñamuina onódicai” daidíaiói, mei íadi íaiói finócado Juzíñamuina jáanotiaíói. Mei afémaci íairuigamacina jáidiaíoiza. Iemo náfueñedino izói itíaiói; íemo due jiza ñuera raana finónidiaíói.

2

Ñuera uafue llófueina uai

¹ Tito, o daílle uailai ñue uafue llófueina izói jaca jaícina jóirede. ² Nana éicomini jaca jífaífinidínona írede. Daje izói ñúefuiaido jacíruiregaiaíói. Iemo, abina ñue onódimiaina írediaíói. Daje izói Juzíñamuimo íaiói ínogafuemo iráfinidimie izói írediaíói. Daje izói nágaruillaído ñue izírucana ífrediaíói, íemo jíái jaca comécina járitaífinidiaíói. ³ Daje izói eiringótiai úrioinide; íemo ñúefuedo jacíruiregaiaíói. Afe izói táinona llófinidiaíói. Iemo jíái jaca jífaírado jífaífinidiaíói. ⁴ Daí ñue íaiói íllana ácatarediaíói, jíaie ringóniai jítaínguai afe izói íllena. Afedo íaiói inítiaina izírullena lollíaiói. Daje izói jítaíngo íaiói úruiai gáíllena llófueregaiaíói. ⁵ Afe izói íaiói abina ñue onóíllena llófueregaiaíói. Daje izói íaifuiainidínona íaiói íllena llófueregaiaíói. Afe izói jofuero finoca raa ñue úiñollena llófueregaiaíói. Daje izói ílláinidíngo izói íaiói íllena llófueregaiaíói. Afe izói íaiói ini ocuicana jíeruifireíllena llófueregaiaíói. Be daí írediaíói, buna Juzíñamui lloga fieni úridoíñeillena.

⁶ Daje izói jítócomini ñue íaiói íociretari, abina ñue íaiói onóíllena. ⁷ Iemo jíái, naga o jetáacaga dibénedo o ñue illa izói íaiói íllena ácatari. Iaióina o llófuelle llezica, taino jífueñeno llófuefíreiri. Daje izói jífanodoíñeno lloiri. ⁸ Daje llezica táinodo úrinidío, buna o jánari úriñeillena. Afe daí o uáitaacadino meáiruitiaíói, mei ja odo fieni úrinideza.

⁹ Iemo jíái, nana ocuícano íaiói ocuídino anamo ñue íllena o llófuefíreiri. Daje izói cáimamacina íaiói íllena lloíri. Iemo uai ófíreíñedinona írediaíói. ¹⁰ Afe izói íaiói táijina llezica íaiói ocuídino ráaie meríñedinona írediaíói; mei jíaífodo naga táijnana jetátagamie ñue ínofíregamie írede. Afe izói írediaíói, cai jíllotaraima Juzíñamui lloga uai iere ebíredeza, daní afémaci abído onótallena.

¹¹ Mei jíi, Juzíñamui caimo ie dúecaíllana caimo cíotote. Afe caimo ie dúecaíllado nana éniemo itino jíllorediaíói. Afe jíllorenafue Juzíñamui jae caina onótate. ¹² Afe caimo ie dúecaíllamo cai coméciaíi fieni íllafue cai fáicanocáíllena caina onótate. Afe izói bie énie ímaci óiacaga cai fáicanocáíllena onótagamie. Iemo jíaífodo biruíllaído cai íllafue ñue úíllena caimo llote. Jaca abí ñue cai ocuífírena caimo llote, íemo cai íllafue ñue jaícina cai jóoneíllena cai llote. Afe izói Juzíñamuimo dúide uaina caímare finóredicaí. ¹³ Iemo daje izói Juzíñamui uícodo lloga uai, caímare zuíllemo ocuíríoiredicaí. Mei aferui iere ríinoredimie Juzíñamui, cai jíllotaraima Jesucristo caímare billíruiza. ¹⁴ Afémie cai ícoínia tííllínomo uigámie, nana fiénidífuiaimona cai jíllóíllena. Daje izói nana cai íaifuiái muiñóllena uigámie. Afedo afémie íena caina mamede, ñúefue iere íocire cai finóllena.

¹⁵ Be nie o llófuereña uai. Nana náinide comini comécina náicaitari, íemo lletáredino omo ite ocuille ríno dieze íaioina lletáfireiri. Buna ona jámairuitañero íri.

3

Juziñamuimo ínotino bie izói írediaioi

¹ Jesucrístomo ínotino énie illaíma anamo íaioi írena uibíñotari, naa ocuáinuiaíri. Daje izói aféllaímai ocuica uai íaioi jíeruillena uibíñotari. Afe llezica ebena ñúefuiaí fínuamo íere jécaírediaíoi. ² Daje izói jíáíma jánana fieni úrinide. Afe izói afémaci comécina caímare uái ítínona írediaíoi, íemo illáinidinona írediaíoi. Iemo daje izói nana comínina omoi uáidua llezica, comécina mánaídimiena o illa jino íaioímo onótari.

³ Mánaídimiena íredicaí. Mei nauí uícodo daje izói caí bie jaca abina onóñedinodicaíza. Juziñamui lloga uaimo cacáreíñedicaí. Aféruimo niné féiraitino izói ífiredicaí. Daje izói nana caí comeí fieni gáínafuiaímo riire ocuácanodicaí; íemo jíái caí íóbitade raamo riire llavécanodicaí; jaca nágarui fieni ífiredicaí, íemo jíáímamo úradoífredicaí. Iemo comécina éoidicaí, daje izói conímana éoicaífredicaí. ⁴ Mei íadi caí Jíllotaraiíma Juziñamui íemo ite cáímafue jino caímo cíotote, íemo nana náíraíaina íe izíruífírena díga. ⁵ Afémie caína jíllotaacade, mei íadi jaca nanómona caí daína ñúefuena caí fínuamona Juziñamui caína jíllotañede. Mei jíáfodo dama afémie caímo dúecaíllado caína jíllotate. Caímo ite íaífuiaí dama íe múíñuado caína jíllotate. Afe llezica Juziñamui Ñuera Joreño afe múíñuado, meine como jéciganona caína finode. Iemona daje izói afe Ñuera Joreño como comuítaga ñúefuedo caína úcaíte. ⁶ Caí Jíllotaraiíma Jesucrístodo, Juziñamui íe Ñuera Joreño jeruíñeno caímo fecade. ⁷ Afe daí Juziñamui caína dúecaíllano, nífuenidinodicaí izói caímo caímare éoide. Afémie daí caína ítátate, caí ocuírina ziiñona caí illino caí maíñóllena.

⁸ Bie uaíllai íere uáfueza. Daje izói nana bífuiaí jeire íaioi ólleza ona íaioina íere llotátaitíue. Daí ona llotátaitíue Juziñamuimo ínotino bie ñúefuiaímo nágarui íaioi jíeruillena. Comini canóllena bífuiaí nana ñuera. ⁹ Mei íadi abina onóñedino júfídogafuemona oni o jícaíri. Daje izói jaiáídígíma díbénedo lloga íaioi comuílla táínofuiaímona oni o jícaíri. Afe izói jíáimana uáítaírenamona oni o jícaíri. Iemo jíái, Moisés lloga uaimo ite féiredífuiaído fuírídinomona oni jícaíri. Nana bie izóídífuiaí cómena canóñede. Daje izói bífuiaí ífócina úríñedinomona comuíde.

¹⁰ Juziñamuimo dájena jaináídino cígiri dámie eneno bozíetaíacania, íena uáidota ménacaíño lletari. Daí lletaca cacáacañeniadi, omoi cígímona íena ruífruíri. ¹¹ Uáfueña íena ruífruíri, mei ja áfemona afémie fíénídimiena onóredeza. Afémie ñúefuemona oni níbéfodo fíénídfuemo baíídimie. Iemo dama íe finoca fíénídfuemo duere finóbide.

Pablo naa íe nabáíñaiíri mamérilla uai

¹² Artémama mámecíredímie, níbai Tíquiconá mámecíredímie omo cue óreíadi méífomo, Nicópolis jofue illánomo raíre cue eróízaíbiri. Afénomo o jáíllena raíre mamériri, dínomo dáonomo conímano dúcíticocozá. Mei afénomo rozíredíruíllaí záítaíacadíueza. ¹³ Iemo nane jíáfíue, Zénana mámecíredímie Apolos díga nana omo ite dieze íaíllinoína canori. Afe Zena jíáímado ñue úrífredímie. Íaíllinoí jaille llezica jítaíca raana íaíllinoímo fecari,

minícana íaillinoi jítaiñellena. ¹⁴ Iemo daa cai Juzíñamuimo jaináidino ñue lloíri, ñúefuiaimo íaioi táijifireilleza; daje izói jíáie come jítáiadi, íaioi jitailla raana fecari. Iemona íaioi illafue ñue ráifiteza.

Iraicaiño uáidano ñue íaioi illena Pablo Juzíñamuimo jicade

¹⁵ Nana cue diga itino o uai orédiaioi. Cai izíruiga nabáiñiai daje Juzíñamuimo ínotino o uáidori. Mei Juzíñamui nana ómoína ñúefue dibénemo itátateza. Daiítateza. Jae ñie.

SAN PABLO FILEMÓMO ORÉCABE La Carta del Apóstol San Pablo a Filemón

Pablo Filemomo cuete

¹ Cue Páblodicue. Cristo Jesús ícoinia llavécamedicue. Cai ama izóidimie Timoteo cue diga illa llezica, Filemomo bibe cueticue. O coco táijjnamo izíruiga nabáifiredimedio. ² Afe llezica Juzíñamuimo ñnotingo cai miringo izóidingo Apiamo cueticue, íemo jíái Juzíñamui uaimo iere cai nícidogafuemo nabáifiredimie Arquípomo cueticue. Iemo jíái Filemón jofomo gairífirede Juzíñamuimo jaináidinomo cueticue. ³ Mai birui cai Moo Juzíñamui cai Ocuíraíma Jesucristo diga, ñúefue dibénemo ómoina itátaiteza; daje izóí caimare uái illifue ñue ómoimo itátaiteza.

Pablo Filemón Jesucristona izíruilla íemo íe ñnuana llote

⁴ Juzíñamui diga cue úrilla llezica omo úbicaidicue. Uíbicaillano, jaca Juzíñamuina “Figora” dáifiredicue. ⁵ Mei o ñue o finócafue fidídicueza. Cai Ocuíraíma Jesuna o izíruillana íemo o ñnuana diga, fidídicue. Daje izóí nana Juzíñamuimo jaináidinona o izíruillana fidídicue. ⁶ Juzíñamuimo o ñnuado jíáimaci afémie uai jeire o otátallena Juzíñamuimo izire jicádicue. Afémaci o diga nana Cristo Jesúmona comuítaga cai ñue ñnofirenafuiai, ñue onóillena jicádicue. ⁷ Afe daí jicáfiredicue, mei ja o izíruillado íóbídicueza, daje izóí áfedo cue comeci íociredeza. Daíí ori íóbídicue, mei Crísto mo ñnotino odo comécina íracaiaioiza.

Riire ocuícamié Onésimomo Filemón dúecaillena Pablo íemo jicade

⁸ Iemona ja birui, Cristo orécamiéna cue íllado omo dúide finolle raana riire ocuiredicue. ⁹ Mei íadi afe izóí ócuiñeiticue. Riire ocuilla baimo caimare jícana gáidicue. Iemo conímana coco izíruillamona omo jicaiticue. Ua ja cue éiromadicue, íemo jíái Cristo Jesús llavécamedicue. ¹⁰ Daíí cue íllamona, daa cue onóigamiemo o dúecaillena jicádicue. Benó cue llavéjina llezica afémie cue jító izóidimiénena jaide, mei afémie comécina Jesucristomo ñnuua mei afémie jaináitaticueza. Afémie Onésimo. (Jesucristomo íe ráifidimiénena omo íllana jaca comécínedio.)

¹¹ Nauí Onésimo omo ráifíñedimie izoide. Mei íadi birui cue o diga afémie ráifidimie izóí tájirede. ¹² Meine abído íena omo orédicue. Afe íe cue ória cue iere izíruiga úrue ória izoide. ¹³ Nai benomo ñúefue ícoinia cue llavébilla llezica, afémiénena “Benó cue diga fiebi” uáfúena daííacadicue, o méifomo afémie cue canóllena. ¹⁴ Mei íadi nai o jíí daííñenia minícana ocuicañedicue. Daíí daíídicue, o cue jícajana ocuilla izóí íñeillena. Mei jíáfodo dama o comeci jitailla izóí cue jícajana o ínuana jítáidicue. ¹⁵ Nibai Onésimo nauí fia nígarui fidi oni o abímona jaide, meine billano biruímona o abímo afémie jaca ninomo íllena. ¹⁶ Iemona birui riire ocuícamié izóíñeno, mei jíáfodo izíruiga ama izóidimiénena afémie o diga írede. Afe jira nauí riire ocuícamié baimo ñúemiénena o diga írede. Afe bímie iere izíruiticue, mei íadi o cue baimo íena izíruiredio. Birui daa afe ñue tájítallimie izóí íena izíruinidíio, mei afe baimo cai Ocuíraímamo jainaide ámana o izíruilla izóí, afe izóí íena izíruiredio.

¹⁷ Iemona uáfueña cue nabáidimie o íadi, cue o llínua izói, afémie o llínori. ¹⁸ Nibai nano afémie fiénide raa omo finóadi, íemo jiái nibai minica omo íbañenia, cuemo jica, cue íbállena. ¹⁹ Ona uafue cue daiítallena cue ónoido cueticue: Afena íbaiticue. Cue Páblodicue. Mei jiáífodo cue ona uibíñotaredicue, dama o ñue méidoga abi cuemo dúide, mei Juzíñamuimo ona ínotadícueza. ²⁰ Ua mi, cai Ocuíraimamo o ínuamona, afe bímie o llínuado caimare cue itátari. Crísto dájena jainaide ama izói cue começi fírari.

²¹ Omo cueticue mei o jíeruífireña ñue onódicueza. Jiái onódicue, cue ocuica baímo finóredio. ²² Afe llezica cue iníllico uieçodo raíre finori. Mei bie izói ocuírídícue; Juzíñamuimo omoi jíçallemona, Juzíñamui omoi cue eróizaibillena cuena óreite.

Jiraíçaiño uáidua, caimare ñúefue dibénemo omoi itátallena

²³ Crísto Jesús ícoínia cue diga llavécamié Epafras uai omo orede. ²⁴ Daje izói jiáie cue táijinamo canódimaci Marcos, Aristarco, Demas, Lucas diga omo uai oréçiaíoi.

²⁵ Mai mei cai Ocuíraíma Jesucrísto ñúefue dibénemo ómoína itátaíteza. Daiítadeza. Jae ñie.

HEBREO IMÁCI MO CUEGABE

(Daa bimaci jáífodo mameina Judíuai)

La Carta a los Hebreos

Juzíñamui ie Jitodo ja comínimo úrite

¹ Jaiai ninomo cai judíuai jáiáidigimamo Juzíñamui úrite. Ua, ie uai llórainido diga icaiño, diga jáífodo jóoide uáillaido úrite. ² Mei íadi ja birui lírairuillaaido Juzíñamui ie Jitodo caimo úrite. Bie Jitó uaido Juzíñamui jaiai bie éniena naa úcuairi finode. Iemo naga raa íeiena náamatallena Juzíñamui íena mamede. ³ Afe Jitó ie Moomo ite ebíredena jino cíotatímie. Daje llezica afémie jino náiraímo cíotaga; ua daje Juzíñamui izóidímie. Nana finoca ráaniaina afémie dájena jaináitano ie ñue ríírede uáillaido nágarui ñue jáícina finócana uite. Bímie, cruzmo dama ie die tótajado cai fiénidífuiaí ñue múiñua mei, caífo monamo ite Juzíñamui nabezi dibénemo ráinazaide, dinómona nahi illámaillena.

Juzíñamui Jitó Juzíñamui abi imáciai baimo fígomie

⁴ Afémie afe jamánomo ríiredinomo jáillamona, nana Juzíñamui abi imáciai baimo fígomiena jaide. ⁵ Juzíñamui ie abi imácimona dáamie jaca “Cue jítódio” daíñede. Ua, “Cue Jitódio, ja birui illáimana o jóoneitícue” jaca daje izóí íaíoína daíñede. Mei íadi ie Jitó Jesucrístona daíí daide. Daje izóí ie abi imácimona dáamiena “O moona íitícue” daíñede. Dáanomo “Cue jítóitio” daíñede. Mei íadi Jesuna daíí daide. ⁶ Ua Juzíñamui ie izoide daade Jitona bie éniemo comuitajano daide:

Mai, nana Juzíñamui abi imaci, bie cue jitona jacíruióicana ñue omoí íóbitari.

⁷ Mei íadi abi imácina Juzíñamui daide:

Bimaci cue abi canórainina íllamona, íaíoína ocuífiredícue. Iemona jairifo raire náidacailla izóí, bimaci cue ocuícana raire jetáfírediaíoí.

Afe izóí nana cue canóírede cue abi imaci jacírede boode irací izóí, íaíoína ocuífiredícue, —daide.

⁸ Mei jáífodo ie Jitona daide:

Juzíñamui o íllamona, o illáimana illíruí jaca ninomo zííñoña íite.

Ñue comécina jáícinaínafuedo jaca illáimaífireitio.

⁹ Ua, comécina jáícinaínafuena izírúitio, mei íadi fiénidífuiaímo éocana eróidío.

Iemona Juzíñamui, ua o Juzíñamui, jae ona íóbitade.

Nana Juzíñamui uaina jíéruite o nabáíñiaí cáimadua baimo, cáimatagao, —daide.

¹⁰ Jáínomo ie Jitona Juzíñamui daide:

O Ocuíraimadío.

Naga ráaniaí o táinia mei, bie énie finódío.

Nana monamo ite naga úcuai o ónoído finócana.

¹¹ Afe énie naa úcuairi niné táinocaitiaíoí, mei íadi o jaca zííñoña íitio.

Aféniaí jácara iníroillaí zabilla izóí zábitiaíoí.

¹² Iemo inícuíro dócoiano oni jóonia izóí, oni eneno íaíoína jóoneitio.

Iemona iníroi jáíroína abimo jita izóí, bímie naa ucúduairi méidoficaitiaíoí.

Mei íadi o jaca méidoñellioza, dinó nímieitio.

Omo itifue jaca zíñona íite.

¹³ ¿Ñiie mei ie abi ímiemo Juzíñamui llogámie:

O fairíconi o anamo cue anáfenotalle llezica mai benó cue nabézimo illaíma nabai izói ráinazaíbi?

Daíí daínámiena íñede. Dama ie Jitó Jesuna daíí daíde. ¹⁴ Nana afe Juzíñamui abi imaci Juzíñamui ocuica canófirede joríaiaí. Ua Juzíñamui orécaiaíoi, afémiedo jíllotino ñue rairuúllena.

2

Cristo caímo lluaíbíga jíllona uaímo ñue úíñoredicai

¹ Ie jira Juzíñamui Jitó, Jesucristo daíí naga illaíma baímo jáidímiena íllamona, nana Juzíñamuimona caí cacana uaíllai jeire caí olle íere jítaírede; omoi jefóniaí ñue jíneoiri. Aféuaimo ñue omoi cacáreiri, oni níbéfodo fiénidífue mo caí baííñeíllena.

² Mei Juzíñamui jaiaí ie abi imácido llogáuai jaca oni caitánide. Naga aféuaina jeire oñédino naa cacáfnidinori raíre íere duere finócaiaíoi. Mei afe fiénidífue fínuamona Juzíñamui íaíoi mo jaícina íbana ote. ³ Mei íadí biruí aféuai baímo jamánomo ñue ríírede uaina cacádnodícaí. Ie jira bie Crístromona caí cacana uaíllaína jeire caí óñenia, ¿níífuedo jaícina íba uáfue mona jíllotícaí? ¡jíllonidícaí! Afe baímo ñue ríírede uai nano fueñe Ocuíraíma Jesucristo caímo llogáuai. Ie mei ie daínana cacádnodo aféuai jae caí uafue daííllena llotátaga. ⁴ Afe íaíoi daína uaimo onótate raado Juzíñamui ñue uai nabáítate. Iemo jíaí jacírede raado, aillo cíórainína raa díga afémie ñue uai nabáítate, íaíoi daínáuaimo ñue caí íñollena. Afe llezica Juzíñamui ie jítaínafue izói, ie Ñuera Joreño ñúefuíaí finolle ríino, illa dígamíerie íaíoi mo fecade, daje izói caímo.

Jesucristo Juzíñamui Jitó íadí afémie caí illa izói, ía cómena ífícaide

⁵ Caí úrifirena ñuera úreitíruíllaido námie ílláímaíllena, Juzíñamui ie abi imácina: “Ílláínína jáítíomoi” daííñede. ⁶ Mei jíaífodo comínína ílláímaítaacade. Jaiaí Juzíñamui Cuegáuaimo David Juzíñamuína daíde: ¡Ñií naga come Juzíñamui díbébedo jamáímíiaína!

¿Níbaí mei íaíoi mo comécíidíoi?

¿Níbaí mei íaíoi jíttóíaimo járitaitíoi?

⁷ Mei uáfue na due jíza o abi imaci jófófenemo comínína comuítatíoi.

Íllaíma ebírenano naa ñúefue díga íaíoi mo nítdáíoi.

⁸ Naga raa íaíoi anamo o íttátíoi.

Daíí naga raa íima anamo ítábicaíllamona, jae mínica ie anamo ítábicaíñedenena íñede. Mei íadí ja biruí íima díbébedo naga raana náamatañega. Afe izóíñedeza; afémie nahí náamañede. ⁹ Mei íadí jíaífodo biruí Jesuna caí onónamona íemo comécídícaí. Afémie nana íanori due jíza Juzíñamui abi imaci jófófemo jóonegamíe. Aféruído afe Jesús nano caí jíáínona, tílla onóíllena facade; mei afe llezica nana comíni fiénidífue ícoínía Juzíñamui zóofegamíeza. Ie mei tíide meíne abído cáanamona jamánomoidímiena jaide. Afe mei afémie, íllaíma izói, ñúefuena nítdacamíe, jae ebíre finócamíe, mei nauí ie tíllaruímo íere duere íe zefuúllamona. Juzíñamui caíri dúecaíllano, nana comíni níne táínocaitañeíllena caí ícoínía Jesuna daíí zefuítate.

¹⁰ Juzíñamui daíí íe Jitó duere fínoílle caímare íemo jóbide. Ie jira Juzíñamui íaíoi na jíllotaíte ífódmíe duere zefuúllafuedo nana caí jíllonafuena

ñue fuitade. Mei jii, naga raa Juziñamui íeiena ie ínuamona ja birui itíaiói. Afémie nana comínimona aillo jítótiai jíllacade ie caimare ebírenanomo dáanomo íaiói dúcizaillena. ¹¹ Mei Juziñamui dibénemo oni jóonetímie Jesús, nana Juziñamui dibénemo oni jóonegamaci diga daje Juziñamuina móorediaíói. Iemona, cai baimo jamánomoidímie íadi, Jesús “Cue ámatiaídiomoi” daí daínana meáiruñede. ¹² Afémie Juziñamuina daide:

O mámece cue ámatiaímo jino llóiticue.

Nana omo gairídino cígiri rocana ñúefue omo nítaiticue.

¹³ Jáíinomo Cuegáuaimo daide:

Cue Juziñamuidio. Omo ínoiticue.

Ie mei jáíinomo daide:

Be, benó iticue, Juziñamui cuemo iga naa úruiairi.

¹⁴ Onódiomoíza, nana cai jae cómena comuítagacai. Daí cai íllamona, daje izói Jesús dama cómena comuíbicaide. (Ua, fia come izói jéciga.) Afe mei come abi íemo íllamona, ie tíllado cai títaite Taifena ríinitade. ¹⁵ Jáíimona nana tílle jágiedo Taífemo rairuícamacídicaí. Mei íadi Jesús jae cai jacíruíñeillena nane ñue cai finode. Ja ráiruíñeganona afémie daí cai ñue orede, nana nauí cai caana llezica tíllena jacíruíticaí íadi. ¹⁶ Mei uáfodo onóigaza: Jesús ie bíllado Juziñamui abi imácina cánuaíbiñedeza, mei íadi cómena íficaillano nana Abrahámona comuídigimana cánuaíbite naa jáíe Juziñamuimo ínotinori. ¹⁷ Afémie cai cánuaíbillemona ie ámatiaí naa íaiói illa izói afémie íficaillana iere jítáiredeza, mei dúceafírede nahí comínimona Juziñamuimo comínido úritillaímana jáideza. Ua ínofirega Juziñamuimo úriraimana jáiacade, afe daí ie tíllado comínimo ite fiénidífuiaí oni muiñóllena. ¹⁸ Mei Jesucristo íaífue fiení facátáfuiaímona duere zefuide, aféfuemo baiñede íadi; íemona ja birui fiení Taífe facátagamacina cánua ríino Cristomo íteza, ja caina ñue canórede.

3

Jesús Moisés baimo jamánomoidímie

¹ Ie jira, cue ñue ámatiaí, Juziñamui uáidogamaci dibénemo jáináídiomoíza, Jesumo izire comece omoi facari; ua cai jeire oga ñúefue lluaíbitagamíemo ñue comece omoi facari. Iemo nane Juziñamui dibénemo caído ñue úritimíemo, mai íemo comece omoi facari. ² Bie Jesús íena daí mamédimie ocuica uaina jaca nágaruillai ínofírede; ua, jáíáídimie Moisés nana íemo llogáuaina jeire ófírena izói, afe izói bímie nana íemo ocuica uaina jeire ófírede. ³⁻⁴ Jae onódiomoíza naga jofo come niga; dama abína niñédeza. Mei íadi naga ráaniaí finódimie Juziñamui. Iemo daje izói ja onódiomoíza, naga jofo niraíma afe nígaco baimo ñúemieza. Afémíemo jamánomo ñúefue jóonerede. Ie izói afe bie Jesús Moisés baimo ñúefuena nitáregamie, mei naga raa afémie comuítagaza; íemo jáíi daje izói Juziñamuimo cai jáináíana Jesús comuítateza. ⁵ Ua, afe Moisés nana Juziñamui íemo llogáuai, Juziñamui dibénemo tájiaícadímie izói, aféuaina ñue jáícina Juziñamui eneno nizeca Israel náiraimo llotátate. Afe daí afémie ie méífodo bite llófuellífuemo uai nabáítate. ⁶ Mei íadi Cristo, jofona náamataga Jitó izói, nana ie anamo itínona ñue jáícina ocuíoide. (Afe daí Cristo Moisés báífene ímienaza onódicaí, mei naga jító, jofo ero tájiraíma baimo ítimienaza.) Iemona Cristo daínana, cai ínuafue ñue riire itífuedo are illa

ícoimo jeire cai oíadi, Juzíñamui comínidicai. Afe llezica afémiemo caimare cai úiñuana jitáirede.

Juzíñamui comini comeci caimare uái illafue

⁷ Ie jira Juzíñamui Ñuera Joreño jaiái Cuegáuaido daide:

Birui Juzíñamui daináuai omoi cacana llezica omoi coméciai ríiretañeno iri.

⁸ Jaiái énie zaféredinodo Israel comini facátaruimo afémaci íaiói comeci riire fínuano Juzíñamuina uáitatiaíoi.

Jii, afe izói omoi iñeno iri, daide.

⁹ Iemo nane Juzíñamui daide:

Aféruillaido jaiái omoi uzútiái Judíuai cuemo íinoñeno fieni facátafuedo cuena facátatiaíoi.

Cuarenta diga fimónado nana íaióimo cue finócafuiaina ciódiaíoi íadi, cuemo fieni coméciadiaíoi.

¹⁰ Ie jira afe bigima cuena ríicaitade.

Afémacido daidicue: “Íaiói comeci cuemo figo jaináñenamona, cue lloga io onóñeno oni nibéfodo jáidinona itíaiói.”

¹¹ Iemona áferi icírillano riirede uaido daidicue: “Jaca cue lloga caimare comécina uái ocózinaillana óñeitiaíoi,” daidicue.

¹² Amatíai, daje izói figóñede, ñúefuena íáiruiga íinoñede comécimona mai abí omoi rairuiri, afe izói omoi íñeillena. Mei afe izóidimie cai caade Juzíñamuimona oni eneno jica íteza. ¹³ Mei íadi nágaruillaido, Juzíñamui ómoína nai uáidua llezica, Juzíñamui dibénemo ñue riire jainairi. Iemo dani ómoimona ñue lletari. Daí ñue omoi llóiri, fiénidífue ie abi jífuiáfuedo buna ómoimona dáamie comécina ríireíñellena. ¹⁴ Mei nanóidemona caimo ite izire ínogafue, riire fáicanocaiñeno uáfueña cai onóyadi, jae Cristo dibénemo jaináidinodicai. Aféfuemo rairuñeno ñue omoi jíeruiri.

¹⁵ Juzíñamui Cuegáuai daí daide:

Birui Juzíñamui daináuaina omoi cacana llezica, jaiái Israel Juzíñamuina uáitjaruimo comeci rírena izói, omoi comeci ríretaneño iri.

¹⁶ ¿Bu mei afe Juzíñamui uai cacádino íadi, nane dánomo íena uáitate? Mei nana Egíptomona Moisés bairócamaci Juzíñamuina uáitate. ¹⁷ ¿Mei níimaci cuarenta diga fimona Juzíñamuina icíritate? Mei nana afe Juzíñamui uai íinoñeno fieni finódino; ñii afémaci ícuruai énie zaféredinomo fiénocaiga. ¹⁸ ¿Ñii náiraina riirede uaido Juzíñamui daide: “Jaca cue lloga caimare comécina uái ocózinaillinomo dúciñeitiómoi?” Mei nana afe ie uaina cacádinona íadi aféuaina jeire oñédinona daí daide. ¹⁹ Daí íaióina dáinana íaiói íinoñenado jofo cáimanomo dúcinidiaíoi. Ua daí ñúenomo íaiói dúciñenana onódicai.

4

¹ Ja birui Juzíñamui uafue caimo lloga caimare comécina uái ocózinaillana cai olle uai caimo ite. Aféuai nai caimo illa llezica mai ómoimona dáamie aféuai comécimo óñeillena daítadífuemona mai abí omoi rairuiri. ² Mei uafue cai bie ñúefuena llogámacidicai. Ua afe jaiái Egíptomona bairócano ñúefuena llóina izói ñúefuena llogámacidicai. Mei íadi íaiói cacana uai figo íaióina canóñede; mei íinoñediaíoiiza fia táinona cacádiaíoiiza. ³⁻⁴ Mei íadi Juzíñamui lloga caimare comécina uái ocózinaillinomo nahí jofo jáidinodicai, mei ie uaina ñue cai íinofrenado. Birui Jesumo cai ínuamona, caimare comeci jacíruíñenafue

dibénemo jóonegacai. Jira ocózinairanomo táijijñeno cai illa izói, jae caimare uái iticai. Ie mei uire Juziñamui illánomo ñue afémie diga caimare uái iticai. Jaiiai ñinoñedinona Juziñamui daide:

Iaioimo cue rícaillano ñue rírede uaido daidicue, “Afe cue lloga caimare comécina uái ocózinailinomo jaca dúciñeitiaioi,” daidicue.

Daí Juziñamui íaioina daide. Mei íadi ua íaioi caimare illifue Juziñamui are uícomo mamécaza; mei jae are énie ie comuitajarui mona, nana Juziñamui ie finócafuiiai, naa caimare cai illífuiairi, jae fuitádeza. Mei Juziñamui jáinomo ie Cuegáuaimo afe ie ocózinailaruido úrite; daide:

Juziñamui seis dígarui táijide; ie táijina mei siete iruimo nana ie finócafuiaimona caimare uái ocózinaide.

5 Afe mei jáiruido ie Cuegáuaimo Juziñamui daide:

Cue lloga caimare comécina uái ocózinailinomo dúciñeitiaioi.

6 Iemo ñúefuena nanoide cacádino ñinoñenamona afénomo jofo íaioi jáinina méifomo, áfeo nai jáímaci jáillena túide. 7 Ie jira Juziñamui diga fimona jailla mei, David ronáncuaido comíni uáiduano meine jáie billirui íaioimo llote. Afécuaimo, due jiza íllamona cue lloga izói, Juziñamui daide:

Birui Juziñamui daínáuaina cacádíomoi za omoi comécina ríretañoeno iri, daide.

8 Mei íadi Josué afe jáiáidinona nahí caimare come comeci jacíruiñenanomo uíñede. Ie jira diga fimona illa mei Juziñamui meine abido comíni caimare illiruina úrite. 9 Iemona afe nahí caimare come comécina uái ocózinailafue nai ite, Juziñamuimo jáináidímacina daní íaioiena maiñóllena. Afe ñue caimare cai illifue ocózinailaruimo cai ocózinaila izoide. 10 Mei naga afe Juziñamuimona oga caimare illífuena maiñódímie, dama ie jíllolle naa ie nícidogano fáicanocaillano, caimare uái ite. Ua Juziñamui naga rániai ie finua fuilla mei, ocózinailano caimare uái ite. Afémie uái illa izói caimare uái iticai. 11 Ie jira afe caimare cai illífuena mai ñue omoi maiñori. Mai benómona daí omoi ífireiri, omoi mona buna jáiairagima bífuena íaioi ñinoñenado íaífuemo baiílla izói omoi báiiñeillena.

12 Nana Juziñamui lloga uái, jaca íocire cáadímie izoide. Afe uai jaca nínomo ríredeza, buna oni caitánide uai. Aféuai comíni ífóciaimo déifirede; ua íaioi comécina zuitáfirede. Mei jíi, jáire jicaica lloéaido abi ñeta iere jofo ícurumo raire dúcizailla izói, afe izói Juziñamui uai nana cai comeci ífuiai onótate. Uáfuenta cai comeci facáduana naa cai comeci jítaillafuiairi fidiano ñue uáfodo jáicina jino caimo onótate. 13 Nana Juziñamui finócafuiiai íemona oni retáidonide. Ua, daa Juziñamui cióñenamiena íñede. Nana cai comécíillafuiai cai finócafuiiai diga, uáfori cai nahí Jicánoraíma ui anamo ite.

Jesús Juziñamui dibénemo caido ñue úrifredillaíma

14 Jae Juziñamui Jitó, Jesús, mona uíllie illano iere caifófenemo jaillano, Juziñamui illánomo dúcide. Dúciillano Juziñamuimo dibénemo caido ñue raire úriraimana jaide; ua afémie caido úrifredillaímana jóonega. Afe bie úriraima caimo íllaza, mai nana afémiemo cai comécilli; afémiedo cai ínogafuiai fáicanocaiñeno jáicina riire ñue íemo cai ínoilli. 15 Afe caido Juziñamuimo úrifredillaíma nana cai abi ríidolle ríino íñenana onode. Ua afe cai ríino íñenamona cai féiraifirenana afémie onode. Ie onónamona caimo dúcaifirede; mei afémie cai izoide cómena íficaillamona, nana fiéni facátafuíaína cai cacana izói cacade íadi afe fiénidífuiaímo baiñede. Iemona Juziñamui dinena

jaíredicai. ¹⁶ Ie jira Juziñamui illáimana illánomo cai úrizaiilli; mai omoi jacíruiñeno afe caído úrifiredillaimado Juziñamuimo raire úrifireiri. Daií íemo úriredicai caina ie dúecaillano cai fienu finócafuiai iba caimo óñeillena; daje izói afémie cai jitáilliruido cai canóllena, afémiemo úriredicai.

5

¹ Naga come dibéfodo Juziñamuimo úritillaima comínimona nizeda oga. Uano Juziñamuimo comínido úrillena mamécamié. Daje izói afémie comini dibéfodo Juziñamui ióbitalle ráfuiai finófireillena mamécamié. Iaiói Juziñamuimo fia iga ráaniai afémie izájite. Daje izói íaiói fiénidifue iba otátañelle fia fállena fecaca tóica rílleniai afémie Juziñamuimo izájite. ² Afémie ríunide cómena íllamona, íaiói illa izói abina onóñedimacina fáicana comeci járitañenado caimare fíraizitaite. Daje izói oni nibéfomo baíidinona comeci járitañeno llétaite. ³ Mei afe nizécamié cai izói ríunidimie. Iemona dama ie íaífuiai muíñolle tóica rille jáíamaci fécajilla izói, afémie jáíi fécajirede. Ua nana comini dibéfodo izáíbilla izói, dama íeiena afémie izáíbirede.

⁴ Afe íere ñuera Juziñamuimo úriraimana íllena, buna dama ie comeci jitaina izói ínide; dama Juziñamui jóonegamie daií írena. Afémie caimare jacíruiagamie. Jáíáidiruimo daií Juziñamui Aarona uáidote. Uáiduano, Juziñamui íena nizeda úritillaimana jóonete. ⁵ Afe izói Jesucristo Juziñamuimo comínido úriraimana íllena raire dama úicoficaiñede. Mei íadi Juziñamui daií úritillaimana ie jóoniacana llezica íena daide:

Cue jitódio; ja birui illáimana o jóoneitícue, daide.

⁶ Ie mei daií dainámiena Juziñamui jáínomo nane daide:

Jaca ninomo Juziñamuimo comini dibéfodo úriraimadio. Ua jaiái ninomo Juziñamuimo úriraima Melquisedec izói jaca ninomo Juziñamuimo comini dibéfodo ziiñona úriraimana íitio.

Aquíe izói Juziñamui íe Jitó Jesuna daide. ⁷ Cristo cai come izói bie éniédo jáicai llaruillaido, izire écana Juziñamuimo comeci facade. Iemo dáaruído Juziñamuimo izire jécade. Afémie daií íena jíllotaredimie comécido úrite; daide: “Bie cue tíacanafuemona mai cue jíllota” daide. Iemo Moo Juziñamui anamo afémie ñue itábicaillamona comécido Juziñamuimo íe jícajana Juziñamui cacade. ⁸ Daií Jesucristo Juziñamui Jitó íadi, íe duere zefuíllafuiaiido ocuilla uai anamo itábicaillana fibide. ⁹ Afemona afémie daií nana cai jílloilífue ñue fuitállena jamánomo jáicina fibítagamiena jaide. Ie jira nana íemo ínotimaci dibénemo Jesús ziiñona jíllotaramana jaide. Ua ziiñona jíllonafue tainédimiena jaide. ¹⁰ Mei jira Melquisedec izóidimie Juziñamuimo comini dibéfodo ziiño úrifireitímiena, Jesús jae Juziñamui mamécamié.

Cai ínogafue meine abido cai jáanolle íere jacírede

¹¹ Bífuiáido aillo úriacadicue, mei íadi íere cacáacañediómoi. Iemona nai figo baitáñedino izói itíómoi. Daií omoi íllamona, bífuiái ómoimo jino cue llolle íere féirede. ¹² Naui nano Crísto omoi íñuaruimona jae diga fimona jaide. Iemona jae oni jáíamacimo omoi llófuérizaille íere jítaírede. Mei jáíáfodo ja birui meine abido Juziñamui llogáuái tainéinafuiaína ómoimo jáíaima llófuelle jítaírede. Nai monói jírode úrue izói meine abido úruetaidíómoi; nai figo baitáñedino izói itíómoi. Ua líciaina nai rínide izóidinona abido jáidíómoi. ¹³ Mei jíi, naga monói jírófiredino, móonaiñena llezica nai dúetiru.

Daje izói naga Juzíñamui anamo ñue jaícina caina móonaitade llófueinafue dibénemo baitañedimie nai úrue izoide. Mei afémaci nai móonaiñeno úruiai izói baitañediaoiza. ¹⁴ Mei jaífodo dama móonaita éicomini lliciaina rírena. Afe izói juárede llófueinafue ñue onona dama comécina ñue jéedimacimo dúide; mei afémaci aillo facáfirenamona ñúefue fiénidifue baimo ñue onónana fibidiaoiza.

6

¹ Ie jira afe nánoide Cristo dibéfodo llogáfuiái ómoimo llúana ja moziñocadicue, jaíe cómfue ómoimo jino cue llólle. Omoimo cue llole bie cómfue, Juzíñamui llogáuailaido ómoína ñue jaícina móonaitaite. Aféfuiai mai jeire cai olli. Nano uícodo lloga ñúefue jillácina meine abido diga icaiño ómoína llófueñeiticue. Afe nanóidifuiái bie izói daide: “Ómoína jíllotañeite omoi nícidogafuiái faicanocaillano ñúefuena méidori. Méiduno, mai Juzíñamuimo omoi ínnori,” daide. ² Iemo afe nanóidifuiái báutizaafuedo úrite. Iemo dáanomo onoi cómemo bitafuedo úrite. Daje izói come tílle mei, afe tíidinomona meine abido cáailfue llote. Afe emódomo, íirairuimo Juzíñamui nana comínimo jicánolle mei zíñona duere finótallifuedo úrite. ³ Nana bie nanoide llogáfuiaina meine abido llófueñeiticue. Mei íadi, Juzíñamui comeci jitaina izói, afémie cue canólledo, ñue móonaitadifuiaina omoi llófueiticue.

⁴⁻⁶ Daí birui ómoimo llófueacadicueza, mei nanóidifuiaina úaitajano oni jaífodo féiraitimíai íaiói illafue nano ñue ínogafuena jaca méidonide; mei afe ñúefuena nai náfueñediaoiza. ¡Mai, abí omoi rairuirí! Afe daítadimaci nauí dáaruina Juzíñamui llófuegamaci izóidíaiói; ua Juzíñamui dibénedo ífócina déitaganona itíaiói. Daje izói, monamo ite Juzíñamui daina caimátallifueña facádíaiói. Iemo daje izói afémaci Juzíñamui Ñuera Joreño úcaillana jae facádíaiói. Afe llezica Juzíñamui ebírede daináuai cómena ñúetatífueña afe íaiói fácamona, ñúerana onódíaiói. Afe emódomo, Juzíñamui Jító uire illáimana illíruí llezica, íemo ite comíni cáimadolle ríinodo jae bimaci canócaíaiói. Jae nana bie núefuina fibidiaíoi. Mei íadi afe mei Juzíñamui ífuíaina móonaitaíñeno, aféfuíaina íaiói uáitaíadi ñúefuena méidofínidinona jáidíaiói; mei daí afémaci íllamona Juzíñamui Jítóna cruzmo fatátatimaci illa izói afémaci dani itíaióiza. Ua nairai uíécori íena jífánodoia izói íena meáidaitadíaiói. ⁷ Bie izoide comíni comue jacafai aínena izoide. Juzíñamui bíitaga noci naga éniemo diga ícaíño bíide. Iemona afe éniemona ñue ria aite, afe éniemo táijidíno güíllena. Aféniena Juzíñamui ézicite. ⁸ Íadi jíáinomo noci bíilla mei, daa figóñede éegíai ailla, naa zaie diga. Afe izóidínie ráifíñedeza; níbai íanori íllamona Juzíñamui fáidoite. Íirainomo afénie jobáíllamo dúide, naa afénomo zicódinuairi mei figóñedeza.

Cai úiñoigafue caina riire nabaide cai ínogafue féíñellena

⁹ Mei íadi cue izíruíga ámatiaídiomoi. Jae cue lloga faidórafue baimo jamánomo ñúefuiai dibénemo jaináidíomoi. Ua omoi jíllonafuemona comuide cáimaduafuiái maiñófiredíomoi. Aféfuena ñue onódícue. ¹⁰ Juzíñamui comécina jaícina jóidimie. Iemona nana íena omoi izíruíllamona omoi finoca Juzíñamui comíni cánua ráaniaina, afémie féitañede. Daje izói aféfuíaimo nai biruí jíeruitíomoi. Ua Juzíñamui jaináidínona izíruíllano, ñue afémacina riire canófiredíomoi. ¹¹ Ie mei biruí afe izire omoi nícidua izói, daje izói ómoimona

illa dígamieriena Juziñamuimo ocúriri daidicue. Iemona omoi ñnogafuiai jeire ómoína otátaacadicue, omoi úiñoigafue táinomo fáifñeillena, mei jiáfodo ñue jaícina omoi fuitállena. Afemo ómoína nágarui izire coméciri daidicue. ¹² Daí izire omoi comécioillamona ráraiedino illa izói ññeitiomoiza. Mei omoi ñue comécioillamona, jiáfodo daade Juziñamui lloga ua caimare illafue dibénemo itino illa izói ítiomoiza. Afémaci íaioi ñnogafuedo íaioi abina ñue finóinafuenta Juziñamuimona otáioi. Ua comeci jaritaiñeno are illa ícoimo Juziñamui úicodo íaioimo lloga ññefuena maiñóroidiaioi. Íaioi illáfueño ñue omoi coméciri, íaioi illa izói omoi ñllena.

¹³ Mei ji, Juziñamui iere ñnofiregamie. Jaiai Abraham illáruimo Juziñamui uafue uai Abrahamo llote. “Aillo comini jebuítaitio” jaiai úicodo íemo llote. Llua llezica uafue daiñllena Juziñamui dama ie mámecina llínote, aféfuena Abraham ñue ñnollena. Ua Juziñamui dama ie mámecina llínote, mei jiáie baimo jamánomoidimiena ññeídeza. ¹⁴ Daí Juziñamui Abrahamana daide: “Uafue iere ona ñue caimátaitaiticue. Jae cue o jítóretallemona, o erófene igímána jamánomo iere jebuítaiticue,” daide. ¹⁵ Iemona Abraham comeci raire jaritaiñeno, diga fimona áfemo úiñooidie. Daí ie ocúririna mei, afe Juziñamui lloga caimare ie nairai jebuillífuenta Abraham ñue maiñódeza. ¹⁶ Binie comini cígimona dáamie uáfuenta daiíacana llezica, afémie baimo riiredimie mámecido uafue daiítate. Daí lloga uaina buna oni caitáñede. Nana dani íaioi júfidogana záitate. ¹⁷ Daje izói Juziñamui ie lloga finóllifue, jiáie ñue riirede uaido, aféfuena iere uafue daide. Afémie daí dáideza, mei ie úicodo lloga ññefuena máíñoitinomo, afefue ua jiáfodo méidonidena jino íaioimo uáfodo llóiacadeza. ¹⁸ Daí Juziñamui mena caitáñide uáillaido íaioimo llote. Afe ménacaiño ie daina dibénemo Juziñamui táinona llónide. Afémie daí daide, áfemona cai comécina ñue íociretallena. Iemona caimo ie lloga ñue cai jillonafuemo fáicanocaiñeno ñnofiredicai. Mei ji, cai jillotaraima Jesucrístomo jarire jaillano caina ie úiñotaga comeci íaifue dóllena raire íemo jicádicaí, caimo ite fiénidifue iba óñeillena. ¹⁹ Afémie cai jillotallena caimare úiñooidicai. Iemona afémie caina daináuai cai comeci nífuenina ñue mozíoitade. Ua cai úiñoigafue caina riire nabaide cai ñnogafuiai féñeillena. Daí comeci docáiñeno ñue riire nabáitaga jacíruiñedinodicai. Mei cai jillotaite cai úiñoogamie Jesús, caifo monamo Juziñamui nahí ie iránomo íteza. ²⁰ Afe Jesús, cai jáillio ífódimiena afénomo jae jaide. Daí illamona afémie jae comínido Juziñamuimo ziiñona úritillaimana jaide. Ua, jaiai Juziñamuimo úirairaima Melquisedec izóinado, Jesús jaca ninomo caido úrite.

7

Jesús, jaiai Melquisedec illa izói comínido Juziñamuimo úirairaima

¹ Afe Melquisedec Salem jofue illaíma. Afe llezica afémie comini dibéfodo jamánomoide daade Juziñamuimo úrifiredimie. Jaiai illáruimo Abraham jiáie aféniemo ite illáñina anáfenuaide. Íaioína anáfenuano Abraham meíne bítemo, afe Melquisedec io anamo Abrahamo dúcizaide. Dúciillano Melquisedec, Abraham abi ñue finóllena Juziñamuimo jicade. ² Afe llezica Abraham nana ie bairoca ñuera ráaniaimona, Juziñamui íena eneno mameca ráaniaína, Melquisedécimo raiñóñeno fia fecade. Melquisedec nanoide daina mámece “Comécina jaicinaidillaíma” fueñe daiíacade. Ie mei afémie nane jiáici

ote: “Salem Illaíma.” Afeci “Comini comécina caimare uái itátatillaíma,” daííacade. ³ Afe Melquisedec moo mámecei jaca onónide, naa ie ei mámecei diga. Daje izói ie emódoidigima jáíi ónoñega. Daje izói afémie jocóinarui ónoñega, ie tíllarui diga. Iemona afémiena comini “Zííñona itímie” daide. Afe Melquisedec comini cígiri illáfuedo Juzíñamui Jitó zííñona cai dibéfodo úriraimana illáfueda caina fidítate.

⁴⁻⁵ Mai bífuemo ñue omoi coméciri, Melquisedécimo ite jamánomoidífueda omoi onóillena. Ua Melquisedec, cai nanoide jáíairagima Abrahamo baimo jamánomoidímie. Mei Abraham ie bairoca ráamona Melquisedécimo fecádeza.

Abraham enaize Jacob doce dígade jítórede. Iemo afe jítóniai cígimona Leví comuídeza. Afémie comini dibéfodo Juzíñamuimo úrillena Juzíñamui nizeca ogámie. Ie jira nana judíuai Juzíñamuimo úriraini Leví úcoidigimamona comuítagaiaioi. Afe Juzíñamui nizeca Leví náiraina, Juzíñamui Moisés ocuica uaido daide: “Nana jáíie judíuai nairai imácimona Juzíñamuimo dúide ráaniaina órediomoi,” daide. Ua Leví náiraimo ibárede, nana jáíie Israel nairai daa Abrahámona comuídino íadi. Ie jira Leví comini nana afe Juzíñamuimo dúide ráaniaina llínofirediaioi. ⁶ Mei íadi afe Melquisedec, Leví nairai izíe íeñede. Mei íadi afémie áfena llínoñeniadi afe Melquisedec, Leví emódoidigima Abrahámona Juzíñamuimo dúide ráaniaina uáfueda llínote. Iemona Melquisedec Leví baimo jamánomoidímieza onódicai.

Afe ráaniái ie llínua llezica, Melquisedec Abrahamo úrite. Abraham Juzíñamui íemo ñue finóllifue, uíecodo fidítagamie. Iemo ja birui Melquisedec afémie ñue éziciano daide: “Juzíñamui ona ñue cánoiteza,” daide. ⁷ ¿Níbémie mei jamánomoidímiena? ¿Ezicitímie mei nibai ézicigamie? Ua, ézicitímie baimo jamánomoina. Afefue buna jáanoñega. ⁸ Nane jáífue llóiticue. Cai cígimona eneno nizeca Leví comini, Juzíñamui íena nano mameca ráaniaina llínofiredino. Mei íadi afémaci fia comíniza tíifirediaioi. Mei jáífodo afe jáíie llínotímie Melquisedécina mámeceiredímie Juzíñamui Cuegáuai daína izói, tííñeno caade izóidímie. Ie jira Melquisedec jamánomo báimoidímie. Leví imaci nai Melquisedec jofófeneidino. ⁹ Iemo jáífue Levído daífrede. Leví Abraham erófene ígima. Mei íadi afe Juzíñamui íena eneno mameca raana llínofiredímie jáiai uícodo Melquisedécimo ie uzuma Abrahamo Juzíñamuimo dúide raana ibade. Daíí Leví comini, jáiai uíecodo Juzíñamuimo dúide raana Melquisedécimo ibádiaioi. ¹⁰ Mei Leví nai jocóñena llezica ie comuíllino nai Abrahamo íteza. Ua Melquisedec ja Abrahamo dúcinaruimo, Leví jocóillino nai jaca ie nanoide uzúmamo ite. ¹¹ Israel náiraimona eneno nizécacie Leví comini. Aféziemona nizeca nanoide Juzíñamuimo úriraima Aarón. Afémie naa ie erófene ígimairi comínido Juzíñamuimo úriraini. Ie jira afe úrirainido Israel nairai Juzíñamui ocuilla uáillaina llogaiaioi. Mei íadi nana afe Juzíñamuimo úriraini finócafuaí comini ua zííñona jílloillena figo jinoíñede. Comini comécina Juzíñamui jítaina izói nahí jáícina jóoitañede. Aarón naa ie erófene ígimairi finócafuaí figo jinoñena jira, jáíie afémie izóíñede baimo jamánomoidímiena jítáidicai, afémaci méífomo jóonellena. Ua Melquisedec zííñona illa izóidímiena jítáidicai. (Ie jira afe Aarón comini meífo méidoitímiena Juzíñamui jae jino náiraimo cíotate. Afémie mámecei Jesucristo. Ua Aarón comini méífomo jóonegamie Melquisedec izóidímie Jesús;

afémie Aarón dibéfomo jaináifede.) ¹² Jae afe jaiái uícomo ite Juzíñamuimo úriraini nana dáanomo jiáiena íaiói méidua llezica, afe Moisés íaióimo ocuica uaillai daje izói jiáifodo méidorede. ¹³ Juzíñamui Cuegáuái daií dainámie cai Ocuíraima Jesucristo. Afe como jónega Juzíñamuimo caído úriraima Jesús, Leví nairai ímieñede. Jiáziemona comuidímie. Ie nairai ímiaína jaca nizéñega, Juzíñamuimo comínido úrillena. Ua comini fia fecaca tóica rílleniai naa ráaniai diga Juzíñamuimo izájillena, nízeñegaíaiói. ¹⁴ Ñue onóigaza cai Ocuíraima Jesús Judá náiraimona comuidímie. Moisés afe náiraimo Juzíñamuimo úrirainina íllena, jaca lloñede.

¹⁵ Afe jiáie como jónega comínido Juzíñamuimo úriraima Jesús, jino cióillamona, bífuaiína jino uáfodo baimo onódicai; mei dama afémie Melquisedec izóinaza. ¹⁶ Bímie dama ie ñue ziiñona ífrenamona comínido Juzíñamuimo úriraimana jaide. Mei jiáifodo Leví náiraimona jaiái nizeca Juzíñamuimo úriraini ocuica uai dainado úrirainina jáidiaíói. Afe uai ñie náiraimona nizéllena llote. ¹⁷ Mei íadi como jónegamie Jesuna Juzíñamui ñue riírede nabáitaja uaido daide:

“Melquisedec izói jaca ninomo Juzíñamuimo comínido ziiñona úriraimana ja birui itíoza,” daide.

¹⁸ Iemona afe uicodo ite ocuica uai jae oni caitaca, mei afe uai riínideza. Iemo jiái, aféuai comini comeci nahí duáfuenta figo jínotanideza. ¹⁹ Afe Moisés ocuica uai buna comécina nahí jaícina finóñede. Mei jiáifodo jiáie aféuai baimo, ñuera cai jíllotaite úiñoigamie Jesucristo jae caimo cíotaga. Afémiedo Juzíñamuimo ánozifiredicai, uáfodo Juzíñamuimo cai úrillena.

²⁰ Afe Jesucristo Juzíñamui riire nabáirede uaido jónega. ²¹ Ie uícodo Juzíñamuimo úrirainina jáidino, riírede uaido jóneñegaíaiói. Mei íadi Jesús comínido Juzíñamuimo úriraimana jáillaruiimo, Juzíñamui riire nabaica uaido ja daií mameca. Mei Juzíñamui ie Cuegáuaimo Jesudo úrite, daide:

“Cue Juzíñamuidícue. Bifue riire cue nabaica uaido daidícue. Cue comeci faca uai jaca jiáiuaina méidoñeíticue.

O ziiñona comínido Juzíñamuimo úriraimana itio;

Ua Melquisedec izóidimedio,” daide.

²² Ie jira Jesucristo, Juzíñamui jamánomo ñuera caimo comue finóllifue caina ñue onótate. Ua Jesucristo aféfuemo iere uafue daide. Afe finóllifue Moisés lloga nanoide finóllifue baimo ñuera. ²³ Jesucristo uícoidiruillaímo ite Leví náiraimona nizeca Juzíñamuimo úriraini ua aillo ite; mei íaiói tícoizifrenamona jaca jiámiena méidofiregaíaiói. ²⁴ Mei íadi Jesús cai dibéfodo Juzíñamuimo úrillana, jaca jiámiena méidonide; mei afémie jaca ninomo ziiñona itímieza. ²⁵ Iemona Jesús nana íedo Juzíñamuimo úrizaíbitinona, jaca ninomo jaícina ñue jíllotarede, mei afe Jesús, íaióiri Juzíñamuimo ziiñona úriraimana íllaza.

²⁶ Ua, afémie izoide Juzíñamuimo comínido úritillaimana jaiái ninómona jítaídicai. Ñue cai jíllóillifue afémie caimo ñue zúitaitímie, mei afémie nahí ñuera nífuenidímieza. Afe llezica afémie nana fiénidimaci íaífuemona oni eneno rairuícámie. Ie mei afémie mona ero úcuai illa caifomo, Juzíñamui nahí illánomo uigámie. ²⁷ Jaiái uícomo ite Juzíñamuimo úritillaini nágaruillaído tóica rílleniaína fatá Juzíñamuimo izájifirediaíói. Nano fueñe dani íaióimo ite íaífué

ícoinia áfeniaina izájidiaioi. Afe mei comínimo ite íaifue ícoinia áfeniaina izájifrediaioi. Mei íadi Jesús afe izói finuana jitáñede. Afémie dácaño nana comini íaifue ícoinia dama ie abi Juzíñamuimo fecade. Ua cruzmo ie duere zefuida tíllado abi fecade. ²⁸ Afe Cristo uiécode lloga ocuállafuedo llotino, jáie jamai figo nahí jaícina finótañede comínimona Juzíñamuimo úritillainina mamédiaioi. Mei jáífodo, afémaci méifomo jónega úritillaíma Jesucristo, Juzíñamui ñue riire nabaica uaido jónega. Afémie jaca ninomo nahí jaícinaítaga Juzíñamui Jitó.

8

Juzíñamui caímo cómuena finóllifue, Jesús caímo jino denódimie

¹ Nana cai daináfuiamona llógana bie ñue nahífueña ómoímo llóiticue: Como lloga caímo ñue jóobide caído Juzíñamuimo úriraima birui ja caímo ite. Afémie caífo monamo ite Juzíñamui nabézimo ráinazaide. ² Dinomo Juzíñamui nahí illánomo Jesús íllamona, jamánomo ñuera Juzíñamui uiécomo Jesús caído úricabite, cai jíllóillifue ñue caímo zúillena. Afe Juzíñamuimo cai nahí ánoziranno comini finoñega. Jaiai biniemo ite Juzíñamuimo ánoziraco comini niga. ³ Naga Juzíñamuimo úritillaíma, fia iga ráaniai, tóica rílleniai diga Juzíñamuimo fecáfíreitimiéna mameca. Ie jira cai dibéfodo Juzíñamuimo úriraima Jesús, daje izói dama ie fécajille raa jitárede. ⁴ Biniemo afémie nibai abído ie bia, afémie caído Juzíñamuimo due jiza úriraimañeite, mei Moisés ocuícuaí daína izói Juzíñamuimo caído úriraini biniemo nai íteza. Daje izói bimaci nai benó Juzíñamuimo fia fecaca raana íemo izájifrediaioiza. (Ie jira caído ziiño úriraima Jesús, caífo monamo Juzíñamuimo cai ie canólledo úricabite.) ⁵ Biniemo ite Juzíñamuimo úriraini aillo ráfuiáido nícidotiaioi. Nana íaioi nícidogafuiaí jánana mameide. Íaioi finócafuiáí caífo monamo ite Juzíñamui nahífuiaina caina fidítate. Daje izói biniemo ite jaiai Juzíñamuimo ánoziraco, Juzíñamui nahífueña cai fidítaraco. Afena onódicaiza, mei Moisés afeco nitátaacanaruimo, Juzíñamui íena daide: “Caifónedumo o illa llezica omo cue ácataga afécona o ciona izói, afe izói jaícina mai o niiri,” daide.

⁶ Mei íadi biniemo ite Juzíñamuimo úriraini nícidogafue iere afe baímo, cai caífo monamo ite úritillaíma Jesús caído jamánomo ñúefueña nícidote. Mei jíi, afe Jesucristo caímo zuitaca Juzíñamui ñuera caíri comue finóllifue, jaiai Moisés lloga finóllifue baímo ñuera. Mei Moisés ocuica uai baímo, Juzíñamui uícodo lloga cómfue jamánomo ñuera uáimona comuúdeza. ⁷ Afe Moisés lloga nanoide finóllifue, comini jíllóillena ñue jinoiadi, jáie uire iite ñue finolle uai jitáñeítiaioi. Mei íadi afe naonide uai íaioi jíllóillena figo jinoñede. ⁸ Afe nano ocuica uai jeire otino nahí jaícinaidífuemo figo dúciñediaioi. Dúciñediaioimona, Juzíñamui ie Cuegáuaimo íaioina daide: “Uire jáíruido nana Israel náiraimo comue ñue cue finóllifue ócuiticue, naa Judá náirairi.

⁹ Jaiai íaioi uzútiaímo cue daína ocuica uai izói, ócuiñeíticue. Jaiai aféruillaído Egipto éniemona afémaci billa llezica íaioina ífódicue: Ua afémacina izire úicaidicue. Mei íadi cue lloga ocuica uaina nano íanori fáicanocaillano, afena figo náfueñediaioi.

Afe jira íaioina zóofeticue,” Juzíñamui daide.

¹⁰ Nai nane íaioina lluno Juzíñamui daide:

“Uíreitirullaido Israel imácimo bie izói cue ñue comue finóllifue ócuiticue.

Aféruillaido cue ocuica uáillaina íaioi ifócimo jaicína déitaiticue.

Ua aféuaina íaioi comécido jeire íaioina otátaiticue.

Iemona afémacina dama cúeiena nane meine abido máíñoiticue.

Afe llezica íaioi nahí Juzíñamuina íitícue.

Iemo cue náiraina íitiaioi.

¹¹ Aféruillaido nana afémaci uáfodo ñue cuena ónodiaioiza, cuena íaioi onóillena abi diné jíáima llónide.

Iemona ie abi ímíaimo buna Juzíñamuina onótanide. Daje izói dámie ie ámamo Juzíñamuina onóillena llóñeite; mei nana cuena ónodiaioiza.

Naga jamáimie, íemo jíái naga jamánomoide riúredillaíma, nana daje izói cuena ónoítiaioi.

¹² Nana íaioimo cue dúecaillamona íaioi fiene finócafuiai ibana óñeíticue.

Nana íaioi comeci íaifuíaina jaca ninomo féitaiticue.

Aféfuíaina úibiñoñeíticue,” dinó Juzíñamui daide.

¹³ Bie méifodo lloga Juzíñamui finóllifue, cómofuena méiduamona, afe uícodo Moisés lloga finóllifue jae jaiáiza feide. Afena Juzíñamui daíí uáfodo llote. Iemo naga jaiái raa zabízaiillamona raíre oni dotánocaiga; oni dotánocailleza cíõnelle.

9

Bíniemo ite Juzíñamuimo áinozirano, jana izói jíáie monamo ite Juzíñamuimo áinozirano cai fđítate

¹ Afe navi nano lloga finóllifue llua llezica, Juzíñamui íemo áinoziraco nitátate. Afe nitátaja dáaruído, comíni Juzíñamuina íóbitalle uailái afémacimo daje izói lloga. ² Afe lloga Juzíñamuimo áinoziraco Moisés nitátaga. Afeco ere niñeno jédaciede iníroina íbáicaco. Afe áreco ero ménaco titaca. Jinóidico Juzíñamui Ñúeco daina. Afeco eromo áillue mechera izoide egáñora ite. Siete diga dájemona boode raa ite. Dáanomo Juzíñamui dibénemo oni énenorie rairuica pan jónerabani ite, naa afe páaniairi. ³ Afe ánoziraco jofóidico Jamánomo Ñuera Rairuícaco daina. Afe jofóidico daje izói jédaciede iníroina ruica diné eróicana nacona íbaica. Jédaciede jígaroi izóidena fetaca. ⁴ Afe fetaca jédaciroi abímo uguci jobáirabani ite. Bibani líiaide órona jinófene aifítaga. Bie jofóidico eromo daa áillue ráaniai éenora ite. Cajona eroide. Afe éenoraco nana jinófene órona aifítaga. Afe éenoraco eromo Juzíñamui nofici íbícimo cuega ocuica uailái ite. Ie jira afeco nofíbícimo cuega Juzíñamui cai ocuilla éenuacona mameina. Iemo afénomo daa oro finoina nogo ite. Afégomo ite Juzíñamui monámoma cocítaga güille. Afe güille mámece maná. Daa afe éenoracomo Aarón jigúida izoide radozi ite. Afe idozi jamai jazici radozi ónaza dúididozi. (Zícorede juzítófe izóíñede.) Mei íadi Juzíñamui afe idózina éniemo riñeno, fia táinomona zicótano raíre ñue llízitate. ⁵ Afe éenoraco íbáirabici emódomo mena oro finoina Juzíñamui abi imácina eroide jana naidáide. Mei íadi afe íaillinoi íaicorede. (Afe íaillinoi mámece ráiaimona “Querubines.”) Afe íaillinoi conima uíécomo eróidiaillinoi. Íaillinoi naidaina cígimo Juzíñamui cíocafirede. Afe Juzíñamuina cíõñenaza; dama ie abi egáñuana cíófirena. Afénomo faga tóiniaí díena recuífirediaioi. Daíí recuífirediaioi, Juzíñamui

meine abido comínimo dúecaillano, íaioimo ite fiénidifue iba íaioimo óñeillena, ua afe ícoinia íaioina duere finoñeillena. Nana afe dibénemo ite duera nícidogafuiaina ja birui benomo llónide.

⁶ Afe ocuica ánoziraco nilla mei, íemo naa ie jofo ero ráaniairi fínua mei, comínido Juzíñamuimo úriraini jinóidicomo jáifrediaioi. Afénomo íaioimo ocuica comínido Juzíñamui íobitalle ráaniai finófrediaioi. ⁷ Mei íadi afe jofóidicomo, dama Juzíñamuimo úritillaima jáifirena. Aféllaima naga fimónaiaido dácaiño afeco jofo eromo jáirede. Faga tóiniaí díena jaca jofo úifirede. Dama íemo ite onóñeno finoca fiénidifue ícoinia daí díena Juzíñamuimo izájide. Ie mei nane nana comini íaifue ícoinia jáie díena Juzíñamuimo izájide. ⁸ Bífuiaido Juzíñamui Ñuera Joreño daa jáifuena cai fidítaiacade. Afefue daide: “Baie jinóidico nai illa llezica, jofóidicomo jiba comini jaille nai rairuñede. Ua aféruillaido jofo dama Juzíñamui illánomo jáinidiaioi. ⁹ Nana bie Moisés illágimado nícidogafuiái birui cai onóllena canode. Ua comínimo ácatafirega raa izoide, aféruído Juzíñamuimo ánozillena nigaco, naa afe eromo íaioi nícidogafuiairi, ñue jáicína caina onótate. Biruillaido judíuai aillo faga tóiniaí jáie fia fecaca raa diga, Juzíñamuimo nai izájifrediaioi. Mei íadi afe bíedo íaioi comeci Juzíñamuimo ñue jáicína jóitanide, mei íaioi comécimo ite fiénidifuiái nai féitañegaza, fia ibaica izói íteza. ¹⁰ Nana afe íaioi nícidogafuiái fia jinófene ífuiái. Niie izói íitiaioi daide. Dárie íaioi güille, jirolle diga fimairillafuedo úrite. Afe izói fia emódoide múiñuafuedo úrite. Nana bífuiái fia nano nié dino comínimo ocuica, mei Juzíñamui jáifuena méidollruimo nai dúciñedeza. Ie jira aféfuiai daa aféruillai íena ráifide.

¹¹ Mei íadi caido Juzíñamuimo úrifreitillaimo Jesucristo, jae caimo dúcide. Afémiedo ñuera cámafuiái caimo zúide, mei ua nahí Juzíñamuimo ánoziracomo afémie jáináideza. Afe jaiái biniemo ite comini niga Juzíñamuimo ánoziraco jaboide. Afécomona cai íobillafue baímo, Jesucristo jamánomo ñuera jíllonafue, caífo monámona ana caimo zúitabite. Afémie afe nahí Juzíñamuimo ánoziracomo dúide; afeco bínie comini níñega. Dama ie nahico monamo ite. ¹² Nana comini íena, dácaiño afeco eromo ite jofóidicomo afémie jaide. Ie jailla llezica chivo die, juráreto jiza die diga uñede; mei jáífodo dama ie die uite. Mei jii, afémie íaifuenidimiena illamona, cruzmo cai ífomo tíllano, ie die tótado ziiñona cai jíllonafue ote. ¹³ Jaiái Moisés daína izói, íaicaillamie íemo ite íaifue bie izói muiñórede. Múíñoñegamie Juzíñamuimo dúide comini cígido macánide. Daje izói afémie Juzíñamuimo nabáirinide. Ie jira faga tóiniaí die atírede. Iemo jáie Juzíñamuimo mameca juráreto jiza jobailla afe jízechoma atírede. Ie mei afe íaicaillamie aféchoma júdairede. Iemona afémie íaicaiñegamiena jaide. Mei jínofena muiñócaza. Ja Juzíñamui comínimo meine abido caímare úrirede. ¹⁴ Mei jii, Juzíñamui dánamona afe tóiniaí die rírede, come jinóidifue mo muiñóllena. Afefue daítania, ua onódicaiza. Mei Jesucristo die jamánomo rírede. Ua dama afémie ñue nífuenidimienado Juzíñamuimo ie abí dama izábite. Afe ziiño Ñuera Joreño ie cánuado Jesucristo dama ie abí Juzíñamuimo izájide. Iemona ie die tótamona nana cai comécimo ite íaifuiaina muiñótate. Ua nana cai jaiáimona nícidogafuiái caina ziiñona cáatañede. Mei íadi Jesucristo díedo cai comeci múiñua mei, ua ziiñona

caátagacai, afe jaca nahí caade Juziñamui ocuícano ráiruifieno cai jetállena.

¹⁵ Ie jira Jesucristo jae Juziñamui comue finóllifue caimo jino zúitaitimie. Afémiedo nana Juziñamui nizécano uafue uícomo lloga ziiñona cáimaduafuena maiñóritiaioi. Juziñamui daií nana comini jilloillifue uícodo mamede, mei dama Cristo tíllado comini fiénidifuiái Juziñamui dote. Ua jaiái uícodo lloga nanoide finóllifue illa llezica, nana aféruimo afémaci fieni finócafuiái ja birui Cristo tílla jírari, Juziñamui dote; duano, nana íemo ñnotinona jíllotate. Daií Juziñamuimo ziiñona caimare nabáirillafue maiñódiaioi. ¹⁶⁻¹⁷ Afe maiñórillaue, come tílla méifumo íitífue izoide. Dámie tíadi ie fiébide feci raa jáimie oni llínoga. Afémie nai tíñena, feci raa oni llínóitímie minica raana nai llínonide. Ie jira oni llínóitímie íemo dúide raa maiñóllena, afe raa naama tílla jítaírede. Daje izói Juziñamuimo caimare nabáirillafue cai maiñóllena, Cristo tílla jítaírede. ¹⁸ Afe jira jaiái uícodo lloga Juziñamui ñue finóllifue tániaruimo díena recuíñorediaioi. ¹⁹ Moisés nana afe ocuica uailai nana comínimo jino lua mei, afe uailai cuiábicimo faga tóiniaí díena cuirínote. Daje izói afe mei nana comínimo cuirínote. Ua lua mei, Moisés duera “hisopo” daina raroci llínote. Llínuano, afécimo jáaírede oveja itáina maite. Iemo jáinoina jaicuica díedo afe rarócina riáitate. Ríaitano, ocuilla uai cuiábici naa comíniri díena cuirínote. ²⁰ Cuirínua llezica Moisés daide: “Juziñamui ómoiena ocuica ie finóllifue bie die uafue daiítate,” daide. ²¹ Daje izói aféruillaido Moisés íaioi iniroi finoina Juziñamuimo ánoziracomo díena cuirínote. Daje izói nana afeco eromo ite Juziñamui íóbifirena raamo díena cuirínote. ²² Ua, Moisés ocuica uai daina izói jamánomo díga raa, díedo Juziñamui dibénemo dua izói ñue finoca. Iemona die tótañegana comini comeci íaifuiái iba jaca órede.

Cristo dama ie abi Juziñamuimo izájille comini fiénidifuiaina muiñode

²³ Afe comini niga Juziñamuimo ánoziraco Juziñamui ocuide, naa afeco eromo ite ráaniairi. Iemona nana afeco eromo ite ráaniairi Juziñamui dibénemo ite nahífuaiaina jánana cai ciona izói caina onótate. Nana biniemo ite afeco ero ráaniai Juziñamui illánomo nahí itífuiái jana. Ie jira biniemo ite ráaniai dibénemo figura Juziñamui daiíllena, bie die recuille jítaírede. Mei íadi Juziñamui nahí illánomo jáifireitino dibénemo, bie die baimo ñuera Juziñamuimo fia izájifireille raa jítaírede, afémacina Juziñamui iere figura daiíllena. Ua tóiniaí die baimo Jesucristo jamánomo ñuera die jítaírede. ²⁴ Iemona Cristo tílla llezica, afe Cristo biniemo ite comini niga Juziñamuimo ánoziracomo eromo jofó jáiñede. Afe bico fia nahico jana. Mei jáífodo Cristo, Juziñamui nahí illánomo caido úrillena jae cíocaizaide. ²⁵ Afénomo Cristo dama ie abina, díga icaíño meine nane izájíñede. Mei íadi biniemo ite Juziñamuimo comínido úritillaíma, naga fimónado faga tóiniaí die uillano, afe Juziñamuimo jáiraco jofoidé iere ñuera ráiruiredicomo jaide. ²⁶ Afémaci jáifirena izói Cristo jáifiredena figóñede. Mei nibai afémie daií díga icaíño jáiadi, íemo énie finuaruimona afémie afe izói díga icaíño meine abido tírede; mei íadi afe izóiñedeza. Afémie cai illáruillaido jaiái lloga Juziñamui finóllifue fuilla llezica, dácaíño fia cómena íficaillano caimo cíocaizaibite. Ua afémie biniemo cai jáinona ie tízaibillado, nana caimo ite fiénidifuiái niné féillena

oni dote. ²⁷ Ja onóigaza, naga come biniemo dácaño tíide. Tíilla mei, íaioi illafue Juzíñamui jaícina jicánoite. Aféfuena daje izói ñue onódicai. ²⁸ Daje izói Jesucristo, comini fiénidifuiái oni dóllena dácaño tíizaibite. Ie mei uire jáíruido afémie fiénidifuiaina duáibiñeite; mei jaiaí ie dógaza. Mei íadi afémie uafue meine dáanomo cíocaizaibite, nana íena izire úiñoidinona jillotano monamo ie illánomo úillena.

10

¹ Mei jaiaí Moisés ocuica uai naa ie lloga níciduairi, ico ñirui bite caimare illífuiaí jana. Afe ie lloga jáiaifue nahífueñede. Moisés bie ico zúitífue cai onóillena jana uícodo llote. Iemona naga fimónaiaido faga tóiniaina íaioi úifirena, íaioi comécina figo jaícina jóitañede. Mei uáfueña, afe faga tóiniaí íaioi úifirena Juzíñamuimo ánozidino nahí íaifuenidinona jáitañedeza. ² Mei daí uafue íaifuenidinona íaioi jáiaí, ñibaí afe tóiniaina izájifirenana fáicanocaidiaioi; mei jáíifodo fáicanocaiñediaioi, naí comécina jaícina jóoneñegaiaioiza. Daje izói áfede Juzíñamuimo ánozidino comécina íaifueña nahí ñifuenidinona jáiaí, ñibaí jae íaioi fiénidífue izire íaioimo íñede. Mei íadi íaioi fiénidífue jaca izire íaioimo ite. Iemona onódicai, tóiniaí fecáfírena íaifueña figo doñede. ³ Mei íadi afe fatá Juzíñamuimo izájitaga tóiniaina cíonamona, comini íaioi fiénidífue naga fimónaiaido úibacitagaiaioi. ⁴ Mei jí, juráretuai, chívuai die diga, jaca come fiénidifuiái dónide. Mei áfemo ua dolle ríno íñedeza. ⁵ Ie jira Jesucristo biniemo bíacana llezica ie Moo Juzíñamuina daide:

Omo fia fecaca faga tóiniaina gáñedioza, comínina iere figura o daíllena. Mei jáíifodo énie cómena ja cuena jáicitaitio.

Afemona cue tílledo íaioina óiena ñifuenidinona jáitaitícue.

⁶ Ua comini íaifue ícoinia jobaica tóiniaí ja biruí ona íóbitañede.

⁷ Ie jira cugánico cuedo úrilla izói biruí ona daidícue:

“Moo Juzíñamui benó biniemo o comeci jitáillafue ñinuaíbitícue,” daide.

⁸ Nano fueñe afémie daide, nana afe Juzíñamuimo fia fecaca tóiniaí, íaifue ícoinia jobaica tóiniaí diga Juzíñamui comécina zuitáñede. Ua íena íóbitañede, nana afe nícidogafue jaiaí ocuilla uai daína íadi. ⁹ Afe emódomo Jesús daide: “Moo Juzíñamui, ja o comeci jitáillafue biruí benomo ñinuaíbitícue.” Daí Juzíñamui nana afe jaiaí ocuica nícidogafuiaina zóofete. Zóofiano, afe méífomo Cristo dama íe abi cruzmo izájillafue Juzíñamui jeire ote, ñue comínimo caimare érocaillena. ¹⁰ Daí Jesucristo, ie Moo Juzíñamui comeci jítainafue izói finode. Daí íe ñinuaímona jae dama Juzíñamui nabaina ñue finócamacina jáidicai. Mei jí, Jesucristo dácaño jaícina nana cai fiénidífue oni eneno féitate. Mei ñinomo féíñeítana cruzmo dama íe abi Juzíñamuimo izájideza.

¹¹ Naga judío Juzíñamuimo comínido úriraima nágaruillaído naidáillano daje izói faga tóiniaina Juzíñamuimo izájifirede; mei íadi afe rílledo comini íaifuiái dónide. ¹² Mei jáíifodo Jesucristo dácaño comini fiénidífue ícoinia duere zefuida, tíizaibite, afe izói dáanomo íñeillena. Ie tíilla mei meine abído cáaillano caífo monamo Juzíñamui nabézimo ránazaide, nana comini íaifue múiñuana fuilla jira. ¹³ Dinomo, nana íe fairíconi íe anamo íaioi itábicaillena afémie

úiñõide. ¹⁴ Mei jii, Jesucristo, dácaíño ie Moo Juziñamuimo ie abina izájide. Afe izájillafuedo, nii cruzmo ie tíllamona, nana caina ie nabaina ñue finode. Jae nana cai comeci íaifuenta ñue múiñuano jaca ninomo caimo caimare érocaide.

¹⁵ Aféfuemo Juziñamui Ñuera Joreño uaina nabáide, iere uafue cai daiíllena. Ñuera Joreño Cuegáuaimo daide:

¹⁶ Juziñamui daide: “Uire jíáiruillaído cue comínimo bie izói jíáie como cue finóllifue lóitícue, naa jíáie cuemo ñnotinori.

Aféruillaído cue ocuica uáillaina íaioi comécimo jaícina onótaitícue.

Ua afe uallai íaioi ifócimo ñue jino denótaitícue,” daide.

¹⁷ Ie mei nane emódomo daide:

“Nana íaioi fieni finócafuiái ibana otátañeítícue.

Daií oñena llezica, íaioi comécimo ite íaifuiaina jaca niné féitaredícue.”

Dinori Juziñamui daide. ¹⁸ Nana comini fiénidífuiaí daií dua mei, jíáí íaifue ícoinia dóllena fatá fecaca tóiniaí jae jítañega.

Juziñamuimo cai áinozillena jitárede

¹⁹ Iemona, ámatiai, cácarei. Jae Juziñamuimo cai jáillio uáfodo túide.

Ua ie nahí illámano, afe iere ñuera rairuícacomo caimare jacíruiñeno íemo úrizairedícaí; mei Jesús cairi túizaíbillano caina Juziñamuina éotadífue oni muiñócaza. ²⁰ Afémie tuiñoca io ñuera rairuiredíco jédaciede íbáiraroido joide.

Jira Juziñamui illánomo cómena cáataite comue io Jesús tuiñuano, afe iodo afémie caina ífode. Afe io tuiñóllena dama ie abí izi cácatate, íemo cruzmo duere zefuiredé. ²¹ Iemona Jesús nana Juziñamuimo ñnotinodo Juziñamuimo Uritillaímana jae jaide. ²² Afémie ja cairi úrhoiamona, mai Juziñamuimo jacíruiñeno omoi áinoziri, mei íemo ñue cai ñnuamona jae meáruíñedínona mamécacaíza.

Ie jira jífuenide comécido, mai omoi áinoziri. Áinozillano, mai íemo caimare cai úrilli. Ua tánona lloñeno mai íemo comeci cai facalli. Mei nana cai íáirede comeci ícoinia afémie jae jaícina oni féitagaza; ua come abí ñue jáinoido jocoina izói comécina muiñócaícaí. ²³ Afe uáfodo jino comínimo cai lloga Juziñamuimo caimare cai úrillafuena, mai fáicanocaiñeno áfemo izire cai ñnofireilli, mei afefue caimo llotímie Jesús jaca ñnofiregamieza. ²⁴ Daje llezica illa dígamíerie, mai conímamo ñue cai comécilli, conímama cai izíruillino cai jenóllena. Daje izói jíáimana ñuefuiaina rairuíñeno jíeruillinona jenóredícaí.

²⁵ Daje izói omoi Juziñamuimo gairífrenafuena mai féitañeno iri. Dáarie aféfuena féitafiredíai. Daií illa fiénide. Mei jíáífodo, Jesucristo meine billíruí raíre dúciacanana omoi onónamona, mai conímama ñue úrillauaido comécina caimare cai náireitalli, nana cai ñnogafue féíñellena.

²⁶ Juziñamui llogafue daide: Jaca dama Jesús tíllamo cai ñnuamona jílloredícaí. Aféfuena cai ie onótaja mei, mei íadi afe uaina nai cai ruifíruioiadi jae abí díne jíáie cai íaifue múiñoitena íñede. ²⁷ Daií ruifíruioídímacimo jamánomo izire jácifue zúite, mei Juziñamui duere íaioi finóllifue mo jae áinozideza. Afémie iere íaioimo rícaillano iere boode jíáífodo joide iraimo íaioina duere zefuítate. Ua nana Juziñamuina bacáuaredínona irai amena cuarita izóidemo, Juziñamui íaioina dínono zíñona duere zefuítate. ²⁸ Moisés ocuica uaina ruifíruitimíena raíre títdíai. Ua, mena níbai daámani uai nabáirainí daína uáimona, íemo dúecaiñeno íena títdíai. ²⁹ Mei Moisés ocuica uaina ruifíruitimíena daií duere finóbiteza, Juziñamui Jitona ruifíruitimíemo

jamánomo izire duere finóllifue, afémiemo zúiteza. Afémie Jesús díena jámairuitimie. Afe túllamo totaca díedo, afémie nauí dácaño Juzíñamuimo oni eneno nizécamiēna jaide. Mei íadi Jesuna ruiffruitimie caimo dúcaifrede Ñuera Joréñona iaire daífiredimienā jaide. Daí ítímienā iere Juzíñamui duere finórede. ³⁰ Ja birui daí ítímie fiénidifue iba ófiredimienā onódicai, níimie cai Moo Juzíñamuina. Afémie daide: “Afe iba ófiredimiedicue. Ua nana íaifuiā íbana duere finótafiredimiedicue,” dáideza. Jáinomo Juzíñamui Cuegáuai daide: “Juzíñamui ie comini comeci ífuenā jaícina jicánoite. Jicánuano íaioimo dúide duere finóllifue ócuite,” daide. ³¹ Daí ie úrillana cai onónamona, caade Juzíñamuimo duere finóllena izájina jamánomo jacírede.

³² Mei íadi nauí íanori omoí illáfuemo ubíoi. Aféruimo ñúefuēna omoí onona mei, aillo duere zefuídíomoi, mei íadi aféruimo omoí ínogafue fáicanocaiñeno ñue ocuídíomoi. ³³ Dáruillaído uáfori comini erócana báíñuano duere finócaomoi. Jáíruillaído daí finócamacimo omoí nabáíllamona duere zefuítagaomoi. ³⁴ Afe llezica llaveca ámatiaimo dúcaifredíomoi. Afe báimo, ómoimo íte ráaniaina jáímaci báiruana caímare rairuñíedíomoi, mei onódíomoi, bíníemo íte raa báimo, jamánomo ñuera jaca baírónide raa ómoienā monamo íteza. ³⁵ Ie jira nauí izire omoí ínoga uaina mai birui omoí féitañeno íri. Aféuaina ñue omoí ínofireiri, mei ícoimo iere ñuera jírídoga ízoide raa máíñoitíomoi. ³⁶ Juzíñamui jítainafuēna omoí jéruilla llezica raire comeci járidoñeno íredíomoi. Ua, omoí ínoga ñúefue, omoí are jaícina llocana uille mei, Juzíñamui uícodo lloga caímare jllonafuēna máíñoitíomoi. ³⁷ Mei jii Juzíñamui Cuegáuaimo daide:

“Ja íanori íllamona, uícodo lloga bítímie Jesucristo, jízíñeno raire dúcizabíte.

³⁸ Afémie nai bíñena llezica, nífuenidena cue mamécamiē, cuemo ie ínuado nágaruillaído caímare íe íllano, cuēna íóbítaite.

Mei íadi afémie afe íe ínoga uaina meine abído féitaiadi, afémieri íobíñeíticue,” díno Juzíñamui daide.

³⁹ Mei íadi meine abído féitatino díbénemo jáináíñedicai. Afémaci daí íaioí íñoñenamona jilloñeítiaioí. Mei jáíáfodo cai bie Jesucrístomo ínotinodícai, daí dani cai jillotagacai.

11

Juzíñamuimo cai ínuafue

¹ Mei ¿mínica ínuafuēna? Ínuafue Juzíñamui dáina uaina jeire cai uafue. Ínuamona cai úíñoga cáímafue jeire cai ollínona onódicai. Daje izóí Juzíñamuimo ínuamona, íe lloga cáiena mameca ñuera raa cíóñena íadi, afefue ua íllana comécido ua onódicai. ² Ua, ínuafuedo judíuai jáíáídigíamona Juzíñamuimo jáináídímíai, Juzíñamui comeci jítaíllamacina jáídíai.

³ Juzíñamuimo cai ínuamona, Juzíñamui íe úrilla uaido bíníe fínuana onódicai. Daí íe ínuado nana bie cai ciona énie, táinomona Juzíñamui comuíate. Ua, mínicana íñédeza cíóñena ráamona naga ráaniaí comuíbicaide.

⁴ Juzíñamuimo ínuano Abel, Caín fecaca báimo, ñuera Juzíñamui íóbítalle raa fécaíbíte. Iemona Abel Juzíñamui díbénemo jaícina ítímienā jaide. Juzíñamui jéruigamiēna jaide. Mei Juzíñamui Abel fécaíbiga raa llínuamona, Juzíñamui comeci Abelnā jítainana onódicai. Daí Juzíñamui íena jéruíllafuedo Abel

jaicinaidifueno Juzíñamui uai nabaide. Afe Abel, jaiai uícodo Juzíñamuimo ie ñnuado ñue illáfuedo jaide. Aféfuena cai fídiamona, afémie titácamié íadi, ie ñnogafue, úrillauai izói caimo úrite. “Juzíñamuimo ñue cai ñnolli,” caina daide.

⁵ Iemo Enoc Juzíñamuimo ie ñnuado tíñeno caifo monamo uiga. Daí tíllana ie ónoñeilla, cáanori monamo Juzíñamui uiga. Afe mei afémie bíniemo cióñenamie, mei afémie Juzíñamui úgaza. Afémie nai úiñega Juzíñamui ióbitadimie daínámie. ⁶ Mei jíi, Juzíñamuimo cai ñnoñenia jaca íena ióbitanidicai. Dámie Juzíñamuimo ánoziacania, Juzíñamui nahí illánona uícodo ie ñnolle jítárede. Nane íemo nana izire íena onóiacadino, ñue íbana dama ie abi ífuena íaioina onótaite. Aféfuemo uícodo daje izói ñnorediaioi.

⁷ Daje izói Noé, Juzíñamui lloga raire biite nai cióñena duere finóllifuená fídiano Juzíñamuimo ñue ñnote. ñnuano áillue jofóredicáe finode, áfedo nana dama ie comíni daí jíilloilla. Noé daí dama Juzíñamuimo ñnuado, nana jíáie ñnoñede comíniemo duere finótatuai jino íaioimo llote. Afe izói Juzíñamuimo ñnuado Juzíñamui comeci jítaina nífuenidimiena jaide.

⁸ Afe mei jaíáidruimo Juzíñamui Abrahamá jírite, jíáie éniemo jaíanilla, áfeniena ico jíáiruido íeiena maíñóllena. Abraham Juzíñamuimo ñnuamona afe jírilla uaina cacáíllano, raire ie illániemona oni jíáinomo jáizaide, ie dúcillino nai ónoñega íadi. ⁹ Abraham nai Juzíñamuimo ñnuamona, Juzíñamui íemo fecáacaiga éniemo ía jicánemiena díga fimona ía íte. Ua, ñiroi níina úicáifrega jofomo aféniemo are íoide. Daje izói Abraham comútaga jíto Isaac, dínomona Jacob díga afénomo daje izoide ñiroi nillácuaimo are itíailinoi naa ie comíniri. Juzíñamui daje éniema fecalle uaina Abrahamo llua izói, afe íaillinoimo uícodo llote. ¹⁰ Ua Abraham afe jamái illácuaimo dama íeíeñede éniemo caimare íoide. Afémie caimare íte, mei Juzíñamui díbénemo íte caimare tánocaitanide íllinomo dúcillena afémie úiñoideza. Afe caimare íllico Juzíñamui maméíillano dama íe uaido níga.

¹¹ Daje izói Abraham aí, Sara, Juzíñamuimo ñnuamona, jamánomo jíonaite íadi, fueñe úruerena ríino ote. Iemona daa jíto jocode, mei Juzíñamui aféngona aféfuena uícodo daína uai, afengo íere ñue ñnoteza. Afengo bie izói daide: Bímie íe daína uaina jíáífo méidofinidimie. ¹² Iemona Abraham íere jíonaite íadi, íere aillo erófene ígímaíaina jebuítate. Ua jamánomo díga nairai jebuide; níi ja lloga monamo íte facádonide úcuai izói itíaioi. Nane monáíllai fuédamo íte facádonide guamai izói jebuídíaioi.

¹³ Nana cai lloga comíni Juzíñamuimo nai íaioi ñnoina llezica tídíaioi; nana Juzíñamui uícodo lloga ñúefuíaína nai llínoñediaioi, tílla. Mei íadi afe lloga ñúefuiai ico jíáiruimo zúillena jícana fídíaioi. Fídiano caimare aféfuemo ñnuano comécídiaioi, mei bíniemo ónoñega jícanemacina íaioi illa raire méaicaiñeno llotíaioiza. Uáfuená bíniemo jaíanicana jáídíaioi. ¹⁴ Nana daí llotino, dani íaioi nahí íllinomo íaioi jíaiacanana llotíaioi. Ua jíáie éniemo jáillana íaioi úiñoínana caina fídítate. ¹⁵ Daí íaioi dáinamona, mei níbai jaíai íaioi illániemo comécídiaioi. Daí íaioi comécíadi díga ícaíño meine abído afénomo jáirediaioi. Mei íadi abído afénomo jáíñediaioi. ¹⁶ Mei jíáinomo comécídiaioi. Jíáie jamánomo ñuera íllánomo, monamo íte Juzíñamuimo nabáírizaíllinomo izire úiñoídiaioi. Daí Juzíñamuimo íaioi ñnuamona, Juzíñamui íere ióbite. Bie

jaiánicana jáidino Juzíñamuina dáiiadi: “O cue Juzíñamuidio,” daíí íaiói dáiñari Juzíñamui méaicaiñede. Mei íaiói jofue izoide ñuera illino, dínomo Juzíñamui diga zíñona nabáirizaillena. Juzíñamui jae finócaza.

17-18 Naui Isaac jocoina llezica Juzíñamui Abrahana daide:

“O úicoitigima bie jító Isáacimona aillo jébuitiaioiza,” daide. Diga iruillai illamona Juzíñamui dáaruimo Abrahana ñnuafue facátate. Iemo Juzíñamui ocuilla izói, Abraham nai Juzíñamuimo izire ñnuano, ie jító oni uite, titada Juzíñamuimo fecállena. ¹⁹ Mei Abraham Juzíñamuimo ñue ñnuano comeci facade: “Juzíñamui jamánomo ñue ríñoredimie; tíide come meine cáataite ríño íemo ite. Cue jító tíidena Juzíñamui meine íena cáatarede,” daíí Abraham comeci anado daide. Iemo, Abraham ie jítone fáiacana llezica Juzíñamui afémiemo raire úrillano, ie daade jítone jíllotate. Abraham ie jítone fañede. Ie jira jíáifodo daíírede, tíllanomona Abraham ie jítone meine abido ote.

²⁰ Daje izói Juzíñamuimo ñnuamona Isaac ie jító íaillinoi Jacóbomo Esáu diga uire Juzíñamui orelle caimátaillifue ua llote.

²¹ Daje izói Juzíñamuimo ñnuamona Jacob, ie tíizailliruimo José jító íaillinoimo úrite. Urillano ie enaize íaillinoimo uire Juzíñamui orelle caimátaillifue jino llote. Afe llezica ie macara jigüida llánota ie abi mozíñuano caimare Juzíñamuimo úrite, ie íóbitallena. ²² Daje izói Juzíñamuimo ñnuamona José ie tíizaillirui ánozillano, Israel comini Egipto éniemona uire oni dani íaiói éniemo jáillifue llote. Afe llezica ie ícuruai aféniemo fiéñeno oni úillena, uícode uai íaioimo jóonete.

²³ Diga fimona jailla mei, Egipto ríllaíma nana Israel como jéciga jítótaiana fazítate. Mei íadi Moisés jocoina mei, ie moo íaillinoi Juzíñamuimo ñnuamona, illáimana jacíruiñeno Moisená retáidotiaillinoi. Dauíamani íena retáidotiaillinoi, afeza iere ññezana jira. ²⁴ Aféllaíma jiza Moisená náamataja mei, Moisés mónailla llezica Moisés aféngomo dúillana ruifíruite; mei afémie Juzíñamui dibénemo jaináideza. Ie jira Juzíñamuimo ñnuamona Moisés afe mámece oni faite. ²⁵ Mei jíáifodo Juzíñamuimo jaináidino cígiri illana, afémie jamánomo gaide, nana duere zefuídíaiói íadi. Daje izói ie comínina fiéni ie zóofiamona raire féite jabo íóbillafue dibénemo illana afémie gáíñede. Moisés Juzíñamuimo ñnuano ñue coméciide.

²⁶ Biedo afémie coméciide: “Nana Egipto énie ebírede ráaniai baimo, Juzíñamui dibénemo ie dámie illa jamánomo ráífide, duere afémie zefuide íadi.” Afémie daíí comeci facade. Ua Moisés, Cristo ícoínia zefuillano, féitañeno daíí comécioifírede; mei Juzíñamuimo ñnuamona baimo ñuera féinide raa izóidifue afe ie jíridollena afémie onódeza. ²⁷ Iemona Moisés Juzíñamuimo ñnuamona, afe Egipto illáimamo ite ríñona jacíruiñeno Egiptomona botate. Ua jacíruiñeno afe Moisés oni jaide, mei buna ciónena Juzíñamuimo fáicanocaiñeno ñue nágarui comécifíredeza. Daíí ie comécinamona, uído ciónamiemo ñnua izói, Moisés Juzíñamuimo iere ínote.

²⁸ Daje izói Moisés Juzíñamuimo ñnuamona, Juzíñamui lloga pascua rafue como fueñe finode. Ua Juzíñamui llua izói, Moisés íaiói jofóníai naze fuédamo oveja díena jíritate. Daíí ñnuamona, Juzíñamui oreca títaite abi ímie nana Israel nano fueñe jococa jítótaiamona buna títañede, aillo Egipto ímaci

jitótiai tícoizitiaioi íadi. ²⁹ Daje izói Juzíñamuimo ínuamona nana Israel aillo comíni “Jíairede” daina monáillai ñue zaférede iodo ruícafenemo jaitádiaioi, mei afe monáillai jainoi Juzíñamui oni gaitácaza, íaioi ruica jáillio tuiñóllena. Mei íadi Egíptomona racádino afémaci jailla izói jáidiaioimo, meine io jáinoina íbáibicaillari coróbaítiaioi.

³⁰ Iemo Israel comíni Jericó jofue anáfenoacadiaioi. Afe jofue riire naidároga nofíbanina cirínoga. Iemo Juzíñamuimo ínuamona ie daina izói, siete dígarui afe riire ibaica jofue jinófenedo ífoina macáoidiaioi. Iemona ícoi iruimo afe caifo nitaca nofici finoina jofue jinófene cirínuabani, Juzíñamui ana éniemo caitade. ³¹ Daje izói Juzíñamuimo ínuamona nauí uícodo fiénidingo, Rahab fañega, nana jáiae afe jófueimo ite íñoñedino fazícaícoi íadi; mei Juzíñamui comínimona oreca éniena ñue onóllena méiñoitinona afengo caimare cánuano jofo uáidoteza.

³² Nai jino lloñega aillo ite jáiae jaiai Juzíñamuimo ínofiredino. Bibedo íaioi illáfuiaina cue llóllena cue abí juánideza, nana llónidícue. Fia íaioi mámeciai jino llóiticue, íaioimo omoi ñue comécíoi llena. Afémaci Gedeón, Barac, Sansón, Jefé, David, Samuel; daje izói Juzíñamui uai jino llóraini ite.

³³ Bimácimona dámierie Juzíñamuimo ínuamona jáiae náiraina anáfendiaioi. Jáímaci Juzíñamuimo ínuano Juzíñamui jáicina jóidífueña comínimo ocuide. Dáarie Juzíñamuimo ínuamona ie uícodo llua izói, Juzíñamui canócaiaioi. Dáarie Juzíñamuimo ínuamona riírede jánallarillai fueña ibaica izói finode, íena íaioi riñeillena. ³⁴ Jáímaci uzírede iraimo dotácaiaioi ía, nai Juzíñamuimo íaioi ínuado afe iráimona uzíñeno jino bitáioi. Dáarie Juzíñamuimo ínuamona fuírillafuiaimona otábiñeno jino ñue jíllodiaioi. Iemo jóbairo illa llezica Juzíñamuimo ínuamona dáarie maíríñedimíai ñue maírímíaiaina jaide. Daí Juzíñamuimo ínuamona onina bite fuírírainina abido rainódiaioi. ³⁵ Daje izói Juzíñamuimo ínuamona dáarie ringóniaimona íaioi úruiaí tíide íadi, meine abido íaioimo cáataga.

Mei íadi jáímaci nai Juzíñamuimo ínuua llezica, íbátarede tíide jíllotafueña lloñediaioi, mei aféfuedo Juzíñamuina jáanotaiticai, daidiaioi, íadi Juzíñamuina jáanotanidiaioi. Ie jira iere duere zefuítano titácaiaioi. Daífadena lloñediaioi; mei afémaci meine abido caana mei, jamánomo ñuera ziiñona illáfueña méaicaiñeno maíñoacadiaioiza. ³⁶ Nai jáímaci Juzíñamuimo ínuua llezica, fiénide zánonafuiaimona duere finóbidiaioi. Jáímaci riire zechénogaiaioi. Ua dáarie Juzíñamuimo íaioi ínuamona cúinajano llavécaiaioi. ³⁷ Daje izói jáiae Juzíñamuimo ínotino nofícaína níjicaiaioi; jáímaci dáafemíaido amena dera izóidedo ñetácaiaioi; jáímaci caimare taino uáillaido bífuegaiaioi, íaioi ínuafue facátallena, íemo lloéfaido fagáiaioi. Jáiae Juzíñamuimo ínotino, íaioi ínróinina jira, tóica rille igóraina jitáoidiaioi. Daí fia macáoidiaioi, mei jofónidiaioiza. Ua iere ráanidiaioiza. Ie emódomo duere zefuítano iere fiéni finócaiaioi. ³⁸ Daí finócaiaioi íadi, Juzíñamuimo íaioi ínogafueña fáicanocaiñediaioi. Iemona bimaci Juzíñamui dibénemo iere izíruigano; mei íadi bíniemo ite íñoñedino afe Juzíñamui uaina jeire otínona jámairuitiaioi. Ie jira ínotino afe íñoñedimaci cígiri íllena, íñoñedimacimo figo dúíñede, mei íñoñedimaci comeci iere íairedeza. Ínotinona jámairuillano, íaioina

oni jiúfirediaioi. Iemona ínnotinomona dáamierie zaféredizicimo jáidiaioi. Jiáimaci caifóneduai illánomo botádiaioi. Iaiói jaillánomo ite ífuaimo ífirediaioi, naa íduai ana ífuairi. ³⁹ Nana bimaci Juziñamuimo ínnumona, ñue “figora” daínamacina jáidiaioi. Mei íadi nana Juziñamui úcodo lloga caimare ñue illífuaiaina figo maiñóñediaioi; jabo maiñódiaioi. ⁴⁰ Mei Juziñamui jae úcodo cai canolle jamánomo ñuera cáimaduafue mamédeza. Afe jamánomo ñuera cáimaduafue Jesucrístodo cai nahí cai jíllloillífue. Daií jaiai ua Juziñamuimo ínnotino naa cai diga, birui dáanomo jaiai Juziñamui mameca nahí jíllloillífue mo dúciitacai. Ua afémaci naa cai diga, Juziñamuimo caimare nabárrillafuena jeire óitacai.

12

Jesumo ñue jaícina omoi comécioiri

¹ Ie jira, cue ámatiai, comécido ñue omoi facari. Ua aillo jamánomo Juziñamuimo izire ínnotino bíniemo cai úcodo macáoidiaioi. Afémaci Juziñamui cai íóbitallífueña caina ífode. Afémaci cai ínnohafue mo jaícina ífoite uai nabáiraini. Cai abído ífoina ítíaiói. Afémacimo cai comécillamona, nana cai jizitacana uite fiénidífuai mai oni cai féitalli. Ua, caimo ite fiénidífue, abí llótáidote iniroi izói caimo jíide. Jíinamona jaca caina aruire itátate. Afena fáicanocaillano, Juziñamui íóbitallífue mo zefuúruíñeno mai izire cai nícidolli. ² Afe llezica duere cai zefuúllano féitano, mai Jesumo comeci cai facalli; mei afémie Juziñamui íóbitallíodo, ínnohafuedo cai jáillena cai ífódímieza. Mei afémie ie Moo Juziñamuina féitañeno ie fáinaruimo nai íemo izire ínnoide. Daií ie ínua, afémie izói jaícina cai ínollena, afémie cai ífode. Iemona afémie cai ínnohafue ñue ícoimo fuitádimie. Ua, Jesús duere zefuide, íadi afe duere zefuilla méífomo íte cáimafue mo, afémie ñue comécíide. Afemo comécioillano uái dáii cruzmo tíizaide; mei áfedo nana íemo ínnotino caimare jílllobicaitiaioiza, afémie onode. Iemo afe meárede tíillana náfuéñeno, abído meine cáadímiena jaide. Afe daií jaillano caifo Juziñamui nabézimo Jesús ráinazaide.

³ Ie jira, cai jáinona duere zefuítagamie Jesumo mai ñue omoi comécioiri, omoi duere finóbicaillamona omoi zefuúruíñeillena. Daje izói Jesumo ñue omoi uibíoiri omoi comeci ñue náireillena. Mei afémie fáicanocaiñeno Juziñamuimo ínnoicaide, fiénidino íena uáitajano duere ie finódiaioi íadi.

⁴ Fiénidífue omoi comécina jíirioide, íadi nágarui áfemona abí ráiruifirediomoi. Afemona abí ráiruúllano iere juárede. Iemona jabo duere finócaomoi. Mei íadi fiénidífueña omoi anáfenoacanamona nai tííñediomoi. Dama Jesús ícoínia jabo duere zefuúdiomoi. ⁵ Afe llezica Juziñamui caimare llogáuaina níbai jae féitatomoi. Aféuaido Juziñamui ie úruiai izói, ómoína llófuete; ona riire daide:

“Cue jíto, o Ocuúraima Juziñamui omo oreca duere zefuítajafuena jámairuíñeno iri, mei áfedo afémie ñue ona ráiruúllano lletádeza.

Daje izói fiéni o ínumona afémie duere o finóadi, comécina ríinidímie izói íñeno iri.

Mei jíaífodo, abí máimiano, ie llétafuena ñue jeire oíri, ñúemiena o jáilleza.

⁶ Mei Ocuúraima Juziñamui nana ie íziruiganona fáicana lletáfíredeza, íaífuenidínona íaiói jáillena.

Afe izói nana ie ua onoiga jítótiaina llorebai mailla izói due ízitate, mei afémaci dama íeieza,” daide.

⁷ Omoína iziruillamona Juzíñamui afe daí ómoína duere zefuítate, ómoímo llófuellena, baímo ñuera ie jítótiaína omoí jáillena. Ie jira duere zefuítagaomoi. Mei onódiomoiza, bíniemo ite moo llétañega jító ñue móonaiñeiteza. Iemona afe moo nana ie jítótiaína llorebai mailla izói ízitate. ⁸ Ie jira Juzíñamui ízitañegamie nibai ie nahí jítóñedeza, móonidiza; mei nana nahí ie jítótiai izi cácatagaiaioiza. ⁹⁻¹⁰ Afe emódomo cai bíniemo ite móotiai nauí ñue cai móonaillena, ñue comeci íaioi fácamona, izire caina lletádiaioi. Ua nano íanori illáruillaido caina duere fínuafuedo lletádiaioi. Ua izi cácatagacai. Afe llezica nai cai moona caimare jacíruiticai; jacíruioillano ñue íaioi anamo itábicaidicai. Daje izói cai monamo ite Moo anamo jamánomo caimare itábicairedicai; mei afémiemo cai ínuano, nahí ie jítótiaína comuítagacaiza. Nana afémie duere cai fínuafue cai dibénemo aillo ráifide, afémie ebire ñuera illa izói, daje izói cai íllena. ¹¹ Ua, ja onódiomoiza nana izi cácatafuemo illa llezica, áfena gáíñedicai. Mei íadi afe izi cácatafue záilla mei, áfedo lletácano, Juzíñamui anamo ñue jaícina íficaillano, comécina jacíruiñedinona caimare jáiticai.

Juzíñamui uaina ruifruilla iere jacírede

¹² Juzíñamui daí omoí llétajana omoí onónamona, mai abí omoí mame. Ja abína náinidino izói omoí íñeno iri. Omoí zúurede comeci náiretari. ¹³ Afe llezica omoí duere zefuúllafuemo, mai bífuemo jaícina comeci facádori. Aféfuado daíri “Juzíñamui íóbille jítótiaína móonaitagacai.” Daí o dáinamona, jáie ómoímona Jesumo ínogana féitaacadino, comécina caimare náiretairio. Daí ie náireillamona afémie meine abído Jesús uaina izire ínocana jeire óite.

¹⁴ Afe emódomo nana comíni cigíri, mai comeci rícaitañeno cámafueemo omoí iri. Daje llezica, Juzíñamui ebire ñue illa izói, afe dibénemo mai omoí abí ífuai nágarui méidocana uiri. Bie izóidifuemo omoí nai íñeniadi jaca buna Juzíñamuina cóñeille. Mei íadi comeci íainnafueemo cai íadi, íena cóiticaí. ¹⁵ Juzíñamui caimo fecaca cai ie cánuafue aillo ite. Bifue nana jeire omoí ófireilleza izire omoí comécíiri. Daí íllamona buna fiénidifuemo oni nibéfodo báíñeiteza. Daa daí oni fiénidífue dibénemo baíídmie nana jaíaimaci comécina fiéni finode. Mei jii, duere zefuúllamona Cristo dibénemo figo jaínaiacañedimie, jucúrede juia izoide. Mei afe juia illemo totáa, nana áfeji jucúredijina jaide. Daííate come nana ie aino comínina daje izói figóruiñede. Afemona abí omoí rairuiri. ¹⁶ Daje izói nana jiruírenafuíaímona abí omoí rairuiri. Afe llezica ómoímona dámie Esaú illa izói íñeno iri, mei afe Esaú jaca Juzíñamui jítainafueemo figo comécííñedeza. Aféfuena jámairuillano, afémie nánoramie íadi, íemo ite maiñórrille ríino, fia due jiza güille íbana fecade. ¹⁷ Afe Esaú illáfueña ñue onódiomoiza; mai aféfuemo omoí comécíioiri. Íco írairuimo ie moo ézicirafuena Esaú maiñóacade, íadi ie moo ja íena ruifruite. Afémie comeci ífue méduano éecana ie moomo izire jicade; íadi “Jii” daííñede. Afe nauí Esaú jámairuillafue jaca méidonide.

¹⁸ Ja birui Juzíñamuimo caimare nabáirillanomo dúcidiomoi. Jaíai Juzíñamui comíni áillue caifónedumo áinozidiaioi, Juzíñamui dáina uaina cacáillena. Afedu mámeceí Sinái. Afedu náaduna irai izói boode, aillo úillie díga. Afe llezica iere jacire náiríbicaide. Náiríbicaillano, jairifo ríire jaíínode. ¹⁹ Aféruimo bainada

izoide ficire cácaaide. Afe llezica áillue come úrilla uai íaioimo ficire cácaaide. Afe uai iere jacirede cacaide. Afemona, áfena cacádino jíáie emódomo lletara uaina llóñellena izire jicádiaoí. ²⁰ Afe íaioí cacana íaioimo lloga lletara uai jamánomo iere juáredeza. Aféuai daide:

“Bie óode íduna omoi jetáiñeno iri. Ninena daa rille bídumo bíadi, raire noñciaido fáiri. Daje izoí ninena bídumo bite come fáiri,” daide.

²¹ Uafue, afe cacánafue naa cíocaidífue diga iere jacirenamona, dama Moisés uai ua: “Aferi iere jacínaiticue. Jacíruillano cuidíriticue,” daide.

²² Mei íadi, jae jíáifodo Jesucristomo omoi ínuamona, ja birui Juzíñamuimo ite jacínide caimare nabáirillafue dibénemo dúcidíomoi. Ie mei ícoimo monamo ite jaca caade Juzíñamui uícomo úrizaitíomoi. Juzíñamui illa jofue, “mona ero ie Jerusalén” mámeçirede. Iemo jíáifodo “Sión Caifónedu” daína. Afémiemo ja omoi caimare nabáirillamona diga íeza facádide Juzíñamui abí imaci Juzíñamuina íóbioicana iráizítiaoí. ²³ Ua, omoi ínuamona Juzíñamui ómoína daide: “Ja cue daade Jitó Jesucristo izóidinodíomoi. Cuemo ie dúina izoí, afe izoí ja cuemo jaináidíomoi,” daide. Afemona nana Juzíñamui íena comútagamacímo jae jaináidíomoi. Nana afe íemo jaináidíno mámeçiai jae monamo cuega. Ie jira nana Moo Juzíñamui ie comútaganona, ñue jicánuana fibídímie izoí, ñue íaioína ríidoite, mei afémie nana nairai Mooza. Jaiái ie anamo ñue itino, jae tídiaioí, mei íadi íaioí ñuera joreño nai figo caimare íñédiaoí. Ja biruillaido Cristo cairi tíllano caina jíllotate. Daií nana íemo ínotinona jíllotano, afe tíidino ñuera joréñuai ñue jácina caimare ítagaíaoí. ²⁴ Uafue, Juzíñamui comue caimare caimo fecállífue caimo llóíacade. Afefue caimo lluaíibitímie Jesús, mei ie cruzmo ie die tótajado caimare íafuenidínona finócacaiza. Ie jira ie die, úrilla uai izoí jamánomo ñúefue cai ífócimo denode. Mei jíáifodo Abel die tóilla afe izoí caimare ñúefuiai caimo lloñede.

²⁵ Nana bie caimare Juzíñamui caimo llotátagafuíaína jae onódíomoi. Afena omoi onónamona, afefue ómoimo llotímie mai omoi ruífiruíñeno iri. Afe íena ruífiruillamona abí omoi rairuiri. Mei jaiái bíníemo Juzíñamui jónega lletárima dánana ruífruitino, duere íaioí finóinamona jaca jíllóñediaioí. Afe baímo birui monámona caimo llotímie dánana cai ruífiruiai, daje izoí ua jíllóñeiticai. ²⁶ Jaiái aféruimo ie úrilla uai éniena diga icaiño riire docáitate. Mei íadi birui afémie uafue llote: “Nane afe emódomo dáacaiño éniena riire docáitaiticue, naa caífo ite monániairi,” daide. ²⁷ Afémie daína “Nane afe emódomo éniena dáacaiño docáitaiticue” Juzíñamui íraírúillaido finóllífue caina daide. Aféruimo nana ie finoca raa, ranítado ízírilla izoí níraidoite. Afe níraíduado nana níraírede ráaniaína, afémie oni niné táinocaitaite. Mei íadi nírainide ráaniai jaca méidonide; ífébillano zííñona íítiaoí. ²⁸ Ja birui Juzíñamui méidonide illáimana illánomo jaináitagacai. Iemona íena “fere figura” cai daiífreilli. Afe llezica caimare úrillafuedo mai íemo cai íóbilli. Ua, ñue jacíruioicana ie uáillaímo mai ñue cai cacáreilli. ²⁹ Mei jíi, cai Juzíñamui, irai amena cuarilla izoí, nana íaífueredínona jaca zííñona íaioína duere fínoite.

13

¿Nie izoí Juzíñamuina íóbitaredícai?

1 Amatai, mai conímama omoi izíruifireiri. 2 Daje izói onina bitónona mai dúecaillano ñue caimare uáidori, mei daí dáríe jíáimana íaíoi caimare uáidofrenamona ónonino Juzíñamui abi ímíaiña jofa llínotiaíoi.

3 Iemo Jesumo ínuamona llavécamacimo ñue omoi úibacairi. Ua dájena llavécano izói, mai íaíoi mo comeci omoi facari, íaíoi mo canóllena. Daje izói duere finoca Jesumo jaináidímacimo, mai omoi ñue comécíiri, mei dani omoi abina jíáimaci duere zefuítarede; íemo bimaci diga daí zéfuitíomoi. (Dáamacííomoi.)

4 Daa come daje ringona áireia ñuera. Afémie dama íe ai abina onona ñuera. Fima dama íe ai jeta ñuera. Mai bifue íaíñeno ñue omoi fímairi. Mei Juzíñamui nana jiruédinona izire jícanuano íaíoi mo duere fínoiteza, naa dama áireíñeno ringo diga ítinori.

5 Daje izói omoi comeci ífueña ñue onoiri. Ucubena aillo jitailla fénide. Afemona abí omoi rairuiri. Mei jíáfodo ómoí mo due jiza íte ráaniairi júfidoñeno caimare uái íri, mei Juzíñamui uafue dáideza: “Ona fáicanocaiñeíticue. Daje izói jaca ona zóofeñeíticue,” daíde. 6 Iemona mínícana jííreñeno daíredicai:

“Juzíñamui cuena canófredímie; íemona fieni cue finócadímiena jíacuíñeíticue.”

7 Iemo mai Juzíñamui uai ómoí mo nano fueñe jino llófuetinomo ñue omoi uíboiri, mei ñúeodo ómoí mo ífódiaíoi. Íaíoi mo comuide ñúefuíaímo, féitañeno mai ñue omoi comécíioiri. Afémaci Jesús ícoíña títaíaiíoi, mei íadi afémaci fáicanocaiñeno Jesumo ínua izói, afe izói féitañeno mai omoi íinofireiri.

8 Mei jí, Jesucristo nanómona íe illa izói, ja birui jíáfodo méidoñeno dáamíeícaide. Ua afémie jaca zíñona dáamíeíte. 9 Ja birui diga jíáfodo caíde onina bite ónoñega fieni llófueínaíuíaí íte. Aféíuíaí ñúeomona oní níbéfodo omoi baíítaíacadeza; áfemona abí omoi rairuiri. Juzíñamui caíri dúecaillano caí canuano caí comeci náírecaítate. Afe íe caí comeci náíretaja ñuera. Mei íadi afe jícana lluaíbiga güille rairuínafuíaíña jeire caí óíadi, caíña ñue cánoñeíte. Daje izói afe uai jeire otónona canóñede.

10 Jesucristo caí ífomo fécafue Juzíñamuimo caimare caí nabáírillena dani caímo dúide. Nana Judúaido Juzíñamuimo úriraini, íe jaiái gairíracomo aillo Juzíñamuimo ánozille nícidogafuíaí finódiaíoi. Mei íadi afémaci Jesús díbenemo íte cámafuaíña llínonidíaiíoi.

11 Judúaiímona comínido Juzíñamuimo úritíllaiíma dáacaíño naga fímona afe faga rille díe Juzíñamui ícomo úite. Afe Juzíñamui ícomo íte jofóide ñue rairuícacomo comíni íaííue ícoíña díena úite. Mei íadi afe faga rille, comíni íllácuai jíno mo jobáíírediaíoi. 12 Afe izói Jesús Jerusalén jíno mo duere zefuíde, dama íe díe tóíllado nana comíni fíenídííue oní dóllena. Daí duano íaíoi mo Juzíñamui íena mamede. 13 Íe jira nana Judúaií Juzíñamuimo ánozille nícidogafuíaíña féítajano, mai dama Jesumo jaca caí ínolí. Ua, daí íemo caimare caí jaináínamona jíllóíticai. Íe meáíre duere zéfuílla izói, duere caí zefuíaídi, áfena náíueñeno naí caimare íemo jainaiticai. 14 Ja bíníemo ñuera méidoñega íllano caímo íñede; mei íadi Juzíñamui finoca monamo íte méidonide caí íllíno mo izire úíñoidicai, caimare zíñona íe diga caí nabáírizaíllena. 15 Iemo, Jesús caído Juzíñamuimo nahí úriráímana íllamona,

mai Jesudo nágaruillai Juzíñamuimo ñúefue cai nitalli. Ua, cai fuemo ite uaido Juzíñamuina caimátaitaredicai. Cai Ocuíraíma Jesús mámedido cai úriadi, jaca Juzíñamuina ebire ióbitaredicai. ¹⁶ Daje izói nágarui jáíma canolle ñúefue jeire o úana, mai féitañeno iri. Aféruido jitáidinomo ómoimo ite raana jeruíñeno fecari; mei aféfuaiina Juzíñamui iere ióbideza.

¹⁷ Omoi illaini llogáuaimo ñue omoi cacáreiri. Aféuai anamo ñue omoi itábicairei; mei omoi comeci ñue illena aféllaini nágarui ómoína rairuífirediaioiza. Ua aféllaini ómoína rairuilla nie izói íadi, afémaci Juzíñamuimo jino llórediaioi. Ie jira íaioi táijinana omoi daidóñeno iri; mei jáífodo ñue íaioi anamo omoi itábicairei. Afedo aféllaini Juzíñamui ocuica táijinana caimare fñoite. Mei íadi afémaci afe táijinana zúurecana finóadi, figo cánoñegaomoi.

¹⁸ Mai birui caido Juzíñamuimo omoi úriri, afe Juzíñamui cai canólleza, mei cai comeci ifue íainideza. Mei jii, nágaruillai náganuíaímo illa dígamie íaioi eróicana ñue jaícina figomiena íacadicai. ¹⁹ Ua, cuedo Juzíñamuimo comécido omoi úrillena izire jicádícue, raire meine abido omoi cígimo Juzíñamui cue orélleza.

Iraicaiño uáidota ñue ézicinoçallafue

²⁰ Ja birui Juzíñamui ñue omoi ézicillena jicádícue; Moo Juzíñamui, comécina uái illafue comínimo fécaitimie. Iemona cai Ocuíraíma Jesuna tíllanomona Juzíñamui meine abido cáatate, mei Jesús ie die tóillado nana caimo ite fienidífuaiina muiñódeza. Múíñuano zíñona Juzíñamuimo cai nabáirillafue cáiena mamede. Ua, Jesús jamánomo ñuera ovejai úiñoraíma izoide. Afémie ovejai rairuilla izói, caína úiñofirede, comécina uái cai illena. ²¹ Afe bie Juzíñamuimo omoi comeci náireillena jicádícue. Ua nana ie ñuera rínodo omoi comécina ñue jaícina caimare náireillena jicádícue. Afe bie cue jicácado ie jitáinafuena ñue comini eróicana fñoitíomoi. Afe llezica Juzíñamui comeci óiacana izói dani caimo zúillena izire íemo jicádícue. Mei daíí jamánomo ebírenafue Jesucrístomo, ninomo fúñeítena nitáredicaiza. Mai, daíí íteza.

²² Amatiai, nana bie ómoimo cue cuega lletárfuíaímo járitañeno fia omoi comécíiri. Afena izire ómoiena jicádícue, mei bie ómoimo cue cuegáuai íanorideza. ²³ Iemo jáífuenta ómoimo fidítaacadícue. Jae cai ama Timoteo llavéinanomona jae jino zuitaca. Omoi dine nai jáíñeíticuemo, afémie cue illánomo raire dúciadi, nibai daane omoi éroizaibitícoco.

²⁴ Nana omoi llófujete illáinina cuedo ñue uáidori, naa afénomo ite Jesumo ínotinori. Itáliamona benomo cai bite amatiai ómoimo uaillai orédiaioi.

²⁵ Juzíñamui nana ñue omoi illena ñue ézicíteza. Mai.

Daítadeza. Jae ñiee.

SANTIAGO CUEGABE

La Carta de Santiago

Ráidozitinomo Santiago cuete

¹ Cue Santiágodicue. Juzíñamui táijitagamiedicue. Daje izói cai Ocuíraíma Jesucristo táijitagamiedicue. Israel náraimona doce dígazie nana éniedo ráidozitinona uáidotícue.

Juzíñamuimona oga onónafue

² Cue ámatiai cácarei, ñie facátafuiai ómoimo jíriadi iere caimare omoi iri. ³ Mei jii omoi ínuafue facátaficaiaidi áfedo baímo comécina járidoñenafuena onótalliomoi. Mei áfena onódiomoi. ⁴ Afe comécina járidoñenafue ñue jeire omoi móonaitari. Afedo jaícina jétagamacina lítiomoi; omoi jitáillifuena íñeite.

⁵ Omoimona dáamie figo onónenia, Juzíñamuimona onónafue mai o jicari. Iemona Juzíñamui áfena afémiemo fécaite, mei jii Juzíñamui jeruñeno nágamíaimo onóillifuena fecáfirede. Afémie iciriñeno comínimo fecáfirede.

⁶ Mei íadi ínuafuedo o jicari. Daií jitáirede; minícana o comeci anado ígicaiñeno jicari. Naga uaina ígiciredimie jorai bagua izói jairífodo dóbaidobaicaide. ⁷ Daiítadimie Ocuíraíamona minícana óllena comécimo facáñeno iri. ⁸ Aféfuena onóigaza. Nímie birui bie raa óiacade, uire jíáiena óiacade, ñue jaícina macáñide.

⁹ ¡Ráanide ama, caimare o iri! Juzíñamui caifófenemo ona jóonelle jira. ¹⁰ Ráaredimie, o anáfeficaiaidi, áfena náfueñeno caimare o iri. Mei ráaredino ráitie záfia izóideza. Afe záfia are íñeite. ¹¹ Jitoma bíllamona íena iere llirítaite. Caigáíllamona afe záfia ana júide. Daií ie ebírenano fuite. Daje izói ráaredimie ie nicidocaigafuiai cigiri táinocaite.

Facátafuiai fiénidemo baítafuiai diga

¹² Dáamie facátafuiai járitañeno llínoiadi afémie caimare ite. Facátafuemona ñue oni jaillano ícoinia fia iga raa jíridoite, ñue facátaoicailla jira. Afe ícoinia fia iga raa ñucirai izóidifue. Afe iga raa ua Juzíñamui ie illa zíñona cáataitinona. Ua Juzíñamuina izíruitinomo uícodo lloga zíñona cáataitinona íaioimo fécaite. ¹³ Dámie íaifue mo baítafuena cacáadi, afe Juzíñamui orécaza comécina facáñeno o iri, mei jira afe daiítadifue Juzíñamui jaca jitáíñede. Daje izói Juzíñamui bumo afe íaifue mo baítafuena comuítañede. ¹⁴ Mei afefue jíáfodo bite. Dáamie dama ie comeci fiéni jítainafuiaiido comeci óiadi, áfedo íaifue mo báite. Afe izói dáamie ie fiéni jítainafuiaiido jífueficailla; íemo afe jífuiafuedo afémie meine íaifue mo báite. ¹⁵ Afe bie comeci fiénino jítainafuiaiimona íaifue comuide. Ie mei afe íaifue jae orubícaillamona tííllafue comuide. ¹⁶ Cue izíruiga ámatiai jífuefizaiñeno iri. ¹⁷ Nana ñuera caimo iga raa, nana caimo jaícina jóbidifuijai diga, caifona Juzíñamuimona bite. Afémie nana monamo íte egáíñotinona finode. Juzíñamui jaca dáamie; afémiemo jíáfodo meídogafuena íñede. ¹⁸ Afémie uáfueña úrilla uaido cáatatinona caina comuítate. Afena finode ie finócafuiaiimona como fueñe oga llízie izói cai íllena; mei ie comeci jítaina izói finode.

Uáfueña Juzíñamuimo cai comécinafue

19 Ie jira izíruiga ámatiai cacai. Omoimona nágamiiai jaca jefo jinéoiri, mei íadi fíaicana o úriri, daje izói fíaicana rícairi. 20 Mei jii, rícaidimie Juzíñamuina ióbitañede. 21 Mei daií nana íáiredifuiái omoi fáicanocairi, jamánomo mónonaioicaide fiénidifuiái diga. Omoi comécimo lloga uai Juzíñamui úrilla uaina comeci mánainafuedo jeire omoi oíri. Mei jii afe úrillauai rínorede omoi joreño jilloillena.

22 Jira úrillauai ómoimo lloga ráfueña fino. Fia aféfuemo táinona cacáreiñeno. Fia táinona omoi cacáadi dani abi jífueitíomoi. 23 Afe úrillafue fia táinona cacádimie aféfuena iere cácañenia, afémie acáranimo uieco ciona izóidimie. 24 Afémie ie izóidena ciode, mei íadi raire jailla llezica, ie izóidena féitate. 25 Cacánafueña féitañedimie jamánomo ñuera ocuicafueña jeire ófirede. Afe jamánomo ñuera ocuicafue caimo rairuíñenafueña itátaga. Aféfuemo méidoñeno afémie íoide. Afe ocuicafue afémie ínota finode. Daií finódimie nana ie finócafuiáido caimare ite.

26 Dámie Juzíñamuimo comécidimie comeci facáoiaidi, mei íadi fueña rairuíñeno úriadi, afémie dama abi jífueite. Afémie comécinafue táinobicaide. 27 Nífuenide comécinafue, Moo Juzíñamuimo eróicana íáinidifue bie izói ite; ñue Juzíñamuimo comécidimie móonidizaiái íemo éinidizaiái diga, íaioina duéruillano canófirede. Daje izói fecínguaina íaioi duéruillano canófirede. Afe llezica éniemo ite Juzíñamuina éoidimaci íaifuiáido ñúemie abina íaidoñede.

2

Conímana énenoruiñeno iri

1 Cue ámatiai, cai ebíruigamie Ocuíraima Jesucrístomo ínotimacidiomoi. Daií omoi ínua llezica comínimona dáarie énotañeno iri. 2-3 Acatagafuedo dáaiticue: Omoi gairíllanomo queníredena onoi icuíforedimie, ráifide inícuero jítáoidimie bíadi, afémiena daífirediomoi: “Bie ñúenomo ráii.” Mei íadi afe llezica dúeredimie tíbaizarodo bíadi, afémiena jíáfodo llínota nibai dáitio: “Batí naidai,” o nibai dáitio: “Ana benó éniemo ráii.” Daií ráanaitimiena raire ñue llínotiomoi, mei íadi dúeredimie buna náfueñega. 4 Ie jira daií dani ómoimona dáarie énenoruidiomoi. Daií cómemo jícanotimiena dani omoi abi maméidiomoi, mei íadi fiénidemo comécinafuedo abi maméidiomoi.

5 Cue izíruiga ámatiai, bíemo omoi cácarei. Bie éniemo úcubenidina Juzíñamui nizede, íaioi ínuafue jamánomo jebuillena. Daa afe izói íaioina Juzíñamui nizede, feci raa izói ie illáimana illáruina maiñóllena. Juzíñamui ie uícodo lloga uai daina izói afe illáimainanona íena izíruitimacimo fécaite. 6 Mei íadi dúeredimacina meáidaitadiomoi. ¿Uáfueñede, ráaredimaci ómoína llégitafirediaioi? Jii, uafue. ¿Ríiredimaci uícómo ómoína gugúrioicana uitíaiioi? Jii, uitíaiioi. 7 ¿Ñie afe ráanaitimaci Crístona íáiruioidino? Jii, nímaci. Mei íadi afémie ñue izíruiga mámedico Cristo íediomoi.

8 Cuegáuaimona lloga jamánomo ocuicafue omoi jíeruiadi ñue finóidiomoi. Afefue daide: “O aino cómena izíruiri, dama o abina o izíruilla izói.” 9 Mei íadi conímana dámie omoi énenoruia, íaifueño baíidiomoi. Juzíñamui ocuicafueño omoi ícoinia jae daií ite. 10 Dámie naga ocuicafue iere cacáadi, mei íadi dáallegoi ocuicallegoi nai fuitáñeniadi dama afémie ícoinia daií ite. Uafue nana ocuicafuiái fuitáñedimie zefuille izói dáallegoi fuitáñedimie daií daje

izói zéfuite. ¹¹ Mei daje Juzíñamui daide: “Jiruíreñeno iri,” afémie dáanomo daide: “Cómena titáñeno iri.” Daa come jiruireñenia mei íadi cómena fáiaidi, jae ocuícafuena iere cacáñede. ¹² Jira ñue o úriri; o illafue jaícina o jóoneri. Caimo rairuíñenafue itátaite ocuícafuedo jicánollicai, ie jira ñue cai íllana jitáirede. ¹³ Mei jii, nana jáíamacina duéruíñedino, afe íbana duéruíñeno, jicánolliaíoi. Mei íadi jáíamacina duéruitino nie izói níbaíñegaza ñue jáite, duéruillafue jicánollifue baimo ñue illa jírari.

Ínuafue níciduafue diga jitáirede

¹⁴ Cue ámatiai cacai. Dáamie ñúefuena finóñeniadi, mei íadi “Ínoticue” daííadi ¿ñíífuena ñuera? ¡Afeñue ñúeñeite! ¿Afe daina ínuafue jillotaite? Jillotañeite. ¹⁵ Acatagafuedo dáitícue. Inícuironide güllenide ama miringo izóidino omoi cígimo íadi, ¹⁶ mei íadi ómoimona dáamie fia uaido daííadi: “Ñue o iri. Rólliemona jíforiri. Mai güiri,” mei íadi aféruimo ie abimo jitaica raa o fecáñeniadi, ¿nie izói ñue ite? ¡Ñúeñeite! ¹⁷ Cai ínuafuemo daje izói ite. Dáamie ie ínuafuemo níciduafuedo ácatañenia afe ínuafue jae nine táinocaide, afe ie ínuafue nabáinina jírari.

¹⁸ Mei níbai, dáamie cuena dáíite: “Ínuafue omo ite mei íadi cue nícidofiredicue.” Mei jira cue uai óitícue: ¡O ñue níciduafue eneno o ínuafuena cuemo ácatari! Afe llezica cue ínuafuena cue ñue níciduafuedo omo ciotaítícue. ¹⁹ Daade Juzíñamui íllana ínotío. Afe dínomo o ínuafue ñue baite. Mei íadi aféfuena fiénide janábaiai daje izói ínotiaíoi. Iemona afe jácieri cuidíridiaíoi. ²⁰ Abina onóñedimiedio. ¿Jaícina jáidifuena onóacañedio? Dáanomo dáitícue: Ñue níciduafuedo cíotañega ínuafue jaca nine táinocaide. ²¹ Cai jáíáigima ímie Abrahana ie íáfuenidímie izóinado Juzíñamui ñue íena jíéruite. Ua Juzíñamui íáfuenidímiena íena ñue llínote. Mei ie jitó Isaac titada Juzíñamuimo fecaca raana izói fecáacana jira, daí íena llínote. ²² Jira Abraham ínuafuemo bie uáfueña cíódio. Abraham ie níciduafuedo ie ínuafuena ñue jino cíotate. Daje llezica afe bie níciduafuedo ie ínuafue ñue jaícina mónaioicaide. ²³ Daí Cuegáuai dánana ñue fuitade. Aféuai daide: “Abraham Juzíñamuimo ínote. Ie jira Juzíñamui íemo comeci facade: Afémie cuemo ínuafue ñue baite íena íáfuenidímiena cue llínollena, —daide.” Mei Abraham Juzíñamui nabaina mamécamie.

²⁴ Mei áfemona come níciduafuedo Juzíñamui íena íáfuenidímiena llínuafuena ónoítíomoi; dama ie ínuafuemona llínoñedeza. ²⁵ Afe bifue izói Rahábamo daí íficaide. Afengo jiruíredingo. Mei íadi énie fidítaraini caimare llínuamona, íaíoina canode oni jáíigodo ñue íaíoi jáíllena. Afe íaíoiemo nícidua jira Juzíñamui aféngona íáfuenidíngona izói ñue llínote. ²⁶ Mei daí omoi ónoigafuemona llóitícue. Naga joréñonide abi tíide, afe izói níciduafuedo nabáinide ínuafue nine táinocaide.

3

Cai fue rafue

¹ Cue ámatiai cacai. Omoimona aillo llófueraimana íacadino izói íñeno omoi iri. Mei jii, nana llófuérindino, cue izóidino baimo izire jicánollicai.

Afena onódiomoi. ² Nana cai aillo fiénidillegoi finódicai. Dáamie minícana fiénidillegoi ie daináfue mo iñeniadi, afémie ñue comécina figomie, ñue jaícinaidimie. Afémie nana ie abi rairuillana onode. ³ Moziñoragai caballo fue mo cai jóneadi caina iere íaioi ñinollena, ie ifo oni datállena finóredicai. Afemona nana ie abi diga dájade. ⁴ Daje izói áillue jofóredicaemo comeci omoi faca. Afecae jamánomo áillue íadi, afe llezica riñrede jairifodo ñuitáicaide. Mei íadi datárima duera jiza datárebeñodo ie jáiacana ñiné datáicaide. ⁵ Afe izói cai fue ite. Cai abi aillona mei íadi fue duera. Mei íadi afe fue do jamánomo áillue ráfuiai finórede. Uafue duera jiza réicimona áillue icáiena bóotate. ⁶ Jae come fue irai izoide. Afe fue mo jamánomo facádonide íaifuiai ite. Afe bie fue Juziñamui cai abimo finoca; mei íadi afe fue nana cai abina íaire finode. Fieni comini duere finóllirai ite; afe iráimona uneca izói cai fue mo fieni úroidino ite. Iemona nana cai caana llezica finótagafuiai bóobicaide. ⁷ Ñimado nana riñre rílleniai tórede, féedino, jaíóniari, naa buináizari. Nana áfeniai fibítagaiaioi. ⁸ Mei íadi fue na buna fibítanide. Cai fue do bite íairede raana jaca buna llícaitanide. Aillo fieni úritadino, titade juia izói cai fue mo ite. ⁹ Afe daje fue do cai Moo Juziñamuimo caimátaioicai; ie llezica Juziñamui finoca cómena faidódicai. Uafue Juziñamui dama ie eroille izói cómena finode. ¹⁰ Daje fue do caimátaillafue jino bite faidórillaifuiai diga. Cue ámatiai, cacai. Bifue izói omoi iñeno iri. ¹¹ ¿Daje jainoi ifómoma toráfomona ñújeji erírediji diga jino tórede? ¡Tónide! ¹² Cue ámatiai, cacai. ¿Noménamona comáijina órede? ¡Onide! ¿Jíriconamo cineci llizírede, meita áfena? ¡Llízínide! Afe daje izói cúerediji naimérediji diga daje jainoi ifómoma toráfomona jaca jino tónide. (Ie jira omoi fue rairuiri, fieni úrillafue o fue do jino bíñeillena. Mei jira Juziñamui imácidomoi.)

Uáfueña ñue onónafue

¹³ Omoi mo dáamie onódimie, ñue baitádimie íadi, afe ie onóigafue nágarui ñue ie illáfue do ácatari. Ua ie fibíllafue do fecaca comeci manáinafue mo ie finócafuiiai ciotari. ¹⁴ Mei íadi omoi comécimo izire úradoillafue íadi, afe llezica omoi finoca ráfuiaina járidotiomoi; bie omoi fibilla abi ñuafue mo comeciñeno omoi iri. Afe izóidifuiai táinofuiai, uáfueña jáanote. ¹⁵ Afe izoide fibíllafue Juziñamuimona biñede, mei íadi afe fibíllafue bínie comini comeci úrillafue; Juziñamuina éoidimaci onóigafue; dama Taife ifue. ¹⁶ Aillo úradoillafue, jarire uícodo máñuafue diga illánomo, afénomo aillo júdaizitífue ite naa fiénidifuiairi. ¹⁷ Mei íadi Juziñamuimona fibíllafue otímaci nano fue ñe ñífuenino macádiaioi. Ie mei afémaci manáidimaci; riñfue do ocuñediaioi; jáimie mo uícodo comécitadiaioi. Afémaci dúecaillafueña oruáidino; ñue fueña finófrediaioi. Afémaci uáfodo úritimaci; jífueriñediaioi. ¹⁸ Comeci ñue uái illáfue mo comútatino afefue rigájiai izói comínido fecádiaioi. Afemona ria llizilla izoide comeci jaícina ñúeitaitino llínotiaioi.

4

Eniemo ite Juziñamuina éoidimacimo nabáirillafue

¹ Omoi mo ite fuiríllafuiai çninena bite, júfiduafuiai diga? Omoi fieni comeci óiacanafuiai mona bite. Aféfuiai omoi comécina jaca éoitade. ² Omoi daa raana jitáiadi, áfena ómoi mo llínonina jira fatíomoi. Jáie raamo omoi

úradoiadi áfena ónidiomoi, jira fuirillano jóbairitiomoi. Omoi jitaiga raa oñediomoi, Juzíñamuimo jicáñena jira. ³ Afémiemo omoi jicáadi llínoñediomoi, iaire jica ícoinia. Mei jii áfena óiacadiomoi fia omoi caimare íacanafuaimo dotállena. ⁴ Jiáifodo fiénidimacidiomoi. Biniemo ite Juzíñamuina éoidimacimo nabáiriacadino Juzíñamui fairíconina jáite. ¿Omoi meita bífuena onóñediomoi? Níimie éoidimacimo nabaina maméidimie Juzíñamui fairícomana dóbaicaide. ⁵ Cuegáuai taino lloñede. Aféuai daide: “Juzíñamui ie Ñuera Joreño caimo fecade cai diga íllena. Afe Joreño uríoina izói caina izíruite,” daide. ⁶ Mei íadi Juzíñamui caina ríduafuedo baímo caina cánuaibite. Mei jii Cuegáuai daide: “Juzíñamui afe abi ínotinona rairuide; mei íadi comécina mánaidimacina íaíoina ríduafuedo íaíoina cánuaibite.” ⁷ Juzíñamui anamo mai omoi itábicairi. Taifemo omoi mameri, íemona ómoimona oni bótaiteza. ⁸ Mai Juzíñamuimo ánozillano caimare omoi úriri; afe ibana afémie ómoimo caimare úrite. Íáífueredino, mai omoi comeci íaífuiai doíri. Juzíñamuina izíruiacadino íemo dáanomoi íena éoidimacina izírutino, mai omoi comeci íáinitari. ⁹ Omoi zúreficairi; omoi cáillicaiilli eeri. Omoi zadáilla jeme; jiáifodo meídocairi. Afe izói omoi cámafue zúcaillano méidori. ¹⁰ Cai Ocuíraíma Jesucristo uíecomo omoi manánairi, íemona afémie ómoína caífo naidáneiteza.

Cai ama finócafue fienu jicánuafe

¹¹ Amatiai, jiáimana fienu omoi úriñeno iri. Amana fienu úritimie daje izói ocuífafuemo fienu úrite. Afe izói ámana fienu jicánotimie, daií ocuífafuemo fienu fairíote. Mei jira ocuífafuemo fienu o fairíoadi, jira ocuífafuena íere cacáñedimiedio. Jae jicánoraimana íitio. ¹² Mei íadi daade ocuífafue llotímie; afe llezica afémie jicánoitimie. Dama afémie cai jíllotaraima, jiáie izói afémie cai táinocaitaraima. Mei, o, ¿níimiedio jiáimamo itífuiai o jicánodoíllena?

Úreitírui mona monáíllrui onónide

¹³ Mai bíemo omoi cacai, omoi úrilla uaina daidino. Bie izói daiífirediomoi: “Birui níbai uire jítiramo jiáie jófue jaiticai. Dinomo daa fimona fecárizaiticai, úcube cai óllena,” daidíomoi. ¹⁴ Mei íadi due onóñediomoi uire jiti caimo íitífuena. Mei jii ¿mínica mei cai cáatatinona? Cai cáatatinno daallu cíocaizabite úillie izói. Iemona afe úillie nine táinocade. ¹⁵ Bífue izói omoi daiírede: “Juzíñamui jítaiadi íiticai. Iemona aféfuena níbai jiáífuena fínoiticaí.” ¹⁶ Mei íadi afe ibana, o dáinana meídoiacañeno nai abi ínocana úritiomoi. Nana afe abi ínuafue fiénide. ¹⁷ Núefuena fínuana onódimie afefue fínoñenia afémie fiénidífue báiide.

5

Ráaredimaci ílétafue

¹ ¡Ráaredimaci, bífuemo omoi cácarei! Cáillicaiilli eeri, aillo duere finóbillífuiai ómoimo íiteza. Aféfuemo duere zéfuitiomoi. ² Omoi ebírede ráaie jae rifaide. Omoi ñuera iníroíllai ícuai güiga. ³ Omoi úcube quenírede ráaniai diga jae éezite. Afe éeíafue fiénidífue ómoimo nítaite, ie mei bie éeíafue omoi comeci duere fínoite; irai amena cuarítaoina izói ómoína fínoite. Afe birui íirairuimo omoi ráaienai jae offtatiomoi. ⁴ Omoi güíllena óinaruillaido táijitagamací úcube jeruídiomoi. Afe jeruica úcube ómoimo riire jiáifodo dájecana úrite. Nana nairai íllaima Juzíñamui bie táijitagamací éecana dáinana cacade. ⁵ Bie éniemo jamánomo ñue ebírede ráaniai ómoimo ífírede. Dani nana omoi comeci

jitaila izói ifirediomi. Fia güillárenamona mero izói farédiomi. Afe llezica fazillíruimo dúcizaide. ⁶ Nano fueñe nífuenidimacina titátatiomi, ie mei afémacina fatíomi. Afe nífuenidino ómoimo abi zóofetiaíoi, mei íadi íaíoi mo dúecaiñeno fatíomi.

Comeci járidoñenafue

⁷ Ie jira, ámatiaí, cai Ocuíraíma Jesucristo billíruimo comece járidoñeno omoi iri. Jacáfaimo táijidimie ráifide llizillanaiaina járidoñeno úiñote. Ua nano fueñeide uáici mei nai úiñoide. Iiraie uáici mei afe llizillanaiaina óite. ⁸ Daje izói omoi járidoñeno. Omoi comece mame; cai Ocuíraíma billírui jae ánozideza.

⁹ Amatiaí, conímamo ríiríñeno omoi iri, jicánollimacina omoi íñeilla. Mei jii, Juzíñamui dama Jicánoraíma; afémie cai finócafuaí jicánollirui jae ánozide.

¹⁰ Cue ámatiaí, uai llórainimo comece uíbioiri. Íaíoi nágarui ñue illafue caimo ácataiteza. Juzíñamui mámedido íaíoi úrillamona iere duere zefuídíaioi, mei íadi jaca járidoñediaíoi. ¹¹ Duere zefuillafuemona zefui cácañedino caimare itíaioi daífiredicai. Jáiaigima Job ie járidoñenafuena cacádiomi. Afe llezica Juzíñamui íemo írainimo finócafueña onódiomi. Mei jii, Juzíñamui cai Ocuíraíma caimo dúecaiñeno, fiénidífuiaí iba are ñinomo caimo óñeite.

¹² Cue ámatiaí cacai. Jamánomoidífue llóiticue. Juzíñamui mámedí uafue daíllena táinomo llínoñeno iri; afe daí mona mámedí énie mámedí diga táinomo llínoñeno iri, ñie jíaie raana táinomo llínuano uafue daíllena daíñeno iri. “Jii” o daíia ñie izói íteza. “Ieñede” o daíia íeñeiteza. Afe izói mai omoi úriri Juzíñamui duere omoi fínoñeilleza.

¹³ Omoimona dáamie duere zefuía afémie dama Juzíñamuimo úriri. Dáamie caimare íadi afémie ñuefue nitada róiri. ¹⁴ Dáamie iráreia, gairíraco imácimona eicomínina jírizarí, afémieri Juzíñamuimo íaíoi úrillena. Afe llezica afémiemo Juzíñamui mámedido cáiredíjina jóneitiaíoi. ¹⁵ Hnuafuedo Juzíñamuimo íaíoi úriadi iráredimie jíllobicaite, ie mei Moo Juzíñamui íena náidacaitaite. Íairedífuiaímo nauí ie baííadi, afe íaífuiaí oni dófinamona, ñue nífuenidimiena Juzíñamui íena llínoite. ¹⁶ Ie jira omoi íaífuiaí jofo conímamo omoi lloiri. Afena jáanoñeno iri. Afe mei conímamo Juzíñamuimo omoi jicari, íemona ñue omoi jíllolleza. Fígomie izire Juzíñamuimo úrillafue iere ríinorede. ¹⁷ Uai lloraíma Elías jiba cai izóidimie. Juzíñamuimo ie úrillado noci bíñeilla Juzíñamuimo jicade. Jícamona jae dafimonaámani átuedo éniemo nocina bíñede. ¹⁸ Ie mei dánomo Juzíñamuimo jícamona meine bízaidé; áfemona énie naa llízieri zicode.

¹⁹ Cue ámatiaí, ómoimona dáamie ua uáimona oni fiéni nibéfodo jáiadi, jíamie íena meine abído atídena ñuera. ²⁰ Bífueña omoi onóilleza. Fiénidimie ie íairedé íomona meine atídímie afe fiénidímie joreño tíllanomona jíllotaite. Afe llezica aillo íaífuiaí oni dóficaite. Jae ñie.

SAN PEDRO NANOIDE CUEGABE Primera Carta del Apóstol San Pedro

Jesumo Innote ráidozitinomo Pedro cuete

¹ Cue Pédrodicue; Jesucristo orécamedicue. Bibe Jesumo innote ráidozinaitinomo cueticue. Ua omoi éniemona oni Ponto éniemo, Galacia éniemo, Capadocia éniemo, Asia éniemo, Bitinia éniemo jae áfeniáido júdaizitagaomoi. ² Mei íadi Moo Juziñamui nizécamacidiomoi. Jaiai ie mamérilla izói, ja ie nizécanodiomoi. Ie Ñuera Joreño jae íeiena mamécaomoi, Jesucristo uaimo iere ñue omoi cacáreillena; afe emódomo Jesucristo dáedo íaifuenidimacina Juziñamui eróicana omoi jáillena, jae mamécaomoi. Mei Juziñamui ómoína aillo ézicíteza, íemo comeci caimare uái illafue ómoímo llóiteza.

Juziñamui daina ñue uáfueña zúitifuemo caimare comécifredicai

³ Cai Ocuíraíma Jesucristo Moo Juziñamuina mai cai ióbioitalli. Mei nano fueñe afémie jamánomo caimo dúecaide. Dúecaillano como meine nane caina jéicitaacade. Ie jira Juziñamui Jesucristona tídinuiaimona meine abido cáatate. Afe Jesús meine cáanamona Juziñamui ua como meine jéicigacai. Afe bie cai comue dáanomo jéicinafue ñue Juziñamui caimo fecállifuemo caina nágarui úiñotate. (Afe fue cai ziiñona illifue.) ⁴ Afe fue amena záfia izóiñede. Amena záfia jaca llirífirede, mei íadi afe fue ziiñona jaca ninomo lliríñede. Ua, Juziñamui ómoína dainafue, monamo ite ñuera feci raa izóidena ómoína onótate. Afena Juziñamui ómoíena jóoneoide, omoi como meine jéiciamona íco jáíruido omoi maiñóllena. Afe feci raa izóidena, jaca niné táinocaitanide. Daje izói afe raa jaca íaidonide. ⁵ Juziñamuimo omoi inuado íemo ite ñuera ríinodo ómoína ríidote. Ua ómoína ríidote, íemo ite jíllonafue dibénemo omoi dúciillena. Afe omoi ziiñona jíllonafue afémie ñue finode, íraíruiillaido jino ñue onótallena.

⁶ Bífuiáido omoi jamánomo caimare itíomoi. Mei íadi dáaruirie jíáfodorie duere zefuírediomoi. Afe fue nibai jabo jítaírede. ⁷ Omoímo ite Juziñamuimo inogafue, oro izoide. Naga oro iraimo facaca, bie ua oro daiillena. Afe izói ómoímo ite Juziñamuimo inogafue facárede. Caimo ífcaífirede facátafuiai oro zia irai izoide. Nana bie facátafuiaimona nibánino ñue jino bite Juziñamuimo inogafue, aillo ráifide. Ua afe ñue inogafue oro baimo jamánomo ráifide, mei afe oro fúiteza. Mei jira ja daí facátagamie íemo ite ie inogafue ñuera. Ie inogafue ja nibánino ñue jino jailla, áfemona ja figura. Jesucristo cíocaizaíbilliriuimo afémie ñue facátagamíena jáite. Dáaruina Juziñamuimo ite ebírenafue llíinoite. Daje llezica aféruimo ñúefuena Juziñamui íemo nitárede.

⁸ Jesucristona cíóñediomoi íadi, íena izíruiomoi. Afémíena cíóñediomoi íadi íemo innotiomoi. Afe omoi inuamona jamánomo caimare itíomoi. Afe cámafue ñue omoi comécina zuitade. Ua afe aillo cámafueri omoi daiílluai íñede. ⁹ Omoi inogafue ícainia omoi comeci jíllona máíñoitíomoi.

¹⁰ Jáíaidígima illáruillaido Juziñamui uai jino lloraini afe bie jíllonafue riire jícanotíai. Afe dáaruido bie jíllonafuena uáfodo onóillena jícáícanodiaí. Afe uai lloraini Juziñamui ómoímo finóllifue uícodo llote. Ua uire Juziñamui

ómoimo dúecaillano ómoimo fecállifuiyai raire uícodo llotíaiói. ¹¹ Cristo Joreño afe uai llórainimo Cristo uire duere finóbillifue raire uícodo fidítate. Afe dáaruído Crísto ebire nitállifueña íaióimo daje izói fidítaibite. Afe íaióimo ite Joreño íaióimo lluíbigafuiyai ñue onóillena, comécido jenódiaíói. “Bie lluíbigafue ¿bumo dúide?” daidíaiói. Afe emódomo: “¿Ñiruido bie llogáfuiyai zúite?” daidíaiói. ¹² Iemona Juzíñamui jíáifueña íaióimo fidítate. Afefue daide: “Íaiói uícodo llogáuaido aferuido itínuiaína figo canóñediaíói. Mei íadi nana caina ñue cánoítiaíói.” Daí Juzíñamui íaióimo llote. Jae birullaido ómoimo llogáfuiyai afe bie jaiái llogáuái izói jóide. Birui ñue omoi jíllloilluaina llotino, Ñuera Joreño ríinodo úritiaíói. Afe Ñuera Joreño monámona ana oreca. Afe bífuiaina Juzíñamui abi imaci dani comécido onóacadaíói.

Juzíñamui íaifuenino cai illena ocuide

¹³ Mei jira nana omoi jetáacaga raamo ñue comeci facari. Omoi comeci ñúefuedo omoi úrifireiri, mei Juzíñamui íco ñírui íeiena ómoína uáidoiteza. Ua Jesucristo cíocailliruido Juzíñamui ómoimo dúecailluaimo daa áfemo izire omoi comécári. ¹⁴ Ocuíllana jíeruite úruiaí izói omoi iri. Jaiái Juzíñamuina omoi ónoñena llezica ómoimo ite comeci jítaíllafue izói, omoi íñeno iri. ¹⁵ Mei birui jíáifodo ñue omoi iri. Nana omoi jetáacagafuiaimo, jamánomo ñue íaifuenino mai omoi iri, mei ómoína uáidote Juzíñamui íaifuenidímieza. ¹⁶ Mei Juzíñamui Cuegáuái daí daide: “Cue íaifuenidímiedicueza, cue izói íaifuenino omoi iri,” daí Juzíñamui daide.

¹⁷ Juzíñamui illa dígamie íaiói illáfuiái riire jícanoite. Ua illáicomínimo, jamáicomínimo dámie féñeno daje izói nana riire jícanoite. Ja birui afe bie Juzíñamuina “Cai Moo” daidíomoi. Afemona afémiena mai caimare omoi jacíruri. Ua bie éniemo omoi ille dinó bie izói omoi iri. ¹⁸ Mei Juzíñamui omoi illa táinofuiaímona ja ómoína jílloteza. Afe ómoimo ite táinofuiaí omoi jaiáidígimamona otíomoi. Afe jíllonafue ráifinana ñue onódiomoi. Bie ráifina órodo íbánide. Daje izói plátado íbánide, naa jíáie úcubetunido. ¹⁹ Afe jíllonafue dama Cristo ráifide díedo íbátarede. Mei Jesucristo cruzmo, íainide boáfenide ovéjatiru izóidímie, Juzíñamuimo fállena fecaca. ²⁰ Jaiái ninomo bie énie nai cómuitañenia Cristo daí mameca, mei íadi are illa ícoimo, benó cai illa llezica, afémie cíocaizaibite ñue omoi illena. ²¹ Afe bie Crísto Juzíñamuimo ínotiomoi. Tíidímaciona Juzíñamui bie Crístonameine cáatate. Afe méifodo Juzíñamui ñúefue íemo nitade. Afemona afémiedo Juzíñamuimo ínotiomoi. Afe izói ja Juzíñamuimo izire comécidiomoi.

²² Ja birui ua llogáuaina Ñuera Joréñodo omoi jíruíllamona omoi comeci íaifuiái muiñódiomoi. Afe omoi comeci íaifue múíñuamona omoi ámatiaína uáfueña nahí izírurediomoi. Afe daí conímama mai omoi comécido, naa omoi ríinodo izíruri. ²³ Mei jíi, como meine jécigaomoi. Come móomona meine jécíñegaomoi mei tíitíaióiza. Mei íadi Juzíñamui uaido meine jécigaomoi. Afémie uai jaca ninomo féñeno zíñona ite. ²⁴ Jaiái Juzíñamui Cuegáuái daje izói llote. Aféuai daide: Nana bíniemo ite náiraímona illa dígamie jaca ráitiaí izoide. Íaiói jamánomo jalléinafue ráitiaí záfia izoide. Afe ráitiaí dúifirede; dúíllamona íe záfia uaide.

²⁵ Mei íadi cai Ocuídímie uai féñeno jaca zíñona ite.

Afe bie uai, ua ómoimo lloga ñue jállona uai.

2

¹ Mei jira nana ómoimo ite éoicana finócafuiai fáicanocairi. Daje izói jiáimana o jífueacanafue abido oñeno fáicanocairi. Comeci íáirena mei, emodo ífuedo comínina ñue úritimie izóidífue omoi féitari. Daje izói jiámamo omoi úradoñeno iri. Afe mei naga jiáimana ebena úcacaillafuiai mai omoi féitaziri. ² Mei afe méifodo como jococa úrue izói comeci náiretaite jjirolle jenori. Ua, monoí ii jírue izói Juzíñamui lloga íáinino, juánide uaillai mai izire omoi jenori, nágarui áfemo omoi comécúillena. Afedo ñue riire móonaitoimoiza. Daje izói aféuaido nanómona omoi íñoia, jíllóitioi. ³ Ua daíi omoi jenori, mei cai Ocuíraima comécina ñuenana onódiomoiza.

Jesucristo cómena zíñona cáatate nofici izóidimie

⁴ Ie jira cai Ocuíraimamo mai omoi áinoziri; afémie cómena cáatate nofici izóidimieza. Afémie comínimona fiénide nofici ruifruillano oni dotaca izóidimie. Mei íadi Juzíñamui dibéndo afémie iere ráifide nizeca nofici izóidimie. ⁵ Afe izói omoi cáatate nofici izóidimacióioi. Temona Juzíñamui ómoína óiacade, ie cióñena ua ífírenaco nállena. Afemona abina omoi rairuñeno iri. Daje izói Juzíñamui íeiena mameca, Juzíñamuimo comínido úrirainina dáaziena ómoína jóoneacade. Daíi omoi jáillemona, uaido Juzíñamui íóbillena fecácafue íemo Jesucristodo fécaitióioi. Afena Juzíñamui jeire óiteza. ⁶ Cai Ocuíraima Jesucristo bie nofici izóidimie. Ie jira Juzíñamui Cuegáuai uícodo daje izói llote; aféuaido Juzíñamui daide:

Afe cue irácomo, nái Sión dainácomo, dámie jóneticue.

Afémie iere ráifide nizeca ñue riire mozóioide nofici izóidimie.

Nana afémiemo ínotino meáidaiñeno táinomo fáifíñeitiaíoi, daide.

⁷⁻⁸ Ja birui afémiemo ñue ínotimacióioi. Omoiri bie nofici izóidimie jamánomo ráifide. Mei íadi afémiemo ínoñeite comíni, éicitaila izói, afémiemo baiídiaíoi. Ua Cuegáuai benomo daina izói ja íaíoimo zuide. Aféuai daide:

Afémie éicitaitate nofici izói ite.

Ua áillue noficiemo éicitaide baiilla izói afémie íemo ínoñedínona baítate.

Mei afe llogáuai jeire oñenamona, éicitaidimie izói baiídiaíoi. Afe íaíoi baiílle jaiái ninomo daíi mamécamací. Daje izói afe ñue riire nofici izóidimieemo íaíoi ínoñenamona nane jíáie daináuai íaíoimo zuide. Íaíoi ínoñegamie dibéndo aféuai daide:

Jofu níraini oni dotaca nofici jae ua riire mozóioide nofici izói jaide.

Juzíñamuimo jaináidimacióioi

⁹ Mei íadi nizécazióioi. Afe izói Jamánomoidillaíma Juzíñamui íeíóioi. Juzíñamui ocuífrega afémiemo comínido úrirainidíóioi. Afe emódomo Juzíñamui ñue finoca íe ocuífrega náraidíóioi. Daje izói dama Juzíñamuimo jainaide comínidíóioi. Bífuiái bie izói jóide, Juzíñamui cai jíllóillena uaido jamánomo ebire finócafuiai jino comínimo omoi llóllena. Afe bíedo Juzíñamui, omoi jítifomona jino íe jamánomo ebírede úzefomo, ómoína jíirite. ¹⁰ Jaiái illáruido Juzíñamui ómoína daide: “Cue comíníñedíóioi,” mei íadi ja birui Juzíñamuimo jainaide náraidíóioi. Jaiái ómoimo buna dúecaiñede, mei íadi birui Juzíñamui duéruigamacíóioi.

Afe jaináidino Juzíñamui táijitaganona itíaioi

11 Izíruiga ámatiai, Juzíñamuimo íinoñedino cígiri itíomoiza, jicánemaci izóidiomoi. Ie jira izire jicádícue, bie éniemo ite táinomo come abí jitailla fiénidifuiamona mai abí omoi rairuiri, mei afe abí jitáinafuiái omoi comécimo bacáuaina íoideza. 12 Juzíñamuimo íinoñedino cígiri omoi illa dinó ñue illa dibénedo mai omoi iri. Mei birui afémaci fiénidimacidiomoi izóí, ómoína uáitaoidiaioi. Mei íadi afe ómoína uáitaoidino, omoi ñue illáfuena íaiói ciónamona, nibai íaiói comécimo ite fiénidifuiái ñúefuiaina méidoitiaioi. Iemona Juzíñamui íaioína dúecaizaíbilliruiamo afémaci daje izóí Juzíñamui íóbioitaitaioi.

13 Cai Ocuíraimana ícoinia, nana comini jóonega ríimaci anamo, mai omoi itábicaire. Daje izóí jabóidillaíma nahíllaíma anamo omoi itábicaire. Afe nahíllaíma jamánomo ocuídímie. 14 Afe nahíllaíma oreca jabóidillaíni, fiénidinona duere fínoítiaioi, mei íadi ñúefue dibénemo itínona ébitaitaioi. Iemona íaiói anamo ífíreiri. 15 Mei jira Juzíñamui ñue illáfuemo omoi íllana jitaide, áfedo abína onóñedimaci, comécinino úritimaci diga íaiói táinodo úrillaui omoi fánocaitallena.

16 Ráiruíñegamaci izóí ñue omoi macari. Mei íadi afe omoi rairuíñenafuedo fiénicana abina omoi ínoñeno iri. Dáarie afe rairuíñenafuedo abí ínuamona fiénidifue finócadiaioi. Afe izóí omoi íñeno iri. Mei íadi Juzíñamui izire rairuica táijitagano izóí omoi macari. Daíí omoi íadi iere ñuera. 17 Dáamie jámairuíñeno nana íaiói íllaze ñue caimare jacíruioiri. Nana ámatiaína daje izóí omoi izíruiri. Juzíñamuimo ñue izire omoi jacíruioiri. Daje izóí nahíllaímana uáitañeno ñue omoi jacíruioiri.

Cristo nauí duere zefuúllafue afe izóí cai íllena caímo ciotate

18 Táijitagamací, omoi ocuídímíiaína ñue jacíruioicana íaiói anamo mai omoi itábicaire. Omoímo dúecaífirede caimare ocuídímíiai, mai íaiói anamo itábicaire. Daje izóí jíae ríire táijitate ocuídímíiai anamo mai omoi itábicaire. 19 Nágamíiai taíno abiri duere zefuítaadi, mei íadi afe llezica Juzíñamuimo comécinamona afémaci nai caimare ía, afe Juzíñamuína íóbitade. Juzíñamui ñue facátainafue afémacimo jóoneite. 20 Mei jíáfodo fiénidifue omoi finóadi, íemona ómoína duere íaiói finolle llezica nai járidoñeno omoi ía, onóigaza afefue figo jínóneite. Mei íadi ñúefue omoi fínuamona ómoína duere íaiói zefuítaadi nai járidoñeno omoi ía, ja omoi íllafue Juzíñamui eróicana figura. 21 Ua afe daíí omoi íllena Juzíñamui mamécamacidiomoi. Mei jíí omoi ícoinia Cristo íere duere finócaza. Afe íe duere zefuúllafue omoi fidítate, afémie illa izóí omoi íllena. 22 Afémie jaca due fiénidifue finóñede. Daje izóí jaca buna jífueñede. 23 Fiéndiuallai Jesumo íaiói nita llezica, íba olle fiéndiuallaina afémie lloñede. Izire íena zefuítatiaioímo, Jesús ríire íbana otátañede; mei íadi dama afémie Juzíñamuimo dama íe uai jóonete, mei Juzíñamui ñue jaícina jóonefirede ríire jicánoraímanaza. 24 Daje Cristo cruzmo ílla llezica, dama íe abído cai fiénidifuiaina abíocaiga izóí uite. Ua afémie cai fiénidifuiái uíga, aféfuíai dibénemo tídinuiai izóí cai íllena. (Daíí aféfuíaina fínoñeiticaí.) Mei afe méífodo, nífuenino Moo Juzíñamui ío dibénemo ñue jaícina íredicaí. Afémie aillo bofécamiena jaide ñue jíllotagamacina omoi jáíllena. 25 Nauí úíñoñega júdaízite ovejai izóí ebena macádiomoi; mei íadi birui Crístromo ja meine abído

dúcidíomoi. Ovejai úiñoraima izói afémie ómoina úiñofirede. Afe izói afémie omoi comeci rairuítagamie.

3

Airedino intredino diga íaiói ñue illena llétafue

¹ Nana ríimaci anamo cai itábicailla izói, nana ómoimona iníredingotíai dani omoi inítíai anamo ñue omoi itábicaíri. Mei omoi inítíaimona níbaí dárie Juzíñamui llogáuaina nai inoñediaíoi; mei íadi omoi ñue illáfuenta íaiói ciónamona, íaiói comeci ifue níbaí ñúefuena méidotaite, jíáie uáillaina nai omoi llóñeniadi. ² Ua omoi íaiói anamo ñue íáinino itábicaillafue áfena íaiói ciónamona, daje izói Jesumo inoítíaiíoi. ³ Jamáingotíai fiérilla izói mai omoi fiériri. Mei aillo jino abimo jitaca raa izóidedo fiériñediaíoi. Mei jira fia abi fiédua ráifide oro finoina raana jitáñeno omoi iri. Afe izói jamánomo féirede ifótti nillado fiériñeno iri. Daje izói aillo ráifide iníroina jitáñeno iri. ⁴ Mei íadi omoi comécina ebire fiérilla izói ñue omoi finori. Afe omoi comécina mánainafuena járidoñenafue diga omoi fiéríta afe iere ñuera. Afe bie fiéñede ebíredífue Juzíñamui eróicana jamánomo aillo ráifide. ⁵ Afe daíí jaiáidnomo ite Juzíñamuimo inofirede íáfuenidingotíai comécina ñue fiéritadíaíoi. Afe llezica íaiói inítíai anamo ñue itábicaídiaíoi. ⁶ Ua daíí Sara Abraham daínáfuenta jeire ote. Afe daíí úamona afengo íena: “Cue ocuíramadio,” uáidofirede. Ja birui nífuemo omoi jacínaiñeno, ñúefue omoi jeire oía, Sara izóidingotíaina jáítíomoi.

⁷ Afe dáanomo nana ómoimona áiredimíai cácarei. Caimare omoi áítíaimo comécillano, dani íaióimo dúide ñúefuena íaióimo nitari. Mei ringóníai íima jofófemo jabóicana maírídeza. Daje izói Juzíñamui ómoimo dúecaillano fecaca ziiñona illifue, dájeze ringóníaimo fecaca. Afemona cáimafuedo íaióimo úriredíomoi. Afe izói omoi iri, omoi Juzíñamuimo úrilla uai jíziñeilleza.

Ñue omoi illa ícoínia duere zefutagaomoi

⁸ Nana bífuíaimona daa ráifidíuaido nana ómoimo úritícue. Mai dáafuemo comeci fácano, conímana caimare omoi canori. Daje izói conímana omoi duéruiri. Ua nahí ámatíai izói conímana omoi izíruiri. Come dúecaillano comécina mánaidimacina omoi iri. ⁹ Daje izói fiénidífue comuí afe íbana oñeno iri. Afe izói báíñuafue comuí, íbana báíñoñeno iri. Mei jíáífo dájecana ñúefue íba íaióimo oíri; Juzíñamui ómoina íe ñúefue llínollena mamédeza.

¹⁰ Mei jíí; Juzíñamui Cuegáuai bie izói daíde: Biruúllaido ñue illáfuenta izíruitímie, caimare are íacadímie diga, fienni úrillafuemoná mai íe fue ráiruíteza. Afe izói dámie caimare íllado are íacade íe fue rairuíredeza. Iemo daje izói tánofuíaina mai afémie llóñeíteza.

¹¹ Fiénidífuíai afémie fáicanocaillano mai ñúefuemo comécíteza; Iemo conímana comeci caimare uái illafue jenórede. Afe mei afémie nágarui áfeodo jáiredeza.

¹² Mei cai Ocuíraima comécina jáicina jóidímacina rairuúllano ñue úíñoteza. Daje izói afémiemo íaiói úriadi, íaióimo cacáreide.

Mei íadi fiénidífue finódnomona íe uíeco oni jíicaide.

¹³ Jáímamo ñue finóllino jaca izire omoi jenóadi, íraamo omoi jíritaitímiena íñeíte! ¹⁴ Mei íadi omoi jáicina ñue illáfuedo omoi duere zefuí daíí, caimare íítíomoi. Buna jacíruíñeno iri; daje izói áfedo comeci llícitaiñeno omoi iri.

15 Mei íadi Cristo omoi comécido nahí Ocuídillaimana mai omoi mameri. Mai uícomo ñue omoi finóbiri, ómoimo ite úiñogafue jicánotimaci uai omoi ólleza. Mei íadi jacíruiocana comeci mánainafuedo afe fairíoina uai omoi oíri. 16 Omoi illafue ñue jaícina mameri, omoi comeci úrillafue nífuenino uái illena. Ja Crístomo omoi ñnuamona, omoi illafue ñuera. Afe omoi ñue illáfuedo fiēni úritino ite. Ie jira ua omoi abi illafue ñue jaícina jónefíreiri, ómoimo fiēni úritino daní íaioi fiēni úrilla uáillairi meáidallena. 17 Juzíñamui jítáidi ñúefue ícoinia duere omoi zefuíadi afefue ñuera. Juzíñamuina íóbitade. Mei íadi omoi fiēni finócafue ícoinia duere omoi zefuíadi afefue figo jínóñede. Afefue Juzíñamuina íóbitañede.

18 Mei dama Cristo cai fiēnidifue ícoinia, dama abido tíñellinomo, dácaíño duere zefuállano tíide. Afémie iere figómie, mei íadi cai fiēnina ícoinia cáiconi duere zefuízaibite, Juzíñamui illánomo cai jáillena. Ie abi íeizi dibénedo titácamiē, mei íadi Juzíñamui Joréñodo meine abido cáadímie. 19 Ie mei Cristo ie joréñodo, nai meine caífo náidañena llezica, jáínomo íbaicoga tíidino joréñuai afémie llétajide. 20 Bimaci jaiai ninomo Noé illáruido llogáuaina jieruñedino. Aféruillaido áillue nocáe Noé finua llezica, fiēnidino duere finólliruimo Juzíñamui comeci raire járidoñeno, faicana afemo úíñoide. Afe áillue nocaedo nana dane ocho dígamie jíllodiaioi. Ua Juzíñamui izire comini duere ñnuamona, afe aillo jainoi cígimona jíllodiaioi. 21 Afe jáinoimo cai uibíllano, íaioi jílluafue caina onótate. Ie jira afe jainoi báutiza jainoi izoide; mei báutiza jáinoido fiēnidifuemona cai jílluana onótagacaiza. Bautismo ráifinafue fia abi íaifue duáfueñede. Mei íadi ñue íainide comeci úrillafue Juzíñamui cai jícafue dibénemo bautismo ráifinafue comuide. Afe íainide comeci úrillafue afémie jicáredicai, mei Jesucristo tíide meine cáanafuedo jíllotagacaiza. 22 Afémie meine cáaillano monamo jaide. Jaillano Juzíñamui nabézimo ite. Nana Juzíñamui abi imaci, jae Jesús anamo itíaioi, naa jíaie ríimaciri. Ua nana máirimaci baimo afémie ríinorede.

4

Juzíñamui caimo fecaca eróicana, come máirie illa dieze, íemo táijiredicai

1 Mei jira, Cristo dama ie abido duere zefuilla izói, daní omoi abina Crísto do duere zefuillena daí finóbirediomo. Afena rairuíño omoi iri. Mei Cristo ícoinia abina izi cácatagamiē abido fiēnidifuiaina finócañede. 2 Iemona nana ie cáanaruillaido Juzíñamui comeci jítainafue izói iite. Afémie bie éniemo jaináidino comeci jítáioinafuiaina fuitállena jénoñeite. 3 Afe Juzíñamuina onóñedino gáinafuiái izói jamánomo jaiai ninomo are omoi illa ja daí itíomoiza; meine daje izói iñeno omoi iri. Naui aféruillaido fiēnidifue dané jaináidiomo. Omoi comeci fiēni jítainafuiaimo íoidiomo. Daje izói jamánomo fiēnidiji omoi júramona jífaífirediomo. Omoi daánomo aillo güilláruillaido fiēnidifuiairi faillíñafirediomo. Daje izói jánaraimo gairífirediomo, afe jánarai íóbitallena. Daí gairíllano aillo bie izoide íaifuiái finófirediomo. 4 Ja birui bie Juzíñamuina onóñedino, ja aillo jamánomo íaifue dibénemo itíaioi. Iemona íaioi omoi fiēni nabáíñenari, fáigacaidiaioi. Iemona ómoimo fiēni úritiaioi. 5 Mei íadi afe fiēnidimaci íaioi comeci ifue jino Juzíñamuimo llórediaioi naa íaioi finócafuiairi. Ua cáadino tíidino diga afémie íanori illamona iere ríire

ji cánoite. ⁶ Mei jii, Juzíñamui daina jíllona uai tíidimacimo uícodo llotátaga, afe tíidino joreño dibénedo Juzíñamui illa izói íaioi íllena. Jiái íemo baimaci, nana bínie comíni túlla izói tíitíaoi íadi, ja Juzíñamui illa izói cáaitimacina írediaioi.

⁷ Ja naga ráfuiái fuizáíllinomo ánozide. Mei jira ñúefuemo coméiidimacina omoi iri. Afe izói Juzíñamuimo ñue úrillafuemo jífánodoíñeno izire omoi facáoiri. ⁸ Omoi finoca naga jíáie raa baimo, conímana iere omoi izíruiiri; mei izíruiillafue aillo íaifuiaina enínaitaga izói niné féitateza. ⁹ Conímaiaina ómoimo mácaibitínona diga, omoi jofomo comécido ruifíruíñeno caimare llínofíreiri. ¹⁰ Illa dígamaci Juzíñamui ómoimo iga táijina ríino daina izói jíáimana canórediomoi. Afe izói omoi íllamona Juzíñamui ómoimo fecaca jíáífodo onóigafuiaina ñue dájerize fecárimacina ítiomoi. ¹¹ Dámie uailai jino llóiacania, comíni llófuellena, Juzíñamui daina uailai jino llórede. Dámie jíáimana canóadi, Juzíñamui fecaca ríinodo canórede. Nana omoi táijinafuedo ñúefue Juzíñamuimo nitárediomoi. Jesucristo cai diga íllamona daí Juzíñamuina íóbitaredicai. Mei afe Crístromo nana ebirede ñúefue, daje izói ríino diga jaca afémiemo zííñona dúideza. Aqueí izói jóideza.

Jesucristo cai jainaina ícoínia duere finócanodicai mei íadi meáiruiñedicai

¹² Izíruiaga ámatiai, ómoimo cómuite izire facátainafueri fáigacaiñeno iri. Aféfuiaina jánaídifue daíñeno iri. ¹³ Mei jíáífodo aféfuemo omoi caimátaioiri; ja Cristo duere zefuúllafuiái dibénomo dúirediomoi. Afe izói omoi íadi, Jesucristo ebire bíllana omoi cóillemona jamánomo íóbcaitíomoi. ¹⁴ Cristo ícoínia omoi íaioi báíñoia, cámafue dibénemo ítiomoi; mei Juzíñamui ebírede Joreño úicaigamoiza. Omoi báíñotino Crístori fienu íritíaoi, mei íadi omoi dibénomona ñúefuedo íemo úritíomoi. ¹⁵ Omoimona dámie duere zefuúadi, come fáíredímie, mei níbai merírííredímie dibéfuemo duere zefuúñeno iri. Daje izói íáíbadímie, jíáie come ífuemo gágutajidímie dibénomo duere zefuúñeno iri. ¹⁶ Mei jíáífodo, Crístromo íñotinona omoi mameina ícoínia, duere omoi zefuúadi, áfena meáiruiñeno iri. Ua meáiruiñeno aféfuerei Juzíñamuina omoi íóbioitari.

¹⁷ Mei ja Juzíñamui cai lletálliruiimo dúcizaide. Ua dani Juzíñamuimo jáináidinomo jáicina llétafue fueñe táiniaide. Mei afe jáicina llétafue daí caimo tainéiadi, ¿nie izói Juzíñamui llogáuaina jeire oñédino, íraíruiimo dúcille llezica, íitíaoi? Afémaci lletállifue jamánomo ríire zúite. ¹⁸ Fígomaci dibénomo jíllloillifue juare ia, Juzíñamui ñue jacíruiñédino jíllloillino iere féirede. ¿Nie izói níbáílliaioi? ¡Níbaíñeítiaioi! ¹⁹ Ie jira Juzíñamui comeci jítailla izói duere zefuúidino, naga ñúefuiaina finóicairediaioi. Afe llezica íaioi coméciai Juzíñamuina rairuítarediaioi. Mei Juzíñamui méidoñeno ínofíredímieza, íaioi comuíatímieza.

5

Crístromo íñotino llóina uai

¹ Omoi gairífirena cigímo ite ocuide eicomínimo cue llóina uai llóiticue; cue ja afémaci izói eicómedicueza. Daje izói Cristo duere zefuúlla uai nabáidímiedicue. Ico níruí Cristo bille llezica ie ebíredifue cíocalliruiimo, afe ie ebi omoi cácaille izói, afe izói ie ebi cácaiticue. ² Nana omoi uai anamo ítnuíai ñue íaíoína omoi úíñori, oveja úíñoraíma ie ovéjaíai úíñua

izoi. Ráairuñeno, Juziñamui jitailla izói, omoi comeci figónamona íaiõina omoi úiñori. Jiáima izire ocuilla izói íaiõina omoi úiñoñeno iri. Dama úcube óllena úiñua izói íaiõina omoi úiñoñeno iri. Dama omoi comeci óiacana izói caimare omoi táijiiri. ³ Omoi uai anamo itinona riirerierie comécina éoide comini úiñotimie úiñua izói omoi úiñoñeno iri. Mei jiáfodo omoi illafue ñue jaícina omoi mameri, omoi illa izói íaiõí ílleza. Mei daií ñue illafue fueñe íaiõimo jino llotímiediomoiza. ⁴ Afe jira Nahí Uiñoraíma Cristo cíocaillirumo ebirede ñúefue ómoimo nítaite. Afefue jaca ninomo féiñeite. (Comini dibénemona cómemo fecaca raa, jamánomoidimie daiíllena, fia rábiai ñinoina ifo icuifoí. Afécuífoí etuda niné táinocaite, mei íadi omoi maiñóredifue jaca niné táinocaiñeite.)

⁵ Afe daje izói, jitócomini, mai omoi ocuide éinamaci ñuera ríiuai anamo itábicaíri. Ua nana omoi conímana comeci mánainafuedo daje anamo dájena itábicaírediomoi. Mei jiaíai Juziñamui Cuegáuai daide:

Juziñamui, nana ñieni abí ñnotinona uáitaode; ua íaiõimona ie uíeco oni jíicaide.

Mei íadi nana comécina mánaidinona afémie dúecaífirede.

⁶ Mei jira Juziñamui ñue riirede uai anamo riiríñeno comécina mánaidimiena omoi iri. Afemona ie comeci daiílliruido afémie ómoína jamánomoidimiena jóoneite. ⁷ Nana omoi izire comeci lícidifuiái Juziñamuimo uáfodo lloíri; mei afémie ómoína iere rairuúdeza.

⁸ Ñue cáadimie izói abí omoi rairuóiri; mei cai bacáuai ímie Taife caina jenódeza. Ua jufiruite jánallari rille jénua izói afémie caina jenódeza. Ua jenode caina ñienidifuego ifóllena. ⁹ Afémiemo omoi ñnogafuedo izire uáitaocana abí omoi mameri. Mei nágagobiaimo ite omoi ámatiaí dáafueri duere zefuídíaiõiza onódiomoiza. ¹⁰ Mei íadi nano íanori duere omoi zefuilla mei, Juziñamui meine abído caimare duere zefuñena dibénemo ómoína itátaite. Afe llezica íaifuego comécina féitanide cómena ómoína mámeite. Ua dáaruido ómoína riire ñibáinino nabéfuena náiretataite. Afe daje Juziñamui ñienidifuemona abí rairuúllafuena cai ite, naa jiáie canóinafuiáiri. Dáamie íemo ite ziiño ebírenafuego ebi cai cácaillena, afémie áfemo caina mamede; mei Jesucrístomo cai jaináillamona, áfemo ebi cácaíticai. ¹¹ Uafue, afe Crístomo nana ebirede ñúefue, riino díga jaca ziiñona dúide. Aquie izói íteza.

Iraifuenta facádua uai

¹² Bie íanori cue cuegabe Silvánodo ómoimo orédicue. Afémie ñue ñnofirede ámaza comécido onódicue. Afe bibedo ñúefuego omoi íllena omoi llófueticue. Ja aillo Juziñamui ézicigafuíaína jeire otíomoi. Iemona afémie ómoína iere izíruiteza ua onódiomoi. Aféfuedo riire ñibáinino ómoína mamédicue, uáfodo omoi onóillena. Bifue nágarui jaícina jeire omoi oíri.

¹³ Babilonia jófuego ite Juziñamuimo gairídino, Juziñamui omoi izói eneno nizécano, ómoimo uailai orédiaioi. Daje izói cuedo jácadimie Marcos ómoína uáidote. ¹⁴ Nahí ámana izíruilla izói caimare conímana omoi uáidori. Nana omoi Jesucrístomo jaináidinodíomoi, mai caimare uái omoi iri. Mai; jae ñie.

SAN PEDRO MÉIFODO CUEGABE Segunda Carta del Apóstol San Pedro

Jesumo ñnotinomo Pedro cuete

¹ Cue Simón Pédrodicue. Jesucristo ocufiregamiedicue. Daje izói ie oréfiregamiedicue. Iere ráifide ñnuafue jeire otínomo bibe cueticue. Omoi ñnogafue daa cai ñnogafue izói ráifide. Aféfuena ja fairíotíomoi, mei cai Jíllotatímie Jesucristo Juzíñamui diga comécina ñue jaícina jóidímieza. ² Cai Ocuíraíma Jesús, Juzíñamui diga, omoi onónamona diga éziciafuiái, daje izói comeci caimare uái illáfuiái dibénomo omoi iri.

Crístomo jaináidinomo ite nie izóidifuiái

³ Nana cai comeci jitaica raa, Juzíñamui iodo caimare cai jáillena Juzíñamuimo ite ríinodo caímo fecaca. Afémie cai ie fidítamona bífuiaina caímo ite. Ua dama íemo ite ññufuiáido afémie caina íemo ñnotade. Daje izói ie fáigacaila ebire finócafuiáido íemo caina ñnotade. ⁴ Iemona ie jífueñeno fecalle uai caímo llote. Bie caímo llogáuai iere aillo ráifide uai. Afe uáilláido Juzíñamui illa izói íitiomoi. Nana comini íaífue dibénomo fienu comeci jítainafuiáido uigámaci; mei íadi Juzíñamui ómoímo llogáuáido afe íaífuemona jae jíllodiomoi. Iemona Juzíñamui ñue illafue dibénomo íitiomoi. ⁵ Mei ie jira omoi ñnogafuemo, nágarui Cristo ñue illáfuedo omoi íocire jáillafuena aillo nabáicana uiri; afe omoi ñue jáillafuemo caimare fibíllafue daje izói nabáicana omoi uiri; ⁶ afe caimare fibíllafuemo, dama abina rairuúllifue omoi nabáicana uiri; afe dama abina rairuúllafuemo comeci járidoñenafue omoi nabáicana uiri; afe comeci járidoñenafuemo Juzíñamuimo caimare comécillifue dájemo nabáicana uiri; ⁷ afe Juzíñamuimo caimare comécillafuemo ámatiaína duéruillafue dájemo nabáicana uiri; afe ámatiaína duéruillafuemo nahí izíruillafue maí izire dájemo nabáicana uiri.

⁸ Nana bie izói daináfuiái jeire omoi óiadi, afe llezica aféfuái ñue omoi móonaitaiadi, omoi illafue táinomo báííñeite. Daje izói cai Ocuíraíma Jesucrístono omoi onónafue táinoñeite. ⁹ Mei íadi bífuiaina jeire oñédino uínidímie illa izói ite; jica cíóñeno áinori cíodímie izói ite. Jaíai ie finoca fiénidifuiái dóinamo ja comécíñede. ¹⁰ Mei jira, ámatiai, Juzíñamui uáidota eno nizécamacídiomoi. Iemona jíeredímaci izói omoi iri, aféfuái omoi comécimo ríire amena jáinao izói íllena. Afe izói omoi íadi, jaca Cristo íomona oni nábéfodo jáíñeítíomoi. ¹¹ Bífue daina izói omoi íadi, cai ocuíde Jíllotaráíma Jesucristo zííñona illáímana illánomo, rairuúñeno caimare jofo uáidollíomoi.

¹² Mei íemona bífuiáimo omoi comécíoitaiticue; aféfuái onódiomoi íadi. Daje izói afe ómoímo birui ite ua uai jeire otíomoi íadi, nai jaca jaícina comécíoitaiticue. ¹³ Bie ñue llóinafue uáfodo ómoímo cue lletalle nai cue jáicana llezica, cúemona ñue jaícina cíoide. ¹⁴ Mei jíi, nauí cai Ocuíraíma Jesucristo benó illa llezica, raíre cue tíllano bie éniemo cue íñeíllena cuena daíde. Afémie cuemo llua izói ja raíre íficaite. ¹⁵ Ie jira birui nana cue ríinodo llófueríticue, cue tílla méífomo bífuiáimo jaca ñue omoi comécíillena.

Pedro Cristo jamánomo ñuera ébifuenta ciónana jino llote

¹⁶ Nauri cue nabáñiaia cue diga cai Ocuíraima Jesucrístomo ite ñuera ríino ífuenta omoi llófueticaia, ie meine abído billífue diga. Nana afe llófueinafuaia dani cai comécimo comuidífueñede. Táinofuenta llóñédicaia, mei íadi dani cai uído ie jamánomo ñuera ébifuenta ciódnodicaia. Iemona uafue lloticaia. ¹⁷ Ie Moo Juzíñamui íemo ñúefue nítana, jáíe ebiredífue íemo fécana dani cai uído ciódicai. Juzíñamui ebire ie uaido daide: “Bie cue izíruiga jító. Afémieri iere íóbioidicue,” daide. ¹⁸ Aquíe izóí monámona Moo dáinana dani cai jefodo cacádicaia; mei afe ñue eneno nizeca ídumo afe cai Ocuíraimaioiri jáidicaiza.

¹⁹ Bie como cai llogafue baimo, jáíe nahí ua llogafue ite. Bie nahí uafue jaiaia uícodo uai jino llóraini lloga cuezáuaia. Afe cuezáuaia cai llogáuaia nabaide. Binie nai jítifomo illa llezica búuaia ráiruñeno iere jeire órediomoi. Aféuai mechera naio bóua jítifo egáñua izoide. Ua aféuai nai mona mónañenia, jítifo egáñua izóí omoi comécina egáñote. Afe mona monailla llezica monáiracudu izóidimie billano, omoi comécina ñue jáicina déitaita. ²⁰ Mei fueñe bífuego omoi coméciri: Cuezáuaillaimo ite uícodo jino lloga daináfuaia dama afe uai lloráimamona llóñega. ²¹ Mei onódicaiza, uai llóraini jaca dani íaioi comeci jítinafuaiaido úríñediaioi. Mei jáíafodo afe Juzíñamui íeiena maiñócamaci afémie dibéfodo úritiaioi; mei Ñuera Joreño ífócaiaioiza.

2

Táinofuaia llófueñredino
(Jud 4-13)

¹ Mei íadi afe dáaruillaído Israel comini cígiri táinofuaia jino llóraini ite. Afe izóí omoi cígiri táinofuaiaido llófueritino líte. Afémaci dani fiene finode ífoci úrillafuenta báinino omoi llófueitiaioi, comini Juzíñamuimo íaioi ínogafue féitallena. Daí aféuaído íaioina jillotaite Ocuíraimana jáanoitiaioi. Afemona íaioi niné raire táinocaillífue dani íaioimo zúite. ² Íaioimo ite fiénidífue dibénédo aillo comini jáitiaioi. Dáni afémaci ícoina cai ua ñue jailla iori fiene úritiaioi. Bie ñue ua cai jailla íe Juzíñamui ñúefue. ³ Íaioi aillo úcube llínoiacanamona, táinofuaiaido omoi íaioi jífuaído úcubena llínoitiaioi. Mei íadi íaioi niné táinocaitaimie, íaioi finócafuaiaina cíoillano daí íaioi táinocaillífuenta fáicanocañeno maméoide. Mei jaiaia ninomo íaioi duere finóllena mamécaiaioiza.

⁴ Juzíñamui abi imácimona dáarie fiénidífuego baíidiaioi. Afémaci íaifuenta Juzíñamui doñede. Doñeno duere zefuille iraimo íaioina orede. Jítifomo íaioina fiénocai. Dinomo íco izire jicánollruimo baí óllena cuínacaiaioi.

⁵ Daje izóí Noé illágima llezica fiénide comini íaifuenta Juzíñamui doñede. Mei íadi jamánomo áillue jáinoido afe fiénidinona Juzíñamui nana fiéñeno fuitade. Afe fiénide náraimona dama Noéna naa siete diga ie comíniri Juzíñamui jillotate. Afe Noé jáicina ñúefuedo íaioina lletade íadi jamáiena faitiaioi.

⁶ Bífue mei, daje izóí Juzíñamui Sodoma jofue, Gomorra jofue imaci diga dani táinocaitate. Ua nana íaioi jofue bóua mei, daa ímuícaia fiébilla. Ua daí izire niné táinocaitate, ie méifodo fiene íitino, bífuenta cíoillano, Juzíñamui fiénidino izire duere finófirede daíllena. ⁷ Afeno bóocamona Lot dainámie comeci ñuénado íena jillotate. Lot afe íáirede comini fiene illáfuenta ie ciónamona ie comeci jamánomo zúucaide. ⁸ Bie comécina ñúemie Lot, nágarui fiénide

comini cigiri ie illari, íaiói fienni finócafuaiaina ciode; íaiói fienni úrillafuiaiaina cacade. Aféfuiai ie ñuera comécina zuure finode. ⁹ Daií cai Ocuíraima nana íena ñue jacíruitino íaiói comeci fienni facátafuiaiimona íaiói jilloillena ñue onode. Daje izói afémie nana fiénidino íco íraicaíño íere jicánolliruimo duere finóllena oni eneno jóoniana ñue onode.

¹⁰ Nana íaire comeci jítinafue jeire óiacadinona Juzíñamui íere duere fínoite. Cai Ocuíraima ríinona jámairuitinona daje izói duere zéfuitaitíaiói. Afémaci llétana cacácaíñedino. Illáimana jacíruíñedino. Daje izói monamo ite jóriai izoide ríinoredinona báíñuana jacíruíñediaíói. ¹¹ Juzíñamui abi imaci afe fiénidino baimo ríinorediaíói. Daií íaiói illa íadi, afémaci afe jóriai izoide ríinoredinona fienni daiíñediaíói. Ua cai Ocuíraima uíécori afémacina báíñuafuedo “Duere zéfuitiomoi,” daiíñediaíói.

¹² Afe fiénidino rílleníai izói abina onóñediaíói. Afe rílleníai da ebena illáfuemo itíaiói. Ñúefue dine comécíñediaíói. Fia llaitada fállena jocócaiaíói. Bie izói ítímíai ónoñegafuedo fienni úritiaíói. Mei íadi afémaci jiba rille izói títíaiói. ¹³ Jáíie comini duere íaiói zefuítado duere finóbitiaíói. Ianori caimátaillífuado jíáie íere íóbitadinodicai, daiífirediaíói. Afémaci meáidaitadimaci. Comeci fienni finode raa izói omoi cigiri itíaiói. Daje llezica omoi íinoca ráfuaido nabáiriacadiaíói ómoína íaire finóllena. Táinona jífujete caimátailla raado jífanotiaíói.

¹⁴ Afémaci nana ciona ringomo fia érocaíñeno llaitada jiruífue finóacadiaíói. Afémaci fiénidífue fínuana íere gáidiaíói. Afena fáicanocaiacañediaíói. Comécina náinidinona bífueta íaífue uítíaiói. Naga raana izire máíñuana íere fibídiaíói. Afe izoide comini íaire faidócano. ¹⁵ Afémaci Moo Juzíñamui ñuera íómona oni fiénidíodo jáidiaíói. Jaíai uai llóraíma Balaam ífuedo jáidiaíói. Afe Balaam Beor jító. Afe Balaam fiénidífuaíi ie fínuado aillo úcubena llíinoiacade. ¹⁶ Mei jíáífodo áfemona uáinide burra Balaam fiénidífuaíi diné íena lletade. Afe burra come izói úrillano, Balaam uáiritaidímie úrilla izói rairuállano íena úritañede.

¹⁷ Nana bie táinofuena llófuéridino jáinoi íñeno jáinoi orano zafénailla izóidiaíói. Jáirífodo oni niné ñaitaca mona úillie izóidiaíói. Jamánomo jítirede jítinomo zííñona íllena ríire faidócaiaíói. ¹⁸ Mei aillo abi íñua uáillaido naa táino uállai díga, ñúemacina jífuecana uítíaiói. Íaiói íaífuaíido, comini abi jítinafuaíi díga jíámacina bífuetiaíói. Ua íaífue díbénemo ítínomona uáfueña jíllodinona meine íaífue nane bífuaidiaíói. ¹⁹ Uícode raire llotíaiói: “Uafue ráiruíñega comini izói ítíomoi,” daiífirediaíói. Mei íadi afe dáina llezica, dani afémaci íaífue díbénemo izire jáináitaganona itíaiói. Iemona afémaci fiénidífue fínuana fáicanocainidiaíói. Illa dígamie íena anáfenode raa íena náamatade. Iemo áfemo izire jáináitagamiéna jaide. ²⁰ Mei cai jíllotate Ocuíraima Jesucrístona onódímaci, éniemo ite íaífuaíimona oni jíllodiaíói. Bimácimona dáarie íaiói jíllua mei nauí íaiói anáfenogafue mo abido íaiói baííadi, nano íaiói illa baimo, jamánomo fígoñeite. ²¹ Juzíñamui ñuera íona íaiói onóñenia afefue afémacimona fígoñede. Mei íadi ja Juzíñamui íona onona mei, íaióimo íga ñuera lletárafuiaiaina féitaadi, afefue jamánomo fiénide. ²² Jaíai dáina ua uai como afémacimo zúilla. Aféuai daide: “Jico íe cicúecana abido gúizajide. Daje izói mero abina ñue jococa nane dama íe íaíbimo nane jabíjabaízaide,” daide.

3

Cai Ocuíraima billifue

1 Cue izíruiğa ámatiai, omoi cácarei. Bie méifoidibe ómoimo cueticue. Ménacaiño ómoimo cue orécabedo ómoína abi jífueñeno bífuego comécitaacadícue. Ñue llófueinafuedo ómoína comécitadicue. 2 Afe jira jaiái ñuera uai lloraini caimo llogáfuemo omoi uibíoiri. Daje izói Cristo orécamací ómoimo lloga jílloata Ocuíraima lletara uaimo féitañeno áfemo omoi comécíiri.

3 Nano fueñe bífuego omoi uibíoiri: ico íraíruiillaido Juzíñamui lloga ñúfueñiaina zanófiredino bíitiaoiza. Afémaci daní íaioí comeci fiení óiacanafuiaido itíaiói. 4 Afémaci ómoimo zanoda jicánoitiaoí: “¿Ninomo ite ómoimo lloga meine bite Cristo? ¿Néemei afe? Cai jáiaigima tilla méfomo naga raa daje izói ite. Ua énie comuillarui mona naga rafue daje izói jáioicaide.”

5 Daií llóitiaoí, mei jaiái ninomo monana Juzíñamui ie uaido finuafuemo coméciacañediaoiza. Afe izói Juzíñamui uaido ocuillamona, zocade raa zocai izoi, bínie jáinoimona comuide. Iemo jainoi cígido bínie Juzíñamui ie uaido riire itábicaitate. Aféfuena náfueñeno bie zanófiredino onóacañediaoí. 6 Afe mei daje izói énie anábaitade áillue noci aféruillaido bie éniemo ite cáadinuiaina niné táinocaitabite. 7 Mei íadi birui ite mona énie diga daje Juzíñamui daína uaido táinocaitalle irai íena oni jóneoiga. Afe irai fiénidinuiái niné táinocailliruiimo ico íraícaíño iere jicánolliruiimo afe bíniena naa mona diga cuarítaite.

8 Izíruiğa ámatiai, bie emódomo ífuena omoi féitañeno iri. Cai Ocuíraimamona daa mona mil fimona izóideza. Daje izói afémiemona mil fimona daa mona izóideza. 9 Cai Ocuíraima ie daínafuiái fuitálliruiimo dúcia bai jáíruiimo dúñoñeite. Dámierie afémiena jáíruiimo dúñoite daiífrediaoí. Mei íadi afémie cairi járitañede. Afémie buna oni fáiaicañede, mei jááfodo caimo ite fiénidifuiái ñúfueña méidollena afémie iere jitaide. Afémie aféruina bai jáíruiimo dúñoñeite. Féitañeno ie mamécaruiimo zúite.

10 Cai Ocuíraima billirui meríriraíma naio billa izói, nai due ócúiriñeítiaoímo dézaibiteza. Afe billiruiimo mona naa íemo íte ráaniairi jacire niné táinoficaite; áfena iere ficire cácaite. Nana afe mona finua ráaniai naa úcuairi iraimo niné táinocaite. Afe llezica bínie naa íemo ite itínuiairi cúarite.

11 Ja nana daií táinocaillifueña omoi fidínamona, nana íaífuemona abi omoi rairuillifue iere jítárede; benómona afémiena caimare íóbitaredicai. Ua Juzíñamui íeena omoi illifue iere jítárede. 12 Mai Juzíñamui ie nahí illáimana cíocaizaibilliruiimo omoi úíñori. Uíñua llezica, omoi onógafuedo aféruina raire mai omoi járidori. Aféruillaido mona ero iraido niné táinocaite. Nana énie finua ráaniai iraimo niné íbina jáitiaoí. 13 Mei íadi Juzíñamui uícodo caimo lloga comue monamo comue éniemo ocúridicai. Afe comue éniemo mona diga, nana raa ñue jáicina jóite. Naga raa níifuenite.

14 Izíruiğa ámatiai, mei benómona nai bífuego omoi úíñoína llezica, nana ómoimo ite ríinodo omoi illafue jáicina jóneri. Daií omoi comeci caimare uái illafue díbenemo íllamona Juzíñamui ómoimo eróicaizaibilleza. Afe izói omoi comeci íaicaiñeno nífuenino Juzíñamui ómoimo cíoizaibilleza. 15 Nane jáífuemo omoi comécioiri. Afefue daide: Cai Ocuíraima comínimo járitañenafue, ua cai jíllóillifue. Daa bíuai cai izíruiğa ama Pablo ómoimo

cuete. Juzíñamui íemo lloga começi jaícina fibíllafuedo cúefirede. ¹⁶ Nana afémie orécabaiamo daa bífuiái lloste. Mei íadi dáarie ie uailái ñue onóillena iere féirede. Abina onóñedino afe féireduaina jiáifodo mamédiaíoi. Afe izói jabo ínotino aféuaina jiáifodo dobáiñotiaíoi. Daje izói jiáie Juzíñamui Cuegáuái lloga uáillaina oni jiáifodo áífedotiaíoi. Afemona afémaci daní abi niné táinocaitaitiaíoi.

¹⁷ Izíruiga ámatiaí, nana bífuiaina ja uícodo onóíomoiiza, mai fiénidinomona abí omoi rairuiri, afémaci jífueriallafuedo meine abído íaífuemo omoi báiza; omoi jeire oga ñúefuena niné féiza. ¹⁸ Mei jiáifodo, cai jíllotate Ocuíraíma Jesucrístona, mai jamánomo ñue abina omoi onoiri. Caina ie duéruillafuemo, omoi começi ífue aillo oni móonaitaícairi. Iere ebire ñúefue dama Jesucrístomo mai birui omoi nitari. Daje izói zíñona ebíredí fue afémiemo mai omoi nitáíreiri. Mai. Jae ñie.

NANOIDE SAN JUAN CUEGABE

Primera Carta del Apóstol San Juan

Cáatate úrilla uai

¹ Nana raa nano taineina llezica itímiedo ómoimo cueticai. Afémie Jesucristo. Afémiemona cai cacánana lloticai. Dani cai uído cai ciónana lloticai. Afémiemo eróidicai. Afémiema dani cai ónoído jetádicai. Afémie Juzíñamuimona uailai lluaíbitimie. Afémie uai caína cáatate. ² Afe cáatatena itímie cai onóillena caimo cíocaide. Afémiema cíoillanona íemo uai faiticai. Afémie fecalle zíñona cáananona ómoimo jino lloticai. Nanómona afémie Moo Juzíñamui diga ite, ie mei caimo cíocaide. ³ Jira cai cacánafue cai cíonafue diga uáfuaena jino lloticai, daaco comínina omoi cai diga íllena. Ua afe izói uáfuaena Moo Juzíñamuimo dájena jaináidicai. Daje izói ie Jitó Jesucristomo jaináidicai. ⁴ Jira aféfuaiaina ómoimo cueticai aféuaido jamánomo caimare ñue omoi íllena.

Juzíñamui nairai comeci egáioidimie

⁵ Bie úrillauai Jesucristo caimo llogáuai. Afena jino ómoimo lloticai: Juzíñamui comécina egáioidimie. Afémiemo jaca jíñinona íñede. ⁶ Dájena afémiemo jaináidicai cai daíadi, íadi afe llezica jíñifodo cai macáadi, taino lloticai. Daje izói táinona finódicai. ⁷ Mei íadi Juzíñamui úzefomo illa izói, daje izói úzefomo cai macáadi, ua dájena conímamo jaináidicai. Iemo ie Jitó Jesucristo ie cruzmo tíllamona, ie die tótajamona nana cai fiénidifuiái dote.

⁸ Cai fiénidifue íñede cai dáiiadi, cai abi jífueticai. Táinofuefiredimacidicai. ⁹ Mei íadi Juzíñamui ñue jaícina finóllifueмо afemo ínnoredicai cai fiénidifuiái jino cai llóadi, uáfuaena afe fiénidifuiaina afémie dóite. Nana íemo fieni cai finócafue ibana caimo óñeite. ¹⁰ Cai fiénidifuiái finóñedicai cai daíadi, Juzíñamui táinofueredena cíotataitcái. Ie úrilla uaina uáfuaena jeire oñedicai.

2

Cristo cáiconi ñue úriraíma

¹ Cue jítotíai, bífuíai ómoimo cueticue, íáiredifuiái mo omoi báiiñellena. Mei íadi dámie íáiredifuiái finóadi, Moo uíécomo cáiconi ñue úritimie ite. Afémie Jesucristo. Ñue jaícina itímie. ² Jesucristo cai fiénidifuiái ícoinia fagámie. Dama cai ícoiniañedeza, mei íadi nana énie comíni fiénidifuiái ícoinia.

³ Juzíñamui ocuífuiái iere cai cacáreadi íena onódicaiza fidíticai. ⁴ Mei íadi dámie “Iena onódicue” daíadi ie ocuífuiái iere cácareñeniadi, afémie taino lloraíma, ua táinofuefiredimie. ⁵ Mei ie ibana Juzíñamui ocuífuaena finódimie, jae Juzíñamuina nabéfuaena izírute. Daíí áfedo íemo cai jaináinana fidídicai. ⁶ “Juzíñamuimo jaináidicue” dámie daíadi Cristo maca izói ie macállino jítaírede.

Comue ocuífufue

⁷ Cue izíruiagamaci, comue ocuífufue ómoimo cueñédicue. Afefue nanómona ómoimo itífue. Afe jaíai rafue daje omoi cacana úrillafue. ⁸ Mei íadi ómoimo cue cuegafue comue ocuífufue izói ómoimo íficaizaíbite. Bie ocuífufue Crísto

nahí ua ráfueña ite. Afe izóí bie ocuícáfue ómoimo nahí ua ráfueña íte. Afefue ua nahífue, jítino oni jáioicaideza. Jae ua comécina egáíñollena ñue egáioinaza.

⁹ Dámie “úzefomo iticue” daííadi, íadi jáámána nai éoia, afemie nai jítifomo ite. ¹⁰ Ie ámána izírúitimie úzefomo ite. Afémie mo minícana fiénidífuiamo baiítaitena íñede. ¹¹ Mei íadi ie ámána éoicaidímie nai jítifomo ite; ua jítifodo macade. Niné jáideza onóñede, jítino uina cóitañena jira.

¹² Jitótiai, ¡omoi cacai! Juzíñamui Jesucristo titáinanomo omoi fiénidífuiái íbana ote. Ie jira bifue ómoimo cueticue. ¹³ Móotiai, ómoimo cueticue, nano tainéinanomo itímiena jae omoi onona jira. Jitócomini, ómoimo cueticue, Taifena omoi anáfenua jira.

Jitótiai, ómoimo cueticue, ja Moona omoi onóicailla jira. ¹⁴ Móotiai, ómoimo cueticue, nano tainéinanomo itímie omoi onóicailla jira. Jitócomini, daje izóí ómoimo cueticue omoi ríredimacina jira; omoi comécimo Juzíñamui úrilla uai jeire omoi ua jira; Taifena omoi anáfenua jira.

¹⁵ Biniemo ite Juzíñamuina bacáuairédino finócafuiaina izíruiñeno omoi iri. Daje izóí íaioimo itífuiaina cacáreiñeno omoi iri. Dámie afémaci finócafuiaina izíruiadi, afe llezica Moo Juzíñamuina izíruiñeite. ¹⁶ Nana íaioimona lloga ráfuiái minícana Juzíñamuina biñede. Fia dani íaioi cógimona comuide. Comécina íairedemona fiéni óiacanafue bite. Cai ui íóbicailla jítaillamona jáie fiéni óiacanafue bite. Caimo ite ráaniaimona fiéni abi ínuafue bite. Nana afe billáfuiái biniemo ite Juzíñamuina bacáuairédino llóolloga. ¹⁷ Afena bacáuairédino fúioicaide, naa íaioimo ite fiéni óiacanafuiái diga. Mei íadi Juzíñamui jítáinafue finódimie jaca ninomo zíñona ite.

Uafue tánofue diga dájemo jáináíñede

¹⁸ Jitótiai, jae írairuimo dúcidaeza. Cristo uáitaoidímie bíllana cacádiomoi. Ja birui aillo Cristo uáitaoidino cóicaide. Ie jira birui írairuina onóicaí. ¹⁹ Afémaci cáimona jino jáidiaioi. Mei íadi uáfueña cáieñediaioi. Uáfueña cáiena íaioi íadi, cairi fiébite. Ua afémaci cáimona jino jáidiaioi nana cáieñeitiaioiza uáfodo daíí áfedo onóillena.

²⁰ Mei íadi Cristo Ñuera Joréñona igáomoi; íemona afémiedo onótagaomoi. ²¹ Omoimo cueticue mei, uáfueña omoi onona jira. Uáfueña omoi onóñenamona cueñédicue. Uáfueñona jáie daa tánofueña comuñide. Jae onódiomoi.

²² ¿Bu tánofueredímie? Jesuna Crístoñede daidímie, afemie dama tánofueredimiena. Niímie Crístonu uáitaoidímie. Afémie Moo Juzíñamuina jáanote. Afe izóí ie Jitona jáanote. ²³ Jitona jáanotímie afémie mo daje izóí Moona íñede. Mei íadi Crístonu jírúitimie daje izóí Moona onode.

²⁴ Ie jira, nanómona omoi cacana úrillafue omoi comécimo ñue omoi jóoneoiri. Jira nanómona omoi cacánafue ñue omoi comécia Juzíñamui Jitomo dájena ítiomoi. Afe llezica cai Moori dájena ítiomoi. ²⁵ Jesús uáfueña uícodo llote, zíñona cáananona caimo fecállena.

²⁶ Omoi jífueiacadinodo bifue ómoimo cueticue. ²⁷ Mei íadi Jesucristo ómoimo fecaca Ñuera Joreño ómoimo ite. Ie jira daí buna ómoimo llófuenidiaioi.

Daje Ñuera Joreño nana ráfuiaina ómoina llófullofuede. Afemie llogafue uafue; tánofueñede. Jira daí Crístonu dájena omoi iri, Ñuera Joreño ómoimo lua izóí.

²⁸ Jitótiai, mai birui Crístomo dájena jaináicairi, afémie cíocailliruimo ie dáinana ñue cai ñnollena. Daií ie bíllemo ie uiecona méairuñeiticai. ²⁹ Ja onódiomoiza Jesucristo ñue jaícina finódimie. Afemona daje izóí nana jaícina finódino Juzíñamui jitótiaiza ónoitiomoi.

3

Juzíñamui jitótiai

¹ Mai ¡comécimo faca! Nñ jamánomo Juzíñamui caína izíruilla. Iemona ie jitótiaína maméidicai. Jae áfedicai. Ie jira éniemo ite Juzíñamuina éoidino cai izóí comécíñediaoi, mei Juzíñamuina íaioi onóñena jira. ² Izíruiga ámatiai, jae Juzíñamui jitódicai. Iirairuimo cai íficaillifuenta nai caimo ácatañega. Mei íadi onódicaiza, Jesucristo cíocaia afémie izóí íiticaí, ie illa izóí námiena cai ciona jira. ³ Nana afémiemo daií comécíidimaci dani dáamací nana íaífuiaimona ñue dóficaitadiaoí, mei Jesucristo íaífuenidímie illa izóí íiticaí.

⁴ Mei íadi nana fiénidífue finódimaci Juzíñamui ocucafue uáitajano jámairuite. Mei jira fiénidífue ocuina ráfuenta uáitaoina. ⁵ Jae Jesucristo bie éniemo cai fiénidífue oni duábillana onódiomoi. Daje izóí afémiemo ñifue iñénana onódiomoi. ⁶ Mei jira nana afémiemo dájena jaináioicaidimaci fiéni macánidiaoi; mei íadi nana fiéni macáfiredimaci afémiena jaca cióñediaoi; íena onóñediaoi. ⁷ Cue jitótiai cacai. Buna ómoína jífueñellena nane dáitícue; ñúefue finófiredímie ñúemie, Jesucristo ñúemiena illa izóí. ⁸ Mei íadi fiéni macáfiredímie Taífemo jaináidímie, mei nanómoma Taífe fiénidífuiairedimiena íte. Uafue Juzíñamui Jitó Taífe finócafuiái táinocaitaíbite.

⁹ Juzíñamui jitótiaimona jaca buna figóíñeno macáocaiñede, Juzíñamui íemo iga cáanano íemo illa jira. Afémie fiénidífuenta finófinide, Juzíñamui jitoza. ¹⁰ Afedo bu mei Juzíñamui úruiaínaza, bu mei Taífe úruiaínaza onódiomoiza. Uafue ñímierie ñúefuenta finóñenia, ie ama izíruiñenia, afémie Juzíñamui dibénemo itímieñede.

Conímama cai izíruillafue jitáirede

¹¹ Mei jñ nanómoma omoi cacana úrilla uai, be nie uai: conímama cai izíruillafue jitáirede. ¹² Caín izóí omoi iñeno iri. Afémie Taífe dibene ímie, íemona ie ama titade. ¿Ñibái mei íena titade? Caín úradoillano ie ama titade, Caín finócafuiái figóñena jira; mei íadi ie ama finócafuiái ñuera.

¹³ Cue ámatiai, Juzíñamuina bacáuairédino ómoína éoinamona fáigacaiñeno iri. ¹⁴ Jae tízaille íómoma zíñona cáaillíomo dóbaicaidicai. Afena onódicai, Jesuna ñnotínona cai izíruilla jira. Mei íadi izíruiñedímie tízaiillíodo jaide. ¹⁵ Nágamie ie abi cómena éoidímie cómena titádímie izóí íte. Iemo come titádímie comécimo zíñona cáanano iñénana onódiomoi. ¹⁶ Jesucristo ie cáanano cáiconi íga; áfedo nana izíruillafuiaina onódicai. Afe izóí cai cáananona lloñeno Jesuna ñnotínori daií abina zóoferedicai. ¹⁷ Dámie ie illínomo jitáirede raa ítemo, ie aino come jitaica raa iñénana cióillano, mei íadi íemona jeruide, ¿ññie izóí Juzíñamuimo izíruillafue ie comécimo íteza? ¡ññede! ¹⁸ Cue jitótiai, ¡fia fuenta dáina uaido mai cai izíruiñeno iri! ¡Mei íadi ñue finóllífuiaíido uafue izíruillafuedo mai conímama cai izírui!

Juzíñamui uiecomo ñue íena ínofirenafue

19 Jira daií uáfue mo jaináidimacídicaí onódicaiza; nane aféfuemona Juziñamui uíe como ñue íena ñinofiredinodicaí. 20 Cai comeci cai ícoinia lloíadi, Juziñamui cai comeci baimo aillo ñüemienaza onódicaí. Afémie nága fuiaí onode. Iemona afe ícoinia caimo íbana óite. 21 Mei jira, izíruiga ámatiaí, cai comeci cai ícoinia lloñéniadi Juziñamui uíe como ñue íena ñinofiredinodicaí. 22 Nana íemo cai jíca ca raana fécaite, ie ocuífafuina jeire cai úamona; ua íena cai íóbitamona áfeniaina caimo fécaite. 23 Afémie ocuífafue daide: “Ie Jitó Jesucristomo cai ñnori. Afe emódomo cai conímana cai izíruiri afémie cai ocuilla izói,” daií daiíñocaide. 24 Ie ocuífafuina iere cacáreidimaci afémieoiri itíai. Daje izói afémie nágarui íaioiri ite. Afémie jaca caimo íllana onódicaí. Ua áfena afémie caimo íga Ñuera Joreño onódicaí.

4

Ñuera Joreño Crístona uáitafirede jóriaina anáfenocade

1 Bie énie táinofuiaí llotínona oruízaideza. Afémaci “Juziñamuido úriticaí,” daidíai. Izíruiga ámatiaí, jomoi cácarei! Naga “Juziñamui dibéfodo úriticaí” daidímiena ñinoño iri. Mei íadi íaióina facátari, ñue joreño íaióimo íllana onóillena, Juziñamui ie, ñibai íeñede. 2 Juziñamui Joreño itímie omoi onóillí fue llóití fue. Nágamie Jesucristo ua cómena biniemo bite jino onótatímie, afe cómemo Juziñamui Joreño ite. 3 Mei íadi daií jino onotáñedimie Juziñamui Joreñoñedimie. Afémie Crístona uáitafirede jóriai ite. Afe izóidena fiénide jóriai bíllena ja cacádiomoi. Mei afe jae bie éniemo ite.

4 Jitótiaí, omoi Juziñamui iédiomoi. Omoi itímie baimo riñorenamona, afe táinofiredinona jae anáfenodiomoi, mei íaióí daínáfuaí omoi ñinoñoena jira. Biniemo ite táinofiredinori itímie jabóidímie. 5 Afémaci Juziñamuina bacáuaredinomo jaináidino, ie jira Juziñamuina bacáuaido úritiaí. Iemona biniemo ite Juziñamuina ñinoñedino afémacimo cacáreidiaí. 6 Mei íadi cai Juziñamui iédicaí. Juziñamuina onódimie caimo cacáreide. Mei íadi Juziñamui íeñedimie caimo cacáreíñede. Afedo uafue uaina llófueinafue onódicaí; daje izói jífuetena llófueinafue onódicaí.

Juziñamui izíruitímie

7 Izíruiga ámatiaí, conímana cai izíruilla jítaírede; izíruillafue Juziñamuimona bíteza. Nana izíruillafuairédino Juziñamui jítotiaí. Afe llezica Juziñamuina onódiaí.

8 Juziñamui jamánomo izíruillafuina oruidímie, ie jira izíruillafuenidímie Juziñamuina onóñede. 9 Juziñamui daade ie Jitó ana éniemo orede afémiedo cáananona caimo íllena. Afedo ie caína izíruillafue caimo ácatate. 10 Afe óriado uáfue na izíruillafue cai fidítate. Juziñamuina cai duéruia nahí izíruillafueñede. Mei íadi afémie caína dúecaillano cáiconi ie Jitó ória, afe nahí izíruillafue. Ua Juziñamui cai fiénidífuiaí ícoinia cai jíáinona duere finóllimiena ie Jitó orede.

11 Izíruiga ámatiaí, Juziñamui daií caína izíruillamona, afe izói conímana cai izíruillafue jítaírede. 12 Juziñamuina jaca buna cióñena; mei íadi conímana cai izíruia Juziñamui cai comécimo ite. Afe illa dáaruído Juziñamui izíruillafue caimo ñue riire comuíocaide. 13 Juziñamui dibénemo cai íllana, cai comécimo Juziñamui íllana ónorede. Afena ie Ñuera Joreño caimo fecáinado onódicaí. 14 Moo Juziñamui ie Jitó orede afémiedo comíni jíllóillena. Iena dani ciódicaí.

Afena jino uáfodo lloticai. ¹⁵ Nágamierie Jesús Juzíñamui Jitona onótatimie, jaca Juzíñamui diga ite. Daje izóí Juzíñamui afémie comécimo ite.

¹⁶ Daií Juzíñamui caina izíruillana fidítagacai. Aféfuena ínoticai. Juzíñamui jamánomo izíruillafuaina oruídímie. Izíruillafuemo itímie Juzíñamuimo ite. Afe izóí Juzíñamui afémie comécimo ite. ¹⁷ Daií jamánomo ñuera izíruillafue caímo comuíoicaide. Iemona írairuimo facátalliruido ñue íena ínofiredinona íticai. Mei Jesucristo bie éniemo ñue cáimamiéna illa izóí afe izóí iticai. ¹⁸ Izíruinafuemo jacíruillafue íñede. Mei jira ñue jaícina izíruillafue jácifuenta jino orede. Mei jácifuemo duere finótajano ite. Ie jira jacínaitímie ñue jaícina izíruoicaíñede.

¹⁹ Cai Juzíñamuina izíruiticai, nano fueñe caina ie izíruilla jira. ²⁰ Dámie daiíadi “Juzíñamuina izíruiticue” mei íadi afe llezica ie daano cómena éoia, afémie tánofueredímie. Uafue dámie ie ciona daano cómena izíruíñede, afe llezica cióñena Juzíñamuina izíruinide. ²¹ Juzíñamui caímo iga daa ocuícáfue. Afe bie ocuícáfue daide: “Juzíñamuina izíruitímie daje izóí ie aino cómena izíruri,” daide.

5

Cai dinena bíniemo ite fiénidifuiaina anáfenoiticaí

¹ Nágamie Jesús Crístona ínotímie Juzíñamui jító. Dámie come moona izíruitímie afe izóí afe moo jítótaiaina izíruite. ² Moo Juzíñamuina cai izíruiá, afe llezica ie ocuícáfuenta cai finóadi, Juzíñamui jítótaiaina cai izíruillana ja ónoiticaí. ³ ¿Mínica Juzíñamuina izíruillafuena? Mei ie ocuícáfuiaina jeire cai ua. Ie ocuícáfuiái légienide; ⁴ mei naga Juzíñamui jító éniemo ite fiénidifuiaina anáfenorede. Ua cai ínuafuedo éniemo ite fiénidifuiaina anáfenodicaí. ⁵ Dama Jesús Juzíñamui Jitona ínotímie éniemo ite fiénidifuiaina anáfenorede.

Juzíñamui Jitomo uai nabáillafue

⁶ Jesucristo jainoi die diga ciócaizaíbitímie. Ie báutizaillaruiamo Juzíñamui Jitona comíni fidítagaiaioi. Afe izóí ie tízaillaruiamo, dama ie abi zóofiano, ie die toíllamona áfedo comíni onótagaiaioi. Fia jáinoiñedeza, íadi jainoi die diga bite. Jesús Juzíñamui Jitónafuemo Ñuera Joreño uai nabáiraima. Ñuera Joreño llogafue uafue. ⁷ Afe Jesús Juzíñamui Jitónafuemo damieámani uai nabáiraima monamo ite: Moo Juzíñamui, Juzíñamuimona Uailái Lluáiíbitímie, Ñuera Joreño diga. Bie daámani come daináuai dáamiemo jainaide. ⁸ Eniemo daje izóí daámani uai nabáiraima ite: Ñuera Joreño, íemo Jesús báutizaja jainoi, íemo ie tíllaruimo totaca die diga. Bie daámanide dane dáamiède.

⁹ Comíni uai nabáillafue llínofiredicai, mei íadi Juzíñamui uai nabáillafue jamánomoide, ie jira ie Jitori uai nabáillafuena cai ínolle iere jítáirede. ¹⁰ Juzíñamui Jitona ínotímie bie uai nabáillafue dama ie comécido úcade. Juzíñamuimo ínoñedímie Juzíñamui tánofueredena ciótate, Juzíñamui ie Jitori uai nabáillafue daínana ie ínoñena jira. ¹¹ Afe daináfuedo Juzíñamui daide: zííñona cáanano afémie caímo iga. Afe cáanano ie Jitodo bite. ¹² Juzíñamui Jitona comécido llínotímie afe zííñona cáanano ite. Mei íadi Juzíñamui Jitó comécido llínoñedimie afe cáanano íñede.

Juan íraicaiño lluáfuiái fuizáillafue diga úrite

¹³ Ja Juzíñamui Jitona ñinotiomoi. Jira bifue ómoimo cueticue ziiñona cáanano ómoimo ñllana omoi onóillena.

¹⁴ Juzíñamui uáfuena caimo cacáfirenana ñinofiredicai. Daa minícana cai jicáadi ie comeci jítaina izói, afémie cai daina cacana onódicai. ¹⁵ Mei jira afémiemo cai úrillana Juzíñamui cacáfirenana onódicai. Afena onónamona cai jicácana afémie caimo fécana daje izói onódicai.

¹⁶ Cómena títañeite fiénidifue ite. Dámie ie aino come afe fiénidifue finuana cióadi, Juzíñamuimo afémieri jicari. Iemona Juzíñamui cáananona íemo fécaite. Títade fiénidifue ite. Afemo Juzíñamuimo omoi jicari daiññedicue. ¹⁷ Nana fiénidifuiái íaifue; come comécina titade. Mei íadi jíaíe íaifue ite; afefue cómena títañeite.

¹⁸ Juzíñamuina Móoredimie íaifuedo macáñedeza onódicai; mei Juzíñamui Jitó íena úiñoteza. Ie jira Taife íena ocuínide.

¹⁹ Juzíñamui íedicaíza onódicai. Afe izói nana bínie comini Taife ocuícáfue anamo itíaiioíza onódicai.

²⁰ Juzíñamui Jitó jaiái bíllana onódicai. Afémiedo ua nahí Juzíñamuina onótagacai. Afe Uámiemo jaináicana iticai. Afefue daiíacade Juzíñamui Jitó Jesucristo dibénemo iticai. Afémie nahí Juzíñamui. Afémiemo jaináicana cai íadi ziiñona caína cáataite. ²¹ Jitótiai, mai jánaraimo caimátaiñeno omoi iri; daje izói nana jíaíe jífujete jóriaimona abí omoi rairuíri. Jae ñie.

MÉIFOIDIBE SAN JUAN CUEGABE

Segunda Carta de San Juan

Uafue íemo izíruillafue diga llóiticue

¹ Ja éicomedicue; ocuiraimadicue. Jae Juzíñamui nizeca cue miringo izóidingodio. Bie rabe ómoimo cueticue naa o úruiairi. (Bimaci iglesia daina Juzíñamuimo gairífredino.) Naa o diga afémacina uáfuea izíruiticue, mei dama cúdeñeza. Nana uáfuea onódino daje izói afémacina naa ori izíruitiaioi.

² Ñue uafue ícoinia ómoina izíruiticue. Afe uafue cai comécimo ite; ie mei afefue jaca ninomo cairi iite. ³ Moo Juzíñamui ie Jitó cai Ocuíraima Jesucristo diga, ómoina cámacaitaite. Afémie dúecaillano jamánomo izíruillafuea ómoimo llóite, naa comeci caimare uái illafue diga. Izíruillafuemona uáfuea nana aféfuiaina cai onótate.

⁴ O jitóiaimona dáarie uafue daina izói mácana fidídicue. Afefue cuena íóbitade, mei Moo Juzíñamui daíí cai ocuídeza. ⁵ Miringo izóidingo cacai. Ja birui omo izire jicádicue conímana cai izíruillena. Bie omo cuegafue comue ocuícafueñede. Mei íadi afefue nanómona caimo ite. ⁶ Bie izíruillafue daííacade Juzíñamui ocuilla izói cai finóllena. Ja nanómona omoí cacana izói afe ocuícafue daide: “Izíruillafuedo omoí macari.”

Jífuerrairai ifue

⁷ Mei jii, aillo jífuerridino bie éniado macádiaioi. Afémaci Jesucristo ua come izói bíllana uáitatiaioi. Daíítadimie jífuerriraíma. Afémie Crístona uáitaode. ⁸ Afémiemona abí omoí rairuíoiri o táijinamona oga comeci ñúefue táinocaiñeillena. Iemo jíái afémiemona abí omoí rairuíri nana o táijina iba ñue Crístonona jáicina óllena.

⁹ Níimie Cristo llogáfueo comeciñeno nibéfodo jáidimie, afémie comécimo Juzíñamui íñede. Mei íadi Cristo llogáuaimo comeciídimie comécimo Moo Juzíñamui ite, ie Jitó diga. ¹⁰ Dámie ómoina llófuiabiadi, íemo bie Cristo llogáfuea atíñeniadi, íena uáidoñeno, jofe eromo llínoñeno omoí iri. ¹¹ Iena uáidotimie, afémie lloga íaifue dáafuea llínoiteza.

Fuízájidiuai

¹² Omoína aillo daííacadicue, mei íadi rabelo cúeiacañedicue. Omoí dani conima uíécomo cue úrizaillena úíñoiticue. Afe daíí cai cámafue jáicina íficaite.

¹³ Omoí ebuño izoide benomo ite iglesia daina Juzíñamuimo jáináidino daje izói Juzíñamui nizécamací. Afémaci omo uai orédiaioi. Jae níie.

IIIRAIBE SAN JUAN CUEGABE

Tercera Carta de San Juan

Gáyodo ñuefuena úritimaci

¹ Ja éicomedicue, ocuiraímadicue. Cue izíruiga nabaimo bibe cueticue. Bímie mámeçi Gayo. Afémiena uáfueña izíruiticue.

² Cue izíruiga ama, ori Juzíñamuimo jicáfiredicue áfedo nana o finócafuiaí ñue mónaillena. O abi caimare náireillena jicádícue, o joreño ñue nífuena izói.

³ O ñúefuedo macáfírenafue dáarie ámatiaimona cue fídiamona, afe cuena iere ióbitade; mei ua onódicueza o jaca ñúefuedo macáfíredío. ⁴ Ua ie baimo cue ióbillena íñede. Afe cue cacana cue jitótiaí uáfueño comécídiaioí; áferi jamánomo ióbidicue.

⁵ Izíruiga ama, o illánomo ite ámatiaína o canóllena figura. Ie mei oni jáinomona bite ámatiaína o canóllena jamánomo ñuera. ⁶ Juzíñamui mámeçido gairídímaci uícomo íaioína o izíruillafue jino llotíaioí. Izire daidícue: Mai íaioí cano; íaioí jáillíruimo jitaica raana íaioímo ine; áfedo caimare íaioí jáilleza. Ua Juzíñamuimo ióbillena izói íaioí cano. ⁷ Mei jira afémaci Jesucristo táijinafuedo jáizaidiaioí. Afe cánuana Juzíñamuina ónoñegamacimona llínoñediaioí. ⁸ Ie jira íaioí jitaica raana cai finóredicaí, afémacina cai canóredicaí. Afedo íaioí uáfueña llúana canódicaí.

Diótfes fíenino mácafue

⁹ Juzíñamui mámeçido gairífiredinomo cuegafue lluae nauí orédicue, mei íadi Diótfes cai ocuilla ríinona óiacañede, íaioí cígimo úcofiacadímie illa jira. ¹⁰ Ie jira cue jáiadi ie fieni mácafue jino uáfodo onótaiticue, nana ie fieni úroinafue, ie táinofuerena caina uáitaoinafue diga. Ie mei afe baimo bitino ámatiaína afémie llínoñede. Afe llezica afe bitino llínoacadímacina rairuillano, afémie gairídímacimona íaioína jino jiude. ¹¹ Izíruiga ámatiaí, fieni onótarafuiaido jáíñeno iri. Ñúefue finori. Ñúefueña finódímie Juzíñamui ímie, mei íadi íaífuiaí finódímie Juzíñamuina jaca onóñede.

Demetrio ñuera onótafue

¹² Nana comini Demétriori ñue úritiaioí, mei afémie ñue mácafue uáfori cóioeña. Dani cai nane aféfuemo ñue uai nabáiraímacídicaí. Iemona uáfueña cai daífírenana onódiomoí.

Uai Fuzájillauai

¹³ Ona aillo daíacadicue, mei íadi rabedo cúeiacañedicue. ¹⁴ Ona raíre cóoillena úínoticue. Aféruído conima uíécomo eróicana úriticoco.

¹⁵ Começi caimare uái illáfuemo o iri. Benomo ite nabáíñiaí omo uai orédiaioí. Izire daidícue nágamírie coco nabáíñiaímo conima uíécomo o uáidori. Jae ñíie.

SAN JUDAS CUEGABE

La Carta del Apóstol San Judas Judas Juzíñamui uáidoganomo cuete

¹ Jesucristo táijitagamie Júdadícue. Santiago ámadícue. Bibe Juzíñamui mamécanomo cueticue. Ua cai Moo Juzíñamui uáidoganodiomoi, íeiena ñue finoda maiñócanomo omoi íllena. Jesucristomo omoi jaináinamona ñue eneno rairuícanodiomoi. ² Mei Juzíñamui jamánomo aillo caimo ie dúecaillafue, íemo jíái ñue uái omoi illifue, íemo jíái ñue izíruillafue, dígafue ómoimo llóiteza.

Táinofuiaina llófueñiredino
(2 Pe 2.1-7)

³ Izíruiga ámatiai, cai comeci jíllóillifuedo izire ómoimo cúeiacadícue; mei afe jíllóillena Juzíñamuimo cue ínnua izói, afe izói iere ínotíomoiiza. Mei íadi ómoína jíáfuedo rabedo llóredícue. Táinofuiái lluáíbitino omoi jeire ogáfueña féitaicadiaioiza; ie jira izire ómoína daidícue: Ríire abí omoi mameri. Íaioi díga fuirilla izói omoi iri, omoi ínogafue íaioi féitañeilleza. Afefue nani nana Juzíñamuimo jaináidinomo dácaíño iga. ⁴ Mei omoi cígimo ninena dámíerie táinofue lluáíbitiaioi. Afémacina Juzíñamui Cuegáuaillai jaiai uícodo íaioi olle duere finóllifueña llote. Afémaci íáibaniai. Afe íññiai daide: “Juzíñamui ñúefueña jeire óitícai;” mei íadi afe dáinado rairuíñeno fiénidífueña iere Nicolásíaoi. Afémaci daade cai Naama Juzíñamuina ruifíruitiaioi. Daje izói cai Ocuíraima Jesucristo llogáuaína uátataioi.

⁵ Mei ja onódiomoi íadi, como cue daííacanafueño ómoína uibíoiacaadícue. Juzíñamui Israel comínina Egipto éniemona oni orede. Oni uano daí nana íaioína ñue jíllotate. Mei íadi, íaioi cígimona dáarie ínoñena jírrari, Juzíñamui afe ínoñedinona jíáíruido niné táinocaitate.

⁶ Afe izói Juzíñamui abí imácimona dáarie Juzíñamui anamo ñue íaioi illáfueña fáicanocaiacadiaioi. Afe mei dani íaioi illánona fáicanocaillano oni jíáinomo jáidiaioi. Ie jira Juzíñamui íaioína íco izire íraicaiño iere jíacánolliruimo íaioína maítá jae ibaica. Afémaci jae jítinomo iere zábiñede llójeina maigáiaioi.

⁷ Daje izói Juzíñamui Sodoma jofue íemo Gomorra jofue díga bóotate, naa afe áinori ite jófuenaiari. Mei afécuai comíni Juzíñamui abí imácimona fiénina jira dáarie llavécamací izóidiaioi. Afe bimaci jamánomo dani jofo conímari ébecotafírediaioi. Naga Juzíñamui comínimo mameca ñue illáfueña jíruíreillena uátataírediaioi. Daí íaioi íllamona ziiño iraimo duere finócaiaioi. Afe bifue, afémaci izói cai íñeillena, caimo cíotaga.

⁸ Afe emódomo bie táino lluáíbitino íaioi táinomo comécíllafuiaido dani íaioi abina bácadiaioi. Daje llezica cai Ocuíraima ríinona uátataioi. Caifo monamo ite jóriaí izoide ríinoredinona íaire dáííírediaioi. ⁹ Mei íadi Juzíñamui abí imácimona illaíma Miguel, Taife díga fuirízailla llezica ñúefodo úrite. Tíide Moisés abina júfdotiaíllinoi. “¿Buna náamareite?” daidííllinoi. Aféruimo Miguel íairede uaido íena faidóñede, mei íadi fia íena daide: “Ocuíraima Juzíñamui ona izire llétaiteza,” daide. ¹⁰ Mei bie táinodo llotínuaí íaioi ónoñega

ráfuedo fiēni úritiaioi. Mei íadi comécina onóñde rílleniai izóí itíaiioi. Fia íaiioi abi jítaina ráfuedo comécioidiaioi. Daí comécillano áfeodo jáillamona dani íaiioi niné táinocaitalliaioi.

¹¹ ¡Ní íaioina dúerena! Caín dibéfuedo jáidiaioi. Aillo úcube óiacanamona Balam izóí oni íaifuedo baízaidiaioi. Daje izóí jaiai ite Corena mámeciredimie, Moisés dotáacanamona niné táinocaite naa íemo jaináidinori. Afe izóí birui omoí cígiri ite fiénidifuaia llotino llícaitiaioi. ¹² Omoí finoca conímana izíruilla ráfuaia cígiri meaire finódinona itíaiioi. Juzíñamuina jacíruíñeno omoí cígiri caimare güillano jifázaibitiaioi. Jáimacina ñue úiñoñeno dani íaiioi abi úiñoitiaioi. Jairifo oni niné ñaitaca mona úillie izóidiaioi. Ríaniaimona daana llizíllaruimo dúcide íadi llizíñede zena izóidiaioi. Afe izóí bie comini itíaiioi. Afe amena are llizíñenia dúilla llezica aiñoda dotácaza. (Daje izóí bimaci ráifíñenamona táinocaitiaioi.) ¹³ Monáilla jacire bagua izóí itíaiioi. Iaiioimo ite meaire fiénidifuaia bagua mulle izóí, comini eróicana jino cíotafirediaioi. Daje izóí úcuai íaiioi íomona oni jáiomo féirailla izóí itíaiioi. Jamánomo jítirede jítinomo zíñona íllena riire mamécaiaioi, dinomo duere zefuillena.

¹⁴ Ua bimáciri jaiáidigima Enoc úrite. Adán jító dinómona ie jító, dinómona nane ie jító, siete dígafue daí illa emódomo, bie Enoc mámeciredimie jocoína. Afémie bie taino llófuetinodo uícodo úrite. Juzíñamui Joreñodo úrillano daide: “Cai Ocuíraima jamánomo aillo ie abi náiraíri bíllana cíódicue.

¹⁵ Afémie nana fiénide comínimo ite fiénidifuaia iere riire jicánuaibite. Daje izóí nana íaiioi íaire ílláfuaia iere jicánuaio duere íaioina finótaite. Fiénidino riire daínuaído cai Ocuíraimana uáitaoidiaioi; bífuedo daje izóí duere zéfuitalliaioi.” Daí Enoc bie fiénidimacido úrite. ¹⁶ Afémaci iere fiēni cáillirediaioi; ñue caimátaiñediaioi. Dani íaiioi comeci fiēni jítáinafuaia jino denóllado úritiaioi. Urillano aféfuaiana uáfueda finódiaioi. Dani abi íaiioi ínua uáillaído ficire úritiaioi, “Aillo jácimacídicaí,” daíllena. Daje izóí caimare comínimo úritiaioi, íaioina bífuellena.

Crístomo ínotino ñue lleta uailia

¹⁷ Cue izíruiga ámatiaí, cai Ocuíraima Jesucristo orécamací ómoína daínáfuedo omoí coméciri. ¹⁸ Afémaci ómoína daide: “Íco íraírullaido ñéfuaiana zánoitinona íteza. Íaiioi comeci íaire óiacanafuaído íitiaioiza.”

¹⁹ Bimaci dáanomo ñue ítinomona oni eneno bózietaidiaioi. Dani íaiioi abi óiacanafue jeire otíaiioi. Mei afémaci Juzíñamui Joreño úcaifígeaiaioiza.

²⁰ Mei íadi izíruiga ámatiaí, omoí jeire Juzíñamuimona ogáfuedo riire omoí jaináicairi. Daje izóí Ñuera Joreño rínodo Juzíñamuimo omoí úrífreiri.

²¹ Juzíñamui omoí izíruillafue dibéfuedo omoí íri. Cai Ocuíraima Jesucristo caimo dúecaillano zíñona cai íllíruimo omoí úiñoiri.

²² Nai jabóicana jizire ínotinona jaicina llóiri, ñéfueda jeire íaiioi ólleza.

²³ Iráimona baíroca izóí íaioina jíllotari. Jáimacimo omoí dúecairi; mei íadi íaiioimo ite íaifuedo jíricaiñeno omoí íri. Afe fiénidifue íairede íniroi izoide. Íaiioi abímo jíideza; áfemona iere abí omoí rairuiri.

Juzíñamuimo íraicaíño cai caimátailafue

²⁴⁻²⁵ Cai daade Juzíñamui jamánomo nágafuaia baitádimie. Afémie Jesucristodo cai Jíllotaraíma. Iemona cai fiénidifuedo báíñelle rairuilla ríno íemo ite. Daje izóí afémie caina íaifuenino caimare dama ie ebírede uíecomo caina izájirede. Afe Juzíñamuimo ebire ñéfuaia íteza. Jamánomo ñuera ébifue íemo

íteza. Daje izói nana ñuera ríino íemo íteza. Daje izói nana riire ocuállafuiai íemo íteza. Nana bífuiaina cai Ocuíraima Jesucristodo nauí, íemo biruí, íemo jiái uire daií jaca ninomo, Juzíñamuimo dúicaiteza. Mai. Jae nñe.

IIRAI RUIILLA IDO IITIFUIAI JINO CIOTAINA

Juziñamui San Juaamo Jino Ciotagafue

EL APOCALIPSIS

O Revelación a San Juan

Jesucristo jino onóitagafue

¹ Bifue uire itifuiiai jino ciotainafue. Juziñamui bifuiaina Jesucristomo ciotate, afémie ie ocuifireganomo ácatallena. Daí Cristo uáfue na raire ífcaítifueña jino íaioimo ácatate. Jesucristo ie ángel daina abi ímiedo bie jino ciotagana ie ocuifiregamie Juaamo onótate. ² Afe Juan nana ie ciónana uáfueña jino llote. Daje izói afémie Juziñamui lloga uaina nabáífirede. Afe Juziñamui lloga uai Jesucristodo ñue jaícina llócaiga. ³ Bie Juziñamuimona oga uaina jáímacimo facáduana cacáđino caimare itíaiói. Daje izói bie rabénicomo cuega uaina cacáillano ñue náfuetino caimare íóbitiaíói. Mei bie rabénicomo llogáfuiiai zúitirui ja áinozideza.

Siete dígade iglésiai daina Juziñamuimo gáirifredinomo Juan cuete

⁴ Asia éniemo ite siete dígade iglésiai daina Juziñamuimo gáirifredinomo cueticue. Cue Juáadicue. Mai Juziñamui ñúefuiiai dibénemo, naa ie caimare uái illafue dibénemo omoi iri. Mei afe Juziñamui birui itímieza, íemo jaca nanómona jaiai itímieza, íemo uire jaca ninomo itímieza. Daje izói ie ráirano uícomo siete dígade ñuera jóriai ite. Afe jóriai Juziñamui Ñuera Joreño jana. Afémie ñúefue dibénemo omoi iri. ⁵ Iemo daje izói Jesucristo lloga ñúefuiiai jeire omoi oíri. Afémie jáífo méidofinide uai nabáiraíma. Daje izói afémie nano túllanomoná abido meine túñellena cáatagamie. Iemo jáí afémiemo bínie illáicomini ocuilla ríino ite. Afe Cristo caina izíruillano ie totaca díedo cai fiénidífuiaína oni dote. ⁶ Iemo nane illáicomínina caina itátate ie Moo Juziñamuimo cai jaínáillena. Daje izói comínido Juziñamuimo úrifredinona caina jóonete. Afe Juziñamui éna jóonegacai. Ie jira jaca ninomo áillue ébifue naa ocuilla ríino diga afémie éna íteza. Aquíe izóideza.

⁷ ¡Ero, Cristo mona uílliedo bite! Nana comíni éna cíoitiaíói. Daje izói ie fatino éna cíoitiaíói. Iemo nana bínie nairai afémie bíllana cíoilano éenaitiaíói. Jíi, uafue daíítadeza.

⁸ Cai jamánomo riire Ocuídime bie izói daide: “Nana ráfuiiai nai cómuíñenia uícodo itímiedicue. Daje izói fuizájillanomo itímiedicue. Abecedario A-do táinia izói nánoramiedicue. Daje izói abecedario Z-mo fuizaiilla izói íiraimiedicue,” daide. Afémie birui itímie, íemo jaca nanómona itímie, íemo uire jaca ninomo itímieza.

Ebírede Cristo nicáirilla izói ciona

⁹ Omoi ama Juáadicue. Omoi duere zefuilla izói daane duere zefuícue. Daa omoi izói Juziñamui illáimana illánomo jaínáidicue. Iemo Jesucristo omoi úíñotaja izói daa omoi diga úíñotagacue. Jesucristodo faíríotaga Juziñamui ñuera uai jino cue llócailla jira llavécacue. Pátmosmo mámeçirede monaillai cigi ídumo llavécamedicue. ¹⁰ Iemo afénomo cai Ocuíraíma cai ocózinaitaruimo

Juziñamui Ñuera Joreño náamatagacue. Afe llezica vudugoi fúunua izoide ficírede uaina cue méifomo cacádicue. ¹¹ Afe uai cuena daide:

—Naga ráfuiái uícodo itímiedicue. Daje izói fuizájillanomo itímiedicue. Abecedario A-do taineca, íemo Z-mo fuilla izóidímiedicue. Mai nana o ciona diga daa rabénicomo cúeiri. Cuiano, Asia éniemo ite siete dígade iglésiai daína Juziñamuimo gairífiredinomo o oreri. Afe jófueniái mámeCIAI: Efeso, íemo Esmirna, íemo Pérgamo, íemo Tiatira, íemo Sardis, íemo Filadelfia, íemo Laodicea, —daide.

¹² Bu cuemo úrilla daiíllena abído gírecaidicue. Gírecaillano, siete dígade oro finoína mechérana ciódicue. ¹³ Afe cígimo cómemona comuídimiena eróidena ciódicue. Afémie jítaoigaroi éiba ícoimo dúcide. Ie jogóbemo lláidife oro finoína. ¹⁴ Afémie ifótirai iere úzerede, jaiilici úzerena izói úzerede. Iemo jíái nieve izói úzerede. Ie ui irai bóua izói cíoide. ¹⁵ Afémie éiba ñue queníretaga bronce izói quenírede. Ua bronce iraimo ruílla llezica jamánomo quenírena izói, ie ídai quenírede. Iemo aillo imánillai nofíco tua ficírena izói ie uai ficírede. ¹⁶ Afémie onoi nabézimo siete diga ucudu llíide. Ie fuémoma iere jáirede llojéfaí izoide raa jino billa; afefai nágafene jáirede. Ie uíeco jíitoma iere riire egáiñua izói riire egáiñote.

¹⁷ Afémiena cíoillano, íe anamo tíidímie izói baíidicue. Mei íadi afémie íe nabezi cuemo bítano cuena daide:

—Jacíruiñeno o iri. Cue bie nanóidímiedicue; dáamiedicue fuizájillanomo itímiedicue. ¹⁸ Birui cáadímiedicue. Mei nauí tíidicue, mei íadi biruí jaca ninomo cáaiticue. Tíilla zuitara llave izoide raa cuemo ite; daje izói tíidino illano lláveniai cuemo ite. ¹⁹ O ciona diga mai cúeiri; biruí itífuíai cúeiri, íemo uire cómuitífuíai cúeiri. ²⁰ Cue nabézimo o ciona siete dígade ucúduai rafue nauí báinino ite. Ja biruí jino uáfodo llórede; daje izói siete dígade mechera rafue llórede. Afe siete dígade ucúduai siete dígazie Juziñamuimo gairírdino uai llócaítino jana. Iemo afe siete dígade mechera siete dígazie Juziñamuimo gairífiredino jana, —daí afémie cuena daide.

2

Siete dígade iglésiai daína Juziñamuimo gairífiredinomo lloíluai: Efésomo ite ínotinomo llogáuai

¹ Cue cíonamie dáanomo cuena daide:

Efésomo ite Juziñamuimo gairírdino úiñoraimamo bíuai cúeiri: “Afe nabézido siete dígade ucúduai llíidímie daje izói siete dígade oro finoína mechera cígido macáfírede. (Afémie mechera cígido mácafírena izói, comíni ñue úiñolle jana.) Afémie afe úiñoraimana bie izói daide: ² Nana o finócafuiaina onódicue. O riiredemo táijidíioza onódicue, naa o comeci jártaiñedeza. Daje izói fiénidino fiéni illáfuiaina iere izire o rairuillana onódicue. Iemo jíái tánona “Jesucristo orécanodicaí” daidínona facátatíioza onódicue. Afemona afémaci taino llúana baitíoza. ³ Jaca o comeci járidoñedio, íemo iere cuedo o táijina llezica cue íoínia iere duere zefuídíioza. Afe llezica zefuíruiñeno ñue táijidíio. ⁴ Mei íadi daa figóñedífuaena omo ite. Nano fueñe cue o izíruilla izói biruí cuena izíruíñedio. ⁵ Ie jira ninómona oni níbéfodo baíidíioza comeci uíbi. Mai omo ití fue méidori. Fueñe o illa izói o iri. Bífuaena o méidoñenia omo raíre

blíticue, omo ite egáifnote raa oni óllena. ⁶ Mei jiáifodo, daa ñúefuena nai omo ite. Afe nicolaítas fienu finócafuiamo naa íaiói fienu jiáifodo llógamo éoicana eróidio. Cue daje izói áfena éoidicue. ⁷ Ñuera Joreño Juziñamuimo jaináidinona dáinamo cacáacadimie áfemo cacai. Afe Ñuera Joreño bie izói daiíacade: “Fiénidena anáfenodinona jáidimacina Juziñamui nífueninanomo ite cáatate amena llizíllana güitátaiticue,” daide.

Esmírnamo ite ñnotinomo llogáuai

⁸ Daje izói Esmírnamo ite Juziñamuimo gairídino úifloraimamo bíuai cúeiri: “Nanóidimie dáamie íiraimiena ómoimo úrite. Nauí biniemo tíidimie, íemo meine abido nane cáadimiena jaide. Afémie ona daide: ⁹ Nana o finócana onódicue. Daje izói o duere zefuillana onódicue, naa o ráanina diga. Mei íadi uáfueza Cristo dibénedo iere ráaredio. Jiáimaci fienu omo úrillana onódicue. Afémaci, “Juziñamui nizeca Judíodica!” daiíaiói, mei íadi íeñediaíoi. Afémaci dani Taife dibéneño jaináidino. ¹⁰ Duere o zefuillamo jacínaiñeno o iri. Mei ómoimona dáimie Taife llavéracomo llavéateza, nana omoi facátallena. Daií omoi comeci ífue onóllena facátallimoiza. Diez dígarui duere zefuiredio. Mei íadi o túllinomo zóofeño ñnofireiri. Daií o íadi zíñona cáallena o jirídotaiticue. ¹¹ Ñuera Joreño Juziñamuimo jaináidinona dáinamo cacáacadimie mai áfemo cacai. Afe Ñuera Joreño bie izói daiíacade: “Fiénidena anáfenodinona jáidimaci nane méifodo túllamo raamo jiríñeitiaíoi,” daide.

Pérgamomo ite ñnotinomo llogáuai

¹² Daje izói Pérgamomo ite Juziñamuimo jaináidino úifloraimamo bíuai cúeiri: “Afe nágafene jáirede lloefai llíidimie bie izói ona daide: ¹³ Nana o finócana onódicue. Afe izói Taife ocuícana cígimo itioza onódicue. Afénomo itio íadi zóofeño cuemo ñue o ñnuana onódicue. Daje izói cuemo o ñnuana fáicanocañedio. Afe izói Antipas mámeciredimie cue ñue jaícina cue uai nabáifiredimie. Afémie omoi cígiri fatíaiói. Ie fáinaruido, cuemo omoi ñnuana zóofeñediomo, Taife illánomo itio moi íadi. ¹⁴ Mei íadi cue lletárafuiaina ómoimo ite. Omoimona dáarie jadí Pérgamomo Balaam llófuiana fáicanocañediaíoi. Afe Balaam jaiái Balacna llófuete Israel comini fienu fínuaillena. Afe Balac Balaam llófuiaimo Israel comínina jánaraimo fecaca rílleniaina ritátate. Afe dáaruido afémacina iere jiruúretade. ¹⁵ Nane jíáie cue lletárafuena ómoimo ite. Omoi cígimo dáarie afe nicolaítas lloga uaina féitaiacañedino ite. Afémacina éoidicue. ¹⁶ Ie jira mai omoi comeci ífue méidori; mei íadi omoi méidoñenia, raire omoi diga fuirizaibiticue. Uáfueza cue fuémona bite jáirede lloéfaido omoi fienu finódinona fáziaibiticue. ¹⁷ Ñuera Joreño Juziñamuimo jaináidinona dáinamo cacáacadimie, áfemo cacai. Afe Ñuera Joreño bie izói daiíacade, “Fiénidena anáfenodinona jáitimie afe báinino ite maná daina monámona cocide güllena güitátaiticue. (Bie maná Juziñamui íaiói comécina náiretaillena jana.) Iemo afémiemo úzerede nofitofena fécaiticue. Afe nofitofemo buna ónoñega comue mámecei cuelle. Dama afe nofitofe llínoitimie áfena onuille.” Aquí izói daide.

Tiatramo ite ñnotinomo llogáuai

18 Daje izói Tiatíramo ite Juzíñamuimo jaináidino úiñoraimamo bíuai cúeiri. “Juzíñamui Jitó ómoimo úrite. Afémie ui irai bóua izoide, íemo ie éiba ñue queníretaga bronce izói quenírede. Afémie bie izói ómoína daide. 19 Nana omoi finócana onódicue. Cuena omoi izíruillana onódicue, naa cuemo omoi ínua diga. Daje izói cue dibénedo ñue omoi táijicaillana onódicue, naa omoi comeci járitaiñena diga. Fueñe omoi táinia baimo birui jamánomo finócaidíomoi. 20 Mei íadi ómoimo daa cue lletárafuena nai ite. Afe Jezabel mámeceiredingo llógana rairuíñediomoi. Afengo, “Juzíñamui dibénedo úriticue,” daiífirede, mei íadi fieni ie llócaigafuedo cue ocuífíreganona jífuete. Afe jífuia uaido íaioina iere jiruúretade. Daje izói jánaraimo fecaca rílleniaina íaioina ritátate áfemo caimátaillena. 21 Aféngomo are úiñoidicue afengo comeci ifue méidollena. Mei íadi afengo áfena méidoacañede. Afengo ie jiruífúena fáicanocaiacañede. 22 Mei jira birui afémaci afengo finócafuena fáicanocaiñenia, aféngona iere izire iráretaiticue. Daje llezica nana afengo diga jiruúredínona duere zefuítaiticue. 23 Afengo úruiaína títaiticue. (Afe úruiai daína afengo llógamo jíerúitino.) Afemona naga come ífoci úrillana, ie comeci ifue diga ñue ícoimo cue onónana, nana Juzíñamuimo gairídino fidiítiaioi. Iemo ómoimona illa dígamie fieni omoi fínuaze ómoína duere fínoíticue. 24 Mei íadi ómoimona Tiatíramo ite jíáimaci afe Jezabel omoi llófúia fiénide uaina náfueñediomoi. Afe Jezabélmo jaináidino íaioi llófueinana daídíaioi, “Cai llófueina uai Taiife ie, iere báinide nai uáfodo ónonidífúiai,” daídíaioi. Afe llófueinana onótañegaomoi. Iemo ómoimo ite nauí cue lloga baimo jíáiena ómoína ócuíñeíticue. 25 Daa bie llóíticue: Omoimo ite ñúefúiai ñue rairuíri, nai cue bíñeille dino. 26 Fiénidena anáfenodínona jáitínona náiraiái ócutimacina jóneíticue. Afémaci cue jítainana ñue ícoimo fúitáidino. Ocuille ríno íaioimo jóneíticue, 27 mei daíí cue Moo cue ocuille ríinona cuemo jóneteza. Iemona náiraiaina rírede lloébici izóidedo ríire ócutiaioi. Íaioimo cacáreacañedinona ícírúai lláia jéeninno llairúngotailla izói, afe izói íaioina duere fínoítiaioi. 28 Daje izói monáiracudu iere ebire egáíñua izói, afémacina ebire fínoíticue. 29 Ñuera Joreño Juzíñamuimo jaináidínona dáinamo cacácadímie mai áfemo cacai.” Aquíe izói daide.

3

Sárdismo ite ínnotinomo llogáuai

1 Daje izói Sárdismo ite Juzíñamuimo jaináidino úiñoraimamo bíuai cúeiri: “Afe siete dígade Juzíñamui jóriaredímie, níí afe Juzíñamui Ñuera Joreñoredímie Cristo, íemo afe siete dígade ucúduai llíidímie dáamie. Afémie bie izói ona daide: Nana o finócana onódicue. Crístromo o jainaina izóinado jica jalleide, íadi onódicueza tíidímie izói itio. 2 Come cazilla izói mai abina onoiri. Nai omo due jiza fiévide ínogafúiaína meine ríire finori, mei aféfuiai jae táinocaiacadeza. Eróidícuemo o finócafuiai cue Juzíñamui eróicana ñue jáicina jóíñedeza. 3 O fueñe ínoga íaioi llófúiuimo uibíoicairi. Afena jeire o oíri. Afe llezica o comécimo ítifue ñúefuena méidori. O abina ñue onóñenia, merírífredímie ónonino billa izói, duere omo fínuabiíticueza. Cue billíruina ónoñeítio. 4 Mei íadi ómoimona jadí Sárdismo dáarie comécina ñúemacina ite. Afémaci ínórina íáiñedíno izoide. Afémaci úzecuiruai jítada cue diga jáitíaiói, mei afe daíí íaioimo dúideza. 5 Fiénidena anáfenodínona jáidíno úzecuirona

jítaitiaioi. Iemo zlíñona cáaitino mámecei cuiánicomona íaioi mámeceiaina dóñeiticue. Iemo daje izói cue Moo Juzíñamui uícomo “Bie cúemaci” dáititue; daje izói ie abi imaci ángeles dainámaci uícomo “Bie cúemaci” dáititue. ⁶Ñuera Joreño Juzíñamuimo jaináidinona dánamo cacáacadimie mai áfemo cacal.” Aquie izói daide.

Filadélfiamo ite ñnotinomo llogáuai

⁷Daje izói Filadélfiamo ite Juzíñamuimo jaináidino úñoraimamo bíuai cúeiri: “Afe níífuenidimie omo úrite. Afémie uáfueña úrifiredimie. Afémie mo jaiái illaíma David naze tuiñora llave ite. Afémie Juzíñamui illáimana illano tuiñóadi buna ibáinide. Daje izói afémie ibáia, buna zuitánide. ⁸Bímie bie izói ona daide: Nana o finócana onódicue. Buna ibáinide túide naze o uíecori jóneticue. Mei figo mairíñedio, íadi cue uaina náfueticio; cuena jaca jáanofinidío. ⁹Iemona Taifemo jaináidinona o anamo cañícido ana íaioi dújutano óreiticue. Afémaci táinona úrillano bie izói daífirediaioi: “Cai bie Juzíñamui nizeca judíuaidicai” daidíaioi, mei íadi íeñediaioi. Nana baimaci o anamo dújutaiticue, íemona ona cue izíruillana fídítiaioi. ¹⁰Cue ocuica uai jeire o úamona aféuai daina izói comécina járidoñedio. Ie jira nana bíniemo bite facátalliruimona ona ñue ráiruiticue. Aféruido nana bíniemo ite comíni facátalliaioi. ¹¹Raire biticue. Omo ite ñúefuíai ñue rairuíri, o jirídolle raa bu báiroñeilleza. ¹²Fiénidena anáfenodinona jáitínona cúeiena máifioiticue. Máifíuano cue Juzíñamui gairíracomo ite mairide jáiállirai izói íaioina óreiticue. Iemona Juzíñamui illánomona jaca jino jáíñeítiaioi. Íaioimo cue Juzíñamui mámecei cúeiticue. Daje izói cue Juzíñamui jofue mámecei íaioimo cúeiticue. Afe jofue mámecei “Comue Jerusalén.” Afe jofue cue Juzíñamuimona caífo monámona ana bite. Daje izói afe fiénidena anáfenodinomo cue comue mámecei cúeiticue. ¹³Ñuera Joreño Juzíñamuimo jaináidinona dánamo cacáacadimie mai áfemo cacal.” Aquie izói daide.

Laodicéamo ite ñnotinomo llogáuai

¹⁴Daje izói Laodicéamo ite Juzíñamuimo jaináidino úñoraimamo bíuai cúeiri: “Uáfueña llotímie omo úrite. Afémie jáicína uai nabáifiredimie; daje izói jaca méidoñeno uáfueña úrifiredimie. Afémie nana Juzíñamui finócana tainéramo. ¹⁵Afémie bie izói ona daide: Nana o finócafuaiaina onódicue. Ráairuillano figo o íñoñenana onódicue. O ínoga ñue uzírediji izóiñede. Daje izói o ínoga caimare mánaidiji izóiñede. Ñue o uzírenana jítáidicue, níbai jáífodo o mánaína jítáidicue. ¹⁶Mei íadi jabo uzírediji izóidío. Iemona jabo uzírediji jino tua izói ona jino dótaíticue. ¹⁷Bie izói daífiredio: “Ráaredimiedicue,” daidío. Iemo “Nana cue illafue ñue jóide. Cue jitaica raana íñede,” daífiredio. Mei íadi jáífodo o íllana onóñedio. Juzíñamui eróicana bu cáimadoñegamedio. Iemo daje izói íere duere zefuítagao, íemo íere dúeredimiedio, íemo uina cóioñedimie izóidío. Iemo jáí íncuíronino emuíromade izóidío. Afe bie izói o íllana jaca onóñedio. ¹⁸Mei jira omo llóiticue, “Iraimo ñue finoca órona cémona íba, uáfueña ráaredimiena o jáillena. Daje izói cúemona úzerede íncuírona íba, o meáire emuíromana íbáillena. Daje izói ui manórajina cúemona íba, o uimo jóoniamona ñue o cóoillena. ¹⁹Nana cue izíruiganona lletádicue; daje izói íaioina duere finódicue ñue íaioi íllena. Mei íemona Jesucrístomo izire o jaináicaillano, íere o íñofireiri. O comeci ífúai méidori, ona duere cue fínoiza. ²⁰Ero

cacai, come comeci naze ízoinamo ítícue. Dínómona jírítícue. Cue uaimo cacáreitímie ie naze tuiñóadi cue llínollena, afémie illánomo jofo jáitícue. Jaillano dájena afémie diga nabáiritícue. Daje izói conima diga caimare úritícoco. ²¹ Fiénidena anáfenodinona jáitínona, illáimana cue ráiiranomo afémiena cue diga ráiítaitícue. Mei daíí fiénidena cue anáfenuamona cue Moo illáimana ráiiranomo ráinazaidícueza. ²² Ñuera Joreño Juzíñamuimo jaináidinona dáinamo cacáacadímie, mai áfemo cacai.” Aquie izói daide.

4

Monamo Crístomo lloga cáimafuiai

¹ Bie méifomo éroidícuemo, monamo ite naze túnana ciódicue. Fueñe cue cacana uaina meine nane cacádicue. Afe uai vudugoi ficírena izói cacaide. Afe uai cuena daide:

—Caifo benomo bi. Bífuiái méifomo raire cómuitífuiaína omo ácataitícue, — daide.

² Afe llezica Ñuera Joreño anamo itábicaidícue. Iemona monamo ite illáima ráiiranona ciódicue. Afénomo dáamie ráiinana ciódicue. ³ Afémie iere quérede ‘jaspe’ dáina ráifide nofiji izói éroide. Aféjina jáíífo dáina ‘cornalina.’ Afe ráiirano abido rózígüeo nágafene ífoina ite. Afe rózígüeo ‘esmeralda’ dáina ráifide nofiji quenírena izói quenírede. ⁴ Iemo afe ráiirano abido veinticuatro diga jáíie illáima ráiiranuaina nágafene ífoina íllana ciódicue. Afénuaimo veinticuatro diga mona ero ocuide éicomini ráiidiaioi. Afémaci úzerede iníroillai jítádiaioi. Iaiói ífomo oro finoína illáima jítáfíregacuífoi júena. ⁵ Afe áillue ráiiranomona aillo boride. Afe llezica afénomona iere ficire mona gíría cáacaide. Iemo afe ráiirano uícomo siete dígade áillue bobáieniai bóoide. Afe siete diga bóoide bobáieniai Juzíñamui Ñuera Joreño jana. ⁶ Dánomo afe ráiirano uícomo, daa monáíllaina eroide illa. Afe monáíllai anáfenemo ñue cioide vidrio izoide.

Afe ráiirano abido cuatro diga cáadimíiai ífoina ítíaioi. Afémaci erófené dibénemo aillo uíjiaí ite. Daje izói emodo dibénemo ite. ⁷ Bimácimona daa jánallarina eroide. Iemo jáíie juráreto ítona eroide. Iemo jáíie uíeco, come uíécona eroide. Iemo jáíie feede máajaiñona eroide. ⁸ Afe cuatro diga cáadimíiaimo illa dígamíemo seis diga íaicuai ite. Afe íaicuai erófenemo uíjiaína oruide; daje izói emódo dibénemo ite. Afémaci mona naio diga llícaíñeno úritíaiói; Juzíñamuina daííoidiaioi:

¡ere íaífuenidío! ¡ere íaífuenidío! ¡ere íaífuenidío!

¡ere ñuera caí Ocuíraimadio.

Jamánomo ráinorede Juzíñamuídio.

Jaca nanómona ítímiedío,

Iemo nai biruí ítímiedíoza,

Iemo uíre jaca nínomo zííñona ítímiedíoza, —daíí daííoífírediaioi.

⁹ Illa dígacaiño afe cáadimaci, ráiiranomo ráide Moo Juzíñamuimo ebíredífue nitáadi, íemo ñúefue jóoneadi, íemo jáíí figura íena dáiiadi, ¹⁰ afe llezica afe veinticuatro diga ocuide éicomini áillue ráiiranomo ite Juzíñamui anamo dújufírediaioi. Iemo afe jaca nínomo zííñona ítímiena caimátaidiaioi. Afe llezica íaioi oro finoína illáima ífo icuífuai ráiirano uícomo jóonefírediaioi. Jóoneta daíífírediaioi:

11 Cai Ocuíraima Juzíñamui,
 Iere ebíredifue omo nitáregaza,
 Daje izói ñúefuiai omo jónefiregaza.
 O jamánomo ríinorenana omo nitáregaza.
 Nana aféfuiai ona náamaredeza.
 Mei naga ráaniai o comuítaga.
 Iemo o comeci jítaina izói itíaiioiza.
 Daje izói o comeci óiacanamona finócaiaioi.
 Aquíe izói daiífrediaioi.

5

Ráiidimie llíga rabénicono ciódicue naa Cordero dainámie Cristo diga

1 Afe méifomo illaíma ráiiranomo ráiidimie nabézimo ite rabénicono ciódicue. Afénico ferínoga rabe. Erófenemo cuega, daje izói jinófenemo jíai cuega. Afénico siete diga sello daina ñue ibaira raado ibaica. 2 Iemo riírede ángel daina Juzíñamui abi ímiena ciódicue. Afémie ficírede uaido jicánofirede; daide:

—¿Bie sello mei cuatállena bu ñuena? ¿Bumo ñue dúide binico tuiñóllena? — daide.

3 Mei íadi afénico tuiñoitimiena íñede. Caifo monamo íñede. Bíníemo íñede, íemo bíníe anamo tíidino illánomo jíai daje izói íñede. Daje izói afénicomu buna eróimide afe facádollena. 4 Afénico tuiñoite comécina ñúemiena baiñénamona iere éedicue. Daje izói afénico facádoitimie íñénamona, íemo jíai afénicomu eróillano ónoitimie íñénamona, iere éedicue. 5 Iemona veinticuatro diga eicomínimona dámie cuena daide:

—Mai benómoma éeñeno o iri, mei Judá nairai illaíma Jánallarina mamécámie, fiénidena jae ñue anáfenotateza. Afémie jaiái illaíma David erófene igímamona comuídimie. Afe ie anáfenuamona afémie binico tuiñolle ríino ote. Daje izói afe siete dígade sello cuatalle ríino íemo ite, —daide.

6 Iemona afe ráiirano cígimo, íemo afe cuatro diga cáadimíai cígiri, íemo afe veinticuatro diga eicomíni cígimo, Cordérona mameca Crístona ciódicue. Afémie táide, mei íadi Juzíñamui fía fecállena ie íaioi fáina meífo cíoide. Afe Cordero siete diga zicairede, íemo ie ui siete dígade. Afe siete dígade uíjiai naga éniiaimo oreca Juzíñamui Ñuera Joreño jana. 7 Afe Cordero illaíma ráiiranomo ráiidimie nabézimo ite rabénicono llínuauide. 8 Afémie afénico llínuua llezica afe cuatro dígade cáadimíai, íemo afe veinticuatro dígade ocuide eicomíni afe Cordero anamo dújudiaioi. Afe eicomínimona illa dígamie ‘arpa’ daina rua roia taiga raa llíiediaioi. Daje llezica afémaci oro finoina ugúciaina oruide ichecoí llíidiaioi. Afeniai Juzíñamui jaináidino afémíemo jicara uaillai jana. 9 Afe eicomíni bie comue rua rotíaiioi:

O iere comécina ñúemienamona bie rabénico llíinota tuiñolle omo dúide.

Mei nauí Juzíñamui fatá fecácamedioza.

Caina o die tóillado Juzíñamui íena ibádioza.

Uáfúena nágaziemona,

Iemo nana jíáifo úritinomona,

Iemo naga comíni jófuiaimona,

Iemo nana náiraiaimona Juzíñamui íena caina ibádioza.

10 Cai Juzíñamui ie illáinina caina jáitatio;
 Daje izói comínido Juzíñamuimo úrifireitinona caina jóonetio;
 Iemona énie náiraiaina ócutitcai.
 Aquie izói rotíaiói.

11 Afe mei eróidicue. Iemo aillo afe illaíma ráiiranomo ífoina ite ángeles
 daína Juzíñamui abi imaci úrilla uaina cacádicue. Daje llezica afe cuatro
 diga cáadimíai uaina cacádicue. Iemo dáaruido éicomíni uaina cacádicue.
 Afe Juzíñamui abi imaci iere jamánomo aillo itíaiói. Ua millones y millones
 dáinaze itíaiói. 12 Afémaci fíicirerie úritíaiói; daidíaiói:

Fatá Juzíñamuimo fecaca Cordero comécina iere ñúenamona ñuera ríino
 maiñolle afémiemo dúide.

Daje izói aillo ráifide ráaniai dáamiemo dúide.

Iemo ífoci déillafuiai dáamiemo dúide.

Iemo nana ñuera máirie dáamiemo dúide.

Iemo nitárega ñúefue dáamiemo dúide.

Iemo ñuera ébifue dáamiemo dúide.

Iemo aillo afémiemo caimátaille uai afe Cordéromo dúide.

13 Afe llezica nana Juzíñamui comuítaganuiái úrilla uaina cacádicue: nana
 monamo itínuiai, daje izói éniemo itínuiai, daje izói énie anamo itínuiai,
 daje izói monáillaimo itínuiai, naa afénuiaimo itínuiai úrilla uaina cacádicue.
 Daidíaiói:

Nana caimátaille uallai illaíma ráiiranomo ráiide Moo Juzíñamuimo íredeza,

Daje izói jái Cordéromo íredeza.

Afe izói ñúefue afe íaillinoímo nitáredeza, naa ñuera ébifue diga,

Iemo ñuera ríino íaillinoímo íredeza.

Nana aféfuiai íaillinoímo nana fimónaiaido, jaca ninomo zíifona daí
 daiírenaza.

14 Iemo afe cuatro diga cáadimíai aiáirilla izói daidíaiói:

—¡Daítadeza! —daííofirediaíoi.

Iemo afe veinticuatro dígade éicomíni ana dújuillano, jaca ninomo zíifona
 cáadimíemo caimátaióifrediaíoi.

6

Siete dígade sello daína rabénico ibaira rafue

1 Cordero afe siete dígade séllomona nánora tuíñuana ciódicue. Daje llezica
 cuatro dígade cáadimíaimona dáamie dáinana cacádicue. Ie úrilla uai, mona
 gíría fíicirena izói fíicirede. Daide:

—Mai eróizaibi, —daide.

2 Cue eroílla llezica úzerede cabállona ciódicue. Afe emódomo ráiicaidimie
 zicuirá llíicaide. Iemo illaíma ífo icuífoina ie jítdaíaiói. Jita mei afémie naga
 náiraina anáfenocana jaide. Ie mei nágaruillaído afémie íaioina anáfenofirede.

3 Méifoide séllona Cordero cuata llezica, tórona éroide cáadimie úrillana
 cacádicue. Afémie:

—Mai eróizaibi, —daide.

4 Afe llezica jáirede caballo jino bíllana ciódicue. Afe emódomo
 ráiicaidimíemo féitalle ríino afémiemo iga. Afémie nana nairai caimare
 uái illa féitaité, comíni conímana fazítallena. Afe llezica áillue lloébicina
 afémiemo iga.

⁵ Iemo Cordero nane jíáie tercer daina sello cuata llezica, jíáie cáadimie úrillana cacádícué. Afémie:

—Mai eróizaibi, —daide.

Jira eróidícué. Eróidícuemo daa jíitrede cabállona ciódicúe. Afe emódomo ráiicaidimie mérenana onóillena facara raa llícaide. ⁶ Iemo cáadimíai cigimona dáamie úrilla uai cacádícué. Aféuai daide:

—Daa kilo trigo daa mona táijina fidi. Iemo daámani kilo cebada daa mona táijina fidi. Iemo aceite vino diga jaca jeruíredeza, mei afe íballe úcube íñédeza, —daide.

⁷ Afe mei Cordero jíáie ‘cuarto’ daina sello cuata llezica, cáadimíaimona íraimie úrillana cacádícué. Afémie:

—Mai, eróizaibi, —daide.

⁸ Eróidícuemo borárede cabállona ciódicúe. Afe emódomo ráiicaidimie titáfiredimie dainámie. Afémie ódana tíidino illano jana maméidimie bite. Enie cuatro diga fecácamona dáamie íemo iga, afénomo riire ocuüllena. Afénomo comínina fuiríllado íaioina tícoizitaite. Iemo daje izóí júbiedo íaioina tícoizitaite. Iemo dúicuaido íaioina tícoizitaite. Iemo éniemo ite illáirede rílleníai íaioina tícoizitaite.

⁹ Afe mei Cordero jíáie ‘quinto’ daina sello cuata llezica, ‘altar’ daina Juzíñamui caimátaitarano anamo ite, titaca comini coméciaina ciódicúe. Afémaci Juzíñamui uai llócailla ícoínia titácaiaioi. ¹⁰ Afe bimaci ficire úritiaioi; daidíaioi:

—Íaifuenide cai Ocuídímie, uícodo o llógana méidoñeno ñue fuitáfiredio. Eniemo ite cai titádino iere jícanota duere o finóllena, ¿níé dínó nai mozíñoitio? Cai fatino íba o ollirui, ¿nígarui nai bai dúíñoitio? —daidíaioi.

¹¹ Mei jira afe altar anamo itímaci úzecuiruaina igáiaioi. Afe llezica nai nano íanori ocózinaitagaiaioi. Mei nana íaioi tílla izóí uire titállino, Juzíñamui mámanomo nai dúciñede. Afe titállino, nauí íaioi titaca ámatiaí izóí, Cristo uaimo táijífrediaioi.

¹² Cordero nane jíáie ‘sexto’ daina sello cuata llezica, eróidícuemo, énie iere jacire docaide. Iemo jitoma zúunaillana, jíta ca jíitroi izóí éroide. Afe llezica íui náauina jíáirede die izóí méidoficaide. ¹³ Afe dáaruído mona ero ucúduai cocídíaioi. Ua, higuera daina amena llizilla, jairifo riire begúíñuamona cócia izóí, afe izóí ucúduai ana bíñiemo cocídíaioi. ¹⁴ Afe llezica, rabe jofo feríroicailla izóí, mona feríroicaide. Iemona cióbicaíñena. Iemo dáaruído nana caifóneduai naa monáillai cigí íduai íaioi illánomona oni jírecaide.

¹⁵ Iemona nairai illaini caifóneduai anamo ite ífuaímo, naa jéerie nofíciái cigiedo retáiritiaioi. Afénomo jamánomoidino daje izóí retáiritiaioi. Iemo aillo ráanaitino, íemo fuiríraíni illáicomini, íemo iere riirednuíai, íemo nana jacire rairuícano, daje izóí buna ráiruínegano, nana afénomo retáiritiaioi. ¹⁶ Afémaci caifóneduaina jéerie nofíciaina daíífrediaioi:

—¡Mai caímo bai! Mai caína jíita, baie illaíma ráíiranomo ráide Juzíñamuimona caína rétaído. Cordero finolle jacire cai duere finóllífuemona caína rétaído, —daíífrediaioi. ¹⁷ Mei jíi, iere jacire comini duere finóllirui jae dúcideza. ¿Bu mei áfena mozíñoírena?

7

¹ Bie méifomo bínie fuédaiaimo cuatro dígade ángeles daina Juzíñamui abi ímíai, naidáienana ciódicue. Afémaci nágafenaiamona jairifo jáiñuana moziñotíai. Afe éniemo jairifona jáiñótañediai, daje izói monáillaimo jáiñótañediai, íemo jíai aménaiaimo jáiñótañediai. ² Iemo jíai Juzíñamui abi ímiena mona móimona billana ciódicue. Afémie caade Juzíñamui íeie daiíllena sello daina jóonelle raa llícabite. Afémie ficire úrite. Enie fuédaiaimo cuatro diga naidáidimíaimo úrite. Afémaci bínie fieni íaioi finolle, naa monáillai diga ríinona igámaci. Afémacina bímie daide:

³ —Cai Juzíñamui ocuífreganomo, íaioi ozócimo náamana onóillena mámece nai jóoneñena llezica, nai bínienua duere finóñeno iri. Daje izói monáillai naa aménaiai raire duere finóñeno iri.

⁴ Jónia mei, nígamaci náamana onóillena mámeceina jóonegano íaioi númeroa cacádicue. Nana Israel náiraimo itíziaimona afe cuegano ciento cuarenta y cuatro mil dígade.

⁵ Judá izíemona doce mil diga cúefide.

Iemo Rubén izíemona doce mil diga cúefide.

Iemo Gad izíemona doce mil diga cúefide.

⁶ Iemo Aser izíemona doce mil diga cúefide.

Iemo Neftalí izíemona doce mil diga cúefide.

Iemo Manasés izíemona doce mil diga cúefide.

⁷ Iemo Simeón izíemona doce mil diga cúefide.

Iemo Leví izíemona doce mil diga cúefide.

Iemo Isacar izíemona doce mil diga cúefide.

⁸ Iemo Zabulón izíemona doce mil diga cúefide.

Iemo José izíemona doce mil diga cúefide.

Iemo Benjamín izíemona doce mil diga cúefide.

Aillo dáanomo úzecuiruai jitada gairídino

⁹ Afe méifomo eróillano jamánomo aillo comínina ciódicue. Nana náiraiaimona dáanomo bitíai. Daje izói nágaziemona bitíai. Iemo daje izói jíai úritinuiamona bitíai. Iemo daje izói naga jófuiamona bitíai. Nana bimaci illaíma ráiirano uícomo naidáidiai. Daje izói Cordero uícomo naidáidiai. Afénomo aillo itíaióiza buna facádonide. Nana afémaci úzecuiruai jitáoidiaí. Daje llezica afémaci rafóruai lliíediai. ¹⁰ Nana ficirere daídíaí: Cai jíllonano, illaíma ráiiranomo ráiide cai Juzíñamuimona comuide. Daje izói cai jíllonano Cordéromona comuide, daídíaí.

¹¹ Afe llezica nana Juzíñamui abi imáciai, illaíma ráiirano onido ífoina naidáediai. Daje izói veinticuatro dígade éicomíni onido ífoina naidáediai. Iemo jíai cuatro diga cáadimíai onido ífoina naidáidiai. Afémaci afe ráiiranomo ráiidimie anamo éniemo fueco diné bíjicaidiai. Bíjicaillano Juzíñamuimo caimátaidiaí. ¹² Daídíaí:

¡Bie izóideza! Nñefuiai nitalle cai Juzíñamuimo dúide, ñue ebíredifuiái diga.

Daje izói nana ñue onóigafue íemo dúide, naa figura daiífirina diga.

Daje izói afémiemo nitárede ñuefue dáamiemo dúide, naa áillue máirie diga.

Nana bífuiái cai Juzíñamuina jaca ninomo zúñona daií daiírenaza.

Aquíe izóideza, —daídíaí.

¹³ Afe mei afe eicomínimona dáamie cuemo jícanote:

—¿Baie buoi úzecuiruai jitáoina? ¿Afémaci mei ninena bitíai? —daide.

¹⁴ Jira íena daidicue:

—Afena onóñedicue. O ñue onódio, —daidicue.

Iemo afémie cuena daide:

—Bimaci aillo duere zefuilla ícoimo jino bitino. Afémaci comécina iere íaifuenino íaioi íllena ja Cordero díedo muiñócaza. Afémaci iere úzecuiro ínucuiro illa izói itíaioi. ¹⁵ Ie jira Juzíñamui ráiirano uícomo itíaioi. Afe llezica nágaruillai, mona naio diga, Juzíñamui gairíraco ero ie ocuillana finófrediaioi. Iemo afe ráiiranomo ráide Moo Juzíñamui, íaioi diga íllado jácifuemona íaioina ráiruite. ¹⁶ Afémaci jaca júbiemona duere finóbiñeitiaioi. Daje izói jiróacanari duere zéfuiñeitiaioi. Iemo jitoma íaioina jái úzitafeite. Daje izói uzírediruimo mona uzírena íaioimo uzire cácañeite. ¹⁷ Mei illaíma ráiirano abimo ite Cordero, ovejai uíñua izói íaioina uíñoiteza. Afe llezica ñuera jainoi jino toránauido íaioina ífóicaite. Afe jainoi zíñona cáatatíj. Iemo afémaci éeadi Juzíñamui íaioi ui jeme nana oni dóite.

8

Iraie sello cúatajana cíoide, oro finoia uguci uillítara diga

¹ Iemo Cordero llíga rabénicomo ite íraie sello daina íbáioide raa cuta llezica, daa hora átuedo mona tí daiíñocaide. ² Afe mei siete dígade Juzíñamui abi imaci Juzíñamui uícomo naidáienana cíódicue. Afémaci siete diga vudugoi izoide raana ígáiaioi. ³ Afe mei jáie ángel dainámie Juzíñamui abi ímie oro finoia uguci uillítara llíicabillana cíódicue. Afémie altar daina Juzíñamui caimátairano uícomo naidaide. Iemo aillo ugúciai afémiemo fecácaza, áfena Juzíñamuimo uillítallena. Mei nana Juzíñamuimo jaináidino afémiemo íaioi jicáfírena uailai lua llezica, bímie dáanomomo afe ugúciai Juzíñamuimo uillítaiteza.

Afe Juzíñamui ráiirano uícomo ite oro finoia íe caimátairanomomo, bímie afe ugúciai jutade; íemo afe llezica afe Juzíñamuimo jaináidino jicáfírena uailai llócaigaza. ⁴ Afe uguci uillíe, Juzíñamui abi ímie áfena altarmo juta mei, Juzíñamui uícomo caifo uillíocaide, nana Juzíñamuimo jaináidino jicáfírena uailai diga. ⁵ Afe mei Juzíñamui abi ímie uguci uillítara raa llínote. Llínuano altármoma oga caade íráiciaina áfena oruítate. Dai ífinuano ana éniemo dotade. Afe dota llezica mona jacire giride naa ficíriede raari. Iemo aillo améuai lairide. Iemo énie jacire docaide.

Siete dígade vudúgoína eroide raa

⁶ Iemo afe siete dígade vudúgoína eroide llíide Juzíñamui abi imáciai afe vudugoi fúunollena maméritaioi.

⁷ Nanóidímie fúunua llezica, jéerie nocíjiaí éniemo cocítate. Afe dáaruido réici diga díe taméricaide éniemo cocítate. Afe cóciamona éniemona jarífenie boode. Daje izói nana aménaiaimona jarífenaiaí boode. Daje izói nana caade ráitiaimona jarífene boode.

⁸ Afe meifo Juzíñamui abi ímie íe vudugoi fúunua llezica, boode áillue íduna éroide raa monáillajimo dotaina. Iemona monáillajimona jarifeido díena jaide.

⁹ Afemona nana afénomomo ite caade chámuniaimona jarífenaiaí aillo tícoizitiaioi. Daje izói afénomomo ite jéerie bárconiaimona jarifenedo aillo niné táinocaidiaioi.

¹⁰ Iemo jiáie Juziñamui abi ímie ie vudugoi fúunua llezica, áillue ucudu monámona éniemo baiíde. Afe ucudu bobaie izói boode. Afe bóodicudu nana imánillaimona jarífemanimo baiíde. Daje izói éniemona jainoi jino toránuiaimo baiílla. ¹¹ Afe uçudu mámece Eríredicudu. Iemona nana imánillaimona jarífemanillai eríriede. Iemona afe jainoi erire jáillamona aillo comini túdiaioi.

¹² Ie mei nane jiáie Juziñamui abi ímie ie vudugoi fúunua llezica, jítomamona jarífetomado jítirecaide. Daje izói fiuímona jarífeuido jítirecaide. Iemo jiái ucúduaimona jarífecududo daje izói jítirecaide. Ie jira nana afémacimona jarífenedo jítirecaide. Naga mona naio diga jarífemonana egáñoñediaioi.

¹³ Afe méifomo caifo monamo éroidicue. Afe mona erodo feede Juziñamui abi ímiena cacádicue. Afémie ficire úrioicaide. Daide:

—Aii. Eniemo ite comini nii dúreña; mei Juziñamui abi imácimona daámari nai fiévide vudugoi fúunollena. Afémaci fúunua llezica énie imaci, ¡Nii duere zéfuítiaioi! —daide.

9

¹ Iemo nane jiáie Juziñamui abi ímie ie vudugoi fúunua llezica, daa ucudu monámona éniemo baiíllana ciódicue. Iemo fiénide jóriai ibáirafo zuitara llave afe ucúdumo iga. ² Afemona afécudu aféfona tuiñode. Tuiñuamona aféfomona jacafai bóua uillia izói caifo uillide. Aféfomona caifo uillide uillie jítomana dúitate. Afe llezica mona erona jítire finode. ³ Afe uílliemona bíniado feede fiuai comuide. Afémaci, éniemo ite acáiduai izói molléroirediaioi. ⁴ Afémaci ráitie güllena rairuícaiaioi. Daje izói nana amena rábiaina guitáñegaiaioi, naa jiáie mócore zicore ráaniai diga. Daa comini duere finóllena orécaiaioi. Mei íadi dani Juziñamui ie daítate mámece ozócimo cúñeganona, afe fiuai duere fínoítiaioi. ⁵ Mei íadi afe fiuai comínina títatañegaiaioi. Mei jiáfodo afémaci cinco diga fiui comínina izi cácataitiaioi. Afe fiuai mailla, acaido come mailla izói izíreite. ⁶ Iemona aféruillaído comini, “Raire cue túlli” dáitítiaioi, mei íadi títíneítiaioi. Iere túiacaitiaioi íadi, títáfirede raa afémacimona oni jica jáite.

⁷ Afe fiuai jóbairizaillena mamérilla cabállona eróidiaioi. Iaioi ifócimo oro finoina illaíma ifo icuífoina éroide jína. Iemo íaioi uíeco come uíecona éroide.

⁸ Iaioi ifótii ringo ifótiina éroide. Iaioi ízie ‘león’ daina jánallari íziena éroide.

⁹ Iemo llojécuiroi izoide abi riídote icogí íaioi jogóbemo júide. Iaioi féeoína jamánomo ficírede. Uafue, jóbairizailla caballo zonóicaiga ‘cárroniai’ ficírena izói ficírede. ¹⁰ Iemo afémacimo ite ooda acaido ooda izói molléroirede. Afe óodamo cinco diga fiui comini duere finolle riino ite. ¹¹ Afe fiuai illaíma ite. Afémie fiénide jóriai ibáirafo úíñotimie. Afémie mámece hebreo uaido Abadón; iemo griego uaido Apolión. Afeci daííacade “Niné tánoçaitaitimie.”

¹² Nanoide jacire izi cacánafue jae záaide. Mei íadi nai mena fiévide.

¹³ Iemo nane jiáie Juziñamui abi ímie ie vudugoi fúunua llezica, Juziñamui uícomo ite oro finoina altar daina aféniemo caimátairanomona úrilla uaina cacádicue. Afe uai afe caimátairanomo ite cuatro dígade caifo fáide zicai cígimona cácaide. ¹⁴ Afe uai jae vudugoi fúunote Juziñamui abi ímiena daide:

—Afe cuatro dígade Eufrates imani abímo cuínaca ángeles izóidino mai zuitari, —daide.

¹⁵ Jira zuitácaiaioi, nana comini jarífenairaido titállena. Mei aféruimo dúcinamona bai óllena eneno mamécaiaioi. Daje izói biruimo dúcinamona

mamécaiaioi. Daje izói bie fiui íena mamécaiaioi. Iemo daje izói bie fimona íena mamécaiaioi. ¹⁶ Afe cuatro diga ángeles ocuúllino aillo ite. Nana afémaci cabálloniai emódomo ráiiediaioi. Iemo afémaci dígadiaoí daínana cacádicue. Afémaci doscientos millones dígadiaoí.

¹⁷ Bie izói éroide cabálluai nícaido ciona izói ciódicue. Afe cabálluai emódomo ráiidino jogóbiaimo llojeco jitáoidiaioi. Afe llojécuiromo jáiare, mócore, borare cueda. Iaiói cabálluai ifo 'leon' daina jánallari ifona éroide. Afémaci fuémona irai izói jino bite, íemo uúllie bite, íemo daje fuémona nairai iere uzire cóonaitalle raa jino bite. ¹⁸ Afe cabálluai fuémona bite daámari jacire táinocaitate ráamona aillo nairai fuite. Uafue, nana comínimona jarifenairai tídiaioi. ¹⁹ Daje izói afe cabálluai óodamo jacire títaite ríino ite, mei afe ooda jaiona eróideza; ifóredeza. Afedo comínina ainzicana uite.

²⁰ Mei íadi tíidinomona fiébidino, baie daámari jacíredemona tíñedino, íaiói finófireiga fiénidifuaí féitaacañediaioi. Daje izói fiénide jóriaimo caimátaitajana fáicanocaiñediaioi, naa jáíforie finoca jánaraiaina. Dáarie afe jánaraiái oro finoia, jáíie plata finoia, jáíie bronce finoia; íemo jáíie nifici finoia, íemo jáíie amena finoia. Nana bie jánaraiái jaca cióñede; daje izói minícana cacáñede, íemo daje izói macáñede. ²¹ Afe fiébidino jáíimaci méiniana fáicanocaiñediaioi. Daje izói jáíima fue gáiana fáicanocaiñediaioi. Daje izói íaiói jiruúrenana féitañediaioi. Daje izói íaiói merírifirenana féitañediaioi.

10

Daa ángel daínámie Juzíñamui abi ímie duera rabénico llíide

¹ Afe méifodo ríirede Juzíñamui abi ímie monámona ana bíllana ciódicue. Afémie uúllie cigido bite; íemo afémie ifomo rózigüeo izoide jáina. Ie uíeco jitoma egáñua izói quenírede. Iemo ie ídai boode jáillirai izói éroide. ² Afémie daa duera rabénico tuiñoda llíide. Ie ídai nabezi monáillaimo bitade, íemo ie jarífezi éniemo bitade. ³ Iemo jánallari ficire írilla izói ficire úrite. Afémie úrilla mei, mona siete dígacaiño giride; ie gíría come úrilla izói cácaide. ⁴ Afe siete dígacaiño mona gíría llíicailla mei, íaiói daina uailai cúeiacadicue. Mei íadi cúeiacadicuemo monámona daa uai cuemo úrillana cacádicue; daide:

—Afe siete dígacaiño mona gíría uailai rabemo cueñeno iri; báinino comécimo o jóneri, —daide.

⁵ Afe mei afe monáillaimo naidaide, éniemo naidaide Juzíñamui abi ímie, ie onoi nabezi monamo zitáoide. ⁶ Afe llezica zíñona ite Juzíñamui mámece llíinuano riire úrite. Afe dáaruido énie comútatímie mámece, daje izói monáillai comútatímie mámece, íemo nana afénomo ite cáadinuai comútatímie mámece llíinota riire daide:

—Benómona jaca ja móziñoñelleza. ⁷ Jabe siete dígademona íiraimie Juzíñamui abi ímie ie vudugoi fúunolliruimo dúcille llezica, Juzíñamui jica ía comécido báinino mamécáfue, ñue ícoimo zaite. Daí Juzíñamui íe uai jino llórainimo jaiái uícodo lloste. Afémaci dani íe ocuúfíregano, —aquíe izói daide.

⁸ Naui monámona cue cacana uai nane meine cuemo úrite. Cuena daide: —Afe éniemo monáillaimo naidáidímie ónoimo ite túide duera rabénico mai llíinuai, —daide.

⁹ Jira afe Juzíñamui abi ímiemo afe duera rabénico jícajidicue. Jicádicuemo afémie cuena daide:

—Llínota mai güi. Afe duera rabénico o fuemo cíiji naimérena izói cácaite, mei íadi o jébemo erire cácaite, —daide.

¹⁰ Mei jira Juzíñamui abi ímie ónoimona afe duera rabénico llínota güiticue. Güíticuemo cue fuemo cíiji izói naimere cácaide. Mei íadi afe ja cue güilla méifodo cue jébemo erire cácaide. ¹¹ Afe mei cuena daidíaiói:

—Juzíñamui daina aillo comini jófuiaimo cómuitfuiái, meine dáanomo llóredioza. Daje izói aillo náiraiaina Juzíñamui dainana llóredioza. Iemo daje izói jíáiforie úritinona Juzíñamui dainana llóredioza. Iemo jíái aillo illáinina Juzíñamui dainana llóredioza, —aquíe izói daidíaiói.

11

Uai nabáifrede íaillinoi

¹ Afe mei ápera rázina cuemo itíaiói. Afezi jofu facáradozina eroide. Afezi cuemo fécano cuena daidíaiói:

—Mai náidacaillano dama Juzíñamui gairíracu nie dinóride fácaji. Daje izói Juzíñamui caimátairano o fácaji nie dinóride. Afe llezica afénomo nieze afémiemo caimátaidimacina ite mai fácado. ² Mei íadi afeco jinófebiri facáñeno o iri; mei afeno jícanemacimo dúideza. Afémaci Jerusalén daina íaifuenide jófuenta cuarenta y dos diga fuido fieni anáfenoitíaiói. ³ Iemo cue dibénedo úrilla uai nabáifrede íaillinoína óreiticue; come zuure ia jitaca jíticuro, jítaitiaillinoi. Afe íaillinoi mil doscientos sesenta dígaruillai cuedo úritiaillinoi. (Afe mil doscientos sesenta dígarui, cuarenta y dos diga fíui.)

⁴ Bie cue uai nabáifrede íaillinoi ménade olivo amena izóidiaillinoi. Daje izói afe íaillinoi binie comúate Juzíñamui uícomo jónega mena boode áillue lámpara izóidiaillinoi. ⁵ Dáamie íaillinoína fieni finóacaniadi, afe íaillinoi fuémona irái oréidiaillinoi, afe íaillinoi fáiacadinona náamiena cuaritallena. Nana íaillinoína fieni finóacadinona daí títaiteza. ⁶ Bie cue uai nabáifrede íaillinoimo monámona noci bútañede ríino ite. Afe íaillinoi Juzíñamui dibénedo úricaille dinó, nocina bútañeitiaillinoi. Daje izói jainoi díena ória ríino íaillinoimo ite. Iemo jíái comini duere fínoite nana jacírede duico comútaja ríino afe íaillinoimo ite. Afe íaillinoi comeci óiacana dinori comínina duere finórediaillinoi. ⁷ Mei íadi afe íaillinoi táijina fuilla mei, iere jacire éroide caade rille afe fiénide jóriai íbárafomona jino bite. Jino billano afe íaillinoi diga fúirite. Fúirillano íaillinoína anáfenua. Anáfenua mei íaillinoína títaite. ⁸ Íaillinoi títile mei, cai Ocuíraíma coráinanomo, ní afe Jerusalemo, afe áillue jofue cígi iomo, íaillinoi tíide abi fiénocagaiiaillinoi. Afe jofue mámece, fieni íllana onótate uaido Sodoma daina. Daje izói jíái Egipto daina. ⁹ Iemo daruíamani átuado diga jófuiái nairái afe íaillinoi abi títillamo acáritiaíoi. Iemo íaillinoi abina raítátañeitiaíoi. Daje izói dígazie íaillinoi abi bínamo acáritiaíoi, naa jíáfodo úritinuiari. ¹⁰ Biníemo ite comini afe íaillinoi tíillari iere íóbidiaíoi. Daje izói caimare íitiaíoi. Afe caimare íaíoi íllamona conímamo ráaniaína raifóñeno fécaitiaíoi. Mei afe íaillinoi Juzíñamui dibénedo úricailla llezica, bimácina iere duere zefuítiaillinoiza. ¹¹ Mei íadi daruíamani átuado jailla méifomo Juzíñamui afe íaillinoína meine abido cáatate. Iemo meine abido íaillinoína macátate. Iemona íaillinoimo acáritino jamánomo jacínaitiaíoi. ¹² Afe mei afe uai nabáifrede íaillinoi monámona ficírede uaina cacade. Aféuai íaillinoína daide:

—Caifo bené bi, —daide.

Jira íaillinoína éoidino éroidemo, caifo mona uílliedo monamo jáidiaillinoi. ¹³ Afe íaillinoi jailla llezica énie iere riire docaide. Afe riire docáillamona afe áillue jofue diez díganodemona dáagobe nana jáicoizite. Afemona siete mil comini tícoizitiaioi. Afemona fiébidino iere jacínaitiaioi. Jacínaillano monamo ite Juzíñamuina caimátaidiaioi.

¹⁴ Méifoide iere jácifue ja záide, mei íadi íraie bille ja rairede.

Siete dígade vudugoi fúunotinomona ja íraimie fúunote

¹⁵ Siete dígade ángeles dainámaci Juzíñamui abi ímiaimona íraimie ie vudugoi fúunote. Fúunua llezica, monámona diga ficire úrilla uaillai cácaçaila; daidíaioi:

—Nana bínie illaini illáimaillano naa íaioi ocuícaniuairi ja dájena cai Juzíñamuimo, íemo ie Crístomo jaináitaga.

Iemo afe Cristo jaca ninomo zíñona ócuífieite, —daidíaioi.

¹⁶ Iemona Juzíñamui uómo ráiide veinticuatro dígade éicomini íaioi illaíma ráiiranomona ana bíjicaidiaioi. Uáfueza, afe úrilla llezica éniemo fueco diné bíjicaillano, Juzíñamuina caimátaitadiaioi. ¹⁷ Iena daidíaioi:

Ona figura daidícai.

Jamánomo ocuide Juzíñamuidioza.

Birui ítimiedioza, íemo jaii nanómoma ítimiedioza, íemo jíai jaca ninomo zíñona ítimiedioza.

Figura ona daidícai, mei o áillue ríino maiñódioza.

Máíñuano ja nane como ocuízaidioza.

¹⁸ Náiraiai ícirinaizitiaioi, mei íadi íaioi duere o finólliruimo ja dúcizaide.

Daje izói tíidino iere riire o jicánolliruimo ja dúcizaide.

O dibébedo úrite o ocuífieganomo íaioiena o mameca ñúefuiaina íaiiomo fécaíto.

Daje izói o uaina ñue ínofirede ñue finócanomo íaiiomo dúide ñúefuiaina fécaíto;

íemo daje izói o mámecina jifánodoíñeno ñue llínotinomo íitio.

Uáfueza, jamánomoidimíemo,

daje izói jamáimíemo íaiiomo dúide raana íaiiomo ífiredio.

Daje izói bínie ñúemacina fiénruítadino o táinocaitalliruimo ja dúcizaide.

Aquíe izói afe éicomini daidíaioi.

¹⁹ Iemona monamo ite Juzíñamui gairíraco tújicaide. Afénomo Juzíñamui comini diga caimare úrira raa uáfori cíocaide. Afe úrira raa emodo órona íbaica caja. Afe eromo Juzíñamui lloga uaillai éenotiaioi. Afe gairíraco tújicailla llezica améuai riire llairide, íemo ficíriede ráaniai cacaide; íemo mona ficire giride; íemo énie iere riire docaide; íemo iere maírde nocíjiai cocide.

12

Ringo íemo jacírede zicínaimana eróidimie diga monamo cíocaide

¹ Afe mei monámona jacírede onótate raa cíocaide. Afénomo iníroido ferínua izói, jítómado ferínoga ringo cíoina. Afengo idai anamo fiui cíoina, íemo afengo ífomo doce dígade ucudu illácuífoi, illaíma jítáfiregacuífoi izoide jítáide. ² Afe ringo úrue jocócade izínaila. Afe iere izírenari caillícade; mei

afengo úrue jáiciacana llezica iere duere zefuídeza. ³ Afe méifodo jáiie jacírede onótate raa monamo cíocaide. Afénomo áillue jáirede jacírede zicínaimana eróidímie cíocailla. Afémie siete diga ifórede. Iemo afémie diez diga zícairede. Afe ifóciaimo illa dígacimo illaíma jítáracuífoi jíina. Daa ie mámece Taife. ⁴ Ie óodado monamo ite úcuaimona jarífecuduna aillo dánomo jáinánote. Jáinánuano afécuduaina ana éniemo dotade. Afe ‘dragón’ daína zicínaimana éroidímie, afe úrue jocóacade ringo uíecomo jóoneoide, afe ie jocóacaga úrue jócua llezica raire ríllena. ⁵ Iemo afe ringo íiza jocode. Afémie uire móonaia nana náiraiaina llojébici izóidedo riire ócuífíreite. Afe úrue jócua méifodo Juzíñamui bairoca. Bairoda ie illáimana ráirranomo uiga. ⁶ Afe llezica afe ringo táizicimo botade. Afe dinomo afengo retáirillino uicodo Juzíñamui fínoca. Afénomo mil doscientos sesenta diga mona afengo ecáecaille.

⁷ Afe méifodo áillue fuiríacana caífo mona eromo comuide. Afénomo Juzíñamui abi imaci illaíma Miguel naa jáiie Juzíñamui abi imáciari afe dragón diga fuirídiaoi. Daje izói afe dragón naa ie abi imáciari fuirídiaoi, ⁸ mei íadi afémaci Miguel náiraina anáfenonidiaoi. Iemona dragón imaci illino monamo íñede. ⁹ Afe ie illino íñena jira afe rírede dragón monámona ja jino dotaca. Afe jáiai ninomo ite jáio dainámie jáífodo mameina Taife, íemo Satanás, íemo dáamie nana náiraina jífuefíredímie. Afémie naa ie abi imáciari ana éniemo dotácaiaoi.

¹⁰ Afe méifomo monámona fícrede uaina cacádicue. Afe uai daide:

—Cai Juzíñamui bínie comíni jíllollena mámiarumo ja dúcide. Daje izói íemo ite ríino facálliruimo ja dúcide. Iemo daje izói illáimana ie illíruimo ja dúcide. Daje izói ie jító Cristo riire ocuálliruimo ja dúcide. Mei cai ámatiaimo fíenidífue nitáfíredímie ja jino dotácaza. Afémie nágaruillai, mona naio diga cai Juzíñamui uíecori afémacimo fíenidífue nitáfírede. ¹¹ Cai ámatiai Cordero díedo fíenidífueana anáfenodiaoi. Daje izói íaioi jino meáiruífeno lloga Juzíñamui uáillaído caifófeficaídiaoi, mei jaca tíllana jacíruiñediaoíza; mei jáífodo jaca tíllimo ñue finóbidaioíza. ¹² Iemona, mona naa afénomo ite cáadinuiaiari mai omoi íóbiri. Mei íadi éniemo itino níi dúerena, naa monáillaímo itínuiari, mei Taife ómoímo ana iere icírillano jáideza. Afémie nano íanori ie íllena onódeza.

¹³ Afe dragón ana éniemo ie dotajana onóillano, nauí íza jocódingo racade. ¹⁴ Mei íadi afe ringo mena áillue máajaiño íaícona iga, áfedo afe jáio dainámie dragómona jica táizicimo afengo féellena. Afénomo daámani fímona átuedo afengo ecáecaiga. ¹⁵ Iemo jáio dainámie áillue jáinoi ie fuémana orede, imánina comuillena, mei afe imánido afe ringo coróbaitallena. ¹⁶ Mei íadi énie ringona ríidote, mei afe dáaruído énie bócocuillano, afe dragón fuémona oreca imánina naítateza. ¹⁷⁻¹⁸ Afe bíemona afe dragón ringomo iere ríicaide. Ríicaillano aféngomona fiébide ie erófene igímaiai diga fuirízaide. Afémaci Juzíñamui ocuica uallai jeire otíai. Daje izói afémaci Jesucristo lloga ua ráfueana fáicanocaiñeno nágarui jeire ófírediaoi.

13

Mena áillue jacire eroide rille cíocaide

¹ Monáillai fuédamo cue naídáillano monáillaímona iere jacire eroide rille caífo bíllana cíódicue. Afémie ífo siete dígade, daje izói afémie diez diga

zícáirede. Afe illa diga zícáimo illaíma jítaracuífoi jíina. Afémie ifóciaímo Juzíñamuina fiēni dáina mámecei cúeina. ²Afe cue ciona jacírede rille jánallarina eroide. Ie ídaíai oso ídáina eroína, íemo ie fue león fuena eroide. Bímiemo dragón íemo ite ríino naa ie illáimaillano diga afémiemo fecade. Afe llezica ríire ocuífírenafue afémiemo lloga. ³Afe jacírede rille ifóciaímona daaci titade áillue boáfena eroide illa. Mei íadi afe titácade áillue boafe raíre jacaide. Iemona nana énie náiraíai áferi iere jacínaitiaíoi. Jacínaillano afémiemo ínotiaíoi. ⁴Afémaci dragón uícomo éniemo fueco diné bíjicaillano íemo caimátaidiaíoi, mei dragón ríire ocuille ríino afe jacírede ríllemo ígaza. Iemo daje llezica jacírede ríllemo caimátaidiaíoi. Caimátaillano daidíaíoi:

—¿Bu mei bie jacírede rille izoína? ¿Bu mei afémie diga fuírírena? ¡Afémie anáfenonide! —daidíaíoi.

⁵Afe llezica afe jacírede rille afémie úrilla bu llétañega. Iemona Juzíñamuina íáire dáina uaina llote, naa fiēni abí ínuafuíairi. Afe izóí cuarenta y dos diga fuí, daíí ie ocuilla buna ráiruñíega. ⁶Iemona afémie bie izóí finode; Juzíñamuina uáitano, ie mámeceina íáire daííoide. Daje izóí Juzíñamuimo úriranona íáire daííoide. Iemo monamo itínuaína daje izóí íáire daííoide. ⁷Iemo jíái daje izóí Juzíñamuimo jaináidino diga ie fuírilla buna ráiruñíega. Daje izóí afémacie ie anáfenolle buna ráiruñíega. Iemo nágázie ocuille ríino afémiemo fecaca. Daje izóí nana comíni jófuaíai ócuífíreite, íemo daje izóí nana jíáífodo úritínuaíai ócuífíreite, íemo daje izóí nana náiraíaina ócuíte. ⁸Nana bíniemo itino afe jacírede ríllemo caimátaidiaíoi. Afémacie mámeceiaí zííñona íitino rabénícomo cúeñega. Ua énie taineína llezica baimacie mámeceiaí afénícomo cúeñega, mei afémacie ínoñena jira. Afénico nauí titaca Cordero ie.

⁹Bífuemo cacáacadámie mai bíemo cácarei. ¹⁰Jíáímacina maítá uitino méífodo nane maítá uille. Iemo jíái lloéfáido jíáímacina titádino méífodo afémie daje izóí lloéfáido títalle. Mei jira Juzíñamuimo jaináidino coméceina jarídonidiaíoi; daje izóí jíái ñue ínorediaíoi.

¹¹Afe méífodo jíáie jacire eroide rille éniemona caífo bíllana cídicue. Afémiemo mena zicái ite; cordero zícáina eroide. Mei íadi afémie dragón úrilla izóí úrite. ¹²Nauí monáíllaimona bite nanoide jacire éroide ríllemo ite ríire ocuille ríino, daje izóí bie méífoídímíemo ite. Iemo nanoide jacírede rille uícori, bímie íemo ite ríino ácatate. Ie ríino ácata llezica afémie nana éniemo itínuaíai, nanoide jacírede ríllemo caimátaillena ocuide. Afe nanóídímie ífomo ite áillue boafe raíre jacáídímie. ¹³Iemo afe méífoídímie daje izóí iere jacímie daíítate raana cíotate. Mei uafue, afémie nana comíni eróicana monámona irací ana éniemo cocítate. ¹⁴Iemo afe nanoide jacírede rille uícomo buna ráiruñíega ie finócaigado nana bíniemo itínuaína jífúete. Afémacina jífuiano afe aillo bofédaite jacírede ríllena eroide jánaraina afémacina finótate. Afe bofédaite jacírede rille lloéfáido aillo bofeca, mei íadi nai caade. ¹⁵Iemo afe méífoide jacírede ríllemo, afe jánarai cáatalle ríino íemo íga. Iemona afe jánaraina cáatano, afémie afe jánaraina úritade. Daje izóí nana afe jánaraimo camátáíñedinona afe jacírede rille jánarai íaíoina fatátate. ¹⁶Nana afe baímo, nana náiraíaina bie izóí itátate; nana jabóídímaci naa jamánomoidímiaíai diga, nana ráaredíno naa dúeredíno diga, nana ráiruñíegano naa ráiruícano diga, íaíoi onoi nabézimo daa onótate número jónetade. Afe onótate número

nabézimo jóoneñenia íaiói ozócimo jóonerede. ¹⁷ Naga afe onótate númerona cúdeñegamie jaca íbárinide, daje izói raana fecánide. Afe número nanoide jacírede rille ie. Afe número afémiemo dúide mámece daííacade. ¹⁸ Bifue onóillena iere báitajamo dúide. Afena onódímie, mai afe jacire eroide rille número faca. Afémie número iima ie. Afe número seiscientos sesenta y seis.

14

144,000 dígadino roga rua

¹ Afe méifomo Cordero Sión mameina idu emódomo naidáinana ciódicue. Afénomo afémie diga ciento cuarenta y cuatro mil comini naidáiede. Afémaci ozócimo Cordero mámece naa ie Moo mámece diga cúdeina. ² Iemo monámona ficírede raana cacádicue, Afe ficírena aillo imánillai nofico tua ficírena izoide. Jiái riire mona giria ficírena izoide. Iemo jiái aillo arpa daína, rua roia taiga ráaniai ficírena izoide. ³ Afe llezica illaíma ráiirano úcomo afémaci comue rua rotíaiói. Daje izói cuatro diga cáadimíai, íemo úcomini úcomo rotíaiói. Afe rúana jaca buna ónide. Dani afe ciento cuarenta y cuatro mil diga éniemona jíllode comini afe rúana onona. ⁴ Afe bimaci ringomo jíriñedino, mei afémaci jaca íaífuenedino; dani íaiói abí rairuídiaíói. Daje izói afémaci Cordéromo jaináitagamaci. Afémaci cominimona jíllotagamaci, Juzíñamuimo nanóidino ie dúidímacina íaiói illena. Daje izói Cordéromo nanoide dúidino itíaiói. ⁵ Afémaci jaca táinona úriñediaíói, mei afémaci Juzíñamui illáimana ráiirano úcori íaífuenedino itínoza.

Daámami ángeles daínamaci Juzíñamui abí ímíai llócaiga uai

⁶ Afe mei jiáie Juzíñamui abí ímie mona dáafenedo fේiana ciódicue. Afémiemo zííñona jíllollíuui illa, bíniemo itínomo llóllena. Nana énie náiraíaimo llórede, íemo nana jiáziemo. Daje izói nana jiáfodo úritinomo llórede, íemo daje izói nana comini jófuiaido. ⁷ Afémie ficírede uaido daide:

—Juzíñamuina ñue omoi jacíruiri; ñúefuina afémiemo omoi nitari, mei afémie iere riire jícanollíruimo ja dúcidez. Mai mona finódimie, daje izói énie finódimie, íemo monáillai finódimie, íemo éniemona jainoi jino torano finódimie; afémiemo omoi caimátaíreiri, —daide.

⁸ Iemo nane jiáie Juzíñamui abí ímie méifodo cícaide; afémie daide:

—Ja jáicoizite, ja jáicoizite. Afe áillue Babilonia jofue jáicoizite. Mei aillo fiénide jiruífuaí izoide íaífuiaí omoi finofírenado, nana nairai jífaídino izói itátatiemoiza, —daide.

⁹ Afe méifodo íraie Juzíñamui abí ímie ficire daííoicaide:

—Dáamie jacírede rillemo caimátaíadi, íemo jiái afe jánaraimo caimátaíadi, íemo daje izói afe rille mámece ozócimo ninena ónoimo cuetátaíadi, ¹⁰ afe izóidino Juzíñamui lloga jamánomo duere finóllinomo orélliaíói. Mei afe izóidíno afémie iere ríicaide; ríicaillano afémie duere íaiói finolle, fේíñellena riire íaíoimo mamécaza. Iemo Juzíñamui abí imaci úcomo, daje izói Cordero úcomo, iraido íaíoína iere izi cácatalliaíói. Iemo daje izói nairai iere uzire cónatalle raado afe izóidinona iere izi cácatalliaíói. ¹¹ Duere íaiói zefuitate irai ullie jaca ninomo llúcaíñeno caífo ullioide. Afe jacírede rillemo caimátaítino mona naío diga afe duere finóinamona jaca ócozinaiñeítiaíói. Afémaci naa afe ríllena eroide jánaraimo caimátaídínori, íemo jiái ie mámece onótate número otino diga nana jaca ócozinaiñeítiaíói. ¹² Mei jira Juzíñamuimo

jainaide ie ocuica uaimo jíeruitino, naa Jesudo fáicanocaiñede jáidino diga, comécina járidonidiaioi.

¹³ Nane afe méifomo monámona daa uai cuemo úrillana cacádícue; daide:

—Bie cúeiri: “Benómona cai Ocuíraimamo ínóte títino caimare lítiaioi.” Afena Juziñamui Nuera Joreño “Jii” dáideza, mei afémaci íaioi táijinamona ocózinaitiaioiza. Daje izói íaioi finócano, jááima diga nabáirilla izói féitañegaza, —daíí daide.

Ria llizilla óina izói, énie comíni jofo ollíruimo dúcide, Juziñamui duere íaioi finóllena

¹⁴ Afe mei eróillano úzerede mona ero uílliena ciódícue. Afe uíllie emódomo Nanoide íima Jitona Jesuna éroidimie ráina. Ie ífomo oro finoina illaíma jítaracuifoi jíina. Daje izói hozna mámecirede arroz izoide llízíe ñetara llíide. (Afe raa jofo icuífoina néfide jáirede lloefai izoide.) ¹⁵ Iemo nane jáíe Juziñamui abi ímie ie gairíracomona jino billa. Afémie ficírede uaido uíllie emódomo ráiidimiena daide:

—O llíga llízíe ñetara raado táijiiri. Ja jeede diga mai jofo ono. Ja jofo ollíruimo dúcidea. Enie comíni finócafuiaí ja jeede ríaniaí izói fiénidífuenta iere oruídeza, —daide.

¹⁶ Afe mei uíllie emódomo ráiidimie ie llíga llízíe ñetara raado énie comínimo táijizaide. Afedo fiénidífuenta oruídino jofo ote.

¹⁷ Afe mei jáíe Juziñamui abi ímie monamo ite Juziñamui gairíracomona jino bite. Daje izói afémie jáirede llízíe ñetara raa llíicabite. ¹⁸ Afe llezica jáíe Juziñamui abi ímie Juziñamuimo caimátairanomona jino bite. Afémiemo jobáitalle ríinona ite. Iemo afémie, jáirede ñetara raa llíidimiena ficíre járillano daide:

—Mai omo ite jáirede ñetara raado táijiiri; éniemo ite jíricoillai ollíruimo ja dúcidea. (Afe jíricoillai fiénide comíni jana.) Mai jofo ono, mei afe jíricoillai ja iere jiduúdeza, —daide.

¹⁹ Iemo afe jáíe Juziñamui abi ímie, ie jáirede ñetara raado énie comínimo táijizaide. Afedo éniemo ite jeede jíricoillai izoide fiénidino jofo ote. Uano áillue iduíriraco izóidinomo jofo díte, afénomo riire iduíllena. Bie iduílla Juziñamui bie izói duere afémacina finolle jana. ²⁰ Afe jíricoillai izoide fiénidino áillue comíni jofue jinomo iduica. Afe iduíracomona aillo díena tote. Afórede imani izoide; áfeji caballo táíia ie fue illa dinori afórede. Daje izói áfeji trescientos kilómetros dinó tote.

15

Íraie siete dígade jacírede duere finóllífuaí; Juziñamui abi imaci mameca

¹ Iemo monámona jáíe jacínaitade áillue raa jánana ciódícue. Siete dígade Juziñamui abi imaci íraie siete dígade jacírede duere finóllífuaí; lluáibítiaioi. Afedo Juziñamui rúicaillana záaite.

² Daje izói, vídriona finóinana eroide monáillajina ciódícue. Afeji réici diga taméricaide; daíí eroide. Jacírede ríllena anáfenodino afe fuédamo naidáiediaioi; daje izói ie jánaraina anáfenodino; íemo jáíí afe ie número mámecina ozócimo cúeñegano diga. Nana dáanomo afe vídriona eroide monáillai fuédamo naidáiediaioi. Nana bimaci Juziñamui íaioímo fecaca ‘arpa’

daina rua roia taiga raa lliédiaioi. ³ Afémaci Juzíñamui jaiai ocuífregamié Moisés rua rotíai. Daje izói jiái Cordero rua rotíai. Aférua bie izói daide: Ocuíraima, nana o finócanuiái iere ebíriede.

Jamánomo ríinorede Juzíñamuidio.

Náiraiaí Illaíma, nana o jáifirena io uáfueña jaícina jóide.

⁴ Ocuíraima, ona ñue jáciruiñeitimiena iñede.

Daje izói omo ñúefueña jóoneñeitimiena iñede.

Mei dama o íaifuenidimienaza.

Naga náiraiaí omo caimátaizaitiaioi, mei o jaícina finófregafuiaína ciódiaioiza.

Aquíe izói rotíai.

⁵ Bie méifodo, monamo ite Juzíñamui gairíraco tújicaillana ciódicue. Afeco nofíbicimo cuela Juzíñamui ocuica uailai éenorano. ⁶ Afécomona Juzíñamui siete dígade abi imaci jino bite. Afémaci siete dígade jacírede duere finóllifuiái uite. Afémaci ráifide íainide queníredicuiruai jitáoidiaioi. Iaiói llaitáiga oro finoina ciraiği ife jogóbemo dúcide. ⁷ Ie mei cuatro dígade cáadimíaimona dáamie afe siete dígade Juzíñamui abi imácimona illa dígamiemo oro finoina ichecoí fecade. Aféhecoí jaca ninomo zúñona ite Juzíñamui ocuica duere finóllifueña oruide. ⁸ Iemo afe Juzíñamui gairíraco uílliena oruide. Afe uíllie Juzíñamui jamánomoidimiena íllamona, daje izói ie iere ríinorenamona comuide. Afe llezica afécomo buna jofo jáinide. Nai afe siete dígade Juzíñamui abi imaci siete dígade jacírede duere finóllifuiái záíñena llezica buna jofo afécomo jáinide.

16

Juzíñamui duere finóllifueña oruide ichécuaí

¹ Afe mei Juzíñamui gairíracomona jino bite ficírede uaina cacádicue. Afe uai siete dígade Juzíñamui abi imácina daide:

—Juzíñamuiimona bite siete dígade duere finuana oruídicueuai ana éniemo tótaji, —daide.

² Nanoide Juzíñamui abi ímie jaillano, afémiemo ite ichecoí ana éniemo totade. Afemona nana jacírede rille mámecina ciegánomo jacírede duico comuide. Afémacimo izírede jillotañede ñozagi izoide duico comuide, daje izói afe rille jánaraimo caimátaifredinomo.

³ Iemo méifoide Juzíñamui abi ímie afémiemo itíchechoí monáillaimo totade. Tótamona afe monaillai jainói tídimie die izói jaide. Iemona nana monáillaimo ite cáadinuiái tícoízite.

⁴ Iemo nane jáíe Juzíñamui abi ímie afémiemo itíchechoí imánillaímo, daje izói éniemona jainói jino toránuaímo totade. Iemona afeno jáinoillai díena jaide. ⁵ Afe mei jainói fieni finótate Juzíñamui abi ímie dánana cacádicue; daide:

—Ocuíraima, íaifuenide Juzíñamuidio. Bie izói comíni duere o finóllena iere comécina jaícina jóidimiedio. ⁶ Mei omo jaináidinona títano íaiói díena nauí totádiaioiza. Daje izói o dibénedo úritino díena totádiaioiza. Iemo birui afe íbana o afémacina díena jirótatio, mei daí afémacimo dúideza.

⁷ Afe mei nane Juziñamuimo caimátairanomona dámie dáinana cacádicue; daide:

—Ji, uáfueza, cai Ocuíraima, o jamánomo riirede Juziñamuidio. Uáfueña ñue jaícina iere riire jicánotio, —daide.

⁸ Ie mei nane jiáie Juziñamui abi ímie afémiemo itíchechoi jitómamo totade. Afemona afe jitoma comini cóonaitalle riino iga. ⁹ Iemona nana comini jamánomo cóonaizitiaioi. Mei íadi íaioi comeci itífuiaina méidoñediaioi. Daje izói Juziñamuimo caimátaiñediaioi. Mei jiáifodo afe jacírede duere finóllifuiái ocuðimiena faidóñediaioi.

¹⁰ Iemo nane jiáie Juziñamui abi ímie afémiemo itíchechoi jacire eroide rille illáimana ráiiranomona totade. Afe llezica afémie náamataga illano jítirecaide. Iemona nana comini afe uícodo íaioimo comuide duícuai izírenari dani abi ainízitiaioi. ¹¹ Mei daí ítiaioi íadi, íaioi finoca fiénidifuiái faicanocaiñediaioi. Mei jiáifodo, izi íaioi cácana ícoinia, daje izói jacire íaioi ñozánaillamona, monamo ite Juziñamuina íaire daidíaioi.

¹² Iemo nane jiáie Juziñamui abi ímie afémiemo itíchechoi áillue Eufrates mámeçirede imánimo totade. Afemona afe imani zafénaite, áfedo illaini raire ruica bille io tuiñóllena. Aféllaini naa íaioi fuírírainiri jitoma caífo biránomona bitíaioi.

¹³ Afe mei dragón dainámie fuémoma, daje izói jacire eroide rille fuémoma, daje izói taino uai jino llóñiredímie fuémoma daámanide cúuraicina eroide fiénide jóriai jino billana ciódicue. ¹⁴ Afe daámanidino Taífe jóriai. Afémaci cíorainina raana cíotafiredino. Bie damieámanidino nana énie illaini naa íaioi fuírírainiri dáanomo gairítate, jamánomo riinorede Juziñamui diga fuírillena. Aferui Juziñamui aillo iba ollíruí.

¹⁵ Aféruido monámona Cristo úrillana cacádicue; daide:

—Ero, cacai. Merízaiðitímie billa izói, comini nai cuemo comeciñediaioimo dézaiðiticue. Cue bille llezica iníñoeno cuemo comeci facáoidímie caimare íte. Daje izói emuíroma mácañellena iníroina ñue úiñotímie izói, íaífuemona abina ráiruitímie méairuñeite, —daide.

¹⁶ Iemo afe daámanide fiénide jóriai, nana illáinina dáanomo gairítate. Afeno mámeçi hebreo uaido daina Armagedón.

¹⁷ Iemo siete dígademonas líraie Juziñamui abi ímie afémiemo itíchechoi caífo táifomo totade. Tota llezica monamo ite gairíracomona ficírede uai cácaide. Afe uai illaima ráiiranomona jino bite; daide:

—Ja fuite, —daide.

¹⁸ Afe méifodo, améuai llairilla. Mona gíría naa ficíriede ráaniai diga cácaide. Afe llezica énie iere riire docaide. Nanómona bíniemo comini ía docáifirena baímo, jamánomo riire docaide. ¹⁹ Iemona afe áillue comini jofue daámami dieze bójicaide. Jiáie bíniemo ite jofue jáicoizite. Afe llezica Juziñamui áillue Babilonia jófueño úibicaide, duere íaioina finóllena. Afe duere finóllifue comini títaite riíji jírua izói íte. Afémie ríicaillano daí íaioina fínoite. ²⁰ Afe dáaruido nana monáillaji cigi íduai naa jiáie caifóñeduairi niné tánoicaide. ²¹ Afe llezica aillo jéerie nocíjiaina monámona comínimo cocide. Aféjiaimona dáarie cuarenta kilos méere. Iemona afénoimo ite comini afe áillue nocíjiaí cóciari Juziñamuina íaire daidíaioi, mei afe bimaci duere fínua iere jamánomoideza.

17

Jamánomo jiruüredingo duere finóinafue

¹ Afe méifomo siete dígachecoí llíide Juzíñamui abi imácimona dáamie cuemo úrizaibite. Cuena daíde:

—Eróizabi. Jamánomo jiruürede izoide íaifueredingo duere finóinana omo ácataitícue. Afengo monáillajillaimo ite. Afe bie izóí daíacade aillo nairai afengo anamo itíaiói. ² Bíníe illaini afengo díga aillo fiénide íaifuiái finóifrediaíói. Iemo bíníe comini afengo íaifuerenamona jífaífredino izóí íaire jáidiaíói,—daíde.

³ Afe mei Juzíñamui Ñuera Joreño nicáirilla izóí cuemo ácataja llezica, daa Juzíñamui abi ímie táizicimo cue uite. Afénomo daa ringo jáirede jacire eroide rille emódomo ráiinana ciódicue. Afe ríllemo díga Juzíñamui íaire daina uaillai cúeina. Afe rille siete díga ífócrede, daje izóí afémie zicai diez dígade. ⁴ Afe ringo jítaíogacuiro jáirede, íemo morádoná eroide. Afengo oro finoina íena ebire finóbide, íemo ráifide ñue finoca nofíciaina, íemo ‘perla’ daina zíriona finóbide. Iemo afengo oro finoina ichecoí llíide. Aféchecoí íairede raana oruide, íemo jíái afengo jiruürena llezica finoca íaifuiaina oruide. ⁵ Afengo ozócimo cuetá jóonega ónonide mámeceí illa. Afeci bie izóí daíde: “Aillue Babilonia jofue, nana fiénidifuiái jillaci, aféfuíai ei daina izóí mameide. Iemo nana bíníemo ite éoígafuiái ei daina izóí mameide.” ⁶ Iemo díga Juzíñamuimo jáináidino afe ringo ícoinia fazícaiaíói. Afémaci Jesús uai llócaína jira afengo títaícaiaíói. Iaiói fazícanori afengo, come jífaífirena izóí, iere íóbide. Afena cíollano iere jacire fáigacaidícue. ⁷ Ie jira Juzíñamui abi ímie cuena daíde:

—¿Mínícarí jacínaitío? Afe ringo ónonino daíacanafue jino omo onótaitícue. Daje izóí afengo uífirede jacírede rille maméinafuenta omo onótaitícue. Afe rille ífo siete dígade, íemo diez díga zícairede. ⁸ Afe o ciona jacírede rille jáiai nino itímie, mei íadi ie tílla mei jae íñede. Mei íadi afémie íraicaíño ie tílle uúodo meine abído fiénide jóraí íbáirafomona caífo bíite. Mei íadi billano zíñona ie duere finóllinomo orelle. Eníemo ite comínimona zíñona ille rabénícomo énie taineína llezica mámeceína cúeñegano, afe ríllena cíollano iere jacínáifcaítiaíói, mei afémie jáiai íteza, íemo biruí jae íñédeza, íemo meine abído uire bíiteza.

⁹ Biruí cai uaina féiruíñedinomo nai benó jíaíe llollífuena ite: Cácareí. Afe siete dígade ífocíai baie ringo ráina siete dígade caífneduai jana. ¹⁰ Iemo afe llezica afe siete dígade ífoci daje izóí siete dígade illaini jana. Afe siete dígade illáinimona cinco díga ja dotácaiaíói. Afe mena fiébidemona daa nai illáimana ite. Iemo jáímie nai illáimaizaíbíñede. Afémacimona íraillaima bíadi are íñeno tánocaité. ¹¹ Nauí caade íocírede rille, tíide íadi, nane biruí caade illaima. Afémie siete dígademona afémaci emódoídillaima. Mei íadi afémie siete dígademona dáamie. Afe mei afémie íraicaíño ie tíllinomo jáite.

¹² Afe o ciona diez dígade zicai, diez dígade nai illáinina jáíñedino jana. Mei íadi jacírede rille díga dáaruido afémaci nano íanori díeze illaini ocuífirena ríino llínoítiaíói. ¹³ Bie diez dígade illaini conímamo daje izóí coméciidiaíói. Iemo íaíoimo ite ocuille ríino jacírede ríllemo fécaítiaíói. ¹⁴ Iemona Cordero daina Jesucristo díga fúiritiaíói; mei íadi Cordero íaíoína anáfenoite. Mei afémie nana

ocuídinomona Jamánomo Ocuídimeza. Daje izói afémie nana illáinimona Jamánomoidillaimaza. Afémie diga jáicadino Juziñamui nizada jíriganu. Daje izói afémaci fáicanocaiñeno Juziñamuimo ñue ñnofiredino, —daí afémie cuena daide.

¹⁵ Juziñamui abi ímie nane dáanomo cuena daide:

—O ciona monáillajillai, ñí afe íaifueredingu illano, afe monáillajillai aillo jófueniai jana. Daje izói aillo comini jana, íemo jáíforie úritino jana, íemo aillo náiraiai jana. ¹⁶ Jacire eroide ríllemo o ciona zícainiai jáie illáimaiai jana. Afémaci bie jiruiredingona éoitiaoi. Eoillano aféngona zóofeitiaoi, íemo jáí aféngona emuírogi óreitiaoí. Afe mei afengo íeizina ríitiaoí. Iemo jáí aféngona iraimo cóonaititiaoí. ¹⁷ Juziñamui comeci jítaina izói afe ringona duere íaioí finóllena ónonino íaioí comécimo úrite. Ie jira dájena comécidiaoí íaioimo ite jacire ocuille ríno jacírede ríllemo fecállena. Iemona afémie jamánomo rírede. Daí Juziñamui daina uáillaina fuillíruimo dúcia llezica finófrediaoí. Iemona afémie daina uaina ñue ícoimo záititiaoí. ¹⁸ Afe nauí o ciona jiruiredingu, nana énie jamánomo ocuíredillaima illágohe jana, —aquí izói daide.

18

Babilonia jofue táinoicailla

¹ Bie méifodo monámona jáie ángel dainámie, Juziñamui abi ímie ana bíllana ciódicue. Afémie aillo ríno diga bite. Afe llezica ie quenire bóodedo bínie egáñote. ² Afe llezica afémie ficire úrite; daide:

—Aillue Babilonia jofue ja jáicoízite, ja táinoacaide. Taife ocuífregano illána jaide. Daje izói nana jáíforiede íaire joríaí uñoracona jaide. Afe izói nana íaire féedino jilláillinona jaide, naa jáí cai éoiga féedinuiai. ³ Mei aillo fiénide íaifuaí afengo finófirenado, nana nairai jifáidino izói itiaioiza. Iemo naga énie illáini afengo diga aillo jiruifue izoide íaifuaína finófrediaoí. Bíniemo ráaniaí fecáfiredino iere úcuberedinona jáidiaoi. Mei uafue, afe áillue jofue comini izire jicaca táinomo faitátate ráaniaí íaioí jicáfrenamona bimaci aillo úcubenaídiaoi.

⁴ Afe mei monámona jáie uaina cacádícue; daide:

—Omoí cúeiediomozia bie jófuemona oni omoí jai; íaioí finoca fiénidifue afémaci fínua izói omoí finoñilleza. Daje izói íaioimo zúite jacíredifuaí ómoimo jíriñilleza. ⁵ Mei afémacimo ite fiénidifuaí ofilla ja monamo dúcidez. Íaioí finoca fiénidifuaímo Juziñamui ja uíbicaideza. ⁶ Iemo Juziñamuina daide:

—Jáímacimo íaioí feca izói, afe izói íaioimo fecari. Íaioí fienu fínua izói, afe baímo ménacaiño afémacimo finori. Afémaci ñúemacimo eríredena jóoneta jirota izói duere íaioina finódiaoí. Afe íaioí fínua izói, afe íbana ménacaiño afémacimo ríire duere íaioina finori. ⁷ Aillo táinodo abi íaioí ínuua dieze, íemo cómena canóñedemo fáífírena dieze, áfeze afémacina duere finori; afe izói íaioina duere zefuítari. Mei bie ringo izoide jofue comini afengo íe comécido daífíredeza: “Benomo illáingona ráidícue. Jaca fécinaiñeíticue; jaca dúeníticue,” —afengo daide. ⁸ Ie jira bie izói úrillamona, dáaruido omo dúide jacíredifuaí cómuite: tilla íemo duere zefuilla, íemo júbie. Iemo iraimo cóonaitio. Mei o duere finótate Juziñamui jamánomo rínoredeza. Afémie jaca cai Ocuíraíma.

⁹ Afengo diga jiruúrede bínie illáicomini, daje izói afengo diga cómena canóñedemo fáifidino aféngori iere éenaitiaoi. Mei uafue, afengo cónailla uílliena cióillamona aféngori cáillicailli éeitiaoi. ¹⁰ Afengo iere duere finóinari jacinaillamona oni jica íitiaoi. Afemona dáititiaoi:

—¡Aii, nii o dúerena! Jamánomo ríirede Babilonia jófuedio, ¡nii duere o zefuilla! ¡Mei raire dáaruido o duere finoína comuibicaide! —dáititiaoi.

¹¹ Bínie ráaniai fecáfiredino aféngori cáillicailli éenaitiaoi, mei ja íaioi atica ráaie íbaitino íñede. ¹² Iaiói atífirega ráaniai, be ñie: Oro, plata, ráifide nofíciai, ‘perla’ daina ráifide zírío, ráifide úzecuiro, íemo jáirede ‘sédacuiro,’ morádon a eroide seda diga, íemo jái diga jáífodo zióriede aménaiai, íemo ebírede ‘marfil’ daina elefante zicai finoína ráifide raana, íemo ráifide amena finoína raa, íemo ‘bronce’ daina borárede lloébici finoína raa, íemo jamai lloébici finoína raa, íemo ‘marmol’ daina nofici finoína raa, ¹³ daje izói ‘canela’ daina güllemo faiga raa, íemo jáíforie ráifide ziórede raa, íemo ziórede uguci, íemo ‘mira’ daina ziórede raa, íemo come abi jilláiraniai, íemo ‘vino’ daina jirórají, íemo cáiredijí, íemo ñuera pan finófirena harina, íemo trigo, íemo daje izói abífirede cáadino, íemo ovéjaiai, íemo cabálluai, íemo ‘carros’ daina arínellaiai, daje izói jacire rairuica comínina fecádiaoi. Bie izói daina cáadino íima ringo diga jáímacimo fecádiaoi ríire íaioi ocuúllena. ¹⁴ Afe jofue comínina dáititiaoi:

—¡Baie omoi gaiga caimárede amena llizillaniai izoide ráaie jae íñede. Nana omoi ofitaga ebírede ráaniai ja táinocaide! —dáititiaoi.

¹⁵ Afe ráaniai fécajano iba úcube ófiredino bie áillue jofue comínimona otíaioi. Uano aillo úcuberediaoi. Mei íadi aféruído afe jofue iere duere finóinari jacinaillamona oni jica íitiaoi. Afénomona aféngori cáillicailli éeitiaoi. ¹⁶ Iemo dáititiaoi:

—¡Aii. Áillue jófuedio nii dúerena! Naui ñuera ráifide úzecuiro jítádingo izóidío. Daje izói o comini jáirede ráifide iníroi, íemo morádon a eroide ráifide iníroi jítáfirediaoi. Afe lezica oro íena finóritiaoi; daje izói ráifide nofici finoína raana finóritiaoi, íemo jái ‘perla’ daina zíriona jítáfirediaoi. ¹⁷ Iemo dáaruido naado aillo ráaniai niné táinocaide.

Daje izói nana ‘barco’ daina áillue nocáe ocuúllaini, naa afécaedo jáidino diga, áfena jacíruillano oni jícarie ítiaoi; daje izói afécaedo táijidinori naa jáífodo monáillajimo táijide comíniri oni jícarie ítiaoi. ¹⁸ Iemo afe jofue bóua uílliana cióillano caillidiaoi:

—Bie izoide naui áillue jófuena, ¿Ninomo cíoitica? Bie izoide jofue jaca íñeite, —daidiaoi.

¹⁹ Iere zúucaillano íaioi ífomo énie júdaidiaoi. Daí ñiano cáillicailli éediaoi. Daidiaoi:

—¡Aii! ¡Áillue jofue nii dúerena! Nana monáillajimo ráaniai fecáfiredino afe ráaniai o comini úamona afémaci aillo úcuberediaoi. ¡Mei íadi dáaruido afe áillue comini jofue ja niné táinocailla! —daidiaoi.

²⁰ Afe mei áfena ciódímie daide:

—Monamo itínuaiai, mai afe áillue jofue táinocaillari omoi íóbiri. Uáfueza, Jesucristo orécano, naa Juzíñamui dibénedo úritinori mai íóbiri, naa Juzíñamuimo jaináidino diga. Mei Juzíñamui afengo niné táinocaitajado, omoi duere zefuítaja ñue jaicina iba ote, —daide.

²¹ Afe mei riírede Juzíñamui abi ímie áillue nofici caifo raiñode. Afeci áillue ‘molina’ daina trigo llaira mérede nofici finoína eroide. Caifo ráiñuano afécina monáillajimo dotade. Dótajano daide:

—Afe bie izói áillue Babilonia jofue ana cáicoizite, íemona jaca ninomo meine cóñeille. ²² Benómona jaca o cígido joide iomo ‘arpa’ daina rua roia taiga raa rúaniaina meine cácaiñeille. Daje izói totíbacui uai naa bainada uai diga ja meine cácaiñeille. Afe izói nana jíáiforie táijiana baitádinomona buna fiébiñena. Iemo daje izói dobérilla ficirena izói ‘molina’ daina nofici uaina cácaiñeille. ²³ Afe daje llezica o jófuiái eromo bóofirede mechera izói boode ráaniai abido bóoñeite. Iemo aféruimo áirena llezica irázie caimare ficirerie íaioi úrilla uáillaina meine jaca cácaiñeille. Mei nauí omo ite ráaniai fecáfiredino bínie comínimona jamánomoidiaioi íadi, ja birui afe caimárede uaillai cácaiñeille. Nauí aféruimo aima bífuefirena uai izóidedo náiraiaína jífuefiredio; mei íadi afe jífuefirena ona nabáiñede.

²⁴ Mei uafue, afe o jofue cígimo Juzíñamui dibénedo úrífiredino díena ciona. Daje izói Juzíñamuimo jaináidino naa jíáie bíníemo fagano díena afénomo ciona. Afe ciona die, afe jofue comíni jíáimaci títaja ícoína daí illa jana, — daide.

19

¹ Afe bie méfomo monamo ite aillo comíni ficírede uáillaina cacádícue. Daidíaiói:

¡Aleluya! Cai jíllonano cai Juzíñamuimo dúide.

Daje izói iere ebíredífue afémíemo mamérede, íemo naa ñuera ríino diga.

² Mei afémie ñue jaícina ua uaido iere riire jíacánofíredeza.

Afe iere jiruúredíngona afémie riire duere finótateza.

Afengo iere ie jiruúrenado énie comínina íáire finode.

Juzíñamuimo tájítagano tilla iba aféngomo oga, daidíaiói.

³ Nane dáanomo daidíaiói:

—¡Aleluya! mei afengo jobailla uíllie jaca ninomo llícaíñeno uillíoite, — daidíaiói.

⁴ Afe llezica veinticuatro dígade éicomíni, íemo jíái cuatro diga cáadímiaíi diga, ana éniemo bíjicaillano, Juzíñamuimo caimátaidiaioi. Illaíma ráiiranomo ráiide Juzíñamuimo caimátaiillano daidíaiói:

—¡Daiítadeza! ¡Aleluya! —daidíaiói.

⁵ Nane afe mei illaíma ráiiranomona jíáie uaina cacádícue; aféuai daide:

—Cai Juzíñamuimo nana afémie ocuícano afémíemo ñúefuiaíi omoí mameri.

Daje izói íena caimare jacírúitino, illáicomíni naa jiba comíniri, ñúefuiaíi afémíemo jónefireiri.

Cordero daina Cristo áirena rafue

⁶ Nane daje izói aillo comíni uaillai izóidena cacádícue. Afe uaillai aillo imánillai ficirena izói ficírede, íemo jíái afe uaillai ficire mona gíría ficirena izói ficírede. Afe uaillai daide:

¡Aleluya! Jamánomo riírede cai ocuide Juzíñamui nane meine como ócuite.

⁷ Maí cai íóbilli; daje izói iere caimare cai illi.

Afémíemo ebíredífue cai mamelli.

Mei Cordero áirena izóidíruimo ja dúcidez.

Afémie aí izóidínona jíitino ja ñue finóbidaíaiói. Afémaci Crístomo ua ñnotímaci.

⁸ Ráifide úzecuirona jitárediaioi.

Mei uafue, iáinino quenírediroi Juzíñamui afémacina jitátaga.

Mei afe ñuera ráifide úzecuiro Juzíñamuimo jaináidino comécina jaícina jóoina jánaza.

⁹ Iemo Juzíñamui abi ímie cuena daide:

—Mai cúeiri: Cordero áirena ráfue mo uáidogano ja caimare itiaioi, —daide.

Nane cuena daide:

—Bíuai Juzíñamui lloga ua uai, —daide.

¹⁰ Iemona afe Juzíñamui abi ímiemo cue caimátaillena ie anamo dújudicue. Mei íadi afémie cuena daide:

—Cueno daí íñeno, mei o izói cue Juzíñamui ocuícamiedicueza. Jii, Jesús llócaiga ua uaimo féitañeno ínote o ámatiai izóidicue. ¡Cueno caimátaíñeno; Juzíñamuimo cáimatai! —daide.

Mei afe Jesús llócaiga ua uai, Juzíñamui dibénedo lloga uailai jino llotino comeci úritade.

Uzerede cabállomo ráicaidimie

¹¹ Nane afe méifomo mona tuñuana ciódicue. Afénomo úzerede caballo cíocaide. Afe emódomo ráicaidimie mámecei “Fiel” íemo jíai “Verdadero” dainámie. Mei afémie ñue jaícina illáfuedo ocuúdeza; daje izói áfede fiénidino diga fuirítateza. ¹² Ie ui irai bóua izói quere cíoide. Ie ifócimo diga illaíma jitáracuifoi jitádoide. Daje izói afénomo dama ie onoiga mámecei cúeina. ¹³ Afémie jitácauiro díemo mutácaroi. Afémie mámecei Juzíñamui Uai. ¹⁴ Afe llezica nana monamo ite Juzíñamui ocuica fuirídino afémie ódana jáidiaioi. Afémaci ráifide úzecuiro jitáoidiaioi. Aferoi jaca iáinide. Baie nana afémiedo jáidino úzerede cabállomo ráicaidiaioi.

¹⁵ Afémaci ifódimie fuémoma jáirede lloefai jino bite, áfede nana nairai boféllena. Afe llezica afémie lloébici izóidedo náiraíaina ócuite. Vino finócanomo úvaiai iduillena riire záizia izói, afe izói afémie afémacimo iere riire jicánoite. Iemo jamánomo rínorede Juzíñamui ráicaillamona cómuite iere duere finóillifue, vino jirótaja izói afémacina duere finótaiteza. ¹⁶ Ie inícuio emódomo jitácauiromo cuega mámecei illa. Daje izói ie riázimo cuega. Afeci daide: “Nana illáinimona Jamánomoidillaíma,” íemo jíai “Nana Ocuídinomona Jamánomo Ocuídimie.” Afémie nii cai Ocuíraíma Cristo.

¹⁷ Afe mei Juzíñamui abi ímie jitoma riire egáíñuanomo naidáinana ciódicue. Afémie nana mona erodo féedinuiai ficire júrite; daide:

—Juzíñamui finoca áillue güille nana dáanomo omoi riáibi, ¹⁸ mei benomo illaini íeizi ríitiomoiza, naa fuiríraíni illáicomini íeizi diga. Dáanomo íocirede fuiríredino íeizi ríitiomoi, naa caballo íeizi diga. Daje izói afe emódodo ráicaidino íeizi ríitiomoi. Iemo nana fiébidino íeizi ríitiomoi. Buna ráiruíñegano, daje izói jacire ráiruícano, íemo jíai jamáimaci íeizi, naa jamánomoidimaci diga daje izói ríitiomoiza, —daide.

¹⁹ Afe mei afe jacire eroide ríllena ciódicue naa bínie illáicomini naa íaioi fuiríraíniai diga. Nana bimaci fuiríllena dáanomo ofidiaioi. Afémaci afe úzerede cabállomo ráicaidimie diga fuirízaíbitiaioi. Afémie “Juzíñamui Uai” dainámie. Daje izói afémie canode fuiríraíni diga fuiríllena maméritiaioi. ²⁰ Afe mei afe jacirede rille, taino uai jino llócaidimie diga ja llaveca. Afe taino uai jino llotimie, jacirede rille eróicana, jacínaitade cíorainina raa ciótate. Aféfuiaido

afe taino uai jino llotímie, nana afe jacírede rille mámecina cuetátaganona jífuete. Daje izói afe jacírede rille jánaraimo caimátainona afémie jífuete. Iemona ‘monstruo’ daina jacire eroide rille, daje izói taino uai jino llotímie, cáanori dáanomo duere finolle jorai izoide bóodiimo dotácaiaillinoi. Afe jorai izoide duere finóllino iere uzire boode. ²¹ Nana afemona fiébidino úzere de cabállomo ráiicaidimie fuémoma bite lloéfaido titácaiaioi. Iemona nana féedinuiaí bie titácano ráiibillano íaioi íeiziri jéirediaioi.

20

Mil diga fimona dino comini caimare íitiaioi

¹ Bifue méifomo ángel dainámie Juzíñamui abi ímie monámoma ana bíllana ciódicue. Afémie afe fiénide jóríai íbáirafo zuitara llave naa áillue llójeo diga llíicabite. ² Afe bie Juzíñamui abi ímie ‘dragón’ daina jáiaira áillue jaio lláitano anáfenode. Afe jaio jíáifodo mameina Taife, dáamie Satanás. Anáfenuano afémiena mil diga fimona llaveca. ³ Ana fiénide jóríai íbáirafo mo óriano íena llavede. Lláviano afe nazemo ‘sello’ daina “buna zuitánide” daide raa jóonete. Daí fimoca náiraiaina mil diga fimona dinori jífueñeillena. Afe mil diga fimona jaille méifomo, afémie nano íanori zuitalle.

⁴ Afe mei illaini ráiiranuaina ciódicue. Afénomo ráiedino iere riire jíacánolle ríinona ígáiaioi. Afe dáaruido ífóciaina jáicoicano coméciaina ciódicue. Afémaci Jesús jáicina lloga Juzíñamui uai íaioi llócailla ícoina ífócina jaitácaiaioi. Afémaci afe jacire eroide ríllemo caimátaiñediaioi; daje izói afe jánaraimo caimátaiñediaioi. Daje izói afémaci ozócimo ie mámecie cuetátaiñediaioi, íemo daje izói íaioi ónoimo. Afémaci abi meine abido cáaillano mil fimona dino Cristo diga illáimaitiaioi. ⁵ Afe bie meine abido cáadino, nanóidino meine cáaillruimo abido cáaitiaioi, jae cai daina Cristo diga illáimaillena. (Mei íadi jíáie tíidino mil diga fimona záíñena dino meine abido cáaiñeítiaioi.) ⁶ Nana afe nanoide cáaillruimo meine abido cáaitino caimare íitiaioi. Daje izói afémaci Juzíñamui ñue finócano. Afe méifoide tulle afémacimo jaca jíriñeite. Mei íadi afémaci comínido Juzíñamuimo úrifireitinona íitiaioi; daje izói Cristo íeiena zíiñona íitiaioi. Iemona mil fimona dino afe Cristo diga illáimaitiaioi.

⁷ Afe mil diga fimona záilla méifomo, Taife ie llavéinafomona zuitalle. ⁸ Jáillano nana énie náiraiaina jífueite. Aféruído “Gogna” mámecirede náiraina jífuaite, “Magog” daina náiraina diga. Afe náiraiái fúiritinuiaína Taife dáanomo jofo óite, íraicaiño fuiríllena. Afémaci monáillajimo íte guamai dígadeza facádonidiaioi. ⁹ Afemona énie nániena afémaci iere oruúbicaite. Iemona Juzíñamuimo jaináidino illánona nágafene fállena cirínotiaioi. Afe illano Juzíñamui izíruiga Jerusalén daina jofue; áfena cirínotiaioi. Mei íadi Juzíñamui monámoma irái afémacimo orede. Afe iraido fiébiñeno cóonaitiaioi. ¹⁰ Afe llezica afémaci jífueoicaide Taife boode jóríamo dotaca. Afe jorai iere uzire boode. Afe dáanomo jacire eroide rille, íemo jíái taino uai jino llócaidimie nauí dotaca. Afénomo mona naio diga jaca ninomo zíiñona iere duere finócaiaioi.

Aillue úzere de ráiirano illaíma íe, íemo afe uícomo iere riire jíacánollino cioina

¹¹ Afe méifodo áillue úzere de ráiirano illaíma íena ciódicue. Íemo afénomo ráiidimiena ciódicue. Afémie uícomona nana énie mona diga niné cióbicaíñena.

Afe mona énie diga illino jae ifñede; jae niné táinocaidiaioi. ¹² Daje llezica Juziñamui uícomo nauí Juziñamuimo íñoñeno tíidino naidáienana ciódicue. Afeno jamánomoidinori naa jamáimaciri dáanomo naidáiediaioi. Afe llezica comini finócafuiái cuiánicuai túide. Daje izói afénomo jiáie ziiñona íitino mámeçi cuiánico túide. Bie tíidino íaioi finócafuiái íllaze riire jicánogaiaioi, mei afe íaioi finócafuiái cuiánicomo cúeina dieze riire jicánogaiaioi. ¹³ Afe llezica monáillajimo báide tíidino meine abido Juziñamui uícomo caifo náidacaitagaiaioi. Daje izói nana jiáiforie tíidinuai íaioi tíillanomona meine abido Juziñamui uícomo caifo náidacaitagaiaioi. Afe nana náidacaitagano íaioi finócafuiái íllaze afémacimo riire jicánogaiaioi. ¹⁴ Afe mei ‘muerte’ daina comini tíillafue boode jóraimo dotaca, ie mei niné táinocaide. Daje izói dáanomo nauí tíidino íbáinaço afénomo dotaca. Dotaca mei niné táinocaide. Afe bie boode jorai, íraie tíillana mameide. ¹⁵ Iemo afe ziiñona itino mámeçi cuiánicomo mámeçina cúeñegano afe boode jóraimo dotácaiaioi.

21

Comue mona comue énie diga

¹ Afe méifodo comue mona, comue énie diga ciódicue. Mei nanoide mona nanoide énie diga ja niné cióbicaifñenaza. Daje llezica monaillai jae ifñede.

² Afe llezica comue Jerusalén daina íaifuenide jofue, Juziñamui uícomona monámona ana bíllana ciódicue. Afena ciódimiedicue, Júaadícue. Afe jofue, óllena jicánoga ringo ebire finóbina izói ebire cíoide. ³ Iemo monámona ficire dáinana cacádicue. Afe uai daide:

—Ero, comini cigiri birui Juziñamui illa. Afémaci diga ífireite, íemo afémaci afémie comínina íitiaioi. Ja birui dama afémie afémaci cigiri íite, afémaci Juziñamui íe íllena. ⁴ Juziñamui afémaci ui jémena zafénaitaite. Aféruimo tíille íñeite. Daje izói eia íñeite, íemo jiái duere zefuillamona eia íñeite. Daje izói comini abi izírena íñeite, mei jiaiaí itífuiái jae záaideza.

⁵ Iemo illaíma ráiiranomo ráiidimie cuena daide:

—Ero. Nana cómuena méidotícue.

Iemo nane daide:

—Bie uai iere ua uaiza, mai cúeiri. Daje izói bie uai iere íinofiregaza, — daide.

⁶ Nane afe mei cuena daide:

—Ja ñue ícoimo finócaza. Cue bie naga ráfuiaina nai cómuifñenia uímodo íitímiedicue. Daje izói dáamiedicue fuillínomo íitímiedicue. Abecedario A-mona táinia izóidímiedicue. Daje izói abecedario Z-mo fuizajilla izóidímiedicue. Jáinoína jirócadimie ñúejina jirótaja izói, afe izói ñúefuiái dibénemo íacadimie raiñóñeno afémie ziiñona ílláfueña ífireitícue. ⁷ Fíénidena anáfenodimie nana bíena feci raa fia máíñua izói, máíñoite. Afe llezica afémie Juziñamuitícue, íemo daje llezica afémie cue jítoite.

⁸ Mei íadi nana íñoñedino dibéfodo duere zefuille afémacimo dúide. Uáfueza, ñúefueña jacírutino daje izói íñoñedino, íemo jiáimana éoidino, íemo jiáimana titádino, íemo jiái jiruífueña finófredino, íemo jiáima fue gáiana fibídino, íemo jiái jánaraimo caimátaidino, íemo nana táinona úritino; nana bie izóidino boode jóraimo dotárediaioi. Afe jorai iere uzire boode. Afe bie boode jorai íraie tíillana mameide, mei afénomo dotácano jaca ninomo Juziñamuimona oni eneno duere finócanona íitiaioiza.

Comue Jerusalén

⁹ Afe mei siete dígade ángeles dainámaci Juzíñamui abi imácimona daa cuemo úrizabite. Afémie naui Juzíñamui ocuica siete dígade líraie jacírede duere fínuana oruide ichecoí uitímie. Afémie cuena daide:

—Ero, Cordero ai izóidena jáitínona o ácataitícue, —daide.

¹⁰ Iemo Juzíñamui Ñuera Joreño bie izóidena nicaí anado cuena cíotote. Afe Juzíñamui abi ímie áillue caifónedumo cue uite. Afénomo monámoma Juzíñamui uícomona ana bite jamánomo ñuera Jerusalén jofue cuemo ácatate. ¹¹ Juzíñamui abi ebire quenírena izóí afe jofue queníríe cíoide. Daje izóí iere ráifide nofíci quenírena izóí queníríede. ‘Jaspe’ daina nofíci vidrio enéfecomo cíoina izóí cíoide. ¹² Afe jofue jinófenedo nágafene áillue cirínuaibairo raa ite. Afe cirínogamo doce dígaze naze ite. Iemo illa diga nazemo Juzíñamui abi ímie naidaina. Iemo afe náziaimo doce dígade Israel nairai mámeiciai cúeina. ¹³ Afe jofue náziaimona, fuirífenemo dazeámami ite. Iemo jíáie dazeámami onífenemo ite; íemo jíáie dazeámami féifenemo ite; íemo jíáie dazeámami afáifenemo ite. ¹⁴ Afe jofue jinófene cirínua anamo nofíci finoina mozíoidibani doce dígade. Illa dígabanimmo Cordero nágagobiaimo orécana ‘apóstoles’ dainámaci mámeiciai cúeina.

¹⁵ Afe cue diga úrite Juzíñamui abi ímie, oro finoina facáradozi llíide, afe jofue facállena. Daje izóí ie náziai facállena, íemo jíái afe jinófene cirínua facállena.

¹⁶ Afe jofue fueda nagaámariede; nágafene daje dinóríede. Ie árrera díbene daje dinóríede; íemo ie ruica díbene daje dinóríede. Afe Juzíñamui abi ímie ie llíiga radózido jofue facade. Facádemo dos mil doscientos kilómetros árrera. Daje izóí ruica diné eróicana dos mil doscientos kilómetros. Iemo caifo diné eróicana jíái daje izóí dos mil doscientos kilómetros. Nágafeníai daje dinóríede. ¹⁷ Afe mei jinófene cirínuaibani facade. Facádemo sesenta y cuatro metros caifo ite. Afena Juzíñamui abi ímie come facáfírena izóí facade.

¹⁸ Afe jinófene cirínuaibani ‘jaspe’ daina nofíci finoina. Afe jofue íáinide oro níina. Ñue enéfecomo cíoide vídriona eroide. ¹⁹ Jinófene cirínua anamo mozíoidibanillai nana jíáiforiede ráifide nofíciáido ebire ñue finoca. Nanóidibani ‘jaspe’ daina nofícido ebire ñue finoca, íemo jíáibani ‘zafiro’ daina nofícido ebire ñue finoca, íemo jíáibani ‘ágata’ daina nofícido ebire ñue finoca, íemo jíáibani ‘esmeralda’ daina nofícido ebire ñue finoca, ²⁰ íemo jíáibani ‘ónice’ daina nofícido ebire ñue finoca, íemo jíáibani ‘cornalina’ daina nofícido ebire ñue finoca, íemo jíáibani ‘crisólito’ daina nofícido ebire ñue finoca, íemo jíáibani ‘berilo’ daina nofícido ebire ñue finoca, íemo jíáibani ‘topacio’ daina nofícido ebire ñue finoca, íemo jíáibani ‘crisoprasa’ daina nofícido ebire ñue finoca, íemo jíáibani ‘jacinto’ daina nofícido ebire ñue finoca, íemo jíáibani ‘amatista’ daina nofícido ebire ñue finoca. ²¹ Afe doce dígade naze íbáirabaci áillue perla. Illa dígaze daa perla ie finoina. Afe jofue cígido joide áillue macárao íáinide oro finoina. Afe macárao enéfeomo ñue cíoide vídriona eroide.

²² Afe jofue eromo Juzíñamuimo gairíracó jaca ninó daa cíoñedicue; mei jamánomo ríinorede Juzíñamuimo ebena nágafeníaimo caimátaidiaioiza. Afémíena jíáifodo daina cai Ocuíraíma. (Afe jofue gairíracó Juzíñamui abiza.

Daje izói jiái Cordero abiza.) ²³ Afe jofue jitómado egáiñuamo dúíñede; daje izói fiuido egáiñonide. Mei afe jofue Juziñamui abimo ite ebírede quenírededo egáiñogaza. Daje izói jiái Juziñamui Cordero afe jofue egáiñogaza. ²⁴ Nana jíllo taga nairai afe jofue egáiñuado mácaitiaioi. Bínie nairai illaini afe jófuemo íaioimo ite aillo ebíriede illaíma daiíllena ráaniaína átíitíiaioi. Atiano Juziñamuimo, íemo jiái Crísto mo izájitiaioi. Daje llezica afe jofue ocuídímie íaillínomo aillo ñúefuena mámeitiaioi. ²⁵ Afe jofue naze jaca monari íbáiñelle. Iemo afénomo jaca mona náuíñeite. Jira náziai íbáillirui íñeite. ²⁶ Enie náirai íaioimo ite ebíriede ráaniaína afénomo átíitíiaioi. Daje izói afénomo aillo ñúefuiai mámeitiaioi. ²⁷ Mei íadi comécina íáiredino jaca afénomo jofo jáinide. Daje izói comécina éoidino dinomo jofo jáinide, naa taino llotínori. Dama zííñona íitino mámece cueránicomo mámeceina cuegámace dani afénomo jofo jaille. Afénico Cordero daina Jesucrístomo ite.

22

¹ Afe mei Juziñamui abi ímie íáinide imánina cue ácatate. Afémani jainoi cómena zííñona cáatate. Afeji vidrio enéfenemo uáfóri cioina izói cíoide. Afe imani Juziñamui illáimana ráíiranomona tote. Afe ráíirano daje izói Cordero ie. ² Afe jofue cígido áillue macárao illa. Afe macárao dáafenedo comínina zííñona cáatate aménaiai riina. Daje izói afénomo ite imani fuédado nágafene daje ie aménaiai riina. Afe aménaiai illa diga fiui llizífirede. Iemo jiái afe aménaiai íbiai nairai ñue manóllena íte. ³ Aféruillaido afénomo faidórafuena jae íñeite. Juziñamui illáimana ráíirano afe jófuemo íte; daje izói Cordero ráíirano afénomo íte. Ie ocuífíregano daa afémíemo caimátaitaioi. ⁴ Afe llezica afémace Juziñamuimo, meáiruiñeno jofo conímamo éroitíiaioi. Afémace ozócimo afémie mámece cúeina. ⁵ Afénomo mona jaca náuíñeite. Afénomo ítino mechera izoide egáiñuana jítaiñeitiaioi. Daje izói jítoma egáiñuana jítaiñeitiaioi, mei cai Ocuide Juziñamui íaioína egáioite. Iemo afémace jaca ninomo zííñona illáimaitaioi.

Jesucristo billirui ja ánozide

⁶ Afe méifomo Juziñamui abi ímie nane cuena daide:

—Bie uai iere ua uaiza. Daje izói bie uai iere íñofíregaza. Afe cai Ocuíraíma nauí Juziñamui uai jino llóraini comécimo úritímie. Afémie birui ie abi ímie orede, ie ocuícacimomo raire cómuítífuiaína onótallena, —daide.

⁷ Iemo Jesucristo daide:

—¡Raíre bitícue! Binícómo cuega Juziñamui uáíllaina jíeruitímie caímare íte, —daide.

⁸ Cue Juáadicue. Bífuiaina cacádicue, daje izói bífuiaina cíodicue. Bífuiaina cacáíllano, íemo daje izói cue cíona méifomo, cuemo ácatate Juziñamui abi ímie anamo dújudícue afémíemo caimátáíllena. ⁹ Mei íadi afémie cuena daide:

—Jadíe izói cuemo íñeno. O izói Juziñamui ocuícamedícue. Daje izói Juziñamui díbénedo úrífirede o ámatíai izóidícue. Iemo jiái binícómo cuega uáíllaina náfuétino izóidícue. Cuemo caimátáíñeno; dama Juziñamuimo caimátáífireiri, —daide.

¹⁰ Nane dáanomo cuena daide:

—Binícómo cuega Juziñamui uaina báinino o comécimo jóneñeno o iri. Mei bífuiái ícoimo ñue fuizájíllirui ja ánozideza. ¹¹ Nai bie fuiñena llezica, fiénidímaci íaioi finófírega fiénidífuena dama íaioi finócaza. Fia eroi, mei afe izói íaioi íllado jamánomo duere finólliaioiza. Daje izói comécina íáiredino

dama comécina íaireoicaideza. Fia eroi, mei áfedo duere finólliaioiza. Mei íadi ñue itino íaioi illa baimo ñue iri. Daje izói Juzíñamui íena ñue finócamie fáicanocaiñeno afémie íena ífireiri, —daide.

¹² Iemo Jesucristo daide:

—Jii, raire biticue. Illa dígamíemo cue fecalle fia jirídoga izoide raa atídícue. Illa dígamíemo afémie finoca dieze fécaítícue. ¹³ Nanóidímíedicue. Iemo jíai íiraímíedicue. Daje izói naga ráfuiaí uícodo itímíedicue. Daje izói fuizájillanomo itímíedicue. Iemo jíai abecedario A-mona táinia izóidímíedicue. Daje izói abecedario Z-mo fuizájilla izóidímíedicue.

¹⁴ Íaioi iníroina jocófiredíno izói, comeci ífue ñuérana méidotino caimare itíaioi. Íemona cáatate amena llizíllana güírediaioi. Afe bie izói daííacade zííñona íaioi illena. Daje izói íaioi iníroí ñue jócuamona, afe jofue nazedo Juzíñamui illánomo jofo jáirediaioi. ¹⁵ Mei íadi comécina íairedíno afénomo jofo jáinidiaioi. Iemo daje izói jíáima fue gáiana fibídino, íemo daje izói nana jíáíforiede jiruífue finódino, daje izói cómena méinetino, daje izói jánaraimo caimátaidino, daje izói jíáie comínna íere jífuefiredíno, naa afe izoide fibídinori; nana bie izoide comíni afe jófuego jofo jáinidiaioi; jáíñeno jino fiébitiaioi.

¹⁶ Cue Jesúsícue. Juzíñamuimo ua jáináidínomo nana bífuiaí jino llóllena cue abi ímie ja cue oreca. Jáiaí illaíma David comuilla moi ímíedicue; daje izói afémíemona jebuídino comuítagamíedicue. Iemo íere egáíñote monáíracudu izóidímíedicue, —daide.

¹⁷ Iemona Juzíñamui Ñuera Joreño daide:

—Mai bí, —daide.

Daje izói Cordero aí daína afémíemo ua jáináidíno íena daide:

—Mai bí, —daide.

Daje izói bíuailaina cacadíno afémíena:

—Mai bí, —omoi daííri.

Iemo Cristo daide:

—Jiróacaitímie zííñona cáataite jáínoina íbáñeno mai fia jíruaíbiri. Afe bie izói daííacade zííñona illáfuenta óiacadímie mai cuemo bí; raííóñeno omo fécaítícueza.

¹⁸ Nana binícomo cueda Juzíñamui uaimo cacáreidínona bie izói llétaitícueza, cacai: Dáamie bie ráfuenta baimo zotáadi, Juzíñamui binícomo cueda jacírede duere ínuaniaina afémíemo jóoneite. ¹⁹ Daje izói binícomo cueda Juzíñamui uáimona dáamie daa uai oni óiadi, Juzíñamui afe zííñona cáaitíno mámeceí cuiánícomo cueda afémie mámeceína oni óite. Daje izói binícomo lloga nífuenide jófuego Juzíñamui afémíena jofo jáítañeite. ²⁰ Bífue jino llotímie nane dáanomo llote:

—Jii, raire biticue, —daide.

Afemona Juan daide:

—Aquíe izóideza. ¡Cai Ocuíraíma Jesús, mai bí!

²¹ Cai Ocuíraíma Jesucristo nana ómoína ñue íñoiteza. Daíítadeza. Jae níie.